


Dios oca
gotirituti



New Testament in Barasana-Eduria (CO:bsn:Barasana-Eduria)

Dios oca gotirituti

New Testament in Barasana-Eduria (CO:bsn:Barasana-Eduria)

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022
b6661d38-f021-5259-8010-5dec5b9ba28d

Contents

SAN MATEO	1
SAN MARCOS	55
SAN LUCAS	88
SAN JUAN	145
HECHOS	184
ROMANOS	228
1 CORINTIOS	248
2 CORINTIOS	267
GÁLATAS	280
EFESIOS	288
FILIPENSES	294
COLOSENSES	299
1 TESALONICENSES	304
2 TESALONICENSES	308
1 TIMOTEO	311
2 TIMOTEO	317
TITO	322
FILEMÓN	325
HEBREOS	327
SANTIAGO	343
1 SAN PEDRO	348
2 SAN PEDRO	354
1 SAN JUAN	358
2 SAN JUAN	363
3 SAN JUAN	364
SAN JUDAS	365
APOCALIPSIS	367

Evangelio según SAN MATEO

Jesús rĩjoro ñamasiriarã ĩna vãme cutimasire queti

(Lc 3.23-38)

¹ Jesús ñacami “Rotimurögörcucja mu” yigu, Dios ĩ cõar'i, Abraham ñamasir'i, to yicõari, Uju David ñamasir'i jãnam. Tire mua masisere bojagu ñari, ĩ ñicua vãmere muare gotigugu yaja yu. Ado bajiro vãme cutimasiñujarã ĩna:

² Abraham ñamasir'i macu ñamasiñuju Isaac.

Isaac macu ñamasiñuju Jacob.

Jacob macu ñamasiñuju Judá. To yicõari, gãjerã ĩ bederã quẽne ñamasiñujarã.

³ Judá rĩa Fares, to yicõari, Zara ñamasiñujarã. ĩna jaco ñamasiñuju Tamar.

Fares macu ñamasiñuju Esrom.

Esrom macu ñamasiñuju Aram.

⁴ Aram macu ñamasiñuju Aminadab.

Aminadab macu ñamasiñuju Naasón.

Naasón macu ñamasiñuju Salmón.

⁵ Salmón macu ñamasiñuju Booz. ĩ jaco ñamasiñuju Rahab.

Booz macu ñamasiñuju Obed. ĩ jaco ñamasiñuju Rut.

Obed macu ñamasiñuju Isa'i.

⁶ Isa'i macu ñamasiñuju Uju David vãme cutigu.

David macu ñamasiñuju Salomón.

ĩ jaco ñamasiñuju Ur'ias ñamasir'i manajo.

⁷ Salomón macu ñamasiñuju Roboam.

Roboam macu ñamasiñuju Ab'ias.

Ab'ias macu ñamasiñuju Asa.

⁸ Asa macu ñamasiñuju Josafat.

Josafat macu ñamasiñuju Joram.

Joram macu ñamasiñuju Uz'ias.

⁹ Uz'ias macu ñamasiñuju Jotam.

Jotam macu ñamasiñuju Acaz.

Acaz macu ñamasiñuju Ezequ'ias.

¹⁰ Ezequ'ias macu ñamasiñuju Manasés.

Manasés macu ñamasiñuju Amón.

Amón macu ñamasiñuju Jos'ias.

¹¹ Jos'ias macu ñamasiñuju Jecon'ias. To yicõari, ĩ bederã quẽne ñamasiñujarã. To bajiro ĩna baiñariju, Israel sitanare ñejecõari, Babiloniana ĩnare juamasiñujarã, ĩnare rotiajeruarã.

¹² Quẽna Jecon'ias macu ñamasiñuju Salatiel.

Salatiel macu ñamasiñuju Zorobabel.

¹³ Zorobabel macu ñamasiñuju Abiud.

Abiud macu ñamasiñuju Eliaquim.

Eliaquim macu ñamasiñuju Azor.

¹⁴ Azor macu ñamasiñuju Sadoc.

Sadoc macu ñamasiñuju Aquim.

Aquim macu ñamasiñuju Eliud.

¹⁵ Eliud macu ñamasiñuju Eleazar.

Eleazar macu ñamasiñuju Matán.

Matán macu ñamasiñuju Jacob.

¹⁶ Jacob macu ñañuju José. ĩ ñañuju Mar'ia manaju. So ñañuju “Rotimurögörcucmi” yigu, Dios ĩ cõar'i, Jesús jaco.

¹⁷ Abraham rĩa jãnerabatia, David ĩ ñamasarijajune juaãmo cõro, gubo babari rãca jënituarirãcu ñasumasiñujarã. Abraham macu ñamasiñuju Isaac. Isaac macu ñamasiñuju Jacob. To bajiro mani cõiaruji vajama, David ĩ ñamasarijajune juaãmo cõro, gubo babari rãca jënituarirãcu ñamasiñujarã ĩna. Tiju bero, quẽna David macu ñamasiñuju Salomón. Salomón

macu ñamasifñuju Roboam. To bajiro mani cõiaruji vajama, Babilonia macaju Israel sitanare ña jua vamasirijauñe quëña juaãmo cõro, gubõ babari rãca jënituarirãcu ñamasifñujarã ña. Jeconias macu ñañuju Salatiel. Salatiel macu ñañuju Zorobabel. To bajiro mani cõiaruji vajama, “Rotimurögörucumi” yigu, Dios i cõar'i i ruyuarirodo juaãmo cõro, gubõ babari rãca jënituarirãcu ñamasifñujarã quëña.

Jesús i ruyuare queti

(Lc 2.1-7)

¹⁸ “Rotimurögörucumi” yigu, Dios i cõar'i, Jesús i ruyuare ado bajiro bajiyuju: I jaco ñaroco, Mar'ia vame cutigo ñañuju so. So manaju ñarocu ñañuju José. I rãca so ñaroto rñjoro, Esp'iritu Santo sore ejacõari, sore macu yiyuju i. Sore i macu yijare, macu sãñagõ ñañuju so. ¹⁹ José, so manaju ñarocu quëñagü ñañuju. To bajiro bajigu ñari, masa ñaro rñjorojua bojoneoro so tãmurõtire bojabesuju. To bajiri, masa ña ajibeto, “Mure bojabeaja yu”, sore yiruaboayuju. ²⁰ To bajiro tuoia i cãniatone, i cãjiriaroju Diore moabosagu ángel, ñe ruyuaifñuju. Ruyuaifñocu, ado bajiro ñe gotiyuju:

—Ajiya José, David ñamasir'i jãnam. Mar'iare manajo cutirua güibesa. Esp'iritu Santo sore i macu yijare, macu sãñagõ ñaamo so. ²¹ Macu cuorucocomo so. Ñe, Jesús ñe vame yirucuja mu. Masa rojose ña yise ñajare, Dios i masiriose vaja, vaja yirëtobosarocu ñarucumi i. To bajiro yirocu i ñajare, Jesús ñe vame yirucuja mu —Josére ñe yiyuju ángel.

²² “Ado bajiro bajiruaroja” Diore gotirëtobosamasir'i i yimasire ñajare, to bajiro yiyuju ángel. Ado bajiro yimasifñuju:

²³ “Rõmio, amua rãca ñabeco, macu sãñagõ ñarucocomo so. To bajiri macu cuorucocomo so. ‘Emanuel’ ñe yiruarãma masa”, yimasifñuju Diore gotirëtobosarimasu.

(“Mani rãca ñaami Dios” yire ñni ñaja “Emanuel” yirema.)

²⁴⁻²⁵ “Esp'iritu Santo suorine macu sãñaamo” ángel i yire ñajare, Mar'iare i ya viju amicoasuju José. Macu sãñagõ so ñajare, so rãca ñabetirügñuju. So cuoro bero, Jesús ñe vame yiyuju.

2

Ñocõa ña bajisere buerimasa Jesúre ña ñarã ejare queti

¹ Judea sita ñarimaca, Belén vame cuti macaju ruyuaryuju i. I ruyuarirodore ti sita uju, Herodes vame cutigu ñañuju. Jesús i ruyuario bero, Jerusalén macaju ejayujarã, muiju i jiadojua vadiriarã, ñocõa ña bajisere buerimasa. ² Ti maca ejacõari, sënifañujarã ña:

—¿Nore ñati jud'io masa uju ñarocu ruyuar'ima? Muiju i jiadojua ñocore ñabujacõari, “Toju ruyuagumi” yirã ñari, ñe rucuburoana vadiaja yua —yiyujarã ña.

³ To bajiro ña sënifacudisere ajicõari, toagu uju, Herodes buto tuoïagüiyuju, “Ijua, uju yu ñasere yure emarucumi” yituoïagü ñari. Ñe bajiro rñe tuoïañujarã ti macana Jerusalén macana quëña. ⁴ To bajiro tuoïagü ñari, paia ujarãre, Dios i rotimasire gotimasiorimasare quëña ñare jirëfñuju Herodes. Ña ejaro ñacõari, ado bajiro ñare sënifañuju i:

—“Rotimurögörucumi” yigu, Dios i cõarucuma, ¿noju, “Ruyuarucumi” yiyujari Dios ocare masa ña ucamasire? —Ñare yiyuju i.

⁵ To bajiro i yisënifaronne, ado bajiro ñe yicudiyujarã ña:

—“Judea sita Belén vame cuti macaju ruyuarucumi” yiucomasifñumi sīgü Diore gotirëtobosarimasu. Ado bajiro yaja i ucamasire:

⁶ “Judea sita ñarimaca Belén vame cuti maca, jairimaca me ñaboarine, ñamasuri maca ñaruaroja ti maca. Ti macagu uju ñamasugü ruyuarucumi. I ñarucumi yu yarã Israel sitana uju. Ñare quëñaro ñatirüñarucumi i, yiyuju Dios”, yiucomasire ña —Ñe yigotiyujarã Dios i rotimasire gotimasiorimasa.

⁷ To ña yisere ajicõari, quëña ñocõa ña bajisere buerimasare masa ña ajibeto ñare jiyuju Herodes. To yicõari, ado bajiro ñare sënifañuju i:

—¿Divato masu ñoco ruyuasurõ? —Ñare yisënifañuju.

⁸ To yigajano, Belénju ñare varotiyuju i:

—Vasa. Sũcare, quëñaro ñe macama. Ñe ñabujacõari, yure gotirã vaba. Yu quëña ñe rucuburogu varu yaja —yiyuju, ñare yitogu.

⁹ To bajiro i yirotsere ajicõari, i yirore bajirone vasujarã ña. To ña vatone, muiju jiadojua ñoco, ña ñar'i, ñare rñjoro cuti vasuju. To bajiva, tujarügñuju, sũca i ñaro veca. ¹⁰ Noco i tujarügüsere ñacõari, buto variquëña vasujarã ña, ñocõa ña bajisere buerimasa. ¹¹ Noco i ñaro ëñeroca ñarivi sãjacõari, ña ñajama, to ñañuju sũca, i jaco rãca. Ñe ñacõari, i rñjorojua gusomuniari tuetuejayujarã ña, ñe rucuburoquëñariorã. To bajiro yigajano, ña juavarere jãnacõari, oro, quëñase sutise to yicõari, mirra vame cutisere quëña ñe ñisifñujarã ña. ¹² To ña yiro bero, ña cãjiriaroju, “Herodes tu tudiabesa. ‘To ñagumi sũca’ yimasibeticõato i”, ñare yiyuju Dios.

To bajiri tire masicōari, Jerusalénju vamenane gaje maaju tudicoasujarā ĩna yuja, ĩna ya macaju.

Egipto sitaju Jesúre ĩna ũmato rudiare queti

¹³ Nocoa ĩna bajisere buerimasa ĩna tudiato bero, José ĩ cājiriaroju ĩre ruyauyuju ángel quēna. Ruyuaćōari, ado bajiro ĩre yiyuju:

—Yujiya. Sūcare, ĩ jacore quēne Egiptoju ĩnare ũmato rudiasa mu. Tone ñacōama maji. Mure yu gotiroju tudiaba. Herodes, Jesúre sīaru ĩre macarucumi —Josére ĩre yiyuju ángel.

¹⁴ To ĩ yijare, yujicōari, Jesúre, ĩ jacore quēne ñamine Egiptoju ĩnare ũmato rudicoasuju. ¹⁵ Toju ĩna ñatoyene bajirocacoasuju Uju Herodes. “Egipto sitaju yu macu ĩ ñaro ĩre jicōarucuja yu”, ĩre gotirētobosarimasu suorine Dios ĩ yimasire ñajare, to bajirone bajiyuju.

Uju Herodes rīamasare ĩ sīartire queti

¹⁶ Bajirocabeću, ñocoa ĩna bajisere buerimasa ĩre gotimenane, gaje maaju ĩna tudiarere ajicōari, buto jūnisiniñuju Herodes. To bajiri jūnisinigū ñari, Belén ñarāre, ti maca tuanare rīamasu jua cāma tusanare ũmuare, to yicōari, ĩna bero ruyuararāre quēne sīartijeocōañuju. Nocoa ĩna bajisere buerimasa, “Jua cāma tūasaju” ĩna yirere ajigu ñari, ĩnare sīartiyuju Herodes. ¹⁷ Raquel ñamasirio so rīare maigō, so otimasiriarore bajiro Belén macana ĩna rīare mairā, ĩna otirotire tuoīacōari, ado bajiro ucamasifūmi Diore gotirētobosarimasu Jeremias vāme cutigu:

¹⁸ “Ramā vāme cuti macago so rīare so tuoīa otise ruyuraroja. Oticōa ñarucocomo so, Raquel vāme cutigo, so rīare otigo. Gājerā, ‘Otibesa’ sore ĩna yiboajaquēne, ajibetirucocomo, so rīa ñamasiboiarāre godocutigo ñari”, yuucamasifūmi Jeremias.

¹⁹ Egiptoju José ĩ ñaro rijacoasuju Herodes. ĩ rijato bero, José ĩ cājiriaroju sīgū ángel ĩre ruyuaioñuju quēna. To bajicōari, ado bajiro ĩre yiyuju:

²⁰ —¡Yujiya! Jesúre, ĩ jacore quēne Israel sitaju ĩnare ũmato tudiasa. ĩre sīaruaboacana rijajedicoajama ĩna —Josére ĩre yiyuju ángel.

²¹ To ĩ yijare, yujicōari, Jesúre, ĩ jacore quēne Israel sitaju ĩnare ũmato vasuju José. ²² Maa vacu, ajiyuju José: “Herodes ñaboar'i macu, Arquelao vāme cutigu, ĩ jacure vasoagu Judea sitaju ñañuju”, yire quetire ajiyuju. Ti quetire ajicōari, gūigu ñari, toju varuabesuju. To bajiro bajigune, quēna toju cājiriañuju ĩ. Cājiriacōari, “Toju yu vajama, quēnabetoja. Galilea sitaju varucuja yu”, yituoīañuju. ^a ²³ Galilea sitaju ejacōari, Nazaret vāme cuti macaju ñagū vasuju. Diore gotirētobosarimasa, “Nazaret macagu ñarucumi ‘Rotimurōgōrucumi’ yigu, Dios ĩ cōarocu”, Jesúre ĩna yuucamasire ñajare, to bajirone bajiyuju.

3

Juan Bautista vāme cutigu, yucá manojū masare ĩ gotimasiore queti

(Mr 1.1-8; Lc 3.1-9, 15-17; Jn 1.19-28)

¹ Tirodori bero, Juan Bautista vāme cutigu, Judea sitaju yucá manojū ejayuju. ² Toju ejacōari, ado bajiro ĩre ajirā ejarāre gotimasiurūgūñuju ĩ:

—Yoaro mene ejarucumi “Rotimurōgōrucumi” yigu, Dios ĩ cōarocu. To bajiri rojose mua yisere yitujacōari, Dios ĩ bojasejuare yi yuya mua —ĩnare yirūgūñuju ĩ.

³ ĩne ñañuju, “Ado bajiro yirucumi” Diore gotirētobosarimasu Isa'ias vāme cutimasir' ĩ yuucamasir' ĩ. Ado bajiro ĩre yuucamasifūju Isa'ias:

“Yucá manojū sīgū masu ado bajiro goticudirūgūrucumi: ‘Mani uju ejarucumi. To bajiri, rojose mua yisere yitujacōari, quēnasejuare tuoīañu mua, ĩre yurā’ yirucumi sīgū”, yuucamasifūju Isa'ias, Juan ĩ bajirotire goti rīoro yigu.

⁴ Camello joane suariaro sñagū ñañuju ĩ. To yicōari, vecu gaserone vēñaricūñuju, ĩ sñasere. Nímia ba, to yicōari, beroa ocore idi, yirūgūñuju. ⁵ ĩre ajirā, jājarā masa ejayujarā. Jerusalén macana, Judea sitana, to yicōari, Jordán vāme cutigu tuana quēne ejayujarā, ĩre ajirā. ⁶ To bajiro ĩ gotisere ajirā ñari, “Rojose mani yisere Dios manire masirioato” yirā, “Rojose yirā ñaja yua” Diore ĩna yigotiro bero, Jordán vāme cutirisaju oco rāca ĩnare bautiza ñañuju Juan.

⁷ To bajiro ĩ yīñarone, fariseo masa, to yicōari saduceo masa quēne Juan oco rāca ĩ bautizasere bojarā ejayujarā. ĩna ejasere ĩacōari, ado bajiro ĩnare yiyuju Juan:

—Oco rāca muare yu bautizasere bojaboaja mua. Vātia uju rojose ĩ yirore bajirone rojose yijairā ñaja mua. To bajiro bajirā ñari, “Rojose yua yise vaja rojose yuare yibetirucumi Dios” yituoīa vadiboaja mua. ¿To bajiro mua bajise suorine rojose mua tāmurotire masibeatique mua? ⁸ Rojosere yitujacōari, “Quēnarā ñaama” masa muare ĩna yīlamasirotire

^a 2:22 Arquelao vāme cutigu ñaboarine, ĩ jacu vāmere bajiro Herodes vāme cutiyuju. ĩ ñañuju Jesúre sēñiabusaboacu, Pilato tujare Jesúre cōari.

yirã, quênasejuare yirügürõna ñaja mua. ⁹ Ado bajiro yituoĩabesa mua: “Abraham ñamasir'i jãnerabatia ñamasurã mani ñajare, rojose mani yise vaja rojose manire yibetirucumi Dios” yituoĩabesa. Adiari gütari rãca Abraham jãnerabatiare i godoveorujama, godoveomasigumi Dios —ĩnare yiyuju Juan. ¹⁰ —Oteriyucuri, rica mani yucurire bajiro bajiaja mua. Rica manijare, quẽareacõari, soereariarore bajiro yirucumi Dios. Tire bajirone yiecoruarãja mua quẽne, mua tuoĩavasoabetijama. ¡Quênase mua yibetire ñacõari, jeame yatibetimeju mure rearucumi Dios! —ĩnare yiyuju Juan.

¹¹ Gaje vãme ado bajiro gotiyuju Juan:

—Yũ berore yũ rëtoro masigũ ejarucumi. Ñamasurã rĩne ãre yibosamasiamã, ñamasugũ masu i ñajare. Rojose ña yisere yitujacõari, Dios i bojasejuare yirãre oco rãca bautizarũgũaja yũ. To bajiro yũ yirügũse ti quẽnaboajaquẽne, yũ bero ejagu i moaseja quẽnamasucõararoja. Ìma, Esp'iritu Santore cõamasirucumi, masare. I suorine “Dios i bojabetire yaja yua” yimasicõari, tuoĩavasoaruarãma —ĩnare yiyuju Juan.

¹² Gaje vãme ado bajiro masare gotiyuju Juan:

—Yũ bero ejagujama, trigo ajere besegure bajiro yirucumi, masare. To bajiri ti gasere yireacõari, soereariarore bajiro yirucumi, jeame yatibetimeju masare cõagũ, to yicõari, quênase cõrone juagure bajiro yirucumi, ãre ajitirãnurãre juavacu —ĩnare yiyuju Juan.

Oco rãca Juanre Jesũs i bautizarotire queti
(Mr 1.9-11; Lc 3.21-22)

¹³ Cojorũma Galilea sitaju ñar'i, Jordãn vãme cutirisaju vasuju Jesũs. Juan tũju ejacõari, oco rãca ãre bautizarotiyuju. ¹⁴ To bajiro ãre i yiboajaquẽne, oco rãca ãre bautizaruabesuju Juan: —Bajibeaja. No yigũ mure bautizamasibecuja yũ. Mujua, yũ rëtoro masigũ ñari, oco rãca yũre bautizarocu ñaja mu —Jesũre ãre yiyuju Juan.

¹⁵ To i yisere ajicõari, ado bajiro ãre yicudiyuju Jesũs:

—Yũre oco rãca mu bautizasere bojaami Dios. Ñãjediõ Dios i rotirore bajiro cudiroti ñaja manire —Juanre ãre yiyuju Jesũs.

To bajiro i yijare,

—Bau. To bajirone bojaroja —ãre yicudicõari, Jesũre oco rãca ãre bautizayuju Juan.

¹⁶ Jesũs i majarãgũrĩmarone ãmũagasero soje jãnacuasuju ti. Ti jãnarone, õ vecaju Jesũs i ãmũorone, bujare bajigu rujiadicõari, Jesũs joere rocajeoyuju Esp'iritu Santo. ¹⁷ Jesũs joere i rocaejarone, ado bajiro yĩ ocaruyuyuju õ vecaju:

—Yũ macu, yũ maigũ masu ñaja mu. Mu rãca buto variquẽnaja yũ —ãre yĩ ocaruyuyuju.

4

Dios i bojabetire vãtia uju, Satanãs, Jesũre i yirotiĩare queti
(Mr 1.12-13; Lc 4.1-13)

¹ Jesũs, oco rãca Juanre i bautizarotiro bero, yucũ manojũ ãre ãmato vasuju Esp'iritu Santo, “Satanãs i bojarore bajiro rojose Jesũre ãre yirotiĩato” yigu.

² To bajiri toju, yucũ manojũ juarã masa cõro ñarirũmuri, ñamiri quẽne tocãrãca ñamirine babecũne ñacõarũgũũuju Jesũs. To bajigu ñari, buto ñiorijayuju i yuja. ³ To i bajiro ñacõari, ado bajiro rojose ãre yirotiĩaboayuju vãtia uju, Satanãs:

—Dios macũne mu ñajama, adiari gütarine pan godoveoya mu —ãre yirotiiboayuju, Jesũre.

⁴ To bajiro Satanãs ãre i yiboajaquẽne,

—Yibeaja yũ. Dios oca masa ña ucamasire ado bajiro gotiaja: “Bare rĩne ñamasuse me ñaja. Dios ocare mani cudisejua ñaja ñamasusema. ‘Bare ti manijare, rijarearuarãja’ yire ti ñaboajaquẽne, Dios rijare i bojabetijama, rijabetiruarãja. ‘Caticõa ñato’ yigũ yimasigũ ñaami i”, yigotiaja Dios oca masa ña ucamasire —ãre yiyuju Jesũs.

⁵ To i yiro bero, Jerusalẽnju, Dios i beseria maca ñamasuri macaju Jesũre ãre ãmato vasuju Satanãs. To ejacõari, Diore yirucũbuoriavi joeju ãre ãmato mujasuju. ⁶ To ãre ãmato mujajecõari, ado bajiro yiyuju Satanãs:

—Dios oca masa ña ucamasire ado bajiro gotiaja:

“ãre moabosarimasa ángel mesare mure coderotirucumi Dios. Mu quedajama, ‘Gũta joeju rocajeocõari, i gubo jearomi’ yirã, mure boca ñiaruarãma ña”, yigotiaja Dios oca. To bajiri Dios macũne mu ñajama, adojuãe jatiquedi rujaĩasaque mu —Jesũre yirotiiboayuju Satanãs.

⁷ To bajiro i yiboajaquẽne, Jesũjuama, ado bajiro ãre yiyuju:

—To bajiro mu yisere cudibeaja yũ. “Dios i yiriarore bajiro yure boca ñiaruarãma ángel mesa” yigu, yũ jatiquediĩajama, Dios i bojabetire yigu yiguja yũ. Gajeye ado bajiro gotiaja Dios oca masa ña ucamasire: “ ‘Dios, ‘Yirucuja’ yiyumi’ yituoĩacõari, ‘To bajiro masu yirũ

yiyyujari' yimasiruarā, mwa tuoīarore bajiro mwa yiajejama, quēnabeaja", yigotiaja Dios oca masa ina ucamasire —İre yiyuju Jesús, Satanäre.

⁸ To bajiro i yiro bero, gūtaū ūmwaricu joeju Jesúre ūmato vasuju Satanás quēna. Toju ūmato ejacōari, adi macarucuro ñarimacari jediro İre İojeocōañuju. ⁹ İre İogajanocōari, ado bajiro İre yiyuju Satanás:

—Yū rījorojua gusomuniari tuetucōari, “Yū uju ñamasugū ñaja mwa” yare mwa yirūcūbwojama, adi sita ñajedirore mure İsirucuja yu —Jesúre İre yiyuju Satanás.

¹⁰ To bajiro i yise ñajare, ado bajiro İre cadiyuju Jesús:

—Vasa mwa. Ado bajiro gotiaja Dios oca masa ina ucamasire: “Mani uju Dios sīgūrene, ‘Yū uju ñamasugū ñaja mwa’ İre yirūcūbwocōari, cadiroti ñaja”, yigotiaja Dios oca masa ina ucamasire —Satanäre yiyuju Jesús.

¹¹ To bajiro Jesús i yisere ajicōari, vacoasuju Satanás yuja. İ vato bero, Jesúre ejarēmora ejayujarā āngel mesa.

Galilea sitaju Jesús i gotimasiosuore queti

(Mr 1.14-15; Lc 4.14-15)

¹² “Tubiberiaviju tubibe ecocoajami Juan” yise quetire ajicōari, Galilea sitaju tudicoasuju Jesús. ¹³ To va, i ya maca Nazaret vāme cuti macaju eja, no cōro mene ñaboā, Capernaum vāme cuti macaju ñagū vasuju. Ti maca ñañuju utabucura Galilea vāme cutira taju, Zabulón sita, to yicōari, Neftal'i sita tu ñarimaca. ¹⁴ Ti macaju Jesús i ñajama, Diore gotirētobosarimasu İsa'ias vāme cutimasir'i, ado bajiro i yiucamasire ñari, bajiyuju:

¹⁵⁻¹⁶ “Jordán vāme cutirisa jodeju Galilea vāme cutira ñaja. Tira tare ñaja Zabulón sita, to yicōari Neftal'i sita. Ti sitajure jud'io masa me ñaama, Diore masimena.

İnare gotimasiocōari, rojose İna tāmuborotire İnare yirētobosarocure cōarucumi Dios, i bojarore bajiro ‘Quēnaro yirā ñato’ yigu”, yiucamasifumi İsa'ias.

To bajiro i yiucamasiriarore bajirone, ti sitaju ejayuju Jesús.

¹⁷ Ti sitaju ejacōari, Dios ocare, ado bajise masare gotimasiodiswoyuju Jesús:

—Diore rotibosarocu, i rotisuroti mojoroaca ruyaja. Uju Dios yarā quēnaro i yirona mwa ñarujama, rojose mwa yisere yitujacōari, yare ajitirānuña —masare yigotimasiodiswoyuju i.

Vai sīarimasa babaricārācu ñaräre Jesús i jire queti

(Mr 1.16-20; Lc 5.1-11)

¹⁸ Cojorūmu, utabucura Galilea vāme cutira taju vacudigu vasuju Jesús. To vacuju, İañuju, Simón vāme cutigure, bero Pedro vāme cutirocure, i bedi Andrére quēne. Vai sīarimasa ñañujarā İna. Bajiyucurire rearoderuu yīñañujarā İna. ¹⁹ İna tu ejacōari, ado bajiro yiyuju Jesús:

—Yū rāca vayā. Yucurema mwa vai vejese ūnirene masa yare İna ajitirānurotire gotimasiosbosarimasa ñaruarāja mwa —İnare yiyuju Jesús.

²⁰ To i yirirīmarone, İna bajiyucurire cū, İre suyacoasujarā.

²¹ To yi varūtu vacune, gājerā juarā ñaräre İnare jiyuju Jesús. İna ñañujarā Santiago, i bedi Juan rāca. İna jacu Zebedeo rāca cūmuaju İna bajiyucurire siaquēno sāñañujarā. ²² To i yisere ajicōarājuma, İna jacure, to yicōari İna cūmuare quēne vaveocoasujarā, Jesúre suyana.

Masa jājaräre gotimasiodcōari, rijaye cutiräre Jesús i catiore queti

(Lc 6.17-19)

²³ Galilea sitaju gotimasiodcudiyuju Jesús. Tocārāca macarirene Dios ocare İna bueriviriju sājaejacōari, oca quēnasere masare İnare gotimasioñuju. “Uju Dios yarā quēnaro i yirona mwa ñarujama, rojose mwa yisere yitujacōari, yare ajitirānuña”, İnare yigotimasioñuju. To yicōari, rijaye cutiräre İnare catioyuju. ²⁴ To bajiri Jesús rijaräre i catiosere masa İna gotibatojare, Siria sitana quēne tire ajicōari, rijaye cutiräre juaejayujarā, “Jesús İnare catiato” yirā. İna usuriju vātia sāñaräre quēne juaejayujarā, “Vātiare bureato Jesús” yirā. Rijaquediräre, to yicōari, micaräre quēne juaejayujarā, Jesúre catiorotirā. İna ñaro cōrone İnare catioyuju.

²⁵ Jesús i vacuđiro cōrone, jājarā masa İre suyajojicōañujarā. Galilea sitana, Decápolis macana, Jerusalén macana, Judea sitana, to yicōari, Jordán vāme cutirisa gajejacatwana quēne İre suyarūgūñujarā İna.

5

Buro joeju ñacōari, Jesús masare i gotimasioire queti

¹⁻³ Jājarā masa İna ñasere İacōari, buroju majaejayuju. To i bajirone, i buerā i tu rējañujarā. İna ejaro İacōari, ado bajiro İnare gotimasioswoyuju Jesús:

—“Masimena ñari, mu ejarēmose buto bojaja yua”, Diore ñre yisēnirūgūrāma, ĩ yarā ñarāma. To bajiri, rojose tāmūboarine, Dios tuju variquēnarona ñarāma.

⁴ Yucūre Dios ĩ bojabetire yicōari, tuoīasūtiritiñarā quēne, variquēnarona ñarāma, beroju ĩna tuoīasūtiritisere Dios ĩnare ĩ yirētobosaroti ti ñajare.

⁵ “Masimena ñaja yua” yirā, Dios ĩ ejarēmose sēnirūgūrā ñari, Dios ĩ goticatore bajirone variquēnaruarāma, adi macarucuroana ujarā ĩna ñarotire Dios ĩnare ĩ yirētobosaroti ñajare.

⁶ Gajeye rētoro Dios ĩ bojasere yirua tuoīarā quēne, variquēnarona ñarāma, “Yu bojasere yivariquēnato” yigu, Dios, ĩnare ĩ ejarēmose ti ñajare.

⁷ Gājerāre ĩamaicōari, quēnaro yirā quēne, variquēnaruarāma, Dios quēne, ĩnare ĩamaicōari, quēnaro ĩ yiroti ti ñajare.

⁸ Dios ĩ bojarore bajiro rīne quēnase tuoīarā variquēnarāma ĩna quēne, beroju Diore ĩarona ñari.

⁹ Quēnaro ñarotire oca quēnorā quēne, variquēnaruarāma, “Yu rīa ñaama” Dios ĩ yīārona ñari.

¹⁰ Dios ĩ rotirore bajirone ĩna yise suorine gājerājua rojose ĩnare ĩna yiboajaquēne, variquēnaruarāma, ũju Dios yarā quēnaro ĩ yirā ñari.

¹¹ Yure mua ajitirānuse suorine gājerā muare ajatud'icōari, “Rojorā ñaama” muare ĩna yisocaboajaquēne, variquēnaruarāja mua. ¹² To bajiro muare ĩna yiboajaquēne, buto variquēnaña mua, “Beroju Dios tuju ejarā, quēnase bujaruarāja” yimasirā ñari. Mua rījoroana, Diore gotirētobosamasiriarāre quēne, rojose muare ĩna yirore bajirone ĩnare quēne rojose yimasinujarā masa —ĩnare yiyuju Jesús.

“Adi macarucurojue moa ocasere bajiro, to yicōari, busubatosere bajiro bajiroti ñaja muare”, ĩ buerāre Jesús ĩ yigotimasiore queti

(Mr 9.50; Lc 14.34-35)

¹³ Quēna ado bajiro ĩ buerāre ĩnare gotiyuju Jesús:

—Moa ñaja bare säre. Mua barotire vaibacu rii catisere cūrāma, moa turāja mua, “Boarobe” yirā. Moa ti ocaboase ti ocabeticoajama, “Quēna tudiocato” yirā, no bajiro yimasimenaja mua. To bajiri, tire reacōarāja, “Tire masa cudavuoreacōato” yirā. Moa ocatujabetire bajiro mua bajijama, quēnaja. Yure mua ajitirānu tujabetijama, moa ocatujabetire bajiro bajirā ñaruarāja mua. To bajiboarine, yure mua ajitirānu tujajama, quēna yure tudiajitirānubetiruarāja. Mua suorine quēnaro yimenama gājerā. To bajiri muare bojabetirucuja —ĩnare yiyuju Jesús.

¹⁴ Quēna ado bajiro ĩnare gotiyuju:

—Rētiarojue busubatosere bajiro bajiroti ñaja muare. To bajiro mua bajijare, busubatosere quēnaro ti ruyurore bajirone muare ĩaruarāma masa. Jairimaca buru joeju ĩarimaca quēnaro ti ruyurore bajirone muare ĩajedicōaruarāma. ¹⁵ Siabusuoriare jēocōari, sotane tiare mubūamenaja mua. Tiare jēocōari, “Ñajediro ti vianare busuato” yirā, vecaju jeorāja mua. ¹⁶ Tire bajirone quēnaro yiya mua, “ ‘Quēnaro yirā ñaama, Diore ajitirānurā ñari’ yimasianto masa jediro” yirā, to yicōari, “Mani jacu ō vecagure quēnase ĩre yirūcubuoato ĩna” yirā —ĩnare yiyuju Jesús.

Moisés ñamasir'ire Dios ĩ roticūmasirere Jesús ĩ gotimasiore queti

¹⁷ Quēna ado bajiro ĩ buerāre ĩnare yiyuju Jesús:

—“Moisés ñamasir'ire Dios ĩ roticūmasirere, to yicōari, Diore gotirētobosarimasa ĩna gotimasiasirere reagu vayumi Jesús”, yituoīabesa mua. Tire reaguagu me vadicaju yu. “Tire quēnaro riojo ajimasianto” yigu, vadicaju yu. ¹⁸ Riojo muare gotiaja yu. Moisére Dios ĩ roticūmasire, to yicōari, Diore gotirētobosarimasa ĩna gotimasiore ñajediro ñacōarūgūraroja. Adi macarucuro jediroto rījoro, cojo vāme godocutibetiraroja. Ñajediro Dios ĩ gotiriarore bajirone bajiraroja. ¹⁹ No bojagu, Moisére Dios ĩ roticūmasire ñamasuse me ti ñaboajaquēne, tire cudibecu, “No yibeaja, manī cudibetijaquēne” yigotimasioḡ ñagūmi quēnabecu. ũju Dios yarā quēnaro ĩ yirā rācagu ñamasugū me ñarucūmi ĩ ūgūma. No bojagu Moisére Dios roticūmasire cudicōari, “Tire manī cudijama, quēnaja” yigotimasioḡ ñagūmi quēnagū. To bajiri ũju Dios yarā quēnaro ĩ yirā rācagu ñamasugū ñarucūmi ĩjuama. ²⁰ Riojo muare gotiaja yu. Moisére Dios ĩ roticūmasire gotimasiorimasa, fariseo masa quēne, quēnaro ĩna yiboase rētoro quēnaro mua yibetijama, ũju Dios yarā me ñaruarāja mua quēne.

²¹ Dios ĩ rotimasire gotimasiorimasa suorine ado bajise ajirūgūja mua: “Sīabesa. ĩ sīajama, ĩ sīase vāja ĩre sīaroti ñaja”, yimasirere ajirūgūja mua. ²² Yuma, ado bajiro muare gotirēmoaja: Jūnisinire quēne rojose ñaja. No bojagu gājire jūnisinigū ĩ jūnisinise vāja rojose ĩre yiroti ñaja. No bojagure gājire jūnisinicōari, rujajine, “Vāja magū ñaja mu” ĩre yigūma, rujajine ĩ yise vāja, “Rojose tāmūorucūmi”, ĩre yiruarāma ujarā. No bojagure, gājire jūnisinicōari, ĩre tud'igurema, ĩ tud'ise vāja, jeame yatibetimeju ĩre cōacōarucūmi Dios, muare yaja yu.

²³ Tire masirā ñari, gajeyere quēne tuoñaña mua. Diore rūcubwōrā soemwōriaña vacune, “Rojose ire yibu yu” mua yitwōlabujajama, Diore rūcubwōrā ñe mua soemwōisiritire soemwōbeja maji. ²⁴ Tire cūcōari, rojose mua yir’i tujare vasa, ñe oca quēnoroana. Ñe oca quēnogajanocōari, Diore soemwōisiroana tudivaja yuja, muare yaja yu. “Rojose mua yir’ire oca quēnocōari ñne, Diore oca quēnomasiruārāja”, muare yigu yaja.

²⁵ Gajeye ado bajiro bajiaja: Gājire rojose mua yijama, oca quēnorimasu tuju mua ejaroto rījoro, i rāca oca quēnoroti ñaja mua juarājune. Oca quēnorimasu tu ejamenane, mua oca quēnobetijama, masare coderimasure juarotirucumi, muare. Ijuu, muare tubiberucumi. ²⁶ Riojo muare gotiaja yu. Rojose mua yire vaja mua vaja yibetijama, budimenaja mua. Tire bajirone bajiruaroja Dios i vaja sēnirirūmu ejaroto rījorojua, rojose mua yir’ire ñe oca quēnoña. Mua gāmerā oca quēnobetijama, Dios i vaja sēnirirūmu rojose tāmōtūjabetiriaroju muare cōarucumi, tudibudire manojū — ñnare yiyuju Jesūs.

“Gāji manajore rūcubwōya”, Jesūs i yigotimasiore queti

²⁷ Quēna gajeye ado bajiro yiyuju Jesūs:

— Dios i rotimasire gotimasiōrimasa suorine ado bajisere ajirūgūaja mua: “Gāji manajo rāca ajerio cutibesa”, yirere ajirūgūaja. ²⁸ Yuma, ado bajiro muare gotirēmōaja: Rōmio, no bojagore yirua tuoñare quēne rojose ñaja. No bojagu, rōmio yirua tuoñagū, i tuoñasene sore ajerio cutigu yigumi i ūgūma, muare yaja yu — yiyuju Jesūs.

“Buto mua maise ti ñaboajaquēne, ti suorine Dios i bojabeti ñaja” mua yijama, tire reacōña”, Jesūs i yigotimasiore queti

²⁹ Quēna ado bajiro gotimasioñuju Jesūs:

— “Yu cajea riojocacatua suorine ñabojacōari, rojose yibu yu” mua yitwōlajama, tiare āmirocacōña. Coja cajea muare ti manijama, quēnabetoja. To bajiboarine, juajune caje cuticōari, mua bajireajama, jeame yatibetimeju mua vajama, rētohusaro quēnabetiruaroja. ³⁰ “Yu āmo suorine rojose yibu yu” mua yitwōlajama, ti āmore jatarocacōña. Muare cojo āmo ti manijama, quēnabetoja. To bajiboarine juāāmo rāca mua bajireajama, jeame yatibetimeju mua vajama, rētohusaro quēnabetiruaroja — i buerāre ñnare yiyuju Jesūs.

“Mua manajoare reabesa”, Jesūs i yigotimasiore queti
(Mt 19.9; Mr 10.11-12; Lc 16.18)

³¹ Quēna ado bajiro ñnare gotimasioñuju Jesūs:

— Gajeye ado bajiro gotiaja Moisére Dios i roticūmasire: “No bojagu i manajore i rocaruajama, ‘Mure rogacū yaja’ yise papera ucacōari, sore ñsiriti ñaja”, yigotiaja Dios i rotimasire. ³² Yuma, ado bajiro muare gotiaja: I manajo gāji rāca so ajeri cutibetiboajaquēne, sore i rocajama, buto rojose sore yigu yigumi i ūgūma. To bajiro i yise suorine, gāji rāca so manaju cutijama, Diojuama, “So manaju me rāca ajeri cutiamo”, yīlagūmi. Ūmure quēne, gāji i rocario rāca i manajo cutijama, “I manajo me rāca ajerio cutiami”, yīlagūmi Dios. To bajiri mua manajoa gājerā rāca ña ajeriarā cutibetijama, ñnare reabetiroti ñaja — i buerāre yigotimasioñuju Jesūs.

“Riojo mua gotijama, quēnaja”, Jesūs i yigotimasiore queti

³³ Quēna gajeye ado bajise ñnare gotiyuju Jesūs:

— Dios i rotimasire gotimasiōrimasa ado bajiro muare ña gotimasirere ajirūgūaja mua: “No bojase mua yiroire mua yiruajama, ‘Yimasucōaruārāja yua. Tire yua yibetijama, Dios, rojose yuare yibogumi’ yirā, ‘Yiruārāja’ mua yirore bajirone yiba”, yirere ajirūgūaja mua. ³⁴⁻³⁶ To bajiri cojojirema mua gotiōre bajiro yiterā ñari, ado bajiro tuoñavasoaboaja mua: “‘Dios vāme rāca riojo yaja’ mani yijama, rojose manire yibogumi” yirā ñari, “Dios vāmere gotivasoārā yaja yua” yirā, gaje vāmere o vecayere gotiboaja mua. To bajiro yimena quēne, gaje vāme rāca, macarucaroayere yiboarāja. Tire yiterā, Jerusalén vāme cuti macayere yiboarāja. To bajiro mua yibetijama, gaje vāme rāca, mua rujoare quēne, to yicōari, mua joare quēne yiboarāja mua, ñise, botise mua joare godoveomasimena ñaboarine. Ti űnire yibetiroti ñaja. ³⁷ “Yiruārāja” yirā quēne, “Yiruārāja” yi, “Yibetiruārāja” yirā quēne, “Yibetiruārāja” yicōa tujasa. “Socarā me yaja yua” yirā, gajeye mua gotirēmōajama, vātia uju ejarēmose rāca gotirēmōrā yirāja mua — ñnare yigotiyuju Jesūs.

“Rojose muare yirāre gāmebeja”, Jesūs i yigotimasiore queti
(Lc 6.29-30)

³⁸ Quēna gajeye ado bajiro i buerāre ñnare gotiyuju Jesūs:

— Dios i rotimasire gotimasiōrimasa ado bajiro muare ña gotimasirere ajirūgūaja mua: “Mu cajeare i jajama, mujuu quēne, i cajeare jaroti ñaja. Mu gujiare i jajeajama, mujuu quēne, i gujiare jajeajoti ñaja”, yimasirere ajirūgūaja. ³⁹ Yujuma, ado bajiro muare gotiaja: Rojose mure yigure gāmebesa. Ado bajirojua yija: Cojojacatua, mu vayujuare i jajama,

gajejacatuare quêne ĩre jarotiya. ⁴⁰ Gãji, mure ocasãru, “Rojose yure yĩbu mu. To bajiri, rojose mu yise vaja mu sudirore yure ĩsiña. Mu ĩsibetijama, mure ocasãrucuja yu” ĩ yijama, ĩre ĩsiña. To yicõari, gajease quēnabusariase ĩre ĩsirēmocõaĩa. ⁴¹ Sīgũ ĩ gajeyeũnire mure ũmaroticõari, “Adone cūcõaĩa mu” mure ĩ yiboajaquēne, mu vadiriacūcõrone gãme varēmocõariju ĩre cūbosaya. ⁴² No bojarã mure gajeyeũni sēnirãre ĩsiña. Sīgũ, gajeyeũni magũ ñari, “Yure vasaoya” mure ĩ yijama, ĩre vasaoya —ĩ buerãre ĩnare yiyuju Jesũs.

“Manire ĩaterãre quēne, mani ĩamaijama, quēnaja”, Jesũs ĩ yigotimasiore queti
(Lc 6.27-28, 32-36)

⁴³ Quēna ado bajiro ĩnare yiyuju Jesũs:

—Dios ĩ rotimasire gotimasioremasa ado bajiro muare ĩna gotimasirere ajirũgũaja mua: “Mua babarãre quēnaro ĩamaiña. To yicõari, muare ĩaterãre ĩateya”, yimasirere ajirũgũaja. ⁴⁴ Yũjuama, ado bajiro muare rotiaja: Muare ĩaterãre quēne ĩamaiña. Muare rojose yirãre quēne quēnaro ĩna bajirotire yirã, Diore ĩnare sēnibosaya mua. ⁴⁵ To bajiro mua yijama, “Mani jacu õ vecagu rĩa ñaja yua” yĩorã yirãja mua, ĩ bojarore bajiro yirã ñari. Masa jedirore quēnaro yirũgũgũmi Dios. ĩre cūdimenare quēne quēnaro yirũgũgũmi. ĩ ñagũmi quēnarãre, rojorãre quēne, “Busuato” yigu, mujure busurotigu, to yicõari, ocore quēne quedirotigu. ⁴⁶ Muare ĩamairã rĩne mua ĩamaijama, ĩ “Quēnaro yaja mua” muare yi, vaja yigujari Dios? Yibecumi. Rojorã, ujure gãjoa sēnibosarimasa, ĩnare ĩamairã rĩrene ĩamairũgũama ĩna quēne. ⁴⁷ Mua tu ejarãre muare bajiro bajirã rĩrene mua sēnijama, ĩ “Quēnaro yaja” muare yi, vaja yigujari Dios? Yibecumi. Diore ajimena quēne, ĩnare ĩamairã rĩrene ĩamairũgũama ĩna quēne. ⁴⁸ To bajiri muajuama, mani jacu õ veca ñagũ quēnase rĩne ĩ yirore bajiro yirã ñaĩa mua. Muare rojose yirãre quēne, muare bajiro bajirã mere quēne ĩamaicõari, quēnaro yiroti ñaja —ĩnare yiyuju Jesũs.

6

“Gãjerã muare ĩacõari, ‘Quēnaro yirã ñaama’ muare yĩarũcũbuoato’ yirã me, quēnaro yiya”, Jesũs ĩ yigotimasiore

¹ Quēna ado bajiro ĩ buerãre ĩnare yiyuju Jesũs:

—Quēnaro mua yijama, “Quēnaro yama ĩna’ yato gãjerã” yirã me, quēnaro yiya mua. Masa ĩna ĩaro rĩjorojua rĩne, “Quēnaro Diore cūdirã ñaama’ yuare yĩlato ĩna” yirã, mua yĩboojama, ñie vaja bujamenaja mua, õ vecaju mani jacu Dios taju ejarã. ² Sīgũri, “Quēnarã ñaja yua” yiboarine, ĩna yirore bajiro yirã me ñarãma ĩna. Ado bajirojua yirã ñarãma: Maioro bajirãre ejarēmora, ĩnare ĩna ĩsijama, masa jedirore gotibatorãma. Dios ocare ĩna buerivijure rējarãre quēne, jãjarã masa ĩna vati maarijure quēne ñacõari, ĩnare gotibatorãma, “Quēnarã ñaũma’ yuare yĩarũcũbuoato” yirã. To bajiro ĩna yirore bajiro yibesa mua. Riojo muare gotiaja yu. To bajiro ĩna yise vaja masa ĩnare ĩna rũcũbuosene jēre vaja bujacõama ĩnama. Ñie gajeye bujarēmobetrũarãma, Dios tujure. ĩnare masa ĩna rũcũbuoboajaquēne, Diojuama, ĩnare rũcũbuobetrũcumi. ³ Muajuama, maioro bajirãre mua ejarēmojama, “Quēnaro yirã ñaama ĩna’ yuare yĩlato” yirã me, ĩnare ejarēmofia. To yicõari, mua baba ñamasugũre quēne, “To bajiro yĩbu yua” yigotimenane, ĩnare ejarēmofia. ⁴ To bajiro maioro bajirãre quēnaro mua yijama, masa ĩabetore bajiro yirã yĩruarãja mua. To bajiro mua yijama, mani jacu, masa ĩabetoju ĩamasigũ ñari, quēnaro mua yise vaja, quēnaro muare yirũcumi —ĩ buerãre ĩnare yiyuju Jesũs.

Diore mani sēnirotire Jesũs ĩ gotimasiore queti
(Lc 11.2-4)

⁵ Quēna ado bajiro ĩnare gotimasioũju Jesũs:

—Sīgũri, “Quēnarã ñaja yua” yiboarine, ĩna yirore bajiro yirã me ñarãma ĩna. Ado bajiro yirã ñarãma: Diore ĩna sēnijama, Dios ocare ĩna bueriviriju rũgõcõari, sēnirãma. To yicõari, jãjarã masa ĩna vati maarijure quēne ñacõari, Diore ñagõrãma. To bajiro yirãma, masa ĩna ĩarũcũbuosere bojarã ñari. To bajiro ĩna yise vaja masa ĩna ĩarũcũbuosere jēre bujacõarãma ĩna. Ñie gajeye bujarēmobetrũarãma, Dios tujure. ĩnare masa ĩna ĩarũcũbuoboajaquēne, Diojuama, ĩnare ĩarũcũbobetrũcumi. To bajiri, muama, Diore mua ñagõjama, ĩna yirore bajiro Diore ñagõbesa mua. ⁶ Muama, Diore mua sēnijama, gãjerã muare ĩna ĩabeto sēniruarã ñari, mua ya sõaju tubibesãjacõari, ĩre sēniña. To bajiro yicõari, mani jacu ruyubecare ĩre sēniña. Masa ĩna masibeto Diore mua sēnijama, to bajiro mua yise vaja, muare vaja yirũcumi mani jacu, masa ĩna ĩabetiboajaquēne mani tuoĩasere masigũ ñari —ĩnare yiyuju Jesũs.

⁷ Quēna ado bajiro ĩnare gotimasioũju Jesũs:

—Dios yarã me ñarã, ĩna rũcũbuogure sēnirã, cojoji me sēniajerãma ĩna, “Cojoji me tire mani sēnijama, manire ajigũmi” yituoĩarã ñari. ⁸ ĩnare bajiro yibesa muama. Mua bojase mua sēniroto rĩjorojune jēre masicõagũmi Dios. ⁹ To bajiri Diore mua sēnijama, ado bajiro sēniña: “Yua jacu, masa ñajediro, ‘Quēnarẽtõgũ ñaja mu’ mure yirũcũbuoato ĩna.

¹⁰ Adi macarucuroana, mu bojase rīne yua yirotire tuoīa yurūgūaja yua. Jēre ō vecaju mu űaraju mu yarā mu rotirore bajirore yīűarāma. To bajiri adi macarucurojare quēne mu rotirore bajiro rīne yirere bojaja yua.

¹¹ Adirāmu yua barotire cōaīa mu.

¹² ‘Rojose yua yisere masirioya’ mure yisēniaja yua, yuare rojose yirāre quēne masiriorā űari.

¹³ Rojose yua yirotire masigū űari, ‘Tire yibeticōato īna’ yigu, yuare matabosaya”. To bajiro Diore mua sēnijama, quēnaja —īnare yiyuju Jesús, ī buerāre.

¹⁴ Quēna ado bajiro īnare gotimasioīuju Jesús:

—Muare rojose yirāre mua masiriojama, mani jacu ō vecagu rojose mua yisere masirioracūmi ī quēne. ¹⁵ Gājerāre rojose īna yisere mua masiriobetijama, mani jacu quēne rojose mua yisere masiriobetirucūmi —īnare yiyuju Jesús, ī buerāre.

Diore rūcubworā, bare bamenane mani sēniroti queti

¹⁶ Quēna ado bajiro īnare gotimasioīuju Jesús:

—Sigūri, “Quēnarā űaja yua” yiboarine, īna yirore bajiro yirā me űarāma. Bare bamenane Diore īna sēnijama, “ ‘Sutiritiama’ yīlato īna” yirā, sutiritirāre bajirā űarāma īna. To bajiro yirāma, “ ‘īna, Diore rūcubworā, bare bamenane bajirāma’ masa yuare yīlato” yirā. To bajiro īna yirore bajiro yibesa muama. Riojo muare gotiaja yu. To bajiro īna yise vaja masa īnare īna rūcubwosene jēre vaja bujacōama īnama. Nie gajeye bujarēmobetiruarāma, Dios tujare. īnare masa īna rūcubwoboajaquēne, Diojuama, īnare rūcubwobetirucūmi. ¹⁷⁻¹⁸ Muajuama, Diore rūcubworā, bare bamenane īre mua sēnijama, sutiritirāre bajiro bajibesa. Mua yirūgūore bajiro mua joare quēne quēnaro siroa, riogare quēne quēnaro coe, yiya, “Masa yuare īacōari, bare yua babetire masibeticōato” yirā. To bajiro mua yijama, mani jacu gājerā īna īmasibetiboajaquēne, īmasigū űari, muare vaja yirucūmi —īnare yiyuju Jesús.

Ō vecaju Dios taju quēnase mani bujaroti queti

(Lc 12.33-34)

¹⁹ Quēna ado bajiro īnare gotimasioīuju Jesús:

—Adi macarucuroja, “Gajeyeūni jairo juarēcūruarāja” yirā me moaīa mua. Gajeyeūni mua juarēcūboasere barearuarāma gajeyeūni barimasa. Gajeyema, boaruaroja ti. To yicōari, gajeyerema juarudiruarāma juarudirimasa. ²⁰ Ado bajirojua yirā űaīa mua: “Ō vecaju mani jacu taju ī bojarore bajiro quēnaro mani yise vaja, quēnaro manire yirucūmi” yituoīacōari, quēnaro yirā űaīa. Ō vecajejuarema, quēnaro muare Dios ī yisere barearā manama. Boabetiruaraja tima. To yicōari juarudirimasa quēne, ejabetiruarāma. Dios manire quēnaro ī yise jedibetiruaraja. ²¹ Mua vaja tarere mua quēnocū vajama, ti rione tuoīarejaicōa űarāja mua. Tire yimenane, “Quēnaro yua yise vaja ō vecaju vaja tacūrā yaja” yituoīacōari, quēnaro yirūgūīa mua.

²²⁻²³ Mua caje quēnaro ti ruyujama, “Tine űaja quēnamasuse”, yīlamasiaja mua. To bajiboarine, mua caje quēnaro ti ruyubetijama, quēnabetire īacōari, mua masune, “Ti űaja quēnamasuse”, yisocaruarāja mua. Tire bajiro bajiaja mua tuoīase quēne. Dios ī bojarore bajiro quēnaro mua tuoīajama, űajediro quēnaro riojo tuoīamasiruarāja mua. ī bojabetire mua tuoīajama, “Riojo tuoīarā űaja” yisocaīarā rīne, butobusa tuoīamasimena űacoaruarāja mua. To bajiri, quēnabetire īacōari, “Mani masune, ‘Ti űaja quēnamasuse’ yisocarobe” yirā, Dios ī bojarore bajiro quēnaro tuoīaīa mua —ī buerāre īnare yiyuju Jesús.

“Diore mani rūcubwojama, gājoare buto bojatuoīaīa manoja”, Jesús ī yigotimasiore queti
(Lc 16.13)

²⁴ Quēna ado bajiro īnare gotiyuju Jesús:

—Diore yirūcubworāma, adi macarucuroyere buto bojatuoīamenama, “Diojua űaami űamasugū” yituoīarā űari.

²⁵ To bajiri, “Dios űaami űamasugū” yituoīarā űari, īre cūdirāma, adi macarucurojare mua bajirotire tuoīarejaibesa mua. “¿No bajiro bujacōari, bare ba, idi, sudi sāīa, yicatiīarāti yua?”, yituoīarejaibesa. Quēnamasuse mani usare, to yicōari, mani rujare manire īsifūmi Dios. To bajiri mani baroti, mani idiroti, to yicōari sudi mani sāīarotire quēne cōarūgūrucūmi ī. ²⁶ Minia īna bajisere tuoīaīa mua. īna otebetiboajaquēne, to yicōari, bare īna juarēcūbetiboajaquēne, Dios, īnare bare cōarūgūami. “Miniare quēne īmaigū űari, manire roque rētoro maigūmi”, yimasisbeati mua? ²⁷ “Adi macarucurojare űarā yoaro catiruarāja” mua yituoīarejaiboase, “Yoarobusa catiato” yiro, muare ejarēmomasibeaja ti.

²⁸ Sudi sāīaruua tuoīarejaibesa. Go bucuasere tuoīaīasaque mua: Moabeti, to yicōari, sudi sāīaruua tuoīarejaibeaja ti. ²⁹ To bajiboarine, Uju Salomón űamasir'i gajeyeūni jaigu ī űaboajaquēne, quēnase ī sudi sāīamasire rētoro quēnase űaja ti. ³⁰ Gore buto quēnase űarotirūgūami Dios. Quēnase űaboarine, yoaro mene sīnicoatoja. Ti sīniro īacōari, tire tīarāma masa, bare roariajaujare. To bajiri yoaro catise me ti űaboajaquēne, tire quēnorūgūgūmi

Dios. Go rëtoro manire maigümi Dios. To bajiri, “Manire sudi cōarucumi”, yimasiroti ñaja. “To bajirone yigümi Dios”, yiajitiñarubetibusarā ñaja mua. ³¹ To bajiri, “¿No bajiro bujacōari, bare ba, idi, sudi sãña, yicatiñarāti yua?”, yituoñarejaibetiroti ñaja. ³² Dios yarā me ñarāma, tire buto tuoñarejairāma. Manijuarema, mani jacu ò vecagu ñagümi, “Ti ruyaja, ñare” yimasigü. ³³ To bajiri, “Uju Dios yarā, quēnaro i yirā ñaja mani. I bojarore bajiro quēnase rīne yiruarāja”, yituoñarügüña mua. To bajiro mua yijama, adi macarucuroaye mua cuobetire bujaruarāja mua. ³⁴ To bajiro ti bajijare, adirümü mua bajise rīne tuoñaroti ñaja. Busiyu mua bajiro tire tuoñarejai rījoro cutibesa mua. Tocārācarūmarine ricati bajirügüaja —i buerāre ñare yiyuju Jesús.

7

“*Rojose yirā ñaama. Ti suorine rojose tãmuoruarāma’ yiruarā, ñare ñabesebesa*”, Jesús i yigotimasiore queti

(Lc 6.37-38, 41-42)

¹ Quēna ado bajiro ñare yiyuju Jesús:

—“Rojose yirā ñaama. To bajiro yirā ñari, rojose tãmuoruarāma”, gājerāre ñare yīlabesebesa. To bajiro mua yijama, “Rojose yirā ñaama”, muare yīlaromi Dios. ² To bajiri, gājerāre rojose ña yise suorine “Rojose tãmuoruarāja” mua yīlacōiajama, muare i beserirümüju, “Rojose yirā ñaama”, muare yīlacōiarucumi Dios. ³⁻⁵ Gajeyerema, ado bajiro yirāre bajiro yaja mua: Gāji buto rojose i yibetiboajaquēne, “Mu cajeare sūjuriroaca sãñaja. Tijaacare ñamirocato” yirāre bajiro yaja mua. Tire buto ñatirūnarā ñaboarine, mua cajeajure jairisūjuro sãñarijauare tijaure, “Amirocaya” yimasibeaja mua, “Buto rojorā ñaja yua” yituoñamasimena ñari. Mua rācagu i yisejuare ñacōari, “Riojo tuoñabeaja mu. ‘Quēnasejuare tuoñavasoaya’ yirā, riojo mure gotiruarāja” yigotirā ñaboarine, “Adi ñaja quēnase. Tija ñaja rojose”, yimasimenaja, i rëtoro rojose yirā ñari. “Quēnaro yirā ñaja yua” yituoñaboarine, rojorā ñaja mua. “Buto rojorā ñaja yua” mua yituoñamasiro beroju, mua rācagure ejarēmomasirāja mua, “Quēnaro riojo ñato i” yirā —i buerāre ñare yimasioñuju Jesús.

⁶ Quēna ado bajiro ñare yiyuju Jesús:

—Buto quēnase ñaja Dios oca. I yere ajiterāre gotimasibetiruarāja mua. “Bare quēnase ti ñaboajaquēne, yaia ña batese ti ñajama, manire jūnisinicōari, cūnisurerearuarāma ña” yirā, ñare ecabeaja mua. To yicōari, mua ye jairo vaja cutise, perla vāme cutisere yesea vatoaju reacūbeaja mua. To bajiro mua yijama, mua reacūsere bojamena ñari, tire cudavuoareacōaruarāma ña. To bajirone bajiaja Dios oca quēnase ajiterārene mua gotimasioreajaquēne. To bajiri, ña ajiruabetire ñamasicōari, ñare gotimasiomasibetiruarāja mua —ñare yiyuju Jesús.

“*Diore mua sēñijama, muare cudirucumi*”, Jesús i yigotimasiore queti

(Lc 11.9-13; 6.31)

⁷ Quēna ado bajiro ñare yiyuju Jesús:

—Diore mua sēñijama, cōarucumi. Ìre sēnicōari, mua macajama, bujaruarāja mua. Sīgü no bojase Ìre ti ruyajama, gāji ya viju ejacōari sājaru, sēniñagümi. Ì sēniñajare, Ìre sājareticōari, Ìre ejarēmogümi. To bajirone bajiaja Diore sēnirāre quēne. Ìre mua sēnisere ajicōari, quēnaro muare yiejarēmorucumi. ⁸ “Dios manire ejarēmorucumi” yituoñarā ñari, Ìre ña sēnisere ñare cōarucumi. Ìna macajaquēne, bujaruarāma.

⁹ “Bare bojaja yu” mua macu i yisēñijama, ¿gütane ñsirātique mua? Ìsimenaja mua. ¹⁰ “Vai bojaja yu” mua macu i yisēñijama, ¿aña bar i merene ñsirātique mua? Ìsimenaja mua. ¹¹ Diore bajiro quēnase yirā me ñaboarine, mua rīare quēnaro yaja mua. “To bajiro yirā ñaja” yimasirā ñari, “Mani jacu ò vecagure mani sēñijama, quēnaro masu manire yirucumi”, yimasiaja mani —ñare yiyuju Jesús.

¹² Quēna ado bajiro ñare yiyuju Jesús:

—Gājerā quēnaro muare ña yisere bojaja mua. Tire bojarā ñari, quēnaro ñare yiya muajua quēne. To bajirone Moisés ñamasir i ñare roticūmasiñuju Dios. To yicōari Diore gotirëtobosarimasa ña ucamasire quēne, to bajirone yaja —i buerāre ñare yiyuju Jesús.

“*Eyabeti mua ñaja Dios tujū varia maa*”, Jesús i yigotimasiore queti

(Lc 13.24)

¹³ Quēna ado bajiro ñare yiyuju Jesús:

—Uju Dios yarā quēnaro i yirā mua ñaruajama, eyabetisoje, to yicōari, eyabeti maare vanare bajiro josaruarāja mua. Ti josaboajaquēne, i yarā ñaña mua. I yarā mejuama, jājarā ñarāma. Gaje soje eyarisojere sājacōari, to yicōari, eyari maa vanare bajiro josabetiruarāma ñama. Ti josabetiboajaquēne, rojose tãmuotujabetiriaroju varona ñarāma. ¹⁴ Eyabetisoje,

to yicōari, eyabeti maare vanare bajiro josaruarāma, Ʋju Dios yarā quēnaro ī yirāma. Ti josaboajaquēne, Dios tuju ejacōari, ī rāca quēnaro ñacōarūgūruarāma. Jājarā me ñaruarāma ĩnama —ī buerāre ĩnare yiyuju Jesús.

“Ti rica cutise suorine yucāre ĩamasiaja mani”, Jesús ī yigotimasiore queti
(Lc 6.43-44)

¹⁵ Quēna ado bajiro ĩnare yiyuju Jesús:

—“Ʋju Dios yarā quēnaro ī yirā ñari, ĩre gotirētobosarimasa ñaja yua quēne”, yitorimasa ñarāma sīgūri. To bajiro ĩna yitosere quēnaro ajimasifāma mua. Tire mua ajimasibetijama, to bajiro muare ĩna yitose ñajare, Dios yere mua ajirūgūboasere masiriticoaruarāja. ¹⁶ ĩna gotimasiose suorine, “Quēnarā ñaama” yimenane, ĩna bajire cutisejuare ĩasuoya mua. Ti rica cutise suorine yucāre ĩamasiaja mani. Ʋye juaroana, vātijota yucārijure macamenaja mani. Quēnase bare higos vāme cutire juaroana, vidiroju ñaricu savajotaujere macamenaja mani. ¹⁷ To bajiri, yucū vānuquēnaricūma, quēnase rica cutiroja. Vānubetijūama, quēnabetiarine rica cuticōaroja. ¹⁸ To bajiri, yucū vānuricu, “Quēnase rica cutiricu ñaja” mani yiboaricune, quēnabeti rica cutibetoja. To yicōari, vānubeti, “Quēnabeti rica cutiricu ñaja” mani yiboaricune, quēnase rica cutibetoja. ¹⁹ Tocārāca yucāre, vānubeticōari, rica quēnabeti yucārire quēacōari, jeameju soereacōare ñaroja. ²⁰ To bajiri yucū ricare ĩacōari, “Quēnaricu ñaja ti. Quēnabeti ñaja adima” mani yimasirore bajirone, “Diore gotirētobosarimasa ñaja yua” yirā, ĩna yisere ĩacōari, “Quēnarā ñaama ĩna. Quēnamena ñaama ānoa”, yimasiruarāja mua — ĩnare yiyuju Jesús.

“Ʋju Dios ī bojarore bajiro yirā rīne ñarāma ī yarā quēnaro ī yirona”, Jesús ī yigotimasiore queti
(Lc 13.25-27)

²¹ Quēna ado bajiro ĩnare yiyuju Jesús:

—Ñajediro, “Yua Ʋju ñaja mu” yure yirā me ñaruarāma yu jacu yarā, quēnaro ī yironama. Ʋu jacu ī bojarore bajiro yirā rīne ñaruarāma ō vecaju varonama. ²² Masare Dios ī beserirāmu ti ejaro, jājarā ado bajiro yiboaruarāma: “Yua Ʋju, yuare mu rotijare, mure gotirētobosacaju yua. Yuare mu rotijare, masa usuriju sāñarare vātiare bureacaju yua. To yicōari, yuare mu rotijare, jairo ĩaiañamani yĭocaju yua”, yure yiboaruarāma ĩna, socarāne. ²³ To bajiro ĩna yiboajaquēne, ado bajiro ĩnare yirucaju yu: “Tire muare yirotibetacaju yu. Muare masibeaja. ¡Vasa! Rojose yirā ñaja mua”, ĩnare yirucaju yu — ĩnare yiyuju Jesús.

“Quēnaro ĩre ajitirānuarā, to yicōari, ĩre ajiboarine, ĩre cudimenama, ado bajiro bajirāma”, Jesús ī yigotimasiore queti
(Mr 1.22; Lc 6.47-49)

²⁴ Quēna ado bajiro ĩnare yiyuju Jesús:

—Muare yu gotimasiosere ajicōari, yu rotiore bajiro yigu, quēnaro tuoĭagū ñagūmi ī ūgūma. ĩ ñagūmi gūtajāiju gojeri coaejocōari, botari rūgōcōari, vi buagure bajiro bajigu. ²⁵ Vi ī buaro bero, buto oco quediroja. Buto mino vatoja. To bajicōari, riaga jaicoatoja. Ti viju ti jajejacoabajaquēne, juriaquedibetoja ti vi. ²⁶ Yare ajiboarine, yu rotiore bajiro yibecujua ñagūmi sita vajaroju vi buagure bajiro bajigu. ²⁷ Ti vi ī buaro bero, buto oco quediroja. Buto mino vatoja. To bajicōari, riaga jaicoatoja. Ti vijure ti jajejarone, yoaro mene juriaquedicoatoja —ī buerāre ĩnare yiyuju Jesús.

²⁸⁻²⁹ To bajiro Jesús ĩnare ī yigotimasioro bero, Dios ī rotimasire gotimasiorimasare bajiro me, Ʋjare bajiro bojonebecune quēnaro ī gotimasiojare, ajiañamani ī gotise ti ñajare, no yimasibesujarā ĩna.

8

Gase boagure Jesús ī catiore queti
(Mr 1.40-45; Lc 5.12-16)

¹ Buroju ñar'i, Jesús ī rojaejarone, jājarā masa ĩre suyayujarā. ² To ĩna bajirone, sīgū gase boagu Jesūre vacānamuacōari, ī rījorojua gusomuniari tuetuejayuju, ĩre rūcubuoğu. To yicōari, ado bajiro Jesūre ĩre yiyuju:

—Yu Ʋju, yu cāmire mu yarūajama, yaya —yiyuju. ³ To bajiro ĩre ī yisere ajicōari,

—Mu cāmire yarucaju yu —ĩre yigune, ĩre moaĭañuju Jesús.

To bajiro ī yirirīmarone, ī cāmi ĩre yaticoasuju yuja. ⁴ To ĩre yigajanocōari, gājerāre ĩre gotirotibesuju Jesús. To bajiro ĩre yicōari, ado bajiro ĩre yiyuju:

—Yucūacane paire mu rujare ĩoaya. To yigune, Moisére Dios ī roticūmasiriarore bajirone vaibucurā ecariarāre sīacōari, paire ĩsima, Diore rūcubuoğu. To mu yisere ĩacōari, “Caticoa-sumi”, yiruarāma masa —ĩre yiyuju Jesús, gase boaboar'ire.

Surara ʊjare moabosarimasare Jesús i catiore queti
(Lc 7.1-10)

⁵ Capernaum vāme cūti macajare Jesús i ejaro iacōari, i tujū vayuju surara ʊjū. Romano masu űaűuju i. Jesús tu ejacōari, rūcubuose rāca ado bajiro ire sēniűuju:

⁶—Yū ʊjū, yure moabosarimasu i bajisere ajimaűa. Yū ya viju rijajesami. Micacōari, buto visioni —Jesúre ire yiyuju surara ʊjū.

⁷—Ire catiogū varucuja yū —Ire yicūdiyuju Jesús.

⁸To i yiboajaquēne, ado bajiro ire cūdiyuju surara ʊjū, Jesúre:

—Yū ʊjū, quēnagū masu űaja mū. Yuma, rojose yū yisere tuoia bojonegū űari, yū ya vire mure sājartomasisbecuja yū. Toju sājabetiboarine, mū űagōtuoiasene catiomasiűūja mū. ⁹Gājerā surara ʊjarā beroagu űaja yū. To bajiri, yū quēne, gājerā surarare rotigu űaja yū. Sigūre, “iVasa!” yū yijama, vajami. Gājire, “Vayá” yū yijama, vadiami. To yicōari, yure moabosarimasare, “Tire yiya” yū yijama, yirūgūami. To bajiri, mū roque rotigu masu űari, toju vabetiboarine, mū űagōtuoiasene caticoarucami —Jesúre yiyuju.

¹⁰To bajiro i yisere ajiyamanire bajiro ajituoiaűuju Jesús. To bajiri ado bajiro űnare yiyuju, ire suyārāre:

—Riojo muare gotiaja yū. Israel űamasir'i jānerabatia yū yarā űaboarine, “Masigū, to yicōari, quēnagū űari, yure yirēmorucami” yure i yituoiarore bajiro tuoiaűure, iabetirūgūaja yū.

¹¹Quēnaro yure ajiya. Ire bajiro bajirā Israel masa me, jājarā ejaruarāma ō vecaju Dios tujū. Muju i jiadojua vadiriārā quēne, i rocasātoja vadiriārā quēne ejaruarāma. Tojare, rojorāre Dios i rearo bero, i rāca barujiruarāma űna. űna rāca űaruarāma Abraham, Isaac, to yicōari, Jacob űamasir'i quēne. ¹²Israel űamasir'i jānerabatia Diorāca barujirona űaboariārā, rojose űna yire suorine rētiaroju űnare reacōarucami. Tojare űacōari, buto rojose tāmūorā űari, guji pōguē, oti, yiruarāma űna —Īnare yiyuju Jesús.

¹³To yigajano, surara ʊjūjare ado bajiro yiyuju:

—Mū ya viju tudiasa. “űamasugū űari, yure catiobosacōarucami” yure mū yituoiarore bajirone bajiruaroja —Ire yiyuju Jesús.

To i yiririmarone, surara ʊjare moabosarimasu, viju rijaűaboar'i caticoasuju i yuja.

Pedro űmaűicore Jesús i catiore queti
(Mr 1.29-31; Lc 4.38-39)

¹⁴Pedro ya viju vasuju Jesús. Ti vi ejacōari, Pedro űmaűicore űaűuju. Cānjesariaro joeju jesayuju so. So ruju buto asicōari, būburiűajayuju. ¹⁵Sore iacōari, so āmore i moaiarone, ruju asicōari, so būburiűajaboase tujacoasuju. To bajiri vāmūrūgūcōari, bare ire ecayuju so.

Jājarā, rijaye cutirāre Jesús i catiore queti
(Mr 1.32-34; Lc 4.40-41)

¹⁶Tiramu rāiorijune juaejoyujarā, űna usuriju vātia sāűarāre Jesús tujū, “Vātiare ĩnare bureato” yirā. To űna yiro iacōari, cojoji űagōgūne, vātiare bureayuju Jesús. Jājarā űaűujarā űna usuriju vātia sāűarā, masa űna juaejoriarā. To yicōari, rijaye cutirāre quēne catioyuju.

¹⁷To bajiro bajiyuju, Isa'ias, Diore gotirētobosarimasu űamasir'i, “To bajiro bajiruaroja” i yucomasire ti űajare. Ado bajiro ucamasiűumi Isa'ias: “Mani rijaye cutire catiorucami. To yicōari, josari mani tāmūoűasere yirētobosarucami” yucomasiűumi Isa'ias, Jesús i catiorotire yigu.

“Yure mūa ajisuyaruajama, josaruaroja ti”, Jesús i yigotimasiore queti
(Lc 9.57-62)

¹⁸Cojorūmu jājarā masa i tujū űna űagānibiaro iacōari,

—Gājejacatūaju jēacoajaro manī —i buerāre ĩnare yiyuju Jesús. ¹⁹To i yise rācane, sīgū, Dios i rotimasire gotimasiarimasu, Jesús tu ejayuju.

—Gotimasiarimasu, no bojaro mū vato cōrone mure suyaruaja yū —Jesúre ire yiyuju i.

²⁰To i yirone, ado bajiro ire cūdiyuju Jesús:

—Buyairoarema, űna gojeri űacaju. Miniare quēne, űna jiburi űacaju. To űna bajiboajaquēne, yū, Dios i cacuma, cānirijaju magūre bajiro bajiaja yū. To bajiri yure mū suyajama, buto mure josaruaroja —Ire yiyuju Jesús, Dios i rotimasire gotimasiarimasare.

²¹To i yiro bero, gāji Jesús buerimasu ado bajiro ire yiyuju:

—Yū ʊjū, yure yuya mū maji. Yū jacu i bajiocacoajare, ire yujeguacu yaja yū. Ire yujecōari bero, mure suyaruaja yū —Jesúre ire yiboayuju.

²²To bajiro ire i yiboajaquēne, ado bajiro ire cūdiyuju Jesús:

—Yucane yure suyaya mū. Yure ajitirūnūmena, rijariarāre bajiro bajirā űarāma. űnajuja rijariarāre yujeato űna —Ire yicūdiyuju Jesús.

Mino vatone, oco sabesere Jesús i tujore queti

(Mr 4.35-41; Lc 8.22-25)

²³ Jesús i buerã rãca cūmuaju vasãjañuju, jêacu. ²⁴ Ìna jêatone, buto mino vasuju. To bajicõari, buto sabeyuju. Ti saberone, cūmua sagueca yiro, rujacoarūayuju. To ti bajiboajaquêne, cānigū yiyuju Jesús. ²⁵ Ì cāniro ñacõari, Ìre yuiyoyujarã Ìna:

—Yua uju, i ruhareana yaja mani! To bajiri mani rujaborotire yirêtoña mu —Ìre yiyujarã.

²⁶ To bajiro Ìna yirone,

—¿No yirã buto güati mua? “Rojose mani tãmuoobaajaquêne, manire yirêtobosarucumi”, yure yituoñarã me ñaja mua —Ìnare yiyuju.

To yi, vūmurūgücõari,

—¿Mino tujaya! ¿Sabese quêne tujaya mua! —yiyuju Jesús.

To Ì yirone, tujacoasuju mino. Sabese quêne, sabebesuju yuja. ²⁷ Tire ñacõari, no yimasibesujarã Ìna.

—¿Ñimu ũgū masu ñati ãni? Minore to yicõari, sabesere quêne Ì tujarotijama, Ìre ajiaja —gãmerã yiyujarã Ìna.

Gadara vãme cuti maca tñanare Ìna usuriju sãñarãre vãtiare Jesús i bureare queti

(Mr 5.1-20; Lc 8.26-39)

²⁸ Utabucura gajecatuaju Gadara vãme cuti maca tujū ejayujarã. To Ìna ejarone, masa rijariarãre Ìna yujereariavijure juarã ãmua budiayujarã. To bajicõari, Jesús tare ejarūgū ejayujarã. Juarãjune vãtia sãñarã ñari, buto guayujarã. To bajiro Ìna bajijare, rêtomasifia mañuju. ²⁹ Jesúre Ìarãne, ado bajiro yivasãñujarã Ìna usurijure sãñarã, vãtia:

—¿No yigu yua tu vadiati Dios macu? ¿Yware gōjanabiobesa! Rojose yua yise vaja, rojose yware mu yirotirãmu ti ejabetiboajaquêne, ¿rojose yware yigu vadiati mu? —Jesúre yiyujarã vãtia.

³⁰ To Ìna yiñaro sojua jãjarã ecariarã yesea macabañañujarã. ³¹ Ìnare ñacõari, rucubuose rãca Jesúre yisēñañujarã vãtia:

—Yware mu bureajama, ða yeseajware yware sãjarotiya —yiyujarã vãtia.

³² To bajiro Ìre Ìna yijare,

—Mware varotiaja yu —vãtiare Ìnare yiyuju Jesús.

To Ì yirone, juarãjurene Ìna usurijure sãñaboariarã budicoasujarã yuja, yeseajware sãjaroana. Ìna sãjarone, buro ũmaroja vacõari, utabucuraju Ìna ñaro cõrone rearoderujacõa tujasujarã, vãtia Ìnare Ìna sãjare.

³³ Yeseare coderimasa, to bajiro Ìna bajisere ñacõari, ũmacoasujarã, Ìna ya macaju vana. To bajicõari, vãtia sãñaboariarã Ìna yiecose ñaro cõrone ti macanare gotijeocõañujarã Ìna. ³⁴ Tire ajicõari, Jesúre Ìarã vasujarã Ìna, ti macana jediro. Ì tu ejacõari, Ìre güirã, rucubuose rãca Ìre varotiyujarã.

9

Micagũre Jesús i catioire queti

(Mr 2.1-12; Lc 5.17-26)

¹ To bajiro Ìre Ìna yijare, utabucura gajecatuaju tudijẽa ejacoasuju Jesús, Ì ya macaju.

² Ti macaju Ì ñaro, micagũre rijarã ãmivariaju joeju Ìre ãmiejayujarã. “Ìre Ìmaicõari, Ìre catioirucumi” Ìna yituoñasere Ìmasicõari, micagũjware ado bajiro Ìre yiyuju Jesús:

—Yu maigũ, tuoñatutuaya. Rojose mu yirere mare masiriocõaja yu —Ìre yiyuju Jesús.

³ To Ì yisere ajicõari, ti macana sīgũri Dios Ì rotimasire gotimasiorimasa ado bajiro tuoñañujarã: “To bajise Ì ñagõjama, Diore Ìre rucubuooca yami”, yituoñañujarã Ìna. ⁴ To bajiro Ìna yituoñasere Ìmasicõari, ado bajiro Ìnare yiyuju Jesús:

—“‘Diore bajiro masa rojose Ìna yisere masiriomasiaja’ yisocaami”, yure yituoñaboaja mua. ⁵ “Rojose mu yisere masiriocõaja” yu yicõa tujajama, “Socu yami. Socu me yami”, yure yĩamasigũ magãmi. To bajiboarine, micagũre, “Vūmurūgücõari, vasa” Ìre yu yijama, “Socu me yami. Rojose Ì yirere masiriocõami”, yure yĩamasirãja mua. ⁶ To bajiri, “‘Dios Ì roticõacacu ñari, Diore bajirone masare rojose Ìna yisere masiriomasigũ ñaami’ yure yĩamasiato” yigu, ãni micagũre ado bajiro yaja yu: Vūmurūgũña mu. Mu jesarijure ãmifia. To yicõari, mu ya viju tudiasa, Ìre yaja yu —Ìre yiyuju Jesús.

⁷ To Ìre Ì yirone, micagũ ñaboarĩ, vūmurūgücõari, Ì jesarijure ãmi, Ì ya viju vacoasuju Ì yuja.

⁸ To bajiro Jesús Ì yisere Ìaucacoasujarã masa. “Ti ũnire Ìabetirūgũcaju mani. ãni, Dios Ì masise rãca yigu yami” yituoñacõari, “Quẽnaro yaja mu”, Diore Ìre yivariquẽnañujarã Ìna.^b

^b 9:8 Rĩjorojurema Mateo “Yiyuju Jesús” yiucauyumi, capítulo 1, to yicõari, capítulo 9 versículo 8, Ìrãca ñabetirĩ ñari. Capítulo 9 versículo 9, to yicõari, tusari capítulo 28, Ìrãca ñari ñari, “Yicami”, yiucauyumi yuja.

Mateore Jesús i jire queti
(Mr 2.13-17; Lc 5.27-32)

⁹ Micagüre catiogajano vagune, Mateo vāme cutigüre yure iabujacami Jesús. Ujüre gājoa sēnibosarimasu űacaju yu. Gājoa sēnirā ina rujirijure gājoa sēnirujicaju. To yu yiñaro iacōari,
—Yure ajisuyaya —yure yicami Jesús. To bajiro i yisere ajicōari, ire suyacoacaju yu yuja.

¹⁰ Yu ya viju ejacaju yua. To ejacōari, bacaju yua. Yu rāca barā ejacana, jājarā űacama. Yu yicatore bajiro rojose yirā, ujüre gājoa sēnibosarimasa, to yicōari, gājerā, “Rojose yirā űaama” masare yiñarā quēne űacama. Jesús buerimasa quēne űacama. ¹¹ To yua bajirone, ejacama fariseo masa. Ina űacama, Moisére Dios i roticūmasirere buto ajirūcuborā, rojose yirā rāca űaruamena. Ejacōari, yua bañasere iacōari, yu rācanare Jesús buerimasare inare sēniűacama:

—¿No yigū muare bueguma, ānoa rojose yirā rāca bati? —yicama ina.

¹² To bajiro ina yisere ajicōari, ado bajiro inare cudicami Jesús, fariseo masare:

—Catiquēnarāma, űco yigüre bojamenama. Rijaye cutirā rīne ire bojarāma ina. To bajiro bajiaja yure quēne. “Rojosere yirā me űaja yua”, yirāma, yure bojamenama. “Rojose yirā űaja yua” yirā rīne yure bojarāma. ¹³ Dios oca masa ina ucamasirere ado bajiro quēnaro tuoīaűa mua. Ado bajiro gotiaja ti: “Gājerāre mua űamaisere bojaja yu. Gājerāre mua űamaibetijama, vaibucurā ecariarāre siacōari, yure mua soemuoboaquēne, űie vaja manoja ti”, yigotiaja Dios oca, masa ina ucamasire. Quēnaro yirāre jigū me, adi macarūcrojore vadicaju yu. Rojose yirāre, “Rojose ina yisere yitujato” yigū, vadicaju yu. To bajiri to bajiro yituoīagū űari, ānoa rāca bagū yaja yu —inare yicami Jesús.

“Mani sutiritisere iacōari, quēnaro manire ejarēmorcūmi Dios” yirā, bare babetire queti
(Mr 2.18-22; Lc 5.33-39)

¹⁴ Juan vāme cutigū, masare oco rāca bautizarimasu buerā, Jesús tujē ejacama ina. To bajicōari, ado bajise ire sēniűacama:

—Yua quēne, fariseo masa quēne, mani űicua ina yimasiriarore bajiro Diore yua sēnirirūmarirema bare babetirūgūaja yua. ¿No yirā tire yibeati mu buerāma? —ire yicama Juan buerimasa.

¹⁵ To ina yisere ajicōari, ado bajiro inare gotimasiocami Jesús:

—Sīgū i āmosiarirūmure ire variquēnaejarēmōrā rāra. To i űmato yiñaro cōro ire variquēnaejarēmōrāma. Inare bajiro bajiaja yu buerā. Yu rāca űari, variquēnacōa űaama. “Sutiritimena űari, no yirā bare babeticōa yimenama”, yimasire űaja. To bajiboarine, cojorūmu yure ina űiavato iacōari, bare bamenane Diore sēniruarāma, “Mani sutiritisere iacōari, quēnaro manire ejarēmōato Dios” yirā.

¹⁶ Mame oca yu gotimasiocase ricati ti űajare, yu ye rāca mani űicua ina yimasirere mua tuoīavuoja, quēnabeaja. Sudiro bucūase ti vojama, mamagaserō rāca seretumasimenaja mani. Mamagaserone mani seretujama, mani coero bero carato tūatutu vatone bucūasejua vocoatoja. Bucūase, mamase rāca mani seretumasibetore bajirone, mame oca yu gotimasiosere, mani űicua oca rāca tuoīavuojesa mua.

¹⁷ To bajirone bajiaja űye oco quēne. Mame űye ocore, vaibucugaserone quēnorijaoa bucūoajure jiomenaja mani. Bucūoajure mani jiojama, jāmusinituca yiro, yivocōaroja tijoajure. To bajiro mani yijama, űye ocore, vaibucugaserone quēnorijaoare quēne, to bajirone yireacōa tujana yirāja mani. “To bajirobe” yirāma, mame űye ocore vaibucugaserone quēnorijaoa, mamajoajure jiore űaroja. To yicōari, űye oco, vaibucugaserone quēnorijaoa quēne, cojoro cōro quēnaro űaruaroja. To bajiri mame űye ocore, bucūoajure mani jiohetore bajiro mame oca yu gotimasiosere, mani űicua oca rāca tuoīavuojesa mua —inare yicami Jesús.

Jud'io masa űju macore Jesús i catiore queti
(Mr 5.21-43; Lc 8.40-56)

¹⁸ To bajise Jesús i gotiñarone, sīgū jud'io masa űju ejacami. Ejacōari, Jesús rījorojua gusomuniari tuetucami, ire rūcūbuogu. To yigune, ado bajiro Jesūre yicami:

—Yucūacane yu maco bajirocacoamo. So tu ejacōari, sore mu moaīajama, tudicati-coarucocomo so —Jesūre yicami.

¹⁹ To i yisere ajicōari, ire suyacoacami Jesús. To bajiri yua, i buerimasa quēne vacaju. ²⁰⁻²¹ To yua vatone, sīgō rōmio rijajo Jesús sayarojua ejarūgūriomo. Gāmōrōmi cutigo űaűumo so. Juaāmo cōro, gubo jua jēnituari cūmari rijaűaűuju. “Jesūs sudiro gaja moaīaruaja yu. Ti rīne bojaja yu. To bajiro yu yijama, quēnaejacoarucōja yu”, yiriomo so. To bajiro yirio űari, Jesús sayarojua ejarūgūcōari, i sudiro gajare moaīariomo. ²² So moaīasere masicōari, judarūgūcami Jesús. To yicōari, ado bajiro sore goticami:

—Variquēnaűa yu maigō. “I sudiro gajare yu moaīajama, quēnaejacoarucōja yu” yure mu yituoīase űajare, “Quēnaejato” mure yibu yu —sore yicami Jesús.

To bajiro i yiririmarone, quēnaejacoacamo so yuja.

²³ To yi vanane, uju ya viju ejacoacaju yua, Jesurāca. I macore yujeroana, tōroari juti, yioti avasāñacama^c ²⁴ To bajiro ina yīñajare, ado bajiro inare yicami:

—Budiasa mua. “Bajirocacoajamo” mua yiboago, bajirocabetesumo. Cānigō yigomo — inare yicami Jesús. To i yijare, ire ajacama ina, “Bajirocacoamo” yimasirā ñari.

²⁵ Masa ina budiato bero, bajirocario taju jājacōari, so āmore ñiacami Jesús. To i yirone, quēna tudicaticōari, vūmūgūcoacamo so. ²⁶ Jesús sore i catiosere ti sitana masa ñaro cōrone gotibatocōañuma ina.

Juarā caje iamenare Jesús i iartire queti

²⁷⁻²⁸ Toju ñariarā yua cānirivi yua tudiatone, caje iamenā juarā Jesure avasā suyadicama:

—Uju David ñamasir'i jānami, “Rotimūgōrūcūja mu” yigu, Dios i cōar'i ñaja mu. Yuare iamaña —Jesure yisuyacama ina. Viju yua sājajearone, ina quēne suyasājajecoacama.

To ina bajirone, ado bajiro inare sēniñacami Jesús:

—“Yua caje iabetire i'ato' yigu, yuare ejarēmomasigūmi”, i yure yituoīati mua? —Inare yicami Jesús.

—Yua uju, to bajirone mure yituoīaja yua —ire yicadicama.

²⁹ To ina yijare, ina cajere moaīagāne ado bajiro yicami Jesús:

—“Manire catiorūcūmi” yure mua yituoīase suorine muare iartotiaja yu —inare yicami.

³⁰ To i yirone, iacōacama. To yicōari, ado bajiro inare goticami Jesús:

—Gājerāre gotibetimasucōama mua —inare yiboacami.

³¹ To bajiro i yiboajaquēne, ti sitana jedirore gotibatocōañujarā ina.

Ñagōbecure Jesús i ñagōrotire queti

³² Iamenā ñaboariarā ina budiririmarone, ejacama gājerā, ñagōbecure āmiejarā, vāti i usujare sājacōari, ire ñagōrotibetir'ire. ³³ Jesús, vātire i burocarone, ñagōbecu ñaboar'i, ñagōcoacami yuja. Tire iacōari, no yimasibeticama masa:

—Adojare, Israel sitajare, ado bajise yigure iāña manirūgūmu maji —yicama ina.

³⁴ Fariseo masajuama, ado bajiro yicama:

—Āni, vātia uju i masise rāca vātiare bureaami —yicama ina.

Jesús masare i iamaire queti

³⁵ Ti sitaju gotimasiocudijeocami Jesús. Tocārāca maca masa Dios ocare ina buerivirijare sājacōari, oca quēnasere masare inare gotimasiocami. “Uju Dios yarā quēnaro i yirona mua ñaruajama, rojose mua yisere yitujacōari, yure ajitirāñuñā”, inare yigotimasiocami. To yicōari, rijaye cutirāre jediro catiocami. ³⁶ Oveja, uju manare bajiro bajirā ñacama ina masa. No yimasibetiboana tuoīgōjanabidirā ñacama. To bajiro ina bajisere iacōari, inare iamaicami Jesús. ³⁷ To bajiro ina bajisere iagū ñari, ado bajiro yuare yicami:

—Ote jairo bucuaroja. To bajiboarine, mojoroaca ñarāma tire juarimasa. ³⁸ To bajiro ti bajijare, ote ujure sēniña, ire moabosarimasa cōato i yirā —yuare yicami Jesús. ^d

10

I ocare goticudisūoronare Jesús i besere queti

(Mr 3.13-19; 6.7-13; Lc 6.12-16; 9.1-6)

¹ Cojorāmu i buerimasare yuare juaāmo cōro, gubo jua jēnituarirācu ñarāre jirēocami Jesús. Yuare jirēocōari, ado bajiro yicami:

—Masa usuriju sāñarāre vātiare, “Budiya” mua yijama, budiruarāma. Rijaye cutirāre quēne, “Catiya” mua yijama, caticoaruarāma —yuare yicami Jesús.

²⁻⁴ Juaāmo cōro, gubo jua jēnituarirācu ñacaju yua, “Yu ocare gotimasiocudiba” Jesús i yicana. Ado bajiro vāme cutirā ñacaju yua: Simón vāme cutiboacacu, Pedro vāme cutigu, i bedi Andrés ñacama. To yicōari, Zebedeo rā ñacama Santiago, i bedi Juan. Gājerā, Felipe, Bartolomé, Tomás, yu Mateo vāme cutigu, ujure gājoa sēnibosarimasu ñaboacacu ñacaju. Alfeo macu Santiago, to yicōari, Tadeo vāme cutigu, gāji ñacami Simón vāme cutigu, celote yere tuoīaboar'i. Tusagu Judas Iscariote vāme cuticami. I ñañumi Jesure iširocarocu.

⁵ To bajiri yua, juaāmo cōro, gubo jua jēnituarirācure ado bajiro yuare gotimasiocudiroti-cami Jesús:

—Jud'io masa me ina ñarimacari gotimasiocudibeja mua. Samaria sita ñarimacarire quēne vabeja mua —yuare yicami. ⁶ —Israel sitana tujuare vasa. Ina ñarāma Dios yarā ñaboariarā,

^c 9:23 To bajiro ina yijama, ina yirūgūriore bajiro yirā yiyujarā. ^d 9:38 “To bajiro i yijama, ado bajiro yigu yiyuju: ‘Jājarā ñarāma yu ocare ajicōari, yure ajitirāñuñā. To bajiboarine, mojoroaca ñarāma yu ocare gotirāja. To bajiro ti bajijare, Diore sēniña, ‘Jājarābusa yu ocare gotirimasare cōato i’ yirā’ yiyuju Jesús”, yiyujarā Dios oca masa ina ucamasire buerimasa.

oveja yayiräre bajiro bajirä —yicami. ⁷ —“Diore rotibosaroca i rotisuoroti mojoroaca ruvaja. Uju Dios yarä quënarö i yirona mua ñaruajama, rojose mua yisere yitujacöari, Jesüre ajitirëñaña” yigotimasiocudiba mua. ⁸ Gase boaräre mua ñajama, ñare catioba mua. Gäjerä no bojase rijaye cutiräre quëne ñare catioba. Rijariaräre tudicatioba. Masa usuriya sãñaräre vãtiare quëne ñare bureaba. Vaja manone to yiroti ñare ujoaja yu. To bajiri, vaja sënimenane, mua quëne gotimasiocudi, rijaye cutiräre catio, ña usuriya sãñaräre vãtiare ñare burea, yicudiruaräja mua —yuare yicami Jesús. ⁹ —Mua vaja yiroti gãjoa juaábeja. ¹⁰ To yicöari, bare sãriajoari juaábeja mua. Sudi mua sãñasene sãñacöari, vaja. Gajeye gubo sudi mua vasoaroti juaábeja. Tueriayucãrire quëne juaábeja. No bojarä gãjeräre moabosarimasa, vaja bujaräma. To bajirone bajiruaröja ñare quëne. ñare mua gotimasiocudibane vajanane isicoruaräja mua quëne —yuare yicami Jesús. ¹¹ —Jairimaca, mojimacare ejarä, quënarö yigure macama mua. Ñe bujacöari, i tu cãnima. Ti macanare mua gotimasiocudibane, i tu rïne ñama maji, gajeroju mua varoto rïjoro. ¹² Viju ejarä, “¿Nati mua?” yisënñacöari, “Quënarö ñaña mua”, yiba. ¹³ To mua yirone, ti viana quënarö ñare ña bocaãmijama, mua yirore bajiro quënarö ñaruaräma. Quënarö ñare ña bocaãmibetijama, “‘Quënarö ñaña’ yua yibetiriaräre bajirone ñacöña mua” ñare yi, vacoaja mua. ¹⁴ Muare quënarö ña bocaãmibetijama, to yicöari mua gotisere ña ajiruabetijaquëne, ti vire ñabeja. Ti vire budicöari, sitare gubo sudi tuyasere varereaba. “Quënarö yuare bocaãmibeticöari, yuare mua ajiruabetijare, rojose muare yirucami Dios” yirä, to bajiro yiruaräja mua. ¹⁵ Riojo muare gotiaja yu. Ti macana muare ña ajiruabeti vaja Diojuama, rojose ñare yirucami masare i beseriräma ti ejarö. Sodoma macana ñamasiriarä rëtohusaro rojose tãmuoruaräma ña, muare quënarö bocaãmimenama —yuare yicami Jesús.

“Dios oca mua gotise suori, ajijünisinicöari, rojose muare yiruaräma”, Jesús i yire queti

¹⁶ Quëna ado bajiro i bueräre yuare yicami Jesús:

—Ovejare, buyairoa vatoaju güiroju ñare cöagüre bajiro muare gotimasiocudirotiaja yu. To bajiri mua ñagöroto rïjoro, quënarö tuoïama. To yicöari, muare rojose ña yiboajaquëne, muajuma quënasejuare yirä rïne ñacöama. ¹⁷ Ado bajiro bajiroti ñajare, quënarö tuoïama mua: Muare ñejeçöari, Dios ocare ña bueriviriju ujarä rïjoroju muare juaáruaräma ña. Toju muare bajeruaräma. ¹⁸ To yicöari, yu ocare mua gotimasiocudibane, macari ujarä rïjoroju muare juaáruaräma ña. To yi vanane, ujarä ñamasurä rïjoroju muare juaáruaräma. To bajiro muare ña yijare, ujaräre, to yicöari, jud'io masa mere yu ocare gotiruaräja mua. ¹⁹⁻²⁰ Ujarä rïjoroju muare ña juajero, “¿No bajiro ñagöräti yua?”, yituoïarejaibeja mua. “Ñagöña” muare ña yiririmarone, mani jacu Dios i cöagü, Espiritu Santo i ejarëmose räca “Ado bajiro gotiruaräja yua” yimasiruaräja mua —yuare yicami Jesús.

²¹ Quëna ado bajiro yuare yicami Jesús:

—Yu yere ajiteräre güiose ña yisere ñaruaräja mua. Sīgü rĩa ñaboarine, “Ñare siato” yirä, ñejerotiruaräma ña. To yicöari, jacua quëne, “Yu rĩare siato” yirä, ña rĩare ñejerotiruaräma. Ña rĩajua quëne, ña jacua ajijünisinicöari, gãjeräre siarotiruaräma ña. ²² Yu ocare mua goticudijare, jediro masa muare ñaruaräma. To bajiro ña yiboajaquëne, no bojarä yuare ajitiräna tujamenarema, rojose tãmuotujabetiriaröju ña varoti ñaboare ñare yirëtohusarucami Dios. ²³ Cojo maca muare rojose ña yijama, gaje macaju rudiaja mua. Riojo muare gotiaja yu. Jediro Israel sitajare ñarimacare mua goticudijeoroto rïjoro, yu, Dios i roticöacacu, adi macarucoröjare tudiejarucuja ya.

²⁴ Ñare buegu rëtohusaro masirä me ñaama i buerä. To bajiboarine, quënarö ña buejeocöajama, ñare buerimasure bajirone masiräma ña quëne. ²⁵ “Yuare buegure bajiro yua bajijama, quënaja”, yituoïaroti ñaja. To bajicöari, ñe moabosarimasure quëne, “Yuare ujure bajiro yua bajijama, quënaja”, yituoïaroti ñaja. To bajiro ti bajijare, yuare mua ujure Beelzebú yuare ña vãme yitud'ijama, yu yarä mua ñajare, rëtoro rojose muare yitud'iruaräma ña —yuare yicami Jesús.

“Masa rojose yiräre güimenane, Diojuare güiroti ñaja muare”, Jesús i yire queti
(Lc 12.2-7)

²⁶ Quëna ado bajiro i bueräre yuare yicami Jesús:

—Rojose muare ña yitud'iboaquëne, ñare güibeja mua. “Masa ña ñabeto yitud'irä yaja” muare ña yiboajaquëne, Diojuama, ñacöarucami. Ñejuama masa ña yirudise maja, Diorema. Adirämuri masa ña masibeti jediro, Dios i beseriräma ti ejarö, “Quënarö tire masiato” yigu, gotirucami. ²⁷ Masa ña ajibeto yayioroaca muare yu gotisere “Jediro ajiato” yirä, gotibatoruaräja mua. ²⁸ Muare siaruaräre güibeja mua. Mua usuriyarema siamasimenama ña. Diojuare mua güijama, quënaja. Ña ñaami mani catisere rotigu. Ña masu masiami. To bajiro rojose tãmuotujabetiriaröju muare reamasicöami.

²⁹ Juarã miniare mani vaju yijama, cojotii gâjoatii rãca vaju yire ñaroja ti, mojoroaca vaju cutirã ña ñajare. To cõroaca vaju cutiboarine, Dios i rotibetone rijagu magumi. ³⁰⁻³¹ Masajuare, Dios i ñajama, jairo vaju cutirãre bajiro manire ñaami. Manire buto maiami i. To bajiro bajigu ñari, mani rujoajoare, cojojoara rujabeto cõiajeogu ñaami. To bajiri rojose muare yirãre güibeja —i buerãre yuare yicami Jesús.

“Masa ña ñaro rĩjorojua, ‘Jesúre ajitirãnugũ ñaja yu’ mña yijama, quẽnaja”, Jesús i yire queti (Lc 12.8-9)

³² Quẽna ado bajiro yuare yicami Jesús:

—Masa ña ñaro rĩjorojua, “Jesúre ajitirãnurã ñaja yua” yirãrema, yu quẽne õ vecaju yu jacu i ñaro rĩjorojua, “Ãnoa ñaama yu yarã”, yĩorucuja yu. ³³ To bajiboarine masa ñaro rĩjorojua, “Jesúre ajitirãnurã me ñaja yua” ña yijama, yu quẽne, õ vecaju yu jacu i ñaro rĩjorojua, “Yu yarã me ñaama ña”, yirucuja yu —yuare yicami Jesús.

“Yuare mña ajitirãnuserẽ ñacõari, muare ñajũnisiniruarãma”, Jesús i yire queti (Lc 12.51-53; 14.26-27)

³⁴ Quẽna ado bajiro yuare yicami Jesús:

—“Quẽnaro ñato masa’ yigu, vayumi Jesús”, yure yituoĩabesa mña. Dios i bojabeti yirã, yu ocare ajijũnisinĩcõari, yure ajitirãnurãre ñateruarãma ña. To bajiri ado bajirojua yure yituoĩaña: “‘I suorine ricatiri tuoĩaruarãma’ yigu, vayumi Jesús”, yure yituoĩaña. ³⁵ I macu, yure i ajitirãnũjama, i jacujua ñe ñaterucumi. Jacujua, yure i ajitirãnũjama, i macujua, ñe ñaterucumi. So macojua, yure so ajitirãnũjama, so jacojua, sore ñaterucocomo. Jacojua, yure so ajitirãnũjama, so macojua, sore ñaterucocomo. So ñmañicojua yure so ajitirãnũjama, so jẽjojua, sore ñaterucocomo. ³⁶ To bajiri sigũ yure ajitirãnugũ i ñajare, i yarã ñaboarine, ñe ñateruarãma.

³⁷ No bojagu i jacore, i jacure yure i mairo rẽtobusaro maigũma, yu yu ñamasibecumi i ũgũma. No bojagu i macore, i macure yure i mairo rẽtobusaro maigũma, yu yu ñamasibecumi i ũgũma. ³⁸ No bojagu, “Jesúre bajiro rojose tãmosuyarucuja yu” yituoĩabecuma, yu yu ñamasibecumi i ũgũma. ³⁹ No bojarã, no ña bojarone ñare cutirãme adi macarucuro ñasere ñavariquẽnacõari, Diore tuoĩamenama, Dios i catisere yayibetire cuomena ñaruarãma ña. To bajiboarine, yure ajitirãnurã, yu oca ña gotisere ajijũnisinĩcõari, ña sãarãma, Dios tu quẽnaro ñarona ñarãma —yuare yicami Jesús.

“Ado bajiro yirã ñarãma Dios tũju quẽnase bujarona”, yire queti (Mr 9.41)

⁴⁰ Quẽna ado bajiro yuare yicami Jesús:

—Muare cõagũ yu ñajare, gãjerã tu mña ejaro, quẽnaro muare ña yijama, yurene quẽnaro yirã yirãma. Yure quẽnaro yirãma, yure cõacacure quẽnaro yirã yirãma. ⁴¹ “Diore gotirẽtobosarimasu ñagũmi” yimasicõari, quẽnaro ñe yirã, ñe gotirẽtobosarimasu Dios tu quẽnase i bujaroto cõrone bujaruarãma ña quẽne. “Quẽnaro yigu ñaami” yimasicõari, quẽnaro ñe yirã, quẽnaro yigu Dios tu quẽnase i bujaroto cõrone bujaruarãma ña quẽne. ⁴² Riojo muare gotiaja yu. Yure ajisuyarã ñamasurã me ña ñaboajaquẽne, yure ajitirãnurã ña ñajare, quẽnaro ñare yirã, to bajiro ña yise vaju, vaju bujaruarãma ña. Ocone ñare ña ioboaajaquẽne, vaju bujaruarãma —yuare yicami Jesús.

11

Juan vãme cutigu, masare oco rãca bautizarimasu i cõariarã, Jesúre ña sẽnĩare queti (Lc 7.18-35)

¹ Yuare, i buerãre juaãmo cõro, gubo jua jẽnituarirãcu ñarãre yuare i gotimasioro bero, ti sita ñarimacarianare ñare gotimasilocudirã vacaju yua, Jesurãca.

² Tirodo Juan vãme cutigu, masare oco rãca bautizarimasu, tubiberiaviyũ ñaũju i. Toju i ñarone, Jesús masare i gotimasilocudicati, to yicõari, ñaiañamani i yilocati queti ñe ejayuju. Tire ajicõari, juarã i buerimasare cõaũmi, “Jesúre sẽnĩaaya” yigu. ³ Yu tu ejacõari, ado bajiro Jesúre sẽnĩlacama ña:

—¿Mũne ñati “Rotimucogõrucumi” yigu, Dios i cõar'i, “Yu bero ejarucumi” Juan i yigoti-masilocacu? ¿Gãjire yuroti ñatique maji? —Ñe yisẽnĩlacama ña.

⁴ To ña yisẽnĩarone, ado bajiro ñare yicudicami Jesús:

—Vasa mña. Juan tũju tudiasa. I tu ejacõari, mña ñasere, mña ajisere quẽne ñe gotiba. ⁵ Ado bajiro ñe gotiba mña: “Jesús i masise rãca i yijare, ñabetiboariarã quẽne ñama. Rujasagueri vaboariarã quẽne, quẽnaro vama. Gase boariarãre quẽne, ña cãmi yatibu. Ajimena ñaboariarã quẽne, ajima. Bajireariarã quẽne, tudicatima. To yicõari, maioro bajirã quẽne, Dios oca quẽnasere gotimasio ecoama ña”, yigotiba, Juan tũju ejacõari. ⁶ To bajiri, “Quẽnase bujaruarãma yure ajitirãnurã, “Socu me yami” yure yituoĩarãma’ yimi”, ñe yigotiba —ñare yicami Jesús, Juan buerimasare.

⁷ To bajiro i yisere ajicōari, ina vase rācane, Juan vāme cutigu, masare oco rāca bautizari-masu i nare quetire goticami Jesús, jājarā ĩre ajisuyarāre:

—Yucú manoj vana, ĩnimu ũgũre tuoia vacati mua? ĩMasa ina bojasere bajiro yirua tuoiaġũre ĩarā vacati mua? “To bajiro tuoiaġũ me ñacami”, yimasiaja mua. ⁸ ĩNimu ũgũre tuoiaġũ vacati mua? ĩQuēnase sudi sãñagũre tuoia vacati? To bajiro me tuoiararāja mua. “Quēnase sudi sãñarāma, quēnaririviju, ũjarā ya viriju ñarāma”, yimasiaja mani. ⁹ ĩNimu ũgũre tuoia vacati mua? ĩDiore gotirētohosarimase tuoia vacati que mua? Riojo muare gotiaja yu. Gãjerā Diore gotirētohosarimasa rētoro ñagũre ĩararāja mua. ¹⁰ Juan i bajirore gotiro, ado bajise gotiaja Dios oca masa ina ucamasire:

“ ‘Rotimorũgũrũcumi’ yigu, mure yu cōaroto rĩjoro, mure gotiyurocũre cōasorũcũja yu maji’ yami Dios. ‘Ĭ ñarũcumi ado bajise gotirocũ: “Yoaro mene ejarũcumi ‘Rotimorũgũrũcumi’ yigu, Dios i cōarocũ. To bajiro rojose Dios i bojabetire yitujacōari, i bojasejuare yi yuya mua” yigotirocũ ñarũcumi’, yami Dios”, yigotiaja Dios oca masa ina ucamasire.

¹¹ Diore gotirētohosarimasa ina gotimasire rētoro ñamasuse ñaja, Juan, Diore i gotirētohosaseju. To bajiro ti bajiboajaquēne, Juan i gotise rētoro ñamasuse ñaja yu gotiroticōarā ĩna gotise. “Ŭju Dios yarā quēnaro i yirona mua ñarũajama, Jesũre ajitirũnũña” ĩna yigotisere yaja yu. Ñamasurā ñaama, “Ñamasurā me ñaama Jesús i gotiroticōarā” mua yĩaboajaquēne —yicami Jesús, ĩre ajisuyarāre.

¹² Quēna ado bajiro yicami Jesús:

—Juan i gotimasiosuorĩjune, “Ŭju Dios yarā quēnaro i yirā mua ñarũajama, rojose mua yisere yitujacōari, Jesũre ajitirũnũña” yirere ajicōari, ti josaboajaquēne, yure ajisuya variquēnasuoadicama masa. ¹³ Juan i gotimasiosuoroto rĩjorojune, “Rotimorũgũrũcumi” yigu Dios i cōarocũre goticoayuma ĩna, Diore gotirētohosarimasa. Moisére Dios i roticũmasire quēne, tire gotiaja ti. ¹⁴ “Diore gotirētohosarimasa El’ias vāme cutimasir’ire bajiro bajigu ejarũcumi”, yigotiyujarā ĩna, Diore gotirētohosarimasa. To bajiro ĩna yimasirere, “Riojo ucamasĩñuma ĩna” mua yitũoĩajama, “Juan i ejarotire gotirā yimasĩñuma”, yimasiaja mua. ¹⁵ Mua ajimasirũajama, quēnaro yure ajitirũnũña mua —ĩre ajisuyarāre yicami Jesús.

¹⁶⁻¹⁷ Quēna ado bajiro ĩre ajisuyarāre goticami Jesús:

—Ado bajiro yirāre bajiro yirā ñarāja mua, adirodoriana: Daquerā, gãjerā rāca ajerũamenare bajiro yirā ñarāja. ĩna ajeritũcuroju rujicōari, gãjerājuare, ado bajiro ĩnare gotirujirāma: “ ‘Basavariquēnato mani’ yirā, muare jutibosaboabũ yua. To bajiro yua yiboajaquēne, basabeju mua. To bajiri, Rijararāre bucũrā ĩna oticatore bajiro sutiriose boca otirũarāja mua, yua basañarone’ yiboabũ yua. To yua yiboajaquēne, otibeju mua”, ĩnare yigotirāma, ĩna rāca ajerũamenare. ¹⁸ ĩna rāca ajerũamenare bajiro yirā ñarāja mua, adirodoriana. Juan, quēnase bare babeti, quēnase idire idibeti bajiñañuju ĩ. To bajiro bajigu i ñajare, “Vãti sãñagũ ñagũmi”, ĩre yitũoĩacaju mua, ĩre ajiterā ñari. ¹⁹ ĩbero gotimasiosuocaju yu, Dios i roticōacacu. Yũjuama, quēnase bare ba, quēnase idire idi bajiñaja yu. To bajiro yigu yu ñajare, “Jairo bagũ ñaami. Idimecũgũ ñaami. Ŭjure gãjoa sēnibosarimasa, gãjerā rojose yirāre quēne ĩnare baba cutiami”, yure yĩajũnisiniaja mua, yure quēne ajiterā ñari. To bajiro Juanre quēne, yure quēne mua yise ti ñaboajaquēne, Dios i masise rāca yua yise ti ñajare, beroju, “Quēnaro yirā yiboayuma” yuare yimasirũarāja mua —yicami Jesús, ĩre ajisuyarāre.

Ĭre ajitirũnũbeti macariana ĩna bajisere to yicōari, ĩna bajirore tuoiaġũre, Jesús i gotire queti

(Lc 10.13-15)

²⁰ Tiju bero, ĩaĩañamani i yĩboacana ya macarire tuoiaġũre, Dios i bojabetire ĩna yisere tuoiasutiriticōari, ĩna yitujabetijare, rojose ĩna tãmuorotire yigu, ado bajiro goticami Jesús:

²¹ —Coraz’ĩn macana, to bajicōari, Betsaida macana quēne, buto rojose tãmuorũarāma. Ti macarianare ĩaĩañamani yu yĩocatore bajiro, Tiro vāme cuti macanare, Sidón vāme cuti macanare quēne ĩaĩañamani yu ĩojama, tirũmũju rojose ĩna yisere tuoiasutiriticōari, yitujacaboriarāma ĩnama. “Rojose yua yisere yirũabeaja” yisutiritirā ñari, sutiritirā ĩna sãñaseju sudi vasoacōari, to yicōari, ĩna rujoariju oja majeoboriarāma. ²² Riojo muare gotiaja yu. Sidón macana, to bajicōari, Tiro macana ñamasirarā rētohosaro rojose tãmuorũarāma ĩna, Dios, masare i beserirũmũ ti ejaro. ²³ Capernaum macanajua, “Quēnarā ñari, ō vecaju Dios i ñaraju ñarona ñaja mani”, yitũoĩaboarāma ĩna. To bajiro ĩna yitũoĩaboajaquēne, Dios tũju ñabetirũarāma. Rojose tãmuotujabetiriaroju ñaja ĩna cōaecorotoma. Toanare ĩaĩañamani yu yĩocatore bajiro, Sodoma macanare quēne yu yĩojama, rojose ĩna yisere yitujaboriarāma ĩnama. To bajiri adirũmũire quēne ñacōaboriaroja ti maca maji. ²⁴ Riojo muare gotiaja yu. Ti macana yure ĩna ajirũabeti vaja, Diojuama, rojose ĩnare yirũcumi masare i beserirũmũ ti

ejaro. Sodoma macana ñamasiriarã rêtobusaro rojose tãmuoruarãma ñna —yituoia goticami Jesús.

*“Quênaja” Diore Jesús i yivariquênare queti
(Lc 10.21-22)*

²⁵⁻²⁶ Ñre ajitirãnuarãre, “Mu suorine ajitirãnuama” yigu, “Quênaja” Diore yivariquênagã, ado bajiro yicami Jesús:

—Casu, ò vecagu uju ñaja mu. Adi macarucurore quêne, ñajediro uju ñaja mu. “Jêre masiaja yua” yituoia boarãre, “Yu ocare ajimasibeticôato ñna” yigu, ñnare masirioaja mu. To yicôari, “Masimena ñaja yua” yirãjuare, “Ajimasiato” yigu, ñna ajimasirotire yirêmorügüaja mu. To bajiro mu yijama, mu bojarore bajiro yigu yaja mu —Diore yicami Jesús.

²⁷ To yicôari, ñre ajisuyarãjuare ado bajiro goticami Jesús:

—Yu jacu i ejarêmore suorine jediro yimasijeogu ñaja yu. “Tire yimasiao” yigu, adi macarucurore yure cõacami yu jacu. To bajiro yicacu ñari, yu yisere masijeocõami yu jacu. Yu quêne, i yisere masijeocõaja. “Ñre masiao” yigu, yu beserã rïne yu jacure masiama —ñnare yicami Jesús.

²⁸⁻²⁹ Quêna ado bajiro yicami Jesús:

—Cojo vãme me ñna rotise ti ñajare, jairo gajacõari, ñarãre bajiro bajaia mua. “Tire cudijeomasimenaja mani” yisutiritirã ñari, yujuare ajirã vayã mua. Yure ajitirãnuacõari, rucuse gajacõari, ñamenare bajiro variquênarã ñnaruarãja mua. Masare maituoia gü ñaja yu. “Ñamasugü ñari, ñnare ajirãcubõobeaja yu” yigu me ñaja yu. No bojarãre yure ajitirãnuarãre ejarêmogü ñaja. ³⁰ Muare yu rotise josari me ñaja. To bajiri yu rotisere mua cudijama, variquênaruarãja mua —yicami Jesús.

12

*Ususãjariarũmu ñaboajaquêne, Jesús buerimasa trigo ajere tũnejuacõari ñna bare queti
(Mr 2.23-28; Lc 6.1-5)*

¹ Ususãjariarũmu ti ejaro, trigo ñna oterivese cutore vacaju, Jesurãca. To bajivanane ñiorijacaju yua. To bajirã ñari, trigo ricare tũnejuacõari, yua ãmorine ti gasere sigũeacõari, bacaju yua. ² Tire yua basere iacõari, fariseo masa ado bajiro Jesure ñre yicama ñna:

—Jlaña mu! Mu buerimasa, ususãjariarũmu yire mere yama ñna —Jesure ñre yicama.

³ To bajiro ñna yisere ajicõari, ado bajiro ñnare cudicami Jesús:

—David ñamasir'i i babarã rãca ñiorijacõari, ñnare i ãmato bamasirere masibeaia mua?

⁴ Ñiorijarã ñari, “Mani rãca ñagũmi Dios” masa ñna yirivijure sãjacõari, Diore ñre rucubõorã gãjerã pan ñna cõboarerene juacõari, i babarã rãca bamasinũju i. To bajiri Moisés ñamasir'i i gotimasirema, “Paia rïne baruarãma” i yimasiboarerene bamasinũjarã ñna. To bajiro ñna yiboajaquêne, ti vaja rojose ñnare yibetimasinũmi Dios. ⁵ ¿“Ususãjariarũmu ti ñaboajaquêne, Diore yirucubõoriaviju paia ñna moatujabetiboajaquêne, rojose yirã me yirãma ñna”, Moisés ñamasir'i i yuicamasirere masiritiatique mua? ⁶ Riojo muare gotiaja yu. Moisére i roticũmasire, Diore yirucubõoriaviaye ñase rêtobusaro ñamasuse ñaja mame yu rotise. ⁷ Dios oca masa ñna ucamasire ajimasibetibusaja mua. Ado bajiro gotiaja ti: “Vaubucurã ecariarãre siacõari, yure ñna soemuosere bojabetibusaja yu. Masa gãjerãre quênaro ñna ñamaisejuare bojamascõaja yu”. To bajiro yigotiaja Dios oca masa ñna ucamasire. Tire, “Ado bajiro yiruaro yaja” yiajimasirã masu mua ñajama, Dios i bojabeti rojose ñna yibetiboajaquêne, “Rojose yama” yu buerimasare ñnare yibetiboriarãja mua. ⁸ Yu, Dios i roticõacacu, “Ususãjariarũmure ado bajiro mua yijama, quênaja. To bajiroja mua yijama, quênabeaja”, yirotigũ ñaja yu —ñnare yicudicami Jesús, fariseo masare.

*Ãmo ñujobecure Jesús i ñujorotire queti
(Mr 3.1-6; Lc 6.6-11)*

⁹ To yi vacũne, Dios ocare ñna bueriviju yuare ãmato sãjacami Jesús. ¹⁰ Ti viju ñacami sigũ, cojojacatua ãmo ñujobecu. Fariseo masa quêne ñacama. “Jesús, rojose yimi” ujarãre yi ocasãruarã, ado bajiro Jesure sãnĩiatocama ñna:

—Dios, Moisére i roticũmasirere mu tuoiajama, “Adirũmu ususãjariarũmure rijaye cutirãre mani catiojama, quênacõaroja”, ¿yituoia ti mu? —Jesure ñre yisãnĩiatocama ñna.

¹¹ To ñna yisere ajicõari, ado bajiro yicami:

—Oveja mua ecar'i, gojeju i quediocasãjama, “Ususãjariarũmu ñaja” yirã, ãmirã vame-nada mua? ¹² ¿Masu rêtobusaro maiogũ ñatique, ovejajua? To bajiri, ¿ususãjariarũmu quêne, no bojagu masare quênaro mani yijama, quênabetojarique? —ñnare yicudicami Jesús.

¹³ To yicõari, ãmo ñujobecujuare:

—Mu ãmore ñujoya —ñre yicami.

To ï yirone, ï âmore ï ñujorone, quënaejacoacaju yuja, gaje âmore bajirone. ¹⁴ To ï yisere ïacôari, budicoacama fariseo masa. Budiacoari, “¿No bajiro yicôari, Jesúre sïarotirâti mani?” gâmerâ yïñagôñujarâ ïna.

Diore gotirëtobosarimasa Jesús ï bajiritire yirâ, ïna ucamasire queti

¹⁵ To bajiro ïre ïna tuoïa ñagôjaisere masicôari, gajeroju vacami Jesús quëna. Jesús ï vato ïacôari, ïre suyacaju yua, jâjarâ masa. Toju ñajediro masa rijaye cutirâre catiocami. ¹⁶ To yicôari, ïnare ï catiosere gotirotibeticami ï. ¹⁷ To bajiro ï yijama, “Isa'ias ñamasir'i Diore gotirëtobosarimasa, ‘To bajiro bajiruaroja’ ï yiuucasiriarore bajiro bajiato” yigu, yicami, ado bajiro yise ti ñajare:

¹⁸ “Âni ñaami, yure moabosarimasa yu besecacu, yu ïavariquënegü. Esp'iritu Santore ïre cöarucaju yu, ‘Ï ejarëmose rãca yu bojasere yimasïato ï’ yigu. To bajiri, ‘Ado bajiro riojo yiroti ñaja’ yigotibatorucami, masa ñajedirore.

¹⁹ Masa rãca oca josabecu ñarucami ï. To yicôari, masa ïna ïaro rïjorojua rügôcôari, ‘Yure ajiya mua. Masigü ñaja yu’ yivasa gôtibecu ñarucami.

²⁰ Yure quënarö ajitirünunenare, yu bojarore bajiro yimasibeticôari, tuoïasutiritirâre quëne mairucami. ïnare ïamaicôari, ‘Quënarö yure ajitirünuatö ïna’ yigu, ïnare ejarëmorucami.

²¹ Jud'io masa me ñarâ rojose ïna yise vaju rojose ïna tâmuoborotire, ‘Manire yirëtobosarucami. To bajiri rojose tâmuobetiruarâja’ yivariquëna yuñaruarâma”, yiuucasinumi Isa'ias, Diore gotirëtobosarimasa.

“Vätia uju ï masise rãca yigu yami Jesús” ïna yire queti

(Mr 3.20-30; Lc 11.14-23; 12.10)

²² Sïgü ñacami vätï sãñagü. “Ïabeticôato; ñagôbeticôato” yigu, ï usujure sãjacôari, ñañumi. To bajiri Jesús tuju ïre âmiejacama masa. To ïna yirone, ï usujure sãñagüre vätire burocami Jesús. To bajiri vätire ï burocajare, ïamasi, ñagômasi, bajicoacami yuja. ²³ Tire ïacôari, no yimasibeticama masa jediro:

—¿Uju David ñamasir'i jãnami “Rotimorügôrucami” yigu, Dios ï cöar'i mani tuoïa yuñarügügü ñatique ï? —yicama.

²⁴ To bajiro ïna yisere ajicôari, ado bajiro ïnare yicama fariseo masajua:

—Vätiare ï bureajama, vätia uju Beelzebú vãme cutigu ï masise rãca vätiare bureagu yami —yicama ïna.

²⁵ To bajiro ïna tuoïasere ïamasicôari, ado bajiro ïnare gotimasiocami Jesús:

—Cojo sitana rotirimasa ïna gãmerâ quëajama, ïna masune gãmerâ sïayayirâ yirãma. To bajirone bajiroja cojo macanare quëne, cojo vi ñarãre quëne. ²⁶ To bajirone bajiroja vätiare quëne. Vätia ïna gãmerâ bureajama, “Masare rojose yitujato mani” yirâ yiborãma. To bajiro ti bajijare, “Beelzebú vãme cutigu ï masise rãca masa usuriju sãñarãre vätiare bureaami” yure mua yiboase, riojo yirâ me yaja mua. ²⁷ To bajiro yure mua yituoïaboajama, mua buerâ quëne masa usuriju sãñarãre vätiare ïna bureasere, “Vätï ï masise rãca burearãma ïna quëne” yirãre bajiro yaja mua. To bajiro mua yijama, “Tuoïamavisiaja mua”, muare yiruarãma ïna, mua buerâ. ²⁸ Ado bajirojua tuoïarona ñaboaja mua: “Vätia uju ï masise rãca me yami. Esp'iritu Santo ï masise rãcaju vätiare bureaami”, yure yituoïarona ñaja mua. To yicôari, “‘Rotimorügôrucami’ yigu, Dios ï cöar'i ñaami”, yure yituoïamasiroti ñaja muare.

²⁹ “To bajiro yimasiroti ñaboaja” yigu ñari, “Quënabusaro yimasïato” yigu, quëna gajeye gotimasiore queti muare gotiaja yu: Sïgü, gãji guamu ya vi sãjacôari, ïre ï siabetijama, gajeyeünre emamasibecami. ïre siacôari, ï gajeyeünire emamasigümi yuja. To bajirone bajiaja yure quëne. Vätia uju ï rotiboasere ïre yirotibeticôari, masa usuriju sãñarãre vätiare yu burease suorine, vätï ï rotiajeboariarãre ïre emagü yaja, “Yu yarâ ñato” yigu.

³⁰ No bojarâ yu gotiboasere ajitirünunenama, yure ajitirünaboronare matarâ yirãma. No bojarâ, “Jesúre ajitirünuña” yure yigoticudibosamenama, “Ïre ajibesa” yirãre bajiro bajirâ ñarãma.

³¹ To bajiri, riojo muare gotiaja yu. Masa jediro rojose ïna yijama, jediro rojose ïna ñagôjaquëne, sutiriticôari, Diore ïna sënijama, rojose ïna yisere masiriorucami. To bajiboarine, Esp'iritu Santojare rãcubomema rojose ïre ïna yitud'ijama, tirema masiriobetirucami. ³² No bojarâ, Dios ï roticôacare rojose yure ïna ñagôro bero, sutiriticôari, Diore ïna sënijama, rojose ïna yisere masiriorucami. To bajiboarine, Esp'iritu Santo ï masise rãca moagüre, “Satanás ye rãca moami” ïna yitud'ijama, Esp'iritu Santojare rojose yirâ yirãma. Tirema gajerodo ti ñacoaboajaquëne, masiriobetirucami Dios —ïnare yicami Jesús.

“Ti rica cutise suorine yucãre ïamasiaja mani”, Jesús ï yigotimasiore queti

(Lc 6.43-45)

³³ Quëna ado bajiro goticami Jesús:

—Yucá quénase ti rica cutijama, “Quénaricu ñaja”, yaja mani. Yucá rojose ti rica cutijama, “Rojoricu ñaja”, yaja mani. Ricare iacōari, “Quénaricuaye, rojoricuaye ñaja”, yijamasaja mani. To bajirone bajiaja mani yise quēne. “Quénagū ñaami. Rojogu ñaami” yimasiruarā, i yisere ñajarāja mani. ³⁴ Vātia uju rojose i yirore bajirone rojose yijairā ñaja mua. Rojorā ñari, no yirā quénasere ñagōmenaja mua. Mua usuriju rojose mua tuoīasāñasere ñagōburūgūaja mua. ³⁵ Quénagūma, quénaro tuoīagū ñagūmi. To bajiri quénase ñagōgūmi. Rojogujuma, rojose tuoīagū ñagūmi. To bajiri rojose ñagōgūmi. ³⁶ Riojo muare gotiaja yu. Ejaruaroja masa jedirore Dios i beserirūmu. Tirūmure tocārāca vāme, mua ñagōria vāmere, “Ado bajiro ti bajijare, to bajise ñagōcaju yua”, Diore yigotiruarāja mua. ³⁷ To bajirone bajiruaroja. Mua ñagōrere iacōari, “Quénase bujarā, rojose tāmuerā, bajiruarāja”, yirotirucami Dios —Inare yicami Jesús.

*“Iaiañamani mu yīosere bojaja yua”, ña yire queti
(Mr 8.12; Lc 11.29-32)*

³⁸ To i yiro bero, ado bajiro ñe yicama fariseo masa, Dios i rotimasire gotimasiorimasa quēne:

—Gotimasiorimasa, ñaiañamani mu yīosere bojaja yua —Jesúre ñe yicama ña.

³⁹ To ña yirone, ado bajiro ñare cudicami Jesús:

—Mua adirodoriana, rojose yirā jājarā ñaja mua. Yure ajiterā ñari, ñaiañamani muare yu yīosere bojaboaja mua. To bajiro mua bojaboajaquēne, to bajise muare yīobetirucuja yu. To bajiboarine Jonás ñamasir'i Diore gotirētobosarimasa i bajimasire bajiro bajīloroti ñaraja. ⁴⁰ N'inive vāme cuti macana ñamasiriarā, ña tuju Jonás i ejaroto rjoro idiarāmu, idia ñami vai jaigu gudajoju i ñamasirere ñare i gotisere ajicōari, “Diore gotirētobosagu ñaami”, ñe yituoīañujarā ña, N'inive macana. To bajiro bajirucuja yu quēne, Dios i roticōacacu quēne. Idia ñami, idiarāmu sita ēñerocaju yu ñare ajicōari, “Dios i cōar'ine ñañumi”, yimasiruarāma ña, masa. ⁴¹ N'inive macana ñamasiriarā, Jonás ñamasir'i Dios oca i gotisere ajicōari, rojose ña yisere sutiriticōari, yitujamasifujarā ña. Jonás rētoro ñamasugū ñaja yu. To bajiro yu bajiboajaquēne, muajuama, rojose mua yisere yitujabeaja mua. To bajiro yirā mua ñajare, masare Dios i beserirūmu ti ejaro, ado bajiro bajiruaroja: N'inive maca ñamasiriarā, tudicaturarāma ña. Tudicaticōari, “Mua ye suorine rojose tāmueruarāja”, muare yīaruarāma. ⁴² Sabá sitana ujo ñamasirio, “Uju Salomón quénaro masigū ñañuju” yire quetire ajicōari, sōju vadicōari, ñe ajigo ejamasifuju so. Salomón rētoro ñamasugū ñaja yu. To yu bajiboajaquēne, muajuama, yure ajitirānubeaja mua. To bajiri, masare Dios i beserirūmu ti ejaro, ado bajiro bajiruaroja muare: Salomón tu ejamasirio, tudicaticōari, “Mua ye suorine rojose tāmueruarāja”, muare yirucocomo so, yu gotisere ajirā ñaboarine, rojose mua yitujabetijare —fariseo masare ñare yicami Jesús.

*Vāti, masu usujure sñar'i, budicōari, i tudisājare queti
(Lc 11.24-26)*

⁴³ Quēna ado bajiro yicami Jesús:

—Vāti, masu usujure budicōari, oco manoriju vacudigūmi. Tujariajan bujabecu ñari, ado bajiro tuoīagūmi: ⁴⁴ “Yu budiriarojane vacarocu ñagūja yu”, yituoīagūmi. Masu usujure i budigoriore tudiejagu i ñajama, gōjanabiose mano, quénarivire bajiro masu usujure ñaejagūmi. ⁴⁵ To bajiro i usujure ñaejacōari, cojomo cōro jua jēnituarirācu vātia i rētoro rojose yirāre ūmato ejagūmi. To yicōari, ña ñaro cōrone masu usujure sñarāma ña. To bajiri, rētorobusa rojose yigu ñagūmi masu yuja. To bajirone bajiruaroja muare adirodoriana rojose yirāre quēne. Vātiane yu bureacōaboajaquēne, yure ajitirānūmenā ñari, butobusa rojose yirā ñaja mua —Inare yicami Jesús.

*“Yu yarāma ado bajiro bajirāñu ñaama”, Jesús i yire queti
(Mr 3.31-35; Lc 8.19-21)*

⁴⁶⁻⁴⁷ Jesús, masare i gotimasio ñarone, sīgū, ado bajiro Jesúre ñe yicami i:

—Mu jaco, mu bederā rāca macajūja ejama, mu rāca ñagōruarā —Jesúre ñe yicami.

⁴⁸ To bajiro i yiboajaquēne, ado bajiro ñe yicudicami Jesús:

—¿Nimo ñati yu jaco? ¿Nimarā ñati yu bederāma? —Ñe yicami Jesús. ⁴⁹ To yigune, muajuare, i buerimasare iacōari,

—Mua ñaja yu bederāma, yu jacore bajiro bajirāma. ⁵⁰ No bojarā yu jaco ō vecagu i rotirore bajiro yirā, ña ñarāma yu bederāre bajiro bajirāma, yu jacore bajiro bajirāma —yuare yicami Jesús.

13

*Oterimasa i bajirere Jesús i gotimasio queti
(Mr 4.1-9; Lc 8.4-8)*

¹ Tirūmune, vi ñar'i, budiacōari, utabucara tuju yua rāca ejarūju ejacami Jesús. To bajicōari, masare gotimasiocami. ² Masa jājarābusa ina rējaquearo iacōari, cūmuaju vasājacōari, rujicami Jesús. Masajuama, utabucara tu rūgōcōacama ina. ³ To bajicōari, cojo queti me tuoīacōari, “Ado bajiro bajisere bajiro bajiaja” inare yigotigu ñari, ado bajise goticami:

—Sīgū oterimasu, veseju ote ajere otegu vacami. ⁴ Vese ejacōari, ote ajere i reabaterone, gajeye maaju vējaquearoja. To bajiri minia ejacōari, tire bareacōarāma ina. ⁵⁻⁶ Gajeyema, gūta joeju reajeoroja. Tijū, mojoroaca sita ti ñajare, guaro ti judidaboajaquēne muiju, asisīocōagūmi. To bajicōari, oco manijare, sīnireacoatoja ti. ⁷ Gajeyema, jotayucū vatoaju vējaquearoja. To bajicōari, ti judiboajaquēne, jotajua bucūaveocoatoja ti. ⁸ Gajeyema, sita quēnaroju vējaquearoja. To baji, judibucacōari, quēnase ñacōari, jairo rica cutiroja. Cojotō, cien ñaricari rica cutieoroja. Gajetō sesenta ñaricari, gajetō treinta ñaricari rica cutiroja. ⁹ Tire mua ajimasirūajama, quēnaro tuoīaña mua —yicami Jesús.

“Ado bajiro yigu, gotimasiore queti gotirūgūaja yu”, Jesús i yire queti (Mr 4.10-12; Lc 8.9-10)

¹⁰ To i yiro bero, ado bajiro Jesúre sēñīacaju yua, i buerā:

—¿No yigu gotimasiore queti tuoīacōari, inare gotirūgūati mu? —İre yisēñīacaju yua.

¹¹ To yua yirone, ado bajiro yuare cūdicami:

—“Uju Dios yarā quēnaro i yirona yua ñaruajama, ado bajiro yiroti ñaja” ina yimasibeticare, yucurema Dios i masise rāca ajimasiaja muama. To bajiboarine, gājerājuama, Dios i bojabetijare tire ajimasibeama. ¹² No bojagu Diore ajitirūnugūre, “Quēnarobusa ajimasiasiato” yigu, i masisere cōarucami Dios. Gājirema, İre ajigu ñaboarine, İre i ajitirūnabetijare, i ajimasiboasere masiriojeocōarucami i. To bajiri İre masibetimasucōarucami i. ¹³ Masa ado bajiro bajirā ina ñajare, gotimasiore queti inare gotirūgūaja yu: Yu yīosere İarā ñaboarine, yu gotisere ajirā ñaboarine, ajimasicōari, “To bajiro manire yigotigu yatique”, yimasimenama. ¹⁴ Diore gotirētobosarimasu İsa İas ñamasir'i mua bajirotire yigu, Dios i ñagōmasirere ado bajiro yucumasiñumi:

“Yure ajirā ñaboarine, ajimasibeticōa ñaruarāma. Yu yīosere İarā ñaboarine, “To bajiro bajisere yigu yatique i”, yīamasibeticōa ñaruarāma.

¹⁵ Ado bajiro bajirā ñari, yu yere ajimasimena ñarāma ina: Gāmo gojeri tusubeti, to yicōari, caje İamenare bajiro bajirāma. To bajiro yu yijama, “Yu yere tuoīaruamena ñaama” yigu yaja yu. To bajirā ñari, tire quēnaro ajimasibeama. Yu yere ina tuoīaruajama, tire ajimasicōari, yu bojarore bajiro tuoīavasoacōari, yure sēñirūcūbuoborāma ina. Yure İna sēñijama, yure İna cāmotadicōa tujaborotire inare yirētobosaboguja yu, yigotiami Dios”, yucumasiñumi İsa İas ñamasir'i.

¹⁶ Variquēnaña muama. Yu yīosere tuoīacōari, yu bojarore bajiro tuoīavasoariarā ñari, tire yu gotimasiosere ajimasiaja muama. ¹⁷ Riojo muare gotiaja yu. Tirūmaju jājarā Diore gotirētobosamasiriarā yucu muare yu yīosere İaruamasiboayuma. Yu gotimasiosere mua ajisere ajruamasiboayuma. To bajiri muama, jairo yu yīosere masirā ñari, to yicōari, yu gotimasiosere ajirā ñari, variquēnaña mua —yuare yicami Jesús, i buerāre.

Ado bajise tuoīacōari, “Oterimasu i bajire quetire gotibu yu”, Jesús i yire queti (Mr 4.13-20; Lc 8.11-15)

¹⁸ Quēna ado bajiro goticami Jesús:

—Ado bajise tuoīacōari, oterimasu i bajire quetire gotibu yu: Quēnaro ajiya mua. ¹⁹ Ote aje, maaju vējaquearere, minia İna barere yu yijama, “Uju Dios yarā quēnaro i yirona İna ñaruajama, ado bajiro yiroti ñaja” yu yigotimasiosere İna ajiboasere, vātia uju ejacōari, guaro i masirosere yigu yibu yu —yuare yicami.

²⁰⁻²¹ —Gūta joeju vējaqueacōari, guaro judibucūaboarere, muiju i asisīorene yu yijama, yu yere ajicōari, quēnaro variquēnase rāca ajirā ñaboarine, yoaro mene tire İna quejerotire, to yicōari, yu gotisere ajirā İna ñajare, gājerā rojose İnare İna yijama, yoaro mene yu ocare İna ajitujarotire yigu yibu. ²² Jotayucū vatoaju vējaqueacōari, judiboarere jotajua ti bucūaveorere yu yijama, yu gotisere ajirā ñaboarine, adi macarucuro ti bajisejuare tuoīarejairā ñari, to yicōari, gajeyēñi bojatuoīarā ñari, yu yejuare tuoīatujacōari, yu bojarore bajiro yimenare yigu yibu yu. ²³ Sita quēnaroju vējaqueare judibucacōari, quēnase rica cutirere cojotō cien ñaricari, gajetō sesenta ñaricari, gajetō treinta ñaricari rica cutirere yu yijama, yu gotimasiosere ajimasicōari, Dios i bojarore bajiro quēnaro yirā yu ocare İna gotimasiosere suori, gājerā masa quēne yure İna ajitirūnurotire yigu yibu —yuare yicami Jesús.

Trigo vatoaju vidi judire queti

²⁴ “Masare Dios i beserirāmu ti ejaro ado bajiro bajiruaroja” yigu, gaje queti gotimasio-cami Jesús:

—Sīgū ī ya veseju trigo ajere otegumi. ²⁵ Ī otero bero, ĩre moabosarimasa ĩna cānitoje, ĩ ya vese ejacōari, vidi oterudigumi, ĩre ĩategu ĩari. To yigajano, vacoacumi ĩ. ²⁶ To bajiri trigo ti judibucato, vidi quēne ruyaroja. ²⁷ To bajisere ĩacōari, ĩna ujure gotirā vanama ĩna. ĩ tu ejacōari, ado bajiro yirāma: “Yua uju, ĩno yiro trigo rīne mu otecati ĩaboarine, vidi quēne judiri?”, yirāma, ĩna ujure. ²⁸ To ĩna yijare, “Sīgū yare ĩategu oterimi”, ĩnare yigumi ĩ. To ĩ yirone, “ĪAdo cōrone yua vūerearā vatire bojati mu?”, ĩre yisēniarāma ĩna. ²⁹ To ĩna yisere ajicōari, ado bajiro ĩnare yigumi ĩna uju: “ĪVaebesa maji! Mua vvejama, ote rācane vūecōarāja mua. ³⁰ Trigo rāca bucuaaojaro maji. Ti rica cuti bucuario ĩacōari, tire jua bajirāne vūereacōari, soereacōaruarāja mua. Trigore juacōari, tire cūriaviju cūcōaruarāja mua”, ĩnare yirotigumi oterimasa —yigotimasociami Jesūs.

“Mostaza vāme cutiū rica, ajeare bajiro bajiaja”, Jesūs ĩ yire queti
(Mr 4.30-32; Lc 13.18-19)

³¹ Quēna ado bajiro gotimasociami Jesūs:

—“Rotimuorūgōrucuja mu” yigu, Dios ĩ cōagū, yu gotimasiosere no bojarā ĩna ajitirānujama, muare yu gotisere mojoroaca ajimasiboarine, rojose ĩna ĩnare cutisere tuoĭvasoacōari, tocārācarāmuri quēnaro ĩnamujarūgūcōari, quēnaro ajimasimujarūgūajama, ado bajiro bajiruaroja: Sīgū ĩ ya vesejare mostaza ajea otegumi. ³² Gajeye ote aje rētoro rujaricaca ĩaroja ti mostaza ajeaca. To bajiri ĩ oterica mojoricaca ĩaboarine, ti judibucuaaojama, ote yucāri rētoabusaricu jairicu ĩaroja tiu. Jairicu ti ĩnare, tiu rujariju minia ĩna ria cutirotijurire quēnorāma ĩna —yigotimasociami Jesūs. ^e

“Pan vauvasere bajiro bajiaja”, Jesūs ĩ yire queti
(Lc 13.20-21)

³³ Quēna ado bajiro gotimasociami Jesūs: “ ‘Rotimuorūgōrucuja mu’ yigu, Dios ĩ cōagū, yu gotimasiosere no bojarā ĩna ajitirānujama, muare yu gotisere mojoroaca ajimasiboarine, rojose ĩna ĩnare cutisere tuoĭvasoacōari, tocārācarāmuri quēnaro ĩnamujarūgūcōari, quēnaro ajimasimujarūgūajama, ado bajiro bajiruaroja” yigu, gaje gotimasiosere queti goticami:

—Rōmio, pan quēnogoago, trigo vetare idiaji vasācōari, pan ūmato vauvasere vūogomo so. To so yijare, jairo vauvaroja ti. Tire bajirone bajiruaroja, Diore rotibosagure yare ajitirānūrā jājarābusa mua bujuroti —ĩnare yigotimasociami Jesūs.

“Ado bajiro Diore gotirētobosarimasa ĩ yiuucasire ĩnare, gotimasiosere queti gotirūgūajaja yu”, Jesūs ĩ yire queti
(Mr 4.33-34)

³⁴ Gotimasiosere queti rāca rīne ĩnare gotimasiorūgūcami Jesūs. ³⁵ Diore gotirētobosarimasa, “Ado bajiro bajiruaroja” ĩ yimasire ti ĩnare, to bajise gotimasiorūgūcami. Ado bajiro ucamasiñumi Diore gotirētobosarimasa:

“Masare ĩnare gotigu, gotimasiosere queti tuoĭacōari, ĩnare gotimasiorucami. To bajiro yigu, adi macarucuro ti ruyaroto rījorojune masiñamanicoadirere gotimasiorucami”, yiu-camasiñumi Diore gotirētobosarimasa Jesūre tuoĭa yugu.

Trigo vatoaju vidi judirema, “Ado bajiro yiruaro yaja”, Jesūs ĩ yigotimasiosere queti

³⁶ To bajiro yigotigajanocōari, “Viju vacu yaja yu”, yisājacoacami. To ĩ yī vatone, ĩre suyasājajaju yua quēne. Sājaejacōari, ado bajiro ĩre sēniācaju yua, ĩ buerimasa:

—Vidi judire quetire, “Ado bajiro yigu, to bajise yibu yu”, yuare yigotiya —Jesūre ĩre yicaju yua.

³⁷ To bajiro yua yijare, ado bajiro yuare goticami Jesūs:

—Trigo oterimasure yigu, yu masune yigu yibu yu, Dios ĩ roticōacacure yu yijama. ³⁸ Ī ya vesere yu yijama, adi macarucuro mani ĩarojare yigu yibu yu. Trigore yu yijama, yu yarāre quēnaro Dios ĩ yirāre yigu yibu. Vidire yu yijama, vātia uju, Satanās ĩ bojarore bajiro yirāre yigu yibu. ³⁹ Vidi oterudirimasure yu yijama, vātia uju Satanāre yigu yibu. Trigo ti bucatoju ĩna juarere yu yijama, adi macarucuro ti jedirotire yigu yibu. Trigo ti bucuro, juarimasure yu yijama, āngel mesare yigu yibu, yicami Jesūs. ⁴⁰ Vidi juacōari, ĩna soereare bajiro bajiruaroja adi macarucuro ti jediroju. ⁴¹ To cōrone, Dios ĩ roticōacacu, Diore rotibosagu, āngel mesare cōarucuja yu. “Yu yarā vatoaju ĩacōari, rojose yirāre, to yicōari, rojose ĩnare ūmato yirāre quēne juaāya” yigu, ĩnare cōarucuja. ⁴² ĩnare juacōari, jeame yatibetimeju reacōaruarāma ĩna. Toju ĩacōari, buto rojose tāmūorā ĩari, guji pōguē, oti, yiruārāma ĩna. ⁴³ Āngel mesa, ĩnare ĩna reagajanoro bero, ado bajiro bajiruārāja mua: Mani jacu, “Quēnase

^e 13:32 Mostaza ajea ti bajire queti Jesūs ĩ gotirere, “Ado bajiro yiruaro yaja”, yiyujarā Dios oca masa ĩna ucamasirere buerētobudiriārā sīgāri: “Jesūs ĩ gotimasiosere ajitirānūrā ĩ ĩarirodo mojoroaca ĩaboarine, jājarā ĩna bujurotore yigu yiyuju Jesūs”, yiyujarā ĩna.

yirā ñaama” i yīārā ñari, muiju i busurore bajiro busuruarāja. Tire mua ajimasirujama, quēnaro tuoñaña —yuare yicami Jesús.

Buto vaja cutisere i bujare queti

⁴⁴ Quēna ado bajiro yuare goticami Jesús:

—Dios yarā quēnaro i yirā mua ñase buto quēnaja ti. To bajiro ti bajijare, sīgū buto vaja cutise bujagure bajiro bajirāma Dios yarā ñaruarā. Sīgū yere buto vaja cutisere sita vatoaju i yayiboarere bujagumi gāji. Tire bujacōari, quēna tījane tudiyayiocūgūmi. To bajiri, “Jairo vaja cuti ñaja” yivariquēnagū ñari, i gajeyeūni ñaro cōrone gājerāre ĩsijeocōagūmi, gājoa bujaru. To yicōari, ti gājoa rāca ti sita ujure vaja yigūmi, sita vatoaju jairo vaja cutise i bujarere cuoru. Tire bajiro bajirāma Dios yarā ñaruarā. “Adi macarucuroaye jediro yu tuoña bojaboase rētoro quēnase ñaja Dios ye” yituoīacōari, jediro i bojarore bajiro yirūgūrāma —yuare yigotimasiocami Jesús.

Buto vaja cutia, perla vāme cutiare i bujare queti

⁴⁵ Ti vāmere bajiro gaje queti ado bajiro yuare goticami Jesús:

—Dios yarā quēnaro i yirā mani ñase quēnaja ti. To bajiro ti bajijare, buto vaja cutia perla vāme cutiare bujagure bajiro bajirāma Dios yarā ñaruarā. Sīgū gajeyeūni ĩsicudirimasu, perla vāme cutire sēnicudigūmi. ⁴⁶ To yicudigune, gāji i cuoricare quēnamasuricare bujagumi yuja. To bajiri tiare buto bojagu ñari, i gajeyeūni jedirore ĩsicōari, vaja sēnigūmi, gājoa bujaru. To yicōari, ti gājoa rāca ti bojaricare vaja yigūmi yuja. Tire bajiro bajirāma Dios yarā ñaruarā. “Adi macarucuroaye jediro yu tuoña bojaboase rētoro quēnaja Dios ye” yituoīacōari, jediro i bojarore bajiro yirūgūrāma —yuare yigotimasiocami Jesús.

Vai sīarimasa, vai quēnarā rīne ĩna besere queti

⁴⁷ Quēna gotimasiore queti yuare gotimasiocami Jesús:

—Masare Dios i beserirāma ti ejaro, vai sīarimasa vaire ĩna beseriarore bajiro bajiruaroja. Vai sīarimasa bajiu rāca ĩna vayaro, vai vāme cutirā ñaro cōro sājārāma ĩna. ⁴⁸ ĩna sājaro ĩacōari, jabuaju ĩnare tūamocūrāma. ĩnare beserāma. Bariarārema jībūju juasācōari, bayamanare reacōarama. ⁴⁹ To bajirone bajiruaroja macarucuro ti jediro. Ángel mesa, masare beserā vadiruarāma. Quēnarāre, rojorāre beseruarāma. ⁵⁰ Rojorāre ĩnare juacōari, jeame yatibetimeju reacōaruarāma. Toju ñacōari, buto rojose tāmūorā ñari, guji pōguē, otī, yiruarāma ĩna —yuare yicami Jesús.

“Jesúre ajitirūnūrā ñārāma Dios ocare tirūmuayere, mamere quēne quēnaro riojo gotimasiorā”, yire queti

⁵¹ Tire yuare gotigajanocōari, ado bajiro yuare sēniñacami Jesús:

—¿Tire muare yu gotimasiose queti jedirore ajimasiasiati mua? —yuare yisēniñacami.

—Ajimasiasaja —ire yicudicaju yua.

⁵² To bajiro yua yijare, ado bajiro yuare goticami:

—To bajiri Dios oca masa ĩna ucamasire quēnaro riojo gotimasiomasicōarāja mua. To yicōari, muare yu gotimasiosere ajimasirā ñari, tire quēne quēnaro riojo gotimasiomasirāja. To bajiro mua bajijama, vi uju gajeyeūni tirūmuju ñarere quēne, mame i uarere quēne quēnocūrīre bajiro bajirāja mua. ĩ ya viana ĩna cuobetiijama, ĩnare ĩsigūmi. ĩ yirore bajirone mua yarāre quēne ĩna ajimasiroti ti rayajama, tirūmuayere, to yicōari, yucu yu gotisere quēne quēnaro riojo ĩnare gotimasioruarāja —yuare yicami Jesús.

Nazaret vāme cuti macaju Jesús i vare queti

(Mr 6.1-6; Lc 4.16-30)

⁵³ To bajiro yuare gotimasio gajano, yuare ūmato vacoacami Jesús. ⁵⁴ To bajivana, ĩ ya macaju ejacaju yua. Toju Dios ocare ĩna buerivijure sājajecōari, masare gotimasio ñacami. Quēnaro ĩ gotimasiosere ajicōari, no yimasibeticama ĩna:

—¿No bajicōari, to bajise gotimasiomasiati i? ¿No bajiro yicōari, ĩaīñamanire yati? ⁵⁵ ¿Adi macagu yucū moarimasu macu me ñatique ĩma? ¿Mar'ia macu me ñatique? ¿Santiago, José, Simón, Judas mesa gagu me ñatique i? ⁵⁶ To yicōari, jediro mani vatoaju ñarā, ¿i bederā rōmiri me ñatique ĩna? To bajiri, ¿noju bueyujari āni? —Jesúre ĩre yicama ĩna, ĩ ya macana.

⁵⁷ To bajiri, “Namasugū me ñaami. Mani ya macagu mani masigū ñaami” yirā ñari, ĩre ajitirūnubeticama ĩna. To ĩna yirone, ado bajiro ĩnare goticami Jesús:

—Diore gotirētobosarimasu gajeroju Dios ocare i gotimasiocudijama, ĩre ajirūcūbuorāma. To bajiboarine, ĩ ya macanare, ĩ ya vianare quēne Dios ocare i gotimasiojama, ĩre ajirūcūbuomenama —ĩnare yicami Jesús.

⁵⁸ To bajiri i ya macana, ĩre ĩna ajitirūnubetijare, ĩaīñamanire jairo yīomasibeticami.

14

Juan vāme cutigwre, masare oco rāca bautizarimaswre ĩ rŭjoare ĩna jatarocare queti
(Mr 6.14-29; Lc 9.7-9)

¹ Cojorŭmŭ Galilea sitana ɯju, Herodes vāme cutigu, ĩaĭaŭamani Jesŭs ĩ yĩose quetire ajiyuju. ² To ĩ yĩasere ajicōari, ĩre moabosarimasare ado bajiro yiyuju:

—Juan vāme cutigu, masare oco rāca bautizarimaswne, űagŭmi quēna. Rijacoaboarine, tudicaticoarimi. To bajiri ĩaĭaŭamani yĩoűagŭmi ĩ —yĩtoĭaboayuju Herodes.

³⁻⁴ Juan ĩ ſiaecoroto rĩjoro ado bajiro bajire ti űajare, to bajiro tuoĭaűuju Herodes: ĩ bedi Felipe manajore Herod'ias vāme cutigore ēmacōari, manajo cutiyuju Herodes.

To bajiro ĩ yire űajare, ado bajiro ĩre gotirŭgŭűuju Juan:

—Herod'iare mŭ manajo cutise quēnabeaja. Dios ĩ rotimasirere ajibeaja mŭ —ĭre yirŭgŭboayuju Juan.

Tire ajiruabesuju ĩ manajo Herod'ias. To bajiri Juanre cōmemane siacōari, tubiberotiyuju Herodes. ⁵ To yicōari, ĩre ſiarotiruaboayuju. “Diore gotirētobosarimasŭ űaami Juan” masa ĩna yirŭcubuosere ajigu űari, bŭto gŭiyuju. To bajiri ĩre ſiarotimasibesuju.

⁶ Herodes ĩ ruyuariarŭmŭ ejayuju. To bajiri, masare jirēoűuju ĩ, “Boserŭmŭ yito” yigu. To yicōari, ĩna rējaro bero, Herod'ias maco, ĩna ĩaro rĩjorojuare basaĭoűuju. So basasere ĩacōari, bŭto variquēnaűuju Herodes. ⁷ To bajiri,

—Riojo mure gotiaja yŭ. Tuoĭawasobetirucuja. No bojase mŭ sēnijama, mure ĩsirucuja —sore yiyuju ĩ Herodes. ⁸ To bajiro ĩ yisere ajicōari, so jacojuŭa, “Ado bajiro ĩre yicŭdiya” so yi ocasŭjare, ado bajiro Herodere cŭdiyuju so:

—Yŭcŭacane Juan vāme cutigu, masare oco rāca bautizarimasŭ rŭjoare, bare jeobariabaja joeju jeocōari, yŭre ĩsigŭ yayŭ —ĭre yiyuju so.

⁹ To bajiro so yisere ajicōari, sutiritiyuju Herodes. To bajiboarine, ĩ jicōariarŭ ĩna ajiro rĩjorojuŭa, “Riojo mure gotiaja yŭ. No bojase mŭ sēnijama, mure ĩsirucuja” ĩ yicōare ti űajare, so sēnirore bajirone yiyuju. ¹⁰ Tubiberiaviju űagŭre, “Juanre rŭjoa jataya”, ĩnare yiyuju. ¹¹ To bajiri, ĩ rŭjoare bare jeobariabaja joeju jeocōari, Herod'ias macore ĩsiűujarŭ ĩna. To yicōari, sojuŭa, jacore ĩsirētoűuju so yuja.

¹² Ti queti ajicōari, Herodes tŭju ejayujarŭ, Juan buerimasa. Ejacōari, ĩ rujŭri űaboarere űmivacōari, yujeyujarŭ. To ĩna yiro bero, yŭa tŭ ejacama ĩna, Jesŭre gotirŭ.

Masa, cinco mil űarŭre Jesŭs ĩ bare ecare queti

(Mr 6.30-44; Lc 9.10-17; Jn 6.1-14)

¹³ Juan oco rāca bautizarimaswre ĩna ſiare quetire ajicōari, jŭjarŭ masa yŭare ĩna sŭyajare, ĩna rāca űaruabecu űari, cŭmuaju vasŭja, yŭare űmato jēacoami, masa ĩna manibusaroju yŭare űmato vacŭ. To bajiri ti macariana Jesŭs ĩ vasere ajicōari, boeju jŭjarŭ variarŭma, Jesŭs ĩ ejarotijure vana. ¹⁴ To bajiri rocatu ejarŭne, jŭjarŭ masa űarŭre ĩacaju yŭa, boeju vacōari ejariarŭre. ĩnare ĩmaicōari, rijaye cutirŭre ĩna juaejarŭre caticomi Jesŭs. ¹⁵ Rŭioroto rĩjoro, ĩ tŭ ejacōari, ado bajiro yicaju yŭa, ĩ buerŭ:

—Jŭre rŭioato yaja. Masa manojŭ űaja. To bajiri ĩnare varotiya mŭ, “Masa cutoju bare vaja yibarŭ vajaro” yirŭ —ĭre yiboacaju yŭa.

¹⁶ To yŭa yisere ajicōari, ado bajirojuŭa yŭare yicami Jesŭs:

—No yirŭ vamenama. Muane ĩnare bare ecaya —yŭare yicami Jesŭs.

¹⁷ To ĩ yijare, ado bajiro ĩre yicŭdicaju yŭa:

—Bare maja yŭare quēne. Cojomo cōro pan, juarŭ vai cŭoaja yŭa —ĭre yicaju yŭa.

¹⁸ To bajiro yŭa yisere ajicōari, ado bajiro yicami:

—Adojŭa tire juaya maji —yŭare yicami.

¹⁹ To bajiri,

—Masare tatŭcuroju ĩnare rujirotiya —ĩ buerŭre yŭare yicami Jesŭs.

To yicōari, cojomo cōro űaricari pan, juarŭ vai űarŭre juacōari, ű vecajuŭa ĩamuocami. To yicōari, “Quēnaro yaja mŭ”, Diore ĩre yicami. To yicōari, tire iguesurebatecōari, ĩ buerŭre yŭare ĩsicami. To bajiri yŭajuŭa, rujirŭre ĩsibatocaju yŭa yuja. ²⁰ Siguŭ ruyariaro mano quēnaro basŭcutijedicōacama ĩna. ĩna bagajanoro bero, ĩna barŭasere, yŭa juarēojama, juāmo cōro, gŭbo juŭa jēnituaro űarijiburi rŭyacaju. ²¹ Tire bacana cinco mil űmŭa űacaju yŭa. Rōmiare, űamasare quēne cōĭabeticaju yŭa.

Oco joene Jesŭs ĩ vare queti

(Mr 6.45-52; Jn 6.16-21)

²² Cŭmuaju yŭare vasŭjaroticami Jesŭs. “Yŭre jēadiyuya. Maji masare tudirotigŭ yaja yŭ”, yicami. ²³ ĩnare tudirotigajano, buroju majacoasuju, toju Diore sēniru. Ti rŭioato bero, toju ĩ sīgŭne űacŭaűuju ĩ maji. ²⁴ Yŭajuama, utabucŭra jēana, sōju tira gudareco tusacaju yŭa. To yŭa tusatone, bŭto mino vacaju. To bajica yiro, sabetuocōacaju ti. To bajiri jēatmabeticaju. ²⁵ To

yua bajiñarone, busurocaroariraju yua tujū oco joene vadicami Jesús. ²⁶ Oco joeju ī vadire ĩarāne, ucacaju yua.

—ĭBajirocar'ī vāti ñaami! —yīavasācaju yua.

²⁷ To yua yiboajaquēne,

—Gūibesā. Varīquēñaña mua. Yūne ñaja —yuare yicami Jesús.

²⁸ To ī yisere ajicōari, yua rācagu Pedro ado bajiro ĩre yicadicami:

—Yū ũju, mune mu ñajama, oco joene mu tujū yure varotiya —ĩre yicami Pedro.

²⁹ To ī yisere ajicōari,

—Vayā mu —ĩre yicami Jesús.

To ī yisere ajicōari, vāgā, oco joeju vacami Pedro, Jesús tu ejagucā. ³⁰ To bajiboarine, mino buto ti vasere ĩacōari, gūicami. To bajicōari, rujacōa suoacami yuja. To bajigune,

—Yū ũju, rujacu yaja yū. Yure ejarēmoguaya —yīavasācami.

³¹ To ī yirone, ī āmore ñiacōari, ado bajiro ĩre yicami Jesús, Pedroro:

—ĭNo yigu, “ĭ ejarēmose rāca vamasirucaju yū”, yure yitūōia tujacoajari mu? —Pedroro ĩre yicami Jesús.

³² To yicōari, cūmuaju ĩna vasājarone, mino vatujacoacaju yuja. ³³ To yicōari, cūmuaju Jesús rĭjorojua gusomuniari tuetucaju yua, ĩre rūcubuoarā:

—Socagu me ñaja mu. Dios macune ñaja —Jesūre ĩre yicaju yua.

Genesaret sitanare rijaye cutirāre Jesús ī catiore queti

(Mr 6.53-56)

³⁴ To baji jēanane, Genesaret vāme cuti sitaju ejacaju yua. ³⁵ Ti macariana Jesús ī ejasere ĩamasicōari, masa jedirore gotibatoriarāma. To bajiri, masa rijaye cutirāre juajecama Jesús tujū. ³⁶ To ĩna yirā, ado bajiro Jesūre yicama ĩna:

—Mu ye sudi gaja yuare moālarotiya. Ti rĭne bojaja yua. To bajiro yua yijama, cati-coaruarāja yua —ĩre yisēnicama.

To bajiri, ī sudi gajare moālarāma, caticoacama.

15

“Masa ĩna yisere ĩacōari, ‘Rojorā ñaama’ yire me ñaja. ĩna tuoĭasejuare masicōari, ‘To bajiro yirā ñaama’ yire ñaroja”, Jesús ī yigotimasiore queti

(Mr 7.1-23)

¹ Fariseo masa, to yicōari Dios ī rotimasire gotimasiorimasa quēne ejacama, Jesús tujū. Jerusalénju vadiriārā ñacama. Jesús tu ejacōari, ado bajiro ĩre sēniñacama ĩna:

² —ĭNo yirā mani ñicua ĩna yimasiriarore bajiro yibeati mu buerimasa? ĩna baroto rĭjoro, ĩna āmori coemasiriarore bajiro coebeama ĩna —ĩre yicama ĩna.

³ To bajiro ĩna yijare, ado bajiro ĩnare cudicami Jesús:

—Mani ñicua ĩna rotimasirejuare cudirā ñari, Dios ī rotimasusejuarema cudibeaja mua.

⁴ Ado bajiro gotiaja Dios ī rotimasire: “Mu jacure, mu jacore quēnaro rūcubuoaya”. To yicōari, gaje vāme ado bajiro yaja: “No bojagu, ī jacure, ī jacore, ‘Rojose tāmhuoruarāja mua’ ĩnare ī yijama, ĩre sĭaroti ñaja”, yigotiaja Dios ī rotimasire. ⁵⁻⁶ Muajuama, ado bajirojua rotiaja mua: “ĭ ye rāca ī jacuare ī ejarēmobetijama, quēnacōaja. ‘Yū gajeyeūni yū cuose Diore yū ĩsiroti rĭne ñaja. To bajiri muare ejarēmomasibeaja yū’ yicōari, ī jacuare ī ejarēmobetijama, quēnacōaja”, yirotiaja mua. To bajiro mua yijama, mani ñicua ĩna rotimasirejuare cudirā ñari, Dios ī rotisejuarema cudibeaja mua. To bajiro mua yijama, “Ñie vaja maja Dios oca”, yirā yaja mua. ⁷ “Quēnaro yirā ñaja yua” yiboarine, rojorā ñaja mua. Diore gotirētosarimasa, Isa'ias ñamasir'i, mua bajirotire quēnaro tuoĭacōari, ado bajiro ucamasiñumi:

⁸ “ĩna oca masune yirā, quēnaro yure yirūcubuoama ĩna. To bajiro yirā ñaboarine, yū bojarore bajiro tuoĭabeama.

⁹ Yū yere buecōari, ĩna masu ĩna tuoĭasere gotimasioama. Tirene, ‘Dios ī rotise ñaja’ yiboama. To bajiri, yure ĩna rūcubuoaboase vaja, ñie vaja bujamenama ĩna”, yīucamasiñumi Isa'ias, Diore gotirētosagu —yigoticami Jesús.

¹⁰ To ī yiro bero, masare jicōari, ado bajiro ĩnare yicami Jesús:

—Yure ajicōari, quēnaro ajimasiña mua. ¹¹ Dios ī ĩajama, mani ñicua ĩna yimasiriarore bajiro āmo coemenane mani base suori me rojose yirāja mani. Rojose tuoĭacōari, rojose mani ñagōsejua ñaja rojose mani yise. “Ti suorine rojose tāmhuoruarāja mani”, yimasirona ñaja mua —ĩnare yicami Jesús.

¹² To bajiro Jesús ī yisere ajicōari, ado bajiro ĩre yicaju yua:

—ĭTire mu gotisere fariseo masa mure ĩna ajijūnisinisere masibeati mu? —ĩre yicaju yua, ī buerimasa.

¹³ To bajiro yua yiro, ado bajiro yuare yicami Jesús:

—Í ya veseju ote í otere tu vidi ti judijama, ti ñe rãcajuñe vuereacõarucumi. To bajirone yirucumi yu jacy quẽne. “Yu yarã me ñaama” yigu ñari, ñare reacõarucumi Dios. ¹⁴ To bajiri fariseo masare tuoiağıubesa mua. Ña ñarãma ñamena gãjerã ñamenare tãa vanare bajiro bajirã. Sigũ ñabecu, gãji ñabecure í tãavajama, gojeju reasãcõanama ña juarãjuñe. To bajiri rojose ña bajirotire masirã ñari, ñare tuoiağıubesa mua —yuare yicami Jesús.

¹⁵ To í yirone, ado bajiro ñe yicami Pedro:

—Mu gotimasiõsere quẽnaro yuare gotirẽtobuya —ñe yicami.

¹⁶ To í yisere ajicõari,

—¿Ajimasibeati mua quẽne? —yicami. ¹⁷⁻¹⁸ —Mua basãse mua gũdajojau vatoja ti. Tiju bero, rẽtobudiroja ti. To bajiri muare rojose yimasibeaja ti. To bajiboajaquẽne, mua ñagõjama, tuoiaçõari, ñagõaja mua. To bajiri rojose mua tuoiajama, ti suorine rojose tãmuoruarãja mua. ¿Tire quẽnaro ajimasibeatique mua? ¹⁹ Masa, rojose tuoiaçõari, ado bajise rojose yirãma: Gãjerãre sãarãma ña. Manajo cutirã, manaju cutirã, manajo mana, manaju mana quẽne, gãjerã rãca ajeriarã cutirãma. Juarudirãma. Socarãma ña. Gãjerã ajiro rĩjorojua, socarãne, “Ado bajise rojose yima”, yigotirãma. ²⁰ To bajise rojose yirãma masa, rojose tuoiaçõari. Ti suorine rojose tãmuoruarãma. Baroto rĩjoro, ñmori mani ñicua ña coemasiriarore bajiro coebeti suori me, rojose tãmuoruarãma masa —yuare yicami Jesús.

Jud'io maso me Jesúre so ajitirãñare queti

(Mr 7.24-30)

²¹ Gotigajanocõari, yuare ñmato vacoacami Jesús, Tiro, to yicõari Sidón vãme cuti macari tũju vana. ²² Toju yua ejaro bero, sigõ cananeo maso, Jesús tũjuare avasã vadicaño so:

—Yu uju, David ñamasir'i jãnami, “Rotimorũgõrucuja mu” yigu, Dios í cõar'i ñaja mu. Yuare ñamaña. Yu maco so usũju vãti sãñagõ ñaamo. To bajiri buto rojose tãmuoamo —Jesúre yigoticamo so.

²³ To bajiro so yiboajaquẽne, sore cudibeticami Jesús. To bajiri ado bajiro Jesúre yicaju yua, í buerimasajuama:

—Sore varotiya mu. Gõjanabiro manire avasã sũyaamo —ñe yiboacaju yua.

²⁴ To bajiro yua yirone, ado bajiro sore yicami Jesús:

—Yu yarã jud'io masa, oveja mavisarãre bajiro bajirãma. Ñare yure ejarẽmoroticõacami Dios —sore yicami Jesús.

²⁵ To bajiro í yisere ajicõari, í rĩjorojua gusomuniari tuetuejacamo so, ñe rãcũbuõgo. To yicõari, ado bajise ñe yicamo:

—Yu uju, yure ejarẽmoña —ñe yicamo so.

²⁶ To bajiro so yiboajaquẽne, ado bajiro sore yicami Jesús:

—To bajiro yu yijama, rĩamasã ña basere emacõari, yaiare ecagure bajiro yiguja yu —sore yicami.^f

²⁷ To bajiro í yisere ajicõari, ado bajiro ñe yicamo so:

—Yu uju, riojo gotiaja mu. To bajiboarine ña ujarã ña bavẽjasere barãma yaia —Jesúre ñe yicamo so. “Yuã quẽne, jud'io masa me ñaboarine, mojoroaca yuare mu ejarẽmojama, quẽnaja” yigo, to bajise ñe yicamo so.

²⁸ To bajiro so yisere ajicõari, ado bajiro sore yicami Jesús:

—“Yuare ñamaicõari, ejarẽmorucumi”, yure yituoia tũjabeco masu ñaja mu. To bajiro mu yituoiañe ñajare, mu maco usũju sãñagũre vãtire ñe burocacõaja yu —sore yicami Jesús.

To bajiro í yirirĩmarone, quẽnaejacoasuju so, viju ñario.

Jãjarã, rijaye cutirãre Jesús í catioire queti

²⁹ To í yiro bero, Galilea vãme cutirita tũju vacaju yua, Jesúrãca. Toju ejacõari, buroju majacaju. Toju maja, joe jeaejacõari, ejarũjucoacaju. ³⁰ To yua bajiro ñacõari, Jesús tũre jãjarã masa ejacama, rijaye cutirãre juaejarã. Ña juaejacana ado bajiro bajirã ñacama: Rujasagueri vana, jeariarã, ñamena, ñagõmena, to yicõari, jãjarã gajeye rijaye cutirã ñacama. Í tu ña ejarone, ñare caticocami Jesús. ³¹ Ñagõmena ñaboariarã, ñagõcoacama. Rujasagueri vaboariarã, quẽnaro vacama. ñamena ñaboariarã, ñacoacama. Jeariarã quẽne, quẽnaejacoacama. To bajiro bajisere ñacõari, no yimasibeticama masa, ti ñũire ñabetirũgũriarã ñari. To bajiri Diore quẽnaro rãcũbuõ variquẽnacama ña, “Í ñagũmi quẽnaro yigu, jud'io masa yua rãcũbuõgu” yirã.

Masa, cuatro mil ñarãre Jesús, bare í ecare queti

(Mr 8.1-10)

³² Í buerãre yuare jicõari, ado bajiro yicami Jesús:

^f 15:26 Ado bajiro yigu, to bajise sore yiyuju Jesús: “Judío masare ejarẽmobecune, gãjerãjuare yu ejarẽmojama, quẽnabeaja” yigu, to bajise yiyuju.

—Ado ñaräre ñamaiaja yu. Idiarümü tasaju yuja, yu rāca ñna ñaro. To bajicōari, bare maama. Bamenane ñna ya viriju ñna tudiasere bojabeaja yu. Ñnare yu tudirotijama, bamenane ñna vajama, varūtu vanane, ñiorijarā ñari, rijavējaborāma —yuare yicami Jesús.

³³ To bajiro ī yirone, ado bajiro ĩre yicaju yua:

—Ado, masa manojū ñaja. No bajiro masa ñaro cōro ñna barotire bare bəjamasifña manojū —ĩre yicaju yua.

³⁴ To yua yirone,

—¿No cōro jairo pan cəoti mua? —yuare yicami.

—Cojomo cōro jua jēnituaro ñaricari ñaja. To yicōari, vai mojoroaca ñaama —ĩre yicaju yua.

³⁵ To yua yirone, rācacane masare rujiroticami Jesús. ³⁶ To yicōari, pan cojomo cōro jua jēnituaro ñaricari ñasere, vaire quēne juacōari, “Quēnaro yaja mu”, Diore ĩre yivariquēnacami. To yicōari, tire iguesurebatecōari, yuare ĩsicami. To bajiri yuajua, rujiřäre ĩnare ĩsibatocaju yua yuja. ³⁷ Sīgū ruyariaro mano bausucutijedicōacama. Ñna bagajanoro bero, ñna baruasere yua juarēojama, cojomo cōro jua jēnituaro ñarijiburi ruyacaju. ³⁸ Tire bacana cuatro mil ũmua ñacaju yua. Rōmiare, rīamasare quēne cōīabeticaju yua. ³⁹ To yigajanocōari, masare tudiroticami Jesús. To bajī, cūmuane Magadān vāme cutī macaju vacaju yua.

16

“Īñāñamani yuare yīñña”, Jesúsre ĩna yiboare queti

(Mr 8.11-13; Lc 12.54-56)

¹ Fariseo masa, saduceo masa quēne, Jesúsre ĩarā ejacama ñna. Ejacōari, ĩre sēññacama, “Cudimasibeticōari, rojose tāmuoato ĩ” yirā:

—“ ‘Dios ĩ cōagū ñaami’ yure yimasiato” yigu, ō vecaye ĩñāñamani yuare yīñña —yisēñiboacama.

² To ĩna yiboajaquēne, ado bajiro ĩnare cudicami Jesús:

—Rāiorijū, ũmuagaserō tī sūaro ĩacōari, “Busiyū, quēnarirümü ñaruarōja”, yaja mua.

³ Busurijū ñibiaticōari, bueri tī sūayujijama, “Adirümü, oco quediruarōja”, yīñamasijaja mua. No bojarirümü, ũmuagaserore ĩacōari, “Quēnarirümü, rojorirümü ñaruarōja”, yīñamasijaja. To bajiro yīñamasirā ñaboarine, ñamasusejuare ĩmasibeaja mua. Adirūmari yu yisere ĩarā ñaboarine, “Dios ĩ roticōar’i ñari, yami”, yīñamasibeaja mua. ⁴ Mua adirodoriana, rojose yirā, Diore mua gotirote bajiro yimena ñaja mua. To bajirā ñari, “Īñāñamani mu yīñose bojaja”, yure yisēñiboaja mua. To bajiro mua yiboajaquēne, to bajise muare yīñobetirucaja. To bajiboarine Jonās ñamasir’i Diore gotirētibosarimasu ĩ bajimasirere bajiro muare bajīoroti ñarōja —ĩnare yicadicami Jesús.

To bajiro ĩnare yicōa, ĩnare jēaveocoacaju yua.

Fariseo masa panre vauvasere bajiro ĩna bajire queti

(Mr 8.14-21)

⁵ Ŭtabucura gajejacatuaaju jēaejacōari,

—Mani baroti pan masiriticoayuja mani —yua masune gāmerā yīñacaju yua.

⁶ To yua yiro, ado bajiro yuare goticami Jesús:

—Fariseo masa, saduceo masa “Pan vauvato” yirā ĩna vuosere quēnaro ajicōñña mua —yuare yicami.

⁷ To ĩ yisere ajimasimena ñari, yua masune ado bajiro gāmerā yicaju yua:

—Pan mani masiritijare, to bajise gotigu yigumi —gāmerā yicaju yua.

⁸ To bajiro yua yitōñasere masicōari, ado bajiro yuare yicami Jesús:

—¿No yirā, “Pan maja manire”, yati mua? “Pan ti maniboajaquēne, manire ĩamaicōari, quēnaro ejarēmorucami Jesús”, ¿yuare yitōñabeati mua? ⁹ ¿No yirā ajimasibeati mua maji? Cojomo cōro ñaricarire panre buñuocōari, cinco mil masa ñaräre ecacaju yu. Ñnare yu ecaro bero, jairo baruaraijiburi ruyacaju. ¿Tire quēne masiritiati mua? ¹⁰ Tiju bero, quēna cojomo cōro jua jēnituaro ñaricari panre buñuocōari, cuatro mil masa ñaräre ecacaju yu. Ñnare yu ecaro bero, jairo baruaraijiburi ruyacaju. ¿Tire quēne masiritiati mua? ¹¹ No yirā ajimasimena masu ñamenaja mua tia. Jēju, “Fariseo masa, saduceo masa, ‘Pan vauvato’ yirā, ĩna vuosere quēnaro ajicōñña” yu yijama, “Pan juabesuma” yigu me yibu yu —yuare yicami Jesús.

¹² To ĩ yijare, ajimasicaju yua yuja. “ ‘Fariseo masa, saduceo masa, ‘Pan vauvato’ yirā ĩna vuosere quēnaro ajicōñña’ yuare yigu, ‘ĩna gotimasiosejuare quēnaro ajicōñmasiña, ‘ĩnare bajiro bajimavisiarobe’ yirā’ yire ũnire yuare gotimasioğū yiboayujari Jesús”, yiajimasicaju yua yuja.

“Rotimurāğōğucami” yigu, Dios ĩ cōar’i ñaja mu”, Jesúsre Pedro ĩ yire queti

(Mr 8.27-30; Lc 9.18-21)

¹³ To yi varūtu vanane, Cesarea de Filipo vāme cūti sitajure ejacaju yua, Jesúrāca. Toju ejacōari, ado bajiro yuare sēniñacami Jesús:

—Yure, Dios i roticōacacure, ħñimu ñaami yure yati ña, masa? —yuare yisēniñacami Jesús.

¹⁴ To bajiro i yisere ajicōari, ado bajiro ĩre cudicaju yua:

—Sĩguri, “Juan vāme cutigu, masare oco rāca bautizarimasa, tudicaticōari bajigumi quēna, mare yama ña. Gājerāma, “El’ias ñamasir’i ñagūmi”, yama ña. Gājerājuama, “Jerem’ias ñamasir’i ñagūmi”, yama. Gājerājuama, “Gāji, Diore gotirētobosamasir’i ñagūmi”, mare yama ña —Jesúre ĩre yicudicaju yua.

¹⁵ To bajiro yua yirone,

—Muama, ħñimu ñaami yure yati mua? —yuare yisēniñacami.

¹⁶ To i yisere ajicōari, ado bajiro yicami Simón Pedro:

—Mu ñaja rojose yua tāmuborotire yuare yirētobosacōari, rotimurōgōrocu, Dios i cōar’i. Masirētogū, Dios macu ñaja mu —Jesúre ĩre yicudicami.

¹⁷ To i yisere ajicōari, ado bajiro ĩre yicami Jesús:

—Quēnaro riojo gotiaja mu, Simón, Jonás macu. Variquēnaña mu. Tire gotigu, masu ĩ masise suori me tire gotimasiaja mu. Ō vecagu yu jacu ĩ masise rāca tire gotimasiaja mu. ¹⁸ Ado bajiro mare gotiaja yu: Mu vāme ñaja Pedro. “Gūta” yiruaro yaja ti “pedro” ti yijama. Mu gotimasiose suorine jājarā masa, yure ajitirūnacōari, rējarūgūruarāma ña. Yure ajitirūnarā ña ñajare, vāti yarā, “Bajireacōa tujajaro ña” yirā, rojose ĩnare yimasibetiruarāma ña. ¹⁹ To bajiri, ado bajiro mare gotiaja yu: Ūmuagase roje jānariaro cuogure bajiro mare cūrucuja yu. To bajiri, masare ĩacōari, ado bajiro ĩnare yimasirucuja mu: “Ānoa to bajiro yirā ñari, Ūju Dios yarā quēnaro i yirā ñaruarāma. Ānoajua, to bajiro yirā ñari, Dios yarā me ñaama”, ĩnare yimasirucuja mu. Adi sitaju yure rotibosagu ñarucuja mu. To bajiro yigu ñari, “Ado bajiro mua yijama, Dios yarā ñaruarāja mua. Ado bajirojua mua yijama, Dios yarā me ñaruarāja mua”, yimasirucuja mu —ĩre yicami Jesús.

²⁰ To bajiro Pedrorre ĩre yigotigajanocōari, ado bajiro yuare yicami:

—Īne ñaami “‘Rotimurōgōrucami’ yigu, Dios i cōar’i”, gājerāre ĩnare yigotibeja —yuare yicami Jesús.

“Yure sīaruarāma”, Jesús i yire queti

(Mr 8.31–9.1; Lc 9.22-27)

²¹ To i yiro bero, Jerusalénju i bajirotire ado bajiro yuare gotimasiosuocami Jesús:

—Jerusalénju varoti ñaja yure. Toju yu ejaro, bucūrā, paia ujarā, to yicōari, Dios i rotimasire gotimasiorimasa quēne, rojose yure yicōari, yure sīaruarāma ña. Yure ña sīaboajaquēne, idiarāmu tusatirūmane yure cationacami Dios —yuare yisuocami Jesús. ²² To i yisere ajicōari, ricatū ĩre jicāmocōari, ĩre yiboacami Pedro:

—Yu uju, to bajiro mu bajirotire bojabecami Dios. iTo bajiro mu bajiroti, mare bajibet-icōato! —ĩre yiboacami Pedro.

²³ To i yisere ajicōari, judarūgūgāne, ado bajiro Pedrorre ĩre goticami Jesús:

—iSatanās, vasa mu! Vātia ujure ñagōbosagu yaja mu. To bajiro yibesa. “Dios i bojarore bajiro yibeticōato” yigure bajiro yaja mu. To bajiro mu yijama, Dios i tuoīarore bajiro me tuoīaja mu. Masa ña tuoīarore bajiro tuoīagū yaja —Pedrorre ĩre yicami Jesús.

²⁴ To yicōari, ado bajiro i buerāre yuare yicami Jesús:

—No bojagu yu yu i ñaruajama, i bojasere i ye ñarotire tuoīabecune, “Jesúre bajiro rojose tāmurucuja yu quēne” yituoīacōari, yujuare ajisuyarucami. ²⁵ No bojarā, ña bojaro ñare cutirāma, adi macarucurore ñasere ĩvariquēnacōari, Diore tuoīamenama, Dios i catisere yayibetire cuomena ñaruarāma ña. To bajiboarine, yure ajitirūnarā, yu oca ña gotisere ajijūnisinicoari, ña sīarāma, Dios tu quēnaro ñarona ñarāma. ²⁶ Sīgū adi macarucuroju gajeyeūni jediro i bujaboajaquēne, beroju rojose tāmutojabetiriaroju i vajama, gajeyeūni i bujaboare, ñie vaja manojā. Ñiere Diore ĩsimasibecami, “i rijato berojuma tudirijabeticōato” yigu, “Dios i catisere yure ĩsīato” yigu. Mani rijato berojuma “Tudirijabeticōato” yigu, Dios i catisere i ĩsise cōro vaja cuti manojā. ²⁷ Yu, Dios i roticōacacu ñacōari, “Quēnarētogū ñaja yu”, yu jacu i yīiorore bajiro yigu ñari, i bususe rāca tudiejarucuja yu. Yu rāca vadiruarāma Dios i cōarā, āngel mesa. Tudiejacōari, masa ña yisere ĩacōari, “To bajiro yirā ñari, quēnase bujarā, rojose tāmurā bajiruarāja mua”, ĩnare yirucuja yu. ²⁸ Riojo muare gotiaja yu. Mua sīguri mua bajireabetone, “Ñajediro uju ñaami yu roticōacacu” Dios muare i yīiosere ĩaruarāja mua —yuare yicami Jesús. 8

8 **16:28** Dios oca masa ña ucamasirere buerētoburimasa sīguri ado bajiro yicama ña, 16.28 gotirijure: “ ‘Ñajediro uju ñaami yu roticōacacu’ Dios muare i yīiortire’ Jesús i yijama, i buerimasa sīguri ña ĩaro rījorojua Jesús i godovedīiorere yigu yirimi”, yicama Dios ocare buerētoburimasa sīguri.

17

Ī buerimasa ĩna ĩaro rĭjorojua Jesús ĩ godovedĩore queti

(Mr 9.2-13; Lc 9.28-36)

¹ Cojomo cõro, coja jēnitiuarĩmũ bero, Pedro, Santiago, ĩ bedi Juanre quēne āmũariburo joejũ ĩnare ũmato vacami Jesús. ² Tojũ ĩna ejaro, ĩna ĩaro rĭjorojua, Jesús rioga busucoasujũ ti. Ũmũagũ muijũre ĩacānamuriarore bajiro cajemose busuyujũ ti. To yicõari, sudi ĩ sãñase quēne buto boticoasujũ ti. ³ To bajicõari, Moisés ñamasir'i, El'ias ñamasir'i rãca Jesús tũ ruyuarũgũcõari, ĩ rãca ĩna gãmerã ñagõsere ĩaũujarã ĩna, Pedro mesa. ⁴ To bajiro ĩna bajisere ĩacõari, ado bajiro Jesúre yiyujũ Pedro:

—Yũ uju, adojũ mani ñajama, quēnamasucõaja. Mũ bojajama, mũa ñaro cõrone vijãiri muare buabosarũcũja yũ. Mũ yajãi, El'ias yajãi, to yicõari, Moisés yajãi buabosarũcũja —Jesúre yiboayujũ Pedro.

⁵ To bajiro ĩ yirĩĩmarone, bueri buto cajemose ĩnare buebibecõañujũ ti. Ti bueri vatoajũ ado bajiro ocaruyuyujũ:

—Ānine ñaami yũ macũ, yũ maigũ. Īre buto ĩavariquēnaja yũ. Īre quēnaro ajitirũnũña mũa —yĩ ocaruyuyujũ.

⁶ To bajiro yĩ ocaruyusere ajicõari, buto gũiyujarã ĩna Pedro mesa. Buto gũirã ñari, muqueacoasujarã ĩna. ⁷ To bajiro ĩna bajisere ĩacõari, ĩna tũ vacõari, ĩnare moaĩaũujũ Jesús. ĩnare moaĩagũne, ado bajiro yiyujũ:

—Vũmũrũgũña. Gũibesa mũa —ĩnare yiyujũ.

⁸ To bajiro ĩ yiro bero, ĩamũoboayujarã. El'iare, Moisére ĩnare ĩabũjabesujarã. Jesús sĩgũne ñaũujũ ĩ yuja.

⁹ To bajiro bajicõari bero, ti buro ĩnare ũmato rojacũne, ado bajiro ĩnare rotiyujũ Jesús:

—Jējũ mũa ĩsere gãjẽrãre gotibeja maji, yũ, Dios ĩ roticõacacũ, yũ rijato bero, quēna yũ tudicatiroto rĭjorore —ĩnare yiyujũ Jesús.

¹⁰ To ĩ yijare, ado bajiro Jesúre sēnĩaũujarã ĩna:

—¿No yirã, “Rotimũorũgũrcũmi” yigũ, Dios ĩ cõarocũ ĩ ejaroto rĭjoro ejarũcũmi El'ias ñamasir'i”, yati ĩna Dios ĩ rotimasire gotimasiorimasa? —ĩre yisēnĩaũujarã ĩna.

¹¹ To ĩna yijare, ado bajiro ĩnare cudiyujũ Jesús:

—Riojo yiyuma Dios ĩ rotimasire gotimasiorimasa, “El'ias ñamasir'i ejasũorũcũmi” ĩna yijama. “Rotimũorũgũrcũmi” yigũ, Dios ĩ cõarocũ, ĩ ejaroti ñajare, “Jediro Dios ĩ bojarore bajiro yirã, quēnaro ñayuto mani” yigũ, ejasũorũcũmi. To bajiro ĩ bajiroti ñajare, Dios ĩ rotimasire gotimasiorã, ĩna gotiri vãmere bajirone yaja Dios oca masa ĩna ucamasire quēne. ¹² “To bajiro yaja” yimasirã ñaboarine, ĩ ejaro ĩre ĩamasibesuma ĩna. Jẽre ejayumi. To ĩ bajiboajaquēne, ĩna bojarore bajiro rojose ĩre yiyuma. Yũ, Dios ĩ roticõacacũre quēne, to bajirone yũre yĩrũarãma —ĩnare yitũdiroja vayujũ Jesús.

¹³ To bajiro ĩ yisere ajimasicõari, “El'ias ñamasir'ire ĩ yijama, Juan vãmẽ cutigũ, masare oco rãca bautizarimasũjuare gotigũ yami, ĩre bajiro tũoĩar'i ĩ ñajare”, yiajimasiaũujarã ĩna Pedro mesa.

Masũ usũjũ sãñagũre vãtire Jesús ĩ burocare queti

(Mr 9.14-29; Lc 9.37-43)

¹⁴ Ti buroju majiararã, yũ tũ rojaejacama ĩna quēna. Jãjarã masa ñacama yũ rãca. Jesús ĩ tudiejasere ĩacõari, ĩ rĭjorojua gũsomuniari tũetucami sĩgũ. To yicõari, ado bajiro Jesúre yicami:

¹⁵ —Yũ uju, yũ macũre ĩamaĩña mũa. Biyarõaca rijaquedirũgũami. To bajica yigũ, buto rojose tãmũorũgũami. Cojojĩ me jeamejũ rocatĩacõarũgũami. To bajicõari, oco vatoajũ quēne rocaroacõarũgũmi. ¹⁶ Mũ buerã tũ ĩre ãmiejaboabu yũ. Ī usũjũre sãñagũre vãtire burocamasimema ĩna —Jesúre yicami.

¹⁷ To ĩ yisere ajicõari, ado bajiro yicami, yũare ĩ buerimasare, to yicõari, ĩre ajirã ejarãre quēne:

—Rojosere tũoĩarã ñari, Diore ajitirũnamena masu ñacõaja mũa. ¿No cõroju muare gotimasio tũagũti yũ? Yoaro mũa rãca yũ ñaboajaquēne, yũ masisere muare yũ ujosere ajitirũnũbeaja mũa maji —yũare yicami Jesús. To yigũne, —Adojũ vãti sãñagũre ĩre ãmiaya —yicami Jesús.

¹⁸ Īre ĩna ãmiejarone, ĩ usũjũ sãñagũre vãtire burocacõacami Jesús. Vãti ĩ budirĩĩmarone, catiquēnagũ ñacoacami daquegujũ.

¹⁹ To ĩ yiro bero, ricati cãmotadicõari, Jesúre ado bajiro ĩre sēnĩacaju yũ:

—¿No yirã daquegu usũjũre sãñagũre vãtire burocamasibeti yũ? —ĩre yicaju yũ.

²⁰ To bajiro yũ yisere ajicõari, ado bajiro cadicami Jesús:

—“Dios i ejarēmose rāca burocaruārāja” yitōiāmena ñari, vātire burocamasibesuja mua. Riojo muare gotiaja yu: “Mojoroaca yimasirā ñaboarine, Dios i ejarēmose rāca yimasicōarāja” yirā, i burore, “Gajeroju vasa” mua yirotijama, to bajirone bajiruaroja ti. Ñieja mua yimasibeti maniruaroja. ²¹ To bajiboarine, jēju yu burocagure bajiro bajirāre mua burearuajama, bare bamenane Diore sēnicōari rīne bureamasiruarāja mua —yuare yicami Jesús.

“Yure siaruārāma”, Jesús i yigotibabore queti

(Mr 9.30-32; Lc 9.43-45)

²² Galilea sitaju vana, gāmerā cāmotadiri mene cojojūnane Jesúraca vacudicaju yua. To bajiro yuare ūmato bajicudigune, ado bajiro yuare yicami Jesús:

—Yure Dios i roticōacacure masare isirocarucami sīgū. ²³ To bajiro i yijare, yure siaruārāma ña. Yure ña siaboajuquēne, idiarāmu tasatirāmune yure catorucami Dios —yuare yicami Jesús.

To bajiro i yisere ajicōari, buto sutiriticaju yua, i buerā.

Diore yirūcuboriavire boarijaurire quēnoruārā, vaja sēnirimasa, Pedrore ña sēniāre queti

²⁴ To i yiro bero, Capernaum vāme cuti maca ejacaju yua, Jesúraca. Toju yua ñaro, Diore yirūcuboriavire boarijaurire quēnoruārā, vaja sēnirimasa, Pedrore sēniārā ejayujarā, macajāju:

—¿Muare gotimasiorimasuma, Diore yirūcuboriavi quēnoroti vaja isibecuti i? —Pedrore ñe yisēniāñujarā ña.

²⁵ —Isirucami —yicudiyuju Pedrojuama.

Tiju bero, viju sājaecōari, vaja sēnirimasa ña sēniāre i gotibetone, Jesúju, ado bajiro Pedrore ñe boca yicōacami:

—Simón, ¿no bajiro tuoīati mu? ¿Adigodoana ujarā, ñimarājuare vaja yirotiati? ¿Ña yarārene gāmerā vaja sēniatique? ¿Gajero vadiriārājuare vaja yirotirūgūatique ña? —Pedrore ñe yisēniācami Jesús.

²⁶ To bajiro i yisēniārone, ado bajiro ñe cudicami Pedro:

—Gajero vadiriārājuare vaja yirotirūgūama —yicudicami Pedro.

To i yirone, ado bajiro yicami Jesús:

—Riojo yaja mua. To bajiri Dios maca ñari, yu ya vi ti ñajare, Diore yirūcuboriavi coderāre vaja yibecuja yuma. ²⁷ To bajiboarine, “Rojose manire tuoīabeticōato” yirā, mani vaja yijama, quēnaja. Utabucuraju vasa mua. Toju vai vejeba. Basuogure ñe siacōari, i riseju gājoati bujarucuja mua. Titiine ñare vaja yiroti ñaroja, Diore yirūcuboriavi coderāre. Titiire āmicōari, ñare isima —Pedrore ñe yicami Jesús.

18

“¿Ñimujua ñagūti ñamasugū ñarocu?”, Jesús ña yisēniāre queti

(Mr 9.33-37; Lc 9.46-48)

¹ Tirāmune Jesúsre ñe sēniācaju yua i buerimasa:

—Mure yua rotibosarirodo ti ejaro, ¿ñimujua ñagūti ñamasugū ñarocu? —Ñe yisēniācaju yua.

² To yua yirone, sīgū daquegure jicōari, yua rījoroja ñe rūgōroticami Jesús. ³ To yicōari, ado bajiro yuare yicami:

—Riojo muare gotiaja yu. Daquerā, “Ñamasurā me ñaja yua” ña yituoīarore bajiro mua tuoīabetijama. Uju Dios yarā quēnaro i yirā me ñaruārāja mua. ⁴ Uju Dios yarā ñamasurā ñaama āni daquegure bajiro tuoīarā, “Ñamasurā me ñaja yua” yirā. ⁵ Āni daquegure bajiro tuoīarā ña ñajare, gājerā tu ña ejaro, quēnaro ñare yirāma, yujuare quēnaro yirāre bajiro yirā yirāma —yuare yicami Jesús.

“Mua suorine gājerā rojose ña yijama, gūiose ñaja”, Jesús i yigotimasiore queti

(Mr 9.42; Lc 17.1-2)

⁶ Quēna ado bajiro yuare goticami Jesús:

—No bojarā, āni daquegure bajiro tuoīarāre, yure ajitirānurāre rojose ña ūmato yijama, buto rojose tāmucuarāma. Rojose ñare ña ūmato yiroto rījoro, tocārācurene ña āmuarijure gūta jairica siatucōari, riaga ucuaraju ñare rearoderuucōajama, rojose tāmucobetusaborāma. ⁷ Rojose yirā suorine buto rojose tāmucuarāma masa. Rojose yirā jājarā ñarāma. To bajiri gājerāre rojose ūmato yiruarāma. To ña yise suori buto rojose masu tāmucōaruārāma.

“Buto mua maise ti ñaboajuquēne, ti suorine Dios i bojabeti mua yijama, tire reacōaña”, Jesús i yire queti

(Mr 9.43-48)

⁸ “Yu ãmo suorine rojose yibu yu” mua yituoïamasijama, jatarocaya. “Yu gubo suorine rojose yibu yu” mua yituoïamasijama, jatarocaya. Muare cojo ãmo, cojo gubo ti manijama, quënbetoja. To bajiboarine juaãmo rãca, jua gubo rãca mua bajireajama, jeame yatibetimeju mua vajama, rëtohusaro quënbetiruaroja. ⁹ “Yu cajea suorine ïabojacõari, rojose yibu yu” mua yituoïamasijama tiare ãmirocacõaña. Coja cajea muare ti manijama, quënbetoja. To bajiboarine, juajune caje cuticõari, mua bajireajama, jeame yatibetimeju mua vajama, rëtohusaro quënbetiruaroja —yuare yicami Jesús.

“Oveja yayir’ire ïnare coderimasu ïre macagãmi”, Jesús ïyigotimasiore queti (Lc 15.3-7)

¹⁰ Quëna ado bajiro yuare goticami Jesús:

—Yure ajitirũnarãre, “Namasurã me ñaja yua” yituoïarãre, “Vaja mana ñaama”, ïnare yilãtebeja. Õ vecaju ángel mesa ñaruarãma ïnare latirũnarã. Yu jacu tujure cojorũmu ruyabeto ïnare ñagõbosarũgũrãma. ¹¹ Yayirãre bajiro bajirãre, rojose tãmuoboronare, ïnare yirëtohusagu vadicaju yu, Dios ï roticõacacu —yuare yicami Jesús.

¹² To bajiro yicõari, ado bajiro yirũtuacami Jesús:

—Adi quetiaca muare yu gotimasiore quënarõ ajituoïãña mua. Sĩgũ ñagũmi cien oveja cuogu. Cojorũmu sĩgũ yayicoacumi. To bajiri ïnare coderimasu, ruyarãre, noventa y nueve ñarãre ta veseju ïnare cũcõari, yayir’ire macagũ vacoacumi ï. ¹³ Gãjerã yayimena noventa y nueve ñarirãcure, “Yayibesuma” yivariquënağũ ñaboarine, yayir’ire bujacõari, ïnare ï variquënarõ rëtohusaro ïre variquënağũmi. ¹⁴ Mani jacu Õ vecagu to bajirone bajigumi ï quëne. Sĩgũ ruyabeto daquegure bajiro tuoïagũ, Dios tu ï ñabetirotire bojabecumi Dios —yuare yicami Jesús.

“Muare bajiro yure ajitirũnağũ ñaboarine, rojose muare ïyijama, ado bajiro ïre ñagõquënama”, Jesús ïyigotimasiore (Lc 17.3)

¹⁵ Quëna ado bajiro yuare gotimasiocami Jesús:

—Yure ajitirũnağũ ñaboarine, rojose muare ï yijama, gãjerãre gotimenane, ï tu vacõari, ñagõquënama, “‘Riojo yaja mu. Mure rojose yibu yu’ yato ï” yirã. “Riojo yaja mu” ï yijama, ñagõquënoruarãja mua. To bajiri ï rãca quënarõ baba cutiruarãja mua quëna. ¹⁶ “Bajibeaja” ï yicudijama, gãjerã juarã, yure ajitirũnarã, “Rojose yibu mu” ïre yimasirãre ïnare jicõari, ï tu vaja mua. Juarã ïna manijama, sĩgũ yure ajitirũnağũre, “Rojose yibu mu” ïre yimasigũre jicõari, ï tu vaja mua. ¹⁷ ïnare quëne ï ajibetijama, yure ajitirũnacõari mua rãca rëjarã jediro ïna ïaro rĩjorojua ïnare gotiba mua. ïna jediro “Rojose yiyuja mu” ïre ïna yisere ï ajibetijama, Diore ajibecure, to yicõari, ujure gãjõca sënibosarimasare ïnare mua cãmotadiriore bajiro ïre cãmotadiruarãja mua —yuare yicami Jesús.

¹⁸ Quëna ado bajiro yuare yicami Jesús:

—Riojo muare gotiaja yu. Adi macarucuroju yure rotibosarã ñaruarãja mua. To bajiro yirã ñari, “Ado bajiro mua yijama, Dios yarã ñaruarãja mua. Ado bajirojua mua yijama, Dios yarã me ñaruarãja mua”, yimasiruarãja —yuare yicami Jesús.

¹⁹ Quëna ado bajiro yuare yicami Jesús:

—Gajeye ado bajiro muare gotiaja yu: Sĩgũ ï tuoïarore bajirone mua tuoïajedicõajama, mua bojasere ïsirucumi yu jacu Õ vecagu. ²⁰ No bojariju juarã, idiarã, yure ajitirũnarã ñari, Diore ïna sënijama, ïna rãca ñarucuja yu —yuare yicami Jesús.

²¹ To ï yiro bero, ado bajiro Jesũre sënĩlacami Pedro:

—Yu uju, sĩgũ mure ajitirũnağũ ñaboarine, yure rojose ï yijama, ¿nocãracaji masu ïre masirioğutĩ yu? ¿Cojomo cõro gaje ãmo jua jënituarõ ñarirãcagine ïre yu masiriojama, quënarõari? —Jesũre ïre yicami.

²² To ï yisere ajicõari, ado bajiro ïre cudicami Jesús:

—Tocãracagine rojose mure ï yiro cõrone masirioroti ñaja mure —ïre yicami Jesús.

“Manire rojose ïna yisere mani masiriobetijama, Dios quëne, ï bojabeti mani yisere masiriobetirucumi”, Jesús ïyigotimasiore

²³ To yicõari, ado bajiro ï buerãre yuare gotimasiocami Jesús:

—Buto rojose mua yiro bero, sutiriticõari, “Yuare masirioya” Diore mua yijama, muare masiriorucumi. To bajiro muare ï yise ñajare, “Gãjerã rojose muare ïna yiboajaquëne, muare masirioroti ñaja” yigu, ado bajise gotimasiore queti muare gotiaja yu: Uju, ïre vaja morãre gotiru, ïre moabosarimasare jicõagũmi. ²⁴ ïre vaja morãre “Adocãracu ñaama” ï yiguadijune, sĩgũ jairo ïre vaja mogũre ïre ãmiejarãma ïna. ²⁵ ïre ïna ãmiejarirĩmarore, ñie rãca vaja yimasibecumi. To bajiro ï bajijare, ïre ãmiejarãre ado bajiro ïnare rotigumi: “Ãnire, ï manajo, ï rĩare quëne gãjerãre yure ïsibosaya, ‘Gãjerãre moabosarimasa ñato’ yirã. To yicõari, ï gajeyẽni jedirore gãjerãre ïsicõari, vaja sënima. To yicõari, ti vaja mua bujasere yure ïsima.

To bajiro mua yijama, yure i vaja mose jedicoaruaroja”, inare yigotigumi uju. ²⁶ To i yisere ajicōari, i rījorojua gusomuniari tuetuejagumi ire vaja mogū. To yicōari, rūcūbuose rāca ire sēnigūmi: “iYu uju, yuya maji! Mure yu vaja mosere vaja yiyeocōarucūja maji”, ire yigumi. ²⁷ To i yisere ajicōari, ire īamaigū ŋari, “Tone bajicōato”, ire yicōa tujacumi, i uju.

²⁸ To bajiro i uju i yisere ajicōari, budicoacumi. Budiacune, i baba mojoroaca ire vaja mogūre ire īabujagumi i quēne. Ire īabujacōari, i āmuare ŋiamatagumi. To yicōari, ado bajiro ire yigumi: “iYure mu vaja mosere vaja yiyeocōaŋa mu!”, ire yigumi. ²⁹ To i yiboajaquēne, gusomuniari tuetucōari, ado bajise ire yigumi: “iYuya maji! Mure yu vaja mosere vaja yiyeocōarucūja yu”, yiboagumi. ³⁰ To i yiboajaquēne, ajibecumi i. To bajiri tubiberiaviju ire āmiacōari, ire cūrotigumi, “Yure mu vaja mosere vaja yiyeocōariju, budirucūja mu” yigu. ³¹ I babarā, to bajiro i yisere iacōari, buto sutiritirāma īna. To bajiri īna uju tu vacōari, īna īariaro cōro gotirāma. ³² To bajiro īna yisere ajicōari, ire vaja moboar’i i masirior’ire jirotigumi uju. I ejaro iacōari, ado bajiro ire yigumi: “Yure moabosarimasu rojogu masu ŋacōaja mu. Yure mu vaja mosere, ‘Tone bajicōato’ mure yiboabu yu, rūcūbuose rāca yure mu sēnijare. ³³ Mure yu īamaiore bajirone mu babare īamairoti ŋaboayuja”, ire yigumi i uju. ³⁴ To bajiro ire yicōari, buto jūnisinigū ŋari, ire tubiberotigumi i quēne, “Yure mu vaja mosere vaja yiyeocōariju, budirucūja mu” yigu —yuare yigoticami Jesūs.

³⁵ To bajise gotigajanocōari, ado bajise yuare gotitusacami Jesūs:

—To bajirone yirucumi yu jacu ō vecagu quēne, gājerā rojose īna yisere mua masiriobeti-jama —yuare yicami Jesūs.

19

“Mua manajoare reabetiroti ŋaja”, Jesūs i yire queti

(Mr 10.1-12; Lc 16.18)

¹ To bajiro i gotimasiro bero, Galilea sita ŋariarā vacōari, Judea sitaju ejacaju yua. Jordān vāme cutirisa gajejacatūaju ŋacaju ti sita. ² Toju jājarā masa Jesūre suyacama. Rijaye cutirāre īnare catiocami i.

³ Toju yua ŋaro sīgūri fariseo masa ejacama, Jesūre sēniātorā. Ado bajiro ire sēniātocama īna:

—¿No bojase suorine, manajo rocajama, quēnacōati? —Ire yisēniātocama īna.

⁴ To īna yisere ajicōari, ado bajiro inare cudicami Jesūs:

—¿Dios oca masa īna ucamasire ado bajiro yisere īabetaticque mua? “Rēmoju āmure, rōmiore rujeomasiŋuju Dios”, yigotiaja Dios oca. ⁵ To yicōari gajeju ado bajiro gotiaja Dios oca: “Ūmu, rōmio i rujeore ti ŋajare, āmujua, manajo cutigu, i jacuare īnare cāmotadicoarucumi. Manajo cutijama, juarā ŋaboarine, sīgū rujare bajirone ŋaruarāma”, yigotiaja Dios oca. ⁶ “To bajaruārāma” Dios i yimasire ti ŋajare, mua manajoare reabetiroti ŋaja —īnare yicami Jesūs, fariseo masare.

⁷ To i yisere ajicōari, ado bajiro tudisēniātocama īna:

—Riojo mu gotiboajaquēne, ¿no yigu ricati rotimasiŋujari Moisés ŋamasir’i? Ado bajiro rotimasiŋumi i: “No bojagu i manajore i rocaruajama, ‘Mure rocagu yaja’ yise papera ucacōari, sore īsiroti ŋaja”, yimasifiŋumi Moisés —Jesūre ire yicama.

⁸ To bajiro īna yisere ajicōari, ado bajiro cudicami Jesūs:

—Diore ajiterā īna ŋajare, “Butobusa rojose īna manajoare yiroma” yigu, manajoa reare beobetimasiŋuju Moisés ŋamasir’i. Rēmojuma to bajiro me bajimasiŋuju. ⁹ Riojo ado bajiro muare gotiaja yu: I manajo gāji rāca so ajeri cutibetiboajaquēne, sore rocacōari, gajejo i manajo cutijama, Diojua i īajama, i manajo me ŋagōmo. I ajerio cutigo ŋagōmo —īnare yicami Jesūs.

¹⁰ To i yisere ajicōari, i buerimasajua ado bajiro ire yicaju yua:

—To yijama, manajo magūne ŋacōaroti ŋaŋuja —Ire yicaju yua.

¹¹ To bajiro yua yisere ajicōari, ado bajiro yuare yicami Jesūs:

—Jediro me ŋarāma, manajo cutibetiboarine, Dios i bojarore bajiro yimasirā. To bajiro yirāma, Dios i ejarēmose rāca yirāma. ¹² Sīgūri manajo cutimena ŋarāma. Rōmia rāca īna yiroti ti manijare, bajirāma. To bajirāne ruyuariarā ŋari, bajirāma. Gājerāma, “Rīa yimasibeticōato” yirā, īna yijeriarā ŋari, bajirāma. Gājerāma, manajo bojamenama, “Yu manajo cutibetijama, yu uju, Dios i bojarore bajiro quēnabusaro yimasirucūja yu” yituoīarā ŋari, bajirāma. To bajiro bajarua tuoīarāma, to bajirone bajiato —yuare yicami Jesūs.

“Rīamasare Jesūs i ŋubuejeore queti

(Mr 10.13-16; Lc 18.15-17)

¹³ Jesūs taju rīamasacare juajecama masa, i āmori ŋujeocōari, Diore īnare sēnibosato i yirā. I ŋa juajecare iacōari, ado bajiro inare yicaju yua, i buerimasa:

—jJuavadibesa! Gōjanabioro yaja mua —Īnare yicaju yua.

¹⁴ To bajiro yua yiboajaquēne, Jesújuama, ado bajiro yicami:

—Rīamasare ĩnare matabesa. ĩnare bajiro tuoĭarā ñarāma Uju Dios yarā quēnaro ĩ yirā — yuare yicami Jesús.

¹⁵ To yicōari, rīamasare ĩ āmori ñuieocōari, Diore ĩnare sēnibosacami Jesús. To yicōari bero, yuare ūmato vacoacami Jesús.

Gajeyeŭni jaigu Jesúre ĩ sēñĩlare queti

(Mr 10.17-31; Lc 18.18-30)

¹⁶ Gajeyeŭni jaigu, Jesúre sēñĩlagū ejacami:

—Gotimasiorimasu, yu rijato beroju “Tudirijabeticōato” yigu, Dios ĩ catisere yure ĩ ĩsirese yu bojajama, ¿no bajise quēnase yiroti ñati yure? —Jesúre ĩre yicami.

¹⁷ To ĩ yisere ajicōari, ado bajiro ĩre cudicami Jesús:

—¿No yigu quēnaseyere yure sēñĩati mu? Dios sīgūne ñaami quēnagūma. To bajiri Dios oca masa ĩna ucamasirere ĩaroti ñaja. Mu rijato beroju “Tudirijabeticōato” yigu, Dios ĩ catisere mu bujaruajama, Dios ĩ rotimasirere cadiroti ñaja —ĩre yicami Jesús.

¹⁸ To ĩ yijare,

—¿Disere yati mu, “Dios ĩ rotimasirere cadiroti ñaja” mu yijama? —Jesúre ĩre yicami.

To ĩ yirone, ado bajiro ĩre yicami Jesús:

—Dios ĩ rotimasire yu yijama, ado bajise rotimasirere yaja yu: “Sĩabesa. Gāji manajo rāca ajerio catibesa. Juarudibesa. Socane, ‘Rojose yimi’ yigotiyirobesa. ¹⁹ Mu jacure, mu jacore quēne quēnaro ĩnare rūcuboyu. To yicōari, mu masu rujare mu maiore bajirone mu tuanare maiña”, yigotiaja Dios ĩ rotimasire —ĩre yicami Jesús.

²⁰ To ĩ yirone, ado bajiro ĩre yicadicami:

—Daquegujune tire cudisuoadicaju yu. ¿Ñie gajeye ruyati quēnaro yu yiroti? —Jesúre ĩre yicami.

²¹ To ĩ yisere ajicōari, ado bajiro ĩre goticami Jesús:

—Cojo vāme ruyaja, mu yiroti, mu rijato beroju “Tudirijabeticōato” yigu, Dios ĩ catisere mu bujaruajama: Jediro mu cūosere gājerāre ĩsijeocōaña. To yicōari, ti vaja bujacōari, maioro bajirāre ĩsima. To bajiro mu yijama, ō vecaju Dios ĩ ñaroju quēnase bujarucūja mu. To bajiro yigajanocōari, yure ajisuyaya —ĩre yicami Jesús.

²² To bajiro ĩ yisere ajicōari, buto sutiriti vacoacami ĩ, gajeyeŭni jaigu ñari, tire maigā.

²³ To bajiro ĩ bajivato ĩacōari, ĩ buerimasare ado bajiro yuare yicami Jesús:

—Riojo muare gotiaja yu. Gajeyeŭni jairārema, yure ĩna suyaruā tuoĭaboajama, buto josaruaroja ĩnare. To bajicōari, yirēto ecobosabetiruarāma. ²⁴ Quēna tire bajise muare tudigotiaja yu: Vaibucu, camello vāme catigu, gājojota gojeacare sājareto budimasibecumi. To bajirone bajiaja gajeyeŭni jairāre quēne, yure ajitirānu suyaruaboarāre. To bajiro bajirā ñari, yirēto ecobosabetiruarāma —yuare yicami Jesús.

²⁵ To ĩ yisere ajicōari, no yimasibeticaju yua, ti ũnire ajibetirūgūriarā ñari. To bajiri ado bajiro ĩre sēñĩacaju yua:

—Riojo mu gotijama, ¿no bajiro bajirājuā Dios tujure ejaruarāda? —ĩre yicaju yua.

²⁶ To yua yirone, yuare ĩacōari, ado bajiro yicami Jesújuama:

—Īna masune ejamasimenama masa, Dios tujure. Diojuama, ñajediro yimasijeocōami. Ñiejua josase maja, ĩrema. ĩ suorine ĩ tuju ejamasire ñaja —yuare yicami Jesús.

²⁷ To ĩ yisere ajicōari, ado bajiro yicami Pedro:

—Jediro yua gajeyeŭnire cūcōari, mare suyacaju yua. ¿To bajiro yua bajicati vaja, ñie bujarāti yua? —Jesúre ĩre yicami.

²⁸ To ĩ yisere ajicōari, ado bajiro yuare cudicami Jesús:

—Riojo muare gotiaja yu. Cojorāmu adi macarucuro ti jediro quēna tudiquēnorucumi Dios. To bajiro ĩ yirirāmu yu, Dios ĩ roticōacacu, rūcubuoiaju rujirucūja yu, rotiguagu. To cōrone mua quēne yure suyarā, juaāmo cōro, cojo gubo jua jēnituario ñaricūmurorire rujiruarāja mua. To yicōari, mani yarā, jud’io masa, juaāmo cōro, cojo gubo jua jēnituarācu ñarā masatubuarire rotiruarāja mua. Yure ajitirānurāre, to yicōari, yure ajitirānumenare ĩabesemasiruarāja. ²⁹ No bojarā, yure ajitirānurā ñari, ĩna ya vi, ĩna yarā, ĩna jacua, ĩna rīa, to yicōari, ĩna ya veserire quēne ĩna maise ñaro cōro ĩna vaveojama, adigodoju ĩna cūosore rēto busaro quēnase bujaruarāma ĩna, Dios tuju. ³⁰ To bajiboarine adire quēne quēnaro tuoĭaña mua: Jajarā ado bajiro mua tuoĭarore bajirone tuoĭaboarāma: “Dios ĩ bojase yirā rētoro Dios ĩ bojasere yirā ñari, ñamasurā ñaja yua. To bajiri, ō vecajure quēne ñamasurā ñari, quēnase bujaruarāja”, yituoĭaboarāma. To bajiro yirā ñari, gājerāre ĩacōari, “Īna ya vi, ĩna yarā, ĩna jacua, ĩna rīa, to yicōari ĩna ya veserire vaveomena ñari, ñamasurā me ñaama. To bajiri, ō vecajure quēnase mojoroaca bujarona ñaama”, yituoĭaboarāma. To bajiro me bajiruaroja. Adoju

ñamasurã, ò vecajuarema ñamasumena ñaruarãma ña. Adi macarucuroju ñamasumenama, ò vecajuarema ñamasurã ñaruarãma —yua yicami Jesús.

20

Moabosarimasa ña bajire rãca tuoĩacõari, “Adi macarucurojure ñamasurã, ò vecajuarema ñamasurã me ñaruarãma ña”, Jesús ñ yigotimasiore queti

¹ To yicõari, ñ buerimasare yua gotimasiorũtuacami Jesús. “Adoju ñamasurã ñaja yua. To bajiri ò vecaju quẽne ñamasurã ñari, quẽnemasuse bujaruarãja’ yituoĩabeticõato” yigu, ado bajise yua gotimasiocami:

—Ûye vese cuogu, Ûye ti bucuaro ñacõari, busuriju jẽju ñre moabosaronare jigũ vacumi. To bajirone yirucami Dios, mua uju quẽne. ² Ñare bujacõari, ado bajiro ñare gotigumi: “Mua moase vaja mua sẽniro cõrone muare vaja yirucuja yu”, ñare yigumi. To yicõari, ñare moarotĩcõagũmi, ñ ya veseju. ³ Muju ñ asitutuajediriju cõro, moaruarã ña yuritũcuroju ña ñacõajare, gãjerãre ñare ñabujagumi. ⁴ “Vasa, mua quẽne. Yu Ûye veseju moaaya. Mua moajama, quẽnaro muare vaja yirucuja yu”, ñare yigumi. ⁵ To bajiri ña quẽne ñre moabosarã vacoanama. To yicõari, bero ãmurecaji ñaro vacu, gãjerãre bujagumi. Ñamicajua ti tusato vacu, gãjerãre bujagumi quẽna. Moare manare bujacõari, ñare moarotĩcõagũmi. ⁶ Yucã veca muju tusato, gãjerã moaruarã ña yuritũcuroju ejacõari, moamenane ña ñacõajare, “¿No yirã moamenane ñarũmũ cutiati mua?”, ñare yigumi. ⁷ To ñ yirone, “Ñimujua, yua moarotibeami. To bajiri ñacõaja yua”, ñre yirãma ña. To bajiro ña yijare, “Vasa mua quẽne. Yu Ûye veseju yua moabosaaya”, ñare yigumi.

⁸ Rãioriju, ñre moabosarimasare coderimasare ñre jigumi. “Yua moabosarimasare ñare jiaya mu”, ñre yigumi. “To yicõari, ejatusariarãre vaja yisũoya. Ñare vaja yigajanocõari, ña rĩjorobusa ejariarãre vaja yiya. To bajiro rĩne yicõa vasa. To bajiri, moarã ejasũoriarãre ñare vaja yitusaya”, ñre yigumi, ñre moabosarimasare coderimasare. ⁹ To bajiro ñ yijare, ejatusariarãja ejasũorãma. Ña ejaro ñacõari, cojorũmu vaja tariaro cõro ña moare vaja ñare vaja yigumi. ¹⁰ To cõro ña vaja tasere ñacõari, “Manima jaibusaro bujaruarãja”, yituoĩaboarãma ejasũoriarãja. To bajiro yituoĩaboariarãre gãjerã ña vaja taro cõrone ñare vaja yigumi. ¹¹ Uju ñ vaja yiotisere ñacõari, ñagõjairãma ejasũoriarãja: ¹² “Veseju ejatusariarã, yaro meaca ña moaboajaquẽne, yua mu ñsĩro cõrone ñare ñsĩaja mu. Yuama, cojorũmu jediro, muju ñ asicõaro josari moaboabu yua”, ñre yitud’irãma, ña ujure. ¹³ To bajiro ña yiboajaquẽne, sigũre ado bajiro cudigumi ña uju: “Rojose mure yibeju yu. Jẽju, ‘Mua vaja sẽniro cõrone muare vaja yirucuja’ yigu ñari, to cõrone muare vaja yibu. ¹⁴ Mu moare vaja juacõari, vasa. Mure yu vaja yiro cõrone, ‘Ejatusariarãre quẽne vaja yirucuja’ yituoĩamũ yu. ¹⁵⁻¹⁶ Yu ye gãjoa ñamũ ti. To bajiri yu bojarore bajirone yibu yu. Ñare quẽnaro yu vaja yisere ñajũnisiniãja mu”, ñre yigumi ñ uju. To bajiri adi queti muare yu gotirote bajiro bajiruaroja. Adoju ñamasurã, ò vecajuarema ñamasumena ñaruarãma ña. Adi macarucuroju ñamasumenama, ò vecajuarema ñamasurã ñaruarãma —yua yicami Jesús.

“Yua sũaruarãma”, Jesús ñ yigotitusare queti
(Mr 10.32-34; Lc 18.31-34)

¹⁷ Jerusalẽnju yua umato varũtu vacune, juãmo cõro, gubo jua jẽnituarirãcu ñarãre yua gotiru, ricati yua jicãmotocami Jesús:

¹⁸ —Quẽnaro ajiya mua. Jerusalẽnju vana bajiaja mani. Toju mani ejaro, yua Dios ñ roticõacare paia ujarãre, Dios ñ rotimasire gotimasiorimasare ñsĩrocarucami sigũ. Ñajua, “Ñre sũaroti ñaja”, yua yiruãrãma. ¹⁹ To yicõari, romano masare yua ñsĩruarãma. To ña yijare, yua ajatud’icõari, bajeruãrãma ña. To yicõari, yucãtẽroju yua jajuturuãrãma. Yua jajutucõari, yu rijato bero, yua yujeboaruãrãma. To ña yiboajaquẽne, yua ña sũaro bero, idiarũmu tusatirũmune yua catiocõarucami Dios —yua yicami Jesús.

Santiago mesa jaco Jesũre so sẽniro queti
(Mr 10.35-45)

²⁰ To ñ yiro bero, Zebedeo rĩa jaco, so rĩa rãca ejacamo, so rĩa ña bajirotire Jesũre sãnigõ ejago. Adocãrãcu ñacama so rĩa: Santiago, Juan ñacama ña. Jesũre rucubuo, ñ rĩjorojua gũsomuniari tuetucamo so. To yicõari, Jesús quẽnaro so rĩare ñ yirotire sãnĩcama. ²¹ So sãnĩsere ajicõari,

—¿No bajiro quẽnaro yu yirotire bojati mu? —sore yicami Jesús.

To ñ yijare, ado bajiro cudicamo so:

—“Ñajediro uju ñaja yu” yũocõari, mu rotisũorirodo ti ejaro, yu rĩare ado bajiro ñare mu umato rujirotire bojaja yu: Sigũ mu riojocatua, gãjire mu gãjocatua ñare umato rujirucuja mu, “Mu rotirote bajirone ña quẽne rotimasiato” yigu —ñre yicamo so.

²² To so yisere ajicōari, so rīajuaire ado bajiro yicami Jesús:

—Tuoīamasimenane yure sēniġoaja mua. Yu rāca mua rotirūajama, ġmua quēne yure bajirone rojose tāmūorātique mua? —Īnare yicami Jesús.

—Bajicōarāja —Īre yicama ĩna.

²³ To ĩna yisere ajicōari, ado bajiro yicami Jesús:

—Riojo mware gotiaja yu. Mua quēne, yu tāmūorotire bajiro rojose tāmūoruarāja. To bajiboajaquēne, yu riojoacatua, yu ġācojacatua mware rojomasibecuja yu. “Īna ħaruarāma yu macu tu rujirona” yu jacu ĩ yicana rīne rujiruarāma —Īnare yicami Jesús.

²⁴ Jesús buerimasa juaāmo cōro ħarā, yua ajibetone, “To bajiro bojaja yua” ĩna yirudisere ajicōari, jūnisinicaġu yua. ^h ²⁵ To bajiro yua bajijare, yua jedirore jirēocōari, ado bajiro yicami Jesús:

—Ujarā, Dios yarā me ħarā, ĩna yarāre buto tutuaro rotirāma ĩna. Tire masiaja mua —yware yicami. ²⁶ —Muama, yu yarā ħari, ĩnare bajiro bajibetiruarāja. Yure ajitirānūrā, ħamasurā ħaruarāma, ġājerā ĩna bojasere masicōari, quēnaro ĩnare yiejarēmōrā. ²⁷ To bajiri ħamasurā mua ħaruarajama, ġājerāre moabosaruarāja mua. ²⁸ Dios ĩ roticōacacu quēne, to bajirone bajiaja yu. “Ġājerā yu bojasere masicōari, quēnaro yure yato ĩna” yigu me vadicaġu yu. “Īna bojasejware masicōari, quēnaro ĩnare yirucuja” yigu vadicaġu yu. To yicōari, jājarā rojose ĩna yisere Dios ĩ masiriose vaja, ĩnare vaja yibosaguagu vadicaġu yu —yware yicami Jesús.

Juarā caje ĩamenare Jesús ĩ tarotire queti

(Mr 10.46-52; Lc 18.35-43)

²⁹ Jericó vāme cuti maca ħacōari, yua vatone, jājarā masa yware sūyacama, Jesúre ĩarā. ³⁰ Toġu yua vatone, juarā ĩmena rujicama, maa tu. Jesús ĩ rētosere ajicōari, ado bajiro ĩre jiavasācama ĩna:

—Yua uġu, Uġu David ħamasir'i jānami, “Rotimūorāġōrucami” yigu, Dios ĩ cōar'i ħaja mu. Yware ĩamaĭña mu —yiavasācama ĩna. ³¹ To bajiro ĩna yiavasārone,

—ĶAvasābesa! —Īnare yicama masa. To bajiro ĩna yiboajaquēne, butobusa avasācama ĩna:

—Yua uġu, Uġu David ħamasir'i jānami, “Rotimūorāġōrucami” yigu, Dios ĩ cōar'i ħaja mu. Yware ĩamaĭña —Jesúre ĩre yiavasācama ĩna.

³² To ĩna yisere ajicōari, tujarūġucami Jesús. To bajicōari, ĩamenare jicami:

—ĶNo bajiro mware yu yisere bojati mua? —Īnare yisēniġacami, caje ĩamenare.

To ĩ yijare, ado bajiro ĩre yicadicaġa:

³³ —Yua uġu, tudīaruaġa yua —Īre yicama ĩna.

³⁴ To ĩna yisere ajicōari, ĩnare ĩamaġū ħari, ĩna cajearire moāġacami. To bajiro ĩ yirirīmarone, ĩmena ħaboacana, ĩacoacama ĩna yuja. ĩacōari, ĩna quēne Jesúre sūyacoadicaġa.

21

“Rotimūorāġōrucami” yigu, Dios ĩ cōagū ħaja yu” yīġogū, Jerusalénju Jesús ĩ ejare queti

(Mr 11.1-11; Lc 19.28-40; Jn 12.12-19)

¹⁻² Jerusalén cōñana, Betfagē vāme cuti maca ejacaġu yua. Olivo vāme cuti buro judo ħacaja ti maca. Toġu juarā yua rācanare ĩ buerāre ado bajiro ĩnare roticōacami Jesús:

—Mani varoto riojo ħarimacare vasa maji. Toġu ejacōari, burra ĩna siaturūġōriore bujaruarāja mua, so macu rāca ħagōre. ĩnare ōjacōari, yure juadibosaba. ³ Ti macagu mua ōjaro ĩacōari, mware ĩ sēniġajama, “Mani uġu ĩnare bojami. No cōro mene tuocōarucami quēna”, ĩre yicadiba. To bajiro mua yisere ajicōari, sēniġarēmobetirucami. “Bau. Vasa”, mware yirucami —Īnare yicami Jesús.

⁴ To bajiro ĩnare yiroiticami Jesús, Diore gotirētobosarimasu, “Ado bajiro bajiruarōja” ĩ yiuacamasire ħajare:

⁵ “Jerusalén macanare ado bajiro yiruarāja mua: ‘Īaĭña mua. Mua uġu vadiami. “ĶNamasuġu me ħaja yu” yituoġagūre bajiro ejaami. Burra, ġajeyeuĭni ūmagō macu joeġu jesacōari, vadiami’ yiruarāja mua”, yiuacamasīñuju Diore gotirētobosarimasu.

⁶ To bajiri Jesús ĩ rotisere ajicōari, ĩ rotirore bajirone yiyuma ĩna. ⁷ Burra to yicōari, so macure quēne ĩnare juaejacama ĩna. To yicōari, ĩna ye sudi joeayere vejecōari ĩna joere jeocama ĩna. To ĩna yiro bero, macuġware vaejacami Jesús. ⁸ Jājarā masa ħacama. ĩna ye sudi joeayere vejecōari, ĩ varotijare cū rījoro cuticama. “Yua uġu ħaja mu” yirā, to bajiro yicama, Jesúre rucubnorā. Ġājerā yucū rġjuri jasurecōari, maare cū rījoro cuticama. ⁹ To yicōari, “ ‘Rotimūorāġōrucami” yigu, Dios ĩ cōagū ħaja yu’ yīġocōari, rotisūorucami yuja” Jesúre ĩre

^h **20:24** Zebedeo manajo, Juan, Santiago jaco, Jesús buamo ħaġuġu so. To bajiri, “Ī yarā ħaama” yituoġagō ħari, “Yu rīare quēnaro yirucami”, yituoġaboayuju so. Tire ajimasicōari, jūnisiniġujarā Jesús buerā juaāmocārācu ħarāġua, “Ī yarā ħajare, ejarēmogūmi” yituoġarā ħari.

yituoŋarā ñari, buto variquēnacama ĩna. ĩre rŋjoro cuti vana, ĩre sɔyarā quēne, ĩre ĩavariquēnarā ado bajiro avasā vacama ĩna:

—iŋju David ñamasir'i jānami, “Rotimuoŋgōŋrucami” yigu, Dios ĩ cōar'i ñaami! iQuēnase ĩre yivariquēnato mani! iDioŋe rotibosagu quēnaro ĩ yigu ñaami! iDioŋe quēne, quēnase ĩre yivariquēnato mani, āni yua ujure ĩ cōajare! —yivasā vacama ĩna.

¹⁰To bajiro Jesús, Jerusalénju, masa rāca ĩ ejasere ĩacōari, buto gāmerā ñagōcama ti macana jediro.

—iNimu ūgū ñati? —gāmerā yisēñiācama, masa ĩna avasā vado vatoaju Jesús ĩ vadire ĩacōari.

¹¹To ĩna yijare, gājerā ado bajiro yicadicama:

—ĩne ñaami Dioŋe gotirētobosarimasa, Jesús vāme cutigu, Galilea sita Nazaret vāme cuti macagu —yicama masa.

Dioŋe yirūcubuoŋiaviju ñacōari, gajeyeūni ĩsirivire bajiro ĩna yinajare, Jesús ĩnare ĩ tud' iāgōbure queti

(Mr 11.15-19; Lc 19.45-48; Jn 2.13-22)

¹²Ti macajure ejacōari, Dioŋe yirūcubuoŋiaviju sājacaju yua, Jesúrāca. Ti viju gajeyeūni ĩsirāre, ĩnare vaju yirāre quēne tud' iāgōbucami Jesús. Gājerā ye rāca gājoa vasoarimasa ĩna gājoa jeorijauŋire tucaguereacami. To yicōari, buja ĩsirimasa ĩna rujiri cūmurorire tucaguereacami. ¹³To yicōari, ado bajiro ĩnare goticami Jesús:

—Dioŋe gotirētobosarimasa ĩna ucamasire ado bajiro gotiaja: “Yu ya vima, yure sēnirūcubuoŋā rējariavi ñaruaroja”, yigotiaja, adi vire. To bajiro ĩ yimasire ti ñaboajaquēne, ado bajiro mua yinase suorine juarudirimasa ya vire bajiro bajiaja ti —ĩnare yicami Jesús.

¹⁴Ti viju, yua ñarone, ĩamena to yicōari rujasagueri vana, ejacama, Jesús taju. To bajiro ĩna bajirone ĩnare catiocami. ¹⁵Ti vire ñacama paia ujarā, Dios ĩ rotimasire gotimasiorimasa quēne. To bajiri Jesús, ĩaŋaŋamani ĩ yilosere ĩacōari, “iŋju David ñamasir'i jānami, ‘Rotimuoŋgōŋrucami’ yigu, Dios ĩ cōar'i ñaami! iQuēnase ĩre yivariquēnato mani!” rīamasa ĩna yivasā ñasere ajicōari, Jesújuare buto jūnisinica. ¹⁶To bajiri ado bajiro Jesúre sēñiācama:

—iTo bajiro mure ĩna yisere ajiati mu? “To bajise yibesa”, ĩnare yiya —ĩre yicama ĩna.

To ĩna yiboajaquēne, ado bajiro ĩnare goticami Jesús:

—Ajjaja ya. Dios oca masa ĩna ucamasire to bajirone gotiaja rīamasa ĩna yiroŋire. iĭabeticatique ado bajiro yisere? Ado bajiro gotiaja ti:

“Rīamasa, to yicōari, ūjurāca quēne, mure quēnaro rūcubuoŋuarāma ĩna’ to bajiro mu yise ñajare”, yigotiaja Dios oca —ĩnare yicami Jesús.

¹⁷To ĩ yiro bero, ĩnare vaveocōari, Betania vāme cuti macaju ejacōari, cānicaju yua.

Higuera vāme cutiure, “Juaji rica maniucaruarāja”, Jesús ĩ yire queti

(Mr 11.12-14, 20-26)

¹⁸Quēna busuriju Jerusalénju tudiacaju yua. To yua bajiro, Jesús, ñiorijacami. ¹⁹Maa tu higuera vāme cuti ñacaju. Tiñ ricare barā, ojaboacami Jesús. Rica manicaju, tiñjuama. Jū rīne ñacaju. To bajiri tiñre ado bajiro yicami Jesús:

—Juaji rica maniucaruarāja —tiñre yicami.

To bajiro ĩ yirirīmarone, sñiŋrocacocaju tiñ. ²⁰To bajiro ti bajisere ĩacōari, no yimasibeticaju yua, ti ūñire ĩabetirūgūcana ñari. “iNo yiro guaro sñiŋrocacocajari ti?”, yisēñiācaju yua.

²¹To yua yirone, ado bajiro yuare cūdicami ĩ:

—Riojo muare gotiaja yu. “To bajiro yirūcami Dios” ĩre mua yiajitirānu tujabetijama, higuera vāme cutiure yu yise ūni rīrene yimasimenaja mua. Gajeye josase ti ñaboajaquēne, yimasicōarāja. “I burore, moa rīagaju rocaroacoasa” mua yijama, to bajirone bajiruaroja. ²²“Yua sēñijama, yuare ĩsicōagūmi” yituoĭacōari, Dioŋe mua sēñijama, muare ĩsirucami —yuare yicami Jesús.

“iNimu mure ĩ rotise rāca to bajiro yati mu?”, Jesúre ĩna yisēñiāre queti

(Mr 11.27-33; Lc 20.1-8)

²³To ĩ yiro bero, Jerusalénju ejacaju yua. To bajicōari, Dioŋe yirūcubuoŋiaviju Jesúrāca sājacaju yua. Sājaejacōari, masare gotimasiocami Jesús. To ĩ yinārone, bucūrā, paia ujarā quēne, ejacama ĩna, Jesúre sēñiārā:

—iNimu mure ĩ rotise rāca to bajiro yirūgūati mu? —ĩre yisēñiācama ĩna.

²⁴⁻²⁵To bajiro ĩna yisere ajicōari,

—Yu quēne, ado bajiro muare sēñiāja yu. Yuŋe mua cūdicōaroju, “ĩ rotise rāca yaja yu”, muare yirūcaju maji. iNimu rotiyujari, Juanre, “Oco rāca masare ĩnare bautizaya” yigu? iDios rotiyujari? iMasajua rotiyujarique? —ĩnare yisēñiācami Jesús.

To ĩ yisere ajicōari, ĩna masurione gāmerā ñagōñacama ĩna:

—“Dione, Juanre oco răca masare bautizarotiyumi” mani yijama, ado bajiro manire sēniñajacagumi: “Tire masirā ñaboarine, ¿no yirā ĩre ajitirñubeticati mua?” manire yisēniñajacagumi. ²⁶ To yicōari, “Masane, Juanre oco răca bautizarotiriarāma” mani yijama, manire buto tud’iruarāma masa, “Dione gotirētobosarimasu ñaboacami Juan” yirā ñari — gāmerā yicama ĩna.

²⁷ To bajiro gāmerā ñagōrā ñari, ado bajiro ĩre cudicama ĩna:

—Juanre rotir’ire masibeaja yu —Jesúre yicōacama ĩna.

To ĩna yisere ajicōari, ado bajiro ĩnare cudicami Jesús:

—To bajiro yure mua cudijare, “Í rotise răca yaja yu”, muare yigotibetirucuja yu quēne — ĩnare yicami Jesús.

Juarā rīa cutigu, ĩ rīare ĩ moarotirere Jesús ĩ gotimasiore queti

²⁸ To bajiro ĩnare yigajanocōari, gotimasiore queti ĩnare goticami Jesús:

—¿No bajiro tuoīati mua, adire, yu gotiguadire? Sīgū ñagumi juarā rīa cutigu. ĩ macu ñasuoğure ado bajiro yigumi ĩ: “Macu, yucurema mani uye vesere moaguaja”, ĩre yigumi.

²⁹ To ĩ yiboajaquēne, “Varuabeaja yu”, ĩre yicudigumi. To bajiro yiboarine, berojuma, tuoīavasoacōari, moagū vacoacumi ĩ yuja. ³⁰ To ĩ yiro bero, gāji ĩ macure quēne, to bajirone ĩre yigumi. To ĩ yirone, “Bau. Moagū varucuja yu”, ĩ jacure yicudigumi ĩ. To yiboarine, vabecumi. ³¹ To bajiri mua tuoīajama, ¿nijua ñañujari ĩ jacu ĩ rotiriarore bajirone cudir’i? — ĩnare yisēniñacami Jesús.

To ĩ yisēniñarone, ado bajiro ĩre cudicama:

—Í, moarotisuor’ijua, ĩ jacu ĩ rotiriarore bajiro ĩre cudiyumi —ĩre yicudicama.

To ĩna yisere ajicōari, ado bajiro yicami Jesús:

—Riojo muare gotiaja yu. Ujare gājoa sēnibosarimasare, to yicōari, rōmia, umuare ajeriarā cuticōari, vaja sēnirā rōmirire, “Rojorā masu ñaama” ĩnare yīlterā ñarāja mua. Mua ĩlterā sīguri, tuoīavasoacōari, Uju Dios yarā quēnaro ĩ yirā ñarāma. ĩnare bajiro mua tuoīavasoabetijama, ĩ yarā me ñaruarāja mua. ³² Juan, oco răca masare bautizarimasu, “Ado bajirojua mua yijama, quēnaroja” muare ĩ yigotimasioboajaquēne, ĩre ajibesuja mua. To bajiboarine, “Rojorā masu ñaama” mua yīlterājuama, ĩre ajitirñunñuma ĩna. To bajiri ĩre ĩna ajitirñusere ĩariarā ñaboarine, ĩre ajibeticōari, rojose mua yirūgūriarore bajiro rojose yicōa ñaja mua —ĩnare yicami Jesús.

“Jud’io masa ĩna ajitirñubetijare, gājerājuare uјorucumi Dios” yigu, moarimasa rojose yirā ĩna bajire răca Jesús ĩ gotimasiore

(Mr 12.1-12; Lc 20.9-19)

³³ Quēna ado bajiro ĩnare gotimasiocami Jesús:

—Sīgū masu uye vese otegami. Tire oteganocōari, matagumi. To yicōari, uye oco juarotiju quēnogumi. Tiju bero, vecaju ñacōari, ĩ ĩtirñunjesarotiju quēnogumi. To yigajanocōari, gājerāre, “Yure ĩtirñunbosaba”, yigumi. “Uye ti rica cutiro, gājerāre ĩsicōari, vaja sēniruarāja mua. To yicōari, mua juajama, ‘Ado cōro ñaja mani ye. Ado cōro ñaja ĩ yema’ yicōīama”, ĩnare yigumi. To yicōari, gajeroju vacoacumi yuja. ³⁴ To bajiri coјorāmu, “Uye rica cuti bucutoja ti” yigu, ĩre moabosarimasare cōagumi, “Uye, yure ĩna cūbosarere yure juabosaaya” yigu. ³⁵ Uye veseju ĩna ejaro ĩacōari, ti vese coderāju, ado bajiro yirāma: ĩnare ñejecōari, jarāma. Gājerāre sīarāma, to yicōari gājerāre gūtane reasīarāma. ³⁶ To ĩna yire quetire ajicōari, jājarābusa ĩre moabosarimasare cōagumi vese uju, ĩ ye ñarotire juabosaaya yigu. Ti veseju ĩna ejarone, ĩtirñunñimasa, to rīјoro ejariarāre ĩna yiriarore bajirone yirāma, ĩnare quēne.

³⁷ To bajiro ĩna yiecore quetire ajicōari, “Yu macujuare rūcuborāma” yituoīacōari, ĩre cōabogumi. ³⁸ To bajiro ĩ yicōar’ire, veseju ĩ ejasere ĩacōari, ado bajiro gāmerā ñagōrāma vese coderimasa: “Adi vese uju macune ñaami. To bajiri ĩ bajirocaveojama, ĩne ñaami ĩre vasoaroc. To bajiri ĩre mani sīajama, mani ye sita ñaruaroja yuja”, gāmerā yīñagōrāma ĩna. ³⁹ To bajiri vese soјuaju ĩre ñia vati, ĩre sīarocacōarāma —ĩnare yicami Jesús.

⁴⁰ To bajiro ĩnare yigajanocōari, ado bajiro ĩnare sēniñacami:

—¿Ti vese uju tudiejagu, no bajiro ĩnare yigujari, ti vese coderimasare? —ĩnare yisēniñacami Jesús.

⁴¹ To ĩ yisere ajicōari, ado bajiro ĩre cudicama ĩna:

—Rojorā masu ñarāma ti vese ĩtirñunrā. To bajiri ĩnare ĩamaibecune ĩnare sīareagumi. To ĩ yiro bero, gājerāre ti vesere ĩtirñunronare vasoagumi, ĩ ye ñarotire juabosaronare —Jesúre ĩre yicama ĩna.

⁴² To ĩna yicudisere ajicōari, Jesújua, ado bajiro ĩnare yicami:

—“Uye vese uju macure roјorā ĩna sīarocarere bajirone viri buarimasa gūta ĩna beserocaria ñaboarine, ñamasurica ñaruaroja”, yigotiaja Dios ocare masa ĩna ucamasire. ¿Tire ĩbeticati que mua? Ado bajiro gotiaja:

“Gūta rāca vi quēnorimasa coja gūtare rocarāma īna. Īna rocaria űaboarine, gajea gūta rētoro quēnarica űaruaroja tia. Tia gūta suorine quēnarivi quēnorucumi Dios. Tia manijama, quēnomasibetibogumi. To bajiro bojagumi Dios mani uju. To bajiri tia gūta suorī Dios quēnaro ī yisere ajimasicōari, buto tuoīa variquēnaja mani”, yigotiaja Dios oca masa īna ucamasire.

⁴³ To bajiri ado bajiro yigu, ti quetire mware gotibū yu: Diore rotibosagure yure ajitirūnūmena mwa űajare, jud'io masa mejuare, “Yu yarā űaűa” īnare yicōari, quēnaro īnare yirucumi Dios. Īnajuama, Dios ī bojarore bajiro īre ajitirūnūwarāma. ⁴⁴ No bojarā yure, yu ocare ajiterā, rojose tāmūoruarāma īna —īnare yicami Jesūs.

⁴⁵ Jesūs ī gotimasiosere ajicōari, “Mani bajisere yigu yami”, yiajimasicōacama fariseo masa, paia ujarā quēne. ⁴⁶ To bajiri Jesūsre űiaruaboacama īna. “Diore gotirētobosarimasu űaami Jesūs” masa īna yituoīajare, masare gūirā, īre űiabeticama.

22

“Ī macu ī āmosiaguadijare, masare jirēogūmi uju”, Jesūs ī yigotimasiore queti (Lc 14.15-24)

¹ Quēna gotimasiore queti masare goticami Jesūs:

² —Adi quetire tuoīacōari, “Tire bajiro bajiruaroja, masare ‘Yu yarā űaűa mwa’ Uju Dios ī yiroti” mware gotimasioḡu yaja: Sīgū uju, ī macu ī āmosiarotirūmare quēnoyugumi. ³ To yicōari, “Īvariquēna ejarēmoronare jiaya mwa” yigu, īre moabosarimasare cōagūmi ī. To ī yisere ajicōari, jirā vaboarāma īna. Īnajuama, vadirūamenama. ⁴ Īna vadirūabetire ajicōari, gājerā īre moabosarimasare cōagūmi quēna. “Yu uju mware jigu űari, ī yarā vaibucurā mame bucuarāre sīarotimi. Jēre quēnogajanomu yua. To bajiri ī macu ī āmosiarirūmu īarā vayā mwa quēne” īnare yiba”, yicōagūmi īna uju. ⁵ To ī yisere ajicōari, jirā vaboarāma īna quēna. Īnare cudimenane, vacoanama, īna ye moare moaroana. Sīgū ī ya veseju vacumi. Gāji ī gajeyeūni īsiroju vacumi. ⁶ Gājerāma, uju ī cōaboariarē űejecōari, īnare jasīacōarāma. ⁷ Tire ajicōari, buto jūnisinigūmi uju. To bajiri ī yarā surarare cōagūmi. “Īnare sīacōari, īna ya virire soereacoaya”, īnare yicōagūmi. ⁸ To ī yiro bero, gājerā īre moabosarimasare ado bajiro gotigumi: “Yu macu ī āmosiarotiye quēnogajanomu. Jēju yu queti cōaboarā, īna ejabetijare, quēnaja. Īnare jicōabetiroti űaboayuja. ⁹ Jājarā masa īna vati maarijuare vasa. To mwa īabujarā cōro jirēocōari, īnare űmato vaba”, īnare yigumi uju, īre moabosarimasare. ¹⁰ Ī rotirore bajirone masare jirēorāma īna. Quēnarā, rojorā, īna bujarā cōro jirēorāma. To bajiri uju ya vi, jūmucoatoja ti.

¹¹ Ī jicōariarē īagū sājagūmi uju. Sīgūre, īna āmosiaro īarā ejarā īna sāűase űnire sāűabecure īabujagumi ī. ¹² To bajiri, īre īacōari, ado bajiro īre sēniīagūmi: “ĶNo yigu īna āmosiaro īarā īna sāűase űni sāűabeati mu?”, īre yigumi. To ī yiboajaquēne, īre cudibecumi. ¹³ To ī bajijare, bare jeorimasare ado bajiro īnare yigumi uju. “Ī gubori, ī āmorire quēne siacōari, rētiaroju īre rocacōaűa. Toju űacōari, buto rojose tāmūogū űari, guji pōḡe, oti, yirucumi”, īnare yigumi uju, bare jeorimasare. ¹⁴ To bajiro bajiruaroja, “Yu yarā űaűa mwa” Uju Dios ī yiroti quēne. Jājarā masare, “Yu yarā űaűa mwa” Dios ī yire ti űaboajaquēne, sīgūrine űarāma ī rāca űarona —īnare yicami Jesūs.

“Ujarā gājoa manire īna vaja yirotijama, īnare īsiroti űaja”, Jesūs ī yigotire queti (Mr 12.13-17; Lc 20.20-26)

¹⁵ To ī yisere ajicōari, fariseo masa ī tu űaboarā cāmotadicoacama īna, gāmerā űagōroana. “Ado bajiro yirāsa”, yiruyuyuma:

—Ado bajiro mani sēniīajama, cudimasibeticōari rojose tāmūorucumi —yituoīaboayuma.

¹⁶ To bajiro yituoīarā űari, īna rācanare, to yicōari, “Uju űamasugū űarucumi Herodes” yirūgūriarē quēne, Jesūs tu īnare cōaűujarā īna, “Īre sēniīaaya mwa” yirā. To īna yicōariarā ado bajiro Jesūsre sēniīacama īna:

—Ajiya gotimasiorimasu. “Riojo gotigu űaami”, mware yimasiaja yua. “Ado bajiro mani yisere bojagumi Dios” yigotimasioḡu űari, riojo yuare gotimasioaja mu. “Ado bajiro yu gotimasiojama, yure ajijūnisiniruarāma” yituoīabecune, riojo gotigu űaja mu. “Ānoama, űamasurā īna űajare, ricati īna ajijūnisinibetire īnare gotimasiorucuja”, yituoīabecu űaja mu. Masa űajediore yuare riojo gotigu űaja mu. ¹⁷ To bajiro yigu mu űajare, mu tuoīasere ajiruaja yua. ĶRoma macagu uju, Cēsar, gājoa manire ī vaja yirotisere mani vaja yijama, quēnacōarajari? ĶDios ī rotimasirere cudimena yirājarique mani, īre mani vaja yijama? —Jesūsre yisēniīaboacama īna.

¹⁸ Jesūjama, “Rojose yure yiruarā, to bajise yure sēniīatoama īna”, yimasicōacami. To bajiri ado bajiro īnare cudicami:

—“Quēnarā ñaja yua” yiboarine, mua yirore bajiro yirā me ñaja mua. ¿No yirā, “Rojose ñe yirāsa” yirā, to bajise yure sēniñatoati mua? —ñare yicami Jesús. ¹⁹ —Roma macagu ujare gājoati, ñe vaja yiroitiire, cojotii yure ñoña —ñare yicami Jesús.

To ñi yijare, āmiadi, ñe ñocama ña. ²⁰ Gājoatiire ñacōari, ado bajiro ñare sēniñacami Jesús:

—¿Ñimu rioga tuyati? ¿Ñimu vāme tuyati? —ñare yicami Jesús.

²¹ To ñi yirone,

—Roma macagu ũju César rioga tuyaja. To yicōari, ñi vāme quēne ñaja ti —Jesúre yicadicama ña.

To ña yijare, ado bajise yicami Jesús:

—To bajiri aditiire ñacōari, “César yatii ñaja”, yimasiaja mua. To bajiri, gobierno ñi vaja yirotijama, ñare vaja yiroti ñaja. To bajirone bajiaja Diore quēne. Jediro Dios ñi cōase ti ñajare, “Yua cuose ti ñaboajaquēne, ti rāca mu bojarore bajiro yiruarāja”, Diore ñe yiroti ñaja, manire. To yicōari, “No bojase moare yua yise quēne, mu ujose rāca yua yimasise ti ñajare, ti rāca mu bojarore bajiro yirūgūruarāja”, ñe yiroti ñaja, muare —ñare yicami Jesús.

²² To bajiro ñi yisere ajicōari, no yimasibeticama ña, quēnaro gotigure ajibetirūgūriarā ñari. To bajiri juaji tudisēñiñamenane, vacoacama yuja.

“¿Bajirearāma, tudicaticoanajari?”, Jesúre ña yisēñiñatore queti

(Mr 12.18-27; Lc 20.27-40)

²³ Tirāmune saduceo masa quēne ejacama, Jesúre sēniñatorā. “Masa ña rijato bero, ña usuri, ña ruñari ñaro cōrone quēna tudicaticimenama” yirā ñacama saduceo masa. Ado bajiro ñe sēniñacama:

²⁴ —Ajiya gotimasiorimasu. Moisés ñamasir'i ado bajiro ñi yiuacūmasire ti ñajare, mure sēniñarā vabu yua: “Sīgū, manajo cutiboa, rīa magūne ñi bajirocajama, ñi gagu manajo ñariore manajo cutirucami ñi bedijua. To bajiri ñi rāca ñacōari, so macu cutijama, ñi gagu macu ñarucami”, yimasifūju Moisés. ²⁵ Yua rācana, sīgū rīa, cojomo cōro jua jēnituarirācu ũmua ñaboacama. Sīgōrene manajo cutiboacama ña. Ñasuogu sore manajo cutisuoacami. Rīa magāne rijacoacami ñi. ñi rijato bero, gāji ñi bedi vasoaboacami. ñi quēne rīa magūne rijacoacami. ²⁶ ñi bederā quēne, to bajirone sore manajo cutiboacama. Rīa manane, rijajedicoacama ña quēne. ²⁷ So manajua ña rijajediro bero, so quēne rijacoacamo yuja. ²⁸ To bajiri bajireacōari, quēna ña tudicaticijama, ¿ñimujua ñaguñda so manaju masu ñarocuma, ña ñaro cōrone sore ña manajo cuticato bero? —Jesúre yisēñiñatocama ña.

²⁹ To ña yirone, ado bajiro cadicami Jesús:

—Dios oca masa ña ucamasire ajimasimena ñaja mua. Dios ñi masisere quēne masirā me ñaja. To bajirā ñari, Moisés ñi ucamasirere tuoñacōari, “Riojo me gotiro yaja”, yituoñaboaja mua. ³⁰ Ado bajirojua bajiaja: Bajireariarā, ña tudicatio bero, manajo cutire, manaju cutire quēne maniraroja. Ángel mesare bajiro bajirā ñaruarāma ña. ³¹ ¿“Masa ña bajirearo bero, ña usuri caticōaroja”, yirere ñabeticatique mua? Dios ñi masune ñi gotirere ñe gotirētobosarimasu ado bajise ucamasifūmi: ³² “Mua ñicua ñamasiriarā Abraham, Isaac, Jacob, ña rācubuo vadimasicacune ñaja yu”, yigotimasifūmi Dios. Masa bajireariarā ña usuri ti caticōa ñabeticama, to bajise yibetimasiborimi. Bajireariarā, quēna tudicaticirāja ña rācubuoogu ñagūmi. “Ña usuri ti caticōa ñajare, bajireariarā ñaboarine, Diore rācubuoocōa ñarāma”, yire ñaja —ñare yicami Jesús.

³³ To bajiro ñi yisere ajicōari, no yimasibeticama ña, quēnaro gotigure ajibetirūgūriarā ñari.

Dios ñi rotimasire ñamasuri vāmere Jesús ñi gotire queti

(Mr 12.28-34)

³⁴ Saduceo masare Jesús quēnaro ñare ñi cudise ñajare, gajeye ñe ña sēniñatomasibetirere ajiyujarā fariseo masa. Tire ajicōari, rējañujarā ña. ³⁵ Tija bero, sīgū ña rācagu, Dios ñi rotimasire gotimasiorimasu, Jesúre sēniñagū ejacami. “Ado bajiro josasere yu sēniñajama, cadimasibeticōari rojose tāmouucami” yigu, ado bajise ñe sēniñacami:

³⁶ —Gotimasiorimasu, ¿disejua ñati ñamasuse masu Dios ñi rotimasire, mu ñajama? —Ñe yisēñiñacami.

³⁷ To bajiro ñi yisere ajicōari, ado bajiro cadicami Jesús:

—Mani ujare, Diore buto mairoti ñaja. No bojagure mani mairo rētoro, no bojase mani cuose, to yicōari, mani bojatuoñase rētoro Diore mairoti ñaja. ³⁸ Ti ñaja ñasuose, ñamasuse Dios ñi rotimasire. ³⁹ To yicōari, gajeye tire bajibusasene ado bajiro yaja: “Mu masu ruñare mu mairore bajirone mu tuanare maiña”, yigotiaja Dios ñi rotimasire. ⁴⁰ To bajiri jua vāmene ñaja ñamasuse masu Dios ñi rotimasire. Tire mu cadijama, Moisés ñamasir'i ñi rotimasire, to yicōari, Diore gotirētobosarimasa ña gotimasiasirere quēne cadijeocōagū yiguja mu —Ñe yicami Jesús.

“*‘Rotimuoŕögöŕucumi’ yigu, Dios i cöarocu, ğñim ħarucumi, yituoŕati mua?’*, *Jesús i yisēñilare queti*

(Mr 12.35-37; Lc 20.41-44)

41-42 Fariseo masa yua tu ina rējaro, ado bajiro ĩnare sēñilacami Jesús:

—“*Rotimuoŕögöŕucumi’* yigu, Dios i cöarocu, ğñim ħarucumi yituoŕati mua? —ĩnare yicami Jesús.

—“*Uju David ħamasir’i jānamine ħarucumi*” yaja —ĩre yicadicama ĩna.

43 To ĩna yisere ajicöari, ado bajiro ĩnare yicami:

—To bajiro mua yituoŕabojaquēne, Uju David ħamasir’i, “*Rotimuoŕögöŕucumi*” yigu, Dios i cürocure tuoŕagü, ğno yigu Diore yigure bajiro, “*yua uju*” yimasifujari i? Esp’iritu Santo i ejarēmose rāca ado bajiro ucamasifumi:

44 “*Yu ujure* ado bajiro yirucumi Dios: ‘*Yu riojocatua rujiya maji. Mure ĩateräre, “Rojose yitujaya” ĩnare yu yiro bero, rojose yimasibetiruarāma. To cörone rotisuoŕucuja mu’ yirucumi Dios, yu ujure*”, yuucamasifumi David.

45 To bajiri, “*‘Rotimuoŕögöŕucumi’* yigu, Dios i cöarocu, David ħamasir’i jānami ħarucumi” yuucamasire ti ħabojaquēne, ğno yigu i ujure bajiro bajigutique? —ĩnare yicami Jesús.

46 To bajiro ĩnare i gotisere ajicöari, siğü ĩre cüdimasigü manicami. “*Mani rētoro masigü ħaami*” yituoŕicöari, “*‘Ānoama masimena ħaama’ yiroimi*” yirā, ĩre sēñiā tujacöacama ĩna yuja.

23

“*Rojose tāmuoŕuarāja mua*”, *fariseo masare Jesús i yire queti*

(Mr 12.38-40; Lc 11.37-54; 20.45-47)

1 To i yiro bero, masare, yua i bueräre quēne, ado bajiro yuare yicami Jesús:

2 —Dios i rotimasire gotimasiorimasa, fariseo masa quēne, Moisére Dios i roticümasirere buerëtobucöari, “*Ado bajiro yiroti ħaja manire*”, yigotimasiorā ħaama. 3 To bajiri tire ĩna gotimasiosere quēnaro ajitirünüña mua. To bajiboarine, ĩna yirore bajiro yimena ĩna ħajare, ĩna yirore bajiro yibesa. 4 Dios i rotimasirere buerëtobucöari, i rotimasire rëtobusaro yirotiama ĩna. “*Cojo vāme me mani rotise ħajare, cüdijeomasinamama ĩna*” yimasirā ħaboarine, ĩnare ĩamaimenane, “*Ĥajediro yua gotirëtobuse riojo ħaja*”, masare ĩnare yicöa ħarügüama. 5 Jediro ĩna yisere, “*Quēnaro yirā ħaama*” masa ĩna yĭlarücubuosere bojarā yama. ĩna riovecari siature, ĩna ricari dæature quēne Dios ocasāñarijataroriaca jacabusarijatarori cæoama ĩna, “*Gājerā manire ĩacöari, quēnaro rücubuoato ĩna*” yirā. To yicöari sudiro gaja seayore, jacabusase seayore cutiaseri sāñaama ĩna. “*Quēnaro yirā ħaama ĩna*” masa ĩna yĭlarücubuosere bojarā yama. 6 Boserāmuri ħaro ĩna barujijama, ħamasuri cümurorire rujivariquēnarügüama ĩna. Dios ocare bueriavirijure quēne ħamasuri cümurorire rujivariquēnarügüama. 7 To yicöari, jājarā masa ĩna rējarügürjaurire ejarügüama. Masare ĩna bocajama, rücubuose rāca ĩnare ĩna sēñisere bojarügüama. To yicöari, “*gotimasiorimasa*” masa ĩna yijama, ajivariquēnarügüama.

8 Muarema, ĩna yirore bajiro mua yibetijare, quēnaruaroja. “*Gotimasiorimasa*” mua rācana muare ĩna yisere bojabetiruarāja mua. Siğüne ħaja yu, mua jedirore gotimasiorimasa. Muama, cojoro cörone ħarā ħaja mua, yure ajitirünurāma. To bajiri gotimasiorimasa gāmerā yimasimenaja mua. 9 Ö vecajure ħagü siğüne ħaami mani jacu, Dios vāme cutigu. To bajiri adi sitagure, gājire yure ajitirünugäre, Diore mua yirücubuosore bajiro yirā, “*yua jacu*” ĩre yibeja mua. 10 “*Yua uju ħaja mu*” gājerā muare ĩna yirücubuosere ĩnare yirotibaja. “*Rotimuoŕögöŕucuja mu*” yigu, Dios i cöacacu, yu siğüne ħaja mua ujuama. 11 Siğü yure ajitirünugü, ħamasugü i ħaruajama, gājerā ĩna bojasere masicöari, quēnaro ĩnare yiejarēmogü ħarucumi. 12 Quēnaro ĩnare ĩna yirücubuosere bojaräre, “*Ĥamasurā me ħato*”, ĩnare yirucumi Dios. No bojagu, “*Ĥamasugü me ħaja yu*” yicöari, quēnaro gājeräre yirēmogüjare, “*Ĥamasugü ħato*”, ĩre yirucumi Dios —yuare yicami Jesús.

13 Fariseo masare, Dios i rotimasire gotimasiorimasare quēne yigu, ado bajiro goticami Jesús:

—Buto rojose tāmuoŕuarāja mua. “*Quēnaro yirā ħaja yua*” yiboarine, rojorā ħaja mua. Dios i rotimasirere buerëtobucöari, ħamasuse mejuare ajitirünucöari, gotimasioadicaju mua. To bajiro mua yijama, “*Uju Dios yarā quēnaro i yirā ħabeticöato mani*” yiräre bajiro yĭñaja mua. To yicöari, “*Gājerā, Uju Dios yarā quēnaro i yirā ħabeticöato ĩna*” yirā yaja mua. Dios yarā ĩna ħaruabojaquēne, ĩnare matarā yaja mua. To bajiri mua quēne i yarā ħabetiruarāja mua —ĩnare yicami Jesús.

14 —Buto rojose tāmuoŕuarāja mua, fariseo masa, Dios i rotimasire gotimasiorimasa quēne. “*Quēnaro yirā ħaja yua*”, yituoŕaboja mua. Manajua rijaveoriarā ya virire ēmarā ħaboarine, masa ĩna ĩaro rĭjorojuā, “*‘Quēnaro yirā ħaama’ yĭlato*” yirā, “*Yoaro Diore sēñirā*

yaja”, yisocarügüboaja mua. To bajiro mua yise vaja, gäjerä rojorä, rojose İna tãmuose rëtoro rojose tãmuoruaräja mua —İnare yicami Jesús.

¹⁵ —Buto rojose tãmuoruaräja mua. “Quënarö yirä ñaja yua” yiboarine, mua yirore bajiro yirä me ñaja mua. “Manire bajiro gäji İ tuoİajama, quënaĵa” yituoİacöari, masare buto gotimasioçudiaĵa mua. Sığä, “Yuare bajiro tuoİato” mua yigure, “Mani ajitirünuro rëtoro mani yere ajitirünatoİ” yirä yaja mua. To bajiro mua yijama, “Butobusa rojose tuoİato” yirä yaja mua. To bajiri, mua rëtbosaro Dios İ boĵabetire yicöari, “Rojose tãmuotajabetiriaroĵu varucumi İ quëne”, yirä yaja mua —İnare yicami Jesús.

¹⁶⁻²² Quëna ado bajiro İnare goticami Jesús, fariseo masare, Dios İ rotimasirere gotima-siorimasare quëne:

—Buto rojose tãmuoruaräja mua. İamena, gäjerä İamenare tãa vanare bajiro bajirä ñaja mua. No boĵase mua yirore mua yiruajama, “Yimasucöaruaräja yua. Tire yua yibeti-jama, Dios, rojose yuare yibogumi” yirä, yirere ado bajiro gäjeräre gotimasiorügüboaja mua: “Coĵojirema mani gotirore bajiro yiruamena İari, ado bajiroĵua mani gotijama, quënacöaroĵa”, yirügüboaja mua: “Mani gotirügürore bajiro yirä İaboarine, Dios vãmere mani gotivasoajama, mani gotirore bajiro mani yibetiboajaquëne, rojose manire yibecumi Dios”, yirügüboaja mua. To yicöari, ado bajiro gotimasiorëmoaja: “Dios vãmere gotiterä, Diore yirücuböariavi vãmë räca mani yijama, quënacöaroĵa. To bajiro yiterä, Diore yirücuböarä soemuorıajau vãmë räca mani yijama, quënacöaroĵa. Tire mani yitejama, ö vecaĵu ämuagaseroĵu Dios İ İaro vãmë räca mani yijama, quënacöaroĵa. To bajiboarine, Diore yirücuböariaviaye oro vãmë cutise räca, to yicöari, gaje vãmë Diore rücuböarä soemuorıajau joere jesase vãmë räca mani yijama, mani gotirore bajirone yiroti ñaja”, yiboaja mua. Tuoİasimena, İamenare bajiro bajirä ñaja mua. Ñajediro Dios ye ti İajare, İ vãmere gotirä yaja mua —İnare yicami Jesús.

²³ —Buto rojose tãmuoruaräja mua. “Quënarö yirä ñaja yua” yiboarine, rojorä ñaja mua. Dios İ rotimasirere buerëtobucöari, İamasuse meĵuare ajitirünuräja mua. To bajiro yirä İari, bare sävuore, an'is, menta, comino vãmë cutire moĵoroaca ti vaja cutiboajaquëne, Diore yirücuböariavi moabosarimasare İsiaĵa mua. To bajiro yirä İaboarine, Dios İ rotimasire İamasuseĵuarema ajitirünümena ñaja mua. Ado bajiro bajiaĵa İamasuse: Quënarö rioĵo yire, gäjeräre İamaire, to yicöari, Diore maire quëne ñaja İamasuse. Tire quëne yirügürona ñaja mua. ²⁴ To bajiro yirä İari, ado bajiro yiräre bajiro yaja mua: “Beco räca idirobe” yirä, oco mua idirore veorügüĵa mua. To bajiro yirä İaboarine, camello vãmë cutigüĵuarema jaigu İ İaboajaquëne, rujune bayuräre bajiro yirügüĵa mua. To bajiri, İamena, gäjerä İamenare tãa vanare bajiro bajirä ñaja mua. Dios İ rotimasire İamasuse mere ajirücuböarä İaboarine, İamasuseĵuare yimena ñaja mua —İnare yicami Jesús.

²⁵ —Buto rojose tãmuoruaräja mua. “Quënarö yirä ñaja yua” yituoİaboarine, rojorä ñaja mua. İdiriabaja, bare jeobariabaja joema coeriabajari İaboarine, jubeaĵuama buto ueri cutibajarire bajiro bajiaĵa mua. Mua usuri bajiseĵuarema tuoİabeaja mua. To bajirä İari, “Quënarö yirä ñaja yua” yituoİaboarine, rojosere quëne tuoİarä İari, rojorä ñaja mua. İauroä İari, “İnare yitocöari, İna cuobosere ëmaruaräĵa”, yituoİarä ñaja mua. ²⁶ “Rojorä ñaja mani” yimasimena İari, İamenare bajiro bajirä ñaja mua, fariseo masare. Rojosere tuoİatıajaya. To bajiro mua yijama, Dios İ boĵarore bajiro tuoİarä İari, quënarö yirä İaruaräja mua.

²⁷ Buto rojose tãmuoruaräja mua fariseo masa, Dios İ rotimasire gotimasiorimasa quëne. “Quënarö yirä ñaja yua” yiboarine, mua yirore bajiro yirä me ñaja mua. Masa yujeriaviri botisene viariavirire bajiro bajiaĵa mua. Masa İna İaquënariviri İaboarine, jubeaĵuama rijariarä göa quënabetoĵa. ²⁸ To bajiro bajirä ñaja mua. “Quënarö yirä İaama” masa İna yİİarä İaboarine, mua tuoİare cutisema rojorä ñaja. “Quënarö yirä İaama” masa muare İna yİİasere boĵatuoİarä İaboarine, rojose İaro cöro tuoİarä ñaja mua —İnare yicami Jesús.

²⁹ Quëna ado bajiro İnare gotirütuacami Jesús:

—Buto rojose tãmuoruaräja mua. “Quënarö yirä ñaja yua” yiboarine, mua yirore bajiro yirä me ñaja mua. Diore gotirëtobosamasiriaräre İna yujemasirıaju joere quënarıju quënoaja mua, “Quënarä İamasıİuma” yirä. To yicöari, gäjerä quënarö yiriaräre quëne İna yujeriıaju joere quënese quënorügüĵa mua. ³⁰ To yicöari, ado bajiro yirügüĵa mua: “Mani İicua, Diore gotirëtobosarimasare İna İİarearo, İnare İİa eĵarëmobetiboriaräja mani”, yirügüĵa mua. ³¹ To bajiro mua yijama, “Quënarä İaİuma” yirä me yaja mua. Ado bajiroĵua yirä yaja: “Diore gotirëtobosamasiriaräre mani İicua İna İİamasire quënaİuĵa ti” yirä yaja mua, mua İicua rojose İna yiriarore bajiro rojose yirä İari. ³² Mua İicua Diore gotirëtobosarimasare İna İİasuo vadimasiriarore bajirone mua quëne İna İanerabatıa İari, Diore gotirëtobosarimasare İİajeocöaroti ñaja —İnare yicami Jesús.

³³ —Vätıa uĵu rojose İ yirore bajirone rojose yİİairä ñaja mua. Rojose tãmuotajabetiriaroĵu mua varotire, no bajiro rudimasıbetiruaräja. ³⁴ Mua İud'io masa vatoĵu Diore

gotirētobosaräre, quēnaro tuoīaräre quēne, Dios ocare gotimasioräre quēne cōarucja yu. Īnare sīaruarāja mua. Gājerārema yucūtēroju jajusīaruarāja. Gājerārema, Dios ocare Īna bueriviriju Īnare jaruarāja. Gājerārema, Īna vati macari ĩaro cōrone rojose Īnare yisuyaruarāja. ³⁵ To bajiro mua yiroti ti ĩajare, ado bajiro yirucumi Dios, mua ĩicuaire, mua yarā jedirore yure ajitirānūmenare: Abel ĩamasir'ire mua ĩicu ĩ sīasomasire, to yicōari Diore yirucuboravi jubeaĵu ĩarīaju soemoīaraju tujū Berequ'ias macare Zacar'iare Īna sīatusamasire, quēnaro yiräre Īna sīavadimasire ĩajare, buto rojose tāmūoruarāja mua, adirāmuri ĩarā. ³⁶ Riojo muare gotiĵa yu. Mua ĩicua Īna bajimasiriarore bajirone Diore mua ajitirānubeticōa ĩajare, Īna sīamasire vaja rojose Īnare ĩ yiroti rētoḃusaro rojose muare yirucumi Dios, adirāmuri ĩaräre —Īnare yicami Jesús.

Jerusalén macanare Īna bajirotire Jesús ĩ tuoīasutiritire queti
(Lc 13.34-35)

³⁷ Jerusalén macanare ĩre Īna sīarocarō bero Īna bajirotire tuoīacōari, ado bajiro yicami Jesús:

—Jerusalén macana, Diore gotirētobosamasiriaräre sīamasiriarā jānerabatia ĩacōama Īna. Dios ĩ cōamasiriaräre, ĩ ocare gotimasiorimasare gūtane Īnare reasīamasiriarā jānerabatia ĩaama. Cojoĵi me gājaboco so querujū ēñeroca so rīare so juarēorore bajiro Īnare yiruaboacaju yu, Īnare coderu. To bajiro yu yiruaboajaquēne, ĩajua yure bojabeticama. ³⁸ To bajiri jēre, “Īna ĩarijūre codetujacōĵa yu yuĵa”, yituoīami Dios. ³⁹ Riojo gotiĵa yu: “ĩRo-timūorūgōrucumi’ yigū, Dios ĩ cōar’i vadiami! ĩQuēnase ĩre yivariquēnato mani! ĩDiore roti-bosagu ĩ ĩajare, ĩre quēnaro yato Dios!” yure Īna yiroto rījoro, quēna juajī yure ĩabetiruarāma Īna —Īnare yituoīa ĩagōcami Jesús, Jerusalén macanare.

24

“Diore yirucuboravire jud’io masa me ĩarā caguerocacōaruarāma”, Jesús ĩ yire queti
(Mr 13.1-2; Lc 21.5-6)

¹ Diore yirucuboraviju ĩacōari, budiacami Jesús. ĩre ēmucōari, ado bajiro ĩre yicaju yua:

—Adi vire ĩaĩa mu —ĩre yicaju yua.

² To bajiro yua yirone, ado bajiro yuare yicami Jesús:

—ĩAdi vire quēnaro ĩati mua? Mua ĩarivi ti bajirotire riojo muare gotiguagu yaja yu. Adi vi mua ĩarivi ĩaro cōrone cagueroca ecoruaroĵa. To bajiri adi viaye gajea gūta joere, gajea jesabeticōararoĵa —yuare yicami Jesús.

“Macarucuro ti jediroto rījoro ado bajiro bajiruaroĵa”, Jesús ĩ yire queti
(Mr 13.3-23; Lc 21.7-24; 17.22-24)

³ Tiju bero, Olivo vāme cuti buro joeju rujicami Jesús. To ĩ rujirone, gājerā Īna mano ĩacōari, ado bajiro ĩre sēñiacaju yua:

—ĩDivato cagueroca ecoroti Diore yirucuboravi? ĩNo bajiro ti bajisere ĩacōari, “Jesús eĵaguagu yigumi”, yimasirāti yua? ĩNo bajiro ti bajiro ĩacōari, “Adi macarucuro jediatio yaja”, yimasirāti yua? —Jesūre yisēñiacaju yua.

⁴ To bajiro yua yisere ajicōari, ado bajiro yuare cudicami Jesús:

—Roori ĩaruarāja mua, “Socarāne, gājerā manire yitoroma” yirā. ⁵ Jājarā yitorā ĩaruarāma, “Yūne ĩaja ‘Rotimūorūgōrucumi’ yigū, Dios ĩ cōagū” yirā. To bajiro Īna yisocasere jājarā masa ĩnare ajisuyaboaruarāma. ⁶ Mua tuana, to yicōari, gajeroana quēne gājerā rāca ĩna gāmerā sīasere ajiruarāja mua. Tire ajicōari, gūibetiruarāja mua. “Bajiruaroĵa” Dios ĩ yiriarore bajirone bajiruaroĵa. To bajiro ĩna gāmerā yīñaboajaquēne, adi macarucuro jediro me bajiruaroĵa. ⁷ Cojo sitana gaje sitana rāca gāmerā sīaruarāma. Cojo maca me ĩñoñararoĵa. To yicōari buto sita saberuaroĵa. ⁸ To bajiri, rojose tāmūosuoarāma masa. ĩna tāmūose rētoḃusaro rojose tāmūoroana yirāma yuĵa.

⁹ Tirodori, gājerā, muare ĩejecōari, ĩsirearuarāma, gājeräre, “ ‘Rojorā ĩaama’ yīīacōari, rojose ĩnare yato” yirā. To bajiri, gājerāju, rojose muare yigajanocōari, muare sīaruarāma. Yure ajitirānūrā mua ĩajare, muare ĩateruarāma adi macarucuroana jediro. ¹⁰ To bajicōari, jājarā yure ajitirānūrā, ajitirānu tujaruarāma ĩna. To yicōari, yure ajitirānūrā, sīgūri, gāmerā ĩateruarāma. Gājerā, ĩna rācanare ĩatecōari, ĩsirearuarāma ĩna. ¹¹ “Diore gotirētobosarimasa ĩaja yua” yitorā, jājarā ĩaruarāma. To bajiro ĩna yisocasere jājarā masa ĩnare ajisuyaboaruarāma. ¹² Butobusa rojose rīne yirūtu vare ti ĩajare, gāmerā maire quēne manībūsacoararoĵa. ¹³ To bajiro ti bajiboajaquēne yure ajitirānu tujamenare, adi macarucuro ti jediroju, rojose tāmūotujabetiraroĵu ĩna vaborotire ĩnare yirētobosarucumi Dios. ¹⁴ “Ĕju Dios yarā quēnaro ĩ yirona mua ĩarūajama, Jesūre ajitirānuña” yire queti, adi macarucuro ĩarā masa ĩaro cōrone gotimasiojeo ecoruarāma. ĩna masijedicōaro beroĵu adi macarucuro jediruaroĵa.

¹⁵ Diore gotirētobosarimasu Daniel ñamasir'i ado bajiro ucamasifiñumi: “Adi macarucuro jedirirodo sigū, ‘Diore rūcūbuobeticōato ña’ yigu, Dios i bojabetire yirucami. Diore yirūcūbuoriavijū i ñasere masiruarāja mua”, yuucamasifiñumi Daniel ñamasir'i. (Yu, Mateo, adi papera Daniel i ucamasirere Jesús i gotisere yu ucasere iacōari, ajimasifña.) To bajiri Dios i bojabetire i yisere iacōari, “Jerusalén maca ti jedirotirāmū cōñaro bajiaja”, yimasiruarāja mua. ¹⁶ To bajiro bajirirāmū Judea sitana gūtayucūju guaro rudicoajaro ña. ¹⁷ Sigū i ya vi joeju jesaguma, rujiacōari, i ya vi jubeaju gajeyeñi ñasere juaátimabetirucami. ¹⁸ Gāji, veseju moañagū, i ye sudire juagu tūdiatimabetirucami, rujarimarone yu ejaroti ti ñajare. ¹⁹ Rōmia macu sāñarā, ūjurā cuorā quēne, rojose tāmūoruarāma ña, ūmatimabetica yirā. ²⁰ “Buto oco quedirirūmure, to yicōari, ūsūājariarūmure bajibeticōato” yirā, Diore sēnicōa ñarūgūñā. ²¹ To bajiro bajirirāmuri buto rojose tāmūoruarāma masa. Adi macarucuro ñasuarirāmuri masa rojose ña tāmūoadire rētoro tāmūoruarāma ña. Rojose ña tāmūoro bero, to bajise rojose tāmūobetriruarāma yuja. ²² “Yoaro mebusane rojose tāmūoato masa” Dios i yibetijama, sigū catirūyarocu manibogūmi. “Yu yarā ñaña mua” i yirere cūdiriarāre ñamaigū ñari, “Yoaro mebusane rojose tāmūoato ña”, yirucami Dios.

²³ To bajiro bajiñarirodorire, “Ānine ñaami ‘Rotimūorūgōrucami’ yigu, Dios i cōar'i. Ejayumi” gājerā ña yijama, ñare ajibeja mua. To yicōari, gājerājuama, “Tone ñagūmi. Ejayuju” muare ña yijaquēne, ñare ajibeja mua. ²⁴ Jājarā yitorā ñaruarāma, “Yune ñaja ‘Rotimūorūgōrucami’ yigu, Dios i cōagū” yirā, to yicōari, “Diore gotirētobosarimas ñaja yua” yirā. To bajiro yirā, ñaiañamani jairo yīoruarāma, masare yitorā. To bajiro yiruarāma, “‘Yu yarā ñaña mua’ Dios i yirere cūdirā quēne, manijare ajitirūuato” yirā. ²⁵ Tire muare yu gotimasiosere quēnaro tūoiaña mua. Ti bajiroto rījoro jediro muare gotijeobu yu. ²⁶ To bajiri, “Yucū manojū ñagūmi, ‘Rotimūorūgōrucami’ yigu, Dios i cōar'i” muare ña yijama, ñarā vabetiruarāja mua. To yicōari, “Vi jubeaju yayiorojū ñagūmi, ‘Rotimūorūgōrucami’ yigu, Dios i cōar'i” ña yijama, ñare ajitirūubetriruarāja mua. ²⁷ Macarucuro jediro bujo i yabesere masa ña ñarore bajiro Dios i roticōacacu, yu vadore yure ñare ñaruroja. ²⁸ Rijar'i, i boacūñarorema, yuca ejarāma ña — yuare yicami Jesús. i

*“Dios i roticōacacu tudiejarucuja yu”, Jesús i yire queti
(Mr 13.24-37; Lc 21.25-33; 17.26-30, 34-36)*

²⁹ To yicōari, quēna ado bajiro yuare yicami Jesús:

—Tire rojose ña tāmūo gajanorijane, gaje vāme rojose bajiruroja. Muiju āmūagu asibetrirucami yuja. Ñamiagu quēne busubetrirucami. Nōcoa quēne vējacoaruarāma. To yicōari, ō vecayere nūarobatorucami Dios. ³⁰ To bajiro ti bajiro iacōari, “Ō vecagu Dios i roticōagū rujiadiguagu yigūmi”, yure yiruarāma masa. Yu rujiadire iacōari, gūirā, otiruarāma. Yu masise rāca, oco bueri vatoaju buto yu busubatorujadire ñaruarāma. ³¹ Ō vecaju trompeta jutise ocaruyururoja. To cōrone, “‘Yu yarā ñaña’ Dios i yirere cūdiriarāre judoaga soje, jūnaga soje, varuaga soje, gajejacatua varuaga soje ñarā jedirore juarēoato” yigu, āngel mesare cōarucuja yu. To yu yijare, yu yarā ñaro cōrone juarēoruarāma ña —yuare yicami Jesús.

³² To yicōari, quēna ado bajiro yuare goticami Jesús:

—Gotimasiore queti muare gotigū yaja yu. Higuera vāme cutiure tūoiaña mua. Higuera vāme cutiū gajecu bucūamūjacōari, jū mameaja. Tire iacōari, “Mojoroaca ruyaja cāma ti ejaroti”, yimasijaja mani, jud'io masa. ³³ Muare yu gotisere bajiro bajisere iacōari, “Mojoroaca ruyaja Jesús i vadiroti”, yimasiruarāja mua. ³⁴ Riojo muare gotiaja yu. Adirodo ñarā mua bajireajediroto rījoro, muare yu gotirore bajirone bajiruroja ti. i ³⁵ Adi macarucuro ñaro cōrone, to yicōari, ō vecaye quēne jedicoaruroja. To bajiboarine, yu ocama, jedibeti mūorūgōcōaruroja.

³⁶ “Ado cōrone ejarucami Jesús” yimasigū magūmi. Ángel mesa quēne, masimenama ña. Dios macu ñaboarine, “To cōro ejarucuja yu”, yimasibeaja yu quēne. Yu jacu sigūne masigūmi —yuare yicami Jesús.

³⁷ Quēna ado bajiro yuare gotirēmocami Jesús:

—Noé ñamasir'i i ñariarodo masa ña bajiñamasiriarore bajiro bajiñaruarāma, Dios i roticōacacu, yu tudiejarirāmure quēne. ³⁸ Adi macarucuro ti rujaroto rījoro, bare ba, idi, manajo cuti, yicōa ñamasifñujarā ña. Diore tūoñari mene, “¿To bajiroado yatique?” yimenane, jairica cūmua quēnogajanocōari, Noé i vasājaro ūnone to bajiro yicōa ñamasifñujarā ña. ³⁹ “To bajiroado yiroja” ña yimasibetone, ñare ruureacōamasifñuju Dios. To bajirone bajiruarāma masa, yu tudiejarirāmure quēne. ⁴⁰ Yu ejarirāmū juarā āmua ña veseju moañaruarāma.

i **24:28** “Yuca ejarāma, masu boagu i ñarore” i yijama, “Rojose yirāma, no bojarone ñacōarāma” yigu yiyuju Jesús. j **24:34** Griego masa ye rāca “esta raza” yiroma, judío mesare yiro yaja. To bajicōari, “esta generación” ti yijama, adirodo ñarāre yiro yaja.

To ña yĩñarone, sīgũ ãmiecorucumi. Gājima, ãmiecobetirucumi. ⁴¹ Rõmia juarã trigore vĩañaruarãma. To bajiri, sīgõ ãmiecoruocomo. Gajeoma, ãmiecobetiruocomo.

⁴² To bajiro bajiroti ti ñajare, roori ñaruarãja mua, “To cõrone tudiejarucumi mani uju” yure yimasimena ñari. ⁴³ Sīgũ vi uju, “Adi ñami juarudirimasu ejarucumi” i yimasijama, roori ñabogumi, ñe mataru. ⁴⁴ To bajiri, “Dios i roticõagũ i tudiejarotire mani masibetirĩmarone tudiejaromi” yirã, roori ñarũgũruarãja mua —yure yicami Jesús.

“Ado bajiro bajigumi yu tudiejarotire roori ñagũma”, Jesús i yire queti (Lc 12.41-48)

⁴⁵ Quẽna ado bajiro yure gotirẽmocami Jesús:

—Ado bajiro bajirucumi yure quẽnaro ajitirũnu tujabecu, quẽnaro tuoĩagũ: Uju, gajeroju ñaguacu, i varoto rĩjoro, “Yu ya vianare yure codebosaba” yigu, ñe moabosarimasare i cũ varĩre bajiro bajigũ ñagumi. ⁴⁶ I uju, i rotiviarore bajirone i moayurere tudiejacõari, i ñaejajama, quẽnaro ñe yigumi, ñe moabosarimasare. ⁴⁷ Riojo muare gotiaja yu. Uju i bojarore bajirone i yire ti ñajare, i cuose jedirorene ñe ñatirũnu rotigumi. ⁴⁸⁻⁴⁹ Ado bajiro bajirucumi yure quẽnaro ajitirũnubecuma: Rojose yigu i ñajama, uju, i vato bero, “Yoatoju tudiejarumi” yituoĩagũ ñari, i uju moabosarimasare rojose yigumi. To yicõari, idimecũrũgũrãre baba cuticõari, ña rãca idirũgũgumi i quẽne. ⁵⁰ To i yĩñarone, i uju, tudiejarumi. ⁵¹ Tudiejacõari, i rotiviarore bajiro i yibetire ti ñajare, rojose ñe yigumi. To bajiri “Quẽnaro yirã ñaja yua” yiboarine, ña yirore bajiro yimena rojose ña tãmuorore bajirone tãmuogumi. Buto rojose tãmuogũ ñari, guji põguẽ, oti, yigumi —yure yicami Jesús.

25

“Ado bajiro bajiruarãma Dios yarãma. To yicõari, i yarã me ñarãma ado bajiroju ba-jiruarãma”, Jesús i yire queti

¹ Quẽna ado bajiro yure yicami Jesús:

—Uju Dios yarã ñaronama, quẽnaro i yironama, to yicõari, i yarã me ñaronajuaama, ado bajiro bajirãre bajiro bajiruarãma: Mamarã rõmiri juaãmocãrãco ñarãma, mame manajo cutirocure ñe bocarã vana. To vana, ña sĩabusuore juaánama. ² Cojomocãrãco ñarãma quẽnaro tuoĩarã. To yicõari, cojomocãrãco quẽnaro tuoĩamena ñarãma. ³ Quẽnaro tuoĩamenama ña sĩabusuore juarã ñaboarine, uye ti jediro, ña jiovasoaborotire juaámename. ⁴ Quẽnaro tuoĩarãjuama, “Ti jediro jiorãsa mani” yirã, juaánama. ⁵ Manajo cutirocu i ejatĩmabetijare, yoaro yubusaboa, cãnicoanama. ⁶ Ña cãniñarone, ñami gudareco cõño cõro ocaruyuroja yuja: “Manajo cutirocu vadicoadiami yuja. Ñe bocarã vayã”, yi ocaruyuroja. ⁷ Tire ajicõari, ña sĩabusuore sĩarãma. ⁸ Cojomocãrãco ñarã quẽnaro tuoĩamenajua, ado bajiro yirãma quẽnaro tuoĩarãjuare: “Yua sĩabusuore uye jedicoaju ti. To bajiri mua uye mojoroaca yure isĩña”, yiboarãma ña. ⁹ To bajiro ña yiboajajuẽne, ado bajiro cudirãma quẽnaro tuoĩarã: “Isibeaja. Mua masune uye isirimasa tũju vacõari, vaja yiaya. Muare yua isijama, manire tĩjabetiboroja”, ñare yirãma. ¹⁰ To bajiro ña yisere ajicõari, uye vaja yirã vacoanama quẽnaro tuoĩamenajua. Ña vato bero, manajo cutirocu ejagumi yuja. Quẽnaro ñayuriarã rõmirima, i ejarone, i rãca sãjacoanama ña, i ãmosiario ñarã. Sãjacõari, sojere tucõagumi manajo cutirocujua. ¹¹ Soje i turiaro bero, ejaboarãma quẽnaro tuoĩamena. Sãjamasimenama. To bajiri, manajo cutirocure ado bajiro ñe yiboarãma: “Yua uju, soje jãnaña maji”, ñe yiboarãma. ¹² To ña yisere ajicõari, ado bajiro ñare cadigumi manajo cutirocu: “Riojo muare gotiaja yu. Yu yarã me ñaja mua. Muare masibeaja yu”, ñare yigumi manajo cutirocu —yure yicami Jesús.

¹³ —To bajiri roori ñarũgũruarãja mua, “To cõrone tudiejarucumi” yure yimasimena ñari —yure yicami Jesús.

Moabosarimasa ña bajirere Jesús i gotimasiore queti (Lc 19.11-27)

¹⁴ Quẽna ado bajiro yure yicami Jesús:

—Quẽna yu tudiejaro, “Ñajediro uju ñaja yu” yĩcõari, yu yarã yure ajitirũnurã ña yisere masicõari, moabosarimasa uju ado bajiro i yiriarore bajiro bajiruarõja: Sīgũ ñagumi gaje sitaju varocu. I varoto rĩjoro, ñe moabosarimasare jirẽogumi. Ñare jirẽocõari, i ye gãjoare ñare bategumi. “Yu manitoyeju adi gãjoa rãca vaja yicõari, mua vaja yisere gãjerãre isirã, jaihusaro vaja sënima, jaihusaro gãjoa bujarãsa” yirã”, ñare yigumi.

¹⁵ To bajiri, sigure cinco mil ñaritiiri gãjoatiire ñe isigumi. Gãjire, dos mil ñaritiiri isigumi. To yicõari, gãjirema, mil ñaritiiri isigumi. Ñare isigajanocõari, vacoacumi. ¹⁶ Uju i vato bero, cinco mil ñaritiiri isiecor'i, quẽna cinco mil ñaritiiri bujarẽmogumi. ¹⁷ Gãji dos mil ñaritiiri isiecor'i, quẽna dos mil ñaritiiri bujarẽmogumi. ¹⁸ Gãji, mil ñaritiiri isiecor'ima, i isiecoriario cõrone yujecũcõagumi.

¹⁹ Yoatoju uju tudiejagumi quēna. Tudiejacōari, “Gājoa īnare yu īsicati rāca, ſno bajiro yure yibosayujari īna?” yisēnīlaru, īnare jigumi quēna. ²⁰ Cinco mil ſaritiiri ī īsir'ire jisūogumi. To ī yigu, ejacōari, īre ī īsiriaro cōro tuogumi. To yicōari, cinco mil ī bujarēmomore īre īsigūmi. To yigune, ado bajiro gotigumi: “Cinco mil ſaritiiri yure īsicaju mu. To bajiri quēna gaje cinco mil ſaritiiri mure bujarēmobosabu yu”, ī ſjare īre yigumi. ²¹ To ī yijare, ado bajiro īre cūdigumi ī ſju: “Yure quēnaro moabosayuja mu. Yu roticatore bajirone yure cūdiyujaja mu. Mojoroaca mure yu īsicati rāca yu roticatore bajiro mu yire ti ſajare, ſamasuse yure yibosarūcujaja mu. Yu rāca variquēnaſa”, īre yigumi. ²² To ī yiro bero, gāji, dos mil ſaritiiri īsiecor'i ejagumi. Ejacōari, īre ī īsiriaro cōro tuogumi ī quēne. To yicōari, gaje dos mil ſaritiiri ī bujarēmomore īsigūmi. To yigune, ado bajiro gotigumi: “Dos mil ſaritiiri yure īsicaju mu. To bajiri quēna gaje dos mil ſaritiiri mure bujarēmobosabu yu”, ī ſjare īre yigumi. ²³ To ī yijare, ado bajiro īre cūdigumi ī ſju: “Yure quēnaro moabosayuja mu. Yu roticatore bajirone yure cūdiyujaja mu. Mojoroaca mure yu īsicati rāca yu roticatore bajiro mu yire ti ſajare, ſamasuse yure yibosarūcujaja mu. Yu rāca variquēnaſa”, īre yigumi.

²⁴⁻²⁵ Ī bero ī ſjare īogū ejagumi mil ſaritiiri īsiecor'i: “Yu uju, adine ſaja mu gājoa, yure mu īsicati. Tire yujecūcōacaju yu, mure gūgu ſari, ‘Ti suorine yure tud'ijacagumi; buto roticōari ī bojarore bajiro yirere bojagu ſacami’ yituoīagū ſari”, īre yigumi. ²⁶ To bajiro ī yijare, ado bajiro īre cūdigumi ī ſju: “Yu bojasere yitegu bajiyujaja mu. Rojogu ſaja mu. ‘Tud'ijacagumi; buto roticōari ī bojarore bajiro yirere bojagu ſacami’ yure yituoīagū ſaribarine, quēnaro yure moabosabesujaja mu. ²⁷ Gājoa mure yu īsicati rāca vaja yicōari, mu vaja yisere gājerāre īsicōari, jaiſusaro vaja sēnibetibarine, gājoa cūriavijaja mu cūjama, jaiſusaro yure bujarēmobosaborijaja mu”, īre yitud'igumi ī ſju. ²⁸ To bajiro īre yigajanocōari, gājerāre ado bajiro rotigumi: “Ānire gājoa yu īsiboacatire ēmaſa. Tire ēmacōari, diez mil ſaritiiri yure īsigūjare īsīſa”, īnare yigumi īna uju. ²⁹ To yicōari, ado bajise īnare gotirēmogūmi: “No bojagu īre yu īsise rāca yu bojarore bajiro yigu, quēnase bujarūcumi. Niejua ruyabetirūaroja īre. No bojagu īre yu īsise rāca yu bojarore bajiro yibecūrema, īre yu īsiboacatire īre ēmarūcujaja yu, ‘Yu bojarore bajiro yimasibeami’ yigu. To yicōari, īre yu ēmasere gāji yu bojarore bajiro yigūjare īsirūcujaja yu. ³⁰ Āni yure moabosarimasu ſie vaja magūre, rētiaroja īre rocaōaſa mu. Toju ſacōari, buto rojose tāmūogū ſari, guji pōguē, oti, yirūcumi”, yigumi īna uju —yure yigoticami Jēsus.

Adi macarūcuro ſarāre, masare ī beserotire Jēsus ī gotire queti

³¹ Ado bajiro yure goticami Jēsus quēna:

—Dios ī roticōacaju yu tudiejaro, yu rāca ejarūarāma āngel mesa. Ejacōari, masare rotigūgu, rūcūbuorijaja rujirūcujaja yu. ³² To bajicōari, “Adi macarūcuroana masa ſajediro yu rjorojua ejato” yigu, āngel mesare juāarotirūcujaja yu. To bajiro īna yiejoro bero, yu yarāre, yu yarā mere quēne īmasicōari, ricati īnare cūrūcujaja yu. Oveja coderimasu, ovejare ricati, cabrare ricati ī cūrore bajiro īnare yirūcujaja yu. ³³ Yu yarāre yu riojojacatua cūrūcujaja. To yicōari, yu yarā mere yu gācojacatua cūrūcujaja. ³⁴ To bajiri yu riojojacatuanare ado bajiro īnare yirūcujaja yu: “Yu jacu quēnaro ī yirā ſaja mu. To bajiri ī rāca ī ye quēnasere bujarūarāja mu yuja. ‘To bajiro bujarūarāma’ muare yituoīacōari, quēnobosacami, adi macarūcuro rugeogu. ³⁵ Yu ſiorijaro, yure bare ecacaju mu. Yu idirūaro, yure iocaju mu. Gajeroagu mu masibecu yu ſaboajaquēne, quēnaro yure bocaāmīcaju mu. ³⁶ Yu sudi mano, yure sudi sācaju mu. Yu rijaro, yure īarā ejacaju mu. Tubiberiavi yu ſaro, yure īarā ejacaju mu”, yirūcujaja yu, yu yarāre. ³⁷ To bajiro yu yisere ajicōari, ado bajiro yure sēnīarūarāma īna: “Yu uju, ĳDivato mu ſiorijasere īacōari, mure bare ecacati yua? ĳDivato mu idirūaro mure iocati yua? ³⁸ ĳDivato gajeroagu yua masibecu mu ſaboajaquēne, quēnaro mure bocaāmīcati yua? To yicōari, ĳdivato mu sudi mano, mure sudi sācati yua? ³⁹ To yicōari, ĳdivato mu tubibe ecoro, mu rijarore quēne, mure īarā ejacati yua?”, yure yisēnīarūarāma īna. ⁴⁰ To bajiro īna yisere ajicōari, ado bajiro īnare cūdirūcujaja yu: ‘Riojo muare gotijaja yu. Yu yarāre, ‘ſamasurā me ſaama’ īnare yibobarine, quēnaro īnare mu yijama, yurene quēnaro yirā yicaju mu”, īnare yirūcujaja yu, yu yarāre, yu riojojacatuaſaja ſarāre.

⁴¹ To yicōari, yu gācojacatuaſaja ſarārema ado bajiro yirūcujaja yu: “Yure cāmotadija mu. ‘Rojose tāmūorūarāma’ Dios ī yirā ſaja mu. ‘Jeame yatibetimeju, rojose tāmūorūarāma vātia, īna uju rāca’ Dios ī yirueocatijaju vasa mu. ⁴² Yu ſiorijaro yure bare ecabeticaju mu. Yu idirūaro yure iobeticaju mu. ⁴³ Gajeroagu mu masibecu yu ſajare, yure bocaāmibeticaju mu. Yu sudi mano, yure sudi sābeticaju mu. Yu rijaro quēne, tubiberiavi yu ſaro quēne, yure īarā ejabeticaju mu”, īnare yirūcujaja yu, yu gācojacatuanare. ⁴⁴ To bajiro īnare yu yirone, ado bajiro yure sēnīarūarāma īna: “ĳDivato mu ſiorijaro mure ecabeticati yua? ĳDivato mu idirūaro, mure iobeticati yua? ĳDivato gajeroagu yua masibecu mu ſajare, mure bocaāmibeticati yua? ĳMu sudi mano, mure sudi sābeticati yua? ĳDivato mu tubibe ecoro, mu rijarore quēne, mure īarā ejabeticati yua?”, yure yisēnīarūarāma īna. ⁴⁵ To bajiro īna yisere

ajicōari, ado bajiro ñare cūdirucija ya: “Riojo muare gotiaja ya. Ānoa ya riojojacatuana ya yarāre, ‘Namasurā me ñaama’ ñare yihoarine, quēnaro ñare mua yibetijama, yūrene quēnaro yimena bajicaja mua”, ñare yicūdirucija ya, ya gācojacatuanare. ⁴⁶ To bajiro ñare yigajanocōari, rojose ña tāmōtūjabetirotoju ñare reacōarucija ya. To yicōari, ya yarāñuama, quēnaro ña ñacōa ñarotoju varuarāma —yūare yicami Jesús.

26

“¿No bajiro yigu ñaami yitocōari, Jesúre ñe ñiarāti mani, ñe sīaruarā?”, ña yire queti (Mr 14.1-2; Lc 22.1-2; Jn 11.45-53)

¹ To bajiro gotigajanocōari, i buerimasare ado bajiro yūare yicami Jesús:

² —Juarūmu berone ñaroado yaja Pascua boserūmu ñashorirāmu. Tirāmune yūre Dios i roticōacacure masare ñirotarucumi sīgū. To bajiri yūre ñacōari, yucātēroju jajusīaruarāma ña —yūare yicami Jesús.

³ Tirāmuri paia űju ñamasugū Caifās vāme cutigu ya viju rējacōari, tuoñañuñujarā bucarā, paia űjarā quēne:

⁴ —Jesúre sīaruarā, ¿no bajiro yigu ñaami yitocōari, ñiarotirāti mani? ⁵ To bajiboarine, boserūmu ñaro ñe mani sīajama, tire ñajūnisinicōari, manire rojose yiborāma masa —gāmerā yīñagōñujarā ña.

Jesús rujoare sutiquēnasene rōmio so yuejeore queti (Mr 14.3-9; Jn 12.1-8)

⁶ Betania vāme cuti macaju cāmi boacacu, Simón vāme cutigu ya viju ñacaju yua, Jesúrāca. ⁷ Ti viju Jesús i barujirone, sīgō, gūta sotu alabastro vāme cuti rāca veariaru āmiejacamo. Sutiquēnase bato vaja cutise, nardo vāme cutise sāñaritu ñacaju tiru, so āmiritu. To bajiri Jesús tuaca eja, i rujoa joere ñe yuejeocamo so. ⁸ To bajiro so yisere ñacōari, jūnisinicaju yua i buerimasa. To bajiri, ado bajiro gāmerā yicaju yua:

—Jairo gājoa yireago yamo! ⁹ Tire ñicōari, jairo gājoa bujacōari, maioro bajirāre ejarēmoro ti ñaboaja ti —gāmerā yicaju yua.

¹⁰ To bajiro yua yisere ajicōari, ado bajiro yūare yicami Jesús:

—Sore gōjanabiobesa mua. Tire yūre so yuejeojama, quēnaro yūre yigo yamo. ¹¹ Maioro bajirā mua rāca ñacōa ñarūgūruarāma, mua ejarēmorona. Yuma, mua rāca ñacōa ñabetirucija.

¹² Adio sutiquēnase yūre so yuejeojama, yūre ña yujeroto rījoro yuejeo rījoro cutigo yamo.

¹³ Riojo muare gotiaja ya. Yū bajiro quēnase quetire, adi macarucuroana jedirore gotibatoruarāma masa. To bajirone bajiruaroja sutiquēnase yūre so yuejeose queti quēne. So yuejeosere masiritimenane tire gotibatoruarāma —yūare yigoticami Jesús.

“Jesúre ñiato” yigu, ñe ñatērā tūju Judas i gotirudigu vare queti (Mr 14.10-11; Lc 22.3-6)

¹⁴ Jesús buerimasa juaāmo cōro, gubo jua jēnituarirācu ñacaju yua. To bajiri yua rācagune Judas Iscariote vāme cutigu, paia űjarāre ñagōgū varimi. ¹⁵ ña tūju ejacōari, ado bajiro ñare sēñiñaju i:

—¿No cōro jairo yūre vaja yirāda mua, “Jesúre ñiato” yigu, muare ya gotijama? —Ñare yisēñiñaju.

To i yisēñiñase ñajare, treinta ñaritiiri gājoa ñe ñiñujarā ña. ¹⁶ To bajiro ña gāmerā yiriaro bero, “¿Dirīmaro űno Jesúre ñare ñiarotiguti ya?”, yitūoiñacōa ñañaju i.

Jesús i batūzare queti

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Pascua boserūmu pan űmato vauvase vuoyamani bashoriarāmu ejacaju ti. To bajiri Jesús buerimasa, ado bajiro ñe sēñiñaju yua:

—Pascua boserūmu ñajare, mani barotire, ¿noju bare yua quēnoyusere bojati mu? —Ñe yisēñiñaju yua.

¹⁸ —Jerusalénju vasa mua. Toju ejacōari, ado bajiro ñe yiba, vi űjare: “Manire gotimasiorimasu ado bajiro mure yicōami: ‘Mojoroaca ruyaja, Dios i bojarore bajiro ya yijeoroti. To bajiri, i ya viju adi ñami Pascua boserūmu ti ñajare, ya buerimasare űmato bagu varucija’ mure yicōami”, ñe yigotiba mua —ñare yicami Jesús.

¹⁹ “To bajiro yiba mua” Jesús i yicatore bajirone yiyuma ña. To bajiri, Pascua boserūmu yua barotire quēnoyuyuma ña.

²⁰ Ti ñami i buerimasa juaāmo cōro, gubo jua jēnituarirācu ñarā barujicaju yua, Jesúrāca.

²¹ Yua bañarone, ado bajiro yūare yicami Jesús:

—Riojo muare gotiaja ya. Sīgū mua rācagu, yūre ñatērāre yūre ñirotarucumi —yūare yicami Jesús.

²² To i yisere ajicōari, buto satiriticaju yua. Tocārācune satiritirā ħari, ado bajiro ĩre sēñilacaju yua:

—ǂYu Ɂju, yuñe ħabetiboati, mure ĩsirocarocu? —ĩre yisēñilacaju yua.

²³ To bajiro yua yisere ajicōari, ado bajiro yuare cudicami Jesús:

—Sīgū, yu rāca yosebaga ħaami yure ĩsirocarocuma. ²⁴ Dios oca masa ĩna ucamasire ti gotirote bajiro rojose tām̃uorucuja yu, Dios i roticōacacu. To bajirocu yu ħajare, yure ĩaterāre yure ĩsirocarucumi. Yure i gotiyirose suorine rojose tām̃uorucuja yu. “Masare yirētoḃosarucumi” Dios i yimasire ti ħajare, bajirucuja yu. To bajiboarine, yure gotiyiror’ijua, rojose tām̃uorucumi. Ruyubeticōarocu ħaboayumi —yuare yicami Jesús.

²⁵ To i yirone, Judas, Jesúre ĩsirocarocu, socune ado bajiro Jesúre ĩre sēñilatocami:

—Gotimasiormasu, ǂyuñe ħabetiboati, mure ĩsirocarocu? —ĩre yisēñilacami.

To i yirone, ado bajiro ĩre cudicami Jesús:

—Riojo yaja m̃u —ĩre yicami Jesús.

²⁶ Yua bañarone, pan āmicōari, “Quēnaja”, Diore ĩre yicami Jesús. To yigajano, tire mutocōari, i buerimasure yuare ĩsibatogune, ado bajiro yuare yicami:

—Baya m̃u. Ti ħaja yu ruju rii —yuare yicami.

²⁷ Tire yua bagajanorone, idiriabaja āmicōari, “Quēnaro yaja m̃u”, Diore yicami quēna. To yicōari, tibaja yuare ĩsigūne, ado bajiro yicami:

—M̃u jediro adire idiya. ²⁸ Adi ħaja tirām̃uana “Rojose mani yirere masirioato” yirā, Diore rūcub̃uor̃iaju joere ĩna yuejoriarore bajiro bajise. Yucurema, yu ri’i ħaja. Ti suorine, “Gajerodo to bajiro muare yirucuja yu” Dios i yicūmasiriarore bajiro bajiruaroja. To bajicōari, jājarā masa rojose ĩna yisere masiriocōari, tudituoābetirucumi Dios. ^k ²⁹ Riojo muare gotiaja yu. “Rotim̃uorūgōrucumi” yigu, yu jacu yure i cūroto r̃ijoro, quēna juaji uye oco idibetirucuja yu —yuare yicami Jesús.

“Jesúre masibeaja yu’ yirucuja m̃u”, Pedroke Jesús i yire queti

(Mr 14.26-31; Lc 22.31-34; Jn 13.36-38)

³⁰ To i yiro bero, Diore rūcub̃uor̃ā basacaju yua. Basagajano, Olivo vāme cuti buroju vacoacaju yuja. ³¹ To yua vatone, ado bajiro yuare yicami Jesús:

—Adi ħamine yure ajitirānu tujacōari, vaveoruarāja m̃u jediro. Dios oca masa ĩna ucamasire to bajiro ti gotijare, to bajise muare yaja yu. Ado bajiro gotiaja ti: “Oveja coderimasure bajiro bajigure s̃iarucuja yu. To bajiri i yarā ovejare bajiro bajirā rudibateoaruarāma”, yigotiaja Dios oca masa ĩna ucamasire, manire gotiro. ³² Yure m̃u vaveoboaquēne, yure ĩna s̃iaro bero, quēna tudicaticōari, Galilea sitaju m̃u vato, yujua m̃u r̃ijoro ħatujarucuja —yuare yicami Jesús.

³³ To i yisere ajicōari, ado bajiro ĩre yicami Pedro:

—Ānoa jediro, mure ĩna vaveoboaquēne, mure vaveobetirucuja yuma —Jesúre ĩre yicami.

³⁴ To i yisere ajicōari, ado bajiro ĩre cudicami Jesús:

—Riojo mure gotiaja yu. Adi ħami busiyujua gājabocu i ħagōroto r̃ijoro, idiaji, “Jesúre masibeaja; i rācagu me ħaja yu”, yisocarucuja m̃u —Pedroke ĩre yicami.

³⁵ To bajiro i yisere ajicōari, ado bajiro cudicami Pedro:

—M̃u rāca yure ĩna s̃iaruajaquēne, “Jesúrācagu me ħaja yu”, yisocabetirucuja yu —Jesúre yicami Pedro.

To bajiro Pedro i yisere ajicōari, yua quēne to bajiro yijedicōacaju.

Getseman’i vāme cutoju Jesús i jacure i sēñigū vare queti

(Mr 14.32-42; Lc 22.39-46)

³⁶ To yua yiro bero, Getseman’i vāme cutoju yuare ũmato vacami Jesús. Toju ejacōari, ado bajiro yuare goticami Jesús:

—Oju Diore sēñiguacu yaja yu. To yu vatoye, ado rujicōaña m̃u maji —yuare yicami.

³⁷ To yi vacune, Pedroke, to yicōari, Zebedeo r̃iare juarājurene ji vacami Jesús. To yi vacune, buto tuoāsatirititicami yuja. ³⁸ To bajiro bajigune, ado bajiro yiyuju Jesús, i rāca variarāre:

—Buto tuoāsatirititiaja yu. Satirosene yure s̃iaro yaja. Adone yure yuñaña maji. Yu cānibetore bajirone cānibea m̃u quēne, Diore sēñiñarā —ĩnare yiyuju Jesús.

³⁹ To yicōari, to sojuabus̃a varēmoñuju Jesús. Va, sita tūcuroju murocacūcōari, Diore sēñiñuju i:

—Cacu, yure ĩna s̃iarotire matamasiaja m̃u. To bajiboarine, m̃u bojarore bajirone bajiato —Diore yiyuju.

^k **26:28** “Yu bojarore bajiro m̃u yijama, quēnaro muare yirucuja yu” masare Dios i yicūmasire yiruaro yaja pacto ti yijama.

⁴⁰ To yigajano, Pedro mesa ña cānitoyene ña tujū ejayuju. Ñare yujiocōari, ado bajise Pedrone ñe yiyuju Jesús:

—¿No yirā cojo hora cōro cānibetibusarāne, yure yuñabetimasucōati mua? ⁴¹ Yu cānibetore bajirone cānibesa mua quēne. To bajicōari, Diore sēniña, “Vātia uju Satanás i yirotsere yicōari, Dios i bojabetire yirobe” yirā. Quēnaro muare masiaja yu. “Dios i bojasere yiracuja” yirā ñaboarine, cojojirema rojose usuri cutirā ñari, Dios i bojabetijuare yirügūaja mua —Pedro mesare ñare yiyuju Jesús.

⁴² To yicōari, gāme vacu, ado bajiro Diore sēniñuju Jesús:

—Cacu, yure ña sīaroti matamasiaja mu. To bajiboarine, mu bojarore bajirone bajiato —Diore yisēniñuju.

⁴³ To yigajano vacune, cāniariarāre ñare ejayuju quēna. Buto vujaejarā ñari, cāniñujarā ña. ⁴⁴ To bajiri rījoro ñare i yiriarore bajirone ñare yicōa, Diore sēnigū vacoasuju quēna. To ejacōari, rījoro Diore i sēniriarore bajirone ñe sēniñuju quēna. ⁴⁵ Diore sēnigū var’i, tudiejacōari yuare yujiocami:

—¿No yirā cāni manicōati mua maji? Ado cōrone Dios i roticōacacure rojose yirāre yure ñirotarocu vadicoagumi yuja. ⁴⁶ To bajiri yujiya mua. Ñe bocarā vajaro. Yure ñirotarocu vadiami yuja —yuare yicami Jesús.

Jesúre ña ñiare queti

(Mr 14.43-50; Lc 22.47-53; Jn 18.2-11)

⁴⁷ To bajiro Jesús yuare i yīñarirīmarone, Judas Iscariote vāme cutigu, yua rācagune, vadicami yuja. Jājarā i rāca vadicama jariaseri cuorā, gājerā yucājuriri cuorā. Bucurā, paia ujarā quēne ña cōariarā ñacama ña. ⁴⁸ Jēre ado bajiro goti vadiruyuyumi Judas, i rāca vanare, “Ñe ñaami Jesús’ yīlmasiati ña” yigu:

—Jesúre sēnicōari, ñe usurucuja yu. To yu yirone, ñe ñiama mua —ñare yi vadiruyuyumi.

⁴⁹ To bajiro yir’i ñari, Jesús rījorojua ejacōari, ado bajiro ñe yicami Judas:

—Gotimasiorimasu, ¿ñati mu? —Ñe yigune, usucami.

⁵⁰ To i yirone, ado bajiro yicami Jesús:

—“To bajiro yirāsa mani” ñare mu ūmato yivadiriarore bajiro yiya mu —ñe yicami Jesús.

To i yirone, ñe ñiama Judas rāca vadiriārā.

⁵¹ To ña yirone, sīgū Jesúrācagu, i jariasere yoveaāmicōari, paia uju ñamasugūre moabosari-masure gāmoro jatarocacōacami. ⁵² To i yisere ñacōari, ado bajiro ñe yicami Jesús:

—Mu jariasere tudisuacōaña quēna. “Jariase rāca gāmerā quēārāma, tiase rācane sīacoruārāma”, yimasiaja mani. ⁵³ Ado cōrone yu jacure yu sēnijama, setenta y dos mil ñarā āngel mesare cōamasicōagūmi. ¿Tire masibeati mu? ⁵⁴ To bajiboarine, ñare ñe yu sēnijama, Dios oca masa ña ucamasire, “To bajiro bajiruarōja” ña yimasiriarore bajiro bajibetiboroja. To bajiri tire ñe sēnibeaja yu —ñe yicami Jesús.

⁵⁵ To yicōari, ñe ñiārā ejarājuare ado bajiro yicami Jesús:

—¿No yirā gajeyēni juarudirimasure ñiārā vanare bajiro jariaseri rāca, yucājuriri rāca yure ñiārā vadiati mua? Tocārācarūmane Diore yirūcubūoriaviju mua ñaro muare gotimasio rujirūgūmu yu. To yu bajiboajaquēne yure ñabetirūgūmu mua maji. ⁵⁶ Diore gotirētobosarimasa, ado bajiro yure mua yirotsere ucamasifuma. To bajiri to bajirone yure yaja mua —ñare yicami Jesús, ñe ñiārā ejarāre.

Jesúre ña ñiasere ñacōari, ūmarudijedicoacaju yua.

“Mu ye suorine rojose tātūorucuja mu”, jud’io masa ujarā. Jesúre ña yire queti

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Jesúre ñiacōari, paia uju ñamasugū Caifás vāme cutigu tujū ñe āmiasujarā. Toju rējacōari, ñañujarā Dios i rotimasire gotimasiorimasa, to yicōari, bucūrā quēne. ⁵⁸ Jesúre ña āmivato, sōju yayīlmasuyayuju Pedro. Ñare yayīlmasuyacōari, paia uju ñamasugū ya vi, ta biberiasānirō rētosājacoasuju. Sājacōari, Diore yirūcubūoriavi coderimasa rāca rujiyuju i. “No bajiro Jesúre ña yigajano vato ñagusa” yigu, toju bocañarujiyuju.

⁵⁹ Paia ujarā, to yicōari, gājerā ujarā, ña jediro, Jesúre sīarūayujarā. To bajiro yirā ñari, “Rojose masu yigu ñaami Jesús” yisocaronare macañujarā ña. ⁶⁰ Jājarā masa socarāne ña gotiboajaquēne, to bajiro ña yisere ajicōari, “To bajiro i yire ñajare, ñe sīaroti ñaja”, yimasibesujarā ña maji.

To bajiboarine, juarā ejayujarā ña. ⁶¹ Ejacōari, ado bajiro socarāne gotiyujarā:

—“Diore yirūcubūoriavire caguerocamasiaja yu. To yicōari, idiarāmu tsatirūmune buajeocōamasiaja”, yicami āni —yiyujarā ña.

⁶² To ña yirone, paia uju ñamasugū, vāmārūgūcōari ado bajiro Jesúre yiyuju:

—To bajiro mure ña yi ocasāsere, ¿no bajiro yati mu? ¿Cudibeati mu? —Jesúre ñe yiboayuju.

⁶³ To i yiboajaquêne, cojo vâme cadiabeticōaŋuju. Ī cadiabeticire ĩacōari, ado bajiro Jesúre yiyuju paia uju űamasugũ:

—Quênaro riojo yuare cadiya mu. Mu socajama, rojose mure yirucami Dios. “Rotimorugōrucami” yigu, Dios ĩ cōar'ine, Dios macune űati mu? —Jesúre ĩre yisēniāŋuju paia uju űamasugũ.

⁶⁴ To bajiro ĩ yisere ajicōari, ado bajiro ĩre cadiyuju Jesús:

—Mu yirore bajirone bajaja. Īne űaja yu. To bajiri, Dios ĩ roticōacacu űari, yoaro mene ĩ riojoacatua rujićōari, masare beseguagu oco bueri vatoaju yu rujiadire ĩaruarāja mua, —paia uju űamasugũre yiyuju Jesús.

⁶⁵ To bajiro Jesús ĩ yisere ajitegu űari, ĩ sudire tūavoyuju paia uju űamasugũ. To yigune, ado bajiro ĩ rācanare yiyuju:

—ĪTo bajiro ĩ űagōjama, Diore rūcubuoecu yami! Ī“Diore bajiro bajigu űaja yu” yigu yami! No yirā gājerā, “Rojose yigu űaami” yironare macarēmomenaja mani yuja. Mua quêne, Diore rūcubuoecu ĩ yisere ajiaja mua. ⁶⁶ To bajiro ĩ yisere ajicōari, ĳno bajiro ĩre yiroti űati? —Ī rācanare yiyuju paia uju űamasugũ.

To bajiro ĩ yisere ajicōari, ado bajiro ĩre cadiyujarā:

—Rojose masu yicōami. Īre siacōaroti űaja —yicadiyujarā.

⁶⁷ To yicōari, Jesús riogare gooco eoreatuyujarā ĩna. To yicōari, ĩ cajere siabibecōari, ĩre jayujarā. ⁶⁸ To yicōari,

—“Rotimorugōrucami” yigu, Dios ĩ cōagũ űaja yu” mu yijama, mu masise rāca, “Ī, yure jami”, yuare yiya —Jesúre yitud'iyujarā.

“Jesúre masibeaja yu”, Pedro ĩ yire queti

(Mr 14.66-72; Lc 22.56-62; Jn 18.15-18, 25-27)

⁶⁹ Vi jubeaju Jesúre rojose ĩna yiűarone, macajúua rujićōaŋuju Pedro. Siğō paia uju űamasugũre moabosarimaso, Pedro tu ejacōari, ado bajiro ĩre yiyuju:

—Jesús, Galilea sitagu rāca vacudirũgũgũne űagũja mu quêne —ĩre yiyuju so.

⁷⁰ To bajiro so yisere ajicōari, masa jediro ĩna ajiro rĩjorojua ado bajiro yiyuju Pedro:

—“Riojo yaja mu”, mure yimasibeaja yu —sore yiyuju Pedro.

⁷¹ To bajiro sore yicadicōa, ta biberiasāniro sājariasoje tu vasuju Pedro. To ĩ vatone, gajeo ĩre ĩacōari, ado bajiro yiyuju:

—Āni, Jesús Nazaret macagu rāca vacudigu űaami —yiyuju, gājerāre gotigo.

⁷² To bajiro ĩnare so yisere ajicōari, ado bajiro yiyuju Pedro:

—Īre masibeaja yu. Socu me yaja yu. Dios quêne yure ajigumi —ĩnare yiyuju Pedro.

⁷³ To ĩ yigotiriaro bero yootobusa, to űarā ado bajiro Pedroro gotiyujarā:

—Riojo yaja yua. Jesúrāca vacudirũgũgũne űaja mu. ĩna űagōsere bajirone űagōja mu —Pedroro ĩre yiyujarā ĩna.

⁷⁴ —Īre masibeaja yu. Socu me yaja. Dios yure ajigumi —ĩnare yiyuju Pedro.

To bajiro ĩ yigajanorirĩmarone, gājabocu űagōcōaŋuju yuja. ⁷⁵ Ī űagōsere ajicōari, Jesús ado bajise ĩre ĩ gotirere masibujayuju Pedro yuja: “Gājabocu ĩ űagōroto rĩjoro, idiaji, Jesúre masibeaja yu’ yirucuja mu” ĩre ĩ yirere masibujayuju. Tire masibujacōari, vacoasuju. Vacōari, buto otiyuju.

27

Pilato tuju Jesúre ĩna āmiejare queti

(Mr 15.1; Lc 23.1-2; Jn 18.28-32)

¹ Busuro bero, bucarā, paia ujarā quêne, ĩna jediro tudirējaŋujarā ĩna. To bajicōari, “Ado bajiro mani yijama, Jesúre siaruarāma”, yituoiaŋujarā ĩna. ² To bajiro yirā űari, Jesús āmorire siacōari ĩre āmasujarā ĩna, Pilato vâme cutigu ya viju vana. Jud'io masa uju űamasugũ, romano masu űaŋuju Pilato. To bajiri ĩ ya viju Jesúre āmiejayujarā.

Judas ĩ masune ĩ siayayire queti

(Hch 1.18)

³ Judas, Jesúre ĩsirocacacu, “Jesúre siaroti űaja” ĩna yisere ajicōari, “Rojose yibu yu”, yituoia sutiritiyuju. To bajigu űari, bucarā, paia ujarā quêne, Diore yirucuboriaviju űarāre, ĩnare ejacōari, gājoatiiri treinta űaritiiri ĩre ĩna ĩsiboarere ĩnare tuocōaŋuju. ⁴ Gājoatiirire ĩnare ĩsigũne, ado bajiro ĩnare yiyuju ĩ:

—Rojose yibu yu. ĩne rojose yibecarene muare ĩsirocacōaŋuja yu —ĩnare yiyuju.

To bajiro ĩ yiboajaquêne, ado bajiro ĩre cadiyujarā ĩna:

—To bajiro yuare mu yiboajaquêne, no yibeaja yuarema. Mure bajiroja —Judare ĩre yiyujarā ĩna.

⁵ To ña yisere ajicōari, ti vijū gājoatiiri ī Isiecooarere reabateyuju Judas. To yi, gajano vacne, yucūju mujacōari, ti rujuju misimare siatucōari, ī āmuare quēne siatu, quediroyayo rijacoasuju.

⁶ Diore yirūcubhoriavijū gājoatiiri Judas ī reabaterere juarēoñujarā ña, paia ujarā. Tire juarēocōari, ado bajiro yiyujarā:

—Adi gājoa mani vaja yise suorine sīgure sīaroana vaja. To bajiri Diore yirūcubhoriavi boarijaurire quēnoruarā, vaja yiroti gājoa sāriajure sabetiroti ñaroja —yiyujarā ña.

⁷ To bajiro yituoīacōari, “Riri sotari vearimasu sitare vaja yito mani. Ti sita ñaruroja gajeroanare bajirearāre mani yujeroti sita”, yituoīañujarā ña yuja. ⁸ To bajiri ti sita vaja yiruarā, “Jesúre sīato mani” yirā, Judare ña isiboare rāca ña vaja yire ñari, adirūmari quēne, Ri’i Vese vāme cuticōa ñaja. ⁹⁻¹⁰ To bajiro ña yijama, tirūmaju Diore gotirētobosarimasu Jerem’ias ñamasir’i ī ucamasiriarore bajirone bajiyuju. Ado bajiro ucamasijūju ī: “‘Ado cōro vaja cutiami sīgū ūmu’ yituoīarā ñari, ĩre ĩsir’ire treinta gājoatiiri ña vaja yiboarere juacōari, riri sotari vearimasu sitare vaja yiruarāma ña, Israel ñamasir’i jānerabatia. To bajiro ña yijama, Dios ī bojarore bajiro yirā yiruarāma”, yucamasijūju Jerem’ias ñamasir’i.

Jesúre Pilato ī sēniñare queti

(Mr 15.2-5; Lc 23.3-5; Jn 18.33-38)

¹¹ Ti sitana uju ñamasugū, romano masu ñañuju Pilato vāme cutigu. To bajiri ī taju Jesúre āmiasujarā ña. ĩre ña āmiejaro ĩacōari, ado bajiro sēniñañuju Pilato:

—¿Mune ñati jud’io masa uju? —Jesúre yiyuju Pilato.

To bajiro ī yisere ajicōari, ado bajiro ĩre cudiyuju Jesús:

—Mu yirore bajirone bajiaja yu —ĩre yiyuju.

¹² To bajiro Jesús ī yisere ajicōari, bucarā, paia ujarā quēne, “Rojose yigu ñaami Jesús” Pilatore ĩre ña yi ocasāboajaquēne, ĩnare ñagōcudibesuju Jesús. ¹³ To bajiro Jesúre ña yi ocasāsere ajicōari, Jesúre tudisēniñañuju Pilato:

—¿To bajiro mure ña yisere ajibeati mu? —Jesúre yiyuju Pilato.

¹⁴ To bajiro ĩre ī yisēniñaboajaquēne, ĩre cudibeticōañuju Jesús. ĩ cudibetire ĩacōari, no yimasibesuju Pilato, ĩre bajiro bajigure ĩabetirūgūr’i ñari.

“Jesúre sīaroti ñaja”, ña yire queti

(Mr 15.6-20; Lc 23.13-25; Jn 18.38-19.16)

¹⁵ Tocārāca cūma, Pascua boserāmu jud’io masa ña quēnojama, sīgū, tubibe ecor’ire ña burotigire ĩnare bubosarūgūñuju Pilato. ¹⁶ Tubiberiavijū ñañuju sīgū, masa jediro ña masigū Barrabás vāme cutigu. ¹⁷ To bajiri ī yirūgūriarore bajiro yigu, masa ña rējarore ĩacōari, ado bajiro ĩnare sēniñañuju Pilato:

—¿Nimujuare yu busere bojati mua? ¿Jesús Barrabás vāme cutigujare bugutique yu? ĩre yu bubetijama, ¿“‘Rotimurōgōrucumi’ yigu, Dios ī cōar’i ñaami Jesús” masa ña yigujare bugutique yu? —ĩnare yisēniñañuju Pilato.

¹⁸ “Jesúre ĩajūnisinirā ñari, yure ĩsima” yituoīagū, to bajiro yiyuju Pilato, Jesúre buru.

¹⁹ Oca ña ñagōquēnorijuju ī rujiro, ī manajo ĩre queti cōañuju: “Rojose ĩre yibesa. Ñie rojose yigu me ñagūmi. To bajiro ī yiecoroto rījoro gūiose cājiriamu yu”, ĩre yicōañuju, so manajure.

²⁰ Bucarā, paia ujarā quēne ado bajiro tiju rējarāre masare, “Ado bajiro yiya”, ĩnare yirotiyujarā ña:

—“Barrabájare bucōari, Jesújare sīarotiya mu”, ĩre yiya mua —ĩnare yirotiyujarā ña.

²¹ Quēna ado bajiro tudisēniñañuju Pilato:

—¿Nimujuare yu busere bojati mua? —ĩnare yisēniñañuju.

To bajiro ī yisere ajicōari, ado bajiro ĩre cudiyujarā ña:

—Barrabájare mu busere bojaja yua —yiyujarā ña, Pilatore.

²² To ña yisere ajicōari, ado bajiro ĩnare sēniñañuju Pilato:

—To yijama, ¿no bajiro yiguti yu Jesúre, “‘Rotimurōgōrucuja mu’ yigu, Dios ī cōar’i ñaami” masa ña yigujarema? —ĩnare yisēniñañuju.

To ī yirone, ña ñaro cōrone ado bajiro ĩre avasācudiyujarā:

—¿Yucútēroju ĩre jajusīaroticōañu mu! —ĩre yivasā cudiyujarā ña.

²³ To ña yijare, ado bajiro ĩnare sēniñañuju Pilato:

—¿Nie rojose ī yire suori ĩre sīarotiguti yu? —ĩnare yiyuju Pilato.

To ī yiboajaquēne, quēna butobusa tudivasāñujarā ña:

—¿Yucútēroju ĩre jajusīaroticōañu! —yivasāñujarā ña.

²⁴ To bajiro ña yijare, no yimasibetiboacu, ado bajiro tuoīañuju Pilato: “No bajiro yicōari, ĩre bumasipecuja yu. ña bojarore bajiro yu yibetijama, avasātujabeticōari, rojose yijacarāma ña”, yituoīañuju. To bajiro tuoīacōari, oco juarotiyyuju ī. To yicōari, ado bajiro ĩnare gotiyyuju:

—Maa ĩaro rĩjorojua yu āmorire coeĩoaja yu, “Āni rojose yibecure sĩaruabeaja yuma” yigu. To bajiri maa masune maa sĩarotijama, quēnacōaroja. To bajiro maa yijama, mʉane sʉoye cutĩruarāja maa —ĩnare yiyuju ĩ.

²⁵ To ĩ yisere ajicōari, masa ñajediro ĩre cudiyujarā:

—Yua masiaja. ĩYua, yua rĩa quēne sʉoye cutĩruarāja, ĩre yua sĩarotijama! —ĩre yicudiyujarā ĩna.

²⁶ To bajiro ĩna yijare, Barrabáre bucōañuju Pilato. Jesújuarema, ĩ surarare ĩsĩñuju, “Īre bajecōari, yucútēroju ĩre jajusĩato ĩna” yigu.

²⁷ To bajiri ĩna ya viju Jesúre āmiejayujarā surara mesa. Īre āmiejacōari, ĩna jediro ĩre gānibiarugũñujarā. ²⁸ To yicōari, “Ujare bajigu ñato” yirā, ado bajiro Jesúre yiyujarā: Jesús ĩ sudi sāñasere vejecōari, ujarā ĩna sāñarito ũnore, sũarivujorore ĩre sāñujarā. ²⁹ To yicōari, ĩ rujoa joere jotabedo ĩna suariabedone ĩre jeoyujarā. To yicōari, riojojacatuaga āmore, yucú, uju ĩ cuoricure ĩre ĩsĩñujarā. To bajiro ĩre yicōari, ĩ rĩjorojua gasomuniari tuetucōari, ado bajiro ĩre yiajatud'iyujarā:

—Jud'io masa ujure mʉre quēnarotiaja yua yuja —Jesúre yiyujarā ĩna.

³⁰ To yirāne, gooco ĩre eoreatuyujarā ĩna. To yicōari, ĩ cuoricure ēmacōari, ĩ rujoare jayujarā ĩna. ³¹ To bajiro ĩre yigajanocōari, ujarā ĩna sāñarito ũnore ĩna sāriarore ĩre veayujarā ĩna quēna. To yicōari, ĩ sudijua ĩre sāñujarā quēna. Īre sudi sāgajanocōari, yucútēroju jajusĩaroana ĩre āmiasujarā.

Yucútēroju Jesúre ĩna jajusĩare queti

(Mr 15.21-32; Lc 23.26-43; Jn 19.17-27)

³² Īre āmivanane, sīgũ Cirene vāme cuti sitagu, Simón vāme cutigure bocacama ĩna. Īre bocacōari, “Jesús ĩ gaja vatijāire ĩre gajabosaya”, ĩre yi vacama ĩna.

³³ To yi vanane, Gólgota vāme cuti buroju ejacama ĩna. “Rujoco Buro” yire ũni ñacaju “Gólgota” yire. ³⁴ Toju ejacōari, uye ocore, sũese rāca vuocōari Jesúre ĩre iocama ĩna. “Īre jūnise jūni ruyubeticōato” yirā, yiboacama. Tire idiĩaboa yicōacami Jesús.

³⁵ Yucútēroju Jesúre ĩre jajutugajanocōari, “Ñimujua ĩ sudire ĩ ujaro ĩarāsa mani” yirā, gatarine reacũia ajeñacama. ³⁶ To yiajegajanocōari, ĩre code rujicama ĩna.

³⁷ Jesús ĩ tuyaritērojure ĩ rujoa vecare ucaturiaja tuyacaju. “Ado bajiro ĩ yise sʉorine jaju ecoami” yĩoriju ñacaju. Ado bajise goticaju: “Āni ñaami Jesús, jud'io masa uju”, yigoticaju ti.

³⁸ Jesúrāca juarā, jaju ecocama. Gajeyeũni juarudirimasa ñacama ĩna. Sīgũre ĩ riojojacatua, gājire ĩ gācojacatua ĩnare jajutucama ĩna. ³⁹⁻⁴⁰ Masa rētoana, ĩna rujoarire yure, yure yicama, “Jaju ecor'ire ĩre ĩateja” yirā. To yicōari, ado bajiro ĩre ajatud'icama ĩna:

—Ado bajiro yiboacaju mʉ: “Diore yirũcubʉoriavire caguerocamasiaja yu. To yicōari, idiarũmʉ tusatirũmʉne bʉajeocōamasiaja”, yiboacaju mʉ. To bajiri “Dios macu ñaja yu” mʉ yisocabetijama, mʉ yimasise rāca mʉ masune yucútērojure rujicoaya —ĩre yiajatud'icama ĩna.

⁴¹ Bʉcʉrā, paia ujarā, Dios ĩ rotimasire gotimasiorimasa quēne, to bajirone Jesúre yiajatud' ĩ ñacama ĩna. Ado bajiro yicama:

⁴² —Gājerārema catiogu ñaboarine, ĩ masu rojose ĩ tāmʉoserema yirētomasibeami —yiajatud'icama. —Israel ñamasir' ĩ jānerabatia uju ñaami. To bajiri yucútērojure rujicoadiato. To bajiro ĩ bajiro ĩacōari, “Īne ñaami”, yimasiruarāja —yiajatud'icama. ⁴³ —“Dios macu ñaja yu. Yure ejarēmorucumi”, yirũgũmi. To bajiri ĩ macune ĩ ñajama, ĩre ĩmaigũ ñari, ĩre yirētobosato Dios —yiajatud'icama ĩna.

⁴⁴ Juarā Jesúrāca yucútēroju jaju ecoriarā quēne, to bajirone Jesúre yitud'icama.

Jesús ĩ ũsutadire queti

(Mr 15.33-41; Lc 23.44-49; Jn 19.28-30; He 10.20)

⁴⁵ Īmʉrecaji ñarone, rētiacoacaju yuja. Idia hora rētiacaju. ⁴⁶ To cōro ti rētiatusatone, ado bajiro tutuaro avasācamĩ Jesús:

—El'ĩ, El'ĩ, ĩlema sabactani? —yivasācamĩ. “Dios, yu jacu, ĩno yigu yure cāmotadiati mʉ?” yire ũni ñacaju ti, ĩ avasācati.

⁴⁷ Sīgũri toju ñarā ĩ avasāse ajicōari, ado bajiro yicama ĩna:

—Diore gotirētobosarimasu El'ias ñamasir'ire jigu yami ĩ —yicama ĩna.

⁴⁸ To bajiro Jesús ĩ yivasārone, sīgũ, Jesús tu ũmaejacōari, uye oco jiarere ñiabiacoari, yucú gajaju siatucōari, Jesús rise tujure ñumʉotubocami. ⁴⁹ To bajiro ĩ yiboajaquēne, ado bajiro yicama gājerāju:

—Yibesa mʉ. Tone bajicōato. Rojose ĩ tāmʉosere yirētobosagu El'ias ñamasir' ĩ ejasere ĩarāsa mani —yicama ĩna.

⁵⁰ Tutuaro avasātusa, ũsutadicoacami yuja. ⁵¹ Tirĩmarone Diore yirũcubʉoriavi yotoria gasero vorujijedicoasuju ti. “Dios ĩ ñarisōa vāme cuti sōare sājamasibeama masa” yirā, ĩna

yotoria gasero ñacaju. To yicōari, sita sabecaju. Gūta quēne caguevējacoacaju. ⁵² To bajicōari, masare yujeriaviri quēne jānacuasuja. To bajicōari jājarā rijariarā Diore ajitirānariarā tudicaticoasuma. ⁵³ Tudicaticōari, ti virire budicoasuma. Budiacōari, Jesús i tudicatio bero, Jerusalénju Dios i beseria maca ñamasuri macajure ña vacudisere ñacama jājarā masa.

⁵⁴ Jesús yucātēroju i tuyarore, codeñacama surara, ña uju rāca. To bajiñarā, sita sabesere, gajeje yōsere bajisere iacōari, buto gūicama ña. To bajiri ado bajiro yicama:

—Socabesumi. Dios macune ñaboayumi āni —yicama ña.

⁵⁵ Galilea sitaju Jesúre suyavadicana rōmiri jājarā sōju ñarūgōcama. Ña ñacama ñe ejarēmōrūgūcana. ⁵⁶ Ña rāca ñacamo Mar'ia Magdalena. Gajejo Mar'ia vāme cutigo quēne ñacamo. Sone ñacamo Santiago, to yicōari, José jaco. Zebedeo ñamasicacu rīa jaco quēne ñacamo.

Jesúre ña yujere queti

(Mr 15.42-47; Lc 23.50-56; Jn 19.38-42)

⁵⁷ Rāioroto rījoro José vāme cutigo, Arimatea macagu Jesús rujurire ñagū ejayuju. Gājoa jaigu ñacami. To bajicōari, Jesúre ajitirānūrūgūcacu ñacami. ⁵⁸ To i bajiro bero, Jesús rujurire āmiru, Pilatore sēnigū vasuju. Ñe i sēnirore bajirone ñe cūdiyuju Pilato. ⁵⁹ To bajiro i yir'ī ñari, Jesús rujurire rujiogu vasuju. Ñe rujiocōari, sudijāiri botiquēnarijāirine ñe gūmañuju. ⁶⁰ To yigajanocōari, masa yujeriavi gūtavi mame i quēnorotiraviyu i rujurire cūñuju. To yicōari, ti vi sojere gūtane tūnuo bibecū, vacoasuju. ⁶¹ To bajiro i yīñaro ñañariarājune masa yujeriavi rījoroña, Mar'ia Magdalena, gajejo Mar'ia quēne, rujiocōañujarā ña.

Jesúre, ña yujeriavire ña codere queti

⁶² Gajerāmu ñañuju usūsājariarāmu. Tirāmune paia ujarā, fariseo masa quēne, Pilatore ñagōrā vasujarā ña. ⁶³ I tu ejacōari, ado bajiro ñe yiyujarā ña:

—Yua uju, ajiya. Socarimasu i yisocacatire masibujabu yua. “Idiarāmu tasatirāmune quēna tudicaticūcaja yu”, yisocacami, i sīaekoroto rījoro. ⁶⁴ To bajiri i rujurire ña yujeriavi soje ture surarare coderoticōña, “I buerimasa i rujurire āmirudiroma” yigu. I rujurire ña āmijama, “Rijar'ī ñaboarine, quēna tudicaticoami”, yisocaruarāma ña. I rijaroto rījoro, “I rotimōrōgōrotire yigu, Dios i cōacacu, jud'io masa uju ñaja yu” i yisocacati ti ñajare, quēnabeaja. To bajiri, “Tudicaticoami” ña yisocajama, quēnabetimasucōaruroja —Pilatore yiyujarā ña.

⁶⁵ To ña yisere ajicōari, ado bajiro cūdiyuju Pilato:

—Muare yu ñicarenare coderotiya mua —ñare yicūdiyuju Pilato.

⁶⁶ To i yisere ajicōari, Jesús rujurire ña yujeriavire coderotiyujarā ña. To yicōari, gūta sojere quēnaro bibequēnoñujarā ña, “I rujurire āmirā ña jāñajama, ñamasirāsa manī” yirā.

28

Jesús i tudicature queti

(Mr 16.1-8; Lc 24.1-12; Jn 20.1-10)

¹ Usūsājariarāmu ti jediro, quēna moasñariarāmu ti busumujado, Mar'ia Magdalena, gajejo Mar'ia quēne, Jesús rujurire ña yujeriavire ñarā vacama ña. ² To ña vatone, buto sita sabeyuju. To ti bajirone, sīgū āngel rujiejayuju. Rujiejacōari, Jesúre ña yujeriavire gūtane ña bibeboariare jāñañuju. To yicōari, tia joene rujiyuju. ³ Bujo i yabesere bajiro yaayuju i. I sudi quēne buto botiquēñañuju. ⁴ Ñe iacōari, gūirā nanañujarā ti vire coderimasa. Nanacōari, rijavējarāre bajiro bajireacūcoasujarā. ⁵ To ña bajirone, āngel ado bajiro rōmiajuare gotiyuju:

—Gūibesa mua. Jesús yucātēroju ña jajusñar'ire mua macasere masiaja yu. ⁶ Maami adoñare. I goticatore bajirone tudicaticoami. Ñe ña yujeriajare ñarā vayá. ⁷ Tire iacōari, guaro i buerimasare ado bajiro ñare gotiaya: “Quēna tudicaticoasumi Jesús. To yicōari, manī rījoro Galilea sitaju varocu ñañuju. Toju ñe tudñaruarāja manī”, ñare yigotiaya mua. Adire muare gotigu bajibu yu —ñare yiyuju āngel.

⁸ To i yisere ajicōari, Jesús rujari ña yujeboariaviju budianane, gūitōñaboarine, variquēnase rāca ūmacoayuma ña. Jesús buerimasare yuare gotirā vana. ⁹ Ña ūmavadone ñare sēñicāñamua ruyayuju Jesús. “¿Nati mua?” i yisere ajicōari, ñe yirācūbuorā, i rījoroña muqueacōari, i guborire ñañujarā ña. ¹⁰ To bajiro ñe ña yirone, ado bajiro yiyuju i:

—Gūibesa mua. Yu yarā yu buecanare ado bajiro ñare gotiaya: “Galilea sitaju vajaro. Toju ñe ñaruarāja manī”, ñare yiba —rōmiare ñare yiyuju Jesús.

“Ado bajiro bajibu ti”, surara ña yigotire queti

¹¹ Rōmia ña gotirā vato ūnone, surara quēne, Jesús rujurire ña yujeriavire codeboariarā sīgūri, macaju tudicoasujarā ña. Tudiejacōari, paia ujarāre gotiyujarā, ña ñare ñaro cōrone.

¹² Ti quetire ajicōari, bucurā rāca ñagōrā vasujarā paia ujarā. “To bajiro bajire ti ñajare, ado bajiro yiruarāja mani” yimasiruarā bajiyujarā ña. To bajiri, sīgure bajiro tuoīacōari, Jesúre ña yujeriavire codeboariarāre jairo gājoa ísifujarā ña. ¹³ To yicōari, ado bajiro ñare socarotiyujarā ña:

—“Ñami yua cānitoye, í ñaboar'i buerimasane Jesús rujurire āmirudicoasuma ña”, yig-otibatoya mua —masare yiyujarā bucurā, paia ujarā quēne. ¹⁴ —Ūju Pilato ti quetire ajicōari, muare í jūnisinijama, muare ñagōbosaruarāja yua, “Rojose ñare yibesa” yirā. Yuare cudicōarucumi —ñare yiyujarā.

¹⁵ To bajiro ña yijare, gājoare boca juacōari, ñare ña rotiriarore bajirone socase queti goticudiyujarā ña, Jesúre ña yujeriavire codeboariarā. To bajiri adirāmuri quēne, “Tudicatibesuju Jesús. Í ñaboar'i buerimasane, í rujurire āmirudiyujarā ña” yire quetire goticōa ñarūgūama jud'io masa.

*“Masa jedirore yu ocare gotimasiocudiruarāja mua”, í buerāre Jesús í yire queti
(Mr 16.14-18; Lc 24.36-49; Jn 20.19-23)*

¹⁶ Jesús í tudicatisere, rōmia ña gotisere ajicōari, Galilea sitaju vacaju yua, í buerā, juaāmo cōro, gubo coja jēnituairācu ñarā. “Ti buro joeju yure iaruarāja mua” yuare í yicatoju vacaju yua. ¹⁷ Toju ejacōari, Jesúre íacaju yua. Íre íacōari, íre rūcubuoacaju yua. Sīgūri, “Í me ñaami”, yituoīacama ña, bajirāju. ¹⁸ To bajiro yua yirone, ado bajiro yuare yicami Jesús:

—Adi macarucurojare, to yicōari, ō vecajure quēne, “Rotigu ñarucuja mu”, yure yicūmi yu jacu, Dios. ¹⁹ To bajiri muare quēne masa jedirore yu ocare muare goticudirotiaja, “Yuare ajitirānuato” yigu. To yicōari, yure ajitirānurāre íacōari, yu jacu vāme, yu vāme, to yicōari Esp'iritu Santo vāme rāca oco rāca ñare bautizaba mua. ²⁰ To yicōari, “Jediro yu rotisere cudiato” yirā, ñare gotimasioma. Yuare mua íabetiboajaquēne, cojorāmū ruyabeto mua rāca ñarūgūrucuja yu, muare ejarēmogū. To bajiro bajicōa ñarucuja yu, adi macarucuro ti jediroju —yuare yicami Jesús.

To cōrone ñaja.

Evangelio según SAN MARCOS

Juan vāme cutigu, masare oco rāca bautizarimasu ī gotimasiore queti
(Mt 3.1-12; Lc 3.1-9, 15-17; Jn 1.19-28)

¹⁻³ “Rotimūorūgōrūcamī” yigu, Dios ī cōar'i, Jesūs ī bajirere mūare gotigu yaja yu. Īne űaami Dios macu. To bajiri, ado bajiro űasuoaja: Jesūre goti rījoro cutigu űaűuju Juan vāme cutigu, tirūmaju ĩre ī goti rījoro cutirotire yigu, Diore gotirētobosarimasu, Isa'ias vāme cutigu ado bajiro ī yuicamasire űajare:

“ ‘ ‘Rotimūorūgōrūcamī’ yigu, mure yu cōaroto rījoro, mure gotiyurocure cōasuoarūcaja yu maji’ yami Dios.

Yucū manojū ado bajiro gotimasiōrūcamī: ‘Mani űju ejarūcamī. To bajiri, rojose mūa yisere yitujacōari, quēnasejuare tuoīvasoaya mūa, ĩre yurā’ yirūcamī”, yuicamasifūmi Isa'ias, Juan ī bajiro tire goti rījoro yigu.

⁴ To bajiri, yucū manojū űacōari, ado bajiro ĩre ajirā ejariarāre gotimasiocudirūgūűuju ī:

—Rojose mūa yisere tuoīasutiritiya mūa. To yicōari, “Rojose yirūabeaja yua. Diorāca quēnaro űaruarāja yua” yirā, oco rāca yure bautizarotiya mūa. To bajiro mūa yijama, rojose mūa yisere mūare masiriorūcamī Dios —ĩnare yigoticudirūgūűuju ī.

⁵⁻⁶ Camello joane suariaro sāűagū űaűuju ī. To yicōari, vecu gaserone vēűaricūűuju, ī sāűasere. űimia ba, to yicōari, beroa ocore idi, yirūgūűuju. ĩre ajirā, jājarā masa ejayujarā. Jerusalen macana, Judea sitana quēne ejayujarā. To bajiro ī gotisere ajirā űari, “Rojose mani yisere Dios manire masirioato” yirā, “Rojose yirā űaja yua” Diore ĩna yigotiro bero, Jordān vāme cutirisaju oco rāca ĩnare bautizayuju Juan. ^a ⁷⁻⁸ Gaje vāme ado bajiro masare gotimasiōrūgūűuju ī:

—Yu bero yu rētoro masigū ejarūcamī. űamasurā rīne ĩre yibosamasiamā, űamasugū masu ī űajare. Rojose ĩna yisere yitujacōari, Dios ī bojasejuare yirāre oco rāca bautizarūgūaja yu. To bajiro yu yirūgūse ti quēnaboajaquēne, yu bero ejagu ī moasejua quēnamasucōararoja. ĩma, Esp'iritu Santore cōamasirūcamī, masare. ĩ suorine, “Dios ī bojabetire yaja yua” yimasicōari, tuoīvasoaurarāma —ĩnare yigotimasiōrūgūűuju Juan.

Oco rāca Juanre Jesūs ī bautizarotire queti
(Mt 3.13-17; Lc 3.21-22)

⁹ Tirūmurine Galilea sitajure űarimaca Nazaret vāme cuti maca űar'i, Jordān vāme cutirisaju vasuju Jesūs. Juan tujū ejacōari, oco rāca ĩre bautizarotiyuju. ¹⁰ Juan ĩre ī bautizaro bero, majarūgūgūne, ō vecaju űmūagasero soje, ti jānasere ĩaűuju Jesūs. Ti jānarone, Esp'iritu Santo, bujare bajigu ruiadicōari, ī joere ī rocajeosere ĩaűuju. ¹¹ Jesūs joere ī rocajeorone, ado bajiro yī ocaruyuyuju ō vecaju:

—Yu macu, yu maigū masu űaja mū. Mū rāca buto variquēnaja yu —yī ocaruyuyuju.

Dios ī bojabetire vātia űju, Satanās, Jesūre ī yirotiāre queti
(Mt 4.1-11; Lc 4.1-13)

¹² Jesūs, oco rāca Juanre ī bautizarotiro bero, yucū mano, vaibucurā ĩna űaroju, ĩre űmato vasuju Esp'iritu Santo. ¹³ Tojare cuarenta űarirūmari űaűuju Jesūs. Toju ī bajiűarone, vātia űju Satanās, ĩre ejacōari, “Yu rotisere yicōari, Dios ī bojabetire yato” yigu, ĩre rotirūgūboayuju. ĩre cudibesuju. To bajicōari, Diore moabosarā āngel mesa ĩre ejarēmoűujarā ĩna.

Galilea sitaju Jesūs ī gotimasiōsuoare queti
(Mt 4.12-17; Lc 4.14-15)

¹⁴ Tirūmari, tubiberiaviju Juan ī tubibe ecoro bero, Galilea sitaju vacoasuju Jesūs. Dios oca quēnasere gotimasiocudigu vasuju. ¹⁵ Ado bajiro masare gotimasiocudiyuju:

—“To cōrone bajirūaroja yure rotibosarocu, ī rotisuroti” Dios ī yituoīariaju ejaja yuja. űju Dios yarā quēnaro ī yirona mūa űaruaajama, rojose mūa yisere yitujacōari, ī oca quēnasere mūare yu gotisere ajitirūnūűa —masare yigotimasiocudiyuju ī.

Vai sīarimasa babaricārācu űarāre Jesūs ī jire queti
(Mt 4.18-22; Lc 5.1-11)

¹⁶ Cojorūmu, utabucura Galilea vāme cutira tujū vacudigu vasuju Jesūs. To vacūju, ĩaűuju, Simón vāme cutigure, bero Pedro vāme cutirotire, ī bedi Andrére quēne. Vai sīarimasa

^a **1:5-6** Elías űamasirī, camello joane suariaro sāűagū űamasifūju ī quēne. To yicōari, vecu gaserone vēűaricūmasifūju, ī sāűasere.

ñañujarã Ìna. Bajiyucarire rearoderuu yiñañujarã Ìna. ¹⁷ Ìna tã ejacõari, ado bajiro yiyuju Jesús:

—Yũ rãca vayã. Yucarema mua vai vejese ùnirene masa yũre Ìna ajitirũnũrotire gotimasio-bosarimasa ñaruarãja mua —Ìnare yiyuju Jesús.

¹⁸ To ì yirirĩmarone, Ìna bajiyucarire cũ, Ìre sayacoasujarã.

¹⁹⁻²⁰ To yì varũtu vacane, gãjerã juarã ñarãre Ìnare jiyuju Jesús. Ìna ñañujarã Santiago, ì bedi Juan rãca. Ìna jacu Zebedeo rãca cũmuaju Ìna bajiyucarire siaquẽno sãñañujarã. To ì yisere ajicõari, Ìna jacure, Ìre moabosarãre quẽne vaveocoasujarã, Jesũre sayana.

Masũ usũju sãñagũre vãtire Jesús ì burocare queti
(Lc 4.31-37)

²¹ Capernaum macaju ejayujarã Ìna. Ti macaju Ìna ejaro bero, usũsãjariarãmu ti ejaro, Dios ocare Ìna bueriviju sãjañuju Jesús. Sãjacõari, masare gotimasioñuju. ²² Dios ì rotimasire gotimasiorimasare bajiro me, ujure bajiro bojonebecũne quẽnaro ì gotimasiojare, ajĩñañamani ì gotise ti ñajare, no yimasibesujarã Ìna. ²³ Ti vire sigũ ãmu ñañuju, ì usũju vãti sãñagũ. Jesús, masare ì gotimasiorone, ì usũjure sãñaõari ado bajiro Jesũre Ìre yivasãñuju vãti:

²⁴ —Jesús, Nazaret vãme cuti macagu, ¿no yigu yua tũ vadiati mu? ¡Yũare gãjanabiobesa! ¿Rojose yua yise vaja, rojose yũare yiguagu vadiati mu? Mure Ìamasiaja yua. Rojose yigu me, Dios ì cõar'ì ñaja mu —Jesũre yivasãñuju vãti.

²⁵ To ì yirone, oca tutuase rãca ado bajiro Ìre yiyuju Jesús:

—¡Ñagõbesa mu! ¡To yicõari, ì usũjure budigoya! —vãtire Ìre yiyuju Jesús.

²⁶ To ì yirone, rijaquedirotyuju vãti, masure. To yì, buto avasãõari, masũ usũjure budigocoasuju yuja. To ì bajijare, masũjuama quẽnaejacoasuju. ²⁷ To bajisere Ìacõari, ti vi ñarã jediro no yimasibesujarã Ìna, ti ùnire Ìabetirũgũriarã ñari. To bajicõari, Ìna masune ado bajiro gãmerã sãnĩñañujarã:

—¿No bajiatì? Ajĩñañamani oca manire gotimasioğũ yami. Buto masigũ ñaami. Vãtia buto masirã Ìna ñaboajaquẽne, masa usũrijure sãñarãre Ìnare bureamasiami —gãmerã yiyujarã Ìna.

²⁸ To bajiro Jesús ì yĩnasere masa Ìna gotibatojare, yoaro mene Galilea sitana tire ajijedyujarã Ìna.

Simón ùmañicore Jesús ì catiore queti
(Mt 8.14-15; Lc 4.38-39)

²⁹ To bajiro Jesús ì yiro berone, Dios ocare Ìna bueriviju budiasuju. Santiago, ì bedi Juan quẽne, gãjerã Jesús ì buerimasa quẽne ì rãca vasujarã, Simón ì bedi Andrés rãca Ìna ñarũgũriavijure vana. ³⁰ To Ìna ejarone, Jesũre gotiyujarã Ìna:

—Simón ùmañico buto asicõari, buburibujamo —Ìre yiyujarã Ìna.

³¹ To bajiro Ìna yijare, Jesús, so tũ ejarũgũcõari, sore tũavũmoñuju. To ì yirirĩmarone, sore ruju asiboase sore tũjacoasuju. To bajiro ì yicaticõario, bare Ìnare ecayuju so.

Jãjarã, rijaye cutirãre Jesús ì catiore queti
(Mt 8.16-17; Lc 4.40-41)

³² Tirãmu, rãiorijune, rijaye cutirãre juaejayujarã masa, “Jesús Ìnare catiato” yirã. Ìna usũriju vãtia sãñarãre quẽne juaejayujarã, “Vãtiare bureato Jesús” yirã. ³³ Gãjerã quẽne, ti macana jediro soje tũ rējañujarã. ³⁴ Jãjarã ñañujarã rijaye cutirã, to yicõari, Ìna usũriju vãtia sãñarã, masa Ìna juaejoriarã. Rijaye cutirãre catioryuju. To yicõari, Ìna usũrijure sãñarãre vãtiare bureayuju. Vãtia, Ìre Ìna Ìamasisere Ìacõari, Ìnare ñagõrotibesuju Jesús.^b

Dios ocare Ìna buerivirijure Jesús Ìnare ì gotimasiocondire queti
(Lc 4.42-44)

³⁵ Gajerãmu busujedibetibũsarojune, masa manojũ vacoasuju Jesús, Diore sãniguacu. ³⁶ To ì bajiboajaquẽne, Simón ì babarã rãca Ìre macasuya, ejacoasujarã Ìna. ³⁷ Ìre Ìabajacõari, —Masa jediro mure macaama —Ìre yiyujarã Ìna.

³⁸ To bajiro Ìna yiboajaquẽne, ado bajiro Ìnare cadiyuju Jesús:

—Ìta. Gaje macarianare quẽne quẽnase quetire gotimasiocondirocũ ñaja yu. Tire yigu vadicaju yu —Ìnare yicadiyuju Jesús.

³⁹ To bajiri Galilea sitaju gotimasiocondiyuju Jesús. Tocãrãca macarirene Dios ocare Ìna bueriviriju sãjaejacõari, oca quẽnasere masare Ìnare gotimasioñuju. To yicõari, Ìna usũrijure sãñarãre vãtiare bureayuju.

Gase boagure Jesús ì catiore queti
(Mt 8.1-4; Lc 5.12-16)

^b 1:34 “Masare ì rijabosarotirãmu ti ejabetijare, vãtiare ñagõrotibesuju Jesús”, yiyujarã sigũri, Dios oca masa Ìna ucamasire buerõtoburimasa.

⁴⁰ To bajiri sīgā gase boaga, Jesús rījorojua gusomuniari tuetuejayuju, ĭre rūcubuoḡu. To yicōari, ado bajiro Jesúre ĭre yiyuju:

—Yū ūju, yū cāmire mū yaruaḡama, yaya —ĭre yisēniñuju ĩ.

⁴¹⁻⁴² To bajiro ĭre ĩ yisere ajicōari,

—Mū cāmire yarucujā yū —ĭre yigūne, ĭre moaīañuju Jesús.

To bajiro ĩ yirirīmarone, ĩ cāmi ĭre yaticoasuju yuja. ⁴³⁻⁴⁴ To ĭre yigajanocōari,

—Gājerāre gotibetimasucōama —ĭre yiyuju Jesús. To yicōari, ado bajiro ĭre rotiyuju:

—Yucucane paire mū rujure ioaya. Mū rujure ĭre iogūne, Moisére Dios ĩ roticūmasiriarore bajiro vaibucurā ecariarāre sīacōari, paire ĭre ĩsima, Diore rūcubuoḡu. To mū yisere ĩacōari, “Caticoaḡumi”, yiruarāma masa —ĭre yiyuju Jesús, gase boaboar’ire.

⁴⁵ ĭre ĩ gotirotibetiboaḡaḡuēne, masa jedirore gotibatoyuju, “Yū gase boasere yacōami Jesús” yigu. To bajiro ĩ gotibatojare, macari Jesús ĩ vacudijama, yayioro vacudirūḡuñuju ĩ. To bajiri, masa manojū ñacudirūḡuñuju. To ĩ bajīñaboajaḡuēne, macariana ñajediro ĭre ĩarā ejarūḡuñujarā ĩna.

2

Micagūre Jesús ĩ catioire queti

(Mt 9.1-8; Lc 5.17-26)

¹⁻² To bajiro ĩ yicudiriarāmuri bero, Capernaum vāme cuti macaju tudiejayuju Jesús quēna. ĩrūḡūrivijure ĩ tudiejasere ajijujarā masa. Tire ajicōari, ĩ taju rējañujarā ĩna. Jājarā ĩna ñajare, vi jūmucoasuju ti. Nojua rūḡōriaju mañuju. Soje tu quēne, nojua rūḡōriaju mañuju. To ĩna bajirone, vi jubeaju Dios oca ĩnare gotimasio ñañuju Jesús. ³ To bajiro ĩ yīñarone, babaricārācū ñacōari, micagūre āmiejayujarā. ⁴ ĭre āmiejacōari, Jesús taju cūruaboayujarā ĩna. To ĩna yirūaboarore jājarā ñabibecōañujarā. To bajiri vijure sājamasibesujarā. “Tire bajicōaja” yirā, vi joeju ĭre āmimujasujarā. ĭre āmimujacōari, Jesús ĩ rūḡōro vecare goje yijorayujarā. To yigajano, micagūre ĩ jesariju rācane ĭre jidirujio ejoyujarā, Jesús taju. ⁵ “ĭre ĩamaicōari, ĭre catioiracūmi” ĩna yitūoīasere ĩamasicōari, micagūjare ado bajiro ĭre yiyuju Jesús:

—Rojose mū yirere mare masiriocōaja yū —ĭre yiyuju Jesús.

⁶ To ĩ yisere ajicōari, ti macana sīgūri Dios ĩ rotimasire gotimasiorimasa, ado bajiro tūoīañujarā: ⁷ “¿No yigu to bajise yati ĩ? To bajiro ĩ ñagōjama, Diore ĭre rūcubuoḡesū yami ĩ. Dios sīgūne ñagūmi ti ūnire yimasigūma”, yitūoīañujarā ĩna. ⁸ To bajiro ĩna yitūoīasere ĩamasicōari, ado bajiro ĩnare yiyuju Jesús:

—“Diore bajiro masa rojose ĩna yisere masiriomasiaja’ yisocaami”, yure yitūoīaboaja mūa. ⁹ “Rojose mū yisere masiriocōaja” yū yicōa tujajama, “Socū yami. Socū me yami” yure yīīamasigū maḡūmi. To bajiboarine, “Vūmurūḡūcōari, vasa” ĭre yū yijama, “Socū me yami. Rojose ĩ yirere masiriocōami”, yure yīīamasirāja mūa. ¹⁰ To bajiri, Dios ĩ roticōacacū ñari, “Diore bajirone masare rojose ĩna yisere masiriomasigū ñaami’ yure yīīamasiato” yigu, āni micagūre ado bajiro ĭre yaja yū: ¹¹ “Vūmurūḡūña mū. Mū jesarijare āmiña. To yicōari, mū ya vījū tudiasa”, ĭre yaja yū —ĭre yiyuju Jesús.

¹² To ĩ yirirīmarone, masa jediro ĩna ĩaro rījoro vūmurūḡūcōari, ĩ jesarijare āmi, ĩ ya vījū vacoasuju ĩ yuja. To bajiro Jesús ĩ yisere ĩaucacoasujarā masa. “Ti ūnire ĩabetirūḡūcaju manī. Āni, Dios ĩ masise rāca yigu yami” yitūoīacōari,

—Quēnaro yaja mū —Diore ĭre yivariquēnañujarā ĩna.

Lev’ire Jesús ĩ jire queti

(Mt 9.9-13; Lc 5.27-32)

¹³ Micagūre ĩ catioiaro bero, ūtabucura Galilea vāme cutira taju quēna tudivasuju Jesús. Toju jājarā masa rējañujarā. ĩna rējasere ĩacōari, Dios oca ĩnare gotimasioñuju ĩ.^c ¹⁴ Gotimasio gajano, vacune, Lev’i vāme cutigure ĭre ĩabujayuju. Alfeo macū ñañuju ĩ, Lev’i. Ūjare gājoa sēnibosarimasū ñañuju. Gājoa sēnirā ĩna rujirijure gājoa sēnirujiyuju. To ĩ yīñaro, ĩacōari,

—Yure ajisuyaya —ĭre yiyuju Jesús.

To bajiro ĩ yisere ajicōari, ĭre suyacoasuju ĩ yuja.

¹⁵ Bero, Lev’i ya vījū ejacōari, bayuju Jesús. To bajiri Jesūrāca bañañujarā Lev’i ĩ yiriarore bajiro rojose yirā, ūjare gājoa sēnibosarimasa, gājerā “Rojose yirā ñaama” masare yīārā quēne. To yicōari, Jesús buerimasa quēne bañañujarā ĩna. To bajiri jājarā masu ñañujarā Jesúre ĭre ajisuyarā. ¹⁶ To ĩna bañarone, ejayujarā fariseo masa, Dios ĩ rotimasirere gotimasiorimasa quēne. ĩna ñañujarā, Moisére Dios ĩ roticūmasirere buto ajirūcubuoḡā, rojose yirā rāca ñaruaḡmena. Ejacōari, rojose yijairā rāca ĩna bañasere ĩacōari, Jesús buerimasare ĩnare sēniñañujarā:

^c **2:13** Lev’i, jua vāme, vāme cutigu ñañuju. Gaje vāme, Mateo vāme cutiyuju. “Lev’i” ti yijama, hebreo oca rāca yiyuju. “Mateo” ti yijama, romano oca rāca yaja.

—¿No yigu muare bueguma, ánoa rojose yirã rãca bañati? —yisëniñañujarã ñna.

¹⁷ To bajiro ñna yisëniñajare, ado bajiro ñnare cudiyuju Jesús:

—Catiquënarãma, uco yigure bojamenama. Rijaye cutirã rñe ñre bojarãma ñna. To bajiro bajiaja yure quëne. “Rojose yirã me ñaja yua”, yirãma, yure bojamenama. “Rojose yirã ñaja yua” yirã rñe yure bojarãma. Quënaró yirãre jigü me, adi macarucurojare vadicaçu yu. Rojose yirãre, “Rojose ñna yisere yitujato” yigu, vadicaçu yu. To bajiri ánoa, “Rojose yirã ñaama” mua yirãrã rãca bañaja yu —ñnare yiyuju Jesús.

“Mani sutiritisere ñacõari, quënaró manire ejarëmorucumi Dios” yirã, bare babetire queti (Mt 9.14-17; Lc 5.33-39)

¹⁸ Juan masare oco rãca bautizarimasu i buerã, fariseo masa quëne, ñna ñicua ñna yimasiriarore bajiro bare bamenane Diore sënñujarã, “Mani sutiritisere ñacõari, quënaró manire ejarëmoato Dios” yirã. To ñna yirirãmure Jesúre sënñarã ejayujarã sigüri:

—Juan i buerimasa, to yicõari, fariseo masa quëne, mani ñicua ñna yimasiriarore bajiro Diore ñna sënñirãmurema bare babetirügüama. ¿No yirã tire yibeati mu buerãma? —Jesúre yisëniñañujarã ñna.

¹⁹ To ñna yisere ajicõari, ado bajiro ñnare gotimasioñuju Jesús:

—Sigü i ámosiarirãmure ñre variquënaejarëmorã ñnarãma. To i umato yirãro cõro ñre variquënaejarëmorãma. Ñnare bajiro bajiaja yu buerã. Yu rãca ñari, variquënacõa ñaama. “Sutiritimena ñari, no yirã bare babeticõa yimenama” yimasire ñaja. ²⁰ To bajiboarine, cojorũmu yure ñna ñiavato ñacõari, bare bamenane Diore sënñuarãma, “Mani sutiritisere ñacõari, quënaró manire ejarëmoato Dios” yirã.

²¹ Mame oca yu gotimasiose ricati ti ñajare, yu ye rãca mani ñicua ñna yimasirere mua tuoñavuoja, quënabeja. Sudiro bucuse ti vojama, mamagaseró masa seretumasimenaja mani. Mamagaserone mani seretujama, mani coero bero carato tãtãtutu vatone bucusejua vocatoja. Bucuse, mamase rãca mani seretumasibetore bajirone, mame oca yu gotimasiosere, mani ñicua oca rãca tuoñavobesa mua. ²² To bajirone bajiaja uye oco quëne. Mame uye ocore, vaibucugaserone quënorãjoa bucujaojare jiomenaja mani. Bucujaojare mani jiojama, jãmusñituca yirol, yivocõaroja tijoajare. To bajiro mani yijama, uye ocore, vaibucugaserone quënorãjoare quëne, to bajirone yireacõa tujana yirãja mani. “To bajirobe” yirãma, mame uye ocore vaibucugaserone quënorãjoa, mamajaojare jiore ñaroja. To yicõari, uye oco, vaibucugaserone quënorãjoa quëne, cojoro cõro quënaró ñnaroja. To bajiri mame uye ocore, bucujaojare mani jiobetore bajiro mame oca yu gotimasiosere, mani ñicua oca rãca tuoñavobesa mua —ñnare yiyuju Jesús.

Ususãjariarũmu ñaboajaquëne, Jesús buerimasa trigo ajere tũnejuacõari, ñna bare queti (Mt 12.1-8; Lc 6.1-5)

²³ Ususãjariarũmu ti ejaro, trigo ñna oterivase cutore vasuju Jesús, i buerimasa rãca. To bajivanane, trigo ricare tũnejuacõari, ñna ámorine ti gasere sigüereacõari, bayujarã i buerimasa. ²⁴ Tire ñna basere ñacõari, fariseo masa ado bajiro Jesúre ñre yiyujarã:

—ñaña mu! Mu buerimasa, ususãjariarũmu yire mere yama ñna —Jesúre ñre yiyujarã.

²⁵ To bajiro ñna yisere ajicõari, ado bajiro ñnare cudiyuju Jesús:

—¿David ñamasir'i i babarã rãca ñiorijacõari, ñnare i umato bamasirere masibeati mua?

²⁶ Paia uju ñamasugü Abiatar vãme cutigu i ñarore David mesa, ñiorijarã ñari, “Mani rãca ñagümi Dios” masa ñna yirivijure sãjacõari, Diore ñre rãcuborã pan gãjerã ñna cüboarerene juacõari, i babarã rãca bamasijũju i. To bajiri Moisés ñamasir'i i gotimasirema, “Paia rñe baruarãma” i yimasiboarerene bamasijũjarã ñna. To bajiro ñna yiboajaquëne, ti vaja rojose ñnare yibetimasijũmi Dios. ²⁷ “Ususãjariarãmure ado bajiro yiyu’ yu yisere cudirã ñato” yigu me, masare rujeoyumi Dios. Masare rujeocõari, “Ususãjariarũmu ñnaroja”, yicũmasijũmi, “Quënaró ñato ñna” yigu. ²⁸ Yu, Dios i roticõacacu, “Ususãjariarãmure ado bajiro mua yijama, quëñaja. To bajiroja mua yijama, quënabeja”, yirotigü ñaja yu —ñnare yicudiyuju Jesús, fariseo masare.

3

Ámo ñujobecure Jesús i ñujorotire queti (Mt 12.9-14; Lc 6.6-11)

¹ To yi vacune, Dios ocare ñna buerivijũ sãjasuju Jesús. Ti vijũ ñañuju sigü, cojojactua ñmo ñujobecu. ² Fariseo masa quëne ñañujarã. “Jesús, rojose yimi’ ujarãre yigoti, yirorãsa” yirã, Jesúre ñre ñacodeyujarã ñna. “Adirũmu ususãjariarãmure ñni ámo ñujobecure i masise rãca i ñujorotijama, ‘Dios, Moisére i roticũmasirere cudibecu yimi’ yigotiruarãja mani”, yitũoñañujarã.

³ To bajiro ñna yitũoñarone, ado bajiro yiyuju Jesús, ámo ñujobecuñare:

—Vãmurügüña —ñre yiyuju.

⁴ To bajiro ñre yigajanogũne, fariseo masare ado bajiro ñnare sënñañuju:

—¿Ususãjariarũmure quẽne, no bojagũ masure quẽnaro mani yijama, quẽnabetojari? ¿Dis-ejuare yiroti ñati? ¿Quẽnasejuare, rojosejuare yiroti ñati ti? ¿Rijaye cutirãre catiorejuare yiroti ñatique? To yiterã, ñinare sãacõaroti ñatique? —Ñinare yiyuju Jesũs.

To i yiboajaquẽne, ñre cũdibesujarã ña. ⁵ To bajiri ñre ña ajitesere ñajũnisiinigũ ñaboarine, ñare ñasutiritigune, ãmo ñujobecũjuare ado bajiro ñre yiyuju Jesũs:

—Mu ãmore ñujoya mu —Ñre yiyuju.

To i yirone, i ãmore i ñujorone, quẽnaejacoasuju yuja. ⁶ To i yisere ajicõari, budicoasujarã fariseo masa. Budiacõari, “Uju ñamasugũ ñarucumi Herodes” yirũgũriarã rãca ñagõrã vasujarã. “¿No bajiro yicõari, Jesũre sãarotirãti mani?”, gãmerã yĩñagõñujarã ña.

Utubucũra tuju jãjarã masa ña ejare queti

⁷ To i yiro bero, i buerimasa rãca vacoasuju Jesũs utubucũra Galilea vãme cutiraju vana. To ña vato, Galilea sitana jãjarã Jesũre suyasujarã. ⁸ Gaje macariana quẽne, jãjarã masa, ñaãñamani Jesũs i yĩnasere ajicõari, i tuju ejayujarã. Ña ñañujarã: Judea sitana, Jerusalẽn macana, Idumea sitana, Jordãn vãme cutiya gajecacatũana, Tiro macana, to yicõari, Sidõn macana quẽne ñañujarã ña. ⁹⁻¹⁰ Jãjarã rijaye cutirãre Jesũs i catiosere ajicõari, gãjerã buto ñre moaĩruayujarã ña, “To bajiro mani yijama, caticoanaja” yirã. To bajiro ña yitũoĩajare, “Rãgõbibecõarãma” yigu ñari, —Cũmua cõo yuya mua —i buerimasare ñare yiyuju Jesũs.

¹¹ Ña usurijure vãtia sãñarã, Jesũre ñacõari, i rĩjorojua gũsomonari tuetucõari muquearẽne, ado bajiro yivasãñujarã ña:

—Dios macane ñaja mu —Jesũre ñre yivasãñujarã.

¹² To bajiro ña yisere ajicõari, oca tutuase rãca ñare ñagõrotibesuju Jesũs, vãtiare rotigu.

Ñ ocare goticudisũoronare Jesũs i besere queti

(Mt 10.1-4; Lc 6.12-16)

¹³⁻¹⁴ Cojorũmu buroju majacõari, i buerimasare i bojarãre jirẽoñuju Jesũs. To bajiri i tuju ña ejarone, juaãmo cõro, gũbo jua jẽnituarirãcu ñarãre beseyuju. To yicõari, ado bajiro ñare gotiyuju:

—Yu rãcane ñacõaruarãja mua. To bajicõari, yu ocare yure goticudibosarã ñaruarãja mua.

¹⁵ Masa usuriju sãñarãre vãtiare, “Budiya” mua yijama, budirũarãma —Ñare yiyuju Jesũs.

¹⁶ Ado bajiro vãme cutirã ñañujarã juaãmo cõro, gũbo jua jẽnituarirãcu ñarã i beseriarã: Simõn vãme cutiboar'i Pedro vãme cutigu. ¹⁷ To yicõari Zebedeo rĩa ñacama Santiago i bedi Juan. Ña juarãre Boanerges vãme yiyuju Jesũs. Ti vãme, Bujo rĩa yire ñni ñañuju. ^{d 18} Andrẽs, Felipe, Bartolomẽ, Mateo, Tomãs, Tadeo ñañujarã. Alfeo macũ Santiago, to yicõari, Simõn vãme cutigu, celote yere tuoĩaboar'i ñañuju. ¹⁹ Tusagũ Judas Iscariote vãme cutiyuju. I ñañuju Jesũre ñisocar'i. To bajiri juaãmo cõro, gũbo jua jẽnituarirãcu ñañujarã Jesũs i beseriarã.

“Vãtia uju i masise rãca yigu yami Jesũs”, ña yire queti

(Mt 12.22-32; Lc 11.14-23; 12.10)

²⁰ Bero, viju Jesũrãca tudiejayujarã i buerimasa. To ña bajiro, jãjarã masa rẽjañujarã. To bajiri, bare bamasibeticõañujarã ña, Jesũs mesa. ²¹ To bajiro ña bajiñase quetire ajicõari, “Mecurimasũ ñacõacu yigumi”, Jesũre ñre yiyujarã masa. To bajiro ñre ña yisere ajicõari, i yarã, ñre jirã vasujarã ña.

²² Gãjerã Dios i rotimasirere gotimasiorimasa Jerusalẽn maca vadiriarã ado bajiro Jesũre yiyujarã ña:

—I usuju vãtia uju Beelzebũ vãme cutigu sãñagũ ñaami. To bajiri Beelzebũ i masise rãca vãtiare bureaami —yiyujarã ña.

²³ To bajiro ña yise ñajare, ñare jiyuju Jesũs. To yicõari, i tuju ña ejaro, gotimasior queti ado bajiro ñare gotiyuju:

—Vãtia uju, masa usuriju i yarãre sãjarotigu ñaboarine, no yigu, “Ñare bureaya” yigu ñabecumi tia. ²⁴ Cojo sitana rotirimasa ña gãmerã quẽajama, ña masune gãmerã sãayayirã yirãma. ²⁵ To bajirone bajiroja cojo vi ñarãre quẽne. ²⁶ Tire bajirone bajiroja vãtiare quẽne. Vãtia ña gãmerã bureajama, “Masare rojose yitujato mani” yirã yiborãma. To bajiro ti bajijare, “Beelzebũ vãme cutigu i masise rãca masa usuriju sãñarãre vãtiare bureaami” yure mua yiboase, riojo yirã me yaja mua —Ñare yiyuju Jesũs.

²⁷ To bajiro ñare yigoticõari, quẽna gajeye gotimasior queti ñare gotiyuju:

—Sĩgũ, gãji guamu ya vi sãjacõari, ñre i siabetijama, gajeyeũni emamasibecumi. Ñre siacõari, i gajeyeũnire emamasigumi yuja. To bajirone bajiaja yure quẽne. Vãtia uju i rotiboasere ñre yirotibeticõari, vãtiare yu burease suorine, vãti i rotiajeboariarãre ñre emagũ yaja, “Yu yarã ñato” yigu —Ñare yiyuju Jesũs.

d 3:17 “Yoaro me jũnisiinã ña ñajare, Santiago i bedi Juan ña juarãre ‘Bujo rĩa’ vãme yiyuju Jesũs”, yiyujarã Dios oca buerẽtoburimasa sĩgũri.

²⁸ To bajiro ĩnare yigoticōari, quēna ado bajiro ĩnare yiyuju Jesús:

—Riojo muare gotiaja yu. Masa jediro rojose ĩna yijama, jediro rojose ĩna ñagōjaquēne, sutiriticōari, Diore ĩna sēnijama, rojose ĩna yisere masirioruamī. ²⁹ To bajiboarine, Esp'iritu Santojuare rācuuomena rojose ĩre ĩna yitud'ijama, tirema masiriobeturamī. To bajiro ĩna yijama, to bajirone rojose ĩnare ñacōa ñarūgūruaroja —yiyuju Jesús.

³⁰ Esp'iritu Santo ĩ masise rāca ĩ yiboajaquēne, “Ī usuju vāti sāñagū ñari, bajigumī” ĩre ĩna yise ñajare, to bajise ĩnare gotiyuju Jesús.

“Yū yarāma ado bajiro bajirāma ñaama”, Jesús ĩ yire queti
(Mt 12.46-50; Lc 8.19-21)

³¹⁻³² Jesús, masare ĩ gotimasio ñarone, ĩ tu rujiḡānirā ado bajiro ĩre yiyujarā ĩna:

—Mu jaco, mu bederā rāca macajū eja, mu rāca ñagōruarā —Jesure ĩre yiyujarā.

³³ To bajiro ĩna yiboajaquēne, ado bajiro ĩnare cudiyuju Jesús:

—¿Nimo ñati yu jacomā? ¿Ñimarā ñati yu bederāma? —ĩnare yiyuju.

³⁴ To yigune, ĩ tu rujiḡānirāre ĩacōari,

—Mua ñaja yu bederāma, yu jacore bajiro bajirāma. ³⁵ No bojarā yu jacu ō vecagu ĩ rotiore bajiro yirā, ĩna ñarāma yu bederāre bajiro bajirāma, yu jacore bajiro bajirāma —ĩnare yiyuju Jesús.

4

Oterimasu ĩ bajirere Jesús ĩ gotimasio queti
(Mt 13.1-9; Lc 8.4-8)

¹ Quēna utabucura tu ejacōari, masare gotimasioñuju Jesús. Masa jājarābusa ĩna rējaquearo ĩacōari, cūmuaju vasājacōari, rujiyuju Jesús. Masajuama, utabucura tu ñañujarā ĩna. ² To bajicōari, cojo queti me tuoīacōari, “Ado bajiro bajisere bajiro bajiaja” ĩnare yigotigu ñari, ado bajise gotiyuju:

³ —Adi queti muare yu gotisere quēnaro ajiya mua. Sīgū oterimasu veseju ote ajere otegu vacumī. ⁴ Vese ejacōari, ote ajere ĩ reabaterone, gajeye maaju vējaquearoja. To bajiri minia ejacōari, tire bareacōarāma ĩna. ⁵⁻⁶ Gajeyema, gūta joeju reaėjoaroja. Tiju, mojóroaca sita ti ñajare, guaro ti judidaboajaquēne, muiju, asisicōagūmi. To bajicōari, oco manijare, sīnireacoatoja ti. ⁷ Gajeyema, jotayucā vatoaju vējaquearoja. To bajicōari, ti judiboajaquēne, jotajua bucuaveocoatoja ti. To bajiri rica cutibetoja ti. ⁸ Gajeyema, sita quēnaroju vējaquearoja. To baji, judibucacōari, quēnase ñacōari, jairo rica cutiroja. Cojotō, treinta ñaricari rica cutiroja. Gajetō, sesenta ñaricari, gajetō, cien ñaricari rica cutiroja. ⁹ Tire mua ajimasirūajama, quēnaro tuoīaña mua —ĩnare yiyuju Jesús.

“Ado bajiro yigu, gotimasio queti gotirūḡūaja yu”, Jesús ĩ yire queti
(Mt 13.10-17; Lc 8.9-10)

¹⁰ Tiju bero, Jesús sīgūne ĩ ñaro, ĩ buerimasa juaāmo cōro, gubo jua jēnituarirācu ñarā, gājerā ĩre ajisuyarā rāca ĩ tu rējacōari, ado bajiro ĩre sēniñañujarā:

—¿Gotimasio queti yuare mu gotise, no yire ūni ñati ti? —ĩre yisēniñañujarā ĩna.

¹¹ To bajiro ĩna yisēniñajare, ado bajiro ĩnare cudiyuju ĩ:

—“Uju Dios yarā quēnaro ĩ yirona, yua ñaruajama, ado bajiro yiroti ñaja” ĩna yimasibeticatire Dios suorine ajimasiaja muama. To bajiboarine gājerājuama, Dios ĩ bojabetijare, tire ajimasibeama. ¹² To bajiri, gotimasio queti rāca gotimasioaja yu, ado bajiro bajirā ĩna ñajare: Adi macarucuroaye rīrene tuoīarā ñari, yu yīosere ĩacōari, to yicōari, yu gotisere ajicōari, “To bajiro manire yigotigu yamī”, manire yimasibeama. To bajiro bajirā ñari, rojose ĩna yisere tuoīvasoacōari, “Yuare masirioya”, Diore yisēnibeama. To bajiri yirēto ecobosabetiruarāma ĩna —ĩnare yigotiyuju Jesús.

“Ado bajiro yiruaro yaja oterimasu ĩ bajire queti”, Jesús ĩ yigotirēto bure queti
(Mt 13.18-23; Lc 8.11-15)

¹³ Bero, quēna ado bajiro ĩnare gotiyuju Jesús:

—Oterimasu ĩ bajire quetire muare yu gotisere mua ajimasibetijama, gajeye yu gotirotire quēne ajimasimenaja mua —ĩnare yiyuju Jesús.

¹⁴ To yigune, ado bajiro ti quetire ĩnare gotirēto buyuju Jesús:

—Oterimasuma, yu gotimasisere gotimasicudirimasare bajiro bajigu ñagūmi. ¹⁵ Ote aje, maaju vējaquearere, minia ĩna barere yu yijama, “Uju Dios quēnaro ĩ yirona ĩna ñaruajama, ado bajiro yiroti ñaja” yu yigotimasiosere ĩna ajiboasere, vātia uju ejacōari guaro ĩ masiriosere yigu yibu yu —yiyuju.

¹⁶⁻¹⁷ —Gūta joeju vējaqueacōari, guaro judibucaboarere, muiju ĩ asisiorere yu yijama, yu yere ajicōari, quēnaro variquēnase rāca ajirā ñaboarine, yoaro mene tire ĩna quejerotire, to yicōari, yu gotisere ajirā ĩna ñajare, gājerā rojose ĩnare ĩna yijama, yoaro mene yu

ocare ña ajitujarotire yigu yibu. ¹⁸⁻¹⁹ Jotayucá vatoaju vëjaqueacðari, judiboarere jotajua ti bucaveorere yu yijama, yu gotisere ajirã ñaboarine, adi macarucaro ti bajisejuare tuoïarejairã ñari, to yicðari, gajeyeüni bojatuoïarã ñari, yu yejuare ña tuoïatujacðari, yu bojarore bajiro yimenare yigu yibu yu. ²⁰ Sita quënaroju vëjaqueare judibucnacðari, quënase rica cutirere cojotð treinta ñaricari, gajetð sesenta ñaricari, gajetð cien ñaricari rica cutirere yu yijama, yu gotimasiosere ajimasicðari, Dios ñ bojarore bajiro quënaro yirã yu ocare ña gotimasiosere suori, gãjerã masa quëne yure ña ajitirünurotore yigu yibu —ñare yigotiyuju Jesús.

Siabusuariare tuoïacðari, Jesús ñ gotimasiosere queti

(Lc 8.16-18)

²¹ Quëna gaje queti ado bajiro ñare gotiyuju Jesús:

—Siabusuariare jëocðari, sotune tiare mubaamenaja mani. Tiare jëocðari, “Ñajediro ti vianare ñubusuoato” yirã, vecaju jeorãja mani. Tire bajiro bajaia yu gotimasiosere. “Ajimasibeticðato masa” yigu me, to bajise ñare gotiaja yu. “Quënaro riojo ajimasiato masa” yigu, gotirügüaja. ²² Dios suorine masa ña ajimasibeticati jediro, quënaro ajimasiruärãma. ²³ Tire, muare yu gotisere mua ajimasiruajama, quënaro tuoïaña mua —ñare yiyuju Jesús.

²⁴ To yicðari, quëna ado bajiro ñare gotiyuju Jesús:

—Muare yu gotisere quënaro ajitirünüña mua. Mua ajitirünürütuaore bajirone “Butobusa ajimasiato” yigu, muare ejarëmorucumi Dios. Rëto busaro muare ñ ejarëmose ñajare, variquënaruarãja mua. ²⁵ To bajiri, no bojagu Diore ajitirünügüre, “Quënarobusa ajimasiato” yigu, ñ masisere cðarucumi Dios. Gãjirema, ñre ajigu ñaboarine, ñre ñ ajitirünubetijare, Dios ñ ro-tise suorine ñ ajimasiboasere masiriticðarucumi ñ. To bajiri Diore masibetimasucðarucumi —ñare yiyuju Jesús.

Ote aje judibucnare tuoïacðari Jesús ñ gotimasiosere queti

²⁶ Quëna ado bajiro masare gotimasioñuju Jesús:

—No bojarã, Uju Dios yarã quënaro ñ yirãma, yu gotimasiosere ajitirünüñarã rñe, ñ suorine butobusa ñre bajiro quënaro yirã ñarütuararãma. To bajiro ña bajijama, ote aje ti judibucnare bajiro bajijama. Oterimasu otegumi. ²⁷ Otecðari, tocãrãca ñamiri, ñmuari quëne, ñ cãñiaquëne, ñ cãñibetiaquëne, no yibetoja ñ otere. ñ codetirünücða ñabetiboajaquëne, ti masurione judicðari, bucatoja. Ti bucಾಮujasere, “Ado bajiro bucatusaja ti” yimasi-betiboajaquëne, bucಾಮujacoatoja ti. ²⁸ ñ otere ti masurione judiroja ti. Rñoro rujasaviaca judisuroja. Bero, bucಾಮujacðari jü cutiroja. To bajicðari rica cutiroja. ²⁹ Ti bucuro ñacðari, juagumi —ñare yiyuju Jesús.

“Mostaza vãme cutiu rica, ajeare bajiro bajaia”, Jesús ñ yire queti

(Mt 13.31-32; Lc 13.18-19)

³⁰ Quëna ado bajiro gotiyuju Jesús:

—“Rotimurögörucumi” yigu, Dios ñ cðagü, yu gotimasiosere no bojarã ña ajitirünujama, muare yu gotisere mojeroaca ajimasiboarine, rojose ña ñare cutisere tuoïvasoacðari, tocãrãcarümarü quënaro ñamujarügücðari, quënaro ajimasimujarügüajama, ado bajiro bajiruaroja: e ³¹ Sígü ñ ya vesejore mostaza ajea otegumi. Gajeye ote aje rëtoro rujaricaca ñaroja ti, mostaza ajeaca. ³² To bajiri ñ oterica mojouricaca ñaboarine, ti judibucnacoajama, ote yucüri rëto busaricu jairicu ñaroja tiu. Jairicu ti ñajare, tiu rujariju minia ña ria cutitrotijurire quënorãma ña —yigotimasioñuju Jesús.

³³⁻³⁴ Gotimasiosere queti rãca rñe ñare gotimasiorügüñuju Jesús, “ña ajimasiro cðoro ajimasiato” yigu. To bajiro yicðari, ñ buerimasa rñe ña ñaro, quënaro ñare gotirëto bujeocðañuju.

Mino vatone, oco sabesere Jesús ñ tãjore queti

(Mt 8.23-27; Lc 8.22-25)

³⁵ Tirãmu muiju ñ rocasãro, ñ buerimasare ado bajiro ñare yiyuju Jesús:

—Gajejacatuaju jëajaro mani —ñare yiyuju Jesús. ³⁶ To bajiri jãjarã masa Jesúre ajirã ejarãre, ñ sãñaricümüajune ñ buerimasa rãca ñare jëaveocoasujarã. To bajiri, gaje cümüariana quëne, ñare jëasuyasujarã. ³⁷ To ña jëatone, buto mino vasuju. To bajicðari, buto sabeyuju. Ti saberone, cümüa sagueca yiro, rujacoaruayuju. ³⁸ To ti bajiboajaquëne, rujao tutuorijaju rãca ñ rujoare tutuocðari, cãñisãñañuju Jesús, cümüa güdeju. ñ cãñiro ñacðari, ñre yujioyujarã ña:

—Yua uju, ñrujareana yaja mani! ¿“To bajiro ti bajijama, quënacðaroja”, yati mu? —ñre yiyujarã ña.

e 4:30 Mostaza ajea ti bajire queti Jesús ñ gotirere, “Ado bajiro yiruaro yaja”, yiyujarã Dios oca masa ña ucamasirere buerëto budiriarã sãgãri: “Jesús ñ gotimasiosere ajitirünurã ñ ñarirodo mojeroaca ñaboarine, jãjarã ña bujarotire yigu yiyuju Jesús”, yiyujarã ña.

³⁹⁻⁴⁰ To bajiro ina yirone,

—¿No yirã buto güiati mua? “Rojose mani tãmuoboaquẽne, manire yirẽtobosarucami”, yure yituoĩabeaja mua —ĩnare yiyuju Jesús. To yigajanocõari, ado bajiro yiyuju Jesús:

—¡Mino tujaya! ¡Sabese quẽne tujaya mua! —yiyuju Jesús.

To ĩ yirone, tujacoasuju mino. Sabese quẽne, sabebesuju yuja.

⁴¹ To bajiro ĩ yiboajaquẽne, buto güicõa ñaňujarã ina. To bajiri, ado bajiro gãmerã sẽnĩñaňujarã:

—¿Ñimu ũgũ masu ñati ñani? Minore, to yicõari, sabesere ĩ tujarotijama, ĩre ajiaja —gãmerã yiyujarã Jesús buerimasa.

5

Gerasa vãme cuti maca tũagũre ĩ usũju sãňarãre vãtiare Jesús ĩ bureare queti
(Mt 8.28-34; Lc 8.26-39)

¹ Utãbucurã gajejacatũaju Gerasa vãme cuti maca tũju ejayujarã. ²⁻⁵ To ĩna ejarone, masa rijariarãre ĩna yujereariavijure sũgũ ũmu budiayuju, Jesũre ĩaguãgũ. Ti vijũ ñaňuju ĩ ñaro. Vãti sãňagũ ñaňuju. To bajiri no yimasĩnamagũ ñaňuju. Cojoi me cõmemane ĩ gubori sotorire, ĩ ãmorire quẽne siaboayujarã. To ĩna yiboajaquẽne, tũasure reacõarũgũňuju ĩ. To bajiro bajigu ñari, ũmua, ñamirire quẽne gũtayucu joeju vacudirũgũňuju. To bajicõari, masa yujereariavijure ñacõari, avasãmecucudirũgũňuju. To bajiro bajicudica yigu, gũtariju quedi-roca vacudirũgũňuju. ⁶ To bajiro bajiňar'i, sõjũne Jesũre ĩabujacõari, ũmarojayuju. Jesũs tũju ejacõari, ĩ rĩjorojũa gusomuniari tuetuyuju, ĩre rãcũbuogu. ⁷⁻⁸ To bajiro ĩ yiejasere ĩacõari, ado bajiro ĩ usũjũre sãňagũjuare vãtũre yiyuju Jesús:

—Ñani masu ĩ usũju sãňagũ budiya mu —ĩre yiyuju Jesús.

To ĩ yijare,

—Jesũs, masirẽtogũ, Dios macu ñaja mu. ¿No yigu yũa tũ vadiati mu? “Yũre gõjanabiobesa”, mure yisẽnĩaja yũ. Dios ĩ ĩaro rĩjorojũa, “Rojose mu yise vaja, rojose mure yibeaja yũ”, yũre yija —Jesũre yisẽnĩũju vãti.

⁹ To ĩ yirone, ado bajiro ĩre yiyuju Jesús:

—¿Ñimu vãme cutiati mu? —ĩre yiyuju.

To ĩ yisere ajicõari, ado bajiro ĩre cudiyuju vãti:

—Legiõn vãme cutiaja, jãjarã ñarã ñari —ĩre yicudiyuju.

¹⁰ To bajiri ado bajiro Jesũre sẽnĩñaňujarã:

—Gaje sitaju ĩnare cõabesa mu —Jesũre yiyujarã. ¹¹ Buroju jãjarã ecariarã yesea macabaňaňujarã. ¹² ĩnare ĩacõari, ado bajiro Jesũre yisẽnĩñaňujarã ĩna:

—Yũare mu bureajama, õa yeseajuare yũare sãjarotiya —ĩre yisẽnĩñaňujarã ĩna.

¹³ To bajiro ĩna yijare,

—Muare varotiaja yũ —vãtiare ĩnare yiyuju Jesús.

To ĩ yirone, masu usũjũre sãňaboariarã budicoasujarã yuja, ecariarã yesea, dos mil cõro ñarãjuare sãjaroana. ĩna sãjarone, buro ũmaroja vacõari, utãbucuraju rearoderujacõa tũjasujarã.

¹⁴ Yeseare coderimasa, to bajiro ĩna bajisere ĩacõari, ũmacoasujarã, ĩna ya macaju vana. Toju ejacõari, ti macanare, to yicõari, ti maca tũ ñarimacarianare quẽne tire gotibatoyujarã. To bajiro ĩna yigotisere ajicõari, Jesũre ĩarã vasujarã ĩna, ti macana jediro. ¹⁵ ĩ tũju ejacõari, vãtia sãňaboar'ire ĩaňujarã ĩna. Sudi sãňacõari, Jesũs tũ rujiyuju. ĩna bajirore bajiro bajigu ñaňuju ĩ yuja. Vãtia ĩna sãňajama, tũoĩamasibecu ñaňuju maji. Quẽnaro tũoĩagũ ñaňuju yuja. To bajiro ĩ yimasisere ĩacõari, Jesũre buto gũiyujarã ĩna. ¹⁶ Vãtia sãňaboar'i ĩ bajisere, to yicõari, yesea ĩna bajirere ĩariarã, gãjerãre gotiyujarã. ¹⁷ To bajiri Jesũre buto gũirã ñari,

—Vacoasa. Ado mu ñasere bojabeaja —ĩre yiyujarã ĩna.

¹⁸ To ĩna yijare, tudiacu, cũmuaju vasãjaňuju Jesús. To ĩ bajirone, ado bajiro ĩre yiboayuju vãtia sãňaboar'i:

—Mu rãca buto varũaja yũ quẽne —ĩre yiboayuju.

¹⁹ To bajiro ĩ yiboajaquẽne, ado bajiro ĩre cudiyuju Jesús:

—“Yũ rãca vadibesa. Mu ya vijũ tudiasa. Dios yũre ĩ ĩamajare, ĩ masise rãca yũ usũju sãňarãre vãtiare bureami Jesús”, mu yarãre ĩnare yigotiba —ĩre yicudiyuju Jesús, vãtia sãňaboar'ire.

²⁰ To bajiro ĩ yijare, ĩ yarã tũju tudicoasuju ĩ. Tudiejacõari, Decápolis vãme cuti sita ñarimacarianare, Jesũs ĩ yirere goticudiyuju. To bajiro ĩ yigotisere ajicõari, no yimasibesujarã ĩna masa, ti ũnire ajibetirũgũriarã ñari.

Jairo macore Jesús ĩ catiore queti
(Mt 9.18-26; Lc 8.40-56)

²¹ Jesús, tudijéacoasuju quēna, gajejacatuaju. Utabucara tuju ī ñaro jājārā masa rējañujarā. ²² To bajirone, Dios ocare īna buerivi uju quēne ejayuju, Jairo vāme cutigu. Jesúre iacōari, ī rījorojua gusomuniari tuetuyuju, īre rūcubuoḡu. ²³ To yicōari, ado bajiro Jesúre īre yiyuju:

—Yū maco bajirocaco yimo. So tū ejacōari, sore mū moaīajama, caticoaruocomo —Jesúre īre yiyuju.

²⁴ To bajiro Jairo ī yisere ajicōari, īre suyasuju Jesús. Jājārā masa īre suyacōari, no bajiro yi vamasīña manojū vasujarā īna. ²⁵ To bajiro īna bajiro vatoajure sigō, gāmorōmi cutigo ñañuju so. Juaāmo cōro, gubo jua jēnituari cāmari gāmogōre bajiro bajicōarūmari cutirūḡūñuju so. ²⁶ Jājārā uco yirimasa sore īna uco yire vaja, vaja yigo, gājoa so cuoboarere īnare īsijeocōañuju. To bajiro īnare so yiboajaquēne, butobusa bajiyuju so. ²⁷⁻²⁸ To bajiri gājerāre Jesús ī catiore queti ajirio ñari, jājārā masa vatoaju Jesúre suyasuju so. “Jesús sudiro moaīaruaja yū. Ti rīne bojaja yū. To bajiro yū yijama, quēnaejacoaruocoja yū”, yiyuju so. To bajiro yirio ñari, Jesús sayarojua ejarūḡacōari, ī sudirore moaīañuju. ²⁹ So moaīarimarone, gāmogōre bajiro so bajiñaboare tujasuju. To bajiri, “Quēnaejacoaju yū”, yimasīñuju so yuja. ³⁰ So moaīarone, “Yū masise suorine quēnaejacoajamo”, yimasicōañuju Jesús. To bajiri judarūḡacōari, ado bajiro masare sēñañuju ī:

—¿Nimū yū sudirore moaīari? —īnare yisēñañuju.

³¹ To ī yirone, ī buerimasa ado bajiro yiyujarā īna:

—¿No yigu, “Nimū yure moaīati”, yati mū? Mū tuju jājārā ñaja yua, mure moaīarā —īre yiyujarā īna.

³² To īna yiboajaquēne, īre moaīagūre īamacañuju Jesús. ³³ “īre moaīagōne, quēnaejacoaju yū” yimasigō ñari, nanagōne, Jesús rījorojua ejacōari, gusomuniari tuetuyuju so. To yicōari, ñajediro so bajirere Jesúre gotiyuju. ³⁴ To so yirone, ado bajiro sore cūdiyuju Jesús:

—Yū maigō, “ī sudi gajare yū moaīajama, ī masise suorine quēnaejacoaruocoja yū” yituoīagō ñari, quēnaejacoaju mū. To bajiri, “Quēnaejacoaju”, yituoīa variquēna vasa mū —sore yiyuju Jesús.

³⁵ To bajiro sore ī yīñarone, Dios ocare īna buerivi uju Jairo vāme cutigu ya viana ejayujarā. Ejacōari, ado bajiro Jairore gotiyujarā:

—Mū maco bajirocacoamo. No yirā gotimasiorimasū ī vasere bojamenaja mani yuja — Jairore yiyujarā īna.

³⁶ To īna yiboajaquēne,

—Tuoīasutiritibesasa mū. Yū masisejuare tuoīacōa ñañā —īre yiyuju Jesús.

³⁷ To yicōari, gājerāre sayarotibesuju Jesús yuja. Pedro, Santiago, ībedi Juan, īna idiarārene sayarotiyuju. ³⁸ To yī, vanane, Jairo ya vīju ejayujarā. Toju ejana, īna īajama, ī maco so bajirocacoajare, buto otiñañujarā īna, ti vi ejariarā. ³⁹ īna otiñarivijure sājaejacōari, ado bajiro īnare yiyuju:

—¿No yirā otiati mūa? “Bajirocacoajamo” mūa yiboago, bajirocabecomo. Cānigō yigomo —īnare yiyuju Jesús.

⁴⁰ To ī yisere ajicōari, īre ajayujarā īna, “Bajirocacoasumo” yimasirā ñari. To bajiro īna yiboajaquēne, īnare budirotiyuju Jesús. īnare budiroticōari, bajirocario jacuare, to yicōari, īre sayarāre quēne, ūmato jājasuju Jesús, bajirocario so ñarisōaju. ⁴¹ īnare ūmato jājacōari, so āmore ñañuju Jesús. To yigune, ado bajiro sore yiyuju:

—Talita cumi —sore yiyuju. (“Daquero, vūmurūḡāñā” mure yaja yū” yire ūni ñañuju.)

⁴² To ī yirīmarone, quēna tudicaticōari, vūmurūḡū vasuju so yuja. Juaāmo cōro, gubo jua jēnituari cāmari tūasaco ñañuju so. So tudicatisere iacōari, no yimasibesujarā masa, ti ūnire īabetirūḡūñarā ñari. ⁴³ Sore catiocōari,

—Sore ī catiosere gājerāre gotibetimasucōama —īnare yiyuju Jesús. To yicōari, —Bare sore ecaya mūa —īnare yiyuju Jesús.

6

Nazaret vāme cuti macaju Jesús ī vare queti

(Mt 13.53-58; Lc 4.16-30)

¹ To bajiri Capernaum macanare īnare gotimasio gajanocōari, ī buerimasare ūmato vacoasuju Jesús, ī ya macaju, Nazaret vāme cuti macaju. ² Toju usūājariarūmū ñarone Dios ocare īna buerivijure sājaejacōari, masare gotimasio ñañuju Jesús. Quēnaro ī gotimasiosere ajicōari, no yimasibesujarā īna:

—¿No bajicōari, to bajise gotimasiosiasiati? ¿No bajiro yicōari, īañāmanire yati? —Jesúre yiyujarā īna, ī ya macana. ³ Gajeye ado bajiro yiyujarā īna:

—¿Adi macagu yucá moarimasu me ñatique ñma? ¿Mar'ia macu me ñatique? ¿Santiago, José, Judas, Simón mesa gagu me ñatique i? To yicōari, mani vatoaju ñarā, ¿i bederā rōmiri me ñatique ñma? —Jesúre ñre yiyujarā ñna, i ya macana.

To bajiri, “Namasugú me ñaami. Mani ya macagu, mani masigú ñaami” yirā ñari, ñre ajitirūnubesujarā ñna. ⁴ To ñna yirone, ado bajiro ñnare gotiyuju Jesús:

—Diore gotirētobosarimasu gajeroju Dios ocare i gotimasiocudijama, ñre ajirūcubuoarāma. To bajiboarine, i ya macanare, i ya vianare quēne, Dios ocare i gotimasiojama, ñre ajirūcubuoemenama —ñnare yiyuju Jesús.

⁵ To bajiri i ya macana, ñre ñna ajitirūnubetijare, ñaāñamani yīomasibesuju i. Mojoroaca ñañujarā i āmo ñujeocōari i catoriarā. ⁶ I yarā ñre ñna ajitirūnubetire ñacōari, no yimasibesuju Jesús, ñnare bajiro tuoñarē ñabetirūgūr'i ñari. To bajiri, gaje macariju vasuju, masare gotimasiocudigu vacu.

Í ocare goticudisuoaronare Jesús i cōare queti
(Mt 10.5-15; Lc 9.1-6)

⁷ Juaāmo cōro, gubo jua jēnituarirācu ñarāre i buerāre jirēoñuju Jesús. ñnare jirēocōari, tocārāca macarire juarāri cōañuju. ñnare cōagūne, masa usuriyu sāñarāre vātiare, ñna burea-masiritore ñnare ujoyuju i. ⁸ To yicōari ado bajiro ñnare yiyuju:

—Mua bare sāriaoari, gājoare quēne juaābesa. No bojase mua cuose juaābesa. Tueriayucūri rīne juaāsa. ⁹ Gubo sudi mua sāñasene sāñacōari, sudi mua sāñasene sāñacōari, vasa —ñnare yiyuju Jesús. ¹⁰ Gajeye ado bajiro ñnare yiyuju Jesús:

—Tocārāca macare mua ejajama, mua ejasuoarivine cānima. Ti vine ñacōari, ti macanare ñnare gotimasio ñma maji, gajeroju mua varoto rījoro. ¹¹ Mua ejarimacana quēnaro muare ñna bocaāmibetijama, to yicōari, mua gotisere ñna ajirūabetijaquēne, ti macajure ñabeja. Muare ñna ajirūabetijare, mua gubo sudi tuyasere sitare varerea, vacoaja. To bajiro mua yijama, “Quēnaro yuare bocaāmibeticōari, yuare mua ajirūabetijare, rojose muare yiracūmi Dios” yirā, yiruarāja mua —ñnare yiyuju Jesús.

¹² To bajiro i yijare, “Rojose mua yisere yitujacōari, quēnasejuare tuoñavasoaya” ñnare yigotimasiocudirā vasujarā. ¹³ Masa usuriyu sāñarāre vātiare bureayujarā ñna. Jājarā rijaye cutirāre quēne, uye yuejeoyujarā ñna. To ñna yijare, quēnaejacoasujarā ñna.

Juan vāme cutigure, masare oco rāca bautizarimasare i rujoare ñna jatarocare queti
(Mt 14.1-12; Lc 9.7-9)

¹⁴ Jesús i bajiñasere, ajijedicōañujarā Galilea vāme cuti sitana. To yicōari, ñna uju Herodes quēne ajiyuju, ado bajiro ñna yisere:

—Juan vāme cutigu, masare oco rāca bautizarimasane sīacoboarine, tudicaticoarimi. To bajiri ñaāñamani yīoñagūmi —yiyujarā ñna, Jesúre.

¹⁵ Gājerāma, ado bajiro yiyujarā:

—Diore gotirētobosarimasu El'ias ñamasir'i ñagūmi quēna —yiyujarā.

Gājerājuama, ado bajiro yiyujarā:

—Diore gotirētobosarimasu ñamasir'ire bajiro bajigu ñaami —yiyujarā.

¹⁶ Herodes quēne, ado bajiro yiyuju:

—Juan ñagūmi quēna. I rujoare ñre jatarocaroticōacaju yu. To bajiro yu yirotoiboaquēne, quēna tudicaticoarimi —yiyuju Herodes.

¹⁷⁻¹⁸ Juan i sīacoroto rījoro ado bajiro bajire ti ñajare, to bajiro tuoñañuju Herodes: I bedi Felipe manajore Herod'ias vāme cutigore ēmacōari, manajo cutiyuju Herodes. To bajiro i yire ñajare, ado bajiro ñre gotirūgūñuju Juan:

—Herod'iare mu manajo cutise quēnabeaja. Dios i rotimasirere ajibeaja mu —ñre yirūgūboayuju Juan.

¹⁹⁻²⁰ To bajiro i yigotisere ajitego ñari, ñre sīarotirūaboayuju Herod'ias. To bajiro so yituoñaboajaquēne, “Dios i bojarore bajiro quēnaro yigu ñaami Juan” yigu, i gotisere ajirūcubuoñu ñari, Herod'ias, Juanre so sīarūaboasere matayuju Herodes. Juan ñre i gotisere quēnaro ajivariquēnagū ñaboarine, “To bajiro yiracuja yu”, yimasibesuju Herodes.

²¹ To bajiñarūgūboa, cojorāmu, “Ado bajiro yu yijama, yure matamasibecūmi”, yituoñañuju Herod'ias yuja. Tirāmu, Herodes i ruyuararāmu ñañuju ti. To bajiri ñre moabosarimasa ujarāre, surara ujarāre, toana Galilea sitana ñamasuri masare quēne jirēoñuju i, “Boserāmu yito” yigu. ²² To yicōari, ñna rējoro bero, Herod'ias maco, ñna ñaro rījorojuare basañoñuju. So basasere ñacōari, variquēnañuju Herodes, i jicōariarā quēne. To bajiri, ado bajiro sore gotiyuju Herodes:

—No bojase mu sēnijama, mure ñsiracuja —sore yiyuju. ²³ To yicōari, ado bajiro sore gotirēmoñuju:

—Riojo mure gotiaja. Tuoĩvasoabetirucuja. Yũ cuose, “Gudareco bojaja” mu yisẽniboajaquẽne, mure isicõarucuja —Herod'ias macore yiyuju Herodes. ²⁴ To i yisere ajicõari, so jacore sẽnĩagõ vasuju so, “¿Ñiere ãre sẽnigõti yu?” yigo.

To so yisere ajicõari, ado bajiro sore yi ocasãñuju so jaco:

—“Juan vãme cutigu, masare oco rãca bautizarimasũ rujoare bojaja”, ãre yiya —so macore yicudiujuju Herod'ias.

²⁵ To so yijare, guaro Herodes tujũ vacõari, ado bajiro ãre gotiyuju:

—Yucucacane Juan vãme cutigu, masare oco rãca bautizarimasũ rujoare bare jeobariabaja joeju jeocõari, yure isigũ vayã —ãre yiyuju so.

²⁶ To bajiro so yisere ajicõari, buto sutiritiyuju Herodes. To bajiboarine, i jicõariã ãna ajiro rĩjorojua, “Riojo mure gotiaja yu. No bojase mu sẽnijama, mure isirucuja” i yicõare ñajare, so sẽnĩrore bajirone yiyuju. ²⁷ To bajiri Juanre sĩaruabetiboarine,

—Juan rujoare jatacõari, ãmiaya —yiroticõañuju, i surarare.

To i yijare, tubiberiaviju vacõari, Juan rujoare jatayuju surara. ²⁸ To yicõari, bare jeobariabaja joeju jeocõari, Herod'ias macore isĩñuju. To yicõari, sojua, jacore isirẽtoñuju so yuja.

²⁹ Ti queti ajicõari, Herodes tujũ ejayujarã, Juan buerimasa. Ejacõari, i rujari ñaboarere ãmivacõari, yujeyujarã.

Masa, cinco mil ñarãre Jesús i bare ecare queti

(Mt 14.13-21; Lc 9.10-17; Jn 6.1-14)

³⁰ Juaãmo cõro, gubo jua jẽnĩtuarirãcu ñarã i buerimasa, i goticudiroticõariã, tudiejacõari, Jesurãca rẽjañujarã. I rãca rẽjacõari, ãna goticudirere, to yicõari, jediro ãna yicudirere quẽne gotijeocõañujarã. ³¹ Gãjerã ãna vato ãnone, gãjerã ejavasoacõarũgũñujarã masa. To ãna bajicõa ñajare, Jesús, i buerimasa quẽne, ususãja, bare ba, yimasibesujarã. To bajiri, ado bajiro i buerimasare yiyuju:

—Ita. Oju, masa ãna manibũsaroju vajaro mani. Toju ususãjaruarãja —ãnare yiyuju.

³² To i yijare, cũmua vasãja vacoasujarã ãna, masa ãna manibũsaroju vana. ³³ To bajiro ãna yi vaboajaquẽne, ti macariana jãjarã masa, Jesús i buerimasa rãca i vasere ãamasicõari, ãmacoasujarã ãna, Jesús i ejarotiujare vana. ³⁴ To bajiri Jesũjua, majaejacõari, jãjarã masa ejacõari ñarãre ãnare ãañuju. I ãajama, ovejare coderimasũ ãnare i codebetore bajiro bajiyujarã ãna. To bajiri ãnare ãmaiñuju. ãnare ãmaigũ ñari, cojo vãme me ãnare gotimasioñuju. ³⁵ To i yirone, rãioroto rĩjoro, Jesús buerimasa, i tu ejacõari, ado bajiro yiyujarã:

—Jẽre rãioato yaja. Masa manojũ ñaja. ³⁶ To bajiri ãnare varotiya mu, “Masa cutoju bare vaja yibarã vajaro” yirã —ãre yiboayujarã ãna.

³⁷ To ãna yiboajaquẽne, ado bajiro ãnare cudiujuju Jesús:

—Muãne ãnare bare ecaya —ãnare yiyuju i.

To i yijare, ado bajiro ãre cudiujujarã ãna:

—Doscientos gãjoatiiri rãca vaja yiroti ñaboaroja manire, pan ãna baroti vaja yirã —Jesũre yicudiujujarã.

³⁸ To ãna yisere ajicõari, ado bajiro ãnare sẽnĩañuju Jesús:

—“¿Nocãrãca pan cuoati mua?” yisẽnĩacudiya maji —ãnare yiyuju Jesús.

To bajiri sẽnĩabujacõari, ãre gotiyujarã:

—Cojomo cõro pan, juarã vai cuoaja yua —ãre yiyujarã.

³⁹ To ãna yirone,

—Masare tatũcuroju rujatubuari rujirotiya —ãnare yiyuju Jesús.

⁴⁰ To i yise ñajare, rujatubuari rujibateyujarã ãna. Cojojũri cien ñarirãcu, to yicõari, cincuenta ñarirãcu rujibateyujarã. ⁴¹ To bajiro ãnare rujiroticõari bero, cojomo cõro ñaricari pan, to yicõari, juarã vai ñarãre juacõari, õ vecajua ãmuocõari, “Quẽnaro yaja mu”, Diore ãre yiyuju. To yicõari bero, panre iguresurebatecõari, i buerimasa isĩñuju, “Rujirãre isibatoya” yigu. Juarã vaire quẽne iguresurebatecõari, i buerimasare isĩñuju, “Rujirãre isibatoya” yigu. ⁴² Sīgũ rayariaro mano quẽnaro baũsucutijedicõañujarã. ⁴³ ãna bagajanoro bero, ãna baruasere, i buerimasa ãna juarẽojama, juaãmo cõro, gubo jua jẽnĩtuaro ñarĩjiburi rayayuju. ⁴⁴ Tire bariarã, cinco mil ãmua ñañujarã. ^f

Oco joene Jesús i vare queti

(Mt 14.22-27; Jn 6.16-21)

⁴⁵ Masa ãna baruasere i buerimasa ãna juarẽogajanorone, cũmuaju ãnare vasãjarotiyuju Jesús:

—Betsaida vãme cuti macaju yure jẽadiyuya. Maji masare vare gotigu yaja yu —yiyuju Jesús.

^f 6:44 Rĩamasare, rĩomiare cõmenane, ãmua bucarã rĩrene ãna cõjama, cinco mil ñañujarã ãna.

⁴⁶ Ìnare vare gotigajano, buroju majacoasuju, toju Diore sêniru. ⁴⁷ Ti rãioato bero, ɯtabɯcɯra jëana, tira gadareco ɯsasujarã, Jesúsbuerimasa. Jesúsbuama, sîgũne ñacõañuju i maji. ⁴⁸ To bajicõari, i buerimasare ñacõañuju. To ña ɯsatone, bɯto mino vasuju. To bajiri jëatɯmabesujarã ña. To ña bajiñarone, busurocaroarijau ña taju oco joene vayuju Jesúsb. To bajivagu, ñare rëtocoarocure bajiro vayuju. ⁴⁹⁻⁵⁰ Oco joeju i vadire ñarãne, ɯcacoasujarã ña. “iBajirocar'i vãti ñaamii”, yivasañujarã. To ña yiboajaquẽne,

—Gũibes. Variquẽñaña mua. Yũne ñaja —Ìnare yiyuju Jesúsb.

⁵¹ To yigune, ña vaticũmuaju vasãjacõañuju Jesúsb. I vasãjarone, mino vatujacoasuju yuja. To bajiro ti bajisere ñacõari, no yimasibesujarã i buerimasa, i ùnire ñabetirũgũriarã ñari. ⁵² To bajiro ña bajijama, cinco mil ɯmũare Jesúsb i ecarere ñariarã ñaboarine, “Ìñañamanire yimasijeogũ ñaami” ñe yimasimena ñari, to bajiro bajiyujarã.

Genesaret sitanare rijaye cutirãre Jesúsb i catiore queti

(Mt 14.34-36)

⁵³ To baji, jëanane, Genesaret vãme cuti sitaju jëaejayujarã ña. Toju cũmuare siatujoyujarã. ⁵⁴ Cũmuare siagajano, ña majatone, Jesúsb i masicõañujarã ti macana, tiɯana. ⁵⁵ To bajiri masa jedirore gotibatorã ɯmacoasujarã ña. Tire ajirã ñari, ti macariana rijaye cutirãre Jesúsb taju juaejayujarã ña. ⁵⁶ I vacũdiri macari cõrone mojomimacaju i vajaquẽne, jairimacajure i vajaquẽne, masa ña rëjarũgũrijaurire i vajaquẽne, to yicõari, Jesúsb i varoti maarijure quẽne, rijaye cutirãre juaejocũñujarã. To yicõari,

—Mu sudi gajare ñare moaĩarotire bojaja yua. To bajiro ña yijama, caticoaruarãma —ñe yiyujarã rijaye cutirãre juaejararã. To bajiri, ñe moaĩararãma, caticoasujarã.

7

“Masa ña yisere ñacõari, ‘Rojorã ñaama’ yire me ñaja. Ña tuoĩasejuare masicõari, ‘To bajiro yirã ñaama’ yire ñaroja”, Jesúsb i yigotimasiore queti

(Mt 15.1-20)

¹ Fariseo masa, to yicõari, Dios i rotimasire gotimasiiorimasa quẽne ejayujarã ña, Jesúsb taju. Jerusalénju vadiriarã ñañujarã. ² Jesúsb tu ejacõari, i buerimasa sîgũri, ña baroto rĩjoro, ña ñicua ña ãmorire ña coemasiriarore bajiro ña coebetire ñañujarã ña. ³⁻⁴ Jud'io masa ñajediro, ña ñicua ye quẽnaro ajirũcũbuorã ñañujarã ña. To bajirã ñari, ña ñicua ña yimasiriarore bajiro ãmori coecõari rĩne, bayujarã ña. Masa, bare vaja yirã ña rëjarõju vaja yirã variarã, tudiejacõari, ña ñicua ña ãmorire ña coemasiriarore bajiro yirã, ña ãmorire coecõasũori rĩne, barũgũñujarã ña. To yicõari, idiriabajari, oco cũria soturi, no bojase soturi quẽne coeyujarã. Bare barã rujirijaurire quẽne to bajiro yiyujarã ña, jud'io masa. ⁵ Tire buto ajirũcũbuorã ñari, fariseo masa, to yicõari, Dios i rotimasire gotimasiiorimasa quẽne, ado bajiro Jesúsb sênĩañujarã ña:

—¿No yirã mani ñicua ña yimasiriarore bajiro yibeati mu buerimasa? Ña baroto rĩjoro, mani ñicua ña ãmori coemasiriarore bajiro coebeama —ñe yiyujarã ña, fariseo masa, Dios i rotimasire gotimasiiorimasa quẽne.

⁶ To bajiro ña yijare, ado bajiro ñare cadiyuju Jesúsb:

—“Quẽnaro yirã ñaja yua” yiboarine, rojorã ñaja mua. Diore gotirëtobosarimasu, Isa'ias ñamasir'i, mua bajirotire quẽnaro tuoĩacõari, ado bajiro ucamasiñuju:

“Ña oca masune yirã, quẽnaro yure yirũcũbuoama ña. To bajiro yirã ñaboarine, yu bojarore bajiro tuoĩabeama.

⁷ Yu yere buecõari, ña masu ña tuoĩasere gotimasioama. Tirene, ‘Dios i rotise ñaja’ yiboama. To bajiri yure ña rũcũbuoboase vaja, ñie vaja bujamenama ña”, yu ucamasiñuju Isa'ias, Diore gotirëtobosagu —ñare yigotiyuju Jesúsb.

⁸ To yicõari, quẽna ado bajiro ñare yiyuju Jesúsb:

—Dios i rotisejuare ajitirũnumenane, mani ñicua ocajuare quẽnaro ajitirũnuaja mua —ñare yiyuju Jesúsb.

⁹ To yicõari, quẽna ado bajiro ñare gotirëmoñuju Jesúsb:

—Mani ñicua yejuare ajirũcũbuorã, Dios i rotimasirejuare cadibeaja mua. ¹⁰ Dios i roticũmasirere Moisés i ucamasire ado bajiro gotiaja: “Mu jacure, mu jacore quẽnaro rũcũbuoya”. To yicõari, gaje vãme ado bajiro yaja: “No bojagu i jacure, i jacore, ‘Rojose tãmuocaruarãja mua’ ñare i yijama, ñe sãroti ñaja”, yigotiaja Moisére Dios i roticũmasire. ¹¹⁻¹² Muajuama, ado bajiroju rotiaja mua: “I ye rãca i jacuare i ejarëmobetijama, quẽnacõaja. Yu gajeyeũni, yu cuose Diore yu ñisroti rĩne ñaja. To bajiri muare ejarëmomasiibeaja yu yicõari, i jacuare i ejarëmobetijama, quẽnacõaja”, yirotiaja mua. ¹³ To yicõari, gajeye jairo ti ùnire bajiro mua yiotise ñaja. To bajiro yiotirã, “Dios manire i roticũmasirere cadibeticõato” yirãre bajiro yaja mua. To yicõari, “Mani ñicua ña rotimasirejuare ñamasuse ñaja” mua

yituoñajama, “Nie vaja maja Dios i rotimasire” yirã yaja mua —fariseo masare, to yicõari, Dios i rotimasire gotimasiomasare yiyuju Jesús.

¹⁴⁻¹⁶ To bajiro ñare yigotigajanocõari, masare jirẽocõari, ado bajiro ñare gotiyuju Jesús:

—Ñajediro quẽnaro ajiya, yu gotimasiosere. Tire ajicõari, “To bajiro manire yigotigu yami”, yiajimasiña mua: Mani ñicua, “Mani basãse suorine ñaja Dios i ñavariquẽnabeti, ñe mani yirẽcubuose i bojabeti”, yituoñamasiboayuma. To bajiro me bajiaja. Rojose tuoñacõari, mua ñagõse suorine bajiaja, Dios i ñavariquẽnabeti, ñe mua yirẽcubuosere i bojabetima —masare yiyuju Jesús.

¹⁷ To bajiro ñare yigotigajano, masa jãjarã vatoaju ñar'i, vacoasuju Jesús, i buerimasa rãca. Viju sãjaejacõari, ado bajiro ñe sẽnĩñañujarã i buerimasa:

—Jẽju mu gotimasiomase quẽnaro yuare gotirẽtobuya —Jesũre yiyujarã ña. ¹⁸⁻¹⁹ To ña yisere ajicõari,

—¿Ajimasibeati mua quẽne? —yiyuju i. —Mua basãse mua gũdajoaju vatoja ti. Tiju bero, rẽtobudiroja ti. To bajiri, mua usurijurema rojose yimasibeaja ti —ñare yiyuju Jesús. To bajiro i yijama, “Ñajediro bare mani baboajaquẽne, Dios i bojabetire yirã me yirãja mani” yigu yiyuju.

²⁰ To yicõari, ado bajiro ñare gotirẽmoñuju Jesús:

—Dios i ñajama, masa rojose ña tuoñaseja ñaja rojosema. ²¹ Masa, rojose ña tuoñajama, ado bajiro yirãma: Juarudirãma. Gãjerãre sjarãma. Manajo cutirã, manaju cutirã quẽne, gãjerã rãca ajeriarã cutirãma. ²² Gajeyẽnure gãjerã yere uorãma. Socajairãma. Bojoneose ti ñaboajaquẽne, tire yicõarãma. Gãjerãre, “Yu rẽtobusaro quẽnaro ñaama”, yijajũnisinirãma. Gãjerã ajiro rĩjoroja socarãne, “Ado bajise rojose yima”, yigotirãma. “Ñamasurã ñaja yuama”, yituoñarãma. Riojo tuoñamasimenama. Dios yere rãcubumenama. ²³ Adi rojose jediro yirãma masa, rojose ña tuoñajama —ñare yiyuju Jesús.

Jud'io maso me Jesũre so ajitirãñare queti
(Mt 15.21-28)

²⁴ To ñar'i, vacoasuju Jesús. Vacõari, Tiro vãme cuti maca taju ejayuju. To ejacõari yayioro vijure sãjaruaboayuju. To bajiboarine yayioro sãjamasibesuju. ²⁵⁻²⁶ To bajiri Jesús i ejare queti ajicõari, sũgõ rãmio i tujure vasuju so. Vãti sãñagõ jaco ñañuju so. Jud'io maso me ñañuju. Sirofenicia sitago ñañuju. Jesús rĩjoroja ejacõari, gusomuniari tuetucõari, ado bajiro buto ñe sẽnĩñuju:

—Yure ejarẽmoña mu. Yu maco so usuju vãti sãñagõ ñaamo. Ñe burocaya mu —Jesũre yiyuju so.

²⁷ To so yisere ajicõari, ado bajiro sore cudiyuju Jesús:

—Yu yarã jud'io masare ejarẽmosuõaja. Yu yarãre yu ejarẽmoroto rĩjoro gãjerãre yu ejarẽmojama, rĩamasã ña basere emacõari, yaiare ecagure bajiro yiguja yu —sore yiyuju.

²⁸ To i yisere ajicõari, ado bajiro ñe cudiyuju so:

—Yu uju, riojo gotiaja mu. To bajiboarine ña ujarã ña bavẽjasere barãma yaia —Jesũre ñe yiyuju so. “Jud'io masare ejarẽmogũ ñaboarine, yuare quẽne mojoroaca ejarẽmomasigũja” yigo, to bajise ñe yiyuju so.

²⁹ To so yisere ajicõari, ado bajiro sore yiyuju Jesús:

—Quẽnaro tuoñacõari, gotiaja mu. Mu maco usuju sãñagũre vãtire ñe burocacõaja yu. To bajiri mu ya viju tudiasa —sore yiyuju Jesús.

³⁰ So ya viju tudiejacõari, cãnjesariaro joeju so macore so jesaro ñacõari, “Vãti so usujure sãñar'i jẽre budicoasumi”, yimasinuju.

Ajibeti, ñagõmasibeti bajigure Jesús i catiore queti

³¹ Tiro maca taju ñar'i, Sidón vãme cuti macaju rẽtoasuju Jesús. To rẽto vacane Decápolis sita ñarimacare quẽne rẽtoasuju. To rẽtoacane, Galilea Utabucura taju ejacoasuju yuja. ³² To i ñarone, sũgõ ajibeti, ñagõmasibeti bajigure amiejayujarã masa. Ñe amiejacõari, Jesũre sẽnĩñujarã, “Ajibecure i amori ñujecõari ñe catioato” yirã. ³³ To bajiri ajibecure gajeroja umato vasuju Jesús. Ñe umato vacõari, i gãmo gojerijure i amovãso rãca tõmesõñuju Jesús. To yigajano, i amovãsoare gooco eotucõari, i ñemerore moañañuju, i ñagõmasibetijare. ³⁴ To yicõari, õ vecajure ñamuocõari, usu sãnĩsãñuju Jesús. To yigane, ado bajiro ñe yiyuju:

—Efata —yiyuju Jesús. (“Ajiya yuja” yire ñni ñañuju ti.)

³⁵ To i yirone, ajibecu ñaboar'i ajicoasuju yuja. To bajicõari, quẽnaro ñagõcoasuju i, ñagõmasibecu ñaboar'i. ³⁶ To bajiro ñe yigajanocõari, ado bajiro masare yiyuju:

—Gãjerãre gotibetimasucõama mua —ñare i yiboajaquẽne, butobusa gotibatorũgũñujarã masa. ³⁷ To bajiro Jesús i yisere ajivariquẽnacõari, no yimasibesujarã ña, ti ñnure ajibe-tirũgũriarã ñari. To bajiri, ado bajiro Jesús i yisere gotiyujarã:

—Ñajediro quēnaro yimasijeogu ñaami. Ajimenare, “Ajiato” ñagōmenare quēne, “Ñagōato” yigu ñaami —yiyujarā ña.

8

Masa, cuatro mil ñarāre Jesús, bare ī ecare queti
(Mt 15.32-39)

¹ Quēna Jesús taju jājarā masa rējacōari, ña ñaro rīne bare jedicoasuju ñnare. To bajiri ī buerimasare jicōari, ado bajiro yiyuju Jesús:

² —Ado ñarāre ĩamaiaja yu. Idiarūmu tusaɣu yuja, yu rāca ña ñaro. To bajicōari bare maama.

³ Bamenane ña ya viriju ña tudiasere bojabeaja yu. Sīgūri sōju vadiriārā ñaama. Ñnare yu tudirotiɣama, bamenane ña vajama, ñiorjarā ñari, rijavējacoaborāma —ñnare yiyuju Jesús.

⁴ To bajiro ī yirone, ado bajiro ĩre yiyujarā ī buerimasa:

—Ado, masa mañoju ñaja. No bajiro masa ñaro cōro ña barotire bare bujamasifña manoja —ĩre yiyujarā ña.

⁵ To ña yirone,

—¿No cōro jairo pan cūoti mua? —ñnare yiyuju.

—Cojomo cōro jua jēnituario ñaricari ñaja —ĩre yiyujarā ña.

⁶ To ña yirone, rācacane masare rujirotiyuju Jesús. To yicōari pan cojomo cōro jua jēnituario ñaricari ñasere juacōari, “Quēnaro yaja mu”, Diore ĩre yivariquēnañuju Jesús. To yicōari tire iguesurebatecōari, ī buerimasare ĩsiñuju. To bajiri ñajua rujirāre ĩsibatoyujarā yuja. ⁷ Vai quēne mojoroaca cuoyujarā ña. To bajiri vaire juacōari, “Quēnaro yaja mu”, Diore yiyuju Jesús quēna. To yicōari, ī buerimasare ĩsibatorotiyuju. ⁸ Sīgū ruɣariaro mano baɣsacutijedicōañujarā. Ña bagajanoro bero, ña barasere juarēoñujarā Jesús buerimasa. Ña juarēojama, cojomo cōro jua jēnituario ñarijiburi ruɣayuju. ⁹ Tire bariarā cuatro mil masa ñañujarā. Ñnare ecagajanocōari, ñnare tudirotiɣuju Jesús. ¹⁰ To yicōari bero, ī buerimasa rāca cūmuaju vasājacōari, Dalmanuta vāme cuti sitaju vacoasujarā.

“Ĭaĭañamani yuare yīoña”, Jesúsre ña yiiboare queti
(Mt 16.1-4; Lc 12.54-56)

¹¹ Fariseo masa, Jesús tu ejacōari, ĩre sēñiñañujarā, “Cudimasibeticōari, rojose tāmūoato ĩ” yirā:

—“Dios ī cōagū ñaami” yure yimasiato” yigu, ō vecaye ĩaĭañamani yuare yīoña —ĩre yiiboayujarā.

¹² To bajiro ña yisere ajicōari, usū sīnisāñuju Jesús. To yicōari, ado bajiro ñnare yiyuju:

—¿No yirā adirodoria ña ĩaĭañamani rāca rīne yu yisere bojati mua? Riojo muare gotiaja yu. ĩaĭañamani muare yīobecuja yu —ñnare yiyuju Jesús.

¹³ To bajiro ñnare yicōa, ñnare jēaveocoasuju Jesús, ī buerimasa rāca.

Fariseo masa pan ũmato vauvasere bajiro ña bajire queti
(Mt 16.5-12)

¹⁴ Jesūrāca jēana, ña baroti pan masiritiyujarā. Ña vaticūmuajure pan cojane cuoyujarā.

¹⁵ To bajiro ña bajire ñajare, ado bajiro ñnare gotiyuju Jesús:

—Fariseo masa, to yicōari, Herodes quēne “Pan vauvato” yirā, ña vuosere quēnaro ajicōiña mua —ī buerimasare yiyuju Jesús.

¹⁶ To ī yisere ajimasimena ñari, ña masune ado bajiro gāmerā yiyujarā ña:

—Pan mani masiritijare, to bajise gotigu yīgumi —gāmerā yiyujarā.

¹⁷ To bajiro ña gāmerā yisere masicōari, ado bajiro ñnare gotiyuju ī:

—¿No yirā “Pan maja manire”, yati mua? ¿Yuare ajimasibeati mua maji? ¿Adi macarucuroaye rīne tuoĭarāre bajiro tuoĭacōa ñati mua maji? ¹⁸⁻¹⁹ ¿Yu yīosere ĩarā ñaboarine, ajimasibeati mua maji? —ñnare yiyuju Jesús.

To yicōari, ado bajise ñnare yirēmoñuju:

—Cojomo cōro ñaricarire panre bujucōari, cinco mil masa ñarāre ecacaju yu. Ñnare yu ecaro bero, ¿nocārāca jiburi ruɣacati ti? —ñnare yiyuju Jesús.

To ī yisere ajicōari, ado bajiro ĩre cūdiyujarā ña:

—Juaāmo cōro, gubo jua jēnituario ñarijiburi ruɣacaju —ĩre yicūdiyujarā ña.

²⁰ Quēna ñnare tudisēñiñuju:

—Tiju bero, quēna cojomo cōro jua jēnituario ñaricari panre bujucōari, cuatro mil masa ñarāre ecacaju yu. Ñnare yu ecaro bero, ¿nocārāca jiburi ruɣacati ti? —ñnare yiyuju.

—Cojomo cōro, jua jēnituario ñarijiburi ruɣacaju —ĩre yicūdiyujarā ī buerimasa.

²¹ To bajiro ña yicadisere ajicōari, ado bajiro ñnare tudisēñiñuju Jesús:

—To bajiro yu yiŋocature masirā ñaboarine, ʒjēju mware yu gotisere ajimasibeati mua maji? “Fariseo masa, to yicōari, Herodes quēne, ‘Pan vauvato’ yirā, ña vuosere quēnaro ajicōiaña” yu yijama, bare mere yaja yu —ñare yiyuju Jesús.

Betsaida vāme cūti macajure ejacōari, caje ĩabecure ña āmiejagure Jesús ĩ ĩarotire queti

²² Bero, Jesús, ĩ buerimasa rāca Betsaida vāme cūti macajure ejayuju. To ña ejaro ĩacōari, caje ĩabecure āmiejayujarā masa, “Caje ĩabecure Jesús ĩ moaĭarone, ĩacoarucumi” yirā. ²³ To bajiro ña yiejogure ti maca sojuabusa ĩre tāa vasuju Jesús. To yicōari, ĩ cajeare goocone eotucōari, moaĭañuju Jesús, “Īato ĩ” yigu. To yicōari, ado bajiro ĩre sēniñañuju:

—ʒĭati mu? —ĩre yiyuju.

²⁴ To ĩ yirone, caje ĩabecure quēnaca ĩasuoyuju. To bajiri ado bajiro cūdiyuju ĩ:

—Masare ĩaja yu. To bajiro yu ĩaboajaquēne, yucarine vasere bajiro bajiaja —yiyuju.

²⁵ To ĩ yijare, quēna ĩ cajeare tudimoaĭa quēnoñuju. To ĩ yirone, quēnaro ĩacoasuju. Ñajediro quēnaro ĩre ruyuyuju yuja. ²⁶ To bajiro ĩ bajiro ĩacōari, ado bajiro ĩre gotiyuju Jesús:

—Macajure vacōari, mware yu ĩarotisere gājerāre gotibatobecune, mu ya viju tudiasa —ĩre yiyuju Jesús.

“Rotimworāgōrucumi” yigu, Dios ĩ cōar’i ñaja mu”, Jesúre Pedro ĩ yire queti
(Mt 16.13-20; Lc 9.18-21)

²⁷ To ĩ yiriaro bero, Cesarea de Filipo vāme cūti sita ñarimacarijare ĩ buerimasare ūmato vasuju Jesús. To ñare ūmato vacune, ado bajiro ñare sēniñañuju:

—ʒNimu ñaami yure yati ña, masa? —ñare yisēniñañuju.

²⁸⁻²⁹ To ĩ yisēniñajare, ado bajiro ĩre cūdiyujarā ĩ buerimasa:

—Sīgūri, “Juan vāme cutigu, masare oco rāca bautizarimasa, tudicaticōari bajigumi”, mware yama ña. Gājerāma, “El’ias ñamasir’i ñagumi”, yama. Gājerājuama, “Gāji, Diore gotirētosamasir’i ñagumi”, mware yama —Jesúre yicūdiyujarā.

To ña yirone,

—Mwājuama, ʒñimu ñaami, yure yati mua? —ñare yiyuju Jesús.

To ĩ yirone, ado bajiro ĩre cūdiyuju Pedro:

—Mu ñaja rojose yua tāmūoborotire yuare yirētosacōari, rotimworāgōrocu, Dios ĩ cōar’i —Jesúre yiyuju Pedro.

³⁰ To bajiro Pedro ĩ yicūdiare, gājerāre gotirotibesuju Jesús.

“Yure śiaruārāma”, Jesús ĩ yire queti
(Mt 16.21-28; Lc 9.22-27)

³¹ To yicōari, ĩ bajirotire ado bajiro ĩ buerimasare gotisoyuju Jesús:

—Yu, Dios ĩ roticōacacu, būto rojose tāmūorucuja. Bwūrā, paia ūjarā, to yicōari, Dios ĩ rotimasire gotimasiorimasa quēne, rojose yure yicōari, yure śiaruārāma ña. Yure ña śiaboajaquēne, ĩdiarāma tusatirāmune yure catorucumi Dios —ñare yiyuju Jesús.

³² ĩ śiaecorotire riojo ñare ĩ gotise ñajare, ajimasicōañujarā. Tire ajimasicōari, ricati ĩre jicāmotocōari,

—“Bajiruaroja” yuare mu yigotise bajibeticōato —ĩre yiboayuju Pedro.

³³ To ĩ yisere aji, Jesújuama, ĩ buerimasa ña ñarojuare judarāgū, ĩacōari, ado bajiro Pedrone ĩre yiyuju:

—ʒSatanás, vasa mu! Vātia ūjare ñagōbosagu yaja mu. To bajiro mu yijama, Dios ĩ tuoĭarore bajiro me tuoĭaja mu. Masa ña tuoĭarore bajiro tuoĭagū yaja —ĩre yiyuju Jesús, Pedrone.

³⁴ To yicōari, ĩ buerimasare gājerāre quēne ñare jirēocōari, ado bajiro yiyuju Jesús:

—No bojagu yu yu ĩ ñaruajama, ĩ bojasere, ĩ ye ñarotire tuoĭabecune, “Jesúre bajiro rojose tāmūorucuja yu quēne” yituoĭacōari, yujuare ajisujarucumi. ³⁵ No bojarā, ña bojaro ñare cutirāma, adi macarucurore ñasere ĩavariquēnacōari, Diore tuoĭamenama, Dios ĩ catisere yayibetire cuomena ñaruārāma ña. To bajiboarine, yure ajitirānurā, yu oca ña gotisere ajijūnisinicōari, ña śiarāma, Dios tu quēnaro ñarona ñarāma. ³⁶ Sīgū adi macarucuroju gajeyēni jediro ĩ bujaboajaquēne, beroju rojose tāmūotujabetiraroju ĩ vājama, ĩ gajeyēni ĩ bujaboare, ñie vaja manoja. ³⁷ Niere Diore ĩsimasibecumi, ĩ rijato berojuma “Tudirijabeticōato” yigu, “Dios ĩ catisere yure ĩsiato” yigu. Mani rijato berojuma “Tudirijabeticōato” yigu, Dios ĩ catisere ĩ ĩsise cōro vaja cuti manoja. ³⁸ “Jesúre ajitirānucōari, ĩ ocare ña gotimasiose suorine ñare rūcūbuobeama adirodoriana” yilāgū ñari, ña ĩaro rījorojuā, “Jesúre rūcūbuogu ñaja yu”, yibojonebesa. To bajiro yibojonegū ñari, yu yu ĩ ñaruabetijama, “Yu yu me ñaami”, ĩre yilārucuja yu quēne, Dios ĩ roticōacacu ñacōari, “Quēnarētogū ñaja yu” yu jacu ĩ yilōrore bajiro yigu ñari, ĩ bususe rāca yu vadirāmu. Yu rāca vadiruarāma Dios ĩ cōarā, ángel mesa —ñare yiyuju Jesús.

9

¹ To yicōari, gajeye ĩnare gotirēmoñuju Jesús:

—Riojo muare gotiaja yu. Mũa sīgũri mua bajireabetone, “Ñajediro uju ñaami yu roticōacacu” Dios muare ĩ yĩosere ĩaruarāja mua —ĩnare yiyuju Jesús. 8

Ĭ buerimasa ĩna ĩaro rĩjorojua Jesús ĩ godovedĩore queti
(Mt 17.1-13; Lc 9.28-36)

² Cojomo cōro, coja jēnituariĩmũa bero, Pedro, Santiago, to yicōari Juanre quēne, amũariburo joeju ĩnare umato vasuju Jesús. Toju ĩnare umato ejacōari, ĩna ĩaro rĩjorojua ricati ruyugu godovedicoasuju Jesús. ³ Sudi ĩ sãñase buto boticoasuju. To bajicōari, cajemose busuyuju ti. To bajise botise ĩabetirũgũñujarã ĩna. ⁴ To bajicōari, El'ias ñamasir'i, Moisés ñamasir'i rãca Jesús tu ruyuarũgũcōari, ĩ rãca ĩna ñagōsere ĩañujarã ĩna, Pedro mesa.

⁵⁻⁶ To bajiro ĩna bajisere ĩacōari buto gũiyujarã. Buto gũigu ñari, “To bajiro yigu yigujã” yiri mene, ado bajiro Jesũre yiyuju Pedro:

—Yu uju, adojũ manĩ ñajama, quēnamasucōaja. Mũa ñaro cōrone vijãiri muare quēnobosaruarāja yua. Mu yajãi, Moisés yajãi, to yicōari, El'ias yajãi buabosaruarāja —Jesũre yiboayuju Pedro.

⁷ To bajiro ĩ yirĩĩmarone, bueri buto cajemose ĩnare buebibecōañuju ti. Ti bueri vatoaju ado bajiro ocaruyuyuju:

—Ānine ñaami yu macũ, yu maigũ. ĩre quēnaro ajitirũnũña mua —yi ocaruyuyuju.

⁸ Ti ocaruyuro bero, ĩaboayujarã. El'iare, Moisére quēne, ĩnare ĩabujabesujarã. Jesús sīgũne ñañuju ĩ yuja.

⁹ To bajiro bajicōari bero, ti buro ĩnare umato rojacũne, ado bajiro ĩnare rotiyuju Jesús:

—Jẽju mua ĩsere gãjẽrẽre gotibẽja maji, Dios ĩ roticōacacu, yu rijato bero, quēna yu tudicatiroto rĩjorore —ĩnare yiyuju Jesús. ¹⁰ To bajiro ĩna bajirere gãjẽrẽre gotimenane, ĩna masune tuoĩacōa ñañujarã ĩna. Tire tuoĩacōa ñarã ñari, ado bajiro gãmerã yisēñĩañujarã:

—¿No bajiro yire unire yigu yati, “Rijacoaboarine tudicatrũcũja” ĩ yijama? —gãmerã yisēñĩañujarã Pedro mesa. ¹¹ To bajiro yirã ñari, ado bajiro Jesũre sēñĩañujarã ĩna:

—¿No yirã, “Rotimũorũgũrũcũmi” yigu, Dios ĩ cōarocu ĩ ejaroto rĩjoro ejarũcũmi El'ias ñamasir'i”, yati ĩna Dios ĩ rotimasire gotimasiorimasa? —Jesũre yisēñĩañujarã ĩna.

¹² To ĩna yijare, ado bajiro ĩnare cadiyuju Jesús:

—Riojo yiyuma Dios ĩ rotimasire gotimasiorimasa, “El'ias ñamasir'i ejasũorũcũmi”, ĩna yijama. “Rotimũorũgũrũcũmi” yigu, Dios ĩ cōarocu, ĩ ejaroti ñajare, jediro Dios ĩ bojarore bajiro yirã quēnaro ñayuto manĩ” yigu ejasũorũcũmi. “To bajiro yaja” yimasirã ñaboarine, “Rotimũorũgũrũcũmi” yigu, Dios ĩ cōarocũre ĩatecōari, cojo vãme me rojose ĩre yirũarãma masa, Dios oca ĩna yiuamasirejuarema ajimasibeama. ¹³ Riojo muare gotiaja yu. El'ias ñamasir'ire bajiro bajigu jẽre ejaboayumi. Dios oca masa ĩna ucamasiriarore bajiro yirã, ĩna bojarore bajiro rojose ĩre yiyuma ĩna —ĩnare yiyuju Jesús, Pedro mesare.

Masũ usũju sãñagũre vãtĩre Jesús ĩ burocare queti
(Mt 17.14-21; Lc 9.37-43)

¹⁴ Buroju ejariarã, ĩna rãcana ĩna ñarõjũre tudiejayujarã. Tudiejacōari, ĩna ĩajama, Jesús buerimasa rãca jãjarã masa ñañujarã. To bajicōari, ĩna rãca, Dios ĩ rotimasire gotimasiorimasa rãca ĩna gãmerã oca josasere ĩañujarã. ¹⁵ Jesús ĩ vadisere ĩacōari, buto variquēnañujarã. Variquēnarã ñari, ĩ tu umasujarã ĩre sēnirã vana. ¹⁶ ĩre ĩna sēnigajanoro, ado bajiro ĩnare sēñĩañuju Jesús:

—¿No bajise ĩna rãca gãmerã oca josari mua? —ĩnare yiyuju Jesús.

¹⁷ To ĩ yisere ajicōari, sīgũ ado bajiro Jesũre cadiyuju:

—Gotimasiorimasa, yu macũ ĩ usũju vãti sãñagũ ñaami. To bajiro bajica yigu, ñagũbecu ñaami. To bajiri “Jesús, vãtĩre burocagũmi” yigu, yu macũre amivabu yu. ¹⁸ Tocãrãcãjine yu macũ usũju sãñacōari, ĩre rojose ĩ yijama, biyaroaca rijaquedicōari, ĩ riseju sũmo budi, guji pũguẽ, ĩ ruju tutuajedicuarũgũami. To bajiro ĩ bajijare, mu buerimasare, “Yu macũ usũju sãñagũre vãtĩre burocaya”, ĩnare yisēniboabu. ĩre burocamasimema —Jesũre yiyuju ĩ.

¹⁹ To ĩ yisere ajicōari, ado bajiro yiyuju Jesús:

—Diore ajitirũnũmena masũ ñacōaja mua. ¿No cõroju muare gotimasio tãjaguti yu? Yoaro mua rãca yu ñaboajaquẽne, yu masisere muare yu ujosere ajitirũnũbeaja mua maji —ĩnare yiyuju Jesús. To yigũne, —Adojua vãti sãñagũre amiaja —yiyuju Jesús.

8 9:1 Dios oca masa ĩna ucamasire buerẽtoburimasa ado bajiro yicama ĩna: “9.1 gotirĩjũre, ‘Ñajediro uju ñaami yu roticōacacu’ Dios muare ĩ yĩĩrotire’ Jesús ĩ yijama, ĩ buerimasa sīgũri ĩna ĩaro rĩjorojua Jesús ĩ godovedĩorere yigu yirimi”, yicama Dios ocare buerẽtoburimasa sīgũri.

²⁰ To i yisere ajicōari, Jesús tujā ĩre āmiasujarā. To ĩna yirone, vātijua, Jesúre ĩacōari, masu usujā sāñagū ĩnari, rojose yiyuju, masujare. To bajiro i yijare, rijaquedigane, i risejā sōmo budiyuju. ²¹ To i bajirone, rijaquedigu jacare ado bajiro sēñiñaju Jesús:

—¿Nocārācarodori ado bajiro bajitusajari ma macu? —ĩre yiyuju Jesús.

To i yisere ajicōari, ado bajiro Jesúre cudiyuju i:

—Daquaguaca ñagūjane to bajiro bajisucami. ²² Cojoi me jeamejā rocatĩacōarūgūmi. To yicōari, oco vatoajā quēne rocaroacōarūgūmi. To bajiro yirūgūmi, yā macare sīaru. Yūare ma ejarēmomasijama, yūare ĩamaicōari, ejarēmoña ma —Jesúre yiyuju i.

²³ To i yisere ajicōari, ado bajiro ĩre yiyuju Jesús:

—“Yimasigūmi”, ¿yūre yituoĩabeati ma? To bajiro yure ma yituoĩajama, ñiejua josase manoja —ĩre yiyuju Jesús.

²⁴ To i yisere ajicōari, ado bajiro cudiyuju i:

—“Yā macare catiomasigūmi”, mure yituoĩamasicōaja, bajigujama. To bajiro tuoĩavuoḡu, “Ñabeticōato” yigu, yure ejarēmoña —Jesúre yīavasāñuju i, rijaquedigu jacu.

²⁵ To bajiro i yīavasāsere ajicōari, jājarābusa masa ũmarējañujarā, Jesús tujā. To ĩna bajisere ĩacōari, tutuase rāca ado bajiro vātire yiyuju Jesús:

—Vāti, yure ajiya. “Masa ñagōbeticōato”, to yicōari, “Ajibeticōato” yigu ñaja ma. iTo bajiri āni usure budiya! iQuēna ĩre tudisājabeja! —vātire yiyuju Jesús.

²⁶ To i yirone, avasācōari, rijaquedirotiyuju vātijua. To yicōari, i usujā sāñaboagu, budicoasuju yuja. iBudirone, rijarĩre bajiro bajicoasuju masujua. To bajise ĩacōari, “Rijacoajami”, yiyujarā masa. ²⁷ To ĩna yīboajaquēne, Jesús i āmore ñiacōari, ĩre tūa vātmoñuju. To i yirone, rūgōcoasuju yuja.

²⁸ To yicōari bero, to ñarivijā sājañuju Jesús. Ti vijā sājaejacōari, ado bajiro ĩre sēñiñaju ĩ buerimasa:

—¿No yirā vātire burocamasibeti yua? —ĩre yiyujarā ĩna.

²⁹ To bajiro ĩna yisere ajicōari, ado bajiro ĩnare cudiyuju Jesús:

—Jējā yā burocagure bajiro bajirāre ma burocaruajama, Diore sēnicōari rīne burocamasiruarāja ma —ĩnare yiyuju Jesús.

“Yure sīaruarāma”, Jesús i yigotibabore queti

(Mt 17.22-23; Lc 9.43-45)

³⁰⁻³¹ Cesarea de Filipo ñar'i, vacu, Galilea sitare i buerimasare ũmato rētoasuju Jesús. Jājarā masa ĩna ajisere bojabesuju, i buerimasare goticudigu ĩnari. Ado bajiro ĩnare gotiyuju:

—Yure Dios i roticōacacure masare ĩsirocarucami sīgū. To bajiro i yijama, yure sīaruarāma ĩna. Yure ĩna sīaboajaquēne, idiarūmu tusatirūmune quēna tudicaticoarucuja yā —ĩnare yiyuju Jesús.

³² To bajiro ĩnare i gotisere ajimasibesujarā i buerā. To bajirā ñaboarine, ĩre sēñiñabesujarā, ĩre gūirā ĩnari.

“¿Ñimujua ñagūti ñamasugū ñarocu?”, Jesús buerimasa ĩna gāmerā yire queti

(Mt 18.1-5; Lc 9.46-48)

³³ Capernaum vāme cuti macaju ĩnare ũmato vasuju Jesús. To bajivana, “¿Ñimujua ñagūti ñamasugū ñarocu?”, gāmerā yī vasujarā Jesús buerimasa. To bajiro ĩna yī vare ñajare, ĩna yā vijā sājaejacōari, ado bajiro ĩnare sēñiñaju Jesús:

—Maa vana, ¿no bajise gāmerā oca josa vadi ma? —ĩnare yiyuju.

³⁴ To bajiro i yisēñiasere ajiboarine, cudibesujarā ĩna, “¿Ñimujua ñagūti ñamasugū ñarocu?” gāmerā yī oca josa vadirirā ĩnari. ³⁵ ĩna cudibetire, ĩa, ejarūjucoasuju Jesús. To bajicōari, i buerimasare, juaāmo cōro, gūbo jua jēnituarirācu ñarāre jirēñuju. To bajiro yicōari, ado bajiro ĩnare gotiyuju:

—No bojagu ñamasugū i ñaruajama, “Ñamasugū me ñaja yā” yituoĩacōari, masa jedirore moabosarucami —ĩnare yiyuju Jesús.

³⁶ To yigune, sīgū daquegure jicōari, ĩna rījorojua ĩre āmijeoyuju Jesús. To yicōari, ado bajiro ĩnare gotiyuju:

³⁷ —Āni daquagu, “Ñamasugū me ñaja yā” i yituoĩarore bajiro tuoĩarāma, Ũjā Dios yarā ñamasurā ñaama. To bajiro ti bajijare, āni daquegure bajiro tuoĩarāre, gājerā tū ĩna ejaro, quēnaro ĩnare yirāma, yurene quēnaro yirā yirāma. To yicōari, yure quēnaro yirāma, yure cōacacure quēne, quēnaro yirā yirāma —ĩnare yiyuju Jesús.

“Yure ajitirānucōari, mani yise ũnire yiguma, mani rācagu ñagūmi”, Jesús i yire queti

(Mt 10.42; Lc 9.49-50)

³⁸ Ado bajiro Jesúre gotiyuju Juan:

—Gotimasiorimasu, masa usuriyu sãñarãre vãtiare bureagure ìamu yua. “Jesúre ajitirũnũgũ ñari, ado bajise muare rotimasiaja yu: ‘Budiya’”, yĩñaami, vãtiare bureagu. Mani rãcagu me ì ñajare, “Tire yibesa”, ìre yibu yua —Jesúre yigotiyuju Juan.

³⁹ To ì yisere ajicõari, ado bajiro ìre yiyuju Jesús:

—“Tire yibeticoãña”, ìre yibeja. Quẽnaro yirimi. No bojagu yure rucubucõari, ìaĩñaamani ì yiloro bero, rojose yure ñagõbecumi. ⁴⁰ No bojagu yure ajitirũnucõari, mani yise ùnire yiguma, mani rãcagu ñagũmi. ⁴¹ Riojo muare gotiaja yu. Yure ajisuyarã ñamasurã me ìna ñaboajaquẽne, yure ajitirũnurã mua ñajare, quẽnaro muare yirã, to bajiro ìna yise vaja, vaja bujaruarãma ìna, Dios taju —Ìnare yiyuju Jesús.

“Mua suorine gãjerã rojose ìna yijama, gũiose ñaja”, Jesús ì yigotimasiore queti

(Mt 18.6-7; Lc 17.1-2)

⁴² Quẽna ado bajiro ì buerimasare gotiyuju Jesús:

—Àni daquegure bajiro tuoĩarãre, yure ajitirũnurãre rojose ìna ùmato yijama, buto rojose tãmuoruarãma. Rojose ìnare ìna ùmato yiroto rĩjoro, tocãrãcurene ìna ãmuriyure gãta jairica siatucõari, riaga ãcuaroju ìnare rearoderuucõajama, rojose tãmuobetibusaborãma —Ìnare yiyuju Jesús.

“Buto mua maise ti ñaboajaquẽne, ti suorine Dios ì bojabeti mua yijama, tire reacõaña”, Jesús ì yire queti

(Mt 18.8-9)

⁴³ “Rẽtoro rojose tãmuorobe” yirã, rojose mua yisere yitujaya mua” yigu, ado bajiro ìnare gotiyuju Jesús:

—“Yu ãmo suorine rojose yibu yu” mua yituoĩamasijama, jatarocaya. Muare cojo ãmo ti manijama, quẽnabetoja. To bajiboarine, juaãmo rãca mua bajireajama, jeame yatibetimeju mua vajama, rẽtobusaro quẽnabetiruaroja. ⁴⁴ Toju ìna rujurire becoa batujabetiruarãma. To yicõari, jeamere yarocu quẽne magũmi. ⁴⁵ “Yu gubo suorine rojose yibu yu” mua yituoĩamasijama, jatarocaya. Muare cojo gubo ti manijama, quẽnabetoja. To bajiboarine, jua gubo rãca mua bajireajama, jeame yatibetimeju mua vajama, rẽtobusaro quẽnabetiruaroja. ⁴⁶ Toju ìna rujurire becoa batujabetiruarãma. To yicõari, jeamere yarocu quẽne magũmi. ⁴⁷ “Yu cajea suorine ìbojacõari, rojose yibu yu” mua yituoĩamasijama, tiare ãmirocacõaña. Coja cajea muare ti manijama, quẽnabetoja. To bajiboarine, juaune caje cuticõari, mua bajireajama, jeame yatibetimeju mua vajama, rẽtobusaro quẽnabetiruaroja. ⁴⁸ Toju ìna rujurire becoa batujabetiruarãma. To yicõari, jeamere yarocu quẽne magũmi. ^h

⁴⁹ “Rojose ñaja” yimasiboarine, rojose mua yijama, quẽnabetoja. To bajiri, “Rojose yibetiruarãja”, yituoĩacõa ñarũgũña mua. Rojose yiterã ñari, buto mua bojase ti ñaboajaquẽne, tire mua yibetijama, butobusa Diore ajitirũnurã ñaruarãja mua. To bajiro mua bajirotire bojagumi Dios.

⁵⁰ Moa ñaja bare sãre. Mua barotire vaibucu rii catisere cũrãma, moa turãja mua, “Boarobe” yirã. Moa ti ocaboase ti ocabeticoajama, “Quẽna tudicato” yirã, no bajiro yimasimenaja mua. Moa ocabetire bajiro bajiaja sũgũri. Ìna suorine quẽnaro yimasibeami Dios. Moa ocaturabetijure bajiro bajiya mua. To bajiro bajirã mua ñajama, mua suorine quẽnaro yimasigũmi Dios. Yure mua ajitirũnũ tujabetijama, rojose yibetibusaruarãma gãjerã. Gãjerã quẽnaro mua yisere ìacõari, muare bajiro quẽnaro yiruarãma ìna quẽne. To bajiro bajirã ñari, quẽnaro gãmerã yĩñaña —Ì buerimasare yiyuju Jesús.

10

“Mua manajoare reabetiroti ñaja”, Jesús ì yire queti

(Mt 19.1-12; Lc 16.18)

¹ Capernaum ñarĩ, Judea sitaju ì buerimasare ùmato vasuju Jesús. To eja, Jordán vãme cutirisa jẽa, to boejuaju jãjarã masa ì rãca rẽjañujarã quẽna. Toju ìnare gotimasioñuju, ì yirũgũriarore bajirone. ² To ìnare ì gotimasio ñarone, ì tu ejayujarã fariseo masa. Ejacõari, “Cudimasibeticõari, rojose tãmuoato” yirã, ado bajise ìre sẽnĩatoyujarã ìna:

—¿Sĩgũ ì manajore ì rocajama, quẽnacõati? —Ìre yisẽnĩañujarã.

³ To bajiro ìre ìna yisẽnĩasere ajicõari, ado bajiro ìnare cudiyuju ì:

—¿No bajise rotimasioñujari Moisés? —Ìnare yiyuju.

⁴ To ì yisere ajicõari, ado bajiro cudiyujarã ìna:

—Ado bajiro rotimasioñuju: “No bojagu ì manajore ì rocaruajama, ‘Mure rocagu yaja’ yise pãpera ucacõari, ìsiroti ñaja”, yimasioñuja Moisére Dios ì roticũmasire —Jesúre yicudiyujarã fariseo masa.

^h 9:48 gotise, “Toju varona, buto rojose tãmuotujabetiruarãma” yire ùni ñaja.

⁵ To ña yirone, ado bajiro yiyuju Jesús:

—Diore ajiterā ña ñajare, “Butobusa ña manajoare rojose yiroma” yigu, manajoa reare beobetimasifñuju Moisés ñamasir’i. ⁶ “Rëmoju ñmure, rōmiore rujeomasifñuju Dios”, yigotiaja Dios oca. ⁷⁻⁸ To yicōari, gajeju ado bajiro gotiaja Dios oca: “Ëmñ, rōmio ñ rujeore ti ñajare, ñmñjua, manajo cutigu ñ jacuare ñnare cāmotadicoarucumi. Manajo cuticōari, juarā ñaboarine, sīgñ rujure bajirone ñaruarāma”, yigotiaja Dios oca. ⁹ “To bajiruarāma” Dios ñ yimasire ñajare, mña manajoare reabetiroti ñaja —ñnare yiyuju Jesús.

¹⁰ To ñ yiro bero, viju ñacōari, to bajiro ñ gotisere sēñiñajuarā ñ buerimasa. ¹¹ To ña yijare, ado bajiro ñnare cadiyuju Jesús:

—Ñ manajore rocacōari, gajeo ñ manajo cutijama, Dios ñ ñajama, ñ manajo masu me ñagōmo. Sore ajerio cutigu yigumi. ¹² To bajirone bajaia rōmiore quēne. So manajure rocacōari, gājire so manaju cutijama, so manaju masu me ñagūmi, Dios ñ ñajama. Ñre ajeri cutigo yigomo —ñnare yiyuju Jesús.

Rīamasare Jesús ñ ñubuejeore queti

(Mt 19.13-15; Lc 18.15-17)

¹³ Jesús taju rīamasacare juajeyujuarā masa, “Ñ ñmori ñujeocōari, Diore ñnare sēñibosato ñ” yirā. Ña juaejasere ñacōari, ado bajiro ñnare yiyujarā ñ buerimasa:

—ñjadibesal! Gōjanabioro yaja mña —ñnare yiyujarā.

¹⁴ To ña yisere ñajūnisinigūne, ado bajiro ñnare gotiyuju Jesújua:

—Rīamasare ñnare matabesa. Ñnare bajiro tuoñarā ñaama Ëju Dios yarā quēnaro ñ yirā. ¹⁵ Riojo mñare gotiaja yu. Rīamasa ña yiecorore bajiro quēnaro yiecorā ñaama Ëju Dios yarā —ñ buerimasa yiyuju Jesús.

¹⁶ To ñnare yigotigajanocōari, rīamasare ñ ñmori ñujeocōari, Diore ñnare sēñibosayuju.

Gajeyēñi jaigñ, Jesúre ñ sēñiñare queti

(Mt 19.16-30; Lc 18.18-30)

¹⁷ Quēna Jesús varūtu vacu ñ bajirone, sīgñ, ñmaejayuju. Ejacōari, ñ rījorojua gusomuniari tuetugane, ado bajiro Jesúre ñre sēñiñajuju:

—Gotimasiormasa, quēnagū ñaja mña. Yu rijato beroju “Tudirijabeticōato” yigu, Dios ñ catisere yure ñ isisere yu bojajama, ñno bajiro yiroti ñati yure? —Ñre yiyuju.

¹⁸ To ñ yisere ajicōari, ado bajiro ñre cadiyuju:

—ñNo yigu, “Quēnagū ñaja mña, yure yati mña? Dios sīgñe ñaami quēnagūma. ¹⁹ Mñ rijato beroju “Tudirijabeticōato” yigu, Dios ñ catisere mñ bujaruajama, Dios ñ rotimasirere cadiroti ñaja. Tire masiaja mña. Dios ñ rotimasire yu yijama, ado bajise yimasirere yaja yu: “Sīabesa. Gāji manajo rāca ajerio cutibesa. Juarudibesa. Socane, ‘Rojose yimi’ yigotiyirobesa. Gājerāre yitobesa, ‘Ña ye cuogusa’ yigu. Mñ jacuare, mñ jacore quēne quēnaro ñnare rucubuoja”, yigotiaja Dios ñ rotimasire —Ñre yiyuju.

²⁰ To ñ yisere ajicōari, ado bajiro yicadiyuju:

—Daquegūjñe tire cudisuoadimasicaju yu —Ñre yicadiyuju.

²¹ To ñ yisere ajicōari, ñre ñamñifñuju Jesús. To bajiri, ado bajiro ñre gotiyuju:

—Cojo vāme ruajaja mñ yiroti, mñ rijato beroju “Tudirijabeticōato” yigu, Dios ñ catisere mñ bujaruajama: Jediro mñ cuosere gājerāre ñsijeocōañ. To yicōari, ti vaja mñ bujasere maioro bajirāre ñsima. To bajiro mñ yijama, ñ vecaju Dios ñ ñaroju quēnase bujarucuja mñ. To bajiro yigajanocōari, yure ajisuyaya —Ñre yiyuju Jesús.

²² To ñ yigu, buto sutiriti vacoasuju ñ, gajeyēñi jaigñ ñari, tire maigñ.

²³ To yigajanogūne, ñ buerimasa ñacōari, ado bajiro gotiyuju Jesús:

—Gajeyēñi jairārema, yure ña suyarua tuoñaboajama, buto josaruaroja ñnare. To bajicōari, yirēto ecobosabetiruarāma —ñnare yiyuju Jesús.

²⁴⁻²⁵ To bajiro ñ yisere ajicōari, no yimasibesujarā ñ buerimasa, ti ñnare ajibetirūgūrā ñari. To bajiri quēna ñnare gotirēmoñujarā Jesús:

—Yu buerā, ajija. No bojarā, yure ña suyarua tuoñaboajama, buto josaruaroja ñnare. To bajiboarine butobusa josaruaroja gajeyēñi jairārema. Vaibucu camello vāme cutigu, gājijota gojeacare sājareto budimasibecumi. To bajirone bajaia gajeyēñi jairāre quēne, yure ña ajitirūna suyaraboajama. To bajiro ña bajijare, yirēto ecobosabetiruarāma —ñnare yiyuju Jesús.

²⁶ To bajiro ñnare ñ gotisere ajicōari, no yimasibesujarā ña. To bajiri ado bajiro ñre sēñiñarēmoñujarā:

—Riojo mñ gotijama, ñno bajiro bajirājua Dios tujare ejaruarāda? —Ñre yiyujarā.

²⁷ To ña yirone, ñnare ñacōari, ado bajiro ñnare gotiyuju Jesújua:

—Ña masune ejamasimenama masa, Dios tujare. Diojua, ñajediro yimasijeocōami. Ñiejua josase maja, ñrema. ñ suorine ñ taju ejamasire ñaja —ñnare yiyuju Jesús.

²⁸ To ĩ yisere ajicōari, ado bajiro ĩre yiyuju Pedro:

—Jediro yua gajeyēnīre cūcōari, mure sayacaju yua —ĩre yiyuju.

²⁹⁻³⁰ To ĩ yisere ajicōari, ado bajiro ĩre cūdiyuju Jesús:

—Riojo muare gotiaja yu. No bojarā yure ajitirānūrā ĩari, yu ocare gotiroana, ĩna ya vi, ĩna yarā, ĩna jacua, ĩna rīa, to yicōari ĩna ya veserire quēne, ĩna maise ĩaro cōro ĩna vaveojama, ĩna cuobore rētoabusaro quēnase bujaruārāma ĩna, adi macarucurore. Yure ajitirānūrā ĩari, rojose tāmūrā ĩaboarine, ado bajiro quēnaro ĩnare yirucumi Dios: Jairo viri, jairo veserī, jājarā yarā cuti, to yicōari jājarā rīa cutireayere ĩsirucumi Dios. To yicōari, “ĩna rijato berojuma tudirijabeticōato” yigu, ĩ catisere ĩnare ĩsirucumi. ³¹ To bajiboarine, adire quēne quēnaro tuoīāna mua: Ado bajiro mua tuoīarore bajirone tuoīaboarāma: “Dios ĩ bojase yirā rētoro Dios ĩ bojase yirā ĩari, ĩamasurā ĩaja yua. To bajiri, ō vecajure quēne ĩamasurā ĩari, quēnase bujaruārāja”, yituoīaboarāma. To bajiro yirā ĩari, gājerāre ĩacōari, “ĩna ya vi, ĩna yarā, ĩna jacua, ĩna rīa, to yicōari ĩna ya veserire vaveomena ĩari, ĩamasurā me ĩaama. To bajiri, ō vecajure quēnase mojoroaca bujarona ĩaama”, yituoīaboarāma. To bajiro me bajiruaroja. Adoju ĩamasurā, ō vecajuarema ĩamasumena ĩaruārāma ĩna. Adi macarucuroju ĩamasumena, ō vecajuarema ĩamasurā ĩaruārāma —ĩnare yiyuju Jesús.

“Yure śiaruārāma”, Jesús ĩ yigotitusare queti

(Mt 20.17-19; Lc 18.31-34)

³² ĩ buerimasa, Jerusalēnju Jesús ĩnare ĩ ūmato varūtu vajare, “Ujarā ĩre ĩaterā ĩna ĩaroju ĩ vasere gūibeticōami Jesús”, ĩre yituoīa vasujarā ĩna. ĩnajuama, ĩre sayarā, buto gūiyujarā. To ĩna bajirone, juaāmo cōro, gubo jua jēnituarirācu ĩarāre ĩ buerāre ricatī ĩnare jicāmotocōari, ado bajiro ĩnare gotiyuju:

³³ —Quēnaro ajiya mua. Jerusalēnju vana bajaiaja mani. Toju mani ejaro, Dios ĩ roticōacacure, sīgū yure ĩsirocarucumi, paia ujarāre, to yicōari, Dios ĩ rotimasire gotimasiorimasare. ĩnaju, “ĩre śiaroti ĩaja”, yure yiruārāma. To yicōari, romano masare yure ĩsiruārāma. ³⁴ To ĩna yijare, yure ajatud'irā, gooco yure eoreatucōari, bajeruārāma ĩna. To yicōari yucātēroju yure jajurocacōaruārāma. Yure jajurocacōari, yujeboaruārāma. To ĩna yiboajaquēne, yure ĩna śiarirāmu bero, idiarāmu tsatirāmunē tudicatioarucuja yu quēna —ĩnare yiyuju Jesús.

Santiago mesa Jesúre ĩna sēnīre queti

(Mt 20.20-28)

³⁵ To ĩ yiro bero, Zebedeo rīa, Santiago, to yicōari Juan, Jesúrāca ĩagōrā ejayujarā ĩna. Ejacōari, ado bajiro ĩre sēniñujarā:

—Gotimasiorimasa, “Ado bajiro yuare ejarēmōña” mure yua yisēnisere, mu cudise bojaja yua —ĩre yiyujarā ĩna.

³⁶ To bajiro ĩna yisere ajicōari,

—¿No bajiro muare yu yibosasere bojati mua? —ĩnare yiyuju Jesús.

³⁷ To ĩ yijare, ado bajiro ĩre yiyujarā ĩna:

—“Najediro uju ĩaja yu” yilōcōari, mu rotisiorirodo ti ejaro, ado bajiro yuare mu ūmato rujirotire bojaja yua: Sīgū mu riojojacatua, gājire mu gācojacatua yuare ūmato rujirucuja mu, mu rotirore bajirone yua rotimasiorire yigu —ĩre yiyujarā.

³⁸ To bajiro ĩre ĩna yisēniboajaquēne, ado bajiro ĩnare cūdiyuju Jesús:

—Tuoīamasimenane, yure sēniboaja mua. Yu rāca mua rotiruajama, ¿mua quēne yure bajirone rojose tāmūrātique mua? —ĩnare yiyuju.

³⁹ To bajiro ĩnare ĩ yirone,

—Bajicōarāja —ĩre yicūdiyujarā.

To bajiro ĩna cudise ĩajare, ado bajiro yiyuju Jesús:

—Riojo muare gotiaja yu. Mua quēne, yu tāmūrotire bajiro rojose tāmūruārāja. ⁴⁰ To bajiro mua bajiboajaquēne, yu riojojacatua, yu gācojacatua muare rojomasibecuja yu. “ĩna ĩaruārāma yu macu tu rujirona” yu jacu ĩ yicana rīne rujiruārāma —ĩnare yiyuju.

⁴¹ Jesús buerimasa juaāmo cōro ĩarā ĩna ajibetone, “To bajiro bojaja yua” ĩna yisere ajicōari, jūnisiniñujarā ĩna. ⁴² To bajiro ĩna bajijare, ĩna jedirore jirēocōari, ado bajiro gotiyuju Jesús:

—Ujarā, Dios yarā me ĩarā, ĩna yarāre buto tutuaro rotirāma ĩna. Tire masiaja mua. ⁴³ Muama, yu yarā ĩari, ĩnare bajiro bajibetiruārāja. Yure ajitirānūrā, ĩamasurā ĩaruārāma, gājerā ĩna bojase masicōari, quēnaro ĩnare yiejarēmōrā. ⁴⁴ To bajiri ĩamasurā mua ĩaruajama, gājerāre moabosaruārāja mua. ⁴⁵ Dios ĩ roticōacacu quēne, to bajirone yaja yu. “Gājerā yu bojasejare masicōari, quēnaro yure yato ĩna” yigu me vadicaia yu. “ĩna bojase masicōari, quēnaro ĩnare yirucuja” yigu vadicaia yu. To yicōari, jājarā rojose ĩna yisere Dios ĩ masiriorire ĩnare vaja yibosaguagu vadicaia yu —ĩnare yiyuju Jesús.

Caje ĩabecu Bartimeo vāme cutigure Jesús ĩ ĩarotire queti
(Mt 20.29-34; Lc 18.35-43)

⁴⁶ Jericó vāme cuti maca ĩacōari, ĩna vatone, jājarā masa ĩnare suyasujarā, Jesúre ĩarā. Toju ĩna vatone, ĩabecu, Bartimeo vāme cutigu rujiyuju, maa tu. Timeo macu ĩñañuju ĩ. Maioro bajigu ĩnari, ĩ barotire, to yicōari, gajeyēñiaca ĩ ĩarotire tuoĭagū, gājo sēnirujiyuju. ⁴⁷ “Jesús, Nazaret macagu rētoacu yami” masa ĩna yisere ajicōari, ado bajiro ĩre jiavasāñuju:

—Jesús, Uju David ĩamasir'i jānami, “Rotimūorūgōrucumi” yigu, Dios ĩ cōar'i ĩaja mu. Yure ĩamaiña mu —yivasāñuju ĩ.

⁴⁸ To bajiro ĩ yivasārone,

—ĭAvasābesa! —ĩre yiyujarā masa.

To bajiro ĩna yiboajaquēne, butobusa avasāñuju quēna:

—Uju David ĩamasir'i jānami “Rotimūorūgōrucumi” yigu, Dios ĩ cōar'i ĩaja mu. Yure ĩamaiña

—Jesúre ĩre yivasāñuju.

⁴⁹ To ĩ yisere ajicōari, tujarāgūñuju Jesús. To bajicōari,

—ĩre jiya mu —masare ĩnare yiyuju.

To ĩ yijare, ĩabecure jiyujarā ĩna:

—Variquēnaña. Vūmūgūña. Mure jiami Jesús —ĩre yiyujarā, ĩabecure.

⁵⁰ To bajiro ĩna yisere ajicōari, ĩ sudiro joeadore vearocacōañuju, “Guaro vatimāgūsa” yigu.

To yicōa, vūmūgū vasuju ĩ, Jesús tuju. ⁵¹ ĩ ejasere ĩacōari, ado bajiro ĩre yiyuju Jesús:

—ĭNo bajiro mure yu yisere bojati mu? —ĩre yiyuju, caje ĩabecure.

To ĩ yijare, ado bajiro ĩre yicūdiyuju:

—Gotimasiogū, yu tudīiarotire mu ejarēmosere bojaja yu —ĩre yiyuju caje ĩabecu.

⁵² To bajiro ĩ yisere ajicōari, ado bajiro ĩre yiyuju Jesús:

—Vasa mu. “Yure ĩamaicōari, ĩarotirucumi” yure yituoĭagū ĩnari, ĩacoaju mu yuja. ĩne rojose maja mure yuja —ĩre yiyuju Jesús.

To bajiro ĩ yirirīmarone, caje ĩabecu ĩaboar'i, ĩacoasuju ĩ yuja. ĩacōari, ĩ quēne Jesúre suyacoasuju.

11

“‘Rotimūorūgōrucumi’ yigu, Dios ĩ cōagū ĩaja yu” yīlogū, Jerusalénju Jesús ĩ ejare queti
(Mt 21.1-11; Lc 19.28-40; Jn 12.12-19)

¹⁻² Jerusalén cōñana, Betfagé, Betania vāme cuti macari tuju ejayujarā ĩna. Ti macari tujare Olivo vāme cuti buro ĩñañuju ti. Ti buroju ejaguagune, juarā ĩ buerāre ado bajiro ĩnare gotiyuju Jesús:

—Mani varoto riojo ĩarimacare vasa maji. Toju ejacōari, burro macu ĩna siaturūgōr'ire bujaruarāja mu, jesaĭañamagūre. ĩre ōjacōari, yure āmiadibosaba. ³ Ti macagu, mu ōjaro ĩacōari, “ĭNo yirā ĩre ōjati mu?” muare ĩ yisēñijama, “Mani uju ĩre bojami. No cōro mene tuoōarucumi quēna”, ĩre yicūdiba —ĩnare yiyuju Jesús.

⁴⁻⁵ To ĩ yisere ajicōari, vasujarā ĩna. To ejacōari, maa tu ĩnarivi soje ture ĩna siaturūgōr'ire ĩabujayujarā. ĩabujacōari, ĩre ĩna ōjarone,

—ĭNo yirā ĩre ōjati mu? —yisēñiñujarā ĩna, burro ujarā.

⁶ To ĩna yisēñiase ĩnjare, Jesús ĩnare ĩ cūdirotiriaro bajirone cūdiyujarā ĩna. To ĩna yirone, ĩnare varotiyujarā burro ujarājua. ⁷ To ĩna yijare, burro macu āmivasujarā, Jesús tuju. To yicōari, ĩna ye sudi joeayere vejecōari, burro macu joere jeoyujarā. To ĩna yirone, vajejayuju Jesús. ⁸ Jājarā masa ĩñañujarā. ĩna ye sudi joeayere vejecōari, ĩ varotijure cū rījoro cutiyujarā. “Yu uju ĩaja mu” yirā, to bajiro yiyujarā, Jesúre rūcūborā. Gājerā yucū rujari jasurecōari, maare cū rījoro cutiyujarā. ⁹ To yicōari, “‘Rotimūorūgōrucumi’ yigu, Dios ĩ cōagū ĩaja yu’ yīlōcōari, rotisūorucumi yuja” Jesúre ĩre yituoĭarā ĩnari, buto variquēnañujarā ĩna. ĩre rījoro cuti vana, ĩre suyārā quēne, ĩre ĩavariquēnarā, ado bajiro avasā vasujarā:

—ĭ“Rotimūorūgōrucumi” yigu, Dios ĩ cōar'i ĩnami! ĩquēnase ĩre yivariquēnato mani! ĩDiore rotibosagu quēnaro ĩ yigu ĩnami! ¹⁰ ĩUju David ĩamasir'i jānami ĩ rotirirodo, “Quēnarirodo ĩnararoja” Dios ĩ yiriarodo ejaroado yaja! ĩDiore quēne, quēnase ĩre yivariquēnato mani, āni yua ujure ĩ cōajare! —yivasā vasujarā ĩna.

¹¹ To bajiro ĩna yi vato rīne, Jerusalénju ejayuju Jesús. Ejacōari, Diore yirūcūboriavire sājañuju. Sājaejacōari, jediro ĩabatojeocōari bero, “Rāioato bajajaja” yigu, ĩ buerimasa juaāmo cōro, gubo jua jēnituarirācu ĩnarē ūmato tudiasuju, Betania macaju.

Higuera vāme cutiure, “Juaji rica cutibetiraroja”, Jesús ĩ yire queti
(Mt 21.18-19)

¹² Gajeramu Betania maca ĩnabo, ĩ buerimasare ūmato vacu, ĩnoriyayuju Jesús. ¹³ To bajivacune, sōjane higuera vāme cutiure ĩabujacōañuju Jesús. Quēnaro jū cutiyuju. Ti ricare

barã ojaboayuju. Rica mañuju, tiñjuma. Jũ rĩne ñañuju. Rica mañuju, rica cutirodo me ñajare. ¹⁴ To bajiro tiare ado bajiro yiyuju Jesús:

—Juaji rica maniucaruarãja mua —tiare yiyuju ñ.

To bajiro ñ yisere ajiyujarã ña, ñ buerimasa.¹

Diore yirũcuburiaviju ñacõari, gajeyeũni ñsiriavire bajiro ña yĩñajare, Jesũs ñnare ñ tud'ĩagõbure queti

(Mt 21.12-17; Lc 19.45-48; Jn 2.13-22)

¹⁵ To bajiro ñ yiro bero, varũtu ejacoasujarã, Jerusalénju. Ti macajũ ejacõari, Diore yirũcuburiaviju sãjañujarã. Ti viju gajeyeũni ñsirãre, ñnare vaja yirãre quẽne, tud'ĩagõbuyuju Jesús. Gãjerã ye rãca gãjoa vasoarimasa ña gãjoa jeorijaurire tujuareayuju. To yicõari, buja ñsirimasa ña rujiri cũmurire tucaguereayuju. ¹⁶ To yicõari, Diore rũcuburiaviju gajeyeũni no bojasere masa jedirore juarotibesuju. ¹⁷ To yicõari, ado bajiro ñnare gotiyuju:

—Diore gotirẽtobosarimasa ña ucamasire ado bajiro gotiaja: “Yũ ya vima, masa jediro yure sãnirũcuburã rẽjariavi ñnaruaroja”, yigotiaja, adi vire. To bajiro Dios ñ yimasire ti ñabojaquẽne, ado bajiro mua yĩñase suorine juarudirimasa ya vire bajiro bajaia ti —ñnare yiyuju Jesús.

¹⁸ Ti viju Diore yirũcuburiaviju ñañujarã paia ujarã, Dios ñ rotimasire gotimasiorimasa quẽne. To bajiro Jesús ñ yisere ñacõari, “¿No bajiro yicõari, ñre sãrãti mani?”, gãmerã yĩñagõñañujarã ña, ñre gũirã ñari, ñ gotimasiosere ajicõari, jãjarã masa ña ajirũcuburã ñajare. ¹⁹ ñnare gotimasioacõari bero, ti rãioatone, ñ buerimasare ñmato vacoasuju Jesús.

Higuera rica mani ti sñire queti

(Mt 21.20-22)

²⁰ Gajerãma busuriju jẽju quẽna mua vana higuera vãme cutiũ, “Rica maniucaruarãja mua” Jesũs ñ yiriũ tũre ejayujarã ña. To ejacõari, higuera sñiar'ire ñañujarã. Ti ñemari quẽne sñinjedicoasuju ti. ²¹ To cõrone Jesũs ñ ñagõrere tuoĩabujacõari, gotiyuju Pedro:

—Gotimasiorimasa, ña. Higuera vãme cutiũ, “Juaji rica maniucaruarãja mua” mua yimasirica sñirocacoasuja ti —Jesũre yiyuju.

²² To ñ yisere ajicõari, ado bajiro ñ buerimasare gotiyuju Jesús:

—“Dios ñ ejarẽmose rãca yimasioacõarãja”, yitũoĩa mua. ²³ Riojo mua gotiaja yũ. No bojagu yure ajitirũngũ, ñ burore, “Moa riagaju mua masune rocaroacoasa” ñ yijama, to bajirone bajiruaroja, “Dios ñ ejarẽmose rãca yimasioacõagũja” ñ yitũoĩa tũjabetijama. ²⁴ “Yũ sãnijama, yure ñsioacõagũmi” yitũoĩacõari, Diore mua sãnijama, mua ñsiracũmi, ñnare yiyuju. ²⁵ Diore sãnirã, mua rojose yirãre mua masiriojama, mani jacũ õ vecagu rojose mua yisere masirioracũmi ñ quẽne. ²⁶ Gãjerãre rojose ña yisere mua masiriobetijama, mani jacũ quẽne rojose mua yisere masiriobetiracũmi —ñnare yiyuju Jesús, ñ buerãre.

“¿Ñĩmu mũre ñ rotise rãca to bajiro yati mu?”, Jesũre ña yisẽniũre queti

(Mt 21.23-27; Lc 20.1-8)

²⁷ To ñ yiro bero, Jerusalénju ejayujarã quẽna Jesũrãca. To bajicõari, Diore yirũcuburiaviju sãjañuju Jesús. Sãjaejacõari, ñ ñacudirone, ñ tũ ejarũgũñujarã paia ujarã, Dios ñ rotimasire gotimasiorimasa, to yicõari, bucũrã quẽne. ²⁸ Ejarãne, ado bajiro ñre sãnĩañujarã ña:

—¿Ñĩmu mũre ñ rotise rãca to bajiro yirũgũati mu? —ñre yisẽniñañujarã ña.

²⁹ To bajiro ña yisere ajicõari,

—Yũ quẽne, ado bajiro mua sãnĩaja yũ. Yure mua cãdicõaroju, “Ñ rotise rãca yaja yũ”, mua yirũcũja maji. ³⁰ ¿Ñĩmu rotiyujari, Juanre, “Oco rãca masare ñnare bautizacudiya” yigu? ¿Dios rotiyujari? ¿Masajua rotiyujarique? —ñnare yisẽniñañuju Jesús.

³¹ To ñ yisere ajicõari, ña masurione gãmerã ñagõñañujarã ña:

—“Dios, Juanre oco rãca bautizarotiyumi” mani yijama, ado bajiro manire sãnĩajacagumi: “Tire masirã ñaboarine, ¿no yirã ñre ajitirũnubeticati mua?” manire yisẽniñajacagumi. ³² To yicõari, “Masane, Juanre oco rãca bautizarotiriarãma” mani yijama, manire buto tud'iruarãma masa, “Diore gotirẽtobosarimasa ñaboacami Juan” yirã ñari —gãmerã yiyujarã ña. ³³ To bajiro gãmerã ñagõrã ñari, ado bajiro ñre cãdiyujarã ña:

—Juanre rotir'ire masibeaja yua —Jesũre yicõañujarã ña.

To ña yisere ajicõari, ado bajiro ñnare cãdiyuju Jesús:

—To bajiro mua cãdijare, “Ñ rotise rãca yaja yũ”, mua yigotibetiracũja yũ quẽne —ñnare yiyuju Jesús.

¹ **11:14** Higuera rica cutirodo me ñaboarine, rica cuticõari, ti jũ cutirũgũriarore bajiro ti bajijare, “Rica cutiroja” yigu, ñagũ vaboayuju Jesús.

12

“Jud’io masa ña ajitirñubeti ñajare, gājerājuare ujorucumi Dios” yigu, ñe moabosarimasa rojose yirā ña bajire rāca Jesús ñ gotimasiore queti
(Mt 21.33-46; Lc 20.9-19)

¹ Gotimasiore queti masare gotiyuju Jesús:

—Sīgū masu uye vese otegūmi. Tire otegajanocōari, matagūmi. To yicōari, uye oco juarotiju quēnogūmi. Tiju bero, vecaju ñacōari, ñ ñatirñujesarotiju quēnogūmi. To yigajanocōari, gājerāre, “Yure ñatirñubosaba”, yigūmi. “Uye ti rica cutiro, gājerāre ñicōari, vaja sēniruarāja. To yicōari, mua juajama, ‘Ado cōro ñaja mani ye. Ado cōro ñaja ñ ye’ yicōiama”, ñnare yigūmi. To yicōari, gajeroju vacoacumi yuja. ² To bajiri cojorāmu, “Uye rica cuti bacuatoja ti” yigu, ñe moabosarimasare cōagūmi, “Uye, yure ña cūbosarere yure juabosaya” yigu. ³ Uye veseju ñ ejarone, ñe ñacōari jarāma vese coderimasa. To yicōa, ñe uye ñsimenane, “Vasa”, yirāma ña. To bajiri uye juabecune tudiejagūmi, ñe roticōar’i tujū. ⁴ To bajiri uye ñ juabetire ñacōari, gāji ñe moabosarimasare cōagūmi quēna, vese uju, “Uye yure juabosagu vasa” yigu. Uye veseju ñ ejasere ñacōari, rujajine ñe yitud’icōari, ñe quēne jarāma ña. To bajiri ñ rujoaju cāmi cutigūmi ñ. To bajiro ñe yigajanocōari, uye ñsimenane, “Vasa”, ñe yirāma ña. ⁵ To bajiri uye ñ juabetire ñacōari, quēna gāji ñe moabosarimasare cōagūmi vese uju. ñe sīarāma. Bero, jājarābusa cōarūgūboagūmi vese uju. ñnare quēne to bajirone yirūgūrāma vese coderimasa. Sīgūrire buto jarāma. Gājerāre sīarāma ña.

⁶ ñnare ñ cōariaro bero, sīgū ruayagūmi yuja, ñ cōarocu. ñ ñagūmi ñ macu, ñ maigū. To bajiri, “Yu macujuare rācuboruarāma” yituoīagū, ñe cōaboagūmi. ⁷ To bajiro ñ yicōar’ire, veseju ñ ejasere ñacōari, ado bajiro gāmerā ñagōrāma vese coderimasa: “Adi vese uju macune ñaami. To bajiri ñ bajirocaveojama, ñe ñaami ñe vasoarocu. To bajiri ñe mani sīajama, mani ye sita ñaruaroja yuja”, gāmerā yīñagōrāma ña. ⁸ To bajiri vese sojuaju ñe ñia vati, ñe sīarocacōarāma ña —ñnare yiyuju Jesús.

⁹ To bajiro ñnare gotigajanocōari, ado bajiro ñnare gotiyuju quēna:

—¿Ti vese uju tudiejagu, no bajiro ñnare yigujari ñ, ti vese coderimasare? Ado bajiro yigūmi: Veseju vacōari, ti vese coderāre sīaracumi. To yicōari, gājerājuare coderotigūmi ñ, ti vesere — ñnare yiyuju Jesús.

¹⁰⁻¹¹ Gajeye ado bajiro gotirūtuasuju Jesús:

—“Uye vese uju macure rojorā ña sīarocarere bajirone viri buarimasa gūta ña beserocaria ñaboarine, ñamasurica ñaruaroja”, yigotiaja Dios oca masa ña ucamasire. ¿Tire ñabeticatique mua? Ado bajiro gotiaja:

“Gūta rāca vi quēnorimasa coja gūtare rocarāma ña. ña rocaria ñaboarine, gajea gūta rētoro quēnarica ñaruaroja tia. Tia gūta suorine quēnarivi quēnorucumi Dios. Tia manijama, quēnomasibetibogūmi. To bajiro bojugūmi Dios mani uju. To bajiri tia gūta suori Dios quēnaro ñ yisere ajimasicōari, buto tuoīa variquēnaja mani”, yigotiaja Dios oca masa ña ucamasire —ñnare yigotiyuju Jesús, paia ujarāre.ñ

¹² Jesús ñ gotimasiorese ajicōari, “Uye vese coderimasa ñ yijama, manirene yigu yami. To yicōari, gūtavi quēnorimasa ñ yijaquēne, manirene yami. ñe rojose mani yisere yigu yami”, yiajimasīñujarā ña. To bajiri Jesúre ñaruaboayujarā. To bajiboarine masare gūirā, ñe ñiabetesujarā. ñe ñaruaboa, vacoasujarā ña yuja.

“Ujarā, gājoa manire ña vaja yirotijama, ñnare ñsiroti ñaja”, Jesús ñ yigotire queti
(Mt 22.15-22; Lc 20.20-26)

¹³ Bero, fariseo masa, to yicōari, “Uju ñamasugū ñarucumi Herodes” yirūgūriarā, Jesús tu ña rācanare cōañujarā ña, “Ado bajiro josari mua sēñiñajama, cudimasibeticōari rojose tāmucumi Jesús” yirā. ¹⁴ To ña yicōariarā, ado bajiro Jesúre sēñiñajujarā ña:

—Ajiya gotimasioremasa. “Riojo gotiami”, mure yimasiaja yua. “Ado bajiro mani yisere bojugūmi Dios” yigotimasioḡū ñari, riojo yuare gotimasioaja mu. “Ado bajiro yu gotimasioajama, yure ajijūnisiniruarāma” yituoīabecune, riojo gotigu ñaja mu. “Ānoama, ñamasurā ña ñajare, ña ajijūnisinibeti vāmejuare ñnare gotimasiorecujaja”, yituoīabecu ñaja mu. Masa ñajedirore yuare riojo gotigu ñaja mu. To bajiro yigu mu ñajare, mu tuoīasere ajirñaja yua. ¿Roma macagu uju, César, gājoa manire ñ vaja yirotisere mani vaja yijama, quēnacōarolari? ¿Dios ñ rotimasirere cudimena yirājarique mani, ñe mani vaja yijama? — Jesúre yisēñiñaboayujarā ña.

¹⁵ Jesújuama, “Rojose yure yiruarā, to bajise yure sēñiñatoama ña”, yimasicōañuju. To bajiri ado bajiro ñnare yiyuju:

—¿No yirā, “Rojose ĩre yirāsa” yirā, to bajise yare sēñiatoati mua? —Īnare yiyuju Jesús.
 16—Gājoatii cojotii yare ĩoña —Īnare yiyuju Jesús.

To ĩ yijare, gājoatii ĩre ĩoñujarā. Gājoatiire ĩacōari, ado bajiro ĩnare sēñiñaju Jesús:

—¿Nimū rioga tuyati? ¿Nimū vāme tuyati? —Īnare yiyuju Jesús.

To ĩ yirone,

—Roma macagu ĩju Cēsar vāme cutigu rioga tuyaja. To yicōari, ĩ vāme quēne ñaja ti —Jesúre yicudiyujarā ĩna.

17 To ĩna yijare, ado bajise yiyuju Jesús:

—To bajiri aditiire ĩacōari, “Cēsar yatii ñaja”, yimasajaja mua. To bajiri ujarā ĩna vaja yirotijama, ĩnare vaja yiroti ñaja. To bajirone bajiaja Diore quēne. Jediro Dios ĩ cōase ti ñajare, “Yua cuose ti ñaboajaquēne, ti rāca mu bojarore bajiro yiruarāja”, Diore ĩre yiroti ñaja manire —Īnare yiyuju Jesús.

To bajiro ĩ yisere ajicōari, no yimasibesujarā ĩna, ĩre bajiro quēnaro gotigure ajibe-tirügüriarā ñari.

“¿Bajirearāma, tudicaticoanajari?”, Jesúre ĩna yisēñiatore queti

(Mt 22.23-33; Lc 20.27-40)

18-19 To bajicōari, saduceo masa quēne ejayujarā, Jesúre sēñiatorā. “Masa ĩna rijato bero, ĩna usuri, ĩna rujari ñaro cōrone quēna tudicatimenama” yirā ñañujarā saduceo masa. Ado bajiro ĩre sēñiñaju:

—Ajiya gotimasiorimasu. Moisés ñamasir'i ado bajiro ĩ yuucacūmasire ti ñajare, mure sēñiñarā vabu yua. “Sīgū, manajo cutiboa, rīa magūne ĩ bajirocajama, ĩ gagu manajo ñariore manajo cutirucumi ĩ bedijua. To bajiri ĩ rāca ñacōari, so macu cutijama, ĩ gagu macu ñarucumi”, yimasifūju Moisés. 20 Sīgū rīa cojomo cōro, jua jēnituarirācu ũmua ñaboacama. Sīgōrene manajo cutiboacama ĩna. Ñasogu sore manajo cutisuoacami. Rīa magūne rijacoacami ĩ. 21-22 ĩ rijato bero, gāji ĩ bedi vasoaboacami. ĩ quēne rīa magūne rijacoacami. ĩ bederā quēne, to bajirone sore manajo cutiboacama. Rīa manane, rijajedicoacama ĩna quēne. So manajua ĩna rijajediro bero, so quēne rijacoacamo yuja. 23 To bajiri bajireacōari, quēna ĩna tudicacijama, ¿ñimujua ñaguīda so manaju masu ñarocuma, ĩna ñaro cōrone sore ĩna manajo caticato bero? —Jesúre yisēñiatoyujarā ĩna.

24 To ĩna yirone, ado bajiro cadiyuju Jesús:

—Dios oca, masa ĩna ucamasire ajimasimena ñaja mua. Dios ĩ masisere quēne masirā me ñaja. To bajirā ñari, Moisés ĩ ucamasirere tuoīacōari, “Riojo me gotiro yaja”, yituoīaboaja mua. 25 Ado bajirojua bajiaja: Bajireariarā, ĩna tudicatio bero, manajo cutire, manaju cutire quēne maniruaraja. Ángel mesare bajiro bajirā ñaruarāma ĩna. 26 ¿“Masa ĩna bajirearo bero, ĩna usuri caticōaroja” yirere ĩabeticatique mua? ¿Yucūyoa ujariyoa vatoaju Dios Moisére ĩ ñagōmasirere ĩabeticatique? Dios masune ĩre ĩ gotimasirere ado bajiro ucamasifūmi Moisés: “Mua ñicua ñamasirarā Abraham, Isaac, Jacob, ĩna rucubuo vadimasicacane ñaja yu”, yigotimasifūmi Dios. 27 Masa bajireariarā ĩna usuri ti caticōa ñabetijama, to bajise yibetimasiborimi. Bajireariarā, quēna tudicatarājua ĩna rucubuo ñaami. “Īna usuri ti caticōa ñajare, bajireariarā ñaboarine, Diore rucubuo cōa ñarāma” yire ñaja. Buto mavisiaja mua —Īnare yiyuju Jesús.

Dios ĩ rotimasire ñamasuri vāmere Jesús ĩ gotire queti

(Mt 22.34-40)

28 Sīgū, Dios ĩ rotimasire gotimasiorimasu ejayuju. Ejacōari, Jesúrāca ĩna ñagōrore ajiñaju ĩ. To bajiri, “Quēnaro cadiami Jesús” yiajigu ñari, ĩre sēñiñaju ĩ:

—Dios ĩ rotimasire ñamasuse, ¿disejua ñati? —Īre yisēñiñaju ĩ.

29 To ĩ yisere ajicōari, ado bajiro cadiyuju Jesús:

—Dios ĩ rotimasire ñamasuse ado bajiro gotiaja: “Ajiya mua, Israel sitana. Dios sīgūne ñaami mani uju. 30 Mani ujure, Diore buto mairoti ñaja. No bojagure mani mairo rētoro, no bojase mani cuose, mani bojatuoīase, to yicōari mani moare cutise rētoro Diore mairoti ñaja”, yigotiaja Dios ĩ rotimasire ñamasuse. 31 To yicōari, gajeye ado bajiro gotiaja ti: “Mu masu rujare mu mairore bajirone mu tuanare maiña”, yigotiaja Dios ĩ rotimasire. Disejua gajeye Dios ĩ rotimasire rētoro ñamasuse maja —Īre yiyuju Jesús.

32 To bajiro ĩ yisere ajicōari, ado bajiro ĩre yiyuju Dios ĩ rotimasire gotimasiorimasu:

—To bajirone bajiaja. Riojo gotiaja mu. “Sīgūne ñaami Dios. ĩre bajiro bajigu gāji magūmi. 33 Mani ujure Diore buto mairoti ñaja. No bojagure mani mairo rētoro Diore mairoti ñaja, manire. No bojase mani cuose mani mairo rētoro Diore mairoti ñaja. Diore mairā ñari, mani tuoīase, mani yise, jediro quēnaro yiroti ñaja”, yaja. To yicōari, “Mani masu rujare mani mairore bajirone jedirore maiña”, yigotiaja Dios ĩ rotimasire. Gajeye Moisére Dios ĩ roticūmasiriarore bajirone vaibucurā ecariarāre śīacōari, Diore rucubuo rā, paire mani ĩsijama,

quēnaja. Gajeye no bojase Dios i rotimasiriarore bajiro paire mani isijama, quēnaja. To bajiboarine to bajiro yirā jediro mani isise rētohusaro quēnaja, Diore, to yicōari, masare quēne mani maijama —Jesúre yiyuju Dios i rotimasire gotimasiorimasa.

³⁴ To bajiro quēnaro i yisere ajicōari, ado bajiro ire yiyuju Jesús:

—Yu iajama, Dios yarā ire ina ajitirānāsere ajimasajaja mu. I yu quēnaro i yigu mu ñarujajama, ñamasajaja mu —ire yiyuju Jesús.

To bajiro Jesús i yiro bero, “Mani rētoro masigū ñaami” yituoīacōari, “‘Ānoama masimena ñaama’ yiro mi” yirā, ire sēñīa tujacoasujarā yuja. “Mani rētoro masigū ñaami Jesús” yituoīarā ñari, ire sēñīarēmobesujarā yuja.

“*‘Rotimuo rūgōrucumi’ yigu, Dios i cōarocu, ĩ ñimu ñarucumi, yituoīati mua?’*, Jesús i yisēñīare queti

(Mt 22.41-46; Lc 20.41-44)

³⁵⁻³⁶ Diore yirūcubūoriaviju masare gotimasio ñagūne, ado bajiro inare sēñīañuju Jesús:

—“‘Rotimuo rūgōrucumi’ yigu, Dios i cōarocu, masu ñarucumi. Uju David ñamasir’i jānamine ñarucumi”, yama Dios i rotimasire gotimasiorimasa. To bajiro ina yituoīaboajaquēne, Espiritu Santo i ejarēmose rāca yigu, Diore yigure bajiro, “yu uju” yimasīñujari Uju David ñamasir’i, i jānami i ñaboajaquēne, ado bajise i yiucajama:

“Yu ujure ado bajiro yirucumi Dios: ‘Yu riojojacatua rujiya maji. Mure iaterāre, “Rojose yitujaya” inare yu yiro bero, rojose yimasibetirāarāma yuja. To cōrone rotisuo rūcūja mu’ yirucumi Dios, yu ujure”, yiucomasiñumi David.

³⁷ To bajiri, “‘Rotimuo rūgōrucumi’ yigu, Dios i cōarocu, David ñamasir’i jānami ñarucumi” yiucomasire ti ñaboajaquēne, ĩno yigu i ujure bajiro bajigutique? —inare yiyuju Jesús.

To bajiro i yigotisere ajivariquēnañujarā jājarā masa.

“*Rojose tāmūoruarāma Dios i rotimasire gotimasiorimasa*”, Jesús i yire queti

(Mt 23.1-36; Lc 11.37-54; 20.45-47)

³⁸ Masare ado bajiro inare gotimasioñuju Jesús:

—Dios i rotimasire gotimasiorimasa bajiro bajibeja muama. Dios i rotimasire gotimasiorimasa, sudiro yoaquēnariase sãñacōari, masa ina iaro rījoro vacudi variquēnarāma ina. To yicōari, jājarā masa ina rējarūgūrīajurire ejarūgūrāma. Gāji inare i bocajama, rūcubūose rāca inare i sēnisere ajivariquēnarāma. Dios ocare ina buerivirijure quēne ñamasuri cūmurorire rūjavariquēnarāma. ³⁹ Boserūmari ti ñajaquēne, ina barujijama, ñamasuri cūmurorire rūjavariquēnarāma ina. ⁴⁰ Manajua rijaveoriarā ya virire ēmarā ñaboarine, masa ina iaro rījorojua, “‘Quēnaro yirā ñaama’ yīīato” yirā, “Yoaro Diore sēñirā yaja”, yisocarūgūboarāma ina. To bajiro ina yise vaja, gājerā rojorā, rojose ina tāmūose rētoro rojose tāmūoruarāma ina —masare inare yiyuju Jesús.

Manaju rijaveorio maioro bajigo ñaboarine, gājoa so säre queti

(Lc 21.1-4)

⁴¹ Diore yirūcubūoriaviju ñacōari, gājoa sãriaju riore rujiyuju Jesús. Rujicōari, jājarā masa tijure gājoa ina sãñasere iañuju. Gājoa jairā, jairo sãñujarā. ⁴² To ina yiñarone, sigō, manaju rijaveorio ejacōari, gājoati juatiine so sāsere iañuju. Mojoroaca vaja cutitiiri ñañuju ti. ⁴³ Tire so sãro iacōari, ado bajiro i buerimasare gotiyuju Jesús:

—Riojo muare gotiaja yu. Adio maioro bajigo, gājerā rētoro sãmo so. ⁴⁴ Gājoa jairā ina sãboajaquēne, jairo rūyacōaroja inarema. Soma, so cuose ñaro cōroacane sãcōamo —inare yiyuju Jesús.

13

“*Diore yirūcubūoriavi cagueroca ecoruaroja*”, Jesús i yire queti

(Mt 24.1-2; Lc 21.5-6)

¹ Diore yirūcubūoriaviju ñar’i, budiasuju Jesús i buerimasa rāca. To i ūmato bajirone, ado bajiro ire gotiyuju i buerimasa:

—iGotimasiorimasa, iañā! Quēnarivi ñaja. Gūta quēnase rāca quēnaro quēnoñuma ina —Jesúre ire yiyuju. ² To i yirone, ado bajiro ire cūdiyuju Jesús:

—Jairivi ti ñaboajaquēne, mua iarivi ñaro cōrone cagueroca ecoruaroja. To bajiri adi viaye gajea gūta joere gajea jesabeticōaruaroja —ire yiyuju Jesús.

“*Macarucuro ti jediroto rījoro ado bajiro bajiruaroja*”, Jesús i yire queti

(Mt 24.3-28; Lc 21.7-24; 17.22-24)

³⁻⁴ Tiju bero, Olivo vāme cuti buro joeju rujiyuju Jesús. Ti buro riojojua ñañuju Diore yirūcubūoriavi. To i rujirone, gājerā ina mano iacōari, i buerimasa, Pedro, Santiago, Juan, to yicōari Andrés, ado bajiro ire sēñīañujarā ina:

—¿Divato cagueroca ecoroti Diore yiracuburiavi? ¿No bajiro ti bajiro ñacõari, “Jesús ejaguagu yigumi”, yimasirãti yua? ¿No bajiro ti bajiro ñacõari, “Adi macarucuro jedioto yaja”, yimasirãti yua? —Jesúre yisēniñañarã ña.

⁵ To bajiro ña yisere ajicõari, ado bajiro ñare cadiyuju Jesús:

—Roorti ñaruarãja mua, “Socarãne, gãjerã manire yitoroma” yirã. ⁶ Jãjarã yitorã ñaruarãma, “Yune ñaja ‘Rotimorugõrucumi’ yigu, Dios ñ cõagũ” yirã. To bajiro ña yisocasere jãjarã masa ñare ajisuyaboaruarãma.

⁷ To bajicõari, mua tuana, to yicõari, gajeroana quẽne, gãjerã rãca ña gãmerã sãsere ajiruarãja mua. Tire ajicõari, guibetiruarãja mua. “Bajiruarõja” Dios ñ yiriarore bajirone bajiruarõja. To bajiro ña gãmerã yĩñabojaquẽne, adi macarucuro jediro me bajiruarõja. ⁸ Cojo sitana gaje sitana rãca gãmerã sãruarãma. Buto sita saberuaroja. To yicõari, cojo maca me ñionaruaroja. To bajiri, rojose tãmuosoruarãma masa. Ña tãmuose rëtoabusaro rojose tãmuoroana yirãma yuja. ⁹ Quẽnaro tuoĩama mua: Muare ñejecõari, Dios ocare ña buerivirijũ ujarã rĩjorojua muare juaãruarãma ña. Tojũ muare bajeruãrãma. To yicõari, yũ ocare mua gotimasiojare, macari ujarã rĩjorojua muare juaãruarãma ña. To yĩ vanane, ujarã ñamasurã rĩjorojua muare juaãruarãma ña. To bajiro muare ña yijare, yũ oca quẽnasere ñare gotiruarãja mua. ¹⁰ Tire adi macarucuro ñarã masa ñaro cõrone gotimasiojeo ecoruarõja. ¹¹ Muare ñejecõari, ujarã rĩjorojua muare ña juajaro, “¿No bajiro ñagõrãti yua?”, yituoĩarejaibea mua. “Ñagõña” muare ña yirirĩmarone, Dios ñ cõagũ Espiritu Santo ñ ejarẽmose rãca, “Ado bajiro gotiruarãja yua”, yimasiruarãja mua —ñare yiyuju Jesús.

¹² Quẽna gajeye ado bajiro ñare gotirẽmoñuju Jesús:

—Yũ yere ajiterãre gũiose ña yisere ñaruarãja mua. Sīgũ rĩa ñaboarine, “Ñare sãto” yirã, ñejerotiruarãma ña. To yicõari, jacua quẽne, “Yua rĩare sãto” yirã, ña rĩare ñejerotiruarãma. Ña rĩajua quẽne, ña jacuare ajijũnisinicõari, gãjerãre sãrotiruarãma ña. ¹³ Yũ ocare mua goticudijare, jediro masa muare ñateruarãma. To bajiro ña yibojaquẽne, no bojarã yare ajitirãnu tujamenarema, rojose tãmuotujabetiriarõju ña varoti ñaboare ñare yirëtobosarucumi Dios —ñare yiyuju Jesús.

¹⁴ Quẽna gajeye ado bajiro ñare gotirẽmoñuju Jesús:

—Adi macarucuro jedirirodo, sīgũ, “Diore rãcubobeticõato ña” yigu, Dios ñ bojabetire yirucumi. Diore yiracuburiaviyũ ña sãsere masiruarãja mua. (Yũ, Marcos, adi papeare Jesús ñ gotisere yũ ucasere ñacõari, ajimasifĩa.) To bajiri Dios ñ bojabetire ñ yisere ñacõari, “Jerusalén maca ti jedirotirũmu cõñaro bajiaja”, yimasiruarãja mua. To bajiro bajirirũmu Judea sitana gũtayucũju guaro rudicoajaro ña. ¹⁵ Sīgũ ñ yũ vi joejũ jesaguma, ruijacõari, ñ yũ vi jubearũ gajeyeyũ ñasere juaãtimabetirucumi. ¹⁶ Gãji, vesejũ moañagũ, ñ yẽ sudire juagu tudiatĩmabetirucumi, rujarĩmarone yũ ejaroti ñajare. ¹⁷ Rõmia macũ sãñarã, ñjurã cuorã quẽne, rojose tãmuoruarãma ña, ñuatĩmabetica yirã. ¹⁸ “Buto oco quedirirũmẽre bajibeticõato” yirã, Diore sãnicoã ñarũgũña. ¹⁹ To bajiro bajirirũmari buto rojose tãmuoruarãma masa. Adi macarucuro ñasuriarũmari masa rojose ña tãmuoadire rëtoro tãmuoruarãma ña. Rojose ña tãmuoro bero, to bajise rojose tãmuobetiruarãma yuja. ²⁰ “Yoaro mebusane rojose tãmuoato masa” Dios ñ yibetijama, sīgũ catirũyarocũ manibogumi. “Yũ yarã ñaña mua” ñ yirere cudiriarẽ ñamaigũ ñari, “Yoaro mebusane rojose tãmuoato ña”, yirucumi Dios.

²¹ To bajiro bajĩñaridorire, “Ñanine ñaami ‘Rotimorugõrucumi’ yigu, Dios ñ cõarĩ. Ejayumi” gãjerã ña yijama, ñare ajibeja mua. To yicõari, gãjerãjuama, “Tone ñagũmi. Ejayuju” muare ña yijaquẽne, ñare ajibeja mua. ²² Jãjarã yitorã ñaruarãma, “Yune ñaja ‘Rotimorugõrucumi’ yigu, Dios ñ cõagũ” yirã, to yicõari, “Diore gotirëtobosarimasa ñaja yua” yirã. To bajiro yirã, ñañamãni yĩoruarãma, masare yitorã. To bajiro yiruarãma, “Yũ yarã ñaña mua” Dios ñ yirere cudirã, manijũare ajitirãnuato” yirã.

²³ Tire muare yũ gotimasiosere quẽnaro tuoĩaña mua. Ti bajiroto rĩjoro jediro muare gotijeobũ yũ.

*“Dios ñ roticõacacũ tudiejarucuja yũ”, Jesús ñ yire queti
(Mt 24.29-35, 42, 44; Lc 21.25-36)*

²⁴ Tire rojose ña tãmogajanoro berone, gaje vãme rojose bajiruarõja. Mujuũ ñmuagu asibetirucumi yuja. Ñamagu quẽne busubetirucumi. ²⁵ Ñocõa quẽne, vëjacuaruarãma. To yicõari, õ vecaye jediro nũruaruarõja. ²⁶ To bajiro ti bajiro, Dios ñ roticõagũ õ vecajũ yũ ruijadore ñaruarãma masa. Yũ masise rãca, oco buerĩ vatoajũ yũ busubatorujadiare ñaruarãma. ²⁷ To cõrone, “Yũ yarã ñaña” Dios ñ yirere cudiriarẽ judoaga soje, jũnaga soje, varuaga soje, gajecacatua varuaga soje ñarã jedirore “Juarẽoato” yigu, ñgel mesare cõarucuja yũ. To yũ yijare, yũ yarã ñaro cõrone juarẽoruarãma ña —ñare yiyuju Jesús.

²⁸ To yicõari, quẽna gajeye ado bajiro ñare gotirẽmoñuju Jesús:

—Gotimasiore queti muare gotigü yaja yu. Higuera vâme cutiare tuoiaña mua. Higuera vâme cutiricu gajecu buchamujacôari, jû mameaja. Tire îacôari, “Mojoroaca ruyaja cûma ti ejaroti”, yimasiaja mani, jud'io masa. ²⁹ Muare yu gotisere bajiro bajisere îacôari, “Mojoroaca ruyaja Jesús i vadiroti”, yimasiruarâja mua. ³⁰ Riojo muare gotiaja yu. Adirodo ñarâ mua bajireajediroto rîjoro, muare yu gotiroke bajirone bajiruaroja ti. ³¹ Adi macarucaro ñaro cõrone, to yicôari, ô vecaye quêne jedicoaruaroja. To bajiboarine, yu ocama jedibeti muorügôcôaruaroja.

³² “Ado cõrone ejarucumi Jesús”, yimasigü magümi. Ángel mesa quêne masimenama îna. Dios macu ñaboarine, “To cõro ejarucuja yu”, yimasibeaja yu quêne. Yu jacu sigüne masigümi —înare yiyuju Jesús.

³³ —To bajiro bajiroti ti ñajare, roori ñaruarâja mua, “To cõrone tudiejarucumi” yure yimasimena ñari.

³⁴ Quêna yu tudiejaroti ado bajiro bajiruaroja: Sigü ñagümi gaje sitaju varocu. Î varoto rîjoro, îre moabosarimasare jirêogümi. Înare jirêocôari, tocârâcurene ricati îna moarotire înare rotigümi. To yicôari, soje coderimasare quêne, “Yu tudiejarotire yugu tocârâcaramâne quênaro bocâima”, yigümi. ³⁵ Îre bajiro bajirucuja yu quêne. To bajiro bajiroti ti ñajare, roori ñaruarâja mua, “To cõrone tudiejarucumi mani uju” yure yimasimena ñari. Râioriju, ñami gûdareco, gâjabocu ñagôrijü, busuriju yu vadirotire masibeaja mua. ³⁶ Roori ñaruarâja mua, “Mani câniñarone tudiejaromi” yirâ. Yure masimenare bajiro bajibeja. ³⁷ To bajise yu gotijama, mua rîrene gotigü me yaja yu. Masa jediroke tuoîacôari gotiaja yu. Roori ñaruarâja mua —î buerimasare înare yiyuju Jesús.

14

“¿No bajiro yigü ñaami yitocôari, Jesúre îre ñiarâti mani, îre sîaruarâ?”, îna yire queti (Mt 26.1-5; Lc 22.1-2; Jn 11.45-53)

¹ Juarâmu ruyayuju yuja Pascua boserâmu pan ûmato vauvase vuoyamanire basuoriarâmu. To bajicôari, paia ujarâ, Dios i rotimasire gotimasiromasa quêne, ado bajiro gâmerâ ñagôñañujarâ îna:

—Jesúre sîaruarâ, ¿no bajiro yigü ñaami yitocôari, Jesúre ñiarâti mani? —gâmerâ yîñagôñañujarâ îna. ² —To bajiboarine, boserâmu ñaro îre mani sîajama, tire îajûnisinicôari, manire rojose yiborâma masa —gâmerâ yîñagôñañujarâ îna.

Jesús rujoare sutiquênase rômio so yuejeore queti (Mt 26.6-13; Jn 12.1-8)

³ Betania vâme cuti macaju câmi boagu ñaboar'i, Simón vâme cutigu ya viju ñañuju Jesús. Ti viju Jesús i barujiro, sîgô, gûta sotu alabastro vâme cuti râca veariaru âmiejayuju so. Sutiquênase buto vaja cutise, nardo vâme cutise sâñaritu ñañuju tiru, so âmiritu. To bajiri, Jesús tuaca eja, tiru âmuare vêjeacôari i rujoa joere îre yuejeoyuju so. ⁴ To bajiro so yisere îacôari, jûnisiniñujarâ sigûri Jesús buerimasa. To bajiro yirâne, ado bajiro gâmerâ yiyujarâ îna:

—Jairo gâjoa yireago yamo! ⁵ Tire îsicôari, jairo gâjoa trescientos denarios rêtoro bajacôari, maioro bajirâre ejarêmoroti ñaboaja ti —gâmerâ yiyujarâ îna.^k

To bajiro yicôari, sore tud'iyujarâ îna.

⁶ To bajiro îna yiboajaquêne, Jesújuama, ado bajiro înare yiyuju:

—Sore gôjanobiobesa mua. Tire yure so yuejeojama, quênaro yure yigo yamo. ⁷ Maioro bajirâ mua râca ñacôa ñarügûruarâma. No mua bojarirâmu quênaro înare ejarêmomasiuarâja mua. Yuma, mua râca ñacôa ñabetirucuja. ⁸ Adio, quênaro so yimasiro cõro yure yamo. Yure sutiquênase so yuejeojama, yure îna yujeroto rîjoro yuejeo rîjoro cutigo yamo. ⁹ Riojo muare gotiaja yu. Yu bajiroti quênase quetire, adi macarucaroana jediroke gotibatoruarâma masa. To bajirone bajiruaroja sutiquênase yure so yuejeose queti quêne. So yuejeosere masiritimenane tire gotibatoruarâma —înare yigotiyuju Jesús.

“Jesúre ñiato” yigü, îre îaterâ tujü Judas i goticudigü vare queti (Mt 26.14-16; Lc 22.3-6)

¹⁰ Judas Iscariote vâme cutigu râca ñarâ ñajediro Jesús buerimasa juaâmo cõro, gubo jua jênituarirâcu ñañujarâ. To bajiboagu, paia ujarâ îna ñarojore vasuju, Jesúre înare îsirocaru. ¹¹ Jesúre îsirocaruasere ajivariquênacôari,

—Gâjoa mure isiruarâja yua —îre yiyujarâ îna, paia ujarâ.

To îna yisere ajivariquênacôari, tudicoasuju Judas. Jesús tujure ejacôari, “¿Dirîmaro ûnone Jesúre înare yu isijama, josari mene îre ñiamasirojari îna?”, yituoiañuju î.

^k 14:5 Cojorâmu moare vaja, cojo denario vaja cutiyuju.

*Jesús i batúsare queti**(Mt 26.17-29; Lc 22.7-23; Jn 13.21-30; 1 Co 11.23-26)*

¹² Pascua boserámú pan úmato vauvase vuoyamani basuoriarámú, to yicóari oveja macure ina sšariarámú ejayuju ti. To bajiri Jesús buerimasa ado bajiro ire sēniñañujarā ina:

—Pascua boserámú ñajare, mani barotire, ¿noju bare yua quēnoyusere bojati mu? —Ire yisēniñañujarā.

¹³⁻¹⁴ To ina yijare, ado bajiro ñare yicóañuju Jesús:

—Jerusalénju muare yu gotigu ture vasa mua. To mua ejarone, sīgū, oco vagu muare bocarucumi. Ire suyaja mua. To bajicóari, vi i sšajarone, ti vi ujare ado bajiro ire yiba: “Gotimasiarimasu, ‘¿noju ñati Pascua boserámú adi ñami yu buerimasare yu úmato barotijau?’ mure yicóami”, yiba mua. ¹⁵ To mua yirone, muare ñorucumi, vecaga sōa, jairisōa, mame quēnogajanoriasōare. Tone mani barotire quēnoyuba mua —ñare yiyuju Jesús, ñare varotigu.

¹⁶ To i yijare, vacoasujarā ina juarā yuja. To eja, i yiriarore bajirone bajiyuju ti. To bajiri tisóaju ina barotire quēnoyuyujarā ina.

¹⁷ To bajiri Pascua boserámúaye bare bariaju ti ejaro, i buerimasa juaāmo cōro, gubo jua jēnituarirācu ñarā ejacóari, barujiyujarā ina, i rāca. ¹⁸ Ña bañarone, ado bajiro ñare yiyuju Jesús:

—Riojo muare gotiaja yu. Sīgū mua rācagu, yu rāca bagu, yure ñaterāre yure ñsirocarucumi —ñare yiyuju Jesús.

¹⁹ To i yisere ajicóari, bato sutiritiyujarā ina. Tocārācane sutiritirā ñari, ado bajiro ire sēniñañujarā ina:

—¿Yane ñabetiboati, mure ñsirocarocu? —Ire yisēniñañujarā ina.

²⁰ To bajiro ina yisere ajicóari, ado bajiro ñare cudiuyuju Jesús:

—Mua rācagu sīgū, yu rāca yosebogu ñaami yure ñsirocarocu. ²¹ Dios oca masa ina ucamasire ti gotirote bajiro rojose tāmūorucuja yu, Dios i roticóacacu. To bajirocu yu ñajare, yure ñaterāre yure ñsirocarucumi. Yure i ñsirocaroti suorine rojose tāmūorucuja yu. “Masare yirētobosarucumi” Dios i yimasire ñajare, bajirucuja yu. To bajiboarine, yure ñsirocarocujama, rojose tāmūorucumi. Ruyabeticóarocu ñaboayumi —ñare yiyuju Jesús.

²² Ña bañarone, pan amicóari, “Quēnaja”, Diore yiyuju Jesús. To yigajano, tire matocóari, i buerimasare ñare ñsibatogune ado bajiro ñare yiyuju i:

—Baya mua. Ti ñaja yu ruju rii —ñare yiyuju.

²³ Tire ina bagajanorone, idiriabaja amicóari, “Quēnaro yaja mu”, Diore yiyuju quēna. To yicóari, tibajare ñare ñsiñuju. Ña jediro idijedicóañujarā ina. ²⁴ Ñisigune, ado bajiro ñare gotiyuju Jesús:

—Adi ñaja tirāmua “Rojose mani yirere masirioato” yirā, Diore rācubūoriaju joere ña yuejeoriarore bajiro bajise. Yucurema, yu ri’i ñaja. Ti suorine, “Gajerodo to bajiro muare yirucuja yu” Dios i yicūmasiriarore bajiro bajiruaroja yuja. To bajicóari, jājara masa rojose ña yisere masiriocóari, tudituñabetirucumi Dios yuja.¹ ²⁵ Riojo muare gotiaja yu. “Rotimūorūgōrucumi” yigu, Dios yure i cūroto rījoro, quēna juaji uye oco idibetirucuja yu —ñare yiyuju Jesús.

*“Jesúre masibeaja yu’ yirucuja mu”, Pedrose Jesús i yire queti**(Mt 26.30-35; Lc 22.31-34; Jn 13.36-38)*

²⁶ To i yiro bero, Diore rācubūorā, basayujarā ina. Basagajano, Olivo vāme cuti buroju vacoasujarā ina yuja. ²⁷ To ña vatone, ado bajiro ñare yiyuju Jesús:

—Adi ñamine yure ajitirānu tujacóari, vaveoruarāja mua jediro. Dios oca masa ña ucamasire to bajiro ti gotijare, to bajise muare gotiaja yu. Ado bajiro gotiaja ti: “Oveja coderimasare bajiro bajigure sšarucuja yu. To bajiri i yarā ovejare bajiro bajirā rudibateoaruarāma”, yigotiaja Dios oca masa ña ucamasire, manire gotiro. ²⁸ Yure mua vaveoboaquēne, yure ña sšaro bero, quēna tudicaticóari, Galilea sitaju mua vato bero, yujua, mua rījoro ñatujarucuja —ñare yiyuju Jesús.

²⁹ To i yisere ajicóari, ado bajiro ire yiyuju Pedro:

—Ñaoa jediro, mure ña vaveoboaquēne, mure vaveobetirucuja yua —Jesúre ire yiyuju.

³⁰ To i yisere ajicóari, ado bajiro ire cudiuyuju Jesús:

—Riojo mure gotiaja yu. Adi ñami busiyujua gājabocu juaji i ñagōroto rījoro, idiaji, “Jesúre masibeaja; i rācagu me ñaja yu”, yisocarucuja mu —Pedrose ire yiyuju i.

³¹ To bajiro i yisere ajicóari, ado bajiro cudiuyuju Pedro:

—Mu rāca yure ña sšaruajaquēne, “Jesúrācagu me ñaja yu”, yisocabetirucuja yu —Jesúre yiyuju Pedro.

¹ 14:24 “Rojose mani yirere masirioato” yirā, Diore rācubūoriaju joere judío masa ña yuejeomasirere gotiaja.

To bajiro Pedro i yisere ajicōari, gājerā Jesús buerimasa quēne, to bajiro yijedicōañujarā ĩna.

Getseman'i vāme cutoju Jesús i jacure i sēnigū vare queti
(Mt 26.36-46; Lc 22.39-46)

³² To ĩna yiro bero, Getseman'i vāme cutoju ĩnare ũmato vasuju Jesús. Toju ejacōari, ado bajiro ĩnare gotiyuju:

—Diore sēniguacu yaja yu. To yu vatoye, ado rujicōaña mua maji —ĩnare yiyuju ĩ.

³³ To yigajanogūne, Pedrone, Santiagore, to yicōari Juanre quēne ji vasuju Jesús. To vacu, buto tuoļasutiritiyuju ĩ yuja. ³⁴ To bajiro bajigu ĩnari, ado bajiro yiyuju Jesús ĩ rāca variarāre:

—Buto tuoļasutiritiaja yu. Sutiriosene yure sĭaro yaja. Adone yure yuñaña maji. Yu cānibetore bajirone cānibeja mua quēne, Diore sēniñarā —ĩnare yiyuju Jesús.

³⁵ To yicōari, to sojuabusa varēmoñuju Jesús. Va, sita tūcuroju murocacūcōari, Diore sēniñuju ĩ, “Yure ĩna sĭarotire yure matabosato ĩ” yigu. ³⁶ Ado bajiro Diore sēniñuju ĩ:

—Cacu, ñajediro yimasigū ñaja mu. Yure ĩna sĭaroti matamasiaja mu. To bajiboarine, mu bojarore bajirone bajiato —Diore yiyuju.

³⁷ To yigajano, Pedro mesa ĩna cānitoyene ĩna tuju ejayuju. ĩnare yuiogune, ado bajise Pedrone ĩre yiyuju Jesús:

—¿Simón, cāniati mu? ¿No yirā cojo hora cōro cānibetibusarāne, yure yuñabetimasucōati mua? ³⁸ Yu cānibetore bajirone cānibesa mua quēne. To bajicōari, Diore sēniña, “Vātia uju Satanás ĩ yirotsire yicōari, Dios ĩ bojabetire yirobe” yirā. Riojo muare masiaja yu. “Dios ĩ bojasere yirucuja” yirā ñaboarine, cojojirema rojose tuoļarā ĩnari, Dios ĩ bojabetijuare yirūgūaja mua —Pedro mesare ĩnare yiyuju Jesús.

³⁹ To yicōari, gāme vacu, Diore ĩ sēniriarore bajirone tudisēniñuju ĩ quēna. ⁴⁰ To yigajano, vacune, cāniriarāre ĩnare ejayuju quēna. Buto vujaejarā ĩnari, cāniñujarā ĩna. To bajiri rĭjoro ĩnare ĩ yiriarore bajiro ĩnare ĩ sēniñaro, ĩre cudimasibesujarā ĩna. ⁴¹ To bajiro ĩnare yigajanocōari, Diore sēnigū vasuju Jesús quēna. Diore sēnigū var'i, tudiejacōari, ĩnare yuijoyuju:

—¿No yirā cāni manicōati mua maji? Ado cōrone, Dios ĩ roticōacacure, rojose yirāre yure ĩsirocarocu vadicoagumi yuja. ⁴² To bajiri yujiya mua. ĩre bocarā vajaro. Yure ĩsirocarocu vadiami yuja —ĩnare yiyuju Jesús.

Jesúre ĩna ĩnare queti
(Mt 26.47-56; Lc 22.47-53; Jn 18.2-11)

⁴³ To bajiro Jesús ĩnare ĩ yñarirĭmarone, Judas Iscariote vāme cutigu, Jesús buerimasa rācagune vayuju yuja. Jājarā ĩ rāca vayujarā jariaseri c̣uorā, gājerā yucājuriri c̣uorā. Paia ujarā, Dios ĩ rotimasire gotimasiormasa, to yicōari bucūrā quēne ĩna cōariarā ñañujarā ĩna.

⁴⁴ Jēre ado bajiro goti vayuju Judas, ĩ rāca vanare, “ ĩne ñaami Jesús' yĭlmasiati ĩna” yigu:

—Jesúre sēnicōari, ĩre usurucuja yu. To yu yirone, ĩre ñiacōari, quēnaro ĩre ĩtirānu vaja mua —ĩnare yi vayuju.

⁴⁵ To bajiro yir'i ĩnari, Jesús rĭjorojua ejacōari, ado bajiro ĩre yiyuju Judas:

—Gotimasiormasu, ¿ñati mu? —ĩre yigune, usuyuju ĩ.

⁴⁶ To ĩ yirone, Jesúre ĩre ñañujarā Judas rāca vadiriārā.

⁴⁷ To ĩna yirone, sĭgū Jesús tu rügögū, ĩ jariase yoveaāmicōari, paia uju ñamasugūre moa-bosarimasure gāmoro jatarocacōañuju. ⁴⁸ To ĩ yiro bero, ĩre ñiarā ejarāre ado bajiro yiyuju Jesús:

—¿No yirā gajeyeūni juarudirimasure ñiarā vanare bajiro jariaseri rāca, yucājuriri rāca yure ñiarā vadiati mua? Tocārācarūmune Diore yirūcuburiaviyu mua ñaro muare gotimasio rujirūgūmu yu. To yu bajiboajaquēne, yure ñabetirūgūmu mua maji. ⁴⁹ Diore gotirētobosarimasa, ado bajiro yure mua yirotirene ucamasifūma. To bajiri, to bajirone yure yaja mua —ĩnare yiyuju Jesús, ĩre ñiarā ejarāre.

⁵⁰ Jesúre ĩna ñasere ĩacōari, ũmarudijedicoasujarā ĩna, ĩ buerimasa jediro. ⁵¹ To ĩna bajiboa-jaquēne, gāji mamu, Jesúre ĩna āmivatone, ĩnare suyasuju ĩ. Sudijāirine gūmañuju. To ĩ bajirone, ĩre ñiaboayujarā ĩna, Jesúre āmivana. ⁵² ĩre ñiaca yirā, ĩ gūmaritore tūaveacōañujarā. To ĩna yigu, sudi magūne ũmacoasuju.

Jud'io masa ujarā, “Mu masu ye suorine sĭaecorucuja mu”, Jesúre ĩna yire queti
(Mt 26.57-68; Lc 22.54-55, 63-71; Jn 18.12-14, 19-24)

⁵³ Jesúre ñiacōari, paia uju ñamasugū tuju ĩre āmiasujarā. Toju rējacōari, ñañujarā paia ujarā, Dios ĩ rotimasire gotimasiormasa, to yicōari bucūrā quēne. ⁵⁴ Jesúre ĩna āmivato, sōju yayĭlasuyayuju Pedro. ĩnare yayĭlasuyacōari, paia uju ñamasugū ya vi matariasāniro rētosājacoasuju. Sājacōari, Diore yirūcuburiavi coderimasa rāca rujiyuju ĩ, jea sūmañagū.

⁵⁵ Paia ujarā, to yicōari gājerā ujarā, ĩna jediro Jesúre sĭarauyujarā. To bajiro yirā ıari, “Rojose masu yigu ıaami Jesús” yisocarōnare macaıujarā. ⁵⁶ Jājarā masa socarāne ĩna goti-boajaquēne, ricati rĭne ĩna yise ıajare, “To bajiro ĩ yire ıajare, ĩre sĭaroti ıaja”, yimasibesujarā ĩna maji. ⁵⁷⁻⁵⁸ To bajiboarine, sĭgāri vāmūrūgūcōari, ado bajiro yisocayujarā ĩna:

—Āni Jesús vāme cutĭgu ĩ ıagōmasisere ajibū yūa. Ado bajiro yimasimi: “Diore yirūcūbuoriavire caguerocacōari, idiarūmu tusatirūmune quēna gaje vi masa ĩna quēnorivi mere quēna tudibūajeocōarucūja”, yimasimi ĩ —yisocayujarā ĩna.

⁵⁹ To bajiro yisocarā ıaboarine, tocārācu ricati rĭne gotiboayujarā ĩna. To bajiro ĩna yise ıajare, “Ĭ ye sĭorine rojose tāmōrucūmi”, Jesúre yimasibesujarā ĩna maji.

⁶⁰ To bajiro ĩna yisocaboajaquēne, paia uju ıamasugū, vāmūrūgūcōari, ado bajiro Jesúre yiyuju:

—To bajiro mure ĩna yi ocasāsere ıno bajiro yati mu? ıcūdibeati mu? —Jesúre ĩre yiboayuju.

⁶¹ To ĩ yiboajaquēne, cojo vāme cūdibeticōaıuju. Ĭ cūdibetire ıacōari, ado bajiro Jesúre sēñıaıuju paia uju ıamasugū quēna:

—ı“Rotīmōrūgōrucūmi” yigu, Dios ĩ cōar’ine, Dios macūne ıati mu? —Jesúre yisēñıaıuju paia uju ıamasugū.

⁶² To bajiro ĩ yisere ajicōari, ado bajiro ĩre cūdiyuju Jesús:

—ĩne ıaja yū. To bajiri, Dios ĩ roticōacacū ıari, ĩ riojoacatua rujicōari, masare beseguagu, oco bueri vatoaja yū rujiadire ıaruarāja mua —paia uju ıamasugūre yiyuju Jesús.

⁶³ To ĩ yirone, “Jesús ĩ yisere ajiteaja” yigu, ĩ sudire tūavoyuju paia uju ıamasugū. To yigune, ado bajiro ĩ rācanare yiyuju ĩ:

—ĭ“Diore bajiro bajigu ıaja yū” yigu yami! No yirā gājerā, “Rojose yigu ıaami” yironare macarēmomenaja mani yuja. ⁶⁴ Mua quēne Diore rūcūbuobecū ĩ yisere ajiaja mua. To bajiro ĩ yise ajicōari, ıno bajiro ĩre yiroti ıati? —ĩ rācanare yiyuju paia uju ıamasugū.

To bajiro ĩ yisere ajicōari, ado bajiro ĩre cūdiyujarā:

—Rojose masu yicōami. ĩre sĭacōaroti ıaja —yicūdiyujarā ĩna.

⁶⁵ To yicōari, sĭgāri, Jesúre gooco eoreatuyujarā ĩna. To yicōari, ĩ cajere siabibecōari, ĩre jayujarā. To yicōari,

—“Ĭ, mure jaami’ yure yigotiami Dios”, yūare yiya mu —ĩre yiajatud’iyujarā ĩna.

Diore yirūcūbuoriavi coderimasa quēne, ĩre jayujarā ĩna.

“Jesúre masibeaja yū”, Pedro ĩ yire queti

(Mt 26.69-75; Lc 22.56-62; Jn 18.15-18, 25-29)

⁶⁶ Vi jubeaju Jesúre rojose ĩna yiıarone, macaıūja ıacōaıuju Pedro. To ĩ ıarone, sĭgō, paia uju ıamasugūre moabosarimaso, ejayuju so. ⁶⁷ Pedro ĩ jea sūmaıaro ĩre ıacōari, ado bajiro ĩre yiyuju so:

—Jesús, Nazaret macagu rāca vacudir’i ıagūja mu quēne —ĩre yiyuju so.

⁶⁸ To bajiro so yisere ajicōari, ado bajiro yiyuju Pedro:

—“Riojo yaja mu”, mure yimasibeaja yū. Mure ajimasibeaja —sore yiyuju Pedro. To bajiro yicōari, matariasāniro sājariasoje tu vasuju Pedro. ⁶⁹ To ĩ ıasere ıacōari, quēna soje tu ıarāre ado bajiro gotiyuju so, moabosarimaso:

—Āni, Jesúrāca vacudir’i ıaami —yiyuju, ĩnare gotigo.

⁷⁰ To bajiro ĩnare so yisere ajicōari, quēna, —ĩre masibeaja yū —yiyuju Pedro.

To so yiro bero, to ıarā ado bajiro Pedroe yiyujarā ĩna:

—Riojo yaja. Jesúrāca vacudirūgūgūne ıaja mu quēne. Mu quēne Galilea sitagu ıaja mu —Pedroe yiyujarā ĩna.

⁷¹ To bajiro ĩna yisere ajicōari, ado bajiro cūdiyuju Pedro:

—ĩre masibeaja yū. Socu me yaja yū. Socabetimasucōaja. Dios, yure ajigūmi —ĩnare yicūdiyuju Pedro.

⁷² To bajiro ĩ yigajanorir’imarone, gājabocu juaji ıagōcōaıuju yuja. Ĭ ıagōsere ajicōari, Jesús ado bajiro ĩre ĩ gotirere masibūjayuju Pedro yuja: “Gājabocu juaji ĩ ıagōroto rĭjoro idiaji, ‘Jesúre masibeaja yū’ yirūcūja mu” ĩre ĩ yirere masibūjayuju. Tire masibūjacōari, buto otiyuju.

15

Pilato tuju Jesúre ĩna āmiejare queti

(Mt 27.1-2, 11-14; Lc 23.1-5; Jn 18.28-38)

¹ Busurocacūse rāca bucūrā, paia ujarā, to yicōari Dios ĩ rotimasire gotimasiorimasa quēne, ujarā ıajediro tudirējaıujarā ĩna. To bajicōari, Jesús āmorire sĭacōari, ĩre āmiasujarā

İna, Pilato vāme cutigu ya viju vana. To bajiri ī ya viju Jesúre āmiejayujarā İna. ² Jesúre İna āmiejarone, ado bajiro İre sēniīaŋuju Pilato:

—¿Mune ŋati jud'io masa ūju? —İre yiyuju Pilato.

To bajiro ī yisere ajicōari, ado bajiro İre cudiyuju Jesús:

—Mu yirore bajirone bajiaja yu —İre yiyuju Jesús.

³ To ī yirone, paia ūjarā,

—Cojo vāme me rojose yigu ŋaami. Ado bajise rojose yimi —Pilatore yi ocasāñujarā paia ūjarā. ⁴ To bajiro Jesúre İna yi ocasāsere ajicōari, ado bajiro Jesúre sēniīaŋuju Pilato:

—¿No yigu cudibeati mu? ¿Cojo vāme me, rojose mure İna yisere ajibeati mu? —Jesúre yiyuju Pilato.

⁵ To bajiro İre ī yisēniīaboajaquēne, İre cudibeticōaŋuju Jesús. İ cudibetire ĩacōari, no yimasibesuju Pilato, İre bajiro bajigure ĩabetirūgūr'i ŋari.

“Jesúre śīaroti ŋaja”, İna yire queti

(Mt 27.15-31; Lc 23.13-25; Jn 18.38-19.16)

⁶ Tocārāca cūma Pascua boserāmu jud'io masa İna quēñojama, sīgū tubibe ecor'ire İna burotigure İnare bubosarūgūŋuju Pilato. ⁷ Tubiberiaviŋu ŋarā, “Gobierno ī rotiboasere cudibeticōari, manī masu rotirāsa” yirā rācagu ŋaŋuju Barrabás vāme cutigu. İ babarā rāca rojose yicōari, masare śiaŋuju İ. To bajiro ī yire vaju tubiberiaviŋu ŋaŋuju İ. ⁸ To bajiri jājarā masa Pilato taju ejacōari, ado bajiro İre sēniīujarā İna:

—Yuare mu yibosarūgūcatore bajiro yiya quēna —İre yisēniīujarā İna.

⁹ To bajiro İna yisere ajicōari, ado bajiro İnare sēniīaŋuju Pilato:

—¿Nimujuare yu busere bojati mua? ¿Jud'io masa ūjare yu busere bojatique mua? —İnare yisēniīaŋuju Pilato. ¹⁰ “Jesúre ĩajūnisinirā ŋari, yu tu āmiejama” yituoīagū ŋari, İre buru, to bajiro yiyuju.

¹¹ To bajiro ī yiboajaquēne, masare to rējarāre rījorojune İnare ocasācōaŋujarā paia ūjarā, “Barrabājuare burotito manī” yirā. ¹² To bajiri Barrabāre İna burotijare, quēna İnare tudisēniīaŋuju Pilato:

—To yijama, ¿no bajiro yiguti yu, Jesúre, “Jud'io masa ūju ŋaami” mua yigujuarema? —İnare yisēniīaŋuju.

¹³ To ī yirone, ado bajiro İre avasācudiyujarā:

—Yucútēroju İre jajusīaroticōaŋu mu —İre yiyujarā İna, Pilatore.

¹⁴ To İna yijare, ado bajiro İnare sēniīaŋuju Pilato:

—¿Nie rojose ī yire suori İre śīarotiguti yu? —İnare yiyuju Pilato.

To ī yiboajaquēne, quēna butobusa tudiavasāñujarā İna:

—Yucútēroju İre jajusīaroticōaŋu —yiavasāñujarā İna.

¹⁵ To bajiro İna yijare, masa to rējarā İna bojarore bajiro yirāgu ŋari, Barrabāre bucōaŋuju Pilato. Jesújuarema, ĩ surarare ĩsiŋuju, “İre bajecōari, yucútēroju jajusīato İna” yigu.

¹⁶ To bajiri İna ya viju, Jesúre āmiejayujarā surara mesa. İre āmiejacōari, İna jediro İre gānibiarūgūŋujarā. ¹⁷ To yicōari, “Ujare bajigu ŋato” yirā, ūjarā İna sāñarito ūnore, sūarivujorore Jesúre sāñujarā. To yicōari, ĩ rujoa joere jotabedo İna suariabedone İre jeoyujarā. ¹⁸ To bajiro İre yicōari, ado bajiro İre yiajatud'iyujarā:

—Jud'io masa ūjare mure quēnarotiaja yua yuja —Jesúre yiyujarā İna.

¹⁹ To yicōari, yucá rāca ĩ rujoare jayujarā. İre jacōari, gooco İre eoreatuyujarā İna. To yicōari, “Mure rūcubuoaja” yiajatud'irā, ĩ rījorojua gusomuniarı tuetuyujarā. ²⁰ To bajiro İre yigajanocōari, ūjarā İna sāñarito ūnore İna sārıarore İre veayujarā İna quēna. To yicōari, ĩ sudijua İre sāñujarā quēna. İre sudi sāgajanocōari, yucútēroju İre jajusīaroana, İre āmiasujarā.

Yucútēroju Jesúre İna jajusīare queti

(Mt 27.32-44; Lc 23.26-43; Jn 19.17-27)

²¹ İre āmivanane, sīgū Cirene vāme cuti sitagu, Simón vāme cutigure, Alejandro, to yicōari, Rufo, İna jacure bocayujarā. İre bocacōari, —Jesús ĩ gaja vatijāire İre gajabosaya —İre yi vasujarā İna.

²² To yi vanane, Gólgota vāme cuti buroju ejayujarā İna. “Rujoco Buro” yire ūni ŋaŋuju “Gólgota” yire. ²³ Toju ejacōari, ūye ocore, mirra vāme cutise rāca vuocōari, Jesúre İre ioyujarā İna. “İre jūnise jūni ruyubeticōato” yirā, yiboayujarā. İdibesuju Jesújuama. ²⁴ To yicōari, yucútēroju Jesúre jajutyujarā İna. To yicōari, Jesús ye sudire bojarā, ado bajiro yiyujarā:

—Nimujua āni sudi ĩ ūjaro ĩaīarāsa manı —yiajeyujarā, gūtarine reacūīaŋarāne. To bajiro yiajecōari, ĩ ye sudi gāmerā ĩsibatoyujarā İna.

²⁵ Muiju asitutuatiŋu ĩre jajutuyujarā ĩna. ²⁶ Jesús ĩ tuyaritērojure ĩ rujoa vecare ucaturiaju tuyayuju. “Ado bajiro ĩ yise suorine jaju ecoami”, yĩoriju ñañuju. Ado bajise gotiyuju: “Āni ñaami jud'io masa uju”, yigotiyuju ti.

²⁷ Jesúrāca juarā, jaju ecoyujarā ĩna. Gajeyeũni juarudirimasa ñañujarā. Sīgũre Jesús riojojacatuare, gājirema ĩ gācojacatuajure jajutuyujarā. ²⁸ To bajiro Jesúre yiyujarā, Dios oca masa ĩna ucamasire, “‘Rojorā rācagu ñaami’ ĩre yĩaruarāma masa”, Jesúre yimasire ñajare. ²⁹⁻³⁰ Masa rētoana, ĩna rujoari yure, yure yiyujarā, “Jaju ecor'ire ĩre ĩateja” yirā. To yicōari, ĩre ajatud'iyujarā ĩna:

—“Diore yirācuburiavire caguerocamasiaja yu. To yicōari, idiarũmu tāsaturũmũne buajeocōamasiaja”, yiboacaju mu. Socu me mu yijama, mu yimasise rāca mu masune yucátērojure rujicoaya —Jesúre ĩre yiajatud'iyujarā ĩna.

³¹ Paia ujarā, Dios ĩ rotimasire gotimasiorimasa quēne, to bajirone Jesúre yiajatud'ĩ ñañujarā ĩna. Ado bajiro yiyujarā:

—Gājerārema catiogu ñaboarine, ĩ masu rojose ĩ tãmuoserema yirētomasibeami —yiajatud'ĩ ñañujarā ĩna. ³² —“Rotimuořögörcũmi” yigu, Dios ĩ cōagũ, Israel ñamasir'ĩ jãnerabatia mani uju ñaami. To bajiri yucátērojure rujicoadiato. To bajiro ĩ bajiro ĩacōari, “Īne ñaami”, yimasiruarāja —yiajatud'iyujarā. Juarā Jesúrāca yucátēroju jaju ecoriarā quēne, to bajirone Jesúre yitud'iyujarā ĩna.

Jesús ĩ usatadire queti

(Mt 27.45-56; Lc 23.44-49; Jn 19.28-30; He 9.1-28)

³³ Ūmārecaji ñarone, rētiacoasuju yuja. Idia hora rētiañañuju. ³⁴ To cōro ti rētiatusatone, jud'io masa ye rāca ado bajiro tutuaro avasāñuju Jesús:

—Eloi, Eloi, ¿lema sabactani? —yivasāñuju. (“Dios, yu jaca, ¿no yigu yare cãmotadiati mu?” yire ũni ñañuju ti.)

³⁵ Sīgũri toju ñarā, to bajiro ĩ yivasāsere ajicōari, ado bajiro yiyujarā ĩna:

—¡Ajiya mual Diore gotirētobosarimasu El'ias ñamasir'ire jigũ yami —yiyujarā ĩna.

³⁶ To bajiro Jesús ĩ yivasārone, sīgũ, Jesús tu ũmaejacōari, uye oco jiarere ñiabiacoari, yucá gajaju siatucōari. Jesús rise tujure ñumotuyuju. To yigune, ado bajiro ĩ rācanare yiyuju ĩ:

—Ñagōbesa mua maji. El'ias ñamasir'ĩ ãnire ĩ rujiosere ĩato mani —yiyuju ĩ.

³⁷ Tutuaro avasātusa, usatadicoasuju yuja. ³⁸ Tirĩmarone, Diore yirācuburiavi yotoria gasero vorujjedicoasuju ti. “‘Dios ĩ ñarisōa’ vāme cuti sōare sājamasibeamas masa” yirā, ĩna yotoria gasero ñañuju.

³⁹ Jesús ĩ usatadiro, ĩ rĩjorojua ĩarügōñuju surara uju. To bajiri Jesús ĩ usatadisere ĩacōari, ado bajiro yiyuju ĩ:

—Socabesumi. Dios macũne ñaboayumi āni —yiyuju ĩ.

⁴⁰⁻⁴¹ Galilea sitaju Jesúre suyavadiriarā rōmiri quēne sōju ĩarügōñujarā. ĩna ñañujarā ĩ ejarēmoriarā. ĩna rāca ñañuju Mar'ia Magdalena. Gajeo Mar'ia vāme cutigo quēne ñañuju. Sone ñañuju Santiago Mojogũ ĩna yigu, to yicōari, José vāme cutigu jaco. Gajeo, Salomé vāme cutigo quēne ñañuju. Gājerā jājarā ñañujarā Jesúre suyavadiriarā rōmiri, Jerusalénju ĩ rijarere ĩariarā.

Jesúre ĩna yujere queti

(Mt 27.57-61; Lc 23.50-56; Jn 19.38-42)

⁴²⁻⁴³ Arimatea macagu, José vāme cutigu quēne, ñañuju. Jud'io masa ujarā rācagu, masa ĩna ĩarācubogũ, “‘Rotimuořögörcũmi’ yigu, Dios ĩ cōar'ĩ ñaami”, Jesúre yitũoĩagũ ñañuju. Tirĩmũjama jud'io masa ĩna ususājariarũmu rĩjoroagarũmu rāiorotirũmu rĩjoroaca ñañuju. To bajiri José, Jesús ĩ rijatore ĩacōari, “Jesúre rācubogũ ñaja yu” yitũoĩatutucōari, Pilatore sēnigũ vasuju, Jesús rujarire āmiru.^m

⁴⁴ Pilatojua, José ĩ sēnisere ajicōari. “¿Socabeati? ¿Jēre rijacoasujari ĩ?”, yitũoĩañuju. To yigu ñari, surara ujure jiyuju. To bajiri ĩ ejarone,

—¿Rijamasucoati Jesús vāme cutigu? —Īre sēniñañuju ĩ.

⁴⁵ To ĩ yisere ajicōari, —Jēre rijacoami —Īre yicadiyuju ĩ, surara uju.

To ĩ yirone, José ĩ sēnirore bajirone ĩre cadiyuju Pilato. ⁴⁶ To ĩ yir'ĩ ñari, sudijāiri botiquēnarijāiri rāca Jesúre ĩ gũmarotijāirire vaja yicōari, ĩ rujarire rujiogu vasuju. Īre rujiocōari, ĩre gũmañuju, tijāiri rāca. To yigajanocōari, masa yujeriavi gũtavi mame ĩ quēnorotiriaviyu ĩ rujarire cũñuju. To yicōari, ti vi sojere gũtane tũnobibecũ vacoasuju ĩ. ⁴⁷ Mar'ia Magdalena, to yicōari gajeo Mar'ia, José vāme cutigu jaco quēne, Jesús rujarire José ĩ cũro ĩañañujarā ĩna.

^m 15:42-43 “Ususājariarũmure yirā, ĩna moatusariarũmu rāioato bero ñasuoaja”, yirügũñujarā judio masa. To bajiri, quēnoveo jeocōarügũñujarā ĩna ususājariarũmu ejaroto rĩjoro, tirĩmũre “Moamenane ususājacōa ñarāsa” yirā ñari.

16

*Jesús i tudicature queti**(Mt 28.1-10; Lc 24.1-12; Jn 20.1-10)*

¹ ʔsusajariarām ti jediro, quēna moasuoriarām jējuaca Mar'ia Magdalena, gajeo Mar'ia, Santiago jaco, to yicōari Salomé vāme cutigo quēne, sutiquēnase vaja yiyujarā ina, “Jesús rujare turāsa mani” yirā. ² To yicōari, muiju i busumujado, Jesús rujarire ina yujeriarivire iarā vasujarā ina. ³ Vanane,

—¿Nimu ñarolari, yujeriarivi gūta ina biberiare manire tūnuogobosarocu? —gāmerā yiyujarā ina.

⁴ Ejacōari, ina iajama, gūta tūnuo bibeboariaro mañuju. ⁵ Jairicarō ñañuju. To bajiri ti vi sājacōari, sīgū āngel i rujisere iañujarā ina. Sudiro botiriase yoariase sāñacōari rujiyuju riojocatuajuare. Buto gūiyujarā ina. ⁶ To ina bajirone, ado bajiro ñare yiyuju i:

—Gūibesa mua. Jesús Nazaret macagure, yucútēroju ina jajusīamasigūre mua macasere masiaja yu. Maami adojure. Tudicaticoami. Ire ina cūmasirijure iaña mua. ⁷ Vasa mua. I buerimasare ado bajiro ñare gotiaya: “Mani rījoro Galilea sitaju varocu ñañuju. Toju ire tudīaruarāja mani, i goticatore bajirone”, ñare yigotiaya mua —ñare yigotiyuju āngel.

⁸ To i yisere ajicōari, Jesúre ina yujeboariaviju budicōari, gūirā ñari buto nanañujarā. To bajicōari, gājerāre gotimenane ūmacoasujarā ina.

*Mar'ia Magdalenare Jesús i ruyuañore queti**(Jn 20.11-18)*

⁹ Tirām, Jesús i tudicatarirām, ti semana ñasnorirām ñañuju ti. Busuriju jēju quēna tudicaticōari, Mar'ia Magdalenare rījoro ruyuañojuju i. Cojomo cōro gaje āmo jua jēnituarirācu so usuju sāñariarāre vātiare i bureario ñañuju so. ¹⁰ Jesús i tudicatisere iacōari, i buerimasare ire tuoīasutiriti otirāre gotigo vasuju so. ¹¹ Ina ta ejacōari ado bajiro yiyuju so:

—Quēna catiami Jesús. Ire iamu yu —ñare yiboayuju so.

So gotisere ajiboarine, “Ríojo gotiamo”, yibesujarā ina.

¹² Bero, i buerimasa juarā Jerusalénju budicōari ina vacudirone, ñare ruyuañojuju Jesús quēna. Gājire bajigu ñacōari, ñare ruyuañojuju. To bajiri, ire iamasibesujarā ina maji. ¹³ “Jesús ñaami” yīamasicōari, tudiasujarā ina, gājerā i buerimasare gotirā vana. Ina gotiboajaquēne, “Ríojo gotiama”, yibesujarā ina quēne.

*“Ado bajiro yu oca masare gotimasioruarāja mua”, Jesús i yire queti**(Mt 28.16-20; Lc 24.36-49; Jn 20.19-23)*

¹⁴ To yiro bero, cojorām i buerimasa juaāmo cōro, gabo coja jēnituarirācu ñarā ina barujirone, ñare ruyuañojuju Jesús quēna. ñare ruyuañocōari, ado bajiro ñare gotiyuju Jesús: —Yu tudicatiro bero, gājerāre yu ruyuañosere iacōari, muare ina gotiboasere, “Ríojo gotiama”, yituoīabeju mua. “Jēre masiaja” yirāre bajiro tuoīaboabu mua. Tuoīavasoaruabeju mua —ñare yigotiyuju Jesús. ¹⁵ To bajiro yicōari, quēna ado bajiro ñare rotiyuju Jesús:

—Masa jedirore yu ocare ñare goticudiruarāja mua, “Ajitirānuato” yirā. ¹⁶ No bojagure, yu ocare ajitirānucōari, oco rāca bautizarotigure, “Rojose maja” ire yīacōari, rojose tāmūotujabetiraroju i vaborotire ire yirētobosarucuja yu. To bajiboarine, no bojagu yu ocare ajitirānubecurema, rojose ñacōaruaroja ire. To bajiri rojose tāmūotujabetiraroju varucumi i ūgama —ñare yigotiyuju Jesús. ¹⁷ —Yure ajitirānurā, ado bajiro yiruarāma ina: Yure ajitirānurā ñari, yu masise suorine masa usuriju sāñarāre vātiare burearuarāma. To yicōari, ina masibeti oca ñaboasere ñagōruarāma. ¹⁸ Āñare ina ñaboajaquēne, to yicōari, oco jūnise vuore ina idiboajaquēne, no bajibetoja ñare. Diore sēnicōari, rijarāre āmo ñujeoruarāma. To ina yirone, caticoaruarāma —ñare yiyuju Jesús.

*Dios i ñaroju Jesús i mujare queti**(Lc 24.50-53)*

¹⁹ To i gotiro bero, Dios i ñaroju mani ūju Jesúre āmimuja vasuju Dios. Ire āmimuja ejacōari, riojocatuajuare ire rojoyuju Dios. ²⁰ To i mujaro bero, masa ñajedirore Dios oca goticudirā vasujarā ina Jesús i buerimasa yuja. To bajiro ina goticudisere iacōari, mani ūju Jesús ñare ejarēmofuju, “ñare quēnaro ajitirānuato” yigu. To bajiri i ejarēmose rāca iañāñamani masare yīñojujarā ina quēne.

To cōrone ñaja.

Evangelio según SAN LUCAS

¹ Teófilo, ¿ñaboati mu? Jesús i bajire queti mure ucabosagu yaja yu. Jājarā masa Jesús i bajire quetire ucayuma ina. ² Jesús buerā, yuare ina goticatore bajirone ucayuma. ³ To bajiri, yu quēne, ti queti jedirore quēnaro buecōari, tire mure ucabosagu yaja yu. ⁴ “Ti quetire quēnaro masijeocōato” yigu, mure ucabosaja.

Oco rāca masare bautizarimasu Juan vāme cutigu, i ruyuare

⁵ Judea sitana uju, Herodes vāme cutigu i ñarirodo ñañujarā Zacar'ias, i manajo Isabel vāme cutigo rāca. Zacar'ias, Ab'ias ñamasir'i jānami ñari, pai ñañuju i. I manajo quēne pai, Aarón ñamasir'i jāneño ñañuju so. ⁶ Dios i iajama, quēnarā ñañañujarā ina juarājune. I rotiore bajirone yiyujarā ina. Masa quēne, “Rojose yirā ñaama ina”, ñare yimasibesujarā. ⁷ Rīa mana rīne bucarā ñacoasujarā ina. Buto rīa cutiruarūgūboayujarā, bajirājuma.

⁸⁻⁹ Cojorūmu Diore yirūcuburiaviju moañañuju Zacar'ias, i yarā rāca. Ina yirūgūriarore bajiro yiyujarā: “Ñimujua ‘Dios i ñarisōa’ vāme cuti sōaju i sājaro ñañarāsa mani” yirā, reacñañujarā, gūtarine. To yigajanocōari, “Zacar'ias ñaami, tisōaju sājaroču” yimasicōari, ĩre sājariotiyujarā ina.

—Quēnase sutisere bueaya mu —ĩre yiyujarā ina.

To bajiri, tisōaju sājajecōari, bueyuju i, Zacar'ias. ¹⁰ Tire i buetoyene, macajāju ñacōari, jājarā masa Diore sēniñañujarā ina. ¹¹ To bajiri quēnase sutise i bueñarone, i bueñaricasabo riojocacatuajuare ruyuarūgūñuju ángel. ¹² To i bajirone ĩre ñaucacoasuju Zacar'ias. To bajicōari, buto ĩre güiyuju. ¹³ To i bajirone, ado bajiro ĩre gotiyuju ángel:

—Yure güibesa mu. Dios ĩre mu sēnirūgūšere mure ajiami. To bajiri, ado bajiro mure yicōami: “Macu cutirucocomo so, i manajo. Juan ĩre vāme yato”, mure yimi Dios —ĩre yigotiyuju ángel.

¹⁴⁻¹⁷ To yigajano, ado bajiro ĩre gotirūtuasuju, Zacar'iare, i macu ñarocu i bajirotire gotigu:

—Mu macu ñarocure Juanre ĩre ĩacōari, “Yure quēnaro rācubuoami”, yirucumi Dios. Ado bajiro bajirucumi mu macu: I jacore sāñagūjurene, Esp'iritu Santore cōarucumi Dios, Esp'iritu Santo i ejarēmose rāca tuoīacōari, Dios i bojarore bajiro Juan i yirūgūrotire yigu. Masa rojose ina tāmuborotire ñare yirētobosacōari, “Rotimurūgūrucumi” yigu, Dios i cōarocu, Cristo i ruyaroto rījoro ruyuarucumi mu macu. Idire mecusere, to yicōari, vinore quēne idibetirucumi. I suorine jājarā Dios i bojarore bajiro tudituoīaruarāma Israel ñamasir'i jānerabatia. Diore gotirētobosamasir'i El'ias vāme cutimasir'ire bajiro masare güituoīabecune gotimasiorucumi. Jacua ina rīare “Tudimaiato ina” yigu, gotirucumi. Diore ajimena, “Tuoīavasoto ina” yigu, to yicōari, “Rotimurūgūrucumi” yigu, Dios i cōarocure Cristore yurā, quēnase ina tuoīavasorotire yigu, to bajiro yirucumi. To bajiro yiroču i ñajare, i ruyuaro buto variquēnarucuja mu. Jājarā masa buto variquēnaruarāma, bucuacu to bajiro i gotisere ajicōari —Zacar'iare ĩre yigotiyuju ángel.

¹⁸ To i yirone, ado bajiro ĩre yicūdiyuju Zacar'ias:

—¿No bajiro mu yisere ĩacōari, “Riojo yami”, mure yimasirucuada yu? Rīa mana bajiaja yua. Jēre bucuo ñaamo yu manajo. Yu quēne bucu ñaja yu —ĩre yiyuju, ángeljuare.

¹⁹ To bajiro i yijare, ado bajiro ĩre gotiyuju ángel:

—Diorācagu ñaja yu, Gabriel vāme cutigu. “Quēnase queti gotiaya” yigu, yure cōami.

²⁰ To bajiri mure yu gotiire bajiro bajiraroja. Adire yu gotisere quēnaro ajiya mu: Yu gotisere “Bajibetoja” mu yituoīajama, ñagōbecu ñacoarucuja mu. Mu macu i ruyuaro bero tudīñagōarucuja mu, bajigūjuma —Zacar'iare ĩre yigotiyuju, ángel.

²¹ To ina gāmerā yīñaro ñone, macajāju Zacar'iare yucōa ñañujarā ina. Yubusaboana, “¿No yigu to cōro yoaro bajiatu?”, yituoīañujarā ina. ²² To ina yīñarone, budicoayuju i yuja. Ina tujere budiejacōari ñare gotimasibesuju, ñagōmasibecu ñari. To i bajisere ĩacōari, “Diore yirūcuburiaviju Dios i ruyuašosere ĩar'i ñari, bajiami”, yimasicōañujarā ina. ñare gotimasibeticoā tujasuju i. To bajiro bajigu ñari, i āmorine i bajirere ĩnare gotiyuju.

²³ Diore yirūcuburiaviju i moarūgūrere moagajanocōari, i ya viju tudicoasuju i yuja. ²⁴ To i baji tudiejato bero, guda ñacoasuju so, i manajo, Isabel vāme cutigo. To bajiri cojomocārācu muijua cōro vi budibeco bajīñañuju so. ²⁵ To bajīñagōne, ado bajiro yituoīañuju so: “Rīa manicoadica yu. To bajiri buto bojonerūgūcaju yu. Yucarema Dios yure ĩamaicōari, quēnaro i yijare, guda ñaja yu yuja”, yituoīa variquēnarūgūñuju so.

Jesús i ruyuarotire ángel i gotigu ejare queti

²⁶ Isabel vāme cutigo cojomo cōro, coja jēnitarirācū muijua, gūda so űatusato, quēna gaje queti ĩre gotirotiyuju Dios, āngel Gabriel vāme cutigare. Galilea sita, Nazaret vāme cuti macaju ĩre cōañuju Dios. ²⁷ Toju űañuju so, Jesús jaco űaroco, Mar'ia vāme cutigo. Mamo, űmua rāca űabeco űañuju so. Ŭju David űamasir'i jānami, Josē vāme cutigu manajoroco űañuju so. ²⁸ To bajiri Gabriel, so tū ejacōari, ado bajiro sore yiyuju:

—ĴNaboati mu? Gājerā rōmia rētoro quēnaro mure yigu űari, quēnaro mure codeami Dios —Mar'iare yigotiyuju ĩ.

²⁹ To ĩ yirone, tire ajicōari, buto tuoĭarejaiyuju so: “ĴNo yigu to bajise yure yati ĩ?”, yituoĭarejaiyuju so. ³⁰ To bajise so yituoĭarone ado bajise sore gotiyuju ĩ, Gabriel:

—Yū gotisere tuoĭarejaibesa mu. Buto mure maiami Dios. ³¹ Yū gotisere quēnaro ajiya. Gūda űarūocoja mu. To bajicōari, macū cutirūocoja mu. Macū cuticōari, Jesús ĩre vāme yirūocoja mu. ³² Masigū űarūcūmi mu macū. Mu macūre, “Yū macū űaami”, ĩre yirūcūmi Dios. ĩ űicu, David vāme cuticacū, “Israel űacacū jānerabatia űju űaűa mu” yigu, űju ĩre cūcūmi Dios. ĩre ĩ cūcatore bajirone mu macūre quēne űju ĩre cūcūmi ĩ. ³³ To bajiri Israel vāme cuticacū jānerabatiare rotimorūgōrūcūmi mu macū. ĩ rotise jedibetirūaroja ti —Mar'iare sore yigotiyuju ĩ āngel.

³⁴ To ĩ yisere ajicōari, ado bajiro ĩre sēnıañuju so:

—Ŭmua rāca yū űabetiboaquēne, Ĵno bajiro yure bajiroti ti? —ĩre yisēnıañuju so.

³⁵ To so yisēnıarone, ado bajise sore yigotiyuju ĩ:

—Dios ĩ rotise rāca gūda űarūocoja mu. Esp'iritu Santore mu taju ĩre cōarūcūmi. To bajiri mure ejacōari, mure macū yirūcūmi ĩ. To bajiro mure ĩ yijare, mu macū űarocūre, “Quēnagū, quēnaro yigu, Dios macū űaami”, ĩre yimasirūarāma masa. ³⁶ Mu yo Isabel vāme cutigo quēne bucuo űaboarine, macū sāñagō űaamo so. Cojomo cōro coja jēnitarirācū muijua jēre gūda űatusajamo so, rıa magō ĩna yiboacacōne. ³⁷ Dios quēnaro sore ĩ yijare, bajiamo so. Disejuane Diorema josase maja. ĩ yimasise rıne űacōaja. To bajiri bajiamo. Mu quēne, to bajirone bajirūocoja mu —Mar'iare yigotiyuju ĩ.

³⁸ To ĩ yisere ajicōari, ado bajiro yiyuju so:

—Dios ĩ rotirore bajirone yirūocoja yū. To mu yirore bajirone yure yato Dios —yiyuju so, Mar'ia, āngeljuare.

To so yiro bero, vacoasuju ĩ, āngel Gabriel vāme cutigu.

Isabel taju Mar'ia so ıagō vare queti

³⁹ Tiju bero, gajeyeūni quēnosāje, guaro vacoasuju so, Judea sita buto buri jairoju, Isabelre ıagoaco. ⁴⁰ Toju ejacōari, Zacar'ias ya viju sājaejacōari, ĩ manajore sēnıañuju so. ⁴¹ To so yiro ajicōari, so gūdajoa sāñagū sūca yuguuiyuju ĩ. ⁴²⁻⁴³ To ĩ yirone, Esp'iritu Santo ĩ ejarēmose rāca tuoĭacōari, ado bajiro Mar'iare gotiyuju Isabel:

—Yū űju jaco űaroco ejaja mu. Buto quēnaro mure yiyumi Dios. Mu macū űarocūre quēne, buto quēnaro ĩre yirūcūmi. űamasugō me yū űaboajaquēne, yure ıagō ejaja mu. ⁴⁴ Yure mu sēnıarone, yū gūdajoa sāñagū sūca variquēnagū, yuguuiami. ⁴⁵ “Dios ĩ goticōariare bajiro bajirūocoja yū” yituoĭagō űari, variquēnaja mu quēne —Mar'iare yiyuju Isabel.

⁴⁶⁻⁴⁹ To bajiro so yirone, variquēnagō űari ado bajiro yiyuju Mar'ia:

—ĩ bojarore bajiro yirūa tuoĭagō űaboarine, űamasugō me yū űaboajaquēne, yure ıamaicōari quēnaro yami Dios. To bajiro yure ĩ yise űajare, “űie rojose mano yure yirētosarūgūgūmi”, Diore ĩre yivariquēnaja yū. Buto quēnaro yami Dios, ĩ bojarore bajiro quēnaro yū yirotire yigu. ĩ űagūmi masijeogu. Quēnaro yigu űagūmi. To bajiro quēnaro yure ĩ yise űajare, “Quēnaro sore yiyumi Dios”, yure yirūgūrūarāma masa űajediro.

⁵⁰ ĩre rūcūbuorāre ıamaicōari, quēnaro yirūgūgūmi Dios. To bajirone yicōa mūorūgōrūcūmi.

⁵¹ “Gājerā rētoro masirā űaja yūa” yituoĭarā, no bojase ĩna yirūaboasere ĩnare yirotibesumi Dios.

⁵² Ŭjarāre űamasurā ĩna űarūaboasere ĩnare űarotibeticōari, űamasumenajuare, “űamasurā űato”, yiyumi.

⁵³ űie manare quēnasere ĩnare cōaboarine, gajeyeūni jairārema ĩnare cōabesumi.

⁵⁴⁻⁵⁵ Adire masiritibecū űari, to bajiro yiyumi: Mani űicu, Abrahamre, ĩ beroanare quēne, “Mua masare, mua jānerabatiare quēnaro yicōa űarūcūja yū”, ĩnare yigotimasıñuju Dios. Tire masiritibecū űari, to bajiro yiyumi —Isabelre yigotiyuju Mar'ia.

⁵⁶ Idiarā muijua sore baba cutıñaboa, so ya viju tudicoasuju Mar'ia.

Juan vāme cutigu, masare oco rāca bautizarimasū, ĩ ruyuarē

⁵⁷ Mar'ia so tudioato bero, macū cutiyuju so, Isabel. ⁵⁸ So macū cutisere ajicōari, “Quēnaro sore ejarēmogū yiyumi Dios”, yituoĭañujarā ĩna, so yarā, so tūana quēne. To bajiro yituoĭarā űari, sore variquēna ejayujarā ĩna.

⁵⁹ Ī ruyuariaro bero, cojomo cōro, idia jēnitarirāmuri ĩ cūotusato, ĩ tujare ejayujarā masa, ĩna yirūgūriaro bajiro sūcare circuncisiōn yirā ejarā. To yicōari,

—Ī jacu vāmene ĩre vāme yito mani—yiboayujarā ĩna.

⁶⁰ To ĩna yiboajaquēne, jacojuama,

—Bajibeaja. Juan vāme cutiami —ĩnare yicōañuju so.

⁶¹ To so yiro ajicōari,

—Mū ya jūnana ti vāmere vāme cutibeticoayuma —sore yiyujarā ĩnajuama.

⁶² To yicōari, Zacar'iare, ĩna āmorine ado bajise ĩre sēniñañujarā:

—Mū macure, ¿No bajise ĩre vāme yiruati mū? —ĩre yisēniñañujarā ĩna.

⁶³ To ĩna yijare, ñagōbecu ñari, ucariajāi sēniñuju Zacar'ias. Tijāire āmicōari, “Juan vāme cutiami, yū macu”, ĩnare yiuca ioñuju ĩ. Ti ũnire ĩabetirūgūriarā ñari, no yimasibesujarā ĩna yuja. ⁶⁴ Tirīmarone, tudiñagōcoasuju Zacar'ias quēna. To bajicōari, “Quēnamasucōaja”, Diore yivariquēñañuju. ⁶⁵ Ti quetire ajicōari, buto gūiyujarā ĩna tuana ñajediro, ti ũnire ajibetirūgūriarā ñari. Judea sitana burori cutoana jediro ti quetire gāmerā gotibatoyujarā ĩna. ⁶⁶ ĩna gotibatose ajicōari, Zacar'ias macure Dios ĩ ejarēmose ñajare, “¿Всучах, no bajiro yigu ñariquida?”, yituoñañujarā.

Zacar'ias ĩ basare queti

⁶⁷ Cojorāmū Esp'iritu Santo ĩ ejarēmose rāca Diore gotirētososagu, ado bajiro basayuju Zacar'ias:

⁶⁸⁻⁷⁵ —Tirāmujū ado bajiro Diore gotibosamasinujarā ĩre gotirētososamasiriarā: “Sīgū, Hju David ñamasir'i jānami, mū jānerabatiare ejarēmogū ruyuarucūmi. Ruyuacōari, mū jānerabatiare ĩaterimasa suorine rojose ĩna tāmūborotire ĩnare yirētososarucūmi”, Diore yigotirētososamasinujarā ĩna. Ado bajiro mani ñicure gotimasinuju Dios: “Yū goticatore bajiro muare, mū jānerabatiare quēne ĩamaicōari, quēnaro ĩnare yicōa ñarucūja”, manire yigotimasinuju Dios. Mani ñicure, Abraham vāme cutimasir'ire quēne ado bajiro gotimasinuju Dios: “Yū ñaja Dios. Riojo mure gotiaja yū. Mū jānerabatiare gājerā ĩna ĩatese suorine rojose ĩna tāmūborotire ĩnare yirētososarucūja yū. ĩnare gūimenane, yū bojarore bajiro ‘Yimasiatō ĩna’ yigu, to bajiro yirucūja yū. Adire masiritibetirucūja yū. To bajiri, ĩna catiñaro cōro ‘Yuare ĩagūmi Dios’ yimasiritimenane, yū bojarore bajiro quēnaro yirūgūrārāma”, yigotimasinuju Dios. To bajiri, ĩre gotirētososarimasa, ĩna gotimasiriarore bajiro, to yicōari ĩ masune ĩ gotimasiriarore bajirone yiguagu yigūmi Dios yuja. Yoaro mene adi macarucuroju vadicoari, ĩre ajitirānūrāre rojose mani tāmūborotire yirētososaguagu yigūmi. To bajiro yirocū ĩ ñajare, “Quēnaro yaja mū”, Diore ĩre yivariquēnato ñani mū—yibasavariquēñañuju Zacar'ias.

⁷⁶⁻⁷⁹ To yigajanocōari, “Ado bajiro yirocū ñaja mū”, ĩ macure yibasavariquēñañuju Zacar'ias: —Yoaro mene ejarucūmi mani uju, “Rotimūorūgōrucūmi” yigu, Dios ĩ cōarocū. To bajiro ĩ bajiroti rjoro ñajare, “Rojose mū yirūgūsere yitujacōari, quēnasejuare tuoĭavasoaya mū, ĩre yurā”, yigotimasiorocū ñaja mū. To bajiro mū yisere ajicōari, tuoĭavasoaya yuñarāre ĩamaicōari, quēnaro yigu ñari, ĩ rāca quēnaro ñacōari, “Ī bojarore bajiro quēnaro yirā ñato” yigu, ĩ yere masimenare ĩnare gotimasiorocōari, rojose ĩna tāmūborotire ĩnare yirētososarocure cōarucūmi Dios. To bajiro yigoti rjoro cutirocū mū ñajare, “Masirētogūre Diore gotirētososarimasa ñaami”, mure yilārārāma masa, —ĩ macure Juanre yibasavariquēñañuju Zacar'ias.

⁸⁰ Yucū manojū Всучаууу Juan vāme cutigu. Всучарūtucūne, Dios ĩ bojarore bajiro quēnaro yigu ñarūtucūju ĩ. Masare ĩ gotimasiorotirāmū ti ejaroto rjoro, yucū manojure ñarūgūñuju.

2

Jesús ĩ ruyuare queti (Mt 1.18-25)

¹ To bajiro bajiñarirodore masa ñajediro uju, César Augusto vāme cutigu, ĩ rotirimacarire ñarāre, “Ado cōro ñaama” yimasiru, ĩna vāmere ucaturotisoyuju ĩ. ² ĩre rotibosarimasa, Cirenio vāme cutigu Siria sitana uju ĩ ñarirodore masa vāmere ucaturotisoyuju César. ³ To bajiri, masa ñajediro, ĩna ñicua ĩna ñamasiriaroju vāme ucaturotirā varoti ñañuju.

⁴ To bajiri, José quēne, Galilea sitajure ñarimaca Nazaret vāme cuti maca ñar'i, Judea sita Belén vāme cuti macajure vasuju. Ti macaju ruyuamasinuju ĩ ñicu ñamasir'i, Hju David. To ĩ bajimasire ñajare, toju vasuju, José, Mar'ia rāca ĩna vāmere ucariotiguacu. ⁵ Jēre so jacuare sēnicōañuju ĩ. To bajiro yir'i ñari, so rāca vasuju José. “Macu cutirūocomo” Dios ĩ yirio ñari, guda ñañuju so. ⁶ To bajiri Belén vāme cuti macaju ĩna ejaro, so macu cutirotirāmū ejayuju ti. ⁷ To bajiro sore ti bajijare, vacudirā ĩna cānirivi ĩna ñarotijare sēniboayujarā ĩna.

Masa jāmucōaŋujarā, ti vire. To bajiri, vaibucurāre bare ecariaviŋu ejayujarā ina yuja. Toju Dios macure macu cūtiyuju Mar'ia. To yicōari, sūcare sudigaserorine ire gūmaŋuju so, jud'io masa ina yirūgūriarore bajiro yigo. To yicōari, cānijasariaro ti manijare, vaibucurāre bare ecariacoroju so macure sāñuju so.

Oveja coderimasare Jesús i ruyuasere ángel i gotire queti

⁸ Belén maca tu ŋaŋujarā ina, oveja coderimasa. Ŋamire ĩnare ĩtirūnaŋaŋujarā ina. ⁹ To ĩna bajirone, ĩna tujare ruyuarūgūŋuju sīgū ángel, Diore moabosagu. To ĩ bajirone, ĩna tujū buto busubatoyuju, “‘Dios macu ruyuagumi’ yīlamasiato ĩna” yigu. To bajiro ti bajijare, oveja coderimasa buto gūiyujarā ina. ¹⁰ To ĩna bajirone, ado bajiro yiyuju ángel:

—Gūibesa mua. Masa ĩna ĩvariquēnarotire yigu, quēnase queti muare gotigu bajaia ya. ¹¹ Eju David i ruyumasacati macajare, masa rojose ĩna yise vaju ĩnare vaju yibosarocu, yucane ruyuami. I ŋaami mani eju, “Rotimorūgōrucumi” yigu, Dios i cōagū. ¹² Ado bajiro bajiŋagūre ire bujamasiruarāja mua: Vaibucurāre bare ecariaviŋu ŋagūmi. Toju sudigaserine gūmacoar'i, vaibucurāre bare ecariacoroju sāñagūmi i. Toju ŋagūre ire ĩabujacōari, “ĩne ŋaami”, yimasiruarāja mua —ĩnare yigotiyuju ángel.

¹³ To i yīnarirīmarone, gājerā ángel mesa jājarā ruyuyujarā ina. Ruyucōari, ado bajise Diore ire basavariquēnaŋujarā ina:

¹⁴ —Dios ō vecagu quēnarētogū, to yicōari, masirētogū i ŋajare, quēnaro ire yito mani. Dios i ĩvariquēnarā i rāca quēnaro ŋato ina —yiyujarā ina ángel mesa.

¹⁵ To yigajano, tudicoasujarā ina, ō vecaju, Dios i ŋaroju. ĩna tudiatro bero,

—Dios manire i queti cōare ajiaja mani. To bajiri, Belénju vaiaato mani—gāmerā yiyujarā ĩna oveja coderimasa.

Oveja coderimasa Jesúre ĩna ĩarā vare queti

¹⁶ To bajiro gāmerā yigajano, guaro vacoasujarā ina yuja. Toju ejacōari, Josére, Mar'iare ĩnare ĩabujayujarā ina. Sūcare quēne vaibucurāre bare ecariacoroju sāñagūre ire ĩabujayujarā.

¹⁷ ĩre ĩabujacōari, ángel ĩnare i gotire to ĩnarē ĩnare gotiyujarā. ¹⁸ To ĩnariā jediro, ĩna gotisere ajicōari, no yimasibesujarā, ti ũnare ajibetirūgūriarā ŋari. ¹⁹ Mar'iajuama ŋagōbesuju so, oveja coderimasa ĩna gotisere ajicōari. To bajiboarine, sūca i bajisere buto tuoiaŋuju so masuriojuma. ²⁰ To bajiri oveja coderimasa ti quetire gotigajano, tudicoasujarā ina. Tudianane, ado bajise Diore ire yivariquēna tudiasujarā ina:

—Dios manire i queti cōare, riojo ŋaŋuja ti. Masirētogū, to yicōari, quēnarētogū ŋagūmi Dios —ire yivariquēna vasujarā ina.

Diore yirūcuboriaviŋu, Jesúre ĩna āmiate, Simeón vāme cutigu Jesúre i ĩare queti

²¹ Sūca cojomo cōro idia jēnituarirūmuri i ruyuariaro bero ti tusato, circuncisión ĩre yiyujarā. To yicōari, Jesús ĩre vāme yiyujarā ina, sūcare. Mar'ia guda so ĩaroto rījorojune ángel sore i vāme yirotiarore bajirone ĩre vāme yirā yiyujarā ina.

²²⁻²⁴ To ĩna yiriaro bero, Jerusalénju vasujarā ina. Moisés ŋamasir'ire Dios i roticūmasirere cudirā bajiyujarā ina. Ado bajise roticūmasiŋuju i: “Sūca i ruyuario bero, juarā masa cōro ĩnarirūmuri bero, buja mua ecariarāre ĩsima, paiaire. Mua cuobetijama, vaju yicōari, ĩsima, ‘ĩnare soemuoato’ yirā. To bajiro yiba, yare rūcuborā. To bajiro mua yijama, sūca i ruyuaroto rījoro yare yirūcuboriaviŋu mua sājārūgūriarore bajirone sājamasiruarāja mua quēna. Mua ĩsijama, buja mame bucuarāre ĩsiruarāja mua. Eju, rōmio, to cōrone ĩsiruarāja mua. Buja mame bucuarā ĩna manijama, juarā bujare bajirā ĩnarācare ĩsiruarāja mua”, yirotimasiŋuju Dios. Gajeye ado bajiro yirotimasiŋuju Dios: “Mua macu ruyuasogure, paiaire ĩorā, ĩre āmivaruarāja mua, ‘Dios yu ŋaami’ yīorā”, yirotimasiŋuju Dios. To bajise Dios i yirotimasire ŋajare, Jesúre āmivasujarā, paiaire ĩroana.

²⁵⁻²⁶ To bajiri Jerusalénju ejacōari, Diore yirūcuboriaviŋure vasujarā ina. Tojare ŋaŋuju Simeón. Diore quēnaro ajirūcubogū, i rotimasiŋure quēnaro cudigu ŋaŋuju i. “‘Rotimorūgōrucumi’ yigu, Dios i cōarocu, Cristo, Israel jānerabatiare, yu yarāre ejarēmōrūgūrucumi i, ‘Quēnaro ŋato’ yigu” yituoiaŋū ŋari, i ejarotire yugu bajicōa ŋaŋuju i. Dios i cōagū Esp'iritu Santo i ejarēmose rāca tuoiaŋū ŋaŋuju i. To bajiro bajigu ŋari, cojorūmu ado bajise tuoiaŋuju: “Yu bajirocaroto rījoro, ‘Rotimorūgōrucumi’ yigu, Dios i cōarocure Cristore ĩarucuja yu”, yituoiaŋuju Simeón. ²⁷⁻²⁹ Cojorūmu Esp'iritu Santo Dios i cōagū ĩre i ejarēmose rāca tuoiamasicōari, Diore yirūcuboriaviŋu sājajacoasuju i. Tirūmune Jesúre āmiejayujarā José, i manajo rāca. To ĩna sājajearone, ĩna macure bocaāmicōari, ado bajise Diore yigotiyuju i, Diore variquēnagu:

—Yu eju, jere yu ĩaruarūgūcure yure mu goticatore bajirone ĩre ĩacōaja yuja. To bajiri, variquēnaja yu. Yu bajirocacoajama, quēnacōaroja yuja.

³⁰⁻³¹ ĩre ajitirānūrā rojose yua tāmūborotire yuare yirētobosarocure mu cōar'ire ĩre ĩacōaja jere.

³² Īsuarine “Israel jānerabatiare quēnaro yiyumi Dios” yimasicōari, Diore masiruarāma Israel jānerabatia me ñarā quēne —yiyuju Simeón.

³³ José, to yicōari, Mar'ia quēne, Jesús ĩ bajirotire Simeón ĩ gotisere ajicōari, no yimasibesujarā ĩna, “Mani macu ĩ bajirotire quēnaro goti rĭjoro cutimasiami” yirā. ³⁴⁻³⁵ To yicōari, quēnaro Dios ĩnare ĩ yirotire ĩnare ĩnubuejeoyuju Simeón. To yigajano, Jesús ĩ bajirotire ado bajiro sore gotiyuju quēna, Mar'iare:

—Quēnaro ajiya mu. “Israel ñamasir'i jānerabatia, Dios ĩ bojasere quēnaro masiato” yigu, āni sūcare cōaŋumi Dios. To bajiri ĩ gotimasiosere ajicōari, ĩre tud'iruarāma jājarā masa. To bajiro ĩna yijare, ĩnare ĩacōari, “ ‘Diore rūcubōarā ñaja yua’ yigotiboarine, ĩre terā ñaama”, yimasiruarāma gājerāju. ĩre tud'irāma, ĩna rijato beroju rojose tāmūtujabetiriaroju vajedicōaruarāma ĩna. To bajiboarine gājerājuama, jājarā, ānre ajitirānucōari, Dios yarā ñacōaruarāma ĩna, rojose tāmūtujabetiriaroju vaborona. Mųjuma, āni mų macu ĩ bajirotire buto sutiritirucōaja mų —Jesús jacore yiyuju Simeón.

³⁶⁻³⁷ To ĩ yiro bero, Diore yirūcubōriavijure ñaŋuju Ana vāme cutigo. Aser ñamasir'i jāneño ñaŋuju so, Fanuel maco. Diore gotirētobosarimaso ñaŋuju so quēne. So manaju cutiboar'i, cojomo cōro jua jēnituarirāca cūmari so rāca ñatusacune, sore bajirocaveocoasuju. To ĩ bajiveorio sĭgōne ñacōarūgūŋuju so. To bajiŋagō rĭne, ochenta y cuatro cūmari cuotusasaju. Diore yirūcubōriaviju ñacōari, so quēne Diore ĩre rūcubōgo, ĩre so sēnirirūmuri bare babetirūgūŋuju so. ³⁸ Simeón ĩnare ĩ gotiñarone ĩna tju ejayaju so Ana. ĩnare ĩ gotisere ajicōari, “Quēnaro yiyuja mų”, Diore ĩre yivariquēnaŋuju so. To yigajanocōari, “Rotimōarūgōrucumi” yigu, Dios ĩ cōarocure, “Jerusalén macana quēnaro ñato” yigu, ĩnare yirētobosarocure ĩ ejarotire tuoĭa yuñarāre, “Ĵere ruyayumi”, ĩnare yigotibatoyuju Ana.

Nazaret vāme cuti macaju ĩna tudiare queti

³⁹ José, to yicōari, Mar'ia quēne Moisés ñamasir'ire Dios ĩ roticūmasiriarore bajirone yigajanocōaŋujarā ĩna. To bajiri, Galilea sitare ñarimaca, Nazaret vāme cuti macaju Jesūre ĩre āmitudiasujarā ĩna. ⁴⁰ To baji tudieja, ti macaju ñacōaŋujarā ĩna. Toju bucayaju Jesús. Quēnaro masirūtuasaju, ĩ bucārūtuaore bajirone. To bajicōari, ruju tutuaquēnagū ñarūtuasaju ĩ. To bajiro ĩ bajiñarore ĩre yirēmōrūgūŋuju Dios.

Diore yirūcubōriaviju Jesús ĩ tujare queti

⁴¹ Nazaretju Jesús ĩ ñatoye, Jerusalénju tocārāca cūmane Pascua boserāmu ĩarā varūgūŋujarā ĩ jacua. ⁴² To bajiri juaāmo cōro, gubo jua jēnituario ñaricūmari tucacaju, Pascua boserāmure ĩaguacu, ĩ jacua rāca vasuju Jesús. ⁴³⁻⁴⁵ Boserāmu ĩagajano, ĩna tudirirāmu, “To bajigumi” yimasīña manone, tojane tujacoasuju Jesūjuma. To ĩ bajiboajaquēne, “Gājerā rāca baba cutivagu bajigumi”, yituoĭacōaŋujarā ĩ jacuauma. To bajiro ĩna yituoĭa vaboajaquēne, rāioriju ĩna tujare ejabesuju. To bajiro ĩ bajijare, ĩna yarāre, ĩna rāca vanare, ĩna masirāre sēñacudiboayujarā ĩna. “Maami”, yicōaŋujarā ĩnajuama. To bajiro ĩna yijare, Jerusalénjune ĩre macarā tudicoasujarā ĩna.

⁴⁶ Toju ejacōari, idiarāmu ĩre macatusanaju ĩre ĩabujayujarā ĩna yuja. Diore yirūcubōriaviju ñaŋuju ĩ. Toju Dios ĩ rotimasire gotimasiorimasa rāca rujićōari, gāmerā ñagōñāŋujarā ĩna. ⁴⁷ ĩ gotisere ajicōari, “Daquēgu ñaboarine, josasere yua sēñāboajaquēne, quēnaro tuoĭacōari, yuare cudiami”, ĩre yituoĭaŋujarā ĩna. ⁴⁸ To ĩna yīñarone, Jesús jacua ĩna tju sājajecōari, ĩre ĩaucacoasujarā. To bajicōari, ado bajiro ĩre yiyuju ĩ jaco:

—Macu, ¿no yigu to bajiro yuare bajiveoati mų? Buto tuoĭarejairāne mure macamu yua —ĩre yiyuju so.

⁴⁹ To bajiro ĩre so yirone, ĩjuma ado bajiro sore cadiyuju ĩ:

—¿No yirā yare macari mų? ¿Adi vire yu jacu ĩ bojasere yu yirotire masibeti mų? —ĩ jacuare yicadiyuju Jesús.

⁵⁰ To bajiro ĩ yisere quēnaro ajimasibesujarā ĩnajuama. “No bajiro yirā yati mani macu”, yituoĭacōaŋujarā. ⁵¹⁻⁵² ĩ jacojuma, quēnaro ajimasibetiboarine, so usujuma quēnaro tuoĭacōa ñaŋuju.

To bajiro ĩnare ĩ yiro bero, ĩ jacua rāca tudicoasuju, Nazaretju. Toju bucārūtuaasuju ĩ. Bucārūtuaacune, ĩ jacua ĩre ĩna rotiore bajiro yirūgūŋuju ĩ. To bajicōari, butobusa masirūtuasaju ĩ. To bajiro ĩ bajisere ĩre ĩvariquēnarūgūŋuju Dios. Masa quēne, ĩre ĩvariquēnarūgūŋujarā ĩna.

3

Juan vāme cutigu, masare oco rāca bautizarimasu, yucá manuju ĩ gotimasiore queti
(Mt 3.1-12; Mr 1.1-8; Jn 1.19-28)

¹⁻² Cojorāmu yucá manuju Zacar'ias macure, Juanre Jordán vāme cutiyaju ĩre gotiroticōaŋuju Dios. To ĩre ĩ gotiroticōaridore, Tiberio César, juaāmo cōro, cojo gubo

jediro ñaricāmari ī rotitusaticūmare, cojo sita me ñarāre rotigu ñañuju ī. Īre rotibosarā quēne ñañujarā ĩna. Pilato vāme cutigu Judea sitanare ĩre rotibosayuju ī. Gāji, Herodes vāme cutigu, Galilea sitanare ĩre rotibosayuju ī. Gāji, Herodes bedi, Felipe vāme cutigu, Iturea, to yicōari, Traconite sita ñarāre ĩre rotibosayuju, ĩma. Gāji Lisanias vāme cutigu, Abilinia sitanare ĩre rotibosayuju. To bajicōari, paia ujarā ñamasurā Anás, Caifás vāme cutirā ñañujarā ĩna.

Tiroadore Juanre gotirotiyuju Dios. ³ To ī yijare, Jordán vāme cutiya riaga tuju ñacōari, ĩre ajirā ejarāre ado bajiro gotirājadudirūgūñuju:

—Rojose mua yisere tuoīasutiritiya mua. To yicōari, “Rojose yiruabeaja yua. Diorāca quēnaro ñaruarāja yua” yirā, oco rāca yare bautizarotiya mua. To bajiro mua yijama, rojose mua yisere muare masiriorucami Dios —ĩnare yigotiyuju Juan.

⁴ Ado bajiro Juan ī bajirotire ucamasinuju Isa'ias, Diore gotirētobosarimasu ñamasir'i: “Yucú manojū sīgū masu ado bajiro goticudirūgūrucami: ‘Mani uju ejarucami. To bajiri, rojose mua yisere yitujacōari, quēnasejuare tuoīavasoaya mua, ĩre yurā. Uju, ī vadiroto rījoro, quēnaro quēnoyurāma masa. Rojoribedo maa, ñaboaria maare riojo maa gorāma, ī vadiroti maare.

⁵ Goje ti ñajama, sita rāca biberāma. Buri cuti maa ti ñajaquēne, coaquēnocūrāma. To bajiro yu yijama, “Jediro rojose mua yisere yitujacōari, quēnasejuare tuoīavasoaya mua, mani ujure yurā” yigu yaja yu.

⁶ To bajiro mua yiro bero, rojose mua tāmuborotire muare yirētobosarocure Dios ī cōagūre ĩajediruarāja mua’ yigoticudirūgūrucami, yucú manojū ñacōari”, yīucamasinumi Isa'ias ñamasir'i.

⁷ To bajiri oco rāca Juanre bautizarotirā, ejayujarā jājarā masa. ĩna bautizarotirone, ado bajiro ĩnare yiyuju Juan:

—Oco rāca muare yu bautizasere bojaboaja mua. Vātia uju rojose ī yirore bajirone rojose yijairā ñaja mua. To bajiro bajirā ñari, “Rojose yua yise vaja rojose yuare yibetirucami Dios”, yituoīa vadiboaja mua. ĩTo bajiro mua bajise suorine rojose mua tāmuborotire masibeatigue mua? ⁸ Rojosere yitujacōari, “Quēnaro yirā ñaama” masa muare ĩna yīlamasirotire yirā, quēnasejuare yirūgūrōna ñaja mua. Ado bajiro yituoīabesa mua: “Abraham ñamasir'i jānerabatia ñamasurā mani ñajare, rojose mani yise vaja rojose manire yibetirucami Dios”, yituoīabesa. Adiari gūtari rāca Abraham jānerabatiare ī godoveorujama, godoveomasigāmi Dios —ĩnare yiyuju Juan.

⁹ —Oteriyucāri, rica mani yucārire bajiro bajiaja mua. Rica manijare, quēareacōari, soereariarore bajiro yirucami Dios. Tire bajirone yiecoruarāja mua quēne, mua tuoīavasoabetijama. ĩQuēne mua yibetire ĩacōari, jeame yatibetimeju muare rearucami Dios! —ĩnare yiyuju Juan.

¹⁰ To ī yigotisere ajicōari, —ĽNo bajirojua yua yirotiro bojati Dios? —ĩre yisēñiñañujarā ĩna.

¹¹ To bajiro ĩre ĩna yisēñiñarone ado bajiro ĩnare cudiyuju Juan:

—Juase sudirori cuorā, cojase ĩsima, sudi magāre. Bare cuorā, bare magāre ecaba —ĩnare yicudiyuju Juan.

¹² Ujure gājoa sēnibosarimasa quēne ejayujarā, Juanre oco rāca bautizarotirā. Ejacōari, ado bajiro ĩre sēñiñañujarā ĩna quēne:

—Gotimasiorimasu, yuajarema Ľñiere yua yirotiro bojati Dios? —ĩre yisēñiñañujarā ĩna quēne.

¹³ To bajiro ĩna yirone, ado bajiro ĩnare gotiyuju Juan:

—Mua ujarā masare ĩna vaja sēnirotiro cōrone sēñiñā. Ti rētoro vaja sēnibeticōāña mua —ĩnare yicudiyuju Juan.

¹⁴ Surara quēne ado bajiro sēñiñañujarā ĩna:

—ĽYuarema, no bajiro yua yirotiro bojati? —ĩre yisēñiñañujarā.

To bajiro ĩna yisēñiñarone, ado bajiro ĩnare cudiyuju ĩ:

—Gājerāre ēmabesa mua. Socarāne gājerāre rojose ñagōmacabesa. Mua moase vajare, mua ujarā muare ĩna vaja yiro cōrone cuovariquēñāña mua —ĩnare yicudiyuju Juan.

¹⁵ Masajuama, Juan ī gotimasiosere ajicōari, “Rotimurōgūrucami” yigu Dios ī cōarocure buto tuoīayucōa ñarā ñari, “Ľñe ñaruyatigue?”, Juanre ĩre yituoīañujarā, ĩna usurijama.

¹⁶ To bajiro ĩna yituoīase ñajare, ado bajiro ĩnare yiyuju Juan:

—“Rotimurōgūrucami” yigu, Dios ī cōagū me ñaja yu. Rojose ĩna yisere yitujacōari, Dios ī bojasejuare yirāre oco rāca bautizarūgūaja yu. To bajiro yu yibojajuquēne, yu bero ejagu ī moasejua quēnamasucōaruaroja. ĩma, Esp'iritu Santore cōamasirucami, masare. “Dios ī bojabetire yaja yua” yimasicōari, tuoīavasoaruarāma, Esp'iritu Santo ī ejarēmose rāca —ĩnare yiyuju Juan.

¹⁷ Gajeye ado bajiro masare gotiyuju Juan:

—Yu bero ejajujuama, trigo ajere besegure bajiro yiracumi, masare. To bajiri ti gasere yireacōari, soereariarore bajiro yiracumi, jeame yatibetimeju masare cōagū. To yicōari, quēnase cōrone juagure bajiro yiracumi, ĩre ajitirānārāre juavacu —ĩnare yiyuju Juan.

¹⁸ Masare gotimasioğū, cojo vāme me gotirūğūñuju, Cristo quēnaro ĩ yirotire gotimasioğū. ¹⁹ To bajiro ĩnare gotirūğūğū ñari, Hju Herodes, ĩ bedi Felipe manajore Herod'ias vāme catigore ĩ manajo catijare, to yicōari, rojose yijaigu ĩ ñajare, “Rojose yigu yaja mu”, ĩre yiyuju Juan. ²⁰ To bajiro Juan ĩ yisere ajicōari, rētoro rojose yigu, tubiberiaviju Juanre ĩre tubibecūñuju.

Oco rāca Juanre Jesús ĩ bautizarotire queti

(Mt 3.13-17; Mr 1.9-11)

²¹ ĩ tubibe ecoroto rĳoro, rojose ĩna yisere yitujacōari, Dios ĩ bojasejuare yirāre oco rāca ĩnare bautizarūğūñuju Juan. To bajiri, Jesús quēne, rojose yibecu ñaboarine, oco rāca Juanre bautizarotigu ejayuju. To ĩ yiecoro bero, Diore, ĩ jacure sēniñuju. ĩre ĩ sēniñarone, ō vecaju ūmugasero soje jānacuasuju ti. ²² Ti jānarone, bujare bajigu rujiadicōari, Jesús joere rocajeoyuju Esp'iritu Santo. Jesús joere ĩ rocajeorone, ado bajiro yi ocaruyuyuju ō vecaju: —Yu macu, yu maigū masu ñaja mu. Mu rāca bato variquēnaja yu —ĩre yi ocaruyuyuju.

Jesús ñicua ĩna vāme cutimasire queti

(Mt 1.1-17)

²³ Treinta cūmari cōro cnotasacu, masare gotimasiosoyuju Jesús. To bajiri manire bajiro ruju cuticōari ĩ ruyuafe ñajare, “José macu ñaami”, ĩre yituoñañujarā masa. To bajiro ĩna yituoñare ñajare, ĩ jacure bajiro bajiyuju José.

José jacu ñamasifñuju Eli.

²⁴ Eli jacu ñamasifñuju Matat.

Matat jacu ñamasifñuju Lev'i.

Lev'i jacu ñamasifñuju Melqui.

Melqui jacu ñamasifñuju Jana.

Jana jacu ñamasifñuju José.

²⁵ José jacu ñamasifñuju Matat'ias.

Matat'ias jacu ñamasifñuju Amós.

Amós jacu ñamasifñuju Nahúm.

Nahúm jacu ñamasifñuju Esli.

Esli jacu ñamasifñuju Nagai.

²⁶ Nagai jacu ñamasifñuju Maat.

Maat jacu ñamasifñuju Matat'ias.

Matat'ias jacu ñamasifñuju Semei.

Semei jacu ñamasifñuju Josec.

Josec jacu ñamasifñuju Judá.

²⁷ Judá jacu ñamasifñuju Joanán.

Joanán jacu ñamasifñuju Resa.

Resa jacu ñamasifñuju Zorobabel.

Zorobabel jacu ñamasifñuju Salatiel.

Salatiel jacu ñamasifñuju Neri.

²⁸ Neri jacu ñamasifñuju Melqui.

Melqui jacu ñamasifñuju Adi.

Adi jacu ñamasifñuju Cosam.

Cosam jacu ñamasifñuju Elmadam.

Elmadam jacu ñamasifñuju Er.

²⁹ Er jacu ñamasifñuju Jesús.

Jesús jacu ñamasifñuju Eliezer.

Eliezer jacu ñamasifñuju Jorim.

Jorim jacu ñamasifñuju Matat.

Matat jacu ñamasifñuju Lev'i.

³⁰ Lev'i jacu ñamasifñuju Simeón.

Simeón jacu ñamasifñuju Judá.

Judá jacu ñamasifñuju José.

José jacu ñamasifñuju Jonam.

Jonam jacu ñamasifñuju Eliaquim.

³¹ Eliaquim jacu ñamasifñuju Melea.

Melea jacu ñamasifñuju Mena.

Mena jacu ñamasifñuju Matatá.

Matatá jacu ñamasifñuju Natán.

Natán jacu ñamasifñuju David.
³² David jacu ñamasifñuju Isa'i.
 Isa'i jacu ñamasifñuju Obed.
 Obed jacu ñamasifñuju Booz.
 Booz jacu ñamasifñuju Sala.
 Sala jacu ñamasifñuju Naasón.
³³ Naasón jacu ñamasifñuju Aminadab.
 Aminadab jacu ñamasifñuju Admin.
 Admin jacu ñamasifñuju Arni.
 Arni jacu ñamasifñuju Esrom.
 Esrom jacu ñamasifñuju Fares.
 Fares jacu ñamasifñuju Judá.
³⁴ Judá jacu ñamasifñuju Jacob.
 Jacob jacu ñamasifñuju Isaac.
 Isaac jacu ñamasifñuju Abraham.
 Abraham jacu ñamasifñuju Taré.
 Taré jacu ñamasifñuju Nacor.
³⁵ Nacor jacu ñamasifñuju Serug.
 Serug jacu ñamasifñuju Ragau.
 Ragau jacu ñamasifñuju Peleg.
 Peleg jacu ñamasifñuju Heber.
 Heber jacu ñamasifñuju Sala.
³⁶ Sala jacu ñamasifñuju Cainán.
 Cainán jacu ñamasifñuju Arfaxad.
 Arfaxad jacu ñamasifñuju Sem.
 Sem jacu ñamasifñuju Noé.
 Noé jacu ñamasifñuju Lamec.
³⁷ Lamec jacu ñamasifñuju Matusalén.
 Matusalén jacu ñamasifñuju Enoc.
 Enoc jacu ñamasifñuju Jared.
 Jared jacu ñamasifñuju Mahalaleel.
 Mahalaleel jacu ñamasifñuju Cainán.
³⁸ Cainán jacu ñamasifñuju Enós.
 Enós jacu ñamasifñuju Set.
 Set jacu ñamasifñuju Adán.
 Adán, Dios i rujeosomasiñi' i ñamasifñuju i, masa jediro ñicu.

4

Dios i bojabetire vátia uju Satanás, Jesúre i yirotiñare queti
 (Mt 4.1-11; Mr 1.12-13)

¹ Jordán ña yirisaju Juan oco răca ñe i bautizaro bero, Esp'iritu Santo bujare bajigu rujiadicōari, Jesús joere rocajeoejagune, ñe ejarēmosuoyuju, Dios i bojarore bajiro Jesús i yicōa ñarūgūrotire yigu. To bajivagure yucá manojū ñe ūmato vasuju Esp'iritu Santo.
² Tojare cuarenta ñarirūmuri Esp'iritu Santo i bojarore bajiro vacudiyuju Jesús. To i bajinārone, vátia uju Satanás, ñe ejacōari, “Yu yirotisere yicōari, Dios i bojabetire yato” yigu, ñe rotirūgūboayuju. To bajiro i bajicudirirūmuri babesuju Jesús. To bajigu ñari, bato ñiorijayuju.
³ To bajiro i bajijare, ado bajiro ñe yirotiñoayuju Satanás:

—Dios macune mu ñajama, adia gūtare, pan godoveoya mu —Ñe yirotiñoayuju.

⁴ To bajiro Satanás ñe i yiboajaquēne,

—Yibeaja yu. Dios oca masa ña ucamasire ado bajiro gotiaja: “Bare rñe ñamasuse me ñaja. Dios ocare mani cūdisēja ñaja ñamasusema. ‘Bare ti manijare, rijareararāja’ yire ti ñaboajaquēne, rijarere Dios i bojabetijama, rijabetiruarāja. Catinārotire rotigu ñaami”, yigotiaja Dios oca masa ña ucamasire —Ñe yiyuju Jesús.

⁵ To bajiro i yiro bero, gūtau joeju Jesúre ūmato vasuju Satanás. Toju ūmato ejacōari, adi macarucro ñarimacari jediro guaro ñe iojeocōañuju. ⁶⁻⁷ ñe ioģajanocōari, ado bajiro ñe gotiyuju Satanás:

—“Masa ñajediro rotiya” yigu, yure cūcami Dios. ña gajeyeñi quēne, yu ye ñaja. To bajiro, yu rñorōja gasomuniari tuetucōari, “Yu uju ñamasugū ñaja mu” yure mu yirucubojama, adi sita ñajediro mure isirucuja yu —Jesúre ñe yiyuju Satanás.

⁸ To bajiro ñe i yigotiñoajaquēne, ado bajiro ñe cūdiyuju Jesús:

—Yibeaja yu. Ado bajiro gotiaja Dios oca masa ña ucamasire: “Mani uju Dios sigürene, Yu uju ñamasugü ñaja mu’ ñe yirucubucōari, cūdire ñaja”, yigotiaja Dios oca masa ña ucamasire —Satanáre yicūdiyuju Jesús.

⁹⁻¹¹ To ñi yiro bero, Jerusalén macaju Jesúsre ñe ũmato vasuju Satanás quēna. Toju ejacōari, Diore yirucubucōariavi joeju ñe ũmato mujasuju. ñe ũmato mujaejacōari, ado bajiro yiyuju Satanás:

—Ado bajiro gotiaja Dios oca masa ña ucamasire:

“Ñe moabosarimasa ángel mesare mure coderotirucami Dios. Mu quediajama, ‘Gūta joeju rocajeogu, ñi gubo jearomi’ yirā, mure boca ñiaruarāma ña”, yigotiaja Dios oca. To bajiro Dios oca ti gotijare, Dios macane mu ñajama, adojuñe yure jatiquedi rujiañofa mu —Jesúsre yiboayuju Satanás.

¹² To bajiro ñe ñi yiboajaquēne, Jesúsñama, ado bajiro ñe yiyuju:

—To bajiro mu yisere cūdibeaja yu. “Dios ñi yiriarore bajiro yure boca ñiaruarāma ángel mesa” yimasirū, yu jatiquediñajama, Dios ñi bojabetire yigu yigūja yu. Gajeye ado bajiro gotiaja Dios oca masa ña ucamasire: “‘Dios, ‘Yirucūja’ yiyumi’ yituoñarā, ‘¿Yiru masu yiyujari?’ yimasiruarā, mu ñe tūoñare bajiro mu ñe yiajejama, quēnabeaja”, yigotiaja Dios oca masa ña ucamasire —ñe yiyuju Jesús, Satanáre.

¹³ Rojose ñe yirotiñeboa, vacoasuju Satanás, “Bero ñe yirotiñagūsa” yigu.

Jesús, Galilea sitaju tudiejacōari, ñi gotimasiosñore queti

(Mt 4.12-17; Mr 1.14-15)

¹⁴ Satanás ñi vato bero, quēna Galilea sitaju tudicoasuju Jesús. Tudiejacōari, Esp'iritu Santore cūogu ñari, ñi ejarēmose rāca disejua ruyariaro mano quēnaro yiyuju Jesús, tojare. To bajiro ñi yijare, ñi bajise quetire gotibatoyujarā masa, toana jediro, gajeroana quēne. ¹⁵ Dios ocare ña bueriviriju masare gotimasioscudirügñuju Jesús. To bajiro ñi yisere ajicōari, “Quēnaro masigū ñaami”, ñe yiyujarā ña, ñe ajirā jediro.

Nazaret vāme cūti macaju Jesús ñi tudiejare queti

(Mt 13.53-58; Mr 6.1-6)

¹⁶ Nazaretju, ñi bucuariaroju tudiejayuju Jesús. Daquegu ñagūjane jud'io masa ña ususājariarūmure Dios ocare ña buerivire sājārügñu' ñari, ususājariarūmu ti ejaro sāsajuju. Sājacōari, ejarūju ejayuju. To bajiñaboa, vāmurügñuju, Dios ocare ñagotiguagu. ¹⁷ ñi vāmurügñore, Diore gotirētobosamasir' ñi, Isa'ias ñi ucamasire ñaritutire ñe ñiñuju ti viagu. To bajiro ñi yirone, titutire jānacōari, ñi ñagotirotiñare ñabujayuju. ñabujacōari, ado bajiro ñare ñagotiyuju Jesús:

¹⁸ —“Esp'iritu Santore cūogu ñari, ñi ejarēmose rāca tūoñacōari, muare gotiaja yu. ‘Maioro bajirāre quēnaro yu yiroti quetire ñare gotirucūja mu’ yigu, ‘Rojose yirucubucōarine, ñe yibeticōato’ yigu, yure cōacami. Sigūri yure masimena, ñamenare bajiro bajirā, ‘Yure masiatio ña’ yigu, yure cōacami. Gājerāma, tubibe ecoriarāre bajiro bajirāre, rojose yisejariarāre, ‘Rojose ña yisere yitujato’ yigu, yure cōacami.

¹⁹ “Adirodone ñaja ũju Dios, masare rojose ña tāmucuborotire ñare ñi yirētobosarotirodo”, ñare yigotiaya mu’ yigu, yure cōacami”.

“To bajiro bajiruarōja ti”, yucamasinūmi Isa'ias, Dios ocare gotirētogū —ñare yīñagotiyuju Jesús.

²⁰ To bajiro yīñagoti gajanocōari, ñi ñaritutire buacōari, ti viagure tūoyuju. To yicōa, ejarūjucoasuju yuja, ñare bueguagu. To ñi bajirone bato ñe ñañujarā ña jediro, ñare ñi gotisere ajiruarā ñari. ²¹ To bajiro ña bajirone, ado bajiro ñare gotiyuju ñi:

—Ñe adirodone ñaja, “Bajiruarōja” Isa'ias ñi yucamasiriarore bajirone bajirodo —ñare yigotiyuju Jesús.

²² To bajiro ñi yisere ajicōari, no yimasibesujarā ña:

—¿No bajiro bajicōari, quēnaro gotimasiosmasiati ñi? ¿Adi macagu José macu me ñatique? —Jesúsre ñe yiyujarā ña.

²³ To bajiro ña yisere ajicōari, ado bajiro ñare yiyuju Jesús:

—Yure rucubucubeaja mu. Ado bajiro yure yituoñaja mu: “Capernaum vāme cutoju ñañamani ñi yirere ajicaju mani. Riojo gotigu, ñañamani ñi yisere manire quēne yīñato ñi”, yituoñaja mu. Mani gotise queti, ado bajiro gotiaja: “Sigū, uco yigu, ñi rijajama, ñi masune uco yī, catiocacami. To bajiro ñi bajisere ñacōari, ‘Uco yigu masune ñaami’ yimasirāja mani”, yigotiaja. Ti ñiñe yure gotirua tūoñaja mu, ado bajiro yu yisere bojarā ñari: “Ñañamani yigu masu mu ñajama, Capernaumju ñañamani mu yīñore bajiro mu ya macanare quēne yīñoroti ñaja”, yure yiboarāja mu —ñare yigotiyuju Jesús.

²⁴ To yigajano, ado bajiro ñare gotiyuju quēna:

—Riojo muare gotiaja yu. Diore gotirëtosobosarimasu gajeroju Dios ocare i gotimasiojudi-jama, ire ajirëcuboräma. To bajiboarine, i ya macanare Dios ocare i gotimasiojama, ire ajiteräma. To bajirone bajaia yare quëne —Inare yiyuju Jesús. ²⁵—To bajirone bajimasifuju ti, mani nïcuare quëne. Diore gotirëtosobosasar'i, El'ias vâme cutigüre, i yarä ñamasiriarä, ire ajitemasifujarä ina. El'ias i ñariorodori yoaro oco quëdibetimasifuju. Idia cäma jediro gaje cäma gudareco oco quëdibetimasifuju. To bajiro bajica yiro, bare manimasifuju. Manajua rijaveomasiriarä, tirodori jajarä ñamasifujarä ina. ²⁶To bajiri El'ias i ejarëmorotire bojarä, jajarä ina ñaboajaquëne, ina tujare cöabecune, “Sidön vâme cuti maca tu ñarimaca, Sarepta vâme cuti maca ñagöjuare sore ejarëmoaya” yigu, ire cöamasifuju Dios. ²⁷Eliseo vâme cutigüre, Diore gotirëtosobosasar'ire quëne, to bajirone bajimasifuju. I ñariorodori, mani nïcua ñamasiriarä, gase boarä jajarä ñamasifujarä ina. Jajarä ina ñaboajaquëne, inare catiobetimasifuju i. Inare catiobetiboarine, gäjerä masujuare, Siria sitagüre Naamán vâme cutigüre catiomasifuju Eliseo —Inare yigotiyuju Jesús, Dios ocare ina buerivi rëjaräre.

²⁸To bajiro i yigotisere ajicöari, ina jedirone buto jünisinifujarä. ²⁹To bajiro bajirä ñari, Jesüre ñiacoasujarä ina. Gütäu ñañuju ti, ina ñarimaca taju. “Tiu gütäu joeju ire turocaqueoto mani” yirä, Jesüre ñia vaboayujarä ina. ³⁰Ire ina ñia vaboajaquëne, no yimasiña manone ina vatoane vacoasuju Jesús.

Masu usuju sãñagüre vätire Jesús i burocare queti
(Mr 1.21-28)

³¹⁻³²Galilea sitare ñarimaca, Capernaum vâme cuti macaju vasuju Jesús. Ti macaju ejacöari, ususajiararümu ti ejaro, Dios ocare ina bueriviju inare gotimasiofuju i. Ujare bajiro bojonebecune quënarö i gotimasiojare, ajiañamani i gotise ti ñajare, no yimasibesujarä ina.

³³Ti vire sigü amu ñañuju, i usuju vati sãñagü. I usuju sãñacöari, ado bajiro Jesüre ire avasãñuju vati:

³⁴—Jesús, Nazaret vâme cuti macagu, ¿no yigu yua tu vadiati mu? ;Yuare göjanabiobesa! ;Rojose yua yise vaja, rojose yare yiguagu vadiati mu? Mure ñamasiaja yua. Rojose yigu me, Dios i cöar'i ñaja mu —Jesüre yivasãñuju vati.

³⁵To i yirone, oca tutuase räca ado bajiro ire yiyuju Jesús:

—iÑagöbesa mu! ;To yicöari, i usujare budigoya! —vätire ire yiyuju Jesús.

To i yirone, rijaqueodirotiyuju vati, masure. To yicöari, rojose ire yiruagu ñaboarine, rojose ire yibecune, ire budigocoasuju yuja. To i bajijare, masujama quënaejacoasuju. ³⁶To bajisere iacöari, ti vi ñarä jediro no yimasibesujarä ina, ti ünire iabetirügüriarä ñari. To bajicöari, ina masune ado bajiro gämerä sënñañujarä:

—¿No bajiatí? Ajiañamani oca manire gotimasiogü yami. Buto masigü ñaami. Vätia buto masirä ina ñaboajaquëne, masa usurijure sãñaräre inare bureamasiami —gämerä yiyujarä ina.

³⁷To bajiro Jesús i yiañsere masa ina gotibatojare, Galilea sitana tire ajjedicöañujarä ina.

Pedro ümañicore Jesús i catiore queti
(Mt 8.14-15; Mr 1.29-31)

³⁸Dios ocare ina bueriviju ñar'i, budiasuju Jesús, Simón Pedro ya viju vacu. Ti viju sãjaejacöari, Pedro ümañicore iañuju. So ruju buto asicöari, buburibujayuju so. To bajiro so bajijare, Jesús sore i catiosere bojayujarä ina. ³⁹To bajiro ina yirone, so tu ejarügücöari,

—So ruju asise, tujaya —yiyuju i. To bajiro i yirone, sore ruju asiboase sore tujacoasuju. To bajiro sore i yicatoririmarone, vämurügücöari, bare inare ecayuju so.

Jajarä, rijaye cutiräre Jesús i catiore queti
(Mt 8.16-17; Mr 1.32-34)

⁴⁰Tiju bero, räioriju Jesús taju juajayujarä, rijaye cutiräre. To ina bajisere iacöari, tocäräcure i ämori ñujeocöari, inare catioyuju Jesús. ⁴¹Vati sãñaräre quëne juajayujarä. Inare quëne, ina usuriju sãñaräre vätiare bureayuju Jesús. To i yirone, “Dios macune ñaami” yimasirä ñari,

—Dios macu ñaja mu —vätia ina yivasajäre, inare ñagörotibesuju Jesús, “ ‘Masa rojose ina tämuoborotire inare yirëtosobacöari, “Rotimuorügörucumi” yigu, Dios i cöar'i ñaami Jesús’ masare yiajioroma” yigu.^a

“Gaje macarianare quëne, quënose quetire goticudirocu ñaja yu”, Jesús yire queti
(Mr 1.35-39)

⁴²Gajerämu, busuriju, masa manöju vacoasuju Jesús, Diore sëniaguacu. To i bajiboajaquëne, ti macana, ire macasuya, ejacoasujarä ina. Toju ire iabujacöari,

^a 4:41 “Masare i rijabosarotirümu ti ejabetijare, vätiare ñagörotibesuju Jesús”, yiyujarä sigüri, Dios oca masa ina ucamasire buerëtoburimasa.

—Yua rāca tudiaya mu. Gājerā ĩna ĩnaroju vabesa mu —ĩre yiboayujarā ĩna. ⁴³ To bajiro ĩna yisere ajicōari, ado bajiro ĩnare yicūdiyuju Jesús:

—Tudiabeaja yu. Gaje macarianare quēne, quēnase quetire goticudirūgūroca ĩaja yu. “Uju Dios yarā quēnaro ĩ yirona mua ĩnarujama, rojose mua yisere yitajacōari, yure ajitirūnūña”, ĩnare quēne yigotimasiroti ĩaja. “To bajiro yicudiato” yigu, yure cōacami Dios —ĩnare yicūdiyuju Jesús.

⁴⁴ To bajiri, gaje macariana jud'io masa Dios ocare ĩna bueriviriju sājacōari, quēnase quetire gotimasiocudirūgūñuju Jesús.

5

Vai sīarimasare Jesús ĩjire queti
(Mt 4.18-22; Mr 1.16-20)

¹ Cojorāmu Genesaret vāme cutira utabucura tuju ĩañuju Jesús. To ĩ bajiro ĩacōari, jājarā masa ejayujarā. ĩna ejaro ĩacōari, ĩnare gotimasio ĩañuju ĩ. To bajiri ĩ gotimasiorese buto ajiruarā ĩari, ĩ ture jājarābusa ejayujarā masa. ² To bajiri ĩ rūgōboarijure rūgōbibeceñujarā. To ĩna bajijare, jua cūmuari masa maniri jayasere ĩabujayuju ĩ. Vai sīarimasa ĩna bajiyucurire coerā ĩna vāgāgoriari ĩañuju. Coja ĩañuju Pedro yaga. ³ Tia tu ĩañuju Pedro, vai sīañar'ĩ ĩ bajiyucurire coeñagū. To bajiri tiare vasājacōari,

—Quēnaca yure ĩnuiojoya mu —Pedrore ĩre yiyuju Jesús. ĩre ĩ ĩnuiojoro bero, cūmuaju sājacōari, masare gotimasioñuju quēna. ⁴ ĩnare gotimasio gajanocōari, ado bajiro Pedrore ĩre yiyuju:

—ĩcuaraju vijajajacōari, mua bajiyucure rearoderuuya mua! —ĩre yiyuju. ⁵ To bajiro ĩ yisere ajicōari, ado bajiro ĩre yicūdiyuju Pedro:

—Yua uju, jēju ĩami yua bajiyucure rearoderuu ĩamicutiboabu yua. Vai, mama ĩna. To bajiboarine yuare mu rotijare, rearoderuu ĩaruarāja quēna —Jesúre yicūdiyuju Pedro.

⁶ To bajiri, cūaroju vijajajacōari, ĩna bajiyucurire rearoderuucōari, tūajāmuoabayujarā ĩna. ĩna tūajāmuoaro, jājarā ĩna sājajare, ĩna bajiyucuri vocoabusa bajiyuju. ⁷⁻¹⁰ To ti bajijare, gājerā vai sīarimasare jiyujarā ĩna, “Yuare ejarēmoroaya” yirā. To ĩna yirā, ĩna tuju ejacōari, ĩna ya cūmuaju vaire juasāñujarā ĩna quēne. Jua cūmuajune rujaruabusaroju yijāmuojocōañujarā. Pedro rācana ĩañujarā Zebedeo rīa, Juan vāme cutigu, to yicōari, Santiago vāme cutigu. Jājarā vai ĩna sājaro ĩaucajedicoasujarā ĩna, ti ũnire ĩabetirūgūriarā ĩari. Tire ĩaucacōari, Jesús ture gusomuniari tuetucōari,

—Masirētogū ĩaja mu. To bajiro yigu ĩari, quēnaro yigu mu ĩasere masiaja yu. Dios ĩ bojarore bajiro yigu me ĩaja yuma. Yure baba cutirabecuja mu, quēnagū ĩari —Jesúre yiyuju Pedro. To bajiro ĩ yisere ajicōari, ado bajiro ĩnare yiyuju Jesús:

—Yure güibeticōña mua. Vai sīarimasa mua ĩaserema jēre moagajanocōaja mua. To bajiri yucurema masa yure ĩna ajitirūnurotiyuare yure moabosarā ĩarūgūruarāja mua —ĩnare yigotiyuju Jesús.

¹¹ To bajiro ĩ yijare, ĩna cūmuarire vejamocū, to yicōari, ĩna gajeyeñire quēne cūcōa, ĩre sayacoasujarā ĩna.

Gase boagure Jesús ĩcatoire queti
(Mt 8.1-4; Mr 1.40-45)

¹² Cojorāmu macaju Jesús ĩ ĩnaro, ĩ tuju ejayuju rijaye cutigu, ĩ ruju jediro gase boagu. Jesúre ĩacōari, gusomuniari tuetuyuju, ĩre rūcūbūogu. To yicōari, ado bajiro Jesúre ĩre yiyuju:

—Yu uju, yu cāmiere mu yarujama, yaya —ĩre yisēñiñuju ĩ.

¹³ To bajiro ĩre ĩ yisere ajicōari,

—Mu cāmiere yarucuja yu —ĩre yigūne, ĩre moañañuju Jesús. To bajiro ĩ yirirīmarone, ĩ cāmi ĩre yaticoasuju yuja. ¹⁴ To ĩre yigajanocōari, gājerāre ĩre gotirotibesuju Jesús. To bajiro ĩre yicōari, ado bajiro ĩre yiyuju:

—Yucūacane paire mu rujure ioaya. Mu rujure ĩre ĩogūne, Moisére Dios ĩ roticūmasiriarore bajiro vaibucurā ecariarāre sīacōari, paire ĩre ĩsima, Diore rūcūbūogu. To mu yisere ĩacōari, “Caticoasumi”, yiruarāma masa —ĩre yiyuju Jesús, gase boaboar'ire.

¹⁵ To bajiro ĩ yisere masa ĩna masisere ĩ bojabetiboajaquēne, Jesús ĩ yīñase quetire ajijedicōañujarā. To bajiri, jājarābusa masa ejarūgūñujarā, Jesús tujare, ĩ gotisere ajirā, to yicōari, ĩna rijaye cutisere ĩre catorotirā. ¹⁶ To bajiro ĩna bajiboajaquēne, masa manojū ĩnare cāmotadivecoarūgūñuju Jesús, Diore ĩre sēnigū vacu.

Micagūre Jesús ĩcatoire queti
(Mt 9.1-8; Mr 2.1-12)

¹⁷ Cojorāmu Jesús masare ĩ gotimasio ĩnare, fariseo masa, Dios ĩ rotimasire gotimasiomasa quēne ajirujijujarā ĩna. ĩna ĩañujarā Galilea sita ĩnarimacariana, to bajicōari,

Judea sita ñarimacariana. Gãjerãma, Jerusalén macana ñañujarã. To ñna ajirujirone, Dios ñ masise rãca rijaye cutirãre ñnare catioñoñuju Jesús. ¹⁸ To bajiro ñ yíñarone, micagũre ãmiayujarã. Ñre ãmiadicõari, Jesús tuju cũruaboayujarã ñna. ¹⁹ To ñna yĩruaboarore jãjarã masa ñnabibecõañujarã. To bajiri, vijure sãjamasibesujarã. “Tire bajicõaja” yirã, vi joeju ñre ãmimujasujarã. Ñre ãmimujacõari, Jesús ñ rãgõro vecare goje yijorayujarã. To yigajano, micagũre ñ jesariju rãcane ñre jidirujio ejoyujarã, Jesús tuju. ²⁰ “Micagũre ñamaicõari, ñre catiorucumi Jesús” ñna yituoñasere ñamasicõari, micagũjuare ado bajiro ñre yiyuju:

—Rojose mu yirere mare masiriocõaja yu —ñre yiyuju Jesús.

²¹ To ñ yisere ajicõari, Dios ñ rotimasire gotimasiorimasa, fariseo masa quẽne, ado bajiro tũoñañujarã ñna:

—¿No yigu to bajise yati ñ? To bajiro ñ ñagõjama, Diore ñre rãcũbuobecu yami. Dios sũgũne ñagũmi, ti ñnare yimasigũma —yituoñañujarã ñna.

²² To bajiro ñna yituoñasere ñamasicõari, ado bajiro ñnare yiyuju Jesús:

—“Diore bajiro masa rojose ñna yisere masiriomasiaja’ yisocaami”, yure yituoñaboaja mua. ²³ “Rojose mu yirere masiriocõaja” yu yicõa tujajama, “Socu yami. Socu me yami”, yure yĩlamasigũ magũmi. To bajiboarine, micagũre, “Vũmurũgũcõari, vasa” ñre yu yijama, “Socu me yami. Rojose ñ yirere masiriocõami”, yure yĩlamasirãja mua. ²⁴ To bajiri, “Dios ñ roticõacacu ñari, Diore bajirone masare rojose ñna yisere masiriomasigũ ñaami” yure yĩlamasiato” yigu, ñni micagũre ado bajiro ñre yaja yu: “Vũmurũgũña mua. Mu jesarijare ãmĩña. To yicõari, mu ya vijũ tudiasa”, ñre yaja yu —ñre yiyuju Jesús.

²⁵ To ñ yiririmarone, masa jediro ñna ñaro rĩjoro vũmurũgũcõari, ñ jesarijare ãmi, ñ ya vijũ vacoasuju ñ yuja. “Quẽnaro yaja mu”, Diore ñre yivariquẽnane vasuju ñ. ²⁶ To bajiro Jesús ñ yisere ñaucacoasujarã masa. “Ti ñnare ñabetirũgũcaju manĩ. Ñni, Dios ñ masise rãca yigu yami” yituoñacõari, “Quẽnaro yaja mu”, Diore ñre yivariquẽnañujarã ñna.

Lev'ire Jesús ñ jire queti

(Mt 9.9-13; Mr 2.13-17)

²⁷ Micagũre catiocõari bero vacoasuju Jesús. To bajivacu, Lev'ĩ vãme cutigure ñañuju. Hjure gãjõa sãnibosarimasa ñañuju. Gãjõa sãnirã ñna rujirijure gãjõa sãnirujiyuju. To ñ bajiro, ñre ñacõari, ado bajiro ñre yiyuju Jesús:

—Yure ajisuyaya —ñre yiyuju.^b

²⁸ To bajiro ñ yisere ajicõari, ñ yere juabecane, Jesũre suyacoasuju ñ yuja.

²⁹ Bero, ñ ya vijũ ejacõari, Jesũre rãcũbuogu, jairo bare quẽnorotiyuju Lev'ĩ. To yicõari, Jesũre, ñ buerimasare quẽne yiyuju. Hjure gãjõa sãnibosarimasa, to yicõari, gãjerãre quẽne jirẽñoñuju ñ. Ñna ñañujarã “Rojose yirã ñaama” masa ñna yĩarã. To bajiri, jãjarã ñañujarã ñ jirẽoriarã. ³⁰ To bajiri, Jesũrãca ñna bañarone, ejayujarã fariseo masa, Dios ñ rotimasire gotimasiorimasa quẽne. Ñna ñañujarã, Moisére Dios ñ roticũmasirere buto ajirũcũborã, rojose yirã rãca ñaruamena. To bajiri, ñna bañarõju ejacõari, ado bajiro Jesús buerimasare ñnare sãnĩñañujarã:

—¿No yirã ñnoa rojose yirã rãca bati mua? —ñnare yisẽnĩñañujarã ñna.

³¹ To bajiro ñna yisere ajicõari, ado bajiro ñnare cadiyuju Jesús:

—Catiquẽnarãma, uco yigũre bojamenama. Rijaye cutirã rĩne ñre bojarãma ñna. ³² To bajiro bajajaja yure quẽne. “Rojosere yirã me ñaja yua” yirãma, yure bojamenama. “Rojose yirã ñaja yua” yirã rĩne yure bojarãma. Quẽnase yirãre jigũagu me, adi macarucũrojure vadicaaju yu. Rojosere yirã, “Rojose ñna yisere yitujato” yigu, vadicaaju yu —ñnare yiyuju Jesús.

“Mani sutiritisere ñacõari, quẽnaro manire ejarẽmorũcũmi Dios” yirã, bare babetire queti

(Mt 9.14-17; Mr 2.18-22)

³³ To ñ yiro bero, Jesũre sãnĩñañujarã sũgũri:

—Juan vãme cutigu, masare oco rãca bautizarimasa buerimasa, to yicõari, fariseo masa quẽne, mani ñũcua ñna yimasiriarore bajiro Diore ñna sãnirirũmarirema bare babetirũgũma. ¿No yirã tire yibeati mu buerãma? —Jesũre yisẽnĩñañujarã ñna.

³⁴ To ñna yisere ajicõari, ado bajiro ñnare gotimasioñuju Jesús:

—Sũgũ ñ ãmosiarirũmure ñre variquẽnaejarẽmorã ñnarãma. To ñ ãmato yĩñaro cõro ñre variquẽnaejarẽmocõa ñnarãma. Ñnare bajiro bajiamu yu buerã. Yu rãca ñari, variquẽnacõa ñaama. “Sutiritimena ñari, no yirã bare babeticõa yimenama” yimasire ñaja. ³⁵ To bajiboarine, cojorãmu yure ñna ñnavato ñacõari, bare bamenane Diore sãnirũgũruarãma, “Mani sutiritisere ñacõari, quẽnaro manire ejarẽmoato Dios” yirã —ñnare yiyuju Jesús.

³⁶ To yicõari, quẽna gaje gotimasioire queti ado bajise ñnare gotirẽmoñuju Jesús:

^b 5:27 Lev'ĩ, jua vãme, vãme cutigu ñañuju. Gaje vãme, Mateo vãme cutiyuju. Lev'ĩ, hebreo oca rãca, Mateo romano oca rãca yĩruaro yaja.

—Mame oca yu gotimasiose ricati ti ñajare, yu ye rāca mani ñicua ña yimasirere mua tuoñavobesa, quēnabeja. Sudiro bucuase ti vojama, sudiro mamasere voamicōari, tiatume-naja mani, bucuase vorijare. To bajiro mani yijama, sudiro mamasere yirojocōarāja mani. To bajicōari, bucuase rāca quēnaro ruyubetoja mamaseagaju rāca mani tiaturiju ñari. To bajiri bucuase, mamase rāca mani tiavubetore bajiro, mame oca yu gotimasiosere, mani ñicua oca rāca tuoñavobesa mua. ³⁷ To bajirone bajiaja uye oco quēne. Mame uye ocore, vaibucugaserone quēnorijaoja bucujoajuare jiomenaja mani. Bucujoajuare mani jiojama, jāmūsinituca yiro, yivocōaroja tijoajuare. To bajiro mani yijama, uye ocore, vaibucugaserone quēnorijaoja quēne to bajirone yireacōa tujana yirāja mani. ³⁸ “To bajirobe” yirāma, mame uye ocore vaibucugaserone quēnorijaoja quēne, cojoro cōro quēnaro ñaruaroja. To bajiri mame uye ocore, bucujoajuare mani jiobetore bajiro mame oca yu gotimasiosere, mani ñicua oca rāca tuoñavobesa mua. ³⁹ To bajiro muare yaja yu, ado bajiro ti bajijare: Mani gotise queti ado bajiro bajiaja: “Uye oco tirūmaju ña quēnore idirūgūrāma, uye oco mame ña quēnose idirūamenama, ‘Tirūmuaye ña quēnorejua quēnaja’ yirā”, yigotiaja mani gotise. To bajirone bajiaja mame oca yu gotimasiose quēne. Jājarā tirūmuaye ocare ajirūcubusejarāma, mame oca yu gotimasiosere ajiterāma, “Tirūmuaye ocajua quēnaja” yirā —ñare yiyuju Jesús.

6

Ususājariarūmu ñaboajaquēne, Jesús buerimasa trigo ajere tūnejuacōari ña bare queti
(Mt 12.1-8; Mr 2.23-28)

¹ Ususājariarūmu ti ejaro, trigo oterivase cature vasujarā, Jesúrāca. To bajivanane, trigo ricare tūnejuacōari, ña āmorine ti gasere sīguēreacōari, bayujarā ña. ² Tire ña basere ñacōari, sīgūri fariseo masa ado bajiro ñare yiyujarā:

—Ususājariarūmu yire mere yaja mua —ñare yiyujarā.

³ To bajiro ña yisere ajicōari, ado bajiro ñare cudiyuju Jesús:

—¿David ñamasir'i, i babarā rāca ñiorijacōari, ñare i ūmato bamasirere masibeati mua?

⁴ Ñiorijarā ñari, “Mani rāca ñagūmi Dios” masa ña yirivijure sājacōari, Diore ñe rūcuborā pan gājerā ña cūboarerene juacōari, i babarā rāca bamasifūju i. To bajiri Moisés ñamasir'i i gotimasirema, “Paia rīne baruarāma” i yimasiboarerene bamasifūjarā ña. To bajiro ña yiboajaquēne, ti vaja rojose ñare yibetimasifūmi Dios. ⁵ Yu, Dios i roticōacacu, “Ususājariarūmure ado bajiro mua yijama, quēnaja. To bajiroja mua yijama, quēnabeja”, yirotiḡu ñaja yu —ñare yicudiyuju Jesús, fariseo masare.

Āmo ñujobecure Jesús i ñujorotire queti
(Mt 12.9-14; Mr 3.1-6)

⁶ Gaje semana gaja, ususājariarūmu ti ejaro, Dios ocare ña buerivijū tudivasuju Jesús quēna. Sājacōari, toanare gotimasioñuju. Ti vijū ñañuju sīgū, riojojacatua āmo ñujobecu. ⁷ Dios i rotimasire gotimasiorimasa, to yicōari, fariseo masa quēne ñañujarā. “Jesús, rojose yimi’ ujarāre ñe yigotiyirorāsa” yirā, Jesúre ñe ñacodeyujarā ña. “Adirūmu ususājariarūmure āni āmo ñujobecure i masise rāca i ñujorotijama, ‘Dios, Moisére i roticūmasirere cudibecu yimi’ yigotiruarāja mani”, yituoñañujarā. ⁸ To bajiro ña yituoñasere ñamasicōañuju Jesús. To bajigu ñari, ado bajiro yiyuju, āmo ñujobecujuare:

—Vūmurūgūña —ñe yiyuju.

To i yirone, vūmurūgūñuju i.

⁹ To bajiro ñe yicōari, Dios i rotimasire gotimasiorimasare, to yicōari, fariseo masare quēne ado bajiro ñare sēñifūñuju Jesús:

—¿Ususājariarūmure quēne, no bojagu masare quēnaro mani yijama, quēnabetojari? ¿Dis-ejuare yiroti ñati? ¿Quēnasejuare, rojosejuare yiroti ñati ti? ¿Rijaye catirāre catiorejuare yiroti ñatique? To yiterā, ñare sīacōaroti ñatique? —ñare yiyuju Jesús.

¹⁰ I sēñifasere ña cudisere ajiru, tocārācure ñare ñaboayuju. ña cudibeto ñaboacu, ado bajiro ñe yiyuju, āmo ñujobecujuare:

—Mu āmore ñujoya mu —ñe yiyuju Jesús.

To i yirone, i āmore i ñujorone, quēnaejacoasuju yuja. ¹¹ To bajiro ñe i yijare, Jesúre buto jūnisiniñujarā ña Dios i rotimasire gotimasiorimasa, to yicōari, fariseo masa quēne. “¿No bajiro yicōari, Jesúre sīarotirāti mani?”, gāmerā yīñagōñujarā ña.

Ī ocare goticudisūoronare Jesús i besere queti
(Mt 10.1-4; Mr 3.13-19)

¹² Cojorūmu buroju majasuju Jesús, Diore sēñiguacu. Toju Diore sēni ñamicutibusuocoasuju i. ¹³ I sēni busuorirāmure, i buerimasare jirēoñuju Jesús. To bajiri i tu ña ejarone, juaāmo cōro, gubo jua jēnituarirācu ñarā ñare beseyuju, i ocare

goticudibosaronare. ¹⁴⁻¹⁵ Ado bajiro vāme cutirā ñañujarā: Simón vāme cutiboar'i Pedro vāme cutigu, i bedi, Andrés ñañujarā. Santiago, Juan, Felipe, Bartolomé, Mateo, Tomás ñañujarā. Alfeo macu, Santiago, to yicōari, Simón vāme cutigu, celote yere tuoñaboar'i ñañuju. ¹⁶ Santiago macu, Judas vāme cutigu ñañuju. Tusagu Judas Iscariote vāme cutiyuju. I ñañuju Jesúre Isirocar'i. To bajiri juaāmo cōro, gubo jua jēnituarirācu ñañujarā Jesús i beseriarā.

Masa jājarāre gotimasiocōari, rijaye cutirāre Jesús i catioire
(Mt 4.23-25)

¹⁷ I beseriaro bero, ina rāca rojaejayuju i, rujatūcuroriju. Toju gājerā Jesús buerimasa ire ñayuyujarā ina. Judea sita ñarimacariana, gājerāma, Jerusalén macana ñañujarā. Gājerā moa riaga tuana, Tiro macana, to yicōari, Sidón macana quēne ñañujarā ina. I gotimasiosere ajiruarā, to yicōari, i catiosere bojarā, ire ñayuyujarā ina. ¹⁸ Ina usurijure vātia sñānārā ñari, rojose tāmūorā quēne ñañujarā. Ina usurijure sñānārare vātiare bureayuju Jesús. ¹⁹ To yicōari, tocārācu rijaye cutirāre quēne catioyuju. To bajiro i yisere iacōari, masa jediro ire moaīaruayujarā, “Manire quēne catioato” yirā.

Variquēnaronare, to yicōari, rojose tāmūoronare Jesús i gotimasiore queti
(Mt 5.1-12)

²⁰ Inare catiogajano, i buerimasare iacōari, ado bajiro inare gotiyuju i:
—“Masimena ñari, mu ejarēmose buto bojaja yua”, Diore ire yisēnirūgūrāma, i yarā ñarāma. To bajiri, rojose tāmūoobarine, Dios taju variquēnaronā ñarāma.

²¹ Yucurire Dios i bojabetire yicōari, tuoīasutiritiñarā quēne, variquēnaronā ñarāma, beroju ina tuoīasutiritisere Dios inare i yirētobosaroti ti ñajare.

²² Dios i roticōacacure, yure ma ajitirūnuse suorine gājerā muare ajatud'icōari, “Rojorā ñaama” muare ina yisocaboajaquēne, variquēnaruarāja mua. ²³ To bajiro muare ina yiboajaquēne, buto variquēnaña mua, “Beroju Dios taju ejarā, quēnase bujaruarāja” yimasirā ñari. Mua rījoroana, Diore gotirētobosamasiriarāre quēne, rojose muare ina yirore bajirone inare quēne rojose yimasiruarāja mua.

²⁴ Gājerāma, gajeyeūni jairo cuovariquēnarā ñari, Diore bojamena ñarāja mua. Adigodoju variquēnarā ñaboarine, berojuma sutiritiruarāja.

²⁵ Gājerāma, “Disejua yuare ruyabeaja” yivariquēnarā ñari, Diore bojamena ñarāja mua. Adigodojare variquēnarā ñaboarine, berojuma variquēnabetiruarāja mua.

Gājerāma, mua rijato bero mua bajirotire tuoīamenane, adigodoayere tuoīacōari ajarāma, beroju, otiruarāja mua.

²⁶ Masa, “Quēnaro yirā ñaama” muare ina yisere ajicōari, variquēnaboaja mua. To bajirone bajimasiruju tirūmaju. “Diore gotirētobosarimasa ñaja yua” yitomasiriarāre, “Quēnaro yirā ñama” inare yirācūbuomasiboayujarā mua ñicua.

“Manire iaterāre quēne mani iamaijama, quēnaja”, Jesús i yigotimasiore queti
(Mt 5.38-48; 7.12)

²⁷ Yure ajitirūnūrāre ado bajise muare rotiaja yu: Muare iaterāre quēne iamaifia. Inare iamaicōari, quēnaro yiya. ²⁸ Rojose muare yirāre quēne quēnaro ina ñarotire, Diore inare sēnibosaya mua. ²⁹ Cojojacatua, mua vayujuare i jajama, gajejacatuare quēne ire jarotiya. Sigū, mua sudirore joeagarore i veaāmijama, jubeagarore quēne ire veaīsicōaña. ³⁰ No bojarā mua gajeyeūnire ina sēnijama, isiña. Mua gajeyeūnire juarudigure, “Yure tuoya”, ire yibesa mua. ³¹ Gājerā quēnaro muare ina yisere bojaja mua. To bajiri quēnaro muare ina yisere bojarā ñari, quēnaro inare yiya mua quēne.

³² Muare iamairā rīne mua iamaijama, i “Quēnaro yaja mua”, muare yīlagūjari Dios? Yibecumi. Rojose yirā quēne, inare mairā rīrene inare iamairūgūrāma ina. ³³ Quēnaro muare yirā rīrene quēnaro mua yijama, i “Quēnaro yaja mua”, muare yīlagūjari Dios? Yibecumi. Rojose yirā quēne, quēnaro inare yirā rīrene quēnaro yirūgūrāma ina. ³⁴ Muare tuomasirā rīrene no bojasere mua vasoajama, i “Quēnaro yaja mua”, muare yīlagūjari Dios? Yibecumi. Rojose yirā, inare tuomasirā rīrene ina sēnisere inare isirāma ina quēne. ³⁵ To bajiri ado bajiro muare gotiaja yu: Muare rojose yirāre quēne, inare maiña mua. Inare quēne quēnaro yiya. “Mani isisere manire tuoruarāma” yituoīamenane, inare isiña. To bajiro inare mua yijama, quēnamasusere muare ujoꝛucumi Dios. “Quēnaro yaja mu” Diore yimenarene, to yicōari, rojose yirāre Dios i mairone bajirone mua maijama, “Dios rīa ñaja yua” yīlōrā yirāja mua. ³⁶ Mani jacu Dios i iamaire bajirone mua quēne, masare iamaifia —i buerimasare yigotiyuju Jesús.

C 6:30 “Ado bajiro gotigu yiyuju Jesús”, yicama Dios ocare gotirētoburimasa: “Mani vayujuare jagure, to yicōari, gajeyeūni manire ēmagūre, to yicōari, gājerāre no bojase rojose manire yirāre Jesús i yijama, inare gāmebeticōari, quēnasejare yiroti ñaja yigu yiyuju”, yicama ina.

“*Rojose yirā ñaama. Ti swori rojose tām̃oruarāma’ yiruarā, ñare ñabesebesa, Jesús i yigotimasiore queti*

(Mt 7.1-5)

³⁷ Quēna ado bajiro gotiyuju Jesús:

—“Rojose yirā, ñaama. To bajiro yirā ñari, rojose tām̃oruarāma”, gājerāre ñare yīñabesebesa. To bajiro mua yijama, “Rojose yirā ñaama”, muare yīñaromi Dios. Gājerā rojose muare ña yisere mua masiriojama, rojose mua yisere muare masiriorucami Dios quēne. ³⁸ No bojase ña cwobetijama, ñare ñiña. To bajiro mua yijama, ñare mua ñisirere ñacōñacari, mua ñise rētoabusaro muare ñisirucami Dios —İre ajitirāñarāre yigotiyuju Jesús.

³⁹ To yigune, adi gotimasiore quetire ñare gotiyuju:

—Sīgū ñabecu, gāji ñabecure i tūavajama, gojeñu reasācōanama, ña juarāñune. ⁴⁰ Gajeyerema, ñare buegu rētoabusaro masirā me ñaama i buerā. To bajiboarine quēnaro ña buejeocōajama, ñare buerimasure bajirone masirāma ña quēne.

⁴¹⁻⁴² Gajeyerema, ado bajiro yirāre bajiro yaja mua: Gāji buto rojose i yibetiboajaquēne, “Mu cajeare sūjurioaca sāñaja. Tijuacare āmirocato” yirāre bajiro yaja mua. Tire buto ñatirāñarā ñaboarine, mua cajeajure jairisūjuro sāñarijaure tijaure “Āmirocaya”, yimasibeaja mua, “Buto rojorā ñaja yua” yituoñamasimena ñari. Mua rācagu i yiseñuare ñacōari, “Riojo tuoñabeaja mua. “Quēnaseñuare tuoñavasoaya’ yirā, riojo mare gotiruarāja” yigotirā ñaboarine, “Adi ñaja quēnase. Tijuā ñaja rojose”, yimasimenaja, i rētoro rojose yirā ñari. “Quēnaro yirā ñaja yua” yituoñaboarine, rojorā ñaja mua. “Buto rojorā ñaja yua” mua yituoñamasiro beroju, mua rācagure ejarēmomasirāja mua, “Quēnaro riojo ñato i” yirā —i buerāre ñare yigotimasioñuju Jesús.

“*Ti rica cutise suorine yucāre ñamasijaja mani*”, Jesús i yigotimasiore queti

(Mt 7.17-20; 12.34-35)

⁴³ —Gajeyerema, yucā vāñuricu, “Quēnase rica cutiricu ñaja” mani yiboaricune, quēnabeti rica cutibetoja. To yicōari, vāñubeti, “Quēnabeti rica cutiricu ñaja” mani yiboaricune, quēnase rica cutibetoja. ⁴⁴ Ti rica cutise suorine yucāre ñamasijaja mani. Quēnase bare higos vāme cutiñu ricare juaroana, vātijota yucārijare macamenaja mani. To yicōari, uye juaroana, vidiroju ñaricu savajotauñure macamenaja mani. ⁴⁵ To bajirone bajiaja masare quēne. Sīgūri quēnase tuoñarā ñari, quēnase yirāma. Gājerā, rojose tuoñarā ñari, rojose yirāma. To bajiro bajiaja mua ñagōse quēne. Masa ña ñagōsere ajicōari, “Rojose tuoñarā ñaama. Quēnase tuoñarā ñaama”, yimasijaja mua. To bajiri ña usurijū ña tuoñabujūñāserene, ña riserijū ñagōburūñūama ña —İnare yigotiyuju Jesús.

“*Quēnaro İre ajitirāñarā, to yicōari, İre ajiboarine, İre cudimenama, ado bajiro bajirāma*”, Jesús i yigotimasiore queti

(Mt 7.24-27)

⁴⁶ Quēna ado bajiro ñare yiyuju Jesús:

—İNo yirā yu rotisere cudibetiboarine, “Yua uñu” yure yati mua? ⁴⁷ Yu gotimasiosere ajicōari, yu rotirore bajiro yiguma, ado bajiro yigu ūgure bajiro bajigu ñagūmi: ⁴⁸ İ ūgū ñagūmi gūtajāñu gojeri coaejocōari, botari rāgōcōari, vi buagure bajiro bajigu. Vi i buaro bero, buto oco quediyoja. To bajicōari, riaga jaicoatoja. Ti viju ti jaiejacoaboajaquēne, juriaquedibetoja ti vi. ⁴⁹ Yure ajiboarine, yu rotirore bajiro yibecujua ñagūmi sita vajaroju vi buagure bajiro bajigu. Ti vi i buaro bero, buto oco quediyoja. To bajicōari, riaga jaicoatoja. Ti vijure ti jaiejarone, yoaro mene juriaquedicoatoja —İnare yigotiyuju Jesús.

7

Surara uñure moabosarimasure Jesús i catiore queti

(Mt 8.5-13)

¹ Gotimasiore queti ñare gotigajanocōari, Capernaum vāme cuti macaju vasuju Jesús. ² Ti macajure ñañuju romano masu. Surara uñu ñañuju i. İre moabosarimasu, i maigū, buto rijayuju. Bajirocacaju yiyuju i. ³ To bajiri ti macaju Jesús i vadire ajicōari, “İre catiogū vadiato Jesús” yigu, jud’io masa bucārāre ñare cōañuju i, “İre jiaya” yigu. ⁴ To bajiri Jesús tujū ejacōari, ado bajiro İre yisēñiñujarā ña:

—Yua tuagu, romano masu, surara uñu, i queti cōarā bajiaja yua. “Vadiato Jesús. Yu maigū, yure moabosagu, buto rijaa. To bajiri rijacu yami. İre catiogū vadiato” i yijare, bajibu yua. ⁵ Mani yarā, jud’io masare maiami. To bajiri İne Dios ocare yua buerotivire buaroticami. To yigu i ñajare, İre sēñibosarā bajibu yua. İİre moabosagure catiogū varuabeati mu? —İesūre yisēñiñujarā ña.

⁶ To bajiro ña yijare, ña rāca vacoasuju Jesús. İ cōñatone, gājerā uñu i cōariarā İre bocayujarā ña. İre bocacōari, ado bajise İre queti gotiyujarā ña:

—“Yū uju, quēnagū ñaja mu”, mure yami romano masu. “Yuma, rojose yu yisere tuoľabojonegū ñari, yu ya vire ĩre sĕjarotimasibecuja yu. ⁷ To bajiri, ĩre boca bojoneaja yu”, mure yami. No yigu sĕjabecuja mu. “Sĕjabetiboarine, ĩ ñagōtuoľasene catiomasicōagūmi”, mure yami. ⁸ “Gĕjerā surara ujarā beroagu ñaja yu. To bajiri, yu quēne, gĕjerā surarare rotigu ñaja yu. Sĕgure, ‘¡Vasa!’ yu yijama, vajami. Gĕjire, ‘Vayā’ yu yijama, vadiami. To yicōari, yure moabosarimasure, ‘Tire yiya’ yu yijama, yirūgūmi. To bajiri, ĩroque rotigu masu ñari, adoju sĕjadibetiboarine, ĩ ñagōtuoľasene caticoarucami”, mure yami —Jesúre yiyujarā ĩna, romano masu ĩ gotirotirā.

⁹ To bajiro ĩ yirere ajicōari, no yimasibesuju Jesús. To bajiri, judarūgĕcōari, jĕjarā ĩre suyarāre ado bajiro ĩnare gotiyuju:

—Riojo muare gotiaja yu. Israel ñamasir'i jĕnerabatia yu yarā ñaboarine, “Masigū, to yicōari, quēnagū ñari, yure yirēmorucami” romano masu yure ĩ yituoľarore bajiro tuoľagūre ĩabetirūgūaja yu —ĩnare yigotiyuju Jesús.

¹⁰ To bajiro ĩ yiro bero, romano masu ĩ gotirotiriarā, vijure sĕjacōari, ĩna ĩajama, ĩre moabosagure catiquēnagū ñagure ĩre ĩaľujarā ĩna.

Bajirocar'ire Jesús ĩ catiore queti

¹¹ To ĩ yiriaro bero, gaje macaju vasuju Jesús, Na'ın vāme cuti macaju. ĩ buerā quēne gĕjerā quēne, jĕjarā masa ĩ rāca vasujarā ĩna. ¹² Ti macaju ĩna ejaro, bajirocar'i rujĕrre gajavayujarā ĩna, ĩre yujeroana. Jĕjarā masa ĩna rāca vayujarā ĩna. ĩ ñaboar'i jaco quēne, vayuju. Manaju rijaveorio ñaľuju so. Sĕgane macu cutirio ñari, buťo otiyuju. So oti vadone sore bocayuju Jesús. ¹³ Sore ĩmaicōari,

—To cōrone otitujaya mu —sore yiyuju ĩ.

¹⁴ To yicōari, so macu rujuri ĩna gajarijotire ĩ moaľeajarūgūrone, tujarūgĕcōaľujarā ĩna. ĩna tujarūgūrone,

—“Vūmurūjuľa” mure yaja yu —ĩre yiyuju Jesús.

¹⁵ To ĩ yirone, vūmurūjuri, ñagōľuju ĩ yuja, bajirocar'i. To ĩ bajiro ĩacōari, ĩ jacore tuaľiľuju Jesús. ¹⁶ ĩre ĩ catiosere ĩacōari, gūiyujarā masa, ti ũnire ĩabetirūgūriarā ñari. To bajirā ñari,

—Diore gotirēťobosarimasu ñamasugū mani tujere ejaami yuja. ĩ yarā mani ñajare, manire ĩmaicōari, Jesús suorine manire ejarēmoami Dios —Diore yirūcubuo variquēnaľujarā ĩna.

¹⁷ To bajiro Jesús ĩ yisere ajjedicōaľujarā ĩna, Judea sitana. Ti sita sojuana quēne, tire ajiyujarā ĩna.

Juan vāme cutigu, masare oco rāca bautizarimasu ĩ cōariarā, Jesúre ĩna sēniľare queti (Mt 11.2-19)

¹⁸ Jesús ĩ yĩnasere masijeocōaľuju, Juan, ĩ buerimasa ĩna gotise ti ñajare. ¹⁹ Tire ĩre ĩna gotiro bero, juarā ĩ buerāre sēniľaroticōaľuju Juan:

—Jesúre, “¿Mune ñati, ‘Rotimurōgōrucami’ yigu, Dios ĩ cōar'i, ‘Yu bero ejarucami’ Juan ĩ yigotimasiocacu? ¿Gĕjire yuroti ñatique maji?”, Jesúre yisēniľaaya —ĩnare yicōaľuju Juan.

²⁰ To bajiro ĩ yicōariarā, Jesús tu ejacōari, ado bajiro ĩre sēniľaľujarā ĩna:

—Juan vāme cutigu, masare oco rāca bautizarimasu buerā ñaja yua. “ĩre sēniľaaya” ĩ yicōajare vabu yua. ¿Mune ñati, “Rotimurōgōrucami” yigu, Dios ĩ cōar'i, “Yu bero ejarucami” Juan ĩ yigotimasiocacu? ¿Gĕjire yuroti ñatique maji? —ĩre yisēniľaľujarā ĩna.

²¹ To bajiro ĩna yisēniľarā ejarone, jĕjarā rijaye cutirāre catioľoľuju Jesús. Masa usuriju sāňarāre vāťiare quēne bureaľoľuju. To yicōari, caje ĩamenare quēne ĩnare ĩarotioľoľuju. ²² To bajiri, Juan ĩ cōariarā ĩna sēniľasere ajicōari, ado bajiro ĩnare cudiyuju Jesús:

—Ado bajiro Juanre gotiba mua: “Jesús ĩ masise rāca ĩ yijare, ĩabetiboariarā quēne ĩama. Rujasagueri vaboariarā quēne, quēnaro vama. Gase boariarāre quēne, ĩna cāmi yatibu. Ajimena ñaboariarā quēne, ajima. Bajireariarā quēne, tudicatima. To yicōari, maioro bajirāre quēne, Dios oca quēnasere gotimasio ecoma ĩna”, yigotiba, Juan tujey ejacōari. ²³ To bajiri, “‘Quēnase bujaruarāma yure ajitirūnūrā, ‘Socu me yami’, yure yituoľarāma’ yimi”, ĩre yigotiaya —ĩnare yiyuju Jesús, Juan ĩ sēniľarotiriarāre.

²⁴ To bajiro ĩ yisere ajicōari, ĩna vase rācane, Juan vāme cutigu, masare oco rāca bautizarimasu ĩnare quetire gotiyuju Jesús, jĕjarā ĩre ajisuyarāre:

—Yucá manojū vana, ¿ñimu ũgure tuoľa vacati mua? ¿Masa ĩna bojasere bajiro yirua tuoľagūre ĩarā vacati mua? “To bajiro tuoľagū me ñacami”, yimasiaja mua. ²⁵ ¿Ñimu ũgure tuoľarā vacati mua? ¿Quēnase sudi sāňagūre tuoľa vacati? To bajiro me tuoľariarāja mua. “Quēnase sudi sāňarāma, quēnariviriju, ujarā ya viriju ñarāma”, yimasiaja mani. ²⁶ ¿Ñimu ũgure tuoľa vacati mua? ¿Diore gotirēťobosarimasure tuoľa vacatique mua? Riojo muare gotiaja yu. Gĕjerā Diore gotirēťobosarimasa rēťoro ñagūre ĩariarāja mua. ²⁷ Juan ĩ bajiroťire gotiro, ado bajise gotiaja Dios oca masa ĩna ucamasire:

“ ‘Rotimwōrāgōrūcamī’ yigū, mure yu cōaroto rījoro, mure gotiyurocure cōaswōracuja yu maji’ yami Dios. ‘Í ñarucami ado bajise gotiuroc: “Yoaro mene ejarucami, ‘Rotimwōrāgōrūcamī’ yigū, Dios i cōarocū. To bajiri rojose Dios i bojabetire yitujacōari, i bojasejuare yi yuya mua” yigotiurocū ñarucami’ yami Dios”, yigotiaja Dios oca masa ina ucamasire.

28 Diore gotirētobosarimasa ina gotimasire rētoro ñamasuse ñaja, Juan, Diore i gotirētobosajua. To bajiro ti bajiboajaquēne, Juan i gotise rētoro ñamasuse ñaja yu gotiroticōarā ina gotise. “Uju Dios yarā quēnaro i yirona mua ñaruajama, Jesúre ajitirānuña” ina yigotisere yaja yu. Ñamasurā ñaama, “Ñamasurā me ñaama Jesús i gotiroticōarā” mua yitaboajaquēne —i rāca ñarāre ñare yiyuju Jesús.

29 Juan i gotimasiorere ajitirānuñujarā ina, ujure gājōa sēnibosarimasa. Gājerā quēne, jājarā ire ajitirānuñujarā ina. “Mu gotiuroc bajirone bajiaja. Rojose yirā ñaja yua” yitwōiācōari, Juanre bautizarotiyujarā ina, Diore rūcubwōrā. 30 Ina bautizarotibojajaquēne, fariseo masa, Dios i rotimasire gotimasiorimasa quēne, Juan i gotisere ajicōari, “Bajibeaja ti”, yitwōiāñujarā ñajuama. Dios i bojasere yirwabesujarā. To bajiri Juanre bautizarotibesujarā ñama.

31 Quēna ado bajiro ñare gotiyuju Jesús:

—Ado bajiro yirāre bajiro yirā ñarāja mua, adirodoriana: 32 Daquerā, gājerā rāca ajerwamenare bajiro yirā ñarāja. Ina ajeritūcuroju rujicōari, gājerājuare, ado bajiro ñare gotirujirāma: “ ‘Basavariquēnato mani’ yirā, muare jutibosaboabu yua. To bajiro yua yiboajaquēne, basabeju mua. To bajiri, ‘Rijariarāre bucūrā ina oticatore bajiro sutiriose boca otiruarāja mua, yua basañarone’ yiboabu yua. To yua yiboajaquēne, otibeju mua”, ñare yigotirāma, ina rāca ajerwamenare. 33 Ina rāca ajerwamenare bajiro yirā ñarāja mua, adirodoriana. Juan, quēnase bare babeti, quēnase idire idibeti bajiñañuju i. To bajiro bajigu i ñajare, “Vāti sāñagu ñagūmi”, ire yitwōiācaju mua, ire ajiterā ñari. 34 I bero gotimasiwōcaju yu, Dios i roticōacacu. Yujūama, quēnase bare ba, quēnase idire idi bajiñaja yu. To bajiro yigu yu ñajare, “Jairo bagu ñaami. Idimecagu ñaami. Ujure gājōa sēnibosarimasa, gājerā rojose yirāre quēne ñare baba cutiami”, yure yitajūnisiniāja mua, yure quēne ajiterā ñari. 35 To bajiro Juanre quēne, yure quēne mua yise ti ñaboajaquēne, Dios i masise rāca yua yise ti ñajare, berōju, “Quēnaro yirā yiboayuma”, yuare yimasiruarāja mua —i rāca ñarāre yiyuju Jesús.

Fariseo masu ya wiju Jesús i ñare queti

36 Sīgū fariseo masu ñañuju i, Simón vāme cutigu. “Bare bagu vaja”, Jesúre yiyuju i. To bajiro i yijare, i taju wasuju Jesús. Sājaejacōari, barujiyuju i. 37 Ti macaju rōmio ñañuju rojose yigo. To bajiri, Simón ya wiju bare bagu Jesús i ejasere ajicōari, gūta sotu alabastro vāme cuti rāca weariaru āmiejayuju so. Sūtiquēnase sāñaritu ñañuju tira. 38 Jesús gubori veca ejarāgūcōari, otiyuju so. So otirone, so caje oco reajeoyuju ti, i guborire. To yicōari, so joa ñajone tire wejacaroyuju. Tire wejacarocōari, i guborire usuyuju. To yicōari, sutiquēnase so juadirere Jesús gubori joere yuejeoyuju. Ire rūcubwōgo yiyuju, to bajiro so yijama. 39 To bajiro so yiro iācōari, ado bajiro twōiñañuju Simón, Jesúre, “Bare baguaba” ire yirijua: “Diore gotirētobosagu masu i ñajama, iso rōmiore, ‘Rojose yigo ñaamo’ yitamasicōari, sore moñarotibetibogūmi”, yitwōiñañuju i. 40 To bajiro Simón i twōiasere masicōari, ado bajiro yiyuju Jesús:

—Gotimasiorere queti mure gotiguagu yaja yu.

To i yirone,

—Yure gotiya —Jesúre ire yicūdiyuju i.

41 To bajiro i yicūdirone, ado bajiro ire gotiyuju Jesús:

—Uma juarā ñarāma ina, gājijūare gājōa vawōariarā. Sīgū, jua cūma moaroto cōro vaja mogūmi i. Gājijūama, juarā muijua moaroto cōro vaja mogūmi. 42 Gājōa twōrūabowarāma ina, bajirājuama. To bajiri ina gājōa mano iācōari, “Tone bajicōato. Yure mua vaja mosere muare masiricōaja yu”, ñare yigūmi, ñare maigū ñari. To bajiri, ado bajiro mure sēniñaja yu: Gājōa wawōariarāre ñare i masiriorere ñajare, zñijua buto ire maigūjari? —Ire yisēniñañuju Jesús.

43 To bajiro ire i yisēniñarone,

—Yu twōiñajama, jairo ire vaja mor’ijua, buto ire maigūmi —ire yicūdiyuju Simón.

To i yirone,

—Riojo yaja mu —ire yiyuju Jesús.

44 To yigoticōari, rōmiojuare sore iagūne ado bajiro Simónre yiyuju Jesús:

—¿Adiore iati mu? Yure jiboarine, mu ya vi yu ejaro, yu guborire yu coerotire oco yure iñibeju mu. To bajiboarine adioma so caje oco rāca yu guborire coemo soma. To yicōari, so joa ñajone yu guborire wejacoecaromo so. 45-46 Yure sēnigūne, ejarāre mani yarā ina yirūgūrore bajiro yure usubeju mu. To bajiro mu bajiboajaquēne, sājaejagone yu guborire so usurojane

usutajabeticōa ñaamo adioma, yure rucubuoogo. Mama, yu rujoa joere uye sutiquēnase yure yuejeobeju mu. Yure rucubuoobecu ñari, bajibu mu. To mu bajiboajaquēne, sojuama, uye sutiquēnase jairo vaja cutisere yu gubori joere yuejeoamo so. ⁴⁷ To bajiri quēnaro ajiya mu. Buto yure so maisere yilomo so. Tire ñacōari, ado bajiro sore yimasiaja mani: “ ‘Rojose yijaigo yu ñaboajaquēne, rojose yu yisere yure masirioḡami Dios’ yituoīagō ñaamo”, yimasiaja mani. To bajiboarine, “Diore maibetibusaja” yigure ñacōari, ado bajisejua yimasiaja mani: “ ‘Buto rojose yibecu yu ñajare, Dios mojoroaca yure ī masiriojare, ĩre maibetibusacōaja’ yituoīagū ñaami”, ĩre yimasiaja mani —Simōnre yiyuju Jesūs.

⁴⁸ To yicōari, rōmiore ado bajiro sore yiyuju Jesūs:

—Rojose mu yirūḡūre mure masirioḡamu yu —sore yiyuju Jesūs.

⁴⁹ To bajiro ī yirone,

—¿No yigu to bajise yati ī? To bajiro ī ñagōjama, Diore rucubuoobecu yami. Dios sīgāne ñagūmi ti ũnre yimasigūma —yituoīañujarā ĩna, gājerā “Baroaya” yigu, Simōn ī jiriarāju.

⁵⁰ To bajiro ĩna yituoīajare, ado bajiro sore yiyuju Jesūs:

—“Rojose yu yirūḡūse yure masirioḡaŋumi Dios” mu yituoīase ñajare, rojose tāmoutajabetiriaroju mu vaborotire mure yirētobosabu yu. To bajiri, “Dios ī ĩajama, quēnagō ñaja yu”, yituoīa variquēna vasa mu —sore yiyuju Jesūs.

8

Jesúre, ĩ buerimasare quēne ĩnare ejarēmōrūḡūriarā rōmiri

¹ Tiju bero, cojo maca me ejacudiyuju Jesūs, Dios oca quēnasere masare gotimasioḡudigu. “Ŭju Dios yarā quēnaro ī yirona mua ñaruajama, rojose mua yisere yitujacōari, yure ajitirānūña”, ĩnare yigotimasioḡudiyuju. Ti macarijare ī rāca vasujarā ĩna, ī ocare goticudisuoḡona, juaāmo cōro, gubo jua jēnituarirācu ñarā. ² Rōmia quēne, ĩna usuriju sāñarāre vātiare Jesūs ī bureariarā, to yicōari, rijaye cutiriarā ī catioriarā quēne ñabajiyujarā ĩna, Jesúre suyārā. Sigō, Mar’ia Magdalena vāme cutigo ñañuju so. Cojomo cōro gaje āmo jua jēnituarirācu so usuju sāñararāre vātiare ī bureario ñañuju so. ³ Gajeo, Juana, Cuza manajo, ñañuju so. Cuza, Herodes ya viju codeḡu ñañuju ī. Gajeo, Susana vāme cutigo ñañuju so. Gājerā rōmia quēne, jājarā ñañujarā ĩna, Jesúre suyārā. ĩna cuosere Jesúre, ī buerimasare quēne ĩnare ĩsirūḡūñujarā ĩna, ĩnare ejarēmōrā.

Oterimasu ĩ bajirere Jesús ĩ gotimasioḡe queti

(Mt 13.1-9; Mr 4.1-9)

⁴ Jesúre ajirā ī taju rējarūtuasujarā ĩna, gajemacari ñarā quēne. To ĩna bajiro, ado bajise gotimasioḡe queti ĩnare gotiyuju ī:

⁵ —Sīgū oterimasu, veseju ote ajere oteḡu vacumi. Vese ejacōari, ote ajere ī reabaterone, gajeye maaju vējaquearoja. To bajiri tire cudarāma masa, maa vana. To yicōari, minia ejacōari, tire bareacōarāma ĩna. ⁶ Gajeyema, gūta joeju reajeoroja. To bajicōari, judiboarine, oco manijare, sñireacoḡa ti. ⁷ Gajeyema, jotayucū vatoaju vējaquearoja. To bajicōari, ti judiboajaquēne, jotajua bucuaveocoḡa ti. ⁸ Gajeyema, sita quēnaroju vējaquearoja. To baji, judibucacōari, quēnase ñacōari, jairo rica cutiroja. Cojotō cien ñaricari rica cutiejoroja — ĩnare yigotiyuju Jesūs.

To yigajanocōari,

—Tire mua ajimasirūajama, quēnaro tuoīañi mua —ĩnare yiyuju Jesūs.

“Ado bajiro yiruaro yaja oterimasu ĩ bajire queti”, Jesús ĩ yigotirētobure queti

(Mt 13.10-23; Mr 4.10-20)

⁹ Tiju bero, ado bajiro Jesúre sēñiñañujarā ī buerimasa:

—Oterimasu ĩ bajire queti mu gotimasioḡe, ¿no yire ũni ñati ti? —ĩre yisēñiñañujarā ĩna.

¹⁰ To bajiro ĩna yisēñiñajare, ado bajiro ĩnare cadiyuju ī:

—“Ŭju Dios yarā quēnaro ī yirona yua ñaruajama, ado bajiro yiroti ñaja” ĩna yimasibeticatire Dios ī masise rāca ajimasiaja muama. To bajiboarine, gājerājuama, yu yīosere ĩarā ñaboarine, to yicōari, yu gotisere ajirā ñaboarine, “To bajiro manire yigotigu yami”, yimasimenama.

¹¹ “Ado bajiro yiruaro yaja” oterimasu ĩ bajire quetire yu gotise: Ote ajere yu yijama, Dios ocare yigu yibu yu. ¹² Ote aje, maaju vējaquearere yu yijama, “Ŭju Dios yarā quēnaro ī yirona ĩna ñaruajama, ado bajiro yiroti ñaja” yu yigotimasiosere quēnaro ajimasimenare yigu yibu yu. Minia, ejacōari, ote ajere ĩna basere yu yijama, vātia uju ejacōari, Dios ocare ĩna ajimasiboasere guaro ī masiriosere yigu yibu yu. To bajiro yami vātia uju, “Dios ocare ajitirānucōari, quēnaro yirēto ecoroma ĩna” yigu. ¹³ Gūta joeju vējaqueacōari, guaro judibucaboarere yu yijama, yu yere ajicōari, quēnaro variquēnase rāca ajirā ñaboarine, yoaro mene tire ĩna quejerotire yigu yibu. Sñirearere yu yijama, yu yere ajirā ñaboarine,

rojose ñna tãmuojama, yoarõ mene yu ocare ñna ajitujarotire yigu yibu. ¹⁴ Jotayucã vatoaju vëjaqueacõari, judiboarere jotayucãjua ti bucuaveorere yu yijama, yu gotisere ajirã ñaboarine, tuoñarejairã, to yicõari, gajeyëñi bojatuoñarã ñari, yu yejuare ñna tuoñatujarotire yigu yibu. To bajiro bajirã, yu yere ajisuoaboarine, yu bojarore bajiro yimenama ñna. ¹⁵ Sita quënarõju vëjaqueare judibucacõari, quënase rica cutirere yu yijama, yu yere ajimasicõari, Dios i bojarore bajiro quënarõ yirãre yigu yibu —ñnare yigotiyuju Jesús.

Siabusuariare tuoñacõari, Jesús i gotimasiore queti
(Mr 4.21-25)

¹⁶ Quëna gaje queti ado bajiro ñnare gotiyuju Jesús:

—Siabusuariare jëocõari, sotune tiare mubamenaja mani. Tiare jëocõari, “Ñajediro ti vianare ajubusuato” yirã, vecaju jeorãja mani. Tire bajiro bajaia yu gotimasiose. “Ajimasibeticõato masa” yigu me, to bajise ñnare gotiaja yu. “Quënarõ riojo ajimasiatõ ñna” yigu, gotirügñaja. ¹⁷ Dios suorine masa ñna ajimasibeticati jediro, quënarõ ajimasiruãrãma.

¹⁸ No bojagu Diore ajitirãnugãre, “Quënarõbusa ajimasiatõ” yigu, i masisere cõarucumi Dios. Gãjirema, ñre ajigu ñaboarine, ñre i ajitirãnubetijare, i ajimasiboasere masirio-jeocõarucumi i. To bajiri ñre masibetimasucõarucumi i. To bajiro ti bajijare, muare yu gotisere quënarõ mua ajimasiruajama, Dios i bojarore bajiro quënarõ yimuoñgõña mua —i buerimasare yigotiyuju Jesús.

“Yu yarãma, ado bajiro bajirãjua ñaama”, Jesús i yire queti
(Mt 12.46-50; Mr 3.31-35)

¹⁹ Jesús, masare i gotmasio ñarone, i jaco, i bederã rãca ñre ñarã ejaboayujarã ñna. To bajiboarine jãjarã masa ñna ñajare, i taju ejamasibesujarã. ²⁰ I tu ñna ejamasibetijare, sigũ, ado bajiro Jesúre ñre yiyuju:

—Mu jaco, mu bederã quëne macajãju ejama, mu rãca ñagõruarã —Jesúre ñre yigotiyuju.

²¹ To bajiro i yigotisere ajicõari, ñre ajinãrãjuare ado bajiro ñnare yiyuju Jesús:

—No bojarã Dios ocare ajicõari, i rotirore bajiro yirã ñarãma yu bederãre bajiro bajirã, yu jacore bajiro bajirã —ñnare yiyuju Jesús.

Mino vatone, oco sabesere Jesús i tujore queti
(Mt 8.23-27; Mr 4.35-41)

²² Cojorũmu Jesús i buerã rãca cõmuaju vasãjacõari,

—Gajejacatuaju jëajaro mani —ñnare yiyuju Jesús.

²³ ñna jëatone, buto mino vasuju. To bajicõari, buto sabeyuju. Ti saberone, cõmua sagueca yiro, oco sãjacõari, rujacoaruyuju. To ti bajiboajaquëne, cãnigũ yiyuju Jesús. ²⁴ I cãniro ñacõari, ñre yujioyujarã ñna:

—Yua uju, rujareana yaja mani! —ñre yiyujarã ñna.

To bajiro ñna yijare,

—iMino tujaya! iSabese quëne tujaya mua! —yiyuju Jesús.

To i yirone, tujacoasuju mino. Sabese quëne sabebesuju yuja. ²⁵ To yicõari,

—“Rojose mani tãmuoboajaquëne, manire yirëtobosarucumi”, yure yituoñarã me ñaja mua —ñnare yiyuju Jesús.

To bajiro i yisere ñacõari, no yimasibesujarã i buerimasa.

—¿Ñimu ugũ masu ñati ñni? Minore, to yicõari, sabesere i tujarotijama, ñre ajiaja —gãmerã yiyujarã ñna, ñre güirã.

Gerasa vãme cuti maca tuagure i usuju sãñarãre vãtiare Jesús i bureare queti
(Mt 8.28-34; Mr 5.1-20)

²⁶ Utubucura gajejacatuaju Gerasa vãme cuti maca taju ejayujarã. ²⁷ Toju ejacõari, Jesús i majatone, sigũ ãmu, ti macaju ñaboarã, ñre bocayuju i. Sudi magũne, yoarõ masa rijariarãre ñna yujereariaviju ñarügñũju i. Vãtia sãñagũ ñañju. ²⁸⁻²⁹ To bajigu ñari, cojoji me i masu i bojasere yimasibeticõari, vãtia ñna bojasejuare yirügñũju i. To bajiro bajigu i ñajare, cõmemane ñre siaboayujarã ñna. ñre ñna siaboajaquëne, tãasure reacõarügñũju i. To yicõari, yucã manõju varügñũju, ñre sãñarã vãtia to bajiro ñre ñna varotijare. To bajiri Jesúre i bocarone,

—Ñni masu usuju sãñarã, budiya mua —vãtiare ñnare yiyuju Jesús.

To i yirone, masujua, vãtia suorine avasãcõari, Jesús rijorõjua gusomuniari tuetuyuju. To i bajirone, vãtiajua, masu usuju sãñacõari, ado bajiro Jesúre sënĩaavasãñujarã:

—Jesús, masirëtogũ, Dios macu ñaja mu. ¿No yigu yua tu vadiati mu? “Yuare gõjanabiobesa”, mure yisënĩaja yua. “Rojose mua yise vaja, rojose muare yibeaja yu”, yuare yiya —Jesúre yisënĩñujarã.

³⁰ To ñna yirone, ado bajiro vãtia sãñagũre sënĩñañju Jesús:

—¿Ñimu vāme cutiati mu? —İre yiyuju.

³¹ To i yisere ajicōari, ado bajiro İre cadiyuju vātiajua:

—Legiōn vāme cutiaja yua —İre yiyujarā. Jājarā i usujure sāñarā ñari, to bajiro İre yicadiyujarā vātia. To yicōari, buto Jesūre sēniñujarā:

—Tasabetigoje tubibe ecocōari, josari tāmuriaroju yuare cōabesa mu —Jesūre İre yisēniñujarā.

³² Buroju jājarā ecariarā yesea macabañañujarā. İnare İacōari, ado bajiro Jesūre sēniñujarā vātiajua:

—Yuare mu bureajama, ða yeseajuare yuare sājarotiya —İre yiyujarā İna.

To bajiro İre İna yijare,

—Muare varotiaja yu —vātiare İnare yiyuju Jesús.

³³ To i yirone, masu usujure sāñaboariarā budicoasujarā yuja, yeseajuare sājaroana. İna sājarone, buro ūmaroja vacōari, utabucuraju rearoderujacōa tujasujarā.

³⁴ Yeseare coderimasa, to bajiro İna bajisere İacōari, ūmacoasujarā, İna ya macaju vana. Toju ejacōari, ti macanare, to yicōari, ti maca tu ñarimacarianare quēne, tire gotibatoyujarā.

³⁵ To bajiro İna yigotisere ajicōari, Jesūre İarā vasujarā İna, ti macana. I tuju ejacōari, vātia sāñaboar'ire İañujarā İna. Sudi sāñacōari, Jesús tu rujiyuju. İna bajirore bajiro bajigu ñañuju i yuja. Vātia İna sāñajama, tuoİamasibecu ñañuju maji. Quēnaro tuoİagū ñañuju yuja. To i bajisere İacōari, Jesūre buto güiyujarā İna.

³⁶ Vātia sāñaboar'i i bajisere İariarā, gājerāre gotiyujarā. ³⁷ To bajiri, Gerasa vāme cuti macana to sojua vadiriarā quēne, Jesūre buto güirā ñari,

—Vacoasa. Ado mu ñasere bojabeaja —İre yiyujarā İna.

To İna yijare, tudiacu, cūmuaju vasājañuju Jesús. ³⁸ To i bajirone, ado bajiro İre yiyoayuju vātia sāñaboar'i:

—Mu rāca buto varuaja yu quēne —İre yiyoayuju. To bajiro i yiyoajaquēne, ado bajiro İre cadiyuju Jesús:

³⁹ —Yu rāca vadibesa. Mu ya viju tudiasa. “Dios i masise rāca yu usuju sāñarāre vātiare bureami Jesús”, mu yarāre İnare yigotiba —İre yicadiyuju Jesús, vātia sāñaboar'ire.

To bajiro i yijare, i yarā tuju tudicoasuju i. Tudiejacōari, i ya maca ñarā jedirore, ti quetire goticadiyuju.

Jairo macore Jesús i catiore queti

(Mt 9.18-26; Mr 5.21-43)

⁴⁰ Jesús tudijēacoasuju quēna, gajejacatūaju. Toju i ejarotire yucōa ñañujarā İna, masa. To bajiri i jēaeja majatone buto variquēnase rāca İre sēniñujarā İna. ⁴¹⁻⁴² To İna bajirone, Dios ocare İna buerivi ūju quēne ejayuju, Jairo vāme cutigu. Jesūre İacōari, i rījorojua gusomuniari tuetuyuju, İre rācubogū. To yicōari, ado bajiro Jesūre İre sēniñuju:

—Yu maco sīgōne ñagō, juaāmo cōro, gubo jua jēnituari cūmari tasaco ñaamo so. Bajirocaco yimo. So tu ejacōari, sore mu moaİajama, caticoaruocomo —Jesūre İre yisēniñuju.

To bajiro Jairo i yisere ajicōari, İre suyasuju Jesús. Jājarā masa İre suyacōari, no bajiro yi vamasina manojū vasujarā İna. ⁴³ To bajiro İna bajivatoajure sīgō gāmorōmi cutigo ñañuju so. Juaāmo cōro, gubo jua jēnituari cūmari rijañañuju. Uco yirimasa, sore İna uco yire vaja, vaja yigo, gājoa so cuoboarere İnare İsiyecōañuju. To bajiro İnare so yiyoajaquēne, quēnaejabesuju so. To bajiri gājerāre Jesús i catiore quetire ajirio ñari, jājarā masa vatoaju Jesūre suyasuju so. ⁴⁴ I suyarojua ejarūgūcōari, i sudiro gajare moaİañuju. So moaİaririmarone, sore quēnaejacoasuju yuja. ⁴⁵ So moaİarone, ado bajiro masare sēniñaju i:

—¿Ñimu yu sudirore moaİari? —İnare yisēniñañuju.

—Mure moaİaİa maja —İre İna yicudijedicōajare, i buerimasa, Pedro vāme cutigu, ado bajiro Jesūre yiyuju i:

—¿No yigu “¿Ñimu yure moaİati?”, yati mu? Mu tuju jājarā ñaja yua, mure moaİarā —İre yiyuju Pedro.

⁴⁶ To i yiyoajaquēne,

—Sīgō rōmio, “Quēnaejagosa” yigo, yure moaİamo so. Yure moaİagōne, “Yu masise suorine quēnaejacoajamo”, yimasicōamu yu —İnare yiyuju Jesús. ⁴⁷ To bajiro i yijare, “Jēre İre yu moaİasere masicōami” yigo ñari, nanagōne, Jesús rījorojua ejacōari, gusomuniari tuetuyuju so. To yicōari, ñajediro so bajirere Jesūre gotiyuju. ⁴⁸ To so yirone, ado bajiro sore cadiyuju Jesús:

—Yu maigō, “İ sudiro gajare yu moaİajama, quēnaejacoaruocoja yu” mu yituoİase ñajare, “Quēnaejato”, mure yibu yu. To bajiri, “To bajiro yure yimi”, yituoİa variquēna vasa mu —sore yiyuju Jesús.

⁴⁹ To bajiro sore ī yīñarone, Dios ocare īna buerivi ūju Jairo vāme cutigu ya viagu ejayuju. Ejacōari, ado bajiro Jairore gotiyuju:

—Mū maco bajirocacoamo. No yigu mū ya vijū gotimasiorimasū ī vasere bojabecaja mū yuja —Jairore yiyuju ī.

⁵⁰ To ī yisere ajicōari, ado bajiro Jairore gotiyuju Jesús:

—Tuoīasutiritibesā mū. Yū masisejuare tuoīacōa ñaña. Mū tuoīacōa ñajama, tudicaticoarūocomo so —īre yiyuju Jesús.

⁵¹⁻⁵³ To yi vanane, ejayujarā Jairo ya vijure. Toju ejana īna ñajama, ī maco so bajirocacoajare, buto otīñañujarā īna, ti vi ejariarā. To bajiro īna yīñajare, ado bajiro īnare yiyuju Jesús:

—Otibesā mūa. “Bajirocacoajamo” mūa yiboago, cānigō yamo —īnare yiyuju Jesús.

To ī yijare, īre ajayujarā īna, “Bajirocacoamo” yimasirā ñari. To yicōari, bajirocario so jesari sōajure īnare jājarotibesuju Jesús. Pedro, Santiago, Juan, to yicōari bajirocario jacuare quēne tocārācane īnare jājarotiyuju Jesús. ⁵⁴ Jājaejacōari, bajirocario āmore ñagāne, ado bajiro sore yiyuju Jesús:

—Daquego, vāmūrūgūña —sore yiyuju.

⁵⁵ To ī yirone, bajirocario cativāmūrūgūcōañuju so yuja. To so bajisere īacōari,

—Bare sore ecaya mūa —īnare yiyuju Jesús.

⁵⁶ So tudicatisere īacōari, no yimasibesujarā so jacua, ti ūnire īabetirūgūriarā ñari. To bajiro īna bajisere īacōari, īna macore ī catiosere gotirotibesuju Jesús.

9

Ī ocare goticudisuoronare Jesús ī cōare queti

(Mt 10.5-15; Mr 6.7-13)

¹ Cojorāmū, juaāmo cōro, gubo jua jēnituarirācu ñarāre ī buerimasare jirēoñuju Jesús. Īnare jirēocōari, masa ūsuriju sāñarāre vātiare īna bureamasirotire, to yicōari, rijaye catirāre īna catiomasirotire īnare ūjoyuju ī. ² To bajiro yicōari, īnare ī cōaroto rījoro ado bajiro īnare yiyuju:

—“Ūju Dios yarā quēnaro ī yirona mūa ñaruajama, rojose mūa yisere yitujacōari, Jesūre ajitirāñña”, yigotimasiocudirona ñaja mūa. To bajicōari, rijaye catirāre catorona ñaja —īnare yirotiyuju Jesús. ³ To yicōari, quēna ado bajiro īnare yiyuju Jesús:

—No bojase mūa cuose juaābeja. Tueriayucāri, mūa bare sāriajoari, to yicōari, gājoare quēne juaābeja. Gajeye sudi juaāmenane, mūa sāñasene sāñacōari, vaja. ⁴ Tocārāca macare mūa ejajama, mūa ejasurivine cānima. Ti vine ñacōari, yū ocare goticudiruarāja mūa maji, gajeroju mūa varoto rījoro. ⁵ Mūa ejarimacana, quēnaro muare īna bocaāmibetijama, to yicōari mūa gotisere īna ajiruabetijaquēne, ti macajure ñabeja. Muare īna ajiruabetijare, mūa gubo sudi tuyasere sitare varerea, vacoaja. To bajiro mūa yijama, “Quēnaro yuare bocaāmibeticōari, yuare mūa ajiruabetijare, rojose muare yirucami Dios” yirā yiruarāja mūa —īnare yiyuju Jesús.

⁶ To bajiro ī yijare, ī ocare goticudirā vasujarā īna: “Rojose mūa yisere yitujacōari, quēnasejuare tuoīavasoyā” īnare yigoticōari, Cristo suorine quēnaro Dios ī yirotire gotimasiocudiyujarā īna. Rijaye catirāre quēne catiocudiyujarā, īna vati macari ñaro cōrone.

Jesús ī bajiñasere ajicōari, “¿Ñimu ūgū ñarajari?”, Herodes ī yituoñare queti

(Mt 14.1-12; Mr 6.14-29)

⁷⁻⁹ Jesús ī bajiñasere, to yicōari, ī goticudirotiriarā īna bajiñasere quēne ajijeocōañuju Galilea vāme cuti sita ñarā ūju, Herodes vāme cutigu. To yicōari, Jesús ī bajiñasere masa īna tuoīasere quēne ajiyuju Herodes. Ado bajiro tuoīañujarā sīgūri:

—Juan vāme cutigu, masare oco rāca bautizarimasūne sīaecoboarine, tudicaticoarimi —yituoīañujarā.

Gājerāma, ado bajiro yiyujarā:

—Diore gotirētobosarimasu El'ias ñamasir'i ñagūmi quēna —yiyujarā.

Gājerājuama, ado bajiro yiyujarā:

—Diore gotirētobosarimasa ñamasiriarā rācagu tudicatr'i ñagūmi quēna —yiyujarā īna, Jesūre.

Herodejuama, ado bajiro yiyuju:

—Juan me ñagūmi. Ī rjoare jatarocaroticōacaju yū. To bajiri, ¿ñimu ūgū ñarajari ī? —yiyuju Herodes. To bajiro yigu ñari, Jesūre īaruarūgūboayuju ī.

Masa, cinco mil ñarāre Jesús ī bare ecare queti

(Mt 14.13-21; Mr 6.30-44; Jn 6.1-14)

¹⁰ Ī goticudiroticōariarā, tudiejacōari, Jesūrāca rējañujarā juaāmo cōro, gubo jua jēnituarirācu ñarā ī buerimasa. Ī rāca rējacōari, īna yicudirere īre gotiyujarā. To bajiro īna yiro bero, īnare

ũmato vasuju Jesús, masa ña manibusaroyu, Betsaida vāme cuti macaju. ¹¹ To bajiri Jesús ĩ vati quetire ajicōari, ĩre suyaejasujarā jājarā masa. ĩna ejasere ĩacōari,

—Yure ajirā, ado mua ejase quēnaja —ĩnare yiyuju Jesús.

To yicōari, ado bajiro ĩnare gotimasioñuju:

—Hju Dios yarā quēnaro ĩ yirona mua ñarujama, rojose mua yisere yitujacōari, yure ajitirũña —ĩnare yigotimasioñuju. To yicōari, rijaye cutirāre catioyuju.

¹² To bajiro yĩñarone, rāioroto řijoro, juaāmo cōro, gubo jua jēnituarirācu ñarā Jesús buerimasa, ĩ tu ejacōari, ado bajiro ĩre yiyujarā:

—Masa manoyu ñaja. To bajiri, “Masa cutoju bare vaja yibamasiato ĩna” yigu, to yicōari, ĩna cānirotijirire “Vaja yicōari, cāniato ĩna” yigu, masare ĩnare varotiya mu —Jesúre yiyujarā ĩna.

¹³ To bajiro ĩna yiboajaquēne,

—Muane ĩnare bare ecaya —ĩnare yiyuju ĩ.

To ĩ yirone,

—Jairo bare cuobeaja yua. Bajiboarine, cojomo cōro pan, juarā vai cuoaja yua. ĩna barotire, no bajiro vaja yibosamasimenaja mani —ĩre yiyujarā.

¹⁴ ĩna tujare cinco mil ũmua ñañujarā ĩna. To bajiro ĩna yisere ajicōari, ado bajiro ĩnare yiyuju Jesús, ĩ buerimasare:

—Masare rujatubuari ĩnare rujirotiya. Tocārācatubulare “Cincuenta ñarirācu rujiya”, ĩnare yiya mua —ĩnare yiyuju Jesús, ĩ buerimasare.^d

¹⁵ To bajiro ĩ yijare, ĩ rotirore bajirone ĩnare rujirotijeoyujarā ĩna, Jesús buerimasa. ¹⁶ To bajiro ĩna rujijediro ĩacōari, cojomo cōro ñaricari panre, juarā vai ñarāre quēne juacōari, ō vecajua ĩamuoñuju Jesús. To yicōari, “Quēnaro yaja mu”, Diore ĩre yiyuju. To yicōari, panre igesurebatecōari, ĩ buerimasare ĩsiñuju, “Rujirāre ĩnare ĩsibatoya” yigu. Juarā vaire quēne vėtārebatecōari, ĩ buerimasare ĩsiñuju, “Rujirā jedirore ĩnare ĩsibatoya” yigu. ¹⁷ Sīgũ ruyariaro mano quēnaro baũsucatiјedicōañujarā. ĩna bagajanoro bero, ĩna baruasere ĩna juarēojama, juaāmo cōro, gubo jua jēnituario ñarijiburi ruyayuju.

“*Rotimorāgōrũcumi*” yigu, *Dios ĩ cōar'i ñaja mu*”, *Jesúre Pedro ĩ yire queti*

(Mt 16.13-19; Mr 8.27-29)

¹⁸ Cojorũmu ĩ buerimasa řine ĩna ñaro, ĩ jacure sēniñuju Jesús. ĩ jacure sēnigajanočōari, ado bajiro ĩnare sēniñañuju ĩ:

—¿Ñimu ñaami yure yati ĩna masa? —ĩnare yisēniñañuju.

¹⁹ To ĩ yisere ajicōari ado bajiro ĩre cudiyujarā ĩ buerimasa:

—Sīgari, “Juan vāme cutigu, masare oco rāca bautizarimasa, tudicaticōari bajigumi quēna”, mure yama ĩna. Gājerāma, “El'ias ñamasir'i ñaami”, yama ĩna. Gājerājuama, “Diore gotirētosamasir'i ñaami”, mure yama —Jesúre yicudiyujarā.

²⁰ To ĩna yirone, ado bajiro ĩnare tudisēniñañuju Jesús:

—Muama, ¿ñimu ñaami yure yati mua? —ĩnare yiyuju.

To ĩ yirone, ado bajiro ĩre cudiyuju Pedro:

—Mu ñaja rojose yua tāmuborotire yuare yirētosacōari, rotimorāgōrocu, Dios ĩ cōar'i —Jesúre yiyuju.

²¹ To bajiro Pedro ĩre ĩ yisere ajicōari, gājerāre gotirotibesuju.

“*Yure sīaruarāma*”, *Jesús ĩ yire queti*

(Mt 16.21-28; Mr 8.31-9.1)

²² To yicōari, ado bajiro ĩnare gotiyuju ĩ:

—Yu, Dios ĩ roticōacacu, bũto rojose tāmurocujua. Bũcārā, paia ujarā, to yicōari, Dios ĩ rotimasire gotimasiorimasa quēne, rojose yure yicōari, yure sīaruarāma ĩna. Yure ĩna sīabojajuquēne, ĩdiarũmu tsatirĩmune yure catiorũcumi Dios —ĩnare yigotiyuju Jesús.

²³ To yicōari, ĩ buerimasare gājerāre quēne ĩnare jirēocōari, ado bajiro gotiyuju Jesús:

—No bojagu yu yu ĩ ñarujama, ĩ bojasere, ĩ ye ñarotire tuoĩabetirũcumi. Tuoĩabeticōari, “Jesúre bajiro rojose tāmurocujua yu quēne” yituoĩacōari, yuware ajisuyarũcumi. ²⁴ No bojarā, ĩna bojaro ñare cutirema adi macarũcurore ñasere ĩavariquēnacōari, Diore tuoĩamenama, Dios ĩ catisere yayibetire cuomena ñaruarāma ĩna. To bajiboarine, yure ajitirũnurā, yu oca ĩna gotisere ajijũnisinicōari, ĩna sīarāma, Dios tu quēnaro ñarona ñarāma. ²⁵ Sīgũ adi macarũcuroju gajeyēũni jediro ĩ bujaboajaquēne, beroju rojose tāmoutuābetiriaroju ĩ vajama, ĩ gajeyēũni ĩ bujaboare ñie vaja manoja. ²⁶ Masa ĩna ĩaro řijoroju, “Jesúre rũcũbuogu ñaja yu”, yibojonebesa. To bajiro yibojonegũ ñari, yu yu ĩ ñaruābetijama, “Yu yu me ñaami”, ĩre yĩñarũcujua yu quēne, Dios ĩ roticōacacu ñacōari, “Quēnarētogũ ñaja yu” yu jacu ĩ yĩñorore bajiro

^d 9:14 ĩamasare, rōmiare cōmenane, ũmua bũcārā řirene ĩna cōjama, cinco mil ñañujarā ĩna.

yigu ñari, i bususe rāca yu vadirāmu. Yu rāca vadirāma Dios i cōarā, ángel mesa. ²⁷ Riojo muare gotiaja yu. Mua sīguri mua bajireabetone, “Ñajediro uju ñaami yu roticōacacu” Dios muare i yīosere iaruarāja mua —inare yigotiyuju Jesús.^e

Ī buerimasa ĩna ĩaro rījorojua Jesús i godovediōre queti
(Mt 17.1-8; Mr 9.2-8)

²⁸ To bajiro ĩnare i yigotiriario bero, cojomo cōro, gaje āmo idia jēnituario tusatirāmu cōro, Pedro, Juan to yicōari Santiagore quēne buro joeju ĩnare ūmato vasuju Jesús. ²⁹⁻³² Toju ĩna ejaro bero, Diore sēnigū vasuju Jesús. To i bajitoye, buto ĩnare vujajayuju Pedro mesare. To ĩna bajiñarone, Jesúja, Diore sēniñagūne, ricati ruyugu godovedicoasuju. To i bajisere ĩaucacoasujarā ĩna. Sudi i sāñase buto boticoasuju. To bajicōari, cajemose busuyuju ti. To i bajirone, Moisés ñamasir'i, El'ias ñamasir'i rāca Jesús tu ruyuarūgūñujarā ĩna. ĩna quēne, busubatese rāca ruyauyujarā ĩna. To bajicōari, Jerusalén vāme cuti macaju i sīaecorotire Jesúrāca ĩna gāmerā ñagōñasere ĩañujarā Pedro mesa. ³³ To bajiri Jesúrāca ñagōgajanocōari, ĩna cāmotadirirīmarone, ado bajiro Jesúre gotiyuju Pedro:

—Yu uju, adoju mani ñajama, quēnamasucōaja. Mua ñaro cōrone vijāiri muare buabosaruarāja yua. Mu yajāi, El'ias yajāi, to yicōari, Moisés yajāi buabosaruarāja —Jesúre yiboayuju Pedro.

“To bajiro yigu yiguja” yiri mene yicōañuju. ³⁴ To bajiro i yirirīmarone, bueri buto cajemose ĩnare buebibecōañuju ti. To bajiro ĩnare ti bajirone, buto gūiyujarā ĩna Pedro mesa. ³⁵ To bajicōari, bueri vatoaju ado bajiro ocaruyuyuju:

—Ānine ñaami yu macu, “Rotimwōrūgōrucuja mu” yigu, yu cōagū. ĩre quēnaro ajitirūnaña mua —yi ocaruyuyuju.

³⁶ To bajiro ti ocaruyuro bero, ĩaboayujarā. El'iare, Moisére quēne ĩnare ĩabujabesujarā. Jesús sīgūne ñañuju i yuja. To bajisere ĩariarā ñaboarine, yoaro, gājerāre tire gotimenane bajicōañujarā ĩna.

Masu usuju sāñagūre vātire Jesús i burocace queti
(Mt 17.14-21; Mr 9.14-29)

³⁷ Ti buroju majariarā, gajerāmujū rojaejayujarā ĩna quēna. Ti buro judoju, jājarā masa ĩre yurā bajiñarāre ĩnare ejayujarā. ³⁸ Jesús i ejasere ĩacōari, sīgū, ado bajiro ĩre sēniñuju:

—Gotimasiorimasu, yu macure ĩamaiña mu. Sīgūne ñagū ñaami. ³⁹ ĩ usujure vāti sāñāñami. To bajiro i bajijare, biyaroaca rijaquedicōari, i riseju sōmo budirūgūami. ⁴⁰ To bajiri mu buerimasare, “Yu macu usuju sāñagūre vātire burocaya”, ĩnare yisēniboabu yu. ĩre burocamasimema —Jesúre yiyuju i.

⁴¹ To i yisere ajicōari, i buerimasare, to yicōari, ĩre ajirā ejariarāre quēne ado bajiro ĩnare yiyuju Jesús:

—Rojosere tuoñarā ñari, Diore ajitirūnūmena masu ñacōaja mua. ¿No cōroju muare gotimasio tujaguti yu? Yoaro mua rāca yu ñaboajaquēne, yu masise muare yu ujosere ajitirūnūbeaja mua maji —inare yiyuju Jesús. To yicōari, —Adojua mu macure āmiaya —ĩre yiyuju, vāti sāñagū jacujuare.

⁴² To bajiro i yijare, i macure Jesús tujū i āmivatone, i usuju sāñagū vāti, ĩre rijaquedirotiyuju. To bajiro i yijare, rijarocacūcoasuju. To bajiro i bajirone,

—To cōrone ĩre yitajaya —yicōari, vātire ĩre burocacōañuju Jesús.

Vāti i budirone, catiquēnagū ñacoasuju daqueguja. To i bajirone, i jacure ĩre tūaīsiñuju Jesús. ⁴³ To bajiro Jesús i yisere ĩacōari, no yimasibesujarā masa jediro, ti ūnire ĩabetirūgūriarā ñari. “Jesús i yīose rāca ‘Masirētogū ñaja yu’ manire yīlogū yami Dios”, yituoñañujarā ĩna jediro.

“Yure sīaruarāma”, Jesús i yigotibabore queti
(Mt 17.22-23; Mr 9.30-32)

Jesús i yisere masa ĩna tuoñañarone, ado bajiro i buerimasare gotiyuju i:

⁴⁴ —Muare yu gotisere ajicōari, masiritibeja mua. Yure Dios i roticōacacure masare ĩsirocarucumi sīgū —ĩnare yiyuju Jesús.

⁴⁵ To bajiro i yiboajaquēne, ajimasibesujarā ĩna. “Ajimasibeticōato” Dios i yijare, bajiyujarā. To bajicōari, “Yure gotiquēnoña”, yimasibesujarā, ĩre gūrā ñari.

“¿Ñimujua ñagūti ñamasugū ñarocu?” Jesús buerimasa ĩna yu oca josare queti
(Mt 18.1-5; Mr 9.33-37)

^e 9:27 Dios oca masa ĩna ucamasirere buerētoburimasa sīgūri ado bajiro yicama ĩna: “9.27 gotirijure, ‘Ñajediro uju ñaami yu roticōacacu’ Dios muare i yīorotire Jesús i yijama, i buerimasa sīgūri ĩna ĩaro rījorojua Jesús i godovediōre yigu yirimi”, yicama Dios ocare buerētoburimasa sīgūri.

⁴⁶ “¿Nimujua ñagüti ñamasugü ñarocu?”, gämerä yi oca josayujarä Jesús buerimasa. ⁴⁷ To bajiro ña gämerä yisere ñamasicöari, sīgü daquegure jicöari, i tuju ñe rügörotiyuju Jesús. ⁴⁸ To yicöari, ado bajiro ñare gotiyuju:

— Ñni daquegu, “Ñamasugü me ñaja yu” i yituoïarore bajiro tuoïaräre, gäjerä tu ña ejaro, quënarö ñare yiräma, yurene quënarö yirä yiräma. To yicöari, yure quënarö yiräma, yure cöacacure quëne quënarö yirä yiräma. To bajiri, ado bajise muare gotiaja yu: Yure ajitirünügü, gäjerä ña bojasere masicöari, quënarö ñare yiejarëmogü ñarucami ñamasugüma —i buerimasare yigotiyuju Jesús.

“Yure ajitirünucöari, mani yise ñnire yiguma, mani räcagu ñagümi”, Jesús i yire queti (Mr 9.38-40)

⁴⁹ To bajiro i yigotiro berone, ado bajiro Jesúre gotiyuju Juan:

—Gotimasiormasu, masa usariju sänaräre vätiare bureagure ñamu yua. “Jesúre ajitirünügü ñari, ado bajise muare rotimasiaja yu: ‘Budiya’”, yinami, vätiare bureagu. Mani räcagu me i ñajare, “Tire yibesa”, ñe yibu yua —Jesúre yigotiyuju Juan.

⁵⁰ To i yisere ajicöari, ado bajiro ñe yiyuju Jesús:

—“Tire yibeticöaña”, ñe yibeja. Quënarö yirimi —ñe yiyuju Jesús. To yicöari, i buerimasa jedirore ado bajiro yiyuju:

—Ado bajiro ti bajijare, to bajiro yaja yu: No bojagu yure ajitirünucöari, mani yise ñnire yiguma, mani räcagu ñagümi —ñare yiyuju Jesús.

Santiagoore, to yicöari, Juanre, “Samaria sitaju ñarimacanare rojose ñare yirua tuoïabesa”, Jesús i yire queti

⁵¹ Dios ö vecayu i ñaroju ñe i ämimujarotirämu ti cöñarütudijare:

—Jerusalénju mani varoti ejacoaju. To bajiri varütu vajaro mani —i, bueräre yi vasuju Jesús.

⁵² Varütu vacune, i räcanare i ejaroti quetire, “Goti rjïjoro cutiaya”, ñare yicöañuju i. To i yicöariarä, Samaria sitaju ñarimacaju ejacöari, “Jesús i cänirotijure macayurä bajibu yua”, yiboayujarä ña. ⁵³ To bajiboarine ti macanajua, Jesús i ejasere bojabesujarä ña. “Jerusalénju vacu bajigumi” yimasirä ñari, ñe ñaterä bajiyujarä ña.^f ⁵⁴ To bajiro ña bajise ñajare, ado bajiro Jesúre sënñañujarä, Juan, i gagu Santiago räca:

—Yua uju, i “Ö vecaye jea üjvëjase räca ñare soereacöaña mu”, Diore yua yisënisere bojati mu? —ñe yisënñaaboayujarä ña.

⁵⁵ To bajiro ñe ña yisënñarone, judarügücöari, ado bajiro oca tutuase räca ñare gotiyuju Jesús:

—¿No yirä to bajise tuoïati mu? To bajiro mu yituoïajama, väti i bojarore bajiro tuoïarä yaja mu —ñare yigotiyuju Jesús.

⁵⁶ To bajiro ñare yigajanocöari, Samaria sitana ñare ña bojabetijare, gaje macajua vacoasujarä ña.

“Yure mu ajisuyarajama, josaruroja ti”, Jesús i yigotimasiore queti (Mt 8.19-22)

⁵⁷ ña varütuatone, sīgü ña räca var'i, ado bajiro Jesúre ñe yiyuju:

—No bojaro mu vato cörone müre suyaruaja yu —Jesúre ñe yiyuju i. ⁵⁸ To i yirone, ado bajiro ñe cudiyuju Jesús:

—Buyairoarema, ña gojeri ñacaju. Miniare quëne, ña jiburi ñacaju. To ña bajiboajaquëne, yu, Dios i roticöacacuma, cäniraju magüre bajiro bajaia yu. To bajiri yure mu suyajama, buto müre josaruroja —ñe yicudiyuju Jesús.

⁵⁹ To ñe i yiro bero, ado bajiro gäjijure yiyuju Jesús:

—Yure suyaya mu —ñe yiyuju.

To i yiboajaquëne, ado bajiro Jesúre cudiyuju i:

—Yu uju, yure yuya mu maji. Yu jacu i bajirocacoajare, ñe yujeguacu yaja yu. ñe yujecöari bero, müre suyaruaja yu —Jesúre ñe yiboayuju.

⁶⁰ To bajiro ñe i yiboajaquëne, ado bajiro ñe cudiyuju Jesús:

—Yucune yure suyaya mu. “Uju Dios yarä quënarö i yirona mu ñaruajama, Jesúre ajitirünña”, yigoticudiaya mu. Yure ajitirünmenä, rijariaräre bajiro bajirä ñaräma. ñajua rijariaräre yujeato ña —ñe yicudiyuju Jesús.

⁶¹ To bajiro ñe i yiro bero, quëna gäji ado bajiro Jesúre yiyuju:

—Mu räca yu varoto rjïjoro, yu ya vianare ñare vare gotiguacu yaja yu maji —Jesúre ñe yiboayuju i. ⁶² To bajiro i yiboajaquëne, ado bajiro ñe cudiyuju Jesús:

^f 9:53 Samaria sitana, samaritanos väme cutiyujarä ña. ña räca gämerä ñaterä ñañujarä judío masa. “Jerusalénju Diore quëñase ñe yiricuburoti ñaja” judío masa ña yituoïasere bajiro tuoïarä me ñañujarä samaritano masa.

—“Diore rotibosagure mre ajitirānu sayarucuja” yiboarine, gaje vāme tuoīavhoguma, Ūju Dios yu me ñagūmi —İre yicūdiyuju Jesūs.

10

Setenta y dos ñarirācure ī ocare Jesūs ī goticudiroticōare queti

¹ Tiju bero, Jesūs ī buerimasare ī goticudirotisuoariārā mere, gājerāre beseyuju Jesūs. Setenta y dos ñarirācu beseyuju. İñare besecōari, “Yu ocare goti rījoro cutiaya”, İñare yicōañuju ī. İ goticudiroti macari ñaro cōrone juarāri cōañuju.

² İñare ī cōaroto rījoro, ado bajiro İñare yiyuju:

—Ote jairo bucuaroja. To bajiro ti bajijare, ote ujare sēniña, “Moabosarimasa cōato ī” yirā —İñare yiyuju Jesūs.³

³ To bajiro İñare yigoticōari, ado bajiro İñare yiyuju quēna:

—Ovejare, buyairoa vatoaju güioroju İñare cōagure bajiro muare gotimasiocudirotiaja yu —İñare yiyuju. ⁴ —No bojase mua cuose juaábeja. Gājoare, barere quēne juaábeja. Gūbo sudi juaámenane, mua cudasene cudacōari, vaja. Maaju masare mua bocajama, İñare sēniña, rētoconuarāja mua, yoaro İñare queti gotimaniamenane —İñare yiyuju Jesūs.

⁵ —Viju ejacōari, “¿Nati mua?” İñare yigajanocōari, “ ‘Quēnaro ñaña mua’ muare yaja yua”, İñare yiba, ti vianare. ⁶ To mua yirone, ti viana quēnaro muare İna bocaāmijama, mua yirore bajiro quēnaro ñaruarāma. Quēnaro muare İna bocaāmibetijama, “ ‘Quēnaro ñaña’ yua yibetiriarāre bajirone ñacōañu mua” İñare yī, vacoaja mua. ⁷ No bojarā gājerāre moabosarimasa, vaja bujarāma. To bajirone bajiruaroja muare quēne. Quēnaro muare bocaāmīrā tūne ñacōari, İñare mua gotimasiose vajane İna basene ba, İna idise idi yicōa ñaruarāja mua. Mua ejarivine ñacōaruarāja mua, gaje viri cānicudimenane. ⁸ Macaju mua ejariviana, no bojase bare muare İna ecasene ba variquēnama. ⁹ Rijaye cutirāre catioba. To yicōari, “Ūju Dios yarā quēnaro ī yirona mua ñaruajama, rojose mua yisere yitujacōari, Jesure ajitirānuña”, ti macanare yigotimasioma. ¹⁰ To bajiboarine yu cōarimacajure mua ejaro, muare quēnaro İna bocaāmibetijama, ti maca gadarecoju jājarā İna İaro rījoroja ejacōari, ado bajiro İñare gotiba mua: ¹¹ “Ūju Dios yarā quēnaro ī yirona mua ñarotire gotirā bajiboabu yua. To bajiri, ‘Quēnaro yuare bocaāmibeticōari, yuare mua ajiruabetijare, rojose muare yirucumi Dios’ yirā, adi macaye sitare yua gūbo sudi tuyasere varereaja yua”, İñare yigotiba mua. ¹² Riojo muare gotiaja yu. Ti macana muare İna ajiruabeti vaja Diojuama, rojose İñare yirucumi masare ī beserirāmu ti ejaro. Sodoma macana ñamasiriarā rētoabusaro rojose tāmouarāma İna, muare quēnaro bocaāmmenama —İñare yiyuju Jesūs.

İre ajitirānubeti macariana İna bajisere to yicōari, İna bajirotire tuoīacōari, Jesūs ī gotire queti

(Mt 11.20-24)

¹³ To bajiro İñare yigoticōari, macariana İre İna ajitirānubetire gotiyuju Jesūs:

—Coraz’in macana, to bajicōari, Betsaida macana quēne, bueto rojose tāmouarāma. Ti macarianare İlañamani yu yīlocatore bajiro, Tiro vāme cuti macanare, Sidón vāme cuti macanare quēne İlañamani yu İojama, tirāmuju rojose İna yisere tuoīasutiriticōari, yitujacoaboriarāma İnama. “Rojose yua yisere yiruabeaja” yisutiritirā ñari, sutiritirā İna sñānaseja sudi vasoacōari, to yicōari, İna ruoariju ōja majeoboriarāma. ¹⁴ Sidón macana, to bajicōari, Tiro macana ñamasiriarā rētoabusaro rojose tāmouarāma İna, Dios, masare ī beserirāmu ti ejaro. ¹⁵ Capernaum macanajua, “Quēnarā ñari, ō vecaju Dios ī ñaroju ñarona ñaja manī”, yituoīaboarāma İna. To bajiro İna yituoīabojaquēne, Dios tūju ñabetiruarāma. Rojose tāmoutajabetiriaroju ñaja İna cōaecorotoma. ¹⁶ Mua gotisere ajicōari, “Riojo yama” muare İna yijama, yurene, “Riojo yamī” yirā yiruarāma. Muare İna ajitejama, yure ajiterā yiruarāma. To bajiro İna yijama, yure cōacacure, yu jacure, ajiterā yiruarāma —İñare yiyuju Jesūs, ī gotiroticōarāre.

Jesūs ī gotiroticōariārā İna tudiejarē queti

¹⁷ Tiju bero, İ gotiroticōariārā, setenta y dos ñarirācu Jesūs tū tudiejayujarā quēna. Variquēnase rāca tudiejarāne, ado bajiro İre gotiyujarā İna:

—Masa usariju sñānarē, vātiare, “Jesūs ī rotise rāca muare budirotiaja” yua yijama, cudima İna —Jesure yigotiyujarā İna.

¹⁸ To İna yirone,

§ 10:2 To bajiro ī yijama, ado bajiro yigu yiyuju: “ Jājarā ñarāma yu ocare ajicōari, yure ajitirānuarona. To bajiboarine, mojoroaca ñarāma yu ocare gotirāja. To bajiro ti bajijare, Diore sēniña, “Jājarābusa yu ocare gotirimasare cōato ī” yirā yiyuju Jesūs”, yiyujarā Dios oca masa İna ucamasire buerētoburimasa.

—Yu rotise răca vătia ʋju, Satanás yarăre mua burearone, ô vecaju bujo î yabesere bajiro Satanás î quedirujiasere îamu. ¹⁹ “Ănare, cotibajare îtare cudaboarine, rojose tâmbobetiruarăja mua” yigu, yu masisere muare ʋjocaju yu, “Rojose yiră jediro, to yicôari, vătia quêne rojose muare yibeticôato” yigu. ²⁰ Yu ejarēmose răca masa ʋsuriju sânarăre, vătiare, mua burearere tuoia variquēnaboarine, “Ado cōro ņaama yu răca ņarūgūrona” Dios î yiuacatu ecocana ņari, tijuare butobusa tuoia variquēnaroti ņaja —îtare yigotiyuju Jesús.

“Quēnaja”, Diore Jesús î yivariquēnare queti
(Mt 11.25-27; 13.16-17)

²¹ To yigajanocôari, Esp'iritu Santo î ejarēmose răca, “Quēnaja”, Diore yivariquēnagă, ado bajiro yiyuju Jesús:

—Cacu, ô vecagu ʋju ņaja mu. Adi macarucurore quêne, ņajediro ʋju ņaja mu. “Jêre masiaja yua” yituoïaboarăre, “Yu ocare ajimasibeticôato îna” yigu, îtare masirioaja mu. To yicôari, “Masimena ņaja yua” yirăjuare, “Ajimasiato” yigu, îna ajimasirotire yirēmorūgūaja mu. To bajiro mu yijama, mu bojarore bajiro yigu yaja mu —Diore yiyuju Jesús.

²² To yicôari, ado bajiro î răca ņarăjuare gotiyuju Jesús:

—Yu jacu î ejarēmose suorine jediro yimasijeogu ņaja yu. “Tire yimasiato” yigu, adi macarucurojore yure cōacami yu jacu. To bajiro yure yicacu ņari, yu yisere masijeocōami yu jacu. Yu quêne, î yisere masijeocōaja. “Îre masiato” yigu, yu beseră rîne yu jacare masiama —îtare yigotiyuju Jesús.

²³⁻²⁴ To yicôari, î buerimasa rîne îna ņaro, ado bajiro îtare gotiyuju Jesús:

—Variquēnaŭa muama. Yu yiiosere tuoïacôari, yu bojarore bajiro tuoïavasoariară ņari, tire yu gotimasiosere ajimasiaja muama. Riojo muare gotiaja yu. Tirămuju jăjară Diore gotirētobosamasiriară yucu muare yu yiiosere îaruamasiboayuma. Yu gotimasiosere mua ajisere ajiruamasiboayuma. To bajiro muama, jairo yu yiiosere masiră ņari, to yicôari, yu gotimasiosere ajiră ņari, variquēnaŭa mua —îtare yiyuju Jesús, î buerăre.

Dios î rotimasirere gotigune, samaritano masu î yirere Jesús î gotire queti

²⁵ To bajiro Jesús î yiîarone, sîgă Dios î rotimasirere gotimasiorimasa, îre sēniŭaru, vămurăgăŭju. “Ado bajiro yu sēniŭajama, josase ti ņajare, cudimasibeticôari bojoneose tâmborucumi” yituoïagă ņari, ado bajise îre sēniŭaŭju:

—Gotimasiorimasa, yu rijato beroju “Tudirijabeticôato” yigu, Dios î catisere yure î îsiser yu bojajama, ŭno bajiro yiroti ņati yure? —Îre yisēniŭaŭju.

²⁶ To î yisere ajicôari, ado bajiro îre cudiuyuju:

—ŭNo bajiro yati ti, Dios î rotimasire, tire buegu mu ŭajama? —Îre boca yisēniŭacōaŭju Jesús.

²⁷ To bajiro î yisere ajicôari, ado bajiro Jesúre cudiuyuju î:

—Dios î rotimasire, ado bajiro yaja ti: “Mani ʋjore, Diore buto mairoti ņaja. No bojagure mani mairo rētoro, no bojase mani cūose, to yicôari, mani bojatuoïase rētoro Diore mairoti ņaja”. To yicôari, “Mu masu rujare mu mairore bajirone mu tuanare maiŭa” yigotiaja Dios î rotimasire ņamasuse —Jesúre yicudiuyuju Dios î rotimasire gotimasiorimasa.

²⁸ To bajiro î yisere ajicôari,

—Riojo cudiaja mu. To bajiro mu yirūgūjama, mu rijato beroju “Tudirijabeticôato” yigu, Dios î catisere mure î îsiser bujarucuja mu —Îre yiyuju Jesús.

²⁹ To bajiro î yisere ajicôari, “Ti vâme ņaro cōrone cudiyeobeami” yituoïagă ņari, “Quēna gaje vâme yu sēniŭajama, gotimasibeticôari, bojoneoro tujarucumi” yigu, Jesúre îre sēniŭaŭju î quēna:

—ŭņimară ņati yu tuana, yu maironama? —Îre yisēniŭaŭju.

³⁰ To bajiro î yisēniŭajare, gotimasiore queti gotiyuju Jesús:

—Sîgă jud'io masu, Jerusalénju rojacumi Jericôju ejagu vacu. Maa î vatone, îre ņiarăma juarudirimasa. Îre ņiacôari, sudi î sâŭasere, to yicôari, î gajeyeŭni ņajediro îre ěmajeocōarăma îna. To yicôari, masacatibecuju îre quēasîacōarăma îna. To yi, vacoanama îna. ³¹ To îna yi vato bero, vagumi pai. Îre îaruabecu ņari, îre gănirētocoacumi. ³² Î bero, paire moabosarimasa vagumi. Î quêne îre îacôari, gănirētocoacumi. ³³⁻³⁴ Îna rētoro bero, samaritano masu vagumi. Îre îamaicôari, î tare tujarūgă ejagumi. To bajicôari, î cāmire îre ʋco yigu, olivo ʋyene, to yicôari, ʋye oco răca î cāmire îre tugumi. To yicôari, sudigase răca î cāmire îre dureagumi. Dureagajanocôari, î yu burro vâme catigu joeju îre âmijeo, vacoacumi samaritano masu. Vacudirimasa îna cāniriviju îre âmiejocôari, îre codegumi.^h ³⁵ To bajiro îre yicodeŭaboa, gajerămu ti vi ʋjore îre găjoa îsigămi, juarămu moare vaja yire cōro. To yicôari, ado bajiro gotigumi: “Rojoră îna quēasîacor'ire îre vaja yibosagu yaja yu, ado îre mu coderoti vaja.

^h 10:33-34 Samaria sitana, samaritano masa vâme cutiyujară îna. Îna răca gămeră îateyujară judío masa.

¡To bajiri quénaro ñre codeba mu! Ñre mu codero bero, yu vaju mojama, ado quéna gāme vagu, mure vaju yicōarucuja yu” ñre yigumi, ti vi ujare —yigotiyuju Jesús, Dios ñ rotimasire gotimasiorimasare.

³⁶ To bajiro ñre yigotigajanocōari, ado bajiro ñre sēñiñaju Jesús:

—Tì quetire, ¿no bajiro tuoñati mu? Ñna idiarā ñriarā, ¿nijua ñre ñamaiñujari ñ? —Ñre yisēñiñaju Jesús.

³⁷ To bajiro ñ yisēñiarone,

—“Maioro bajigu ñaami” yīasutiriticōari, quénaro ñre yir’ijua ñarimi ñre mair’ima —Jesúre yicadiyuju Dios ñ rotimasire gotimasiorimasu.

To bajiro ñ yirone, ado bajiro cadiyuju Jesús:

—Riojo yure cadiaja mu. To bajiri, mu quéne to bajirone yija. Maioro bajirāre mu ñajama, ñnare ejarēmoña —Ñre yiyuju Jesús.

Marta mesa ya viju Jesús ñ ejae queti

³⁸⁻³⁹ Ñ buerimasa rāca Jerusalénju varūtu vacune, gaje macaju ñnare ũmato ejayuju Jesús. Tojare Marta vāme cutigo, so bedeo, Mar’ia rāca ñañuju so. To bajiri ñna ya viju Jesús ñ ejarone, ñre bocacōari, ñre sēñiñaju Marta. Sājaejacōari, Jesús ñ gotimasio ñaro tare rujiyuju so bedeo, Mar’ia, ñre ajirujigo. ⁴⁰ To bajiro so bajijare, Martajua, “Jairo moare ti ñajare sīgōne ñari, moatimabeaja yu” yigo, Jesúre ado bajiro ñre yiboayuju so:

—Yu uja, yu sīgōne yu moasejuarema tuoñabeaja mu. Yu bedeo, yure ejarēmobeamo so. To bajiri, “Mu gagore sore moaejarēmoña”, sore yija mu —Jesúre ñre yiboayuju Marta.

⁴¹ To bajiro so yisere ajicōari, ado bajiro sore cadiyuju Jesús:

—Marta, yu maigō, moarere tuoñarejaibesa mu. ⁴² Mu bedeo, quēnasejuare tuoñamasiamo so. To bajiri yu gotisere ajigo yamo. To bajiro so bajijare, sore moarotire maja —sore yicadiyuju Jesús.

11

Diore mani sēñirotire Jesús ñ gotimasioe queti

(Mt 6.9-15; 7.7-11)

¹ Cojorāmu ñ jacare ñre sēñiñaju Jesús. To ñ yigajanorone, sīgū ñ buerimasa ado bajiro ñre sēñiñaju:

—Juan vāme cutigu, masare oco rāca bautizarimasa, ñ buerāre Diore ñna sēñirotire gotimasioñuju ñ. To bajiri, ¿yuare quéne Diore yua sēñirotire yuare gotimasioğāti mu? —Jesúre yisēñiñaju ñ.

² To bajiro ñ yijare, ado bajiro ñ buerimasare gotimasioñuju Jesús:

—Diore mua sēñijama, ado bajiro sēñiruarāja mua:

“Yua jacu, masa ñajediro, ‘Quénarētogū ñaja mu’ mure yirūcubuoato ñna. Adi macarucuroana, mu bojase rīne yua yiroñre tuoña yurūğūaja yua. Jēre ō vecaju mu ñaroju mu yarā mu roñiñore bajirone yīñarāma. To bajiri adi macarucurojare quéne mu roñiñore bajiro rīne yirere bojaja yua.

³ Tocārācarāmune yua barotire cōaña mu.

⁴ ‘Rojose yua yisere masirioya’ mure yisēñiaja yua, rojose yuare yirāre quéne masiriorā ñari. Rojose yua yiroñre masigū ñari, ‘Tire yibeticōato ñna’ yigu, yuare matabosaya”. Ado bajiro Diore mua sēñijama, quēnaja —yiyuju Jesús, ñ buerimasare.

⁵⁻⁶ To yicōari, gotimasioe queti ado bajiro ñnare gotiyuju:

—Sīgū, vacudigu, ñami gūdarecoju ñ baba ya vijare ejagumi. Ñ ejaro ñacōari, bare ñre ecaroti ti manijare, gaje viagu ñ babare sēñigū vacoacumi. Ñ ya viju ejacōari, “Yu baba ñ ejaro ñre yu ecaroti ti manijare, mure bare sēñigū bajibu yu”, ñre yigumi. ⁷ To bajiro ñ yirone, ado bajiro ñre cūdigami: “Yure gōjanabiobesa mu. Jēre sojere bibecōamu yu. Yu, yu rīa quéne cāñirā yaja yua. To bajiri, vāğācōari, mure ñsimasibeaja yu”, ñre yicudicōagumi. ⁸ Ñre ñ isirubetiboajaqueñe, ñre ñ sēñitujabetijare, ñ bojasere ñsicōarucumi.

“Diore mua sēñijama, muare cūdirucumi”, Jesús ñ yigotimasioe queti

(Mt 7.7-11)

⁹ To bajiri quénaro yure ajiya mua. Diore mua sēñijama, cōarucumi. Ñre sēñicōari, mua macajama, bujaruarāja mua. Sīgū no bojase ñre ti ruyajama, gāji ya viju ejacōari sājaru, sēñiñagumi. Ñ sēñiñajare, ñre sājaroticōari, ñre ejarēmogumi. To bajirone bajiaja Diore sēñirāre quéne. Ñre mua sēñisere ajicōari, quénaro muare yiejarēmorucumi. ¹⁰ “Dios manire ejarēmorucumi” yituoñarā ñari, ñre ñna sēñisere ñnare cōarucumi. Ñna macajaquēne, bujaruarāma —ñ buerimasare yiyuju Jesús.

¹¹ To yicōari, quéna ado bajiro ñnare gotimasioñuju Jesús:

—“Vai bojaja yu” mua macu i yisenijama, ʒãña, bar'i merene ʒirãtique mua? ʒisenajama mua. 12 “Gãjabocu ria bojaja yu” mua macu i yijama, ʒcotibajare ʒirãtique mua? ʒisenajama mua. 13 Diore bajiro quênase yirã me ñaboarine, mua riare quênaro yaja mua. To bajiri tire masicõari, ado bajiro Diore yimasajama mani: “No bojarã Esp'iritu Santore cuorãrã, mani jacu õ vecagure ʒna sênijama, ʒnare cõarucumi”, yimasajama mani —i buerimasare yiyuju Jesús.

“Vãtia uju i masise rãca yigu yami Jesús”, ʒna yire queti

(Mt 12.22-30; Mr 3.20-27)

14 Sigũ vãti sãñagũ ñañuju. “iÑagõbeticõato!” yigu, i usujure sãjacõari, ñañuju. ʒre Jesús i burocarone, ñagõmasicoasuju masujua. Tire ʒacõari, no yimasibesujarã masa, ti ùnire ʒabetirũgũriarã ñari. 15 Sigũri, ado bajiro Jesúre ʒre yituoĩañujarã ʒna:

—ʒ usuju vãtia uju Beelzebũ vãme cutigu sãñagũ ñaami Jesús. To bajiri Beelzebũ i masise rãca vãtiare bureaami —Jesúre ʒre yituoĩañujarã ʒna.

16 Gãjerãma, ado bajiro Jesúre yiyujarã:

—“Dios i cõagũ ñaami” yua yĩamasirotire yigu, õ vecaye ʒaĩañamani yuare yĩõña —Jesúre ʒre yiboayujarã ʒna. 17 “Beelzebũ sãñagũ ñaami” socarãne ʒna yituoĩasere masicõari, ado bajiro ʒnare gotiyuju Jesús:

—Cojo sitana rotirimasa ʒna gãmerã quẽajama, ʒna masune gãmerã ʒayayirã yirãma. To bajirone bajiroja cojo macanare quẽne, cojo vi ñarãre quẽne. 18 To bajirone bajiroja vãtiare quẽne. Vãtia ʒna gãmerã bureajama, “Masare rojose yitujato mani” yirã yiborãma. To bajiro ti bajijare, “Beelzebũ vãme cutigu i masise rãca masa usuriju sãñarãre vãtiare bureaami” yure mua yiboase, riojo yirã me yaja mua. 19 To bajiro yure mua yituoĩabojama, mua buerã quẽne masa usuriju sãñarãre vãtiare ʒna bureasere, “Vãti i masise rãca burearãma ʒna quẽne” yirãre bajiro yaja mua. To bajiro mua yijama, “Tuoĩamavisarã yaja mua”, muare yiruarãma ʒna, mua buerã. 20 Ado bajiroja tuoĩarona ñaboaja mua: “Vãtia uju i masise rãca me yami. Esp'iritu Santo i masise rãcãjua vãtiare bureaami”, yure yituoĩarona ñaja mua. To yicõari, “‘Rotimuoĩrũgõrucumi’ yigu, Dios i cõar'i ñaami”, yituoĩamasiroti ñaja muare.

21 “To bajiro yimasiroti ñaboaja” yigu ñari, “Quẽnabusaro yimasiatu” yigu, quẽna gajeye gotimasiore queti muare gotiaja yu: Sigũ, guamu, jairo besu cuogu ñari, i ya viayere quênaro i ʒatirũñajare, no bajiro yicõari juarudimasimenama. 22 To bajiboarine, “Jairo cuogu yu ñajare, yure ẽmamasigũ magũmi” i yituoĩaboasere, gãji ejacõari, ʒre quẽagũmi. To yicõari, i besure, i gajeyeũnire quẽne ẽmacõari, gãjerã i babarãre ʒsibatogumi i rẽtoro tĩmagũ. Tire bajiro bajiaja yure quẽne. Vãtia uju, masigũ i ñaboajaquẽne, yujua, i rẽtoro masigũ ñaja yu. i rotiboasere ʒre yirotibeticõari, vãtiare yu burease suorine, vãti i rotiajeboariarãre ʒre ẽmagũ yaja, “Yu yarã ñato” yigu.

23 No bojarã yu gotiboasere ajitirũnũmenama, yure ajitirũnũboronare matarã yirãma. No bojarã, “Jesúre ajitirũnũña” yure yigoticudibosamenama, “ʒre ajibesã” yirãre bajiro bajirã ñarãma —ʒnare yiyuju Jesús.

Vãti, masu usujure sãñar'i, budicõari, i tudisãjare queti

(Mt 12.43-45)

24 Quẽna ado bajiro yiyuju Jesús:

—Vãti, masu usujure budicõari, oco manoriju vacudigũmi. Tujariajau bujabecu ñari, ado bajiro tuoĩagũmi: “Yu budiriarojune vacoarocu ñagũja yu”, yituoĩagũmi. 25 Masu usujure i budigoriarore tudiejagu i ʒajama, gãjanabiose mano, quẽnarivire bajiro masu usujure ʒaejagumi. 26 To bajiro i usujure ʒaejacõari, cojomo cõro jua jẽnituarirãcu vãtia i rẽtoro rojose yirãre ùmato ejagumi. To yicõari, ʒna ñaro cõrone masu usujure sãjarãma ʒna. To bajiri, rẽtorobusa rojose yigu ñagũmi masu yuja. To bajirone bajiruaraja muare adirodoriana rojose yirãre quẽne. Vãtiare yu bureacõabojaquẽne, yure ajitirũnũmena ñari, butobusa rojose yirã ñaja mua —ʒnare yiyuju Jesús.

27 To bajiro i yisere ajicõari, sigõ rõmio masa vatoaju ñacõari, ado bajiro Jesúre ʒre yiyuju:

—Buto variquẽnagõmo so, muare ùjubucuoio —ʒre yiyuju so.

28 To so yirone, ado bajiro sore cudiyuju Jesús:

—To bajiro yure mu yiboajaquẽne, Dios ocare ajicõari, i rotisere quênaro yirã ñarãma buto variquẽnarãma —sore yicudiyuju Jesús.

“ʒaĩañamani mu yĩõsere bojaja yua”, ʒna yire queti

(Mt 12.38-42; Mr 8.12)

29 Jesús tujare jãjarãbusa masa ʒna ejarũuatone, ado bajiro ʒnare gotiyuju Jesús:

—Mua adirodoriana, rojose yirã jãjarã ñaja mua. Yure ajiterã ñari, ʒaĩañamani muare yu yĩõsere bojaboaja mua. To bajiro mua bojaboajaquẽne, muare yĩõbetirũcuja yu. To bajiboarine Jonás ñamasir'i Diore gotirẽtobosarimasu i bajimasirere bajiro bajĩoroti ñaroja.

30 Jonás ʒna taju i ejaroto rĩjoro i bajimasirere ʒnare i gotisere ajicõari, “Diore gotirẽtobosagu

ñaami”, Ìre yituoĩamasifñujarã Ìna, N'ìnive vãme cuti macana ñamasiriarã. Ti ùnire bajiro bajirucujã yu quêne, Dios Ì roticõacacu ñari. To bajiro yu bajise ñajare, “Dios Ì cõar'ine ñaũumi”, yimasiruarãma masa.³¹ “Uju Salomón quẽnaro masigũ ñañuju” yire quetire ajicõari, Sabã sitana ujo ñamasirio, sõju vadicõari, Ìre ajigo ejamasifñuju so. Salomón rêtoro ñamasugũ ñaja yu. To bajiro yu bajiboajaquêne, muajuama, yure ajitirũnubeaja mua. To bajiri masare Dios Ì beserirũmu ti ejaro, ado bajiro bajiruarõja muare: Salomón tu ejamasirio, tudaticicõari, “Mua ye suorine rojose tãmuoruarãja”, muare yirũocomo so, yu gotisere ajirã ñaboarine, rojose mua yitujabetijare, ñare yiyuju Jesús.³² N'ìnive macana ñamasiriarã, Jonãs ñamasir'ì Dios oca Ì gotisere ajicõari, rojose Ìna yisere sutiriticõari, yitujamasifñujarã Ìna. Jonãs rêtoro ñamasugũ ñaja yu. To bajiro yu bajiboajaquêne, muajuama, rojose mua yisere yitujabeaja mua. To bajiro yirã mua ñajare, masare Dios Ì beserirũmu ti ejaro, ado bajiro bajiruarõja: N'ìnive maca ñamasiriarã, tudaticiruarãma Ìna. Tudaticicõari, “Mua ye suorine rojose tãmuoruarãja”, muare yiruarãma — ñare yiyuju Jesús.

³³ To yicõari, quẽna gaje queti, gotimasiore queti ado bajiro ñare gotiyuju Jesús:

— Sĩabusuariare jẽocõari, sotũne tiare mubaamenaja mua. Tire jẽocõari, “Ñajediro ti vianare ajubusuatõ” yirã, vecaju jeorãja mua — ñare yigotiyuju Jesús.³⁴

³⁴⁻³⁵ To yicõari, quẽna gaje gotimasiore queti ñare gotiyuju:

— Mua caje quẽnaro ti ruyujama, “Tine ñaja quẽnamasuse”, yĩamasiasia mua. To bajiboarine, mua caje quẽnaro ti ruyubetijama, quẽnabetire Ìacõari, mua masune, “Ti ñaja quẽnamasuse”, yisocarãja mua. Tire bajiro bajiaja mua tuoĩase quêne. Dios Ì bojarore bajiro quẽnaro mua tuoĩajama, ñajediro quẽnaro riojo tuoĩamasiruarãja mua. Ì bojabetire mua tuoĩajama, “Riojo tuoĩamasiasia” mua masune yisocañarã rĩne, ñajediro riojo tuoĩamasimena ñacoaruarãja mua. To bajiri, quẽnabetire Ìacõari, “Mani masune, ‘Ti ñaja quẽnamasuse’ yisocarobe” yirã, Dios Ì bojarore bajiro quẽnaro tuoĩaña mua. ³⁶ Dios Ì bojarore bajiro quẽnase rĩne mua tuoĩajama, ñajediro quẽnaro riojo tuoĩamasiruarãja mua — ñare yiyuju Jesús.

Fariseo masa, to yicõari, Dios Ì rotimasire gotimasioremasa quêne, “Rojose tãmuoruarãja mua”, Jesús ñare Ì yire queti

(Mt 23.1-36; Mr 12.38-40; Lc 20.45-47)

³⁷ To bajiro Ì yigajanoro bero, sigũ fariseo masu,

— Yu ya viju yu rãca bagũ vayã mu — Jesũre yiyuju.

To bajiro Ì yir'ì ñari, Ì tuju sãjaejacõari, Ì ãmori coebecũne, baejarũju vasuju Jesús. ³⁸ To Ì bajiro Ìacõari, “ ‘Manire Ìavariquẽnato Dios’ yirã, mani ñicua Ìna yimasiriarore bajiro ãmori coecõari rĩne, baroti ñaja’ yirotimasirere yirũcũbuobeami Jesús” Ìre yĩagũ ñari, no yimasibesuju fariseo masu.

³⁹ To bajiro Ìre Ì yituoĩasere Ìamasicõari, ado bajiro Ìre gotiyuju Jesús:

— Idiriabaja, bare jeobariabajare bajiro bajiaja mua, fariseo masa. Idiriabaja, bare jeobariabaja joema coeriabajari ñaboarine, jubeajuama buto ueri cutibajarire bajiro bajiaja mua. Mua usuri bajisejuarema tuoĩabeaja mua. To bajirã ñari, “Quẽnaro yirã ñaja yua” yituoĩaboarine, rojosere quêne tuoĩarã ñari, rojorã ñaja mua. Ìaworã ñari, “Ìnare yitocõari, Ìna cuobosere emaruarãja”, yituoĩarã ñaja mua. ⁴⁰ Tuoĩamasimenare bajiro bajirã ñaja mua, “Rojorã ñaja mani” yimasimena ñari. ¿Dios, mani rujurire rujeor'ì, mani usurire quêne rujeobesujarique Ì? Mani usurire rujeor'ì ñari, quẽnaro mani tuoĩasere quêne bojaami Dios. ⁴¹ Rojosere tuoĩatujaya. To bajiro mua yijama, Dios Ì bojarore bajiro tuoĩarã ñari, quẽnaro yirã masu ñaruarãja mua.

⁴² Buto rojose tãmuoruarãja mua, fariseo masa. Dios Ì rotimasirere buerõtobucõari, ñamasuse mejuare ajitirũnũrãja mua. To bajiro yirã ñari, bare sãvũorere, an'is, menta, comino vãme cutire mojoroaca ti vaja cutiboajaquêne, Diore yirũcũbuoriavi moabosari-masare Ìsiaja mua. To bajiro yirã ñaboarine, Dios Ì rotimasire ñamasusejuarema ajitirũnũmenaja mua. Ado bajiro bajiaja ñamasuse: Quẽnaro riojo yire, gãjerãre Ìmaire, to yicõari, Diore maire quêne ñaja ñamasuse. Tire quêne yirũgũrona ñaja mua.

⁴³ Buto rojose tãmuoruarãja mua, fariseo masa. Boserũmu ñaro rũcũbuorijauju baruji variquẽnaja mua. Dios ocare Ìna bueriviriju quêne rũcũbuorijauju rujivariquẽnaja. Masa Ìna ñariju mua ejajama, rũcũbuose rãca muare Ìna sẽnisere bojarũgũaja mua.

⁴⁴ Buto rojose tãmuoruarãja mua. Masa, gojere bajiro bajiaja mua. Ti goje joere vaboarine, “Masa Ìna yujeriagoje ñaroja” yimasimenama, õ õñerocaju ti ñajare. Tire bajiro bajiaja muare quêne. Rojose mua tuoĩasere masimena ñari, “Rojorã rãca ñaja mani”, muare yimasibeama masa, mua tuju ejarã — ñare yigotiyuju Jesús, fariseo masare.

Ì 11:30 “Ti ùnire bajiro bajirucujã” Jesús Ì yijama, rijacoaboarine, Ì tudaticitire tuoĩacõari, yiyuju. Ì 11:33 To bajiro Jesús Ì yijama, Ì oca riojo masirãma, “Gãjerãre gotimasiroti ñaja” yigu, yiyuju.

⁴⁵ To bajiro i yigotirone, sīgū Dios i rotimasire gotimasiorimasu ñañuju i. Ado bajiro Jesúre yiyuju:

—Gotimasiorimasu, tuoñamasiri mene goticōaja mu. Fariseo masare to bajiro mu yijama, yuare quēne tud'igu yaja mu —Jesúre ire yiyuju.

⁴⁶ To bajiro i yirone, ado bajiro ire cadiyuju Jesús:

—Mua, Dios i rotimasire gotimasiorimasa quēne buto rojose tāmuroarāja. Dios i rotimasire masirā ñari, i rotimasire rētoabusaro yirirūgūaja mua. “Cojo vāme me mani rotise ñajare, cadijeomasimenama ina” yimasirā ñaboarine, ñare ñamaimenane, “Ñajediro yua gotirētoabuse riojo ñaja”, masare ñare yirūgūaja mua.

⁴⁷ Buto rojose tāmuroarāja mua. Diore gotirētoabosamasiriarāre mua ñicua ina sīamasiriarāre ina yujemasirijau joere quēnarijauri quēnoaja mua, “Quēnarā ñañuma” yirā. ⁴⁸ To bajiro mua yijama, “Quēnarā ñañuma” yirā me yaja mua. Ado bajirojua yirā yaja: “Diore gotirētoabosamasiriarāre mani ñicua ina sīamasire quēnañuja ti” yirā yaja mua, mua ñicua rojose ina yiriarore bajiro rojose yirā ñari.

⁴⁹ To bajiro mua yiroto rījorojune masicōañumi Dios, quēnaro tuoñagū ñari. Ado bajiro yiyumi, mua ñicua, to yicōari, muare quēne tuoñayugu ñari: “Jud'io masa vatoaju yure gotirētoabosarāre, to yicōari, gājerā yu oca goticudirimasare quēne cōarucija yu. ñare sīaruarāma ina. Gājerārema, rojose ñare yiruarāma”, jud'io masare muare yiyumi Dios. ⁵⁰⁻⁵¹ To bajiro mua ñicua ina yimasire, mua yisere quēne ado bajiro muare yiracumi Dios: Abel ñamasir'ire mua ñicu i sīasuosmasire, to yicōari Diore gotirētoabosarimasare mua ñicua ina sīamasire, to yicōari Diore yiracuboriavi jubeaju ñarijau soemuorijau tuju mua ñicua Zacariare ina sīatusamasire ti ñajare, buto rojose tāmuroarāja mua adirūmuri ñarā. ña bajimasiriarore bajirone Diore mua ajitirānabeticōa ñajare, ina sīamasire vaju rojose ñare i yiroti rētoabusaro rojose muare yiracumi Dios, adirūmuri ñarāre.

⁵² Buto rojose tāmuroarāja mua, Dios i rotimasire gotimasiorimasa. Tire buerētoabucōari, ñamasuse mejuare ajitirānucōari, gotimasiovadicaju mua. To bajiro mua yijama, “Uju Dios yarā quēnaro i yirā ñabeticōato mani” yirāre bajiro yīñaja mua. To yicōari, “Gājerā, Uju Dios yarā quēnaro i yirā ñabeticōato ina” yirā yaja mua. Dios yarā ña ñaruaboajaquēne, ñare matarā yaja mua. To bajiro mua quēne i yarā ñabetiruarāja mua —ire yicadiyuju Jesús, Dios i rotimasire gotimasiorimasare.

⁵³⁻⁵⁴ To yigajano, ire jivar'i ya vijare Jesús i budiato, buto ire jūnisiniñujarā Dios i rotimasire gotimasiorimasa, fariseo masa quēne. ñe jūnisinirā ñari, buto ire sēniñagōjanabioyujarā ña. “I cadiimasibetijama, ire ocasārāsa mani” yirā, quēnaro ajisuya vasujarā.

12

“Quēnaro yirā ñaja yua” yituoñaboarine, ‘Rojorā ñaama’ ñare yūñamasicōari, ña gotimasiosere ajibesa’, Jesús i yire queti

¹ “Rojose Jesúre yirāsa” yirā, ñe ña ajicode ñarone, jājarā masa i tujare rējañujarā ña. Jājarā masu rējarā ñari, ña masune gāmerā cadarorijū ñañujarā ña. To ña bajīñarone, Jesús i buerimasajuare ado bajiro gotisoyuju i:

—Fariseo masa “Pan vauvato” yirā, ña vuosere quēnaro ajicōañia mua. “Quēnaro yirā ñaja yua” yituoñaboarine, rojose yirā ñaama. ² Masa ña masibeti jediro, i beserirūmu ti ejaro, “Quēnaro tire masiato” yigu, masare ñare gotiracumi Dios. ³ Masa ña ajibeto yayioroaca mua ñagōsere, “Jediro ajiato” yigu, mua ñagōre gotiracumi Dios —i buerimasare yigotiyuju Jesús.

“Masa rojose yirāre gūimenane, Diojuare gūiroti ñaja muare”, Jesús i yire queti (Mt 10.26-31)

⁴ To yicōari, quēna ado bajiro i buerimasare gotiyuju Jesús:

—Yu babarāre ado bajiro muare gotiaja yu: Muare sīaruarāre gūibeja mua. Mua usurijurema sīamasimenama ña. ⁵ Diojuare mua gūijama, quēnaja. ñaami mani catisere rotigu. ña masu masiami. To bajiro rojose tāmutojabetiriaroju muare reamasicōami.

⁶ Cojomocārācu miniare mani vaju yijama, juatīi gājoatiiri rāca vaju yire ñaroja ti, mo-joroaca vaju cutirā ña ñajare. To cōroaca vaju cutiboarine, Dios i rotibetone rijagu magūmi. ⁷ Masajuare, Dios i ñajama, jairo vaju cutirāre bajiro manire ñaami. Manire buto malami i. To bajiro bajigu ñari, mani rujoajoare, cojojoara rujabeto cōiajeogu ñaami. To bajiro rojose muare yirāre gūibeja —i buerimasare yiyuju Jesús.

“Masa ña ñaro rījorojua, ‘Jesúre ajitirānagū ñaja yu’ mua yijama, quēnaja”, Jesús i yire queti (Mt 10.32-33; 12.32; 10.19-20)

⁸ Quēna ado bajiro i buerimasare gotiyuju Jesús:

—Ado bajiro muare gotiaja yu: Masa ña ñaro rñjorojua, “Jesúre ajitirñurã ñaja yua” yirãrema, yu quêne ò vecaju yu jacu yarã ángel mesa ña ñaro rñjorojua, “Ánoa ñaama yu yarã”, yñorucujaja yu. ⁹To bajiboarine masa ñaro rñjorojua, “Jesúre ajitirñurã me ñaja yua” ña yijama, yu quêne, Dios í roticôacacu, ò vecaju yu jacu yarã ángel mesa ña ñaro rñjorojua, “Yu yarã me ñaama ñama”, yñucujaja yu.

¹⁰No bojarã, Dios í roticôacacure rojose yure ña ñagôro bero, sutiriticôari, Diore ña sênijama, rojose ña yisere masiriorucumi. To bajiboarine, Esp'iritu Santo í masise rãca moagãre, “Satanás ye rãca moami” ña yitud'ijama, Esp'iritu Santojua rojose yirã yirãma. Tirema gajerodo ti ñacoaboajaquêne, masiribetirucumi Dios.

¹¹Yu ocare mua gotimasiojare, muare ñejecôari, Dios ocare ña bueriviriju ñjarã rñjorojua muare juaárUARãma ña. To yicôari, macari ñjarã rñjorojua muare juaárUARãma ña. To yi vanane, ñjarã ñamasurã rñjorojua muare juaárUARãma. Ñjarã rñjorojua muare ña juaejaro, “¿No bajiro ñagôrãti yua?”, yituoñarejaibeja mua. ¹²“Ñagôña” muare ña yirirñmarone, mani jacu Dios í côagã, Esp'iritu Santo í ejarêmore rãca “Ado bajiro gotirUARãja yua”, yimasirUARãja mua —í buerimasare yigotiyuju Jesús.

“Jairo gajeyêni mani cuobetijaquêne, no yibeaja”, Jesús í yire

¹³To bajiro í yiro bero, ado bajiro Jesúre sênñañuju sîgũ:

—Gotimasiorimasu, yu jacu ñamasicacu gajeyêni cuobeaja yu. Yu gagũ, tire juacúcacu ñaboarine, yure ñsiruabeamí. To bajiri, “Í ye ñarotire ñre ñsifa mu” ñre yiya, yu gagũre —Jesúre ñre yiboayuju í.

¹⁴To bajiro í yisere ajicôari, ado bajiro ñre cadiyuju:

—“Tire yiroñrimasu ñarucujaja mu” yigu me, yure côacami Dios —ñre yicudiyuju Jesús.

¹⁵To yicôari, masa jedirore ado bajiro gotiyuju:

—Gãjerã ye gajeyêni bojañabesa. To yicôari, gajeyêni catirã mua ñajama, buto tire maibesa. Jairo mani cuojama, mani cuobetijaquêne, no yibeaja. Ti suori me variquênare ñaroja —ñare yiyuju Jesús.

¹⁶To yicôari, gotimasioire queti ñare gotimasioñuju Jesús:

—Sîgũ masu gajeyêni jaigu ñagũmi. Í ote quêne, jairo rica catiroja ti. ¹⁷Jairo ti ricacuto ñacôari ado bajiro tuoñagũmi: “¿No bajiro yigati yu? Nojua cûmasiriaro maja yu”, yituoñagũmi.

¹⁸To bajiro yituoñagũne, “Ado bajiro yñucujaja yu”, yituoñabujagumi. “Bare cûriavirire caguereacôari, gaje viri jacabusariviri buarucujaja yu. To yicôari, ti virijure yu barere, yu gajeyêni quêne cûrucujaja yu. ¹⁹To yigajanocôari, ado bajiro tuoña variquênarucujaja yu: “Guaro jedibetiruaroja ti, yu cuose. To bajiri, ususãja, quênaro bare ba, idire idi, yivariquêna ñarucujaja yu”, yituoñabogumi, socune. ²⁰To bajiro í yituoñañarone, ado bajiro ñre yigumi Dios: “Tuoñamasibecure bajiro yaja mu. Mu rijato bero mu bajiroñre tuoñabecune yicôaja mu. Adi ñamine rijacoarucujaja mu. To bajiri mu cuosema, ¿ñimu yueja ñaruaroadã?”, ñre yigumi Dios.

²¹Tire bajirone bajajaja Diore tuoñamenane, jairobua gajeyêni juacûrûtuanañema. “Disejua ruyabetiruaroja yuare” ña yiboajaquêne, Dios í ñajama, “Yu ye quênasejua bujabetirona ñaama, yure ajitirñumena ñari”, ñare yññami Dios —ñare yiyuju Jesús.

“Írĩa mani ñajare, manire ñatirñurucumi Dios”, Jesús í yire queti

(Mt 6.25-34)

²²To í yiro bero, ado bajiro í buerimasare gotiyuju quêna:

—To bajiro Dios í yñase ti ñajare, adi macarucurojare mua bajiroñre tuoñarejaibesa mua. “¿No bajiro bujacôari, bare ba, idi, sudi sãña, yicatiñarãti yua?”, yituoñarejaibesa.

²³Quênamasuse mani usure, to yicôari mani rujure manire ñsifumi Dios. To bajiri mani baroti, mani idiroti, to yicôari sudi mani sãñarotire quêne côarûgûrucumi í. ²⁴Minia ña bajisere tuoñaña mua. Ña otebetiboaquêne, to yicôari, bare ña juarêocûbetiboaquêne, ñare bare côarûgûlami Dios. “Miniare quêne ñamaigũ ñari, manire roque rêtoro maigũmi”, ¿yimasibea mua? ²⁵“Adi macarucurojare ñarã yoaro catirUARãja yua” mua yituoñarejaiboase, “Yoarobua catiato” yiro, muare ejarêmomasibea ti. ²⁶To bajiro ti bajijare, mua catiñarotire tuoñarejaibesa.

²⁷Sudi mua sãñarotire quêne tuoñarejaibesa. Go bucuasere tuoñãsaque mua: Moabeti, to yicôari, sudi sãñarua tuoñarejaibea ti. To bajiboarine, Uñ Salomón ñamasir'i gajeyêni jaigu í ñaboajaquêne, quênase í sudi sãñamasire rêtoro quênase ñaja ti. ²⁸Gore buto quênase ñarotirûgûlami Dios. Quênase ñaboarine, yoaro mene sñicoatoja. Ti sñiro ñacôari, bare quênorUARã, tire juacôari, soerãma masa. To bajiri yoaro catise me ti ñaboajaquêne, tire quênorûgûgũmi Dios. Go rêtoro manire roque maigũ ñari, “Manire sudi côarucumi Dios”, yimasiroti ñaja muare. “To bajirone yigumi Dios”, yiajitirñubetibusarã ñaja mua. ²⁹To bajiri, “¿No bajiro bujacôari, bare ba, idi, yicatiñarãti yua?”, yituoñarejaibesa. ³⁰Dios yarã me ñarãma, tire buto tuoñarejairãma. Manijuañema, mani jacu ñagũmi, “Ti ruyaja, ñare” yimasigũ.

³¹ To bajiri, “Hju Dios yarā, quēnaro ī yirā ñaja mani. Ī bojarore bajiro quēnase rīne yiruarāja”, yituoīarūgūña mua. To bajiro mua yijama, adi macarucuroaye mua cuobetire bujaruarāja mua.

Ō vecaju Dios taju quēnase mani bujaroti queti
(Mt 6.19-21)

³² Jājarā me ñaja mua. To bajiboarine tuoīarejaibesa. Hju Dios quēnase muare cōavariquēnarūgūñami. To yicōari, ī ñaroju ō vecaju variquēnase rāca muare bocaāmīrucūmi. ³³ Jediro mua cuose gājerāre īsiyeocōaña. To yicōari, ti vāja bujacōari, maioro bajirāre īsima. To bajiro mua yijama, ō vecaju Dios ī ñaroju quēnase bujaruarāja mua. Muare quēnaro Dios ī yise jedibetiruarōja. Tojare juarudirimasa ejabetiruarāma. To yicōari, quēnaro muare Dios ī yisere barearā manama. ³⁴ Ō vecaye quēnase mua bujaroti jedibetiroti ti ñajare, mua cuosejuare tire tuoīarejaimenane, “Quēnaro yua yise vāja ō vecaju vāja tacūrā yaja” yituoīacōari, quēnaro yirūgūña —ī buerimasare yigotiyuju Jesús.

“Yu tudiejarotire quēnaro tuoīayuya”, Jesús ī yire queti

³⁵⁻³⁶ Ado bajiro ĩnare gotiyuju Jesús:

—Adi macarucurore vaveorucuja yu. To bajiboarine, tudivadirucuja quēna. Yu manitoye quēne, yu bojarore bajiro quēnaro yicōa ñama, yu tudiejarotire tuoīayurā ñari —ĩnare yiyuju Jesús.

To bajiro yigajanocōari, gotimasiore quetire tuoīacōari, ĩnare gotiyuju Jesús:

—Sīgū uju gājerā ĩna āmosiarirūmu, boserūmu ĩna yiro, ĩagū vacoacūmi ī. To bajiri ī tudiejaroto rījoro ĩre moabosarimasa ĩre yurāma ĩna. “¿No cōro tudiejugati ĩ?”, yirūgūrāma ĩna. Tudiejacōari, “Manire ī jirone, guaro sojere jānaruarāja mani”, yituoīarāma ĩna. ³⁷ To bajiri cānibetiriarā ñari, ĩna uju ī tudiejaroto, buto variquēnarāma ĩna. To cōrone ĩna uju ĩnare rujirotigūmi. ĩnare rujiroti, ī masune ĩnare bare ecagūmi, ĩna uju ñaboarine. ³⁸ To bajiri ñami gudareco ti ñacoaboajaquēne, cānibetiriarā ñari, ĩna uju ī tudiejaroto, ĩre ĩacōari, buto variquēnarāma ĩna.

To bajiri uju ī manitoyeju ī tudiejarotire yurā, ĩna cānibetiriarore bajiro bajicōa ñaruarāja mua, yure yurā ñari. Yu bojarore bajiro quēnaro yicōa ñama mua. To bajiro mua bajijama, yu tudiejaroto ĩacōari, buto variquēnaruarāja —ĩnare yigotiyuju Jesús.

³⁹ To yicōari, quēna gaje queti gotiyuju:

—Adi quetire quēne tuoīaña: Sīgū vi uju, “Adi ñami juarudirimasa ejarucūmi” ī yimasi-jama, roori ñabogūmi, ĩre mataru. ⁴⁰ To bajiri, “Dios ī roticōagū ī tudiejarotire mani masibetirīmarone tudiejaromi” yirā, roori ñarūgūruarāja mua —ĩnare yigotiyuju Jesús.

“Ado bajiro bajigūmi yu tudiejarotire roori ñagūma”, Jesús ī yire queti
(Mt 24.45-51)

⁴¹ To bajiro ī yijare, sīgū ī buerimasa, Pedro vāme cutigu, ado bajiro Jesúre ĩre sēñīañuju ī: —Yu uju, ¿tire yua rīrene gotigu yati mu? ¿Jedirore gotigu yatique mu? —ĩre yisēñīaboayuju ī.

⁴² To ī yirone, ado bajiro ĩre cūdiyuju Jesús, gaje queti, gotimasiore rāca gotigu:

—Ado bajiro bajirucūmi yure quēnaro ajitirānu tujabecu, quēnaro tuoīagū: Hju, gajeroju ñaguacu, ī varoto rījoro, “Yu ya vianare yure codebosaba” yigu, ĩre moabosarimasure ī cūvar’ire bajiro bajigu ñagūmi. ⁴³ Ī uju, ī rotiriarore bajirone ī moayurere tudiejacōari, ī ĩaejajama, quēnaro ĩre yigūmi, ĩre moabosarimasure. ⁴⁴ Riojo muare gotiaja yu. Hju ī bojarore bajirone ī yire ti ñajare, ī cuose jedirorene, ĩre ĩatirānūrotigūmi. ⁴⁵ Ado bajiro bajirucūmi yure quēnaro ajitirānūbecūma: Rojose yigu ī ñajama, uju ī vato bero, “Yoatoju tudiejugūmi” yituoīagū ñari, ī ujure moabosarimasure rojose yigūmi. To yicōari idimecūrūgūrāre baba cuticōari, ĩna rāca idirūgūgūmi ī quēne. ⁴⁶ To ī yīñarone, ī uju, tudiejugūmi. Tudiejacōari, ī rotiriarore bajiro ī yibetire ti ñajare, rojose ĩre yigūmi. To bajiri “Quēnaro yirā ñaja yua” yiboarine, ĩna yirore bajiro yimena rojose ĩna tāmūore bajirone tāmūogūmi.

⁴⁷ No bojagu ī uju ī bojasere masiboarine, ī rotiriarore bajiro ī yibetijama, tudiejacōari, buto ĩre quēasīacōagūmi ī uju. ⁴⁸ Gājijua, uju ī bojasere masibecūne ī yijama, tudiejacōari, quēnabusane ĩre quēagūmi ī uju —ĩnare yigotiyuju Jesús.^k

“Yure mua ajitirānūserē ĩacōari, muare ĩajūnisiniruarāma”, Jesús ī yire queti
(Mt 10.34-36)

⁴⁹⁻⁵⁰ Quēna ado bajiro ĩnare gotiyuju Jesús:

^k 12:48 Adi vāmere yigu yiyuju Jesús: Adi macarucuroju Jesús ī tudiejarone, uju ĩre moabosarimasure ī yiriarore bajiro ĩnare yirucūmi Dios. To bajiri Dios ī bojasere quēnaro masirāre, “Quēnaro yiya”, yami Dios. Ī bojasere quēnarobusa masirā, “Butobusa masiña”, yami Dios. Mani masiro cōro mani yisere bojaami Dios.

—“Rojose tãmuotujabetiriaroju mani vaborotire manire yirëtbosarucumi Jesús’ yivariquênarona ñato” yigu, vadicaju yu. To bajiro bajicacu ñari, gãjerã tire tuoïamenare ñare soereaguagure bajiro bajicaju yu. To bajicacu ñari, guaro ñare yu rijabosarotire bojaja yu. ⁵¹ “Quênaro ñato ña masa’ yigu, vayumi Jesús”, yure yituoïabesa mua. Dios i bojabeti yirã, yu ocare ajijünisinicõari, yure ajitirãnurãre ñateruarãma ña. To bajiri ado bajiroja yure yituoïaña: “Í suori ricatiri tuoïaruarãma masa’ yigu bajiyumi Jesús”, yure yituoïaña. ⁵² “Ado bajiro bajiruaraja” yigu yaja yu: Cojo viana ñaboarine, sigüri yure ajitirãnurã ña, gãjerãja yure ajiterã ña, bajiruarãma. ⁵³ Í macu, yure i ajitirãnujama, i jacojuã ñare ñaterucumi. Jacujuã, yure i ajitirãnujama, i macujuã, ñare ñaterucumi. So macujuã, yure so ajitirãnujama, so jacojuã, sore ñateruocomo. Jacujuã, yure so ajitirãnujama, so macujuã, sore ñateruocomo. So jëjojuã yure so ajitirãnujama, so ñuamõicojuã, sore ñateruocomo. So ñuamõicojuã yure so ajitirãnujama, so jëjojuã, sore ñateruocomo —ñare yigotiyuju Jesús.

Rodori bajisere i gotimasiore queti

(Mt 16.1-4; Mr 8.11-13)

⁵⁴ To yicõari, ado bajiro ñare gotirũtuasuju Jesús, jãjarã masare:

—Muiju i rocasãtoja bueri ti vadijama, “Oco quediruaia”, yilamasiaja mua. ⁵⁵ To yicõari, mino varuagũmuaye ti vëatujama, “Buto asirucumi muiju”, yilamasiaja mua. ⁵⁶ Ñamasuse mere ñamasicõari, “Masirã ñaja yua”, yituoïaboaja mua. Ñamasusejuare masibeaja mua. Adirũmuri yu yisere ñarã ñaboarine, “Dios i roticõar’i ñari, yami”, yilamasibeaja mua —ñare yiyuju Jesús.

“Rojose mua yigure oca quënoña”, yire queti

(Mt 5.25-26)

⁵⁷ Ado bajiro ñare gotiyuju Jesús quëna:

—¿No yirã mua masune yu yisere ñacõari, “¿To bajiroja yiroti ñatique?”, yituoïabeati mua? ⁵⁸ Gãjire rojose mua yijama, oca quënorimasu tuju mua ejaroto rjoro, i rãca oca quënoroti ñaja mua juarãne. Oca quënorimasu tu ejamenane, mua oca quënobetijama, masare coderimasure juarotirucumi, muare. Ijuã, muare tubiberucumi. ⁵⁹ Riojo muare gotiaja yu. Rojose mua yire vaja yibetijama, budimenaja mua. Tire bajirone bajiruaraja. Dios i vaja sënirirũmu ejaroto rjoroja, rojose mua yir’ire ñare oca quënoña. Mua gãmerã oca quënobetijama, Dios i vaja sënirirũmu ti ejaro, rojose tãmuotujabetiriaroju, tudibudiya-manaju muare cõarucumi —ñare yigotiyuju Jesús.

13

“Rojose mua yisere yitujacõari, Dios i bojarore bajiroja mua yibetijama, rojose mua yise vaja bajiyayiruarãja mua quëne”, Jesús i yire queti

¹ Tirũmane queti gotirã Jesús tuju ejayujarã ña. Í tuju ejacõari, ado bajise ñare gotiyujarã ña:

—Galilea sitana, Diore yirũcũbuoriaviju sãjaejacõari, Diore rũcũbuorã, vaibucurãre sãñujarã ña. To ña bajirone, Uju Pilato i yarãre ñare sãroticõañuju —Jesũre yigotiyujarã ña.

²⁻³ To bajiro ña yigotisere ajicõari, ado bajiro ñare gotiyuju Jesús:

—Galileana ña bajiyayirere muare gotirucuja yu: Buto rojose ña yise vaja me bajiyayiyujarã ña. Gãjerã Galileana rëtoro rojose yirã me ñaboayujarã ña. Mua quëne, rojose mua yisere mua tuoïavasoabetijama, bajiyayicoaruarãja mua. ⁴⁻⁵ Siloé vãme cuti macajure cojo vi, juriaquediato, juããmocãracu, cojo gubo jedi, gaje gubo idia jënituarirãcu masare sãñuju ti. Buto rojose ña yire vaja me bajiyayiyujarã ña quëne. Gãjerã Jerusalén macana rëtoro rojose yirã me ñaboayujarã ña. Mua quëne rojose mua yisere yitujacõari. Dios i bojarore bajiroja mua yibetijama, bajiyayicoaruarãja mua —ñare yigotiyuju Jesús.¹

Higuera vãme cutiũ rica manire tuoïacõari, Jesús i gotimasiore

⁶ Quëna gaje queti gotimasiore queti ñare gotiyuju Jesús:

—Sĩgũ masu vese cutigũ ñagũmi. Í ya vesere higuera vãme cutiare otegumi. Í oter’i, “Вуча, rica cuticoatoja ti” yigu, ñagũ vacumi. Vaejacõari, ñaboagumi. Rica manicõaroja. ⁷ To ñagũmi, i vesere codebosarimasu. To bajiri, ijuare ado bajiro gotigumi: “Jëre idia cãma tiare rica macaboaja yu. Rica manirũgũaja ti. Quëarocacõaña mu, tiare. Rojoricu ñaja ti. Gaji ote vasoaroti ñaja”, i yigotigumi. ⁸⁻⁹ To i yiboajaquëne, ado bajiro ñare cudigumi vese coderimasu: “Maji. Quëarocabeticõato mani. Adi cãmare quëne quëno ñare ñacoderuaja yu. Sita quënase tu, vaibucurã guda quëne tu, quëno ñare code, gaje cãma gãme tudĩaruarãja

¹ 13:4-5 13.2-5 “Ña bajiyayitire Jesús i gotijama, ña rijato beroju, rojose ña tãmuotujabetitire yigu yiyuju”, yituoïaama sigüri, Dios oca masa ña ucamasire buerëtboburimasa.

mani quëna. To cõrone ti rica manicõajama, quëarocaruarãja mani”, Ìre yicugadimi vese coderimasu —Ìnare yigotiyuju Jesús^m

Ususãjariarũmu rõmiore Jesús ì catioire queti

¹⁰ Ususãjariarũmu ti ñaro Dios ocare Ìna bueriviju masare gotimasio ñaňuju Jesús. ¹¹ Ìnare Ì gotimasio ñarõjare ñaňuju sīgõ rõmio. Yoaro, juaãmo cõro, cojo gubo jedi, gaje gubo idia jënituarirãca ñaricãmari so usuju vãti Ì sãñajare, mubiarine ñacõañuju so. ¹²⁻¹³ To so bajiñasere Ìacõari, sore yiyuju.

—Jëre mu rijaye cutise mare jedicoaju ti —sore yiyuju Jesús.

To yigune, so suyarojua joere Ì ãmori ñujeoyuju. Ì ñujeorirĩmarone, riojo vãmujocoasuju so yuja. Vãmujogone, ado bajiro gotiyuju:

—Jesús suorine quënaro yare yami Dios —yigotiyuju so.

¹⁴ To bajiro so yiboajaquëne, Dios ocare Ìna buerivi uju, so quënaejasere Ìacõari, Jesúre Ìajünisininiju Ì. “Ususãjariarũmure catorotibeama ujarã. To bajiri, ‘Rojose yigu ñaami’”, Jesúre yijünisininiju Ì. To bajiro Jesúre Ìre yijünisinigũ ñari, ado bajiro masajuare gotiyuju:

—Tocãrãca semana, cojomo cõro coja jënituarirãcarãmari, moariarãmari ñaja ti. To cõroju mua catorotire sënirã vadirüguroti ñaja. Adirũmu ususãjariarũmu ñunorema to bajiro yirã ejabesa mua —Ìnare yigotiyuju Ì.

¹⁵ To bajiro Ìnare Ì yirone, ado bajiro Ìre gotiyuju Jesús:

—“Quënaro yirã ñaja yua” yituoĩboarine, rojorã ñaja mua. Ususãjariarũmu ti ñaboajaquëne, mua ta vecuare, burroare, bare ecariaviju ñarãre Ìnare jojiocõari, Ìna oco idiroju tãa varügũaja mua. ¹⁶ To bajiro mua yirügũse ñajare, adiore yu catioesere Ìacõari, buto variquënaroti ñaboaja muare. Vaibucu me ñaamo. Mani yo, Abraham ñamasir'i jãneñone ñaamo so. Vãtia uju sore siacõari, cuogure bajiro yiyumi. Juaãmo cõro, cojo gubo jedi, gaje gubo idia jënituarirãca cãmari to bajiro sore cuoñañumi. To bajiro sore Ì yicuoñajare, “Ususãjariarũmune sore catiocõaroti ñaroja”, yibu yu. Mua quëne yare bajiro tuoĩamasinã —Ìre yiyuju Jesús, ti vi ujure.

¹⁷ To bajiro Ì yisere ajicõari, “Riojo gotiami”, yibojoneñujarã Ìna, Ìre tud'iriarã. Gãjerãjuama, buto variquënañujarã Ìna, jediro quënase rĩne Jesús Ì yirügũsere Ìacõari.

“Mostaza vãme cutiu rica, ajeare bajiro bajiaja”, Jesús ì yire

(Mt 13.31-32; Mr 4.30-32)

¹⁸ Higuera, rica manire sīgũ Ì rocare queti Jesús Ì gotiro bero, ado bajirone masare gotimasioñuju:

—“Rotimuorügõrucuja mu” yigu, Dios Ì cõagũ, yu gotimasiosere no bojarã Ìna ajitirãnjama, muare yu gotisere mojeroaca ajimasiboarine, rojose Ìna ñare cutisere tuoĩavasoacõari, tocãrãcarãmari quënaro ñamujarügũcõari, quënaro ajimasimujarügũjama, ado bajiro bajiruaroja: ¹⁹ Sīgũ Ì ya vese mostaza ajea otegumi. To bajiri Ì oterica mojouricaca ñaboarine, ti judibucuaacoajama, ote yucãri rëtoabusaricu jairicu ñaroja tiu. Jairicu ti ñajare, tiu rãjuriju minia Ìna ria cãtirotijurire quënorãma Ìna —Ìnare yigotimasioñuju Jesús.

“Pan vauvasere bajiro bajiaja” Jesús ì yire queti

(Mt 13.33)

²⁰ Quëna ado bajiro gotimasioñuju Jesús:

—“Rotimuorügõrucuja mu” yigu, Dios Ì cõagũ, yu gotimasiosere no bojarã Ìna ajitirãnjama, muare yu gotisere mojeroaca ajimasiboarine, rojose Ìna ñare cutisere tuoĩavasoacõari, tocãrãcarãmari quënaro ñamujarügũcõari, quënaro ajimasimujarügũjama, ado bajiro bajiruaroja: ²¹ Rõmio, pan quënegoago, trigo vetare idiaji vasãcõari, pan ùmato vauvasere vuogomo so. To so yijare, jairo vauvaroja ti. Tire bajirone bajiruaroja, Diore rotibosagure yare ajitirãnurã jãjarãbusa mua bujuroti —Ìnare yigotimasioñuju Jesús.

“Eyabetisoje ñaja Dios tãju vana sãjariaro”, Jesús ì yigotimasiore queti

(Mt 7.13-14, 21-23)

²² Jerusalënu vacu ñaboarine, tocãrãca maca Ì rëtorimacare Ìnare gotimasiovasuju Jesús. ²³ To Ì bajivatone, sīgũ Ì rãcagũ Ìre sënĩñañuju Ì:

—¿Yu uju, masa rojose tãmuotujabetiraroju vaborona Dios Ì yirëtobosarona, mojeroaca ñarãti? —Ìre yisënĩñañuju, Jesúre.

To bajiro Ì yisere ajicõari, Ì rãcanare ado bajiro Ìnare gotimasioñuju Jesús:

^m **13:8-9** “Adi quetire Jesús Ì gotijama, ‘Masa rojose Ìna yise vaja rojose tãmuotujabetiraroju Ìnare reategu ñari, rojose Ìna yisere yitujacõari, Ì bojasejuare Ìna yiroire yugami Dios’ yimasioğũ yiyuju Ì”, yiyujarã sīgũri, Dios oca masa Ìna ucamasire buerëtoburimasa. ⁿ **13:18** Mostaza ajea ti bajire queti Jesús Ì gotirere, “Ado bajiro yiruaro yaja”, yiyujarã Dios oca masa Ìna ucamasire buerëtobudiriarã sīgũri. “Jesús Ì gotimasiosere ajitirãnurã Ì ñarirodo mojeroaca ñaboarine, jãjarã Ìna bujurotire yigu yiyuju Jesús”, yiyujarã Ìna.

²⁴—*Uju* Dios yarã quênaro ï yirã mua ñaruaajama, eyabetisojere sãjarãre bajiro josaruarãja mua. Ti josaboajaquêne, ï yarã ñaña mua. Riojo muare gotiaja yu: ï yarã mejuama, jãjarã ñaruarãma ò vecaju eyabetisoje sãjaruaboarã. ²⁵⁻²⁶ Soje hiberò bero ejaruãrãma ña. To bajicõari, sojere jãnamasimena ñari, ado bajiro yure sënĩlãboaruãrãma ña: “*Uju*, soje jãñaña mu” yure yiboaruãrãma. To ña yirone, “Muare masibeaja yu”, ñare yirucuja yu. To bajiro ñare yu yisere ajicõari, ado bajiro yure yiruãrãma ña: “Mu rãca bare ba, idi, yicanane ñaja yu. Yua ya macajure ejacõari, yuare gotimasiocaju mu”, yiboaruãrãma ña. ²⁷ To ña yirone, “*Jëre* muare masibeaja’ yigotigajanomu yu. ¡Vasa! Rojorã ñaja mua”, ñare yirucuja yu. ²⁸ To yu yirone, ña ñicua, Abraham, Isaac, Jacob, to yicõari Diore gotirëtobosamasiriarã ñajediro Dios tuju quênaro ña ñasere ñacõari, buto sutiritiruãrãma ña, ñare yu sãjarotibetijare. To bajicõari, buto rojose tãmuorã ñari, guji põguẽ, oti, yiruãrãma ña. ²⁹ To bajiboarĩne Dios tuju ejaruãrãma gãjerã. Muiju ï jiado vadiriarã, ï rocasãto vadiriarã, to yicõari varuaga soje vadiriarã, gajejaca tua varuaga soje vadiriarã ñaruãrãma. Tojure ï rãca barujiuruãrãma ña.^o ³⁰ Jãjarã adõju ñamasurã, ò vecajuarema ñamasumena ñaruãrãma ña. Adi macarucuroju jãjarã ñamasumenama, ò vecajuarema ñamasurã ñaruãrãma —ñare yigotimasioñuju Jesús.P

³¹ To bajiro ï yigotimasiorone, Jesús tuju ejayujarã fariseo masa sīgũri. ï tuju ejacõari, ado bajiro gotiyujarã ña:

—Gajeroju vacoasa mu. *Uju* Herodes, mure sũaru macañañuju ï —Jesũre yigotiyujarã ña.

³² To bajiro ña yisere ajicõari, ado bajiro ñare cudiyuju Jesús:

—Herodere quênaro tuoĩagũre ado bajiro ñre gotiba mua: ³³ “Moaroti ñaja yure maji. Masa usũriju sãñarãre vãtiare ñare burearoti, to yicõari rijaye cutirãre catioroti ñaja yure maji. Yama, yu bajiñarotire quênaro masiaja yu. To bajiri Jerusalénjune vacu bajiaja yu. To bajiro yure varotiami Dios. Tone Diore gotirëtobosamasiriarãre sãlearũgũmasiñujarã ña, masa. Tone yure quêne sũaruãrãma ña”. To bajiro yu gotisere yure gotibosaba mua —ñare yicudiyuju Jesús.

Jerusalén macana ña bajirotire Jesús ï tuoĩasutiritire queti

(Mt 23.37-39)

³⁴ To bajiro ñare yigajanocõari, Jerusalén macanare ñre ña sũarocarò bero ña bajirotire tuoĩacõari, ado bajiro yiyuju Jesús:

—Jerusalén macana, Diore gotirëtobosamasiriarãre sãmasiriarã jãnerabatia ñacõama ña. Dios ï cõomasiriarãre ï ocare gotimasiorimasare gũtane ñare reasãmasiriarã jãnerabatia ñaama. Cojoji me gãjaboco so querũju eñeroca so rĩare so juarẽorore bajiro ñare yiruaboacaju yu, ñare coderu. To bajiro yu yiruaboajaquêne, ñajua yure bojabeticama. ³⁵ To bajiri jëre “*Ña ñarijure codetujacõaja yu yuja*”, yituoĩami Dios. Riojo gotiaja yu: “*‘Rotimũorũgõrucumi’ yigu, Dios ï cõar’i vadiami! ¡Quênase ñre yivariquênato mani! ¡Diore rotibosagu ï ñajare, ñre quênaro yato Dios!*”, yure ña yiroto rĩoro, quëna juaji yure ñabeturãrãma ña —ñare yituoĩa ñagõñuju Jesús, Jerusalén macanare.

14

Ucũgure Jesús ï catiore queti

¹ *U*susãjariarũmu ti ñaro, fariseo masa uju ya vijure bagu vasuju Jesús. Toju ï ejaro, “Jesús, rojose yimi” ujarãre yi ocasãruarã, Jesũre quênaro ñacodeyujarã ña, fariseo masa, Dios ï rotimasire gotimasiorimasa quêne. ² Toju ñañuju sīgũ, ï ruju jediro ucũgu. ³ To bajiri fariseo masa, Dios ï rotimasire gotimasiorimasa quêne ña tuoĩasere masicõari, ado bajiro ñare sënĩlãñuju Jesús:

—¿Adirũmu usũsãjariarũmure rijaye cutirãre manire catiorotibea ti Dios oca masa ña ucamasire? —ñare yisënĩlãñuju ï.

⁴ To bajiro ï yiboajaquêne, ñre cudibesujarã ñajuama. To bajiri ucũgure jicõari, ñre catioyuju Jesús. To yicõari, ñre varotiyuju. ⁵ ñre varoticõari, ï vato bero ñarãre ado bajiro ñare gotiyuju ï:

—Ta vecu mua ecar’i, gojeju ï quedi rocasãjama, “*U*susãjariarũmu ñaja” yirã, ñamirã vame-nada mua? —ñare yigotiyuju Jesús.

⁶ To ï yisere ajicõari, no bajiro ñre cudimasibesujarã ña.

“Masa, ñamasumenajure, Ñamasurã ñato’ yigu yirucumi Dios”, yire queti

⁷ To ï yiro bero, toju barã ejarã, rucubũoriajũrĩe rujiruayujarã ña. To ña bajisere ñacõari, ado bajiro ñare gotimasioñuju Jesús quëna:

^o **13:29** Diorãca ña barujirotire Jesús ï yijama, Diorãca quênaro ña ñarotire yigu yiyuju, yiyujarã Dios oca masa ña ucamasire buerëtoburimasa. **P 13:30** “To bajiro Jesús ï yijama, judío masa Dios ï besesũoboriarã jãjarã ï tuju ña ejabetirotire, to yicõari, judío masa me ñarã ï besetusarã ï tuju ña ejarotire yigu yiyuju ï”, yituoĩañujarã sīgũri Dios oca masa ña ucamasire buerëtoburimasa.

8-9 —No bojagu ĩ āmosiarotire “Īarā vadiato” yigotiecorā mua ñajama, ĩ tuju ejarāne, rūcuboraija rujiheja. To bajiro mua bajibetijama, rūcuboraija mua rujiro bero gāji mua rētoro ñamasugū ĩ ejajama, ado bajiro muare gotirucami vi uju: “Tusarojua rujiaya muama. Ānijua, mua bero ejagujua, adore rujirucami”, muare yirucami. To bajiro ĩ yirone, buto bojoneruārāja mua. ¹⁰ To bajiri “Īarā vadiato” muare ĩna yijama, ĩna tuju ejacōari, tusarojua rujiaba mua. Vi uju, muare ĩacōari, “Rūcuboraijajua rujiaya mua”, yirucami. To bajiro muare ĩ yiro ajiri, muare yirūcuboruārāma ĩna, rujirā quēne. ¹¹ Ado bajiro ĩ bajijare, to bajiro bajiaja: No bojagure, ñamasugū ñaruagure, “Ñamasugū me ñato”, ĩre yirucami Dios. No bojagure, “Ñamasugū me ñaja yu” yigu, quēnaro gājerāre yirūcuboruagujare, “Ñamasugū ñato”, ĩre yirucami Dios —ĩnare yigotimasioñuju Jesús.

Maio ro bajirāre Jesús ĩ mairotire queti

¹² To yigajanocōari, viagure ado bajiro ĩre gotiyuju Jesús:

—Gājerāre mua barotijama, mua babarāre, mua yarāre, to yicōari, jairo cuorāre mua tuanare, ĩnare barotibeticōaña. ĩnare mua barotijama, bero ĩnaja quēna barotirāma, cuorā ñari yibeticōaña. ¹³ To bajiri, gājerāre mua barotijama, ñie cuomenare, micarāre, rujasagueri vanare, to yicōari, ĩamenare quēne barotiya mua. ¹⁴ ĩnajuama mure bare ecamasimenama ĩna, mojoroaca cuorā ñari. To bajiro ĩnare mua yijama, buto variquēnarucuja mua. Beroju ĩ bojarore bajiro yiriarāre rijiarāre, ĩ catorirāmujua mure vaja yirucami Dios, to bajiro mua yise vaja —viagure yigotiyuju Jesús.

“Ī macu ĩ āmosiaguadijare, masare jirēogūmi uju”, Jesús ĩ yigotimasiore queti (Mt 22.1-10)

¹⁵ To bajiro ĩ yisere ajicōari, sīgū, Jesūrāca barujigu, ado bajiro ĩre gotiyuju:

—Uju Dios tuju ō vecaja ĩ rāca barona variquēnaruarāja mairo —Jesúre ĩre yigotiyuju.

¹⁶ To bajiro ĩ yisere ajicōari, ado bajiro ĩre cudiyuju Jesús:

—To bajirone bajiboroja, Dios tuju mua ejajama —ĩre yicudiyuju Jesús. To yicōari, gotimasiore quetire gotiyuju:

—Cojorūmu sīgū masu quēnaro boserūmu yigūmi. Tirūmu ñaroto rĭjoro jājarā masare jigūmi, ĩnare ūmato baru. ¹⁷ To bajiri boserūmu ti ejaro, ĩre moabosagure cōagū, ado bajiro ĩre yigūmi: “Yu rāca barona barā vadiato ĩna. ‘Bare quēnogajanoaja yu jēre’, muare yicōami’ ĩnare yigotiba”, ĩre yigotigūmi, ĩre moabosarimasare. ¹⁸ To bajiro ĩ yicōar’i, gājerāre jicudiboagūmi. ĩna ñajediro ricatine ĩre boca cudirāma ĩna. ĩ jisnoqu ado bajiro ĩre cudigūmi: “Cojotūcuro oteriatūcuro vaja yibu yu. Tojare ĩaguacu yaja yu. To bajiri, ‘Ī tuju bagu varuaboarine, vamasibeaja’ yure yigotibosaba”, ĩre yicudigūmi. ¹⁹ Gājima, ado bajiro ĩre cudigūmi: “‘Cojomocārācu ta vecua vaja yibu yu. ĩnare ĩaĭaguacu yaja’ yicōami. To bajiri, ‘Vadimemi’ ĩre yicōama, mua ūjere”, ĩre yicudigūmi, ĩ quēne. ²⁰ Gājijuama, ado bajiro yigūmi quēna: “Manajo cuticoaju yu, yucacane. To bajiri boserūmu ĩagū vamasibeaja yu”, ĩre yicudigūmi. ²¹ To bajiro ĩna yijare, ĩ uju ya viju tudiejacōari, ĩna yicōasere ĩre gotigūmi. To bajiro ĩna yicōasere ĩ gotiro ajijūnisinigūmi ĩ uju. Jūnisinigūne, ado bajiro rotigūmi quēna: “ĭGuaro vasa mu! ĭMacari ñajediro vasa mu! ĩNie cuomenare, micarāre, ĩamenare, rujasagueri vanare, ĩnare jiba. ĩnajuua, yu tuju barā vadiato ĩna”, ĩre yigotigūmi, ĩre moabosarimasare. ²² To bajiri uju ĩ yirore bajiro yigoticudigūmi ĩre moabosarimasu. ĩ goticudiro bero, tudiejacōari, ado bajiro ūjere gotigūmi: “Uju, yure mua roticōarore bajirone ĩnare gotigajanomu yu yuja. Masa bojarēmocōaja maji”, yigotigūmi. ²³ To bajiro ĩ yijare, ado bajiro ĩre rotigūmi uju quēna: “Maca tusarohanare maa tūri ñarāre quēne ĩnare jijeocōama mua. ‘Yu vi ĩamūcoajaro’ yigu yaja yu. ²⁴ Yu rāca baroadiato’ yu yicōaboarājuama, yu rāca babetiruarāma ĩna”, ĩre yigūmi ĩ uju —ĩre yigotiyuju Jesús.

“Yure ajitirānugū ĩ masu rujure ĩ mairo rētoro yure maigūmi”, Jesús ĩ yire queti (Mt 10.37-38)

²⁵ Tirāmuri jājarā masa Jesūrāca vasujarā ĩna. To ĩna bajiro judarūgū, ĩnare ĩacōari, ado bajiro gotiyuju Jesús:

²⁶ —No bojagu yu buegu, ĩ jacure, ĩ jacore, ĩ manajore, ĩ rĭare ĩ mairo rēto busaro yure maigūmi. To bajicōari, catiquēnagū ñagū quēne, rijaye tāmūo gajajuagu ñaboarine, yure maigūmi. ²⁷ No bojagu, “Jesúre bajiro rojose tāmūosuyarucuja yu” yitūolabecu, yure ajitirānugū ñamasibecūmi —ĩnare yigotiyuju Jesús.

²⁸ To yigajanocōari, gotimasiore queti ĩnare gotiyuju ĩ:

—Umuarivi quēnoru, “Ti vire yu quēnojama, ĩvaja tĭjacoaruaboati?” yigu, ĩ ye gājoare cōagūmi. ²⁹ ĩ cōiabetijama, ti vire ĩ quēnogajanobetone, ĩ vaja yitūaboase gājoa jediveocoatoja ti, ĩre. To bajiri ĩ vire quēnogajanobecūmi. Gājerā, ĩ quēnogajanobeto ĩacōari, ĩre ajarāma ĩna. ³⁰ “Adi vire quēnoboarine, gajanomasibeami ĩ”, ĩre yiajarāma ĩna —ĩnare yigotiyuju Jesús.

³¹ To yigajano, gaje queti inare gotirũtuasaju:

—Uju, gāji uju rāca ina gāmerā quēajama, ado bajiro tuoīagāmi: “¿Yua diez mil ñarirācu yure moabosarimasa rāca, veinte mil masa cuogure quēārētocūrājari yua?”, ¿yituoīasnobecujarique? ³² “Inare quēārētomasiemenaja yua” i yituoīajama, “¿No bajiro yua yirotire bojati mu, Yua rāca gāmerā quēābeticoato’ yirā?”, i ūmuare yisēniā roticōagāmi, gāji uju tujare. ³³ To bajiri, vi buagure, to yicōari, gāmerā sīaroana ujure bajiro bajajaja yu. Jēre yu yirotire cōīajeocaju yu. To yicōari, “To bajiro ina yijama, yu buerā ñaruarāma”, yimasijaja yu. To bajiro yigu yu ñajare, ado bajisere tuoīamasiña mua: No bojagu, jediro i cuosere yu bojarore bajiro yu yirotisere bojabecu, yare ajitirānugū ñamasibecumi —Inare yigotiyuju Jesús.

“Yure ajitirānūrā, moa ocasere bajiro ina bajijama, quēnaja”, Jesús i yire queti (Mt 5.13; Mr 9.50)

³⁴ Quēna ado bajiro gotiyuju Jesús:

—Moa ñaja bare säre. Mua barotire vaibucu rii catisere cūrāma, moa turāja mua, “Boarobe” yirā. ³⁵ Moa ti ocaboase ti ocabeticoajama, “Quēna tudicoato” yirā, no bajiro yimasimenaja mua. To bajiri, tire reacōarāja mua. Moa ocatujabetire bajiro mua bajijama, quēnaja. Tire mua ajimasiruaajama, quēnaro tuoīaña mua —Inare yigotiyuju Jesús.¶

15

Oveja coderimasure bajiro manire Dios i maitujabeti queti (Mt 18.10-14)

¹ Jesure ajirā i taju ejarūgūñujarā. Ina ñañujarā rojose yirā, ujure gājao sēnibosarimasa, to yicōari, gājerā quēne. ² To bajiri fariseo masa, Dios i rotimasire gotimasiormasa quēne ñañujarā. Ado bajiro Jesure gōjajñujarā ina:

—Rojose yirāre maiami. Ina rāca barūgūami —Ire yigōjacodeyujarā ina.

³ To bajiro ina yijare, gotimasiore queti ado bajiro inare gotimasioñuju Jesús:

⁴ —Sīgū ñagāmi cien ovejare codegu. Cojorāmu sīgū oveja yayicoacumi. To bajiri inare coderimasa, ruyarāre, noventa y nueve ñarāre ta veseju inare cūcōari, yayir’ire macagū vacoacumi i, “Bujacōariju tujaracuja” yigu. ⁵ Yayir’ire bujacōari, buto variquēnagāne, ire gaja tudicoacumi, i ya viju. ⁶ I ya vi ejacōari, i babarāre, i tuanare quēne, rējarotigumi. “Oveja yayir’ire bujabu yu. Mua quēne yure variquēna ejarēmoña”, inare yivariquēnagāmi. ⁷ Tire bajiro bajiroja o vecaju Dios i ñaroju. Oveja yayir’ire bujacōari, i variquēnariore bajiro variquēnarāma āngel mesa, Diore moabosarā, sīgū masu, rojose i yisere yitujacōari, Dios i bojasejure i yijama. Socarāne gājerāma, “Quēnarā ñaja yua” yituoīarārema variquēnamenama āngel mesa —Inare yigotimasioñuju Jesús.

Gājaoitiire yiyayicōari, titiire bujagone, so variquēnariore bajiro manire Dios i maitujabeti queti

⁸ To yicōari, gaje queti gotirēmoñuju Jesús quēna:

—Rōmio, juāāmocārācatiiri, gājaoitiiri cuogo ñagōmo. Cojotii ti yayiro iacōari, sīabusuariare so ya vire sīabusuogomo so. To yicōari, quēnaro tumacagōmo, “Titiire bujacōariju tujaracuja” yigo. ⁹ Titiire bujacōari, buto variquēnagōne, so babarāre, so tuanare quēne rējarotigomo. “Gājaoitiire yayiritiire bujabu yu. Mua quēne yure variquēnaejarēmoña”, inare yivariquēnagōmo. ¹⁰ Tire bajiro bajiroja o vecaju Dios i ñaroju. Gājaoitiire bujacōari, so variquēnariore bajiro variquēnarāma āngel mesa, Diore moabosarā, sīgū masu, rojose i yisere yitujacōari, Dios i bojasejure i yijama —Inare yigotimasioñuju Jesús.

Imacu i tudiejaro iacōari, rojose yiboar’irene i jacu i masioreaye Jesús i gotimasiore queti

¹¹ To yicōari, gaje queti gotirēmoñuju Jesús quēna:

—Sīgū masu juarā rīa cutigu ñagāmi. ¹² I bedijua, i jacure ado bajise ire yigumi: “Cacu, yu ye ñarotire yure iñiña mu”, ire yigumi. To bajiro i yijare, inare ujojeocōagāmi i jacu, ina ye ñarotire. ¹³ To i yiro beroagarāmurine, i macu, i bedijua gaje sitaju varu i yere iñigāmi. I ti gājao rācane vacoacumi, gaje sitaju vacu. Toju ejacōari, rujajine i gājaoare yibatareajeocōagāmi. ¹⁴ To bajiro yireacōari bero, josari tāmugāmi, tojure. To i bajiñarone, ti sitaju bare quēnaro manaja. To ti bajijare, buto ñiorijasugumi. ¹⁵ To bajiro bajiboacu, toagure moare sēnigāmi i. To bajiri ecariarā yeseare ire coderotigumi i. ¹⁶ Inare codeñagūju, yesea ina basene baruaboagumi, mano ñiorijagu ñari, ñimujuane ire ina bare ecabecu ñari. ¹⁷ To bajiñaboacu, tuoīagāmi i: “Yu jacu moabosarimasarema jājarā ina ñaboajquēne, ina base ruyaquēnacuda

¶ 14:35 Adi quetire Jesús i yijama, ado bajiro yigu yiyuju, yiyujarā Dios oca buerētoburimasa: Ire ajitirānūmenama, moa ocabetire bajiro ñarā yirāja mua. To bajiri mua suyaruaajama, yu sīgūrene mua ajitirānu suyajama, quēnaja.

ti. No yigu yuma adojure ñiorija ñati yu”, yituoĩagũmi. ¹⁸ To yi, “Bau. Cacũ ya viju tudiarocu ñagũja yu. Tojure tudiejacõari, ado bajise Cacũre ĩre yirũcũja yu: ‘Cacũ, rojose yicaju yu, Diore, mure quẽne. ¹⁹ To bajiri macũ yure mũ yise bojabeaja yu. Mure moabosarimasũre bajirojua yure yiya mũ’ yu jacure ĩre yicõa ejarũcũja yu”, yituoĩagũmi. ²⁰ To yi, ĩ jacũ ĩ ñarojua tudicoacũmi, maane.

To bajiro ĩ bajivato, sõjũne ĩ jacũ bocaĩacõari, ĩre ĩamaigũmi. To bajiri ĩre vabocacõari, jabario, usu, ĩre yigũmi, ĩ jacũ. ²¹ To bajiro ĩ yirone, “Cacũ, Diore rojose ĩre yicaju. Mure quẽne rojose mure yicaju yu. To bajiri macũ yure mũ yise bojabeaja yu”, ĩre yigũmi. ²² To bajiro ĩ yibojajuquẽne, ĩre moabosarimasare jicõari, “Sudi quẽnase masure juaaỹa. To yicõari, ĩre sudi sãña. Aũo sãriabedore quẽne ĩre sãña. Gũbo sudire quẽne ĩre sãña. ²³⁻²⁴ To yicõari, ta vecũ mame jaĩgure ĩre sãña mũ. ĩre bacõari, basavariquẽnato mani. Yũ macũre, ‘Rijacoarimi’ ĩre yirũgũboabũ yu. Caticõañumi”, ĩnare yigũmi ĩ jacũ. To yicõari, ĩre basajeorãma ĩna.

²⁵ To bajiro ĩna yĩñarijũre ĩ macũ ñasũogũjũama, vesejũne bocaĩacõagũmi. To bajĩñaboacũ, tudiacũmi yuja. Tudiacũ, ĩ ajicõñarũtu vajama, to basa ocaruyũ ñarãma ĩna. ²⁶⁻²⁷ Tire ajicõari, ĩ jacure moabosarimasare ĩre sẽnĩĩagũmi, “¿Ñiere yirã yiri ĩna?” yigu. To bajiro ĩ yirone, “Mũ bedi tudiejami. To bajiri ta vecũ mame jaĩgure s̃arotimi mũ jacũ, mũ bedi ĩ tudiejajare”, ĩre yigũmi ĩ. ²⁸ To bajiri tire ajicõari, buto jũnisinĩgũmi, ĩ gagũ, vire s̃ajaruabecũ. To bajiri ĩ jacũ tire, “¿To bajibeticõañma!” yigu, budiacũmi. ²⁹ To bajiro ĩ bajirone, ado bajise ĩ jacure ĩre yigũmi: “Tocãrãca cũma mũ ye moarere mure moabosarũgũboacaju yu. To bajiboarine, divatojuane no s̃ĩgũ vaĩbũcũaca cabrito vãme cutiguacare, ĩ babarã rãca basavariquẽna bato ĩna’ yigu, yure ĩsibeticajũ mũ. ³⁰ To bajiboarine, mũ macũ rojorã rõmiri rãca mũ ye gãjoare yireagũ var’ĩjuarema, ta vecũ mame jaĩgure s̃iacõari, basavariquẽnaja mũ”, ĩre yigũmi, ĩ jacure.

³¹ To bajiro ĩ yijare, ado bajiro ĩre cudigũmi ĩ jacũ: “Ado yũ rãcane ñacõarũgũaja mũ. To bajiri yũ cuose jediro mũ ye ñaja ti. ³² Yucũrema basavariquẽnato mani, mũ bedi, ‘Rijacoarimi’ yũ yirũgũboagũ, gãme tudiejami. ĩre bujacõaja mani yuja”, ĩre yigũmi ĩ jacũ — ĩnare yigotimasioĩuju Jesũs.

16

Ujũre moabosarãre ĩre rotibosarimasũ socũne quẽnaro yitocõari, rojose ĩ yirere Jesũs ĩ gotimasiore queti

¹ Ado bajise ĩ buerimasare gotiyuju Jesũs quẽna:

—Sĩgũ gajeyeũni jaĩgu ĩ yere codebosagũre ĩre cuogũmi. Gãjerãjua, “Mũ yere yibatereagũ yami”, ĩre yigotirãma. ² To bajiro ĩna yisere ajicõari, ĩ yere codebosagũre ĩre jicõari, ado bajiro ĩre yigũmi: “Gãjerã, mũ yibateresare gotiama. To bajiri mũ yisere cõari, ucaticõañma mũ. Yũ yere codebosabetirũcũja mũ yuja”, ĩre yigotigũmi ĩ uju. ³ To bajiro ĩ yijare, ado bajiro tuoĩarejaĩgũmi ĩre codebosarimasũ: “¿No bajiro bajĩgũti yu? Yũ uju yure bucõarũcũmi yuja. No gajeye moare bujabecũja yũ yuja. Ote oteroti ñarore coatĩmabecũja yũ. Bojoneose, gãjerãre gãjoa sẽnibecũja yũ”, yituoĩarejaĩgũmi ĩ. ⁴ To bajiro yituoĩarejaĩboacũ, “Jẽre yũ yiotire masiaja yũ yuja, ‘yũ uju yure ĩ buro bero, gãjerã ĩna ya virijũ yũ ejaro yure ĩamaĩto ĩna’ yigu”, yigũmi. ⁵ To bajiri ĩ ujure vaja morãre ĩnare jijeocõagũmi. To bajiro yituoĩar’i ñari, s̃ĩgũ ĩ ejaro, ado bajiro ĩre yigũmi: “¿No cõro yũ ujure vaja moati mũ?”, ĩre yisẽnĩĩagũmi. ⁶ To bajiro ĩ yisẽnĩĩarone, “Cien ñarirajeri uyerajeri bare roagũ sãvũorere tire vaja moaja yũ”, ĩre yigũmi. To bajiro ĩ yirone, “Jau. Rujiya. ‘Adi mũ vaja more yutarijũrore mojoroaca cincuenta ñaro vaja moaja’ yiuacatu vasoatoya”, ĩre yigũmi. ⁷ To bajiro ĩre yigajanoacõari, gãji ĩ ejaro, ĩre sẽnĩĩagũmi: “¿No cõro vaja moati mũma?”, ĩre yigũmi. “Cien jĩbũri pan quẽnorotire vaja moaja yũ”, ĩre yigũmi. To bajiro ĩ yirone, “Adi mũ vaja more ñarijũrore mojoroaca ochenta jĩbũri vaja moaja yiuacatu vasoatoya”, ĩre yigũmi. To yicõari, gãjerãre quẽne to bajiro rĩne yigũmi. ⁸ To bajiro ĩ yiro ajicõari, “Quẽnaro yigu me ñaboarine, tuoĩamasĩgũ ñaami”, yituoĩagũmi ĩ uju, ĩre —ĩnare yigotiyuju Jesũs, ĩ buerimasare.

—To bajiro tuoĩaama ĩna, jãjarã masa, Diore ajiterã. Gajeyeũnire buto tuoĩarã, masare yitocõari, vaja bujamasiama ĩna. Yure ajitirãnrãjũama, “Quẽnabusaro Dios ĩ bojarore bajiro ajitirãnuato ĩna” yirã, quẽnaro mũ yiotire tuoĩabetĩbusacõaja mũ.

⁹ To bajiri ado bajiro muare gotiaja yũ: Rijanane mũ yere, mũ gajeyeũnire juavamasibetĩrũarãja. To bajiri mũ cuosere maioro bajirãre ĩsĩña mũ. To bajiro mũ yijama, mũ rijato bero, ĩnare quẽnaro yiriarã mũ ñajare, Dios ĩ ñaroju quẽnaro muare ĩavariquẽnarũarãma ĩna.

¹⁰ Gajeyere quẽne muare gotiaja yũ. Gajeyeũni, gãjoa codebosarimasũ mojoroaca ñasere quẽnaro codegũma, jairo ñasere quẽne quẽnaro codemasiami. Gãjima, gajeyeũni, gãjoa codebosarimasũ ñagũ mojoroaca ñasere codemasibecũma, jairo ñasere quẽne codemasibecũmi. ¹¹ Adi macarũcũrojure Dios muare ĩ ĩsise “Dios ĩ cõase ñaja” yituoĩacõari, mũ

gãjoare, gajeyeünire, mua cuosere quênaro mua cuomasijama, Dios, buto variquênacôari, i tuayere quênamasusere muare ujuracumi, tuoïamasireayere, moamasireayere, to yicôari mua ñarotiayere quêne. ¹² Adi macarucuroayere i cõasere mua cuomasibetijama, quênamasuse mua cuoborotire ujobetiracumi Dios.

¹³ Diore yirucubworãma, adi macarucuroayere tuoïarucubwomenama, “Diojua ñaami ñamasugũ” yituoïarã ñari —înore yigotiyuju Jesús.

Gajeyeünire, gãjoare buto bojarãre Jesús i gotire queti

¹⁴ To bajiro i yisere ajicôari, ñagõjuruañujarã fariseo masa, gajeyeünire, to yicôari, gãjoare quêne, tire buto bojarã ñari. ¹⁵ To ñna yijare, ado bajiro ñnare gotiyuju Jesús:

—Quênase mua yijama, “‘Quênarã ñaama’ manire yĩlato masa” yirã, yitorũgũaja mua. To bajiro mua yiboajaquêne, mua tuoïasere ñamasigũ ñaami Dios. To bajiri, “Quênamasucõaja” masajuama ñna yĩlaoasere, Diojuama, “Quênabetimasucõaja” yĩlami —fariseo masare ñnare yiyuju Jesús.

“Yũ uju ñaami Dios’ mua yijama, i rotisere cudiroti ñaja”, Jesús i yire queti

¹⁶ Quêna ado bajiro ñnare gotimasioñuju Jesús:

—Rẽmjure Dios yere Moisés i rotimasirere, Diore gotirẽtobosamasiriarã masare ñna gotimasiorema, Juan vãme cutigu, masare oco rãca bautizarimasu i gotimasioriajune tasaja. “Uju Dios yarã quênaro i yirã mua ñaruajama, rojose mua yisere yitujacôari, Jesũre ajitũrũnaña” yisejua ñaja ñamasusema. Tire ajirã ñari, quênaro yure ajivariquênasuyasuoadicama jãjarã masa.

¹⁷ Adirũmuriaye ñamasuse ti ñaboajaquêne, Moisére Dios i roticũmasire, to yicôari, Diore gotirẽtobosarimasa ñna gotimasiomasire ñajediro ñacõarũgũruaroja. Adi macarucuro jediroto rĩjoro, cojo vãme godocutibetirũaroja. Ñajediro Dios i gotiriarore bajirone bajirũaroja —înore yigotimasioñuju Jesús.

“Iĩ manajore rocacôari, gajeore i manajo cutijama, quênabeaja”, Jesús i yire queti
(Mt 19.1-12; Mr 10.1-12)

¹⁸ Quêna ado bajiro ñnare gotimasioñuju Jesús:

—Sigũ i manajore rocacôari, gajeore i manajo cutijama, i manajo masu me ñaamo. Sore ajerio cutigu yami, Dios i ñajama. To yicôari, manaju rocario rãca i manajo cutijaquêne, i manajo masu me ñaamo. Sore ajerio cutigu yami, Dios i ñajama —înore yigotimasioñuju Jesús.

Sigũ gajeyeüni jaigu, to yicôari, Lázaro vãme cutigu rãca ñna bajirere Jesús i gotire queti

¹⁹ To bajiro yigajanocôari, quêna ado bajiro ñnare gotiyuju Jesús:

—Sigũ ñagũmi jairo gajeyeüni cuogu. Quênase sudi, vaja jacase rĩne sãñarũgũgũmi. Tocãrãcarũmarĩne bare quênase rĩne ba, boserũmu quêno, variquênarũgũgũmi. ²⁰ I ya vi soje tuaca ñie cuobecu, maioro masu bajigu rujugumi, Lázaro vãme cutigu. I rujari cãmi boagu ñagũmi i. ²¹ I bareasere barua rujugumi. To i bajirujirone, i cãmirẽ ñre verogõjanabiorãma yaia. ²²⁻²³ Cojorũmu rijacoacumi Lázaro. I rijato bero, õ vecaju i ñicu Abraham tuju i usure ãmicõanama ángel mesa. Bero, gajeyeüni jaigu quêne bajirocacoacumi. Bajirocacôari, yuje ecogumi. To bajicôari, rojose tãmuotujabetiriarõju cõaecogumi. Toju ñacôari, ñamuogũne, Abraham, Lázaro rãca ñna ñaro ñabujagumi, õ vecaju ñarãre. ²⁴⁻²⁵ Ñnare ñabujacôari, Abrahamre ado bajise avasãñamuogũmi: “Ñicu, yure ñamaña. Adi jeamere buto rojose tãmuoaja ya. Lázarore, yu tuju ñre cõaña. Mojoroaca oco juaádiato”, ñre yiavasãgũmi. To i yirone, ado bajiro ñre cudigumi Abraham: “Tuoïaña jãnami. Mu ya macaju ñagũ quênasere cuocaju mu. Variquênacaju mu. Lázarojuama toju ñagũ buto rojose tãmuocumi. Yucurema, quênaro variquênaro ñagũ bajiami yuja. Mujuama buto rojose tãmuogũ bajiaja mu yuja. ²⁶ Gajeyerema jairigoje ñamatacõaja. To bajiri mu tujure ejamasibeaja yua. Muajua quêne yua tujure ejamasibeaja mua”, ñre yicudigumi Abraham.

²⁷ To bajiro i yijare, gajeyeüni jaigu ñaboar'i ado bajiro ñre yigumi: “‘Lázarore yu jacu ya viju ñre cõaña’ yigu yaja. ²⁸ Yũ bederã cojomocãrãcu ñarãre, Lázarore ñre gotiroticõaña. Ñna quêne, adoju rojose yu tãmuorore bajiro bajiroma’ yigu yaja”, Abrahamre yigotiboagumi. ²⁹ To i yirone, “Moisés, to yicôari, Diore gotirẽtobosamasiriarã quêne ñna ucarere jẽre tire cuorãma ñna, mu yarã. Tire bueato ñna”, ñre yicudigumi Abraham. ³⁰ To i yirone, “Bajibeaja. Buemena. Rijar’ine tudicaticôari, gotiami manire’ yirã, ñre ajirũcũuocôari, tuoïavasoaruarãma ñna”, ñre yiboagumi, jeameju rojose tãmuoñagũ. ³¹ To i yirone, ado bajiro ñre cudigumi Abraham quêna: “Moisés, to yicôari, Diore gotirẽtobosamasiriarã, ñna ucamasirere mu bederã ñna ajitirũnubetijama, rijar’i, ñnare i gotiboajaquêne, ñre ajimenama”, yigumi Abraham —înore yigotiyuju Jesús, fariseo masare.

17

“Maa suorine gājerā rojose ina yijama, gūiose űaja”, Jesús i yigotimasiore queti (Mt 18.6-7, 21-22; Mr 9.42)

¹ I buerimasare ado bajiro gotimasioñuju Jesús:

—Rojose yirā jājarā űarāma. To bajiri gājerāre rojose űmato yiruarāma. To ina yise suori buto rojose tāmouarāma. ² Rojose inare ina űmato yiroto rĳoro, tocārācurene ina āmuarijire gūta jairica siatucōari, riaga űcuaroju inare rearoderuucōajama, rojose tāmobetibusaborāma.

³ To bajiri, “Rojose mani űmato yijama, rojose tāmuborāja” yirā, quēnaro tuoīamasirine űarūgūña mua. Sīgū rojose muare i yijama, “Rojose yure yibū mu”, ire yiya. To bajiro mu yisere ajicōari, “Riojo yaja mu” i yisatiritijama, rojose muare i yisere ire masirioya mua. ⁴ Tocārācagine rojose muare ina yijama, inare masirioya, rojose muare ina yiro cōrone, “Juaji rojose muare yibetiracuja” yirāre —inare yiyuju Jesús.

“Dios i rotimasiore bajirone yiruaa yua” yirā, Jesús buerā ina sēniiboare queti

⁵ To bajiro i yisere ajicōari,

—“Tocārācagine masiriotūmamenaja” yituoīarā űari, yua masiriotūmarotire Dios i ejarēmosere bojaja —yiyujarā ina.

⁶ To bajiro ire ina yirone, ado bajiro inare gotiyuju Jesús:

—Mojoroaca yimasirā űaboarine, “Dios i ejarēmose rāca yimasicōarāja” yirā, icā morera vāme cutiure, “Maa masune vūevati, rūgōaya” mua yirotijama, to bajirone bajiraroja ti —inare yigotiyuju Jesús.

“Ŭjare moabosarimasu, ado bajiro bajire űaroja”, Jesús i yire

⁷ To yigajanocōari, ado bajiro inare gotirūtuasuju i quēna:

—To bajiri, űaīaűamani mua yijama, ado bajirojua tuoīama mua: Moabosarimasu cuorā ire mua rotisere tuoīaűa: Ovejare muare codebosaguarire, i tudiejaro, “Muja basuoya”, ire yimenaja mua. ⁸ Ado bajirojua ire yirāja mua: “Yua barotire roabosaya. Roagajanocōari, yuare ecaba. Yua bagajanoro bero, muja barucuja mu”, ire yirāja mua. ⁹ Mua moarotisere i moaro iacōari, “Quēnaja ti”, ire yimenaja mua, “Yuare moabosarimasu űaami” ire yituoīarā űari. ¹⁰ To bajiro ire mua yituoīare bajirone tuoīagūmi i quēne. To bajiri, “ ‘Quēnaro yaja mua’ manire yato Dios” yituoīacōari, “űamasurā űaja” yirāre bajiro yisocabesa. “No bojagure moabosarimasu, i moarotiecorore bajiro bajigu űaja”, yituoīarūgūña —inare yigotiyuju Jesús.

Gase boarāre Jesús i catiore queti

¹¹ To bajiri Galilea sita, Samaria sita rāca vatojere varūtuasuju i, Jesús, Jerusalén macaju vacu. ¹² Varūtu vacune, gaje maca ejayuju. Ti macajure i ejaro, juaāmocārācu rujuri gase boarā ire bocayujarā ina. I tuaca ejamenane, sōju űarine ado bajiro ire yivasāñujarā ina:

¹³ —Jesús yua űju, yuare űamaiña mu —ire yiyujarā.

¹⁴ To bajiro ina yivasārone, inare iacōari, ado bajiro inare yiyuju Jesús:

—Paire mua rujurire űoaya. To mua yijama, caticoaruarāja mua —inare yiyuju i.

To bajiro i yijare, vacoasujarā ina. Maa ina vato rine ina cāmi boaboare yaticoasuju ti yuja. ¹⁵ To bajiro sīgū ruja gase boagu űar'i, ti yatiro iacōari, judarūgū, Jesús tuja tudicoasuju quēna. Tudiacune, variquēnagū űari, “Quēnaro yure yami Dios”, yivasā varūtuasuju i. ¹⁶ Jesús tujare tudiejacōari, muqueayuju i. To bajicōari, ado bajiro Jesúre gotiyuju:

—Yu gase boaboase mu suorine ti yatijare, buto quēnaja —Jesúre ire yigotiyuju. I űaűuju samaritano masu. ¹⁷⁻¹⁸ To bajiro i yisere ajicōari, ado bajiro yiyuju Jesús:

—Juaāmocārācure gase boariarāre yu catioboajaquēne, āni samaritano masu, i sīgūne tudidiāmi, “Quēnaro yure yami Dios” yigu vagu —i rācanare inare yigotiyuju Jesús.

¹⁹ To bajiro yigajanocōari, i catiorire ado bajiro ire yiyuju:

—Vāmūrūgūña. Vasa. “Yure űamaicōari, catiorucūmi Jesús” mu yituoīajare, mure catiobu yu —ire yigotiyuju Jesús.

“Dios i roticōagū, űno cōro ejaguti i?”, Jesúre ina yisēniāre (Mt 24.23-28, 36-41)

²⁰⁻²¹ Cojorāmu ado bajiro Jesúre sēniāñujarā fariseo masa:

—űno cōro ejacōari, rotisuguti Dios i cōarocu? —ire yisēniāñujarā ina.

To bajiro ire ina yisēniārone ado bajiro inare cūdiyuju Jesús:

—Maa yutuoīare bajiro bajibeaja ti. Ruyurone, “Adine űaja. Ise űaja” yimasīāmanire bajiro bajise űaja, Dios i roticōagū i ejasema. Jēre mua vatoane űaboaja ti —inare yiyuju Jesús.

Jesús adi macarucuro i tudiejaroti queti

²² To bajiro yicudigajanocōari, i buerāre ado bajiro inare gotiyuju Jesús:

—Yoaro yu rāca ñaruaboarāja mua. To bajiro mua bajiboajaquēne, mua rāca ñacōa ñabetirucuja yu. ²³ To bajiri yu tudivadiroto rijorore, “İne ñaami. Tudiejami. Tone ñami”, muare yisocaruarāma. To bajiro İna yijama, İnare ajibetiruarāja mua. ²⁴ Ɛmuagasero jediroju bujo İ yabesere masa İna İarore bajiro yu vadore yare İare ñaruaroja. ²⁵ To bajiro yu bajiroti rijorore, adirodoana jairo rojose yare İna yisere rojose tāmuroti ñaja ti. “Dios İ cōagū me ñaami” yica yirā, yure sīarotiruarāma masa. ²⁶ Yure İna sīaro bero, tudicaticōari, quēna vadirucuja yu, adi macarucurojare. Noé ñamasir’i İ ñariarodo masa İna bajiñamasirare bajiro bajiñaruarāma, Dios İ roticōacacu, yu tudiejarirāmure quēne. ²⁷ Adi macarucuro ti rujaroto rijoro bare ba, idi, manajo cuti, yicōa ñamasifujarā İna. Diore tuoİari mene, “İto bajiroado yatique?” yimenane, jairica cūmua quēnogajanocōari, Noé İ vasājaro ũnone to bajiro yicōa ñamasifujarā İna. “To bajiroado yiroja” İna yimasibetone, İnare ruureacōañuju Dios. To bajirone bajiruarāma masa, yu tudiejarirāmure quēne. ²⁸ To bajirone bajiñamasifujarā masa, Lot ñamasir’i İ ñariarodoana quēne. Sodoma macana bare barā, idirā, gajeyeūni gāmerā İsirā, gājerā vaja yicōari cuorā, gājerāma, oterā, viri buarā, yicōa ñamasifujarā İna, Diore tuoİamenane. ²⁹ Sodomajure ñaboar’i Lot İ rudiro bero, ō vecaye İja İjuse azufre vāme cutise rāca Dios İ soereamasiriarore bajiro bajirone bajiruaroja ti. ³⁰ To bajirone bajiñaruarāma masa, Dios İ roticōacacu yu tudiejarirāmure quēne.

³¹ To bajiri, quēnaro ñaİa mua, rojosere yimenane. Yu gotisere quēnaro tuoİamujarūgūİa, “No bojarijaune vagumi” yituoİarā İari. No yimasifıa maniruaroja. Sıgū İ ya vi joeİu İesagūma, rujiacōari, İ ya vi jubeaju gajeyeūni İasere juaatİmabetirucumi. Gāİi, veseİu moañagū, İ ye sudire juagu tudiatİmabetirucumi, ruİarİmarone yu eİaroti ti İajare. ³² Lot manajo so bajimasirere tuoİaİa mua. Gajeyeūnire ũmaveovaco İari, tire maigō, İatuoca yigone, moatutune godovedirocacoasuju so.

³³ No bojarā, no İna bojarone İare cutirāma adi macarucuro İasere İavariquēnacōari, Diore tuoİamenana, Dios İ catisere yayibetire cuomena İaruarāma İna. To bajiboarine, yure ajitirūnarā, yu oca İna gotisere ajijūnisinicoari, İna sİarāma, Dios İaju quēnaro İarona İarāma.

³⁴ Gajeyerema adi macarucuroju yu tudivadoju, İami ti İajama İuarā ũmua cāniİnarāre eİacōari, sıİgū āmiecorucumi. Gāİima, āmiecobetirucumi. ³⁵ Ɛmua ti İajama, rōma İuarā trigore vāİaabo İaruarāma. To bajiri, sıİİō āmiecorucocomo. Gajeoma, āmiecobetirucocomo. ³⁶ İuarā ũmua veseİu moañaruarāma. To İna yİİnarone, sıİİō āmiecorucumi. Gāİima, āmiecobetirucumi —İnare yigotiyuju Jesús.

³⁷ To bajiro İnare İ yigotirone,

—İNore to bajise bajiroti ti? —İre yisēniİaİujarā İ buerimasa.

To bajiro İre İna yisēniİarone, ado bajiro cadiyuju Jesús:

—Rijar’i, İ boacūİarorema, yuca eİarāma İna —İnare yicadiyuju Jesús.^r

18

“Yuare eİarēmogūmi, yua sēnijama’ yituoİarā İari, Diore sēnitujabetiroti İaja”, Jesús İ yire queti

¹ “Diore İre sēnitujabeticōato İna” yigu İnare gotimasioİuju İ:

² —Coİo macare sıİİō masu İagūmi masa İna yisere İacōİarimasu. Diore, to yicōari, masare quēne rācubuoİecu İagūmi. ³ İ ya macajure sıİİō İagōmo manaju rijaveorio. Biyaroca ado bajiro İre sēniİō ejaboagomo: “Yuare eİarēmoİa mu. Rojose yare yami”, İre yiboagomo.

⁴ To bajiro so yiboajaquēne, sore yİbosadabecumi. To bajiboarine, buto İre so sēnicōa İajare, ado bajiro tuoİagūmi yuja: “Diore, to yicōari, masare quēne rācubuoİecu İaja yu.

⁵ To bajiro bajİİu İaboarine, buto so sēniİōİanabiocōa İajare, sore eİarēmorucuja yu. Sore yu eİarİmobetijama, yure İōİanabiocōa İabogomo”, yituoİagūmi —İnare yigotiyuju Jesús.

⁶ Ti quetire gotigajanocōari, “Ado bajiro yİruaro yaja”, İnare yİyuju:

—Masa İna yisere İacōİarimasu İ yirere ajİİasaque mua: ⁷⁻⁸ İDios, İ eİarēmosere bojarā İre sēnitujamenare, İ yarāre, yoaro İnare eİarēmobecutique İ? To bajiro yİbecumi Dioİuama. Mua sēniİo cōrone tocārācaine muare cudimasiami. To bajiri, İ “Yuare eİarēmogūmi Dios” yituoİacōari, İre sēnitujamenare, tudivagu, buİarucuada yu? —yİyuju Jesús.

Fariseo masu, gāİoa sēnirimasu rāca Diore İna sēnirere Jesús İ gotimasioire queti

⁹ Quēna gaje queti İnare gotimasioİuju. İre ajirā sıİİuri ado bajise yituoİaİujarā İna: “Quēnaro yirā İaja yuama”, yituoİaİujarā İna. To bajiro yicōari, “Rojorā İaama İnama”, gāİerāre yİİarā İaİujarā İna. To bajiro yirā İna İajare, ado bajise queti İnare gotiyuju Jesús:

¹⁰ —Ɛmua İuarā İarāma İna, Diore yirūcubuoİaviİu İre sēniİā vana. Sıİİu fariseo masu İagūmi. Gāİi, ũİure gāİoa sēnibosarimasu İagūmi İ. ¹¹ Fariseo masu, Diore yirūcubuoİaviİure sājaeİarūİūcōari, ado bajiro Diore İre yİİumi, İ tuoİase rāca: “Dios, muare variquēnaja yu,

^r 17:37 “Yuca eİarāma, masu boagu İ İarore” İ yijama, “Rojose yirāma, no bojarone İacōarāma” yigu yİyuju Jesús.

gājerāre bajiro bajibetiri'. Gājerāma, juarudirā ña, yitorā ña, gājerā manajoare ajeriarā cutirā ñarāma İna. Ado ejagu, yjare gājoa sēnibosarimasu, İre bajiro bajigu me ñaja yu. To bajiri mure variquēnaja yu. ¹² Tocārāca semana juaji bare babeaja yu, mu rotimasirere cudigu ñari. Yu moase vaja juāāmocōro ñaritiiri vaja tagu, cojotii mu ya vire cūbosarūgūaja yu", Diore İre yigūmi. ¹³ Gājijua gājoa sēnibosarimasu ōjune tujacōari, ō vecajure İamuobecūmi, İ rojosere bojone, sutiritimasucōgū ñari, İ cotitērore jagune, ado bajise Diore sēnigūmi: "Dios, yure İamafīa mu. Rojose yu yisere yure masirioya mu", Diore yisēnigūmi. ¹⁴ Yure quēnaro ajiya mua: Rojose İ yisere sutiriticōari, Diore sēnigūma, rojose İ yisere masirio ecocōari, İ ya viju tudiacūmi. Gājijuaama, fariseo masu, İ ya viju tudiajama, "Rojogu ñaami", Dios İ yilagū ñagūmi. To bajiro ti bajijare, ado bajiro muare gotiaja yu: "Quēnaro yirā mani ñajare, 'Quēnarā ñaja mua' manire yilagūmi Dios" yituoİarāre, "Quēnarā me ñaama. Rojorā ñaama", yilagūmi Dios. No bojagure, "Quēnagū me ñaja yu" Diore yisutiritigūjare, "Quēnagū ñaami", İre yİarucūmi Dios —İnare yigotiyuju Jesūs.

Rİamasare Jesūs İ ñubuejore queti

(Mt 19.13-15; Mr 10.13-16)

¹⁵ Jesūs taju rİamasacare juaejayujarā masa, "İāmori ñueocōari, Diore İnare sēnibosato İ" yirā. İna juaejasere İacōari, ado bajiro İnare yiyujarā İ buerimasa:

—İuadibesa! Gōjanabioro yaja mua —İnare yiyujarā. ¹⁶ To bajiro İnare İna yiboajaquēne, rİamasare jİrēocōari, ado bajiro İ buerimasajuare yiyuju Jesūs:

—Rİamasare, "Juadibesa" İnare yibesa. "Quēnaro yuare yİrucūmi Dios" yituoİarā ñaama rİamasa. İna tuoİarore bajiro tuoİarā ñaama ūju Dios yarā. ¹⁷ Riojo muare gotiaja yu. Rİamasa İna yiecorore bajiro yiecorā ñarāma ūju Dios yarā —İ buerimasare yiyuju Jesūs.

Gajeyeūni jaigu, Jesūre İ sēnİlare queti

(Mt 19.16-30; Mr 10.17-31)

¹⁸ Sİgū ūju, ado bajiro Jesūre İre sēnİañuju:

—Gotimasiorimasu, quēnagū ñaja mu. Yu rijato beroju "Tudirijabeticōato" yigu, Dios İ catisere yure İ İsisere yu bojjajama, ūno bajiro yiroti İati yure? —Jesūre İre yiyuju.

¹⁹ To İ yisere ajicōari, ado bajiro İre cudiyuju:

—Ūno yigu, "Quēnagū ñaja mu", yure yati mu? Dios sİgūne ñaami quēnagūma. ²⁰ Mu rijato beroju "Tudirijabeticōato" yigu, Dios İ catisere mu bujjaruajama, Dios İ rotimasirere cudiroti ñaja. Tire masiaja mu. Dios İ rotimasire yu yijama, ado bajise yimasirere yaja yu: "Gāji manajo rāca ajerio cutibesa. Siabesa. Juarudibesa. Socune, 'Rojose yimi' yigotirobesa. Mu jacure, mu jacore quēne quēnaro İnare rucubuoja", yigotiaja Dios İ rotimasire —İre yiyuju.

²¹ To İ yisere ajicōari, ado bajiro yicudiyuju:

—Daqegujune tire cudisuoadicaju yu —İre yicudiyuju.

²² To İ yisere ajicōari, ado bajiro İre gotiyuju Jesūs:

—Cojo vāme rayaja mu yiroti, mu rijato beroju "Tudirijabeticōato" yigu, Dios İ catisere mu bujjaruajama: Jediro mu cuosere gājerāre İsijeocōañu. To yicōari, ti vaja bujjacōari, maioro bajirāre İsima. To bajiro mu yijama, ō vecaju Dios İ ñaroju quēnase bujjarucuja mu. To bajiro yigajanocōari, yure ajisuyaya —İre yiyuju Jesūs.

²³ To İ yigu buto sutiriti vacoasuju İ, gajeyeūni jaigu ñari, tire maigū. ²⁴ İ sutiritisere İacōari, ado bajiro İ buerimasajuare gotiyuju Jesūs:

—Gajeyeūni jairārema, yure İna suyaruā tuoİaboajama, buto josaruaroja İnare. To bajicōari, yirēto ecobosabetiruarāma. ²⁵ Vaibacu camello vāme catigu, gājojota gojeacare sājārētobudimasisbecūmi. To bajirone bajiaja gajeyeūni jairāre quēne, yure İna ajitirānu suyaruaboajama. To bajiro İna bajijare, yirēto ecobosabetiruarāma —İnare yiyuju Jesūs.

²⁶ To bajiro İnare İ yisere ajicōari, no yimasibesujarā İna. To bajiri ado bajiro İre sēnİañujarā:

—Riojo mu gotijama, ūno bajiro bajirājuā Dios tujare ejaruarāda? —İre yiyujarā.

²⁷ To bajiro İna yisere ajicōari, ado bajiro İnare cudiyuju Jesūs:

—İna masune ejamasimenama masa, Dios tujare. Diojuama, ñajediro yimasijeocōami. Ñiejua josase maja İrema. İ suorine İ taju ejamasire ñaja —İnare yiyuju Jesūs.

²⁸ To İ yisere ajicōari, ado bajiro İre yiyuju Pedro:

—Yu ūju, jediro yua gajeyeūnire cūcōari, mure suyacaju yua —İre yiyuju.

²⁹⁻³⁰ To İ yisere ajicōari, ado bajiro İre cudiyuju Jesūs:

—Riojo muare gotiaja yu. No bojarā yure ajitirānurā ñari, yu ye gotiroana, İna ya vi, İna yarā, İna manajoa, İna jacua, İna rİa, to yicōari İna ya veserire quēne İna vaveojama, İna cuoboare rētohusaro quēnase bujjaruarāma İna, adi macarucurore. To yicōari, İna rijato berojuma "Tudirijabeticōato" yigu, İ catisere İnare İsİrucūmi Dios —İnare yicudiyuju Jesūs.

*“Yüre ślaruārāma”, Jesús ĩ yigotitusare queti
(Mt 20.17-19; Mr 10.32-34)*

³¹ Jerusalénju ĩnare ũmato varũtu vacũne, juaāmo cõro, gũbo jua jēnituarirācu ĩnarē ĩnare gotĩru, ricati ĩnare jicāmoyuju Jesús. To bajiro yicõari, ado bajiro ĩnare yiyuju:

—Quēnaro ajiya mua. Jerusalénju vana bajiaja mani. Dios ĩ roticõacacu, yu bajiro tire jairo uca yuma tirũmana Diore gotirētobosamasirarā. Njedirow ĩna ucarere bajirone bajijeocõararoja yure. ³²⁻³³ Romano masare yure ĩsiruarāma. To ĩna yijare, yure ajatud'irā, gooco yure eoreatucõari, bajeruarāma ĩna. To yicõari, yucutēroju yure jajurocacõaruarāma. Yure jajurocacõari, yujeboaruarāma. To ĩna yiboajaquēne, yure ĩna ślarĩrũmu bero, idiarũmu tasatirũmũne tudicaticoarũcuja yu quēna —ĩnare yiboayuju Jesús.

³⁴ To bajiro ĩnare ĩ yisere ajimasibesujarā ĩna, ĩna ajimasiro tire Dios ĩ cõabetjare.

*Caje ĩabecũre Jesús ĩ ĩarotire queti
(Mt 20.29-34; Mr 10.46-52)*

³⁵ Jericõ vāme cuti macaju ĩ cõñatone, caje ĩabecu rujiyuju, maa tu. Maioro bajigu ĩ barotire, to yicõari, gajeyeũniaca ĩ cuorotire tuoĩagũ, gājoa sēnigũ bajiyuju. ³⁶ Masa jājarā ĩna rētosere ajicõari,

—¿No bajiro bajiatĩ ti? —ĩnare yisēniĩañuju ĩ.

³⁷ To bajiro ĩnare ĩ yisēniĩarone,

—Jesús Nazaret macagu, rētoacu yami —ĩre yiyujarā ĩna.

³⁸ To bajiro ĩna yisere ajicõari, ado bajiro Jesũre jiavasāñuju ĩ:

—Jesús, yua uju, Uju David ĩnmasir'ĩ jānami, “Rotimũorũgõrucumi” yigu, Dios ĩ cõar'ĩ ĩaja mu. Yure ĩamaiĩa mu —yivasāñuju ĩ.

³⁹ To bajiro ĩ yivasārone,

—ĩAvasābesa! —ĩre yiyujarā ĩna, Jesũre ĩre rĩjoro cuti vana.

To bajiro ĩna yiboajaquēne, butobusa avasāñuju quēna:

—Uju David ĩnmasir'ĩ jānami, “Rotimũorũgõrucumi” yigu, Dios ĩ cõar'ĩ ĩaja mu. Yure ĩamaiĩa —Jesũre ĩre yivasāñuju.

⁴⁰⁻⁴¹ To ĩ yisere ajicõari, tujarũgũñuju Jesús. To bajicõari,

—ĩre jiya mua —masare ĩnare yiyuju. To bajiro ĩ yijare, Jesús taju ĩre jiejoyujarā ĩna. To ĩna jieoro ĩacõari, —¿No bajiro mure yu yisere bojati mu? —ĩre yiyuju Jesús, caje ĩabecũre.

To ĩ yijare, ado bajiro ĩre yicũdiyuju:

—Yu uju, tudĩaruaja yu —ĩre yiyuju.

⁴² To bajiro ĩ yisere ajicõari, ado bajiro yiyuju Jesús:

—“Yure ĩamaicõari, ĩarotirucumi” yure yituoĩagũ ĩnari, ĩacoaju mu. Nĩe rojose maja mure yuja —ĩre yiyuju Jesús.

⁴³ To bajiro ĩ yirĩrĩmarone, caje ĩabecu ĩnaboar'ĩ, ĩacoasuju ĩ yuja. ĩacõari, ĩ quēne Jesũre suyacoasuju. “Quēnaro yaja mu”, Diore ĩre yivariquēna vasuju ĩ. Masa quēne tire ĩarā, “Quēnaro ĩre yami Dios”, yiyujarā ĩna quēne.

19

Zaqueo rāca Jesús ĩ bajire queti

¹ To bajiri, Jericõ vāme cuti macare rētoacu bajiboayuju Jesús. ² To ĩ bajivatore, sīgũ ti macagu ĩañuju, Zaqueo vāme cutigu. ĩñañuju gājoa sēnibosarimasa uju. Gajeyeũni jaigu ĩañuju.

³ To bajiri, Jesús ĩ rētoato buto ĩaruaboayuju. ĩre ĩarā jājarā ĩna ĩajare, ĩre ĩabujabesuju ĩ, yegũaca ĩnari. ⁴ To bajiri, Jesús ĩ varoti maa taju ĩ rĩjoro ũma va, yucũju majasuju, Jesũre ĩre ĩaru. ⁵ ĩesaro ēñeroca ejayuju Jesús. To bajicõari, ĩre ĩamũofũju, Zaqueore. ĩre ĩamũogũne,

—Zaqueo, guaro rujiaya mu. Yucu mu ya viju tujarũcuja yu —ĩre yiyuju Jesús.

⁶ To bajiro ĩre ĩ yirone, guaro rujiacõari, variquēnagũne, Jesũre ĩre ũmato vasuju Zaqueo, ĩ ya viju. ⁷ To bajiri Zaqueo ya viju Jesús ĩ ĩasere ĩacõari, ado bajiro gāmerā yiyujarā masa:

—Rojogu ture ĩagũ bajiami —yiyujarā ĩna.

⁸ ĩ ya viju ĩacõari, ado bajiro Jesũre gotiyuju Zaqueo:

—Yu cuose, gajeyeũnĩre, maioro bajirāre gudareco ĩnare ĩsirũcuja yu. Gājerāre ĩnare yitocõari, ĩna ye ĩnaboasere ēmacaju yu. To bajiri ĩnare yu ēmacati rētoro ĩnare ĩsirũcuja yu. Babarĩrācaji ĩnare yu ēmacati rētobusaro ĩnare ĩsirũcuja —Jesũre ĩre yiyuju ĩ.

⁹⁻¹⁰ To bajiro ĩre ĩ yisere ajicõari, ado bajiro ĩre gotiyuju Jesús:

—Quēnaro yaja mu. Abraham Diore ĩ ajitirũnũmasiriarore bajiro Diore ajitirũnũaja mu. To bajiro yigu mu ĩajare, mure, to yicõari, mu ya vianare quēne, rojose mua yisere muare masirĩocõaja yu. To yicõari, rojose mua tãmuoborotire muare yirētobosarũcuja yu. Yayĩrāre bajiro bajirāre, rojose tãmuoboronare, ĩnare yirētobosagu vadicaju yu, Dios ĩ roticõacacu —ĩre yigotiyuju Jesús.

*Moabosarimasa ña bajirere Jesús ï gotimasiore queti
(Mt 25.14-30)*

¹¹ To bajiro ïre ï yigotisere ajicôari, ado bajiro tuoïaboayujarã masa: “Jerusalénju ï ejaroti mojoroaca ti ruyajare, yucaacane Israel vame cuti sitare manire rotisnorucami Jesús, Dios ï roticôar'i, romano masare bucôari”, yituoïaboayujarã ña. To bajiro ña yituoïasere ñamasicôari, gotimasiore quetire ado bajiro ñare gotiyuju Jesús:

¹²⁻¹³ —Sîgû ñagûmi gaje sitaju varocu, uju ñamasugû ï ñaroju, uju ï ñarotire sênigû, “Yu ya macanare rotigusa” yigu. ï varoto rïjoro, ïre moabosarimasare juaãmocârâcure jirêogûmi. ñare jirêocôari, ï ye gâjoare ñare bategûmi. “Yu manitoyeju adi gâjoa rãca vaja yicôari, mua vaja yisere gâjerãre ïsirã, jaibusaro vaja sênima, ‘Jaibusaro gâjoa bujarãsa’ yirã”. To yigajano, vacoacumi. ¹⁴ To bajiro ï bajiboajaquêne, ï ya macana uju ï ñasere bojamenama ña. “Yu uju ï ñasere bojabeaja” yirã, ña rãcanare gotiroticôarãma, uju ñamasugûre.

¹⁵ To bajiro ñare ña yicôaboajaquêne, ña uju ïre cûgûmi uju ñamasugû. To bajiro ï yir'i ñari, ï ya macanare ñare rotigu tudiejagûmi. Tudiejacôari, ï gâjoa ïsiriarãre ñare jicôagûmi, “Tire quênaro yimasiboayujari ña” yigu. ¹⁶ ï moarimasu ejasnoçu, ado bajiro ïre yigûmi: “Gâjoa yure mu ïsicati rãca mure bujarêmobosabu yu, juaãmocârâcaji yure mu ïsicati rêtobusaro”, ïre yigûmi, ï ujure. ¹⁷ To bajiro ï yijare, “Yure quênaro moabosayuja mu. Yu yicatore bajiro yure cudiyuja mu. Mojoroaca mure yu ïsicati rãca yu yicatore bajiro yigu mu ñajare, ñamasuse moare mure moarotiaja yu. Juaãmocârãca macarianare rotirucuja mu”, ïre yigûmi ï uju. ¹⁸ ï bero gâji ejagûmi: “Gâjoa yure mu ïsicati rãca mure bujarêmobosabu yu, cojomocârâcaji yure mu ïsicati rêtobusaro”, ïre yigûmi, ï ujure. ¹⁹ To bajiro ï yijare, “Cojomocârãca macarianare rotirucuja muma”, ïre yigûmi ï uju.

²⁰⁻²¹ ï bero, ï ujure ïogû ejagûmi gâji: “Adine ñaja mu gâjoa, yure mu ïsicati. Sudigaserone gûmacôari, cûcaju yu, ‘Buto roticôari ï bojarore bajiro yirere bojagu ñacami’ mure yigûigu ñari”, ïre yigûmi. ²² To bajiro ï yijare, ado bajiro ïre cudigûmi ï uju: “To bajiro yure yituoïagû ñaboarine, yure quênaro moabosabetir'i mu ñajare, rojose mure yirucuja yu. ²³ Gâjoa mure yu ïsicati rãca vaja yicôari, mu vaja yisere gâjerãre ïsicôari, jaibusaro vaja sênibetiboarine, gâjoa cûriavijua mu cûjama, jaibusaro yure bujarêmobosaboriaja mu”, ïre yitud'igûmi ï uju.

²⁴⁻²⁵ To bajiro yigotigajano, ï tu rûgôrãre ïacôari, ado bajiro ñare rotigûmi: “Anire gâjoa yu ïsiboacatire êmaña. Tire êmacôari, juaãmocârâcaji ïre yu ïsicati rêtobusaro bujarêmocôari cuogujare ïre ïsifã”, ñare yigûmi ña uju. To bajiro ï yitotiboajaquêne, “Jêre jairo cûoami ñma”, ïre yicôarãma, ña ujure. ²⁶ To bajiro ïre ña yisere ajicôari, ado bajiro gotigûmi ña uju: “No bojagu ïre yu ïsise rãca yu bojarore bajiro yigu, quênase bujarucumi. No bojagu ïre yu ïsise rãca yu bojarore bajiro yibecurema, ïre yu ïsiboacatire ïre êmarucuja yu, ‘Yu bojarore bajiro yimasibeami’ yigu. ²⁷ Uju yu ñasere bojamenarema, yu rïjoroju ñiejocôari, ñare siareacôaña mua”, yigûmi ña uju —ñare yigotiyuju Jesús.⁵

*“Rotisnorâgôrucami” yigu, Dios ï cōagû ñaja yu” yilōgû, Jerusalénju Jesús ï ejare queti
(Mt 21.1-11; Mr 11.1-11; Jn 12.12-19)*

²⁸ To bajiro yigotigajanocôari, varûtu vasuju Jesús, Jerusalén ñaejari maajure. ²⁹⁻³⁰ Varûtuacôari, ejayuju, Betfagé, Betania vame cuti macari tujure. Ti macari tujure, Olivo vame cuti buro ñañuju ti. Ti buroju ejaguagune, juarã ï buerãre ado bajiro ñare gotiyuju ï:

—Mani varoto riojo ñarimacare vasa maji. Toju ejacôari, burro macu ña siaturûgôr'ire bujaruarãja mua, jesañañamagûre. ïre ôjacôari, yure âmiadibosaba. ³¹ Ti macagu sîgû, mua ôjaro ïacôari, “¿No yirã ïre ôjati?” muare ï yisênifajama, “Mani uju ïre bojami”, ïre yicudiba —ñare yiyuju Jesús.

³² To ï yisere ajicôari, vasujarã ña. To ejacôari, Jesús ï gotiriarore bajirone burro macure ïabujayujarã ña. ³³ ïre ña ôjarone,

—¿No yirã ïre ôjati mua? —yiyujarã ña, burro ujarã.

³⁴ To bajiro ña yirone,

—Mani uju bojaami —ñare yicudiyujarã ña.

³⁵ To bajiro ñare yigajanocôari, burro macure âmivasujarã, Jesús taju. To yicôari, ña ye sudi joeayere vejecôari, burro macu joere jeoyujarã. To yigajanocôari, Jesûre ïre vajejarotiyujarã ña. ³⁶ To bajiri burro joere jesamaja vasuju Jesús, Olivo vame cuti buro majacu. To ï jesamaja vatone, ña ye sudi joeayere vejecôari, ï varotijure cû rïjoro cutiyujarã. “Yu uju ñaja mu” yirã, to bajiro yiyujarã, Jesûre rûcuborã. ³⁷ To bajiro ña yu vati maajure jesamaja, joe jeacôari, Jerusalénju ï rojaroto rïjorore, “Quênaro yaja”, Diore yivasã variquênañujarã

⁵ **19:27** “ ‘Uju ñaami’ yure yirûcubûomenare rojose tâmutujabetiriaroju ñare rearucuja yu’ yigu, yiyuju Jesús”, yama ña Dios oca buerêtoburimasa.

İna, jãjarã. Dios İ masise rãca İaİaİamani Jesús İ yİİorere tuoİacõari, ado bajiro yivasasã variquẽnaİujarã:

³⁸ —“Rotimuoarãgõrũcumi” yigu, Dios İ cõar'i, İaami. İDiore rotibosagu quẽnaro İ yigu İaami! Manire İavariquẽnagumi Dios. Quẽnagu masune İaami —yivasasã variquẽnaİujarã İna.

³⁹ To bajiro İna yivasasã İnarone, sigũri İaİujarã fariseo masa quẽne. To bajiri Jesũre rãcũbuorã İna yivasasere ajicõari, ado bajiro Jesũre yiboayujarã İna:

—Mu buerãre avasãrotibeticõaİa mu —İre yiboayujarã İna.

⁴⁰ To bajiro İre İna yiboajaquẽne, ado bajiro İnare cudiyuju Jesús:

—To bajiro İna yivasasãbetijama, adiari gũtarijuare avasãroticõarũcumi Dios —İnare yicudiyuju Jesús.

⁴¹ To yi va, Jerusalẽn maca tuaca ejagũne, ti macare İagũne, otiyuju Jesús. ⁴² Ado bajiro yiotiyuju:

—Yũcũne Jerusalẽn macana, variquẽnarere İnare Dios İ cõaruaboasere, İna masune ajitirũnu suyamasibeama. To bajiri quẽnaro İnavariquẽnamasibetiruarãma. ⁴³⁻⁴⁴ Masa rojose İna tãmuosere yu suorine Dios İnare İ yirẽtobosasere masimena İari, buto rojose tãmuoruarãma İna. İnare quẽaruarã vadiruarãma gãjerã. Adi macajure vadicõari, İnare gãnibiaquearuarãma, “Rudiroma” yirã. Gãnibiaqueacõari, quẽnaro İajeocõaruarãma, İnare. Virire quẽne, gajeyeũnire quẽne jediro reajeocõaruarãma İna. To bajiro İna yireacõaro bero, adi maca İaboariaro, rujatũcuro İaruaroja ti —yiotiyuju Jesús, Jerusalẽn macare İagũne.

Diore yirũcũbuoriaviju İnacõari, gajeyeũni İsirivire bajiro İna yİİajare, Jesús İnare İ tud'İagõbure queti

(Mt 21.12-17; Mr 11.15-19; Jn 2.13-22)

⁴⁵⁻⁴⁶ To bajiro yigajano, varũtu vaejacoasuju İ, Jerusalẽnju. To ejacõari, Diore yirũcũbuoriaviju sãjaİuju İ. Sãjaejacõari, ti viju İsiİarãre agõbucõaİuju İ. İnare agõbucõagũne, ado bajiro İnare gotiyuju:

—Dios İ rotimasire masa İna ucamasire ado bajiro gotiaja: “Yu ya vima, yure sẽnirũcũbuorã rẽjariari İaruaroja”, yigotiaja, adi vire. To bajiro İ yimasire ti İaboajaquẽne, mua suorine juarudirimasa İarivire bajiro bajaia ti —İnare yigotiyuju Jesús.

⁴⁷ To bajiro İnare İ yİagõburiaro bero, tocãracarũmari ti vine masare buerũgũİuju Jesús. To İ yisere, paia ujarã, Dios İ rotimasire gotimasiorimasa quẽne, masa ujarã quẽne, “İNo bajiro İre İiarãti mani?”, yituoİarũgũİujarã İna. ⁴⁸ No bajiro yimasibesujarã İna, bajirãjuma, masa İajediro buto İre İna ajitirũnu suyajare.

20

“İNĩmu mure İ rotise rãca to bajiro yati mu?”, Jesũre İna yisẽnĩİare queti

(Mt 21.23-27; Mr 11.27-33)

¹ Cojorãmu, Diore yirũcũbuoriaviju masare gotimasioİuju Jesús. “Rojose mua yisere yitujacõari, quẽnasejuare tuoİavasoaya” İnare yigoticõari, İ suorine quẽnaro İnare Dios İ yiroİire gotimasioİuju İ. To bajiro İ yigotimasio İnarone, İre sẽnĩİarã, İ ture ejayujarã bucurã, paia ujarã, Dios İ rotimasire gotimasiorimasa quẽne. ² Ado bajiro İre yisẽnĩİaİujarã İna:

—İNĩmu mure İ rotise rãca to bajiro yirũgũati mu? —İre yisẽnĩİaİujarã İna.

³ To bajiro İna yisere ajicõari,

—Yu quẽne, ado bajiro muare sẽnĩİaja yu: ⁴ İNĩmu rotiyujari, Juanre, “Oco rãca masare İnare bautizacudiya” yigu? İDios rotiyujari? İMasajua rotiyujarique? —İnare yisẽnĩİaİuju Jesús.

⁵ To İ yisere ajicõari, İna masune gãmerã İagõİujarã İna:

—“Dione, Juanre oco rãca masare bautizarotiyumi” mani yijama, ado bajiro manire sẽnĩİajacagumi: “Tire masirã İaboarine, İno yirã İre ajitirũnubeticati mua?” manire yisẽnĩİajacagumi. ⁶ To yicõari, “Masane, Juanre oco rãca bautizarotiriarãma” mani yijama, gãtarine manire reasİaruarãma masa, “Diore gotirẽtobosarimasu İaboacami Juan” yirã İari —gãmerã yİİagõİujarã İna. ⁷ To bajiro yirã İari, ado bajiro İre cudiyujuarã İna:

—Juanre rotir'İre masibeaja yua —Jesũre yicudiyujuarã İna.

⁸ To İna yisere ajicõari, ado bajiro İnare cudiyuju Jesús:

—To bajiro mua cudiare, yure rotigu vãmere gotibetirũcujaja yu quẽne —İnare yiyuju Jesús.

“Jud'io masa İna ajitirũnũbetijare, gãjerãjuare ujarũcumi” yigu, moabosarimasa rojose yirã İna bajire rãca Jesús İ gotimasioire queti

(Mt 21.33-44; Mr 12.1-11)

⁹ To bajiro İnare yigajanocõari, gotimasioire queti ado bajiro İnare gotiyuju Jesús:

—Sİgũ masu uye vese otegumi. Tire otegajanocõari, gãjerãre, “Yure İatirũnũbosaba”, yigumi. “Uye ti rica cutiro, gãjerãre İsicõari, vaja sẽniruarãja. To yicõari, mua juarotire,

‘Ado cõro ñaja mani ye. Ado cõro ñaja i ye’ yicõĩama”, ñnare yiroitigumi. To yicõari, gajeroju vaoacumi. ¹⁰ To bajiri cojorũmu, “Uye rica cuti bucuaatoja” yigu. Ñe moabosarimasare cõagũmi, “Uye, yure ña cõbosarere yure juabosaaya” yigu. Uye veseju i ejarone, ñe ñiacõari jarãma vese coderimasa. To yicõa, ñe uye isimenane, “Vasa”, yirãma ña. To bajiri uye juabecune tudiejagumi, ñe roticõar’i taju. ¹¹ To bajiri uye i juabetire ñacõari, gãjire cõagũmi quẽna, vese uju, “Uye yure juabosagu vasa” yigu. Uye veseju i ejasere ñacõari, rujajine ñe yitud’icõari, ñe quẽne jarãma ña. To bajiro ñe yigajanocõari, uye isimenane, “Vasa”, ñe yirãma ña. ¹² To bajiri uye i juabetire ñacõari, quẽna gãjire cõagũmi vese uju. Uye veseju i ejasere ñacõari, ñe quẽne jarãma ña. To bajiri cãmi cutigumi. To yicõari, ñe ñiacõari, vese sojuaju rocarãma ña.

¹³ To bajiro ti bajijare, “¿No bajiro yiguti yu?”, yituoĩagumi uju. “Yu maigũre, yu macure ñe cõarucuja yu. Ñuare rucuborãma ña”, yituoĩagumi. ¹⁴ To bajiro yituoĩacõari, i macure cõagumi. To bajiro i yituoĩaboajaquẽne, i macu veseju i ejasere ñacõari, ado bajiro gãmerã ñagõrãma vese coderimasa: “Adi sita uju i bajirocaveojama, i macune ñaami vasoarocũ. To bajiri ñe mani sijajama, mani ye sita ñaruaroja yuja”, gãmerã yirãma ña. ¹⁵ To bajiri vese sojuaju ñe ñia oja vanama. To yicõari, sjarãma ña yuja —ñnare yiyuju Jesús, ti quetire gotigu.

To bajiro ñnare yigajanocõari, ado bajiro ñnare gotiyuju quẽna:

—¿Ti vese uju tudiejagu, no bajiro ñnare yigujari i, ti vese coderimasare? ¹⁶ Ado bajiro yigumi: Veseju vacõari, ti vese coderãre s̃iagumi. To yicõari, gãjerãre coderotigumi, ti vesere —ñnare yiyuju Jesús.

To bajiro i yisere ajimasicõañujarã jud’io masa. To bajiri,

—¡Bajibeticõato ti! —yiyujarã ña. “Uju macure s̃iariarãre bajiro bajiaja mua’, manire yami” yimasicõañujarã ña.

¹⁷ To bajiro ña yirone, ñnare ñacõari, ado bajiro ñnare yiyuju Jesús:

—¿“Uye vese uju i macure rojorã ña s̃iarcare bajirone gãtavi quẽnorimasa coja gãtare rocaruarãma” Dios oca masa ña yucamasirere ñabeticatigue mua? Ado bajiro gotiaja:

“Gũta rãca vi quẽnorimasa coja gãtare rocarãma ña. Ña rocaria ñaboarine, gajea gãta rẽtoro quẽnarica ñaruaroja tia. Tia gãta suorine quẽnarivi quẽnorucumi Dios. Tia manijama, quẽnomasibetibogumi”, yigotiaja Dios oca masa ña ucamasire.

¹⁸ To yigajano, ado bajiro gotirũtuasuju i Jesús:

—No bojarã, yu ocare ajiterã, rojose tãmuoruarãma ña —ñnare yiyuju Jesús.

¹⁹ To bajiro Jesús i gotimasosere ajicõari, “Manirene mani bajisere yigu yami”, yiajimasifujarã paia ujarã, Dios i rotimasire gotimasiorimasa quẽne. “Uju macure s̃iariarãre bajiro bajiaja mua’ manire yami”, yiajimasifujarã ña. To bajiro yirã ñari, Jesũre ñiaruaboayujarã ña. To bajiboarine masare giũrã, ñe ñiabesujarã.

“Ujarã gãjao manire ña vaja yiroitijama, ñnare isiroti ñaja”, Jesús i yigotire queti (Mt 22.15-22; Mr 12.13-17)

²⁰ Jesũre ñiaruarã ñari, gãjerãre cõañujarã ña, Jesús taju. To bajiri, “‘Mani uju César i rotisere quẽnabeaja’ i yisere ajirudirã vasa. To bajiro i yise ti ñajama, ñe gotiyirorãsa mani, Pilatore”, yituoĩaboayujarã. To bajiri Jesús tujure i gotisere ajirãre bajiro bajitoyujarã ña cõariarã.

²¹ Jesũs ta ejacõari, ado bajiro ñe s̃enifañujarã ña:

—Ajiya gotimasiorimasu. “Riojo gotigu ñaja mu”, yimasiaja yua. “Ado bajiro mani yisere bojagumi Dios” yigotimasioğũ, ñaro cõrone riojo yuare gotimasioaja mu. “Ado bajiro yu gotimasiojama, yure ajijũnisiniruarãma” yituoĩabecune, riojo gotigu ñaja mu. Masa ñajedirore riojo gotigu ñaja mu. To bajiro yigu mu ñajare, mu tuoĩasere ajirũaja yua. ²² ¿Roma macagu uju, César, gãjao manire i vaja yirotisere mani vaja yijama, quẽnacõarojari? ¿Dios i rotimasirere cudimena yirãjarique mani, ñe mani vaja yijama? —Jesũre yis̃enifaboayujarã ña.

²³⁻²⁴ Jesũjama, “Rojose yure yiruarã, to bajise yure s̃enifatoama ña”, yimasicõañuju. To bajiri, ado bajiro ñnare gotiyuju:

—Gãjoatii cojotii yure ioña mua.

To i yijare, gãjoatii ãmiadi, ñe ioñujarã ña. Gãjoatiire ñacõari, ado bajiro ñnare s̃enifañuju Jesús:

—¿Ñimu rioga tuyati? ¿Ñimu vãme tuyati? —ñnare yiyuju Jesús.

To i yirone,

—Roma macagu Uju César vãme cutigu rioga tuyaja. To yicõari, i vãme tuyaja ti —Jesũre yicudiujarã ña.

²⁵ To ña yijare, ado bajise yiyuju Jesús:

—To bajiri aditiire ñacõari, “César yatii ñaja”, yimasiaja mani. Ujarã manire ña vaja yiroitijama, ñnare vaja yiroti ñaja, manire. To bajirone bajiaja Diore quẽne. “Dios suorini bajiaja” mani yimasijama, “Yua cuose ti ñaboajaquẽne, ti rãca mu bojarore bajiro yiruarãja”, Diore ñe yiroti ñaja, manire —ñnare yiyuju Jesús.

²⁶ To bajiro i yisere ajicōari, no yimasibesujarā ina, to bajise quēnaro ñagōgūre ajibetirūgūriarā ñari. To bajiri, ire sēniīatujacōañujarā yuja. Jesūs rojose i yibetijare, ina ujare ocasāmasibesujarā ina.

*“¿Bajirearāma, tudicatioanajari?”, Jesúre ina yisēniīatore
(Mt 22.23-33; Mr 12.18-27)*

²⁷⁻²⁸ To bajicōari, saduceo masa quēne sīgūri ejayujarā, Jesúre sēniīatorā. “Masa ina rijato bero, ina usuri ina rujuri ñaro cōrone quēna tudicatimenama” yirā ñañujarā saduceo masa. Ado bajiro ire sēniīañujarā:

—Ajiya, gotimasiōrimasa. Moisés ñamasir'i ado bajiro i yiuacūmasire ti ñajare, mure sēniīarā vabu yua. Ado bajiro yimasīñuju Moisés: “Sīgū, manajo catiboa, rīa magūne i bajirocajama, i gagu manajo ñariore manajo cutirucumi i bedijua. To bajiri i rāca ñacōari, so macu cutijama, i gagu macu ñarucumi”, yimasīñuju Moisés. ²⁹ Sīgū rīa cojomo cōro, jua jēnituarirācu āmua ñaboacama. Sīgōrene manajo catiboacama ina. Nāsuogu sore manajo cutisūboacami. Rīa magūne rijacoacami i. ³⁰⁻³¹ I rijato bero, gāji i bedi vasoaboacami. I quēne rīa magūne rijacoacami. I bederā quēne, to bajirone sore manajo catiboacama. Rīa manane, rijajedicoacama ina quēne. ³² So manajua ina rijajediro bero, so quēne rijacoacamo yuja. ³³ To bajiri bajireacōari, quēna ina tudicatijama, ġñimujua ñaguīda so manaju masu ñarocuma, ina ñaro cōrone sore ina manajo caticato bero? —Jesúre yisēniīatoyujarā ina.

³⁴⁻³⁵ To ina yirone, ado bajiro cadiyuju Jesús:

—Bajireariarā, “Quēnarā ñaama” Dios i yīarā, quēna tudicatiro bero, manajo cutire, manaju cutire quēne maniruarōja. ³⁶ Tudirijabetirona ñari, to bajiro bajiruarāma. Ó vecaju ángel mesare bajiro bajirā ñaruarāma. To bajicōari, i suorine tudicatarīarā ñari, Dios rīa ñaruarāma —Inare yicadiyuju Jesús. ³⁷ —¿“Masa ina bajirearo bero, ina usuri caticōaroja” yirere iabeticatque maa? ¿Yucūyōa ujuriyōa vatoaju Dios Moisére i ñagōmasirere iabeticatque? Dios masune ado bajiro gotimasiñumi i oca masa ina ucamasire rāca: “Mua ñicua ñamasiriarā Abraham, Isaac, Jacob, ina rācubuo vadimasicacune ñaja ya”, yigotimasiñumi Dios. ³⁸ Masa bajireariarā ina usuri ti caticōa ñabetija, to bajise yibetimasiborimi. Bajireariarā, quēna tudicatarīajua ina rācubuoogu ñagūmi. Masa ina usuri ti caticōa ñabetiboajaquēne, “Dioe rācubuoarā ñarāma”, yimasīña maja. “Ina usuri ti caticōa ñajare, bajireariarā ñaboarine, Dioe rācubuoocōa ñarāma”, yire ñaja —Inare yiyuju Jesús.

³⁹⁻⁴⁰ To i yise ñajare, saduceo masa, ire sēniīarēmobesujarā, ire gūirā ñari. To bajiri, ado bajiro Jesúre yiyujarā sīgūri, Dios i rotimasire gotimasiōrimasajuama:

—Gotimasiōrimasa, quēnaro cadija mu —Ire yiyujarā ina.

“Rotimūorūgōrucumi” yigu, Dios i cōarocu, ġñimu ñarucumi, yitūoīati mūa?”, Jesús i yisēniīare queti

(Mt 22.41-46; Mr 12.35-37)

⁴¹⁻⁴³ To bajiro ire ina yiaboajaquēne, ado bajiro masare gotiyuju Jesús:

—“‘Rotimūorūgōrucumi’ yigu, Dios i cōarocu, masu ñarucumi. Uju David ñamasir'i jānamine ñarucumi” yise ñaja. To bajiro mua yitūoīaboajaquēne, Dioe yigure bajiro, “yu uju”, yimasīñujari Uju David ñamasir'i, i jānami i ñaboajaquēne, ado bajise i yiucajama:

“Yu ujare ado bajiro yirucumi Dios: ‘Yu riojocatua rujiya maji. Mure iaterāre, “Rojose yitujaya” inare yu yiro bero, rojose yimasibetiruarāma yuja. To cōrone rotisurucuja mu’ yirucumi Dios, yu ujare”, yiuacamasīñumi David.

⁴⁴ To bajiri, “‘Rotimūorūgōrucumi’ yigu, Dios i cōarocu, David ñamasir'i jānami ñarucumi” yiuacamasire ti ñaboajaquēne, ġno yigu i ujare bajiro bajigutique? —Inare yiyuju Jesús.

“Rojose tāmūoruarāma Dios i rotimasire gotimasiōrimasa”, Jesús i yire queti

(Mt 23.1-36; Mr 12.38-40; Lc 11.37-54)

⁴⁵⁻⁴⁶ To bajiro inare yigajanocōari, masa ina ajijediro, ado bajiro i buerimasare gotiyuju Jesús:

—Dios i rotimasire gotimasiōrimasare bajiro bajibeja mūama. Dios i rotimasire gotimasiōrimasa, sudiro yoaquēnariase sāñacōari, masa ina ñaro rījoro vacudi variquēnarāma ina. To yicōari, jājarā masa ina rējarūgūrijaurire ejarūgūrāma. Gāji inare i bocajama, rācubuose rāca inare i sēnisere ajivariquēnarāma. Dios ocare ina buerivirijure quēne ñamasuri cūmurorire rujivariquēnarāma. Boserāmuri ti ñajaquēne, ina bajama, ñamasuri cūmurorire rujivariquēnarāma ina. ⁴⁷ Manajua rijaveoriarā ya virire ēmarā ñaboarine, masa ina ñaro rījoroja. “‘Quēnaro yirā ñaama’ yīlato” yirā, yoaro Dioe sēnirā yaja, yisocarūgūboarāma ina. To bajiro ina yise vaja, gājerā rojorā, rojose ina tāmūose rētoro rojose tāmūoruarāma ina —Inare yiyuju Jesús.

21

Manaju rijaveorio maioro bajigo ñaboarine, gãjoa so sãre queti
(Mr 12.41-44)

¹ Diore yiracuboriaviju ñacõari, gãjoa jairã gãjoa sãriajujure gãjoa ña sãñasere ñaũju Jesús.
² To ña yiñarone, sīgō, manaju rijaveorio, gãjoati juaatine so sãsere ñaũju. Mojoroaca vaja cutitiiri ñaũju ti. ³ Tire so sãro ñacõari, ado bajiro i buerimasare gotiyuju Jesús:

—Riojo muare gotiaja yu. Adio maioro bajigo, gãjerã rëtoro sãmo so. ⁴ Gãjoa jairã ña sãboajaquene, jairo ruyacõaroja ñanrema. Soma, so cuose ñaro cõroacane sãcõamo —ñare yiyuju Jesús.

“Diore yiracuboriavire jud'io masa me ñarã caguerocacõaruarãma”, Jesús i yire queti
(Mt 24.1-2; Mr 13.1-2)

⁵⁻⁶ Diore yiracuboriavire ñacõari, sīgãri i buerimasa ado bajiro Jesúre ñre yiyujarã:

—Quenarivi ñaja. Gũta quēnase rãca quēnaro quēnoñuma ña. Diore rucuborã ña cūre quēne quēnase ñaja —Jesúre ñre yiyujarã ña.

To bajiro ña yisere ajicõari, ado bajiro gotiyuju Jesús:

—Adi vi mua ñarivi ñaro cõrone cague vējajedicoaruaroja. To bajiri adi viaye gajea gũta joere jesabetiruaroja —ñare yiyuju Jesús.

“Macarucuro ti jedirotto rĩjoro ado bajiro bajiruaroja”, Jesús i yire queti
(Mt 24.3-28; Mr 13.3-23)

⁷ Ado bajiro Jesúre ñre sēniñajujarã ña:

—¿Divato cagueroca ecoroti Diore yiracuboriavi? ¿No bajiro ti bajiro ñacõari, “Jesús ejaguagu yigumi”, yimasirãti yua? ¿No bajiro ti bajiro ñacõari, “Adi macarucuro jedioto yaja”, yimasirãti yua? —Jesúre yisēniñajujarã ña.

⁸ To bajiro ña yisere ajicõari, ado bajiro ñare cadiyuju Jesús:

—Roori ñaruarãja mua, “Socarãne, gãjerã manire yitoroma” yirã. Jãjarã yitorã ñaruarãma, “Yune ñaja “Rotimurorãgõrucumi” yigu, Dios i cõagũ” yirã. To yicõari, “Adi macarucuro ti jediroti cõñaja”, yitoruarãma. To bajiro ña yiboajaquene, ñare ajitirũbetiruarãja mua. ⁹ To bajicõari, mua tuana to yicõari, gajeroana quēne gãjerã rãca ña gãmerã siasere ajiruarãja mua. Tire ajicõari, guibetiruarãja mua. “Bajiruaroja” Dios i yiriarore bajirone bajiruaroja. To bajiro ña gãmerã yĩñaboajaquene, adi macarucuro jediro me bajiruaroja.

¹⁰ Cojo sitana, gaje sitana rãca gãmerã sãruarãma. ¹¹ Buto sita saberuaroja. To yicõari, cojo maca me ñoñaruaroja. To bajicõari, cojo sita me gajeye rojose cõarucumi Dios, “Rojose tãmuoato masa” yigu. Vecajure ñañamani guiose Dios i yĩiose ñaruaroja.

¹² To bajiro ti bajiroto rĩjoro, muare ñejecõari, rojose muare yiruarãma masa. Dios ocare ña bueriviju ujarã rĩjoroja muare juaãcõari, muare goti yiroruarãma ña. To yicõari, muare tubiberuarãma. Yu ocare mua gotimasiojare, macari ujarã rĩjoroja muare juaaruarãma ña. To yi vanane, ujarã ñamasurã rĩjoroja muare juaejaruarãma ña. ¹³ To bajiro muare ña yijare, yu oca quēnasere ñare gotiruarãja mua. ¹⁴ Muare ñejecõari, ujarã rĩjoroja muare ña juaãroto rĩjoro, “¿No bajiro ñagõrãti yua?”, yitũoiarejaibetiruarãja mua. ¹⁵ Mua ñagõrotiju ti ejaro, “Ado bajiro ñagõroti ñaja”, yimasiruarãja. Mua ñagõjama, mua masise rãca me ñagõruarãja. Yu masise rãca ñagõruarãja. Yu masise muare yu cõajare, mua ñagõsere ajicõari, “Socarã yaja mua”, muare yibetiruarãma muare ñaterã —ñare yiyuju Jesús. ¹⁶ —Mua jacua, mua bederã, mua yarã, mua rãcana quēne, muare ñsirearuarãma ña. To bajiro ña yijare, sãacõaruarãja mua sīgãri. ¹⁷ Yure ajitirũnũrã mua ñajare, muare ñateruarãma jãjarã masa. ¹⁸ To bajiro muare ña yiboajaquene, ñie muare godocutiruaroja. Dios i ejarẽmose rãca i tũju ejacõari, quēnaro ñacõa ñarũgũruarãja mua. ¹⁹ Yure mua ajitirũnũ tujabetijama, to bajirone bajiruarãja mua.

²⁰ Jerusalén macajure surara ña gãñibasere mua jajama, “Jerusalén maca ti jedirotirũmu cõñaro bajiaja”, yimasiruarãja mua. ²¹⁻²² Jerusalén maca jedirotire Dios oca masa ña ucamasire ti gotirore bajiro bajiruaroja. Rojose tãmuoriarũmuri ñaruaroja. To bajiro ti ñajare, Jerusalén maca tuana, Judea sitana, Jerusalén macaju rudibeticõato ña. Gũtayucujaju guaro rudicoajaro ña. Jerusalén macana quēne, guaro rudicoajaro ña. ²³ To bajiro bajirirũmure buto rojose tãmuoruarãma masa, i boasere ña yibetire Dios i ñajũnisinjare. Rõmia macu sãñarã, ũjurã cuorã quēne, rojose tãmuoruarãma ña, ũmatĩmabetica yirã. ²⁴ Sīgũrire jasãruarãma jud'io masa me ñarã. Gãjerãre, sãacõemenare ñare ñejebatecoaruarãma, gajeroriju. To yicõari, ña ye sita cuoruarãma jud'io masa me ñarã, “To cõrone rotitujaruarãma” Dios i yitũoiarũmu ti ejaroto rĩjoro.

“Dios i roticõacacu tudiejarucuja yu”, Jesús i yire queti
(Mt 24.29-35, 42-44; Mr 13.24-37)

²⁵ Jud'io masa me ñarã ña rotirirodo jedirijau, muiju ãmuagu, to yicõari, ñamiagu quēne, ñocoa quēne, buto guiose bajiruarãma. Tire ñagũruarãma adi macarucuroana

ñajediro. Moa riaga buto jacase saberuaroja. To bajiro ti busisere ajigüicöari, no yimasibetiruaräma ina. ²⁶ Ö vecayere nuruobatorucami Dios. To bajiro ti bajiro iacöari, “Adi macarucuro jediato yaja” yituoiaöari, buto güiruaräma ina. Sigüri iamecu vanane, rijavëjaruaräma ina. ²⁷ To bajicöari, yu masise räca, buto bususe räca, oco bueri vatoaju adi macarucurojure Dios i roticöacacu yu rujiadire iaruaräma ina. ²⁸ To bajiri, adi güiose ti bajisuorore iacöari, tuoiatutuararäja mua. Tuoiatutuacöari, iamhuuaräja mua, “Yucucane rojose tãmuotujabetiraroju mani vaborotire manire yirëtobosaguagu yigumi Dios” yimasirä ñari —Inare yigotiyuju Jesús, i bueräre.

²⁹ To yigajanocöari, gotimasiore queti gotiyuju quëna:

—Yucäre tuoiaña mua. ³⁰ Yucü gajecu bucucamujacöari, jü mameaja. Tire iacöari, “Mojoroaca ruyaja cüma ti ejaroti”, yimasiaja mani, jud'io masa. ³¹ Tire bajiro muare yu gotise ti bajisere iacöari, “Mojoroaca ruyaja Diore rotibosagu, Jesús i vadiroti”, yimasiruaräja mua.

³² Riojo muare gotiaja yu. Adirodo ñarä mua bajireajediroto rjoro, muare yu gotirote bajirone bajiruaroja ti.^t ³³ Adi macarucuro ñaro cörone, to yicöari, ö vecaye quëne jedicoaruaroja. To bajiboarine, yu ocama, jedibeti muorügöcöaruaroja.

³⁴ To bajiri yu vadirotire masiritibesa. Idire mecucöse idimecucöari, yure mua masiritijama, quënabetoja. To bajicöari, gajeyëüni mua cucöse, to yicöari, gajeye mua cucuoa tuoiasere buto tuoiañä ñari, yure mua masiritijama, quënabetoja. ³⁵ “To cörone ejarucumi” jãjarä masa ina yimasibetirimarone, tudiejarucuja yu. To yu bajijare, masa ñajediro yure rudimasibetiruaräma ina. ³⁶ To bajiro bajiroti ti ñajare, roori ñaruaräja mua. To bajicöari, ado bajiro Diore sënirügüruaräja mua: “ ‘Dios i roticöacacu i tudivadiroto rjoro, rojose tãmuoroti ti ñaboajaquëne, ire ajitiränu tujabeticöari, ö vecaju i rjorojua bojonemenane ejato’ yigu, yuare jerëmoña”, ire yisënirügüruaräja mua —Inare yigotiyuju Jesús.

³⁷ Tocãrãcarãmure Diore yirücuburiaviju masare gotimasirotügüñuju Jesús. Ñamirema Inare vaveocöari, Olivo vame cuti buroju cãnirügüñuju. ³⁸ Quëna busuriju jãjarä masa ire ajirä sãjarügüñujarä ina, Diore yirücuburiaviju.

22

*“¿No bajiro yicöari, Jesüre ñiaräti mani, ire siaruarä?”, ina yire
(Mt 26.1-5, 14-16; Mr 14.1-2, 10-11; Jn 11.45-53)*

¹ Pascua boserümü pan ümato vauvase vuoyamani basuoriarümü cöñañuju. ² To bajicöari, paia ujarä, Dios i rotimasire gotimasiromasa quëne, Jesüre siaruarä, masare güirä ñari, “¿No bajiro yicöari, ire ñiaräti mani?”, gãmërä yinagöñañujarä ina.

³ To ina yituoiañatoyene, Judas Iscariote vame cutigu räca ñarä ñajediro Jesús buerimasa, juaämo cöro, gubo jua jënituariräcu ñañujarä. To bajiboagure, i usujure sãjacoasuju vätia uju, Satanäs vame cutigu. ⁴ To bajiri, i usuju vätia uju i sãjare, i suorine rojose tuoiaöari, paia ujarä, Diore yirücuburiavi coderä ina ñarojure vacoasuju Judas. Ina tujä ejacöari, Jesüre i isirocarotire gãmërä ñagöñujarä ina. ⁵ Jesüre i isirocaruasere ajivariquënacöari,

—Gãjoa mure isiruaräja yua —Ire yiyujarä. ⁶ To ina yisere ajivariquënacöari, tudicoasuju Judas. Jesús tujare ejacöari, “¿Dirĩmaro ünone Jesüre Inare yu isijama, josari mene ire ñiamasirojari ina?”, yituoiañuju i.

Jesús i batutare queti

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pascua boserümü pan ümato vauvase vuoyamani basuoriarümü, to yicöari, oveja macure ina siariarümü ejayuju ti. ⁸ To bajiri Pedrose, Juanre ado bajiro Inare yicöañuju Jesús:

—Adi ñami bare mani barotire quënoyurä vasa mua —Inare yicöañuju.

⁹ To bajiro i yisere ajicöari,

—¿Noju bare quënoyuräti yua? —Ire yisëniñañujarä ina.

¹⁰⁻¹¹ To bajiro ina yisëniñarone, ado bajirone Inare cudiyuju Jesús:

—Yure quënarö ajiya mua. Macaju muare yu gotigu ture vasa mua. To mua ejarone, sigü, oco vagu muare bocarucumi. Ire suyaja mua. To bajicöari, vi i sãjarone, ti vi ujure ado bajiro ire yiba: “ ‘¿Noju ñati Pascua boserümü adi ñami yu buerimase yu ümato barotijau?’ mure yicöami gotimasiromasu”, yiba mua. ¹² To mua yirone, muare iorucumi, vecajua sãa, jairisõa, quënogajanoriasõare. Tone mani baroti quënoyuba mua —Inare yiyuju Jesús, Inare varotigu.

¹³ To i yijare, vacoasujarä ina juarä yuja. To eja, i yiriarore bajirone bajiyuju ti. To bajiri tisöaju ina barotire quënoyuyujarä ina.

^t **21:32** Griego masa ye räca “esta raza” yiroma, judío mesare yiro yaja. To bajicöari, “esta generación” ti yijama, adirodo ñaräre yiro yaja.

¹⁴ To bajiri Pascua boserāmuaye bare bariaju ti ejaro, i buerimasa juaāmo cōro, gubo jua jēnituarirācu nārā ejacōari, barujiyujarā ina, i rāca. ¹⁵ To bajinārāne, inare ūmato baguagune, ado bajiro inare gotiyuju Jesús:

—Rojose yu tāmūoroto rījoro, mua rāca Pascua boserāmu bare bato barua tuoīacaju yu.

¹⁶ Dios i roticōacacu nari, muare yu ūmato baro bero, quēna tudibabetirucuja. To bajiboarine, adi macarucuroja yu tudivado beroja yure roticōacacu i nārojure tudi mua rāca quēnaro bavariquēnarucuja yu, rojose tāmūoboriarāre yu yirētobosarā rāca —i buerimasare inare yiyuju Jesús.

¹⁷ To yigajano, idiriabaja āmicōari,

—Quēnaro yaja mu —Diore yiyuju.

To yicōari, tibaja inare īsigūne, ado bajiro yiyuju i:

—Mua jediro adire idiya. ¹⁸ Riojo muare gotiaja yu. “Rotimūorūgōrucuja mu” yigu, Dios yure i cūroto rījoro, ūye oco idibetirucuja yu —inare yiyuju.

¹⁹ To yigajanocōari, pan āmicōari, “Quēnaja”, Diore yiyuju Jesús. To yigajano, tire mutocōari, i buerimasare īsibatogune, ado bajiro inare gotiyuju i:

—Ti naja yu ruja rii. Muare rijabosarucuja yu. Yu rijato bero, muare yu rijabosare tuoīacōari, yure rūcubūorā, ado bajirone rējacōari, barūgūruarāja —inare yigotiyuju i.

²⁰ To yicōari, bare ina baro bero, ūye oco sānaribajare āmicōari, ado bajiro inare gotiyuju Jesús quēna:

—Adi naja tirūmuana, “Rojose mani yirere masirioato” yirā, Diore rūcubūoraija joere ina yuejeoriarore bajiro bajise. Yucarema, yu ri’i naja. Ti suorine, “Gajerodori ado bajiro masare quēnaro yirucuja yu” Dios i yigotimasiriarore bajiro bajiruaroja yuja. Yu rijato bero, muare yu rijabosare tuoīacōari, yure rūcubūorā, ado bajirone rējacōari, idirūgūruarāja —inare yiyuju Jesús.

²¹⁻²² To yigajano, ado bajiro inare gotiyuju quēna:

—Dios i tuoīariorore bajiro rojose tāmūorucuja yu, Dios i roticōacacu. To bajiro bajirocu yu nājare, sigū mua rācagu, yu rāca bagu, yure īaterāre yure īsirocarucumi. Yure i gotiyiōse suorine rojose tāmūorucuja yu. “Masare yirētobosarucumi” Dios i yimasire nājare, tirotire yigu bajirucuja yuma. To bajiboarine, yure gotiyiōrogujama, rojose tāmūorucumi —inare yigotiyuju Jesús, i buerimasare.

²³ To bajiro i yisere ajicōari,

—¿Nimujua nati, ire īsirocarocuma? —Ina masune gāmerā yisēnīñajarā ina.

“¿Nimujua nāgūti nāmasugūma?”, Jesús buerimasa ina gāmerā yire queti

²⁴ To bajiro gāmerā yigajanocōari,

—¿Nimujua nāgūti nāmasugūma? —gāmerā yī oca josayujarā ina. ²⁵ To bajiro ina yijare, ado bajiro inare gotiyuju Jesús:

—Hjarā, Dios yarā me nārā, ina yarāre bato tutuaro rotirāma ina. To bajiro yirā ina nāboajaquēne, “Masare quēnaro yirā nāama”, yīlārūcubūore naja. ²⁶ Muama, yu yarā nari, inare bajiro bajibetiruarāja. Yure ajitirūnūgū, nāmasugū nārucumi, gājerā bedire bajiro bajitūoīagū. To bajiro yu yijama, “Gājerā ina bojasere masicōari, quēnaro inare yirūcubūogū nārucumi” yigu yaja yu. ²⁷ ¿Nijua rētoro nāmasugū nārojari, rotigujua, rotiecogujua? Moarotigu nāgūmi nāmasugūma. To bajiro ti bajiboajaquēne, yujua, mua ūju nāboarine mua bojasere masicōari, quēnaro muare yigu naja yu.

²⁸ Rojose tāmūoadicaju yu. To bajiro bajigu yu nāboajaquēne, yure ajitirūnūcōa naja mua.

²⁹⁻³⁰ To bajiro bajirā mua nājare, ado bajiro quēnaro muare yirucuja yu: “Rotimūorūgōrucuja mu” yigu, yu jacu yure i cūroju, “Rotiruarāja mua quēne” yigu, muare cūrucuja yu quēne. To cōrone juaāmo cōro, cojo gubo jua jēnituarirācu nārā masatubuarire rotiruarāja mua. Yure ajitirūnūrāre, to yicōari, yure ajitirūnūmenare īacōīamasiruarāja. To yicōari, yu rāca bare ba, idi yīīnārūgūruarāja mua —inare yiyuju Jesús.

“Jesúsre masibeaja yu’ yirucuja mu”, Pedrorre Jesús i yire queti

(Mt 26.31-35; Mr 14.27-31; Jn 13.36-38)

³¹ To yigajanocōari, i buegure Pedrorre ado bajiro gotiyuju Jesús:

—Quēnaro yure ajiya mua. Vātia ūju, “¿Jesúsre ajitirūnūrā masu nati ina?” yīlaru, rojose inare cōaruaja yu”, Diore yisēnīñajū i, muare. To bajiro i yijama, “Rojose inare yu cōajama, Jesúsre ajitirūnū tujacoanama ina” yigu, yiyuju i, tire. ³² To bajiro Diore i yiboajaquēne, Diore mure sēnibosabu yu, “Yure ajitirūnūbetiboarine, quēna yure ajitirūnūato i” yigu. To bajiri yure ajitirūnūbetiboarine, quēna yure mu ajitirūnūro bero, gājerā yu buerā nārāre ejarēmoma, quēnaro yure ina ajitirūnūcōa nārūgūrotire yigu —Pedrorre ire yiyuju Jesús.

³³ To bajiro ire i yisere ajicōari, ado bajiro Jesúsre ire yiyuju Pedro:

—Mure ña tubibeboajaquêne, mure ña sñacōajaquêne, mu rāca ñacōa ñagū ñari, sñacomasiaja yu quêne —Jesúre ñe yiyuju Pedro.

³⁴ To ñ yisere ajicōari, ado bajiro ñe cūdiyuju Jesús:

—Riojo mure gotiaja yu. Busiyujua gājabocu ñ ñagōroto ñjoro idiaji, “Jesúre masibeaja; ñ rācagu me ñaja yu”, yirucuja mu —Pedrore ñe yiyuju ñ.

³⁵ To yigajanocōari, ñ buerimasare ado bajiro ñare sēñiñaju Jesús:

—¿Mua cūosere, mua barere, gajeye gubo sudire quêne tire muare juarotibeticōari, “Juarāri, vacōari, yu ocare gotibosacudiaya” yigu, muare yu yirotisucotirūmure ñie muare godocucoti? —ñare yisēñiñaju.

—Yuare godo cuobeticaju —yicūdiyujarā ña.

³⁶ To bajiro ña yicūdisere ajicōari, ado bajiro ñare gotiyuju Jesús:

—Yucurema mua cūosere, mua barere, to yicōari, mua gājoare quêne juaya. Jariase cūobecu, sudiro yuariase, ñ gubojū tūsarasere ñicōari, jariasere vaja yia. ³⁷ Masa rojose yure ña yirotire quēnaro mua tuoñamasirotire yigu, to bajise muare vaja yu. Ado bajiro yure gotiyuju Dios oca masa ña ucamasire: “Rojorāre ñare ña yirore bajiro ñe yiruarāma, rojose ñ tāmūrotire yirā”, yure yigotiyuja ti. Diore gotirētobosarimasa, “Ado bajiro bajiruaraja” ña yuucamasire ñajare, to bajiro yure yiruarāma. Ñajediro ña ucamasirere bajirone bajijeocōaruaraja yure —ñare yiyuju Jesús.

³⁸ To bajiro ñare ñ yisere ajimasibeticōari, ado bajiro ñe yiyujarā ña, ñ buerā:

—Yua uju, ñaña mu. Adone juajāi, jariase cūoaja yua —yiyujarā ña.

To bajiro ña yijare,

—To bajiro masu yimenaja mani —ñare yicūdiyuju Jesús yuja.

Getseman'i vāme cutojū veseju, Jesús ñ jacure ñ sēñigū vare

(Mt 26.36-46; Mr 14.32-42)

³⁹ To yigajanocōari, Jerusalén vāme cuti macaju ñar'i, Olivo vāme cuti buroju ñ buerimasare ñ ūmato varūgūriarore bajirone ñare ūmato vasuju Jesús. ⁴⁰ Toju ejacōari, ado bajiro ñare gotiyuju Jesús:

—Vātia uju Satanás ñ yirotisere yicōari, “Dios ñ bojabetire yirobe” yirā, Diore sēñiña —ñare yiyuju Jesús.

⁴¹⁻⁴² To bajiro ñare yicōa, ñ sīgāne to sojuabusa vasuju ñ. ñacōarine ñagū, gusomuniari tuetucōari, ado bajiro Diore sēñiñaju ñ:

—Cacu, yure ña sñaroti matamasiaja mu. To bajiboarine, mu bojarore bajirone bajiato —Diore yiyuju.

⁴³ To bajiro ñe yigajanorone, ángel Diore moabosagu ruyuyaju ñ. Ruyucōari, “Dios ñ bojarore bajiro yicōa ñato” yigu, Jesúre ejarēmoñuju ñ. ⁴⁴ To ñ yiro bero, rojose ñ tāmūrotire tuoña sutiritigu ñari, butobusa Dios ñ ejarēmorotire sēnitujabesuju Jesús. To bajiro bajiñagū ñie, buto ri ñ rāca vusase usaca budicōari, “tapi, tapi, tapi” yivējareacūñuju ti, sita joejare.

⁴⁵ Diore sēñigajano, vāmūrugūcōari, ñ buerā tu tudiejayuju. ñ gotirere buto tuoñasutiriticodeboa, cānicoasujarā. ⁴⁶ ña tu ejacōari,

—Cāñibesa mua. Vāmūrugūcōari, Diore sēñiña, “Vātia uju Satanás ñ yirotisere yicōari, Dios ñ bojabetire yirobe” yirā —ñare yiyuju Jesús.

Jesúre ña ñiare queti

(Mt 26.47-56; Mr 14.43-50; Jn 18.2-11)

⁴⁷ To bajiro Jesús ñare ñ gotiñarimaronone, jājara masa vayujarā ña. ñare ūmato vaju, Judas Iscariote vāme cutigu, Jesús buerimasu ñar'ine ñañaju ñ. To bajivadi, Jesús ñjororua ejacōari, socane ñe buto ñamaigūre bajiro ñe usuguagu yiyuju. ⁴⁸ To ñ yirone, ado bajiro ñe gotiyuju Jesús:

—Judas, ¿Dios ñ roticōacure yure sñaronare, “To bajiro usugotigusa”, yituoñaboati mu? —ñe yiyuju Jesús.

⁴⁹ To bajiro ñ yirone, Jesúre ña ñiaruaro ñamasicōari,

—Yua uju, ¿jariase rāca ñare jasurereacōarāti yua? —yisēñiñajujarā ña, ñ buerā.

⁵⁰ To yisēñiñāne, sīgū ñ buegu, ñ jariase yoveaāmicōari, paia uju ñamasugūre moabosarimasure gāmoro jatarocacōañuju. ⁵¹ To ñ yisere ñacōari, ado bajiro ñe yiyuju Jesús:

—Yibesa mua —ñare yiyuju Jesús, ñ buerāre.

To yicōari, gāmoro jataroca ecogujuare ñ gāmorore āmitucōari, ñariarore bajirone yiquēnocōañuju Jesús. ⁵² To yicōari, ñe ñiaruarāre, paia ujarāre, Diore yirācūbuoriavi coderimasare, to yicōari, bucārāre quêne, ado bajiro ñare yiyuju Jesús:

—¿No yirā gajeyeñi juarudirimasare ñiarāre bajiro jariaseri rāca, yucū rāca yure ñiarā vadiati mua? ⁵³ Tocārācarāmūrine Diore yirācūbuoriavi mu ñaro gotimasiorūgūmu yu. To bajiboarine yure ñiabetirūgūmu mua maji. Yucurema Dios ñ tuoñacatore bajirone bajiruaraja.

To bajiri, Satanás suorine rojose mua bojarore bajiro yimasiruarāja mua yuja —Inare yiyuju Jesús.

“Jesúre masibeaja yu”, Pedro i yire queti
(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ To bajiro i yirone, Jesúre ñacōari, paia uju ñamasugū tuju ire amiasujarā. Toju ejacōari, sāsajujarā ina. Ire ina amivato, sōju yayiñasuyayuju Pedro. ⁵⁵ To bajiri Jesúre amivariarā sigūri toju ejacōari, macajá tūcuro gadarecoju tujayujarā. Tone jea riocōari, rujiyujarā ina, jea sūmañarā. To ina bajiñarone, ejacōari, ina rāca rujiyuju Pedro quēne, jea sūmagū. ⁵⁶ Jeame tu rujiñu ñari, quēnaro ruyuyuju i. To bajiro i bajijare, sigō paia uju ñamasugūre moabosarimaso, jeame tu i rujiro ire ñamasicōari,

—Jesúrācagune ñaami —Pedrore yiyuju so.

⁵⁷ To bajiro so yisere ajicōari, ado bajiro sore yiyuju Pedro:

—Ire masibeaja yu —sore yiyuju.

⁵⁸ To i yiro beroaca, ire iacōari,

—Jesúrācagu ñabetiboati mu? —Ire yiyuju gāji.

To bajiro i yisere ajicōari,

—I me ñaja yu —yiyuju iñuama.

⁵⁹ Cojo hora bero, gāji, Pedro i ñagōsere ajicōari, i babarāre ado bajiro yiyuju:

—Jesúrācagune ñaami, Galilea sitagu ñari —yiyuju i.

⁶⁰ To bajiro ire i yisere ajicōari, ado bajiro yiyuju Pedro:

—“Riojo yaja mu”, mure yimasibeaja yu. Jesúre masibeaja —Ire yiyuju Pedro.

To bajiro i yiririmarone, gājabocu ñagōcōañuju yuja. ⁶¹ I ñagōrone, Jesús, judarūgūcōari, Pedrore iañuju i. I judarūgū ñarone, Jesús ire i gotirere masibujayuju Pedro yuja, “Gājabocu i ñagōroto rñjoro, idiaji, ‘Jesúre ajisuyagu me ñaja yu’ yirucuja mu” Jesús i yirere. ⁶² Tire masibujacōari, vacoasuju. Vacōari, buto otiyuju.

Jesúre ina ajatud'ire queti
(Mt 26.67-68; Mr 14.65)

⁶³ To bajiri, Jesúre ñacoderimasa, ire jacōari, ajatud'iyujarā ina. ⁶⁴ I cajere siabibecōari, ire jayujarā. To yicōari,

—“I, mure jaami’ yure yigotiami Dios”, yuare yiya mu —Jesúre ire yisēñila tud'iyujarā ina.

⁶⁵ To yicōari, cojo vāme me ire yiajatud'iyujarā ina.

Jud'io masa ujarā ñamasurā, “¿Dios macune ñati mu?”, Jesúre ina yisēñilare queti
(Mt 26.59-66; Mr 14.55-64; Jn 18.19-24)

⁶⁶⁻⁶⁷ Busuro bero, paia ujarā quēne, to yicōari, Dios i rotimasire gotimasiorimasa quēne, Jesús tare rējañujarā ina. Rējacōari, ire amiasujarā ina, ujarā ñamasurā tujure. Toju ejacōari, ado bajiro Jesúre yiyujarā ina:

—“Rotimuorūgōrucami” yigu, Dios i cōagū mu ñajama, yuare gotiya —Jesúre ire yiyujarā ina.

To bajiro ire ina yisere ajicōari, ado bajiro cudiyuju Jesús:

—“Ire ñaja yu” yu yijama, yure ajiruamenaja mua. ⁶⁸ Yujua, yu sēñilajama, yure cudimenaja mua —Inare yiyuju Jesús. ⁶⁹ To yigajanocōari, ado bajiro Inare gotiyuju quēna:

—Yu bajiro tire masibeticōari, to bajiro yure yaja mua. Dios i roticōacacu ñari, yoaro mene i riojoacatua rujiacōari muare yu besero iñuarāja mua —yiyuju Jesús.

⁷⁰ To bajiro i yisere ajicōari,

—“Dios macune ñaja yu” yigu yati mu? —Ire yisēñilañujarā ina jediro.

To bajiro ina yisere ajicōari,

—To bajirone bajiaja. Ine ñaja yu —Inare yicudiyuju i yuja.

⁷¹ To bajiro i yisere ajicōari, ado bajiro gāmerā ñagōñujarā ina:

—“Dios i cōacacu, i macu ñaja yu” i yise suorine Diore rojose yigu yami. No yirā gājerāre, “Rojose yigu ñaami” yironare macarēmomenaja mani yuja —gāmerā yiyujarā ina.

23

Pilato tuju Jesúre ina amiejare queti
(Mt 27.1-2, 11-14; Mr 15.1-5; Jn 18.28-38)

¹⁻² To yigajanocōari, Jesúre ire amiasujarā ina jediro, Pilato vāme catigu ya viju vana. I tuju ire amiejacōari, ado bajiro Jesúre gotiyiroyujarā ina:

—Anire bujabu yua. Ado bajiro yimi: “Uju Césare gājoa muare i vaja yirotsere mua vaja yijama, quēnabeaja. To yicōari, ‘Rotimuorūgōrucami’ yigu, Dios i cōagū ñaja yu”, yimi —Jesúre ire yigotiyiroyujarā ina.

³ To bajiro ina yise ñajare, ado bajiro Jesúre sēñiñañu Pilato:

—¿Mune ñati jud'io masa uju? —Íre yiyuju Pilato.

To bajiro i yisere ajicōari, ado bajiro íre cudiyuju Jesús:

—To bajirone bajiaja —Íre yiyuju Jesús.

⁴ To i yirone, paia ujaräre, to yicōari, jãarã masa to ñaräre quēne ado bajiro ñnare yiyuju Pilato:

—Yu ñajama, ñie rojose yigu me ñaami —Ínare yiboayuju Pilato.

⁵ To bajiro i yiboajaquēne, buto avasãñujarã ñna:

—Galilea sitajure gotimasiosuoyumi. Bero, Judea sitana ñajedirore gotibatomavisioami —Íre yiyujarã ñna.

Herodes taju Jesúre ñna ãmiejare queti

⁶⁻⁷ To bajiro ñna yisere ajicōari, ado bajiro ñnare sēñiñañu Pilato:

—¿Ñni, Jesús Galileagu ñati? —Ínare yisēñiñañu i.

To i yirone,

—Toagune ñaami —yicudiyujarã ñna.

To bajiro ñna yijare,

—Uju Herodes ya sitagu i ñajare, Herodejua íre ñacōiato —Ínare yiyuju Pilato.

Tirãmure Jerusalénjune ñañuju Herodes quēne, Pilato i ñarimacane. To bajiri tire masicōari, Herodes taju Jesúre cōañuju Pilato. ⁸ To bajiri, Jesús i ejaro, íre ñacōari, buto variquēñañuju Herodes, buto íre ñaruarũgũr'i ñari. Yoaro íre ñaraboayuju. Jesús i yirere ajirũgũr'i ñari, i ñaro rĩjorojua quēne, ñaiañamani Jesús i yĩosere buto ñaraoayuju i. ⁹ To bajiro yigu ñari, yoaro Jesúre sēñiñañu i. To bajiro i yiboajaquēne, íre cudibesuju Jesús. ¹⁰ Paia ujarã, Dios i rotimasire gotimasiorimasa buto rojose avasãgotiyiyo ñañujarã ñna. ¹¹ To bajiri, Jesús i cudibeti ñaboana, íre ajatud'iyujarã Herodes, i surara quēne. To yigajanocōari, quēnariase sudiro Jesúre sãcōari, íre tuocōañujarã, Pilato tujare quēna. ¹² Tirãmune Herodes, Pilato rãca gãmerã oca quēnoñujarã ñna, gãmerã ñateboariarã.

“Jesúre s̄aroti ñaja”, ñna yire queti

(Mt 27.15-26; Mr 15.6-15; Jn 18.39-19.16)

¹³ I taju Jesúre i tuocōajare, paia ujaräre, masa ujaräre to yicōari, masa to ñaräre quēne jirēoñuju Pilato. ¹⁴ ñna ejaro, ado bajiro yiyuju i:

—“ ‘Uju César i rotisere cudibesa mua’ yigotimavisioami” yirã, jēu añire yu taju ãmiejabu mua. To bajiro mua yise ñajare, mua ajiro íre quēnaro sēñiñaobabu yu. Yu ñajama, ñie rojose yibecu ñaami. ¹⁵ Herodes quēne, “Ñie rojose yibecu ñaami” yigu ñari, yu taju íre tuocōañumi. “Ñie rojose i yiro cōro íre s̄aiaña manoja”, yaja yu. ¹⁶ To bajiri íre bajegajanocōari, bucōaruarãma yu surara —ínare yigotiboayuju Pilato, to rējariaräre.

¹⁷ Tocãrãca cūma Pascua boserãmu jud'io masa ñna quēnojama, sīgũ, tubibe ecor'ire ñna burotigure ñnare bubosarũgũñuju Pilato.

¹⁸ To bajiri, “Jesúre íre bucōarũcũja yu” i yisere ajicōari, ado bajiro Pilatore avasãjedicōañujarã masa:

—¡Bajibeticōato! ¡Barrabájuare bucōari, Jesújuare s̄arotiya mu! —yivasã jedicōañujarã ñna.

¹⁹ Barrabás vãme cutigu, “Gobierno i rotiboasere cudibeticōari, mani masu rotirãsa” yituoicōari, i babarã rãca masare s̄iar'i ñañuju. To bajiro i yire vaja tubiberiaviyu ñañuju i.

²⁰ To ñna yiro bero, quēna ado bajiro gãme tudisēñiñañuju Pilato. To bajiro ñna yivasã ñabojaquēne, Jesúre bucōaru, quēna i budirotire sēñiñaobayuju Pilato. ²¹ To bajiro i yirone, —¡Yucátēroju íre jaju s̄iaroticōaña mu! ¡Íre jajutuya! —Íre yivasã cudiyujarã ñna.

²² To bajiro ñna yirone, jēre juaji ñnare i gotiboasere gotiboayuju i quēna:

—¿Ñie rojose i yire suori íre s̄iarotiguti yu? Íre quēnaro sēñiñamu yu. Yu ñajama, ñie rojose yibecu ñaami. To bajiri, íre bajegajanocōari, bucōaruarãma yu surara —ínare yigotiboayuju Pilato quēna.

²³ To i yiboajaquēne, ñna yiriarore bajiro, íre avasãtubabesujarã ñna, Jesúre s̄iaruarã. To bajiro ñna yivasãcōa ñajare, ñna rotirore bajiro cudigu, Barrabájuare íre bucōañuju. ²⁴⁻²⁵ To yicōari, Jesújuarema i yarã surarare is̄iñuju, “Yucátēroju íre jajus̄iato ñna” yigu.

Yucátēroju Jesúre ñna jajus̄iare queti

(Mt 27.32-44; Mr 15.21-32; Jn 19.17-27)

²⁶ To bajiri Jesúre ãmicoasujarã ñna, íre s̄iarã vana. Íre ãmivanane, sīgũ Cirene vãme cuti sitagu, Simón vãme cutigure bocayujarã. Íre bocacōari,

—Jesús i gaja vatijãire íre gajabosaya —Íre yĩ vasujarã ñna.

²⁷ Jājarā masa Jesúre sɣayujarā ĩna. Rōmia quēne, ĩre sɣacōari, otiyujarā ĩna. ²⁸ To bajiro ĩna otisere ajicōari, judarūgāñuju Jesús. Judarūgāñuju, ado bajiro ĩnare gotiyuju ĩ:

—Maa Jerusalén macana rōmiri, yure otibesa. Maa bajirotire, to yicōari, maa rĭa ĩna bajirotire tuoĭacōari, otiya. ²⁹ No bojarirāma ejaruaroja buto rojose maa tāmurotirāma. Tirāmure ado bajise tuoĭaruarāja maa: “Rĭa mana rōmiri rojose tāmuroā ĩaboarine, buto sutiritibetiruarāma, ‘Bucurā rĭne bajirearuarāja yua’ yituoĭarā ĩari”. ³⁰ To bajiri, “Josari rojosere tāmurobe; rojose mani yise vaja rojose manire cōarucumi Dios” yirā, guaro bajireadarotire yirā, “Gātayucuri yuare tājoreadaya”, yituoĭaruarāma.^u ³¹ Yu yirore bajirone bajiruarāja maa. Ado bajiro yu gotisere ajituoĭaĭa maa: “Ñie rojose yibecu ĩaami” yure yirā ĩaboarine, yure rojose yama ĩna. To bajiri, “Rojorā ĩaama” muare yĭarā ĩari, rēto busaro muare rojose yiruarāma ĩna —ĩnare yigotiyuju Jesús, ĩre otisayarāre.

³² To bajiri gājerā juarā rojose yiriarāre jua vasujarā, Jesúrāca, ĩnare sĭaruarā. ³³ ĩnare jua va, Rujoco Buro vāme cuti buroju majaejayujarā. Toju Jesúre, to yicōari, rojorāre quēne, yucātēroriju jajutuyujarā ĩna. Sĭgāre Jesús riojocatuare, gājirema ĩ gācōacatuajure jajutuyujarā. ³⁴ Jesús ĩre ĩna jajuturo bero, ado bajiro Diore sēñifuju ĩ:

—Cacu, yure sĭarāre rojose ĩna yisere masirioya mu. “Rojose yirā yirāja yua” yimasime-nane yama ĩna.

To bajiro ĩ yiro bero, Jesús ye sudire bojarā, ado bajiro yiyujarā surara: “Ñimujua ĩ sudire ĩ ujarō ĩarāsa mani” yirā, gātarine reacūia ajeñañujarā. To yiajecōari, ĩ sudire gāmerā ĩsibatoyujarā ĩna. ³⁵ Tire ĩacōari, Jesúre ajatud'iyujarā masa. ĩna ujarā quēne, ado bajiro Jesúre ajatud'iyujarā ĩna:

—Gājerāre rĭjaye cutirāre catiorūgūmi. To bajiri, “Rotimurōgōrucumi” yigu, Dios ĩ cōagū ĩ ĩajama, ĩ masune rujiadimasiato —yiajatud'iyujarā ĩna.

³⁶⁻³⁷ Surara quēne ĩre ajatud'iyujarā ĩna. ĩ taju ejacōari, uye oco jiasere Jesúre idiroti boayujarā. ĩre idirotirāne, ado bajiro ĩre ajatud'iyujarā ĩna:

—Mu jud'io masa uju mu ĩajama, mu masune rujiaya —ĩre yiajatud'iyujarā ĩna.

³⁸ Jesús ĩ jaju ecoritērojure ĩ rĭjoa vecare griego masa oca, romano masa oca, jud'io masa oca ĩna ucaturia jūro tuyayuju. Ado bajise yirijūro ĩañuju ti: “Āni ĩaami jud'io masa uju”, yiuare ĩañuju.

³⁹ To bajicōari, sĭgū rojogu Jesúrāca yucātēroju jaju ecor' ĩado bajiro ĩre tud'iyuju ĩ quēne, Jesúre:

—¿“Rotimurōgōrucumi” yigu, Dios ĩ cōagū me ĩatique mu? ĩ mu ĩajama, rujiacōari, yuare yirēto bosaya —ĩre yitud'iyuju ĩ quēne.

⁴⁰ To bajiro ĩ yisere ajicōari, gājijuaama, ado bajiro ĩre boca yiyuju ĩ:

—Rojose mani yire suori manirema jajutuama ĩna. To bajiri, ¿Dios taju ejacōari, rojose mu yise vaja rojose mure ĩ yirotire gūibeatique muma? ⁴¹ Manima, mani masu ye suorine bajiaja. To bajiboarine, ĩuama, ĩie rojose yibecu ĩaami —boca yiyuju.

⁴² To bajiro yigajanocōari, ado bajiro Jesúre gotiyuju ĩ:

—Jesús, “Rotimurōgōrucumi” yigu, mure cōar' ĩ Dios ĩ cūro bero, yure ĩamaicōari, rojose yu yise vaja rojose tāmurotūjabetiraroju yu vaborotire yure yirēto bosaba —Jesúre yigotiyuju ĩ.

⁴³ To ĩ yisere ajicōari,

—Yuare quēnaro ajiya mu. Adirāmune yure ajitirānūrā ĩna variquēna tūjabetoju yu rāca ĩarucuja mu —ĩre yicudiyuju Jesús.

Jesús ĩ usutadire queti

(Mt 27.45-56; Mr 15.33-41; Jn 19.28-30)

⁴⁴⁻⁴⁵ Jesúre ĩna jaju sĭarirāmune, ũmurecaji ĩarone, rētiañuju yuja. Idia hora cōro rētiañāju. Idia hora rētiatasatone, Diore yirācūbuorivĭju sudigasero yotoriario voru-jijedicoasuju ti. Tiase yotoriario, “‘Dios ĩ ĩarisōa’ vāme cuti sōare sājamasibeama masa”, yimasiriaro ĩaboayuju. ⁴⁶ To ti bajirone,

—[Cacu, yu usure mu taju cōaja yu! —Diore yiavasā, usutadicoasuju ĩ yuja.

⁴⁷ To bajiro ĩ bajijare, ado bajiro yiyuju surara uju:

—Riojone bajiboayuja. ĩie rojose yigu me ĩamasiboayumi āni —yiyuju ĩ.

⁴⁸⁻⁴⁹ Jājarā masa ĩañujarā, Jesúre ĩna sĭarore ĩarā vadriarā. Jesúre masirā quēne, Galilea sitana rōmiri ĩre sɣaboariarā quēne, ĩre ĩna sĭasere sōju ĩarūgōñujarā ĩna quēne. Tire ĩagajanocōari, buto sutiritirāne tudijedicoasujarā ĩna.

Jesúre ĩna yujere queti

(Mt 27.57-61; Mr 15.42-47; Jn 19.38-42)

^u 23:30 “ ‘Rojose ĩna yise suorine rojose ĩna tāmurotire tuoĭamecurā, gātayucuri, burori, yuare tooya’, yiruarāma’ yaja Ap 6.16-17. To bajiboarine Lc 23.30 gaje vāme yiruarō yaja”, yiyujarā Dios ocare buerēto burimasa sĭgūri.

⁵⁰ Arimatea macagu, José vāme cutigu ñañuju. Jud'io masa ɰjarā rācagu, masa ña ñarācubwogu, quēnaro yigu ñañuju ī. To bajicōari, Diore quēnaro ajirācubwogu, ī rotimāsire quēnaro cudigu ñañuju. ⁵¹ ɰjarā Jesúre ña sīaruasere bojabesuju ñuama. “Rotimorūgōrūcūmī” yigu, Dios ī cōar'i ñaami”, Jesúre yitōiagū ñañuju. ⁵² Jesús ruɰjire āmiru, Pilatore sēnigū vasuju ī. ⁵³ Īre sēnicōari, Jesús ruɰjire āmiruɰiocōari, sudiɰāiri botirijāiri rāca Īre gūmañuju. To yigajanocōari, masa yujerīavi gūtavi ña quēnorīaviɰ ī ruɰjire cūñuju. Gājerāre yujeiāña manivī ñañuju ti vī. ⁵⁴ Tirūmūama jud'io masa ña usūsājariarūmu rījoroagarūmu rāiorotirūmu rījoroaca ñañuju.^V

⁵⁵ Jesúrācana rōmiri, Galilea sitana vadimasiriarā rōmiri Jesúre Īre yujeroanare ĩasuyayujarā ña. Īnare suya, eja, ña yujerivire ĩacōari, Jesús ruɰjire ña cūrore ĩañujarā ña. ⁵⁶ ĩagajanocōari, tudicoasujarā. Tudiejacōari, ña ñarivivī sutiquēnasere rijariarā rāca cūre quēnoñujarā ña. To yigajanocōari, usūsājariarūmu ti ejaro, Dios ī rotimasiriarore bajiro usūsājañujarā ña.

24

Jesús ī tudicature queti

(Mt 28.1-10; Mr 16.1-8; Jn 20.1-10)

¹ Gaje semana ña moasnoriarūmu ti busumujado Jesús ruɰjire ña yujerīavire ĩarā vasujarā rōmia, sutiquēnase ña quēnore, “Tuto mani” yirā. ² Ejacōari, ña ĩajama, gūta tūnuobibeboaria mañuju. ³ To bajiri ti vī sājacōari, ĩaboayujarā ña. Ī ruɰjiri mañuju. ⁴ To bajiro ti bajiro ĩacōari, “¿No bajiro bajiyujari ti?” ña yitōiarone, ña ture āngel mesa juarā ruyuarūgōcōañujarā ña. Buto yaase sudi sāñarā ñañujarā ña. ⁵ To bajiro ña bajirone, buto gūirāne, gūsumuniari tuetucōari, mureacūcoasujarā ña. To ña bajirone, ado bajiro ĩnare gotiyujarā ña, āngel mesa:

—¿No yirā rijariarā yujeriaroɰ Jesúre macati mua? ⁶ Maami adoremā. Īre caticoami. Mua rāca Galileaju ñagū, ado bajiro muare ī goticature tōiāña mua: ⁷ “Dios ī roticōacacu, rojorāre ĩsicorucuja yu. Yure jajutu sīaruarāma ña. To bajiboarine yure ña sīaro bero, idiarūmu tūsatirūmāne quēna tudicaticoarucuja yu”, muare yicami Jesús —ĩnare yigotiyujarā ña āngel mesa.

⁸⁻¹⁰ To bajiro Jesús ĩnare ī gotirere tōiābujacōari, tudicoasujarā ña. Toɰu ñañujarā Jesús buerimasa juāāmo cōro, gūbo, coja jēnituarirācu ñarā, gājerā ī rāca ñarā quēne ñañujarā ña. To bajiri ña tujere tudiejacoasujarā ña, rōmia. Ado bajiro vāme cutirā ñañujarā ña: Mar'ia Magdalena vāme cutigo ñañuju so. Bero Juana, bero gajeo Mar'ia, Santiago jaco ñañuju so. To yicōari, gājerā quēne ñañujarā ña. To bajiri Jesús buerimasa tujē ejacōari, jediro ĩnare bajirere gotiyujarā ña. ¹¹ To bajiro ĩnare ña gotiboaquēne, ĩnare ajitirūnubesujarā Jesús buerimasa. “Mecurā yama ña”, yitōiāñujarā ña.

¹² To bajiboarine, Pedrojuama, ña gotisere ajicōari, ũmacoasuju ī. Ũma vaejacōari, sojeju mubiar'i, ĩsōñuju ī. Jesúre ña gūmaboare rīne ñañuju ti. Tire ĩacōari, “¿No bajiro bajicōari, bajiyujari ti?” yitōiarejaigune, tudicoasuju ī.

Emaús vāme cuti macaju vanare Jesús ĩnare ī ruyuañore queti

(Mr 16.12-13)

¹³ Tirūmūne Jesúrāca ñariarā juarā vasujarā ña, Emaús vāme cuti macaju vana. Jerusalēnju ñacōari, Emaús vāme cuti macajure varia maa, once kilōmetros ñañuju ti. ¹⁴ To vanane, Jesús ī bajirocarere gāmerā queti gotivasujarā ña. ¹⁵ To bajiro ña yi vatone, ĩnare ēmañuju Jesús. ¹⁶ ĩnare ī ēmubojaquēne, “Jesúne ñaami”, yimasibesujarā, Dios, ĩre ña ĩamasiborotire ĩnare ī masiriocōajare. ¹⁷ To bajiri ī rāca vacōa ñañujarā ña. To bajivacune,

—¿Nie ũni quetire gāmerā gotiati mua? —Jesús ĩnare ī yisēñiarone, sutiritirāne, tujarūgūñujarā ña.

¹⁸ To bajicōari, sīgū, Cleofas vāme cutigu ado bajiro Jesúre sēñiñañuju ī:

—¿Mūma Jerusalēnjure vacudigu ñaboarine, adirūmuri bajiñasere masibeati mu? —Jesúre ĩre yisēñiñañuju ī.

¹⁹ To bajiro ī yisere ajicōari, ado bajiro ĩre yiyuju Jesús:

—¿No bajiro bajise ũnire yigu yati mu? —ĩnare yisēñiñañuju ī.

To bajiro ī yisere ajicōari, ado bajiro Jesúre ĩre cudiyujarā ña:

—Jesús, Nazaret macagure ña yimasisere yaja yua. ĩma, Diore gotirētobosagu ñari, quēnaro masare gotimasiocōari, ĩalañamanire yīlogū ī ñajare, Dios, to yicōari masa jediro, “Quēnagū ñaami”, ña yīlagū ñaboami. ²⁰ To bajiro yigu ī ñaboajaquēne, paia ɰjarā, mani ɰjarā

^V 23:54 “Usūsājariarūmure yirā, ña moatusariarūmu rāioato bero ñasuoaja”, yirūgūñujarā judío masa. To bajiri, quēnoveo jeocōarūgūñujarā ña usūsājarotirūmu ejaroto rījoro, tirūmūne “Moamenane usūsājacōa ñarāsa” yirā ñari.

rāca ĩre śīaroticōamasifūma ĩna. Yucātēroju ĩre jajusīarotimasifūma. ²¹ “Īma, Israel sitanare, quēnaro yua ĩnarotire yiejarēmorocu ñagūmi”, yitūoīamasiboabu yua. ĩre ĩna śīamasirirūma rāca mani cōīajama, idiarūma tūsatirūma ñaja. ²²⁻²⁴ “Ī rujirire bujabeju yua”, yima. “To yua ĩañarone, yuare ruyuaīoma ángel mesa. Yuare ruyuaīocōari, ‘Ĵere tudicaticoami Jesús’”, ĩnare yigotiyujarā ĩna. “To bajiro yima” ĩna yigotisere ajicōari, no yimasibetiboana, yua rāca ñarā, sigūri ĩarā vasuma ĩna. Toju vaejacōari, rōmia ĩna gotiriarore bajirone Jesús rujari ti manore ĩañujarā ĩna quēne —Jesúre yigotiyujarā ĩna, Emaús vāme cuti macaju vana.

²⁵ To bajiro ĩna yisere ajicōari, ado bajiro ĩnare yiyuju Jesús:

—Tūoīamasimenare bajiro bajiaja mua. Diore gotirētobosarimasa ñamasiriarā “Rotimūorūgōrucūmi” yigu, Dios ĩ cōarocu ĩ bajirotire ĩna ucamasire ti ñaboajaquēne, “Riojo gotiriarāma”, yitūoīabeaja mua maji. ²⁶ “ ‘Rotimūorūgōrucūmi’ yigu, Dios ĩ cōarocu, ĩ rotioto rījoro, rojose tāmūorucūmi”, yiucomasiñuma ĩna jediro —Īnare yiyuju Jesús.

²⁷ To yigajanocōari, “Rotimūorūgōrucūmi” yigu, Dios ĩ cōarocu ĩ bajirotire Moisés ĩ ucamasire, gājerā ñajediro Diore gotirētobosamasiriarā ĩna ucamasirere quēne ĩnare gotirētobuyuju ĩ.

²⁸ To bajiro ĩnare goti vacu rīne, ĩna vati macare ejacōari, ĩna tujaro ũnone Jesúuama, rētoarocure bajiro bajiyuju. ²⁹ To ĩ bajiboajaquēne, ĩre rētoarotibesujarā ĩna.

—Vabesa mua. Adone yua rāca tujaya. Rāioato bajiaja —Īre yiyujarā.

To bajiro ĩre ĩna yijare, ĩna ya viju ĩna rāca sājasuju ĩ. ³⁰ ĩna sājaejacōari bero, ĩna rāca baru-jigune, pan āmicōari, “Quēnaja”, Diore yigotiyuju Jesús. To yigotianocōari, panre mutocōari, ĩnare ĩsibatoyuju ĩ. ³¹ To ĩ yirone, ĩre ĩna ĩamasiroti cōañuju Dios. ĩre ĩna ĩamasirirīmarone, yayicōa tujasuju Jesús. ³² To ĩ bajirone, ado bajiro gāmerā yiyujarā ĩna:

—Manire ēmucōari, quēnaro ĩ gotirūtu vadisere ajivariquēnamu mani. To bajiri, “Jesúne ñaami”, yīāmasiroti ñaboabu ti —gāmerā yiyujarā ĩna.

³³ To yīñarāne, Jerusalēnju tudicoasujarā ĩna, Jesús buerimasa, juaāmo cōro, gūbo coja jēnituarirācu ñarā, to yicōari gājerā ĩna rācana quēne ĩna ñaroju. ³⁴ To bajiri, ĩna tudiejarō ĩacōari, ado bajiro ĩnare gotiyujarā ĩna:

—Mani ũju tudicaticoasumi. Pedrore ruyuaīoñuju ĩ —Īnare yigotiyujarā ĩna.

³⁵ To bajiro ĩna yigotigajanorone, Jesúrāca ĩna vare quetire, to yicōari, panre mutocōari, ĩnare ĩsibatorone, ĩre ĩna ĩamasire ĩnare gotiyujarā ĩna, Emaús maca variarāja.

Ī buerā vatoajure Jesús ĩ ruyuaīore queti
(Mt 28.16-20; Mr 16.14-18; Jn 20.19-23)

³⁶ To bajiro ĩna gotiñarone, ĩna vatoaju ruyuarūgūñuju Jesús. Ruyuarūgūcōari,

—ĴNati mua? Quēnaro ñaña mua —Īnare yiyuju ĩ.

³⁷ To bajiro ĩ yiejaro, ĩre ĩaucacōari, buto gūiyujarā ĩna. “ĴBajirocar'i vāti ñaami!”, yitūoīagūiyujarā ĩna. ³⁸ To ĩna yigūisere ĩacōari, ado bajiro ĩnare yiyuju Jesús:

—ĴNo yirā yare ĩaucati? ĴNo bajiro yirā, “Jesús me ñaami”, yitūoīati mua? ³⁹ Yune ñaja. Yū āmorire, yū gūborire, ĩna jajumasise godore ĩāsaque mua. Yure moaīña mua. Bajirocar'i vātima, gōa maami. Ri'i maami. Yuma ri'i cutijedicōaja yū. ĩaña mua —Īnare yiyuju Jesús.

⁴⁰ To bajiro ĩnare yigotigajanocōari, ĩ āmorire, ĩ gūborire quēne ĩnare ĩoñuju ĩ. ⁴¹ To bajiro ĩnare ĩyiboajaquēne, “Īne ĩ ñajama, quēnamasucōaboroja”, ĩre yitūoīacōa ñañujarā ĩna maji. To bajiro ĩre ĩna yitūoīacōa ñajare, ado bajiro ĩnare yiyuju ĩ:

—ĴBare cūoati mua? —Īnare yisēniñuju ĩ.

⁴² To bajiro ĩ yijare, vai sesoriajuria ĩre ĩsīñujarā ĩna. ⁴³ ĩre ĩna ĩsirone, ĩna ĩaro rījorojua bayuju ĩ. ⁴⁴ Tire bagajanocōari, ado bajiro ĩnare gotiyuju:

—Yū bajirocaroto rījorojua yū bajirotire mūare goticaju yū. Moisés ĩ ucamasire, to yicōari, Diore gotirētobosarimasa ñamasiriarā Salmo ĩna ucamasire quēne yū bajirotirene yimasifūma —Īnare yigotiyuju Jesús.

⁴⁵ To bajiro ĩnare yigoticōari, Dios oca masa ĩna ucamasirere ĩna ajimasiroti ĩnare ũjoyuju ĩ. ⁴⁶ To yigajanocōari, ado bajiro ĩnare gotimasioñuju ĩ:

—Ado bajiro yū bajirotire gotiaja Dios oca masa ĩna ucamasire: “ ‘Rotimūorūgōrucūmi’ yigu, Dios ĩ cōarocu bajirocacoarucūmi. Bajirocaboarine, ĩ bajirocaro bero, idiarūmu tūsatirūmune tudicatioarucūmi. ⁴⁷ ĩ tudicatiro bero, Jerusalēn macanare gotimasioruarāma. ĩnare ĩna gotimasioro bero, adi macarūcuro ñarā jedirore ado bajiro gotimasioruarāma: ‘Rojose mua yisere tūoīasatiriticōari, yitujaya mua. To bajiro mua yijama, rojose mua yise vaja mūare Cristo ĩ vaja yibosare ñajare, rojose mua yisere masirio variquēnarucūmi Dios’ yigotimasioruarāma”, yigotiaja ti, Dios oca masa ĩna ucamasire. ⁴⁸ Mūama, to bajiro yū bajisere ĩarā ñari, “Riojone ñaja. To bajirone bajicaju”, gājerāre yigotimasiruarāja mua. ⁴⁹ Dios ĩ yicatore bajirone mua rāca ñarocure Esp'iritu Santore mūare cōarucuja yū. To bajiri, adi macane Jerusalēne yūñaruarāja mua maji. Esp'iritu

Santo ruĵieĵacĉari, Dios ĵ masisere muare uĵorucami. To bajiro ĵ yiro bero, yu ocare goticudirā varuarāja mu —Ĵnare yigotiyuju Jesús.

Dios ĵ ĵnaroju Jesús ĵ mujare queti
(Mr 16.19-20)

⁵⁰ To bajiro Ĵnare ĵ yiro bero, Betania vāme cuti maca tuju ĵ buerimasare ūmato vasuju ĵ. Toju eĵacĉari, ĵ āmori ĵumuri,

—Quēnaro muare yato Dios —yiyuju ĵ.

⁵¹ To bajiro Ĵnare ĵ yĵnarone, ĵ ĵnaroju Ĵre āmimujacoasuju Dios. ⁵² Dios Ĵre ĵ āmimujatone, muqueacĉari, Jesúre rucuboyujarā Ĵna. To yigajanocĉari, Jerusalénju quēnaro variquēnarā tudicoasujarā Ĵna yuja. ⁵³ Tudieĵacĉari, tocārācarūmuri Diore yirucuboriaviju sājacĉari, “Quēnaro yaja mu”, Ĵre yivariquēnarūgūĵujarā Ĵna.

To cōro ĵaja.

Evangelio según SAN JUAN

¹ Dios macu Jesucristo suorine Diore masiama masa. Rëmojune jëre ñie manojurene ñacõamasifuju Jesús, i jacu rãcane. Jesune, Dios ñacõadimasifuju. ² Macarucuro, õ vecayere quëne, tire Dios i rujeoroto rïjoroju jëre i rãcane ñacõamasifuju i macu. ³ Macarucurore, õ vecayere quëne ñajediro i macu suorine tire rujeomasifuju Dios. I macu i manone Dios i rujeoroti maniboriaroja. ⁴ Mani rijato berojuma, “Tudirijabeticõato” yigu, Dios i catisere ñisigũ, ñacõadimasifuju Dios macu. I jacu i catisere i macu i ñisise suorine Diorãca quënarõ ñaama masa, ñe masirã yuja. ⁵ Diore ajimenajuama, rojose yirã ñari, “Riojo ñamasusere masiaja yuama”, yitõiaõoarãma. To bajiro yirã ñaboarine, “Diorãca quënarõ ñato” yigu, Jesucristo i ñisere masa jediro ña ajibetirotire yirã, yimasimenama Diore ajiterã.

⁶⁻⁷ Sīgũ ñacami Juan vãme cutigu. Masare, “Rojose yiruabeaja yua. I suorine Diorãca quënarõ ñaja yua” yirãre oco rãca ñare bautizagu ñacami. Ñe goti rïjoro cutirotiyumi Dios, i macu i bajiroti quetire. I bajiroti quetire ajicõari, “To bajiro masu bajigu ñagũmi” i macure masa jediro ña yitõiarotire bojagu ñari, to bajiro ñe goti rïjoro cutirotiyumi Dios. ⁸⁻⁹ Riojo ñamasuse Juan i gotimasiocatima i masune tõiãquënocõari, i goticati me ñacaju ti. Dios macu adi macarucurojore ejacacu yejua ñacaju ti, riojo ñamasuse Juan i gotimasiocati. “Rojose mani tãmuoborotire manire yirëtobosarocu ñaami” Dios macure masa ña yitõiarotire yigu, ñe goti rïjoro cutirimasu ñacami Juanma.

¹⁰ Jesũma, adi macarucurojore manire bajiro ruju cuticõari i ruyaroto rïjorojune jëre ñacõañuju i. I suorine adi macarucurore Dios i rujeomasire ti ñaboajaquëne, ñe ñacõari, “Ñni, Dios macu ñaami”, ñe yimasibeticama ña, adi macarucuroana masa. ¹¹ Jud'io masa, “Yu rĩa ñaja mua” Dios i yigoticũboariarã tuju manire bajiro ruju cuticõari, ña rãca i ñarũgũboajaquëne, ñe ñatecamã ña. ¹² Ñe ña ñateboajaquëne, sīgũri ñe yua ajitirãnjare, “Yu rĩa ñaja mua”, yuare yĩiañumi Dios. ¹³ “Jud'io masa ñari, Dios rĩa ñaja yua”, yimasĩña manojã. Gãjerã masa quëne, to bajiro yimasibeama. To yicõari, “Mani masune mani tõiãse suorine Dios rĩa ñaja mani”, yimasĩña manojã. Ado bajirojua bajiaja: “Yu rĩa ñaja mua” i yĩiamajare, i rĩa ñacoaju”, yirejua ñaja.

¹⁴ Dios macu manire bajiro ruju cuticõari, yua rãca bajĩnarũgũcami. Yuare ñamaicõari, quënarõ yirũgũcami. To yicõari, Dios yere gotigu, riojo gotimasiørũgũcami. “I ñacami Dios macu. Sīgũne ñagũ, i jacure bajiro ñamasugũ ñacami”, ñe yimasiaja yua, ñe ñacana. ¹⁵ Ñene goticami Juan vãme cutigu, masare oco rãca bautizarimasu. Jesús i ejarone, ado bajiro masare goticami:

—Ñine ñaami muare yu goti rïjoro cutiguma. I bajirotire gotigu, ado bajiro muare yigotiadicaju yu: “Yu bero sīgũ ejarucami. Yu rïjorojune jëre ñacõañumi. To bajigu i ñajare, yu rëtoro ñamasugũ ñaami ña” muare yigotiadicaju yu —yicami Juan, Jesús i bajirotire gotigu.

¹⁶ Masare maimasucõagũ ñari, mani ñajedirore quënarõ manire yirũgũami Dios macu. ¹⁷ Moisés ñamasir'i suorine masare Dios i rotimasirere masire ñaja. Jesucristo suorine Dios manire i maisejuarema masire ñaja. I ocare quëne, riojo ñamasusere, Jesucristo suorine tire masire ñaja. ¹⁸ Nijuañe Diore ñe ñagũ magũmi. To bajiboarine i macu sīgũne ñagũ, i jacu rãcagu ñari, i jacure bajirone tõiãgũ ñari, i jacu i bajisere riojo manire gotimasiocami.

Juan vãme cutigu, masare oco rãca bautizarimasu, Jesucristore i goti rïjoro cutibosare queti (Mt 3.11-12; Mr 1.7-8; Lc 3.15-17)

¹⁹ To bajiri paiare, ñare ejarëmorãre quëne cõañuma ña ujarã, Jerusalén macana. “¿Ñinu ñati mu?” masare oco rãca bautizagure Juanre ñe yisëñĩama” yirã, ñare cõañuma. ²⁰ To bajiro ñe ña yisëñĩasere ajicõari, ado bajiro ñare yicudicami Juan:

—Yuma, masa rojose ña tãmuoborotire ñare yirëtobosacõari, “Rotimuorãgõrucami” yigu, Dios i cõagũ me ñaja yu —ñare yicami Juan.

²¹ To bajiro i yirone, ñe sënĩãquënocama ña:

—¿Ñinu õgũjua ñatique mu, to yijama? ¿El'ias, Diore gotirëtobosamasir'i, gãme tudicaticõari, bajiatique mu? —Ñe yisëñĩacama.

—I me ñaja yu —yicõacami quëna.

To bajiro i yirone, ñe sënĩãcama quëna:

—¿Mune ñatique Diore ñe gotirëtobosarimasu, “Ejarucami” ña yigu? —Juanre yisëñĩacama.

—I me ñaja yu —yicõacami quëna.

²² To bajiro i yise ñajare:

—¿Ñimu ũgũjua ñati mu? —İre yicama İna. —Yũare sēniīaroticōārāre, “İ ñaami”, İnare yigotirũajaja yua. ¿Ñimu ũgũ ñaja yu, yatique mu, mu masune mu yijama? —İre yisēniīacama quēna, Juanre, masare oco rāca bautizagare.

²³ To bajiro İna yisere ajicōari, ado bajiro İnare yicadicami:

—Yũne ñaja, yucũ manojũ masare gotimasiodirũgũgũma. Ado bajiro yigotirũgũajaja yu: “Mani uju ejarucumi. To bajiri rojose mua yisere yitujacōari quēnasejuare tuoīavasoaya, İre yurā”, yirũgũajaja yu. To bajiro yu yigotirotire jēre tirũmũjune, “To bajiro yirucumi İ”, yiuca rĩjoro cuticōamasifũmi Diore İre gotirētobosarimasu, Isa’ias ñamasir’i —yicadicami Juan, İre sēniīarāre.

²⁴ Fariseo masa İna cōariarā ñacama İna, Juanre sēniīacana. ²⁵ Quēna İre sēniīacama İna:

—To bajise yigu ñaboarine, Cristo me ñaboarine, El’ias ñamasir’i me ñaboarine, Diore gotirētobosarimasu “Ejarucumi” İna yigu me ñaboarine, ¿no yigu oco rāca masare bautizatique mu? —Juanre yisēniīacama.

²⁶ To bajiro İna yisere ajicōari ado bajiro İnare yicadicami:

—Yũma, masa rojose İna yisere yitujacōari, Dios İ bojasejuare yirāre oco rāca İnare bautizagu ñaja yu. To bajiboarine mani ñarigodoju jēre ñagũmi, “To ñagũmi” mua yimasibecu.

²⁷ Yu bero masare gotigu ñaboarine, yu rētoro ñamasugũ ñagũmi İma. Ñamasurā rĩne İre yibosamasiamu, ñamasugũ masu İ ñajare —İnare yicadicami Juan.

²⁸ To bajiri, adi ñajediro bajicaju Betania vāme cuti macaju. Ti maca ñacaju Juan, masare oco rāca İ bautizacatiya Jordān vāme cutirisa gajejacatuaju.

²⁹ Gajerũmu, yua tũju Jesũs İ vadone İre İacami Juan vāme cutigu, masare oco rāca bautizarimasu. İre İacōari ado bajiro masare yigoticami:

—İaña mua yuja. İne ñaami Dios yu, oveja macure bajiro masare rijabosarocu. No bojarāre “Rojose yu yise vaja yare rijabosayumi” İre yironare rojose İna yise vaja İnare rijabosarocu. ³⁰ İ yirotirene goti rĩjoro cutigu ado bajiro muare yigoticaju yu: “Masa İna İaro rĩjorojua yu gotimasioro bero gotimasiorucumi gāji” muare yicaju yu. “Yu rĩjorojune jēre ñacoayumi İma. To bajiri yu rētoro ñamasugũ ñaami” muare yicaju yu. ³¹ Yu quēne, “İ ñagũmi” yimasibeticaju yu maji. To bajiboarine, “İne ñagũmi ‘Rotimũorũgōrucumi’ yigu, Dios İ cōar’i” mani yīamasiorotire bojagu ñari, oco rāca masare bautizadicaju yu —yuare yicami Juan.

³²⁻³⁴ Quēna gajeje ado bajiro yuare yigoticami:

—İre İboarine, “İne ñagũmi ‘Rotimũorũgōrucumi’ yigu, Dios İ cōar’i”, yimasibeticaju yu maji. To bajiboarine Dios ado bajiro yare yi ocaruyucami İ, “Masare oco rāca bautizarucuju mu” yare yi ocaruyucōari: “Yu cōagũ, Esp’iritu Santo, bujare bajigu rujiadicōari, İ joere rocajeorucumi. İne ñarucumi, ‘Rojose İna yisere quēnaro masicōari, tuoīavasoatĩmato İna’ yigu, Esp’iritu Santore cōarocu”, yare yi ocaruyucami Dios. To bajiro yare İ yicatore bajirone İamu yu yuja. To bajiri, “Dios macu ñaami”, yimasiaja yu yuja —yigoticami Juan, yuare gotigu.

Jesũre İre ajisũyashoriarā queti

³⁵ Gajerũmu oco rāca masare İ bautizacatoju ñacami Juan quēna. İ rāca ñacaju yua, juarā, İ buerā. ³⁶ To yua ñaro, Jesũs İ rētoato İre İacōari, ado bajiro yuare goticami Juan:

—İaña. İne ñaami Dios yu, oveja macure bajiro masare rijabosarocu —yuare yicami Juan.

³⁷ To bajiro Juan İ yisere ajicōari, Jesũre İre sũyacaju yua yuja. ³⁸ To İre yua sũyatone, judarũgũ İacōari,

—¿Ñiere bojarā bajiatu mua? —yuare yisēniīacami.

To bajiro İ yisēniīarone:

—Gotimasiorimasu, ¿noju ñari mu ñaro? —İre yisēniīacaju yua.

³⁹ To bajiro İre yua yirone,

—İarā vayā —yuare yicadicami.

To bajiro İ yijare, İre sũyaejacoacaju yua, İ ñaroyure. Muiju İ rocasāroto rĩjoro ejacaju yua, tojure. To bajiri İ rāca bajiña, tojune cānicoacaju yua yuja.

⁴⁰ Juan vāme cutigu, masare oco rāca bautizarimasu İ gotisere ajicōari, yu rāca Jesũre İre sũyacacu ñacami Andrés. Simōn Pedro vāme cutigu bedi ñacami. ⁴¹ Jesũre İre İamasicōari, guaro İ gagu Simōnre İre jigu vacoacami. İre bujacōari ado bajiro İre gotiyuju:

—“Rotimũorũgōrucumi” yigu, Dios İ cōagũ, Cristo mani yitũoīayũnarũgũgũre İamu yu yuja —İre yiyuju Andrés.

⁴² To bajiro İre yi, yua cutojua İre jicoayumi Andrés. Simōnre İre İacōari, ado bajiro İre yicami Jesũs:

—Simōn ñaja mu, Jonás macu. To bajiboarine Pedro vāme cutirucuju mu yuja —Simōnre İre yicami Jesũs. (Gũta yire ũni ñaja ti, “Pedro” yire.)

⁴³ Gajerām Galilea vāme cuti sitajware yware ūmato vacami Jesús. To bajiri tojare ejacōari, Felipe vāme cutigure ĩre bajacami yuja. ĩre bajacōari, ado bajiro ĩre yicami Jesús:

—Yā rāca vayā. Yare ajitirānu sayaya mū —ĩre yicami.

⁴⁴ Betsaida vāme cuti macagū ñacami Felipe. Ti macanane ñacama Pedro, ĩ bedi Andrés quēne. ⁴⁵ Jesúre ĩamasicōari, Natanael vāme cutigure ĩre gotigū vacoacami Felipe. ĩre bajacōari, ado bajiro ĩre gotiyuju ĩ:

—“Bajirucami” Moisés ñamasir'i ĩ yuicamasir'ire ĩamū yū yuja. Diore ĩre gotirētohosarimasa quēne, “To bajirucami” ĩna yuicamasir'ire ĩamū yū yuja. ĩ ñaami Nazaret vāme cuti macagū, Jesús vāme cutigū, José vāme cutigū macū —Natanaelre ĩre yigotiyuju ĩ.

⁴⁶ To bajiro ĩ yirone,

—¿ĩma Nazaret vāme cuti macagū ñaboarine, quēnagū ñaguĭda? —Felipere ĩre yisēniñañuju Natanael.

—Vayā. ĩre ĩaĭatoque mani —ĩre yiyuju Felipejūama.

To bajise gāmerā yicōari, yūa tujū vadicoayuma ĩna yuja.

⁴⁷ Natanael ĩ vadore ĩacōari ado bajiro yicami Jesús:

—Ō tusagū, Israel ñamasir'i jānami Dios ĩ bojasere yigū vadiami. Masare yitogū me ñaami —yicami Jesús.

⁴⁸ To bajiro ĩ yirone,

—¿No bajiro yicōari yure ĩmasiati mū? —ĩre yicami Natanael.

To bajiro ĩ yirone,

—Felipe mure ĩ jiroto rĭjorojune higuera vāme cutiū ēñeroca mū ñarojune jēre mure ĩacōamū yū —ĩre yicami Jesús.

⁴⁹ To bajiro ĩ yisere ajicōari:

—Gotimasiorimasū, Dios macū ñaja mū, yware Israel ñamasir'i jānerabatiare rotimorūgōrocū —ĩre yicami Natanael.

⁵⁰ To bajiro ĩ yisere ajicōari ado bajiro ĩre yicadicami Jesús:

—“¿Higuera vāme cutiū ēñeroca mū ñarojune jēre mure ĩacōamū yū” mure yū yiserene ajicōari, “ ‘Rotimorūgōrucami’ yigū, Dios ĩ cōar'i ñaami”, yure yimasiati mū? Adi rētoro ĩaĭañamanire mure yĭlorucja yū —ĩre yicami Jesús.

⁵¹ Gajeye quēna ado bajiro yware yicami Jesús:

—Ñamasusere riojo muare gotiaja yū: Ūmuagasero soje ti jānarone, yū, Dios ĩ roticōacacure, to yicōari, Diore moabosarāre ĩna mujatore, ĩna rujiadore quēne ĩaruarāja mūa —yware yicami Jesús.

2

Caná vāme cuti maca ĩna āmosiare queti

¹ Juarāmū bero, Galilea sita Caná vāme cuti macajure sĭgū ĩ manajo cutirāmū boserāmū ñasuoajū ti. Jesús jaco quēne ñacamo so, tojare. ² Jesúre, to yicōari, yūa ĩ buerāre quēne, yware jicama ĩna. To bajiro ĩna yicana ñari, yūa quēne Jesurāca ñacaju tojare. ³ Yūa idiñaro rĭne uye oco jedicoajū. To ti bajirone, ado bajiro Jesúre yicamo ĩ jaco:

—Uye oco jedicoajū yuja —ĩre yicamo.

⁴ To so yirone,

—¿Caco, no yigo tire yure gotiati mū? Maji, ĩaĭañamani Dios ĩ masise rāca yū yĭloroti ejabeaja maji —sore yicami Jesús.

⁵ To bajiro ĩ yisere ajicōari ado bajiro ĩnare yicamo so, uye oco iorimasare:

—ĩrotiire bajiro yiya —ĩnare yicamo so.

⁶ Tore ñacaju oco varia sotari, gūtane ĩna vearia sotari. Cojomo cōro, coja jēnituario ñari sotari ñacaju ti. “Ado bajiro mani yijare, ‘Rojose mana ñaja mūa’ manire yĭlaami Dios” yirā ĩna coeri sotari, oco sotari ñacaju ti. Ti sotari cincuenta, to yicōari, setenta litros cōro juari sotari ñacaju. ⁷ To bajiri ado bajiro uye oco iorimasare ĩnare yicami Jesús:

—Oco jiojūmoña adi sotarire —ĩnare yicami.

To bajiro ĩ yisere ajicōari, ti sotari ñaro cōrone jiojūmoçama ĩna. ⁸ ĩna jiojūmoçaganoro ĩacōari, ado bajiro ĩnare yicami Jesús:

—Boserāmū ūmato yirimasare mojoroaca vaāmi vati, ĩre ioaya —ĩnare yicami Jesús.

ĩnare ĩ yirotiore bajirone iocama ĩna. ⁹ Tire ĩ idiroto rĭjorojune oco jēre uye oco godovedi-coasuja ti, ti sotū ñaro cōrone. “Toaye uye oco ñaroja”, yimasibeticami. Tire iorimasa rĭne masicama ĩna. Tire idicōari, mame manajo cutirocure jicami boserāmū ūmato yirimasū. ¹⁰ ĩ ejarone, ado bajiro ĩre yicami:

—Găjerăma, îna boserămu yisuo vajama, quēnasejuare iosuocama. Jairo masa îna idiro beroju, quēnabetibusare iocama îna yuja. Muma quēnasejuare ruayuja mu, yuchaca îna ioserema —îre yicami boserămu ūmato yirinasu.

¹¹ To bajiro Jesús î yicati, îaîaîamanire Dios î masise răca î yîiosuocati îacaju ti Galilea sita, Caná vâme cuti macajure. Îaîaîamanire î yîiojama, “ ‘Rotimorăgôrăcumi’ yigu, Dios î cōacacu îaja yu” yigu yîiosuocami. To bajiro î yîiosere îacōari, butobusa îre ajitirănucaju yua, î bueră.

¹² Boserămu ti jediro bero, Capernaum vâme cuti macaju ūmato vacami Jesús. Î jaco, î bederă, to yicōari yua î bueră quēne, î răca vacaju yua. Yoarobusa îacaju yua, ti macajure.

Diore yirăcubuoriaviju îacōari, gajeyeŭni îsiriavire bajiro îna yîîajare, Jesús înae î tud’iăgōbure queti

(Mt 21.12-13; Mr 11.15-18; Lc 19.45-46)

¹³ Yua jud’io masa Pascua boserămu yua yirotirămuri cōîaro Jerusalénju ejacaju yua, Jesurăca. ¹⁴ Toju Diore yirăcubuoriaviju ta vecua îsirimasa, oveja îsirimasa, buja îsirimasa quēne îacama. Găjeră ye răca găjoa vasoarimasa quēne îna rujiri cūmuroriju rujicama îna. ¹⁵ To bajiro îna yîîasere îacōari bajeriamare quēnocami Jesús. To bajiro yicōari îna yară ta vecuare, ovejare Diore yirăcubuoriaviju înară înae bajeăgōbucami. Găjoa vasoarimasa ye găjoatiirire varebatereacōacami. To yicōari îna găjoa jeorijaurire tucaguereacami. ¹⁶ To yicōari, buja îsirimasa ade bajiro yicami yuja:

—Ănoa mua îsironare juabudi vasa mua. Yu jacu ya vire gajeyeŭni îsiriavi godoveobesa mua —înae yicami Jesús.

¹⁷ To bajiro î yisere ajicōari, Dios oca masa îna ucamasirere ade bajiro tuoîabujacaju yua, î bueră: “Mu ya vire quēnaro îna yirăcubuobetijare, înae îajînisinirăcuja yu. To bajiro yu yise îajare yure sîarocarurăma îna”, yirere tuoîabujacaju yua.

¹⁸ To î yirone, to îacana jud’io masa Jesure îre sēniîacama:

—“Dios î masise răca yigu yaja yu” mu yijama, ħno bajiro yuare yîîoguada mu? —îre yisēniîacama îna, Jesure.

¹⁹ To bajiro îna yisere ajicōari ade bajiro înae yicudicami Jesús:

—Adi vi Diore yirăcubuoriavire mua caguerocacōajama, idiarămu tusatirămune quēna ti vire buajeocōarucuja yu —înae yicami.

²⁰ To bajiro î yisere ajicōari,

—Cuarenta y seis îaricūmari josayujară îna, adi vire buaînară. ħMuma, “Idiarămu berone quēna buajeocōarucuja”, yiboati mu? —Jesure îre yicama îna.

²¹ Jesús to bajiro Diore yirăcubuoriavire î yijama, î masu ruĳurene yigu yicōaîumi. ²² Î bajirocaro bero găme î tudiciatio, “To bajiro bajirăaroja” î yigotitire tuoîabujacaju yua, î buecana. Tire tuoîabujacōari, Dios ocare masa îna ucamasirere, Jesús î gotitire quēne ajitirănucaju yua.

“Masa jediro îna tuoîasere îamasigū înaami Jesús”, yire queti

²³ Jerusalénju Pascua boserămu îna yîîaro, quēna gajeye îaîaîamanire masare yîîocami Jesús. To bajiro î yîiojare, “ ‘Rotimorăgôrăcumi’ yigu, Dios î cōar’i mani ūju înaami”, îre yiajitiirănucaju jăjară masa. ²⁴⁻²⁵ Jesujuama to bajiro îna yiajitiirănuasere îamasicōari, “Socară mene yama”, yibeticōacami, masa jediro îna tuoîasere îamasigū îari.

3

Jesús, Nicodemo răca î îăgōre queti

¹ Sigū fariseo masu, Nicodemo vâme cutigu îacami. Jud’io masa vatoajure îamasugū îacami î. ² Nămiju Jesure îre îăgū ejayuju. Î tujare ejacōari, ade bajiro Jesure îre yiyuju:

—Gotimasiorimasa, “Mure cūîumi Dios, ‘Masare gotimasioato’ yigu”, mure yimasiaja yua. Sigū mu yirore bajirone yîîoîamanire yigure îabeticaju. To bajiri, “Diorăca îacōari, yami”, yimasiaja yua —Jesure îre yiyuju.

³ To bajiro î yisere ajicōari, ade bajiro Nicodemore gotiyuju Jesús:

—Riojo mure gotiaja yu. No bojară, quēna găme ruyuamenama, Dios î îarōjare ejamasi-menama —Nicodemore yiyuju Jesús.

⁴ To bajiro î yijare, ade bajiro Jesure sēniîaîuju Nicodemo:

—ħNo bajiro bucu înacoboarine, quēna găme tudiruyuacoare înarōari? ħQuēna î jacore săjacoacujarique î, quēna găme tudiruyuru? —Jesure îre yiyuju Nicodemo.

⁵⁻⁶ To bajiro î yisere ajicōari, ade bajiro îre cadiyuju Jesús:

—“Quēna găme ruyuaroti îaja” yu yijama, masa suorine găme ruyuarotire yigu me yaja. “Quēna găme ruyuaroti îaja” yu yijama, “ ‘Dios î cōăgū, Esp’iritu Santo î ejarēmose răca Diorăca quēnaro îacōari, î bojarore bajiro yiră îato’ yigu, î yirotire sēniroti îaja”, yigujua

yaja. “Dios i bojabeti yiruabeaja yu. I suorine i rāca quēnaro ñaja yu” yirā, oco rāca bautizarotirirā, to yicōari, Esp’iritu Santo i ejarēmose rāca Diorāca quēnaro ñarā, ina rīne ñarāma Dios i ñarojore ejacōari, i rāca ñamuorūgōrona. ⁷ “Dios i cōagū, Esp’iritu Santo i ejarēmose rāca Diorāca quēnaro ñarā, ina rīne Dios i ñarojore ejacōari, i rāca ñamuorūgōrūarāma” mure yu yisere, ajiyamanire bajiro ajimavisabesa mu. ⁸ Mino no ti bojarone vēatucōaroja ti. Mino ti vēatujama, ajiaja mani. To bajiboarine, “Toaye vadoja. Tojuare vatoja”, yimasibeaja mani. Tire bajirone bajigu ñaami Dios i cōagū, Esp’iritu Santo. “Esp’iritu Santo i ejarēmose rāca quēnaro ñacōari, i bojarore bajiro yigu ñato” yigu, gājire i yirotire masibeamas masa — Nicodemore yiyuju Jesús.

⁹ To bajiro i yirone, quēna gāme sēniñaquēnoñuju Nicodemo:

—¿No bajiro bajiroada ti? —Jesúre ire yisēniñaquēnoñuju i.

¹⁰ Ado bajiro ire cadiyuju Jesús:

—¿Israelita masare ñare gotimasiogū ñaboarine, adi quetirema masibea ti? ¹¹ Riojo mure gotiaja yu. Mani ñase, Dios i yiserene, mure gotirūgūaja yu. To bajiboarine yu gotirūgūasere ajicōari, “To bajiro me bajiaja”, yicōarūgūaja mu. ¹² Adi macarucaroayere yu gotisere ajitegu ñari, Dios i bajisere ñabujayamanire yu gotiaquēne, ajiterucuja mu —ire yiyuju Jesús.

¹³ Gajeye quēna ado bajiro ire gotiyuju Jesús:

—Sīgū, Dios i ñarojore mujar’i maami. Yu sīgūne ñaja yu, Dios i ñarojone rujiadicōari, tudi gāme mujarocuma. Dios i roticōacacū ñaja yu Diorācagū. ¹⁴ Tirāmujū Moisés ñamasir’i, yucū manojū ñacudigu yucū joejū ññare bajigu ñagūre cōmene quēnor’ire ire jeomasifñuju, “Ñña cūniecoriarā ire ñamuato ña” yigu. To bajiro i yir’ire ñña cūniecoriarā, ire ñamuorāja, caticoamasifñujarā ña quēna. To bajiro bajiruroja yure quēne, Dios i roticōacacū quēne. Yucātēroja yure jajutucōari, vāmūorūgōrūarāma ña, yu bajirocarotire yirā. ¹⁵ To bajise bajirocū ñari, no bojarā, “Jesucristo i bajirocare suorine yure ñavariquēnacōari quēnaro yirucumi Dios” yituoñarā ña rijato beroju “Tudirijabeticōato” yigu, yu catisere ñare ñisrucuja yu — Nicodemore ire yiyuju Jesús.

Ñajediro masare maigū ñari, i macure Dios i cōare queti

¹⁶ —Ñajediro masare maimasucōagū ñari, i macū sīgūne ñagūre ire cōañumi Dios, “Masare rijabosato” yigu. To bajiro i yire ñajare, “Jesucristo i bajirocare suorine yure ñavariquēnacōari, quēnaro yirucumi Dios” yituoñarāma, ña rijato beroju “Tudirijabeticōato” yigu, Dios i catisere i ñisiriārā ñarāma. ¹⁷ Adi macarucaroanare, “Rojose ña yise vaja rojose ñare yato” yigu me, i macure cōañumi Dios. Ado bajiroja yiyumi. “Mure ajitirūnurona ña rijato beroju, rojose tāmūtujabetiraroja ña vaborotire ñare yirētosarucuja mu” yigu, i macure cōañumi Dios.

¹⁸ “Dios macū ñagūmi” Jesúre yituoñagūre rojose tāmūtujabetirarojore ire cōabetirucumi Dios. Dios macū sīgūne ñagūre, “Dios macū me ñagūmi” ire yigujarema, to bajiro ire i yise vaja rojose tāmūtujabetiraroja ire cōarucumi Dios. ¹⁹ I macure adi macarucarojore ejacacure ire ajitirūnūmenare rojose tāmūtujabetiraroja ñare rearucumi. I macū suorine Diorāca quēnaro ñaama masa, ire masirā. Masajuama rojose yitujaruamena ñarā ñari, quēnasejuare tūoñavasarūamenama ña. To bajiri Dios macure ajitirūnūmenama. To bajiro yirā ña ñajare, ñare rearucumi Dios. ²⁰ Rojose yirā, Dios macure terāma ña. “Masa rijoroja, ‘To bajise rojose yicaju mu’ yure yiromi Jesús” yibojonērā ñari. ²¹ Dios i bojasere quēnasejuare yirāma, Dios macure ajitirūnurāma ña. Yayioroju yirudibeamas ñajuama, “‘Dios ñare i yirēmojare, quēnasejuare yirūgūama’ yimasiatō ña” yirā.

Juan masare oco rāca bautizarimasu, Jesús i ñasere i tudigotire

²² Nicodemore Jesús i gotiro bero, vacoacaju yu, Judea sitaju. Tojore yoarobusa ñacaju yu. Toju masare oco rāca bautiza ñarūgūcaju yu. ²³ Juan, oco rāca bautizarimasu, Salim vāme cuti maca tujū Enón vāme cuti macaju oco rāca masare bautizarūgūñuju i quēne. Tojore riaga jairo ti oco cutijare, ñare bautiza ñarūgūñuju i. Jājarā masa ñare bautizarotirā ejarūgūñujarā ña, tojore. ²⁴ Ado bajiro yitamasifñuju Juan, tubiberiaviju i tubibe ecoroto rijoro: ²⁵ Oco rāca masare Juan i bautiza ñarone, gāji jud’io masu, Juan buerā tujare ejayuju i. Ejacōari, “To bajiro me bajiaja. Ado bajiroja mani yijare, ‘Rojose mana ñaja mu’ manire yitagūmi Dios” yigu, ña rāca oca josayuju i. ²⁶ I rāca ña oca josariaro bero, Juan tujū ejacōari, ado bajiro ire gotiyujarā i buerā:

—Gotimasiromasu, Jordān vāme cutirisa ijacatūaju mu ñagoticacū, mu yirūgūrore bajirone masare oco rāca ñare bautizarūgūñuju i. To bajiri jājarā masa mani tujare ejaborona, i tujua rīne varūgūrāma ña, ire yigotiyujarā ña —Juanre, masare oco rāca bautizarimasare.

²⁷ To bajiro ña yisere ajicōari, ado bajiro ñare gotiyuju Juan:

—Ñie manane ñaborāma masa, Dios i cōabetijama. Mani bajirūgūse quēne Dios i bojasere bajirone bajirūgūaja ti. ²⁸ “Rotimūorūgōrūcumi” yigu, Dios i cōar’i me ñaja yu. “I ejaroto

rĩjoro, ĩre goti rĩjoro cutiato' yigu, Dios ĩ cõar'i ñaja yu", jẽre mũare yigoticõacaju yu —ĩnare yiyuju Juan, ĩ buerimasare.

²⁹ To yicõari, "Ãmosiagu babare bajiro bajiaja yu" yigu, ado bajiro ĩ buerãre ĩnare gotima-sioñuju Juan:

—Ãmosiariarũmu so manaju ñarocu babare ajisuyaroco me ñagõmo. So manaju ñarocujũare ajisuyaroco ñagõmo. So manajure so ajisuyasere ĩacõari, bũto variquenagũmi ĩ baba. Tire bajirone, "Masa jãjarãre oco rãca bautizarũgũñuju ĩ quẽne" mua yisere ajicõari, bũto variquenaja yu quẽne. ³⁰ Yu rẽtoro ñamasugũ ñaami ĩma. To bajiri, yure ĩna rãcubũoro rẽtoro ĩre ĩna rãcubũosere bojaja yu —ĩ buerãre yiyuju Juan.

"Gãji magũmi Jesũre bajiro bajigu", yire queti

³¹ Dios tũju vadir'i ñaami jediro uju ñamasugũ. Gãji ĩ cõro ñamasugũ magũmi. Adi macarũcũroajure ruyuarĩarã, adi macarũcũroayere ĩarã ñari, tirene gotiaja mani. Dios tũju vadir'ima õ vecayere, to yicõari, adi macarũcũroayere quẽne quẽnaro masigũ ñari, jediro uju ñamasugũ ñaami. ³² ĩma, ĩ ĩarere, ĩ ajirere gotiami ĩ, Dios yere. To bajiboarine ĩ gotisere ajitirũnũbeama masa. ³³ "Jesũs ĩ yirore bajiro bajiroja" ĩre yiajiguma, to bajiro ĩ yiajise suorine "Socagu me ñaami Dios" yigu ñagũmi. ³⁴ Esp'iritu Santore ĩre cõañumi ĩ macure adi macarũcũroajure ĩ cõar'ire, "ĩ tuoĩare bajiro tuoĩamasiato" yigu. To bajiro ĩ yir'i ñari, Dios ocarene goticami Jesũs. ³⁵ Mani jacu Dios, ĩ macure maigũ ñari, "Ñajedirore rotiya mu", ĩre yicũñumi. ³⁶ No bojagu, Dios macure ajitirũnũgũma, Dios ĩ catisere cũogu ñaami. To bajiboarine no bojagu Dios macure ajitirũnũbecũma, Dios ĩ catisere cũobeami. To bajiro ĩ bajijare, rojose ĩ yisere ĩajũnisini tãjabecũne, rojose ĩ yise vaja, rojose ĩre yirũcũmi Dios, rojose tãmuotũjabetiriaroju ĩre rocagu.

4

Jesũs, Samaria sitago oco vago ejagore "Yure ioya", ĩyire queti

¹ To bajiri, "Juan rẽtobusaro masare oco rãca bautizarũgũñuju Jesũjua. To bajiri Juan buerimasa rẽtobusaro ñañujarã Jesũs ĩ buerimasajua" yire quetire ajiyujarã fariseo masa. ² (Quẽnaro masuma, masare oco rãca bautizabetirũgũcũmi Jesũs. Yũajua, ĩ buerimasajua masare oco rãca ĩnare bautizarũgũcũja.) ³ To bajiri, "Jesũs masare oco rãca bautizagu yigũmi" fariseo masa ĩna yitũoĩasere masicõari, Judea sitare ñacana vacoacaju yua Jesũrãca, Galilea sitaju tudiana yuja.

⁴ To vana, Samaria sitare rẽtoroiti ñacaju yuare. ⁵ To bajiri tojure ejacoacaju yua, Sicar vãme cuti macajure. Ti macama Jacob ñamasir'i, ĩ macu Josere ĩ ĩsimasire sita tũju ñacaju ti. ⁶ Tojure ñacaju oco goje, Jacob ñamasir'i ya goje. Bogagu ñari, ti goje tũre ejarũju ejacami Jesũs. Ñũmurecaji cõro muiju tũsacami. ⁷⁻⁸ Yua ĩ buerãjuama gaje macaju bare vaja yirã vacoacaju yua. Tojure Jesũs ĩ rujirone, sigõ Samaria sitago oco vago ejayumo so. So oco vago ejaro ĩacõari, sore oco sẽnĩñuju Jesũs:

—Oco yure ioya —sore yiyuju ĩ.

⁹ Sore ĩ oco sẽnirone, ado bajiro ĩre yiyuju so, Samaria sitago:

—¿No yigu jud'io masu ñaboarine, Samaritana yu ñaboajaquẽne, yure oco sẽnĩati mu? — Jesũre yiyuju so. Samaritano masa, jud'io masa rãca gãmerã terã ñacoayuja yua. To bajiri, to bajiro Jesũre ĩre yiyuju so.

¹⁰ To bajiro so yisere ajicõari:

—Dios ĩ ĩsirotire mu masijama, "ĩ ñaami yure oco sẽnigũ" mu yimasijama, yũjuare oco sẽnĩbogoja mu. Yure mu oco sẽnijama, oco catireayere mũre ioboguja yu —sore yiyuju Jesũs.

¹¹ To bajiro ĩ yijare,

—Ñiene oco vabecũja mu. Ñũmarigoje ñaja adi goje. ¿Nojuayere yure catiorotirema yure oco ioguada mu? ¹² Mani ñicũ Jacob ñamasir'i adi gojere cũmasiñumi ĩ. ĩ quẽne idimasiñuju, adi goje ocore. ĩ rĩa quẽne idiyujarã. ĩ yarã vaibucũrã ecariarã quẽne idiyujarã. Mũma, ¿"ĩ rẽtoro ñamasugũ ñaja yu" yigu yatique mu? —Jesũre ĩre yiyuju so.

¹³ To bajiro so yijare, ado bajiro sore cũdiyuju Jesũs:

—No bojarã adi goje ocore idiboariarã, quẽna gãme oco idiruacõaruarãma. ¹⁴ No bojarã oco catireayere masare yu iorãma, quẽna gãme oco idirũabetiruarãma. ĩnare yu oco iose suorine Diorãca quẽnaro ñacõa ñarũgũrũarãma —sore yigotiyuju Jesũs.

¹⁵ To bajiro ĩ yisere ajicõari:

—Tĩjuare idirũaja yu quẽne, "Quẽna adi gojeayere tudi oco vacõari, idirobe yu" yigo — Jesũre ĩre yiyuju so.

¹⁶ To bajiro so yirone,

—Vasa. Mu manajure ĩre jiaya. ĩre ji, vaba quẽna adoju —sore yiyuju Jesũs.

¹⁷ To bajiro ĩ yijare,

—Manaju magō ñaja yu —yicadiyuju so.

To so yisere ajicōari, ado bajiro sore yiyuju Jesús:

—“Manaju magō ñaja yu” mu yiserema soco me yaja mu. ¹⁸ Cojomocārācaju manajua cutiro ñaja mu. Quēna yucu mu rāca ñagū quēne, mu manaju masu me ñaami. To bajiri, “Manaju magō ñaja yu” mu yiserema soco me yaja mu —sore yiyuju Jesús.

¹⁹ To bajise sore i yisere ajicōari, ado bajiro ñe yiyuju so:

—Diore gotirētobosagu ñaja mu, mure yimasiaja yu —yiyuju so, so bajisere i gotise ñajare.

²⁰ —Mani ñicua, adi buroju ejacōari, vaibucare soemomasinujarā, Diore ñe yirūcubworā. To bajiboarine muama, jud'io masama, “Jerusalēnju rīne yirūgūroti ñaja”, yirūgūaja mua —Jesūre yiyuju so.

²¹ To bajiro so yijare, ado bajiro sore yiyuju Jesús:

—Mure yu gotisere ajitirānuña mu: Cojorāmu adi burore quēne, to yicōari Jerusalēnjure quēne Diore, mani jacure, ñe yirūcubworā vabetiruarāma masa. ²² Muama, Diore quēnaro mua masibecarene rūcubwoaja mua. Yujajama, mua rētoro ñe masiaja yua. Yua, jud'io masa suorine masa rojose ña tāmuborotire ñare yirētobosarucumi Dios. ²³ “Cojorāmu Diore ñe yirūcubworā vabetiruarāma” mure yu yigotiserema yoato mene bajirotirene mure gotiaja yu. Masa, Diore rūcubworā masuma, Esp'iritu Santo i bojarore bajiro tuoīacōari, ñe rūcubwoama ña. To bajiro ñe yirūcubwosere bojaami mani jacu. ²⁴ Iabujayamagū ñaami Dios. To bajiri, masa ñe ña rūcubwoamasucōarujama, socarā mene Esp'iritu Santo i bojarore bajiro tuoīacōari, ñe rūcubworāma —sore yiyuju Jesús.

²⁵ To bajiro i yisere ajicōari ado bajiro yiyuju so:

—“Diore gotirētobosagu ejarucumi, Cristo ña vāme yigu”, yimasiaja yu. Ejacōari, yuare quēnaro gotiquēnojeorucumi —Jesūre yiyuju so.

²⁶ To bajiro so yirone,

—Ñe ñaja yu, mure ñagōgūma —sore yicami Jesús.

²⁷ To bajiro sore i yīnarone, tudiejacaju yua, i buerā. To rōmio rāca i ñagōñajare, no yimasibeticaju yua, tiūnre īabetirūgūriarā ñari. To bajiboarine, “¿Ñe ūnre bojati mu? ¿No yigu so rāca gāmerā ñagōri masu?” ñe yisēniābeticaju yua. ²⁸ Yua tudiejarone oco varia soture āmibecone, so ñariaroju vacoacamo so. So ñariaroju tudiejacōari, ado bajiro masare ñare yigoticudiyuju so:

²⁹ —Jediro yu yiadirere, “Ado bajiro yicaju mu” yuare yigotigure īarā vayā mua quēne. ¿Diore gotirētobosagu, Cristo me ñagū yiguida i? —Ñare yiyuju so.

³⁰ To bajiro so yirere ajicōari, Jesūre īarā, yua tujure vayuma ña. ³¹ Ña ejaroto rījoro ado bajiro Jesūre yiboacaju yua:

—Gotimasiorimasu, baya —ñe yiboacaju yua.

³² To bajiro ñe yua yiboajaguēne, ado bajiro yuare cūdicami Jesús:

—Jēre yurema yu bare ñacōaja mua masibeti —yuare yicōacami.

³³ To bajiro i yirone,

—¿Sīgū ñe bare cūgū ejarida i? —yua masune gāmerā yisēniācaju yua.

³⁴ To bajiro yua gāmerā yīñagōsere ajimasicōari, ado bajiro yuare yicami Jesús:

—Yure cōacaju i bojasere yu yijama, ti moarere yu yigajanojama, tine ñaja yu barere bajiro bajise. Masama bare bavariquēnarūgūama. Yuma yure cōacaju i bojasere bajiro yicōari, variquēnarūgūaja yu. ³⁵ “Babari muijua ruajaja maji, ote ti bucuroti, tire mani juarēoroti”, tocārāca cūmari yirūgūaja mua. Dios ocare masare gotimasiorājuama, ti ūnre yituoīabesa. “Masare Dios ocare mani gotimasiorotiju ejabeaja maji”, yituoīabesa mua. Yuma ado bajiro yaja: Jēre ote bucurocaju yuja. Yucucane tire juaroti ñaja. Iālasaque. Jājarā masa yure ajitirānurona vadiama ña. Ado cōrone ñare mua gotimasiojama, quēnamasucōaja, muare yaja yu. ³⁶⁻³⁷ Socaro me bajaia bucūrā ña gotimasire: “Sīgū ñagūmi otegu. Gāji ñagūmi ti rica cutiro boca juarēogū”, yiyujarā bucūrā. To bajiro masune bajaia ti, yu ocare gotimasiorāre quēne. Tuoīasaque mua: Sīgūri ñaama yu ocare masare gotimasiosworā. Oterimasare bajiro bajirā ñaama. Ña bero ñare gotimasiorā, ti rica cutiro boca juarēorāre bajiro bajirā ñaama gājerā. Ñajua ña gotimasiorone, ñare ajitirānuama masa yuja. To bajiri goti rījoro cutiriarā ña, bero gotimasiorā ña, bajiaama ña. No bojagu otericare juarēogū, vaja bujagu yigūmi. To bajirone bajirāma yu ocare masare gotimasiorā quēne, variquēnarere bujarā. Ña gotimasiose ti ñajare, yure ajitirānuama masa. To bajiri yure ajitirānurā ñari, Diorāca quēnaro ñarūgūuarāma, ña rijato beroju quēne. To bajiro ña bajisere iacōari, ñare gotimasiosuobariarā, bero ñare gotimasiorā rāca buto variquēnaruarāma ña. ³⁸ Tirūmaju quēne muare cōacaju yu, mua gotimasiose suorine masa ña ajitirānurotire yigu. Yu ocare ñare gotimasiosuoriarā me ñaja mua, bajirājuma. To bajiri, gājerā ña gotimasiosuobariarā ñaama, muajua mua gotimasiorone, yure ajitirānurona —yuare yigoticami Jesús, i buerimasare.

³⁹ To bajiro ñnare i yiro bero, “Jediro yu yiadirere, ‘Ado bajiro yicaju mu’ yure yigotimi i” rómio so yigotisere ajicōari, jājarā ti macariana Samaria sitana, ado bajiro Jesúre tuoīacama ñna: “Diore gotirētobosagu, Cristo ñaami”, Jesúre yituoīacama ñna. ⁴⁰ To bajiro yituoīarā ñari, Jesús tu vadieja, ñre ñavariquēnacōari, yuare tujaroticama ñna. To bajiri, ñna rāca juarūmu ñacaju yua. ⁴¹ ñna rāca ñacōari, Jesús i masune ñnare i gotimasiosere ajicōari, “Diore gotirētobosagu, Cristo ñaami”, yituoīacama jājarābusa. ⁴² Jesúre ñre ajitirūnacōari, ado bajiro sore yicama ñna, rōmiore:

—Jēre, ñre ajitirūnuaja yua, mu gotise rīne me. Yucune yua masune ñre ajicōari, “To bajiro masu bajigu ñaami”, ñre yiajitirūnuaja yua yuja. “Ñne ñaami adi macarucuroana rojose mani tāmuborotire manire yirētobosarocu”, yimasiaja yua yuja —sore yicama ñna, ti macana.

Ñamasugā macure Jesús i catioire queti

⁴³ To yiro bero juarūmu bajiña, vacoacaju yua quēna, Jesúrāca, Galilea sitajuare vana. ⁴⁴ Ado bajiro yuare yigoticami Jesús, ñna gotimasirere gotigu:

—“Diore gotirētobosarimasare ñna ye sitana ñnare rūcubuoheama” yise socaro mene yigotija ti —yuare yigoticami Jesús.

⁴⁵ Galilea sitajure Jesús i ñnarijore i rāca yua ejatone quēnaro yuare yicama toana. ñna quēne Jerusalem Pascua boserūmu ñnaro ñarā variarā tudiejariarā ñacama ñna. To bajiri jediro Pascua ñnaro Jesús i yicature ñariarā ñañuma ñna quēne.

⁴⁶ To bajiro bero Galilea sita Caná vāme cuti macaju ejacaju yua quēna, Jesúrāca. To ñacaju, ocorene uye oco i godoveocato. Tojure ñacami sīgū masu ujure rotibosagu. I macu, Capernaum vāme cuti macaju buto rijañañuju i. ⁴⁷ To bajiri, Judea sitaju ñnarī Galilea sitajuare Jesús i vadisere ajicōari, ñre ñagū ejacami ujure rotibosagu. Jesús tujure ejacōari ado bajiro ñre yicami:

—Yu ya viju vayá. Yu macu bajirocacu yimi. ñre catiogu vayá —Jesúre, ñre yicami.

⁴⁸ To bajiro i yisere ajicōari, ado bajiro ñre yicami Jesús:

—Ñañañamanire yu yīosere mua ñabetijama, “Dios i masise rāca yigu yami”, yure yiajitiñubetiruarāja mua —ñre yicami Jesús.

⁴⁹ To bajiro i yiboajaquēne:

—Yu rāca mu vadibetijama, bajirocacoarucami yu macu —Jesúre ñre yicami.

⁵⁰ To bajiro i yijare yuja:

—Mu ya viju tudiasa. Jēre ñre catiocōaja yu —ñre boca yicōacami Jesúñuama.

To bajise ñre i yisere ajicōari, Jesúre ñre ajitirūnacami. To bajiri i ya viju tudicoacami yuja.

⁵¹ I ya vire i cōñarūtuatione, ñre moabosarimasa bocacōari, ado bajiro ñre yigoti bocayujarā ñna:

—Jēre mu macu quēnacōami yuja —ñre yiyujarā ñna.

⁵² To bajiro ñna yirone,

—¿No cōro masune tudiquēnasuori i, yu macu? —Ñnare yisēñiñañuju.

—Ñamica, amurecaji ñnaro masune ñre tujamasimu ti —ñre yiyujarā ñna, ñna ujure.

⁵³ To bajiro ñre ñna yibocarone, “To cōro muiju i tusatone, ‘Jēre mu macure catiocōaja yu’ yure yimasimi Jesús”, yituoīamasiñuju i. To bajiri i quēne, i yarā quēne, “ ‘Rotimorūgōrucami’ Dios i yicōagū, manire ejarēmorocu ñaami”, Jesúre ñre yiajitirūnuñujarā ñna.

⁵⁴ Ti ñacaju quēna gaje ñañañamani Jesús i yīobabocati, Judea sitare ñacōari, Galilea sitaju tudiejacōari, i yīlocati.

5

Micagūre Betzata utara tujū ñagūre Jesús i catioire queti

¹ To i yiro bero, jud'io masa ñna bajimasirere tuoīacōari, boserūmu ti ejajare, Jerusalem yuare ūmato vacamī Jesús. ² Ti macana ñna vajanare, “Sājaroma ñna” yirā, ñna matagāniriacūni soje, Oveja vāme cuti soje ñacaju ti. Ti soje ture ñacaju masa ñna guarita. Hebreo ocama Betzata vāme cuticaju tira. Tira ture cojomocārāca viriaca sitane ñna veariaviriaca ñacaju, rijaye cutirā ñna cūñariviriaca. ³ Tojure jājarā ñacama rijaye cutirā. Caje ñamena, rujasagueri vana, micarā quēne, to cūñacama. Tira oco ti saberotire yurā, bajicūñacama ñna. ⁴ Dios tuagu, ángel, tocārācaji tirajure i ejarone, tira oco saberūgūñuju ti. To ti bajirone, no bojagu rijaye cutigu, varocarosogu rīne guaro catirūgūñuju i. ⁵ Toju rijaye cutirā vatoaju ñacami sīgū treinta y ocho cāmari rijañarī. ⁶ I cūñaro ñacōari, yoaro i cūñarūgūrerere ñamasicōari, ado bajiro ñre sēñiacami Jesús:

—¿Quēna tudicati quēnaejacoaruati mu? —ñre yicami Jesús.

⁷ To bajiro i yisere ajicōari, ado bajiro ñre yicami:

—Sīgūñuama oco ti saberone yure amiroñuagū maami. Tocārācaji oco ti sabero, gājerājua rīne yu rījoro ñuñaveocōarūgūñuama ñna —ñre yicami, Jesúre.

⁸ To bajiro i yirone,

—Vamurūgāña. Mu cūñaritore āmiña. To yicōari, vasa —İre yicami Jesūs.

⁹ To i yiririmarone, quēnaro catiquēnagū ñacoacami i yuja. İ cūñaritore āmi, vasuocami yuja. Tirūmu ñacaju jud'io masa yua ususājariarūmu. ¹⁰ To bajiri i cūñaritore i gaja vato iacōari, ado bajiro ire yicama jud'io masa ujarā:

—Yucama ususājariarūmu ñaja. To bajiri mu cūñaritore gajabesa mu. To bajiro mu yijama, moare ñaja ti —İre yicama sigūri, Jesūs i catiocacure.

¹¹ To bajiro ina yiro, ado bajiro inare cudicami Jesūs i catiocacu:

—Yure catiogū, “Mu cūñaritore āmiasa”, yure yimi —İnare yicami.

¹² To bajiro i yisere ajicōari, ado bajiro ire sēñīacama İna:

—ŹNimu ñari, “Mu cūñaritore āmiasa” mare yiguma? —İre yisēñīacama İna.

¹³ To bajiro ire İna yisēñīaboajaquēne, tojare jājarā masa vatoaju Jesūs i vayayicoajare, “İ ñaami”, İnare yigotimasibeticami. ¹⁴ Tiju bero, Diore yirūcubūoriaviju yua ñaro, rijarūmuri cutir'ire İre İabujacami Jesūs quēna. İre İabujacōari, ado bajiro ire yicami Jesūs:

—Ajiya. Quēnaro quēna tudicatiocaju mu. Quēna gāme rojose yibesa, “Butobusa rojose tāmūorobe” yigu —İre yicami Jesūs.

¹⁵ To bajiro i yiro bero micase rijaye cutiboacacu, İre sēñīaboariarā tuju ejacōari, “Jesūne ñaami, yure catiogū”, İnare yigotiyumi İ. ¹⁶ To bajiri ususājariarūmure micaboacacure Jesūs İre i catiocatore bajiro gājerare to bajirone i yirūgūjare, josari i tāmūorotire yirā, İre rojose yisuyacama İna, jud'io masa ujarā. ¹⁷ “Ususājariarūmu ti ñaboajaquēne, masare i catiose vaja, rojose tāmūoato İ” yirā İna ñaboajaquēne, ado bajiro İnare yicami Jesūjuama:

—Masa rijaye cutirāre catiotujabecu ñaami Dios, yu jacu. To bajiri İnare catiotujabeaja yu quēne —İnare yicami Jesūs.

¹⁸ “Ususājariarūmure Dios i moarotibetiboajaquēne, moami Jesūs”, İre yijūnisinica jud'io masa ujarā, İre sīaruarā. To yicōari, “Dios ñaami yu jacu” i yisere ajicōari, “Diore bajiro ñamasugū ñaja yu’ yigu yami”, yicama İna. To bajiro yirā ñari, butobusa jūnisinirā ñari, İre sīarua tuoīacama İna.

“Dios macu ñari, i rotiore bajiro yimasajaja yu”, Jesūs i yire

¹⁹ To bajise İna yituoīasere İamasicōari ado bajiro İnare yicami Jesūs:

—ŹNamasusere riojo muare gotiaja yu: Dios macu ñari, yu bojase yibeaja yu. Yu jacu i yisere iacōari, i yirore bajirone yaja yu. Jediro yu jacu i yirore bajirone yu quēne i macu quēne, to bajirone yaja. ²⁰ Yu jacu yure maiami. Yure maigū ñari, jediro i yisere yure İoami. Adirūmuriaye rētoro josasere yure yīlorucami. To bajiro i yisere yu yīosere İacōari, no yimasibetiruarāja muā quēne, ti Źnire İabetirūgūriarā ñari. ²¹ Bajireariarāre catiorūgūami yu jacu. To bajiri yu, i macu quēne, i yirūgūrore bajirone yirūgūaja yu, no yu bojarāre. ²² Masa rojorāre beserocu me ñaami yu jacu. “İnare beserocu ñaja mu”, yure yicami. ²³ To bajiro yure yicami, İre quēnaro İna yirūcubūorore bajirone yure quēne “Yirūcubūoato İna” yigu. Quēnaro yure yirūcubūobecuma, yu jacure, yure cōacacure quēne yirūcubūobecu yigumi —jud'io masa ujarāre yicami Jesūs.

²⁴ To bajiro İnare yigajanocōari, ado bajiro goticami Jesūs:

—ŹNamasusere riojo muare gotiaja yu: No bojaju yu ocare ajicōari, yure cōacacure ajitirānugāma, Dios i catisere cuogu ñaami. İ Źgūrema, rojose tāmūotujabetiriaroju İre cōabetirucami Dios. ²⁵ ŹNamasusere riojo muare gotiaja yu: Adirūmuri bajiro tirene muare yaja yu: Yure ajitirānūmenama, bajireariarāre bajiro bajirāma, İna rijato beroju “Tudirijabeti-icōato” yigu, Dios i catisere cuomena ñari. To bajiboarine Dios macure yure ajitirānūuarāma sigūri. İnajuarē, “İna rijato beroju tudirijabeticōato” yigu, Dios i catisere İnare İsirucuja yu. ²⁶ Masare yu jacu i catiorūgūrore bajiro yure i catiorotici ñajare, i catisere İnare İsimasajaja yu. ²⁷ To yicōari, Dios macu ñaboarine, masare bajiro ruju cuticōari, masa vatoaju ñar'i yu ñajare, “Masare besemasirucuja mu”, yure yicami yu jacu. ²⁸ To bajiro yu yisere ajiyamanire bajiro ajituoīabesa muā. Bajireariarā jediro İnare yu jiro, İna ajijediro tirūmu ejaruarōja. ²⁹ To cōrone yu jisere ajicōari, yu tuju ejajediruarāma İna, tudicatia yuja. Yu tu ejacōari, quēnaro yirūgūriarāma, Diorāca quēnaro ñacōa ñarūgūriarāma İna. Rojose yirūgūriarārema rojose tāmūotujabetiriaroju İnare cōarucuja yu yuja —İnare yigoticami Jesūs, jud'io masa ujarāre.

“Ado bajiro yure İna yire suorī, ‘Rotimūorūgūncumi” yigu, Dios i cōar'i ñaami” yure yimasiroti ñaja”, Jesūs i yire queti

³⁰ Quēna ado bajiro İnare goticami Jesūs:

—Yu bojarore bajiro yigu me ñaja yu. Yure cōacacu i bojarore bajiro yirua tuoīagū ñari, masare rojose yirāre, to yicōari quēnase yirāre yu İabesejama, quēnaro riojo yaja yu. ³¹ “To bajiro yigu ñaja yu” yu masurione yu yijama, “Socu yami”, yure yiroti ñaborōja. ³² To bajiboarine, ñaami sigū, yure gotibosagu. Yure i gotibosase, quēnaro riojo ñaja ti. ³³ Gāji

quëne, “Îne ñaami ‘Rotimuoŕagôŕucami’ yigu Dios î cõar’i”, yure yigotibosayumi, Juan, masare ocare rãca bautizarimasu. Î tujare mua ejarêmorimasare sênîaroticõañuja mua. Quênaro riojo muare cadiyumi. ³⁴ “Rotimuoŕagôŕucami” yigu Dios î cõar’ire yure î gotibosajaquëne, yure î gotibosabetijaquëne, no yibeaja ti, yure, Dios î cõacacu ñari. Juan yure î gotibosarere muare gotiaja yu, tire ajitirûnucõari, rojose tâmuotujabetiriaroju mua vabetirotire bojagu ñari. ³⁵ Sîabusuocõari quênaro riojo îamasire ñaja. Tire bajirone bajicami Juan, quênaro riojo yure gotibosacacu ñari. Îre ajivariquëñañuja mua maji. ³⁶ To bajiro muare yiboarine, “Sîgû ñaami yure gotibosagu” yu yijama, Juanre tãoîagû me yaja yu. Juan yure î gotibosacati rêtoro îamasuse ñaja. Tima îaîaîamanire muare yu yîlorûgûse, yu jacu yure î rotise ñaja. Tire îacõari, “Socu me yami. Dios î cõar’i ñaami”, yure yimasiana masa. ³⁷⁻³⁸ Yu jacu yure cõacacu quëne, î masune, “Yu macu, yu cõagû ñaami” yigu ñari, masa îna ajimasirotire îtare cõarûgûami. Î cõacacure yure ajitirûnumena ñari, îre ajimena, to yicõari, î ocare ajitirûnumena ñaja mua. ^a ³⁹⁻⁴⁰ Dios ocare masa îna ucamasirere buto buerûgûboaja mua, “Ti ocare mani buejama, Diorãca quênaro ñacõari, mani rijato beroju î rãca quênaro ñacõa ñarûgûrãrãja mani” yirã. To bajiboarine yu bajiserene muare ti gotiboajaquëne, yure ajiruarãja mua. Yure mua ajitirûnujama, Diorãca quênaro ñacõari, mua rijato beroju î rãca quênaro ñacõa ñarûgûborãja mua.

⁴¹ “Quênaro yure yirûcûbûoato masa” yigu me, adi macarûcrojure vadicaju yu. ⁴² Mua tãoîasere îamasiaja yu. To bajiri, “Diore mairã me ñaja mua”, muare yimasiaja yu. ⁴³ Yu jacu yure î roticõajare, adoju vadicaju yu, muare gotimasioğû. To bajiro yu bajiboajaquëne, yure ajitirûnubeaja mua. No bojagu, Dios î cõabecurema, “Masa quênaro yure yirûcûbûoato îna” yigu î vadijama, îjure ajitirûnûrãrãja mua. ⁴⁴ Mua masune quënase gãmerã yirûcûbûorere bojarûgûaja mua. Dios sîgûne ñaami mani uju. To bajigu î ñaboajaquëne, “Quënase manire yato Dios” yirã, no bojase mua yirotire yitãoîabetirûgûaja mua. To bajiro bajirã ñari, yure ajitirûnubeaja mua. ⁴⁵ Yu jacu tujare mua ejaro, “Yure ajitirûnubeticama”, muare yigotiyoŕobetirûcûja yu. Moisés ñamasir’ine ñaami to bajisere muare yigotiyoŕogu. “Moisés ñamasir’i î rotimasirere quênaro mani ajitirûnujama, Dios tujã varuarãja mani”, yitãoîaboaja mua. ⁴⁶ To bajiboarine yu bajirotirene ucamasinumi Moisés. To bajiri î ucamasirere mua ajitirûnumasucõajama, yure quëne ajitirûnuborãja mua. ⁴⁷ Î ucamasirere quênaro ajitirûnumena ñari, yure quëne ajitirûnubeaja mua, —îtare yicami Jesûs, jud’io masa ujarãre.

6

Masa, cinco mil ñarãre Jesûs î bare ecare queti
(Mt 14.13-21; Mr 6.30-44; Lc 9.10-17)

¹ To bajiro îtare î yiro bero, utabucûra Galilea vãme cutira gajecacatûajaju yure ûmato jêacami Jesûs. Gaje vãme, Tiberias vãme cuticaju tira. ² “Dios macune ñaja yu” yigu, rijaye cutirãre Jesûs î catiorûgûsere îacõari, jãjarã masa îre suyãrûgûcama îna. ³ Gajecacatûaju ejacõari, bureore yure ûmato majacõari, rujicami Jesûs. ⁴ Pascua boŕerãmu jud’io masa yua quênorotirûmu cõñacaju. ⁵ To bajiri jãjarã masa Jesûre îre suyãrûgûrã îna vadore îacõari, ado bajiro Felipe îre yicami Jesûs:

—Îtare ecaruarã, ¿noju bare vaja yirãti mani? —Îre yicami.

⁶ “Ado bajiro yirûcûja yu” yimasiboarine, “Mu ejarêmose rãca ecamasicõaruarãja’ Felipe yure î yicûdiro ajigusa” îre yigune, yicõañumi Jesûs. ⁷ To bajiro î yijare ado bajiro îre yicûdicami Felipe:

—Doscientos gãjoatiiri rãca vaja yiboarine, îtare ecajeomasibetiborãja mani —Jesûre îre yicami.

⁸ To î yirone, yua rãcagu, Pedro bedi Andrés vãme cutigu, ado bajiro Jesûre yicami:

⁹ —Sîgû daquegu, cojomo cõro pan cebada vãme cutise, to yicõari, juarã vaire cûboami, bajigujuja. Masa jãjarã îna ñajare, tujariaro manimasucõaja ti —Jesûre îre yicami Andrés.

¹⁰ To bajiro î yirone,

—Masare îtare rujirotiya —yicami Jesûs.

Tojure tatûcuro ñacaju. To bajiri, ta joeju rujicama. Cinco mil ûmua ñacama îna.^b

¹¹ Îna rujiqediro îacõari, pan daquegu î baborotirene juacõari, “Quênaro yaja mu”, Diore yivariquënamami Jesûs. To yicõari î buerãre yure îsicami, “Rujirãre îsibatoya” yigu. Vaire quëne, to bajirone yicami. Sîgû ruyariaro mano quênaro bausucutijedicõacama. ¹² Îna bagajanoro îacõari, ado bajiro yure yicami Jesûs:

^a 5:37-38 “Diore ajimena, to yicõari, îre îamena ñaja mua” Jesûs î yijama, îre îarã ñaboarine, to yicõari, îre ajirã ñaboarine, “Dios macu ñaami” yimasibeama” yigu yiyuju”, yiyujarã Dios ocare masa îna ucamasire buerêtoburimas. ^b 6:10 Îamasare, rõmiare cõmenane, ûmua bucûrã rîrene îna cõjama, cinco mil ñañujarã îna.

—Īna baruasere juarēoña. Bajirearobe tujama —yuare yicami Jesús.

¹³ To bajiro yuare i yijare, cebada vāme cutise cojomo cōro pan ñaboarere yua juarēojama, juaāmo cōro, gabo jua jēnituro ñarajiburi ruayacaju. ¹⁴ To bajiro ĩaĭñañamanire Jesús i yīōro ĩacōari, ado bajiro yicama masa:

—Diore gotirētobosarimasu, adi macarucurojore vadicōari, manire rotirocane ñaami —Jesúre ĩre yicama masa.

¹⁵ To bajiro ĩna yijare, “Yu bojabetiboaquēne, yure āmivacōari uju yure cūruama” yima-sicōari, i sīgūne buro joejore majacoacami Jesús.

Oco joene Jesús i vare queti

(Mt 14.22-27; Mr 6.45-52)

¹⁶ Ti rāioato ĩacōari, utabucurare rojaejacaju yua, Jesús buerimasa. ¹⁷ Rojaeja, cūmua vasāja jēacaju yua, gajejacatūaju Capernaum vāme cuti macaju vana. Ti rētiacoaboaquēne, ejabeticōacami Jesús. ¹⁸ To yua bajijēarūuatone, buto mino vacaju. To bajica yiro, buto sabetuocōacaju ti. ¹⁹ Cinco o seis kilómetros cōro yua jēatusatone, yua tūju oco joene vadicami Jesús. Oco joene i vadire ĩarāne, ucacaju yua. ²⁰ To bajiro yua bajiboaquēne, ado bajiro yuare yicami Jesús:

—Gūibesa. Yune ñaja —yuare yi vadicami Jesús.

²¹ To bajiro yuare i yijare, variquēnarāne, ĩre sácaju yua. ĩre yua sārīrīmarone jēaejacoacaju yua yuja.

Jesúre masa ĩna macare queti

²²⁻²⁴ Utabucura gajejacatūaju tujacana, cūmuane yua i buerā Jesús i manone yua jēasere ĩacama ĩna. To bajiri gajerāmu yua tudijēaejabetore ĩacōari, Jesúre quēne ĩre ĩabeticōari, Tiberias macana ĩna ejase cūmune jēaejayuma, Capernaum vāme cuti macaju, Jesúre macarā.

“Pan quēnamasusere bajiro bajigu ñaja yu”, Jesús i yire queti

²⁵ Yuare ĩabujacōari, ado bajiro Jesúre yisēñīacama ĩna:

—Gotimasiarimasu, ¿Divato adore ejari mu? —ĩre yisēñīacama ĩna.

²⁶ To bajiro ĩna yisēñīasere ajicōari:

—Ñamasusere riojo muare gotiaja yu. ĩaĭñañamanire yu yīōsere ĩari, “To bajiro yigu i ñajare, ĩre ajitirūnu sayaroti ñaja” yirā me yure macasuyaja mua. “Quēnaro bausucutiriaroju bare ecagu ñaami” yirā ñari, bajiaja mua. ²⁷ Bare mua bojamasusejuama yoaro meacane muare jediveocoatoja ti. To bajiri mua barotire tuoĭarejaibeticōaña mua. Gajeye barere bajiro bajise ñaja, Dios i roticōacacu yure ajitirūnurāre yu ĩsisema. Jedibetirūaroja tima. “‘Tire ĩsimasiame’ yure yimasiatō ĩna” yigu, ĩaĭñañamanire yu yīōrūgūrotire yure ujocami Dios. To bajiri, bare jedibetijare bojarā, Dios i bojasere yiya mua —ĩnare yicami Jesús.

²⁸ To bajiro i yijare, ĩre sēñīacama ĩna:

—¿No bajiro yua yirotere bojati Dios? —ĩre yisēñīacama.

²⁹ To bajiro ĩna yisere ajicōari ado bajiro ĩnare yicadicami Jesús:

—Dios i cōacacure yure mua ajitirūnusere bojaami Dios —ĩnare yicami Jesús yuja.

³⁰ To bajiro i yijare,

—¿Nie ũnire Dios i masise rāca ĩaĭñañamanire yuare yīōrucuada mu, tire ĩacōari “Yuare ajitirūnuato ĩna” yuare yigu? ³¹ Mani ñicua ñamasiriarā yucú manojū ñacudirā, manā vāme cutisere bamasīñujarā ĩna. To bajirone gotiaja Dios ocare masa ĩna ucamasire. Tuoĭasaque: “Bare Dios i ñaroayere manire ecagu yivējañumi”, yigotiaja Dios oca, masa ĩna ucamasire —Jesúre ĩre yicama. To bajiro ĩna yijama, “Moisés ñamasir'i suorine bajiriaroja ti” yirā yicama.

³² To bajiro ĩna yisere ajicōari, ado bajiro cadicami Jesús:

—Ñamasusere riojo muare gotiaja yu: Moisés ñamasir'i me Dios i ñaroayere barere ĩnare cōacami. Yu jacune ñaami i ñaroayere barere ĩnare cōacacama. To bajirone bajiaja pan quēnamasusere quēne. Tire muare cōami Dios. ³³ Tire mua bajama, mua rijato beroju, “Tudirijabeticōato” yigu, Dios i catisere ĩsīcoruarāja mua.

³⁴ To bajiro i yirone,

—To yijama, pan quēnamasusere yuare ecarūgūma mu —ĩre yicama ĩna yuja.

³⁵ To bajiro ĩna yijare, ado bajiro ĩnare yicami Jesús yuja:

—Yune ñaja pan quēnamasuse Dios i cōase. To bajiri, no bojagu yure ajitirūnugūma, bausucutirūgūgūre bajiro bajigami. To bajiri, disejuane Dios i ejarēmose ĩre ruayabetirūaroja. ³⁶ To bajiro yu bajiboaquēne, yure ajitirūnubeaja mua, yure ĩarā ñaboarine. Jēre tirene muare gotiboabu yu. ³⁷ No bojarā yure ajitirūnurāre, yu jacu suorine yu bojarore bajiro quēnasejuare tuoĭavasoariarā ñaama. No bojagu yure ajitirūnugūre, “Mure bojabeaja”, ĩre yibetirūcūja yu. ³⁸ Adojure vagu, yu bojasere yiru me rujadicaaju yu. Yu jacu i bojasejuare yiru, vadicaju yu. ³⁹ Ado bajiro bojaami yu jacu, yure cōacacu: ĩ suorine yure ajitirūnurā ñajediro, ñatusarirūmure rojose tāmūotujabetiriaroju ĩna vasere bojabeami. ĩ tūju ĩna

ñasejuare bojaami.^{C 40} No bojaɣu, “Dios macu ñaja mu” yure yimasicōari, yure ajitirānugäre, Dios i catisere i cuosere bojaami yu jacu —ñare yicami Jesús.

⁴¹ “Pan quēnamasusere bajiro bajigu ñaja yu Dios i ñaroju rujiadicacu” Jesús i yisere ajicōari, ñagōjaicama jud'io masa ɣjarä. ⁴² Ado bajiro gāmerä yicama:

—¿Adi macagu, José macu me ñatique? I jacure, i jacore quēne masiaja mani. To bajigu ñaboarine, “Dios i ñaroju rujiadicaju yu”, manire yisocaboami —gāmerä yicama ña.

⁴³ To bajiro ña gāmerä yñajare, ado bajiro ñare yicami Jesús:

—Yure ñagōmacabesa mua. ⁴⁴ Yu jacu suorine yu bojarore bajiro quēnasejuare tuoļavasoariarä rñe ñaama yure ajitirānūrä. Natusarirāmu ñare catorūcūja yu. ⁴⁵ Diore gotirētobosariarä yure ajitirānūrōna ña bajirotire yirä, gotirä ado bajiro ucayuma ña: “Dios i masise suorine masiruarāma ña jedirone”, yuucayuma ña. To bajiri yu jacu i masise suorine yu bojarore bajirojuare tuoļavasoacōari, yure ajitirānūrārāma.

⁴⁶ Masu, nijuane yu jacure lagū maami. Yu sigūne i tujare rujiadicacu ñari, ire iacacu ñaja yu. ⁴⁷ Ñamasusere riojo muare gotiaja yu: No bojaɣu yure ajitirānugāma, Dios i catisere cuogū ñaami. ⁴⁸ Pan quēnamasusere bajiro bajigu ñaja yu. ⁴⁹ Mua ñicua yucū manojū manä vāme cutisere bare, Dios i cōarūgūrere barūgūrärä ñaboarine bajireajedicoasuma ña. ⁵⁰ Yñrema, pan quēnamasusere bajiro bajigūre, masa ña ajitirānūjama, bajireacoaboarine, quēna tudicaticōari, quēnaro ñarūgūrārāma ña. ⁵¹ Yñe ñaja pan quēnamasusere bajiro bajigu Dios i cōacacuma. No bojarä yure barä ña rijato beroju, quēna tudicaticōari, quēnaro ñarūgūrārāma. To bajiro ña bajirotire yigu, ñare rijabosarūcūja yu —jud'io masa ɣjaräre yicami Jesús.

⁵² To bajiro i yisere ajicōari, ña masune ado bajiro gāmerä yicama ña:

—¿No bajiro i rujare manire ecariquida i? —gāmerä yicama ña.

⁵³ To bajiro ña yisere ajicōari, ado bajiro ñare yicami Jesús:

—Ñamasusere riojo muare gotiaja yu: Yure, Dios i roticōacacure, yu rujare mua babetijama, yu ri'ire quēne mua idibetijama, mua rijato beroju “Tudirijabeticōato” yigu, Dios i catisere cuobetiuarāja mua. ⁵⁴ No bojaɣu yu rujare bagu, yu ri'ire idigu ñaami Dios i catisere cuogū. To bajicōari, i rijato beroju ñatusarirāmure tudicaticōari, quēnaro ñarūgūrūcūmi. ⁵⁵ Yu ruja ñaja bare ñamasuse. To bajicōari, yu ri' i ñaja idire ñamasuse. ⁵⁶ To bajiri yu rujare bacōari, yu ri'ire idiguma, yu rācagu ñagūmi. Yujua quēne, i rācagu ñaja yu. ⁵⁷ Yu jacu, yure cōacacu catisere cuogū ñaami. To bajiri i suorine catiaja yu. To bajirone bajirūcūmi yure ajitirānugū quēne. Yu suorine i rijato beroju quēna tudicaticōari, yu rāca quēnaro ñacōa ñarūgūrūcūmi. ⁵⁸ To bajiri pan quēnamasusere bajiro bajigu, Dios i ñaroju rujiadicacu ñaja yu. Yuma mua ñicure ò vecaye bare Dios i cōare manä vāme cutisere bajiro bajigu me ñaja. Mua ñicua, manä vāme cutisere bariarä ñaboarine, bajireajediyuma ña. No bojaɣu yure ajitirānugāma, i rijato beroju quēna tudicaticōari, yu rāca quēnaro ñacōa ñarūgūrūcūmi —ñare yicami Jesús, jud'io masa ɣjaräre.

⁵⁹ Ado bajiro i gotimasio ñajama, Capernaum vāme cuti maca ñarivi, Dios ocare ña buerivju ñacōari, ñare gotimasio cam i Jesús.

“Yu ocare ajitirānugārema, ‘Tudirijabeticōato’ yigu, Dios i catisere i sirucūja”, Jesús i yire queti

⁶⁰ To bajiro i gotisere ajicōari, jājarä ire sayarä, ado bajiro gāmerä yicama ña:

—To bajiro i yigotimasiose, no bajiro yimasiriaro maja. Tire ajivariquēnagū magūmi —gāmerä yicama ña.

⁶¹ To bajiro ña gāmerä yisere masicōacami Jesús. To bajiri, ado bajiro ñare yicami:

—To bajiro muare yu yigotimasiosere ajitebesa mua. ⁶² “Riojo me yami” mua yituoļajama, Dios i roticōacacu ò vecaju yu vadicatojare quēna yu tudimujatore iacōari, “Riojo yiyumi”, yituoļaboararāja mua. ⁶³ “Yu rujare ña base suorine, ña rijato beroju ‘Tudirijabeticōato’ yigu, Dios i catisere suoruarāma masa” yu yijama, yu rujare yigu me yaja yu. Yure masa ña ajitirānūsejuare yigu yaja. Yure ajitirānūrārema Esp'iritu Santore ñare cōarūcūja yu, ña rijato beroju, “Tudirijabeticōato” yigu. ⁶⁴ To bajiro yu yigotisere, “Socu yami”, yituoļaja mua sigūri —ñare yicami Jesús.

Rēmojune, “Ña ñaruarāma ‘Socu yami’ ” yure yituoļarä, to yicōari, “I ñarūcūmi yure i sirocarocu” yimasigū ñari, to bajiro ñare yicami.

⁶⁵ To bajiro yigajanocōari, ado bajiro ñare gotiquēnocami:

—“Yure sayarä sigūri, ‘Socu yami’, yure yituoļaama” yimasigū ñari, “Ñimarä yure ajitirānūrä maniborāma, yu jacu suorine quēnasejuare ña tuoļavasoabetijama”, muare yibū yu. To bajiri yu jacu suorine quēnasejuare tuoļavasoarä me ñari, “Socu yami”, yure yaja mua sigūri —ñare yicami Jesús.

^{C 6:39} Natusarirāmure i yijama, adi macarūcuro ti jediro tudiejacōari, masare i iabeserirāmure yigu yiyuju Jesús.

⁶⁶ To bajiro i yisere ajicōari, jājarā ĩre suyaboacana ĩre cāmotadicōari, juaji ĩ rāca vacudibeticama ĩna yuja. ⁶⁷ To bajiro ĩna bajiro ĩacōari, juāāmo cōro, gubo juā jēnituarirācu ĩnarāre ado bajiro yuare sēniācamī Jesús:

—¿Mua quēne, “ĩre cāmotadito mani”, yure yituoīati mua? —yuare yisēniācamī.

⁶⁸ To bajiro i yisere ajicōari, ado bajiro ĩre yicadicami Pedro:

—Ñimujua mure bajiro bajigu magāmi. Yua rijato beroju, “Tudirijabeticōato” yigu, Dios ĩ catisere yuare mu ĩsire gotiaja mu. ⁶⁹ Mure ajitirānuaja yua. “RoJose yigu me, Dios ĩ cōar'i ĩaja mu”, mure yimasiaja yua —Jesúre ĩre yicami Pedro.

⁷⁰ To bajiro i yisere ajicōari ado bajiro yuare yicami Jesús:

—Muarema, ¿juāāmo cōro, gubo juā jēnituarirācu ĩnarāre yuare muare bese juabeticati yu? To yu yicana mua ĩaboajaquēne, mua vatoare ĩaami sīgū vātia ujure cudigu —yuare yicami Jesús.

⁷¹ To bajise i yijama, Simón macu Judas Iscariotere yigu yiyumi Jesús, yua juāāmo cōro, gubo juā jēnituario rācagu ĩaboarine, ĩre ĩsirocarocu ĩ ĩajare.

7

Jesús bederā ĩaboarine, ĩre ĩna ajitirānubetire queti

¹ To bajiro i yiro bero, quēna Galilea sitaju yuare ũmato vacudicami Jesús. Judea sitaju ĩnarubeticami, ti sitana jud'io masa ujarā ĩre ĩna sīaruajare. ² Yucú manojū ĩna ĩicua ĩna ĩnacudimasire tuoīariarūmuri, Enramadas vāme cuti boserūmu cōñacaju. ³ To bajiri, Jesús bederā ado bajiro ĩre yicami:

—Judea sitaju mure suyaboacana, jājarā ĩnarāma. To bajiri adojuare tujabesa. Tojuane tudicoasa mu, ĩna quēne, “ĩaīaĩamanire mu yīlorūgūse ĩato ĩna” yigu. ⁴ No bojagu, jājarā masa ĩre ĩna ĩamasiroire ĩ bojajama, masa mojoroaca ĩarojure yīlocudibecami. ĩaīaĩamanire yīlomasigū ĩari, jājarā ĩna ĩarojuare yīloaya mu —ĩre yicami ĩna, Jesús bederā.

⁵ Jesús bederā ĩaboarine, “‘Rotimāorūgōrucami’ yigu, Dios ĩ cōar'i ĩaami”, ĩre yituoīarā me ĩacama. ⁶ To bajiri ado bajiro ĩnare yicami Jesús:

—Judeaju yu varoti ejabeaja maji. No bojarirūmu mua vajama, muarema quēnacōaja. ⁷ Diore ajimēna mua ĩajare, muare ĩatemenama. Yuarema ĩateama ĩna, “Mua yirūgūse, roJose ĩaja ti” ĩnare yu yijare. ⁸ Enramadas boserūmu ĩarā vasa muama. Yuarema, yu varoti ejabeaja maji —ĩ bederāre yicami Jesús.

⁹ To bajiro ĩnare i yiro bero, Galilea sitajure ĩnacōacaju yua maji.

Enramadas vāme cuti boserūmure Jesús ĩ gotimasiore queti

¹⁰ ĩ bederā ĩna vato bero, Jesús quēne, Enramadas boserūmu ũmato ĩagū vacami. To bajiboarine, yayioroaca yuare ũmato ejacami. ¹¹ To ĩacama jud'io masa ujarā quēne. ĩre macaboacama.

—¿Noju ĩati ĩ? —yicudiboacama.

¹²⁻¹³ Tirūmurire jājarā masa Jesúre ĩagōjai ĩacama ĩna. Sīgūri ado bajiro yicami:

—Quēnaro yigu ĩagūmi —yicami ĩna.

Gājerājuama:

—Quēnaro yigu me ĩagūmi. Masare yitogu ĩagūmi —boca yicami. Ujarāre gūirā ĩari, ĩna masune yayioroaca gāmerā ĩagōcōa ĩacama ĩna, Jesúre gōjarā.

¹⁴ Enramadas boserūmu ĩna yi gudareco cutiato, Diore yirācubūoriavire sājacōari, masare ĩnare gotimasioami Jesús yuja. ¹⁵ ĩ gotimasiosere ajicōari, no yimasibeticama jud'io masa ujarā:

—Buebetir'i ĩaboarine, ¿no yigu to bajise gotimasiomasiati ĩ? —yicami ĩna.

¹⁶ To bajiro ĩna yisere masicōari,

—Yu gotimasiosema yu ye me ĩaja. Yure cōacacu ye ĩaja ti. ¹⁷ Dios ĩ bojasere mua yirūajama, “Dios ĩ yerene gotimasioami”, yimasiborāja mua. ¹⁸ No bojagu no ĩ tuoīasene gotiguma, masa quēnase ĩre ĩna yirācubūosere bojagumi. No bojagu ĩre cōacacure Diore masa quēnase ĩre ĩna yirācubūosere bojaguma, riojo masune gotigu ĩagūmi. Nīe ũnijuare masare ĩnare yitobecami.

¹⁹ ¿Moisés ĩamasir'i Dios ĩ rotimasirere muare cūbesujarique ĩ? Tire cuorā ĩaboarine no bojagu mua vatoare Dios ĩ rotimasirere cudijeogu maami. RoJose yu yibetiboajaquēne yure sīaruaja mua —masare yicami Jesús.

²⁰ To bajiro i yisere ajicōari, ado bajiro ĩre cudicama ĩna masa:

—Vāti mu usujure sājacōari, roJose mure yitogu yigūmi. Nīmujua mure sīaruagu magūmi —ĩre yicami ĩna, Jesúre.

²¹ To bajiro ĩna yijare,

—Ususājariarūmu ņaboajaquēne, sīgū rijagure yu catioro ĩacōari ĩaucacaju mua, “Ususājariarūmu ņaboajaquēne moami” yīāterā. ²² Moisés ņamasir'i sūcare circuncisiōn yirere maure rotiyumi ĩ. ĩ masu me tire rotisoyumi. Jēre ĩ ņicajune to bajirone yicoadimasinujarā ĩna. To bajiro rotimasire ņajare, ususājariarūmu ti ņaboajaquēne, sūcare circuncisiōn yaja mua. ²³ Moisés ņamasir'i ĩ rotimasirere cūdirā ņari, ususājariarūmu ti ņaboajaquēne sūcare circuncisiōn yaja mua. Yujuarema ususājariarūmu ti ņaboajaquēne sīgū rijagure yu catiojama, ĩno yirā yure jūnisinati mua? ²⁴ Nie manone rujajine quēnaro tuoĭabetiboarine, “Rojose ĩre ņaja”, yure yibesa mua. “Rojose ĩre ņaja” mua yijama, quēnaro tuoĭa rĭjoro yicōari, “Rojose ĩre ņaja”, yure yiya mua —ĩnare yicami Jesús, masare.

“Dios ĩ ņarojure vadicacu ņaja yu”, Jesús ĩ yire queti

²⁵ To bajiro ĩ yisere ajicōari, Jerusalén macana sīgūri ĩna masune gāmerā sēniācama ĩna: —ĩSiaruarā, ĩna macagu me ņaruyuati ĩ? ²⁶ Ado mani jediro rĭjorojare ņagōņaami ĩ. To ĩ bajiboajaquēne sīgū ĩre boca yimatagu maami. Adoana ujarā, “Cristo Dios ĩ cōagū, mani uju ņagūmi ĩ”, ĩyituoĭarāda ĩna? ²⁷ “Ti macagu vayumi”, yimasiaja mani. Cristorema, “ĩ ejaro, ‘Toagu vayumi’ yimasibetiruarāja mani”, yiadire ņaja —ĩna masune gāmerā yicama ĩna, Jerusalén macana sīgūri.

²⁸ To bajiro ĩna yisere ajicōari, Diore yirūcuboriaviju gotimasio ņacacu, oca tutuase rāca ņagōcami Jesús yuja:

—Yure ĩacōari, “Ti macagu ņaami”, yure yituoĭaboaja mua. To bajiro mua yituoĭajama, yure cōcacure riojo yigure masibeaja mua. ²⁹ Yuma ĩre masiaja. ĩ cōcacune ņaja yu. ĩ ņarojune vadicaju yu —ĩnare yicami Jesús.

³⁰ To bajiro ĩ yijare, buto ĩre ajijūnisinirā ņari, ĩre ņiaruaboacama ĩna, jud'io masa ujarā. To bajiboarine ĩre ņiamasibeticama ĩna. “To cōrone ņiaecorucumi” Dios ĩ yiriarūmu ti ejabetijare. ³¹ Gājerāma jājarā ĩre ajitirūnucama ĩna. To bajiri ado bajiro yicama ĩna:

—Cristo, Dios ĩ cōar' ĩ ņagūmi āni. No bojagu ĩ rētoro ĩaĭāñamanire yigu manirucumi —yicama ĩna, ĩre ajitirūnurā.

Jesúre ĩre ņiaruarā, Diore yirūcuboriavire coderimasa ĩna ejare queti

³² Masa Jesús ĩ bajisere yayioroaca ĩna gotiro ajiyuma fariseo masa. To bajiri, Diore yirūcuboriavi coderimasare Jesúre ĩre ņiarotiyuma ĩna, paia ujarā quēne. ³³ ĩna ejaro ĩacōari ado bajiro yicami Jesús:

—Yure cōcacu tujū quēna tudiarucuja yu. To bajiri yoaro meaca adore masa tujure ņarucuja yu. ³⁴ Yure macaruarāja mua. To bajiboarine yure bujabetiruarāja mua. Yu ņarojure no bajiro yi vamasibetiruarāja mua —masare ĩnare yigoticami Jesús.

³⁵ To bajiro Jesús ĩ yisere ajicōari, jud'io masa ujarā ĩna masune gāmerā sēniācama ĩna: —ĩNojūre variquida ĩ, ĩre mani bujabetirotojurema? Mani ņaro sojuaju vacōari griegio masa rāca vusarā tujū varu yigūmi, ĩ yijama. Tojūre vacōari, gājerā masare, o mani yarāre gotimasiogū varu yigūmi, ĩ yijama. ³⁶ “Yure macaboarine yure bujabetiruarāja mua. To bajicōari yu ņarojure vamasibetiruarāja mua” ĩ yijama, ĩno yire ũnre yati ĩ? —gāmerā yīñagōcama ĩna.

“Masa Diorāca quēnaro ņaruarā, ado bajiro bajirāma”, Jesús ĩ yire queti

³⁷ Masa manojū ĩna ņicua ĩna ņacudimasirere tuoĭatusariarūmu, tirūmu ņacaju rujarūmu masuma. Tirūmure vūmurūgūcōari, oca tutuase rāca ņagōcami Jesús:

—Sīgū ĩ oco idirūajama, oco sēnigūmi. Tire bajirone, no bojagu Diore ĩ masirūajama, yu tujure vadicōari ĩre yu catiorotire sēnigū ejato ĩ. ³⁸ Ajiaja mua. Ado bajiro gotiaja Dios ocare masa ĩna ucamasire: No bojarā yure ajitirūnurārema, “ĩna usuriju oco masare catiose, riagare bajiro ũmayucōa ņaruaraja, ‘Diorāca quēnaro ņacōa ņarūgūrāro’ yiro”, yigotiaja Dios oca —masare ĩnare yigoticami Jesús.

³⁹ To bajiro ĩ yijama, “Yure ajitirūnurāre ĩna usurijure, Dios ĩ cōagū Esp'iritu Santo ejacōari quēnaro ĩnare ejarēmocōa ņarūgūrucumi, ĩna rijato beroju tudirĭjabeticōari, Diorāca quēnaro ņaronare” yigu yicami Jesús. Ō vecajure, quēnase ĩre yirūcuboriavijure Jesús ĩ tudiejabetijare, Dios ĩ cōagū Esp'iritu Santore adi macarucure Jesúre ajitirūnucanare cōabesumi Dios maji.

Ricatiri rĭne masa ĩna tuoĭare queti

⁴⁰ Jesús ĩ ņagōsere ajicōari, sīgūri ado bajiro yicama:

—Diore ĩre gotirētobosarimasa, Dios ocare ucara, “To bajirucumi” masa ĩna yucamasir'i masune ņaami —yicama ĩna, sīgūri.

⁴¹ Gājerājuama ado bajiro yicama ĩna:

—Cristo, “Rotimurōgōrucumi” yigu, Dios ĩ cōar' ĩ masune ņacōaami —yicama ĩna. Gājerāma ado bajiro yicama:

—Cristo me ñaami. No bajiro yigu, Galileagune Cristo ñabecami. ⁴² Dios ocare masa ña ucamasire ti gotijama, ado bajiro yaja: “Uju David ñamasir'i jānerabatia jānami ñarucami Cristo. To bajiri David ñamasir'ire bajirone Belén macagune ñarucami i quēne”, yigotiaja Dios oca —yicama ña.

⁴³ Ado bajise ricatiri rīne Jesúre ĩre yituoĭacama ña. ⁴⁴ Sīgūri ĩre ñiaruaboacama. To bajiboarine ĩre ñiamasibeticama.

Jud'io masa ujarā, Jesúre ĩna ajitirānubetire queti

⁴⁵ Diore yirācuburiavire coderimasa Jesúre ĩre ñiamasibeticōari, fariseo masa, paia ujarā tujare tudiacama ña. Ñīe manane ĩna ejaro ĩacōari ado bajiro ĩnare yisēñiñujarā ĩna paia ujarā:

—¿No yirā ĩre āmiadibeti mua? —ĩnare yiyujarā ĩna.

⁴⁶ Ado bajiro ĩnare yicadiyujarā Diore yirācuburiavire coderimasa:

—ĩre bajiro ñagōrā manicama ĩna —yiyujarā ĩna.

⁴⁷ To bajiro ĩna yijare, fariseo masajua ado bajiro ĩnare yiyujarā:

—¿To yitogu i yiserene ĩre ajiri mua? ⁴⁸ Mua ujarā ñaja yua. Yuama sīgū ĩre ajitirānugū maja. Mani ujarā quēne sīgū ĩre ajitirānugū maami. ⁴⁹ Adoana masa Moisés ñamasir'i i rotimasire masibeticōari, Jesúre ĩre ajitirānurāma. To bajiro ĩna bajijare, ĩnare rearucami Dios —yiyujarā ĩna fariseo masa.

⁵⁰ Nicodemo ñamiju Jesúre ĩre ĩagū ejar'i, fariseo masu ñañuju i quēne. ĩ babarāre ado bajiro ĩnare yiyuju ĩ:

⁵¹ —¡Majique! Moisés ñamasir'i manire i rotimasire yirā, i gotisere ajicōari, ĩre sēñiñabetiboarine, “Rojose ñaja ti, ĩre”, yimasibeaja mani —yiyuju Nicodemo, i babarāre.

⁵² To bajiro i yijare,

—¿Mu quēne Galileagu ñatique mu? Dios ocare masa ĩna ucamasiriatutire ĩaĭasaque mu. Tire mu buero bero, “Diore gotirētobosarimasu Galileaju vadiri manirucami” yicaturere masirucuja mu quēne —ĩre yiyujarā ĩna, Nicodemore tud'irā.

⁵³ To bajiro ĩre yicōa, ĩna ya viriju tudijedicoasujarā ĩna.

8

Rōmio manaju cutiboarine, gāji rāca ajeri cutigo Jesús tujare so ejare queti

¹ Macaju yua tujarone, Olivo vāme cuti buroju majacoacami Jesús. ² Gajerūmu, busuriju, Diore yirācuburiaviju tudiejacami quēna Jesús. ĩ ejaro ĩacōari jājarā masa i ture rējacama. To bajiro ĩna bajijare, rujicōari yuare gotimasioacami Jesús.

³ To bajiro yuare i yigotimasio ñarone, fariseo masa, Dios i rotimasire gotimasiorimasa quēne ejacama. Sīgō rōmio manaju cutiboarine gāji rāca ajeri cutigore yua ĩaro rījorojuare sore jiaejocama ĩna. ⁴ To yicōari, ado bajiro Jesúre ĩre yicama ĩna:

—Yuare masiogū, adio rōmio manaju cutiboarine gāji rāca so ajeri cutisere ĩamu yua. ⁵ Moisés ñamasir'i i rotimasire ado bajiro yirotiaja ti: “To bajiro yirārema gūtane ĩnare reasīañā”, yaja ti. Muma, ¿no bajiro tuoĭati mu? —Jesúre ĩre yicama.

⁶ “Moisés i yiriarore bajirone Jesús manire i cudibetijama, ‘Jesús, rojose yimi’ ” ujarāre yi ocasāruarā, Jesúre sēñiñatoboacama ĩna. To bajiro ĩna yisēñiñatobojaqueñe, mubiacōari i āmo vāsoane ucacami Jesús, sita tūcurojare. ⁷ ĩre ĩna sēñiñatujabetijare, vāmūrūgūcōari, ado bajiro ĩnare yicami Jesús yuja:

—Mua rācagu, “Rojose yibecu ñaja yu” yigu, gūtane muare ūmato rocavasuoato —ĩnare yicami Jesús.

⁸ To bajiro yicōa, quēna mubiacoacami Jesús. Mubiacōari, sita tūcurore ucacōa ñacami quēna. ⁹ To bajiro i yisere ajicōari, “Rojose yibeticaju” yigu manicami. To bajiri, sore gūtane rocavamenane, bucurā vāso, tiju bero gājerā vajedicoacama ĩna. To ĩna baji veogo, so sīgōne Jesúrāca tujacamo so. ¹⁰ To ĩna bajiro bero, vāmūrūgūcōari, so sīgōne so ñaro ĩacōari, ado bajiro sore sēñiñacami Jesús:

—¿Noju ñati ĩna yuja, “Rojose yimo” mure yirāma? ¿Rojose mu yise vaja, sīgūhama mure sīamenane, vacoajari ĩna? —sore yicami Jesús.

¹¹ To bajiro i yijare,

—Yure sīamenane, vacoajama —Jesúre yicamo.

To so yisere ajicōari, ado bajiro sore yicami Jesús:

—Yu quēne, “Rojose mu yire vaja rojose tāmūrūgūcoja”, yibeaja yu. Vasa. Quēna gāme rojose yibeja mu yuja —sore yicami Jesús.

“Yu suorine Diore masire ñaja”, Jesús i yire queti

¹² Quēna ado bajiro masare ĩnare yigoticami Jesús:

—Yn suorine Diore masiama masa. Yure ajitirñnmasurāma, Diore masimenare bajiro bajibetirñarāma ina. Yure ajitirñnñrāre catioaja yn, ina rijato berojn, “Quēnaro catijedicōa ñarũgũrājaro” yigu —ñnare yicami Jesús.

¹³ To bajiro i yisere ajicōari, ado bajiro yicama fariseo masa:

—“To bajiro bajigu ñaja yn” mñ yiboajaquēne, niñuane gāji mami, “Riojo gotiami” mñre yiguma. To bajiri to bajiro mñ yiboase vaja maja ti. To bajiro yitocōagũ yaja mñ —Jesũre ĩre yicama.

¹⁴ To bajiro ina yijare, ado bajiro ĩnare yicadicami Jesús:

—Yn vadicatojũre masiaja yn. Yn varotore quēne masiaja yn. To bajiri yn masune yn gotise ñaboarine, socase me ñaja ti. Muama, yn vadicatojũre, to yicōari, yn varotore quēne masibeaja mña. ¹⁵ Masa ñari, riojo masimenane, “Rojose yirā ñaama”, gājerāre yĩabeserũgũaja mña. Yma, masa ina yisere ĩabeseju me yaja. ¹⁶ To bajiboarine masa rojose ina yisere yn ĩabesejama, yn sīgũne ĩabesebeaja yn. Yn jacũ, yure cōacacũ, yn rācane ĩabeseami. To bajiri, masare, “Rojose yirā ñaama” yn yijama, riojo masune ĩnare gotiaja yn. ¹⁷ Mña ñicua ĩna rotimasire ado bajiro yuicamasire ñaja ti: “ ‘Rojose yimi’ juarā ĩna yijama, ĩnare ajiya”, yaja ti, mña ñicua ĩna rotimasire. ¹⁸ To bajiri, “To bajiro bajigu ñaja yn”, masare yĩorũgũaja yn, yn masu quēne. Yn jacũ yure cōacacũ quēne, ĩ masune, “Yn macũ yn cōagũ ñaami” yigu ñari, masa ĩna ajimasirotire ĩnare cōarũgũami —ñnare yicami Jesús.

¹⁹ To bajiro i yisere ajicōari, ado bajiro ĩre sēñĩlacama ina:

—¿Nojn ñati mñ jacũ? —ĩre yicama, Jesũre.

To bajiro ina yijare ĩnare cadicami Jesús:

—Yure ĩamasibeaja mña. To bajiri yn jacũre quēne masibeaja mña. Yure mña ĩamasijama, yn jacũre quēne masiborāja mña —ñnare yicami Jesús.

²⁰ Diore yirũcũbuorĩavijn, masa ina gājoa sãriaju tujure rũgōcōari, to bajise masare ĩnare yigotimasiocami Jesús. Tojn jud'io masa ujarā ĩna moarijn ti ñaboajaquēne, Jesũre ĩamasibeticama, ĩre ĩna ñiaroticu maji ti ejabetijare.

“Yn vatojũre no bajiro yi vamasibetirñarāja mña”, Jesús ĩ yire

²¹ Quēna ado bajiro masare yigoticami Jesús:

—Varũcũja yn. Yn vato bero, yure macaboarñarāja mña. Yure bujamena rĩne rojose mña yise rācane bajireacoarñarāja mña. To bajiri yn vatojũre vamasibetirñarāja mña —ñnare yicami Jesús.

²² To bajiro i yisere ajicōari, ado bajiro gāmerā yicama ina, jud'io masa ujarā:

—¿ĩ masune sĩayayirũ yati ĩ, “Yn varotojũre vabetirñarāja mña” ĩ yijama? —gāmerā yicama ĩna.

²³ To bajiro ina yisere ajicōari:

—Muama, adigodoana ñaja. Yma, ò vecagũjn ñaja. Adi macarũcũroana Diore ajimena ñaja muama. Yma, adi macarũcũroagu me ñaja yn. ²⁴ To bajiri, “Rojose mña yise rācane bajireacoarñarāja mña”, muare yibũ yn. “ĩne ñaja yn” yn yĩrore bajiro yure mña ajitirñnubetijama, rojose mña yise rācane bajireacoarñarāja mña —ñnare yicami Jesús.

²⁵ To bajiro i yisere ajicōari, ado bajiro ĩre sēñĩlacama ina:

—¿Ñimũ ũgũ ñati mñ? —ĩre yicama ina, Jesũre.

To bajiro ina yirone, ĩnare cadicami Jesús:

—Muare gotisnũgũjũne, “ĩ ñaja yn” muare yisnũadicaju yn. ²⁶ Jairo muare yn gotiroti ñaboaja ti. Rojose mña yisere ĩcōari, “Ado bajiro rojose yaja mña” cojoji me muare yn yĩborotine bajicōaja ti. To bajiboarine masare adi macarũcũroanare muare yn gotijama, yure cōacacũ ĩ gotirotise rĩne gotirũgũaja yn —ñnare yicami Jesús.

²⁷ To bajiro ĩ yiboajaquēne, “ ‘Yure cōacacũ’ yigu, ‘Diore, ĩ jacũre’ yigu yami”, yiajimasibeticama ina. ²⁸ To bajiri ado bajiro ĩnare yigoticami Jesús:

—Dios ĩ roticōacacũne ñaja yn. Yucũtērojn masa yure ĩna jajuturo bero bajisere ĩcōari, “Riojo yiyumi. To bajiro masune bajigu ñañumi”, yure yimasirñarāja mña. “ĩ masurione ĩ tuoĩasere me gotirũgũñumi. ĩ jacũ ĩre ĩ gotimasirotisere gotirũgũñumi”, yimasirñarāja mña. ²⁹ Yure cōacacũ yn rācane ñacōa ñarũgũami. ĩ bojase rĩne yaja yn. To bajiri yure vaveobetirũgũami —masare yigoticami Jesús.

³⁰ To bajiro Jesús ĩ yisere ajicōari, jājarā masa ĩre ajitirñnucama.

“Dios rĩa me ñaama rojose yirā”, Jesús ĩ yire queti

³¹ To bajiri jud'io masare ĩre ajitirñnñrāre ado bajiro goticami Jesús:

—Muare yn gotimasirotũgũsere mña ajitirñnũ tujabetijama, yn buerā masune ñarñarāja mña. ³² To bajiro bajirā rĩne Dios ocare socabetire ajimasirñarāja mña. Ti ocare ajimasicōari, rojose mña yisejasere yitujarñarāja mña, Dios ĩ bojasejuare yirñarā —ñnare yicami Jesús.

³³ To bajiro ĩ yijare, ado bajiro yicama ina:

—Abraham ñamasir'i jānerabatia ñari, Dios yarā ñaja yua. To bajiri, ¿no bajiro yigu, “Rojose mua yisejase yitujaruarāja mua, Dios i bojasejuare yiruara”, yuare yati mu? —Jesúre ire yicama ina.

³⁴ To bajiro ina yisere ajicōari, ado bajiro yicami:

—Ñamasusere riojo muare gotiaja yu: No bojarā rojose yirāma, rojose yisejarā ñari, rojose yitujamasibeam. ³⁵ Sīgū i ujure moabosarimasu, “Ado yure moarotigu rācane ñacōa ñarūgūrucuja yu”, yimasibeami. Uju macujama, i rācane ñacōa ñarūgūrucumi. To bajiri, Dios rīama, i rācane ñacōa ñarūgūruarāma. ³⁶ To bajiri, rojose mua yisejase yu suorine “Yitujaruarāja” mua yijama, “Rojose maja inare”, muare yirucuja yu yuja. ³⁷ “Abraham ñamasir'i jānerabatia ñaja yua” mua yisere masiaja yu. To bajiro yirā ñaboarine, yu gotisere ajitirūnubeticōari yure siaruaja mua. ³⁸ Yu jacu yure i yilocatire muare gotiaja yu. Muama, mua jacu rojose yigu i rotisere cudirā ñaja —inare yicami Jesús.

³⁹ To bajiro i yisere ajicōari, ado bajiro yicama ina:

—Abraham ñamasir'ine ñañumi, “yua jacu” yua yiguma —Jesúre ire yicama ina.

To bajiro ina yirone, ado bajiro inare yicami Jesús:

—Abraham i yirūgūriarore bajirone yiborāja mua, i rīa mua ñajama. ⁴⁰ Yu jacu, Dios oca socase mere i gotirotirotore bajirone muare yu gotimasioboajaquēne, yure siaruaja mua. Abraham ñamasir'ima ti ũnire yibetirūgūmasiñumi. ⁴¹ Yure siaruarā, mua jacu masu rojose yigu ñadir'i i yirūgūrore bajirone yirā ñaja mua —inare yicami Jesús.

To bajiro i yijare, ado bajiro ire yicama:

—Yua jacu masuma, Dios ñaami. Gāji mami yuarema. I rīa masune ñaja yuama —Jesúre ire yicama ina.

⁴² To bajiro ina yisere ajicōari, ado bajiro inare cudicami Jesús:

—Mua jacu masune Dios i ñajama, yure maiboriarāja mua. Yu masu me vadicaju yu. Dios yure i cōajare vadicaju yu. Dios tuju vadicōari adone ñaja yu. ⁴³ ¿No yirā yu gotisere ajimasibeati mua? Yu gotimasiosere ajiruamena ñari, tire ajimasibeaja mua. ⁴⁴ Mua jacuma, vātia uju ñaami. I rīa ñaja mua. To bajiri i bojase bajirone mua quēne yirua tuojaia mua. Rēmojune masare siarimasune ñacoyumi vātia uju. Riojo gotibetirūgūami. Yitorimasu, socase jacu ñaami. I gotijama, socarūgūami. Rēmojune to bajirone bajicoayumi. ⁴⁵ Yuarema socabeti quetire gotigu yu ñajare, yure ajitirūnubeaja mua. ⁴⁶ Sīgū, “Ado bajise rojosere yicaju mu”, yure yimasigū mami. To bajiri, riojo muare yu gotiboajaquēne, ¿no yirā yure ajitirūnubeati mua? ⁴⁷ Dios rīa mua ñajama, i ocare ajiboriarāja mua. I rīa me ñari yure ajiruabeaja mua —inare yicami Jesús.

“Abraham ñamasir'i rījorojune ñacoadicaju yu”, Jesús i yire

⁴⁸ To bajiro i yirone, cudicama jud'io masa ujarā:

—“Samaria sitagu, vāti sāñagū ñaja mu” mure yua yirūgūse riojone yiyuja yua —Jesúre ire yicama jud'io masa ujarā yuja.

⁴⁹ To bajiro ina yisere ajicōari, ado bajiro inare yicami Jesús:

—Vāti sāñagū me ñaja yuma. Yu jacu Diore quēnase ire yirūcūbuoaja yu. Muama, yure rūcūbuobeaja mua. ⁵⁰ “Quēnaro yure yirūcūbuoato ina masa” yigu me vadicacu ñaja yu. Sīgūne ñaami, quēnaro masa yure ina yirūcūbuosere bojuguma. Yure rūcūbuomenare ñamasigū ñaami. ñamasicōari, rojose yure ina yise vaja rojose tāmuorotirucumi. ⁵¹ Ñamasusere riojo muare gotiaja yu. No bojarā yu gotisere ajitirūnūrāma, bajireabetiruarāma ina —inare yicami Jesús.

⁵² To bajiro i yisere ajicōari, ado bajiro Jesúsre yicama jud'io masa ujarā:

—To bajiro mu yisere ajicōari, “Vāti sāñagū masune ñaami”, mure yimasiaja yua yuja. Abraham ñamasir'i, Diore gotirētobosarimasa ñamasiriārā quēne, bajireajedicoasuma ina. To bajiro ina bajire ti ñaboajaquēne, “Yure ajitirūnūrāma bajireabetiruarāma ina”, yiboaja mu. ⁵³ Yua ñicu Abraham ñamasir'i, ñamasugū ñamasifūju ina. ¿I rētoro ñamasugū ñatique mu? Abraham quēne, Diore gotirētobosarimasa quēne bajireajedicoasuma ina. To yijama, ¿ñimu ũgū ñati mu? —Jesúre ire yicama ina.

⁵⁴ To bajiro ina yijare, inare cudicami Jesús:

—Yu masurione, “Quēnagū ñaja yu. Quēnase yigu ñaja yu” yu yiboajama, ñie vaja maja ti. Yu jacu ñaami quēnase yure yirūcūbuogu, “Ine ñaami yua Dios” mua yiboagu. ⁵⁵ Ire masibeaja mua. Yuma, ire quēnaro masiaja. “Ire masibeaja yu yijama, muare bajirone socagu ñabogūja yu. Yuma, quēnaro masune ire masicōaja yu. I yirone bajirone ire cudiaja yu. ⁵⁶ Mua masa ñicu, Abraham ñamasir'i, “Cojorāmu ejarucumi Dios i cōagū, ñajediro masa uju” yigu, variquēna yuñamasifūmi. To bajiri adi macarucurojore yu ejaro ñacōari, variquēnamasucōacami —inare yicami Jesús, jud'io masa ujarāre.

⁵⁷ To bajiro i yisere ajicōari, ado bajiro ire yicama ina, Jesúsre:

—Bucu me ñaja mu. Cincuenta cūmari cuobetiboarine, çno yigu, “Abraham ñamasir'ire İre İacaju yu”, yati mu? —İre yicama İna.

⁵⁸ To bajiro İna yijare, ado bajiro İnare yicami:

—Ñamasusere riojo muare gotiaja yu. Abraham ñamasir'i İ ñaroto rĳorojune jĳere ñacōacaju yu —İnare yicami Jesūs.

⁵⁹ To bajiro İ yisere ajicōari, gūtari juacama, İre rearuarā. To bajiro İna yirone, İnare rudicōa budiacami Jesūs, Diore yirūcubuoariavire ñaboacacu.

9

Caje İabecu ruyuar'ire Jesūs İ İarotire queti

¹ To bajivacune, sĳğ rĳmone caje İabecu ruyuar'ire İre İabujacami Jesūs. ² To İ bajisere İacōari, ado bajiro İre sĳnİacaju yua, İ buerimasa, Jesūre:

—Gotimasioğū, çno yigu rĳmone İabecu ruyuayujari İma? Çİ jacuajua o İ masu ye suori bajiyujarique? —Jesūre İre yisĳnİacaju yua.

³ To bajiro yua sĳnİarone, ado bajiro yuare cūdicami Jesūs:

—İ masune rojose İ yire vaja me, İ jacua quĳne rojose İna yire vaja me, to bajigu ruyuyumi İ. “Dios İ masisere masirājaro masa” yigu, to bajigu ruyuyumi. ⁴ Ūmua ti ñaro moamasiaja mani. Rāioro berojuma moamasibeaja mani. To bajirone bajiaja mani catise quĳne. Ado ñarāma, moamasiaja mani. To bajiboarine, no bojarirūmu mani bajireacoajama, moamenaja mani. To bajiri, yure cōacacu İ rotirore bajirone quĳnaro yirūğūroti ñaja. ⁵ To bajiri adi macarūcurojore masa ruĳere bajiro ruĳu cuticōari, yu ñasere İacōari, to yicōari, yu gotimasiosere ajicōari, Diore masiama masa. Ti ñaja yu moare —yicami Jesūs.

⁶ To bajiro yigajanogūne, sita tūcurojore gooco eoreacūcami. To yicōa, İ goocone sitare yierocami. To yicōari, İabecure tine tucami, İ cajere. ⁷ To bajiro İre yicōari ado bajiro İre yiroticami, İabecure:

—Siloē vāme cutirita, masa İna guarūğūritaju vasa. Toju ejacōari, mu cajere coeba —İre yicami Jesūs, İabecure. (Hebreo oca rāca “siloē” İna yijama, “cōar'i” yirā yicama.)

To bajiri Jesūs İ coerotisere ajicōari, İ coerotirore bajirone İ cajere coegu vacoacami İabecu. İ cajere coegajanogūne, İacoasuju. To bajiri İ ya viju tudicoasuju. ⁸ İ tudiejaro İacōari, İ yarā, İre İarūğūriarā, ado bajiro İre yiyujarā İna:

—“ÇYure İamaicōari, yure İsiña” yirujirūğūğ me ñati İma? —yiyujarā İna.

⁹ To bajiro İna yirone,

—İne ñaami —yiyujarā İna sĳğūri.

Gājerājuama:

—İ me ñaami. İre bajigune ñaami, bajigujuma —yiyujarā gājerāju.

To bajiro İna yisere ajicōari İ masune,

—İne ñaja yu —yigotiyuju İ.

¹⁰ To bajiro İ yigotijare ado bajiro İre yisĳnİaĳujarā masa:

—ÇNo bajiro yicōari, İacoati mu yuja? —İre yiyujarā İna.

¹¹ To bajiro İna yijare,

—Sĳğ, Jesūs vāme cutigu İ goocone sitare yierocōari yu cajere tumi. Tire tucōari, ado bajiro yure yirotimi: “Siloē vāme cutiritaju vacōari, mu cajere coeba”, yure yimi. To bajiri tiraju ejacōari, yu cajere coebu yu. To bajiro yigune, İacoaju yu yuja —İnare yiyuju İ.

¹² To bajise İnare İ yigotijare, ado bajiro İre yisĳnİaĳujarā masa:

—ÇNoju ñarojari, to bajiro mure yir'ima? —İre yisĳnİaboayujarā İna.

—Ba. Masibeaja yu —yiyuju İabecu ñaboar'i.

¹³ To bajiro İ yisere ajicōari, fariseo masa tujure İabecu ñaboar'ire İre jiasujarā İna. ¹⁴ İ goocone sitare yierocōari İabecure Jesūs İ caje İaroticatirūmuma, jud'io masa İna ūsusājarirūmu ñacaju ti. ¹⁵ To bajiri İbetiboacacure İna āmiejaro İacōari, ado bajiro İre yisĳnİaĳujarā fariseo masa:

—ÇNo bajiro yicōari, İabetirūğūboagune, İacoati mu yuja? —İre yisĳnİaĳujarā fariseo masa.

To bajiro İre İna yirone,

—İ goocone sitare yierocōari, yu cajere tumi. Tire coegune İacoaju yu yuja —İnare yigotiyuju İ.

¹⁶ To bajiro İ yirone,

—Mure to bajiro yir'ima, Dios İ cōar'i me ñagūmi. Ūsusājarirūmure rūcubuoobesumi —yiyujarā İna.

Gājerājuama ado bajiro yiyujarā İna:

—Rojose yigu İ ñajama, ado bajiro İaİaĳamanire yibetiborimi —yiyujarā gājerājuama.

To bajiri ricatiri rīne tuoīaŋujarā ĩna fariseo masa. ¹⁷ To yicōari bero, quēna gāme sēniīaŋujarā ĩna, ĩabecu űaboarire:

—Mama, ĩno bajiro tuoīati mu, “Īato” mure yir’ire? —yiyujarā ĩna.

To bajiro ĩna yirone,

—“Diore gotirētobosarimasu űagūmi”, yaja yama —yiyuju ĩ.

¹⁸ “Īabecu ruyuar’i űaboarine, ĩacoasumi yuja”, yiruabesujarā ĩna maji. To bajiri ĩabetiboar’i jacuare jicōaŋujarā ĩna. ¹⁹ ĩna ejaro, ado bajiro ĩnare yisēniīaŋujarā ĩna:

—ĹMaa macu, ĩabecu ruyuacacu maa yigune űati ānima? ĹNo bajiro yicōari ĩabecu űaboarine, ĩacoasujari ĩ yuja? —yisēniīaŋujarā ĩna, ĩ jacuare.

²⁰ To bajiro ĩna yisēniīajare, ĩnare gotiyujarā ĩna:

—Īne űaami yua macune, ĩabecu ruyuacacune. ²¹ To bajiboarine, “Ado bajiro yicōari, ĩaami yuja”, yimasibeaja yua. Ī cajere ĩarotir’ire masibeaja yua. Īre sēniīaŋa maa. Bucu űaami jēre. Ī masu muare gotiato —yiyujarā ĩ jacua.

²² Jud’io masa ujarāre ĩnare gūrā űari, “Jesūne űaami ĩre ĩarotir’i” ĩnare yiterā űari, to bajise yiyujarā ĩ jacua. Jud’io masa ujarā ado bajiro yituoīaŋujarā ĩna:

—“Jesūs űaami ‘Rotimaorūgōrucumi’ yigu, Dios ĩ cōar’i, mani uju” yirāre sājarotibetiruarāja mani, Dios ocare ĩna buerivirijare —yituoīaŋujarā ĩna.

²³ To bajiri, “Manire sājarotibetoma” yirā, “Bucu űaami. Īre sēniīaŋa”, ĩnare yiyujarā ĩabetiboar’i jacua.

²⁴ To bajiro ĩna yijare, ĩabetiboar’ire ado bajiro ĩre yiyujarā ĩna quēna:

—Dios sīgurene quēnase ĩre yirūcubuoya, mu cajere ĩarotir’i ĩ űajare. Jesūjuarema, “Rojose yigu űaami”, ĩre yimasiaja yua —ĩre yiyujarā ĩna.

²⁵ To bajiro ĩna yisere ajicōari, ado bajiro yiyuju ĩ:

—“Rojose yigu, quēnase yigu űagūmi”, ĩre yimasibeaja yu. “Īabecu űaboacacu, yucurema ĩagū űaja yu yuja”, yimasiaja yu, tirema —yiyuju ĩ.

²⁶ To bajiro ĩ yisere ajiboarine, quēna ĩre sēniīaŋujarā ĩna:

—ĹNo bajiro mure yiri ĩ, “Īato ĩ” mure yigu? —ĩre yiyujarā ĩna.

²⁷ To bajiro ĩna yijare, ado bajiro ĩnare cadiyuju ĩ:

—Jēre muare gotiboabu yu. Yure ajibeaja maa. ĹNo yiruarā quēna gāme gotire bojati maa? ĹMaa quēne ĩ buerā űaruatique? —ĩnare yiyuju ĩ.

²⁸ To bajiro ĩ yisere ajicōari, ĩre tud’iyujarā ĩna:

—Mama, ĩ buegu űaja mu. Yuama, Moisés űamasir’i ĩ rotimasirere buerā űaja yuama.

²⁹ “Moisés űamasir’ire űagōŋumi Dios”, yimasiaja yua. Mure cator’irema masibeaja yua. “Toju vadir’i űagūmi”, yimasibeaja yua, ĩrema —yiyujarā ĩna.

³⁰ To bajiro ĩna yisere ajicacōari, ado bajiro ĩnare cadiyuju ĩ:

—Yu cajere ĩarotiboajiquēne, “Toju vadir’i űaŋumi”, yimasibeaja maa. ³¹ “Rojose yirārema ajibecumi Dios. Īre rūcubucōari, ĩ bojasere yirā rīrene ajigumi Dios”, yimasiaja mani. ³² “Īabecu ruyuar’ire sīgū ĩre ĩaroticōaŋuju” yire ajiyamanicaju ti. ³³ Yure ĩarotiguma, Dios ĩ cōagū me ĩ űajama, yure no yimasibetiborimi —ĩnare yiyuju ĩ.

³⁴ To bajiro ĩ yijare, ado bajiro ĩre yiyujarā ĩna:

—Rēmone rojose rāca ruyuar’i űaja mu. To bajigu űaboarine, “Īnare gotimasiorucuja yu”, yituoīaboati mu, yuare? —ĩre yiyujarā ĩna, ĩabecu űaboar’ire.

To yicōa, ĩre bucōaŋujarā ĩna, Dios ocare ĩna bueriviju űaboagure.

“Yure ajitirānūmenama, caje ĩamenare bajiro bajiana”, Jesūs ĩ yire queti

³⁵ ĩabecu űaboar’ire ĩre ĩna bucōasere ajicaju yua, Jesūrāca. To bajiri ĩre ĩabucōari, ado bajiro ĩre yicami Jesūs:

—ĹDios ĩ roticōacacure ajitirānūati mu? —ĩre yicami Jesūs.

³⁶ To bajiro ĩ yirone, ado bajiro ĩre cadicami:

—Yure gotiya. “Ī űaami”, yiya. ĩre ajitirānūruaja —Jesūre ĩre yicami.

³⁷ To bajiro ĩ yirone, ado bajiro ĩre cadicami Jesūs:

—Jēre ĩre ĩaja mu. Īne űaja yu, ado mu rāca űagōgūne —ĩre yicami Jesūs.

³⁸ To bajiro ĩ yirone,

—Yu uju, mure ajitirānūruaja yu —Jesūre ĩre yicōa, ĩ rījorojuare gusomuniari tuetucami, “űamasugū masune űaja mu” ĩre yirūcubuogu.

³⁹ To ĩ yiro bero, ado bajiro masare yicami Jesūs:

—Īamenare bajiro bajirā űaama Dios ocare ajitirānūmena. “Quēnaro Diore ajitirānūato ĩna” yigu, adi macarucurojare vadicaju yu. To bajiboarine Diore ajitirānūmena űaboarine, “ ‘Diore ajitirānūrā űaja yua’ yirāma, rojose tāmnotujabetiriaroju varuarāma ĩna” yiguagu vadicaju yu —ĩnare yicami Jesūs.

⁴⁰ To bajiro ï yijare, to ñacana fariseo masa sîgûri, Jesûre ïre sêniñacama ïna:

—¿“Dios ocare masimena ñaama ïna quêne” yîgu, yuare yati mu? —Jesûre ïre yicama ïna.

⁴¹ To bajiro ïna yirone,

—“Dios ocare quênaro masibeaja yua” mua yigotijama, rojose maniboriaroja ti, muare. “Jêre Dios ocare masiaja yua” yirâ ñari, yure mua ajitirûnubetijare, rojose ñacôa ñaja muare —Ïnare yicami Jesûs.

10

Ovejare ïatirûnugûre bajiro Jesûs ïre ajitirûnûrâre ï code se

¹ Quêna masare gotimasiogû ado bajiro yicami Jesûs:

—Ñamasusere riojo muare gotiaja yu. No bojagu oveja ïna ñarisânirore, sojere sâjabecu, soje manijurene joresâjagûma, juarudirimasu o gâjerâ yarâre êmacudirimasu ñagûmi. ² Sojene sâjagûma, ïnare coderimasu ñaami. ³ Ovejare coderimasure, “Sâjajaro ï” yîgu ïre soje jânabosagumi, ti sâniro sojere codegu. ï sâjatone ï oca jedisere ajimasicôarâma ïna oveja. ïna vâmene ïnare jibugumi, ïnare masigû ñari. ⁴ ïnare jibujeocôari, ïnare rîjoro cuti vacumi. ï ocare ajimasicôari, ïre sâyarâma ïna. ⁵ ïna ajimasibecurema sâyamenama ïna. ï ocare ajimasibeticôari, ïre rudiruarâma ïna —Ïnare yicami Jesûs, masare.

⁶ Ado bajise ïnare yigotimasioboacami Jesûs. ïnajuama boca ajimasibeticama.

“Oveja ïna sâjarisojere bajiro bajigu ñaja yu”, Jesûs ï yire queti

⁷ ïna ajimasibetire masicôari, ado bajiro ïnare goticami Jesûs quêna:

—Ñamasusere riojo muare gotiaja yu. Yu ñaja soje, oveja ïna sâjarisojere bajiro bajigu. Ovejare bajiro bajirâ ñaama masa. ⁸ Yu rîjoro ejariarâma, “‘Rotimûorûgôrûcumi’ yîgu, Dios ï côagû ñaja yu”, yisocariarâma. ïna ñaro côrone juarudirimasare bajiro bajirâ ñacoayuma ïna, yure ajitirûnuriarâre, “Ajitirûnubeticôa” yirâ. To bajiro ïnare ïna yiboajaquêne, yure ajitirûnûrâjuama, ïnare cudibesuma ïna. ⁹ Yu ñaja sojere bajiro bajigu. No bojarâre yure ajitirûnûrâre, rojose tâmuotûjabetiriaroja ïna vaborotire ïnare yirêtobosarûcûja yu. Ovejare coderimasure bajirone quênaro ïnare ïacoderûgûrûcûja yu. To bajiri ñie gûiose mano quênaro ñacôa ñarûgûrûarâma ïna.

¹⁰ Juarudirimasu, masare juarudiruarâ, ïnare sîama ïna. Yûjuama, “Sîgû rayabeto catireayere quênaro cuojedicôato ïna” yîgu, vadicaju yu. ¹¹ Yu ñaja ovejare quênaro coderimasure bajiro bajigu. Ovejare quênaro coderimasure ïre ïna sîaruaboajaquêne, quênaro ïnare codecôa ñarûcumi. ïre bajiro bajigu ñaja yu. Yure ajitirûnûrâ rojose ïna yise vajare yune ïnare vaju yibosarocu ñaja yu. ¹² Sîgû, vaju bojagu rîne ï moajama, quênaro ovejare codetirûnubecumi. Buyairo ï ejaro ïacôari, ovejare vaveocoacumi ï, ïre rudigu. ï yarâ oveja me ïna ñajare, ïnare vaveocoacumi. To bajiri, buyairo jiaejacôari, ovejare ïnare âgôbatereacôagûmi. ¹³ Vaju bojagu masune moagû ñari, ovejare ïnare maibecune, ïnare vaveorûcumi, ï yarâ me ïna ñajare.

¹⁴⁻¹⁵ Yu ñaja ovejare quênaro coderimasure bajiro bajigu. Dios, yu jacu yure ï masirore bajirone yu quêne ïre masiaja. Tire bajirone yure ajitirûnûrâre quêne ïnare ïamasiaja yu. ïnaju quêne, yure ïamasiamu ïna. ïnare rijabosarocu ñaja yu. ¹⁶ Yure ajitirûnûrona, sîgûri, jud'io masa me ñaruarâma. ïnare quêne ïnare jirêorûcûja yu. ïna quêne yure cudiruarâma ïna. To bajiri cojorâmu cojo masare bajirone bajicôa ñarûgûrûarâma ïna, gâmerâ ïamairâ. To bajiri yu sîgûne quênaro ïnare coderûgûrûcûja yu.

¹⁷ Yure ajitirûnûrâre ïnare rijabosaruaja yu, “ïna rijato beroju rojose tâmuotûjabetiriaroja vatoma ïna” yîgu. Yu rijato beroju quêna tudicatrûcûja yu, bajigujama. Yure ajitirûnûrâre yu rijabosaruajare, yu jacu bûto yure maiami. ¹⁸ Masare yu rijabosaruabetijama, no bajiro yicôari yure sîabetiborâma ïna. Masare yu rijabosaruase ñaja yu bojarore bajirone yu yiroti. To bajiri, quêna yu tudicatrûajama, caticoa masiaja yu. To bajiro yu yimasirotire yure cûcumi yu jacu —masare yigoticami Jesûs.

¹⁹ To bajiro ï yisere ajicôari, jud'io masa ujarâ ricatiri rîne tuoñacama ïna. ²⁰ Jâjarâ ïna râcana ado bajiro yicama:

—Vâti sâñagû, mecurimasu ï ñaboajaquêne, ¿no yirâ ïre ajiati mua? —Ïnare yicama ïna.

²¹ Gâjerâjuama, ado bajiro yicama ïna:

—Vâti sâñagû ï ñajama, to bajise ñagôbetiborimi; to yicôari, caje ïamenare quêne ïnare ïarotibetiborimi —yicama ïna.

Jud'io masa ujarâ, Jesûre ïna ajirûabeti queti

²² Jerusalénju Diore yirêcûbuoriavijure ñarâre Diore rûcûbuomenare ïnare bucôari, ïna quênorere tuoñariarâmuri ñacaju ti, tirûmuri. Juebucurâmuri ñacaju ti. ²³ To bajiri Diore

yirücbuoriaviju sãjacõari, Salomón vãme cutijacatuajuare vacaju yua Jesúrãca. ²⁴ To bajiro yua bajĩnarone, Jesús tujũ jud'io masa ujarã rêjacõari, ado bajiro ãre sēniĩacama:

—¿No cõroju, “Í me ñaami. Ñe ñaami”, mure yimasirãti yua? “Rotimũorũgõrũcumi” yigu, Dios í cõar'i mu ñajama, yucane riojo yuare gotiya —Jesúre ãre yicama ña.

²⁵ To bajiro ña yisere ajicõari, ado bajiro cudicami Jesús:

—Jẽre muare gotiboaja yu. Yuare ajibeaja mua. Yu jacu í rotisene cojoji me muare yĩĩocõarũgũboaja yu. Tire ãcõari, “Ñe ñaami”, muare yiroti ñarũgũboaja ti. ²⁶ Yu yarã me ñaja mua, bajirãjuma. To bajiri yure ajitirãnũbeaja mua. ²⁷ Oveja ña uju ocare ña ajimasirore bajirone yu yarã yure ajimasiamã ña. Yu quẽne quẽnaro ñare masiaja. To bajiri yure ajitirãnũ suyaama ña. ²⁸ Dios í catisere ñare ãsiaja yu. To bajiri niyuane yure jicãmoto ecobetirũcumi. To bajiri, ña rijato beroju, quẽna tudicatijedicõari yu rãca quẽnaro ñacõa ñarũgũruarãma. ²⁹ “Ñare cõoato” yigu, yu jacu yure cũcumi. Niyuane í rêtoro masigũ magũmi. To bajiri niyuane yure jicãmoto veomasibetirũcumi. ³⁰ Yu, yu jacu rãca sīgũne ñaja yua —yicami Jesús, jud'io masa ujarãre.

³¹ To bajiro í yirone, gũtarire juacama ña, ãre rearuãrã. ³² To bajiro ña yisere ãcõari, ado bajiro ñare yicami Jesús:

—Yu jacu í masisene cojoji me mua ñaro rĩjorojuã ñaĩañamanire yĩĩorũgũmu yu. ¿Di vãme yu yĩĩosere ãcõari, “Rojose yigu yami” yirã, gũtane yure rearuati mua? —Ñare yicami Jesús.

³³ To bajiro í yirone, ado bajiro ãre cudicama ña jud'io masa ujarã:

—Ñaĩañamanire mu yĩĩose suori me gũta rãca mure rearuãrãja yua. Rujajine Diore mu yise vaja mure rearuãrãja yua. Yuare bajiro masu ñaboarine, “Dios ñaja yu”, yiboaja mu —Ñare yicama ña, Jesúre.

³⁴ To bajiro ña yijare, ado bajiro ñare yicami Jesús:

—“Yuare bajiro bajirã ñaja mua’ yiyumi Dios”, yiuamasire ñaja, mua ñicua ña rotimasire. ³⁵ “Dios ocare masa ña ucamasire riojo ñamasuse ñaja”, yimasiaja maní. “Í ocare ajitirãnũrãre, ‘Yuare bajiro bajirã ñaja mua’ yiyumi Dios”, yimasiaja maní. ³⁶ “Mu sīgũne ñaja mu, yure bajiro bajigu” yigu, adi macarũcurojũre yure cõacami Dios. To bajiro í yicacu yu ñaboajaquẽne, “Dios macu ñaja yu” yu yirone, ¿no yirã, “Diore yiajegũ yaja mu”, yure yati mua? ³⁷ Yu jacu í yirore bajirone yu yibetijama, yure ajitirãnũbesa. ³⁸ Yu jacu í yirore bajirone yu yijama, yure ajitirãnũbetiboarine, yu yĩĩosere ãcõari, “Dios macu ñaami”, yitũoĩaroti ñaja muare. To bajiri, “Yu jacu rãcane ñaja yu. Í quẽne yu rãcane ñaami” yu yigotimasiosere ajicõari, “Riojo gotiami”, yure yimasironã ñaja mua —Ñare yicami Jesús.

³⁹ To bajiro í yisere ajicõari, ãre ñiaruaboacama ña. Jesũjuama boca rudicoacami.

⁴⁰ To bajivacu, Jordán vãme cutirisa gajejacatuaju yuare ãmato jẽacoacami Jesús. Toju ejacõari, masare oco rãca Juan í bautiza ñacatojũre tujacaju yua yuja. ⁴¹ Tojũre jãjarã masa ãre ñarã ejacama. Jesúre ãre ãcõari, ado bajiro gãmerã yicama ña:

—Ñaĩañamanire yĩĩobetiboarine, jediro Jesús í bajisere gotigũ, socu mene gotiyumi Juan —gãmerã yicama masa.

⁴² Tojũre jãjarã masu, Jesúre ãre ajitirãnũ suyasuocama ña yuja.

11

Lázaro í bajirocare queti

¹⁻² Sīgũ ñacami Lázaro vãme cutigu. Í bederã rõmiri ñacama Mar'ia, gajejo Marta. Ña ñacama Betania vãme cuti macana. Mar'ia ñacamo so, Jesús guborire sutiquẽnase tucõari so joa ñajone vejacarocaco. Buto rijayuju Lázaro. ³ Lázaro í rijaro ãcõari, í bederã rõmiri Jesúre ãre oca cõañuma ña:

—Mu baba Lázaro buto rijami —Ñe yi oca cõañuma ña.

⁴ Tire ajicõari, ado bajiro yuare yicami Jesús:

—Rijaye ãre siabetoja. “Quẽnarẽtogũ ñaami Dios. Í cõrone quẽnagũ ñaami í macu quẽne’ yirücbuorãjaro masa” yigu, rijagu bajigami —yuare yicami Jesús. “Ñe rijaye ãre siabetoja” yigu, “Rijayayicõa tujabetirũcumi” yirũne yicõañumi.

⁵ Lázaro, í bederã rõmiri Martare, to yicõari, Mar'iare quẽne ñare maicami Jesús. ⁶ To bajiboarine, “Buto rijami Lázaro” ña yisere ajiboarine, vabeticami Jesús maji. Tone yua ñacatone juarũmu ñacõacaju yua maji, Jesúrãca. ⁷ To baji, juarũmu bero yuare í buerãre ado bajiro yuare yicami Jesús:

—Ita quẽna, Judea sitaju. Lázaro í ñaroju vajaro maní —yuare yicami Jesús.

⁸ To bajiro í yisere ajicõari, ado bajiro ãre sēniĩacaju yua:

—Cãnũbusane toana jud'io masa ujarã gũta rãca mure rearuacama ña. ¿Tojũre quẽna tudivaroti tuoĩati mu, yuare gotimasioğũ? —Ñe yisēniĩacaju yua, Jesúre.

⁹ To yua yirone, ado bajiro yuare cudicami Jesús:

—Adi macarucurojare mani catiro cōro quēnaro cōīamasiami Dios. Ī bojaro cōro catiruarāja mani. No bojarā Diore masirā, Dios ĩ bojasere yitujabeama, yare ajitirānūrā űari. ¹⁰ Diore masimenajuma, Dios ĩ bojasere yirubeama, yare ajitirānūmena űari —yare yicami Jesús.

¹¹ Tire yare goticōa, quēna gajeye yare gotirēmocami:

—Mani baba Lázaro, cānicarimi. To bajiri ĩre yujioguasū yaja yu —yicami Jesús.

¹² To bajiro ĩ yijare, ado bajiro ĩre yicaju yua:

—Cānigū ĩ bajijama, caticoarucami —ĩre yicaju yua, Jesúre.

¹³ “Cānigū bajigumi” Jesús ĩ yisere ajicōari, “Ī ususājarere yigumi”, yicōacaju yua. To bajiro yua yitūoīaboajaquēne, Jesújuma, “Bajirocacoarimi” yirune yicōaűumi Jesús. ¹⁴ To bajiri, “Yare quēnaro ajimasibeama ĩna” yigu, riojo yare goticami Jesús:

—Lázaro bajiyayicoarimi —yicami yuja. ¹⁵ —Variquēnaja. Quēnaro ĩ tujare vabeju yu, “Riojo Dios macune űaami” mūa yirūcubūrotire yigu. To bajiri, ĩta. Īato, Lázaro —yare yicami Jesús.

¹⁶ Jesús buerimasu yua rācagu, Tomás vāme cutigu űacami. Cojoji ruyuarāne, juarā ruyuar’i yua yicacu űacami. Ado bajise yare yicami:

—Īta mani quēne. Jesúrācane bajiyayirāsa —yare yicami Tomás.

“Yū űaja masare catiomasigū”, Jesús ĩ yire queti

¹⁷ To bajiri, Betaniaju yua ejarone, —Babarirūmari tusaju, Lázaro ĩna yujero bero —yare yigoticama masa.

¹⁸ Jerusalén macaju űacōari, vajama, tres kilómetros vaejariaro űacaju Betania maca.

¹⁹ Jerusalén maca vadiriārā jud’io masa jājarā ejayuma, Lázaro ĩ bajirocajare otirā. “Quēnabeti bajaia ti mūa gagu ĩ bajiyayise” Martare, to yicōari Mar’iare quēne yiotirā ejayuma ĩna. ²⁰ To bajiro ĩna yiñarone, “Vadiami Jesús” ĩna yisere ajicōari, yare bocago, vadicoayumo Marta. To so bajiro űnone, so bedeo, Mar’iajuma, vadibesumo. Vijune űacōaűumo so. ²¹ Jesús tujare ejacōari, ado bajiro ĩre yicamo Marta:

—Yū űju, adone mū űajama, yu gagu bajiyayibetiborimi. ²² Ī bajirocato bero ti űaboajaquēne, “Diore mū sēnijama, mū sēnirore bajirone mure cadirucami Dios”, yimasiaja yu —Jesúre ĩre yicamo so, Marta.

²³ To so yisere ajicōari,

—Mū gagu quēna caticoarucami —sore yicami Jesús.

²⁴ To bajiro ĩ yijare,

—Socu me yaja mū. űatarirūma masare Dios ĩ catorirūmaju, quēna caticoarucami yu gagu —ĩre yicamo so.

²⁵⁻²⁶ To so yisere ajicōari, ado bajiro sore yicami Jesús:

—Yū űaja masare catiogū masuma. No bojarā yare ajitirānūrāma bajiyayicoaboarine, quēna tudicaticōaruarāma ĩna. To ĩna bajiro bero, juaji tudirijabetiruarāma. ¿Tire ajitirānūati mū quēne? —Martare sore yisēñīlacami Jesús.

²⁷ To bajiro ĩ yisere ajicōari,

—“Yū űju, mū yirore bajirone bajaia ti. Mūne űaja, ‘Rotimūorūgōrucami’ yigu, Dios ĩ cōar’i, masa űajediro űju. Dios macune űaja mū, adi macarucurojare vadir’i”, mure yimasiaja yu —Jesúre ĩre yicamo so.

Lázaro masa boero tujū Jesús ĩ otire queti

²⁸ To yicōa, so bedeo Mar’iare, sore jigo, tudicoacamo Marta. So tujare ejacōari, ado bajiro Mar’iare sore gotirudiyuju so, yayioroaca:

—Manire gotimasiorimasu tone űaami. “Vadiato”, mure yimi —sore yiyuju Marta, so bedeo.

²⁹ To sore so yigoticōarojuma, guaro vāmū budi vadicoayumo so Mar’ia, Jesúre ĩre ĩagoago.

³⁰ Jesúrāca ti macajure ejabeticaju yua maji. Marta yare so bocacatojune űacōacaju yua maji.

³¹ Mar’ia rāca űaűuma ĩna jud’io masa, so gagu ĩ bajiyayijare otirā. To bajiri Mar’ia guaro so vāmū vado ĩacōari sore sūyayuma ĩna quēne. “Masa boero tujū otigo, vaco bajigomo” yirā baji ruyuyuma ĩna.

³² Mar’ia, Jesús tujū ejacōari, ĩ gubori tujū gusomuniari tuetucamo so, ĩre rucubūogo. To yicōari, ado bajiro ĩre yicamo so:

—Yū űju, cānūju mū ejajama, yu gagu bajiyayibetiborimi —Jesúre ĩre yicamo so, Mar’ia.

³³ Mar’ia so otisere ĩacōari, so rāca vadicana jud’io masa quēne ĩna otisere ĩacōari, Jesús, buto sutiriticami. ³⁴ To bajicōari ĩnare sēñīlacami Jesús:

—¿Noju ĩre yujemasiri mūa? —ĩnare yisēñīlacami Jesús.

To bajiro ĩ yirone,

—Adojua ĩagū vadiīasa yua űju —ĩre yicama ĩna.

³⁵ To bajiro ĩre ĩna yirone, oticami Jesús. ³⁶ Jesús ĩ otisere ĩacōari, ado bajiro yicama ĩna jud'io masa, sġari:

—Īaġasaque. Lázaro ĩre maiboayumi —gāmerā yicama ĩna.

³⁷ To bajiro ĩna yirone, gājerā sġari ado bajiro yicama:

—Caje ĩabecure ĩaroticacu ĩaboarine, ģno yġu Lázaroema, “Rijabeticōato”, yimasibesujari? —gāmerā yicama ĩna sġari, to ĩacodecana.

Lázaro ĩ tudicature queti

³⁸ Buto sātiritigune, ejarāgūcamī Jesús, Lázaro masa boero tujure. Gātavi ĩacaju ti, bajirocar'ire ĩna yujeriaju. Gūtane bibe ecoyuja. ³⁹ Tojure ejagune,

—Gūtare tūnuo gocōaġa —ĩnare yicami Jesús.

To bajiro ĩ yirone ado bajiro ĩre yicamo so, Marta, Lázaro ĩaboar'i bedeo:

—Īu uju, majique! Babaricārācārūma tusacoaju ĩ bajiyayiro bero. Ĵere āni sāticoacumi —Jesúre yicamo so.

⁴⁰ To so yiboajuquēne, ado bajiro sore yicami Jesús:

—Yure mu ajitirānūjama, rētoro ĩamasusere Dios ĩ yimasisere ĩaruocoja mu, mure yibu yu —sore yicami Jesús.

⁴¹⁻⁴² To bajiri yuja, gūtare tūnuogocama masa. ĩna tūnuogorone, ō vecajuare ĩamuocōari, ado bajiro yicami Jesús:

—Cacu, “Quēnaja” mure yaja, yure mu ajise ĩajare. Tocārācājine mure yu sēniro ajirūgūaja mu. To bajiri, “ ‘Dione ĩaami Jesúre ĩre cōar'i' yimasiatō ĩna” yġu, ĩna ĩaro rġjorojua yu yimasiro tire mure sēniaja yu —Diore yicami Jesús.

⁴³ To yġajanogūne, tutuase avasācamī Jesús yuja:

—Lázaro, budiaya mu —yicami Jesús.

⁴⁴ To bajiro ĩ yirone, bajirocar'ire ĩna yujer'i ĩaboarine, budicoadicami Lázaro. ĩricarire to yicōari, ĩrjure quēne sudine dārear'i ĩacami. ĩgubori, ĩrjoa quēne sudine gūmar'i ĩacami. To bajiri,

—ĩre ōjaġa mu. Vajaro ĩ —ĩnare yicami Jesús.

“ĴNo bajiro yicōari, Jesúre ĩre sġarāti mani?”, ĩna yire queti

(Mt 26.1-5; Mr 14.1-2; Lc 22.1-2)

⁴⁵ To bajiro Jesús ĩ yġosere ĩacōari, jājarā jud'io masa, Marġare baba cuticana, Jesúre ĩre ajitirānu suyasuocama ĩna. ⁴⁶ Gājerāma, Jesús ĩ yġosere ĩacōari, fariseo masare gotirā vasujarā ĩna. ⁴⁷ ĩna gotisere ajicōari, fariseo masa, paia ujarā rāca rējaġujarā ĩna. Rējacōari, jud'io masa ujarāre, Dios ĩ rotimasire gotimasiorimasare quēne ĳrēcōcōaġujarā ĩna. To bajiri ĩna rāca ado bajiro gāmerā ġagōġujarā ĩna:

—ĴNo bajiro ĩre yirāti mani? Buto masune ĩaġaġamanire yġogū yami. ⁴⁸ To bajirone ĩre mani yġboa tujajama, masa jediro ĩre ajitirānuaruāma. To bajicōari, Diore yirūcūbuoriavire caguereacōaruāma romano masa. To yicōari mani ĩarimacarire reajeocōaruāma ĩna —gāmerā yiyujarā ĩna.

⁴⁹ Ti cūmare paia uju ĩamasugū Caifās vāme cutġu ĩacami. To bajiro ĩna yisere ajicōari, ado bajiro ĩnare gotiyuju ĩ:

—Masibeaja mu. ⁵⁰ Mani ye jedirore ĩna reajama, quēnabetoja. To bajiri ĩaġaġamanire yġogū, manire rijabosato ĩ —yiyuju Caifās.

⁵¹⁻⁵² ĩ masurione to bajise tuoġacōari, yibesuju Caifās. Paia uju ĩamasugū ġari, Dios suorine to bajiro gotiyuju, Jesúre ĩre sġaruāu ĩaboarine. “Jud'io masa rġrene ĩnare rijabosabetirūcamī Jesús. No bojarā Jesúre ĩre ajitirānuarona Dios rġa ĩaronare adi macarūcūroanare ĩnare rijabosarūcamī Jesús” yimasibecu ĩaboajuquēne, ĩ tuoġasere Caifāre cōaġuju Dios. ⁵³ To bajiri, Caifās ĩ gotiriarūmune, “ĴNo bajiro yicōari Jesúre ĩre sġarāti mani?”, gāmerā yisouyujarā ĩna, jud'io masa ujarā.

⁵⁴ To bajiri, jud'io masa ĩna ĩarorema ĩnacudibeticami Jesús yuja. To ĩabecane, yucā manojū ĩarimaca, Efra'in vāme cutġi macajua yuare ūmato vacoacami Jesús.

⁵⁵ Pascua boserūmu ĩna yiroto moġoroaca ruayacoadicaju ti. To bajiri, jājarā masa vacama Jerusalēnu, “ ‘Roġose mana ġaja mu yuja’ manire yġato Dios” yirā, paia ĩna yġotirire yirā vana. ⁵⁶ Tojure ejacōari, Jesúre macaboayujarā ĩna. ĩre macaboana, Diore yirūcūbuoriavire ejacōari ado bajiro gāmerā sēniġaġujarā ĩna, Jesús ĩ ejabetġare:

—ĴMuma no bajiro tuoġati mu? ĴBoserūmu vadibetimasucōagū yġuida? —gāmerā yiyujarā ĩna, Jesús ĩ ejabetġare.

⁵⁷ Fariseo masa, to yicōari, paia ujarā quēne, “Jesúre mu ĩabujajama, yuare gotiba. ĩre ĩaruarā yaja yua”, yiyujarā ĩna, masare.

12

Jesús guborire sutiquēnasene rōmio so yuejeore queti
(Mt 26.6-13; Mr 14.3-9)

¹ Cojomo cōro, coja jēnituarirūmari Pascua boserūmu ñaroti ti ruyarūtuato Betania vāme cuti macaju vacaju yua, Jesúrāca. Lázaro i ñarimaca ñacaju ti maca Betania. To ñacaju Lázaro, bajirocaboar'irene Jesús ire i catioco. ² Jesús i ejaro iacōari, ire rucuborā ire bare quēnoecacama toana rōmiri. Lázaro bedeo, Marta ñacamo, yuare bare jeogo. Lázaro quēne ñacami, yua rāca bagu. ³ Yua bañarone sutiquēnase nardo vāme cutisere ñmiejacamo Lázaro bedeo ñatusago, Mar'ia vāme cutigo. Trescientos gramos cōro ñacaju ti. Jairo vaja cutise ñacaju. Tine Jesús guborire yuetucamo so. Yuetucōari so joa ñajone tire vejacarocamo so. Vi jēmurone sutijāmucocaju ti.

⁴ Tone ñacami Judas Iscariote quēne. I quēne yuare bajirone Jesús buegu ñacami. I ñañumi Jesúre iaterāre Isirocarocu. Jesús guborire so yueturo iacōari, ado bajiro sore yicami:

⁵ —Tire sutiquēnasere iacōari, trescientos ñaritiiri juaroco ñaboayumo so. Ti vaja juacōari, maiorio bajirāre ñare mani Isijama, quēnaboyuja ti —sore yicami Judajūama.

⁶ Maioro bajirāre maibetiborine to bajiro yicōacami i. Juarudirimasu ñari to bajise yicami i. I ñarūgūcami yua gājoare juabosarimasu. To bajiro yica yigune yua gājoare juarudicōarūgūñumi i. ⁷ To bajiri Judas to bajise sore i yijare, ado bajiro ire yicami Jesús:

—Tone yicōato. Yure ña yujeroto rījoro yuejeo rījoro cutigo yamo so. ⁸ Maioro bajirā mua rāca ñacōa ñarūgūrarāma, mua ejarēmorona. Yuma, mua rāca ñacōa ñabetirucuja —ire yicami Jesús.

Lázaro ña sīarhare queti

⁹ “Betania macaju ñaami Jesús” ña yisere ajicōari jud'io masa jājarā ejacama. Jesús sīgarene ire iarā ejarā me, bajicama ña. Lázaro, Jesús i catior'ire iarā rācane vayuma ña. ¹⁰⁻¹¹ Lázaro quēne sīarhayujarā ña paia ujarā, ire Jesús i catiore suorine, jājarābusa Jesūjare ajitirūnu suyacōari, ñare ña cāmotadise ñajare.

“*Rotimurōrōgōrucami*” yigu, Dios i cōagū ñaja yu” yīoqū, *Jerusalénju Jesús i ejare queti*
(Mt 21.1-11; Mr 11.1-11; Lc 19.28-40)

¹²⁻¹³ Jerusalénju Pascua boserūmu ña yīñarore iarā, jājarā masa ejayuma ña. To bajiri Mar'ia Jesúre so yuetucatirūmu beroagarūmu ñacaju tirūmuma. To bajiri tirūmurene Jesús i ejarotire ajicōari, jejeju ūni rujañoqueirire jasurejuacōari Jesúre bocacama. Ire bocarā, ado bajiro yivasā variquēnacama ña:

—“*Rotimurōrōgōrucami*” yigu, Dios i cōar'i ñaami! ¡Quēnase ire yivariquēnato mani! ¡Diore rotibosagu quēnaro i yigu ñaami! —Jesúre ire yivasā variquēnacama ña.

¹⁴ To bajiro ña yi vatone, burro vāme cutigure ire bujacōari, ire vajejacami Jesús, “To bajirone bajirūcami” Dios oca, masa ña yiuacamasire ñajare. Ado bajiro yiuacamasīñuma ña: ¹⁵ “Mua Jerusalén macana, gūibetiruarāja mua. Mua uju ñarocu burro vāme cutigu joeju jesacōari, vadirūcami”, yiuacamasīñuma.

¹⁶ Maji to bajiro ña yiuacamasire ajimasibeticaju yua, i buerimasa. Jesús masare rijabosacōari Dios i ñaroju i tudimujato bero, “Dios ocare masa ña ucamasire, Jesús i vadirotirene gotiyuja ti”, yimasicaju yua yuja.

¹⁷ Jēre ña yujerijure Lázaro Jesús i catiocatire iacana, masa jedirorene gotibatocōañuma. ¹⁸ To bajiri, ñañāmanire Jesús i yīocatiire ajicōari Jesúre iarā ejacama jājarā masa. ¹⁹ To bajiro masa ña yisere iacōari fariseo masa ña masune gāmerā ñagōñujarā ña:

—Ñaña. Masa jediro i ocare ire ajitirūnuama ña yuja. No yīriaro maja mani —gāmerā yiyujarā fariseo masa.

Griego masa Jesúre ña macare queti

²⁰ Pascua boserūmure Jerusalénju Diore rucuborā vana rāca sīgūri vusacama griego masa. ²¹ Felipe sēñiñarā ejayujarā ña. Galilea sita Betsaida vāme cuti macagu ñacami Felipe. Jesús buegu ñacami i quēne. Ado bajiro Felipe yiyujarā ña:

—Jesúrāca ñagōruaja yua —Felipe ire yiyujarā ña.

²² To bajiro ña yisere ajicōari, Andrére ire gotigu vasuju Felipe. To bajiri ña juarā Jesúre gotirā ejacama, yua tajua. ²³ ña gotisere ajicōari, ado bajiro yicami Jesús, ñare:

—Yu ñaja Dios i roticōacacu. Yure ña sīarotirūmu cōñaja ti. Yure ña sīaro bero, “Rētoro quēnagū ñaami”, yure yimasiruarāma masa. ²⁴ Ñamasusere riojo muare gotiaja yu: Yu rijabosabetijama, masa ñajediro, Diorāca quēnaro ñabeticōari, ña bajirearo bero, rojose tāmnotujabetiriaroju varuarāma. Trigo aje oteriarore bajirone bajiaja ti. Trigo ajea, sita ēñeroca tiare ña coacūbetijama, judibetoja ti. Tiare ña coacūjama, judicōari, jairo rica catiruaroja ti. To bajirone bajiruaroja yure quēne. Yure ña yujejare, yu suorine ña rijato

bero quénaro catijedicōa ñarūgūrārāma jājarā yure ajitirānaron. ²⁵ No bojarā, no ña bojarone ñare cutirāma adi macarucuro ñasere ñavariquēnacōari, Diore tuoīamenama, Dios ī catisere cuomena ñaruarāma ña. To bajiboarine, yure ajitirānārā, “Ī oca yua gotise ñajare, yuare ña sīacōajama, quēnacōaroja” yirāma, Dios ī catisere cuorā ñaruarāma. ²⁶ No bojagu yu bojasere yirūagu, quénaro yure ajitirānu sayaroti ñaja. To bajiro bajiguma, yu rāca ñacōa ñarūgūrucumi. To bajiro bajigurema quénaro ñe rācubūorucumi yu jacu —ñare yicami Jesús.

“Masare rijabosarucija yu”, Jesús ī yire queti

²⁷ To bajiro yicōari, ado bajiro ñagōcami Jesús quēna:

—Buto tuoīasutiritiaja yu. ¿No bajiro yiguti yu? ¿“ ‘Casu rojose tāmūoromi’ yigu, yure matabosaya”, yiguti yu? To bajiro yibetirucija yu. Tire tāmūorone vadicasu ñaja yu —yicami Jesús.

²⁸ To bajiro yicōa, Diojūare sēnicami yuja:

—Casu, mū bojarore bajirone bajiato. Masa mure rācubūorājaro —Diore ñe yicami Jesús yuja.

To bajiro ī yirone, ō vecaḡu ocaruyucaḡu:

—Mū suori “Masa quénaro yure yirūcubūoato” yigu, yicoadicaḡu yu. To bajiri, yirucija yu quēna, mū bajirotire —yi ocaruyucaḡu ō vecaḡu.

²⁹ Tire ajirāne,

—Būjo ñaromi —yicaḡu yua sīgūri.

Gājerāma:

—Ángel ñe ñagōḡu yiromi —yicama ña.

³⁰ To bajiro masa ña yisere ajicōari, ado bajiro yicami Jesús:

—“Yure yiro me”, yi ocaruyucaḡu ti. Muare “Ajiao” yiro, yaja. ³¹ Yucnacane rojose yure yirāre ñabeseshuorucumi Dios. To bajiro ī yishuorone masare ñare rojose yiroḡure yirētōrūgūrucija yu. To yu yirone, masare ī rotirūḡūboasere rotimasibetirucumi ī yuja.

³² Yucātēroḡu masa yure ña jajutuse suorine masa ñajediro uḡu ñarucija yu yuja. To bajiro yu bajise suorine, “Dios macu, yu uḡu ñarucija mū, mū masise rāca yure ejarēmōrocu”, yiruarāma jājarā adi macarucuroana.

³³ To bajiro ī yijama, “Ado bajiro sīacōarucija” yigu yicami. ³⁴ To bajiro ī yijare, ado bajiro ñe cudicama masa:

—Dios ocare masa ucamasire ti gotijama, “ ‘Rotimūorūḡōrucumi’ yigu, Dios ī cōarocu bajirocabetirucumi”, yigotiaja ti. To bajiro ti yigotiboajaquēne, ¿no yigu, “ ‘Rotimūorūḡōrucumi’ yigu, Dios ī cōagūre yure jajuturuarāma ña”, yati mū? ¿Ñimūja Dios ī roticōar’i masuma ñati? —Jesúre ñe yicama ña.

³⁵ To bajiro ña yijare, ado bajiro cudicami Jesús:

—Yu suorine ríoḡo ñamasusere masiama masa, ña masirūajama. Yoaro mene muare vaveoguagu yaja yu. To bajiri yure quénaro ajitirānutasaya mūa, “Ī yirore bajirone yirāsa mani” yirā. To bajise mūa yijama, rojose tāmūotujabetiriaroḡu vabetiruarāja mūa. Diore masimenajuama, rojose tāmūotujabetiriaroḡu ña varotire masibeama. ³⁶ To bajiri, mūa rāca yu ñarone yure ajitirānuña, “Ñe bajirone Diore masicoaruarāja mani” yirā —ñare yicami Jesús.

To bajiro masare ñare yigotigajanocōa, ña masibetioḡu vacōari, ñare yayicami Jesús.

Jud’io masa Jesúre ña ajitirānubetire queti

³⁷ Jesús, jairo ña ñamanire ñare ī yīlōboajaquēne, ñe ajitirānubeticama masa. ³⁸ “To bajiro bajiruarōja ti” Isa’ias ñamasir’i, ī yimasire ñajare, bajicaḡu ti. Ado bajiro yuucamasifūmi:

“Yua uḡu, mure yua gotirētobosare ajiboarine, to yicōari, mū yīlōsere ñaboarine, mure ajitirānugū maami”, yuucamasifūmi Isa’ias ñamasir’i.

³⁹ Dios ī cōarocure ajitirānubetironare yigu ado bajiro ucamasifūmi Isa’ias ñamasir’i quēna:

⁴⁰ “Ñe ña ajitirānubeti vaja ña masiboasere ñare masiriojeocōarucumi Dios. To bajiro ī yise ñajare, ñe ajimasibetiruarāma. Ríoḡo ña ajimasijama, rojose ña yirūḡusere tuoīasutiriticōari, tuoīavasoaborāma ña. Yure ña sēnijama, yure ña cāmōtadicōa tujaborotire ñare yirētobosaboguja yu, yigotiami Dios”, yuucamasifūmi Isa’ias ñamasir’i.

⁴¹ “Cristo rētoro ñamasugū maami” Dios ī yīlōsere ñacōari, to bajiro yuucamasifūmi Isa’ias.

⁴² “To bajiro bajiruarōja” Isa’ias ī yuucamasire ñaboajaquēne jājarā jud’io masa, to yicōari ña uḡarā quēne sīgūri Jesúre ñe ajitirānucama ña. To bajirā ñaboarine, masa ña ajiro rījoroḡu, “Jesúre ajitirānārā ñaja”, yibeticama ña bajirājuma, fariseo masa, “Jesúre ajitirānārāre sājārotibetiruarāja mani, Dios ocare mani buerivijare” ña yire ñajare. To bajiri ñare ḡuirā, “Yuare masiroma” yirā, tire gotibeticama ña. ⁴³ To bajiro yirā ñari, Dios ye rētobusaro masa yejuare rācubūorere bojacama ña.

“Yüre ajitirānūmenare rojose īna tāmūotujabetiriaroju īnare cōarūcūmi Dios”, Jesús ī yire queti

⁴⁴ Ruyugoaro goticami Jesús:

—Yüre ajitirānūrāma, yū sīgūrene ajitirānūrā me yama. Yū jacū yüre cōacacūre quēne ajitirānūrā yama. ⁴⁵ Yüre īārāma, yū jacūre quēne īārā yama. ⁴⁶ Yū suorine Diore masīama masa. Adi macarūcurojūre vadicaḡu yū, “Yüre ajitirānūcōari, rojose yitūjato” yigū. ⁴⁷ Yū ocare ajiboarine yüre īna ajitirānūbetijama, yū me űaja rojose tāmūotujabetiriaroju īnare cōarocūma. Adi macarūcuroanare rojose yigūagū vadicaḡu me űaja yūma. Yüre ajitirānūrāre īna űaro cōrone rojose tāmūotujabetiriaroju īna vaborotire īnare yirētobosaguagu vadicaḡu yū. ⁴⁸ To bajiboarine, yüre rūcūbūobeticōari, yū ocare ajitirānūmenama, űatusarirūma rojose tāmūotujabetiriaroju varūārāma īna. ⁴⁹ Yū masurione tuoīacōari, tire gotigu me yaja yū. Yū jacū yüre cōacacū ī gotirotise rūne gotiaja yū. ⁵⁰ “Yū jacū ī rotisere īna ajitirānūjama, īna rijato beroju, tudirijabeticōari, yū rāca quēnaro űacōa űarūgūruārāma īna”, yimasīaja yū. To bajiri yū gotijama, yū jacū yüre ī yirotirore bajirone gotiaja yū —masare yicami Jesús.

13

Ī buerimasare īna guborire Jesús ī coere queti

¹⁻³ Pascua boserūma yua batasaroto rĳoro, jĳere, “Yū jacū tūju adi macarūcurore yū vaveoroto mojoroaca rūyaja yuja”, yimasīcōacami Jesús. Simōn macūre, Judas Iscariotere, “Jesús vajanare īnare ocasārūcūja yū, ‘Īre űiato īna’ yigu” yirere ĳe cōaḡumi ĳ, vātia űju. Jĳere tire masīcōaḡumi Jesús. “Dios tūju vadicaḡu űaja yū. To bajiri ī tūju quēna tudiarūcūja yū. Rĳemojūne, ‘No yiyamagū űaja mū. No mū bojasere yimasīaja mū’ yüre yicoadicami Dios”, yimasīcōacami Jesús. Rĳemojūne adi macarūcuroanare, ĳe ajitirānūcanare, yūare maicoadicami “Mūare maimasucōaja yū” yigu, ado bajiro bajicami Jesús adi macarūcurojūre ī űatusacatirūmuri. Tire mūare gotiguagu yaja yū.

⁴ Yua batusaḡarone, vāmūrūgūcōari, joeado ī sāḡaritore veacami Jesús. To yicōari, ī rūju gadarecore toallare siatucami. ⁵ To yicōari, rūjabajaju ocore jiocami. Jiojeo, yua guborire coecami Jesús. Coecōari, toalla rāca yua guborire carocami.

⁶ Pedro guborire ī coegūadone, ado bajiro ĳe boca yicami:

—ĲYū űju űaboarine, yū guborire coegūagu yati mū? —yicami Pedro.

⁷ To bajiro ī yijare, ado bajiro ĳe cūdicami Jesús:

—Yucūacarema mūa guborire yū coesere tuoīamasibeaja mūa maji. Bero tire ajimasirūārāja mūa —yicami Jesús.

⁸ To bajiro ī yiboajaquēne:

—Yū guborire coebetirūcūja mū —Jesūre ĳe yicami Pedro.

To bajiro ī yirone,

—Mū guborire yū coebetijama, yū rācagū me űarūcūja mū —Pedrore ĳe yicami Jesús.

⁹ To bajiro ī yisere ajicōari, ado bajiro ĳe cūdicami Pedro:

—To mū yiro űnoma yū gubori rūne coebesa. Yū āmorire quēne, yū űajoare quēne coeya —Jesūre ĳe yicami Pedro.

¹⁰ To bajiro ī yisere ajicōari, ado bajiro ĳe cūdicami Jesús:

—Jĳere guacōar'irema, jediro ī rūjare coere maja. Gubori rūne coejama, quēnaja. Ūeri manare bajiro bajirā űaja mūa. To bajiboajaquēne sīgū űaami mūa rācagū űeri cutigūre bajiro bajigu —yūare yicami Jesús.

¹¹ “Ī űaami yüre ĳirocacū” yimasīcōari, “Mūa jedirone űeri mana űajedicōa bajibeaja mūa”, yūare yicami Jesús.

¹² Yua guborire coegajanocōari, quēna ī veacūcatiasere sāḡacami Jesús. To yigajano, quēna gāme ejarūjucōari ado bajiro yūare goticami Jesús:

—ĲMūa guborire yū coesere ajimasīati mūa? ¹³ “Yūare gotimasīogū, yua űju”, yüre yaja mūa. Ī masune űaja yū. To bajiro yüre mūa yijama, quēnaja. Ríojone yaja mūa. ¹⁴ Yū, mūa űju, mūare gotimasīogū űaboarine, mūa guborire yū coejare, mūa masu quēne, mūa gāmerā gubori coejama, quēnaja. ¹⁵ “Yū yirore bajirone yato īna” yigu, mūare yūogū yaja yū. ¹⁶ űamasusere ríojo mūare gotiaja yū: Sīgū moabosarimasū űamasugū me űaami ĳ. Ī űjujuama űamasugū űaami. Sīgū gāji ī cōar'i ī űajama, űamasugū me űaami. űamasugūjuama ĳe cōar'i űaami. To bajiri mūa űju űari. “Yū yirore bajirone mūa masu quēne gāmerā ejarēmoḡa mūa”, mūare yaja yū. ¹⁷ Yū gotisere ajicōari, quēnaro mūa yijama, varīquēnarūārāja mūa.

¹⁸ Mūa jedirone yigu me yaja yū adirema. Yū besecanare, mūare quēnaro masīaja yū. Yucūacane yū bajiro ti Dios ī goticūcati ejarūaroja ti. Ado bajiro yigotiaja ti, Dios ocare masa ucamasire: “Yū rāca bagū űaboarine yüre ĳirocacū űaami”, yigotiaja Dios oca. ¹⁹ Ti bajiro to rĳoroaca mūare gotiaja yū. To bajiro ti bajiro ĳacōari, “‘Rotimūorūgōrūcūmi’ yigu, Dios ī cōar'i űaami”, yüre yiajitirānūruārāja mūa. ²⁰ űamasusere ríojo mūare gotiaja yū: Yū cōārāre

ajitirānārāma, yare quēne ajitirānārāma. No bojarā yare ajitirānārāma, yare cōcasare quēne ajitirānārāma —yare yicami Jesús.

“Sīgū mua rācagu yare ĩaterāre yare ĩsirocarucami”, Jesús ĩ yire queti
(Mt 26.20-25; Mr 14.17-21; Lc 22.21-23)

²¹ To bajiro yigoticōari bero, buto tuoĭasutiriticami Jesús. To bajiri quēnaro riojo yare goticami:

—Ŋamasusere riojo muare gotiaja yu. Sīgū mua rācagu, yare ĩaterāre yare ĩsirocarucami —yare yicami Jesús.

²² To bajiro ĩ yisere ajicōari, yu ĩ buerimasa, yu masune gāmerā ĩacaju yu, “ĳŊimujare yati?” yirā űari. ²³ Yare ĩ buegare buto yare maicami Jesús. To bajiri yu batūacatire ĩ tuaca barujicaju yu. ²⁴ “‘ĳŊimujare yati mu?’ ĩre yisēniĭato” yigu, yare sōjucami Pedro. ²⁵ To bajiro ĩ yiro ĩacōari, Jesús tubusaca varuacaju yu, ĩre sēniĭagū:

—Yu uju, ĳŊimujua űati muare ĩaterāre ĩsirocarucama? —ĩre yisēniĭacaju yu.

²⁶ To yu yirone, ado bajiro yare cudicami Jesús:

—Pan yosecōari, yu ĩsigūne űarucami yare ĩsirocarucama —yicadicami Jesús.

To yicōa yuja, Simōn macu Judas Iscariotere, ĩicami ĩ yuja. ²⁷ Tire bocaāmicōari, ĩ barone ĩ usujare vātia uju sājacoa ruyucami Judare. To bajiro ĩ bajijare, ado bajiro ĩre yicami Jesús:

—Mu yirua tuoĭasere yidaya mu —Judare ĩre yicami Jesús.

²⁸ ĩ rāca barujicana sīgūjama to bajiro ĩ yisere ajimasibeticaju yu. ²⁹ Yu ye gājoare coderimasa ĩ űajare, “‘Boserūmu űaro mani baroti vaja yiaya’ ĩre yigu yigūmi Jesús”, yituoĭaboacaju yu sīgūri. Gajeyerema, “‘Maĭoro bajirāre gājoa ĩsiaya’ yigu yigūmi ĩ yijama”, yicōacaju yu.

³⁰ Bagajano, vacoacami Judas yuja. ĩere űamiju űacaju ti.

“Gāmerā ĩamaĭa”, Jesús ĩ yire queti

³¹ Judas ĩ budiato bero, ado bajiro yare yicami Jesús:

—Yucacane, “Quēnamasugū űaami Dios ĩ roticōacacu”, yimasiroti űaja. To bajiro yare yirā űari, “Quēnamasugū űaami Dios quēne”, yimasiroti űaja ti. ³² Diore masa ĩna rūcūbuojama, yare quēne, “ĩre rūcūbuoĭarāma”, yirucami Dios. Yoaro mene to bajiro yiguagu yami Dios. ³³ Yu űare bajiro bajirā űaja mu. Mu rāca yoaro űacōa űabetirūgūrucaju yu. Yare macaboarūarāja mu. Cānu jud’io masa ujarāre yu gotimasirore bajirone muare quēne gotiaja yu. “Yu varotore vamasimenaja mu”, muare yaja yu. ³⁴ Yucane mame rotisere muare gotiaja yu: Ado bajiro bajiıama mu: Muare yu ĩamaidicatore bajirone muare quēne gāmerā ĩamaĭa. ³⁵ Mu gāmerā ĩamaĭo ĩacōari, “Jesús buerimasa űaama”, muare yĭarūarāma ĩna, masa jediro —yare yicami Jesús.

“Jesūre masibeaja yu’ yirucūja mu”, Pedrore Jesús ĩ yire queti
(Mt 26.31-35; Mr 14.27-31; Lc 22.31-34)

³⁶ To bajiro ĩ yisere ajicōari, Jesūre sēniĭacami Pedro:

—Yu uju, ĳnoju vacu yati mu? —ĩre yicami Pedro.

To bajiro ĩ yijare,

—Yucacarema yu varotojare vamasibecūja mu maji. Ado beroju yare suyarucūja mu —Pedrore ĩre yicami Jesús.

³⁷ To bajiro ĩ yirone,

—Yu uju, ĳno bajijare yucacarema mu rāca suyamasisbecuada yu? Mu sĭacoroĭi űaboajaquēne, yujua sĭacoruĭaja yu —Jesūre yicami Pedro.

³⁸ To bajiro ĩ yirone, ado bajiro ĩre cudicami Jesús:

—ĳSocabetiboatime mu? Ŋamasusere riojo muare gotiaja yu: Gājabocu ĩ űagōroto rĭjoro ĭdiaji, “Jesūre ĩre masibeaja yu”, yirucūja mu —Pedrore ĩre yicami Jesús.

14

“Yu suorine Dios tujare ejamasire űaja”, Jesús ĩ yire queti

¹ To bajiro Pedrore ĩre yigajanocōari ado bajiro yare yigoticami Jesús quēna:

—Buto tuoĭarejaibeticōa űa mu. Diore ĩre ajitirānucōari, yare quēne ajitirānūa. ² Yu jacu ya vijure jairo mu űarotijauri űaja ti. To ti bajibetijama, muare gotibetibogūja yu. Toju muare űarotire muare quēnoyugu varu bajiaja yu. ³ Toju muare űarotijaurire quēnogajanocōari, quēna gāme vadirucūja yu. “Tojare yu űaro yu rāca űarājaro” yigu muare juagu ejarucūja yu quēna. ⁴ Yu vaejarotore masiaja mu. To bajiri toju vaejaria maare masiaja mu —yare yicami Jesús.

⁵ To bajise ĩ yiboajaquēne, ado bajirojuare ĩre yicami Tomás:

—Yua uju, mu varotore masibeaja yua. ¿No bajiro yicōari, to varia maare masiruarāda yua? —Jesúre ire yicami.

⁶ To bajiro i yirone ado bajiro ire yicadicami Jesús:

—Yune ñaja varia maare bajiro bajiguma. Yu suorine Dios tujare ejare ñaja ti. Yu suorine riojo ñamasusere masire ñaja ti. “Ína rijato beroju tudirijabeticōato” yigu, Dios i catisere masare ñare ísigū ñaja yu. To bajiri, yure ajitirānurā rīne yu jacu tujare ejaruarāma. ⁷ Yure mua masijama, yu jacure quēne ire masiruarāja mua. Yure íarā ñari, “Í jacure masiaja yua”, yimasiruarāja mua —yure yicami Jesús.

⁸ To bajiro i yirone, ado bajiro ire yicami Felipejuma:

—Yua uju, mu jacure yure íoña mu. To mu yicōaroju, “Riojo gotiami yure”, yimasiruarāja yua yuja —Jesúre ire yicami Felipe.

⁹ To bajiro Felipe i yijare,

—Tirāmujune mua rāca ñacōa suoadicaju yu. ¿No yigu to yu bajiboajaquēne yure íamasibeati mu maji? No bojagu yure íagūma, yu jacure íagū ñaami. To bajiri, “Mu jacure yure íoña”, yibeticōa ña mu. ¹⁰ “Yu jacu rācane ñacōaja yu. Í quēne yu rāca ñaami”, muare yaja yu. Tire ajicōari, ¿“Riojone gotiami”, yure yibetimasucōati mua, yure ajitirānurā? Muare yu gotirūgūserema yu masune yu tuoīase mere muare gotiaja yu. Yu jacu, yu rācane ñacōarūgūgū i yise ñajare, jediro yicoadicaju yu. ¹¹ “Yu jacu rācane ñaja yu. Í quēne yu rācane ñaami” yu yisere yure ajitirānuña. Yu gotisere ajicōaboarine yure mua ajitirānubetijama, íaíañamanire yu yīoadirūgūcatire tuoīacōari, yure ajitirānuña mua. ¹² Ñamasusere riojo muare gotiaja yu. No bojagu “Rotimūorūgūrucami” yigu, Dios i cōarí ñaami” yure yiajitirānuguma, yu yirore bajirone yirucumi. Yucucane yu jacu tu vaguagu yaja yu. Dios tu yu tudijare, íaíañamani yu yīocati rētoabusaro íaíañamanire yīoruarāja mua quēne. ¹³ Yure ajitirānurā ñari, gūimenane sēnirūgūma mua. To bajiro mua yijama, no mua bojasere mua sēnirō cōrone muare ísirūgūrucuja yu, “Quēnamasugū ñaami” yu jacure yimasiatō ína” yigu. ¹⁴ Yure ajitirānurā ñari, gūimenane yure mua sēnijama, no mua sēnirore bajirone muare cudirucuja yu —í buerāre yure yicami Jesús.

“Esp’ritu Santore cōarucami Dios”, Jesús i yire queti

¹⁵ To bajiro yigajanocōari, ado bajiro yure goticami Jesús quēna:

—Yure mua maimasucōajama, yu rotisere cudiruarāja mua. ¹⁶ To bajiro mua yijama, yu jacure ire sēnirucuja yu, “Yure ñavasoarocure ire cōato í” yigu. Í cōarocu ñaami Esp’ritu Santo riojo gotigu. Mua rāca ñacōarūgūrucami, muare yirēmogū. ¹⁷ Diore ajimena Dios i cōagū Esp’ritu Santore masibeama ína. To bajiri ína usurijure ire sājartomasibeama. Mua rāca i ñajare, ire masirā ñaja muama. Mua usurijure ñacōarūgūrucami.

¹⁸ Vaguagu yaja yu. Mua rāca ñagū vadirucuja yu quēna. ¹⁹ Yucucane vaguagu yaja yu. To bajiri yure ajimenama, yure íabetiruarāma. Mua rāca yu ñarūgūrotire masiruarāja muama. Yu rijato bero quēna gāme caticōarocu yu ñajare mua quēne, yure ajitirānurā, mua rijato beroju quēna gāme caticōari ñacōarūgūrucuarāja mua quēne. ²⁰ Yu jacu rāca ñacōaja yu. Mua rāca quēne ñacōaja yu. Muajua quēne, “Yu rācane ñacōaja mua” yu yirore bajirone, yu tudicatirāmu, “Socu mene yiyumi Jesús”, yimasiruarāja mua yuja. ²¹ Yu rotisere cudiguma, yure maigū ñaami. Yure maigūrene ire mairucumi yu jacu quēne. Yu quēne ire mairucuja yu. Ire maicōari, í rāca ñagū ejarucuja yu. To yu bajiro yure íabetiboarine í rācane yu ñasere “Masiatō” yigu ire rotirucuja yu —yure yicami Jesús.

²² To bajiro i yisere ajicōari, Judas Iscariote me, gāji Judas vāme cutigu, ado bajiro ire sēnīlacami:

—Yua uju, ¿no yigu gājerāre ñare yīobecune, yua rīrene yure yīorucuada mu? —Jesúre ire yisēnīlacami Judas.

²³ To bajiro i yirone, ado bajiro cudicami Jesús:

—No bojarā yure mairā, yu gotisere ajitirānuruarāma. To bajiri yu jacu ñare mairucumi. To bajiri yu quēne, yu jacu quēne, ína tu ñarā vadiruarāja yua. ²⁴ No bojagu yure maibecuma, yu gotisere ajitirānubecumi. Muare yu gotisema yu masune yu tuoīarujeose mere muare gotiaja yu. Yu jacu yure cōacacu í gotirotisere gotiaja yu.

²⁵ Maji mua rāca ñagū ñari, tire muare gotiaja yu. ²⁶ Yure ñavasoarocure, Esp’ritu Santore ire cōarucami yu jacu. Ñajediro muare yu gotiadicatire, “Masiritiroma” yigu, muare ejarēmorucumi —yure yicami Jesús.

²⁷ Gajeye quēna ado bajiro yure goticami Jesús:

—Muare vare gotiguagu yaja yu. Muare yu rijabosaroti ñajare, Diorāca quēnaro ñaruarāja mua. Yure ajimenajuma, “Ado bajiro mani yijama, quēnaro ñaruarāja mani” yiboarine, Diorāca quēnaro ñamasibetiruarāma. To bajiri, tuoīarejaibesa mua. To bajicōari, gūibesa. ²⁸ “Vaguagu yaja yu. To bajiboarine mua rāca ñagū vadirucuja yu quēna” yu yisere ajibu mua.

Socarã mene yure mua maijama, “Yu jacu tujure vaguagu yaja yu” yu yisere ajicõari, quẽnaro variquẽnaboriarãja mua. Í ñaami yu rẽtobusaro ñagũ. ²⁹ Yu bajiroto rĩjoro tire muare gotiaja yu. To bajiri to ti bajiro iacõari, butobusa yure ajitirũnarũarãja mua.

³⁰ Gajeye jairo muare ñagõrẽmobetirucuja yu. Diore ajimenare rojose yirotiũ, vãtia uju, jẽre vadicoagumi. To bajiboarine, yure rotimasigũ me ñaami ña. ³¹ Yu jacu í rotirore bajirone yaja yu. To bajiro yu yisere iacõari, “Í jacure maigũ masune ñacõaami”, yimasiruarãma masa —yuare yicami Jesũs.

To bajiro yigajanocõari,

—Ita. Vajaro mani —yuare yicami Jesũs yuja.

15

“Uyebu ñamasuribure bajiro bajigũ ñaja”, Jesũs í yire queti

¹ —Uyebu ñamasuribure bajiro bajigũ ñaja yu. Tibure iatirũnugũre bajiro bajigũ ñaami yu jacu. ² To bajiri tibũ rujuri ti rica manijama, jasurereacõarucumi. Ti rica cutijama, quẽnaro iatirũnarucumi. “Jairobusa rica cutiato” yigu, sinirirujurirema, tire bejareacõarucumi. ³ Rica cuti rujurire bajiro bajirã ñaja mua, muare yu gotimasiosere ajitirũnarã ñari. To bajiri yu jacu suorine jẽre rojose mana ñacoadicaju mua. ⁴ Quẽnaro yu rãca ñacõarũgũma mua. To bajiro mua bajijama, mua rãcane ñacõarũgũrucuja yu. Uyebu ruju tibujure ti tuyabetijama, rica manoja ti. To bajirone bajiruarãja mua. Yu rãca mua ñabetijama, quẽnase yimasibetiruarãja mua yuja.

⁵ Yu ñaja uyebure bajiro bajigũma. Tibũ rujurire bajiro bajirã ñaja mua. No bojarã yu rãca ñarãma, ña rãca yu ñajare, quẽnase rĩne yiruarãma ña. To bajiro ña bajijama, jairo rica cutirẽre bajiro bajirã ñaruarãma ña. Yu manijama, ña masurione Dios í ñavariquẽnasere yimasibetiruarãma ña. ⁶ No bojagu yu rãca ñabecurema ñe rocacõarucumi yu jacu. Sinirirujure ãmicõari, jeameju ñarocagure bajiro ñe yicõarucumi yu jacu.

⁷ Yu rãcane ñacõari, muare yu gotimasiosere masiritibeticoari, mua bojasere yure mua sẽnoro cõrone muare isirucuja yu. ⁸ Quẽnase rĩne mua yirũgũsere iacõari, yu jacure quẽnase ñe yirũcubũoruarãma masa. To bajiri, “Jesũre ñe ajitirũnarã ñaama”, muare yimasiruarãma ña. ⁹ Yu jacu yure í mairore bajirone muare quẽne maija yu. Yu mairã ñaja mua. To bajiri quẽnase rĩne yirũgũña mua, yu bojarore bajirone yirã. ¹⁰ Yu rotisere mua cãdirũgũjama, yu mairã ñarũgũnarãja mua. To bajirone yaja yu quẽne. Yu jacu yure í rotisere cãdirũgũjama yu. To bajiri yure mairũgũami yu jacu.

¹¹ “Yure bajirone quẽnaro variquẽnaro ñato ña” yigu muare gotiaja yu. ¹² Ado bajiro muare rotiaja yu: Muare yu maiadicatore bajirone gãmerã maiña mua. ¹³ Sigũ í babare maigũ ñari, í rijabosajama, tija ñaja ñamasuse gãmerã maireayema. ¹⁴ Yu rotirore bajiro mua cãdijama, yu babarã ñaruarãja mua. ¹⁵ To bajiri, “Yure moabosarimasa ñaja mua”, muare yibeaja yu yuja. Moabosarimasama ña uju í yisere masimenama ña. “Yu babarã ñaja mua”, muare yaja yu yuja. Jediro yu jacu yure í gotiadicatore muare gotimasioadicaju yu. To bajiri yu babarã ñaja mua. ¹⁶ Yure besecana me ñaja muama. Yujua muare besecaju yu. “Quẽnase rĩne yato ña” yigu, muare besecaju yu. To bajiro mua yijama, gãjerã muare iacõari, muare ajicõari yure ajitirũnarũarãma ña quẽne. To bajiri Dios í catisere cõoruarãma ña quẽne. To bajiri, quẽnase mua yijama, yure mua sẽnoro bajirone muare isirucumi yu jacu. ¹⁷ Ado bajiro muare rotiaja yu: Gãmerã ñamaña mua —yuare yicami Jesũs.

“Diore ajimena, muare iatud'iruarãma”, Jesũs í yire queti

¹⁸ Quẽna ado bajiro yuare gotimasiocami Jesũs:

—Diore ajimena muare ña iatud'ijama, “Yu rĩrene iatud'irã me yirãma ña. Jesũre quẽne ñe iatud'icoadicama ña”, yituoãmasiruarãja mua. ¹⁹ Diore ajimenama, ñare bajiro tuoãrãre maiama ña. To bajiri ñare bajiro mua tuoãjama, muare quẽne maiaboriarãma ña. Diore ajimena rãca mua ñarore muare besecaju yu, “Tuoãvasoacõari, yure ajitirũnarũarãro” yigu. To bajiri muare iatud'iamama Diore ajimena yuja. ²⁰ Muare yu gotisere masiritibesa mua: “Moabosarimasama, ñamasugũ me ñaami. Ujujuama ñamasugũ ñaami ña” yigu, muare gotibũ yu. Diore ajimenama, mua ujure, yure rojose yisuyarũgũama. To bajiri muare quẽne rojose yisuyaruarãma. To bajiboarine tuoãvasoacõari, yu gotimasiosere cãdirũgũama. To bajiri muare quẽne muare cãdiruarãma. ²¹ Yure cõacacure quẽne masibeama Diore ajimena. To bajiri yure ajitirũnarã mua ñajare, muare quẽne rojose yisuyaruarãma ña.

²² Masare gotimasioũ yu vadibetijama, “Rojose yirã ñaja mani. Dios í rotiriarore bajirone cãdibeaja”, yimasibetiboriarãma, Diore ajimena. ñare yu gotimasioero bero ñajare, “Rojose mana ñaja”, yimasibeama ña yuja. ²³ No bojarã yure iatud'irã, yu jacure quẽne iatud'irã yama ña. ²⁴ Ña ñaro rĩjorojua Dios í masise rãca ñaãñamanire yu yĩobetijama, “Yuare Dios í masise rãca ñaãñamanire í yĩobetijare, ‘Dios í cõar’i, Cristo ñaami’ ñe yimasibeaja yua”, yiboriarãma ña. Dios í masise rãca ñaãñamanire yu yĩoro ñacana ñaama ña. Tire ñacana

ñaboarine İna İatırınubeti vaja rojose İnare ñacõa ñaja. To bajiri, yure İateama İna. Yu jacure quēne İre teama İna. ²⁵ Dios ocare masa İna ucamasire ti gotirotre bajirone bajiaja ti yuja, yucurirema. Ado bajise gotiaja ti: “Ñie manone yure İateama İna”, yigotiaja ti —yure yicami Jesús.

²⁶ To bajiro yicõari, gajeyere quēna ado bajiro yure gotimasiocami Jesús:

—Dios İ cõagũ Esp'iritu Santore socabecure muare cõarucija yu, yu gotimasirũgũsere “Ajimasiato” yigu, muare ejarẽmorocũ. ²⁷ Yu gotimasiomorõjane yu rãcane ñacoadicaju mua. To bajiri, yu gotimasiocature ajicana ñari, İaİaİamanire yu yĩocature İacana ñari, masare gotimasiomasiruarãja mua —yure yicami Jesús.

16

¹ Quēna ado bajiro yure gotimasiorũtuacami Jesús:

—“Yure ajiquejeroma” yigu, adire muare gotiaja yu: ² Dios ocare mani buerũgũriviju mua ñarore muare bucõaruarãma İna. To bajiro yicõari muare sİarãne, “Dios İ bojasere bajiro ñoare İre sİabosaja mani”, yituoİaboaruarãma İna. ³ To bajiro İna yijama, yure quēne, yu jacure quēne masimena ñari, yiruarãma İna. ⁴ “ “To bajiro masune bajiruarõja ti” yiquİda İ Jesús’ yituoİamasirãjaro İna” yigu, muare gotiaja yu.

Esp'iritu Santo İ ejarẽmorotire Jesús İ gotimasiore queti

Rẽmojore muare gotisõogu, muare gotibeticaju yu maji, “İna rãca ñarucija yu maji” yigu ñari. ⁵ Yure cõacacu tuju vaguagu yaja yu yuja. To yu bajiboajaquēne, “İNoju vaguagu yati mu?”, yure yisẽnİabeaja mua. ⁶ Sẽnİamenane, muare yu yigotiserene tuoİasutiritiaja mua. ⁷ To bajiri, riojo muare gotiaja yu. Yu vacõajama, muare quēnaruarõja. Yu vabetijama, muare ejarẽmorocu, Esp'iritu Santo mua rãca ñagũ vadibetibogami. Yu vajama, İre cõarucija yu. ⁸ Esp'iritu Santo İ vadijama, İ ejarẽmose rãca, “Riojo manire yiyumi Dios. Rojose yirã ñaja mani”, yimasiruarãma masa. İ ejarẽmose rãca quēnase masune yirere masiruarãma İna. Gajeye quēne, İ ejarẽmose rãca ado bajiro tuoİamasiruarãma masa: “Diore mani cudibeti vaja rojose tãmuotujabetiriarõju manire cõarucami Dios”, yimasiruarãma. ⁹ Yure İna ajitırınubeti vaja rojose tãmuotujabetiriarõju İna varotire Esp'iritu Santo İ ejarẽmose rãca masiruarãma. ¹⁰ Yu jacu İ ñarõjore yu varoti ti ñajare, yure İabetiruarãja mua. Yu jacu tu ñacõari, yu cõagũ Esp'iritu Santo İ ejarẽmose rãca, “Quēnaro riojo yigu ñaİumi”, yimasiruarãja mua. ¹¹ “Masare rojose yirotigure vãtia ujure rojoroju, rojose tãmuoato” yigu, İre yu cõarotire Esp'iritu Santo İ ejarẽmose rãca masiruarãja mua.

¹² To bajiro yigajanocõari, ado bajiro yure yigotimasiocami Jesús:

—Jairo muare yu gotiroti ñaboaja ti. To ti bajiboajaquēne yucane muare yu gotijeocõajama, ajimasimenaja mua maji. ¹³ Dios İ cõagũ Esp'iritu Santo mua tu ejacõari, İ ejarẽmose rãca riojo masu ajimasijeoruarãja mua. İ sigũ İ ejarẽmose rİne bajibetiruarõja. Yu jacu İ rotise rãca ejarẽmorucami. To yicõari, “Ado bajiro bajiruarõja” İ yise rãca ajimasiruarãja. ¹⁴ To yicõari, mua rãca yu yİİnarũgũcatire mua ajimasirotire muare ejarẽmorucami Esp'iritu Santo, “Jesús, quēnamasugũ ñaami’ İre yirẽcũbuoato İna” yigu. ¹⁵ Najedirone yu jacu yure İ rotirotre bajirone muare gotiaja yu quēne. To bajiri, “Mua rãca yu yİadicatire muare gotimasiorucami Esp'iritu Santo”, muare yibu yu —yure yicami Jesús.

¹⁶ To yigune, quēna ado bajiro goticami Jesús:

—Yucane yu jacu tuju vaguagu yaja yu. To bajiri yure İabetiruarãja mua. To bajiboarine quēna yoaro mene yure İacõaruarãja mua —İ buerãre yure yicami Jesús.

“Tuoİasutiritirã ñaboarine, variquēnaruarãja mua”, Jesús İ yire queti

¹⁷ To bajiro İ yisere ajicõari, sigũri İ buerã, ado bajiro gãmerã yisẽnİacaju yua:

—İNo yire İnire yigu yati İ? —gãmerã yicaju yua. —“Yu jacu tuju vaguagu yaja yu. To bajiri yure İabetiruarãja mua. To bajiboarine quēna yoato mene yure İacõaruarãja mua”, manire yami —gãmerã yicaju yua. ¹⁸ —“Yoato mene yure İaruarãja” manire İ yijama, İno bajiro bajiru yati? “Tire yigu yami”, yİajimasibeaja mani —gãmerã yicaju yua.

¹⁹ To yua yİİarone, “Yure sẽnİaruama İna”, yimasicõacami Jesũuama. To bajiri ado bajiro yure yicami:

—“Yoaro mene yure İabetiroana yaja mua. To bajiboarine quēna yoato mene yure İacõaruarãja mua”, muare yibu yu. To bajiro yu yiserene, İmua masune gãmerã sẽnİati mua? ²⁰ Riojo İnamasusere muare gotiaja yu. Tuoİasutiritirã ñari, otiruarãja mua. Diore ajimenama, variquēnaruarãma İna. Muama, tuoİasutiritirã ñaboarine yoaro mene quēna variquēnacõaruarãja mua. ²¹ Adire bajiro bajiruarõja ti: Sigõ rõmio, macu cutigoago, tuoİasutiritigomo so, “Josari tãmuorũocoja” yigo. So macu cõtiro berojama, tire tuoİasutiritibecone, variquēna masiriocõagõmo so. ²² Tire bajirone mua quēne yucurema tuoİasutiritiaja mua. To bajiboarine quēna muare İagũ vadirucija yu. Yure İacõari, buto

variquēnaruārāja mua quēna. To bajiro mua variquēnasere gāji, “Variquēnabeticōāña mua”, yibetirucami.

²³ Tirāmu ti ejarone yuja, ñiejuare yure sēniābetiruarāja mua yuja. Jēre masicōaruārāja mua. Riojo ñamasusere muare gotiaja yu: “‘Rotimūorūgōrucami’ yigu, Dios ī cōar’i ñaami” yure yiajitirūnarā ñari, yu jacure mua sēnijama, mua sēniro cōrone muare īsirucami. ²⁴ “Jesūre ajitirūnarā ñaja yua”, yisēnibeticaju mua maji, yu jacure. Ado beroma yuja, “Jesūre ajitirūnarā ñaja yua”, yisēnirūgūña mua. To bajiro mua yijama, muare īsirucami yu jacu, “Quēnaro variquēnato īna” yigu —yure yicami Jesús.

“Rojose yure īna yiboajaquēne, rojosere yibeticōari, Dios ī bojasejuare yicoadicaju”, Jesūs ī yire queti

²⁵ Gajeye quēna ado bajiro yuare yigoticami Jesús:

—Muare yu gotijama, gotimasiore rāca me muare goticoadicaju yu maji. Bero muare yu gotijama, gotimasiore rāca me muare gotirucaju yu. To bajiro yu jacu yere muare yu gotijare, quēnaro ajimasiruarāja mua. ²⁶ Yu jacu tujū yu tudiejato berone, “Yuare sēnibosaya mu”, yure yibetiruarāja mua. Mua masune, yu jacure gūimenane, “Jesūre ajitirūnarā ñaja yua”, īre yisēnirūgūruārāja mua. ²⁷ Muare maiami yu jacu, yure mua maijare. “Dios ī cōar’i ñaami” mua yiajitirūnūjare, muare maiami ī. ²⁸ Yu jacu tu ñar’i, adi macarucurojare vadicaju yu. To bajiri adi macarucuroanare vaveocoarucaju yu, quēna yu jacu tu tudiacu —yure yicami Jesús, ī buerāre.

²⁹ To bajiro ī yisere ajicōari īre cūdicaju yua yuja:

—Yucarema gotimasiore rāca me, mu gotisere quēnaro ajimasiaja yua yuja. ³⁰ “Ñajediro masigū ñaja mu”, yīamasiaja yua yuja. Mure yua sēniāroto rījorojune jēre yua sēniārotire masicōaja mu. To bajiri, “Dios tu vadir’i ñaja mu”, mure yiajitirūnūaja yua yuja —Jesūre īre yicaju yua.

³¹ To bajiro yua yijare, ado bajiro yuare cūdicami Jesús:

—¿Socarā mene, “Quēnaro mure ajitirūnūaja yua”, yure yati mua? ³² Riojo muare gotiaja yu: Yucane yure cāmotadjedicoaruārāja mua. To bajiro mua bajiboajaquēne, sigāne ñabetirucaju yu. Yu rācane ñacōa ñarucami yu jacu. ³³ Ti jediro muare gotiaja yu, “Yure ajitirūnūcōari, quēnaro ñacōaruārāja mua” yigu. Adi macarucuroana, Diore ajimena, rojose muare īna yijare, rojose tāmūoruarāja mua. To bajiboarine, tuoīatīmama: Masa rojose yure īna yiboajaquēne, rojose yibeticōari, Dios ī bojasejuare yicoadicaju yu. To bajiri, mua quēne yure bajirone yimasiruarāja mua —yure yicami Jesús, ī buerāre.

17

Ī buerimasare Diore Jesūs ī sēnibosare queti

¹ To bajiro yicōari bero, ō vecajuare īamucōari, ado bajiro yicami Jesús:

—Cacu, mu tujū yu tudiaroti mojoroaca ruyaja ti yuja. Masa, “Quēnamasugū ñaami” yure īna yimasirotire yigu, ejarēmoña. To bajiro mu yijama, yu suorine, “Quēnamasugū ñaami”, mure quēne yiruarāma īna. ² Mu macu ñaja yu. “Masare ñajedirore rotimasiato ī” yigu yure cōacaju mu. Mu suorine yure ajitirūnarā, “Īna rijato bero quēnaro catijedicōa ñarūgūrājaro” yigu yure cōacaju mu. ³ Ado bajiro bajiamā īna tudirijabetirere suorāma: Dios ñamasugūre, mure masiamā. To yicōari, mu roticōacacure quēne yure masiamā.

⁴ Adi macarucuroju yu ñaro, yu suorine quēnase mure yirūcūbuocoadicama īna masa. Yure mu yirotirūgūro cōrone jēre mure yibosagajanoaja yu. ⁵ Adi macarucuro ti ruyuaroto rījorojune mure bajirone rūcūbuo ecogu ñacoadicaju yu. To bajiri, mu tujū yu tudiejaro, quēna yure īna yirūcūbuorotire yigu, yure yirēmoña mu.

⁶ Yu buerimasa mure ajimena rāca īna ñarore mu besecana ñama. Īnare besecōari, yure īsicaju mu. To bajiri yu suorine mure masiamā īna yuja. Mu yarā ñacōari, mu ocare cūdirā ñaama. ⁷ To bajiri jediro yu gotimasiose, to yicōari, īaīaīamani yu yīosere īacōari, “Dios suorine yami”, yimasiamā īna. ⁸ Mu ocare yure mu gotiroticatore bajirone īnare goticoadicaju yu. Tīre ajicōari, “Dios tu vadir’i, Dios ī cōar’i ñaami”, yure yimasiamā īna yuja.

⁹ Mure īnare sēnibosaja yu. Mure ajimenarema īnare mure sēnibosabeaja yu. Yure mu īsicana ñajare, sēnibosaja yu. ¹⁰ Yu yarā ñarā ñari, mu yarāne ñarā bajiamā. Īna suorine yure quēnase yirūcūbuoama masa.

¹¹ Yucacane mu rāca ñagū vaguagu yaja yu. To bajiri adi macarucurore vaveoacu yaja yu yuja. Yure ajitirūnūrāma, adi macarucuroju tujacōarā yama īna. Cacu, rojose yigu me ñaja mu. Mu masise, yure mu īsicati rācane ānoare īnare īatirūnūña. Cojoro cōro tuoīarā ñaja manī. Manire bajirone īna quēne “Sigūre bajirone tuoīato īna” yigu, īnare īatirūnūña. ¹² Adi macarucurojare īna rāca ñagū yu yimasirotire yure mu īsicati ñajare, quēnaro īnare īatirūnūcoadicaju yu. “Sigū rojose tāmūotujabetiriaroju vatomi” yigu quēnaro īnare

İatirünucoadicaju yu. To bajiboarine sîgû ñaami rojose tãmuotujabetiriaroju varocu. “To bajiro bajiruaroja” mu yicature masa İna ucamasicati ti goticatore bajirone yigu bajirucami İma.

¹³ Yucacane mu tu vagnagu yaja yu yuja. Adi macarucurojore ñagû maji adire mure sêniaya yu, “Yure ajitirünurâ, yu variquênarore bajirone İna quêne quênaro variquênajedicôato İna” yigu. ¹⁴ Ānoa yu buerâ, yure mu gotiroticature ajicôari tuoİvasoacana İna İna. To bajiri mure ajimena İna tuoİare bajirone tuoİabeama İna yuja. Yure bajirone tuoİarâ İna. To bajiro bajirâ İna İajare, İnare İateama masa, mure ajimena. ¹⁵ Yure ajitirünurâre, “Mure ajimena rãca vatoaju İabeticôato İna’ yigu, İnare İuacoasa mu”, mure yibeaja yu. Ado bajiroİua mure sêniaya yu. Quênaro İnare yirêmoİa, “Vãtia uİare İre cudiroma İna” yigu. ¹⁶ Mure ajimena İna tuoİarore bajirone tuoİagû me İaja yu. To bajiri, yure ajitirünurâ quêne, mure ajimena İna tuoİarore bajiro tuoİarâ me İaama İna. ¹⁷ Rioİo İnamasuse İaja ti mu oca. To bajiri yure ajitirünurâre İnare yirêmoİa mu, mu ocare “Quênaro ajimasiato İna” yigu. Mu ocare ajimasicôari, “Quênase rİne yirâ İato” yigu, İnare yirêmoİa. ¹⁸ Mure ajimena vatoajure yure cõacaju mu. Yu quêne, to bajirone mure ajimena vatoajure yure ajitirünurâre İnare cõagnagu yaja yu. ¹⁹ “Yu bajiritire mu tuoİacatore bajirone bajiruaroja ti”, mure yaja yu, “Yu suorine quênase İnare eİaruaroja” yimasigû İari. To bajiro mure yaja yu, “Yure İacôari, ‘Dios ocare socabetire İesús İ cudirome bajirone cudiİasa mani’ yato İna” yigu —yicami İesús, Diore sêniİu.

²⁰ Gajeye ado bajiro Diore sênicami İesús:

—Yu rãca İnacôari, yure ajitirünurâ rİrene İnare sênibosagu me yaja yu. Ānoa İna gotimasiose ti İajare, “Gãİerâ quêne, yure ajitirünuruarãma” yigu, İnare quêne sênibosaja yu. ²¹ “Yure ajitirünurâ İajediro sîİure bajiro İato İna” yigu, mure sêniaya yu, to yicôari, “Mani rãca quêne İnacôa İato İna” yigu. Cacu, yu rãca İaja mu. Yu quêne, mu rãca İaja. To mani bajirore bajirone sîİure bajiro İna İasere bojaja yu. To bajiro İna bajiro İacôari, “Socu mene Dios İ cõar’İ İaİnumi İesús”, yituoİvasoaruarãma masa. ²² “‘Diorãca İaami’ masa yure yirucubuoato” yigu, yure eİarêmoadicaju mu. To bajirone yure ajitirünurâre quêne, yure mu eİarêmocatore bajirone İnare eİarêmorucaju yu, masa, İnare İacôari “‘Diorãca İaama’ İnare yirucubuoato” yigu. To bajiro İnare yirucuja yu, mani bajirore bajirone, “Sîİure bajiro İato İna” yigu. ²³ İna rãca İarügüaja yu. Mu quêne, yu rãca İarügüaja mu. To bajiri sîİure bajirone tuoİaruarãma İna. To bajiro İna bajiro İacôari, “Dios İ cõar’İne İaİnumi İesús”, yimasiruarãma masa. “İ macare İ maiore bajirone İnare quêne maiami Dios”, yimasiruarãma masa.

²⁴ Cacu, yure ajitirünurâ yure mu İsicana İaama İna. To bajiri yu rãca İna İarotire bojaja yu, mu rãca yu rotiİarore “İarãİaro İna” yigu. To bajiri, mu rãca yu rotisere İacôari, “Adi macarucuro ti ruyaroto rİjoroİune İesúre maicoayumi Dios” İna yimasiritire bojaja yu. ²⁵ Cacu rojose yigu me İaja mu. Mure ajimenama, mure masibeama İna. Yama, mure masiaja yu. Ānoa yu buerâ quêne, “Dios İ cõar’İne İaami”, yure yimasiamama İna. ²⁶ “Ado bajiro bajigu İaami Dios”, İnare yigotimasioadicaju yu, yure ajitirünurâre. To bajirone İnare gotimasioçaja yu maji, yure mu maiore bajirone “Gãİerãre maiato İna” yigu. To yicôari, “İna rãca yu İacôa İarügüotire masiato İna” yigu to bajiro yure ajitirünurâre İnare gotimasioİaja yu —Diore İre yicami İesús.

18

Jesúre İna İiare queti

(Mt 26.47-56; Mr 14.43-50; Lc 22.47-53)

¹ To bajiro Diore İesús İ yisêniro bero, Cedrón vãme cuti cora gajecatuaju vacaju yua, İ rãca. To vanane, olivo vãme cutisere oterıaveseİure İiacaju yua. ² Tocãrãçajine ti veseİure rêİacaju yua. To bajiri Judas, İesúre İaterãre İsirocacacu quêne, yua rãca rêİarügüçacu İari, toİure quênaro masicami. ³ To bajiri ti vesere masigû İari, surarare, to yicôari, Diore yirucuboriavi coderimasare ũmato eİacami Judas. Paia uİarâ, to yicôari, fariseo masa İna cõariarâ İacama. Jariaserine besu cuocama İna. Sîİuri sİabusuoriari, gãİerâ mujorıİairire bajise sİare cuocama İna. ⁴ İêre, “To bajirone yure yiruarãma” yigoticacu İari, İnare bocaguacami İesús. İnare bocacôari ado bajiro İnare sêniİacami:

—İnimure macati mua? —İnare yicami İesús.

⁵ To bajiro İ yirone,

—İesús Nazaret macagure macaja yua —İre yicadicama İna.

To bajiro İna yirone,

—Yune İaja —İnare yicadicami İİuama.

Judas, İesúre İaterãre gotiyiror’İ quêne İna rãca İacami. ⁶ “Yune İaja yu” İesús İ yirone, İudavêİacoacama İna. ⁷ To İna bajirone, İnare tudisêniİacami İesús:

—İnimure macarâ bajiatı mua? —İnare yicami İesús.

To bajiro ī yirone,

—Jesús Nazaret macagure macaja yua —yicama ĩna.

⁸To bajiro ĩna yisere ajicōari:

—“Yune ñaja yu”, jere mware yibũ yu. Yurene mua macajama, yu rācanare ĩnare varotiya maji —ĩnare yicami Jesús.

⁹To bajiro ī yijama, “To bajirũaroja ti’ ī yigotatore bajiro bajiato” yigũ yicami. Ado bajise Diore ĩre yicami: “Cacu, yure mu ĩscanare quẽnaro ĩnare ĩatirũnucoadicaju yu, ‘Sĩgũ bajiyayromi’ yigũ”, yicami Jesús.

¹⁰Jesũre ĩna ĩriarũaro ĩacōari, ī jariasere yoveacami Pedro. Tiasene paia uju ñamasugũre moabosarimasure, Malco vame cutigure riojojacatuaga gãmore ĩre jatarocacōacami Pedro.

¹¹To bajiro ī yijare, ado bajiro Pedrorre ĩre yicami Jesús:

—Mu jariasere tudisuacōaĩa quẽna. Rojose yu tãmũrotire yu jacu ī bojacatire, “Tãmũrotũabecami”, cyure yiboatime mu? —Pedrorre ĩre yicami Jesús.

Anás ya viju Jesũre ĩna amiepare queti

(Mt 26.57-58; Mr 14.53-54; Lc 22.54)

¹²To bajiro ī yirone surara, ĩna uju rāca, Diore yirũcũbũoriavi coderimasa quẽne Jesũre ñiacama ĩna. ĩre ĩnacōari, ī amobearire siacama ĩna. ¹³To yicōari, Anás ya viju ĩre amicoacama ĩna yuja. Caifás ũmañicu ñacami Anás. Ti cũmare paia uju ñamasugũ ñacami Caifás. ¹⁴Caifás ñañuju: “ĩre mani siabetijama, mani ñaro cōrone siajeocōarũarāma ĩna romano masa. To bajiri manire rijabosagure bajirone bajiato ĩ”, yigotir’i ñañuju ĩ.

“Jesũre masibeaja yu”, Pedro ĩ yire queti

(Mt 26.69-70; Mr 14.66-68; Lc 22.55-57)

¹⁵Pedro rāca, Jesũre ĩna amivato suyacaju yua. Paia uju ñamasugũre quẽnaro ī masigũ ñacaju yu. To bajiri josari mene paia uju ya vi ta biberiasānĩro rētosājacoacaju. ¹⁶Pedrojuama ta biberiasānĩro suyarojuajune sājabecũne tujacoacami. To bajiri paia uju ñamasugũre masigũ ñari, ta biberiasānĩrore coderimaso rāca ñagōgũ tudibudicoacaju yu. To yicōari Pedrorre ĩre ĩisōcaju yu. ¹⁷To cōrone ta biberiasānĩrore coderimaso, Pedrorre ĩre sēniĩacamo so:

—¿Jesús buerimasa rācagũ me ñati mu? —ĩre yicamo so, Pedrorre.

To so yirone,

—Ī me ñaja yu —sore yicami Pedro.

¹⁸Ti usajare, paia uju ñamasugũre moabosarimasa, Diore yirũcũbũoriavi coderimasa quẽne jea riocōari, sũmañacama ĩna. Pedro quẽne ĩna rāca sũmañacami.

Paia uju ñamasugũ, Jesũre ĩ sēniĩare queti

(Mt 26.59-66; Mr 14.55-64; Lc 22.66-71)

¹⁹Jesũre ĩna amiejaro, ĩacōari, paia uju ñamasugũ, ado bajiro ĩre sēniĩañuju:

—¿Nocārācu ñati mu buerā? ¿Nie ũnire ĩnare gotimasiorũgũati mu? —ĩre yisēniĩañuju ĩ, Jesũre.

²⁰To bajiro ī yijare, ado bajiro cadiyuju Jesús:

—Masa ĩaro rĩjorojuu gotisũoadicaju yu, Diore yirũcũbũoriavijure, to yicōari, ī ocare mani buerũgũrivirijure quẽne. Disejuane yayioroaca yu gotimasiorre maja. ²¹¿No yigũ yũjuare sēniĩati mu? Yure ajicanajuare ĩnare sēniĩañasaque. Yũ gotirũgũcatire mure gotirũarāma ĩna. Tire masirāma ĩna —ĩre yiyuju Jesús, paia uju ñamasugũre.

²²To bajiro Jesús ī yisere ajicōari, sĩgũ, Diore yirũcũbũoriavi coderimasa Jesús riogare jayuju. ĩre jacōari,

—To bajiro mu yicudijama, paia uju ñamasugũre ĩre rũcũbũogũ me yaja mu —Jesũre ĩre yiyuju Diore yirũcũbũoriavi coderimasa.

²³To bajiro ī yirone, ĩre cadiyuju Jesús:

—Riojo me yu yijama, “Ado bajiro yaja mu”, yure yigotiya mu. Riojo yu yiboajaquẽne, ¿no yigũ yure jati mu? —ĩre yiyuju Jesús.

²⁴To bajiro ĩre yisēniĩacōari bero, ĩre ĩna siarere jojiorotibecũne paia uju ñamasugũ Caifás vame cutigu tũjuare Jesũre cōañuju Anás.

Quẽna, “Jesũre masibeaja yu”, Pedro ĩ yire queti

(Mt 26.71-75; Mr 14.69-72; Lc 22.58-62)

²⁵To ĩna yĩnaro ũnone jea sũmacōa ñacami Pedro. ĩ rāca jea sũmañarā ado bajiro ĩre yisēniĩacama ĩna:

—¿Ī buerimasa me ñati mu quẽne? —ĩre yisēniĩacama ĩna.

To bajiro ĩna yirone, —Bajibeaja. Ī me ñaja yu —yicami Pedro.

²⁶To bajiro ī yirone, sĩgũ paia ujuare moabosarimasa Pedrorre ĩre sēniĩacami:

—Olivo vāme cutisere oterriavesejū, ī rāca mū ñaro, mure ĩamū yū —Īre yicami. Ī ñacami Pedro ī gāmoro jatcacu.

²⁷ To bajiro ī yisēñāsere ajicōari,

—Ī me ñaja yū —yicōacami quēna Pedro.

To bajiro ī yiririmarone, gājabocu ñagōcōacami yuja.

Pilato tuju Jesúre ĩna āmiejare queti

(Mt 27.1-2, 11-14; Mr 15.1-5; Lc 23.1-5)

²⁸ Tiju bero, Caifás ya vi ñariarā, Pilato ya vijuare Jesúre ĩre āmivacama. Jud'io masa ũju ñaboarine, Roma vāme cuti macagu ñacami Pilato. To cōrone busumujacoacaju yuja. Ī ya vire sājabeticama ĩna jud'io masa, “Gājerā masa ya vi mani sājajama, Pascua bare bamasimenaja mani” yitōiārā ñari. ²⁹ To bajiri, Pilato ĩna rāca ñagōru budiacami ī yuja:

—¿Ñie rojose ī yise suori ĩre ocasāti mua? —yicami Pilato, jud'io masare.

³⁰ To bajiro ī yisēñiarone, ado bajiro ĩre cūdicama ĩna:

—Rojose ī yibetijama, mū tu ĩre āmiejobetiboriarāja yua —Īre yicama ĩna.

³¹ To bajiro ĩna yirone,

—Īre āmicoasa mua. Mua masune rojose ī yisere ĩacōiajeocōari, rojose ī yise vaja rojose ĩre yiba mua yuja —Īnare yiboacami Pilato, jud'io masare.

To bajiro ĩnare ī yirone,

—Yua, jud'io masama, masare sīamasibeaja —Pilatore ĩre yicama ĩna.

³² “Yucātēroju yure jajutusīacōaruarāma masa” Jesús ī yicatore bajirone bajicaju ti.

³³ Quēna sājacōari, Jesúre ĩre jiyuju Pilato. To yicōari, ado bajiro Jesúre ĩre yisēñiñaju:

—¿Jud'io masa ũju masune ñati mū? —Jesúre ĩre yiyuju Pilato.

³⁴ To bajiro ī yirone,

—¿Mū masu tuoīarine, to bajise yure yisēñiñati mū? ¿Gājerā mure ĩna gotijare, to bajise yure sēñiñatique mū? —Īre yiyuju Jesús, Pilatore.

³⁵ To bajiro ī yijare,

—Jud'io masu me ñaja yū, tia. Mū yarāne, paia ũjarā rāca, yū tu mure āmiejoama ĩna. ¿Ñie ũni rojose yirori mū? —Jesúre ĩre yiyuju Pilato.

³⁶ To bajiro ī yisere ajicōari, ado bajiro ĩre cūdiyuju Jesús:

—Masa ũju mū yigure bajiro bajigu me ñaja yū. To bajiro bajigu yū ñajama, yure sayarimasa yure ĩaterāre ĩna rāca gāmerā quēaboriarāma ĩna, “Yure ñiaroma ĩna” yirā. To bajiri, masa ũju mū yigure bajiro bajigu me ñaja yū. Yure rotise adone ñabeaja —Pilatore ĩre yiyuju Jesús.

³⁷ To bajiro ī yirone,

—To yijama, ¿ũju ñati mū? —yiyuju Pilato.

To bajiro ī yirone ĩre cūdiyuju Jesús:

—Mū yiore bajirone bajiaja yū. Ũjane ñaja yū. Adi macarucurojore vadicōari ruyucacaju, riojo ñamasusere gotiru. No bojarā yū gotisere ajivariquēnarāma, yure ajitirānārā ñaama —Pilatore ĩre yiyuju Jesús.

³⁸ To bajiro ī yirone,

—¿Ñie ũnire yigu yati mū, ñamasuse ñaja mū yiserema? —Jesúre ĩre yiyuju Pilato.

“Jesúre sīaroti ñaja”, ĩna yire queti

(Mt 27.15-31; Mr 15.6-20; Lc 23.13-25)

To bajiro Jesúre ĩre yisēñiā gajanocōari, budiejacami Pilato, jud'io masare gotiguagu quēna:

—Yū ĩajama, ñie rojose yigu me ñaami. ³⁹ Tocārāca cāmari Pascua mua yiro cōro, sīgū tubibe ecor'ire mure bubosarūgūaja yū. To bajiri, ¿mua jud'io masa ũjare yū bubosasere bojati mua? —Īnare yicami Pilato, jud'io masare.

⁴⁰ To bajiro ĩnare ī yijare, ado bajiro ĩre avasācūdicama ĩna:

—Īrema bubesa mu! ¡Barrabājuare ĩre bucōa! —yiavasācama ĩna, Pilatore.

Barrabājuama, juarudirimasu ñañaju.

19

¹ To bajiro ĩna yisere ajicōari, Jesúre ĩre bajerotiyuju Pilato yuja. ² Jesús rujoa joere jotabedo suariabedo ĩre jeoyujarā surara. To yicōari, ũjarā ĩna sāñarito ũnore sūarivujorore ĩre sāñujarā ĩna. ³ To bajiro ĩre yigajanocōa, ī tubusa ejarūgūcōari, ado bajiro ĩre yiyujarā ĩna: —Jud'io masa ũjare mure quēnarotiaja yua yuja —yiajatud'iyujarā ĩna, Jesúre.

To yicōari ī riogare ĩre jayujarā ĩna.

⁴ To bajiro ĩna yiro bero quēna budiejacōari jud'io masare ado bajiro ĩnare yicami Pilato yuja:

—¡añña mua! Yñ ñajama, ñiejua rojose yigu me ñaami. Mua quēne ñre ñacōari, “Yñre bajiro tñoiato” yigu, ñre buaja yñ —ñnare yicami Pilato.

⁵ To bajiro ñ yirone, jotabedo jesacõari, sũarivajorore sãñacõari budiadicami Jesús. To cõrone yuja ado bajiro masare yicami Pilato:

— ¡Iaña mña! Ñni ñaami i yuja — ñnare yicami Pilato.

⁶ To bajiro i yirone, Jesús i budiadore iacõari ado bajiro avasãcama ina paia ujarã, Diore yirãcuboriavi coderimasa quẽne:

—¡Yucátẽroja ñre jajutuya! ¡Ñre jajutuya! —yiavasãcama ñna.

To bajiro ñna yirone,

—¡Maa masune ĩre āmivacōari yucūtēroju ĩre jajutuaya maa! Yujaa ya ĩajama, ĩiejaa rojose yigu me ĩaami —ĩnare yicami Pilato, jud'io masare.

⁷To bajiro ã yisere ajicõari, ado bajiro ãre cãdicama jud'io masa:

—Yha ñicua ñna rotimasiriarore bajirone yirā “Rijacoajaro” yaja yua, “Dios macu ñaja yu” ñ yise vaja —Pilatore ñre yicama ñna.

⁸ To bajiro ĩna yisere ajicōari butobusa güiyuju Pilato. ⁹ To bajiri quēna viju ĩre jicōari ĩre sēniāñuju Pilato:

—¿Noagu masu ñati ma? Ñre yisēñiñaju Pilato.

To bajiro ñ yisēniñaboajaquēne —ñre cañibesuju Jesús.

¹⁰ To bajiri quēna ñre tudisēññaññuju Pilato:

—ǂYure cadi beatime mu? Gãjerãre mure yucãtẽroju yu jajuturotirãajama, jajutu rotimasi-
aja yu. Mure yu burãajaquẽne bucõamasiaja yu. ǂTire masibeatique mu? —Jesũre ãre yiyuju
Pilato.

¹¹ To bajiro ñ yirone,

—No bajiro yicōari rotimasibetibogūja m̃a, Dios ī bojabetijama. Masare rōtirocure mure cūcamī Dios. To bajiri m̃a tujare yare cōagūre, m̃a rētoro rojose masu ñacōaja ti —Pilatore īre yiyuju Jesūs.

¹² To bajiro ï yisere ajicōari, “¿No bajiro yicōari, Jesúre ïre bucōaroti ñaboati ti?”, yitwoïañuju Pilato yuja. To bajiro ï yitwoïaboajaquēne, ado bajiro yivasācama jud'io masa:

—Īre mū bucōajama, ūj ņamasuġ Cēsar vāme cūtiġ rācagū me ņarucija mū. No bojagū ģe sēnibecune, “Ūj ņarucija yū” yigūma, Cēsar ī ģategū ņaami. To bajiri, ģe mū bujama, quēnabeaja —Pilatore ģe yiavasācama ģna.

¹³ To bajiro ĩna yisere ajicōari, Jesúre ĩre jiburoticami Pilato yuja. To yicōari, rotigũ ĩ rujirijare ejarũũcoacami Pilato. Gabata vāme cuticaju hebreo ocarema. “Gūtane buorijaju” yire ũni ĩnacaju ti. ¹⁴ Pascua boserũmu bare basuoriarũmu rĩjoroagarũmu, ĩnacaju ti. Ũmurecaji ĩnaro ado bajiro ĩnare yicami Pilato, jud’io masare:

—Āni ñaami mɛa ɛjɛ —ĩnare yĩcamĩ.

¹⁵ To bajiro ñ yisere ajicõari, buto avasãcoma ñna quẽna:

—¡Sĩacõaroti ñaja! ¡Sĩacõaroti ñaja! ¡Yucútẽroju ãre jajutusĩarotiya mu! —Pilatore ãre yiavasã cãdicama ãna.

To baijro ãre ãna yise ñajare, ado baijro ãnare yicami Pilato:

—¿No yigü mña ujure jajutusĩarotiguada yu? —ĩnare yicami Pilato.

To bajiro ã yijare, ado bajiro ãre cudicama paia ujarã:

—César sîgûne ñaami yaa ujuma. Ñimujua gâji maami —yicama ñna, Pilatore.

¹⁶ To bajiro ĩna yisere ajicōari, “Yucútēroju ĩre jajusĩato ĩna” yigu, Jesũre ĩnare ĩsicami Pilato. To bajiri Jesũre ĩre ģmicoacama ĩna yuja.

Yucátērojꞥ Jesúre ña jajušĩare queti
(Mt 27.32-44; Mr 15.21-32; Lc 23.26-43)

¹⁷ Īre ĩna āmiato, yua quēne sɥayacajɥ yua. Īre āmivacōari, yucūtērore Īre gajaroticama ĩna. Hebreo ocama Gólgota vāme cuti burojɥ Īre āmivacama ĩna. “Rujoco Buro” yire ũni ĩacajɥ ti.

18 Toja İre âmiejacōari, Jesure yucātēroju İre jajutucama İna. İ tu gājerā juarā İnare jajutucama. Sigūre i rojojacatua, gājire i gācojacatua İnare jajutucama İna. 19 Jesūs i tuyariterōjūre i rujoja vecare i vāmere ucaturotiyumi Pilato. Ado bajise yituyacaj: “Jesūs Nazaret macagu, jud'io masa uju” yiucature űacaju ti. 20 Jājarā jud'io masa tire űacama İna. Maca tuacane űacaju ti, Jesure İna jajutucato. 21 Rujoja veca vāmē tuyase griego oca, hebreo oca, lat'in oca quēne űacaju ti. 22 To bajiri jud'io masa paia ujarā ado bajiro İre yicama, Pilatore:

—“Jud’io masa ʋju ŋaami” mʋ yucarotiboare qeŋabeaja ti. “Jud’io masa ʋju ŋaja yʋ yiboami”, yucavasoarotiya mʋ —Pilatore ĩre yicama ĩna.

²² To baijro ñna yiboajaguẽne, ado baijro ñnare cãdicami Pilato:

—Jêre uca ecocoam^u. To bajiro ñacõato —ĩnare yicami Pilato.

²³ Yucátëroju Jesúe jajutugajanocóari, i sudi sãñaboarene juacama ña surara. Babaricãracaju vocóari, gãmerã batocama ña. To bajiri, cojasene rayacaju ti, ña ãmirotiasa. Jesúe i sãñarito joeado tãayamano ñacaju ti. Riojone suamãjagajanoriaro ñacaju ti. ²⁴ To bajiri ado bajiro gãmerã yicama surara:

—Tiasere vobeticóato mani. “Ñimẽjua tiasere i ãmiujaro ñarãsa mani” yirã, gãtariacane reacũacama ña.

To bajiro ña yijama, Dios ocare masa ña ucamasire ti gotiriarore bajirone bajicaju ti yuja, ado bajiro ti yimasire ñajare: “Yu ye sudire gãmerã batoruarãma ña. ‘Ñimẽjua tiasere i ãmiujaro ñarãsa mani’ yiruarãma ña. To yirãne gãtariacane reacũiruarãma ña”, yigotiaja Dios ocare masa ña ucamasire. To bajiri, to bajirone yicama surara.

²⁵ Jesúe yucátëroju i tuyaro tãju adocãracu ñacaju yua: I jaco, to yicóari, so yo Cleofas manajo Mar'ia vãme cutigo, gajejo Mar'ia Magdalena, ñacaju yua. ²⁶ Yu Jesúe i buecacu, i maigũ quẽne ñacaju yu. I jaco rãca yu ñasere ñacóari ado bajiro yicami Jesúe:

—Caco, i ñarucumi mu macure bajiro bajigu —sore yicami Jesúe, yujuare.

²⁷ To yicóari, yujuare ado bajiro yicami:

—Mu jacore bajiro bajigo ñarucocomo so —yure yicami Jesúe.

To bajiro i yise ñajare, yu ya viju sore ñmato ñarũgũcaju yu yuja.

Jesús i usatadre queti

(Mt 27.45-56; Mr 15.33-41; Lc 23.44-49)

²⁸ Jesúe, to bajise yure i yiro bero, “Dios i bojadictore bajirone jẽre adi macarucurojare yijeocóaja yu yuja” yigu ñari, Dios ocare masa ña ucamasire, “Ti gotirore bajirone bajiato ti” yigu,

—Bogoaja yure —yicami Jesúe yuja.

²⁹ To ñacaju uye oco jiase. Tire, sudiro buruane ñiabiãcáari, hisopo vãme cutiricu gajane siatucama ña, tiburuare. To yicóari, Jesúe rise tũjare ñumotucama ña. ³⁰ Uye oco jiase veroñacóari ado bajiro yicami Jesúe:

—Dios i roticóacore bajirone jẽre yijeocóaja yu yuja. To cõrone ñaja —yicami Jesúe.

To yigũne, murocayo, usatadicõa tũjacami Jesúe yuja.

Surara, Jesús varubure i sarejorare queti

³¹ Pascua boserãmu bare basuoriarãmu rĩjoroagarãmu ñacaju ti. Gajerãmu yua jud'io masa ususãjariarãmu ñacaju. To bajiri yucátëroju rijariarã rujuri tuyasere bojabeticama ña. To bajiri Pilatore ñe sãnĩñujarã jud'io masa ujarã:

—Yucátëroju tuyarãre ña ñicugũri gãare jatũrerotiya mu, “Guaro rijacoajaro” yigu. To yicóari ña rujurire rujio rotiya —ñe yiyujarã ña, jud'io masa ujarã.

³² To bajiri Pilato i rotijare, i yarã surara vacóari, yucátëroju Jesúe tãju juarã tuyarãre ña ñicugũri gãare jatũrecama ña. ³³ Jesúe tũjare ejarũgũcáari, “Jẽre usatadicoasumi ñanima”, ñe yilacama ña. To bajiri i ñicugũri gãare jatũrebeticama ña.

³⁴ To bajiboarine Jesúe varubure sigũ surara sarejoracami. I sarejorarone, ri'i, oco rãca budicaju. ³⁵ Yu, tire gotigu, tire ñacacu masune ñacóaja yu. “Riojo gotiaja tire”, yimasiaja yu. Muare quẽne, quẽnabusaro “ ‘Jesús ñaami Dios macu mani uju, i masise rãca manire ejarẽmogũ’ yimasiatu ña” yigu, riojo tire gotiaja yu. ³⁶ To bajiro ti bajijama, Dios ocare masa ña ucamasire ti gotirore bajirone jediro bajicaju ti. Ado bajiro gotiaja Dios oca: “Cojo gãaro ñe gãaro jajeabetiruarãma ña”, yigotiaja ti Dios oca. ³⁷ Gajeju Dios oca ti gotijama, ado bajiro gotiaja: “Sarejora ecor'ñe ñaruarãma masa”, yigotiaja Dios oca.

Jesúe ña yujere queti

(Mt 27.57-61; Mr 15.42-47; Lc 23.50-56)

³⁸ To ña yiro bero, Arimatea vãme cuti macagu José, Jesúe rujurire ñmiru Pilatore sãnĩñuju i. Jesúe ñe ajitirũnacacu ñacami José. To bajiboarine gãjẽrãre gotibatobeticami, jud'io masa ujarãre gũigu. To bajiri, “Ãmiña” Pilato i yijare, Jesúe rujurire rujioqu vasuju José. ³⁹ Nicodemo ñamiju Jesúerãca ñagõgũ ejar'i quẽne ejayuju. Treinta y cuatro kilo cõro rãcuse sutiquẽnasere juajayuju i. Mirra vãme cutise, ñloe vãme cutise rãca vuore ñañuju ti sutise. ⁴⁰ To bajiri José, Nicodemo rãca, Jesúe rujurire rujiocóari sudijãiri botiquẽnarĩjãirine sutisere tucóari, ñe gũmañujarã ña. Yua jud'io masa, to bajiro yirũgũcaju yua, bajirearãre yujerã. ⁴¹ Jesúe yucátëroju ña jajutusĩacato, ote vese tãju ñacaju ti. Ti vesejare masa yujeriavi gãtavi mame quẽnorĩavijure i rujurire cũñujarã. Gãjẽrãre yujeñañamanivi ñañuju ti vi. ⁴² Ususãjariarãmu, Pascua bare basuoriarãmu ti ejaroto mojoyoaca rayacaju ti. To bajiri ti viju Jesúe rujurire cũñujarã ña, sõju me ti ñajare.

20

Jesús i tudicature queti

(Mt 28.1-10; Mr 16.1-8; Lc 24.1-12)

¹ Gaje semana ina moasuoariarūma busurijū jēu rētiabusarojūne vasuju so Mar'ia Magdalena. Jesúre ina yujeriavi tū ejacōari, so iajama, gūta tūnuobibeboaria mañuju. ² To ti bajiro iacōari, ūmadi, yua tujū ejacamo so. Pedro, yu, Jesús buto i maicacu, ñacaju yua. Yua tujure ejacōari, ado bajiro yuare goticamo so:

—Mani ūju rujurire āmicoasuma ina. “Toju i rujurire cūriarāma ina”, yimasibeaja yu —yuare yicamo so.

³ To so yisere ajicōari, Pedro rāca iārā vacoacaju yua. ⁴ Yua juarā, cojoro cōro ūmacaju yua. Pedro rētoabusaro ūmacaju yujua. To bajiri, yujua i rījoro ejacoacaju yu. ⁵ Mubiācōari, ti vire iasōcaju yu. Īre ina gūmaboare rīne ñacaju. Sājabeticaju yu, bajigujama. ⁶ Yu berojū ejacami Pedrojuama. Īma ĩre ina yujeriavijū sājacoacami. Ī quēne, Jesúre ina gūmaboare rīrene iacami. ⁷ Jesús rujoare ina gūmariaro ricatijū ti jesaro iacami. Īre ina dūreariaboare gajeroju jesacaju ti. ⁸ To cōrone yu quēne i rījoro ejasuocacu quēne sājacoacaju yu. Tire iacōari, “Tudicatioasumi Jesús”, yimasicaju yu yuja. ⁹ “Rijacoaboarine tudicatioarucami Jesús” Dios ocare masa ina ucamasire ti yigotisere ajimasibeticaju yua maji. ¹⁰ To bajicōa, yua ya vijū tudicoacaju yua yuja.

Mar'ia Magdalenare Jesús i ruyuañore queti

(Mr 16.9-11)

¹¹ Mar'ia Magdalenama, Jesúre ina yujeriavi tujūne oticōa tujasumo so. Otiñagōne, mubiācōari, ti vire iasōcōañuju so. ¹² Īasōcōagōne, juarā āngel mesa, botiquēnase sājacōari rujirāre iañuju so. Sigū Jesús rujoa ñariarojuare rujiyuju ĩ. Gāji, ĩ gubori ñariarojuare rujiyuju. ¹³ So otiñaro iacōari, sore sēñiñañujarā ina, Mar'ia Magdalenare:

—¿No yigo otiami mū? —sore yiyujarā āngel mesa.

To bajiro ina yirone,

—Yu ūju rujurire āmicoasuma ina. “Toju i rujurire cūriarāma ina”, yimasibeaja yu —yiyuju so.

¹⁴ To bajiro ĩnare yigotigajanocōari, judarūgūgōne Jesúre iañuju so. Īre iaboarine, “Jesúne ñaami”, yimasibesuju so. ¹⁵ To cōrone ĩjua sore sēñiñañuju ĩ:

—¿No yigo otiami mū? ¿Ñimūre macati mū? —sore yiyuju Jesús.

“Adi vese coderimasū ñagūmi”, yituoñacōañuju so. To bajiri ado bajiro ĩre yiyuju so:

—Ī rujurire mū āmicūjama, “To cūmu yu”, yure yigotiya. Āmigō varuo yaja yu —ĩre yiyuju so.

¹⁶ To so yirone, ado bajiro sore yiyuju Jesús yuja:

—Mar'ia —sore yiyuju.

To bajiro ĩ yirone hebreo ocane ado bajiro ĩre yiyuju so:

—Rabuni —yiyuju so. “Gotimasiogū” yire ūni ñaja ti.

¹⁷ To so yirone, ado bajiro sore cūdiyuju Jesús:

—Yure moñabesa maji. Yu jacu tujū mujabeaja yu maji. Vasa. Yu yarāre ĩnare gotiaya: “Dios mani jacu, mani rācūbuogū, ĩ ñaroju vacu yimi”, ĩnare yigotiaya —sore yigotitrotiyuju Jesús, Mar'ia Magdalenare.

¹⁸ To bajiro ĩ yirio, yuare gotigo ejacamo so. “Mani ūjare ĩamū yu”, yuare yicamo so. To yicōari, Jesús ĩ gotitroticōariore bajirone yuare goticamo.

Ī buerimasare Jesús i ruyuañore queti

(Mt 28.16-20; Mr 16.14-18; Lc 24.36-49)

¹⁹ Moasuoariarūma rāioati ñamire yua Jesús ĩ buecana vijure rējacōari, ñacaju yua. Yua yarā jud'io masare ĩnare gūirā ñari, sojere tubibecōari ñacaju yua. To bajiro yua bajiñaro yua vatoane ruyuarūgūcōacami Jesús:

—¿Nati mūa? Quēnaro ñaña mūa —yuare yicami Jesús.

²⁰ To yigune, ĩ āmorire ina jajucature, ĩ varubure ina sarecature yuare ĩocami Jesús. Yua ĩ buecana yua ūjare iacōari, buto variquēnacaju yua yuja. ²¹ To bajiri quēna ado bajiro yuare gotirūtuacami Jesús:

—Quēnaro ñaña mūa. Yu jacu masa tujū yure ĩ cōacatore bajirone yu quēne mūare cōaja yu yuja —yuare yicami Jesús.

²² To yigune, yuare jutijeocami. Jutijeogune, ado bajiro yicami:

—Dios ĩ cōagūre Esp'iritu Santore bocañmiña mūa. ²³ Īre bocañmicōari, gājerā rojose ina yisere mūa masiriojama, Dios quēne rojose ina yisere masiriorucami. Rojose ina yisere mūa masiriobetijama, Dios quēne rojose ina yisere masiriobetrucami —yuare yicami Jesús.

Jesús i tudicatiro Tomás i iare queti

²⁴ Yuare Jesús i ruyuañorema, Tomás yua rācagu cojoji ruyuarāne, juarā ruyuar'i yua yicacu manicami maji. ²⁵ Jesús i ruyuañoro bero Tomare iabujacōari, "Mani ujure ire iamu yua", ire yiboacaju yua. To bajiro ire yua yiboajaquēne ado bajiro yuare boca cūdicami Tomás:

—I amorire ire ina jajucati gojerire iacōari yu tōmeiabetijama, to yicōari i varubure ina sarecatijure yu moaiabetijama, "Ine ñaami", yimasibecuja yu —yuare boca yicami Tomás.

²⁶ Cojomo cōro idia jēnituariñumuri bero quēna rējacaju yua. Tirāmu yua rējarirūmure Tomás quēne ñacami yuja. Soje turiaro ti ñaboajaquēne yua vatoane ruyuarūgacami Jesús quēna.

—¿Ñati mua? Quēnaro ñaña mua —yuare yicami Jesús.

²⁷ To yicōa, ado bajiro Tomare ire yicami:

—Yu amorire iacōari, mu āmo vāsoane yure tōmeiāña mu. Mu āmo vāsoane yu varubure ina saremasirijure tōmeiāña. "I me ñagūmi", yibeja yuja. "Ine ñaami", yimasīña mu yuja —ire yicami Jesús.

²⁸ To bajiro ire i yirone,

—Yu ujū, Dione ñaja mu —Jesúre yicami Tomás.

²⁹ To bajiro i yirone, ado bajiro ire cūdicami Jesús:

—Tomás, yure iagū ñari, "Ine ñaja mu", yure yaja mu. Gājerāma yure iabetiboarine mu yirore bajirone yure ina yijama, quēnaro variquēnaruarāma ina —Tomare ire yicami Jesús.

"Masa, Jesúre ire ajitirānūarājo' yigu, adi quetire ucaja yu", Juan i yire

³⁰ Gajeye jairo iñañamanire yīlocami Jesús, yuare i buerāre. Ti ñaro cōrone ucajeobeaja yu, adi queti ucagu. ³¹ Yu ucasema, "Mani rijato beroju, rojose tāmūotujabetiraroju mani vaborotire manire yirētosacōari, i rotirore yigu, Dios i cōar'i, to yicōari, i macu ñagūmi Jesús" mua yitūōiarotire yigu, ucaja yu. To bajiro Jesúre mua yitūōiājama, mua rijato beroju, "Tudirijabeticōato" yigu, Dios i catisere iñiecoruarāja mua quēne.

21

I buerimasa, cojomo cōro jua jēnituariñācu ñarāre Jesús i ruyuañore queti

¹ Tiju bero, quēna yuare ruyuañocami Jesús, i buecanare. Tiberias vāme cutira tusaroju yuare ruyuañocami i. Ado bajiro bajicami: ² Adocārācu ñacaju yua, rējacana: Simón Pedro vāme cutigu, Tomás yua rācagu cojoji ruyuarāne, juarā ruyuar'i yua yicacu, Natanael, Galilea sitagu Caná vāme cuti macagu, yua Zebedeo rīa, gājerā juarā Jesús i buecana ñacaju yua. ³ To yua bajiñarone, ado bajiro yicami Pedro:

—Vai vayaguacu yaja yu —yicami.

To bajiro i yijare,

—Yua quēne mu rāca vana yaja —ire yicaju yua.

To yi, i rāca vacoacaju yua. Va, cūmua vasājacaju yua. Ti ñamire vai vaya ñamicutiboacaju yua. ⁴ Ti busumijadone utabucura tūne yuare ruyuañocōacami Jesús. To i bajiboajaquēne, "Ine ñagūmi", yimasibeticaju yua. ⁵ Ado bajise yuare yicami:

—¿Vai sīabeati mua? —yuare yicami Jesús.

To bajiro i yijare,

—Vai vayaboaja yua. Sājabeama —ire yicaju yua.

⁶ To yua yirone,

—iCūmua riojojacatuare bajiure rocaraoya mua! To bajiro mua yijama, vai sīaruarāja mua —yuare yicami Jesús.

To i yirotirore bajirone yicaju yua. Jājarā vai ina sājajare, no yi tūamuo sātīmabeticaju yua.

⁷ Tire iaboacu, yu, Jesús i maicacu ado bajiro ire yicaju yu, Pedrorre:

—Mani ujune ñaami —ire yicaju yu.

Tire ajicōari, i sudiro veacūcatiasere guaro sāña, jatirocaroa, bacōa jājacami i, Jesús i ñarojare. ⁸ Cien metros cōro vijariarojare jayacaju yua. To bajiri jabua cutojare bajiure sājacanare vaire vejājājacaju yua. ⁹ Jājaeja, majacōari, jeame ajurime vecare vai jesarāre Inare iacaju yua. To bajicōari, pan quēne jesacaju ti. ¹⁰ Yua ejaro iacōari ado bajiro yuare yicami Jesús:

—Gājerā vai juadirēmoña yucacane mua vayasīarāre —yuare yicami Jesús.

¹¹ To bajiro i yisere ajicōari, cūmuajure ejasājacami Pedro. To yicōari, bajiure boeju vejamocūcami, jacarā vai sāñaricare. Ciento cincuenta y tres ñarirācu ñacama vai ñajediro. Jājarā ina ñaboajaquēne, surebeticaju ti, bajiū. ¹² To i yiro bero, ado bajiro yuare yicami Jesús:

—Bayujiroaya —yuare yicami Jesús.

“¿Ñimũ ñati mũ?”, ìre yisēniīabeticajũ yũa, “Mani ujuñe ñaami” yirā ñari. ¹³ To yicōa, yũa tũjũ ejarāgũ, panre yũare īsibatocami. Vaire quēne, to bajirone yicami.

¹⁴ Idiaji yũare ruyuaīococami, ī sīaēcocatō bero tudicaticōari.

Simón Pedro rāca Jesús ī ñagōre queti

¹⁵ Yũa bayujigajanoro bero, Pedrorē ìre sēniīacami Jesús:

—¿Mũ rācana yure ña mairo rētoro yũre maiati mũ Pedro, Jonás macũ? —Ìre yisēniīacami Jesús.

To bajiro ī yirone,

—Yũ uju mure maiaja yũ. Mure yũ maisere masiaja mũ —Jesũre ìre yicami Pedro.

To bajiro ī yijare,

—¡Oveja rīare ña ecarũgũriarore bajirone yũ yarāre yũre gotimasiobosaba mũ! —Ìre yicami Jesús.

¹⁶ Quēna tudisēniīacami Jesús, Pedrorē:

—¿Yũre maimasucōati mũ Pedro, Jonás macũ? —Ìre yicami Jesús.

To bajiro ī yirone Pedrojũama:

—Yũ uju mure maiaja yũ. Mure yũ maisere masiaja mũ —Jesũre ìre yicami Pedro quēna.

To bajiro ī yijare,

—¡Ovejare coderiarore bajirone yũ yarāre yũre codebosaba mũ! —Ìre yicami Jesús.

¹⁷ To yicōa, quēna ìre tudisēniīaquēnocami Jesús:

—¿Yũre maiati mũ Pedro, Jonás macũ? —Ìre yicami Jesús.

Idiaji, “¿Yũre maiati mũ?” Jesús ī yisere ajicōari, sātiriticoacami Pedro yuja. To bajiri ado bajiro Jesũre ìre yicami Pedro:

—Yũ uju, ñajediro masigũ ñaja mũ. Mure yũ maisere masiaja mũ —Jesũre ìre yicami Pedro.

To bajiro ī yijare,

—Ovejare ña ecarũgũrore bajirone yũ yarāre yũre gotimasiobosaba mũ. ¹⁸ Socũ mene mure gotiaja yũ. Tirũmũju mamũ ñagũjũma sudi sãñacōari, no mũ bojarone vacudirũgũcaju mũ maji. Вѣсѹ мѹ ñatone mũ āmorire siacōari, mũ varũabetojure mure āmirũarāma ña —Pedrorē ìre yicami Jesús.

¹⁹ To bajise Pedrorē ī yijama, ī sīaēcroti vāmere gotimasioģũ yicami. To bajiro mũ yiecosere īacōari, “Diore rācũbũorũarāma masa” yigũ, to bajise goticami Jesús, Pedrorē. To yigajanogũne,

—Vayā yũ rāca. Yũre ajitirānũ sũyaya —Ìre yicami Jesús.

“Jesús ī maimasugũ ñacajũ yũ”, Juan ī yire queti

²⁰ Judati īacōari ñare yũ sũyaro yũre īacami Pedro. Yũ ñacajũ Jesús ī buecacũ, bũto ī maicacũ. Yũne ñaja Jesús, Pascua boserũmũ yũare ī ũmato batũsacatirũmũ ī tũbusaca ñacōari, “¿Ñimũ ñati, mure īaterāre īsirocarocũma?” Jesũre yisēniīacacũ. ²¹ Yũre īacōari, ado bajiro Jesũre ìre yisēniīacami Pedro:

—Yũ uju, ānima, ¿no bajiro bajirijariquĩda? —Jesũre ìre yisēniīacami Pedro.

²² To bajiro ī yirone, ado bajiro ìre cadicami Jesús:

—Quēna yũ tudivadirotoju ī catirotire yũ bojajama, caticōa ñarũgũrũcũmi maji. No bajiro mure yibeaia ti, mũ masibetijaquēne. Mũma yũre ajitirānũ sũyaya mũ —Pedrorē ìre yicami Jesús.

²³ To bajiro ī yirone, yũjũarema, “‘Rijabetirũcũmi’ yigũ yigũmi” yirene masicōacama ña. To bajiboarine Jesũjũama, “Rijabetirũcũmi”, yibeticami. Ado bajirojũa yicami ī: “Yũ tudiejarijũjũ ī catisere yũ bojajama, caticōarũcũmi maji. Tire mũ masibetijama, no yibeaia mure” yigũ yicami Jesús. Tire quēnaro ajimasibeticōari, “Rijabetirũcũmi Juan” yire queti gotibatoyũma ña.

²⁴ Juan ñaja yũ, Jesús ī buecacũ. Yũne ñaja, adi paperare ucagũ. Yũ gotisere, “Riojo gotiaja ti”, yimasiaja manĩ.

²⁵ Gajeye jairo ñaja Jesús ī yĩocati. Jediro Jesús ī yirũgũcatire mani ucajeocōajama, adi macarũcarore tĩjabetiboroja paperatutĩri.

To cōrone ñaja.

HECHOS de los Apóstoles

“Esp'iritu Santore mware cōarucija yu”, Jesús i yire queti

¹⁻² Z Teófilo, ñaboati mu? Tirūmu mware papera cōasuocaju yu. Ti papera rāca Jesús i yisnorere masare i gotimasiorere mware ucacōacaju yu. I bueriarā yure ina goticato cōro ucajeocōacaju yu. I ruyuarere ucasuocaju yu. To yicōari, i sñacore, tudicaticōari ò vecaju i mwarere quēne ucacaju yu. Ò vecaju i mwaroto rījoro, i bueriarāre ñare gotimasioroticōagū, Esp'iritu Santo i ejarēmose rāca, “Ado bajiro yiba mua” ñare i yigoticūrere ucacaju yu. ³ I rijato bero, tudicaticōari i cōaronare cojoji me ñare ruyuañōñuju Jesús. To bajicōari, cuarenta ñarirāmari ña rāca ñagū, ñare i ūmato yirūgūriarore bajiro ñare ūmato yicōa ñañuju, “Iñe ñaami” ña yimasirōtore yigu. To bajīñagū, “Yu rijabosare suorine yure ajitirūnūrāre iavariquēnaami Dios yuja”, ñare yigotimasioñuju.

⁴ ña rāca ñagūju, ado bajiro ñare gotiyuju Jesús maji:

—Adone ejarēmose maji, Jerusalénne. Dios mani jacu i gotirere bajirone i cōagū Esp'iritu Santo ejarotire yuba mua. Tire mware yu goticāre ajicaju mua. ⁵ Tirūmuju oco rāca mware bautizacami Juan, “Dios i bobabeti yirūabeaja” mua yitūñajare. To bajiri, yoaro mene Esp'iritu Santore mware cōarucami Dios, mua rāca ñarocure, “Dios i bojarore bajirone yimasiatō” yirocure —ñare yiyuju Jesús.

Jesús ò vecaju i mware queti

⁶ To bajiri, Jesūrāca rējarā ado bajiro sēñañujarā ña:

—Tirūmuju romano masa, mani Israel ñamasir'i jānerabatia ye sitare ēmacōari, moarotisuoadimasiñuma ña. Z Yucurema, ñare bucōari, “ ‘Rotimāorīgōrūcaju mu’ yigu, Dios i cōagū ñaja yu”, yigotiguti mu? —Jesūre ñe yiyujarā ña.

⁷ To bajiro ña yijare, ado bajiro ñare cūdiyuju Jesús:

—No bajiro yicōari, masimenaja muama. Dios mani jacuma i masise rāca i yirotere, i sigūne masiami. ⁸ To bajiboarine, Dios i cōagū Esp'iritu Santo i vado, i masise mware ejaruaroja ti. To bajiri, gājerā masa taju vacōari yure gotibosarā varuarāja mua. Jerusalénjare, adi maca Judea sita jediro, Samaria sitaju quēne, macarucuro ñaro cōrone yure gotibatocudibosaruarāja mua —ñare yiyuju Jesús i buerāre.

⁹ To bajiro ñare gotigajanogūne, ñe ña ñarone mujacoasuju Jesús. Buerigasero ejacune yayicoasuju. To bajiro i bajiro bero ñe tudīabesujarā yuja. ¹⁰ I mujaveoro bero to bajirone vecajure ñamuocōa ñañujarā ña maji. To ña bajirone ña vatoaju juarā āngeles ruyuarūgūcōañujarā ña. Buto botise sudi sāñarā ñañujarā ña. ¹¹ To bajicōari, ado bajiro ñare gotiyujarā ña:

—Mua Galileana, zñiere yirā ūmuagaserojuare ñamuocōa ñati? Jesús, mua rāca ñar'i, ūmuagaseroju i mujato mua ñare bajirone tudirujadiarucami quēna —Jesús bueriarāre yiyujarā āngeles.

Judare, Mat'ias i ñavasoare queti

¹² To bajiri, Olivo vāme cuti buro ñañujarā ña, Jesús i bueriarā, i cōarona. To bajiri Jerusalénju tudicoasujarā ña yuja. Ti buro tuacane ñañuju ti, ti maca. ¹³ Ti macaju ejacōari, viju vecaga sōajure ñañujarā ña. Ado bajise vāme cutiyujarā ña: Pedro, Juan, Santiago, Andrés, Felipe, Tomás, Bartolomé, Mateo, gāji Santiago Alfeo macu ñañuju i. Gāji Simón Celote ña yigu ñañuju. Gāji, Santiago macu Judas ñañuju i. Tocārācu ñañujarā ña. ¹⁴ Sigūne bajirone tuōlacōari, rējarūgūñujarā ña, Diore sēñirā. Jesús bederā, i jaco Mar'ia, gājerā rōmia quēne ñañujarā ña.

¹⁵ Tirūmurire ña rāca rējarūgūñujarā ña, Jesūre ajitirūnūrā. Ciento veinte cōro ñarirāma ña. ña vatoaju vāmūgūcōari, ado bajiro ñare gotiyuju Pedro:

¹⁶ —Ajiya mua, yu yarā. Tirūmuju Esp'iritu Santo i ejarēmose rāca Judas i bajirotere ucamasñuju, mani ñicu David ñamasir'i, Jesūre ñe ñiācanare ūmato ejacacure. ¹⁷ To bajiri Judas yu rācagu ñabocami. I ye moare quēne ñaboacaju ti. ¹⁸ Judas, i masune rojose yicōari, rijacoasuju i. I rujoajane quediruji, tūasiarocayocōa tujasuju. To baji, tuvagua potogune, i gudamisi budibatecoasuju ti. To i bajiro bero, rojose i yire vaja gājoa ñarāre juacōari, ti sitare vaja yiyujarā ña gājerā. ¹⁹ To bajiri to ña yijare, Jerusalén ñarā, Acēldame vāme yiyujarā ña, ti sitare. ña ocarema ri'i vese yire ūni ñañuju ti. ²⁰ “To bajiro bajiruaroja” David ñamasir'i i yimasire socase me ñañuja, ado bajiro i ucamasirema:

“Masa mano ñato ñi ya vi. To bajiro bajicōari ñi ye moare ñaboarere, gāji moavasoato”, Diore yuicabosayuju David ñamasir'i, Judas ñi bajirotire goti rījoro yīgu.

²¹⁻²² To bajiro David ñamasir'i ñi yuicamasire ti ñajare, Judare ñi vasoagu, Jesús ñi rijato bero quēna ñi tudicatio ñacacure, Juan, Jesús ñi tuñiabiario ñacacure, yua Jesús ñi cōasucana rāca vacudicacure macato mani —yiyuju Pedro.

²³ To bajiro ñi yiro bero, juarāre ñi muare beseyujarā ñi. “José vāme cutigu quēnagūmi” yicōari, “Gāji, Mat'ias vāme cutigu quēnagūmi”, yiyujarā ñi. Josere, Justo ñi yiyujarā gājerā. Gaje vāmerema, Barsabās ñi yiyujarā. ²⁴ To bajiro yicōari, ado bajiro Jesús ñi sēniñujarā ñi: —Jesús yua ũju, mu masiaja ñajediro masa ñi tuoāsere. To bajiri ānoare, “Nijua ñati mu besegu” yuare ñi ñi mu. ²⁵ Judare vasoarocu yua rāca moarocure ñi ñi yuare. Rojose yiru Judas yuare vaveocami. To bajiri yucurirema rojose ñi yicati vaja, rojose tāmōtūjabetiriaroju ñi gūmi —yisēniñujarā ñi, Jesús.

²⁶ To yigajano, José vāme ucatuyujarā ñi, gūtajure. To yicōari, gaje gūtare Mat'ias vāme ucatuyujarā. “Tiarire reacūiāto mani, ñiñimujua ñati Dios ñi beseguma?”, yiyujarā ñi. Gūtarire reacūiācōari, “Mat'iane ñaami Dios ñi beseguma”, yimasñiñujarā ñi. To bajiri, juaāmo cōro, coja gubo jēnituarirācu ñiñujarā maji. To bajiri, Mat'ias rāca ñiñarā, juaāmo cōro jua jēnituarirācu ñiñujarā yuja.

2

Dios ñi cōagū Esp'iritu Santo ñi ejare queti

¹ Pentecostēs boserūmure Jesús ajitirānūrā rējañujarā ñi. ² To bajiro ñi bajiñarone, ñi tūsarone busi ocaruyuyuju ñi vecaju. Buto mino cutiejarore bajiro ejayuju, ñi ñiñivijure. ³ To bajicōari, jea ũjusere bajise ruyuyuju. To bajicōari tocārācure ñiñare quēdīreajeoyuju. ⁴ To bajiro ti bajirone, Dios ñi cōagū, Esp'iritu Santo ñiñare ejayuju, tocārācure. Ejacōari, ñi ñiñagōmasirotire ñiñare ũjoyuju. To bajiro ñi yijare, tocārācure ricatiri ñiñare ñiñagōjedicoasujarā ñi, gājerā masa yere.

⁵ Pentecostēs boserūmu ñi, jud'io masa Jerusalén macajure boserūmu ñiñare ejariarā ñiñujarā, Diore rūcuborā. Jud'io masa ñiñarone, ricatiri ñiñare ñiñagōrā ñiñujarā, gaje macariāna vadiriarā ñi. ⁶ To bajiri mino vatore bajiro ti busisere ajicōari, jājarā masa rējañujarā ñi, ti busirojare. To ejacōari ñi añijama, ricatiri oca ñiñagōrā ñiñarone, sīgū ruyariario mano ñi ocare ajiyujarā ñi. To bajiri, no bajiro yimasñiñarā mañuju ñiñare. ⁷ No yimasibeticōari, ñi masune ado bajiro gāmerā yiyujarā ñi:

—¿Galileana me ñati, mua ñajama? ⁸ Galileana, mua ocare, yua ocare quēne ñiñagōmasimena ñiñarone, ānoajuama, ñi no bajiro yicōari, mani ocare ñiñagōmasiati ñiñare yuja? ⁹⁻¹⁰ Adocārāca sitana vadiriarā ñiñare mani: Partia, Media, Elam, Mesopotamia, Judea, Capadocia, Ponto, Asia, Frigia, Panfilia, Egipto, to yicōari, Cirene maca adojuana Africana quēne, Roma macaju vadiriarā sīgūri jud'io masa quēne ñiñare. ¹¹ To yicōari, gājerā jud'io masare bajiro Diore rūcuborā Roma macaju vadiriarā ñiñare ñiñare. Creta, Arabia vadiriarā quēne ñiñare. To bajiro mani bajiboajuquēne, Dios quēnaro manire ñiñare yūñasere mani oca rāca manire gotiama, Galileana ñiñarone —gāmerā yiyujarā ñi.

¹² To bajiro yituoñarejaica yirā, no bajiro yimasibesujarā ñi. To bajiri ado bajiro gāmerā yicōa ñiñujarā:

—¿Ñiñe ñiñare yirā, to bajiro yati ñiñare? —gāmerā yisēniñiñujarā ñi.

¹³ Gājerājuama:

—Mecurā yama, yiajatud'iyujarā ñi —Jesús buerimasa ñiñariare.

To rējarāre Pedro ñi gotimasiore queti

¹⁴ To bajiro ñiñare yiajatud'isere ajicōari, juaāmo cōro, coja jēnituarirācu ñiñare rāca vāmūrūgūñuju Pedro. Vāmūrūgūcōari, buto tutuase rāca ado bajiro gotiyuju Pedro, to rējarā ñi añijediro:

—Quēnaro ajiya yu yarā, yu gotisere, Jerusalén ñiñare quēne. ¹⁵ “Mecurā yaja mua”, yuare yirāja mua. Mecurā me yaja yua. Busurijua ñiñare maji. Masa mecuriaju ejabeaja maji. ¹⁶ Ado bajirojua bajiaja: Yuare mua ñiñare, “To bajiro bajiruarajo”, yiyuju Diore gotirētosomasir'i, Joel. Ado bajiro yuicamasñiñuju:

¹⁷ “Adi macarūcuro ñiñatūsarirūmure Esp'iritu Santore ñiñare cōarūcujaja yu, jediro masare. To bajiri, ñiñare suarine mua ñiñare, Diore gotirētosomasiruarāma ñiñare. Mamarāma, yu yūñosere ñiñamasiruarāma ñiñare. Bucurāma, yu cōasere cājiriuarāma.

¹⁸ Tirūmure Esp'iritu Santore cōarūcujaja yu, yuare ajitirānūrāre. ũmuare, rōmiare quēne ñiñare cōarūcujaja yu. To bajiri yu ocare gotimasioreuarāma ñiñare.

¹⁹ To bajiri ñiñare vecaju ñiñare ñiñare manire muare yūñogū, adigodo quēne ñiñare ñiñare manire yūñorūcujaja yu. Ri'ñi ñiñarearoja ti. To bajicōari, jea ũjuse, bueri buemujaruarajoja ti.

²⁰ Ɖmuaḡu muiju quēne rētiacoarucumi. Ŋamiagu muiju quēne ri'ire bajirone sūagū ñacoarucumi. Ti jediatone, Dios rojose yirāre ĩabeserirūmu ejaro bajiruaroja. Ŋamasurirūmu ñaruaroja, Jesús to bajiro ĩ yĩlorirūmu. Gajerūmu tire bajiro bajibetiruaroja yuja. Gũlorirūmu ñaro yiruaroja yuja.

²¹ To bajiboajaquēne no bojarā, 'Yū uju, rojose yigu ñaja yu. Rojose yu yisere masirioya mu' yirāre rojose ĩna yise vaja rojose tāmūotujabetiriaroju ĩna vaborotire ĩnare yirētibosarucuja yu, yami Dios", yuucamasifūju Joel —yiyuju Pedro.

²² To yicōa, quēna tudigotiyuju Pedro:

—Dios ĩ beserimasa ajiya mua. Nazaret macagu Jesús ĩaiañamanire Dios ĩ masise rāca muare yĩoñumi. To bajiri, "Dios ĩ rotirore bajiro yiyumi Jesús", yimasiaja mua, tire ĩacana ñari. ²³ To bajiro yimasirā ñaboarine, Jesúre ĩaterāre ocasāñuja mua. To yicōari, yucātēroju ĩnare jajurotiyuja mua, ĩre. Tire mua yiroto rĩjorojune masicōañuju Dios. "To bajiro rojose ĩre ĩna yiboajaquēne, quēnasejuare yirucuja yu" yigu, ĩre cōañuju Dios, Jesúre. To bajiri muare matabesumi, "Jesúre ĩre sīato ĩna" yirā, ĩre ĩaterāre mua ĩsiboajaquēne. ²⁴ To bajiro Jesúre mua yiboajaquēne, Diojuama, Jesús ĩ sīaecoro bero, quēna ĩre catiicōañumi. To bajiri rijayayicōa tujabesumi Jesús, no yiyamagū ñari. ²⁵ To bajiri tirāmūju mani ñicu David ñamasir'i, Jesús ĩ bajirotire yigu, ado bajiro ucamasifūmi ĩ:

"Cacu, yu rācane ñaja mu. Yure mu ejarēmose ti ñajare, ñiere gũibeaja yu.

²⁶ Tire yu tuoñajama, yure quēnamasucōaja. To bajiri bato variquēnagū quēnase mure ñagōaja yu. To bajiri, 'Yū ruju ti yayiboajaquēne, quēna tudicaticoarucuja yu' yituoia tutuaja yu.

²⁷ Cacu, masiaja yu, ĩna yujerojune ñacōa ñabetirucuja yu. Mu macu ñaja yu. Mure rācubuoaja yu. To bajiri yu ruju boarocabetiruaroja ti.

²⁸ To bajiri quēna yure catiorucuja mua. To cōrone bato variquēnarucuja yu, mu rāca ñagū ñari", yuucamasifūmi David, Jesús ĩ yirotirene yigu.

²⁹ ĩ tuoñase mere yimasifūju ĩ. ĩ rijato, adone ĩre yujerocamasifūjarā, ĩrema. "Ado ñaja ĩre yujeriaro", yimasiaja mani. ³⁰ To bajiro bajirotire goti rĩjoro cutirimasu ñamasifūju David. "Beroju 'Rotimūorūgōrucumi' yigu, Dios ĩ cōagū, yu jānami ñarucumi. Yure bajiro uju ñarucumi", yimasifūju David, Diore gotirētibosagu. ³¹ To bajiro ti bajirotire masigū ñari, "Rotimūorūgōrucumi" yigu, Dios ĩ cōarocu Cristo rijacoaboarine, ĩ tudicatirotire ucamasifūju. "ĩna yujerojune ñacōa ñabetirucumi Cristo. To bajicōari, ĩ ruju quēne, boabetiruaroja. To bajigu ñari, tudicaticoarucumi quēna", yuucamasifūju. ³² Jesús ĩ rijato bero, ĩre tudīacaju yua. To bajiri, "Dios ĩre catiomyumi", yimasiaja yua. ³³ Jesúre, ō vecaju ñacōari, ĩre jiyuju Dios. To bajiri rācubuoariajare Dios ĩ rujiro riojocatuaajuare rujiḡumi. Tojare Dios ĩ gotiriarore bajirone, "Esp'iritu Santore rotiya mu", Jesúre ĩre yiyuju. To bajiri Jesújuu yuare cōañumi, Esp'iritu Santore. Jēju mua ĩase, mua ajise quēne, Esp'iritu Santo ĩ ejajare, bajibu ti. Tine ñaja ti, Dios ĩ cōagū Esp'iritu Santo ĩ ejase. ³⁴ Quēna David ñamasir'i ĩ bajimasirere gotiaja yu. David ĩ masu ĩ bajirotire yigu me, ucamasifūju. ĩ ruju, Dios ĩ ñarojare mujabetiriaroja. To bajiboarine Jesús ĩ mujarotire yigane, ado bajiro yuucamasifūju David:

"'Yū riojocatua rujiya maji.

³⁵ Mure ĩaterāre, "Rojose yitujaya" ĩnare yu yiro bero, rojose yimasibetiruarāma yuja. To cōrone rotisuarucuja mu' yirucumi Dios, yu ajure", yuucamasifūmi David.

³⁶ To bajiri, "Israel ñamasir'i jānerabatiare, 'Socase me ñaja' yimasirājaro" yigu, muare gotiaja yu. Jesúre, yucātērojare mua sīar'irene, mani uju ñamūorūgōrucure cōañuju Dios —yiyuju Pedro, masare.

³⁷ To bajiro ĩ yisere ajicōari tuoñarejai sutiritiyujarā ĩna. To bajiri, Pedro rācanare sēñiñañujarā:

—¿Yua yarā, no yirāti yua? —yiyujarā ĩna.

³⁸ To bajiro ĩna yirone, cadiyuju Pedro:

—Rojose mua yisere sutiriticōari tuoñavasoaya. To yicōari, oco rāca bautizarotiya mua, "Yuare rijabosar'i ñaami' Jesúre ĩre yituoñarā ñaja yua" yirā. To bajiro mua yijama, rojose mua yisere masiriocōari, Esp'iritu Santore muare cōarucumi Dios. ³⁹ Esp'iritu Santore muare cōarucumi, mua riare quēne, mua jānerabatiare quēne, sōjuanare quēne. "Yū rīa ñaruarāja mua" ĩ yirere cadirā ñajedirore ĩre cōarucumi Dios —yiyuju Pedro.

⁴⁰ Ti rīne gotiḡu me yiyuju Pedro. Jairo ĩnare gotimasioñuju. To yigane ado bajiro gotiyuju: —Masa adirāmūana rojose yirā rāca ñabesa mua. Cāmotadicoasa mua, "Rojose tāmūotujabetiriaroju ĩna rāca vatobe" yirā —yiyuju Pedro.

⁴¹ To bajiro ĩ yigotisere quēnaro ajijujarā ĩna. To bajiri tres mil cōro ñarā, ñarēmōñujarā ĩna, Jesúre ajitirānārā. To bajiri, ĩnare bautizarotiyujarā ĩna, "Rojose yirūabeaja. Dios yarā ñaja yua yuja" yirā. ⁴² To bajiri Jesús ĩ gotiroticōasuoriarā rāca rēñañujarā ĩna. Tocārācarāmune ĩna

răca rējarūgūñujarā. To bajiri sīgūre bajiro tuoñañujarā ĩna. To bajicōari Diore sēnirūgūñujarā ĩna. Bare barā quēne, Jesús ĩ yirotiriare bajirone yibayujarā ĩna.

Jesúre ajitirānūrā ĩna bajire queti

⁴³ Tirāmari Jesús ĩ gotiroticōasoriarā jairo ĩañañamanire yiyujarā, Dios ĩ masisere ĩnare ĩ cōajare. Tire ĩacōari, no yimasibesujarā ĩna toana ñajediro. ⁴⁴⁻⁴⁵ Tocārācune Jesúre ajitirānūrā sīgūre bajiro tuoñañujarā. “Yu ye ti ñaboajaquēne, mure ti ruyajama, ĩsirucuja yu”, gāmerā yituoñajedicōañujarā ĩna. Gājerāre maioro bajirāre ĩacōari, ĩna ye gajeyeñire ĩsicōari vaja sēni, juayujarā, ĩna, maioro bajirāre gājoa ĩsiruarā. ⁴⁶⁻⁴⁷ Tocārācarūmu sīgūre bajiro tuoñarā ñari, Diore yirūcubūoriavijure rējarūgūñujarā ĩna, Diore sēnirā. To yigajano, gājerāre jicoasujarā ĩna, ĩnare barotirā. ĩna ya virijū ejacōari, bare barāne, Jesús ĩ rotiriarore bajirone yibavariquēñañujarā ĩna. To bajiro bajirā, quēnase Diore yirūcubūorūgūñujarā ĩna. To bajiri ĩnare ĩacōari, “Quēnaro yirā ñaama?”, yñañujarā ĩna, ti macana. To bajiri, Jesús ĩ masisere ĩnare cōañujū. ĩnare ĩ cōajare, cojorūmu ruyabeto ti macana sīgūri, Jesúre ĩre ajitirānūsūoyujarā ĩna. To bajicōari, Jesúre ajitirānūrā tuju rējañujarā ĩna quēne. ĩna răca ñarā, jājarābusa ñañujarā, Jesúre ajitirānūrā.

3

Pedro, micagūre ĩ catiore queti

¹ Tocārācarūmu ñamicajua tusato, Diore sēnirā ejarūgūñujarā ĩna jud'io masa. To bajiri cojorūmu Pedro, Juan răca, Diore ĩre sēnirā vasujarā ĩna quēne, Diore yirūcubūoriavijū. ² Ti vi soje ture ruiyujū rēmone micagū ruyuar'i. Tocārācarūmu tojūre ĩre āmiejorūgūñujarā ĩ babarā. Ti soje, Quēnari soje vāme cuti soje ñañujū ti. Ti soje ture rujicōari, ti vi sājare, “¿Yure ĩamaicōari, gājoa ĩsiruabeati mua?”, yirujirūgūñujū ĩ. ³ To bajiri, Pedro, Juan răca ĩna sājatone, gājoare ĩnare sēniñujū micagū. ⁴ To bajiro ĩ yisere ajicōari, ĩre ĩañujarā ĩna. To yirāne, ado bajiro ĩre yiyujū Pedro:

—Adojuare ĩaña, mu —ĩre yiyuju.

⁵ To ĩ yijare, “Yure ĩsiruarāma mojoroaca” yigu, quēnaro ĩnare ajiyujū micagūjūama. ⁶ To yicōari, ado bajiro ĩre yiyujū Pedro:

—Gājoa maja yuare. Gajeye quēnamasuse mure yirēmorucuja yu. Jesucristo Nazaret macagū ĩ masise răca mure varotiaja yu —yiyujū Pedro, micagūre.

⁷ To yicōari, ĩ riojojacatuaga āmore ñiacōari, ĩre tūavūmūorūgūñujū Pedro. To ĩ yirone, ĩ ñicugūri, ĩ āñatigāri tīmacoasujū, ĩre, micaboar'ire yuja. ⁸ To bajicōari, jatirocarūgūcōari, vasūoyujū ĩ yuja. ĩna răca sājāsujū micaboar'i, Diore yirūcubūoriavijūre. To jatisājacune, “Dios quēnaro yure yami. Yu rījaye catisere yure catioami”, yivariquēñañujū ĩ. ⁹ Ti vi ñarā, to bajiro ĩ yivariquēñasere ĩañujarā ĩna. ¹⁰ To bajiri ĩre ĩamasicōari ucayujarā ĩna. “¿Quēnari soje vāme cuti soje tu gājoa sēnirujirūgūgū me ñati ĩ?”, yiyujarā ĩna.

Diore yirūcubūoriavijū Pedro ĩ gotimasiore queti

¹¹ To bajiri micagū ñaboar'i, Pedroro, Juanre ĩnare ñiatuayujū, “Yure vaveobeticōato ĩna” yigu. Salomōn vāme cutijacatajuare rūgūñujarā ĩna, Pedro, Juan răca. To bajiro ĩna bajirone, masa ĩna ñaro cōrone ūmarējañujarā ĩna, ĩre ĩna catiorore ĩaucacōari. ¹² ĩna ūmarējaro ĩacōari, ado bajiro ĩnare gotiyujū Pedro:

—¿No yirā ĩaucati? ĩaucabesa, mua, yu yarā Israel ñamasir'i jānerabatia. Āni micar'ire yua masune catiobeju yua. “Diore quēnaro cudirā ñari, ĩre catioma”, yituoñabesa mua. ¹³ Ado bajirojua bajaia: Mani ñicua Abraham, Isaac, to yicōari, Jacob ĩna rācubūomasi'r'i, ĩ bojasere yicacure Jesúre “Ñamasugū ñaami” yirūcubūogu, āni micar'ire yuare catiorotimi. To bajiro yigu ĩ ñaboajaquēne, Jesúre ĩaterāre ocasācaju mua, ujarāre, “ĩre sīato ĩna” yirā. Ūju Pilato, Jesúre ĩ burotirūaboajaquēne, muaaja ĩre sīaruacaju. ¹⁴ Dios ĩ bojase rīne yigure Jesúre burotimenane, Barrabājuare ĩre buroticōacaju mua, Pilatore. ¹⁵ To bajiro mua yijama, ĩna rijato beroju “Tudirījabeticōato” yigu, Dios ĩ catisere ĩsirocure sīarotiyujū mua. To bajiboarine rijar'irene tudicaticōañujū Dios. ĩre ĩacōari, “Quēna tudicaticoasumi”, yimasiaja yua. ¹⁶ Āni micagū ñaboagure ĩre ĩaja mua. “Jesús yure catiorucumi” ĩ yituoñajare, rēmone ĩ ñicugūri tīmacoaju ti. Tire ĩacōari, “Jesús suorine bajaiaja ti”, yimasiaja mua.

¹⁷ Mani ujarā răca Jesúre ĩre sīaroticaju mua, riojo tuoñabeticā yirā. ¹⁸ “To bajirone bajirūaroja ti” Dios ĩ yimasire ñajare, bajicaju tima. Ado bajiro ucamasīñujarā Diore ĩre gotirētobosariarā: “Rojose tāmucōari, sīaecorucumi Cristo”, yiuucamasīñujarā ĩna. ¹⁹ Tire ajicōari, rojose mua yisere yitujacōari, Diore sēniña mua. To mua yijama, rojose mua yisere masiriorucumi. To bajiro ĩ yijare, ĩ răca quēnaro ñaruarāja mua. ²⁰ To bajiro mua bajijama, Jesúre muare cōarucumi Dios quēna, tirāmujūne “Masa ūju ñaña mu” yigu mure cōarucuja” yimasir'i ñari. ²¹ Yucurema ō vecaju ñagūmi Jesús. “To cōrone adi macarucure

tudiquēnorucuja yu” Dios i yituoñariaro bajiro ti bajiroto rñjoro, tone ñacōa ñarucumi. Adi ñaja tirāmuaana Diore ire gotirētohosamasiriarā, ina ucamasire. ²² Diore gotirētohosamasir'i, Moisés vāme cutigu, ado bajiro gotimasiñuju, mani ñicūare: “Dios mani uju yare i cōacatore bajirone gāji i ocare gotirocure cōarucumi. I cōarocuma, mani rācagune ñarucumi. Jediro i yirore bajirone cudiruarāja mua. ²³ I yirore bajiro cudimenarema, ñare bucōaroti ñaja ti. ñare bucōari ñare sñaroti ñaja”, yimasiñuju Moisés. Adi ñaja, Jesús i bajirotire goti rñjoro yigu, mani ñicūare i gotimasire.

²⁴ Samuel vāme cutimasir'i, to yicōari, ñe bajiro bajirā quēne i beroana Diore ñe gotirētohosariarā ñajediro, adirāmari bajirotire gotiyujarā ña quēne. ²⁵ Tirāmujū, mani ñicūare Dios i gotirere gotimasiñujarā ña. Dios mani ñicūare i goticōare ti ñajare, quēnase manire ejaruaroja ti. Ado bajiro mani ñicu Abraham ñamasir'ire gotimasiñuju Dios: “Masa jedirore quēnaro yirucuja yu, mu jānerabatia suorī”, yimasiñuju Dios, mani ñicu ñamasir'ire gotigu. ²⁶ To yimasir'i ñari, i macure catiocōari bero, mani jud'io masa tujare ñe cōasuooyumi Dios, “I suorī, rojose ña yisere masiriocōari, quēnaro ñato ña” yigu cōañuju, i macure —ñare yigotimasiñuju Pedro.

4

Pedrore, to yicōari, Juanre tubiberiavijū masa ujarā, ña tubibere queti

¹⁻² To bajiri Pedro, Juan rāca, ado bajiro masare gotimasiñujarā ña:

—Jesús, sñacogu ñaboarine, quēna tudicaticoasumi. To bajiri mani quēne tudicatiuarāja, yimasiaja mani —yiyujarā Pedro, Juan rāca.

To ña yñarore paia, to yicōari, saduceo masa quēne ejayujarā ña. Diore yirūcubuoariavire coderimasa uju quēne ejayuju i. Buto jūnisinieyujarā ña, Pedro, Juan rāca to bajiro ña gotimasirosere ajicōari. ³ To bajiri Pedrore, Juanre quēne ñare ñejeccōari, tubibe, vaveocoasujarā ña, rāioriju ti ñajare. ⁴ To bajiro ñare ña yiboajaquēne, Jesús ocare ajicōari, jājarā ajitirūnusuooyujarā ña. To bajiri amua cinco mil ñañujarā ña.

⁵ To bajiri busurijū tudirējañujarā ña quēna, jud'io masa ujarā, Dios i rotimasire gotimasiorimasa, to yicōari, bucūrā quēne. ⁶ Paia uju ñamasugū Anás, to yicōari, i yarā Caifás, Juan, Alejandro ñañujarā ña quēne. ⁷ To bajiri, Pedro, Juan rāca tubibe ecoriarāre, jirotiyuju Anás. To i yijare, i rñjorojuare ejaragū ejayujarā Pedro, Juan rāca. To ña ejaro, ado bajiro ñare sēñiñaju Anás:

—¿Ñimu masare muare gotimasiorotimasiri? ¿Ñimu i masise rāca micagūre catiomasiri mua? —ñare yisēñiñaju Anás.

⁸⁻⁹ To bajiro i yisēñiñaro, Dios i cōagū Esp'iritu Santo i ejarēmose rāca cojo vāme rayabeto quēnaro cudiyuju Pedro:

—Yu ujarā, bucūrā quēne, quēnaro yure ajiya. “¿Ñimu i masise rāca micagūre catiomasiri mua?” yuare mua yisēñisere cudirucuja yu. ¹⁰ “Quēnaro masiato” yirā, adi macana, to yicōari, “Israel sitana ñaro cōrone masiato” yirā, ñamasusere muare gotiaja yua. Jesucristo Nazaret macagu suorine micagū ñaboar'i catimasimi. Jesús, yucātēroju mua sñar'ine, Dios i tudicator'ine, micagū ñaboagure ñe catiomasimi. ¹¹ Tirāmujū David ñamasir'i ado bajiro ucamasini: “Gūta rāca vi quēnorimasa coja gūtare rocarāma. ña rocaria ñaboarine, gajea gūta rētoro quēnarica ñaruaroja tia. Tia gūta suorine quēnarivi quēnorucumi Dios. Tia manijama, quēnomasibetibogumi”, yucamasini. “Ado bajiro bajaia” yire ñi ñaja adi: Mua jud'io masa ujarā, Jesūre ñe bojabetesuja mua. To bajiboarine ñamasugū ñaami. ¹² Jesús rñe ñaami adi macarucaroana masa, ña rijato beroju, rojose ña tāmuborotire ñare yirētohosarocu, Dios i cōar'i. Gāji to bajiro manire yirētohosagu maami —yiyuju Pedro.

¹³ To bajiri Pedro, Juan rāca quēnaro masirāre bajiro ña ñagōsere ajimasicōañujarā ujarā. “Pāpera buebetiriārā ñaboarine, quēnaro ñagōama ña. Jesūrāca ñarūgūriarāne ñaruyuaama ña. To bajiri ñe bajirone gotimasioama”, yituoñañujarā ña, ujarā. ¹⁴ To bajiri micagū ñaboar'i, Pedro, Juan rāca i ñajare, “Rojose yiyuja mua”, yimasibesujarā ujarā. ¹⁵⁻¹⁶ To yī, budiarotiyujarā ujarā, Pedrore, to yicōari Juanre quēne. To yicōari ado bajiro ña masune gāmerā ñagōñujarā ña:

—¿No yirāti mani ñare, Pedrore, Juanre quēne? Jerusalén macana ña ñaro cōrone masiama micar'ire ña catorere. To bajiri, “Socarā yama”, yimasiña maja. ¹⁷ To bajiri ado bajiro ñare gotiroti ñaja: “Jesús yere quēna mua ñagōrēmojama, rojose tāmura vana yaja mua”, ñare yiroti ñaja, “To cōrone Jesús yere gotibatobeticōato yuja” yirā —yituoñañujarā ujarā. ¹⁸ To yī, quēna ñare jisōñujarā ña, Pedrore, to yicōari, Juanre quēne. ña sājaejarone:

—Jesús yere masare gotimasiohesa mua —yiboayujarā ña, Pedrore, to yicōari, Juanre quēne. ¹⁹ To bajiro ujarā ña yisere ajicōari, ado bajiro cudiyujarā Pedro, Juan rāca:

—Mũare yua cudijama, Diore cudimena yirāja yua. To bajiri, mua tuoñajama, muaũare yua cudijama, ¿riojo yirā yirājari yua? ²⁰ Jesúre yua iacati, yua ajicature quēne, tire gotitujamasimenaja —yiyujarā Pedro, Juan rāca.

²¹ Tire ajicōari,

—Gotimasiobeticōaña, Jesús yere. Jesús yere mua gotijama, rojose tāmũoruarāja mua —yiyujarā ujarā quēna.

Micagū ī catisere iacōari, “Quēnaro yigu ñaami Dios”, yiyujarā masa. To ña yisere ajirā ñari, Pedore, to yicōari, Juanre quēne rojose ñare yimasibesujarā ña. To bajiri ñare budiroticōañujarā ujarā. ²² Micagū ñaboar'i, Pedro, Juan rāca ña catior'i, cuarenta cāmari rētoabusaro tasacu ñañuju ī.

“Jesús yere gotimasiocōa ñato ña' yigu, yuare ejarēmoña”, Diore ña yisēnre queti

²³ Budicoanajuma, ña babarā tujũ vacoasujarā Pedro, Juan rāca. Toju ejacōari paia ujarā, to yicōari, bucurā quēne, ñare ña yirere gotiyujarā ña. ²⁴ Tire ajicōari, sīgũre bajirone tuoñacōari, ado bajiro Diore sēniñujarā ña:

—Dios, yua jacu, mu rĩne ñajediro masirētogū ñaja mu. Mũne, ãmuagaserore quēnoñuja, sitare quēne, riagarire quēne jediro. Adi macarucuroayere jediro rujeoyuja mu. ²⁵ Tirũmũju yua ñicu mu bojarore bajiro yimasir'i David ñamasir'i, Esp'iritu Santo ī ejarēmose rāca ado bajiro ucamasifũmi:

“¿No yirā 'Rotimũorũgũrucumi' yigu, Dios ī cōagũre jũnisiñati jud'io masa, to yicōari, jud'io masa me ñarā quēne? ¿No yirā Diore rojose yiruaboati ña?

²⁶ 'Rotimũorũgũrucumi' yigu, Dios ī cōagũre, to yicōari, Diore quēne rojose yiruārā, adi macarucuroana ujarā rējacōari, ñayuruarāma”, yucamasifũmi David.

²⁷ Socu me yimasifũmi David. Ī gotimasiriarore bajirone bajicaju. Uju Herodes, Poncio Pilato vāme cutigu quēne, jud'io masa, to yicōari, jud'io masa me quēne, rējacama ña. Mu bojase rĩne yigũre, “Rotimũorũgũrucumi” yigu, mu cōar'ire Jesúre rojose ĩre yiruārā rējacama ña. ²⁸ “Ado bajirone bajiruaroja” mu yiriarore bajiro yirā, to bajiro yicama ña. ²⁹ To bajiri Dios yua jacu, yuare ajiya. “Rojose tāmũoruarāja mua” yuare ña yisere masiritibesa mu. Mu yirore bajiro mũre cudiruaja yua. To bajiri yuare yirēmoña mu, “Ñie gũimenane Jesús ĩ goticature quēnaro gotiato ña” yigu. ³⁰ Mu masise rāca masa rijarāre catioya mu. ĩañañamanire quēne yiya mu, “ ‘Jesús, Dios ĩ bojase rĩne yigu, ĩ macu suorine to bajiaja ti' yato ña masa” yigu —yiyujarā ña, Diore sēnirā.

³¹ Diore ña sēnigajanoro, sita nũruañuju. Tirĩmarone, Dios ī cōagũ Esp'iritu Santo, ĩ masisere ñare ĩsiñuju. To ĩ yijare, cojo vāme ruyabeto Dios ĩ bojarore bajirone gũimenane, Dios ocare masare gotiyujarā ña.

Jesúre ajitirũnurā ña gāmerā yirēmure queti

³² Jesúre ajitirũnurā sīgũre bajiro tuoñarā ñañujarā ña. ña cuosere, “Yu sīgũ ye ñaja”, yibesujarā ña. Ñajedirore, “Mani ye ñaja” yirā, ña babarāre ĩsiñujarā ña. ³³ Jesús ĩ bajireayere gotimasio tujabesujarā Jesús ĩ gotiroticōasũoriarā. “Jesús, rijacoaboarine, tudicaticōari ñaami quēna”, yigotiyujarā ña, masare. To bajiro quēnaro ñare yigoticōari, ĩañañamanire ñare yĩñujarā. “To bajirone quēnaro yĩñato ña” yigu, Jesúre ajitirũnurā ña ñaro cōrone quēnaro ñare yirēmoñuju Dios. ³⁴⁻³⁵ Sita cuorā, viri cuorā, gājerāre ĩsiñujarā ña. To yicōari, gājoa bujayujarā. Gājoa bujacōari, Jesús ĩ gotiroticōasũoriarāre ĩsiñujarā ña, “Maioro bajirāre ñare ĩsiato” yirā. To bajiri ña rācana nijua maioro bajigu mañujarā yuja. ³⁶ To bajiro Jesúre ajitirũnurā vatoare, sīgũ jud'io masu levita jũnagu ñañuju ĩ. José vāme cutigu ñañuju. Chipre vāme cutioaju ruyuar'ĩ ñañuju ĩ. Jesús ĩ gotiroticōasũoriarā, Josere gajeye ĩre vāme yiyujarā, Bernabé. Griego ocama, “Quēnase gājerāre oca cutigu” yire ũni ñañuju ti vāme. ³⁷ Sita cuoyuju José. Tire gājire ĩsiñuju ĩ. Ti vajane gājoa bujacōari, Jesús ĩ gotiroticōasũoriarāre ĩsiñuju, “Maioro bajirāre ĩsiato” yigu. Quēnaro yigu ñañuju José.

5

Anan'ias, ĩ manajo Safira rāca, ña yitore queti

¹ Anan'ias vāme cutigu ĩ manajo Safira rāca, quēnaro yirā me ñañujarā ña. Anan'ias ĩ manajo rāca ña ya vesere gājerāre ĩsiñujarā. To yicōari, gājoa bujayujarā ña. ² Anan'ias ĩ manajo rāca cojoro cōro tuoñañujarā ña. To bajiri gājoa mojoyo yayioyujarā ña. To yicōari Jesús gotiroticōasũoriarāre ĩsigũ vacoasuju, ruyasere. ña tujũ ejacōari,

—Ado cōrone bujabu yu —ñare yĩsiñuju Anan'ias.

³⁻⁴ To ĩ yisere ajicōari, ado bajiro ĩre yiyuju Pedro:

—Anan'ias, ¿no yigu Diore ĩategũre vātia ujure cudiatu mu? ¿Mu ya vese me ñari, mu ĩsiriavesema? ¿Ti vese vaja mũre ña ĩsirema, mu ye me ñari? To bajiro ti bajiboajaquēne, “Ti

vese vaja ñaro cõrone muare Isiaja yu", yitoaja mu. To bajiro yuare mu yitojama, yua rĩrene yitogu me yaja mu. Diore, Esp'iritu Santore quẽne yitogu yaja mu —yiyuju Pedro, Anan'iare.

⁵To i yisere ajicõari, rijaquedicoasuju Anan'ias. To bajiro i bajirere ajicõari, buto gũiyujarã toana. ⁶Sigũri mame bucuarã Anan'ias rujare gũmacõari, ĩre yujerã vacoasujarã ĩna.

⁷Tres hora bero ejayuju Anan'ias ñaboar'i manajo. "To bajiro bajiriaroja", yibesuju so. ⁸To so ejarone,

—¿Adi ñati vese vaja, jediro mua bujare? —sore yiyuju Pedro.

—Ti ñaro cõrone ñaja —ĩre yicudiyuju so.

⁹To so yisere ajicõari, ado bajiro sore yiyuju Pedro:

—¿No yirã mu manaju rãca cojoro cõro tuoĩacõari, Dios i cõagũ Esp'iritu Santore yitoruuri mua? Ó tusaroma mu manajure yujerã variarã. Mure quẽne amiaroana yirãma, mure yujeruara —sore yiyuju Pedro.

¹⁰To i yirĩmarone, rijaquedicoasuju sojuama. Sãjanane, rijaqueariore ĩabujayujarã mame bucuarã. To bajiri sore amibudicõari, so manajure ĩna yujeriaro taju sore yujeyujarã. ¹¹To bajiri, Jesũre ajitirũnarã ñajediro, to yicõari, ĩna tuana quẽne, "To bajiyuju" yisere ajicõari, buto gũiyujarã ĩna.

Jesũ i gotiroticõasuarĩarã, ĩaĩaĩamanire ĩna yĩĩore queti

¹²Tirãmũire Jesũre ajitirũnarã jediro sigũre bajiro tuoĩarã, Diore yirũcũbuoriavi, Salomón vame cutijacatuajure rẽjarũgũñujarã ĩna. To bajicõari, Jerusalén macana ĩna ĩaro rĩjoro Dios i masise rãca ĩaĩaĩamanire yĩĩoñujarã ĩna Jesũ i gotiroticõasuarĩarã. ¹³To bajiri, Jesũre ajitirũnarẽ, "Quẽnarã masu ñaama", ĩnare yirũcũbuoyujarã Jerusalén macana. To bajiro yiboarine, Anan'ias i manajo Safira mesa ĩna bajirere masicõari, "Jesũre ajitirũnugũ ñaja yu quẽne" yisocacõari sãjarucuja yu", yibesujarã ĩna, gũirã. ¹⁴To bajiri jãjarãbusa ñarũtuasujarã Jesũre ajitirũnarã. Rõmia quẽne, amua quẽne ñañujarã. ¹⁵Ĭaĩaĩamanire Pedro i yĩĩore ajicõari, rijaye cutirãre ĩna jesarijaurĩ rãcane maa tu ĩnare juajeyujarã ĩna. To bajiro ĩna yiejorã, Pedro i rẽtorotire yuñañujarã, "Yuare moaĩato ĩ" yirã. "Ĭ moaĩabetijaquẽne, ĩ vati mani joere ti rẽtojama, caticoaruarãja mani" yirã, yuñañujarã ĩna. ¹⁶To bajicõari, ti maca tuana jãjarã masa vasujarã, Jerusalenjure, rijaye cutirãre, to yicõari ĩna usurijure vãtia sãñarãre quẽne juavana. To bajiri rijaye cutiboariarã catijedicoasujarã. ĩna usurijure vãtia sãñarãre, vãtiare ĩnare bureayujarã ĩna, Jesũ i gotiroticõasuarĩarã.

Jesũ i gotiroticõasuarĩarẽ ĩna ĩajũnisinire queti

¹⁷Tire ajicõari, paia uju i rãcana, saduceo masa quẽne buto jũnisiniñujarã, Jesũ i gotiroticõasuarĩarẽ. ¹⁸To bajiri ĩnare ñejeroticõari tubiberiaviju tubiberotiyujarã ĩna, Jesũ i gotiroticõasuarĩarẽ. ¹⁹To ĩna yiboajaquẽne, tubiberiaviju ĩna ñaro, ángel ĩnare ruyayuaju ĩ, ñamiju. To bajicõari, ĩnare jãnabucõañuju. ²⁰Ĭnare jãnabucõari,

—Diore yirũcũbuoriaviju vasa mua —yiyuju. —To ejacõari masare gotiba, Dios i catisere ĩna cuorotire yirã —ĩnare yiyuju ángel.

²¹To bajiri busurijũ jẽju, Diore yirũcũbuoriavire sãjaejacõari, masare ĩnare gotimasioñujarã quẽna.

Dios oca masare ĩna gotimasio ñarone, paia uju, i rãcana, to yicõari, Israel sitana ujarã quẽne rẽjañujarã ĩna. To yicõari, "Tubiberiaviju ñarãma" yirã, ĩnare jiroticõañujarã ĩna. ²²Ĭna jiroticõariarã tubiberiavijure ĩna ejaro, mañujarã ĩna. To bajiboa, tudicoasujarã ĩna, gotirã tudiana. ²³Tudiejacõari, gotiyujarã ĩna:

—Tubiberiavi quẽnaro turiaro ti ñarore ejaboaba yua. Ti vire coderimasa quẽne tone ñaboama ĩna. To bajiboarine sojere jãnacõari yua ĩajama, mama ĩna, Jesũ i gotiroticõasuarĩarã —yigotiyujarã ĩna, tudiejana.

²⁴Tire ajicõari, paia uju, Diore yirũcũbuoriavire coderimasa uju quẽne, no yimasibesujarã ĩna yuja. "To bajiro ĩna bajijama, ¿no bajiro yiroana yirãda ĩna?", yiyujarã ĩna. ²⁵To ĩna yituoĩarejaiñarone sigũ, ĩna tare ejacõari, ado bajiro ĩnare gotiyuju:

—Mua tubibecũboariarãma, Diore yirũcũbuoriaviju masare gotimasio ñama ĩna —ĩnare yigotiyuju.

²⁶To i yijare, Diore yirũcũbuoriavi coderimasa uju, ĩre moabosarimasa rãca Jesũ i gotiroticõasuarĩarẽ ĩnare ñejerã vasujarã ĩna. To bajicõari rujaji yimenane, ĩnare ñejecoasujarã, "Rujajine ĩnare mani yijama, manire gũtane reasĩaborãma masa" yigũirã ñari. ²⁷To bajiro ĩnare yĩ vacõari, ujarã rĩjorojuare ĩnare umato ejayujarã ĩna. ĩna ejaro ĩacõari, ado bajiro ĩnare yiyuju paia uju:

²⁸—Jesũ yere mua gotimasiosere, muare gotirotibetiboacaju yua. To yua yiboajaquẽne, adoanare Jerusalén macanare ĩna ñaro cõro ĩnare buecudiyuja mua. To bajiri sigũ ruyariaro mano masiama mua gotimasio cudisere. "Ĭna suorine sĩaecocami Jesũ", yiyuja mua, yuare —yiyuju paia uju, Jesũ i gotiroticõasuarĩarẽ.

²⁹ To i yisere ajicōari ado bajiro ire cadiyuju Pedro, i babarā rāca:

—Diojuare cadiroti ñaja manire. Masa ña rotisere rētoro ñaja Dios i rotisejua.

³⁰ Mani ñicua ña rācubuo masir'ine ñaami Jesúre yucātēroju mua jajusiarotir'irene tudica-tior'ima. ³¹ Ō vecaju ñacōari, Jesúre ire jiyuju. To bajiri i riojojacatua rācubuo riajare rujigami. Jesús masa uju ñarocare, ña rijato beroju rojose tāmoutujabetiriaroju ña vaborotire ñare yirēto bosarocure cūñuju Dios. “Ma suori Israel jānerabatia rojose ña yisere yitajamasiruarāma” yigu, to yicōari, “To bajiro yirāre rojose ña yisere masiriomasirucūja yu” yigu, ire cōañuju Dios. ³² Tire masiaja yua. Dios i cōagū Esp'iritu Santo rāca ñaja yua. To bajiri jediro Dios i yirere gotiaja yua. No bojagure Dios i yirore bajiro cadigure, Esp'iritu Santore ire cōarucumi —yiyujarā ña, Pedro i babarā rāca.

³³ To i yisere ajicōari, buto jūnisinirā ñari, ñare siaruayujarā. ³⁴ Gamaliel vāme cutigu, ña rācagu, Dios i rotimasirere gotimasiorimasu ñañuju i, masa ña rācubuo. Vūmurāgūcōari, —Pedro, i babarāre ñare bucōaia —yiyuju, gājerā ujarā rāca ñagōru. ³⁵ To yicōari, ado bajiro i babarāre gotiyuju:

—Quēnaro ajiya yu yarā mua. Ānoare mua yiruasere quēnaro tuoiaña mua. ³⁶ Teudas i yirere masiritibesa mua. Yoabeaja ti, “Ñamasugū ñaja” i yihoariaro bero. Tire ajicōari, “Socaro me bajiroja”, ire yisuyaboayujarā cuatrocientos ñarā. Tiju bero, gājerā ire siacōañujarā. To bajiri ire suyaboariarā no ña bojarone bajicōañuma ña. I gotimasio boare quēne to cōrone jedicoasuja. ³⁷ Tiju bero, “To cōro ñaama masa” yimasiruarā, ña ucaturotirāmūre Galileagu, Judas vāme cutigu ñañuju. Ire quēne i gotisere ajicōari jājarā masa ire suyaboayujarā. Tiju bero, ire siacōañujarā gājerā. To ña yijare, ire suyaboariarā no ña bojarone bajicōañuma ña quēne. ³⁸ To bajiri muare gotiaja yu: Gōjanabiobesa ānoare. No ña bojarore bajiro yato. ña masune tuoīacōari, ña gotimasio cudijama, yayiori mene jedicōaruaroja tia. ³⁹ Dios i gotirotiserene ña yijama, gājerā ña gotisere “Ajitirānubeticōato” yirā, no bajiro yimasimenaja mua. To bajiri mua yiruasere quēnaro tuoiaña mua; Dios i rotiserene yicōari, “Yibetiro tirene yiyuja” yirobe —ñare yiyuju Gamaliel, i babarāre.

⁴⁰ To i yisere ajicōari,

—Socū me yaja mua. To bajiro masu bajiruaroja ti —yiyujarā ña.

To yi, Pedrore, to yicōari, i babarāre quēne jiejo cōari, ñare bajerotiyujarā ña yuja. ñare bajegajano, Jesús yere ña gotimasiosere gotirotibesujarā ña yuja. To yicōari, ñare budirotiyujarā. ⁴¹ To bajiro ñare ña yiro bero, Pedro, i babarā rāca ujarā vatoare ñariarā, variquēnase rāca budicoasujarā. Jesúre mani ajitirānuse suori rojose yiecoaja mani. “To bajiro bajiruārāma, Jesúre ajitirānu tujamena ñari” Dios i yire ñajare, bajiaja mani”, yituoia variquēna budiasujarā.^a ⁴² To bajiri Jesús yere ujarā ña gotirotibetiboajaquēne, masare gotimasio tujabesujarā ña. Tocārācarūmune Diore yirācubuo riavijare, to yicōari ña ya virijare quēne Jesucristo yere masare gotimasio cudirūgūñujarā ña.

6

Cojomo cōro jua jēnituarirācu ñare ejarēmōrāre ña besere

¹ Tirodore Jesúre ajitirānūrā jājarābusa ñarūtuasujarā ña. To bajiri, griego oca ñagōrā, hebreo oca ñagōrāre ado bajiro ñagōja isuoyujarā:

—Tocārācarūmune mua bare batojama, cojoro cōro batobeaja mua. Manajua rijaveori-arāre hebreo oca ñagōrā rōmīri rīne jairo īsiaja mua —yiyujarā ña griego oca ñagōrā.

² To bajiro ña gāmerā ñagōja isere ajicōari, Jesúre ajitirānūrā jedirore ñare jirēoñujarā ña, Jesús i gotiroticōasuoriarā. To yicōari, ado bajiro ñare yiyujarā ña:

—Yuarema, yua gotimasiosejua ñaja, bare batoreaye rētoro ñamasusema. Bare batorejuare yua yijama, Diore ire cadimena yirāja yua. ³ To bajiri, cojomo cōro jua jēnituarirācu ñarā beseya mua, mua vatoanare, bare batorona ñaronare. Quēnaro tuoīarā, “Quēnaro yirā ñaama” mua yirā, Dios i cōagū Esp'iritu Santo i ejarēmose rāca tuoīarā, cojo vāme ruyabeto Dios i bojarore bajirone yirāre, ñare beseya mua. ⁴ Ado bajirojua yirūgūruarāja yuama. Diore ire sēnirūgūruarāja. To yicōari, Dios ocare masare gotimasiorā ñaruarāja, yuama —yiyujarā Jesús i gotiroticōasuoriarā.

⁵ To bajiro ña yisere ajicōari, sīgure bajiro tuoīacōari, Esteban vāme cutigure beseyujarā ña. Jesúre quēnaro ajitirānūgū ñañuju i. To bajicōari, Esp'iritu Santo i ejarēmose rāca tuoīagū, cojo vāme ruyabeto Dios i bojarore bajiro yigu ñañuju. To yicōari, gājerā Estebanre bajiro bajirāre beseyujarā ña. Adocārācu ñañujarā ña: Felipe, Prócuro, Nicanor, Timón, Parmenas, to yicōari, Antioqu'ia macaju vadir'i, Nicolás, tocārācu ñañujarā, “Bare batoato” yirā ña beseriarā. Nicolāma, jud'io masu me ñaboarine jud'io masare bajiro bajiyuju i. ⁶ ñare

^a 5:41 Mt 5.11-12.

besegajanocōari, “Ánoa ñaama masa, yua beserā”, yiyujarā, Jesús i gotiroticōasuarārē. To ña yijare, ñare āmo ñueocōari Diore ñe sēniñujarā Jesús i gotiroticōasuarārē, “Quēnaro ñare ejarēmoato Dios” yirā.

⁷ To bajiri, masa jājarābusa ajitirūnuñujarā, Jesús yere. To bajirā rīne, tojare Jerusalēnjure, Jesús yere ajitirūnurā, jājarābusa ñarūtuasujarā ña. Paia quēne jājarā, Jesús yere ajitirūnuñujarā ña.

Estebanre ña ñiare queti

⁸ Estebanre quēnaro yirēmoñuju Dios. To yicōari, i masisere ñe ujoyuju. To bajiri jairo ñaiañamanire masare yiñoñuju Esteban. ⁹ Ñaiañamani Esteban i yiñoñaro, i rāca gāmerā ñagōñujarā ña. Dios ocare ña bueriviju vadiriarā ñañujarā. Moabosarimasa ñaboariarā ya vi vāme cutiyuju ti vi. Cojo macana me ñañujarā ña, bajirājuma. Cirene macana, Alejandrīa macana ñañujarā ña. Ña rācana Cilicia sitana, Asia sitana ñañujarā ña. Esteban rāca ñagōboanane, oca josayujarā ña. ¹⁰ Espiritu Santo i ejarēmojare, ña rētoro masiñuju Esteban. To bajiri no bajiro ñe yimasibesujarā ña. ¹¹ To bajiri, gājerāre yayioroaca gājoa ñiñujarā ña, “ ‘Rojose yimi’ ujarāre yato ña” yirā. To bajiri, “ ‘Diore, to yicōari, Moisés ñamasir’ire quēne rojose ñare ñagōmacami’ yigotiba mua”, ñare yiyujarā. ¹² To bajiro ña yigotire ñajare, Estebanre buto jūnisiniñujarā ti macana. To bajiri, bucarā, Dios i rotimasire gotimasiorimasa rāca Estebanre ñañujarā, ña ujarā tujare ñe āmivaruarā. ¹³ Ña ujarā tujare ña āmiejarone gājoa ñiecoriarā, ado bajiro yisocayujarā:

—Diore yiracuboriavire, to yicōari, Moisés i rotimasirere quēne rācububecū rojose ñagōrūgūmi Esteban. ¹⁴ Ado bajiro i gotisere ajirūgūmu yua: “Jesús Nazaret macagu, Diore yiracuboriavire caguerearacūmi. To yicōari, Moisés manire i roticūmasirere vasoaracūmi”, yigotirūgūmi Esteban —yisocayujarā ña.

¹⁵ To ña yisocasere ajicōari, ña ujarā yoaro ñe ñaiañujarā, Estebanre. Ñe ña ñajama, āngel riogare bajiro rioga cutiyuju Esteban.

7

“Ñie rojose yibeju yu”, Esteban i yire queti

¹ To bajiri, paia uju, Estebanre ñe sēniñaju:

—“ ‘Rojose yimi’ mure ña yise, riojo yati ña? —Ñe yiyuju, Estebanre.

² To i yirone, ado bajiro ñare caduyuju Esteban:

—Yu yarā, ajiya mua. Tirūmuju mani ñicu Abraham ñamasir’i, Mesopotamia i ñarone, Harān vāme cuti macajure i ñagū varoto rījoro, i rāca ñagōmasiñuju Dios. ³ Ado bajiro yimasiniñuju: “Mu ñarore, to yicōari, mu yarāre quēne vaveoya, gaje sitaju mure yu ñorotoju vacu”, ñe yimasiniñuju Dios, mani ñicu ñamasir’ire. ⁴ To bajiro Dios i yisere ajicōari, Caldea maca ñar’i, Harān vāme cuti macajure ñagū vamasiniñuju. To i ñaro, i jacu ñamasir’i ñe rijaveocoamasiniñuju. Tiju bero, adoju mani ñari sitajure ñe ñarotimasiniñuju Dios. ⁵ “Adi sitaju ñaña” Dios i yiboajaquēne, ñajediro gājerā ye sita ñamasiniñuju ti maji. To bajiri, “Adi ñaja yu ye sita”, yimasibesuju Abraham. Rēmone, “Ado bajiro bajiruarōja”, yimasiniñuju Dios, Abrahamre: “Ti sitare mure ñisirucuja yu. Mu rijato beroju, mu jānerabatia ye sita ñaruarōja”, yimasiniñuju Dios, Abrahamre, rīa magū i ñaboajaquēne. ⁶ To yicōari, ado bajiro ñe gotimasiniñuju Dios: “Cojorūmu adi sitare vaveoruarāma mu jānerabatia. Adi sitare vaveocōari, gājerā sitajure ñaruarāma. Tojare ña ñaro, cuatrocientos cūmari ñare rotiajeruarāma ña. ⁷ To bajiboarine mu jānerabatiare rojose ñare ña yise vaja gāmetorucuja yu quēne. Tiju bero, mu jānerabatia ti macare tudiveocoaruarāma. To baji, adi sitajure tudiejaruarāma quēna. Adoju ñacōari yare sēniracuboruarāma”, yiyuju Dios, mani ñicure Abraham ñamasir’ire. ⁸ To yicōari, ado bajiro Abrahamre rotimasiniñuju Dios: “Yu gotisere, ‘To bajirone bajiruarōja’ mu yicūdijama, mu macu i ruyaro bero, circuncisión ñe yirucuja mu. ‘Dios yu ñaami’ yigu, to bajiro ñe yirucuja mu”, yimasiniñuju Dios, Abrahamre. To bajiro Dios i yire ñajare, i macu Isaac i ruyaro cojomo cōro, idia jēnituarirūmu tusatirūmare circuncisión ñe yimasiniñuju Abraham. To bajiri Isaac i macu Jacob vāme cutigure circuncisión ñe yimasiniñuju. Jacob quēne to bajirone yimasiniñuju, i rīare mani ñicua ñamasiriarāre. Juaāmo cōro, jua jēnituarirācu ñamasiniñujarā ña.

⁹ Jacob rīa, ña bedi, José vāme cutigure buto ñe ñatemasiñujarā i gagu mesa. To bajiri Egipto sita vanare ñe ñicōari, vaja sēnimasiniñujarā ña. To bajiro ña yiboajaquēne quēnaro ñe ñatirūnucōa ñañuju Dios. ¹⁰ Egiptoju José rojose i tāmuborotire ñe yirētohosamasiniñuju Dios. To bajiri uju, faraón ña yigu rāca ñamasiniñuju José. To i bajiñaro, i masisere ujomasiñuju Dios, Josére. Faraón, ñe ñavariquēnacōari, “Rotigu ñato, ñe yicūgajaro i” yigu yimasiniñuju Dios. To bajiri Egipto sitana ñaro cōrone, i ya vianare quēne, “Ñare rotirucuja mu”, Josére ñe yicūmasiniñuju faraón.

¹¹ To i yiro bero, Egipto sitajure bare jedicoamasiniŭu. Canaán sitajure quēne jedicoamasiniŭu. Masa buto űiorijamasiniŭarā ĩna. To bajicōari rojose tāmouamasiniŭarā ĩna. Mani űicua, no űno bare bujamasibetimasiniŭarā ĩna. ¹² To bajiri Josē jacu mani űicu űamasir'i, Jacob, “Egiptoju trigo ĩna juacūre űaűuŭu ti” yirere ajicōari, i rīare cōamasiniŭu “Vaja yirā vajaro” yigu. ¹³ Egiptoju bare juarā vamasiniŭarā ĩna. Tiju bero, quēna tojone vamasiniŭarā ĩna. To ĩna bajiro ĩacōari, ado bajiro ĩnare yimasiniŭu Josē: “Yare ĩamasibeaja mua. Mua bedine űaja yu”, ĩnare yimasiniŭu. To bajiro Josē i yirere ajicōari, “Ī yarā űaama”, yimasiniŭu faraón. ¹⁴ To bajiri Josē, i yarā ĩna űaro cōrone i jacure quēne jiroticōaűuŭu, “Egiptoju űato ĩna” yigu. ĩna jediro űarā, setenta y cinco űamasiniŭarā ĩna. ¹⁵ To bajiri, Egiptojure vamasiniŭu Jacob. Egiptoju yoaro űaboacuŭu, bajirocacoamasiniŭu Jacob. To bajicōari, i rīa űariarā, mani űicua űamasiriarā quēne, tojone bajireamasiniŭarā ĩna. ¹⁶ Jacob i bajirocero bero, i ruűarire juamasiniŭarā, Siquem vāme cuti macaju. Toju ejacōari, ĩre yujemasiniŭarā, gūtaviŭu. To űamasiniŭu Abraham, Hamor rīare i vaja yimasiriavi, gūtavi.

¹⁷ To bajiboarine mani űicua űamasiriarā, Egiptojure jājarābusa masa bujamasiniŭarā. To ĩna bajiűaro rīne, cōűamasiniŭu mani űicua űamasiriarē Dios i sita ĩsroti, mani űicu Abraham űamasir'ire i gotiriarore bajirone ti bajiroti. ¹⁸ Tiju bero, gāji uŭu Egiptojure rotisuoamasiniŭu. Josē i űamasirere masibecu, to yicōari, mani űicua űamasiriarāre rūcubuobecu űamasiniŭu ĩ. ¹⁹ ĩne mani űicua űamasiriarāre ĩnare yitomasiŭu. To yicōari, rojose yimasiniŭu. Mame ruyuarā űamasare riagaju ĩnare rearotimasiniŭu ĩ, “Bujaroma” yigu. ²⁰ Tirodorene ruyua-masiŭu Moisés quēne. Dios i ĩajama, quēnagūaca űamasiniŭu ĩ. To bajiri, i jacua idiarā muijua ĩre cuomasiniŭarā ĩna. ²¹ To bajiűaboa, so macuacare vijure ĩre yayiomasiabeticōari, riagaju ĩre jomasiŭu so. To so yir'ire, uŭu Egiptoagu maco, ĩre ĩabujacōari, so macure yigore bajiro ĩre masomasiŭu so. ²² To bajiro so yibucuomasir'i, Egiptoana ĩna bajisere quēnaro masiniŭu ĩ, Moisés. ĩ űagōjama quēnaro tuoĩamasicōari űagōűuŭu ĩ, ĩna yere. Quēnaro i yisere ĩacōari, buto ĩre yirūcubuoyujarā ĩna.

²³ Cuarenta cūmari cuotusacu, “Yu yarāre ĩagū varūcuja yu”, yituoĩamasiniŭu ĩ. ²⁴ To yi va, ĩna tuŭu i ejaro, i yure egipcio masu ĩre i bajero ĩacōari, ĩre gāmetoca yigu, ĩre siacōamasiniŭu Moisés. ²⁵ “Egipcio masa rojose manire ĩna yisere manire yirētohosarocu, Dios i cūr'i űaami Moisés' yure yimasiruarāma yu yarā”, yituoĩamasiboayuju Moisés. To bajiro i yituoĩaboajaquēne, tire tuoĩabetimasiniŭarā ĩnajuama. ²⁶ To bajiri gajerāmū quēna i yarāre ĩnare ĩagū vamasiniŭu Moisés. To ejacōari, i yarā juarā ĩna gāmerā quēaűarore ĩamasiniŭu ĩ. ĩnare ĩacōari, ado bajiro ĩnare yimasiboayuju. “Yure ajiya maji. ĩNo yirā cojo masa űaboarine, gāmerā quēati mua?”, ĩnare yimasiboayuju. ²⁷ To i yirone, i babare quēagūjua, Moisére ĩre turocacōaűuŭu, ĩre jūnisinigū: “ĩűimu ĩna uŭu űaűa' mure yicati? ²⁸ ĩűamica egipcio masure mū sĳariare bajiro yure quēne sĳaru yatique mu?”, ĩre yimasiniŭu ĩ, Moisére. ²⁹ To bajiro i yisere ajicōari, Egipto sita űar'i, Madián sitajure rudicoamasiniŭu Moisés. Toju manajo bujacōari, juarā rīa cutimasiŭu ĩ.

³⁰ To bajiri, cuarenta űaricūmari bero, cojorāmū Sina'i vāme cutiricu gūtau tuŭu yucū manojure vacudigu vamasiniŭu Moisés. To bajiro i bajirone, i tuŭure yucū zarza vāme cutiu, űjurūgōmasiniŭu. To bajiro vatoajure ruyuarūgūűuŭu āngel. ³¹ Tire ĩacōari, űcacoamasiniŭu Moisés. Quēnaro ĩaru tubusaca i vatone ado bajiro ĩre űagōmasiniŭu Dios: ³² “Yune űaja Dios. Mū űicua Abraham, Isaac, Jacob quēne ĩna rūcubuocacune űaja yu”, yimasiniŭu Dios, Moisére. Tire ajicōari, gūigu nanamasiniŭu ĩ. To bajiri, ĩaruabetimasiniŭu. ³³ Quēna tudiűagōűuŭu Dios: “Adone yu űaro űaja ti. To bajiri mū gubo sudi vejeya mū, yure rūcubuogu. ³⁴ Yu yarā Israel űamasir'i jānerabatia, Egiptoju rojose ĩna tāmouere ĩarūgūűaja yu. To bajicōari, ĩna sutiritisere ĩaja yu. To bajiri, ‘Egiptoanare cāmotadiato ĩna’ yigu, ĩnare yirēmogu vabu yu. Egiptoju quēna mure tudiarotiaja yu”, ĩre yimasiniŭu Dios —yigotiŭuŭu Esteban, űjarāre.

³⁵ To yicōa, quēna gotirūtuasuŭu:

—Moiséne űaami, mani űicua ĩna ajiruabetir'i. “Yua uŭu me űaja mū. Rojose yua yisere ĩacōarimasu me űaja mū”, ĩre yimasiniŭarā mani űicua. To bajiro ĩna yiboajaquēne, Dioŭama, Egiptoju űamasiriarāre ĩnare űmato varocure yigu, yucū zarza vāme cutiu űjūűaro vatoajure āngel suorine Moisére gotimasiniŭu Dios. ³⁶ To bajiri ĩaĳaűamanire yĳomasiniŭu Moisés, Egiptoju. To yigajano, mani űicua űamasiriarāre ĩnare űmato vadimasiniŭu. To bajivacu, moa riaga Oco Sūaris vāme cutojure, to yicōari, yucū manojure quēne ĩaĳaűamanire ĩnare yĳomasiniŭu Moisés. ³⁷ ĩne űamasinūmi ado bajiro mani űicua űamasiriarāre ĩnare gotimasir'i: “Dios mani jacu yure i cōacatore bajirone, gāji i ocare gotirocure cōarucumi. Dios i cōarucuma, mani yune űarucumi”, yimasiniŭu Moisés mani űicua űamasiriarāre. ³⁸ Moiséne mani űicua űamasiriarā rāca gūtau Sina'i vāme cutiu veaju rējamasiniŭu. ĩ sĳune gūtauŭure mujacōari, āngel rāca űagōmasiniŭu. To i yijare, ĩre ĩsimasiŭu, Dios i rotisere, mani jedirone mani ajitirānu sĳarotire.

³⁹ To bajiboarine tire ī gotisere ajiruabetimasiñujarā ĩna, mani ñicua. Tire ajiterā ñari, quēna Egiptojure tudiaruamasiñujarā ĩna. ⁴⁰ To yicōari Moisés gūtau joeju ī ñatoye rīne, ī gagu Aarón vāme cutigure ado bajiro ĩre yimasiñujarā ĩna: “¿Noju ñati mua bedi, Egipto sitaju mani ñaro manire ũmato vadicaćama? Toju ī bajiñasere masibeaja mani. To bajiri, Diore bajiro bajigure mani rūcuborocure quēnoña mua. Ī ũgū rāca mani ñajama, manire quēnaruaroja ti. No mani varuareore manire ũmato varucumi”, yimasiñujarā, Aarón ñamasir'ire. ⁴¹ To yirā ñari, ta vecu macuacare bajigu quēnarujeomasiñujarā ĩna. To yicōari, vaibucurā ecariarāre śiacōari, soeśimasiñujarā. To yicōari, basavariquēna codemasiñujarā, ĩna quēnorujeor'i ta vecu macure bajigu ñagūre rūcuborā. ⁴² To bajiri Dios ĩnare ĩatirūnu tujacoamasiñuju. ĩna bojarore bajiro ĩna yiruarare, ĩnare matabetimasiñuju Dios. To bajiri ñocoare, muijure quēne, ñamiagu muijure quēne, yirūcubomasiñujarā ĩna yuja. To bajiri Diore gotirētobosamasir'i, Amós, ado bajiro ī ucamasire ñajare, bajiyuja ti:

“Israel ñamasir'i jānerabatia, yure ajiya mua: ¿Cuarenta ñaricūmari yucū manojū ñarā, vaibucurā, mua śiarāre yure rūcuborā, yure soeśirīgūcati mua?

⁴³ Yure rūcubomeneane, mua masu mua quēnorujeoriarārene rūcubocaju mua. Mojariviaca quēnocaju mua. To yicōari, ti vi jubeaju Moloc vāme cutigure ĩre jeocōari gajarīgūcaju mua. Gājire quēne ñocore bajiro bajigure mua quēnorujeor'ire, Refān vāme cutigure ĩre rūcubocaju mua. To bajiro mua yirīgūcati ñajare, Babilonia sojuaju muare cōarucuja yu”, yimasiñuju Dios ĩnare —yiyuju Esteban, ũjarāre gotigu.

⁴⁴ To yicōa, ado bajiro ĩnare gotirēmoñuju Esteban:

—To bajiri mani ñicua yucū manojū ñarā, cabra vāme cutirā gase rāca ĩna quēnorivire cuomasiñujarā ĩna. “Mani rāca ñagūmi Dios” ĩna yirūcuborivi ñamasir'uju ti vi. Dios, Moisés ī yīloriarore bajirone ti vire quēnorujeomasiñujarā ĩna. No ĩna bojaro vana quēne ti vire āmicoarīgūmasiñujarā ĩna. ⁴⁵ Moisés ī rijato bero, Josué vāme cutigu ĩre ñavasoamasiñuju. Moisés rācana ĩna bajirearo bero, ti vire cuosuyayujarā ĩna rīa, mani ñicua. Ti vire āmicōari, adi sita Canaān vāme cuti sitajure vadimasiñujarā ĩna. To bajiri Dios ĩnare yirēmoñuju, mani ñicure. Adi sita ñaboarīāre ĩnare bucōamasiñuju Dios. To ī yiriaro bero, mani ñicu David ñamasir'i ī ñaro quēne ñacōamasiñuju ti vi maji, cabra gasene ĩna quēnorivi. ⁴⁶ David ñamasir'ire quēnaro ĩre yimasiñuju Dios. To bajiri Diore variquēnagū ñari, ī yarā Jacob jānerabatia rāca, ĩre ĩna yirūcuboroti vire ĩre buabosaruamasiñuju. To ī yituoĭabojaquēne, ĩre buarotibetimasiñuju Dios. ⁴⁷ David macu Salomón ñamasir'ijua Diore ĩre vi buabosamasiñuju yuja —yiyuju Esteban, ũjarāre gotigu.

⁴⁸ To yicōa, quēna gotirūtusaju ī:

—To bajiboarine, masa ĩna quēnorivire ñabecumi Dios, Diore ĩre gotirētobosamasir'i, ado bajiro ucamasire ñajare:

⁴⁹ “‘Adi macarucuroaye, to yicōari, ō vecaye ñajediro ũju ñaja yu. To bajiro bajigu yu ñabojaquēne, ¿no bajirivi yure buabosaruarāda mua? ¿No bajiriju quēnobosaruarāda yu ususājartojurema?

⁵⁰ Yune ñaja ñajediro rujeocacama’ yami Dios”, yīucamasiñumi ĩre gotirētobosamasir'i —yigotiyuju Esteban.

⁵¹ To bajiro ĩnare yigajano, ado bajiro ĩnare gotirēmoñuju quēna:

—Dios ocare ajitirūnubetirīgūaja mua. “Dios magūmi” yirāre bajiro ī ocare ajiteaja mua. Mani ñicure bajiro Dios ī cōagū Esp'iritu Santore cudimena ñaja mua. ⁵² Sīgū, Diore gotirētobosar'i, mua ñicua quēnaro ĩna yir' ī manicoayumi. To bajiri, Cristo rojose yibecure, ī ejarotire gotiriarāre quēne ĩnare ślāmasiñuma mua ñicua. To yiriarā ñari, cānuribusane “Jesūre ĩre ślato” yirā ĩre ĩatarāre ĩsirocayuja mua. To bajiro mua yijare, ĩre ślāñuma. ⁵³ Dios ī rotimasire cudibetirīgūaja mua, āngel mesa suori mua ñicua ĩna goticore ti ñabojaquēne —ũjarāre ĩnare yiyuju Esteban.

Estebanre ĩre ĩna ślāre queti

⁵⁴ Tire ajicōari, yaia guarāre bajiro guji ĩoñujarā ĩna, Estebanre buto jūnisinirā ñari. ⁵⁵ To bajiro ĩre ĩna yibojaquēne, Esp'iritu Santo ī masisere ũjar'i ī ñajare, butobusa ĩre ejarēmoñuju Esp'iritu Santo. To bajiri, ō vecaju ĩamuogūne, Dios ī ñasere ĩabujayuju. To bajicōari, ī riojojacatua ñagūre Jesūre quēne ĩañuju. ⁵⁶ Tire ĩacōari, ado bajiro ũjarāre ĩnare yiyuju Esteban:

—ĩaña mua quēne. Ūmuagasero soje jānacaju. Dios ī roticōacacu, ī riojojacatua juare ñaami —yiyuju Esteban.

⁵⁷ To ī yijare, quēna ī tudīñagōrotire ajiterā, ĩna gāmo gojerire bibeyujarā ĩna. To yī, ĩna jediro buto avasācōari, ĩre ñiarā ũmarējañujarā ĩna. ⁵⁸ To yicōari, ti maca sojuaju ĩre vejacoasujarā ĩna, gūtarine ĩre reasīaroana. Toju eja, ĩna sudi joeayere vejecōari, Saulo vāme cutigure ĩre ĩsiñujarā ĩna, “Tire codebosato” yirā. To yicōari, gūtarine Estebanre ĩre reasuovasujarā ĩna.

⁵⁹ Gātane ĩre ĩna reaġiarone, Jesúre ado bajiro sēniñuju Esteban:

—Jesús, yu ujú yu usure bocañmiña mu —yiyuju Esteban.

⁶⁰ To yi, ġasomuniari tuetucđari, avasāñuju Esteban:

—Yure rojose ĩna yisere ĩnare masirioya mu —Jesúre ĩre yisēniñuju Esteban.

To yigajanogāne, rijacoa tujasuju Esteban.

8

Saulo, Jesúre ajitirānūrāre rojose ĩyirūgūre queti

¹⁻³ Estebanre gātane ĩre reasġariarā rācagu, ĩna sudire coderine ñañuju Saulo. “Estebanre ĩre ślacđato”, yituoñañuju ĩ quēne. Esteban ĩ ślaecoro bero, ĩ rujurire ĩacđari, śġuri jud’io masa Diore quēnaro rūcuborā ĩre yujeyujarā ĩna. To yirāne, buto otiyujarā Estebanre. Tirāmurine Jesúre ajitirānūrāre Jerusalēnju ñarāre rojose yisuooyujarā ti macana. To bajiri Saulo quēne, Jesúre ajitirānūrāre cojovi rūyabeto ĩnare macañuju ĩ. ĩnare bujagune, āmuare quēne rōmiare quēne ĩnare juacđari tubibecūrūgūñuju ĩ. To bajiri ĩna jedirone Jesúre ajitirānūrā, ĩ gotiroticđasuoriarā rāca ñariarā rudiasujarā Judea sitaju, to yicđari, Samaria sitajure quēne. Jesús ĩ gotiroticđasuoriarāma Jerusalēnre vaveobesujarā ĩna.

Jesucristo yere Samaria sitaju Felipe ĩ gotimasiore queti

⁴ Jerusalēn macana rudiriarā no ĩna vacudiro cđrone Jesús yere gotimasioducdiyujarā ĩna. ⁵ Felipe, Jerusalēnju ñar’i, Samaria sita ñarimacajure vasuju. Toju ejacđari, “Rotimurāgđorācumi” yigu Dios ĩ cđar’i Jesús yere ĩnare gotimasioñuju Felipe. ⁶ Jājarā masa rējañujarā, ĩ gotisere ajiruarā ñari. To bajicđari, ĩaġañamanire ĩ yiosere ĩañujarā ĩna. To bajicđari ĩ gotimasiosere quēnaro ajiyujarā ĩna. ⁷ To ĩna bajirone jājarā masa usurijure sāñarāre vātiare bureayuju Felipe. ĩnare ĩ bureajare, buto avasābudivasujarā ĩna vātia. Jājarā rijarāre quēne catioyuju ĩ. Micarāre, rujasagueri vanare quēne quēnoejarotiyuju ĩ. ⁸ To bajiri ti macana buto variquēnañujarā ĩna.

⁹⁻¹¹ Ti macajure Simón vāme cutigu ñañuju. Cojo cāma me ĩ masisere yioñuju ĩ. “Gājerā rētoro masigū ñaja yu” yigu, ĩaġañamani yiorūgūñuju ĩ. To bajiro yigu ñari, “Yu ñaja ñamasugūma”, yiyuju ĩ, masare. To ĩ yise ñajare, śġu rūyariaro mano ĩre ajiyujarā. Bucuarā quēne, rġamasa quēne jediro quēnaro ĩre ajiyujarā ĩna. “Diore bajiro masiami”, ĩre yirūcuborūgūñujarā ĩna. ¹² To yiriarā ñaboarine, Jesucristo ĩ rijabosare suorine ĩre ajitirānūrāre, “Yu yarā ñaja” Dios ĩ yīāvariquēnasere gotiyuju Felipe. Tire ajicđari, Jesúre ĩre ajitirānūñujarā āmuā, rōmia quēne. To yicđari, oco rāca Felipe ĩre bautizarotiyujarā, “Jesúre ajitirānūaja” yirā. ¹³ Simón quēne, Jesús yere ajitirānūñuju ĩ. To yicđari, oco rāca bautizarotiyuju ĩ quēne. To ĩ yiro bero, Felipe baba cutisuooyuju. To yicđari ĩaġañamanire Dios ĩ masise rāca Felipe yiosere ĩacđari, no yimasibesuju Simón, ti ũnire ĩabetirūgūr’i ñari.

¹⁴ Jesús gotiroticđasuoriarā Jerusalēnju ñarā, “Samaria sitana jājarā Dios ocare ajitirānūñujarā” yire quetire ajiyujarā ĩna. To bajiri, Samariajare cđañujarā ĩna, Pedrore, to yicđari, Juanre quēne. ¹⁵⁻¹⁶ To bajiri, Samaria sitajure ejacđari, Diore ĩnare sēnibosayujarā ĩna, toana Jesúre ajitirānūsorāre. Oco rāca bautizarotiriarā ĩna ñaboajaquēne, Dios ĩ cđagū Esp’iritu Santo ĩnare ejabesuju maji. To bajiri, “Esp’iritu Santo ĩnare ejato” yirā, Diore sēniñujarā ĩna. ¹⁷ To yicđari, Pedro, Juan rāca, Diore sēnicđari Jesúre ajitirānūsorāre ĩna āmori rāca ĩnare ñujeoyujarā ĩna. To cđorju Esp’iritu Santo ejayuju, ĩnare.

¹⁸⁻¹⁹ ĩna āmori rāca ĩna ñujeorore Esp’iritu Santo ĩ ejasere ĩañuju Simón. Tire ĩacđari ĩnare gājoa ĩsiru, ado bajiro yiyuju Simón:

—Gājerāre yu āmo ñujeorone Esp’iritu Santo ĩ ejarotire bojaja yu quēne —ĩnare yiyuju Simón.

²⁰ To bajiro ĩ yisere ajicđari, ado bajiro ĩre cđiyuju Pedro:

—Vaja mani Dios ĩ cđasere, “Vaja yire ñaroja ti”, yituoġaboja mu. To bajiro yituoġagū ñari, mu gājoa rācane bajirocacoarucuja mu. ²¹ Rojose mu tuoġasere masiami Dios. To bajiri, Esp’iritu Santore mre cđabetirācumi Dios. ²²⁻²³ Mu tuoġasere ĩmasicđaja yu. Rojose rġne tuoġagū ñaja mu. To bajiri, rojose mu tuoġasere yitujaya. To yicđari, Diore sēniña mu, “Rojose yu yisere masirioya” yigu —yiyuju Pedro.

²⁴ To bajiro ĩ yisere ajicđari, ado bajiro ĩre cđiyuju Simón:

—Diore sēnibosaya mua, yure. Mua gotisere bajiro yure ti bajirotire bojabeaja yu —yiyuju Simón.

²⁵ To ĩ yiro bero, Jesús ĩ yirere ĩna ĩarere, to yicđari, ĩ gotimasiorere ti macanare gotiyujarā. ĩnare gotimasio gajanocđari, Jerusalēnju tudianane Samaria sita ñarimacarianare Jesús ye quēnasere ĩnare gotimasioñujarā ĩna.

Etiop’ia sitagure Felipe, oco rāca ĩ bautizare queti

²⁶ To ĩna bajirāne, Felipe ado bajiro ĩre yiyuju āngel:

—Jerusalénju vasa. To ejacōari, Gaza vāme cuti maca vati maare vaja mu. Yucá manojū ñavati maa ñaja ti maama —yiyuju ángel, Felipe.

²⁷ To bajiri Felipe vacoasuju, ángel i gotiriarore bajirone. Maa vacu, Etiop'ia sitana uñore gājoa codebosarimasare ñe ñañuju Felipe. Jerusalénju Diore ñe rācubwogu ejar'i, tudiacu bajiyuju i. ²⁸ Caballo i taa vaticoroju sãñacōari, Diore gotirētobosamasir'i, Isa'ias i ucamasirere buesãñañuju i.

²⁹ To bajiri, ado bajiro yiyuju Esp'iritu Santo, Felipe:

—Í tubusa vacōari, ñe baba cuti vasa mu —yiyuju, Felipe.

³⁰ To bajiri i tu vaejacōari, ajiyuju, Diore gotirētobosamasir'i Isa'ias i ucamasirere i buesere ajiyuju Felipe. Tire ajicōari,

—¿Mu buesere ajimasiasi mu? —yiyuju Felipe, Etiop'iagare.

³¹ To i yirone:

—“To bajiro yiruaru yaja”, yiajimasibeaja yu, ñimu yure i gotiro cōro —yiyuju i, Felipe. To yigune, —Yu tu vasãjaguaya —yiyuju Etiop'iagu.

³² Dios ocare Isa'ias ñamasir'i i ucamasirere i buere ado bajiro yiyuju ti:

“Ovejare sãroana ñe ñiacōari ña jiatore bajiro ñe yiruarāma ña. To bajiri, ovejare ña joa suaro i avasābetore bajiro yigu, rojose ñe ña yiboajaquēne, ñagōbetiracūmi.

³³ Masa ña ñaro rñoro bojoneose yiecoracūmi. Rojose i yibetiboajaquēne, ‘Rojose yigu me ñaami’ ñe yibosagu maniracūmi. To bajiri, i sñacoro bero, ‘Í jānerabatia ñaama’ yimasñia maniruaraja”, yuucamasire ñañuju, Etiop'iagu i buere.

³⁴ To bajiri,

—Yure gotiya mu. Ñimure yiro yati, to bajiro ti yijama. ¿Í masune i bajiro tire tuoñacōari yiyujari? ¿Gāji i bajiro tire yigu, ucamasñujarique i? —yiyuju Etiop'iagu, Felipe.

³⁵ To i yijare, Isa'ias i ucamasirere ñe ñagotigune, ado bajiro ñe gotiyuju Felipe:

—Isa'ias ñamasir'i to bajiro i ucajama, Jesús i bajiro tire yigu yimasñumi —ñe yigotiyuju Felipe. To yicōari, Jesús i bajirñare ñe gotimasioñuju yuja.

³⁶ To yi vana rñe, maa tu utabucara ejayujarā ña. To eja,

—Íañ, ado ñaja oco. ¿Yucune, oco rāca yure bautizaruabeati mu? —yiyuju Etiop'iagu, Felipe.

³⁷ To i yirone, ado bajiro ñe yiyuju Felipe:

—“ Jesúne ñaami Dios macu, rotimuarōgōrocu' yigu i cōar'i” mu yijama, oco rāca mure bautizarucuja yu —ñe yiyuju Felipe.

To i yirone, ado bajiro ñe cudi yuju Etiop'iagu:

—To bajirone bojaja. Jesúne ñaami Dios macu, rotimuarōgōrocu' yigu i cōar'i, yaja yu —yiyuju Etiop'iagu.

³⁸ To yi, utabucara tuju tujayujarā. To bajicōari, ũmato rojasuju, oco rāca Etiop'iagare ñe bautizagacu. ³⁹ ñe bautiza gajano, ña majarūgarone, ñaro tсарone ruyubetiboarine Esp'iritu Santo ñe ñmicoasuju, Felipe. To bajiri ñe ñabeticōa tujasuju Etiop'iagu. To bajiboajaquēne, quēnaro variquēna vasuju i Etiop'iagu. ⁴⁰ Felipejama, “To bajiro bajiraja” yiri mene, Azoto vāme cuti macaju ejayuju. Toju ñacōari, cojo maca ruyabeto Jesús i bajirere masare gotimasio cudi yuju i. Goticudigu rñe, Cesarea vāme ti macajure ejacoasuju i Felipe.

9

Saulo, tuoñvasoacōari, Jesúre i ajitirñare queti

(Hch 22.6-16; 26.12-18)

¹ Saulo ñañuju. Jesúre ajitirñarñare sñaru, buto ñare ñajūnisinirūgūñuju maji. To bajiri, paia uñu ñamasugūre sēnigū vasuju. ² Damasco vāme cuti maca ñarivi, Dios ocare ña buerivirñu Jesúre ajitirñarñare macagū varu, papera sēniñuju:

—Ñare yu ñabujaro cōrone ũmuare, rōmiare quēne, juadirucuja yu, Jerusalénju ñare tubibecūru —yiyuju Saulo, paia uñu ñamasugūre sēnigū.

³ ñe sēnigajano, vasuju i. Maa i vato rñe Damasco macaju i cōñatone, ñaro tсарone vecaju buto caje mose busurujayuju ti. ⁴ To bajiro ti bajijare, quedirotacūcoasuju Saulo. Í quedirotacūatone, ado bajiro ocaruyuyuju ti:

—Saulo, Saulo, ¿no yigu rojose yure yisñarūgūati mu? —yi ocaruyuyuju, ñ vecaju.

⁵ To bajiro ti yirone,

—¿Ñimu ũgū ñacōari, to bajise yure yati mu? —yiyuju Saulo.

To i yirone,

—Yune ñaja, Jesús, rojose mu yisñarūgūgane —ñe yiyuju Jesús. ⁶ To bajiro ñe yicōa, —Damascoju vasa mu. To mu ejaro, “Ado bajiro yija”, mure yiruarāma —Saulore yiyuju Jesús.

⁷ Saulo răca vana, masa maniboarine, to bajiro yi ocaruyusere ajicōari, no yimasibesujarā īna. ⁸ To ti bajiro bero, vāmūrūgūcōari, īaruaboayuju Saulo. Ī caje ruyubesuju. To ī bajijare, ī babarā Damascoju vana īre tūa vasujarā īna. ⁹ Damascoju ejacōari, idiarūmū īabeti, babeti, idibeti, bajiñañuju Saulo.

¹⁰ Damascojare Jesúre ajitirūnugū ñañuju ī, Anan'ias vāme cutigu. Īre ruyuaīcōari:

—Anan'ias —īre yiyuju Jesús.

—Adone ñaja yu —yiyuju Anan'ias.

¹¹ To ī yirone,

—Vasa Riojo vāme cuti maajure. Ti maa vacune, Judas vāme cutigu ya vire ejarūcuja mu. Toju ejacōari, “¿Adone ñati Saulo, Tarso vāme cuti macagu?”, Īre yiba mu. Yucurema yure sēnigū yami Saulo. ¹² Īre īre īomū yu, ī tujū mu ejarotire. To bajiri ī tu sājaejacōari mu āmo ñujeorūcuja mu, “Quēna tudīñato” yigu —Anan'iare yiyuju Jesús.

¹³ Tire ajicōari, ado bajiro yiyuju Anan'ias:

—Buto queti ajirūgūaja yu, Diore ajitirūnarāre Jerusalénju ñarāre rojose ī yirūgūrere. ¹⁴ Yure mare rācūbuorāre tubiberu, ejarimi —Jesúre īre yiyuju Anan'ias.

¹⁵ To ī yise ñajare, ado bajiro Anan'iare gotiyuju Jesús:

—Yu ocare masare gotimasiorocu yigu, Īre cūmū yu, Saulore. Ujarāre, jud'io masare quēne, jud'io masa mere quēne gotimasiorocūmi. ¹⁶ To bajiri, “Yure gotimasibosagu ñari, rojose tāmūorūcuja mu”, Īre yirūcuja yu —Anan'iare īre yiyuju Jesús.

¹⁷ To ī yijare, vacoasuju Anan'ias. Vijū sājaejacōari, ī āmo ñujeoyuju, Saulore. To yigune,

—Yu rācagu, ajiya mu. Jesús mani uju, mu vado, mare ruyuaīorine yure cōami, “Quēna tudi caje lato” yigu. “Dios ī cōagū Esp'iritu Santo mare ejato” yigu yure cōami —Saulore īre yiyuju Anan'ias.

¹⁸ To ī yirone, rujarātūrori ī cajearijure ñase jānevējañuju, Saulore. To ti bajirone quēna tudīñacoasuju Saulo. To bajisere īacōari, vāmūrūgūcōari, oco răca Īre bautizarotiyuju Saulo, “Jesúre ajitirūnugū ñaja yu” yigu. ¹⁹ To ī yiro bero, bacōari, ruju tīmacoasuju Saulo quēna. To bajiri yoarobusa ñañuju Saulo, Jesúre ajitirūnarā răca, Damascoju.

Saulo, Jesús yere Damascoju ī gotimasiosore queti

²⁰ Bero, Dios ocare īna buerivijū sājaejacōari, “Dios macu ñaami Jesús”, Īnare yigotimasioñuju Saulo. ²¹ To ī yisere ajicōari, no yimasibesujarā īna, ñajediro:

—Āni Saulo, ¿Jerusalénju Jesúre ajitirūnarāre Īnare sīar'i me ñati? To yicōari, ¿Jesúre ajitirūnarāre ñejeru me adojarē vayujari ī? ¿Īnare ñejeccōari, paia ujarāre īsibequida ī? —yiyujarā masa.

²² To bajiro īna yituoīaboajaquēne, tocārācarūmū jājarābusa, Jesúre ajitirūnūñujarā īna, Saulore ajicōari. “Socu me yaja yu. Jesúne ñaami, ‘Rotimūorūgōrūcūmi’ yigu Dios ī cōar'i”, yiyuju Saulo. Quēnaro ī gotise ñajare, no bajiro yimasibesujarā īna, jud'io masa Jesúre Īre ajimena.

Jud'io masa, Saulore Īre īna sīaruajare, ī rudire queti

²³ To bajiri Damascoju, Saulo ī gotiñasere īacōari, “Īre sīaroti ñaja manire”, yituoīañujarā īna, jud'io masa Jesúre Īre ajitirūnūmena. ²⁴ To bajiri Īre īna sīaruasere ajiyuju Saulo. Ñami, āmua quēne Īre sīaruarā, quearūgūñujarā īna maca budiriasojeri tujare. ²⁵ Īre īna sīaruaboajaquēne, Saulo Jesús yere ī gotimasiosere ajitirūnarā Īre ejarēmoñujarā, “Rudiajaro” yirā. Ñami, maca matariacūni veca ñarisojēju, jibū jairijībune sācōari, ticūni sayarojuaju Īre rujlocōañujarā. To bajiro īna yijare, rudicoasuju Saulo.

Jerusalénju Saulo ī bajire queti

²⁶ Rudiva, Jerusalénju ejacoasuju ī. Tojare ejacōari, Jesúre ajitirūnarā răca rējaruaboayuju ī. “Jesúre Īre ajitirūnugū me ñagūmi Saulo” yituoīarā ñari, buto Īre gūiyujarā īna. ²⁷ To īna bajiboajaquēne, Bernabé vāme cutigu, Saulore Īre ejarēmoñuju ī.

—Vayá. Jesús ī gotiroticōasuarāre Īnare ñagōto mani —Saulore Īre yiyuju Bernabé.

To yī, īna tujū ejacōari, ado bajiro Saulo ī bajirere Īnare gotiyuju Bernabé:

—Ānire Saulore maaju ī vatone Īre ruyuaīoñuju Jesús. Īre ruyuaīcōari Īre ñagōñuju ī. To ī yiro bero, Damasco vāme cuti macanare gūibecune Jesús ī bajirere gotimasioñuju —Īnare yiyuju Bernabé, Jesús ī gotiroticōasuarāre.

²⁸ To ī yisere ajicōari, “Mani rācagu ñaami Saulo”, Īre yituoīañujarā īna yuja. To īna yijare, Jerusalénju īna răca ñacōañuju Saulo. To bajiro bajigu rīne gūiri mene Jerusalén macanare Jesús ī bajirere Īnare goticudiyuju ī. ²⁹ Jud'io masa ñaboarine griego oca ñagōrā quēne ñañujarā. To bajiri, Saulo răca ñagōboanane, oca josayujarā. To yirāne, Īre sīaruayujarā īna.

³⁰ Īre īna sīaruasere ajicōari, Cesarea vāme cuti macaju Saulore Īre āmicoasujarā ī răcana. Īre āmiejacōari, ī ya macaju Tarso vāme cuti macajure cōacōañujarā īna.

³¹ Tirodore Judea, Samaria, Galilea sitana quêne Jesúre ajitirănurã rojose tãmuobesujarã. Dios i cõagũ Espiritu Santo ñare i ejarẽmose rãca Jesús ocare butobusa ajivariquẽnarũtuasujarã ña, Jesúre ajitirănurã. To bajiri jãjarãbusa ñarũtuasujarã ña, Diore quẽnaro cudirã.

Micagũre Pedro i catiore queti

³² To bajiri Jesús i gotiroticõasuariorã rãcagu Pedro vãme cutigu, Jesúre ajitirănurãre ñacudigu, Lida vãme cuti macaju, ejayuju Pedro. ³³ Toju ejacõari, micagũre Eneas vãme cutigure ñre ñabujayuju i. Cojomo cõro idia jẽnituarõ rãca cãmari i cãnijesariaroju jẽsacõarũgũñuju i. ³⁴ Ñre ñabujacõari, ado bajiro ñre yiyuju Pedro:

—Ajiya mu. Jesucristo mure catioami. To bajiri vãmurũgũña. To bajicõari mu cãnijesariaro quẽnocũña mu —yiyuju Pedro.

To bajiro i yirone, micagũ ñaboar'i vãmurũgũñuju i. ³⁵ I bajisere ñañujarã Lida vãme cuti macana, to yicõari, Sarón vãme cuti macana quêne. Tire ñacõari, Jesúre ñre ajitirănũñujarã ña jediro.

Rijariore Pedro i catiore queti

³⁶ Tirãmuri Joep vãme cuti macaju Tabita vãme cutigo ñañuju so. Jesúre ñre ajitirănũgõ ñañuju. Griego ocarema, Dorcas vãme cutigo ñañuju. Quẽnase yigo ñañuju so. Maioro bajirãre quẽnaro yirẽmorũgũñuju. ³⁷ To bajiro yicudiboacõne, bajirocacoasuju so. To bajiri so yarã so bajirocato ñacõari, rijariarãre ña yirũgũriarore bajiro sore ña yujeroto rĩjoro, so rujare coecõari, vecaga sõaju sore cũñujarã ña. ³⁸ Joep vãme cuti maca tune ñañuju Lida vãme cuti maca. To bajiri, Lida macaju Pedro i ñasere ajijujarã Joep macana, Jesúre ajitirănurã. Tire ajicõari, juarã, Pedore “Ñre jirã vajaro” yirã ñare cõañujarã ña. To bajiro ña yicõariarã, i taju ejacõari, ado bajiro ñre yiyujarã ña:

—Yua rãca guaro vayã —Ñre yiyujarã ña.

³⁹ To ña yisere ajicõari, ña rãca vacoasuju Pedro. Toju ejacõari, Dorcas bajirocario so ñarisõajure ñre jĩmuocõañujarã ña. Jãjarã manajua rijaveoriarã otiñañujarã ña, so ruju tare. To ña yĩñarone, Pedro i ejaro ñacõari, i tujare gãnibiarũgũcoasujarã rõmia, ñre gotiruarã:

—Ñaña mu. Dorcas ñaboario so bajirocaroto rĩjoro jairo sudi yuare tiaĩsibocamo —yirãne, Pedore ñre juaĩñujarã ña.

⁴⁰ To ña yirone,

—Adi sõare vijagocoasa maji —Ñare yiyuju Pedro.

To yigajanocõari, gusomuniari tũtũcõari, Diore sẽnĩñuju Pedro. Diore sẽnigajanocõari, rijariore judarũgũ ñañuju. Judarũgũ ñacõari:

—Tabita, vãmurũjuña mu —sore yiyuju Pedro.

To i yisere ajicõari, tudicaticoasuju so. To bajigo ñari, Pedore ñacõari vãmurũjuñuju so. ⁴¹ To so bajirone, so ãmore ñiacõari sore tũavãmũñoñuju Pedro. To yicõari, ti sõare vijagoriarãre ñare jãjarotiyuju quẽna:

—Quẽna so tudicatisere ñarã vayã mua —Ñare yiyuju Pedro, manajua rijaveoriarãre, gãjerã Jesúre ajitirănurãre quêne.

⁴² To bajiri, quẽna so tudicatisere ajijujarã toana Joep vãme cuti macana ñajediro. Tire ajicõari, jãjarã ñañujarã “Jesús i masise rãca yiyumi Pedro” yirã ñari, “Jesúre ajitirănurã ñato mani quêne” yirã. ⁴³ To bajiro i yiro bero, yaro Joepu ñacudiyuju Pedro, vaibucurã gasene sudi, to yicõari vasojoari quẽnorimasu, Simón vãme cutigu tujare.

10

Cornelio taju Pedro i vare queti

¹ To bajiri Cesarea vãme cuti macajure, Cornelio vãme cutigu ñañuju i. Surara mesare coderã uju ñañuju romano masu. Italia sitana surara uju ñañuju i. To bajiri cojomo cõro masa cõro ñarãre rotigu ñañuju i. ² Jud'io masu me ñaboarine, quẽnaro Diore ñre rucubũoyuju, i ya viana rãca. Jud'io masare maioro bajirãre quẽnaro ñare yirẽmorũgũñuju i. Tocãracarũmũne Diore ñre sẽnirũgũñuju. ³ To bajiri cojorũmu ñamicajua tusato, ángel ñre ruyuaĩñuju, Corneliore.

Quẽnaro ñre ñamasucõañuju Cornelio. I tujare sãjaecõari,

—iCornelio! —Ñre yiyuju ángel.

⁴ To i yiboajaquẽne, ñre cudibesuju maji. Ñre gũigu ñari, ñre ñacõa ñañuju Cornelio. To bajigũne,

—¿Ñie bojati mu? —Ñre yiyuju Cornelio.

To i yirone,

—Diore ñre mu sẽnisere ajivariquẽnarũgũami. Maioro bajirãre mu ejarẽmosere quêne ñavariquẽnarũgũami. To bajiri mure quẽnaro yiguagu yami. ⁵ To bajiri, Joep vãme cuti

macajure ñaami Simón Pedro vāme cutigu. Īre jirā varonare ĩnare cōañā mu. ⁶ Gāji Simón vaibucurā gasene sudi, to yicōari vasojoari quēnorimasu ya vijure ñaami Simón Pedro, utabucura tuju ñarivire —Īre yiyuju ángel, Corneliore.

⁷ To yigajanocōari, ĩre vaveocoasuju ángel. Ī vato bero, juarā ĩre moabosarimasare to yicōari, ĩ surarare quēnaro Diore ajirūcubugare quēne ĩre jiyuju Cornelio. ⁸ ĩnare jicōari, ángel ĩre ĩ gotirire ĩnare gotiyuju. To yigajanocōari, Jope macaju ĩnare varotiyuju.

⁹ To ĩ yicōariarā, gajerāmu āmurēcaji ñaro Jope maca tu tūsasujarā ĩna. To ĩna bajirone, vi rijo tūñaju mujacōari, Diore ĩre sēniñuju Pedro. ¹⁰ Yoaro Diore sēniñagū ñari, ñiorijacoasuju. To bajiri gājerāre ĩre ĩna bare quēnobosañasere yuyuju ĩ. To ĩ bajiñarone, ado bajise ĩre ruyuañuju Pedrorre: ¹¹ Ō vecaju āmuagasero soje jānacōasuju ti. To bajicōari, sudijāi jairijāi juajacatua gaja ñiacōari yorujicōariarore bajiro rujiayuju ti. Rujiadi, ĩ tuju ejayuju. ¹² Tojare ñañujarā vaibucurā jediro. Jēnirā, vurā, āña quēne, ñajediro ñañujarā ĩna. ¹³ ĩ tuju ti ejaro, ado bajiro yi ocaruyuyuju ō vecaju, Pedrorre:

—Vāmurūgūña mu. ĩnare śiacōari, baya —ĩre yi ocaruyuyuju.

¹⁴ Tire ajicōari ado bajiro yiyuju Pedro:

—Babeaja yu. Rēoriarāre divatojuane baĭabeticaju yu —boca yicōañuju Pedro.

¹⁵ To ĩ yirone, quēna ocaruyuyuju:

—“Rēore ñaja”, yibesā. “Baya” Dios ĩ yisema, quēnase ñaja —yi ocaruyuyuju.

¹⁶ Idiajiju ĩre bajiñocoasuju ti. To baji, tudimujacoasujarā. ¹⁷ Tire ĩacōari, “¿Ñie ũni yare bajiatī ti?”, yitūoñāju Pedro. To ĩ yīñarone, Simón vaibucurā gasene sudi, to yicōari vasojoari quēnorimasu ĩ ñarijare gājerāre sēniñacōari ĩ ya vi soje ture ejayujarā Cornelio ĩ cōariarā. ¹⁸ Ejacōari,

—¿Adi vire Simón Pedro vāme cutigu ñati? —yiyujarā ĩna.

¹⁹ Pedro ĩ ĩasere ĩ tuoñañarone, ado bajiro ĩre gotiyuju Espiritu Santo:

—Idiarā āmua mure macarā ejama. ²⁰ Vāmurūgūcōari, ĩnare ĩagū rujiāsa mu. Tuoñarejaibecune vasa, yu cōarā ĩna ñajare —Pedrorre ĩre yiyuju Espiritu Santo.

²¹ To bajiri, ĩna ture rujiacōari,

—Yune ñaja mua macagū. ¿No bajiro yirā vadi mua? —ĩnare yiyuju ĩ.

²² To bajiro ĩ yisere ajicōari, ado bajiro Pedrorre gotiyujarā ĩna:

—Yua ũju Cornelio yuare cōami. Surara ũju ñaami. Quēnaro Diore ajirūcubuoami. “Quēnase yigū ñaami”, ĩre yama jud’io masa jediro. To bajiri ado bajiro ĩre gotiyuju ángel: “Cornelio ajiya mu. Simón Pedrorre jiaya mu. To yicōari ĩ gotisere quēnaro ajiba mu”, yua ũjare ĩre yiyuju ángel —yiyujarā Cornelio ĩ cōariarā, Simón Pedrorre.

²³ To ĩna yisere ajicōari, ado bajiro ĩnare yiyuju Pedro:

—Ado sājaaya maji. Rāioato yaja. Yu tu cāniñā maji —ĩnare yiyuju Pedro.

To yi, gajerāmu ĩna rāca vasuju yuja. Sīgūri Jopeana Jesúre ajitirānurā, ĩ rāca vasujarā, ĩre baba cuti vana.

²⁴ To bajiri gajerāmu, Cesarea vāme cuti macaju ejayujarā ĩna. ĩna ejaroto rījoro, ĩ yarāre, to yicōari, ĩ babarāre quēne ĩnare jirēoñuju Cornelio, “Simón Pedro ĩ gotisere ajito manī” yigu. ²⁵ To baji, vi tuju ĩna ejarone, Pedrorre bocaāmiru budiasuju Cornelio. ĩre bocacōari, gusomuniari tuetuyuju, Pedrorre rūcubugu. ²⁶ To ĩ yijare,

—Vāmurūgūña mu. Mure bajirone masu ñaja yu quēne —Corneliore ĩre yiyuju Pedro.

²⁷ To yi, gāmerā ñagōrāne vijū sājacoasujarā yuja. Sājaejacōari, jājarā ejacōari, bajiñarāre ĩnare ĩañuju Pedro.

²⁸ ĩnare ĩacōari, ado bajiro gotiyuju ĩ:

—Yua jud’io masa, gājerā masa ya vire yua sājajama, to yicōari, no bojariju gājerā masa rāca yua vusajama, yua ũjarā ĩna rotisere cadimena yirāja yua. Tire ajirirāja mua. To bajiro ti bajiñoajuquēne, Dioma ado bajiro yare yimasimi: “‘Quēñaja’ yu yisema quēnase ñaja. ‘Rēore ñaja’ yibesā mu”, yare yimasimi Dios. To bajiri, “Jud’io masu ñaboarine gājerā masa rāca yu ñajama, quēnacōaja ti”, yimasiaja yu yuja. ²⁹ To bajiri mua ocare ajicōari, tuoñarejaibecune vabu yu. To bajiri, ¿no bajiro yato yirā, yare bojacōari mua? —ĩnare yiyuju Pedro.

³⁰ To ĩ yisere ajicōari, ado bajiro ĩre cadiyuju Cornelio:

—Cānu babarirāmu rījoroagarāmu, ñamicajua, ado cōro muiju ĩ tūsatone Diore sēniñamasimu yu. ĩre yu sēniñarone, sudi buto botise sāñacōari, yare ruyuarūgūmasimi ángel.

³¹ Ruyuarūgūcōari, ado bajiro yare gotimasimi: “Diore ĩre mu sēnisere ajivariquēnarūgūami. Maioro bajiñare mu ejarēmosere quēne ĩvariquēnarūgūami. To bajiri mure quēnaro yiguagu yami. ³² To bajiri, Jope macaju Simón Pedro vāme cutigure jiaya. Gāji Simón, vaibucurā gasene sudi, to yicōari vasojoari quēnorimasu ya vijure ñaami, utabucura tuju ñarivire”, yare yimasimi ángel. ³³ To ĩ yijare, guaro mure jicōamasimu yu. Quēnaro vayuja mu. Ado mu

ejajare, variquēnaja yua. Adojure Dios ĩ ĩaro rējamu yua, ñajediro mure ĩ gotirotirere ajiruarā —Pedrore ĩre yiyuju Cornelio.

Cornelio rācanare Pedro ĩ gotire queti

³⁴ To bajiro ĩ yisere ajicōari, ado bajiro gotiyuju Pedro yuja:

—Ajimasajaja yu yuja. Gājerā masare ĩ mairo rētoro jud'io masare maigū me ñaami Dios. ³⁵ No bojarāre Diore mani rūcubujama, quēnaro mani yijama, cojoro cōrone manire ĩavariquēnaami Dios. ³⁶ Dios ĩ ejarēmose rāca yua yarā Israel ñamasir'i jānerabatiare ĩnare gotimasiorūgūaja yua, ñajediro uju Jesucristo suorine Diorāca quēnaro ĩna ñaroti quetire. ³⁷⁻³⁸ Jesús, Nazaret vāme cuti macagu ĩ bajirere masirāja mua. Galilea vāme cuti sitaju oco rāca Juan ĩre ĩ bautizariaro bero, Esp'iritu Santore, to yicōari, ĩ masisere Jesure cōañumi Dios. To bajiro ĩ yicōar'i ñari, masare quēnaro yicudicami, Galilea sitanare, to yicōari Judea sitanare quēne. ĩna usurijure vātia sñānāre, vātiare ĩnare bureacudicami. Tire masirāja mua. ³⁹ Ti jedirore ĩacaju yua Jesús ĩ gotiroticōasucana, Jerusalēn vāme cuti macagu yicature quēne. To bajiro ĩ yiro bero, Jerusalēnju yucātēroju ĩre jajusiācamā ĩna. ⁴⁰ To bajiro ĩre ĩna yiboajuquēne, idiarūmu tusatirūmune, ĩre catiocōari, “ĩnare ruyuaioña”, Jesure ĩre yiyumi Dios. ⁴¹ Jediro masa mere Jesure ĩre ruyuañorotiyumi. Rēmojane Jesús ĩ bajicature gotirona ĩ cūcana yua ñajare, “ĩre catiōyumi Dios” yua yimasirotire yigu, ĩre ruyuañorotiyumi. To bajiri, Jesús ĩ tudicatiro bero, ĩ rāca ba, idi, yicaju yua. ⁴² “Catirāre, bajireariarē quēne ĩna yisere ĩacōiarocure Jesure ĩre cūñumi Dios”, yuare yigoticudiroticami Jesús. ⁴³ Diore gotirētosamasiriarā ĩna ñaro cōrone Jesús ĩ bajirotire ucamasinujarā ĩna. To bajiro yirā ñari, no bojarāre, Jesure ajitirānūrāre, rojose ĩna yisere Dios ĩ masirorotire ucamasinujarā —yiyuju Pedro.

Dios ĩ cōagū Esp'iritu Santo jud'io masa mere ĩnare ĩ ejasore

⁴⁴ ĩnare ĩ gotimasio ñarone, Dios ĩ cōagū Esp'iritu Santo ĩnare ejayuju ĩ. ⁴⁵⁻⁴⁶ To ĩ bajirone, ricatiri rīne oca ñagōsuoyujarā ĩna, quēnase Diore yirūcubuarā. Tire ĩacōari, “Jud'io masa mere quēne ejaami Dios ĩ cōagū Esp'iritu Santo” yirā ñari, no yimasibesujarā Pedro rāca ejariarā jud'io masa. ⁴⁷ To bajiri, ĩ rācanare ado bajiro ĩnare gotiyuju Pedro:

—Yure ajiya yu yarā. Esp'iritu Santo, manire ĩ ejacatore bajirone ĩnare quēne ĩ ejajare, ĩmani rācagu ñijuane, “Oco rāca ĩnare bautizabeticōato” yigu magūmi? —ĩnare yiyuju Pedro. ⁴⁸ To yicōari, —“Jesús suorine Dios yarā ñaama” yirā, oco rāca ĩnare bautizaya mua —ĩ rācanare ĩnare yiyuju Pedro.

To bajiri, ĩna bautiza ecoro bero, “Vabesa maji. Yua rāca ñacōaña”, Pedrore ĩre yiyujarā Cornelio rācana.

11

Jerusalēn macana Jesure ajitirānūrāre Pedro ĩ gotire queti

¹ To bajiri Jesús ĩ gotiroticōasuriorārā, gājerā ĩre ajitirānūrā Judea sitanajua, “Jud'io masa me ñaboarine, Jesure ajitirānūjarā” yire quetire ajiyujarā ĩna. ²⁻³ To bajiri, Jerusalēnju Pedro ĩ tudiejaro, ado bajiro ĩre sēniñajujarā ĩna:

—¿No yigu jud'io masa vi me ti ñaboajuquēne, sājacati mu? To bajicōari, ¿no yigu ĩna rāca bacati mu? —yiyujarā, Pedrore.

⁴⁻⁵ To bajiro ĩre ĩna yijare, ado bajiro riojo ĩnare gotiyuju Pedro:

—Joje macaju ñacōari, Diore ĩre yu sēnirone, ado bajiro yure ruyucaju. Vecaju sudijāi jairijāi ĩuajacatua gaja ñacōari, yorujicōariarore bajiro ejacaju ti, yu taju. ⁶ “¿Nie ñati, ti jubeajure?” yigu, quēnaro ĩacaju yu. Toju ñacama sñānā vāibucurā jediro. Āña, jēnirā, to yicōari, vārā quēne ñacama. ⁷ ĩnare yu ĩarone, ō vecaju ado bajiro ocaruyucaju: “Pedro, vāmurūgūña mu. ĩnare sñacōari, baya mu”, yure yi ocaruyucaju ti. ⁸ “Babeaja yu. Rēorere divatojuane bañabeticaju yu”, boca yicōacaju yu. ⁹ To yu yirone, ado bajiro yure ocaruyucaju quēna: “Rēore ñaja”, yibesa. ‘Baya’ Dios ĩ yisema, quēnase ñaja”, yure yi ocaruyucaju. ¹⁰ Idiajiju to bajiro yure bajilocaju. To baji, tudimujacoacaju quēna. ¹¹ Ti mujato bero, idiarā ejacama, yu ñarivijure. Cesarea vāme ti macagu Cornelio vāme cutigu ĩnare cōañumi, yure “Macato ĩna” yigu. ¹² ĩna ejarone, “Tuōiarejaibecane vasa mu” Esp'iritu Santo yure ĩ yijare, vacaju yu. Cojomo cōro coja jēnitarirācu Jesure ajitirānūrā yure baba cati vacama ĩna. ĩna rāca vacōari, Cornelio ya vijure sājacaju yua. ¹³ Yua sājajearone, ángel, ruyuañocōari, ĩre ĩ gotirere yuare goticami Cornelio. Ado bajiro yuare goticami: “Joje macaju mu ñuare ĩnare cōaña mu, Simón Pedro vāme cutigure ‘ĩre jirā vajaro’ yigu. ¹⁴ Mure, mu ya vianare quēne gotimasiorucami ĩ. Muare ĩ gotimasiose suorine mua rijato bero, rojose tāmūotujabetiraroju mua vaborotire yirēto ecobosaruarāja mua’, yure yigotimasimi ángel”,

yuaare yicami Cornelio. ¹⁵ To bajiro yuaare i yiro bero, inare gotimasioacaju yu. Inare yu gotimasiosorone, Esp'iritu Santo manire i ejacatore bajirone inare quene ejacami. ¹⁶ To i bajirone, mani uju Jesu i goticature masibujacocacaju yu: "Tiramuju oco raca muare bautizacami Juan, 'Dios i bojabeti yirabeaja' mua yituoiajare. To bajiri, yoaro mene Esp'iritu Santore muare cocarucami Dios, mua raca narocure, 'Dios i bojarore bajirone yimasialto' yirocure" manire i yigoticature. ¹⁷ Jesucristore ajitiranura mani najare, Esp'iritu Santore manire i cocatore bajirone inare quene cocacami Dios, jud'io masa me ina naboaajuquene. Inare quene to bajiro i yijare, "Jud'io masa me nari, mani racana me naama", yimasibeaja yu —inare yiyuju Pedro.

¹⁸ To bajiro i yisere ajicdari, ire seniatujacocafujara ina. Ado bajiroja yiyujara ina yuja:

—Quenaro yigu naami Dios. "Jud'io masa mere quene, rojose ina yisere masirioami, ina rijato beroju i raca quenaro nacoa nato ina" yigu —yiyujara jud'io masa Jesure ajitiranura.

Antioqu'iana, Jesure ajitiranura ina rejare queti

¹⁹ Tiramuri rijoro Estebanre siacdari gajerare quene Jesure ajitiranurare rojose inare yiyujara ina Diore masimena. To bajiri siguri Jesure ajitiranura Fenicia sita narimacariju, Chipre vame cutiyoa narimacariju, to yicdari, Antioqu'ia vame cuti macaju quene rudiasujara ina. Ti macarijare ejacdari, jud'io masa rirene Jesus yere inare gotiyujara ina. ²⁰ Gajerama, Chipre vame cutiyoa narimacariana, Cirene vame cuti macana, vacdari Antioqu'ia macaju ejayujara. Toju ejacdari, jud'io masa mere quene Jesus yere inare gotiyujara ina. ²¹ "Quenaro gotimasialto ina" yigu, inare ejaremoju Esp'iritu Santo. To bajiri Jesus i bajirere ajicdari, masa ina rotisere ina ajirucuboaarere ajitujacdari, jajara Jesure ajitiranusoyujara ina.

²² Jesure ina ajitiranurare ajiyujara Jerusalen macana Jesure ajitiranu sayara. To bajiri ina tujare Bernabe vame cutigure ire cofafujara. ²³ To ina cof'li, ejacdari, Dios quenaro inare i yisere ifafuju. To bajiri buto variquenacdari, ado bajiro inare gotiyuju:

—Tocaracune, Jesure ire ajitiranuruguna mua —inare yiyuju Bernabe.

²⁴ Esp'iritu Santo i ejaremose raca tuoilagunari, cojo vame rayabeto Dios i bojarore bajiro quenaro yigu, to bajicdari, Jesure quenaro ajitiranugunari ifafuju Bernabe. To bajiri jajara masa, i gotimasiosere ajicdari, Jesure ajitiranusoyujara ina.

²⁵ Tiju bero, Tarso vame cuti macajure vasuju Bernabe, Saulore macagu. ²⁶ To ire ejabujacdari, "Ita mu, Antioqu'iaju", ire yiyuju. To bajiri vasujara Antioqu'iajare. Tojare cojo cuma nafujara ina, Jesure ajitiranura raca. Toju nacdari jajara masare Dios oca Jesus yere inare gotimasiofujara ina. Ti macane Jesure ajitiranurare, "Cristiano masa naama ina", yisoyujara. "Mani uju naami Cristo" yira naama" yire uni nafuju ti vame.

²⁷ Tiramurirene Jerusalen macana, Diore ire gotiretobosarimasa ejayujara tojare, Antioqu'iajare. ²⁸⁻³⁰ Ina racagu nafuju Agabo vame cutigu. Jesure ajitiranura ina rejargurojare sajajacdari, Esp'iritu Santo i ejaremose raca tuoicdari, ado bajiro inare gotiyuju Agabo:

—Judea sita ti naro corone, nio ejaruaroja. Bare jedicoaruaroja —yiyuju Agabo.

To i yisere ajicdari, "Judeana niorijaruara ina. Gajoa inare cofato mani", yiyujara Antioqu'iana Jesure ajitiranura. To ina yiriarore bajirone yiyujara ina. Ina cuose ina isimasiro coro Saulore, Bernabe quene inare ifafujara, Judea narare Jesure ajitiranura bucarare "Inare isialto" yira. To bajiro ti bajijama, Roma macagu Claudio vame cutigu masa nafjediro uju i nararodore bajiyuju.

12

Santiago i siacore, to yicdari tubiberiavire Pedro i budire

¹ Tiramurirene, Uju Herodes, Jesure ajitiranurare sigurire rojose inare yisoyuju i. ² To yicdari, "Juan bedire Santiagore i rejoare jataya mua", inare yiyuju i. ³⁻⁴ To bajiro ire i yiotisere ajicdari, buto variquenafujara jud'io masa i yara siguri. Ina variquenaro iacdari, Pedroro quene narotocdari, tubiberotiyuju i. To bajiro ti bajijama, pan voyamanire ina bariarumarire bajiyuju. Ire tubiberotigu, "Rudiromi" yigu, ado bajiro quenaro coderotiyuju i:

—Diez y seis narare babaricaracune vacdari, tocaracajine babaricaracu codevasoaya mua —inare yiyuju. To yicdari, "Pascua boserumu ti jediro, masa ina iaro rijoro Pedroro ire siarotrucuja yu", yituoiafuju Herodes. ⁵ To bajiri quenaro masune code ecocofafuju Pedro. Tire ajicdari, gajera Jesure ajitiranura Diore buto ire senibosayujara ina.

⁶ Gajeramu busurijane naboyuju, Herodes Pedroro i siarotirumu. Jura surara coderimasa vatoajure canicunafuju Pedro. Juaamojane comemari raca siacocofafuju. Gajera surara soje tune coderugunafujara ina. ⁷ To ina bajiboajuquene, naro tusarone ruyayuju angel. To i bajirone Pedroro ina tubiberiasoa busujamcofafuju. To bajicdari, Pedroro ire moiafafuju angel, ire yujiogu. I yujiro iacdari,

—Vamuruguna mu —ire yiyuju, Pedroro.

To i yirone, Pedroro ina siaboariamari, cōmemari jōjivējacoasuju. ⁸ To ti bajirone,
—Mu sudi sāñaña. Mu gūbo sudi cūdaya —Pedroro ire yiyuju. To yigane, ado bajiro
yirēmoñuju:

—Mu sudiro joeagarore quēne sāña. To yicōari, vayá. Yure suyaya mu —ire yiyuju ángel,
Pedroro.

⁹ To i yirone, ire suyacoasuju Pedro. To bajiboarine, “To bajiro bajiguja yu”, yimasibesuju
i. “¿Socarō me bajiatī ti?” yiboacu, “Ba. Socarō bajiroja gajeyerema”, yitūoiañuju Pedro. ¹⁰ To
bajivana rīne, jua soje surara ina coderisojerire rētoasujarā ina. Tusarisoje, cōme soje ñañuju
ti. Ti soje tu ina ejarone, ti masune jānacōasuju ti. To bajī budirūgū, maa ire i ūmato vacane,
“To bajigumi” yimasiña manone yayicoasuju ángel. To bajiri Pedro sīgāne tujacōañuju yuja.

¹¹ To bajisere iacōari, “Socarō me bajiaja”, yimasicoasuju Pedro. “ ‘Herodes ire siaromi’
yigu, yure ūmato budirocare cōañumi Dios”, yitūoiañuju i. “To bajiri jud'io masa rojose yure
ina yirūaboase rētocoaju ti yuja”, yitūoiañuju Pedro.

¹² To yitūoiamasicōari, Juan Marcos vāme cutigu jaco, Mar'ia ya viju vacoasuju i. Ti vijure
jājarā masa rējacōari ñañujarā, Diore sēnirā. ¹³ To ina yīñarore soje tu ejacōari,

—¿Ñaboati mua? —yiyuju Pedro.

Ti vijure, sīgō ti vianare ejarēmōrimaso ñañuju so, Rode vāme cutigo. To bajiri Pedro i
sēñilāsere ajicōari, soje tu ejarūgūcōari, ajiyuju so, “¿Nimu ñarōjari?” yigo. ¹⁴ Soje jānabecone
ajirūgōca yigo, Pedro ocare ajimasīñuju. I ocare ajimasicōari buto variquēñañuju. To bajigo
ñari, soje jānabecone gotigo tījasuju, ti vianare.

—Macajū ñaromi Pedro —īnare yigotiyuju so.

¹⁵ To bajiro īnare so yirone,

—Mecugō yigoja mu —sore boca yiyujarā ina.

To ina yijare,

—Soco me yaja yu —īnare boca yicūdiyuju so.

To so yijare,

—Ba, ángel, Pedroro coderimasu ñagūmi —sore yiyujarā ina.

¹⁶ To ina yiboajaquēne,

—¿Ñaboati mua? —yi ocaruyucōa ñañuju Pedro, macajū ñacōari.

To bajiri, sojere jānacōari, Pedroro ire iaucayujarā ina. ¹⁷ Ire ina iaucasere iacōari, īnare,
“Ñagōbesa” yigu, i āmone ñumōñuju Pedro. To yicōari, “Ado bajiro yure yirēmomi Dios,
tubiberiaviyu yu ñaro”, īnare yigotiyuju. Tire gotigajanocōari,

—Adire Santiagore, to yicōari, mani rācanare Jesure ajitirūnūrāre quēne īnare gotiaya mua
—īnare yiyuju Pedro.

To bajiro īnare yigotigajanocōari, gajeroju vacoasuju i.

¹⁸ Gajerūmu busuato tubiberiavire codeboariarā, Pedro i mano iacōari, “¿No bajiro
bajiyujari i?” gāmerā yiboana, bujo tuoīarejaiyujarā ina. ¹⁹ Herodes quēne, Pedro i mano
iacōari, ire macarotiboayuju. Ire bujabesujarā ina. To bajijare, tubiberiaviyu codeboariarāre
īnare sēñīlāboayuju Herodes. Ina cūdimasibetijare, “īnare siacōaña”, yiyuju i. To yicōari bero,
Judea sitaju ñar'i, Cesarea vāme cuti macaju ñagū, vacoasuju Herodes.

Herodes i bajirocare queti

²⁰ Tirāmūrire Tiro vāme cuti macanare, to yicōari Sidón vāme cuti macanare quēne buto
īnare jūnisiniñuju Herodes. To bajiri Sidón macana, Tiroana rāca rējacōari, Herodere ñagōrā
vasujarā ina. “Herodes i jūnisinicōa ñajama, uju i ñari sita bare mani bujarūgūšere īsibecūmi”
yirā ñari, to bajiro bajiyujarā ina. Herodes tujure ñañuju ire ejarēmogū ñamasugū, Blasto vāme
cutigu. To bajiri Herodere ina ñagōroto rījoro, ire ñagōñujarā ina, Blastore. To ina yise ñajare,
īnare iamaicōari, īnare ñagōbosayuju Blasto. īnare i ñagōbosarone, “Cojorūmu īnare ñagōrucuja
yu maji”, ire yiyuju Herodes. ²¹ “To cōro īnare ñagōrucuja yu” i yiriarūmu ti ejaro, uju ñagū
i sāñase sudi quēnase sāñañuju i Herodes. To yicōari, rotigu i rujiri cūmurojare ejarūjucōari,
masare gotiyuju i. ²² I ñagōsere ajicōari,

—Masu me ñaami āni. Dione ñaami —yiavasā variquēñañujarā masa.

²³ To bajiro ina yīñarone, ángel Herodere rijaye ire cōañuju. To i yijare, i gudajoajure vāsia
ina bajare, bajirocacoasuju Herodes. “To bajise yibesa mua. Dios me ñaja yu. Dios sīgāne
rācūboaya mua” i yibetijare, to bajiro bajiyuju ire.

²⁴ Herodes i bajirocarirodore Jesús i bajirere Dios oca gotisere ajicōari, jājarābusa Jesure
ajitirūnūrūtuasujarā ina.

²⁵ Bernabé, Saulo rāca Jerusalén vāme cuti macanare gājoa īnare īsigajanocōari, Antioqu'iaju
tudiasujarā ina. Gāji, Juan Marcos vāme cutigu, ina rāca vasuju i.

13

Saulo, Bernabé rāca Dios ocare ina gotimasiocudisore queti

¹ To bajiri, Antioqu'ia vāme cuti macajure Jesúre ajitirānūrā rācana, ĩnare gotimasiōrā, to yicōari, gājerā Diore gotirētobosarā ñañujarā. Adocārācu ñañujarā: Bernabé, Simón, Lucio, Cirene vāme cuti macagu, Manaén, Saulo. Tocārācu ñañujarā ĩna. Simónre, Nīgū ĩre yiyujarā gājerā. Manaénjua, Uju Herodes ñamasir'i rācagu ñaboayuju ĩ. Cojovata bucuariarā ñañujarā ĩna. ² To ñacōari, bare bamenane, Diore ĩre yirūcubuo ñañujarā ĩna. To yīñārāne, Esp'iritu Santo suorine ado bajiro yiyujarā ĩna, Bernabé, Saulore, Saulore quēne:

—Gajeroju mua gotimasiocudiro tire bojami Dios. To bajiri, ĩ bojarore bajirone yiruarāja mua —ĩnare yiyujarā.

³ To yicōari, quēna Diore rūcuborā bare bamenane, Diore ĩnare sēnibosayujarā ĩna, Bernabé, Saulore. To yicōari, ĩna rujoari joere ĩna āmori ñueoyujarā, Bernabé, Saulore, “Dios ĩ bojarore bajirone gotimasiocudiya” yirā. To bajiro ĩnare yigajanocōari, ĩnare varotiyujarā ĩna.

Chipre vāme cutiyoa ñarimacarire Pablo, Bernabé rāca ĩna gotimasiōrā vare queti

⁴ To bajiri Esp'iritu Santo ĩnare ĩ cōajare, vacoasujarā ĩna, Bernabé, Saulo, Seleucia vāme cuti macajure. Ti maca moa riaga tu ñañuju ti. To bajiri, rojaeja, cūmua jairicaju vasājaja vacoasujarā ĩna, Chipre vāme cutiyōaju vana. ⁵ Salamina vāme cuti maca jetagare rocatuejayujarā ĩna. Ejacōari, tiyōa ñarimacarire jud'io masa Dios ocare ĩna buerivirijure Jesús bajirere Dios oca gotisere gotimasiocudiyujarā ĩna. ĩna rācagu, ĩnare ejarēmogū ñañuju Juan vāme cutigu.^b

⁶⁻⁸ To bajiri goticudirā rīne, Pafos vāme cuti macajure ejasujarā ĩna. Tojure sīgū Barjesús vāme cutigure ĩre ĩabujayujarā ĩna. Barjesús ti yijama, griego ocarema Elimas yiruarō yiyuju ti. Jud'io masu ñañuju ĩa ĩañamanire yigu. “Diore gotirētobosarimasu ñaja yu”, yisocagu ñañuju ĩ. Ti macagu ujujua, Sergio Paulo vāme cutigu, quēnaro tuoīagū ñari, quēnaro masigū ñañuju. To bajigu ñari, Jesús ĩ bajirere ĩna gotimasiōsere ajiru, Bernabé, Saulore ĩnare jicōañuju ĩ. To ĩ yire ñajare, ĩre gotimasiōñujarā ĩna. ĩna gotimasio ñarone,

—Ĩnare ajibesa —yiyuju Barjesúja, “Jesúre ajitirānuromi” yigu. ⁹⁻¹⁰ To ĩ yiboajaquēne, Esp'iritu Santo ĩ ejarēmose rāca tuoīacōari, Barjesúre ĩre ĩacōari, ado bajiro ĩre yiyuju Saulo, romano ocarema Pablo vāme cutigu:

—Vātia ujure bajiro socajaigu ñaja mu. Jediro quēnasere buto tegu ñaja mu. Dios oca quēnaro riojo ĩ gotiboajaquēne, “Tire ajibeticōaña. Socase ñaja”, masare yimavisioju ñaja mu. ¹¹ To bajiri yucune rojose mu yise vaja rojose mure cōaami Dios. Caje ĩabecune ñacōarucuja mu, Dios ĩ bojaro cōro —ĩre yigotiyuju Pablo, Barjesúre.

To bajiro ĩ yirone, ĩabecu ñacoasuju ĩ yuja. To bajiri, “Yu āmore ñacōari yure tūato” yigu, masare vare macaboayuju ĩ yuja. ¹² To ĩ bajisere ĩacōari, “Jesús ĩ bajirere gotimasiōrā ñari, to bajiro yama” yituoīagū ñari, Jesús ĩ bajirere ajitirānuñuju ti macana uju.

Pisidia sita ñarimaca Antioqu'iaju Jesús ĩ bajirere ĩna gotimasiōre queti

¹³ To bajiri Pablo rācana, Pafos vāme cuti macare ñariarā, cūmua jairica rāca vacoasujarā ĩna, Perge vāme cuti macaju vana. Panfilia sitajure ñañuju Perge. Ti macaju ĩna rāca ejacōari, Juanjuama, Jerusalénju tudicoasuju. ¹⁴ Perge maca ñariarā, Pisidia sita ñarimaca Antioqu'ia vāme cuti macaju vasujarā. Ti macaju ejacōari, ususājariarāmu ñaro, jud'io masa Dios ocare ĩna bueriviju sāsajujarā ĩna. ¹⁵ To bajiri Moisés ñamasir'i ĩ ucamasirere, to yicōari Diore gotirētobosamasiriarā ĩna ucamasirere quēne ĩgotiyuju gāji. To bajiro ĩ yiro bero, Pablo rācanare sēñiñañujarā ĩna, ti vi ujārā:

—“Butobusa Diore ajitirānuato ĩna” yirā, quēnase oca yware gotiya mua —ĩnare yiyujarā ĩna.

¹⁶ To bajiro ĩna yijare, vāmūrūgūcōari, ĩ āmone ñumuoñuju Pablo, “Ñagōbesa mua” yigu. To bajiro yicōari, ado bajiro ĩnare gotiyuju ĩ:

—Yure ajiya mua, Israel ñamasir'i jānerabatia, to yicōari, ñajediro Diore rūcuborā quēne: ¹⁷ Dios, Israel ñamasir'i jānerabatia ĩna rūcubuoju, Egipto sitaju ĩna ñaro ĩnare bujerotimasiñuju ĩ. To yicōari, ĩ masise rāca yucú manōju ĩnare ūmato vamasīñuju ĩ. ¹⁸ To bajiri, cuarenta ñaricūmari yucú manōju ñarā ĩre ĩna rūcubuojetiboajaquēne, ĩna rāca ñacōa ñarūgūñuju ĩ. ¹⁹ Bero, ĩ suorine Canaán sita ñarimacarianare heteo masare, gergeseo masare, amorreo masare, cananeo masare, ferezeo masare, heveo masare, to yicōari jebuseo masare quēne ĩnare siareacōari, ĩna ñaboaria macarire ñamasīñujarā ĩna. To bajiro ĩna bajijama, “Yu yarājua, ti sitare ñaruarāma” Dios ĩ yimasire ñajare, to bajiro bajijuma ĩna. ²⁰ To bajiri, Egipto sitajure

^b 13:5 Lucas, “Juan” ĩ yijama, Juan Marcos vāme cutigure yami.

İna ñasuoŕiacūma, to yicōari Canaán sitajuare İna ñasuoŕiacūma rāca, cuatrocientos cincuenta ñaricūmari tusamasifūju ti.

Bero, gājerā masa rojose İnare İna yijare, İnare ūmato ñaronare cūmasifūju Dios. Samuel vāme cutigure İre cūtasamasifūju. Diore gotirētososagu ñamasifūju İ. ²¹ Samuel İ ñarirodore, “Gaje sitare ūju İ ñarore bajiro yua quēne ūju bojaja”, yimasifūjarā jud'io masa. To İna yijare, İna ūju ñarocure cūmasifūju Dios. İ cūsuomasir'İ ñamasifūju Cis macu, Saúl vāme cutigu. Benjam'ın ñamasir'İ jānami ñamasifūju İ. Cuarenta ñaricūmari rotimasifūju Saúl. ²² Rojose İ yisere İavariquēnabeticōari, Isa'İ ñamasir'İ macu David vāme cutigujuare ūju ñarotimasifūju Dios. “Ñajediro yirucūmi”, yilamasifūju Dios, David ñamasir'ire. ²³ To bajiri, “David jānamire, Israel ñamasir'İ jānerabatiare rojose İna tāmuborotire İnare yirētososarocure İre cōarucija yu” Dios İ yigotiriarore bajirone Jesūre İre cōañumi. ²⁴ Israel ñamasir'İ jānerabatiare Jesūs İ gotimasioroto rījorojune, İna jedirore ado bajiro İnare gotimasiorūgūñuju Juan vāme cutigu: “Rojose mua yisere tuoİasutiritiya mua. Tuoİasutiriticōari, ‘Rojose yiruabeaja yua. Diorāca quēnaro ñaruarāja yua’ yirā, oco rāca yure bautizarotiya mua. To bajiro mua yijama, rojose mua yisere muare masiriocūmi Dios”, İnare yigotimasiorūgūñuju İ. ²⁵ To bajiro İ yigotimasiorūgūre İ gotigajanoroto rījoro, ado bajiro İnare gotiyuju: “‘Rotimurōgōrucūmi’ yigu, Dios İ cōagū me ñaja yu. Yu bero ejarucūmi İma. Ñamasurā rīne İre yibosamasiama, ñamasugū masu İ ñajare”, masare yigotiyuju Juan —yiyuju Pablo.

To yicōa, quēna tudigotiyuju:

²⁶ —Abraham ñamasir'İ jānerabatiare to yicōari, ñajediro Diore rucuborāre quēne rojose mani tāmuborotire manire İ yirētososarūase quetire manire cōañumi Dios. ²⁷ Jerusalén macana, to yicōari, İna ūjarā quēne, “Ānane ñaami ‘Rotimurōgōrucūmi’ yigu, Dios İ cōagū, mani yurūgū”, Jesūre İre yimasibesujarā İna. Tocārāca semana usasājariarūmarire Diore gotirētososariā İna ucamasirere İgotirā İaboarine riojo tuoİamasibesujarā. “Dios İ cōagū me ñaami” yirā, Jesūre İre sīarotiyujarā İna, “To bajiro bajiruaroja” Dios İ yimasiriarore bajirone yirā. ²⁸ Disejua rojose Jesūs İ yise ti maniboajaquēne, “İre sīarotiya”, Pilatore İre yiyujarā İna. ²⁹ “To bajiro yiruarāma İna” Dios İ yiriarore bajirone ti bajiro bero, Jesūre yucētēroju tuyagure İ rujurire āmirujocōari, masa yujeriavi gūtaviju İre cūñujarā İna. ³⁰ İre İna sīaboajaquēne, İre catiocōañuju Dios quēna. ³¹ İ sīacoroto rījoro, Galilea sitaju İ rāca vadicōari Jerusalénju ejariarāre tudicaticōari cojorāmu me İnare ruyuañojuju Jesūs. To bajiri, İ bajirere gotirūgūama İna, İre İariarā ñari.

³²⁻³³ To bajiri, quēnase quetire muare gotiaja: Tirūmjuj mani ñicūare jud'io masare, “Quēnaro muare yirucūja” İ yimasiriarore bajirone yiyumi Dios. Manire, İna jānerabatiare, to yicōari ñajedirore quēne yibosagu, Jesūs İ rijacoaboajaquēne, İre catiocyumi Dios. Ado bajiro gotiaja ti, Dios İ goti rījoro cutire, Salmo segundo ucare: “Yu macu ñaja mu. Adirāmu yure bajirone rotisurucūja mu yuja”, yimasifūju Dios, Jesūre İre İ gotirotire yigu. ³⁴ “Jesūre İ catioro bero, tudirijabetirucūmi” yigu, quēna gajeju ado bajiro yimasifūju Dios: “Davidre yu goti rījoro cuticatore bajirone quēnaro muare yirucūja yu yuja”, yimasifūju Dios. ³⁵ Quēna gajeju ado bajiro gotiaja ti: “Mu bojasere yigure, ‘İ rijato bero, boayayiroimi’ yigu, İre tudicatorucūja mu”, yaja ti. ³⁶ To bajiro ti yijama, David ñamasir'İ İ bajiroti mere gotiyuja. Dios İ bojasere yigu ñamasifūju David. To bajiro yigu İ ñaboajaquēne, İ bajirocaro bero gūtaviju, İ ñicūare İna yujeriavijure İ rujurire yujemasifūjarā masa. İre İna yujero bero, İ rujuri ñaboare boayayicoariaroja ti. ³⁷ To bajiboarine Jesūjuama, rijacoaboarine, Dios İre İ catiojare, İ rujuri boayayibesuju. ³⁸⁻³⁹ To bajiri, ado bajiro tuoİaİa mua: “Moisés ñamasir'ire Dios İ roticūmasirere cudijeoroti ñaja manire”, yimasicaju mani. “Ñajedirore mani cudijeojama, ‘Quēnārā ñaama’ Dios İ yīlārā ñari, mani rijato beroju İ tuju ñaruarāja”, yicaju mani. To bajiboarine, “Cudijeogu magūmi”, yicoadicaju mani. Yucarema ado bajirojua bajiaja yuja: Jesūre mani ajitirāñujama, rojose mani yisere masiriocōari, Jesūs manire İ rijabosare surine, “Nie rojose mana ñaama”, manire yīlāgūmi Dios. ⁴⁰⁻⁴¹ Dios ocare ajiterā, İna bajirotire ucamasifūma Diore gotirētososariā. Ado bajiro İre ucabosamasifūma: “Yu ocare ajiterā, İlāİāmanire yu yīlorotire, ‘Bajibetiruaroja’ mua yibosere İaucacōari, bajireacoaruarāja mua”, yucamasifūma Diore gotirētososariā.

To bajiri, “İna bajirotire bajiro bajiruabeaja yua” yituoİacōari, muare yu gotisere quēnaro ajiya mua —İnare yigotiyuju Pablo.

⁴² To bajiro İnare yigotigajanocōari, Pablo, Bernabé rāca İna budiatone, ado bajiro İnare yiyujarā İna, Dios ocare İna buerivi narā:

—Gaje semana usasājariarūmu ti ñaro yuare gotimasiorēmōrā vaba quēna —İnare yiyujarā İna.

⁴³ Jud'io masa, to yicōari gājerā Diore rucuborā quēne, Pablo, Bernabé rāca budicōari, İnare sayasujarā İna. To İna bajirone,

—“Manire maigū ñari, Jesús i rijabosare suorine manire İavariquēnaami Dios”, yicōa ñarūgūña mua —İnare yiyujarā İna, Pablo, Bernabé rāca.

⁴⁴ To bajiri, gaje semana ususājararūma ti ñaro ti macana, jājarā rējañujarā İna, Jesús i bajirere Dios oca gotisere ajirā. ⁴⁵ Jājarā İna rējasere İacōari, buto jūnisiniñujarā jud'io masa. To bajicōari, “Socū yaja mu”, Pablöre İre yitud'iyujarā İna. ⁴⁶ To İna yiboajaquēne, bojonemenane, ado bajiro gotiyujarā Pablo, Bernabé rāca:

—Dios oca, jud'io masare gotimasiosuore ñaja ti. To bajiboarine, tire ajiteaja mua. To bajiro yirā ñari, “Mani rijato beroju tudicatibetiruarāja mani” yirāre bajiro yaja mua. To bajiri Dios ocare ajiterā mua ñajare, gājerā masare İnare gotimasiorūtuana yaja yua yuja. ⁴⁷ Ado bajiro yuare rotiyumi Dios:

“Yu ocare mua gotimasiose suori yure masiruarāma jud'io masa me ñarā. ‘Adi macarucaroana ñajediro, rojose tāmūotujabetiraroju İna vaborotire İnare yu yirētobosarotire sēnirājarō’ yigu, muare cōagū yaja yu”, yuare yiyumi Dios —İnare yigotiyujarā Pablo, Bernabé rāca, jud'io masare.

⁴⁸ To İna yisere ajicōari, “Quēnaro masu yigu ñaami Dios”, yivariquēnañujarā jud'io masa mejua. To bajicōari, “İna rijato beroju, quēna tudirijabetiruarāma” Dios i yimasiriarā, Jesūre İre ajitirānusoyujarā İna. ⁴⁹ To bajiri, Pablo, Bernabé rāca, mani uju i bajirere İna gotisere ti macana, to yicōari ti maca tuana quēne ajijediyujarā İna. ⁵⁰ İna gotisere İna ajijedicoaboajaquēne, Pablöre, Bernabére gotiyiroyujarā İna, jud'io masa, gajeyeūni jairā rōmiri Diore rucubuarāre, to yicōari ti macana ñamasurāre quēne. To bajiro İna yijare, jūnisinicōari, Pablo, Bernabére varotiyujarā İna. ⁵¹ To bajiro İna yijare, ti macaye sitare İna gubo sudi tuyasere varerea, vacoasuju Pablo, Bernabé rāca. To bajiro İna yijama, “Yuare mua ajiruabetijare, rojose muare yirucūmi Dios” yirā yiyujarā İna. To yicōari, Iconio vāme cuti macaju vacoasujarā İna. ⁵² To bajiro İna bajiboajaquēne, İna gotimasiosore suorine Jesūre ajitirānurāma, buto variquēnañujarā İna. To bajicōari, Esp'iritu Santo i ejarēmose rāca tuoİacōari, cojo vāme ruyabeto Dios i bojarore bajirone yirūgūñujarā İna.

14

Iconio macaju Pablo, Bernabé rāca İna gotimasiosore queti

¹ Iconio macaju ejacōari, jud'io masa Dios ocare İna buerivire sājasujarā Pablo, Bernabé rāca. Sājaejacōari, quēnaro İna gotimasiosjare, Jesūre İre ajitirānusoyujarā İna, jājarā jud'io masa, jud'io masa me ñarā quēne. ² To bajiro İna bajiboajaquēne, jud'io masa, Pablo, Bernabé rāca İna gotiboasere ajimenama, “Jesūre ajitirānurā socarā ñaama”, jud'io masa me ñarāre İnare yigotiyujarā İna. To İna yijare, Jesūre ajitirānurāre İateyujarā İna. ³ Ti macajure yoaro ñacōañujarā Pablo, Bernabé rāca. “Mani uju i bajirere mani gotirotire manire ejarēmorucūmi” yituoİarā ñari, “İ rijabosare suorine manire İavariquēnaami Dios” yire quetire İnare gotirūgūñujarā İna. To yicōari, Jesús quēnaro İnare i ejarēmojare, İaİaİamanire yūorūgūñujarā İna. ⁴ To bajiro İna yīñaboajaquēne, ti macana ricatiri rīne tuoİañujarā İna: Sīgūri Pablo mesa İna gotisere ajitirānūñujarā. Gājerāma, İnare İaterā, jud'io masa rācana ñañujarā. ⁵ To bajiri, jud'io masa, jud'io masa me ñarā quēne, “Gātane Pablöre, Bernabére reasiato mani”, gāmerā yiyujarā, İna ujarā rāca. ⁶⁻⁷ To İna yiruase quetire ajicōari, Licaonia sitaju rudicoasujarā Pablo mesa. Ti sitaju ejacōari, Listra vāme cuti maca, Derbe vāme cuti macare, to yicōari, ti macari tūire quēne Jesús i bajirere goticudiyujarā İna.

Listra vāme cuti macana, Pablöre gūta rāca İre İna reare queti

⁸ Listra macare ñañuju sīgū rēmojane ruyuagujane micar'ı. To bajiri, no yivamasibecu ñañuju. Pablo i gotimasiosore ajitirānurujiyuju i. ⁹ İre i ajitirānusere, to yicōari, “Jesús, yure catiorucūmi” i yituoİasere İre İamasicōañuju Pablo. ¹⁰ To yicōari, oca tutuase rāca ado bajiro İre yiyuju:

—Vamurūgūña —İre yiyuju Pablo. To i yirone, jativāmūrūgūcoasuju. To bajiri quēnaro vamasigū ñañuju. ¹¹ To bajiro Pablo i yisere İacōari, ado bajiro avasāñujarā, İna oca, Licaonia oca rāca:

—Masa İna rucubuarā ō vecana, manire bajirone ruju cuticōari, adojare rujiayuma —yivasāñujarā İna.

¹² To yicōari Bernabére, “Zeus” İre yiyujarā İna. Pabluarema, “Hermes” İre yiyujarā İna, “Zeure ñagōbosagu ñaami” yirā.^c ¹³ Ti maca tujare Zeure yirucubuarıavi ñañuju. Ti vijare pai i yirore bajiro yigu ñañuju, “Zeure rucubuto mani” masare ūmato yigu. “Pablo, to yicōari Bernabére İnare rucubuto mani” yigu, ta vecua, gore quēne juađuyuju i. “Pablo mesare rucubuto mani” yigu, vaibucurā sıacōari, masare ūmato soerū yiboayuju. ¹⁴⁻¹⁵ İ ūmato

^c 14:12 Licaonia masa İna rucubuarāre İnare ñagōbosagu, “Hermes vāme cutigūmi” yituoİarā ñari, to bajiro Pablöre İre yiyujarā İna.

yiguadire ñamasicōari, “Ti ùnire yuare yirūcūbuobetiroti ñaja” yirā, ña sudire tūavoyujarā. To yicōari, masa ña ñaro ùmaejacōari, oca tutuase rāca ado bajiro ñare gotiyujarā ña:

—¿No yirā to bajise yati mua? Yua quēne masane ñaja yua. Muare bajirāne ñaja. To mua yise ùnirene, “Yitujato ña” yirā, muare gotirā vabu yua. To bajiro yuare mua yiboase, vaja maja. Tire yitujacōari, Dios catimūorūgōgūjua yirūcūbuoya mua. Ī ñaami ùmaugasere, sitare, ocore, ñajediro rujeor'i. ¹⁶ Tirūmujurema masa no bojarārene ña rūcūbuosere, bojabeu ñaboarine, “Tone yicōato”, ñare yimasifiuju Dios. ¹⁷ “Tone yicōato” yigu ñaboarine, quēnaro ñare yicoadimasifiuju Dios, “Quēnagū ñaami” yimasiatō ña” yigu. Ñe ñaami oco quedisere, rica cutire quēne muare cōarūgūgūma, “Rodori rica cutiatō” yigu. Ñe ñaami barere muare cōarūgūgūma. Muare quēnaro ĩ yise ñajare, variquēnaja mua —ñare yigotiyujarā Pablo, Bernabé rāca.

¹⁸ To bajiro ñare ña yigotiboaquēne, “Pablo, Bernabé ñare rūcūbuorā vaibucurā sīaisito mani”, yituoīacōañujarā ña.

¹⁹ To bajiro ña yīñarone, jud'io masa, Antioqu'ia macana, to yicōari, Iconio macana quēne ejayujarā ña. Ejacōari, Pablore, Bernabé ñare gotiyujarā ña, ti macanare. To bajiro ña yijare, gūta rāca Pablore ĩre reayujarā, ĩre sīaruarā. To bajiro ĩre yicōari, “Jēre rijacoajami” yirā, ti maca tusaroju ĩre vejavacōari, ĩre rocacōañujarā ña. ²⁰ To bajiro ña yirocar'ire ĩre ejayujarā ña, Jesúre ajitirūnurā. To ña ejarone, vūmūrūgū, ti macajuane jiacoasuju Pablo quēna. Gajerāma Derbe vāme cuti macajua vacoasuju Pablo, Bernabé rāca.

²¹ Ti macajure ejacōari, toanare Jesús ĩ bajirere ñare gotimasioñujarā. Tire ajicōari, jājarā ñañujarā Jesúre ajitirūnusuarā. Ñare gotimasio gajanocōari, Listra macaju vasujarā ña quēna. Listra macare eja, ña rāca bajiña, Iconio macajua vacoasujarā ña. Ti macare eja, ña rāca bajiña, Pisidia sita ñarimacajua Antioqu'iaju vacoasujarā ña. ²² To ña bajicudiriariorijū ñariarāre Jesúre ajitirūnurā ado bajiro ñare gotiyujarā ña:

—Jesúre ajitirūnurā mani ñajare, rojose manire yirūgūama masa. To bajiro manire ña yiboajaquēne, Jesúre ajitirūnucōa ñaruarāja mani, “Ī yarā ñari, ĩ tūju ejarona ñaja mani” yirā —ñare yiyujarā ña. ²³ To yicōari, ñare ùmato ñaronare bucūrāre ñare beseyujarā. To yicōari, bare bamenane ado bajiro Diore mani ūjire ñare sēnibosayujarā ña: “Ado ñarā mu yarā ña ñajare, quēnaro ñare yirēmofa, mure ña ajitirūnucōa ñarotire yigu”, ñare yisēnibosayujarā ña. Jesúre ajitirūnurā ña ñarimacarine ejacōari, to bajiro rīne yicōañujarā, Diore ñare sēnibosarā.

Pablo, Bernabé rāca, Siria sita ñarimaca Antioqu'iaju ña tudiare queti

²⁴⁻²⁵ Pisidia sita ñarimacari ñariarā, Panfilia sitare ñarimacare, Perge vāme cuti macare ejayujarā. Ti macaju ejacōari, Jesús ĩ bajirere ñare gotimasioñujarā ña. To yigajanocōari, Atalia vāme cuti macaju vacoasujarā ña. ²⁶ Ti macaju ejacōari, cūmuane vacoasujarā, Antioqu'ia macaju tudiana, “Quēnaro ñare ejarēmoto” yirā, Diore ñare sēnibosariarā ña ñaroju. Ña goticudiroticōariarore bajirone yijeocōariarā ñari, Antioqu'iajare tudiejayujarā ña, Pablo mesa. ²⁷ Ti macajure tudiejacōari, Jesúre ajitirūnurāre rēocōari ña bajicudirere, Dios ñare ĩ yirēmorere, to yicōari, jud'io masa me ñaboarine Jesúre ña ajitirūnurere quēne ñare gotiyujarā ña. ²⁸ Tone yoaro ñacōañujarā, Jesúre ajitirūnurā rāca.

15

Jerusalénju rējacōari ña gāmerā ñagōre queti

¹ Tirodore, sīgāri Judea sitana Jesúre ajitirūnurā, Antioqu'ia macajure vasujarā. To ejacōari toanare Jesúre ajitirūnurāre ñare gotimasioñujarā. Ado bajiro ñare gotiyujarā ña:

—Moisés ñamasir'ire circuncisión yirere Dios ĩ roticūmasirere, mua yibetijama, rojose tāmūotujabetiraroju mua varotire muare yirētobosabetiracumi Jesús —ñare yigotiyujarā ña, Jesúre ajitirūnurāre.

² Pablo, Bernabé rāca, to bajiro ña yisere ajicōari, buto ñare jūnisiñujarā ña. To bajiri, “To bajirone bajiroja” ña gāmerā yimasibetijare, Jerusalénju Pablore, Bernabé, to yicōari, gājerā ña rācanare quēne ñare cōañujarā Antioqu'iana. “Jerusalén macanare Jesús ĩ gotiroticōasuararāre, to yicōari, ĩre ajitirūnurāre ñare ùmato ñarāre quēne, circuncisión yirere ñare sēniāaya mua”, ñare yicōañujarā ña.

³ To ña yicōariarā, Fenicia sitare, Samaria sitare quēne ejacōari, Jesúre ajitirūnurāre ado bajiro ñare gotibatoyujarā ña:

—Jud'io masa me ñaboarine, yua gotimasiosere ajicōari, ña rūcūbuoboarere rūcūbuotujacōari, Jesúre ajitirūnucama —ñare yigotibatoyujarā ña.

Tire ajicōari, buto variquēnāñujarā ña.

⁴ Jerusalénju Pablo, Bernabé rāca ña ejaro, quēnaro ñare bocaāmiñujarā Jesús ĩ gotiroticōasuararā, gājerā Jesúre ajitirūnurā, to yicōari, ñare ùmato ñarā quēne. To bajicōari,

Dios suorine jediro İna yirere İnare gotiyujarā İna, Pablo, Bernabé rāca. ⁵ To bajiro İna yisere ajicōari, fariseo masa, Jesūre ajitirūnarā, vūmurūgacōari, ado bajiro yiyujarā İna:

—Jesūre ajitirūnarāre jud'io masa me ñarāre quēne, İnare circuncisiōn yiroti ñaja ti. Moisére Dios İ yiroticūmasiriarore bajirone yiroti ñaja İnare quēne —yiyujarā İna.

⁶ To bajiro İna yijare, Jesūs İ gotiroticōasuriorārā, gājerā Jesūre ajitirūnarāre ūmato ñarā, rējañujarā İna, to İna yisere gāmerā ñagōrētobudiruarā. ⁷ Yoaro gāmerā ñagōñañujarā İna. To İna bajīnarone, vūmurūgacōari, ado bajiro İnare gotiyuju Pedro:

—Yu yarā Jesūre ajitirūnarā, yure ajiya. Tirāmujū mua rācagure yure besecōari, jud'io masa me ñarāre Jesūs İ bajicatire yu gotirotire yigu, yure cōacami Dios, “Tire ajicōari, Jesūre ajitirūnato İna” yigu. Tire masiaja mua. ⁸ Masa İna tuoİasere masigū ñari, jud'io masa me ñarāre quēne Esp'iritu Santore İnare cōacami Dios, manire İ cōacatore bajirone. To bajiro İnare İ yicati ñajare, “İnare quēne İavariquēnaami Dios”, yimasiaja mani. ⁹ “Jud'io masa me İna ñajare, rojose İna yisere İnare masiriobetracuja”, yibesumi Dios. Jesūre İna ajitirūnasurioraune, rojose İna yisere masiriocōari, Jesūs İ rijabosare suorine “Ñie rojose mana ñaama”, İnare yīİañumi Dios. ¹⁰ To bajiro İnare İ yire ti ñaboajaquēne, “Muare ruyaja. Dios muare İ İavariquēnase mua boajama, ado bajiro yiroti ñaja”, İnare yaja mua, Jesūre ajitirūnarāre. To bajiro İnare mua yijama, Jesūs İ rijabosare suorine quēnaro Dios manire İ yisere ajimenare bajiro yirā yaja mua. Circuncisiōn İnare mua yirotijama, Dios İ rotimasire ñaro cōrone cudiroti ñaroja İnare. Rēmojune mani ñicua quēne yijeobeticoadimasiñuma. Mani quēne, tire cudijeobeticaju mani. ¹¹ Ado bajirojua tuoİaroti ñaja manire: “Tire mani cudise suori me, rojose mani tāmuborotire manire yirētobosagu, Jesucristo manire rijabosayumi”, yiroti ñaja manire. To bajirone bajiaja jud'io masa me ñarāre quēne —İnare yigotiyuju Pedro.

¹² To bajiro Pedro İ yisere ajicōari, ñagōbesujarā İna yuja. To İna bajirone, Dios İ masise suorine İİaİñamanire jud'io masa me ñarāre İna yīİore İnare gotiyujarā Pablo, Bernabé rāca.

¹³ To bajiro İna yigajanoro bero, ado bajiro yiyuju Santiago vāme cutigu:

—Yu yarā, yure ajiya. ¹⁴ Jud'io masa me ñarā İna bajirere manire gotigajanoami Simón. İ gotisere ajicōari, “Jud'io masa me ñarāre quēne İnare besecōari, ‘Yu rİa ñaama İna’ yīİavariquēnañumi Dios”, yimasiaja mani. ¹⁵ Ti bajirotire tuoİacōari ado bajiro ucamasīñujarā Diore gotirētobosamasiriarā:

¹⁶⁻¹⁸ “Adirūmuri ñarā, Uju David ñamasir'i İānerabatia, ujarā me ñaama İna. To bajiro İna baji-boajaquēne, beroju mua jud'io masare İamaicōari, David İānamire, “Rotimurōgōrucuja mu” yigu, İre yicōarucuja yu. İ rotisurone, jud'io masa me ñarā quēne yu rİa ñaruarāma. To bajiro İna bajirotire yigu, İre cōarucuja yu' yami Dios”, yuucamasīñujarā İna, mani ujure Jesūre Dios İ cōarotire yirā —yigotiyuju Santiago.

¹⁹ —To bajiri, ado bajiro tuoİaja yu: Jud'io masa me ñaboarine, İna rācuburere rācubuo tujacōari, Dios İ bojasejuare yirāre jairo İnare rotibetiroti ñaja. ²⁰⁻²¹ Tirāmujane usūsajariarūmu ti ejaro, Dios ocare İna bueriviriju Moisés ñamasir'ire Dios İ roticūmasirere gotimasiocoayuma İna, tocārāca macarine. To bajiri ñamasuse rİne ado bajiro İnare yuucacōato mani: “Ado bajirā ñarāma” İna masune yiquēnorujeocōari, İna yirācuburā tujare vaibucurāre siacōari, mojoroaca İna tuju cūrāma. Tire babesa, İnare yuucacōato mani. To yicōari, manajo cutirā, manaju cutirā, manajo mana, manajo mana quēne, gājerā rāca ajeriarā cutibesa, İnare yuucacōato mani. Vaibucurā siariarāre İna ri'ire yireamenane, babesa. İna ri'ire quēne idibesa, İnare yuucacōato mani —İnare yiyuju Santiago.

Jud'io masa me ñarāre İna ucacōare queti

²² To bajiro İ yisere ajivariquēnacōari, Jesūs İ gotiroticōasuriorārā, Jesūre ajitirūnarā, İnare ūmato ñarā quēne, “Pablo, Bernabé rāca Antioqu'iaju mani cōaronare beseto mani”, yiyujarā İna. To bajiri, Judas, Barsabās İna yigu, to yicōari Silas vāme cutigu ñañujarā İna. Jesūre ajitirūnarā vatoajure ñamasurā ñañujarā İna. ²³ To bajiri, Pablo, Bernabé rācare İnare cōañujarā İna. Ado bajise queti İna rāca ucacōañujarā İna:

“Jesūre ajitirūnarā, İnare ūmato ñarā to yicōari, Jesūs İ gotiroticōasuriora quēne, mua yarā ñaja yua, mua quēne Jesūre ajitirūnarā mua ñajare. To bajiri muare, jud'io masa me ñarāre, Antioqu'ia macanare, Siria sitanare, to yicōari Cilicia sitanare quēne muare quēnaroticōaja yua. Cojo masare bajiro bajirā ñari, Jesūs bederā rİne ñaja mani. ²⁴ Ado yua rācana sīguri, İnare yua cōabetiboajaquēne, mua ñarojare vacōari muare İna gotimavisiodudise quetire ajibu yua. ²⁵ To bajiri, ‘İnare ucacōato mani, tire İnare gotiquēnorā. To yicōari, ado mani rācanare “İnare İarā vajaro” yirā, Pablo, Bernabé rāca İnare cōato mani’ yituoİaja yua. Pablo, Bernabé, yua İamairā ñaama İna. ²⁶ İnare İna siaraboajaquēne, Jesūs mani uju İ bojasere yicōa ñañuma İna, toju İna gotimasiocudijaquēne. ²⁷ To bajiri Judare, Silare, muare cōaja yua, Pablo, Bernabé rāca. Toju ejacōari, muare yua ucacōasere quēnaro muare gotiquēnoruarāma İna. ²⁸ Esp'iritu Santo yuare İ tuoİaejarēmose rāca, ñamasuse rİne muare

yiroticōaja yua: ²⁹ ‘Ado bajirā ñarāma’ ĩna masune yiquēnorujeocōari, ĩna rācuborā tujare vaibucare ślacōari, mojoroaca ĩna tuju cūrāma. Tire habesa mua. To yicōari, vaibucarā mua śliariarē ĩna ri'ire yireamenane, habesa. ĩna ri'ire quēne idibesa. To yicōari, manajo cutirā, manaju cutirā, manajo mana, manaju mana quēne, gājerā rāca ajeriarā cutibesa. Adire mua yijama, quēnase yirā ñaruarāja mua. Muare quēnarotiaja yua”, ĩnare yiuacacōañujarā ĩna, Antioqu'ianare, jud'io masa me ñarare.

³⁰ To bajiri, Antioqu'ia macaju ĩna varotirā, ĩnare vare goti, vacoasujarā ĩna. To ejacōari Jesúre ajitirānūrare ĩnare rēocōari, gotiquēnorā ĩna ucacōarere ĩnare ĩsñujarā ĩna. ³¹ Tire ĩacōari, buto variquēnañujarā ĩna, tuoľasutiritiñaboariarā. ³² Judas, Silas quēne, Diore gotirētosarimasa ñañujarā ĩna. To bajiri toanare Jesúre ajitirānūrare Jesús ocare quēnaro gotimasioñujarā. Tire ajicōari, butobusa ajivariquēnañujarā ĩna. ³³ ĩna rāca yoaro ĩna bajiñaro bero, ĩnare queti cōariarā tuju tudiana, ĩnare ĩna vare gotirone,

—Quēnaro tudiasa mua —ĩnare yituoacōañujarā ĩna.

³⁴ To ĩna bajirone,

—Adone tujagu yaja yu —yitujacōañuju Silama.

³⁵ Pablo, Bernabé quēne, Antioqu'iajare tujayujarā ĩna. To ñacōari, gājerā jājarā rāca Jesús ĩ bajirere masare gotimasiocōa ñarūgñujarā ĩna.

Jesús ĩ bajirere Pablo ĩ goticudigu tudivare queti

³⁶ Antioqu'iaju yoaro bajiñaboana,

—Ita. Quēna ĩnare tudĩacudito, Jesús ĩ bajirere mani goticudicati macarire, “¿Mani goticudicatore bajirone ajitirānucōa ñati?” yirā —ĩre yiyuju Pablo, Bernabé.

³⁷ To bajiri, Juan Marcos vāme cutigare ĩre jiaruaboayuju Bernabéjuama. ³⁸ ĩre ĩ jiaruaboajaquēne, bojabetesuju Pablojuama, Panfilia macaju Jesús ĩ bajirere ĩna gotimasiodirore ĩnare ĩ tudivoire ti ñajare. ³⁹ To bajiri śigāre bajiro tuoľamasibetica yirā, gāmerā cāmotadicōañujarā ĩna. Bernabéjuama, Chipre vāme cutiyoaju Juan Marcore ĩre ũmato vasuju.

⁴⁰ To ĩ bajiro bero, Pablojuama, Silare ĩre jiyuju. ĩna varoto rĩjoro, toana Jesúre ajitirānūrā Diore ĩnare sēnibosayujarā, Pablare, Silare quēne, “ĩna goticudiro ĩnare ejarēmoato Dios” yirā. To bajiro ĩna yiro bero, vacoasujarā ĩna. ⁴¹ To bajivana, Siria sitare, Cilicia sitare quēne, Jesúre ajitirānūrare ĩnare gotimasiocudirūgñujarā ĩna, “Butobusa ajivariquēnato ĩna” yirā.

16

Timoteo, Pablare, Silare, ĩ baba cuti vare queti

¹ To bajivana, Derbe vāme cuti macare, to yicōari Lистра vāme cuti macajare quēne ejayujarā Pablo mesa. Ti macajare Jesúre ajitirānūgure, Timoteo vāme cutigare ĩre bujayujarā ĩna. Jesúre ajitirānūgō jud'io maso macu ñañuju ĩ. ĩ jacama, griego masu ñañuju. ² Lистра macana, Iconio macana quēne, “Quēnaro yigu ñaami”, ĩnare yigotiyujarā Jesúre ajitirānūrā, Timoteore. ³ “ĩ jacu griego masu ñacami”, yimasijedicōañujarā ti macariana. To bajiri ĩ rāca Timoteo ĩ vacudiroire bojagu ñari, “Jud'io masa adi macariana, ‘Circuncisión yiyamagū ñagūmi Timoteo’ yĩateroma” yimasigū ñari, “Circuncisión yirotiya”, yiyuju Pablo. ⁴ To bajiro yicōa, vacoasujarā ĩna, Timoteo rāca. ĩna ejarimacari ñaro cōrone Jesúre ajitirānūrare ado bajiro ĩnare gotirūgñujarā ĩna:

—Jerusalén macana Jesús ĩ gotiroticōasuoriarā, ĩre ajitirānūrare ĩnare ũmato ñarā quēne, “Adi vāmere yibetiroti ñaja” ĩna yirere —ĩnare gotirūgñujarā.

⁵ To bajiro ĩna yigotirūgūse ajivariquēnañujarā ĩna, ti macariana Jesúre ajitirānūrā. To bajicōari, jājarābusa ñarūtuasujarā ĩna.

Pablare Macedonia sitagu ĩ ruyuaľore queti

⁶ Asia sitajure Jesús suorine quēnaro Dios ĩ yisere ĩnare gotirotibesuju Esp'iritu Santo. To bajiri tojare vamenane, Frigia, Galacia, to yicōari, Misia sita ñarimacarianare quēne ĩnare gotimasiocudiyujarā ĩna. ⁷ Misia sita tusariju ejacōari, Bitinia sitajure varuaboayujarā ĩna. ĩnare varotibesuju Esp'iritu Santo. ⁸ To bajiri, Misia sitare varūtu vanane, ti sita ñarimaca Troas vāme cuti macaju ejayuma ĩna. ⁹ Ti macajare Pablo ĩ ejarāľoati ñamire, Macedonia sitagu ĩre ruyuaľoñuju. Ruyuaľocōari, ado bajiro ĩre yiyuju:

—Vayá. Yuare ejarēmoguaaya —ĩre yiyuju.

¹⁰ ĩre ĩ ruyuaľojare,

—Macedonia sitaju vajaro. Tojare Jesús suorine quēnaro Dios ĩ yisere mani gotirotire yigu, ĩre ruyuaľorotiyumi Dios —yituoľacaju yua.

To yirā ñari, yua gajeyēũnre quēnosācaju yua, Macedoniaju varuarā.^d

^d 16:10 Adi quetire ucamasiri Lucas vāme cutigu, Troas maca ñacōari, Filipos vāme cuti macaju Pablo rāca varí ñari, “yicami Pablo”, yiuacayumi.

Filipos vāme cuti macaju Pablo mesa ĩna bajire queti

¹¹ To bajiri, Troas maca ĩnariarā, cūmuane vacōari, Samotracia vāme cutiyoaju ejacaju yua. To ejacōari, gajerūmu Macedonia sita ĩnarmaca, Neāpolis vāme cuti macajure vacaju yua. ¹² Romano masa, Macedonia sitare ēmacōari ĩna ĩnaro ĩnacaju. Ti maca ejacōari, Filipos vāme cuti macaju vacaju yua. Jairimaca, ĩnamasuri maca ĩnacaju ti maca. Tojere yoarobusaca ĩnacaju yua. ¹³ Ūsusājariarūmu ti ĩnaro, ti maca tusaroju vacaju yua, riaga boeju. “Jud’io masa, rējacōari Diore ĩre ĩna sēniriju ĩnaroja”, yituoia rojacaju yua. Rojaejacōari, to rējarāre rōmiare ĩnare gotimasioacaju yua, Jesús suorine quēnaro Dios ĩ yisere. ¹⁴ Sigō yuare ajigo, Lidia vāme cutigo ĩnacamo, Tiatira vāme cuti macago. Sudijāiri, sūarivujojāiri ĩsicōari, vaja sēnigō ĩnacamo. Quēnaro Diore yirūcūbuogo so ĩnare, “Pablo ĩ gotimasiosere ajimasianto” yigu, ĩ masisere sore cōaŋumi Dios. To bajiro sore ĩ yijare, Jesūre ĩre ajitirānūsuocamo so. ¹⁵ To bajiro so bajijare, sore, to yicōari, so ya vianare quēne oco rāca ĩnare bautizacaju yua. To yua yiro bero,

—“Jesūre ĩre ajitirānugō ĩnamo” yure mūa yijama, yu ya vijū ĩnarā vayā mūa —yuare yicamo so.

To so yijare, so ya vijū ĩnacaju yua.

¹⁶ Cojorūmu Diore sēniriaroju vana, gājerāre moabosarimasore sore bujacaju yua. Vāti sāñagō ĩnacamo so. Vāti suorine masa ĩna bajirotire tuoīacōari, riojo gotigo ĩnacamo. To bajiro bajigo so ĩnare, ĩna bajirotire masiruarā, sore sēnīlārūgūñujarā. To so yise vaja jairo gājoa bujarūgūñujarā so ujarā. ¹⁷ To bajiri yuare suyacōari, ado bajiro yuare yivasā suyārūgūcāmo so:

—Ānoa, masirētogū Dios ĩ bojasere yirā ĩnaama. Dios, masa rojose ĩna tāmūoborotire ĩnare ĩ yirētobosarotire gotirimasā ĩnaama —yivasā suyārūgūcāmo so.

¹⁸ Tocārācarūmune to bajiro so yivasā suyajare, buto gōjanabidicami Pablo. To bajiri judārūgūcōari, so ūsūju vāti sāñagūre ado bajiro ĩre yicami:

—Jesucristo ĩ rotise rāca mure budirotiaja yu —ĩre yicami Pablo.

To bajiro ĩ yirone, budicoacami vāti.

¹⁹ So ūsūjare vāti ĩ budicoajare, masa ĩna bajirotire gotimasibeco ĩnacamo so yuja. To bajiro so bajijare, “So suorine gājoa bujarūgūboabu mani. No yicōari, gājoa bujariaro maja mani yuja” yūñūsinirā ĩnari, Pablōre, Silare quēne ĩnare ñejecama so ujarā. ĩnare ñejecōari, masa ĩna yisere ĩacōarimasa tūju ĩnare juaācama. ²⁰ ĩna tu ejacōari, ado bajiro goticāma ĩna:

—Ānoa jud’io masa mani ĩnarmacanare gotigōjanabioama. ²¹ ĩna ĩñicua ĩna yimasiriarore bajiro yiroti ĩnaja, yigotimasioama ĩna. Manima romano masa mani ĩnare, ĩna gotisere mani ajijama, Ūju César ĩ rotisere cudimena yirāja mani —ĩnare yigoticāma ĩna, vāti sāñāboario ujarā.

²² To bajiro ĩna yisere ajicōari, jājarābusa ĩnare ĩajūñisinicāma ĩna. ĩnare sudi vejecōari, ĩnare bajaroticāma masa ĩna yisere ĩacōarimasa. ²³ Buto ĩnare ĩna bajero bero, tubiberiaviyu ĩnare tubiberoticāma. To yicōari,

—Quēnaro ĩnare ĩtirānūma —ĩre yicāma ĩna, ti vire coderimasure.

²⁴ To ĩna yijare, gudareco ĩnari arajure no yirudimasīña manojū ĩnare juacōari, yucājāi goje cutijāine ĩna guborire yirētobuñīacōari, ĩnare tubibecūcōaŋuju.

²⁵ To ĩ yicōariarā, ĩnari gudareco ĩnaro Diore sēni, basa, yīñāñujarā ĩna, Pablo, Silarāca. Gājerā, ti vi tubibe ecoriarā, to ĩna yisere ajijujarā. ²⁶ To bajiro ĩna yīñarone, buto sita sabeyuju. To bajiro ti bajirone, ti vi ĩnariōari sojeri jedirone jāñajedicōasuju. Cōmemarine ĩnare ĩ siaboare jojijedicōasuju, ĩna jediōrene. ²⁷ To bajiro ti bajirone, yujicōari, ti vi ĩnariōari sojeri ĩnaro cōrone jāñariasoji ti ĩnācōajare, “Budijedicōariarāma ĩna” yigu, ĩ masune jariase rāca sīaguagu yiboayuju ti vi ĩacoderimasu. ²⁸ To ĩ yigudone,

—ĭmū masune sīābeticōaŋa! Yua ĩnaro cōrone adorine ĩñajedicōaja yua —ĩre yiyuju Pablo.

²⁹ To ĩ yisere ajicōari, sīabusuorotiyuju ti vi coderimasu. To yicōari, ti vījare ūmasājacōari, buto giūgu ĩnari, nanagūne Pablo, Silarāca rījorojuare gusomuniari tuetuyuju, ĩnare rācūbuogu. ³⁰ To ĩ yiro bero, ĩnare bucōari, ado bajiro sēñīñāñuju ĩ:

—Rojose yu tāmūoborotire Dios yure ĩ yirētōrotire yu bojjajama, ĩno bajise yiroti ĩnati yure? —ĩnare yisēñīñāñuju ĩ.

³¹ To ĩ yisere ajicōari, ado bajiro ĩre cūdiyujarā ĩna:

—Mani ūju Jesūre mū ajitirāñujama, rojose tāmūotūjabetiriaroju mū vaborotire mure, mū yarāre quēne yirētobosarūcūmi Dios —ĩre yiyujarā Pablo, Silarāca.

³² To bajiro ĩre yicōari, ĩre, ĩ ya vianare quēne mani ūju ocare ĩnare gotimasioñujarā ĩna. ³³ Ti ĩnāmine Pablo mesa cāmire coeyuju ĩ, tubiberiavi coderimasu. ĩnare ĩ coegajanorone, ĩre, ĩ ya vianare quēne oco rāca ĩnare bautizayujarā ĩna. ³⁴ To bajiro ĩnare ĩna yiro bero, ĩ ya vijū ĩnare jiacōari bare ĩnare ecayuju. Diore ajitirānūrā ĩnari, buto variquēñāñujarā ĩna.

³⁵ Gajerāmu busuriju masa ĩna yisere ĩacōīarimasa, ado bajiro ĩna surarare ĩnare yiyujarā ĩna:

—Tubiberiavi coderimasare ĩre gotiaya, “Pablore, Silare ĩnare bucōato” —ĩnare yiroticōañujarā ĩna. ³⁶ To ĩna yiroticōare ti ñajare, ado Pablo mesare ĩnare gotiyuju ti vi coderimasu:

—“Pablore, Silare ĩnare bucōaña”, yare yicōañuma ĩna. To bajiri, “Rojose manire yirēmomenama”, yituoīa variquēna budiasa mua —ĩnare yiyuju ĩ.

³⁷ To ĩ yiboajaquēne, ado bajiro ĩnare yiyuju Pablo, masa ĩna yisere ĩacōīarimasa ĩna cōariarāre:

—Bajibeaja. Roma macana yua ñaboajaquēne, rojose yua yirere ĩacōīamenane, yuare bajarotimasima ĩna, masa ĩna ĩaro rījorojua. To yicōari yuare tubiberotimasima. To bajiro yuare yirā ñaboarine, ĩno yirā masa ĩna ĩabetone yuare burotiati ĩna? ĩna masune yuare burā vadiato —ĩna cōariarāre ĩnare yiyuju Pablo.^e

³⁸ To ĩ yijare, masa ĩna yisere ĩacōīarimasa taju ejacōari, Pablo ĩ gotirere ĩnare gotiyujarā ĩna. To ĩna yisere ajicōari, “Roma macana ñañuma ĩna quēne” yimasicōari, buto gūiyujarā ĩna. ³⁹ To bajiri tubiberiaviju ejacōari, “Rojose muare yua yimasisere masirioya mua”, ĩnare yiyujarā, Pablo mesare. To ĩna yiro bero, ĩnare bucōari, rūcubuose rāca ĩnare varotiyujarā ĩna, masa ĩna yisere ĩacōīarimasa. ⁴⁰ To bajiro ĩnare ĩna yiro bero, Lidia ya viju vasujarā ĩna. Ti viju sājaejacōari, to ñariarāre Jesūre ajitirūnūre quēnaro ĩnare gotiyujarā ĩna. ĩnare gotigajanocōari, vacoasujarā Pablo mesa.

17

Tesalónica vāme cuti macaju Pablo mesa rojose ĩna tāmūore

¹ To bajivanane, Anfīpolis, Apolonia vāme cuti macare rētoanane, Tesalónica macajure ejayujarā Pablo mesa. Tojare jud’io masa Dios ocare ĩna buerivi ñañuju ti. ² To bajiri ĩ yirūgūriarore bajiro yiguacu, ti vire sājañuju Pablo. Idia semana cōro tocārācarūmu usūsājararūmuri ĩaro Dios oca masa ĩna ucamasirere ĩnare bueajicōari, ado bajiro ĩnare gotimasiorūgūñuju:

³ —Tire quēnaro mua buejama, “‘Rotimūorūgōrucumi’ yigu, Dios ĩ cōarocu rojose tāmūocōari, ĩ rijarotire, to yicōari, quēna ĩ tudicatirotire gotiaja ti”, yimasiruarāja mua quēne. “To bajiro bajirucumi” ĩna yiuucasir’i, “Jesūne ñaami”, muare yaja yu —ĩnare yigotimasioñuju Pablo.

⁴ To bajiro ĩ yisere ajicōari, sīgari jud’io masa, griego masa Diore rūcubūorūgūriarā, to yicōari, rōmia ñamasurā quēne, “Pablo mesa rācana ñaja yua”, yiyujarā ĩna. ⁵ To bajiro ĩna yisere buto ĩajūnisiniñujarā gājerā jud’io masa. ĩajūnisinicōari, jājarā masa ĩna rējarūgūrijau ejacōari, “Pablore, Silare ĩnare ñejeccōari, rojose yito mani” yirā, rojose yirāre ĩnare jirēñujarā ĩna. To yicōari, “Jasón ya viju ñarāma” yirā, ĩnare macarā sājasujarā ĩna. ⁶ ĩnare bujabetica yirā, Jasón to yicōari gājerā Jesūre ajitirūnūre quēne, ĩnare vejabudiacōari, ti maca ujarā taju ĩnare juasujarā. To ejacōari, ado bajiro ĩnare avasāgotiyujarā ĩna:

—Ānoa, macarucuro jediro ñarā masare gōjanabiorā ñaama. To bajiri adojure quēne manire gōjanabiorā ejama ĩna. ⁷ Jasón ĩnare bocaāmiñumi ĩ ya viju. ĩna jedirone, ũju César ĩ rotisere ajirūcubūomena ñaama. “Gāji ñaami mani ũju, Jesús vāme cutigu”, yirūgūma ĩna —yivasa gotiyujarā ĩna.

⁸ To bajiro ĩna yigotisere ajicōari, maca ujarā, gājerā to rējarā quēne, buto avasājūnisiniñujarā ĩna. ⁹ To yicōari, Jasónre, gājerā Jesūre ajitirūnūre quēne ĩnare gājoa sēniñujarā ĩna, “Tire mua ĩsijama, muare buruarāja yua” yirā. To ĩna yijare, gājoa ĩnare ĩna ĩsirone, ĩnare bucōañujarā ĩna.

Berea vāme cuti macajure Pablo mesa ĩna bajire queti

¹⁰ Tirāmu rāioati ñamine, Berea vāme cuti macaju Pablo mesare ĩnare varotiyujarā ĩna Jesūre ajitirūnūre. Tojare ejacōari, Dios ocare ĩna buerivijure sājañujarā ĩna. ¹¹ Tesalónica vāme cuti macanare bajiro tuoīabesujarā ĩna, ti macana jud’io masa. Pablo ĩ gotimasiosere buto ajivariquēnañujarā ĩna. Tocārācarūmarine Pablo ĩ gotisere ajicōari, Dios oca masa ĩna ucamasirere buerūgūñujarā ĩna, “¿Pablo ĩ gotisere bajirone gotiati?” yirā. ¹² To bajiri jājarā jud’io masa, griego masa rōmia ñamasurā, ũmua quēne, Jesūre ĩre ajitirūnusoyujarā ĩna. ¹³ Berea macajure Jesús suorine quēnaro Dios ĩ yisere Pablo ĩ gotimasio ñasere ajiyujarā Tesalónica macana jud’io masa. Tire ajicōari, Pablo ĩ gotimasio ñarojare vasujarā ĩna. Toju ejacōari, “Pablo rojose yigu ñaami”, ĩnare yigotiyujarā ĩna. To ĩna yijare, Pablore buto ĩre

^e 16:37 Pablo jacu Roma macana surara rāca quēnaro ĩ moajare, Roma macagu me ĩ ñaboajaquēne, “Roma macagu ñaami” ĩna yucature cuoyuju, judío masu ñaboarine. To bajiro ĩna yire ti ñajare, ĩ macu Pablo quēne, “Tarso macagu ñaboarine, Roma macagu ñaja”, yiyuju.

jūnisiniñujarā ĩna, ti macana. ¹⁴ To ĩna yijare, moa riaga boeju Pablore ĩre varotiyujarā ĩna Jesúre ajitirānūrā. To bajiboarine, Timoteo, Silarāca Berea macane ñacōañujarā ĩnama. ¹⁵ Pablo rāca variarā, Atenas vāme cuti macaju ĩre cūejoyujarā ĩna. ĩre cū, Berea macaju ĩna tudiatone, “Guaro yu tuju vayá”, yiuacōañuju Pablo, Silas, Timoteore.

Atenas vāme cuti macaju Pablo ĩ bajire queti

¹⁶ Pablo, Atenas macaju ñacōari, Silas, Timoteore ĩnare yuñañuju ĩ. To bajināgū, ti macana, ĩna yīñasere ñañuju, “Ado bajirā ñarāma” ĩna masune yiquēnorujeocōari, ĩna yirūcubuoñasere. Tīre ĩacōari, buto tuoñarejaiyuju. ¹⁷ To bajiri jud'io masa Dios ocare ĩna bueriviju sājacōari, ĩnare gotimasioñuju Pablo, Jesús suorine quēnaro Dios ĩ yisere. Griego masare, Diore rūcubuoñūñariāre quēne gotimasioñuju. To yicōari, tocārācarūmarine masa ĩna rējarūñūñariā ejarāre ĩnare gotimasioñuju Pablo. ¹⁸ Tojare epicúreo masa, to yicōari estoico masa ĩ rāca ñagōñujarā ĩna. To yicōari, ĩna masune ado bajiro gāmerā yiyujarā ĩna:

—¿Ñie ũnire ñagōñu yiboati, āni tuoñamasibecu? ¿No bajise gotirū yiboati? ĩ yarā ĩna rūcubuoñare “ĩna quēne rūcubuoato” yigu, manire gotimasiorū yiboami —gāmerā yiyujarā ĩna, Jesús rijacoaboarine, quēna ĩ tudicatirere Pablo ĩ gotisere ajicōari.

¹⁹ To bajiro gāmerā yicōari, ĩre jiasujarā ĩna, masa rējacōari ĩna gāmerā gotiroju, Areópago vāme cutoju. To ejacōari,

—¿Ñie ũnire ajīñañamanire yuare gotirūñūti mu? ²⁰ Mu gotise ũnire ajibetirūñūti mu yua. Mu gotiri vāmere masirūaja yua —Pablore ĩre yiyujarā ĩna.

²¹ (Atenas vāme cuti macana, to yicōari, gājerā gajeroju vadirirā quēne, ĩna ajīñabeterūñūre ĩna ajijama, Areópagoju vacōari, ti rione gāmerā gotirūñūñujarā ĩna.)

²²⁻²³ To bajiri ĩna vatoajare vāmūñūñūcōari, ado bajiro ĩnare gotiyuju Pablo:

—Atenas vāme cuti macana, yure ajiya mūa. “Ado bajirā ñarāma” yiquēnorujeocōari, mūa rūcubuoñā jājarā ñaama adi macare. ĩnare buto rūcubuoñā ñaja mūa. Mūa quēnoriarāre mūa rūcubuoñivirire, ĩacudica yigu, cojoju soemuoñarijare, ucatirere ĩamu yu. Ado bajiro yibu ti: “Ado ñaja Dios ĩañamagūre rūcubuoñarija” yibu. ĩre masibetiboarine, mūa rūcubuoñogure mūare gotiguagu vadimasimu yu.

²⁴ ĩne ñaami Dios, ñajediro uju, adi macarūcuro ũmūagaserore, to yicōari, catirā ñajedirore rujeor'ī. Masa ĩna buariavire ñagū ũgū me ñaami ĩna. ²⁵ Masa ĩre ĩna yibosasere bojagu me ñaami. Disejua ĩrema ruyabotoja. ĩne ñaami ñajediro mani catirotire manire ĩsirūñūñūma.

²⁶ “Macarūcuro ti ñaro cōrone jājarā masa ñarūtuararāma” yigu, rēmojare sīgūne ũmūare rujeosomasiñuju. Mani catirotirotidore, to yicōari, mani ñaroti sitare quēne manire cūbosamasiñuju. ²⁷ “Ĭabujayamagū ñaboarine, yure ĩna sēñijama, yure masiruarāma ĩna” yigu, to bajiro manire rujeomasiniñuju ĩ. Sōju me ñaami. Ado mani rācane ñacōagūmi. ²⁸ ĩ suorine catiaja mani. Sīgūri mūa yarā ado bajiro ucamasiniñuma ĩna: “Mani rūcubuoñu yarā ñaja mani. To bajiri ĩ rīa ñaja mani”, yiuamasiniñuma. ²⁹ To bajiri, Dios rīa ñari, “Orone, cōme vetane, gūtane masare bajirā ĩna quēnoriarā ũgū ñagūmi mani rūcubuoñu”, ĩre yituoñabeticōato. Masa ĩna quēnoasema Diore bajiro bajise me ñaja ti. ³⁰ Tirāmūjurema, “Ado bajirā ñarāma” ĩna masune yiquēnorujeocōari, ĩna yirūcubuoñasere bojabecu ñaboarine, rojose yibetimasiniñumi Dios, “Ĭ bojabetire yirā yirāja mani” ĩna yimasibetijare. To bajiboarine yucārema, “Yu ĩavariquēnabetire yitujacōari, yu bojasejuare yiya”, yami Dios, masa ñajedirore. ³¹ To bajiri, “Cojorāmū masa ĩna yisere riojo ĩabeserocure cūrūcūja yu”, yimasiniñuju Dios. To bajiro ĩ yir'ī ñari, adi macarūcurojare ejacōari, ĩ rijato bero Dios ĩre ĩ catiore ñajare, “Masa ĩna yisere ĩabeserocu ñaami”, yimasire ñaja —ĩnare yigotiyuju Pablo.

³² “Bajirocacoaboarine quēna tudicaticoasuju” Pablo ĩ yigotisere ajicōari, ĩre ajayujarā ĩna, sīgūri. To ĩna yirone, gājerāñuama:

—To mū gotiserema, gajerāmū mūre ajiruarāja —ĩre yiyujarā ĩna.

³³ To bajise ĩre ĩna yijare, vacoasuju Pablo. ³⁴ Sīgūri, Pablo ĩ gotisere ajicōari, Jesúre ĩre ajitirūñūñuyujarā ĩna. Dionisio, Areópago masu ñañuju ĩ. To yicōari, Dámaris vāme cutigo, gājerā quēne ñañujarā ĩna.

18

Corinto vāme cuti macaju Pablo ĩ bajire queti

¹ To bajiro bero, Atenas macaju ñar'ī, Corinto vāme cuti macaju vacoasuju Pablo. ² Toju ejacōari, Ponto sitaju ruyuar'ī jud'io masu Aquila vāme cutigūre ĩabujayuju. Italia sitagu ũju Claudio vāme cutigu, Roma vāme cuti macajure jud'io masa ĩna ñasere bojabecu ñari, ĩnare varotiyuju ĩ. To ĩ yijare, Italiaju ñariarā, Corinto macaju ejayujarā ĩna, Aquila, ĩ manajo Priscila vāme cutigo rāca. ĩnare ĩabujar'ī ñari, ĩna ya viju ĩnare ĩagū vasuju Pablo. ³ Vaibucurā

† 17:19 Areópago vāme cutore rējarūñūñariā Areópago vāme cutiyujarā.

gaserorine viri buarotire quēnocōari, vaja sēnirā ñañujarā ña. To bajiri Pablo quēne, tire moarūgūr'i ñari, ña tuju ñacōari, ña rāca moañuju ĩ. ⁴ Ña rāca ñacōari, usasājariarūm ti ejaro Dios ocare ña bueriviju vacōari, jud'io masare, griego masare quēne, “Jesús yere ajitirūnūato” yigu, ñare gotimasiorūgūñuju Pablo.

⁵ Macedonia sitaju ñariarā, Pablo ĩ ñarōjare Corinto macajure ejayujarā Silas, Timoteo rāca. To bajiri ña ejaro bero, vaibucurā gaserorine viri buarotire ĩ quēnorūgūboarere yitujacōari, tocārācarūmāne jud'io masare ñare gotimasiorūgūñuju. “Jesúsne ñaami masa rojose ña tāmuborotire ñare yirētobosacōari, rotimorūgōrocu, Dios ĩ cōar'i”, ñare yigotimasiorūgūñuju Pablo. ⁶ To bajiro ñare ĩ yigotiboajaquēne, ĩre ajiterā “Rojose yigu ñaami Pablo. Socaga ñaami”, yiyujarā ña. To bajiro ĩre ña yijare, “To cōrone muare gotitujagu yaja” yigu, ĩ sudi sāñasere tūayayeyuju Pablo. To yicōari, ado bajiro ñare yiyuju:

—Jesús suorine Dios quēnaro ĩ yisere muare yu gotisere ajiterā ñari, suoye cutiaja mua. Yu suori me bajiruarāja mua. To bajiri, jud'io masa mejuare muare yu gotiboasere ñare gotiguacu yaja yu —ñare yigotiyuju Pablo.

⁷ To yigajanocōari, ti vi ñar'i, budicoasuju ĩ. Ti vi ture ñañuju Ticio Justo vāme cutigu ya vi. Jud'io masu me ñaboarine, Diore ajiracubogū ñañuju ĩ. To bajiri ĩ tū sājasuju Pablo. ⁸ Jud'io masa Dios ocare ña buerivi uju Crispo vāme cutigu, ĩ ya viana, to yicōari Corinto macana quēne, jājarā Pablo ĩ gotimasiosere ajicōari, “Jesūrācana ñaja yua” yirā, oco rāca bautizarotiyujarā ña. ⁹ Cojo ñami Pablore ruyuañocōari, ado bajiro ĩre yiyuju Jesús, mani uju:

—Güibesa. Güibecune yu yere ñare gotimasiocōa ña. ¹⁰ Mu rācane ñaja yu. To bajiri mure ñacōari, rojose mure yirocu maami. Adi macare jājarā ñaama yure ajitirūnūrā —Pablore ĩre yigotiyuju Jesús. ¹¹ To bajiri cojo cāma jedi, gaje cāma gudareco Corintojare Dios ocare ñare gotimasio ñañuju Pablo.

¹² Tirodore Acaya sita uju ñañuju Galiōn vāme cutigu. To bajiri Pablo ĩ gotimasio ñarone, jud'io masa, ĩre ñacōari, Galiōn tuju Pablore ĩre āmiasujarā ña, “ ‘Rojose yigu ñañumi’ ĩre yato” yirā. ¹³ To ejacōari, ado bajiro Galiōne gotiyujarā ña:

—“Ado bajiro yure yiracuborūgūñuarāja mua” Dios ĩ yicūmasire mere masare ūmato yirūgūami —ñare yigotiyujarā ña.

¹⁴ To ña yijare, Pablo ĩ ñagōgnadone, ado bajiro ñare gotiyuju Galiōn:

—Rojose ĩ yire ti ñajama, “Rojose yigu yiyumi”, muare yiajiboguja yu. ¹⁵ To bajiboarine mua ñicua ña yirūgūrere ĩ yijama, ĩ yibetiaquēne, no yibeaja, yurema. To bajiri no yigu ĩ yirere ñacōiabecuja yu. Mua masune tire oca quēnoña —ñare yiyuju Galiōn, jud'io masare.

¹⁶ To yigajanocōari, ñare budirotiyuju ĩ. ¹⁷ To ĩ yirā, budianane Dios ocare ña buerivi uju Sōstenes vāme cutigure ñare ūmato var'irene ñacōari, quēañujarā ña. To ña yiboajaquēne, “To yaja mua”, ñare yibeticōañuju Galiōn.

Antioqu'ia macaju tudiejacōari bero, Dios ocare Pablo ĩ tudigotigu vare queti

¹⁸ To bajiro bero, Corinto macajure yoaro ñacōañuju Pablo. To bajinaboacu, Jesúre ajitirūnūrāre vare goti, vacoasuju. Priscila so manaju Aquila quēne ĩ rāca vasujarā ña, Siria sitaju vana. Cencrea macaju ejacōari, “Tire yiracuja yu” Diore ĩre yir'i ñari, ĩ rājōa joare suarotiyuju Pablo. To bajiro ĩ yiro bero, cūmuane Efeso macaju vacoasujarā ña. ¹⁹ Ti macaju ejacōari, Priscila so manaju Aquila rāca to ña ñatoyene, jud'io masa Dios ocare ña bueriviju vasuju Pablo. Ti vi ejacōari, ñare gotimasioñuju ĩ. ²⁰⁻²¹ To ĩ yinārone,

—Yuā rāca yoarobusa ñacōaña —ñare yiboayujarā ña.

To ña yijare,

—Mua rāca yoaro ñamasibeaja yu. Dios ĩ boajama, quēna muare ñagū vadiracuja yu —ñare yiyuju.

To yicōari, ñare vare goti vacoasuju cūmuane, Cesarea macaju vacu. ²² Cesarea macare ejacōari, Jerusalēnu vacoasuju ĩ. To ejacōari, Jesúre ajitirūnūrāre ñare quēnaroti gajanocōari, Antioqu'ia macaju vacoasuju. ²³ Ti macaju ejacōari, yoaro ñañuju. To bajinaboacu, vacoasuju Galacia sitajure, to yicōari, Frigia sitajure quēne, Jesúre ajitirūnūrāre “Butobusa ajitirūnūrūtujaro” yigu, ñare goticudiguacu.

Efeso macajure Apolos vāme cutigu ĩ gotimasioire queti

²⁴ Tirodore Efeso macaju ejayuju jud'io masu, Apolos vāme cutigu. Alejandr'ia vāme cuti macaju ruyuar' ĩ ñañuju ĩ. Dios ocare masa ña ucamasirere quēnaro masigū ñañuju ĩ. ²⁵ “Jesús ñañumi, ‘Rotimorūgōrucumi’ yigu, Dios ĩ cōar'i” gājerā ña yigotimasior' ĩ ñañuju ĩ. “Rojose mua yisere yitujacōari, ‘Dios ĩ bojasejuare yiruarāja’ yirā, oco rāca bautizarotiya” Juan ĩ yire rīne masiñuju ĩ. To bajiboarine, ĩ masiro cōro quēnaro gotimasio variquēnañuju. ²⁶ Ti macaju ejacōari, Dios ocare ña buerivijure bojonebecune ñare gotimasioñuju ĩ. To bajiro ĩ yisere ajiyujarā ña, Priscila, so manaju rāca. Tire ajicōari, “Cojo vāme ĩre ruyaja” yirā, ricati ĩre jicāmotocōari, ĩre gotirēmofñujarā ña, Jesús ocare, to yicōari ĩ bajirere quēne. ²⁷ ĩ

gotimasiorotire Ìre Ìna gotirēmoro bero, Acaya sitana Jesùre ajitirānūrā Ìna ñaroju varua tuoiañuju Apolos. “To mu vajama, quēnamasucōaroja ti”, Ìre yiyujarā Ìna, Efeso vāme cuti macana Jesùre ajitirānūrā. To bajiri Acaya vāme cuti sitanare queti Ìnare ucacōañujarā Ìna, “Apolo mua tu Ì ejaro, quēnaro Ìre bocaāmiña mua” yirā. To bajiri, Acayajure vacoasuju Ì. To ejacōari, Dios Ì ejarēmose rāca Jesùre ajitirānūsuararēre ado bajiro Ìnare yirēmofuju Apolos: ²⁸ Quēnaro tuoiağū ñari, masa Ìna ñaro rġorojua, jud'io masa Ìna gotiboasere, “To bajiro me bajiaja” yigu, Dios oca masa Ìna ucamasirere gotiyuju Ì.

—“Rotimūorūğōrucumi” yigu Dios Ì cōar'i, Ìne ñaami Jesús —yigotimasioñuju Ì.

Quēnaro Ì gotimasiojare, “To bajiro me bajiaja”, yimasibesujarā jud'io masa.

19

Efeso vāme cuti macaju Pablo Ì bajire queti

¹ Corinto vāme cuti macaju Apolos Ì ñatoyene, Pablojua gūtayucu vatoaju ñarimacarire rētoacōari, Efesoju ejayuju. Toju ejacōari, Jesùre ajitirānūrāre sīgūrire Ìnare bujayuju Pablo.

² Ìnare bujacōari, ado bajiro Ìnare sēniñañuju:

—Jesùre Ìre mua ajitirānūsuariju, ĺDios Ì cōagū Esp'iritu Santo muare ejacati? —Ìnare yiyuju.

To Ì yisere ajicōari,

—ĺNimu ñati Dios Ì cōagū Esp'iritu Santo mu yiguma? Ìre masibeaja yua —Ìre yicadiyujarā Ìna.

³ To Ìna yisere ajicōari,

—ĺÑie ũnire yirā, oco rāca bautizaroticati mua? —Ìnare yisēniñañuju Pablo.

To Ì yisere ajicōari,

—Juan Ì yirere yirā, oco rāca bautizaroticaju yua —Ìre yicadiyujarā Ìna.

⁴ To bajiro Ìna yijare,

—“Rojose yiruabeaja yua. Dios Ì bojasejuare yiruārāja yua” yirāre Ìnare bautizayuju Juan. To yicōari, “Yu bero ejarocure Ìre ajitirānuma mua”, Ìnare yigotiyuju Ì, Jesús Ì ejarotire yigu —Ìnare yigotiyuju Pablo.

⁵ To yicōari Jesús Ì gotimasiorere, Ì bajirere quēne Ìnare gotiyuju Pablo. Tire ajicōari, “Manire rijabosayumi Jesús mani uju. To bajiri Ì rācana ñaja yua” Ìre Ìna yiajitirānūsuarere, oco rāca Ìnare bautizayuju Pablo. ⁶ To yigajanocōari, Ì āmori rāca Ìnare Ì ñueorone, Esp'iritu Santo Ìnare ejayuju. To Ìnare Ì bajirone, ajiyamani oca ñagōñujarā Ìna. To yicōari, Diore Ìre gotirētobosayujarā Ìna. ⁷ Juaāmo cōro, gubo jua jēnituarirācu ñañujarā Ìna.

⁸ Jud'io masa Dios ocare Ìna bueriviju tuoiağūbecune idiarā mujuua ado bajiro Ìnare gotimasio ñañuju Pablo:

—Jesune ñaami “Rotimūorūğōrucumi” yigu, Dios Ì cōar'i. Ìre ajitirānūrāre, “Yu rācana ñaama” Ìnare yīlavariquēnaami Dios —Ìnare yigotirūğūñuju.

⁹ To bajiro Ìnare Ì yigotiboajuquēne, sīgūri Ìre ajitecoasujarā Ìna. To bajiri, “Jesús yere ajitirāna suyare socase ñaja”, yigotiyujarā Ìna, ti vi rējarāre. To bajiro Ìna yijare, Tirano vāme cutigu ya vi, bueriviju Jesús yere ajitirānūrāre Ìnare ũmato vacōari, tocārācarāmune Ìnare gotimasiorūğūñuju Pablo. ¹⁰ Jua cūma Ìnare gotimasio ñañuju Ì. To bajiri Asia sitana, jud'io masa, to yicōari griego masa quēne, mani uju Jesús Ì bajirere to yicōari, Ì gotimasiorere Pablo Ì gotisere ajijedicoasujarā Ìna. ¹¹ Tirodore Ìaiañamanire Dios Ì masise rāca yīoñuju Pablo. ¹² To bajiri, Pablo Ì masune rijaye cutirāre Ì moaiagū vabetiboajuquēne, sudi joeaye, to yicōari Ìna rujoa siariarorine Pablore Ìre moaiaroticōari, juacoarūğūñujarā rijaye cutirā tuju. Tire Ìna juaejasere moaiarāne, caticoarūğūñujarā. Masa usuriju sāñarā vātia quēne, budicoarūğūñujarā.

Masu usuju sāñagūre vātire, “Budiya”, Esceva rā Ìna yiboare

¹³ Masa usuriju sāñarāre vātiare bureacōari, vaja sēnicudirimasa ñañujarā Ìna, Ìaiañamanire Pablo Ì yīorirodore. To yirūğūriarā ñari, “Jesús Ì rotise rāca yaja yua” mani yijama, quēnaro manire cudiruarāma vātia”, gāmerā yiyujarā Ìna. To yirā ñari, “Pablo masare Ì gotimasiorūğūgū, Jesús Ì rotise rāca budiya”, yirūğūñujarā Ìna, masa usuriju sāñarāre vātiare.

¹⁴ To bajiro yirūğūñujarā jud'io masu paia uju ñamasugū Esceva vāme cutigu rā. Cojomo cōro, jua jēnituarirācu ñañujarā Ìna. ¹⁵⁻¹⁶ To bajiro yirūğūriarā ñari, vāti sāñagū Ì ñarivijure sājaecōari, “Jesús Ì rotise rāca budiya”, yiboayujarā, masu usuju sāñagūre vātire. To Ìna yirone,

—Jesúrema masiaja yu. Pablore quēne Ìre masiaja. To bajiboarine muarema masibeaja —Ìnare yicōañuju vāti. To yigune, —Ìnare quēaña mu —yiyuju vāti, Ì sāñagūre.

To Ì yijare, Ìnare quēcōari, Ìna sudire voreajeocōañuju. To Ì yiriarā, cāmitori cuticōari, sudi manane, ũmabudicoasujarā, Ìre rudiana. ¹⁷ Efeso macana, jud'io masa, to yicōari griego masa

quêne, to bajiro Esceva rîa îna yiecorere ajicôari, buto giuiyujarâ îna. To yicôari, Jesûs yere îna gotijama, rûcubwose râca gotiyujarâ îna.

¹⁸ To yicôari, Jesûre ajitirânurâ, Dios î bojabetire îna yirûgûrere masa îna ajiro rîjorojua gotirâ ejayujarâ îna, “Tire tudiyibetiruarâja yua” yirâ. ¹⁹ “Gâjerâ rêtoro masirâ ñaja yua” yirâ, îlañamani yîlorimasa, îna ucariatutirire buerâ ñañujarâ gâjerâma. To bajiri îna buerûgûriatutirire juadicôari, soereayujarâ îna, masa îna îaro rîjorojua. Cincuenta mil ñaritiiri cõro vaja cuti ñañuju titutiri. ²⁰ To bajiri, Jesûs yere ajitirânurâ jâjarâbusa ñarûtuasujarâ îna.

²¹ To bajiro ti bajiro bero, ado bajiro yiyuju Pablo: “Macedonia sitanare, Acaya sitanare îacudigû varocû ñagûja yu. To bajigûne, Jerusalén macajure ejacoarucûja yu. Tî macajure ñacôari, Roma vâme cuti macajure quêne ejacoarucûja yu”, yituoîañuju Pablo. ²² To bajiro yituoîagû ñari, Macedonia sitajure î varoto rîjoro, îre ejarêmorâre, Erasto, to yicôari, Timoteore înare cõañuju î. Îjuama, Asia sitajure ñacõañuju maji.

Efeso macagû Demetrio vâme cutigû, Jesûre ajitirânurâre rojose î yirûare queti

²³ Tirodore Jesûs yere ajitirânurâmena, Jesûs yere ajitirânurâjuare buto jûnisiniñujarâ, Efeso macana rîne ñaboarine. ²⁴ Demetrio vâme cutigû ñañuju. Masore bajigo ñagôre îna quênorio Artemisa vâme cutigore îna rûcubworivire bajiriviriaca cõme botisene quênocôari îsigû ñañuju î. Gâjerâ quêne, î quênose ûnire quênorimasa ñañujarâ îna. Tire quênorâ ñari, tire îsicôari, jairo gâjoa bujarûgûñujarâ îna. ²⁵ Îre bajiro moare cutirâre, to yicôari îre moabosarimasare quêne jirêoñuju Demetrio. Î tu îna ejarone, ado bajiro înare gotiyuju î:

—Mani moase jairo vaja cutiaja ti. Tire manire îna moarotibetijama, ñie mana ñaruarâja mani. Tire masiaja mua. ²⁶ Pablo î gotirûgûsere ajirûgûaja mani. “Masa îna quênorâma, rûcubworiarâ me ñaama”, yigotirûgûami. To bajiro î gotisere ajitirânurâ, adi macana rîne ñabeama. Asia sita ñaro cõrone ñarâma, î gotisere ajitirânurâ. ²⁷ To bajiro î yigoticôa ñajama, mani quênosere vaja yibeticôari, Artemisare sore rûcubworâ îna ejarûgûrivijure ejabetiruarâma îna. To yicôari, Asia sitana jediro, adi macarucûro ñarâ jediro, sore rûcubwoariarâ sore rûcubobetiruarâma yuja —înare yigotiyuju Demetrio.

²⁸ To bajiro înare î gotijare, ajijûnisinicôari, ado bajiro avasâñujarâ îna:

—Mani ya maca, Efeso vâme cuti macago ñaamo Artemisa. Ñamasugô ñaamo —yiavasâñujarâ îna.

²⁹ To bajiro îna yiavasâ ñarone, jâjarâbusa îna tujure rêjacôari avasârêmoñujarâ îna. To yînarâne sigû î tuoiarone bajiro tuoîacôari, Gayore, Aristarcore quêne înare ñejeñujarâ. Macedonia sitana ñañujarâ îna, Pablo râcana. Înare ñejeçôari, ti macana ñajediro îna rêjarûgûriaroju înare juaásujarâ îna. ³⁰ “Îna rêjaroju înare juacoasujarâ” îna yisere ajicôari,

—Înare juavariarâre ñagôgû vacu yaja —yiboayuju Pablo.

To î yisere ajicôari, îre varotibesujarâ gâjerâ Jesûre ajitirânurâjua. ³¹ Gâjerâ Pablo babarâ, Asia sitana ejarâ sigûri, ti macare ejariarâ, “Tojure vabeticôato” Pablora îre yire queti cõañujarâ, “Îre ñiaroma” yirâ. ³² Tojure rêjarâ, rujajine tuoîamecucõañujarâ îna. To bajiri, no îna bojarone ricatiri rîne avasâcõa ñañujarâ îna. “Tire yirâ rêjamu mani”, yimasibeticõañujarâ. ³³ To bajiro îna yînarone, “Yuare ñagôbosaya; manire quêne rojose yiroma îna” yirâ, îna yu Alejandro vâme cutigûre îre turocavioyujarâ jud'io masa. To îna yijare, “Avasâtujaya” yigu, î âmo râca vâre vâre yiboayuju. ³⁴ To bajiro î yiboajaquêne, “Jud'io masune ñaami î quêne” îre yîlamicôari, jua hora cõro, îna jedirone avasâjedicõañujarâ îna.

—Mani ya maca, Efeso vâme cuti macago ñaamo Artemisa. Ñamasugô ñaamo —yiavasâ ñañujarâ îna.

³⁵ To îna yînarone, ti macana uju,

—To cõrone avasâtujaya —înare yiyuju.

Îna avasâtujarone ado bajiro înare gotiyuju:

—Ajiya mua, adi macana: Masa jedirone, “Artemisare sore rûcubworivire, to yicôari, ô vecaju quedirujadiarijare sore bajigo ruyuriu, masa îna rûcubworijure coderimasa ñaama”, manire yimasama îna. ³⁶ To bajiro îna yîñajare, rujajine yibesasa. Quênaro tuoîacôari yiya. ³⁷ Mani rûcubwogore rujajine sore îna yibetiboajaquêne, to yicôari rûcubworivariyere îna juarudibetiboajaquêne, ânoare înare ñejeayuja mua. ³⁸ Demetrio, to yicôari, î quênose ûnire quênorimasa quêne, “Rojose yuare yama” îna yirûajama, masa îna yisere îacôarimasa tujure vajaro. Îna ñaama, tire yirimasama. ³⁹ Gaje vâme mua ñagôrua tuoîajama, ejarâ îna rêjaroju vacôari, quênaro tire gotiroti ñaja. ⁴⁰ “¿No yirâ rujajine yimasiri mua?”, manire yisênîarâma romano masa, mua avasâcõa ñajama. To bajiro manire îna yisênîarone, “To bajiro ti bajijare, yibu yua”, îna yigotimasibetiruarâja mani. To bajiri, “Rujajine mua yicudire vaja, rojose

tāmōuarāja mña” manire yiroma —Inare yiyuju ũju. ⁴¹ To yigotigajanocōari, —Mña ya viriju tudiasa —Inare yiyuju ĩ.

20

Macedonia sitanare, Grecia sitanare quēne Pablo ĩ goticudire

¹ To bajiro ĩna yiriaro bero, “Ado bajiro ñaruarāja mña” ĩnare yigotiru, Jesúre ajitirñuräre ĩnare jirēñuju Pablo. To yigajanocōari, ĩnare vare goti, vacoasuju ĩ, Macedonia sitaju vacu. ² Ti sitaju ejacōari, Jesúre ajitirñuräre, butobusa ĩre ĩna ajitirñurōtire ĩnare goticudiyuju. To yicōari, Grecia sitaju vacoasuju ĩ. ³ Ti sitaju ejacōari, idiarā muijua ñañuju ĩ. To bajiñaboa, Siria sitajure varuaboayuju. Jud’io masa ĩre ĩna śaruasere ajicōari, vabesuju. To bajiri, “Macedonia sitare rētoarucuja yu, Efeso macaju vacu”, yituoñañuju Pablo. ⁴ ĩre baba cuti vacana ado bajiro vāme cutirā ñacama ĩna: Berea vāme cuti macagu, Pirro macu Sópater vāme cutigu ñacami. To bajicōari, Segundo, Aristarco ñacama Tesalónica macana. Derbe vāme cuti macagu Gayo quēne ñacami. T’iquico, Tróximo, to yicōari, Timoteo ñacama ĩna Asia sitana. ⁵ Troas vāme cuti macaju vana, yua rĳoro vacoacama ĩna, toju yuare yuroana. ⁶ Boserũmu pan ũmato vauvase vuoyamani bariarũmuri bero, vacaju yua, Filipos vāme cuti macaju. Ti maca ñariarā, Troas macajuare vana, cojomocārācarũmu bero, ejacaju yua, ti macajure. Ti macaju yuare yuyuma rĳoro vacana. ĩna rāca cojomo cōro, jua jēnituarirũmuri ñacaju yua.

Troas macanare Jesúre ajitirñuräre Pablo ĩ gotire queti

⁷ Sábado rāioriju rējacaju yua, Jesúre ajitirñuräre. “Yu rijato bero, muare yu rijabosarere tuoñarā, uye ocore idi, to yicōari, pan ba, yirũgũuarāja mña” Jesús ĩ yiroticũre ñajare, tire yiruarā rējacaju yua. Yua baroto rĳoro, Jesús ocare ĩnare gotimasiocami Pablo. Busuriju varocu ñari, goticōa ñacami. ĩ gotiñaro rĳne, ñami gadareco ejacoacaju. ⁸ Idiatuti cutivi ñacaju yua rējacativi. To bajiri tusaritutijure ñacaju yua. Jairo ślabusuore ñacaju ti. ⁹ Mame bucnaugu Eutico vāme cutigu, yua rāca ñacami. ĩaburiasojeure rujićōari, cānjuriarujicami. To bajica yigu, quedijasĩacocami. To bajiri rijar’ire tũavũmuoboa yicōacama. ¹⁰ To ĩna yisere ĩacōari, rujiadicami Pablo. Rujejacōari, ĩre tũavũmuogũne, jabariocami. To yigũne,

—ĩaucabeticōaña. Rijayayibeami —yuare yicami.

¹¹ To yicōari, mujacoacami quēna. Jesús ĩ rijabosarere tuoñagũ, bare ũmato bacami. To yicōa, gotirũtuacune gotibusuocoacami. To ĩ yigajanoro bero, vacoacaju yua. ¹² Ti macana, variquēnarāne Euticore ĩre tũacoacama ĩna, Pablo ĩ catior’ire.

Mileto macajure Pablo ĩ vare queti

¹³ Maane Pablo ĩ varoto rĳoro, cũmuane Aso macaju vacaju yua, “Toju yure sũruarāja mña” ĩ yijare. ¹⁴ Aso macaju yua ejaro bero, maaju vadicōari, ejacami. ĩ ejaro bero, Mitilene vāme cuti macaju ĩre sũvacaju yua. ¹⁵ Ti macaju yua ejabusuocatirũmare Qu’io vāme cutiyoa cānamũñore ejacaju yua. Gajerũmu, Samos vāme cutiyoaju ejacaju yua. Gajerũmu vana, Mileto vāme cuti macaju ejacaju yua. ¹⁶ Asia sitajure yoaro ñaruabecu ñari, “Efeso macare rētoaruarāja mani”, yicami Pablo. Jerusalénjure Pentecostēs boserũmu rĳoro ejaruagu ñari, guaro varuacami.

Efeso macanare Jesúre ajitirñuräre Pablo ĩ gotitusare queti

¹⁷ Mileto macajure ñacōari, Efeso macana Jesúre ajitirñuräre ũmato ñaräre jigu, ĩnare uacacōacami Pablo. ¹⁸ ĩ jicōarā ĩna ejaro, ado bajiro ĩnare goticami Pablo:

—Mña tũju ejasuogu, quēnaro yu yirũgũcatire bajirone yu yicōa ñasere masiaja mña. ¹⁹ Mani ũju Jesús ĩ bojasere yu yijama, yu masune tuoñacōari, yigu me yirũgũcaju yu. Yu yarā jud’io masa yure ĩna śaruajare, buto rojose tãmucaju yu. Cojo vāme me rojose tãmucōari, otirũgũcaju yu. ²⁰ Mña rĳiriviriju, to yicōari mña ya virijure quēne, yure ĩna śaruasere gũibecu, muare ejarēmora, yu masiro cōro Dios ocare muare gotimasiorũgũcaju yu. ²¹ Jud’io masare, to yicōari, jud’io masa me ñaräre quēne, “Rojose mña yisere yitajacōari, ‘Dios ĩ bojasejuare yiruarāja. To yicōari, mani ũju Jesucristo ĩ rijabosare suorine rojose yua yisere Dios ĩ masiriojare, ĩ rāca quēnaro ñaja yua’ yituoñaña”, muare yigotirũgũcaju yu. ²² Esp’iritu Santo yure ĩ rotise rāca, Jerusalén macaju vacu bajiaja yu. Toju yure bajirotire masibetiboarine, bajiaja yu. ²³ To bajiboarine masiaja yu, bajigujuma. Tocārāca macari yu ejaro, Esp’iritu Santo ado bajise yure gotirũgũami: “Tubibe ecorucuja mu. To yicōari, gajeye rojose tãmucucuja mu”, yure yigotirũgũami. ²⁴ Tire tuoñaboarine, yu bajirotire gũibeaja yu. Ñamasuse me ñaja ti. Ado bajisejua ñaja ñamasuse: Masare Dios ĩ maisere quēnase quetire mani ũju Jesús yure ĩ gotiroticature tire yijeocōaruaja yu.

h 20:4 Macedonia sitaju ñacōari, Pablo rācanare ĩari ñari, “Adocārācu ñacama”, yiucauyumi Lucas. To yicōari, ĩ rāca varĩ ñari, “Bajicaju yua”, yiucauyumi.

²⁵ Dios i bojarore bajiro Jesúre ajitirünurere muare gotimasio gajanocôja ya. To bajiri yure tudiiabetiruarâja mua. ²⁶⁻²⁷ Quênaro yure ajiya mua: Güibecune, jediro Dios i bojaro cõrone muare gotijeocôcaju ya. To bajiri, “Pablo, quênaro yuare i gotibeticati suori rojose tâmuoaja yua”, yibetiruarâja mua. ²⁸ “Rojosere yibetiruarâja”, yituoîacôa ñarügüruarâja mua. Mua râcanare îre ajitirünurâre îtare rijabosayumi Jesús, “ ‘Yu yarâ ñaama’ yîîato Dios” yigu. To bajiri, Esp’iritu Santo muare i roticüiarore bajirone quênaro îtare ûmato ñarügüruarâja mua. ²⁹ Yu vaveoro bero ejaruarâma gâjerâ, “Diore gotirêtobosarimasa ñaja yua” yitorimasa. Mua ñaro vatoajure ejacôari, îna gotitose suorine Jesúre ajitirünû tujacôari, rojose tâmuoruarâma mua râcana. ³⁰ Mua quêne, Jesúre ajitirünurâre ûmato ñarâ ñaboarine, “To bajiro me bajiaja. Ado bajirojua bajiaja ti”, yisocaruarâja mua sîgûri, “Yuajuare ajisuyato îna” yirâ. ³¹ To bajiro bajiroti ti ñajare, “Rojose yibetiruarâja”, yituoîacôa ñarügüruarâja mua. Tocârâcurene, idia câma tire muare gotirügücaju ya, ûmuari, to yicôari ñamire quêne. Tire muare gotiñagûne, sîgûri mua bajirotire tuoîacôari, cojoji me otisatiritirügücaju ya.

³² To bajiro muare yirügücacu ñari, “Înare îatirünûña”, yisêniaja ya, Diore. Muare îamaicôari, quênaro Dios i yisere, to yicôari muare ya gotimasiocatre quêne tire masiritibetiruarâja mua. Tire mua masiritibetijama, Jesúre batobusa ajitirünurûtuuaruarâja mua. To yicôari, Dios rîa ñari, mua rijato beroju i gotiriarore bajirone i ñarojare quênaseayere bujaruarâja mua. ³³ Dirûmu ûnone gâjerâ îna cuosere gâjoare, sudire îtare sênigôjanabiobetirügücaju ya. ³⁴ Yu masu moacôari, yu bojasere, yu râcana îna bojasere quêne tire vaju yirügücaju ya. Tire masiaja mua. ³⁵ To bajiro ya yijama, “Mani bojasere, to yicôari, maioro bajirâ îna bojasere îtare vaju yîisîruarâ, quênaro moarügûroti ñaja” yigu, yicaju ya. Ti ûnire ado bajiro manire gotimasioñuju mani uju Jesucristo: “Îsiecôari, i variquênaro rêtoro variquênagûmi gâjerâre i îsijama”, manire yigotiyuju Cristo. To bajiri, tire masiritibeticôaña mua —îtare yigoticami Pablo, Efesoana Jesúre ajitirünurâre ûmato ñarâre.

³⁶ To bajiro îtare yigotigajanocôari, îna râca gusomuniari tuetucôari, “Diore sênito mani”, îtare yicami Pablo. ³⁷ To i yigajanoro bero, otirâne Pablöre îre jabario, usu, yicama îna. ³⁸ “Yure tudiiabetiruarâja mua” i yijare, bato satiriticama îna. To bajirâ ñari, cûmua yua vasâjavatoju yuare îasuyaejocama îna.

21

Jerusalénjüre Pablo i vare queti

¹ Îtare vare gotigajano, vasâja, vacoacaju yua, Cos vâme cutiyoaju. Gajerûmu vana, Rodas vâme cutiyoaju ejacaju yua. Tiyoare rêtoanane, Pátara macaju ejacaju yua. ² “Fenicia sitajure vana yaja”, yicama. To bajiri îna vatiane îna râca vacoacaju yua. ³ To bajivana, Chipre vâme cutiyoare îcaju yua. To bajiri, tiyoa visarore vacaju. To baji rêtoanane, Siria sitaju ejacaju. Ti sita ñarimaca, Tiro vâme cuti macaju rocatuejacôari, gajeyêni cûcama îna. ⁴ Tone tujacaju yua quêne. To bajiri toanare Jesúre ajitirünurâre îabujacôari, cojomo cõro jua jênituarirûmuri ñacaju yua, îna râca. To yua bajiñaro Esp’iritu Santo Pablo i bajirotire îtare i gotirere masirâ ñari, “Jerusalénjüre vabeticôaña mu”, îre yiboacama îna. ⁵ To îna yiboajaquêne, vacoacaju yua quêna. Îna manajoa, îna rîa, jediro yuare îasuyarâ vadicama îna. Îna râca jabuaju rojaejacôari, gusomuniari tuetucôari, Diore sênicaju yua. ⁶ Diore sênigajanocôari, îtare vare goti, vasâja, vacoacaju yua. Îna quêne, îna ya viriju tudicoacama.

⁷ Tiro variarâ, Tolemaida vâme cuti macaju ejacaju yua. To ejacôari, Jesúre ajitirünurâre îabujacaju yua. To bajiri îna râca cororûmu ñacaju. ⁸ Gajerûmu Cesarea vâme cuti macaju vacaju yua. To ejacôari, Felipe ya viju vacaju. Jesús i bajirere gotimasiogû ñacami Felipe. Jerusalén macana Jesúre ajitirünurâre, “Bare batoato” yirâ îna beseriarâ râcagu ñacami. ⁹ Babaricârâco rîa rômiri cuticami. Manajua mana ñacama. Diore gotirêtobosarimasa rômiri ñacama îna. ¹⁰ Yoaro i tu ñacôcaju yua. To yua bajiñaro, Agabo vâme cutigu ejacami. Judea sitagu Diore gotirêtobosarimasa ñacami. ¹¹ Yua tu sâjaejacôari, Pablo i vênarigaserore tûaveaâmicami. To yicôari, i âmorire, i guborire quêne siacami, ti gaserone. To yigune, ado bajiro yicami:

—Esp’iritu Santo ado bajiro yure gotiami: “Yu âmori, yu gubori yu siarore bajiro Pablöre îre siaruarâma îna jud’io masa, Jerusalén macana. Îre siacôari, jud’io masa me ñarâre îsîruarâma”, yure yigotiami Esp’iritu Santo —yuare yigoticami Agabo.

¹² To i yisere ajicôari, Cesarea macana, yua quêne, Jerusalénjüre Pablöre îre varotibetibocaju. ¹³ To yua yirone, ado bajiro yuare yicami:

—¿No yirâ otiami mua? Yure yisutiriobeticôaña. Jesúre ajitirünugû ya ñajare, jud’io masa Jerusalén macana yure îna siajama, îna sîajaquêne quênacôaruaroja. To bajirone mani uju Jesús i bojajama, “To bajirone bajiato”, yaja ya —yuare yicami Pablo.

¹⁴ To bajiro yuare i yicudijare, “Vabesa”, îre yibeticaju yua.

—Dios i bojarore bajiro bajiya mu —îre yicôcaju yua yuja.

¹⁵ Tiju bero, yua gajeyēñire quēnosā, Jerusalénju vacoacaju yua. ¹⁶ Sīgūri Cesarea macana Jesúre ajitirūnarā, yuare ūmato vacama, Chipreagu, Mnasón vāme cutigu ya viju. Toju yuare cū, tudicama ina, “Ī ya viju cāniato” yirā. Tirūmujane Jesúre ajitirūnugū ñacoayumi Mnasón.

Santiago Pablo ĩ tagā vare queti

¹⁷ Jerusalénjūre yua ejato, toana Jesúre ajitirūnarā, variquēnase rāca yuare sēnicama ina. ¹⁸ Gajerūmu yua rāca vacami Pablo, Santiago ya vijure. To ñañuma Jesúre ajitirūnarāre ūmato ñarā jedirone. ¹⁹ To bajiri inare quēnaroti gajanocōari, ĩ gotimasiore Dios ĩ ejarēmose rāca jud'io masa me ñarā Jesúre ina ajitirūnarere inare gotijeocōacami Pablo. ²⁰ To bajiro inare ĩ yisere ajicōari, “Dios suorine to bajiro yiyumi Pablo” yirā ñari, Diore yirūcūbuo variquēnacama ina. To yigajanocōari, Pablōre ado bajiro ĩre goticama ina:

—Adojure jārā masu ñacōama jud'io masa, Jesúre ajitirūnarā. To bajirā ñaboarine, “Moisés ñamasir'ire Dios ĩ roticūmasire quēne yicōa ñarūgūroti ñaja ti” yirā rine ñacōama ina. ²¹ To yicōari, ado bajiro mu yirūgūre yuare gotirūgūama: Jud'io masa, gaje sitaju ñarāre, “Moisére Dios ĩ roticūmasiboare tire yibeticōato mani. Rimasare quēne inare circuncisiōn yibeticōato mani. Mani ñicua ina yisūoadimasire quēne tire yibeticōato mani” inare mu yirūgūre ajicōari, yuare gotirūgūama —ĩre yicama, Pablōre.

²² —Mure jūnisinirā ñari, mu ejasere ajicōari, ejaruārāma ina. To bajiri, ¿no bajiro yiruārāda mani? ²³ Ado bajiro yirūcūja mu: Adore babaricārācū ūma ñaama ina, “Tire yiruārāja yua” Diore ĩre yirārā. ²⁴ Diore yirūcūbuoriavijure ina rāca vaju mu. Ti viju ejacōari, ina yirore bajiro yiba. “Tire yiruārāja” yicōari, yua yibetire masrioya Dios” yirā, ĩre ina soemuosere, to yicōari, ina joare ina suarotisere inare vaju yibosaba mu. To bajiro mu yijama, “Socarō bajiyu ti. Moisés ñamasir'ire Dios ĩ roticūmasire cudigu ñaami ĩ quēne”, mure yiruārāma ina, jud'io masa, mani yarā. ²⁵ Jud'io masa me ñaboarine, Jesúre ajitirūnarājūare adocārāma vāmene inare roticaju mani: “‘Ado bajirā ñarāma’ ina masune yiquēnorujeocōari, ina rūcūbuorā tujure vaibucurāre śiacōari, mojeroaca ina taju cūrāma. Tire babesa mu. Manajo cutirā, manaju cutirā, manajo mana, manaju mana quēne, gājerā rāca ajeriarā cutibesa. Vaibucurā mu śiariārē ina ri'ire yireamenane, babesa”, inare yicaju mani —Pablōre ĩre yigoticama ina, Santiago ya viju ñacana.

Diore yirūcūbuoriaviju ñagūre Pablōre ina ñiare queti

²⁶ To bajiri, gajerūmu Diore yirūcūbuoriaviju ina rāca vacami Pablo. To ejacōari, “‘Tire yiruārāja’ yure mu yicatore bajiro mu yibetire muare masriōaja yu’ manire yato Dios” yirā, ĩ babarā ina yirore bajiro yiyuju ĩ quēne. To yigajanocōari, paia taju sāsajuju, Diore yirūcūbuoriaviju. “Vaibucurā ina soemuorotirāmu ti ejaro vadirūcūja yu, ina soemuose vaju inare vaju yibosagu”, yigotiguacu bajiyuju ĩ.

²⁷ To yir'ī ñari, cojomo cōro, jua jēnituarirāmu ti ejaroto rījoro, vasuju Pablo, Diore yirūcūbuoriaviju. Ti viju ñagūre ĩre ñañujarā jud'io masa Asia sita vadiriarā. ĩre ĩacōari, “Rojose yirūgūr'ī ñaami”, masare yigotiyujarā, “Pablōre jūnisiniato” yirā. To ina yijare, ĩre jūnisinicoari, “ĩre ñiato mani”, yūmasujarā ina. ²⁸ To yicōari, ado bajiro avasāñujarā ina:

—Israel ñamasir'ī jānerabatia, yuare ejarēmōrā vayā. Rojose yigu ñaami āni. “Manire ĩateato” yigu, masa ñaro cōrone gotimasiocudirūgūami. To bajiro ĩ yirā ñari, Moisére Dios ĩ roticūmasiboare, to yicōari, Diore yirūcūbuoriavire rūcūbuobeama. To bajise inare gotirūgūr'ī ñari, Diore yirūcūbuoriavire rūcūbuobecu, griego masare inare ūmato sājāñumi —masare yivasā gotiyujarā ina, Pablōre ĩre jūnisinirā.

²⁹ Efeso macaju vadir'ī, griego masu, Trófino vāme cutigu rāca Pablo ĩ ñarore ĩre ñañujarā ina. To bajiri, “Diore yirūcūbuoriaviju ĩre ūmato sājārimi Pablo” yitūoīarā ñari, to bajise yiyujarā ina.

³⁰ “Rojose yiyumi Pablo” ina yisocasere ajicōari, Jerusalén macana ñajedirone buto jūnisinirā ñari, avasā ūmarējañujarā ina, Pablōre ñiaroana. ĩre ñiacōari, Diore yirūcūbuoriaviju ñagūre ĩre vejabudiasujarā ina, ĩre śiaroana. ĩre vejabudianane, ti vi sojere tubibe, yicoasujarā ina. ³¹ Pablōre śiaroana ina yīñarirīmarone, romano masu surara ujure queti ejayuju, jūnisinirā, masa ina avasāñase. ³² To bajiri, surarare jirēcōari inare ūmato vasuju, Pablōre ina jañarojore. ĩna vado ĩacōari, ĩre jatujacōañujarā ina. ³³ Surara uju, ejacōari ĩre ñiañuju. To yicōari, “Cōmemarine ĩre siaya”, yiyuju, ĩ surarare. To yicōari, “¿Ñimu ñati ĩ? ¿No bajise rojose muare yiri?”, inare yisēñañuju ĩ, Pablōre jūnisinirāre. ³⁴ To ĩ yisēñāsere ajicōari, jārājā ĩre ina cudimavisiocōajare, “To bajiro rojose yiyumi”, yiajimasibeticōañuju surara uju. Tire ajimasibeticōari, “Mani ñariviju ĩre āmicoaya”, yiyuju, ĩ surarare. ³⁵⁻³⁶ To bajiri Pablōre ñiacōari, ina ñarivi mujariaju taju ĩre āmiejayujarā. To ĩre ina āmiejagure “Pablōre śiaña” yivasācōari, butobusa ĩre jayujarā. To ina yijare, ĩre āmimujasujarā, ina ñariviju.

Îre sîaruarăre Pablo î ñagôre queti

³⁷ Îre îna âmisâjaroadeone,

—Mu răca ñagôruaja yu —surara ujare îre yiyuju Pablo, griego oca răca.

To î yirone,

—¿Griego ocare ñagômasiatique mu? ³⁸ “Egipto sitaju ñar'i, adi sitare ejacôari, ‘Gobierno î rotiboasere cudibeticôari, mani masune rotirâsa’ ñare ûmato yicôari, sîarimasa cuatro mil ñarăre yucû manojă ñare ûmato var'i ñagûmi”, mare yituoîaboabu yu —Pablore îre yiyuju surara ujă.

³⁹ To î yisere ajicôari, ado bajiro îre cudyuju Pablo:

—Jud'io masu ñaja yu, Cilicia sita ñarimaca Tarso vâme cuti macagu. To bajiri, ânoa yure jûnisiniră răca ñagôruaja yu —îre yiyuju Pablo.

⁴⁰ To î yijare, îre ñagôrotiyuju surara ujă. To cõrone Pablojă, mujariarojare răgôcôari, î âmone ñumôoñuju, “Ñagôbesa mua” yigu. To î yirone, ñagôtuajacoa busayujară. To bajiri, hebreo oca răca ado bajiro ñare ñagôñuju Pablo:

22

¹ —Yu yară, to yicôari, yu jacuare bajiro bajiră yure ajiya: “Rojose yibesumi” yure mua yimasirotire yigu mare gotiguagu yaja yu —îare yiyuju Pablo.

² Îna oca răca ñare î ñagôjare, îre ajiruară, îna jedirone ñagôbeti jedicôañujară. To îna bajiro îacôari, ado bajiro ñare gotiyuju î:

³ —Jud'io masu ñaja yu quêne. Cilicia sita ñarimaca Tarso vâme cuti macaju ruyuar'i ñaja yu. Toju ruyuar'i ñaboarine, ado Jerusalénju bucuacaju yu. To bajicôari, Moisés ñamasir'ire Dios î roticûmasirere quênaro yure buecami Gamaliel. To bajiri, quênaro masicaju. Tire masigă ñari, “Dios î bojase rîne yiră yaja” mua yituoîarore bajiro yituoîagă ñacaju yu quêne. ⁴ To bajiro tuoîagă ñari, “Jesûre ajitirănură, Dios î rotimasirere răcubuobeamă” yituoîacôari, ado bajiro rojose ñare yicaju yu: Êmuare, rômîare quêne ñare ñejeçôari, tubiberiaviriju ñare tubibecûrûgûcaju yu. To yicôari, ñare sîarotirûgûcaju yu. ⁵ Socu me yaja yu. Paia ujă ñamasugă, to yicôari î răca rêjarûgûră quêne, tire îacana ñari, yu bajicature masiama. “Damasco vâme cuti macana, mani yară, tojare mare yirêmoato îna” yiră, yure ucabosacôari, îsicama îna. To bajiri, Jesûre ajitirănurăre macaguacu, Damasco macajure vaboacaju yu, “Înare ñejeçôari, Jerusalénju yu juajejorăre rojose îna yise vaja rojose ñare yato” yigu.

“Rojose yicacu ñaboarine, Jesûre ajitirănusuocaju yu”, Pablo î yire queti
(Hch 9.1-19; 26.12-18)

⁶ Êmurecaji muju î tusato Damascore yu cõñatone, ñaro tusarone vecaju bûto caje mose busurujadicaju ti. ⁷ Yure ti busurocaturone, quedicoacaju yu. Yu quediocacûatone, ado bajiro ocaruyucaju ti: “Saulo, Saulo, ¿no yigu rojose yure yisûyarûgûati mu?”, yi ocaruyucaju ti. ⁸ To bajiro ti yirone, “¿Ñimă ûgă ñacôari, to bajise yure yati mu?”, îre yicaju yu. To yu yirone, “Yune ñaja, Jesûs, Nazaret macagu, rojose mu yirûgûgûne”, yure yi ocaruyucami. ⁹ Yu răca vacana quêne, bususere îacama. To bajiboarine Jesûs yure î ñagôsere ajibeticama îna. ¹⁰ To bajiro yure î yisere ajicôari, “Yu ujă, ¿no bajiro yiguti yu?”, îre yisênîlacaju yu. To yu yirone, “Damascojă vasa mu. To mu ejaro, ‘Ado bajiro yiya’ mare yiruarăma”, yure yi ocaruyucami. ¹¹ Yu caje îamasibeticaju. To yu bajijare, yu babară Damascojă vana yure tîa vacama îna.

¹² Ti macajure ñañumi Anan'ias vâme cutigu. Moisés ñamasir'ire Dios î roticûmasirere quênaro ajitirănugă ñacami. “Quênaro yigu ñaami”, îre yicama jud'io masa jediro. ¹³ Yure îagă ejacôari, ado bajiro yure yicami: “Yu maigă, Saulo, tudîiaña mu quêna”, yure yicami. To yure î yirone, îacocaju yu. ¹⁴ To yicôari, ado bajiro yure gotirîtuacami: “Mani ñicua îna răcubuosoadimasir'i Dios, mare besenyumî, ‘Rojose yibecare, yu macare îacôari, î ñagôsere ajiatô’ yigu, to yicôari, ‘Yu bojasere masigăjaro’ yigu. ¹⁵ To bajiri Diore gotirêtobosarimasu ñarucja mu. Mu ajirere, mu îarere quêne, tire gotirucja mu. ¹⁶ ¿No yigu yumaniajari? Vûmurûgûa. ‘Rojose yu yisere yure masirioya’ mani ujă Jesûre îre yiya. To yicôari, ‘Îre ajitirănugă ñaja’ yigu, oco răca bautizarotiya”, yure yicami Anan'ias.

¹⁷⁻¹⁸ Ti macaju yu ñacato bero, Jerusalénjare tudiejacôari, Diore yirăcuburiaviju, Jesûre sênigă sâjacaju yu. Îre yu sênîñarone yure ruyuaîocôari, ado bajiro yure yicami: “Divatone vasa. Yu bajisere adi macanare mu gotijama, mare ajibetiruarăma îna”, yure yicami. ¹⁹ To yure î yisere ajicôari, ado bajiro îre yicaju yu: “Yu ujă, tocărăca vine, Dios ocare îna buerivirire sâjacôari, mare ajitirănurăre ñejeçôari, ñare bajerûgûcaju yu. To yicôari tubiberiaviju ñare tubiberûgûcaju yu. To yu yirûgûcana masirăma îna. ²⁰ Mare gotirêtobosarimasure Estebanre îre sîaroana îna yiîarone, ‘Îre sîarocacôaña’ yicaju yu quêne. To yicôari, îna sudi joeyere îna vejecûsere ñare codebosacaju yu”, îre yicaju yu. ²¹ To bajiro îre yu yiboajaquêne,

“Vasa mu. Sõju mure cõaguagu yaja yu, jud'io masa me İna ñaroriju”, yure yicami yu uju — jud'io masare İnare yigotiyuju Pablo.

Surara uju Pablore İ sēñĩlare queti

²² To cõro İ gotitusatone, “Jud'io masa me ñarã tuju vasa mu' yure yicami yu uju Jesús” İ yisere ajiterã ñari, buto avasãtud'icõañujarã İna:

—Catitegu yami. İre sİarocacõañã —yİavasãñujarã İna.

²³ To bajiro yİañarãne, buto jünisinirã ñari, İna sudi joeayere vejecõari, İ cutojuare reacõañujarã İna. To yicõari, sitane mareayujarã İna. ²⁴ To İna yijare, surara ujuña ado bajiro yiyuju, İ surarare:

—İre āmisãjacõari, İre bajeya mua. İre bajecõari, “¿No bajiro mu yijare, mure avasãjünisiniati İna?”, İre yisēñĩañã mua —İnare yiyuju.

²⁵ İre siatucõari, İre İna bajeroadone, to rügögũre, surara ujure rotibosarimasure ado bajiro İre yiyuju Pablo:

—Rojose yu yirere İacõİabetiboarine, yure mua bajejama, ¿quēnacõarojari ti, Roma macagu yu ñaboajaquēne? —İre yiyuju Pablo.

²⁶ To bajiro İ yisere ajicõari, İ ujure gotigu vasuju:

—“Roma macagu ñaja”, yure yimi. ¿No bajiro İre yiguti mu? —İre yiyuju.

²⁷ To bajiro İ yisere ajicõari, Pablore İre sēñĩagũ vasuju surara uju:

—Yure gotiya mu: ¿Roma macagu ñati mu? —İre yisēñĩañuju İ.

To İ yisere ajicõari,

—Roma macagune ñaja yu —İre yiyuju Pablo.

²⁸ To İ yisere ajicõari, ado bajiro Pablore İre yiyuju:

—“Roma macagu ñaami' yure yİİato İna” yigu, jairo vaja yicaju yuma.

To İ yirone, ado bajiro İre yiyuju Pablo:

—Yurema, yu jacũjune, Roma macagu ñacõañumi. To bajiri, Roma macagu ñaja yu —İre yiyuju Pablo.

²⁹ To İ yisere ajicõari, İre bajeruaboariarã, buto güiyujarã. To bajiri İre vurugocoasujarã İna. “Pablo, Roma macagu İ ñaboajaquēne, ‘Cõmemarine İre siaya’ İnare yİbu yu” yigu ñari, buto güiyuju surara uju.

Jud'io masa ujarã rãca Pablo İ ñagõre queti

³⁰ To bajiri gajerãmu, “Pablore İre jojiويا mua”, İnare yiyuju surara uju. To yicõari, paia ujarãre, jud'io masa ujarã ñaro cõro İnare jirẽoñuju, “‘Ado bajise rojose yimi Pablo’ yure yigotiya mua” İnare yisēñĩaru. To bajiri, İna ejaro İacõari, Pablore İre jiyuju, “İna rãca ñagõguaya mu” yigu.

23

¹ To İ yigu ñari, ujarã rİjorojuã rügõcõari, ado bajiro İnare gotiyuju Pablo:

—Yure ajiya, yu yarã: Dios İ bojase jediro yirügũaja yu. To bajiro yigu ñari, tuoİarejaibecune ñacõaja yu —İnare yiyuju Pablo.

² To bajiro İ yisere ajicõari, Anan'ias vãme cutigu paia uju ñamasugũ, İ tu rügõrãre, “Pablo risere jaya”, İnare yiyuju. ³ To bajiro Anan'ias İ yijare,

—Mure jarũcumi Dios. “Quēnaro yigu ñaja yu” yİtuoİaboarine, rojose yigu ñaja mu. “Moisés ñamasir'İre Dios İ roticũmasirere cudibecu ñaami” yure yİ ocasãruaboarine, yure mu jaroti-jama, tire cudibecu yaja mu —Anan'iare İre yiyuju Pablo.İ

⁴ To İ yisere ajicõari, İ tu ñarã ado bajiro Pablore İre yiyujarã:

—¿To bajise İre yİtud'İati mu, Dios İ cũr'İre paia uju ñamasugũre? —İre yiyujarã İna.

⁵ To İna yijare, ado bajiro yiyuju Pablo:

—“Paia uju ñamasugũ ñagũmi”, yimasibeju yu. “Mure ũmato ñagũre İre tud'İbesa”, yigotİaja Dios oca masa İna ucamasire —İnare yiyuju Pablo.

⁶ Pablore gotiyirorİarã, saduceo masa, to yicõari fariseo masa ñañujarã İna. To bajiri, İnare İamasicõari, ado bajiro İnare yiyuju Pablo:

—Yu yarã, yure ajiya mua. Fariseo masu ñaja yu. Yu ñicua quēne fariseo masa ñamasİñuma İna. “Masa bajİreariarãre İnare tudicatioİũcumi Dios” yigu yu ñajare, yure gotiyirorã yaja mua —İnare yiyuju Pablo.

⁷ To İ yijare, fariseo masa, saduceo masa rãca gãmerã oca rẽtorũayujarã İna. To bajiro bajica yİrã, gãmerã ajimasibesujarã. ⁸ Fariseo masama, ado bajiro tuoİarã ñañujarã İna: “Bajİreariarãre tudicatioİũcumi Dios. Ángel mesa, to yicõari, mani vatoa İna ñaboajaquēne, İabujayamana quēne ñarãma”, yİtuoİarã ñañujarã İna. Saduceo masajuama, “Bajİreariarãre

tudicatiobetiracumi Dios. Ángel mesa quêne manama. ‘Mani vatoare İabujayamana ñarâma’, İna yirâ quêne, manama”, yirâ ñañujarâ İna. ⁹ To bajica yirâ, butobusa avasâñujarâ İna. Sîgûri fariseo masa, Dios İ rotimasire gotimasiorimasa ado bajiro yiyujarâ İna:

—“Nie rojose yibetirimi”, yaja yuama. İabujayamagû, İre ñagôrimi. İ yijama, ángeljua İre ñagôrimi —yiyujarâ İna.

¹⁰ Butobusa İna avasâjare, “İre sîaroma” yigu, “Mani ya viju İre âmicoasa mua”, İnare yiyuju surara uju.

¹¹ To İ yijare, İre âmivacôari, İre tubibeyujarâ İna quêna. To İna yiro bero, ñamiju Pablöre İre ruyuaİoñuju mani uju. İre ruyuaİocôari, ado bajiro İre yiyuju:

—Tuoİagûibesasa mu. Ado Jerusalénjare yure mu gotibosarore bajirone Roma vâme cuti macajare quêne gotiracuja mu —Pablöre İre yiyuju mani uju Jesûs.

Pablöre İna sîaruaboare queti

¹² Gajerâmu busuriju, “Ado bajiro Pablöre İre sîaruarâja mani”, yiyujarâ İna sîgûri, jud’io masa. “Pablöre İre mani sîaroto rîjoro bare babeti, idibeti, bajiruarâja mani. To bajiro mani yibetijama, rojose manire yato Dios”, yiyujarâ İna. ¹³ Cuarenta rêtoro ñarirâcu ñañujarâ İna, “Pablöre İre sîarâsa mani” yiriarâ. ¹⁴ To bajiro yicôari, paia ujarâre, Dios İ rotimasire gotimasiorimasare quêne İnare gotirâ ejayujarâ İna:

—“Pablöre İre mani sîaroto rîjoro bare babetiruarâja mani. İre sîamenane mani bare bajama, rojose manire yato Dios”, yibu yua. ¹⁵ To bajiri paia ujarâ, to yicôari masa ujarâ quêne, surara ujare ado bajiro İre yiuacôaña mua: “Yua tuju Pablöre İre côaña. İre ajiquênoroana yaja yua”, İre yiuatoya mua. Adore İ ejabetone İre sîacôaruarâja yua —İnare yiyujarâ İna.

¹⁶ To bajiro İna yisere ajiyuju Pablo bedeo macu. Tire ajicôari, surara ya viju vasuju, Pablöre İre gotiguacu. ¹⁷ Tire İ gotijare, surara ujare rotibosagure İre jiyuju Pablo. İ ejaro İacôari, ado bajiro İre yiyuju:

—Ănire jiasa mu. Ujure İre ñagôruami —İre yiyuju Pablo.

¹⁸ To İ yijare, uju tuju İre jiasuju. To ejacôari, ado bajiro İre yiyuju:

—Pablo, yu tubibecûmasigû yure jicôari, “Ănire mu uju tuju İre jiasa. İ râca ñagôruami”, yure yimi. To bajiri İre jiabu yu —İre yiyuju.

¹⁹ To İ yirone, gajerobusa İre tûaacôari, İre sêniİañuju İ:

—¿Niere yure ñagôruati mu? —İre yiyuju surara uju.

²⁰ To İ yirone, ado bajiro İre yiyuju:

—Jud’io masa, sîgûre bajiro tuoİacôari, busiyu, “‘Yua tuju Pablöre İre côaña. İre ajiquênoroana yaja yua’ İre yiuatoya”, yima, İna ujarâre. ²¹ To bajiri İnare ajibeja mu. Cuarenta rêtoro ñarirâcu ñama İna, Pablöre queacôari İre sîarona. “İre mani sîaroto rîjoro bare babeti, idibeti, bajiruarâja mani. To bajiro mani yibetijama, rojose manire yato Dios”, yİİama İna. To bajiri İnare mu cûdirotire yurâ yirâma —surara ujare İre yigotiyuju Pablo bedeo macu.

²² To İ yisere ajicôari,

—Vasa. Yure mu gotisere gâjerâre İnare gotibeja —İre yiyuju surara uju.

Surara uju, Félix tuju, Pablöre İ côare queti

²³ To yicôari, juarâ İre rotibosarâre İnare jicôari, ado bajiro İnare yiyuju İ:

—Yucu ñami nueve ñaro, Cesarea vâme cuti macaju Pablöre ûmato vana yirâja mua. Adocârâcu İnare jirêoña, mua râca varona: Doscientos ñarirâcu gubone varona, setenta ñarirâcu caballo joe varona, to yicôari, doscientos ñarirâcu reare besu cuocôari varonare İnare jirêoña mua. ²⁴ To yicôari, caballo, Pablo İ jesavarocure quêne quênouyua. Sîacobecune, Uju Félix tuju Pablo İ ejasere bojaja yu —İnare yiyuju İre rotibosarâre, surara uju.

²⁵ To bajiro yigajanocôari, Uju Félixre ado bajiro İre ucayuju İ:

²⁶ “¿Félix, yu rûcubogu, tone ñaboati mu? Mure quênaroticôaja yu. Yu ñaja Claudio Lisias vâme cutigu, surara uju. ²⁷ Jud’io masa, ĩnire İİiacôari, İre sîaruayuma İna. İre İna sîaroadone, ‘Roma macagu ñaami’ yire quetire ajicôari, yu surara râca matamasimu yu. ²⁸ ‘¿No bajise rojose yiri?’ İnare yİsêniİaru, jud’io masa ujarâ tuju İre âmiamasimu yu. ²⁹ To yu ejaro İacôari, İna İİicua İna yirûgûrere, İ yibetirere yure gotimasima İna. Tire ajicôari, ‘Nie rojose yibesumi. To bajiri, İre tubibecûña manoja ti. To yicôari, İre sîaİa manoja’ yiajimasimu yu. ³⁰ İre İna sîaruasere ajigu ñari, mu tuju İre côaja yu. To yicôari, ‘Rojose yimi’ İre yİ ocasârâre quêne, ‘Uju Félix tuju vasa mua’ İnare yiracuja, ‘“Ado bajise rojose yimi” mure yigotiato İna’ yigu”, İre yiuacôaİuju surara uju, Uju Félixre.

³¹ To bajiro ī yiriarā ñari, ñamine Pablore īre ūmato vacōari, Ant'ipatris vāme cuti macajure ejayujarā īna. ³² Īna va ñami cutibusuoriarūmune, tudicoayujarā īna, caballo joe vabetiri-arāma. Caballo joeju vana rīne, Pablo rāca vasujarā īna. ³³ Cesarea macaju ejacōari, īna ūju ī ucacōariājūrore Ūju Félixre īre īsiñujarā īna. To yicōari Pablore quēne ī taju īre cūñujarā. ³⁴ Ī ucarere īacōari, “¿Noagu ñati ī?”, īnare yisēñiñaju Félix. To ī yirone, “Cilicia sitagu ñaami”, īre yicūdiyujarā īna. ³⁵ To īna yisere ajicōari, Pablojare ado bajiro īre yiyuju:

—“Rojose yimasimi” mure yi ocasārā īna ejaroju yare mu gotisere ajirucuja yu —īre yiyuju Ūju Félix.

To yicōari, Ūju Herodes ñamasir'i ya viju īre cūcōari, ī surarare īacoderotiyuju.

24

“Rojose yibeticaju yu”, Pablo, Ūju Félixre ī yire queti

¹ Cojomocārācārūmu bero ejayujarā jud'io masa. Paia ūju ñamasugū Anan'ias vāme cutigu, Tértulo vāme cutigu, to yicōari bucūrā quēne ñañujarā īna, Pablore, “Ado bajiro rojose yimasimi” īre yi ocasārā ejarā. Tértulo ñañuju īnare ñagōbosagu, romano masa īna rotisere masigū. To īna ejaro bero, Pablore īre jicōañuju Ūju Félix. ² Pablo ī sājaearone, Félixre “Ado bajiro rojose yimi Pablo” yiguagu, ado bajiro īre gotiyuju Tértulo:

—Adi sitanare quēnaro yuare coderūgūaja mu. Quēnaro rotigu mu ñajare, quēnaro ñarūgūaja yua. “Ado bajirojua īnare yu rotijama, quēnaruaroja” yituoīacōari yuare rotirūgūaja mu. To bajiri, rījoro rotiriarā rētoro quēnaro rotimasiaja mu. ³ Adi sitanare quēnaro mu rotisere tuoīacōari, “Quēnamasucōaja”, mure yivariquēnarūgūaja yua. ⁴ Gajeye jairo ñaboaja, mure yu gotirūase. Moare jaibusaguja mu. To bajiboarine gaje vāme mure gotirūaja yu. Tire ajiya mu maji. ⁵ Āni Pablo vāme cutigu, yua jud'io masa jedirore bato gotimavisiodirūgūami. To bajiro ī yijare, quēnaro ñamasibeaja yua. To bajiri, nazareno masare socase yirāre īnare ūmato ñagū ñaami. Tire masiaja yua. ⁶⁻⁷ Diore yirūcubūoriavire rūcubūobecu, sājamasiñumi. To bajiro ī bajire ñajare, īre ñamasimu yua, yuare rotise ti yirore bajirone rojose yiruarā. To yua yiroadone, surara ūju Lisias vāme cutigu ī surara rāca ejacōari, yuare ēmacoamasimi. To yicōari, “Ūju Félix taju vacōari, oca quēnoruarāja mua”, yuare yimasimi. To bajiri, bajibu yua. ⁸ To bajiri mu masu, īre sēñiīacōari, “Socarā mene yiyuma īna. Rojose yigu ñaami”, yimasirucuja mu —Ūju Félixre īre yiyuju Tértulo.

⁹ Īre ī gotigajanorone, “Soc me yami. To bajirone bajimasimu”, īre yigotirēmoñujarā jud'io masa, Tértulo rācana. ¹⁰ To īna yiro bero, Pablojare īre ñagōrotiyuju Félix. To ī yijare, ado bajiro īre gotiyuju Pablo:

—“Cojo cāma me jud'io masa yua yisere quēnaro riojo īacōiarūgūami. To bajiri yu yisere quēne quēnaro riojo īacōiarucumi” mure yituoīamasigū ñari, variquēnase rāca mure gotiaja yu. ¹¹ Jerusalēnjure Diore yirūcubūogu, ejamasimu yu. Yu ejamasiro bero, juaāmo cōro, gubo jua jēnituarirūmuri ñatusaju. Tire gājerāre mu sēñiīajama, yu gotiore bajirone mure gotirāma īna quēne. ¹² Rojose yu yibetiboajaquēne, ānoa socarāne yure gotiyiroma. Diore yirūcubūoriavijure gājerā rāca gāmerā oca josabetimasimu yu. Dios ocare buerīavirijure, to yicōari ti maca tūri ñarāre quēne īnare gotimavisibetimasimu yu. ¹³ Rojose yu yiro cōro, “Rojose yimasimi”, mure yigotimasimenama īna. ¹⁴ Ado bajirojua bajigu ñaja yu. Jesús vāme cutigūre ajitirūnugū ñaja yu. Yua ñicua īna rūcubūomasir'ire Diore īre rūcubūogu ñaja yu. “Socasere ajitirūnugū ñaami” yure īna yijama, Jesúre yu ajitirūnūjare, yama. To bajiro īna yiboajaquēne, yua ñicure Moisés ñamasir'ire Dios ī roticūmasire jediro, to yicōari, Diore gotirētobosariarā īna ucamasirere quēne ajitirūnugū ñaja yu. ¹⁵ “Cojorūmu masa bajireariarē rojose yiriarāre, quēnase yiriarāre quēne īnare catorucumi Dios” īna yituoīayurore bajirone tuoīaja yu quēne. ¹⁶ To bajiro tuoīagū ñari, yu yimasiro cōro quēnasere yirūgūaja yu, Dios quēne, masa quēne, “ ‘Rojose yigu ñaami’ yure yiroma” yigu.

¹⁷ Cojo cāma me gajerori ñacudiboacu, Jerusalēnjure ejamasimu yu, yu yarā sīgūri maioro bajirāre īnare gājoa īsigū. To yicōari, Diore rūcubūogu ñari, paiare vaibucurā sīaroticōari, īnare soemūorotigu bajimasimu yu. ¹⁸⁻¹⁹ “Tire yirucuja” yicōari yu yibetirere, Diore yirūcubūoriaviju ñacōari, “Yure masirioya” Diore yu yigajanorone, yure īamasima jud'io masa, Asia sita vadiriārā. Jājarā masa rāca ñacōari, rujajine yicudigu me bajimasimu yu. Tire yu yibetiboajaquēne, yure jūnisinirā ñari, ñamasima īna. Īna masune adojure vadicoīare, rojose yu yirere mure gotirā ejarona ñaama īna. ²⁰ Īna ejabetijama, ado ñarā, jud'io masa ūjarā rījorojua ejacōari, “Ado bajise rojose yimi” yure yi ocasāmasirā, rojose yu yirere mure gotirona ñaama īna. ²¹ Īna rījorojua ñacōari, ado bajiro īnare gotimasimu yu: “ ‘Masa bajireariarē īnare tudicatorucumi Dios’ yigu yu ñajare, yure gotiyirorā yaja mua”, īnare yimasimu yu —Ūju Félixre īre yigotiyuju Pablo.

²² To i yisere ajicōari, Jesúre ajitirānūrā ina bajisere quēnaro masigū ñari, ado bajiro Inare gotiyuju Uju Félix:

—Jēre ajicōaja yu. Surara uju Lisias i ejaroju, Pablöre yu yirotire muare gotirucuja —Inare yiyuju i Uju Félix.

²³ To bajiro Inare yigotigajanocōari, surara ujure, “Ado bajiro ire codeba mua”, yiyuju Félix: —Tubiberiavi ñacōari, i vacudijama, i Iacudijaquēne, “Vabesa”, ire yibeja. I babarā ire ĩarā ina ejajama, ire yirēmōrā ejajaquēne, “¿No yirā bajiatī?”, Inare yibeja —Ire yi vacoasuju Félix.

²⁴ To i yivariaro bero, yoatoju tudiejayuju i quēna, i manajo Drusila vāme cutigo rāca. Jud'io maso ñañuju so. Ejacōari, Pablöre ire jirotiyuju i. I ejaro Iacōari,

—Jesucristore ajitirānūrere yuare gotiya —Pablöre ire yiyujarā ina.

²⁵ —Dios quēnase rīne manire yirotiāmi. Rojose yirūaboarine, “Rojose yibetiruarāja” mani yitūoiasere bojaami Dios. Gajerūmu masa rojose ina yisere i ĩabeserirūmu ejaruaroja —Inare yigotiyuju.

Tire ajicacōari,

—Jēre ajicōaja yua. Quēna gajerūmu yu moare manirūmu mure jirucuja. To cōroju mu gotisere ajirēmōrucuja —Ire yiyuju Félix.

²⁶ Tiju bero, cojoji me Pablöre ire jirūgūñuju Félix. Jesús ocare i gotimasiose rīne, ajiru me ire jirūgūñuju i. “Yure mu bucōajama, gājoa mure ĩsirucuja” i yisere ajirune, ire jicōarūgūñuju.

²⁷ To bajiro i yīñaro rīne jua cāma rētocoasuju ti. “Jud'io masa yure jūnisiniroma” yigu, Pablöre ire bubesuju i. Jua cāma bero, uju i ñaboasere budicoasuju Félix. To bajiri, Porcio Festo vāme cutigujua uju sājañuju.

25

Uju Festo rāca Pablo i ñagōre queti

¹ Cesarea macaju uju i sājariaro bero, idiarūmu ñacōari, Jerusalén macajuare vasuju Festo. ²⁻³ Toju i ejaro Iacōari, paia ujarā, gājerā jud'io masa ñamasurā quēne,

—Rojose yicami Pablo —Festore ire yi ocasāñujarā ina. To yicōari, —Pablöre yuare mu jiroticōabosajama, quēnaruaraja —Uju Festore ire yisēñiñujarā ina. To bajiro ina yijama, “Maa i vadojune Pablöre ire siacoarāsa mani” yirā, yiyoayujarā ina.

⁴ To bajiro ire ina yiyoajaquēne, ado bajiro Inare yiyuju Festo:

—Cesarea macajune ire codecōa ñaruarāma ina. To bajiri, yoaro mene tojure tudiarucuja yu quēna. ⁵ To yu bajirone, mua rācana sīgāri yu rāca tojure vaejacōari, rojose Pablo i yirere yure gotiruarāma ina —Inare yicadiyuju Festo.

⁶ To bajiro Inare i yiro bero, Jerusalénjure juaāmōcārācarūmu cōro ñacōari, Cesarea macajure tudiasuju Festo. I ejabusuorirūmune oca ina ñagōquēnorijuju rujicōari, Pablöre ire jicōañuju i. ⁷ Pablo i sājajaro Iacōari, “Cojo vāme me rojose yicami”, Festore ire yigotiyujarā ina, jud'io masa, Jerusalénju vadiriārā. “Rojose yicami” yicōarā ñaboarine, “Ado bajise rojose yicami”, yimasibesujarā ina. ⁸ To ina yiro bero, “Rojose yibesumi” yure yato” yigu, ado bajiro yiyuju Pablo:

—Ñie rojose yibeticaju yu. Jud'io masa ina rotisere, to yicōari, Uju César i rotisere quēne cudirūgūcaju yu. To yicōari, Diore yirūcubūoriavire quēne, rūcubūorūgūcaju yu —yiyuju Pablo.

⁹ To i yirone, “Jud'io masa yure tud'iroma” yigu, ado bajiro Pablöre ire sēñiñañuju Festo:

—¿Jerusalénju ejacōari, rojose mu yirere mure yu sēñiñajama, quēnati? —Ire yisēñiñaboayuju.

¹⁰ To i yiyoajaquēne, ado bajiro ire yiyuju Pablo:

—Bajibeaja. No yigu vabecuja. Uju César “Masa rojose ina yisere ĩacōiña” i yiriavine ñaja yu. To bajiri adone yure sēñiñacōaroti ñaja. Yu yarā jud'io masare rojose Inare yibeticaju yu. Tire quēnaro masiaja mu. ¹¹ Rojose yu yire suori Inare mu sīarotijama, “Yure siabesa”, yibecuja yu. To bajiri, socarāne “Rojose yicami” yure ina yi ocasājare, “Ire siña” yigu, yure ĩsirocagu magūmi. “Rojose yiyujari yu” yigu, Roma macagu, Uju Césare ire ĩacōiarotirucuja yu —Ire yicadiyuju Pablo.

¹² To bajiro Pablo i yijare, ire ñagōjarēmōrāre, “¿No bajiro yiroti ñati ire?” Inare yisēñiñacōari bero, ado bajiro yiyuju Festo:

—“¿Rojose yiyujari yu?” yigu, Uju César ire ĩacōiarotirucuja yu” mu yijare, i taju mure cōarucuja yu —Pablöre ire yiyuju Festo.

Uju Agripa rāca Pablo i ñagōre queti

¹³ To i yiriarūmari bero, Uju Festore ĩagū ejayuju Uju Agripa, Berenice vāme cutigo rāca. ¹⁴ Cojorūmu me i rāca ñacōañujarā ina. To ina bajiñarone Pablo i bajisere Agripare ire gotiyuju Festo:

—Sīgū ņaami ado, Pablo vāme cutigu, Ūju Félix ī tubiber'i. ¹⁵ Jerusālénju yu ņaro, “Rojose yicami”, yure yigoticama bučurā jud'io masa, paia ujarā quēne. “Rojose ī yicati vaja īre sīarotiya mu”, yure yiyoacama ņa. ¹⁶ To bajiro yure ņa yiyoajaquēne, “Yibeaja yu. Yua, romano masama, rojose masa ņa yirere īacōiamenane, sīarotire manicoadimasīñu. ‘Rojose yimi’ yigotiyirorā, to yicōari, rojose yir'i rāca ņare jirēocōari, sēniñare ņacoadimasīñu”, ņare yicaju yu. ¹⁷ Adojure ņa rāca yu ejabusuocatirāmune, Pablore īre jicōacaju yu. ¹⁸ “Īre gotiyirorā, ‘Buto rojose masu yimasimi’ yure yigotirurāma ņa”, yituoīaboacaju yu. “Rojose yigu yiyumi” yiajiyamanirene goticōacama. ¹⁹ “Yua rūcubuosere rūcubuobeamī. ‘Jesús vāme cutigu, rijacoaboarine tudicatiami quēna’ yisocarūgūami Pablo”. “‘Rojose yigu yimi’ yirā yaja”, yirā, ti rīne yure goticama. ²⁰ To bajiro ņa yijare, “Rojose yiyumi”, yimasibeticaju yu. To bajiri, “ĪJerusālénju ejacōari, rojose mu yirere mure yu sēniñajama, quēnati?”, īre yisēniaboacaju yu. ²¹ To yu yirone, ado bajiro yure yicadicami: “‘Rojose yiyujari yu’ yigu, Ūju Cēsare īre īacōiarotirucaju yu”, yure yicami. To ī yijare, surarare ņare coderoticaaju yu, Ūju Cēsar ī ņarajure īre cōaru —Agripare īre yigotiyuju Festo.

²² To ī yisere ajicōari,

—Yu quēne, ī gotisere ajirucaju yu —Festore īre yiyuju Agripa.

To ī yijare, —Busiyu ajirucaju mu, ī gotisere —īre yiyuju Festo.

²³ To bajiri gajeramu masa ņa rējariviju Pablore ajigu ejayuju Agripa, Berenice rāca. “Manire īacōari, ‘Namasurā ņaama ņa’ manire yato” yirā, rūcuburo ejayujarā ņa. ņa rācana, surara ujarā, gājerā Cesarea macana ņamasurā quēne ejayujarā ņa, Pablore ajirā. ņa ejaro bero, Pablore īre jiyuju Festo. ²⁴ Pablo ī ejarone ado bajiro gotiyuju Festo:

—Ūju Agripa, ado rējarā jediro, ņa ņa. ņi ņaami Pablo. Buto īre sīarurūgūama jud'io masa. Jerusālēana, adi macana quēne, “Īre sīacōaroti ņaja”, yivasāboacama ņa. ²⁵ “ņie rojose ī yire suori īre sīaņa manoja ti”, yicaju yu. To bajiro yu yiyoajaquēne, “‘Rojose yiyujari yu’ yigu, Ūju Cēsare īre īacōiarotirucaju yu” yure ī yijare, “Ūju Cēsar ī ņaroju īre cōarucaju”, yicaju yu. ²⁶⁻²⁷ To bajiro yituoīaboarine, rojose ī yirere ucamasibeaja yu, mani ūjare, Cēsare gotigu. Rojose ī yirere gotibecane īre yu ucacōajama, tuoīamasibecare bajiro yigu yigujaju yu. Tire tuoīagū ņari, Pablore īre jicōamu yu, mu ajiro rījorojua, “Ūju Agripa īre sēniñato” yigu. Īre sēniñacōari, “Rojose yiyumi Pablo” mu yisere ajicōari, “Ūju Cēsare īre ucacōarucaju”, īre yibu yu —īnare yiyuju Festo.

26

¹ To bajiro Festo ī yisere ajicōari, ado bajiro Pablore īre yiyuju ūju Agripa:

—Mu yirūgūre yure gotiya —Pablore īre yiyuju Agripa.

To ī yijare, ado bajiro īnare gotiyuju Pablo:

²⁻³ —Yu ūju Agripa, mu ajiro rījoro gotiguagu ņari, variquēnase rāca gotiguagu yaja yu. Jud'io masa mani yisere quēnaro masiaja mu. Gāmerā ajimasibeticōari, yua gāmerā oca rētorūgūse quēne quēnaro masiaja mu. To bajiri jud'io masa, “Rojose yigu ņaami” ņa yiyoasere mu ajiro rījoro gotiguagu yaja yu. To bajiri quēnaro yu gotisere ajirucaju mu —yiyuju Pablo, Agripare.

⁴ —Yu ya maca ņacōari, mamū ņagū yu bajiñarūgūcatire masirāma jud'io masa jediro. To bajicōari, Jerusālénjare yu bajirūgūcatire quēne masirāma. ⁵ Yure masirā ņari, “Fariseo masu ņacami”, mure yigotirāma ņa, īnare mu sēniñajama. Fariseo masama, Dios manire ī rotimasirere buto ajirūcubuoarā ņaama. ⁶ “Bajireariarē īnare tudicatorucaju yu”, yigotimasifūmi Dios, mani ņicware. To ī yire ti ņajare, “To bajirone yirucami” yituoīagū yu ņajare, “Rojose yigu ņaami”, yure yī ocasācama. ⁷ Tire yu yituoīarore bajirone tuoīaama jud'io masa, juaāmo cōro, gubo jua jēnituarirāca jūnari ņarā jedirone. Tire tuoīarā, ņari ūmuari, ņamirire quēne buto Diore īre yirūcubuoarūgūama ņa. Tire tuoīagū yu ņajare, “Rojose yigu ņaami”, yure yī ocasācama jud'io masa. ⁸ Īno yirā, “Bajireariarē tudicatorucami Dios”, yituoīabeati mu? —yiyuju Pablo.

“Jesūre ajitirūnarē rojose īnare yirūgūcaju yu”, Pablo ī yire queti

⁹ Quēna ado bajiro gotiyuju Pablo:

—“Nazaret macagu Jesús vāme cutigu yere ņa ajitirūnuse vaja, cojo vāme me rojose īnare yirucaju yu”, yituoīarūgūcaju yu. ¹⁰ To bajiro yigu ņari, Jerusālénjare ņacōari, rojose īnare yirūgūcaju yu. “Jesús yere ajitirūnarē īnare tubibeya mu” paia ujarā yure ņa yijare, jājarā Jesūre ajitirūnarē īnare tubiberūgūcaju yu. To yicōari, “Īnare sīacōato mani” ujarā ņa yijama, “To bajirone bojaja”, yirūgūcaju yu quēne. ¹¹ Cojoji me Dios ocare bueriviriju sājaecōari, “‘Rotimūorūgōrucami’ yigu, Dios ī cōar'i me ņarimi Jesús' yiya mu” yigu, īnare buto rojose yicudirūgūcaju yu. Buto īnare īategu ņari, gājerā masa ņa ņarimacarijare īnare rudicoaboajaquēne, rojose īnare yiru, īnare suyarūgūcaju.

“Jesúre ajitirānūsocaŋu yu”, Pablo īyire queti
(Hch 9.1-19; 22.6-16)

¹² Jesúre ajitirānūrāre rojose īnare yigu yu űajare, “Damasco vāme cuti macaŋu vasa” paia űarā yure īna yijare, yu babarā rāca vacaŋu yu. ¹³ To yua bajivato, űmurecaŋi űaro, űmuaŋu muiju ī bususe rētoro buto caŋe mose busucaŋu ti. ¹⁴ To bajiro ti bajijare, quedicocaŋu yua. Yua quedirocacūatone, hebreo oca rāca ado bajiro yi ocaruyucaŋu ti: “Saulo, Saulo, űno yigu rojose yure yisuyarūgūati mu? To bajiro mu yijama, mu masune rojose yigu yaja mu”, yure yi ocaruyucaŋu ti. ¹⁵ To bajiro ti yirone, “űNimū űgū űacōari, to bajise yure yati mu?”, ĩre yicaŋu yu. To yu yirone, “Yune űaja, Jesús, rojose mu yisuyarūgūgūne”, yure yi ocaruyucami. ¹⁶ To yigune, “Vūmurūgūña mu. Yure gotibosarucami” yigu, mure ruyuaīoaja yu. To bajiri, yu bajicature, to yicōari yucuaaca mu ĩasere, bero mure yu yīlorotire quēne masare gotimasiodirucuja mu. ¹⁷ Mu yarā jud'io masa, to yicōari jud'io masa me űarā quēne, rojose mure īna yīrotire mure yirētobosarucuja yu. ¹⁸ Vātia űu ī bojasere yitūjacōari, Dios ī bojasejare yirā űaruarāma īna' yigu, yu bajicature mure gotimasioroticōagū yaja yu. Mu gotimasiosere ajitirānūrā űari, rojose īna yisere masirio ecocōari, Dios yarā űaruarāma īna quēne”, yure yicami Jesús —ĩre yiyuju Pablo, Agripare.

“Jesús ruyuaīocōari, yure īyiroticature bajirone cudicaŋu yu”, Pablo īyire queti

¹⁹ —To bajiri, yure ruyuaīocōari, ī yiroticature bajirone cudicaŋu yu. ²⁰ Damasco vāme cuti macanare ĩnare gotimasiosocaŋu yu. Bero, Jerusalēn macanare, Judea sitanare, to yicōari jud'io masa me űarāre quēne ĩnare gotimasiodirūgūcaŋu yu. “Rojose yua yisere yitūjacōari, ‘Dios ī bojasejare yiruarāja yua’ yigoticōari, quēnasejare yirūgūña mu”, ĩnare yigotirūgūcaŋu yu. ²¹ To bajiro yu yijare, Diore yirūcūbūoriavijū yu űaro yure űiacōari, yure sīaruaboacama īna, jud'io masa. ²²⁻²³ To bajiro yure īna yirūaboajaquēne, quēnaro yure ejarēmocami Dios. Yure ī ejarēmose űajare, űamasurā, űamasumenare quēne, muare gotimasiodcā űarūgūaja yu. Moisés űamasir'i, to yicōari Diore gotirētobosamasiriarā quēne, “Ado bajiro bajirūaroja”, yuicamasīnūma: “‘Rotimūorūgūrucami’ yigu, Dios ī cōagū, rijacoaboarine, quēna tudicatisorocū űarucami. To bajiro ī bajiroti űajare, Diorāca quēnaro űacōari, ī catisere īsicoaruarāma, jud'io masa, jud'io masa me űarā quēne”, yuicamasīnūma. “‘Bajirūaroja’ īna yuicariarore bajirone bajiaja”, muare yigotirūgūaja —ĩnare yigotiyuju Pablo.

“Jesúre ajitirānūato” yigu, Pablo Agripare ī gotimasiore queti

²⁴ To bajiro Pablo ī yigotiűarone, ado bajiro yīavasāñuju Festo:

—To bajiro yimecūcōagū yaja mu. Jairo bueri űari, no bojasene tuoīacōari, goticōaja mu —Pablore ĩre yīavasāñuju Festo.

²⁵ To bajiro ī yijare, ado bajiro yiyuju Pablo, Festore:

—Yimecūgū me yaja yu. Muare yu gotise socase me űaja ti. Tire quēnaro ajicōari, “To bajirone bajiroja”, yimasiroti űaja. ²⁶ Jesús ī bajirere yu gotise yayioroŋu gotire me űaja. Masa īna ĩaro bajire űaja ti. To bajiro bajire ti űajare, masare yu gotimasiodicature masigūmi űu Agripa. To bajiri, gūibecune űajediro ĩre gotiaja yu —Festore ĩre yiyuju Pablo.

²⁷ To yicōari, Agripajare ado bajiro yiyuju Pablo:

—Diore gotirētobosariarā īna ucamasirere mu ajirūcūbuosere masiaja yu —ĩre yiyuju Pablo.

²⁸ To bajiro ĩre ī yisere ajicōari, ado bajiro yiyuju Agripa:

—“To cōro ĩre yu gotirone tuoīavasocōari, Jesúre ĩre ajitirānūcoarucami”, űyure yituoīacōati mu? —ĩre yiyuju Agripa.

²⁹ To ī yisere ajicōari, ado bajiro yiyuju Pablo:

—Yoaro meaca mure yu gotiboajaquēne, “Jesúre yu ajitirānūrare bajiro ĩre ajitirānūato ī” yigu, Diore mure sēnibosaja yu. To yicōari, muā jedirore Jesúre muā ajitirānūrotire bojaja yu. To bajiboarine Jesúre muā ajitirānūse suori yure bajiro muā tubibe ecosere bojabeaja yu —yiyuju Pablo.

³⁰ To ī yisere ajicōari, Agripa, Festo, Berenice, to yicōari Pablore ĩre ajiűariarā jediro, vūmurūgū budicoasujarā īna. ³¹ Budianane, ado bajise gāmerā yiyujarā īna:

—Nīe rojose yibesumi. To bajiri, ĩre tubibecūre, ĩre sīare quēne mañuja ti —gāmerā yiyujarā īna.

³² To yicōari, ado bajiro yiyuju Agripa, Festore:

—“‘űRojose yiyujari yu?’ yigu, űu Césare ĩre ĩacōiarotirucuja yu” Pablo ī yibetijama, ĩre bucōaroti űaboayuja —Festore ĩre yiyuju Agripa.

¹ “Pablore, gājerā tubibe ecoriārēre quēne, Italia vāme cuti sitajure īnare cōato mani”, yicama īna. To yirā űari, Julio vāme cutigure,

—īnare űmato vasa —īre yicama. Roma macana surarare űju César ī beseriarēre rotigu űacami Julio. ² Cūmua űacaju Adramitio vāme cuti macana yaga. Asia sitajure varoado bajicaju tia. To bajiri tia rāca vacaju yua. Yua rāca űacami Aristarco vāme cutigu quēne. Macedonia sita űarimaca, Tesalónica vāme cuti macagu űacami.^k ³ Gajerāmu Sidōn vāme cuti macaju ejacaju yua. “Rojose tāmuoami Pablo” yīlamaicōari, “Mū babarāre īnare īacudiaya. No mū bojase mure īsiato”, īre yicami Julio. ⁴ Ti maca űariarā, vacaju yua quēna. To yua bajivatone, buto mino vacaju. To bajicōari, yuare vēatuoacaju. To ti bajijare, Chipre vāme cutiyoa ture gāniacaju yua. ⁵ To bajivana, Cilicia sitare rēto, Panfilia sitare, Licia sita űarimaca Mira vāme cuti macare ejacaju yua.

⁶ Ti macaju gajea cūmua Alejandrīa vāme cuti macana yagare, Italiaju varoado bajiricare īacōari, tia rāca yuare űmato vacami surara űju. ⁷ Buto mino ti vajare cojorūmu me josari vacōari, Gnido maca cānamuīnare ejacaju yua. Yua vato riojo buto mino ti vacōa űajare, Creta vāme cutiyoa cutoja vacoacaju yua. Tiyoa űarimaca Salmōn vāme cuti macare rēto, tiyoa ture vacaju yua, mino ti vabetibusarōja vana. ⁸ Josari masu bajivana, Lasea maca tū űarimaca Buenos Puertos vāme cuti macajure ejacaju yua.

⁹ Cojorūmu me vacoacaju yua. To bajiri tone buto yuare gūiocoacaju yuja, juebusu ti cōñajare. To bajiri, ado bajiro īnare goticami Pablo:

¹⁰ —Vabeticōato. Mani vajama, rojose tāmuoarārāja. Cūmua rujacoararoja. Gajeyeūni quēne yayicoararoja. Mani quēne sīgari rujareacoarārāja —īnare yigotiboacami Pablo.

¹¹ To ī yiboajaquēne, īre cūdibeticami surara űju. Cūmua űjarājua, “Vacoajaro mani” īna yisejuare ajicami. ¹² Ti maca jetaga rocatuario juebusu ti űajama quēnabesuju. To bajiri, “Fenice vāme cuti macaju vajaro mani. Ti maca jetaga quēnaro rocatuario űaűuju ti, mino ti vabetibusajare. Toju mani űaro juebusu rētoraroja”, yituoīacama īna jedirone.

Buto mino ti vare queti

¹³ To bajiri īna vatojuare mino ti vasere īacōari, “Vajaro mani”, yicama īna. To yi, cūmua ruucūñiarajau ancla vāme cutijare tāmuoasā, tiyoa ture vacoacaju yua. ¹⁴ To yua bajivatone, gajeroja buto tutuaro mino vadicōari, yuare vēaviocōacaju ti. Nordeste vāme cuti űacaju ti. ¹⁵ To ti bajijare, “Tiyoa tubusa vanasa mani” yirā, tiare veaquēnobusaboacama īna. Butobusa mino ti vajare, “Manire ti vēacōarore bajirone vacoajaro mani”, yicōacama īna. ¹⁶ To bajivana, Cauda vāme cutiyoa cōñarore rētoanane, mino ti vabetibusajare, cūmua jairica ture īna siajoriare tiare tāmuoasācama īna, yua vacatia jubeaju. ¹⁷ To yigajanocōari, “Saguerobe” yirā, yua vacatia rāca quēnaro siañiacōacama īna. Sirte vāme cutiju cōñanane, “Jōrero vana yaja mani” yirā, ancla vāme cutijare rocaroarucama īna. To bajiro īna yijare, mino ti vēacōarore bajirone vacaju yua. ¹⁸ Gajerāmu to bajirone mino ti vacōa űajare, buto sabecōa űacaju. To ti bajijare, “Rujarobe” yirā, gajeyeūni gājerāre īsiruarā īna juaboarere juarearodecōacama īna. ¹⁹ To īna yibusuorirūmu, to bajirone mino vacōari, ti sabecōa űajare, cūmuayere quēne juarearodecama īna yuja. ²⁰ Cojorūmu me, muiju ruyubeticami. űamire quēne űcoa ruyubeticama. Mino ti vatujabetijare, “Rujareacoarārāja mani”, yituoīacaju yua.

²¹ Yoaro babeti vacaju yua. To yua bajivajare, ado bajiro yuare goticami Pablo:

—“Vabeticōato mani” muare yu yimasisere mūa ajijama, Creta vāme cutiyojane mani űacōajama, rojose tāmubetiborārāja mani. ²² To bajiboarine, tuoīasutiritibes mūa. “Cūmua ti yayicoaboajaquēne, manima caticōaruarārāja”, yituoīa mūa. ²³ Jējuaga űami āngel yure ruyuaicōari yure gotimi, Dios, yu űju, ī cōagū. ²⁴ Ado bajiro yure gotimi: “Gūbesa mū. űju César tū ejacōari, ‘¿Rojose yiyujari yu?’ yigu, īre īacōarotirucja mū. Dios, mure īamaigū űari, īre mū sēñijare, rojose mūa tāmuborotire muare yiretobosarucami. Mū rāca vana jedirone caticjedicōaruarārāja īna”, yure yimi āngel. ²⁵ To bajiri tire ajirā űari, sutiritibes mūa. “Dios ī gotitoticoariare bajirone bajiraroja”, yaja yu. ²⁶ To bajiri, yucayoa cōñaroja mino manire vēatucōararoja —yuare yigoticami Pablo.

²⁷ Adriático vāme cutiyajere jua semana vacaju yua, mino yuare vēatucōase rāca. To bajivana rīne, űami gudareco ti tusato, “Yucayoare cōñacoana yirāja mani”, yicama cūmuare īacoderimasa. ²⁸ To bajiri űcūase cōiariama rāca “¿no cōro űcuati ti?” yirā, ruucōīacama īna. Treinta y seis metros űcūacaju ti. Yoarobusa vacōari, ruucōīacama īna quēna. Veintisiete metros űcūacaju yuja. ²⁹ To ti bajijare, “Gātare rocaturo, cūmua vadirobe” yirā, cūmua ruucūñiare ancla vāme cutijare babarirācājure rearoderuucama īna, cūmua gude űasejuare. To yicōari, “Guarobusa busuato” yirā, Diore sēnicama īna. ³⁰ To yicōari, “Īguējau űasere quēne rearoderuuroana yaja yua”, yicama cūmuare īacoderimasa. Cūmua mojojica rāca rudiararā

^k 27:2 Lucas vāme cutigu, Pablo rāca varī űari, “vacaju yua”, yicayumi.

yirã yiboayuma. ³¹ To ñna yiboajaquêne, surara ujure, to yicõari surarare quêne ado bajiro ñnare goticami Pablo:

—Cũmuare ñacoderimasa ñna rudicoajama, catibetiruarãja mua —ñnare yigoticami.

³² To ñ yijare, “Rudicoanasa mani” ñna yiboariare, ñna siariamarire yijesurecõari, vëjarocarocõacama ñna, surara.

³³ To ñna yiro bero, busujedibetone yua jedirore baroticami Pablo:

—“¿No bajiro bajirãti mani?” yitõiarã ñnari, jua semana quênaro bare bamenane ñnacõaju mua. ³⁴ To bajiri bare baya mua, “Catirãsa” yirã. Nijhane mani rãcagu rijayayibetirucumi —yuare yigoticami Pablo.

³⁵ To bajiro yuare ñ yiro bero, panre ãmicõari, “Quênaro yaja mu”, yicami, Diore sënigũ. To yigajanocõari, bacami. ³⁶ To ñ yisere ajivariquênacõari, bacaju yua quêne. ³⁷ Tia cũmuare vacana, doscientos setenta y seis ñnirãcu ñnacaju yua. ³⁸ Yua bañsuctiro bero, trigo joarire rearodecama ñna, “Rãcubetibusaro vanasa” yirã.

Pablo mesa ñna rujare queti

³⁹ Busuro bero yucũyoare ñacõari, “¿No ñnoju ñnati?”, yicama ñna. To bajiro yiboarine, jabua ti ruyujare, “Tibua cutojuare rocaturãsa”, yicama cũmuare ñacoderimasa. ⁴⁰ To bajiri, ancla buto ti rucujare, ti cãnori rãcane jasureruucõacama ñna. To ñna yirone, gãjerãma “Cũmuare veaturãsa” yirã ñna siaturiajãirire jojiocama ñna, jabuajuare jãjaruarã. To yicõari, cũmua ñguẽa cutojua ñnirigaserore mino tuarigaserore tũamucocama ñna, “Cũmuare ñmato jãjajaro” yirã. ⁴¹ Tusarojare jãjajamenane ti jõrejare, cũmua ñguẽa jabuaju jejacõacaju ti. To ti bajirone, buto oco sabeca yiro, cũmua gude cutojuare sabevaruucõacaju.

⁴² To ti bajirone, tubibe ecoriarã ñna juadiriarãre “Baãjãjarudiatoma” yirã ñnare sãruacama surarajua. ⁴³ Ñna sãruaboajaquêne, Pablore maigũ ñnari, ñnare sãrotibeticami ñna ujujua.

—Tire yimenane, baãmasirãma jatirearodecõari, tusarojua baãjãjasa mua —ñnare yicami.

⁴⁴ —Baãmasimenama, yucũjãiri, to yicõari, no bojase jayase rãca ñnacõari tusarojua baãjãjasa —yicami. To bajiri sīgũ rujarocariaro mano jabuaju baãjãjajacaju yua.

28

Malta vãme cutiyoaju ejacõari, Pablo mesa ñna bajire queti

¹ Toju ejacõari, “Malta vãme cutiyoaju ñaja mani”, yĩamasicaju yua. ² Tijuana masa, to yua ejaro, quênaro yuare yicama. Buto oco ti quedijare, yuare usacaju. To yua bajijare, jeame riocõari, “Sũmaroaya mua quêne”, yuare yicama. ³ Jearujuri juagu vacõari, ñna riori mere ñ yirone, ãña jearujuri vatoo ñnari, “Jea asisere rudiacuja” yigu, ñ ãmojure jatirocayocõari, cũnicami, Pablore. ⁴ Ñ cũniyojasere ñacõari, ado bajiro gãmerã yicama toana:

—Masa sãrimasu ñagũmi. Ñna rujariaroju ñ rujarocabetijare, ñ masa sãre vaja ñre ãña cũnirotigomo so, mani rucubũgo —gãmerã yicama ñna.

⁵ To bajiro ñna yiboajaquêne, jeameju ãñare ñre yayerocatiacõacami. To bajicõari, visiorũgũ yibeticami Pablo. ⁶ “Guaro mijirũarojo. Ti mijibetijaquêne, ñaro tusarone rijacoa tujarucumi”, yitũoĩaboacama tijuana jediro. To yicõari, yoaro ñre ñacodeñaboacama. Ñna tuõiarore bajiro ñ bajibetijare, ado bajirojua tuõiacama ñna yuja: “Mani rucubũgo, masare bajiro ruju cuticõari, ejami”, gãmerã yicama ñna yuja.

⁷ To yua bajiñacatiju ture ñnacaju, tiyoana uju Publio vãme cutigu ye sita. Quênaro yuare bocaãmicami. To bajiri, idiarũmu ñ rãca yua ñaro quênaro yuare yicami. ⁸ Ñ tu yua ñaro, “Buto rijaami yu jacu” ñ yisere ajicaju yua. “Buburibujacõari, guda cuduami. Mano gajajuar ñ cãnijesariaro joeju jesaami”, yicami. To bajiro ñ yijare, ñre ñagũ jãjacami Pablo. Ñ tu jãjajacõari, Diore ñre sënibosacami. To yicõari, ñ ãmori ññueocami. To ñ yirone, catiocacami ñ yuja. ⁹ Ñre ñ catiosere ajicõari, toana rijaye cutirã, ñre catiorotirã ejacama ñna. To ñna bajijare, ñnare catiocami Pablo. ¹⁰ To ñ yijare, yuare rucubũorã, quênaro yirũgũcama ñna. To yicõari, yua varoto rijoro, yua bojase jediro yuare ñsicama.

Romaju Pablo ñ ejare queti

¹¹ Malta vãme cuti yoajare idiarã muijua ñnacaju yua. “Juebũcu ti rëtoro bero vanasa” yirã, tujayuma Alejandrã vãme cuti macana. To bajiri, juebũcu bero, ñna rãca vacaju yua quẽna. Tia ñguẽajure, “Ado bajirã ñnãrãma cũmuare ñacoderimasa mani rucubũorã, Cástor, to yicõari Pólux vãme cutigu quêne” yicõari ñna quênoriarã ñnacama. ¹² Siracusa vãme cuti macaju ejacõari, idiarũmu ñnacaju yua. ¹³ Ti macaju ñnacõari vana, Regio vãme cuti macaju ejacaju yua. Gajerũmu yua vato riojo mino ti vajare, Puteoli vãme cuti macaju vaejacaju yua. ¹⁴ Ti macaju ejacõari, Jesũre ajitirãnurãre ñnare bujacaju yua. “Yua rãca cojo semana ñña mua”, yuare yicama ñna. To bajiri ñna rãca cojo semana ñnacaju yua. To baji, Romaju vacaju yua. ¹⁵ Yua vadi quetire ajicõari, yuare bocarã vayuma ñna, ti macana Jesũre ajitirãnurã. To bajiri, Foro de Apio vãme cuti macaju yuare bocacama. Gãjerãma, Tres Tabernas vãme cutoju yuare

bocacama İna. To İna bajiro İacđari, variquēnagū ĩari, “Quēnaro yaja mu”, Diore İre yicami Pablo. ¹⁶ Roma vāme cuti macaju yua ejaro, tubiberiaviju Pablo İ ĩaruabetijare, “Gaje viju sīgū İ ĩacđajama, quēnacđaroja. To bajiboarine sīgū surara İre coderucami”, yicama.

Romaju ĩacđari, Pablo İ bajire queti

¹⁷ Romaju İ ejaro bero idiarūma ĩatusacu, “Jud'io masa ĩjarāre İnare jirēoĩa”, yicami Pablo. İna rējajediro, ado bajiro İnare goticami:

—Yure ajiya yu yarā. Mani yarāre rojose yu yibetiboajaquēne, to yicđari, mani ĩicua İna yirūgūre yu rūcubūorūgūboajaquēne, yure ĩiacđari, romano masare İsicama mani yarā, Jerusalén macana. ¹⁸ ĩie rojose yu yibetijare, “Rojose yibesumi” yicđari yure buruaboacama romano masajuama. ¹⁹ Yure İna buruaboajaquēne, mani yarājua, “İre bubeticōaĩa”, İnare yicama. To İna yijare, “ ‘Rojose yiyujari yu’ yigu, Roma macagu, Uju Césare İre İacđarotirucuja”, yicaju yu. “ ‘Rojose yure İna yicati ti ĩajare, rojose İnare yiya’ yiru me, Uju César tuju varucuja”, yicaju yu. ²⁰ Tire gotiru muare jicđamu yu. Israel ĩamasir'i jānerabatia mani tuoĭayurūgūcacu, ĩere ejayumi. To bajiri, İre yu ajitirānujare, cōmema rāca yure sīarūgūama —İnare yigoticami Pablo.

²¹ To İ yisere ajicđari, ado bajiro İre yicama İna, Roma macana jud'io masa ĩjarā:

—Judea sitana ejaboarine, “Rojose yigu ĩaami Pablo”, yuare yigotibetirūgūama. İna ucacōasere quēne İabetirūgūaja yua. To bajiri mu bajisere masibeaja yua. ²² To bajiboarine, “Jesūre masa İna ajitirānujama, quēnabeti ĩaja” masa İna yise rīne ajirūgūmu yua. To bajiri, mu tuoĭase yuare mu gotisere bojaja —İre yicama İna, Pablöre.

²³ To bajiro İre yirā ĩari, İ gotisere ajirā İna rējarūmure İre goticama İna. “Tirūmu rējaruarāja mani” İna yicatirūmu ti ejaro, jājarābusa rējacama İna.

To bajiri, ado bajiro İnare gotimasiocami Pablo:

—Jesūne ĩaami “Rotimūorūgōrucami” yigu, Dios İ cđar'i. İre ajitirānurāre, “Yu yarā ĩaama” İnare yīĭavariquēnacđari, quēnaro yirūgūami Dios —İnare yigotimasiocami Pablo.

Tire İ gotimasiojama, Moisés ĩamasir'ire Dios İ roticūmasirere, to yicđari Diore gotirētobosamasiriarā İna ucamasirere masigū ĩari, İnare gotimasiogū yicami. Busuriju İ goticoajama, rāiorijuju gotigajanocami. ²⁴ To bajiro İ yisere ajicđari, “Socu me yami. Riojone bajiroja”, yiajicama sīgūri. To bajiboarine gājerāma ajitebusacama. ²⁵ To bajiri sīgure bajiro tuoĭabetica yirā, budisucama İna. To İna bajirone, ado bajiro İnare goticami Pablo:

—Ado bajiro mua bajirotire yigu, Esp'iritu Santo, mua ĩicua ĩamasiriarāre İ yimasire riojo ĩaĩuja ti. “Ado bajiro İnare gotiya”, yimasiĩumi, Isa'ias ĩamasir'ire:

²⁶ “Mu yarāre İnare gotiaya mu: ‘Yure ajirā ĩaboarine, ajimasibeticōa ĩaruarāma. Yu yīĭosere İarā ĩaboarine, “¿To bajiro bajisere yigu yatique İ?’, yīĭamasibeticōa ĩaruarāma.

²⁷ Ado bajiro bajirā ĩari, yu yere ajimasimena ĩarāma İna: Gāmo gojeri tusubeti, to yicđari, caje İamenare bajiro bajirāma. To bajiro yu yijama, “Yu yere tuoĭaruamena ĩaama” yigu yaja yu. To bajirā ĩari, tire quēnaro ajimasibeama. Yu yere İna tuoĭaruajama, tire ajimasicđari, yu bojarore bajiro tuoĭavasoacđari, yure sēnirūcubūoborāma İna. Yure İna sēnijama, yure İna cāmotadicōa tujaborotire İnare yirētobosaboguja yu', İnare yigotiaya mu”, Isa'iare İre yigotimasiĩumi Esp'iritu Santo. To bajiro İ yijama, adirodorianare quēne, muare gotigu yimasiĩumi.

²⁸ To bajiri quēnaro ajiya mua: Adirūmurire Jesús suorine quēnaro Dios İ yisere jud'io masa me ĩarājuare gotimasiocudiroti ĩaja. İnajuama tire ajirā ĩari, ajitirānuruarāma —İnare yigoticami Pablo.

²⁹ To bajiro İ yigotijare, sīgure bajiro tuoĭabetica yirā, gāmerā oca rētocđari, budijedicoacama jud'io masa.

³⁰ Jua cūma ĩacami Pablo, gājoa bojarā ĩari, İre İna vasoariavijure, Roma macajure. To bajiĩagū, İre İarā ejarā jedirore quēnaro İnare yirūgūcami. ³¹ Gūibecūne ado bajiro İnare gotimasiōrūgūcami:

—Jesucristore mua ajitirānujama, “Yu yarā ĩaama” muare yīĭavariquēnacđari, quēnaro muare yirūgūrucami Dios. To yicđari, —Ado bajiro Jesucristore ajitirānurōti ĩaja —İnare yigotimasiōrūgūcami.

Tire İ gotimasio ĩaro, “İnare gotibesa”, İre yibetirūgūcama İna, romano masa.

To cōro ĩaja.

Carta de San Pablo a los ROMANOS

Roma vāme cuti macana, Jesucristore ajitirānūrāre Pablo ī ucacōare queti

¹ Yū űaja Pablo vāme cutigū adi quetire muare ucacōagū. Jesucristo, ī bojasere yigū űaja yū. Yure besecōari, yure cōacami Dios, “Yū macu suori quēnaro yū yise quetire gājerāre gotimasiocudirucuja mu” yigū.

²⁻³ Adi quetire Jesucristo ī bajirotire quēnasere ucasuomasiñuma īna tirūmuanaaju Diore gotirētobosariarā. To bajiri adigodojare masare bajiro ruju cuticōari ī ruyuare ti űajare, tirūmuana ī bajirotire yirā īna ucariarore bajirone bajiyumi. To bajiri, “Ŭju David űamasir’i jānami űaűumi”, ĩre yimasiaja mani. ⁴ To bajiri ī siaecoro bero, Dios ī masise rāca ĩre catiocōari, “űajediro űju űaűa mu” ĩre ī yire ti űajare, “Jesucristo mani űju, Dios macune űaami”, ĩre yimasiaja mani.

⁵ To bajiri Jesucristo suori quēnaro yure yigū, yure goticudirotiyumi Dios, “Tocārāca sitana ī macu ī bajirere ajicōari, quēnaro ĩre ajitirānuato” yigū. ⁶⁻⁷ To bajiri mua quēne Roma űarā, “Cristore ĩre ajitirānuā” Dios ī yirere cudiriarā űaja mua, Jesús yarā. Muare buto maiami Dios. Jesure ajitirānūrā űari, Dios rīa űaűuja mua. Muare quēnaroitu, mani jacu Diore, to yicōari, mani űju Jesucristore, ado bajise muare sēnibosaja yū: “Quēnaro īna űarotire yirā, ĩnare ejarēmoűa”, muare yisēnibosaja yū.

Roma macanare Pablo ī ĩagū varuare queti

⁸ űasuose ado bajise muare gotiaja yū: Cristore ĩre mua ajitirānusere gotirūgūama tocārāca macariana. To bajiro īna yisere ajicōari, “Dios ī yise suorine Cristore ajitirānūrāma” yimasigū űari, “Quēnaro yaja mu”, Diore ĩre yaja yū. ⁹ Tocārācaine Diore yū sēnijama, muare quēne sēnibosarūgūaja yū. Dios yure ī rotirore bajiro buto cudivariquēnaja yū. ĩ yirore bajiro cudigu űari, ī macu suori quēnaro ī yise quetire goticudirūgūaja yū. To bajiri, masiami Dios, muare yū sēnibosasere. ¹⁰ Diore sēnigū, “Mu bojjajama, no bojarirāmu ĩnare ĩacudigu varucuja yū”, ĩre yisēnirūgūaja yū. Mua tuju varu, tuoĩacōa űarūgūboaja yū. ¹¹ “Butobusa Jesure ajitirānuato” yigū, muare ejarēmoraaja yū. ¹² Mua quēne, yū quēne, “Butobusa ĩre ajitirānūrāsa mani” yigū, mani gāmerā ejarēmosere bojaja yū.

¹³ Cojoi me mua tujare yū varuarūgūboasere masiűa mua, yū mairā. “Gaje sitana yū gotisere ajicōari, Cristore ĩre īna ajitirānucatore bajiro mua rācana quēne ajitirānuato” yigū, varuarūgūboaja yū. Mua űarojare varua tuoĩagū űaboarine, mua tujare vamasibeticaja yū. ¹⁴⁻¹⁵ Yū moare űaja Jesucristo ī bajire suorine Dios quēnaro masare ī yisere gotimasiore. Griego ocare űagōrāre quēne, īna mere quēne, quēnaro masirāre, masimenare quēne gotimasiroti űaja yure. To bajigū űari, Roma macaju ejacōari, mua rācanare quēne buto gotimasioruaja yū.

“Masa, Jesucristore ĩre ajitirānucōari, quēnaseyere īna bujjajare, tire gotibojonebeaja yū”, Pablo ī yire queti

¹⁶ Jesucristo ī bajire suorine masare quēnaro Dios ī yise queti, quēnase űaja. Tire ajicōari, Jesucristore īna ajitirānūjare, rojose īna yise vaja rojose īna tāmoutubetirotire ĩnare yirētobosami Dios. Quēnaro ī yise űajare, ti quetire gotibojonebeaja yū. Jud’io masa, ti quetire ajisuocaja. Tiju bero, ajisuyarūtuajama jud’io masa me quēne. ¹⁷ Ado bajiro yaja ti queti: “ ‘ ‘ űie rojose mana űaama’ yato Dios” yigū, yure rijabosayumi Jesús’ yituoĩarāre, ‘ űie rojose mana űaama’ ĩnare yīlāami Dios”, yaja ti. ĩjane to bajiro ī yire űajare, to bajiro tuoĩaja mani. Tirene gotiaja Dios ocare masa īna ucamasire. Ado bajiro gotiami Dios: “ ‘ űie rojose magū űaami’ yū yīlāvariquēnagūma, ‘Cristo suorine Diorāca quēnaro űaja yū’ yigū űari, ‘ĩ rijato beroju tudirijabeticōato’ ĩ’ yigū, yū catisere yū ĩsigū űarucūmi ī űgūma”, yigotiaja Dios ocare masa īna ucamasire.

“Masa jediro rojose yirā űaama”, Dios ī yīlase queti

¹⁸⁻¹⁹ “Ado bajiro ti bajijare, ‘Rojose mana űaama’ Dios manire ī yīlāsere bojaja mani jediro”, yigotimasioguagu yaja yū. Dios ī rujeorere ĩacōari, “To bajiro tuoĩagū űagūmi”, yimasiroti űaja. To yicōari, “Masa rojose īna yisere ĩategu űaami”, ĩre yimasiroti űaja. “To bajiro tuoĩagū űagūmi” ĩre yimasiroti ti űaboajaquēne, ĩre rūcubuoabeticōari, rojose yirā űari, gājerā ĩre īna masirūboasere “ĩre masibeticōaűa” yirā yama. To bajiro īna yijare, rojose ĩnare ī yijama, riojo yigū yirucūmi Dios. ²⁰ ĩbujayamagū ī űaboajaquēne, ī rujeorere ĩacōari, “ ‘To bajiro yir’i ī űajare, ī masisere masiaja’ yure yato īna” yigū, adi macarucurore rujeomasīñumi Dios. To bajiri, tire ĩacōari, “űagūmi mani rētoro masigū, adi macarucurojare yirujeosuor’i”, yire

ñacoayuja. To bajiro yire ti ñacoadijare, “Diore masiña manicaju ti”, yimasíña maja. To yicōari, “Dios i bojabetire masibecu ñari, no yu bojarone yirügücaju yu”, yimasíña maja.²¹ Tirāmaju, Diore masiboarine, quēnaro ire rācubobetimasíñujarā masa. Quēnaro ñare i yiboajaquēne, “Quēnaro yaja mu”, ire yibetimasíñujarā ña. To bajiro bajirā ñari, socasejuare ajitirānacōari, Dios i ñajama, rojose ti ñaboajaquēne, “Quēnasere yirā yaja mani”, yicoayuma ña.²² To bajiro bajica yirāne, “Buto masirā ñaja yua” yicōarē ñaboarine, ñamasusejuarema masiriticoayuma ña.²³ Dios rijabetirocujare ire rācubobeticōari, masa rijarona rujare bajirojua quēnorujeocōari, rācubuoayujarā ña. To yicōari, varāre bajirā, vaibucarāre bajirā quēnorujeocōari, rācubuoayujarā ña.

²⁴ To bajiri, ire ña ajitirānubetijare, “Rojose ña yiruaro cōro yicōa ñato ña”, ñare yicōañuju Dios. To bajiro ñare i yijare, butobusa bojoneose yirūtuasujarā ña.²⁵ Dios yere ajitirānubeticōari, socasejuare ajitirānūrūtuayujarā ña. To yica yirā, Diore jediro rujeor'ijare ire rācubobeticōari, i rujeorejuare ña masune quēnorujeocōari, rācubuoayujarā ña. Diojua ñaami masa ña rācubuo tujabetirocuma. To bajirone bajimuorügōato.

²⁶ To bajiri gaje vāmejua rīne masa ña rācubuoocōa ñajare, “No ña bojaro yicōa ñato ña”, ñare yicōañuju Dios. Ado bajiro yirügüñujarā ña: “Rōmia, amua rāca yiruārāma” Dios i yiboarere yibeticōari, rōmia rīne gāmerā ajeriarā cutiyujarā ña.²⁷ Emua quēne, “Rōmia rāca yiruārāma” Dios i yiboarere yibeticōari, amua rīne buto gāmerā yiruacōari, gāmerā yiyujarā ña. To bajiri ña rujariaye rāca bojoneose yirā ña ñajare, rojose ñare yiyuju Dios.

²⁸ Ire ña ajibeti vaja, “No ña bojaro bajicōato”, ñare yiyuju Dios.²⁹⁻³¹ Rojose ña yijama, ado bajiro yirügürāma: Jairo gajeyeūni cuorā ñaboarine, jaibusaro bojarēmōrā ñarāma. Gājerāre, “Yu rēto busaro quēnaro ñaama”, yilajūnisinirā ñarāma. Gājerāre sīa, buto oca josajai, socajairā ña, bajirāma. Gājerā rojose ña yirere ajicōari, gājerāre gotirudijairā ñarāma. Masa ña ajiro rījorojua quēne, socarāne, “Ado bajise rojose yima”, yigotirāma. Diore ire terā ñarāma. Gājerāre tud'irā ñarāma. “Namasurā ñaja yua”, yijairā ñarāma. Gājerāma, “Namasurā ñaja yua” yituoīarā ñaboarine, “To bajiro bajirā ñaja yua”, yimenama. Rojose ña yiro tire quēnaro yimasirā ñarāma. Ña jacuare ocarētōrā ñarāma. “Quēnase ñaja. Rojose ñaja”, yimasimena ñarāma. Ña goti rore bajiro yirā me ñarāma. Gājerā ña yarā ña ñaboajaquēne, ñare ñamaimena ñarāma ña. Maioro bajirāre sutiritiāmena ñarāma ña. To bajiri, rojose jediro yirā ñarāma.³² To bajiro yirārema, “ ‘Rojose ña yise vaja, rojose tāmūotujabetiraroju cōarucuja yu’ yiyumi Dios” yimasicōarā ñaboarine, rojose yitujamenama. To yicōari, ña yirore bajiro gājerā ña yijama, rojose ña yisere iacōari, buto variquēnarāma ña.

2

“Rojose, quēnase masa ña yisere iabeserucumi Dios”, yire

¹ “Rojose ña yise vaja Dios rojose ñare i yijama, riojo yigu yigumi” yituoīacōari, “Quēnarā ñaja yua; yuarema rojose yibecumi” mua yituoīaboajaquēne, “Yuare quēne, rojose yuare yato Dios” yirā yirā ña. Rojose ña yirore bajirone rojose yaja mua quēne. To bajiri, “Rojose yimena ñaja yua”, yimasimenaja mua.² “Dios ñaami, ‘Rojose ña yise vaja rojose tāmūoruarāma’ yilamasigūma”, yimasijaja mani.³ “Rojose ña yise vaja rojose ñare yirucumi Dios” yicōari, “Rojose yibetirucumi yuarema”, zyituoīaboati mua, ñare bajiro rojose yirā ñaboarine?⁴ Rojose mua yise vaja guaro rojose muare i yibetijama, “Manire maigū ñari, rojose yibetirucumi Dios”, zyituoīaboati mua? To bajiro me bajijaja. Muare ñamaicōari, rojose mua yise vaja guaro rojose muare yiruabeami Dios. Rojose mua yisere sutiriticōari, mua tuoīavasoarotire bojaami. Rojose mua yisere “Yitujato” yigu, muare yugu bajiami maji.⁵⁻⁶ To bajiri rojose mua yise vaja rojose muare i yibetijare, “Rojose yirā yaja yua” yisutiritimena ñari, rojose yitujabeaja mua. To bajiri, rojosere mua yicōa ñarügüjare, masare i beserirāmu ti ejaro, rojose yirāre rojose tāmūotujabetiraroju i cōarotirāmu buto muare jūnisinigū ñari, rojose muare yirucumi Dios. To i yijama, “I yirore bajiro yigu ñaami”, yimasire ñaruarōja.⁷ Sigūri quēnasere yitujamena ñaama ña. “ ‘Quēnaro yirügücaju mua’ manire yato i Dios”, yituoīarā ñaama. Dios taju ña ñarotire bojarā ñaama. To bajiro ña tuoīajare, ña rijato beroju “Tudirijabeticōato” yigu, i catisere ñare i sirucumi Dios.⁸ Gājerājuama to bajise tuoīarā me ñaama ña. Ña bojarore bajiro tuoīarā ñari, Diore ajimena ñaama ña. Ire ajimena ñari, rojose yirügüama ña. To bajiro ña yise ñajare, buto jūnisiniami Dios. Ñare jūnisinigū ñari, masare i beserirāmu ti ejaro, rojose tāmūotujabetiraroju ñare cōarucumi.⁹ Jud'io masa, jud'io masa me quēne, rojose yirāma, buto rojose tāmūoruarāma ña.¹⁰ Quēnasere yitujamenajarema, “Quēnaro yirügücaju mua” ñare yicōari, “Yu rāca quēnaro ñaruarāja mua”, ñare yirucumi Dios. To bajiro yirucumi, jud'io masare, to yicōari jud'io masa mere quēne.

¹¹ Masare i iabesejama, “Ānoama rojose yirā ña ñaboajaquēne, ñamasurā ña ñajare, ñare quēnaro yirucuja yu” yigu me ñaami Dios. To bajiro yigu ñari, rojorāre rea, quēnarāre

jua, yirucumi. ¹² Jud'io masa me ñaräre, Moisére Dios i roticūmasirere cuomena ña ñaboajaquēne, rojose ña yise vaja rojose tāmūotjabetirarojore ñare reacōarucumi. To yicōari, Moisére Dios i roticūmasirere cuoräre quēne, tire cuorä ñaboarine ñe ña cudibeti vaja rojose tāmūotjabetirarojore ñare reacōarucumi. ¹³ “Dios i rotimasirere cuorä ñaja yua” yirä ñaboarine, ti rotiore bajiro ña cudibetijama, ñie vaja maja. “Quēnase yirä ñaama”, ñare yīābetirucumi Dios. I rotimasire ti yirore bajiro cudirä rīne ñaruarāma, “Quēnase yirä ñaama” i yīārä. ¹⁴ To bajiri jud'io masa me ñarä, Moisére Dios i roticūmasirere masibetiboarine, quēnasere ña yijama, Dios i rotimasirere ajicōari, cudiräre bajiro bajirāma, i bojasere yirä ñari. To bajiro yirä, Dios i ucarotimasirere cuomena ñaboarine, rojose ña yisere masirāma, Dios i masisere ñare i cōase ti ñajare. ¹⁵ “Dios i rotise ñaja ti” yimasimena ñaboarine, Dios i bojasere masirāma ña. To bajiri rojose ña yijama, “Rojose yirä yaja yua”, yitūōārāma. To yicōari, quēnasere ña yijama, “Quēnase yirä yaja yua”, yitūōārāma. ¹⁶ To bajiro masa ña yitūōārūgūse ñajare, masare i beserirāma ti ejaro Jesucristore cōarucumi Dios, masa jediro ña tūōārūgūre ñacōari, “Ado bajiro tūōārä ñari, quēnase bujarä, rojose tāmūorä, bajiruarāja mua’ ñare yato i” yigu. To bajiro i yiroti ti ñajare, Jesucristo manire i rijabosare suorine Dios quēnaro i yise quetire yu gotimasiojama, tire quēne gotirūgūja yu.

“Moisére Dios i roticūmasirere cudirä ñari, Dios yarä ñaja yua”, jud'io masa ña yire queti

¹⁷ Ado bajiro yitūōaboarāja mua jud'io masa sīgūri: “Jud'io masa ñari, Moisés ñamasir'ire Dios i roticūmasirere rucubuoaja yua. To bajiri Dios yarä ñaja yua, rojose i yibetirona”, yitūōaboarāja mua. ¹⁸ Moisére Dios i roticūmasirere cuorä ñari, i bojarore bajiro yirere masirāja. To yicōari, “Dios i rotimasire masicōari, quēnasere yimasirä ñaja yua”, yirāja mua. ¹⁹⁻²⁰ To bajise yitūōārä ñari, ado bajiro tūōaboarāja mua: “Dios yere masimenare gotimasiorimasa ñaja mani”, yiboarāja mua. “Rojose yiräre Dios i bojasejuare gotimasioaja mani. To bajiro mani yibetijama, ñamasare bajiro tūōācōa ñaruarāma”, yitūōaboarāja mua, “Dios rotimasirere cuorä ñari, Dios ye jediro riojo masijeorä ñaja mani” yitūōārä ñari. ²¹ To bajiri gājerä masare gotimasioaboarine, ħmuajuama gājeräre mua gotimasiorore bajiro yibeati mua? Gājerä masare, “Mua juarudijama, quēnabeaja ti” yigotiboarine, muajuama juarudirāja mua. ²² “Mua manajo me rāca, rōmia quēne mua manaju me rāca mua ajeriarä cutijama, quēnabeaja ti” yirä ñaboarine, muajuama, ħno yirä tire yicōārūgūati mua? “Gājerä masa, Diore masimena, ña masune ña quēnoriarājuare rucubuosocarāma. To ña yisere ñarä ñaja yua” yigotiboarine, ħno yirä ña yirucubuosocariviriayere ñasere juarudiati mua? ²³ “Moisére Dios i roticūmasirere ñamasusere cuoaja yua” yivariquēnarä ñaboarine, ti rotiore bajiro yimenaja mua. To bajiro mua bajijama, Diore terä bajirāja mua. To bajiro mua bajisere ñacōari, gājerä masa quēne, ñe terāma. ²⁴ Ti űnire gotiaja Dios ocare masa ña ucamasire: “ ‘Dios yarä ñaja yua’ yigotirä ñaboarine, rojose yirūgūrāja mua. To bajiri Diore masimena quēne, ‘Rojosere quēnaro yigu ñagūmi Dios’ yitūōaama ña”, yigotiaja Dios ocare masa ña ucamasire.

²⁵ Circuncisión yiecoriarä ñarāja mua. “ ‘Dios yarä ñaja yua. To bajiri ñe cudirona ñaja yua’ yimasiritibeticōato ña” yigu, to bajiro mani ñicuae yirotimasiñumi Dios. To bajiro Dios manire i yirotimasire ti ñajare, i rotimasire ñaro cōrone mani cudijeocōajama, circuncisión mani yiecore, vaja cutiboroja ti. To bajiboarine Dios i rotimasire jediro cudijeomena ñari, circuncisión yiecobetiriaräre bajirone bajicōaja mani. ²⁶ No bojarä, circuncisión yiecoyamana ña ñaboajaquēne, Dios i roticūmasirere masibetiboarine, ti yirore bajiro ña yijama, “Yu yarä ñaama”, yīāgūmi Dios. ²⁷ Jud'io masajuama, Dios i rotimasire masa ña ucamasirere cuorä ñaboarine, to yicōari, circuncisión yiecoriarä ñaboarine, Diore quēnaro cudimenaja mua. Gājerä masa circuncisión yiecobetiriarä ñaboarine, Dios i roticūmasirere masibetiboarine, ti yirore bajiro yirä ñarāma. To bajiro bajirä ñari, muare jud'io masare ñacōari, “Rojose yirä ñaama”, muare yīāruarāma. ²⁸ Jud'io masa quēnase ña gotiboajaquēne, to yicōari quēnase ña yiboajaquēne tire ñacōari, “Jud'io masa masu ñaama”, yīābeami Dios. Circuncisión yiecoriarä ña ñaboajaquēne, “Jud'io masa masu ñaama”, ñare yīābeami Dios. ²⁹ Dios i ñajama, Esp'iritu Santo i ejarēmose rāca tūōārä rīne ñaama i yarä, jud'io masa masuma.

3

¹ To bajiro yu gotisere ajicōari, ado bajiro tūōārāja mua jud'io masa sīgūri: “No yirä, ‘Jud'io masa ñaja yua’ yimenaja mani. Jud'io masa mani ñajaquēne, ñie bujamenaja. Circuncisión yire quēne, ñie vaja manoja”, yitūōaboarāja mua. ² To bajiro me bajiaja. Cojo vāme me jud'io masare quēnaro yiyumi Dios. Ñasuose ado bajiro muare gotiaja yu: Mani ñicuae i ocare cūñumi Dios. “Quēnaro muare yirucūja yu”, ñare yimasīñumi Dios. Tire ajicōari, ado bajiro tūōārāja mua: ³ “Mani ñicua sīgūri Dios i rotimasirere cudimena ña ñajare, ‘Quēnaro ñare yirucūja yu’ Dios i yiboarere yibetirucumi”, yitūōaboarāja mua. “Diore ajitirānūrūgūrārāja”

yirā ñaboarine, ña yirore bajiro yirā me ñaama masama. Diojuma, to bajiro bajigu me ñaami. “Quēnaro ñare yirucuja” yir’i ñari, i yirore bajiro yirucumi. ⁴ Ado bajiro bajiaja: Masa mani socaboajaquēne, Dioma, socagu me ñaami. Tirene ucamasiñumi Diore gotirētobosarimasu: “Mure yu cudibeti vaja, rojose yure mu yiro ñacōari, ‘Yirucuja’ i yiriare bajiro yami’ mure yirucubo variquēnaruarāma masa. To bajiri, ‘Socagu ñaami’ mure yigu manirucumi”, yiu camasiñumi.

⁵ I rotisere cūmasiñumi Dios, mani ñicuare. “Yu rotiore bajiro mua yibetijama, rojose muare yirucuja”, ñare yimasiniñumi. To bajiro i yimasire ti ñaboajaquēne, ñe ajibeticoayuma ña. To bajiri, jud’io masare, “Yu yarā ñaama”, yilabeami Dios yuja. Jud’io masare, “Yu yarā me ñaama” i yirere ajicōari, “Ñe ña cudibeti vaja, ‘Rojose’ yirucuja i yiriare bajirone yigu ñaami” yirā ñari, ñe rucubuoama ña, jud’io masa me. To bajiri, jud’io masajuma, Dios muare rojose i yisere masicōari, “Gājerā yure rucubuo variquēnato ña’ yigu, yu yarā me ñaama jud’io masama”, yigumi Dios. “To bajiro i yijama, mani rāca rojose yigu, yigumi Dios”, yituoīati mua? ⁶ To bajiro me bajiaja. Masa rojose ña yise vaja Dios rojose ñare i yijama, vatōjene rojose yigu me yami. To bajiri, masa rojose ña yisere ñamasigū ñari, rojose ñare yirucumi Dios.

⁷ To bajiro muare yu gotisere ajicōari, ado bajiro tuoīarēmoboarāja mua jud’io masa: “Dios i rotimasirere cūdieobetiboarine, i rotimasirere yirā ñaja mani. To bajiri rojosere mani yiboajaquēne, rojose manire yimasibeami Dios. Rojose mani yise vaja, rojose manire i yijama, rojose manire i yisere ñacōari, ‘To bajiro yirucuja’ i yiriare bajiro yigu yami Dios’ yilacōari, rucubuo variquēnaruarāma jud’io masa me ñarā”, yituoīaboarāja mua. ⁸ To bajiro me bajiaja. To bajiboarine, jud’io masare yu gotimasiosere ajicōari, sigūri ado bajiro yure ñagōmacarāma ña: “ ‘Gājerā, Diore rucubuo variquēnato ña’ yigu, rojose yito mani’ yigumi Pablo”, socarāne yure yilagōmacarāma ña. To bajiro yirāma, rojose tāmutojabetiriaroju reacorā ñarāma.

“Mani jedirone rojose mani yise vaja, suoye cutiaja mani”, yire

⁹ To bajiro muare yu gotisere ajicōari, çado bajiro yituoīati mua? “Dios manire i ñajama, gājerā masa rētoro quēnarā ñaja mani jud’io masa”, yituoīati mua? To bajiro me bajiaja. Mani jud’io masa, jud’io masa me ñarā quēne, ñajediro rojose mani yise vaja suoye cutiaja mani, Dios i ñajama. ¹⁰ Tirene, ado bajiro gotiaja Dios ocare masa ña ucamasire: “Jediro mu rotiore bajiro cudigu magūmi.

¹¹ ‘Adi ñaja quēnase. Tijua ñaja rojose’ yimasimena rñe ñaama. ‘Mu bojarore bajiro yirucuja yu’ mure yisēnigū magūmi.

¹² Masa jediro mu ocare ajirūgūboariarā, tire ajitujacōari, rojosejuare yirā ñarāma ña. Gājerāre quēnaro yirā manama. Quēnasere yirā manimasucōarāma.

¹³⁻¹⁴ ña ñagōjama, masa yujeriagojerire jāna ñiorāre bajiro yama ña. Socajairā ñaama. Gājerāre jūnisinicōari, ña tud’ijama, ña oca, ñña rñma jūnisere bajiro budiaja.

¹⁵ Gājerāre ña tud’ijūnisijama, guaro sīarā ñarāma.

¹⁶ Rojose yirā ña ñajare, ña vacudirijuri ñarāja, rojose tāmuoama ña.

¹⁷ Gājerā rāca quēnaro ñare masimena ñaama.

¹⁸ Diore gūimena ñari, ñe rucubuoama ñarāma”, yigotiaja Dios ocare masa ña ucamasire.

¹⁹ Dios i rotimasirere, “Mani jud’io masare cūñumi, ‘Yu rotisere quēnaro cūdiato ña’ yigu”, yimasiaja mani. To bajiri Dios i rotimasirere masiboarine tire yibeticōari, “Yuma suoye maja”, yimasiaja maja. To bajiri, jud’io masa, jud’io masa me ñarā quēne, “Dios ocare ti yirore bajirone, ‘Rojose yirā ñaja’”, yimasiaja mani. ²⁰ “Yu rotiore cōrone cūdieogu ñaja mu’ yure yilrucumi Dios”, yimasigū magūmi. “Dios i rotimasire ñaro cōrone yijeomena ñari, suoye cutiaja mani”, yimasiaja mani jediro.

“Jesucristo manire rijabosayumi” yituoīarāre, “Ñie rojose mana ñaama”, Dios i yilare queti

²¹ To bajiro yirā ñaboarine, yucurema ado bajirojua yimasiaja mani yuja: “Dios i rotimasire ñaro cōrone yijeomena ñaboarine, sigūrire, ‘Ñie rojose mana ñaama’ yilaaami Dios”, yimasiaja mani. Mani ñaja, Cristore ajitirunurā ñari, “Ñie rojose mana ñaama” Dios i yilārā. To bajiro manire i yirore goti rñoro cutiyuja, Moisére Dios i roticūmasire, to yicōari, Diore gotirētobosariarā ña ucamasire quēne. ²²⁻²⁴ Ado bajiro bajiaja ti, Dios quēnaro manire i yise: Dios i rotimasire ñaro cōrone cūdieogu magūmi. To bajiboarine mani jedirore maigū ñari, “Masa rojose ña yise vaja ñare vaja yibosaaya” yigu, i macure cōañumi Dios. I macu i rijabosare ti ñajare, rojose mani yisere manire masirioyumi Dios, Cristore ajitirunurāre. To yigu ñari, “Ñie rojose mana ñaama”, manire yilaaami Dios yuja. To bajiro bajiaja jud’io masare, jud’io masa me ñarāre quēne. ²⁵ “Masa rojose yirāre rojose tāmutojabetiriaroju cōaroti ñaja” yir’i ñari, “Rojose tāmuroama” yigu, Jesucristore i macure cōañumi, ñajediro rojose yirāre ñare rijabosarocare. To bajiro i yire ñajare, masare rijabosayumi Jesús. I rñi

rāca manire ī vāja yibosare ti ñajare, rojose mani yisere masirioyumi. To ī yijare, no bojagu Jesúre ajitirūnūgure, “Ñie rojose magū ñaami”, ĩre yīāami Dios. To bajiro ī yijama, “Yirucuja” ĩ yirore bajiro yigu yami. ²⁶ To bajiro yir ī ñari, tirūmanaju rojose ĩna yisere ĩaboarine, rojose ĩna yise vājare rojose tāmūotujabetiriaroju ĩnare cōabesumi. To yicōari, yucure quēne, “Rojose yirā ñaboarine, yuare rijabosayumi Jesucristo” yitūoiarāre rojose tāmūotujabetiriaroju ĩnare cōabetirucumi.

²⁷ To bajirī, “Dios ĩ rotimasire ti yirore bajirone mani yijare, ‘Quēnase yirā ñaama’ manire yīāgūmi Dios”, yimasifña maja. Ado bajirojua yire ñaja: “Jesucristo mani uju, manire ĩ rijabosare ñajare, “Ñie rojose mana ñaama” manire yīāgūmi Dios’ yirājuare, ‘Ñie rojose mana ñaama’ ĩnare yīāgūmi Dios”, yire ñaja. ²⁸ To bajirī, Moisére Dios ĩ roticūmasirere mani masiro cōro quēnaro mani cūdibojaquēne, “Quēnase yirā ñaama”, manire yīābecūmi. “Jesucristo manire ĩ rijabosare ti ñajare, ñie rojose mana ñaja mani yuja” mani yisejuare masicōari, “Rojose mana ñaama”, manire yīāgūmi Dios.

²⁹ ¿Dioma, jud’io masa uju rīne ñagūjarique? Bajigūmi, bajigujama. Bajicōari, jud’io masa me ñarā uju quēne ñagūmi. ³⁰ Sigūne ñaami Dioma. Gāji magūmi. To bajirī circuncisiōn yiecoriarāre, yiecoyamanare quēne, “Jesucristo manire ĩ rijabosare ti ñajare, ñie rojose mana ñaja mani yuja” mani yisere masicōari, “Rojose mana ñaama”, manire yīāgūmi Dios. ³¹ To bajirī, “Jesucristo ĩ rijabosare suorine manire ĩavariquēnaami Dios” mani yitūoiājama, “Moisére Dios ĩ roticūmasirejua vāja mano tujaroja”, yitūoiarāja mua sigūri. To bajiro me bajiaja. Moisére Dios ĩ roticūmasirere rearā me yirāja. “Jesucristo suori manire ĩavariquēnagūmi Dios” yimasirā ñari, tire yirēmōrā yirāja mani.

4

“Ñie rojose magū ñaami Abraham’ yīāmasifñumi Dios”, yire

¹ Abraham, jud’io masa ñicu ñamasir’ire ado bajise ĩ yijare, “Ñie rojose magū ñaami” ĩre yīāmasifñumi Dios yire quetire muare gotirucuja yu. ² Abraham quēnaro ĩ yimasire ti ñabojaquēne, “Rojose magū ñaami”, ĩre yibesuju Dios. “Rojose magū ñaami” ĩre ĩ yijama, “Quēnaro yigu yu ñajare, ‘Rojose magū ñaami’ yure yīāgūmi Dios”, yiborimi Abraham. ³ Ado bajirojua gotiaja Dios ocare masa ĩna ucamasire: “Abrahamre, ‘Quēnaro mure yirucuja yu’ Dios ĩre ĩ yisere ajicōari, ‘Ī yirore bajirone bajiruaroja’ ĩ yimasire ñajare, ‘Ñie rojose magū ñaami’ ĩre yīāmasifñuju Dios”, yigotiaja ti, Dios ocare masa ĩna ucamasire. ⁴ No bojagu gājiire ĩ moabosajama, ĩre ĩ moabosase vāja ĩre vāja yigu, ĩre ĩsigūmi. ĩre ĩ moabosase vāja bujacōari, “Vāja manone yure ĩsigū me yimi. ĩre yu moabosase vājare yigu, yure ĩsimi”, yigūmi. ⁵ Tire bajiro me bajiaja ti, manire Diore ajitirūnūrāre. “Dios ĩ rotimasire ti yirore bajiro mani yise ñajare, ‘Ñie rojose mana ñaama’ manire yīāgūmi Dios”, yitūoiabeaja. Ado bajirojua tūoiarā ñaja mani: “Dios ĩ bojarore bajiro yirā me mani ñabojaquēne, quēnaro manire yigūmi. Rojose mani yisere ‘Manire masirioato Dios’ yigu, manire vāja yibosayumi Jesús. To bajiro manire ĩ yibosare ti ñajare, ‘Ñie rojose mana ñaama’ manire yīāgūmi Dios, yaja ti, ĩ oca. To bajiro ti yijare, to bajirone bajiroja”, yitūoiarā ñaja mani. To bajiro yitūoiarāre, “Ñie rojose mana ñaama”, yīāgūmi Dios. ⁶ Tire tūoiagū, David ñamasir’i, ado bajiro ucamasifñumi: “Rojose ĩna yisere tūoiabecūne, ‘Rojose mana ñaama’ ĩnare yīāgūmi Dios, ĩre ajitirūnūrāre. To bajiro ĩnare ĩ yijare, variquēnaruarāma”, yucamasifñumi David ñamasir’i. ⁷ Ado bajiro yucamasifñumi ĩ:

“Variquēnaruarāma rojose ĩna yisere Dios ĩ masiriorā.

⁸ ‘Rojose mani yiro bero, manire masiriocōari, “Rojose yicaju mua. To bajirī rojose muare yirucuja yu” tudiyibetirucūmi Dios’ yitūoiarāma, variquēnaruarāma”, yucamasifñumi David.

⁹ Variquēnarere ti yijama, jud’io masa, circuncisiōn yiriarā rīne yiro me yaja. Circuncisiōn yiecoyamana jud’io masa mere quēne yiro yaja. Abraham ĩ bajimasirere tūoiasaque mua quēna: Dios ĩre ĩ gotimasirere, “Ī yirore bajirone bajiruaroja” yigu ĩ ñajare, “Ñie rojose magū ñaami”, ĩre yīāmasifñuju Dios. ¹⁰ To bajiro ĩre ĩ yijama, ¿circuncisiōn ĩ yiecoriario berojua, ĩ yiecobetojua bajiyujarique? “Ñie rojose magū ñaami” Abrahamre Dios ĩre ĩ yijama, circuncisiōn ĩ yiecoroto rījorojune ĩre yimasifñumi. ¹¹ Dios ĩre ĩ gotimasirere, “Ī yirore bajirone bajiruaroja” yigu ĩ ñajare, “Rojose magū ñaami”, ĩre yīāmasifñumi Dios. To yicōari bero, “To bajiro ĩre yu yicature masiritiromi” yigu, circuncisiōn ĩre yirotimasiñuju, Abrahamre. To bajirī Abraham circuncisiōn ĩ yiecoroto rījorojune, “Rojose magū ñaami”, ĩre yīāmasifñuju Dios. To bajiro bajimasir’i ñari, jud’io masa ñicu rīne ñagū me bajimasifñumi Abraham ñamasir’ima. “Dios ĩ yiriarore bajirone bajiruaroja” ĩ yitūoiamasiriarore bajirone yitūoiarā ĩna ñajare, “Ñie rojose mana ñaama” Dios ĩ yīārāre quēne, ĩna ñicune ñamasifñumi Abraham. ¹² Jud’io masa circuncisiōn yiecocōari, Abraham circuncisiōn yiecobecūju, “Dios

ī yirore bajiro bajiruaroja” ī yituoīamasiriarore bajirone tuoīarāre quēne īna űicu űīmasiűumi Abraham.

“Cristore mani ajitirūnūjama, ‘Yirucuja’ ī yiriarore bajirone yirucumi Dios”, yire queti

¹³ “Mure, mu jānerabatijure quēne, adi macarucuro ti űaro cōrone muare ujurucuja yu”, yimasīűuju Dios, Abrahamre. “Yu rotisere quēnaro cūdiamī” yigu me, to bajiro īre yimasīűuju Dios. Abrahamjua, “ ‘Yirucuja’ Dios ī yiriarore bajirone bajiruaroja” yituoīamasir’ ī űājare, “Rojose magū űaami” īre yīlagū űari, to bajiro īre yimasīűuju Dios. ¹⁴ “Dios ī rotimasire ti yirore bajiro yirā rīne, macarucuro ti űaro cōrone ujaruarāja” mani yituoīajama, Dios Abrahamre, “Mure, mu jānerabatiare quēne ujurucuja yu” ī yimasiboarejuama vaja maniboroja. ¹⁵ “Dios ī roticūmasire ti yirore bajiro mani yijama, macarucuro ti űaro cōrone ujaruarāja” mani yituoīajama, riojo gotirā me yirāja mani, Dios ī roticūmasire űaro cōrone cūdijeomena űari. “Macarucuro ujaruarāja” mani yituoīaboajaquēne, rojose manire yirucumi Dios, ī roticūmasire cūdijeomena mani űājare. “Dios ī roticūmasire mani cūdibetiboajaquēne, ‘Rojose mana űaama’ yīlagūmi Dios” yituoīarā rīne űaama “Rojose mana űaama” Dios ī yīlarā.

¹⁶ To bajiri, “ī yirore bajirone bajiruaroja” ī yituoīase űājare, Abrahamre īmaicōari, “Macarucuro jedirore mure ujurucuja yu”, īre yimasīűuju Dios. To bajirone bajiaja manire quēne. Abraham Diore ī tuoīararore bajiro Diore mani tuoīajama, manire quēne, “Abraham jānerabatia űari, adi macarucuro jedirore ujaruarāja mua”, manire yīlagūmi Dios. To bajiri jud’io masa Moisére Dios ī roticūmasire cūcōari, Abraham ī tuoīararore bajirone īna tuoīajama, īnare quēne to bajirone yirucumi Dios. ¹⁷ Dios ocare masa īna ucamasire quēne, to bajirone gotiaja: “ ‘Jājarā masa cojo sitana me űarā űicu űarucuja mu’ yigotimasīűuju Dios, Abrahamre”, yigotiaja. To bajiro Dios ī yisere ajicōari, “ī yirore bajirone bajiruaroja”, īre yituoīamasīűuju Abraham. To bajiri, rijariarāre catiogu, to yicōari, űajediro rujeomasir’ ī űaami Dioma.

¹⁸ “Bucu űari, rīa maniacu bajiaja” Abraham ī yituoīaboajaquēne, “Jājarā űaruarāma mu jānerabatia” Dios īre ī yijare, “ī yirore bajirone bajiruaroja”, yimasīűuju Abraham. “Bajirucuja mu” ī yiriarore bajirone yigu, jediro űicu űaami yuja. ¹⁹ Abraham, cien cūmari cōro tusacu űamasīűuju. ī manajo rāca, juarājune bucūrā űari, rīa cutibetiararāju űamasīűujarā. To bajiri, “To cōro bajirearuarāja yua” yimasibetiboarine, “Dios ī yirore bajirone bajiruaroja”, yicōa űagū űamasīűuju Abraham. ²⁰ “ ‘Bajiruaroja’ Dios yure ī yicati bajibetiruaroja”, yibecu űamasīűuju Abraham. To bajiro bajigu űari, “Dios ī yirore bajirone yirucumi” yigu űari, “Socagu me űaami Dios” īre yijarīrucūbomasucoamasīűuju Abraham. To bajiri, “Mu yirore bajirone yigu űaja mu”, Diore yivariquēnamasīűuju Abraham. ²¹ “ī yirore bajirone yirucumi. ī yimasibeti manoja, Diorema”, yituoīamasīűuju. ²² “To bajiro yure tuoīagū ī űājare, ‘Rojose magū űaami’ īre yīlaja yu”, yimasīűuju Dios. To bajirone gotiaja ti, Dios ocare masa īna ucamasire.

²³ Abraham sīgūrene, “Rojose magū űaami”, yiuca ecobesuja Dios ocare masa īna ucamasire. ²⁴ Manire quēne, Abraham Diore ī tuoīamasiriarore bajirone īre mani tuoīajama, “Rojose mana űaama”, yīlagūmi Dios. ī űaami mani uju Jesucristo ī rijato bero īre catior’ima. ²⁵ “Rojose īna yise vaja īnare vaja yibosaya” yigu, Jesucristore īre rijaroticōaűumi Dios. To yicōari, Jesucristo ī rijato bero, “ ‘Rojose mana űaama’ manire yīlagūsa” yigu, īre tudicatoyumi quēna.

5

Rojose mana mani bajise queti

¹⁻² To bajiri, “Rojose mani yise vaja manire vaja yibosayumi mani uju Jesucristo” mani yituoīasere masicōari, “Rojose mana űaama”, manire yīlagūmi Dios. To bajirā űari, “Mani rijato beroju, ī rāca quēnaro űacōa űarūgūruarāja”, yivariquēnaja mani. To yicōari, “ ‘Yure bajiro quēnase rīne yirā űato’ yigu, manire yirēmogu yami”, yivariquēnaja mani. ³ To bajiro yirā űari, rojose tāmūboarine, variquēnaja mani. Tiaye rīne variquēnarā me yirāja mani. Rojose tāmūboarine, “ ‘Jesucristo suori Diorāca quēnaro űaja’ yituoīarā űari, rojose yiruaboarine, tire yibeju yua”, yimasiaja mani. ⁴ Cojoji me rojose tāmūorā űaboarine, “Jesucristo suori Diorāca quēnaro űaja” yituoīarā űari, rojose yiruaboarine, tire yimena űari, “ī űaroju ī rāca quēnaro űaruarāja”, yituoīaűaruarāja mani. ⁵ Esp’iritu Santore manire cōaűumi Dios. To bajiro ī yiriarā űari, “Manire maiami Dios”, yimasiaja mani. To bajiri, “ī űaroju ī rāca űabetiruarāja”, yisutiritibetiruarāja mani.

⁶ Rojose yitujamasimena mani űājare, rojose mani yisere masirioru, ī macure cōaűumi Dios, “Rojose īna yise vaja, īnare vaja yibosaya” yigu. ⁷ Josari űaroja ti, gājire īna sīaroadone, “Yujua īre rijabosarucuja” yirema. Dios ocare ajitirūnūgūre īre īna sīaroadiaquēne, īre maigū űari, “Yujuare sīaűa”, yimasigū magūmi. To bajiboarine quēnaro īre yigu ī űajama, “Yujuare

sīaŋa", yimasibogumi, cojojirema. ⁸ Rojose yirā mani űaboajaquēne, Jesucristojuama manire rijabosayumi. To bajiri, "Manire buto maiami Dios", yimasiaja mani. ⁹ Rojose yirā mani űaboajaquēne, Jesucristo manire i rijabosare ti űajare, "Rojose mana űaama", manire yīaami Dios. To bajiri, "Rojose tām̄uotujabetiriaroju manire cōabetirucumi", yimasiaja mani. ¹⁰ Rojose mani yisere iategu űaboarine, tire masirioru, i macure manire cōaŋumi, "Īnare rijabosaaya" yigu. To bajiri i macu manire i rijabosaro bero ire caticōari, "Rojose mana űaama", manire yīajūnisini tujayumi Dios. To bajiri, ado bajiro yimasiaja mani: "Dios tujū i rāca quēnaro űato' yigu, butobusa manire yirēm̄orūgūrucumi Jesucristo", ire yivariquēnaja mani. ¹¹ Ti rīne yivariquēna tujamenane, "Jesucristo mani űju manire i rijabosare űajare, Diorāca quēnaro űaja mani", yivariquēnaroti űaja.

Adān i bajire, to yicōari, Jesucristo i bajire rāca Pablo gotire

¹² Adān űamasiŋuju rojose yisur'i. To bajiro i yimasire vaja rijacoamasīŋuju. To bajiro i yimasire ti űajare, jedirone rojose yirā űari, bajireacoayuja mani quēne. ¹³ Dios Moisere i roticūroto rījorojune, masa jediro rojose yimasīŋujarā űna. To űna yiboajaquēne, i roticūre ti manijare, "Yu rotirore bajiro yibeamā űna", yīabetimasiŋuju Dios. ¹⁴ To bajiro i yīabetiboajaquēne, Moisere i roticūroto rījoroana quēne bajireacoadimasiŋuma. To bajiro űna bajijama, Adān Dios ire i roticūse masiboarine, i cūdibetimasire vaja bajireacoadimasiŋuma űna. To bajiri Adān manire i yiomasire suorine bajireacoarūgūja mani quēne. To bajiboarine, "Quēnase yigure ire cōarucuja yu. Ī suorine quēnaro űnaruarāma űna", yimasīŋuju Dios.

¹⁵ Adān rojose i yisūomasire vaja rojose manire ti űaboajaquēne, manire űamaicōari, quēnaro masu manire yirēm̄oami Dios. To bajiri Adān suorine "Rojose yirā űaama" manire i yīare ti űaboajaquēne, yucurema Jesucristo suorine "Rojose mana űaama", manire yīagūmi Dios. To yicōari, butobusa quēnaro manire yirēm̄ocōa űagūmi Jesucristo, "Diorāca quēnaro űato" yigu.

¹⁶ Adān, rēm̄ojune rojose i yisere iacōari, "Mu yise suorine, mu quēne, mu jānerabatija quēne, bajireajedicōaruarāma", yimasīŋuju Dios. To bajiro manire yimasir'i űaboarine, yucurema cojoji me rojose mani yise ti űaboajaquēne, tire masiriocōari, "Nie rojose mana űaama", manire yīagūmi Dios. ¹⁷ Sīgū rojose i yisūomasire suorine masa jediro bajireacoayuja mani. To bajiro bajirā mani űaboajaquēne, Dios, masijeogu űari, manire űamaicōari, quēnaro masu manire ejarēm̄ogūmi. "Jesucristo manire rijabosayumi" yirāre, rojose mani yisere masiriocōari, "Rojose mana űaama. űna rijato beroju 'Tudirijabeticōato' yigu, yu catisere ĩnare ĩsirucuja yu", manire yīagūmi Dios.

¹⁸ Adān rojose i yisūomasire suorine, "Masa jediro bajireacoaruarāma", manire yimasīŋuju Dios. To bajiro i yimasire ti űacōaboajaquēne, "Jesucristo yuare rijabosayumi" yirāre, "Nie rojose mana űaama. űna rijato beroju 'Tudirijabeticōato' yigu, yu catisere ĩnare ĩsirucuja yu", ĩnare yigūmi Dios. ¹⁹ To bajiro yu yijama, ado bajiro yigu yaja yu: Sīgū Diore i cūdibetimasire suorine rojose yirā űacoayuja mani jediro, Dios i űajama. To bajiro bajiriarā űaboarine, Jesucristo, Dios i rotirore bajirone i cūdire suorine, "Rojose mana űaama" i yīarā jājarā űarūtuaju mani yuja.

²⁰ Dios cūmasiŋumi, i roticūmasirere Moisēs űamasir'i rāca, "Ī roticūriarore bajiro yibeticōari, rojose yijairā űaja mani' yimasiatō űna" yigu. Ī rotimasirere masiboarine, butobusa rojose yiyuma. To bajiro űna yiboajaquēne, Diojuama, butobusa ĩnare űamaifūmi. ²¹ Rojose mani yise vaja, bajireacōari, rojose tām̄uotujabetiriaroju varona űaűuja mani. To bajirona mani űaboajaquēne, manire űamaigū űari, mani űjure Jesucristore cōaŋumi Dios, "Mare ajitirūnarā rojose űna tām̄uoborotire ĩnare yirētobosaaya" yigu. To bajiri Jesucristo manire i rijabosare suorine, "Rojose mana űaama, manire yīacōari, űna rijato beroju 'Tudirijabeticōato' yigu, yu catisere ĩnare ĩsirucuja yu", manire yīagūmi Dios.

6

"Rojose mani yisere yitujacōari, Dios i bojasejuare yirā űato mani", yire queti

¹ To bajiri Dios manire i ĩmaiserē yu gotisere ajicōari, ĩno bajiro tuoīati m̄ua? "Rojosere ĩna yiboajaquēne, rojose yigu me űaűumi. To bajiri, butobusa rojose yito mani. To bajiro mani yiboajaquēne, manire maigū űari, manire masiriocōa űarucumi", yituoīaboati m̄ua? ² ĩTo bajiro me bajijaja! "Manire rijabosayumi" yituoīarā űari, rojose yiruaboarine, tire yibetisoyuja mani. To bajiro yiriarā űaboarine, ĩno yirā rojosere tudiyirāri mani? ³ ĩBautizarere ajimasiati m̄ua? Oco rāca manire ĩna bautizarone, "Cristore ajitirūnarā űaja yua" yirā, ado bajiro yiriarāja mani: " "Rojose ĩna yisere, tire yitujato" yigu, Cristo manire rijabosayumi' yirā űari, rojose mani yisere to cōrone yitujato", yiriarāja mani. ⁴ To bajiri rojose mani yisere yitujaruarā űari, oco rāca mani bautizarotirone, Jesucristo rāca rijanare bajiro bajiyuja mani. To bajicōari, Jesucristo i yuje ecoro bero, ĩ masise rāca ire

tudicatioyumi Dios. To bajiri, i rāca tudicaticirāre bajiro bajiyuja mani, bautismo mani yiecoro bero. To bajirā ñari, Jesucristo i ejarēmose rāca Dios i bojarore bajiro yirā ñaja mani.

⁵ To bajiri, Jesucristo rāca rijariarāre bajiro bajirā ñari, tudicaticirā i ñajare, i rāca tudicaticirāre bajiro bajirā ñari, i ejarēmose rāca quēnase yirūgūroti ñaja manire. ⁶ “Rojose mani yisere yitujacōari, Jesucristojuare ire ajitirānuaja” yirāre, manire rijabosayumi Jesús, rojose mani yisere “Yitajato” yigu. To bajiro i bajire ti ñajare, rojosere yiruā tuoīaboarine, tire yitujaroti ñaja. ⁷ Masu i bajirocacoajama, juaji rojose yibecumi. To bajiri mani quēne rojose yirūgūriarā ñaboarine, Jesure ajitirānuca yirā, juaji rojose yibetiroti ñaja manire. ⁸⁻⁹ Mani quēne, Jesucristo rāca rijariarāre bajiro bajirā ñari, rojose yiruaboarine, tire yibetiruarāja. “Jesucristo i rijarioaro bero tudicaticōari, juaji tudirijabetiracumi” yimasirā ñari, “i ejarēmose rāca quēnase yicōa ñarūgūruarāja mani, adigodoju quēne, to yicōari, mani rijato beroju quēne”, yituoīaja mani. ¹⁰ Jesucristo cojojine rijayumi, “Rojosere yitujacōari, quēnasejuare yato ña” yigu. To bajiri juaji tudirijabecumi. I rijaro bero, tudicaticōari, yucurema o vecaju ñacōari, Dios i bojasere yīñagūmi. ¹¹ To bajiro tuoīarūgūroti ñaja manire quēne. “Quēnasejuare yato” yigu manire i rijabosare ti ñajare, rojosere yiruaboarine, tire yibetiruarāja. To bajicōari, Jesucristo i ejarēmorā ñari, Dios i bojasere yicōa ñaruarāja mani quēne”, yituoīarūgūroti ñaja manire.

¹²⁻¹³ Mani ruja, yoaro catirotiruju me ñaja. To bajiri Dios i bojabetire yiruārā ñaboarine, tire yibetiruarāja mani. “Rijacoaboarine, Jesucristo i tudicaticirā ñajare, i ejarēmose rāca Dios i bojasejuare yiruārāja” yituoīacōari, quēnasejuā yirā ñaruarāja mani. ¹⁴⁻¹⁵ “Dios Moisére i roticūmasirere mani cūdibetijama, rojose tāmūotujabetiriaroju manire cōarucumi”, yituoīa gūibetiroti ñaja manire. Dios, manire maigū ñari, i macure cōaūumi, rojose mani yise vajare, “Vaja yibosato” yigu. To bajiri, “Nie rojose mana ñaama” manire yīñagūmi Dios”, yaja mani. To bajiri, rojosere yiruaboarine, Jesucristo i ejarēmose rāca rojose yibeja mani.

“Rojose mana ñaama” Dios i yīñarā ñari, rojose mani yijama, quēnacōaroja”, yituoīati mua? To bajiro me bajiaja. ¹⁶ “Rojosere yiruārā ñari, tire mani yicōa ñajama, ti rione yisejacoanaja mani”, yimasibeatu mua? “To bajiro mani yijama rojose tāmūotujabetiriaroju varuarāja mani”, yimasibeatu mua? “Tire yibeticōari, Dios i bojarore bajirojuā mani yicōa ñajama, i bojasejuare yisejacoanaja mani”, yimasibeatu mua? ¹⁷ Tirūmujama rojosere yisejariarā ñari, ti rione muare yiruamacōarioja ti. To bajiri sigū moarimasu cuticōari, ire i rotiajeriarore bajiro muare bajiraroja rojosejuā. To bajiro muare ti bajiboajaquēne, ado bajisejuā yituoīañuja mua yija: “Jesucristo manire rijabosayumi, rojose mani yise suori”, yituoīañuja mua. To bajiri yucurema Dios i bojasere yirā ñarāja mua. Tire tuoīacōari, Dios suorine to bajiro yirā mua ñajare, “Quēnaro yaja mu”, ire yaja yu. ¹⁸ Dios suorine rojose yitujacōari, quēnasejuare i bojarore bajiro yirā ñarāja mua. ¹⁹ Moarimasu cuticōari, i rotirere quēnaro masirāja mua. To bajiri tire cōiacōari, muare gotibu yu. Tirūmujama rojose yisejārā ñañuja mua. Yucurema ado bajiro Diore sēnirūgūña: “Mu bojase quēnase rīne yiruaja yua”, ire yisēnirūgūña mua.

²⁰ Rojosere yirā ñaboarine, “Rojose yirā yaja yua”, yimasibetiriarāja mua. ²¹ Rojose rīne mua yijama, ¿dise ūni quēnase bujacati mua? Bujabetiriarāja. Rojose mua yirūgūre mua tuoīajama, “Bojoneose yirā yiyuja mani”, yirāja mua. Rojose rīne mua yicōa ñajama, rojose tāmūotujabetiriaroju varona ñaboriarāja mua. ²² To bajiboarine, yucurema, Dios i ejarēmose rāca rojosere yitujacōari, ire cūdirāja mua yuja. Ire cūdirā ñari, Dios i ejarēmose rāca butobusa i bojasere yirūtuanaja mua. To bajicōari, mua rijato beroju tudicaticōari, i rāca quēnaro ñacōa ñarūgūruarāja mua. ²³ To bajiri, masu rojose mani yise vaja mani rijato beroju rojose tāmūotujabetiriaroju varoti ñaja. To bajiboarine, Jesús yarā mani ñajama, rojose mani yise vaja, mani vaja yibetiboajaquēne, mani rijato beroju “Tudirijabeticōato” yigu, i catisere manire isiami Dios.

7

“Rojose mana ñarāsa” yirā, Moisére Dios i rotimasirere ajisuyabetiroti ñaja”, yire queti

¹ Yu mairā, Moisére Dios i rotimasirere masirāja mua. Mani catiro cōro tire cūdire ñaja. Mani rijacoajama, tire cūdimasimenaja. ² Tire bajirivāme muare gotiaja yu: Rōmio so manaju cutijama, i catiro cōro so manaju rāca so ñajama, quēnaja. So manaju i bajirocacoajama, “Gājire manaju cutibesā”, yibeja Dios Moisére i roticūmasire. To bajiri so manaju i bajirocaro bero, gāji so manaju cutijama, Dios i rotimasirere cūdibeco me bajigomo. ³ To bajiboarine, so manaju i catirone, gāji rāca so ajeri cutijama, “Rojose yigo yamo”, sore yīñare ñaroja. So manaju i rijato beroju, gāji rāca so manaju cutijama, Dios rotimasirere cūdibeco me yigomo. To bajiri, “Rojose yigo yamo”, sore yimasīña manaja.

⁴ Tire bajiro bajiaja manire quēne. Cristo i rijaroto rījoro, Dios i rotimasirere mani cūdibeti vaja rojose tāmūotujabetiriaroju manire varoti ñaboayuja maji. To bajiboajaquēne,

rojose mani yisere “Masirioato Dios” yigu, manire rijabosayumi Cristo. Īre ajitirūnūrā, ĩ rāca rijariārāre bajiro bajiaja mani. To bajiri yucurema, “Dios ĩ rotimasirene mani cadibetijama, rojose tāmūotujabetiriaroju manire cōarucumi Dios”, yitūoīagūibetiroti űaja manire. Cristo, mani yu űaami. Īre catioyumi Dios, “Yu macure ajitirūnūrā, yu bojarore bajiro yato” yigu. ⁵ Jesure mani ajitirūnūroto rijorojuma, rojose rine yirā űarūgūűuűa mani. Moisere Dios ĩ roticūmasirene masiboarine, ti yirore bajiro yirūabesuja mani. To bajiri, rojose yisejarā űari, ti rione manire yirūamacōűuűa ti. To bajiro yirā űari, rojose tāmūotujabetiriaroju varona űaboayuja mani maji. ⁶ Yucurema, “Moisere yu roticūcatire cadijeoroti űaja, yu tūju ĩna űaruajama”, yitūoīabeami Dios. To bajiro ĩ yibetijare, “Dios ĩ rotimasirene mani cadibetijama, rojose tāmūotujabetiriaroju manire cōarucumi Dios”, yitūoīagūirā me űaja mani yuja. To bajirā űari, Esp'iritu Santo ĩ ejarēmose rāca Dios ĩ bojarore bajiro yirā űaja mani.

Rojose mani yisere Pablo ĩ gotire queti

⁷ To bajiro muare yu gotisere ajicōari, űado bajiro yitūoīati mua? “Dios, Moisere ĩ roticūmasire, ‘Rojose yiya mua’ manire yiro yaja”, űyitūoīati mua? To bajiro me bajiaja. “‘Rojose yirā űaja mani’ yimasiao” yiro, yaja ti, Moisere Dios ĩ roticūmasire. Moisere ĩ roticūmasire ti manijama, “Rojose yirā űaja mani”, yimasibetiboriarāja mani. Ado bajiro bajiaja: “Gājerā ye gajeyēűnire bojaīabesa”, yigotiaja Dios ĩ roticūmasire. To bajiro ĩ yimasirene yu masibetijama, “Rojose yigu yaja”, yimasibetiboriaja yu. ⁸ “Bojaīabesa” Dios ĩ yimasirene masicōari, “Yu bojaīajama, rojose yigu yaja” yimasiboarine, rojose yigu űari, butobusa gājerā yere bojaīarūtuacaju yu. Dios ĩ rotimasire ti manijama, “Rojose yigu yaja yu”, yimasire maniboriaroja. ⁹ Moisere ĩ roticūmasirene yu masiroto rijorojuma, “Quēnaro yigu űaja yu”, yitūoīaboacaju yu maji. “Bojaīabesa” Dios ĩ yimasirene masicōari, “Yu bojaīajama, rojose yigu yaja” yimasiboarine, butobusa gājerā yere bojaīarūtuacaju yu. To bajiri, “Dios ĩ űajama, rojose tāmūotujabetiriaroju varocu űaja yu”, yimasicaju yu yuja. ¹⁰ “Masa, yu rāca quēnaro űato” yigu, Moisere roticūmasiűumi Dios. To ĩ yimasire ti űaboajaquēne, “Tire yu cadibetijare, rojose tāmūotujabetiriaroju yure cōarucumi Dios”, yitūoīacaju yu. ¹¹ “Gājerā ye gajeyēűnire bojaīabesa” yirere ajicōari, “Tire yu cadijama, ‘Quēnaro yigu űaami’ yure yīarucumi Dios”, yitūoīacaju yu. To yitūoīaboarine, gājerā yere bojaīacōa űacaju yu. Tire yitūjabeacu űari, “Rojose tāmūotujabetiriaroju yure cōarucumi Dios”, yitūoīacaju yu.

¹² To bajiri, Dios, Moisere ĩ roticūmasire, űajediro riojo yise űaja ti. To bajicōari quēnase űaja. ¹³ Tire ajicōari, Dios ĩ rotimasire quēnase ti űaboajaquēne, “‘Ti suorine rojose yirā űari, rojose tāmūotujabetiriaroju varuarāma masa’, yigu yami”, űyure yitūoīati mua? To bajiro me yaja yu. “Rojose ĩna yise vaja rojose tāmūoruarāma” yigūjua yaja yu. “‘Rojose masu yirā űaja mani’ yitūoīamasiao’ yirojua bajiyuja Dios ĩ rotimasirema”, yimasiaja mani.

¹⁴ Dios ĩ roticūmasire, quēnase ti űaboajaquēne, rojosere yirua tūoīarā űari, Dios ĩ bojaibetijare yaja mani. To bajiri, sigū moarimasu cuticōari, ĩre ĩ rotiajerore bajiro manire bajiaja. ¹⁵ Mani bajisere ajimasibeaja mani. Quēnasere mani yirūasejueare yibetirūgūaja mani. To yicōari, “Rojose yibetiruarāja” mani yitūoīasejueare yirūgūaja mani. ¹⁶ “Mani yirūgūšere yirūabeaja” mani yitūoīajama, “Quēnase űaja Dios ĩ rotimasire” yirā yaja mani. ¹⁷ “Mani yirūgūšere yirūabeaja” yirā űaboarine, tire mani yijama, mani masune yirā me yaja mani. Rojosejua manire űmato yirūgūaja. ¹⁸ Quēnasere yiruarā űaboarine, rojosejueare yirūgūaja mani. To bajiri, “Quēnasere yimasimena űaja mani”, yimasiaja. ¹⁹ Quēnasere mani yirūasejueare yibeticōari, mani yirūabeti rojosejueare yirūgūaja mani. ²⁰ To bajiri, “Mani yirūgūšere yirūabeaja” yirā űaboarine, tire mani yijama, mani masune yirā me yaja mani. Rojosejua manire űmato yirūgūaja.

²¹⁻²³ Ado bajiro bajirūgūaja manire: “Quēnasere yiruarāja” yirā űaboarine, rojosejueare yirūgūaja mani. Dios ĩ rotimasire ti yirore bajiro mani yirūacōaboajaquēne, rojosejua manire űmato ti yicōa űajare, rojosejueare yirūgūaja mani.

²⁴ To bajiri rojose yitujamasimena űari, rojose tāmūotujabetiriaroju mani varotire tūoīacōari, buto sutiritiaja mani. “űNimū manire yirēmogūti, rojose yitūjacōari, Dios ĩ bojasejueare mani yirūgūotire yigu?”, yisutiritiaja mani. ²⁵ To bajiro sutiritibuarine, “‘Rojose yitūjacōari, yu bojasejueare yirā űato ĩna’ yigu, mani űjare Jesucristore ĩre cōaűumi Dios”, yivariquēnaroti űaja manire. To bajiri, “Quēnaro yaja mu”, Diore ĩre yivariquēnato mani.

To bajiri Dios ĩ bojarore bajiro mani yirūaboajaquēne, rojosejua manire űmato ti yicōa űajare, rojosere yicōa űaja mani.

8

“Esp'iritu Santo ĩ ejarēmose rāca quēnasere yimasiaja mani”, yire queti

¹⁻² Yucurema, “Yu roticatore bajiro yibeama” Dios ĩ yīarā me űaja mani. Jesucristo yarā űari, “Rojose mana űaama” ĩ yīarā űaja. To bajicōari, rojose yirūaboarine, Esp'iritu Santo ĩ

ejarẽmojare, rojosere yimena ñaja mani. To bajiri, rojose tâmuotujabetiriaroju vabetiruarãja. ³Ado bajiro bajiyuja manire: Dios Moisere i roticũmasire ti yirore bajiro cadijeomasibesuja mani, rojosejuare yirã ñari. Mani cadijeobetijare, rojose magũ i ñaboajaquẽne, “Rojose yigũ ñaja mu” ire yigare bajiro i macure rijaroticõañumi Dios, “Rojose ña yisere ñare vaja yibosaya” yigu. Mani rujare bajiro ruja cutigu ñaboarine, rojose yibecu ñari, rojose mani yise vaja manire rijabosayumi. ⁴To bajiro yiyumi Dios, “Yu ejarẽmose rãca yu bojarore bajiro quẽnase rĩne yirã ñato” yigu. To bajiri, rojosere yiruarã ñaboarine, tire yibeaja mani. To yicõari, Esp'iritu Santo i ejarẽmose rãca tuoĩacõari, Dios i bojarore bajiro yirũgũaja mani.

⁵Rojose yirãma, rojose ña yirotire tuoĩarũgũrãma ña. Esp'iritu Santo i bojarore bajiro yirãma, “I bojarore bajiro yirãsa” yirã tuoĩarũgũrãma. ⁶Rojose yirãma, rojose tâmuotujabetiriaroju varona ñaama ña. Esp'iritu Santo i bojarore bajiro yirãma, ña rijato beroju, Diorãca quẽnaro ñacõa ñarũgũruarãma. ⁷Rojose yirãma, Diore terã ñarãma ña. To bajirã ñari, i bojarore bajiro yimasimenama. ⁸To bajiro yirãrema, ñare ñavariquẽnabeami Dios.

⁹Muajuama, rojose yirã me ñaja mua, Esp'iritu Santo mua rãca i ñajare. Esp'iritu Santo i bojarore bajiro yirã ñarãja mua. Esp'iritu Santore cuobecu, Jesucristo yu me ñaami, i ugũma. ¹⁰Rojose muare ùmato yirirujarima, boacoaruaroja. Boarotirujari ti ñaboajaquẽne, Cristo rãcana mua ñajare, “Rojose mana ñaama”, muare yĩagũmi Dios. To bajiro muare i yĩajare, i rãca quẽnaro ñarãja mua. ¹¹Dione ñaami Jesús i rijacoaboajaquẽne, ire tudicator'i. Ire i catioire ti ñajare, Esp'iritu Santore cuorã ñaja mua. Ire cuorã mua ñajare, mua rijato beroju Cristore i catoriarore bajirone muare quẽne tudicatoracumi Dios, juaji boabetirotirujarire muare ñisigũ.

¹²To bajiri yu mairã, rojose yiruaboarine, tire yibetiroti ñaja muare. ¹³Rojose mua yĩñajama, mua rijato beroju rojose tâmuotujabetiriaroju varuarãja mua. Rojose yiruaboarine, Esp'iritu Santo i ejarẽmose rãca rojosere mua yibetijama, mua rijato beroju “Tudirijabeticõato” yigu, i catisere muare ñisuracumi Dios.

¹⁴Esp'iritu Santo i ejarẽmose rãca yirãma, Dios rĩa ñarãma ña. ¹⁵“Rojose mani yijare, rojose tâmuotujabetiriaroju manire cõarucumi Dios” yigũiato ña” yigu me, manire ejarẽmoami Esp'iritu Santo. I suorine Dios rĩa ñaja mani. To bajicõari, i ejarẽmose rãca, “Dios i macure i mairore bajiro manire maiami” yituoĩarã ñari, “Cacu”, yaja mani, Diore. ¹⁶Esp'iritu Santo i ejarẽmose rãca, “Dios rĩa ñaja”, yimasiaja mani. ¹⁷To bajiri i rĩa, Cristo yarã mani ñajare, i macure i mairore bajirone manire maigũ ñari, manire quẽne quẽnaro yirucumi Dios. Adigodoju, “Cristo i bojasere yica” yirã, rojose mani tâmuojama, mani rijato bero Dios tuju quẽnaro ñarũgũruarãja. I macu quẽnaro i ñarore bajirone quẽnaro ñarũgũruarãja mani quẽne.

Mani rijato bero, quẽnaro mani ñaroti queti

¹⁸To bajiri adirũmuri, “¿No yirã rojose tâmuoati mani?”, yituoĩa sutiritibetiroti ñaja manire, rojose mani tâmuose rẽtoro quẽnaro Diorãca ñarona ñari. ¹⁹Adi macarucuro Dios i rujeore jediro, Dios i rĩare quẽnaro i yirotirũmu ti ejarore ñaruaro buto yũñaroja ti. ²⁰Rẽmoju Dios i rujeorema, adirũmuri ti bajirore bajiro me bajimasinũju. Adãn rojose i yise ti ñajare, “Boase rĩne ñacõaruaroja” Dios i yimasire ñari, adirũmuri ñase quẽne, boase rĩne ñacõaja. To bajiboarine, “Cõorũmu adi macarucuro i rujeorere Dios i tudiquẽnorotirũmu ejaruaroja”, yimasiaja mani. ²¹To bajiri i rujeore jedirone “Boabeticõari, quẽnase rĩne ñato” yigu, tudiquẽnorucumi quẽna. To yicõari, “Yu rĩa quẽnase rĩne yirã ñato” yigu, tudirijayamanire manire ñisuracumi. ²²Adirũmuri quẽne Dios i rujeore jedirone rojose tâmuocõa ñaja ti. Tire masiaja mani. Rõmio macu cutigoago, rojose so tâmuorore bajiro rojose tâmuoaja ti. ²³Esp'iritu Santo i ejarẽmorã ñaboarine, rojose yicõa ñarã ñari, rojose tâmuorũgũaja mani. To bajiri, “Quẽnase rĩne yirã ñato” yigu, tudirijayamanire Dios manire i ñisotire bojarã ñari, buto tuoĩacõa ñarũgũaja mani. ²⁴“Tudirijayamanire ñisuracumi”, yituoĩacõa ñarũgũaja mani, rojose mani yise vajare Jesús i vaja yibosariarã ñari. Jẽre quẽnase rĩne yirã mani ñajama, tudirijayamanire manire i ñisotire, no yirã yumenaja mani. ²⁵Mani cuobeti ti ñajare, quẽnaro tire yucõa ñarũgũroti ñaja.

²⁶Esp'iritu Santo manire ejarẽmogũmi, “Rojose yiruaboarine, tire yibeticõato ña” yigu. To yicõari, Diore mani sãnimasibetire masicõari, manire sãnibosarũgũgũmi, i masise rãca. ²⁷Dios i bojarore bajiro manire sãnibosagumi. To bajiri, Esp'iritu Santo manire i sãnibosasere masigũmi Dios. I ñaami mani tuoĩasere masigũma.

Cristore ajitirũnũrã ñari, “Dios i ejarẽmose rãca quẽnase rĩne yirã ñaruarãja mani”, yire queti

²⁸Dios i beseriarã ñari, ire maiaja mani. To bajiri, quẽnaro mani ñarotire yigu, manire i yirẽmorũgũsere masiaja mani. Rojose tâmuoaboarine, “Quẽnaro mani ñarotire yigu, manire yirẽmogũmi”, yituoĩacõa ñaroti ñaja. ²⁹Rẽmojune Cristore ajitirũnũronare manire masicõañumi Dios. “Yu macu Jesucristore bajiro quẽnase rĩne yirã ñaruarãma ña” yigu. To bajiri,

“Yn bojarore bajiro yirärema, İna gagu ñarucumi Jesucristo”, yicõamasifñumi Dios. ³⁰ To bajiri rëmojne, “Cristore bajiro quënase rïne yirä ñaruaräma” i yiriarä ñaja mani. To bajiro manire yigu ñari, “Rojosere yitujacõari, İ macure ajitirünuat” yigu, manire ejarëmoñumi. To yicõari, İ macure mani ajitirünujare, “Rojose mana ñaama”, manire yiañumi. To bajiri, İ macu yarä mani ñajare, “İre bajiro quënase rïne yirä ñato’ yigu, İnare ejarëmorucuja”, yiyumi Dios.

³¹ Ti oca quënasere masicõari, ado bajiro yirëmomasiaja mani: “Dios manire ejarëmoami, rojose tãmuotujabetiraroju vabeticõato İna” yigu. Rojose gãjerä manire İna yiboajaquëne, “Dios manire İ ejarëmojare, no bajiro manire yimasimenama”, yimasiasaja mani. ³² İ maigü İ ñaboajaquëne, İ macure İre cõañumi Dios, “Masare rijabosato” yigu. To bajiro yir’i ñari, quënasere manire ejarëmocõa ñarucumi Dios. ³³ To bajiri, İ beseriaräre manire İmaicõari, “Rojose mana ñaama”, manire yiañumi Dios. To bajiro İ yirä mani ñajare, “Rojose yirä ñaama”, manire yimasimenama. ³⁴ Rojose mani yise vaja, manire vaja yibosagu rijayumi Jesucristo. Tudicaticõari, Dios İ rujiro riojocatuaajuare rujiõari, manire ñagõbosarügügumi. To bajiri, “Rojose yirä ñaama”, manire yibetirucumi İ quëne. ³⁵ Cristo manire İ maisere, “¿No yigu İnare maiati?” yigu magumi. Cojoji me rojose mani tãmuoboajaquëne, gãjerä rojose manire İna yiboajaquëne, ñiorijarä, sudi mana mani ñaboajaquëne, güioroju mani vaboajaquëne, gãjerä manire İna siboajaquëne, manire maicõa ñarucumi Dios. ³⁶ Tirümüju Dios ocare masa İna ucamasire mani bajisere gotiro, ado bajiro gotiaja ti:

“Mu yarä yua ñajare, gãjerä yuare sïarügüama İna. Ovejare juaacõari, İna sïaroju juajacõari, İna sïarore bajiro yuare yirügüama”, yigotiaja Dios oca.

³⁷ Ñajediro rojose mani tãmuose ti ñaboajaquëne, manire İ ejarëmocõa ñajare, “Manire buto maicõa ñaami”, yitujabetiruaräja mani. ³⁸⁻³⁹ Dios manire İ maisere matase manaja. Mani bajireacoajaquëne, mani ñacõajaquëne, manire maitujabetirucumi. Adirãmuri rojose mani tãmuose, to yicõari, gajerãmuri rojose mani tãmuoroti ti ñaboajaquëne, manire maitujabetirucumi Dios. Ängel mesa, vätia, adigodo ujarä, õ vecana, õ ëñerocana, İañamana quëne, rojose manire İna yiboajaquëne, manire ejarëmocõa ñarucumi Dios, İ tuju mani ejarotire yigu. Jesucristo yarä mani ñajare, manire buto maigumi Dios.

9

Israel sitanare Dios İ besere queti

¹⁻³ “Yn yarä, Jesús İ bajirere İna ajitejare, İ yarä me ñaama”, yisutiritiaja yu. İre ajitirünugü ñari, Esp’iritu Santo İ ejarëmose räca, “Riojo gotiaja yu”, yimasiasaja yu. İnare maigü ñari, rojose İna yise vaja İnare vaja yibosagu, Cristore İre cãmotadicõari, rojose tãmuotujabetiraroju varuaboaja yu; “To bajiro yu bajise vajane, İnajua Cristo räcana ñato” yigu. ⁴ Yn yaräre ado bajiro quënaro İnare yiyumi Dios: İnare besecõari, “Yn rĩa ñaja mua”, İnare yiyumi. To yicõari, İañamagü ñaboarine, İañamamari İnare yiorügüñumi, “Mani räca ñagumi” İna yimasirotire yigu. Moisés İnamasir’ire İ rotisere İre cümasiñumi. To yicõari, “Yn bojasere mua yijama, quënaro muare yirucuja yu”, İnare yimasifñumi. “Mure, mu jãnerabatiajure quëne, adi macarucuro ti ñaro cõrone muare ujurucuja yu”, İnare yimasifñumi. ⁵ Yn İicua, Diore rucuborä İnamasiñujarä İna. İna jãnamine ñañumi Cristo. İne ñagumi Dios, ñajediro uju. İ ñaami masa İna rucubuo tujabetirocuma. To bajirone bajimuorügõato.

⁶ Yn yarä israelita masare Dios oca quënase ti gotiboajaquëne, “Quënaro yirucuja” İ yiriarore bajiro İ yibetijama, “Socu yiyumi”, yituoñaräja mua sigäri. To bajiro me bajiaja. İre ajitirünurä rïne ñaräma quënaro İ yirona. Gãjeräma, israelita masa ñaboarine, Dios İ İajama, İ rĩa me ñaräma, İre ajitirünamena ñari. ⁷ Abraham jãnerabatia ñaro cõrone, İ jãnerabatia masu me ñaräma, Dios İ İajama. Ado bajiro Abrahamre gotimasiñuju Dios: “Mu macu Isaac rĩa ñaruaräma mu jãnerabatia masuma”, yimasifñuju Dios. ⁸ To bajiro ti yijama, ado bajiro yiro yaja: “Quënaro mure yirucuja yu” İre İ yirere ajitirünuräja ñaama Dios rĩa. İna roque, Abraham jãnerabatia masu ñaama, Dios İ İajama. ⁹ Dios, ado bajiro İre yimasifñumi, Abrahamre: “Gaje cãma ado cõrone mure İagü vadirucuja yu quëna. To bajiri, tiorodre mu manajo Sara, macu cutiruocomo”, İre yigoti rïjoro cutimasiñumi Dios.

¹⁰ Adi muare yu gotise rïne ñabeaja. Abrahamre Dios İ gotiro bero, İ macu Isaac väme cutigu, bucucacõari Rebecare manajo cutiyuju. Sore İ manajo cutiro bero, cojoji rĩa cutigone, juarä rĩa cutimasiñuju so. Esaú, Jacob väme cutimasiñujarä. Juaräjune sigü rĩa ñaboarine, Dios İ İajama, Jacob sigüne İnamasiñuju Abraham jãnam masu. ¹¹⁻¹² İnare so rĩa cutitiroto rïjoro, ado bajiro sore gotimasiñuju Dios: “Mu macu cutisogu, İ bedire moabosarimasu ñarucumi”, sore yimasifñuju Dios, Rebecare. İna juaräjune, quënasere, rojosere quëne İna yibetojne, to bajiro sore gotimasiñuju Dios. To bajiro sore İ yimasire ti ñajare, ado bajiro yimasiasaja mani: “Masa quënasere İna yise suori me, İ bojaräre besegumi Dios”, yimasiasaja mani. ¹³ To bajiri,

Dios ocare masa ña ucamasire ado bajiro gotiaja: “Jacobjuare ñre maicõari, Esaũrema ñre ñatecaju yu”, yigotiaja Dios oca.

¹⁴ To bajiro i yijama, “Rojose yigu yigumi Dios”, yituoĩaboarãja mua. To bajiro me bajiaja. ¹⁵ Ado bajiro Moisére gotimasifñuju Dios: “Masa jediro rojose yirã ña ñaboajaquẽne, yu bojarãre besecõari, ñare ñamairucaja yu”, ñre yimasifñuju Dios, Moisére. ¹⁶ To bajiri, Dios manire i ñamairõre mani sênõro me, manire ñamaigumi. To yicõari, “Quẽnase mani yise suori manire besegumi Dios”, yimasifña maja. “I bojarãre ñamaicõari, besegumi”, yimasire ñaja. ¹⁷ Egipto vãme cuti sitagu ujure Dios ñre i yirore gotiro, Dios ocare masa ña ucamasire ado bajiro yaja: “Uju mure cûcaju yu, Yure mu ajirubeti suori Egiptoanare rojose yu yisere ñacõari, “Masigũ ñaami Dios” masa yure yirucubuoato ña’ yigu”, yigotiaja Dios ocare masa ña ucamasire. ¹⁸ To bajiro Dios i yimasire ñajare, “I bojarãre ñamaicõari quẽnaro yigu ñagumi Dios”, yimasire ñaja. To yicõari, “Ire ajiterãrema, Butobusa yure ajiteato ña’ yigu ñagumi”, yimasire ñaja.

¹⁹ Tire ajicõari, ado bajiro tuoĩarãja mua sigũri: “Dios i yiruasere, ‘Tire yibeticõato’ yigu magumi. I manijare, i bojarore bajiro yigu ñari, rojose mani yisere ñacõari, ‘Rojose tãmuoruarãma ña’ Dios i yijama, rojose yigu, yigumi”, yituoĩarãja mua sigũri. ²⁰ To bajiro mua tuoĩajama, ado bajiro muare cudigujaja yu: Dios i rujeoriarã ñari, “Rojose yure yaja mu”, ñre yimasibeaja mani. Riri sotu quẽne, “¿No yigu to bajiri sotu yure veari mu?”, yibetoja ti, ti suture veari ñre. ²¹ Riri soturi i veajama, i vearuã tuoĩase cõro veagumi. Cojõbũuaye ti ñaboajaquẽne, “Gãjerã, yu veari suture ñacõari, ‘Quẽnase veamasigũ ñaami’ yure yĩlato ña” yigu, quẽnari sotu veagumi. Gajerurema, “Yu cuoroti sotu ñaruaroja” yigu, “Ado bajiri sotu yu veajama, quẽnaja”, yigumi. “To bajirone manire yigumi Dios quẽne”, yimasiaja mani.

²²⁻²³ To bajiro yigu ñari, jud’io masa rojose ña yise vaja rojose tãmuotujabetiriarõju ñare i cõaruajama, cõamasigũ ñaboarine, ñare cõabesumi. ñare i cõabetijama, gãjerãju, “Yu ocare ña ajitirũnjare, ñare ñamaicõari, ‘Rojose mana ñaama’ ñare yĩlarucaja” yigu, bajiyumi. To bajiri, jud’io masare rojose tãmuotujabetiriarõju ñare cõabetiboarine, rojose ña yijare, “Rojose tãmuoña mua”, ñare yirũgũñumi, “ ‘Jũnisinigũ ñaami’ yure yimasiao” yigu.^a ²⁴ To bajiro yigu ñari, “Yure ajitirũuato” yigu, manire beseyumi, jud’io masare, jud’io masa me ñarãre quẽne. ²⁵ Tirene gotiaja Dios i yirere, Oseas ñamasir’i i ucamasire:

“Yu yarã merene, “Yu yarã ñaama”, yirucuja yu. Yu ñamaibeticanare, “Yu ñamairã ñaama”, yirucuja yu’, yami Dios.

²⁶ Yu rĩa me ñaama ña’ Dios i yiriaro bero ti ñaboajaquẽne, ‘Catimorũgõgũ Dios rĩa ñaama ña’ yiruarãma”, yuucamasifñuju Oseas ñamasir’i.

²⁷ Isa’ias ñamasir’ijuaama, ado bajiro Diore gotirẽtobosamasiñumi, manire jud’io masare tuoĩagũ: “Jud’io masa moa riaga jare bajiro jãjarã ñaboarine, mojoroaca ñaruarãma, ‘Rojose tãmuotujabetiriarõju vabeticõato’ yigu, yu yirẽtobosarã. ²⁸ Jãjarã masa, adigodoana, rojose ña yise vaja, ‘Rojose tãmuotujabetiriarõju ñare cõarucuja’ i yiriarũmu ti ejaro rẽmone ñare cõarearucumi”, yuucamasifñuju Isa’ias. ²⁹ Quẽna gajeju ado bajiro ucamasifñuju Isa’ias, jud’io masa mani bajirore yigu:

“Rojose ña tãmuoborõre sigũrre Dios masijeogu ñare yirẽtobosabecune, Sodomanare, Gomorranare, i yiriarore bajiro ñare i yireajeocõa tuajajama, mani jãnerabatia maniborãma”, yuucamasifñuju Isa’ias, jud’io masa mani bajirore yigu.

Cristore ajitirũnrãre, “Rojose mana ñaama” Dios i yĩlarere jud’io masa ña ajirubeti queti

³⁰ Tire tuoĩacõari, jud’io masa me ñarãre ado bajiro yimasiaja mani: “ ‘¿No bajiro yirãti mani, ‘Rojose mana ñaama’ Dios, manire i yĩlarõre yirã? yituoĩabetiboarine, ‘Rojose mani yise vaja, manire rijabosayumi Cristo’ ña yituoĩajare, ‘Rojose mana ñaama’ ñare yĩlagumi Dios’, yimasiaja mani. ³¹ To yicõari, jud’io masajuarema ado bajiro yimasiaja mani: “Dios i rotimasire ti yirore bajiro mani yijama, ‘Quẽnase yirã ñaama’ manire yĩlarucumi Dios”, yituoĩaboayuma ña. To bajiro yituoĩaboarine, i rotimasire jediro ña cudibetijare, “Quẽnase yirã ñaama”, ñare yĩlbesuju Dios, yimasiaja mani. ³² ¿No yirã to bajise bajiyujari ña? “Jesucristo, manire i rijabosare ti ñajare, manire ñavariquẽnagumi Dios”, yibesuma. “Quẽnaro mani yisere ñacõari, ‘Quẽnase yirã ñaama’ manire yĩlavariquẽnarucumi Dios”, yituoĩaboayuma ña. To bajiro yituoĩarã ñari, gãta juatarãre bajiro bajiyuma.^b ³³ Ado bajiro yaja Dios oca, tire gotiro:

“Siõn vãme cuti macare gãta cûrucuja yu, masa ña juata quedirotiare. Tiare ajitirũnrãma, yu goticatore bajiro ñare quẽnaro yirucuja yu. To bajiro ñare yu yijare, ‘ ‘Yirucuja’ i yiriarore bajiro yigu ñaami’ yirã, sutiritibetiruarãma”.

^a 9:22-23 Rojose tãmuotujabetiriarõju ñare cõabetiboarine, “Rojose tãmuoña mua” ñare i yijama, adi macarucuro ñacõari, rojose ña tãmuoñarõre yigu, yiyuju. ^b 9:32 “Gãtare juatayuma” ti yijama, jud’io masa Jesucristore ña ajiterere yiro yaja.

10

¹ Ajiya mua, yu mairā, Cristore ajitirānūrā. “Jud’io masa jediro rojose tāmōtūjabetiriaroju vatoma” yigu, Diore īnare sēnibosarūgūaja yu. ² Ado bajiro īna bajisere masiaja yu: Dios ī bojasere buto yiruaboama īna. To bajiboarine, “Ti űaja ī bojase”, yimasibeama. ³ “Rojose mani yisere Dios ī masiriose vaja, manire vaja yibosayumi Cristo. To bajiri, Dios ī īajama, ‘Rojose mana űaama’ manire yīlagūmi”, yituoīabeama. “Ī rotimasirere mani cūdijama, ‘Rojose mana űaama’ manire yīlarucumi Dios”, yituoīaboama. To bajiro īna yijama, Dios ī bojase yirā me yirāma. ⁴ “Cristo suorine manire īavariquēnagūmi Dios” yituoīarārema, “Rojose mana űaama”, yīlagūmi Dios. “Yu roticatire cūdirā űari, rojose mana űaama”, īnare yibecumi.

⁵ “Dios ī rotisere cūdirāma, rojose mana űaama” yigu, ado bajiro ucamasiűumi Moisés űamasir’i: “Dios ī roticatore bajirone cūdirāma, Diorāca quēnaro űacōa űarūgūruarāma īna, adigodoju, to yicōari, īna rijato beroju quēne”, yiucamasiűuju Moisés. ⁶ To ī yimasire ti űaboajaquēne, “Dios ī rotimasire ti yirore bajirone cūdigu magūmi”, yimasiaja mani. To yicōari, “Jesucristore masa īna ajitirānūjama, ‘Rojose mana űaama’ īnare yīlagūmi Dios”, yimasiaja mani. To bajiro yirā űari, “Dios ī űaroju űagūre manire yirētobosarocure Cristore īre āmirā varoti űaja”, yituoīabetiroti űaja, manire. ⁷ To yicōari, “Rijariarā īna űaroju űagūre Cristore īre tudicatorā varoti űaja”, yituoīabetiroti űaja, manire. ⁸ “To bajiro tire yituoīamenane, ‘Dios ī yiriarore bajirone bajiyuja’ yituoīamasicōari, gājerāre tire gotiya”, yigotiaja Dios oca. To bajiri, tirene masare ado bajiro gotimasiorūgūaja yu: ⁹ “Jesūs ī rijacoaboajaquēne, īre tudicatiyumi Dios” yituoīacōari, “Jesūs űaami mani űu” mua yigotijama, rojose tāmōtūjabetiriaroju mani vaborotire manire yirētobosarucumi Dios, yigotimasiorūgūaja yu. ¹⁰ Tire īnare yu gotimasiojama, “Rojose mana űaama” īnare yīlacōari, rojose tāmōtūjabetiriaroju īna vaborotire īnare yirētobosarucumi Dios yirā, īnare gotimasiorūgūaja.

¹¹ To bajirone gotiaja Dios oca: “Jesūre ajitirānūrārema yu goticatore bajiro īnare quēnaro yu yijare, “Yirucūja” ī yiriarore bajiro yigu űaami” yirā, sutiritibetiruarāma”, yigotiaja ti. ¹² Īna űu űagūmi jud’io masare, jud’io masa me űarāre quēne. To bajiri, īre sēnirārema, quēnaro īnare yigūmi. ¹³ Tire gotiaja Dios ocare masa īna ucamasire: “‘Rojose yu yise vaja rojose tāmōtūjabetiriaroju yu varotire yuare yirētobosaya’ īre yisēnirārema yirētobosarucumi mani űu”, yigotiaja Dios ocare masa īna ucamasire. ¹⁴ To bajiro ti gotiboajaquēne, “Dios ī cōar’i űaűumi” īna yituoīabetijama, no bajiro īre yisēnimenama. To yicōari, Jesūs ī bajire quetire īna ajibetijama, no bajiro yimasicōari, “Dios ī cōar’i űaűumi”, īre yimasimenama. No bajiroja yicōari tire masimenama īna, űimujane Jesūs ī bajirere īnare ī gotimasibetijare. ¹⁵ “Jesūs ī bajirere gotimasiodiujama” űimujane īnare ī yiro cōro gotimasiodiurā vamenama. To bajiro yituoīarāre ado bajiro gotiaja Dios ocare masa īna ucamasirere: “Masare quēnaro Dios ī yise quetire gotimasiorā īna ejasere buto īavariquēnaja mani”, yigotiaja ti.

¹⁶ To bajiro ti yiboajaquēne, jud’io masa Jesūs ī bajire quetire ajirā jājarā űaboarine, mojeroaca űaama īre ajitirānūrāma. To bajiro īna bajirotire yigu, Isa’ias űamasir’i ado bajiro ucamasiűumi: “Yu űu, yuare mu gotimasiorotisere ajiruamena rīne űacōama”, yiu-camasiűumi Isa’ias. ¹⁷ To bajiri, Cristo ī bajirere īna gotimasiosere ajicōari, “To bajirone bajirimi Cristo”, yituoīare űaja.

¹⁸ To bajiri, Jud’io masa, ĳCristo ī bajirere ajibesujarique īna? Ajiboayuma, bajirājuma. Ado bajiro gotiaja Dios ocare masa īna ucamasire: “Dios ocare gotimasiodiujarā īna. To īna yijare, Cristo ī bajirere ajijedicōaűujarā”, yigotiaja Dios oca.

¹⁹ ĳJud’io masa tire ajiboarine, quēnaro ajimasibesujarique? Ajimasiboayuma. “Ado bajiro bajiruarāma jud’io masa”, yigotiaja Moisés ī ucamasire:

“ ‘Dios ocare ajimasimena űaama’ mua yirāre, “Yu yarā űaja mua”, īnare yirucūja yu. Īnajuare quēnaro yu yisere īacōari, īnare jūnisiniruarāja mua’ yami Dios”, yiu-camasiűumi Moisés.

²⁰ Isa’ias űamasir’i quēne, gūituoīari mene ado bajiro ucamasiűumi:

“Yure macamenajua, yure bujaruarāma. “Diore masiruarāja” yituoīamenajua, yure masiruarāma’ yami Dios, jud’io masa me űarāre tuoīagū”, yiu-camasiűumi Isa’ias.

²¹ Jud’io masajare Dios ī gotirere ado bajiro ucamasiűumi Isa’ias: “Tocārācarūmune, “Yu yarā mua űasere bojaja yu”, īnare yirūgūboacaju yu. Yure cūdibeticōari, yure oca rētorūgūcama īna’ yami Dios”, yiu-camasiűumi Isa’ias.

11

Israelita masare Dios ī īamaire queti

¹ To bajiri, çî yaräre jud'io masare ñare maitujacoasujari Dios? Bajibeaja. No yigü maitujabecumi. Yu quëne, jud'io masü ñaja. Yu ñicu ñasur'î ñamasifüju Abraham. To bajiri, î jänami ñamasir'î, Benjam'in ñamasir'î ya jünagu ñaja yu. ² Tirämüju, yua jud'io masare, “Yu yarä ñaruaräja mua”, yimasifümi Dios. To bajiro yir'î ñari, maitujabeami. El'ias ñamasir'î Diore î sënimasire masa ña ucamasirere ñariaräja mua. “Jud'io masa yu yaräre rojose ña yise vaja rojose ñare yiya” yigü, ado bajiro yimasifümi: ³ Yu çju, yure ajiji. “Mure gotirëtobosarimasare sïajeocöama ña. Mure ña rücbuorijure quëne reajeocöama ña. Yu sigüne, mure rücbuogüma ruyaja yu. Yure quëne siaruama”, Diore ñe yimasifümi El'ias. ⁴ To bajiro î yisere ajicöari, ado bajiro ñe cudimasifümi Dios: “Mu sigü me ruyaja. ‘Yu yarä ñaja mua’ yu yirä, siete mil ñariräcu ruyama, yure rücbuorä, Baal väme cutigure rücbuomena”, yimasifümi Dios, El'ias ñamasir'ire. ⁵ Yucurire quëne sigürire jud'io masare yuare ñamaicöari, quënarö î yire ñajare, “Yu yarä ñaja mua” î yirä ñaja yua. ⁶ Quënarö mani yibetiboajaquëne, manire ñamaicöari, quënarö î yire ti ñajare, î yarä ñaja mani. To bajiro ti bajijare, “Quënarö mani yise suori me, ‘Yu yarä ñaama’ manire yïaßumi Dios”, yimasiaja mani.

⁷ Ado bajiro bajiyuja jud'io masare: “Rojose mana ñaama” Dios î yïasere ña bojaboajaquëne, Diojuma, “Rojose mana ñaama”, ñare yïabesumi. To yibetiboarine, sigürire ñamaicöari, quënarö î yire ti ñajare, “Rojose mana ñaama” î yïarä ñari, î yarä ñaja yua. Gajerärema, “Yure ajiterä ñari, butobusa yure ajiteruaräma”, yiyumi Dios. ⁸ Tire gotiro, ado bajiro gotiaja Dios oca:

“Yure ajiterä ñari, butobusa yu ocare ajimasibetiruaräma’ yirucumi Dios. To bajiro î yijare, î ocare masa ña ucamasirere ñaboarine, ajimasibetiruaräma. Gajerä î ocare ña gotiboajaquëne, ajimasibetiruaräma ña”, yigotiaja Dios oca.

Î gotiriarore bajirone bajicöa ñaja ti, yu yaräre. ⁹⁻¹⁰ David ñamasir'î quëne, ado bajiro ucamasifümi, Diore î sënigü:

“Jud'io masa, boserümü yivariquënaoarä, sutiritiato, to yicöari, ajimasibetiruaräma ñare yiya. Rojose ña yise vaja rojose tãmuoruaräma ñare yiya. To yicöari rojose ña yise vaja, sigüne buto rücsere juacöari, î tãnivatero bajiro bajiato ñare yiya”, Diore ñe yisënimasifümi David.

Jud'io masa me ñarä, rojose ña yise vjare Dios ñare î yirëtobosare queti

¹¹⁻¹² To bajiri, çjud'io masa Cristo ocare ña ajirubeti vaja, “Yu yarä me ñaja mua”, ñare yicöa tãjasujari Dios? To bajiro me bajiaja. Jud'io masa jãjarä ñe ña ajirubetijare, jud'io masa me ñaräja Cristo ocare ajitiränußuma. ña ajitiränußare, rojose ña yise vaja rojose tãmuotujabetiraroju ña vaborotire ñare yirëtobosayumi. To bajiro î yijama, “Quënarö manire î yiborere ñajuare quënarö yigumi Dios’ yituoïacöari, ‘Manire quëne quënarö yato Dios’ yirä, yure ajitiränuato jud'io masa” yigü, jud'io masa mere quënarö yiyumi Dios. Jud'io masa quëne ña ajitiränußuma, masa jedirore rëtoro quënarö yirucumi Dios.

¹³ Jud'io masa mejuare ado bajiro muare gotiaja yu: Muare gotimasiorocure yure cöacumi Cristo. To bajiri, “Ti moare ñamasuse ñaja” yigü ñari, yu masiro cöro quënarö gotimasiorügüja yu. ¹⁴ Muare yu gotimasiojama, yu yarä jud'io masa, muare yu gotimasiosere ajicöari, “Yuare î gotiborotire ñajuare gotimasioami’ yirä ñari, ña quëne Cristore ajitiränuato” yigü, muare gotimasioaja yu. To bajiri, rojose ña yise vaja rojose tãmuotujabetiraroju ña vaborotire ñare yirëtobosarucumi Dios. ¹⁵ Jud'io masa, Cristo ocare ña ajirubetijare, jud'io masa mejuare gotimasioajaja yu. To bajiri Cristo ocare ajitiränuarä ñari, adigodoju Dioräca quënarö ñaama ña. Dios î bojariarore bajiro jud'io masa quëne, Cristo ocare ña ajitiränußuma, rëtoro quënaruaröja ti. Tudirijayamanire Dios î catisere cuorä ñaruaräma. ¹⁶ Pan mani quënorotiburayere mojariburäca ämicöari, mani quënoricare, “Dios yaga ñaruaröja” mani yijama, tiare quënoru mani juaräre quëne, Dios ye rïne ñacöaroja, î ñajama. Yucü ñemare, “Dios ya ma ñaruaröja” mani yiboajaquëne, tiu rüjuri jedirone î ye rïne ñacöaroja. Abraham ñamasir'ire quëne, “Yu yu ñaami”, ñe yïamasifümi Dios. To bajiro ñe yir'î ñari, î jãnerabatia jedirore, “Yu yarä ñaama”, ñare yïarucumi Dios.

¹⁷ Tirämüjuma, jud'io masa, olivo väme cuti rüjare bajiro ñaßuma. To bajiro ña bajiboajaquëne, tirüjare jatarocariarore bajiro ñare yiyumi Dios, ñe ña ajitiränußeti vaja. Mua, jud'io masa meju, no bojaricu yucü rüjare bajiro mua bajiboajaquëne, Jesucristore mua ajitiränuße suorine ti rüjare jataämiadicöari, olivo väme cuti rüju î jatarocariarüjare vasoagure bajiro yiyumi Dios. To bajiro î yijama, “Sigü rïare bajiro bajirä ñaruaräma” yigü yiyumi. ¹⁸ To bajiri, jud'io masa suori Dios ye quënase bajarä ñari, jud'io masare, “Yu yarä me ñaama” î yïaräre ñatebesa mua. “Ña rëtoro quënarä ñaja yua”, yituoïabesa. Ado bajirojua tuoïa: “Yu yarä ñaama’ manire î yïaroto rïjorojua, jud'io masarema, ‘Mua suori masa jedirore quënaruaröja ti’ ñare yimasifüju Dios”, yituoïa mua.

¹⁹ To bajiro muare yu yigotiboajaquëne, mua sigüri ado bajiro tuoïaräja mua: “Yucü rüjuri rojosere mani jasurerearore bajirone jud'io masare, ‘Yu yarä me ñaama’ ñare yïaßumi Dios,

‘Gājerā masa yu rīa ñato’ yigu”, yituoīarāja mua. To bajiro yituoīacōari, “Jud’io masa rētoro quēnarā ñaja mani”, yituoīaboarāja mua. ²⁰ To bajiro tuoīarāre ado bajiro cadiaja yu: Diore ña ajitirānubeti suori, jud’io masare reayumi Dios. To bajiro ñare yiboarine, muajuare ī yarāre bajiro muare īaami, īre mua ajitirānuse suori. Īre mua ajitirānu sayabeticōajama, ī yarā me ñaborāja. To bajiri, “Jud’io masa rētoro ñamasurā ñaja”, yituoīabeticōaṇa. Diojuare gūiya, “Yuare quēne rearomi” yirā. ²¹ Jud’io masa īre ña ajitirānu sayabeti suori, rojose ña yire vaja ñare masiribesumi Dios. Olivo ruḡure ñasuoīarāju jatarocariarore bajiro ñare yiyumi. To bajiri mua jud’io masa me ñarā quēne, īre mua ajitirānu sayabetijama, to bajirone yirucumi. ²² Diore mua teboajaquēne, muare īamaicōari, quēnaro ī yirere, to yicōari, jud’io masa, Cristo ocare ña ajitirānubeti vaja “Yu yarā me ñaama” ñare ī yirere tuoīaṇa. Tire masirā ñari, “Cristore mani ajitirānu tujajama, manire quēne, ‘Yu yarā me ñaama’ yīlārucumi”, yimasirā mua. ²³ Jud’io masa quēne, Cristo ocare ña ajitirānujama, ñare īamaicōari, “Yu yarā ñaja mua quēne”, ñare yīlārucumi Dios quēna. ²⁴ Jud’io masa me mua ñaboajaquēne, ñare ī yisuoīarore bajirone muare īamaicōari, “Yu yarā ñaama”, muare yīlāñumi. To bajiro ī yire ñajare, “Quēna īre ña ajitirānujama, josari mene, ‘Yu yarā ñaama’ ñare yīlācōagūmi, jud’io masare”, yimasire ñaja.

Jud’io masa rojose ña yise vajare Dios ñare ī yirētosaroti

²⁵ Yu mairā, masa ña masibeticatire ado bajiro muare gotiaja yu: “ ‘Dios yarā ñari, yua rīne ñaja ī ocare quēnaro riojo ajimasirā’ yibeticōato” yigu, adi ocare muare gotiaja yu: Adirūmuri jud’io masa jājarā ñarāma Cristo ocare ajiterā. Jud’io masa me Cristore ña ajitirānujediro bero, jud’io masa quēne, Cristore īre ajitirānuarāma ña. ²⁶ ña ajitirānujare, rojose ña yise vaja rojose ñare ī yiborotire ñare yirētosarucumi Dios. Tirene, ado bajiro gotiaja Dios ocare masa ña ucamasire:

“Sion vāme cūti macagu ejarucumi, jud’io masa rojose ña yisere Dios ī masiriose vajare, ñare vaja yibosarocu. Rojose ña yisere ī suorine yitujacōari, yure ajitirānuarāma quēna.

²⁷ Rojose ña yisere masiricōari, yu goticatore bajirone yirucuja yu”, yigotiaja Dios ocare masa ña ucamasire.”

²⁸⁻²⁹ Cristo ī bajire suorine quēnaro Dios ī yisere jud’io masa jājarā ña ajiruabetijare, ñare īategumi Dios. ña ajiruabetijare, jud’io masa mejuare muare gotimasioḡaju yua. To bajiboarine, jud’io masa ñicua ñamasiriarāre, “Yu rīa, quēnaro yu yirona ñaruarāja, mua jānerabatia quēne” ñare yir’i ñari, ñare maicōa ñagūmi Dios. To bajicōari, “Yirucuja” ī yiriarore bajirone yigu ñari, Cristo ī bajirere ña ajitirānuaro, ñare quēne, “Yu rīa ñaama”, yīlārucumi. ³⁰ Tirāmujama Dios ocare ajiterā ñaṇuja mua maji. To bajiro bajiriarā mua ñaboajaquēne, jud’io masa Dios ocare ña ajiruabetijare, muajuare īamaicōari, rojose mua yise vaja rojose mua tāmuborotire muare yirētosasayumi. ³¹ To bajiri yucurema jud’io masa ñaama Dios ocare ajiterā. To bajiro ña bajiboajaquēne, muare īamaicōari, ī yiriarore bajirone rojose ña yise vaja rojose ña tāmuborotire ñare yirētosarucumi Dios. ³² Ado bajiro bajiyuja manire: Jud’io masare, ña mere quēne, “Yu bojarore bajiro yirā me ñaama”, manire yīlāñumi Dios, “Manire rijabosayumi” Jesūre yituoīarāre īamaicōari, quēnaro ī yirotire yigu.

³³ Mani jedirore quēnaro yigu ñagūmi Dios. ¡Masijeogu ñagūmi! Īre bajiro quēnaro yigu magūmi. Ñimujuane, ī tuoīasere, to yicōari ī yisere quēne masibecumi. ³⁴ Ado bajiro gotiaja Dios ocare masa ña ucamasire: “Dios, mani uju, ī tuoīasere masigū magūmi. Īre gotimasioḡū magūmi. ³⁵ ‘Quēnaro mani yijare, Dios quēne quēnaro manire yirocu ñagūmi’ yimasibeaja mani”. ³⁶ “Quēnase yure yirucubuo variquēnato” yigu, ñajedirore rujeomasiñumi Dios. To bajiro ī yire ñaro cōrone cuogu ñagūmi. To bajiro bajigu ī ñajare, quēnase īre rucubuo variquēnatujabetiroti ñaja, manire. To bajirone bajimuorūḡōato.

12

“Dios ī bojasere yirūḡuruarāja mani”, yire queti

¹ To bajiri, yu mairā, Dios manire ī īamaisere masirā ñari, ī bojarore bajiro quēnase rīne yiroti ñaja. To bajiro mani yīñajama, īre rucubuoīarā yirāja mani. Tire īavariquēnagūmi Dios. ² Adigodoaye rīne tuoīarā ña tuoīarore bajiro tuoīabetiroti ñaja muare. Muajuama, Dios ī ejarēmose rāca ī bojasere yirūḡuṇa. To bajiro mua yijama, “Quēnasere, Dios ī īavariquēnasere yirā yaja”, yimasiruarāja.

³ Yure īamaicōari, quēnaro yure yigu, yure goticudirotiyumi Dios. To bajiri ado bajiro muare gotiaja yu: “Mani masune Dios ī bojasere yimasiaja mani”, yituoīabesa mua. Ado bajiroḡua tuoīaṇa mua: “Tocārācure ricatiri rīne mani yimasirotire ujoyumi Dios. To bajiri, ī ejarēmose rāca yiruarāja”, yituoīaṇa mua. ⁴ Mani ruḡure jairo ñaja. Āmo, cajea, ḡāmoru, ḡabo,

gajeye quêne ñaja, cojo ruju ñaboarine. Ricati rïne yaja. Cajea rāca ña, gāmoro rāca aji, āmo rāca āmi, gūbo rāca va, bajimasire ñaja manire. ⁵ To bajirone bajiaja Cristore ajitirānūrāre quêne. Jājarā ñaboarine, Cristore ajitirānūrā ñari, cojo rujare bajirone bajiaja mani. To bajicōari, cojo masare bajiro quēnaro gāmerā ejarēmōrūgūaja mani.

⁶ Tocārācure ricati rïne ī bojarore bajiro mani yimasirotire manire ujoyumi Dios. To bajiri ī ujore mani yimasise rāca Cristore ajitirānūrāre ñare ejarēmōroti ñaja. “Ñare yu gotisere ajicōari, gotirētobosarimasa ñato” yigu, ña yimasirotire ñare Dios ī ujore ti ñajama, “Tire manire ujoyumi” yituoīacōari, gājerāre gotimasiroti ñaja. ⁷ “Gājerāre ejarēmōato” yigu, ña yimasirotire Dios ī ujore ti ñajama, ñare quēnaro ejarēmōroti ñaja. “Dios ocare ajimasicōari, gājerāre gotimasioato” yigu, ñare ī ujore ti ñajama, “Tire manire ujoyumi” yituoīacōari, quēnaro gotimasioroti ñaja. ⁸ “Yure ajitirānūrā butobusa ajitirānūato” yigu, ña gotimasiorotire ujoyumi Dios. Tire ujoecoriarāma, quēnaro gotimasioroti ñaja. Maioro bajirāre gājoa īsigūma, “To bajiro yu yise vaja yure ejarēmōruarāma ña” yituoīagū me, īsiroti ñaja. Rotirārema, quēnaro rotiroti ñaja. Maioro bajirāre ejarēmōrārema, variquēnase rāca ñare ejarēmōroti ñaja.

“Ado bajise ñaroti ñaja Cristore ajitirānūrā”, yire queti

⁹ Socarāne, “Muare maiaja”, yitobesa. To yicōari, ñare mai, ñare ejarēmo, rojose yibeti, quēnase rïne yirūgūña. ¹⁰ Cristore ajitirānūrā ñari, sīgū rīare bajiro bajiaja mua. To bajirā ñari, quēnaro gāmerā īamaicōari, rūcubuoja, “Ñajua ñaama ñamasurāma” gājerā ñare ña yīārūcubuoortire yirā.

¹¹ Dios ī bojasere mua yijama, teyējairāne yibesa mua. Tocārācarāmune Dios muare ī ejarēmōsere tuoīacōari, variquēnase rāca ī bojasere quēnaro yirūgūña.

¹² “Ō vecaja manire quēnaro yirūcumi Dios” yimasirā ñari, quēnaro variquēnase rāca ñacōarūgūña mua. Rojose tāmūoboarine, Diore ajitirānūcōa ñarūgūña. Īre ajitirānūcōari, “Yuare ejarēmōña”, Īre yisēnitujabeja mua.

¹³ Cristore ajitirānūrā rojose ña tāmūojama, ñare ejarēmōña. Ejarāre quēnaro yiya.

¹⁴ Rojose muare yirāre, “Quēnaro ñare yato Dios” yirā, ñare sēnibosaya.

¹⁵ Gājerā quēnaro ña variquēnajama, ñare variquēnaejarēmōña. Gājerā ña sūtiritijama, ñare sūtiritiejarēmōña.

¹⁶ Gājerā rāca cojo masare bajiro gāmerā īamaiña. “Ñamasurā ñaja yua”, yituoīabesa. “Ñamasurā me ñaama” gājerā ña yirāre baba cutiya mua. “Gājerā rētoro masirā ñaja yua”, yituoīabesa.

¹⁷ Quēnase rïne yirūgūña mua, “Quēnaro yirā ñaama” masa ña yīārotire yirā. Rojose muare yirāre ñare gāmebesa mua. ¹⁸ Mua yimasiro cōro quēnase rïne yiya, “Masa jediro mani rāca quēnaro ñato” yirā. ¹⁹ Gājerā rojose muare ña yiboajaquēne, “Dios rïne ñaami, masa rojose ña yise vaja, rojose ñare yirocu” yirā ñari, rojose muare ña yijama, ñare yigāmebesa mua. Dios ocare masa ña ucamasire ado bajiro gotiaja: “Yu ñaja, rojose ña yise vaja, ñare rojose yirocu”, yigotiaja ti. ²⁰ Gaje vāme, ado bajiro gotiaja, rojose manire yirāre ñare mani yirotire yiro: “Muare ītegu ī ñiorijajama, bare Īre ecaya. Ī idirujajama, Īre ioya. To bajiro Īre mua yijama, rojose muare ī yisere tuoīacōari, muare buto bojonerūcumi”, yigotiaja Dios oca. ²¹ Gājerā rojose muare ña yijama, rojose ñare yicōaruaboarine, quēnasejuare yicōa ñaña.

13

¹ Dione ñagūmi masa ujarā ñaronare ñare cūrimasu. Ī cūriarā ña ñajare, ña rotirore bajiro quēnaro yirūgūruarāja mua. ² Dios ī cūrāre cudimenarema, ña cudibeti vaja rojose ñare yirūcumi Dios. ³ Quēnase yirārema gūiorā me ñaama ujarā. Rojose yirājuarema gūiorā ñaama ña. To bajiri quēnase rïne yiya mua. Quēnase rïne mua yijama, “Quēnaro yirā ñaama”, muare yīārūarāma mua ujarā. ⁴ “Masa quēnaro gāmerā ejarēmōato” yigu, ujarāre cūgūmi Dios. To ī yiboajaquēne, rojose mua yijama, “Rojose yua yise vaja rojose yure yirūarāma ujarā” yimasirā ñari, ñare gūirūarāja mua. “Rojose yirāre rojose ña yise vaja rojose yure yibosato” yigu, ñare cūgūmi Dios. ⁵ “Rojose mani yise suori rojose manire yiroma” yituoīarā ñari, ujarāre cudirūgūruarāja mua. Tiaye rïne, cudirā me, Gajeye quêne, “Mani cudisere bojagūmi Dios” yirā ñari, cudirūgūruarāja. ⁶ Masa ujarā Diore moabosarūgūama, manire “Quēnaro ñato” yirā. To bajiri manire ña moabosase vaja ñare vaja yiroti ñaja.

⁷ Mua ujarā jedirore Dios ī bojarore bajirone quēnaro ñare yiroti ñaja. Īna vaja taro cōrone ñare vaja yiya. “Gajeye moare ña yise vajare quêne ñare vaja yiya” muare ña yirore bajirone cudirūarāja mua. To yicōari, quēnaro ñare yirūcubuoja.

⁸ Gājerāre mua vaja moajama, mua vaja mosere vaja yiya. Mua rācanare īamaiña. To bajiro mua yijama, Dios ī rotise ñaro cōrone cudirā yirāja. ⁹ Dios ī rotimasire ado bajiro gotiaja: “Manajo cutirā, manaju cutirā, manajo mana, manaju mana quêne, gājerā rāca ajeriarā

catibesa. Siabesa. Juarudibesa. Gãjerã ye gajeyeünire bojaïabesa”, yigotiaja Dios i rotimasire. To bajicõari, gajeye ñarẽmoaja Dios i rotimasire. Tire cojo vãme muare gotiguagũ yaja yu. Cojo vãme ti ñaboajaquẽne, tire quẽnaro mani cudijama, Dios i rotise ñaro cõrone cudirã yirãja mani. I rotimasire ado bajiro yaja: “Mu masu rujure mu mairone bajirone mu rãcanare maiña”, yigotiaja Dios i rotimasire. ¹⁰ Mani rãcanare mani majama, rojose ñare yimenaja. To bajiro mani yijama, Dios i rotise ñaro cõrone cudirã yirãja mani.

¹¹ Tiramaju Cristo i bajirere ajisuorãjune, “Tudiejacõari, quẽnaro manire yirucumi”, yicõasuojuja mani. To bajiri yucurema, “I tudiejarotirũmu cõñadiaja” yimasirã ñari, tire tuoiatujamenane, butobusa Dios i bojarore bajiro yito mani. ¹² Cristo i ejarotirũmu cõñacoaju. To bajiri vãti i bojasere ña yirodori jedicoato yaja. To cõrone rojose yirãre reargucumi Cristo. Tire masicõari, “Cristo manire ejarẽmoato” yirã, ñe sënito mani, “Rojose yiruaboarine, tire yibeticõari, i bojasejuare yirãsa mani” yirã. ¹³ To bajiro mani bajijama, quẽnase rĩne yiruãrãja mani. Boserũmuri ñaro idimecucõari, avasãmecucudirãre bajiro bajibetiroti ñaja manire. Manajo cutirã, manaju cutirã, manajo mana, manaju mana quẽne, gãjerã rãca ajararã cutibetiroti ñaja. Gãmerã oca rëtogetcõato. Gãjerã ña yisere ñajũnisinibeticõato mani. ¹⁴ Ado bajirojua yirã ñato mani: “Mani uju Jesucristo manire ejarẽmoato” yirã, ñe sënirũgũto mani. Ñe ñagũmi manire ejarẽmogũ, “Rojose yiroma” yigu. To bajiri i ejarẽmose ti ñajare, rojose yiruaboarine, tire yibetiruãrãja mani.

14

“Cristore ajitirãnurã ñari, gãmerã ajirãcubũoto mani”, yire

¹ “Cristo yure ejarẽmogũmi” yituoĩagũ ñaboarine, tuoĩagũjagurema, quẽnaro ñe yiya. “Ado bajiro yiroti ñaja” i yisere ajicõari, “Bajibeaja. Ado bajirojua yiroti ñaja, mure”, ñe yi oca rëtogetcõa. ² Sīgũri, Cristore ajitirãnurã, “Bare vãme cuti ñaro cõrone mani bajama, quẽnaja”, yituoĩaama ña. Gãjerãma, “Cristo manire ejarẽmogũmi” yituoĩarã ñaboarine, “Vaibucu rii mani bajama, quẽnabetoja” yituoĩagũicõari, bamenama ña. ³ Bare jediro barãjua, “Mani bajama, quẽnabetoja” yigũirãre, “Tuoĩamasimena ñaja mua”, ñare yibetiroti ñaja. Bamenajua quẽne, jediro barãre, “Rojose yirã yaja mua”, ñare yĩñagõjaibesa, “Ña quẽne, yu rĩa ñaama” Dios i yirã ña ñajare. ⁴ Cristore ajitirãnurã, Dios i rotirã ñaja mani. To bajiri sīgũri ña bajisere ñacõari, “Quẽnaro yaja mua. Ado yua rãca ñaña”, ñare yirã ñaboarine, ricati tuoĩarãrema, “Quẽnaro yibeaja mua. Gajeroju vasa”, ñare yibetiroti ñaja. Dios sīgũne ñaami ti ñũire yimasigũma. To yicõari i rotirãre ejarẽmogũmi, “Yu rãca ñacõa ñato ña” yigu. To bajiri ricati tuoĩarãre quẽne, “Yu rãca ñacõa ñato”, ñare yimasigũmi.

⁵ Sīgũri, Cristore ajitirãnurã ado bajiro tuoĩaama ña: “Cojorũmũne, gajerũmuri rëtoro ñamasurirũmu Diore rãcubũoriarũmu ñaja”, yituoĩaama. Gãjerã Cristore ajitirãnurã, ado bajiro tuoĩaama: “Tocãrãcarũmũne Diore rãcubũoroti ñaja”, yituoĩaama ña. To bajiboarine ricati rĩne mua tuoĩase, no yibeaja. Diore mua sënise ñaja ñamasusema, “I bojasere yaja” mua yimasirotire yirã. ⁶ Sīgũ ñagũmi, “Adirũmu ñaja ñamasurirũmu Diore rãcubũoriarũmu” yigu. Mani ujure Diore rãcubũogumi. Gãjima, “Bare vãme cuti ñaro cõrone mani bajama, quẽnaja” yigu i bajama, “Quẽnaro yaja mu”, Diore yigumi. Gãji, vaibucu rii babecu ñaboarine, gajeye bare bañagũne, “Quẽnaro yaja mu”, Diore yirãcubũogumi i quẽne.

⁷⁻⁹ Cristore ajitirãnurã, mani masune tuoĩacõari, yirã me ñaja mani. Ado bajiro bajiaja: Siaecoboarine, tudicaticoasumi Cristo, ña catijaquẽne to yicõari ña rijacoajaquẽne, “Ña uju ñarucumi” Dios i yijare. To bajiri adigodo mani catiñaro cõro, mani rijato beroju quẽne, “Yu masune rotiaja. Gãji yure rotibeami”, yimasifia manojã. Cristo yarã ñari, mani rijato beroju quẽne i yarã ñacõa ñaruãrãja mani. To bajiri, Cristo i bojase rĩne yicõa ñaroti ñaja.

¹⁰ To bajiro ti bajiboajaquẽne, ¿no yirã, “Rojose yaja mua”, mua yarãre ñare yĩñagõjai coderũgũati? To yicõari, ¿no yirã mua yarãre, “Tuoĩamasimena ñaja mua”, yĩĩateati mua? Mani ñaro cõrone, Dios i ñaroju ejarona ñaja mani. To bajiri, “Ánoa ñaama quẽnase yicana. Ánoa ñaama rojose yicana”, yĩĩabeserucumi. To bajiro i yirotire masirã ñari, gãjerã Cristo yarãre, “Rojose yaja mua”, yĩñagõjaibesa. ¹¹ Ado bajiro gotiaja Dios oca Isaías i ucamasire:

“Socu me yaja yu. Ado bajise bajiruaroja ti, masa jedirore: Yu ñaro rĩjorojua yure rãcubũorã, gusomuniari tuetucõari, “Masa ña yisere masigũ ñaja mu”, yure yiruãrãma ña”, yami mani uju”, yucamasifũmi Isaías.

¹² To bajiro i yimasire ñajare, “Tocãrãcũne, ña yire jedirore Diore ñe gotiruãrãma ña”, yimasiaja mani.

¹³ To bajiri, “Rojose yaja mu” gãmerã yĩñagõjaibetiruãrãja mani. Tire yibeticõari, “Mani rãcanare rojose ñare ñmato yirobe” yirã, quẽnase rĩne yito mani. ¹⁴ Yu, mani uju Cristo i gotimasicotatire ajicacu ñari, ado bajiro yaja yu: “Bare vãme cuti ñaro cõrone mani bajama, quẽnaja”, yimasiaja yu. To bajiro yu yiboajaquẽne, ñarãma gãjerã Cristore ajitirãnurã,

“Vaubucu rii yu bajama, rojose yigu, yiguja yu”, yituoārāma. ¹⁵ “Vaubucu rii yu bajama, quēnabetoja” yigu űari, muajua tire mua baro ĩacōari sutiritigumi. To bajiro ĩ bajisere masirā űaboarine, mua bacōa űajama, “Mure maibeaja” yirāre bajiro yirāja mua. Mua rī mere, gājerāre quēne rijabosagu bajiyumi Cristo. To bajiri sigū, Cristore ajitirānugū, “Vaubucu rii yu bajama, rojose yigu yaja” ĩ yisere ajicōari, vaubucu riire babeja. “Mani basere ĩ bajama, ‘Rojose yigu yaja yu’ yituoācōari, rojose tāmūotujabetiraroju vatomi” yirā, tire babetiruarāja mua. ¹⁶ To bajiri, “Mani yise quēnase ti űaboajaquēne, tire ĩacōari, ‘Rojose yirā yama’ gājerā manire yīārāma” mua yimasijama, tire yibeticōaűa. ¹⁷ Mani barotire, mani idirotire buto tuoārati me űaja. Mani uju ĩ bojarore bajiro quēnaro mani yisejuare tuoārati űaja. To yicōari, Esp’iritu Santo manire ĩ ejarēmose suorine gājerā mani rāca quēnaro ĩna variquēnarotijuare tuoārati űaja, manire. ¹⁸ Esp’iritu Santo ĩ ejarēmose suorine Cristo ĩ bojarore bajiro quēnaro mani yijama, “Quēnaro yirā űaama”, manire yīāvariquēnagūmi Dios. To bajicōari, masa quēne, “Quēnaro yirā űaama”, manire yīāruarāma ĩna.

¹⁹ To bajiri butobusa ĩ bojarore bajiro mani yijama, gāmerā ejarēmorā yirāja mani, “Jediro Cristo ĩ bojarore bajiro yirā űarāsa mani” yirā. ²⁰ To bajiri sigū, Cristore ajitirānugū, mua baroti űaboasere ĩacōari, “Babetiroti űaja” ĩ yijama, tire babetiruarāja mua. “Mani basere ĩ bajama, ‘Rojose yigu yaja yu’ yituoācōari, rojose tāmūotujabetiraroju vatomi” yirā, tire babetiruarāja mua. Mani base jediro quēnase rīne űacōaja. To bajiboarine mani rācagu Cristore ajitirānugū, “Vaubucu rii yu bajama, rojose yigu yaja” ĩ yīāsere, mani bajama, rojose ĩre yiorārē bajiro yirāja mani. ²¹ Mani rācagu Cristo yu, mua basere, uye oco mua idise, to yicōari, gajeye no bojase mua yisere ĩacōari, ĩ quēne ĩ yijama, “Rojose yigu yaja”, yituoāgūmi. To bajiro tuoāgū ĩ űajare, to bajiro mua yijama, rojose ĩre yiorārē bajiro yirāja mua. ²² To bajiri, “Bare vāme cuti űaro cōrone mani bajama, quēnaja”, “Mani bajama, quēnabeaja” mua yituoāsere, gāmerā gotimenane, Dios sigūrene mua tuoāsere gotiroti űaja. “To bajiro yua yisere ĩacōari, ‘Quēnaja’ yīāgūmi Dios” yirāma, variquēnarāma. ²³ “Yua bajama ĩDios ĩ bojabetire yirojari yua?” yiboarine ĩna bacōajama, rojose yirā rācama. To bajirone bajiaja. “Dios ĩ bojabetire yirā yaja” yiboarine, mani yijama, manire quēne rojose űarōja.

15

“Mani űaroti rīne tuoārati me űaja”, yire queti

¹ “Cristo yuare ejarēmogūmi” yituoārā űaboarine, tuoāgūirāre, “To bajiro mua bajise quēnabeaja” ĩnare yimenane, ĩnare rūcubucōcōaűa. Mua űaroti rīne tuoāmenane, tuoāgūirāre ĩnare ejarēmoroti űaja. ² Mani rācana Cristore ajitirānugū, gājerā ĩre ajitirānugū űaboarine, tuoāgūirā quēne, ĩnare ejarēmoroti űaja, “Butobusa Cristore ajitirānucōari, variquēnase rāca quēnaro űato ĩna” yirā. ³ Cristo adigodo ejacōari, ĩ yiriarore bajiro yito mani. ĩ sigūne ĩ variquēnarotire bojagu me űaűumi. Mani variquēnarotijuare bojagu űari, buto rojose tāmūoűumi, manire ejarēmogū. To bajiri, ado bajiro gotiaja Dios ocare masa ĩna ucamasire: “Rojose yirā, mure ĩna rūcububetijama, yurene rūcububomena yicama”, yigotiaja Dios ocare masa ĩna ucamasire, Cristo ĩ jacure Diore ĩ yirere yiro. ⁴ Jediro Dios ocare masa ĩna ucamasire quēnaro manire gotimasioaja ti. To bajiri tire mani buejama, quēnaro gotimasiocōa űaruarāja mani, “Butobusa Cristore ajitirānuato ĩna” yirā. To bajiri, “Ō vecaju manire quēnaro yirūcumi Dios” yimasirā űari, variquēnacōa űaruarāja mani. ⁵ Dios manire ejarēmoami, “Ĭna rācanare gotimasiocōa űaruarāma” yigu. “Yure ajitirānucōa űato” yigu, mani variquēnarotire cōaami. To bajiri, butobusa muare ejarēmoato Dios, mua gāmerā mairotire yigu. To bajiro ĩ yijama, Jesucristo ĩ bojarore bajiro yirā űaruarāja mua. ⁶ To bajiro manire ĩ ejarēmojare, mani űaro cōrone mani ujure Jesucristo jacure ĩre rūcubuo variquēnaruarāja mani.

Jud’io masa mere Cristo ĩ bajirere ĩna gotimasioare queti

⁷ To bajiri, “Yu yarā űaja mua” Cristo muare ĩ mairiarore bajirone gāmerā maiűa mua. Mua gāmerā maisere ĩacōari, “Dios suorine bajiaja” yirā űari, “Quēnagū űagūmi Dios”, ĩre yīruarāma masa. ⁸ Adi macarūcurojare jud’io masare ĩnare ejarēmogū vayumi Cristo. Yua űicuarē, “ ‘To bajiro bajiruarōja’ ĩnare ĩ yimasiriarore bajirone yigu űaami Dios’ yimasioato ĩna” yigu, yuare ejarēmofūmi. ⁹ Jud’io masa rī mere ejarēmogū vagu bajiyumi Cristo. Jud’io masa mere quēne ejarēmogū bajiyumi. “Masare Dios ĩ ĩmaisere masicōari, ĩre quēnaro rūcubuo variquēnato jud’io masa, jud’io masa me quēne” yigu, vayumi Jesús. To bajisene gotiaja Dios ocare masa ĩna ucamasire:

“Jud’io masa me, yu rāca mure yivariquēnato ĩna’ yigu, varūcūja yu. Yu suorine mure yirūcubucōcōari, basaruarāma ĩna”, yigotiaja Dios ocare masa ĩna ucamasire, Cristo ĩ jacure ĩ gotirere yiro.

¹⁰ Quēna gajeye ado bajiro gotiaja Dios ocare masa ĩna ucamasire:

“Mua jud'io masa me, Dios yarā jud'io masa rāca cojo masare bajiro variquēnaruarāja mua”, yigotiaja Dios oca.

¹¹ Gajeye quēne ado bajiro gotiaja ti:

“Jud'io masa, ina me quēne, masa jediro ire rūcubuo variquēnaruarāja mua”, yigotiaja ti.

¹² Isa'ias űamasir'i quēne ado bajiro ucamasinumi:

“Isa'i jānami sīgū ruyuarucumi, jediro masa űu űarocu. Ire ajitirūnucōari, ĩ suorine Diorāca quēnaro űarūgūruarāja mani' yiruarāma ina”, yucamasinumi Isa'ias.

¹³ “Cristo suorine Diorāca quēnaro űarūgūruarāja” yituoīamasirere manire cōagū űagūmi Dios. Irene ado bajiro muare sēnibosaja yu: “ ‘Mure ajitirūnūrūtucōari, quēnaro variquēnarā, mu rāca quēnaro űacōa űato ina' yigu, ĩnare ejarēmoıa. To yicōari, ‘Esp'iritu Santo i ejarēmose rāca butobusa tire masiato ina' yigu, ĩnare ejarēmoıa”, Diore muare yisēnibosaja yu.

“Diore gotirētobosagu yu űarotire Dios i cōar'i űari, muare ucacōagū yaja”, Pablo i yire queti

¹⁴ Yu mairā, “Quēnaro yirā űarāma ina. Cristo ocare quēnaro masirā űari, quēnaro gāmerā gotimasiorā űarāma ina”, muare yimasaja yu. ¹⁵ To bajiro mua bajisere masigū űaboarine, pāpera rāca quēnaro rojo muare gotiaja yu. “Tirūmuju mua ajirere masiritibeticōato” yigu, muare ucacōaja yu. Dios yure ĩamaicōari, i ocare gotirētobosagu yu űarotire i bojacati űajare, muare ucaja yu. ¹⁶ “Jesucristo i bajirere jud'io masa mere gotimasiao” yigu, yure cōacami Dios. To bajiro i yicati űajare, yu gotimasiosere ajicōari, Cristore ajitirūnūama jud'io masa me űarā. Ire ajitirūnūrā űari, Esp'iritu Santo i ejarēmose rāca “RoJose mana űaama”, Dios i yīarā űari, i yarā űaama.

¹⁷ To bajiri, “Dios i bojasere yigu, Jesucristo suorine quēnaro moaja”, yivariquēnaja yu. ¹⁸⁻¹⁹ Jud'io masa mere yu gotimasiojama, yu masune tuoīacōari, gotigu me yaja. Cristo, i ejarēmose rāca gotimasioaja yu. Tire ajicōari, Cristo i ejarēmose rāca quēnaro yu yisere ĩacōari, to yicōari, Esp'iritu Santo suorine ĩaīaűamani yu yīosere ĩarā űari, “Yure ejarēmorucumi Cristo”, ire yituoīasuocama ina. To bajiri, Jerusalēnjune Cristo i bajirere gotisuoacacu, gaje macarire quēne goticudigu rīne, ĩliria sitaju gotiejocaju yu. ²⁰ “Cristo i bajirere gotimasioűamana ina űarojure, gotimasioıu varucuja”, yituoīa vadirūgūcaju yu. Gājerā ina goticōariarojurema gotimasioıu varuabeticaju yu. ²¹ To bajiro yu bajirotire yiro, ado bajiro gotiyuja, Dios ocare masa ina ucamasire:

“Cristo i bajirere masibetiriārā, gotimasio ecoruarāma.

To bajiri, tire ajimasiruarāma”, yigotiyuja ti.

Romaju Pablo i varua tuoīare queti

²² To bajiri, Cristo i bajirere gotimasioűamana ina űarojure gotimasioacudigu űari, mua ture varuaboarine, vabetrūgūcaju yu maji. ²³ Tirūmujune mua tu varuacōa űacaju yu. To bajiro bajiruarūgūcacu űari, adi sitanare ĩnare gotimasiojeocōari, mua tujua varua tuoīaja yu yuja. ²⁴ Espaűaju vacu muare ĩarētoarucuja yu. To bajiri mua rāca yoaro variquēnacōa űaruagu űaboarine, yoaro mua rāca űabetirucuja yu, bajigujama. To bajiboarine mua ejarēmose bojaja yu, Espaűa yu ejamasiotire yigu. ²⁵ To bajiro yu bajiroto rīoro Jerusalēnju vacoacu yaja maji, Cristore ajitirūnūrāre ĩnare ejarēmoguacu. ²⁶ Cristore ajitirūnūrā, Macedonia vāme cuti sitana, Acaya vāme cuti sitana quēne, ado bajiro tuoīaűujarā ina: “Jerusalēn macana, Cristore ajitirūnūrā maioro bajirāre gājoa rāca ĩnare ejarēmoto mani”, yituoīaűujarā ina. To bajiro yituoīariārā, ina ĩsirere juacōari, Jerusalēn macanare ĩsiguacu yaja yu. ²⁷ ĩna masune tuoīacōari, “ĩnare ejarēmoto mani”, yituoīaűujarā ina, jud'io masa me űaboarine. Jud'io masa suorine, jud'io masa mere, Dios yarā ina űase ejayuja ti. To bajiri jud'io masare maioro bajirāre ejarēmoroti űaja. ²⁸ To bajiri Jerusalēn macanare gājoa ĩnare yu ĩsiro bero, Espaűaju vacu, muare ĩarētoarucuja yu. ²⁹ “Mua tu yu ejaro, mani űajediro mani variquēnarotire cōarucumi Cristo”, yimasaja yu.

³⁰ Yu mairā, Jesucristore ajitirūnūrā űaja mua. To bajicōari, Esp'iritu Santo suorine gājerāre ĩamairā űaja. To bajiri yu bajisere tuoīacōari, Diore yure sēniejarēmoıa yaja yu. ³¹ “Judeana Cristo i bajirere yu gotisere ajiterā roJose yure yiroma” yirā, Diore yure sēniejarēmoıa. To yicōari, “Jerusalēn macana, Cristore ajitirūnūrā gājoa yu ĩsirotire variquēnase rāca boja juato ina” yirā, Diore yure sēniejarēmoıa. ³² To bajiri Diore yure mua sēniejarēmojama, variquēnase rāca mua tujū ĩagū ejarucuja yu, Dios i bojjajama. Mua tujū eja, mua rāca quēnaro usūsājarucuja yu. ³³ Dios, quēnaro mua űarotire muare ejarēmoto ĩ. To bajirone bajiato.

16

Pablo i quēnaroticōare queti

¹ Febe vāme cutigore mua tu sore cōagū yaja yu. Dios suorine Cristore ajitirūnūıō űaamo so. Cristore ajitirūnūrā Cencia vāme cuti macana rāca Diore moabosarimaso űaamo so. ² Sone űaamo jājarā Cristore ajitirūnūrāre quēnaro ejarēmorio. Yure quēne ejarēmorūgūmo. To bajiri

mua tu so ejaro, “Mani ujure ajitirunugõ ñaamo so quêne” yimasirã ñari, so bojase cõro sore yirẽmoña, “Cristore ajitirunurã ñaja mani” yirã.

³ Yure bajiro Jesucristo ocare gotimasiorã ñacana, Prisca, so manaju Aquila, quênato ña. ⁴ “Ire mani ejarẽmojama, manire quêne sïarãma” yimasiboarine, yure ña sïaborotire yirẽtobosacama ña. To bajiri, “Quênaro yure yicaju mua”, ñare yuicacõaja yu. Yu sīgũ mere, “Quênaro yirã yicaju mua”, ñare yaja yu. Yu sīgũ me to bajiro muare yicõaja yu. Jud'io masa me, tocãrãca macariana Cristore ajitirunurã quêne, yirũgũama. ⁵ Quênato Cristore ajitirunurã Aquila ya vi rëjarũgũrã. Quênato yu maigũ, Epeneto quêne. Ì ñaami Asia sitagu Cristore ajitirunusor'ì. ⁶ Mar'ia, quênato, bato muare ejarẽmorio quêne. ⁷ Yu yarã, Andrónico, Junias quêne quênato. Ìna rãca tubiberiaviju ñacaju yu. Ìna ñacama yu rĩjoro Cristore ajitirunusoriarã. Cristo ocare ajitirunurã ña cõarã rëtoro quênaro yicudiyuma ña.

⁸ Quênato yu maigũ Ampliato quêne. Mani ujure ajitirunugũ Ì ñajare, ñare bato maijaja yu. ⁹ Gãji, yure bajiro Cristo ocare gotimasioğũ, Urbano vãme cutigu, quênato. To bajicõari, yu maigũ Estaquis quêne, quênato. ¹⁰ Apeles quêne, quênato. Rojose tãmuobarine, Cristore ajitirunucõa ñacami. Aristóbulo, to yicõari Ì ya viana quêne, quênato. ¹¹ Yu yu Herodiõn quêne, quênato. Mani uju Cristore ajitirunurã Narciso ya viana, quênato. ¹² Trifena, to yicõari, Trifosa quêne quênato. Mani uju Cristore bato moabosarimasa ñaama. Mani maigõ Përsida quêne, quênato. So quêne, mani uju Cristore bato moabosacamo. ¹³ Rufo quêne quênato. Cristore quênaro ajitirunugũ ñacami. Ì jaco quêne quênato. Sone ñacamo, yu jacore bajiro yure maicaco. ¹⁴ To yicõari, As'incrito, Flegonte, Hermes, Patrobas, Hermas, ña rãcana quêne, Cristore ajitirunurã jediro quênato. ¹⁵ Filólogo, Julia, Nereo, to yicõari, Ì bedeo quêne, quênato. Olimpas, to yicõari, ña rãcana Cristore ajitirunurã jediro quênato.

¹⁶ Cristo suorine cojo masare bajiro bajirã ñari, quênaro gãmerã yisẽniña, yifãña mua. Adoana, Cristo ocare ajitirunurã jediro, muare quênaroticõama ña.

¹⁷ Yu mairã, gajeye ado bajiro muare gotimasioaja yu: Mua rãcana sīgũri ricati ña gotijare, sīgũre bajiro tuoïamenaja mua. Cristo oca mua ajiriarore bajiro me bajiaja ña yisema. To bajiri ñare cãmotadicõaña. ¹⁸ Mani uju Cristo Ì bojasere yirã me ñarãma ña. Ìna tuoïarore bajiro yirã ñari, socarãne quênaro gotitorãma. To bajiri socase ña gotisere ajitirunurãma, quênaro tuoïamasimena. ¹⁹ Muarema, ñare bajiro mua bajibetijare, “Ìna ujarãre quênaro cũdirã ñaama”, yama masa, muare. To bajiro mua bajisere ajivariquenaja yu. To bajiri, quênase rĩne mua yisere bojaja yu. ²⁰ Quênaro mani ñarotire cõagũ ñaami Dios. To bajiro yigu ñari, vãtia ujure ñe cadaabogure bajiro yirucumi, “Socarimasa ña gotiboasere ajibeticõato ña” yigu. To bajiri, “Quênaro ñare yiya” mani uju Jesucristore muare yisẽnibosaja yu.

²¹ Yu baba, Cristo ocare gotimasioğũ, Timoteo vãme cutigu, muare quênarotiami. Yu yarã Lucio, Jasón, Sos'ipate quêne, muare quênarotiamã.

²² Yu Tercio, Pablo Ì rotirore bajiro adi paperare ucabosagu quêne, mani uju Cristore ajitirunugũ ñari, muare quênarotiaja yu.

²³ Gayo quêne, muare quênarotiami. Ì ya vijune ñacõari, Cristore ajitirunurã rëjarũgũaja. Erasto adi macajure gãjoa codebosarimasu quêne, muare quênarotiami. Cristo suorine mani yu, Cuarto vãme cutigu quêne, “Quênato”, muare yami.

²⁴ To bajiri, “Quênaro ñare yiya”, mani uju Jesucristore muare yisẽnibosaja yu. To bajirone bajiato.

“Diore rãcubuo variquênato mani”, yire queti

²⁵ Diore rãcuburõ ñari, “Quênaro yigu ñaami. Rëtoro masigũ ñaami”, Diore yirãcuburõti ñaja. Ì ocare quênaro mua ajitirunujama, “Manire ejarẽmogũmi Cristo” mua yituoïarotire cõarucumi Dios. Ì ocare gotimasiorũgũaja yu, masa rojose ña tãmuoborotire Cristo Ì yirẽtobosarere. Tirũmujama ti ùnire gotimasio ecobesuja maji. ²⁶ To bajiboarine, Diore gotirẽtobosariarã ña ucamasirere ajicõari, “To bajise bajirore gotiro yaja”, yimasibesuma. Adirãmurirema, “ ‘Cristo Ì rijabosare ti ñajare, “Quênarã ñaama”, manire yifãgũmi Dios’, masa jediro yure yimasiatu” yigu, ti oca mani ajimasirore manire cõañumi Dios, adi macarucuroju ñacõa ñarũgũgũ.

²⁷ Ì ñagũmi jediro masigũ. Gãji ñe bajiro bajigu magũmi. Jesucristo manire Ì codese suorine ñe yirãcubuo variquenacõa ñato mani. To bajirone bajiato.

To cõrone ñaja.

Primera carta de San Pablo a los CORINTIOS

Corinto vāme cuti macana, Cristore ajitirānūrāre Pablo ī ucacōare queti

¹⁻³ Adi quetire muare cōagū, Pablo vāme cutigu űaja yu. űűati maa, Corinto macana, Dios suor ī macu ocare ajitirānūcōari, rējarūgūrā? Jesucristo ī rijabosare űajare, “Rojose mana űaama” yicōari, “Yu rīa űaama” Dios ī yīlārā űaja maa. Sōstenes rāca űacōari, maa rī mere ucaja yu. “Mani űjare Jesucristore sēnirā jediro, adi quetire ajiato” yirā, ucaja yu. Muare quēnarotirā, mani jacu Diore, to yicōari, Jesucristo, mani űjare, ado bajise muare sēnibosaja yua: “Quēnaro maa rāca īna űarotire yirā, īnare ejarēmoűa”, muare yisēnibosaja yua. Dios ī bojarore bajiro yure cōacami Jesucristo, “Yu suorine yu jacu quēnaro ī yise quetire gājerāre gotimasociudiya mu” yigu.

“Maa bajisere tuoīacōari, ‘Quēnaro yaja mu’ Diore yaja yu”, Pablo ī yire queti

⁴ Tocārācājine Dios, mani jacure sēnigū, muare quēnaro ī yisere tuoīacōari, “Quēnaro yaja mu”, īre yivariquēnarūgūaja yu. Jesucristore ajitirānūrā maa űajare, quēnaro muare yirūgūami Dios. ⁵ Īre ajitirānūrā maa űajare, ī oca jediro quēnaro riojo ajimasicōari, maa gotimasiorotire, to yicōari, ī bojarore bajiro maa yimasioritire yigu, muare ajoyumi Dios. ⁶ To bajiro muare ī yire űajare, Cristo ī bajirere muare yu gotimasiosere ajicōari, “Socase me űaja”, yicaju maa. ⁷ űajediro maa yimasiroti muare ī űjore ti űajare, mani űjare Jesucristo ī tudiejarotire yurāre, űie ruayabetoja, muare. ⁸ “Yure quēnaro ajitirānūcōa űato” yigu, muare ejarēmōrucami. To bajiri, Jesucristo ī ejarirūmure, űimūjuane, “Rojose yirā űaama”, muare yimasigū manirūcumi. ⁹ “‘Yirūcūja’ ī yirore bajiro yigu űari, manire ejarēmōrucami Dios”, yimasijaja mani. Ī űaami, “Jesucristore ajitirānūűa” yirere manire cōagū. To bajiri ī ejarēmose suorine mani űjare, Cristore ajitirānūrā űari, quēnaro gāmerā baba cutirūgūaja mani.

Corinto macana ricati rīne īna tuoīare queti

¹⁰ Yu mairā, yu gotirote bajiro yirā űaboarine, gajeye maa yise quēnabeaja. Mani űjare, Jesucristore yibosagu, ado bajiro muare yaja yu: Rojose maa yijama, “űuaji rojose yimenasa mani” yicōari, sigūre bajiro tuoīaűa. ¹¹ “To bajiro yama Corinto macana” Cloé yarā īna yisere ajicōari, to bajiro muare yaja yu. ¹² Ado bajise yure gotiama: “Sigūri, ‘Pablōre ajisuyarā űaja yua’, gājerāma, ‘Apolore ajisuyarā űaja yua’ yama. Gājerāma, ‘Pedrore ajisuyarā űaja yua’, gājerāma, ‘Cristore ajisuyarā űaja yuama’ yama”, yure yigotiama Cloé yarā. ¹³ űNo bajiro yirā to bajise űagōjaiati maa? “Mani űjare Cristo sigūne űaami” yirā űaboarine, “űajarā űaama mani űjarā” yisocarāre bajiro yīűaja maa. űYu, Pablone rojose maa yire vajare yirētobosagu, yucūtēroju rijabosayujarique yu? “Pablōre ajitirānūrā űaja yua” yirā me, oco rāca bautiza ecoyuja maa. ¹⁴⁻¹⁵ “Crispo vāme cutigu, to yicōari, Gayo vāme cutigu, īna rīne űacama oco rāca yu bautizacana”, yitūoīaja yu. To bajiri maa rācana, “Pablōre ajitirānūrā űaja yua”, yimasirā manama. Tire tuoīacōari, “Tocārācūne űacama yu bautizacana”, Diore īre yivariquēnaja yu. ¹⁶ Estēfanās ya viana quēne űacama oco rāca yu bautizacana. To cōrone yirīaja yu. ¹⁷ “Oco rāca masare īnare bautizacudiaya” yigu me, yure cōacami Cristo. “Yu suorine Dios quēnaro masare ī yisere gotimasociudiaya” yiguja, cōacami. “ ‘Quēnaro ī gotimasiojare, īre ajitirānūaja yua’ yato” yigu, me yure cōacami. To bajiro īna yijama, “ ‘Yucūtēroju rojose mani yise vajare yirētogū, manire rijabosayumi’ yitūoīarā me űaruarāma”, yure yicami Jesucristo.

“Jesucristo manire ī rijabosare, űamasuse oca űaja”, yire queti

¹⁸ Yucūtēroju Cristo ī rijabosare ajicōari, “Socase űaja”, yitūoīaama rojose tāmūotijabetiriaroju varona. Dios taju varonajuama, ti quetire ajicōari, “Masijeogu űaami Dios. Ī sigūne űagūmi rojose mani tāmūoborotire yirētobosarocu”, yitūoīaama. ¹⁹ Tire bajirone gotiaja Dios oca masa īna ucamasire: “ ‘Masirā űaja yua’ yirāre masimenare bajiro īnare yirūcūja yu, yure īna masirotire yigu”, yigotiaja Dios oca masa īna ucamasire.

²⁰ To bajiri, “Dios ī rotimasire riojo gotimasiorā űaja yua” yirāre, to yicōari, gājerā, “Adi macarūcuro űase jedirore masirā űaja yua” yirāre masimenare bajiro īnare yami Dios. ²¹ Masijeogu űaami Dios. To bajiri adi macarūcuroana, masa īna masune īna buese, īna tuoīase suor īre īna masirotire bojabetesumi. Ado bajiroja īna yisejuare bojayumi: Ī macu ī bajirere ajitirānūrā rīrene rojose īna tāmūoborotire īnare yirētobosagu űaami Dios. To bajiri ti ocare ajicōari, “To bajiro yimecurā yama. Socase űaja”, yama Diore masimena.

²² To bajiri, judīo masa quēne, ti quetire īna ajitirānūsuoroto rījoro, “Socase me űaja yu yirore yirā, īaűaűamani yure yīloűa”, yirā űaama. Griego masajuama, “Quēnaro īna gotiama, īnare ajisuyaruarāja mani”, yirā űaama. ²³ To bajiro īna yitūoīaboajaque, yuajuama,

yucátēroju Cristo manire ī rijabosarere gotimasiorūgūaja. Jud'io masa īna ajitese, griego masa, “Yimecūrā yama” yuare īna yisere yirūgūaja yua. ²⁴ To bajiboarine, Cristo ī bajirere yua gotimasiosere ajicōari, jud'io masa, griego masare quēne, “Yu macure ajitirūnūña” Dios ī yirere īna cadijama, ī masisere īnare cōaami. To ī yijare, “Masijeogu űaami Dios”, yirūgūama. ²⁵ Gājerājua, Diore masimena űari, “Yimecūrā yama Cristore ajitirūnūrā”, yituoīaboama. To bajiro īna yiboajaquēne, “Masijeogu űaami Dios. Īre bajiro yimasigū magūmi”, yimasiaja mani, ī ocare ajitirūnūrāma. ²⁶ Yu mairā, Dios muare ī besere tuoīaűa mūa. Jājarā me űacaju mūa, űamasurā, masare rotirimasa, to yicōari, “Masirā űaama” Diore masimena īna yīlārā. ²⁷ To bajiro mūa űarotire bojayumi Dios. “Tuoīamasimena űaama’ masa īna yirā, to yicōari īna rūcubūomena űaruarāma yu macure ajitirūnūrā”, yiyumi Dios. To bajiro ī yijama, “Masirā űaama’ Diore masimena īna yirūcubūorāre, ‘Masirā me űaűuma’ yato” yigu, yiyumi. ²⁸ “űamasurā me űaama’ to yicōari, ‘No yimasimenama’ masa īna yirājua, yu macure ajitirūnūrārāma”, yiyumi Dios. “űamasurā űaama’ masa īna yīlārā, űamasurā me űato” yigu, to bajiro yiyumi. ²⁹ To bajiro yigu ī űajare, ī ĩaro rījoro, “Masa īna rūcubūogu, űamasugū űari, mū macu ī bajirere ajicōari, ‘Riojo gotiaja’ yicaju yu”, ĩre yirocu magūmi. ³⁰ To bajiri Dios suorine Jesucristo ī bajirere ajicōari, ī yārā űaja mūa. To bajiri, Dios ocare űamasusere masirā űaja mūa. Rojose mūa yisere ī masiriojama, Cristo ī rijabosare suorine, “Rojose mana űaama” Dios ī yīlāvariquēnarā űaja mūa. ³¹ Dios macu suorine to bajiro mūa bajise űajare, ado bajiro gotiaja Dios ocare masa īna ucamasire: “űamasurā űaja yua’ yituoīamenane, ‘Manire quēnaro yiyumi Cristo. Ījua űaami űamasugū’ yivariquēnaroti űaja”, yigotiaja Dios ocare masa īna ucamasire.

2

“Masigū űaja yu” masa īna ĩaro rījorojua, yibecune, Cristo ī bajirere Pablo ī gotimasiore queti

¹ Dios oca masa īna masibetirere muare yu gotimasioatire tuoīaűa mūa, yu mairā. “Masigū űaami’ yure yīlato īna” yigu me, muare goticaju yu. ² “Yucátēroju Jesucristo ī rijabosare rīne īnare gotirūcūja” yituoīagū űari, to bajiro muare goticaju. ³ Mūa tu ejagu, gotimasiobetirocure bajiro muare bojonecaju yu. To bajiro bajigu űari, nanacaju yu. ⁴ Cristo ī bajirere muare yu gotiguadjama, “Masirā űaja yua” yirā īna yirore bajiro me muare goticaju yu. “Pablo quēnaro ī gotijare, Cristore ajitirūnūaja yua’ yato” yigu me, muare goticaju. Muare yu gotimasioro, Esp'iritu Santo ī masise rāca ī ejarēmojare, “Riojo gotiāmi Pablo”, yure yiajitirūnūcaju mūa. ⁵ To bajiri, masa īna masise rāca me ajimasicōari, Cristore ajitirūnūcaju mūa. Dios ī masise muare ī cōajare, Jesucristore ajitirūnūsoacaju mūa.

“Esp'iritu Santo ī ejarēnose rāca Diore masire űaja”, Pablo ī yire queti

⁶ Jesucristo ocare quēnaro ajitirūnūrā īna űajama, yua gotimasiorotire Dios ī cōajare, josabusase īnare gotimasiorūgūaja yua. Yua gotimasiose, adigodoana, masirā, to yicōari, űjarā īna masise me űaja. Īna masiboase rācane īna rijato, yayicoarūaroja tijuama. ⁷ Yua gotimasiosejūama, Dios ye, ī masise, ī cōase űaja. Ti oca, masa īna masibeticati ti űaboajaquēne, adi macarūcuro ī rujeoroto rījorojune, “Masare quēnaro yirūcūja” ī yimasire űaja. ⁸ Adigodoana űjarā tire ajimasirā manicama. Tire īna ajimasijama, mani űju Cristo quēnamasugūre, “Yucátēroju ĩre jajutu sīacōaűa”, yibetiboriarāma īna. ⁹ To bajirone gotiaja Dios ocare masa īna ucamasire:

“Dios, ĩre mairāre, ‘Quēnase ĩnare űjorūcūja’ yi goti rījoro yiyumi. Masa īna ĩabetirūgūre, īna ajiĭabetirūgūre, to yicōari īna tuoīabujabetirūgūre quēne űaja”, yigotiaja Dios oca masa īna ucamasire.

¹⁰ Yucarema, mani masibetirūgūrere Esp'iritu Santo ī ejarēnose suorine Dios ī űjosere masiaja mani. űjediro masiami Esp'iritu Santo. Dios ī tuoīasere quēne masigū űaami.

¹¹ Gājerā īna tuoīasere, “To bajiro tuoīama”, yimasiaűa maja. Mani masu mani tuoīase rīne masire űaja. To bajirone bajaiaja, Dios ī tuoīase quēne. Mani masibetiboajaquēne, Esp'iritu Santo sīgūne masiami, Dios ī tuoīasere. ¹² To bajiboarine, adigodoana Diore masimena īna tuoīase űni mere manire cōaűumi Dios. Esp'iritu Santojuare manire cōaűumi, manire ī űjosere quēnaro mani ajimasiorotire yigu. ¹³ To bajiri yua gotimasiojama, gājerā yuare īna gotimasiore mere gotimasiorūgūaja. Esp'iritu Santo yuare ī ejarēmojare, quēnaro gotimasiorūgūaja yua.

¹⁴ Esp'iritu Santore cuomena, ī ejarēnose rāca yua gotimasiosere ajicōarā űboarine, ajimasimena űari, “Tuoīamasimena ye űaja”, yicōama. To bajiro īna yiboajaquēne, Esp'iritu Santo suorine Dios yere quēnaro ajimasire űaja. Esp'iritu Santore cuomena, ī ocare ajimasimenama. ¹⁵ Esp'iritu Santore cūorājūama, masa īna yise jedirore ĩacōari, “Quēnaro yama. Rojose yirā yama”, yimasiamā. To bajiro yirā īna űajare, Esp'iritu Santore cuomenajūama, īna yisere ĩacōari, “Socarā yama”, ĩnare yimasibeama. ¹⁶ Dios oca masa īna ucamasire

ado bajiro ti gotijare, “Esp'iritu Santore cuorã ina yisere Iacõari, ‘Socarã yama’ Inare yimasibeama Esp'iritu Santore cuomena”, muare yaja yu: “Mani uju, i tuoiasere masigũ magũmi. Ire gotimasiogũ magũmi”, yigotiaja Dios oca masa ina ucamasire. To bajiro ti gotiboajaquẽne, Esp'iritu Santo suorine Cristo i tuoiarore bajiro tuoiarã ñaja mani.

3

“Dios i bojasere yirã ñaja yua”, Pablo i yire queti

¹ Mua taju ñacudigu, Esp'iritu Santo i bojarore bajiro yirãre yu gotimasiocatore bajiro muare gotimasiobeticaju yu. Cristore ajitirãnuosorã mua ñajare, Diore tuoibeticõari ina masune ina bojarore bajiro yirãre yu gotimasiocatore bajiro muare gotimasiocaju yu. ²⁻³ Cristo i gotimasiorene, josari me busane ajimasirere muare gotimasiorũgũcaju. “Yu gotimasiuosere ajimasibeticõa ñaama” yigu, josasere muare gotimasiobeticaju. Yucu quẽne to bajirone bajicõa ñarãja mua maji. Beroaye muare gotimasioroti ti ñaboajaquẽne, muare yu gotimasiobocatirene tudigoticõaroti ñaroja. Mua masune mua bojarore bajiro mua yicõa ñajare, to bajiro yaja yu. Gãjerã ina bajisere Iacõari, “Yua rëtoro quẽnaro ñaama” yijajũnisini, ñagõjai, bajiñarãja mua. To bajiro mua bajiñajama, Esp'iritu Santore cuomenare bajiro mua masune mua bojarore bajiro yicõa ñarãja. ⁴ Ado bajiro yirã mua ñajare, to bajiro yaja yu: “Sigũri, ‘Pablöre ajisuyarã ñaja yua’, gãjerãjuama, ‘Apolöre ajisuyarã ñaja yuama’ yirũgũama” ina yisere ajiaja yu.

⁵ Apolos, ñamasugũ me ñaami. Yu quẽne, ñamasugũ me ñaja. Diodua ñaami ñamasugũma. Ire moabosarimasa ñaja yua. Tocãrãcune, mani uju, yuare i moaroticõariore bajirone moaja yua. Yua gotimasiore suorine Cristore ajitirãnuosoyuja mua. ⁶ Yu, muare Cristo ocare gotimasiosuocaju yu. Yu gotimasioro bero, butobusa muare gotimasioremoũmi Apolos. To bajiro yua yisere ejarẽmoami, Dios “Butobusa Cristore ajitirãnuato” yigu. ⁷ To bajiri Cristo i bajirere gotimasiosorã, ina bero tire gotirẽmorã quẽne, ñamasurã me ñaja yua. Diodua, ñaami ñamasugũma, “Yu macure ajitirãnucõari, butobusa ajitirãnurũtuajaro ina” yiguma. ⁸⁻⁹ Gotimasiosorã, gotimasioremorã, cojoro cõro ñacõaja yua, Diore moabosarã. Tocãrãcure ire ina moabosase vaja, vaja yirucumi Dios. Mua ñaja Dios i ñatirũnurã, yuare i moaroticõarijare bajiro bajirã. To bajicõari, Dios i quẽnorivire bajiro bajiaja mua. ¹⁰ Yujua, ti vire busuogure bajiro bajigu ñaja. Dios, yure i yirẽmojare, i oca ñamasusere quẽnaro muare gotimasiosuocaju yu. Yu gotimasioro bero gotimasiore, yure buarẽmorã bajiro yirã ñaama. To bajiri, quẽnaro riojo Dios ocare Inare gotimasioroti ñaja. ¹¹ Ado bajise muare gotimasiocaju yu: “Jesucristo manire i rijabosare ñajare, rojose mana, Dios i lavariquẽnarã ñaja mani”, yigoticaju yu. Ti oca ñaja ñamasuse. Gãjerã ricati ina gotimasiojama, Dios ye mere gotimasiore yirãma. ¹²⁻¹³ Sigũri, Dios ocare ina gotimasiojama, quẽnaro riojo gotirãma. Gãjerãma, quẽnaro riojo gotimasiomenama. Tocãrãcurene gotimasioremasare, “Quẽnaro gotiyuma. Quẽnaro gotimasibesuma”, yimasiruarãja mani, masa jedirore Dios i ñabeserirũmaju. To bajiri, ina gotimasiorene, “Quẽnase ñaja” yimasiru, jeameju tire soeĩagũre bajiro yirucumi Cristo. Ina gotimasiore quẽnase ti ñajama, uabetoja. Quẽnabeti ti ñajama, uajedicoaruaroja. ¹⁴ Quẽnase ñari, ti uabetijama, vaja yirucumi Cristo. ¹⁵ Rojose ñari, ti uajedicoajama, rojose tãmuoruarãma quẽnaro yibetiriarã. Rojose tãmuoroti ti ñaboajaquẽne, rojose tãmuotujabetiriaroju Inare cõabetirucumi Cristo, Ire ajitirãnurã ina ñajare. Vi ti uaro rudi budirãre bajiro bajiruarãma.

¹⁶ ¿“Esp'iritu Santore cuorã ñaja mani”, yimasibeatique mua? ¹⁷ Dios yarã ñaja mua. To bajiro bajirã mua ñajare, gãjerã rojose muare ina umato yijama, umato yirãjuare buto rojose Inare yirucumi Dios.

¹⁸ Mua masune socabesa. Adigodoaye rĩne tuoiarã, “Masirã ñaja yua” ina yituoiarore bajiro mua yijama, mua masune socarã yirãja. “Ñamasurã me, masirã me ñaja”, yituoiaroti ñaja muare. To bajiro mua yijama, ñamasurã ñaruarãja mua. ¹⁹ Dios i ñajama, Ire ajitirãnumena ina tuoiasere, tuoiamasimena ye ñaja. Dios ocare masa ina ucamasire ado bajiro ti gotijare, to bajiro bajiaja: “‘Dios oca socase ñaja’ yituoiarã ñari, ‘Yua masise rãca ado bajiro yiruarãja’ yituoĩaboarẽ matarũgũgũmi Dios, ‘Masimena ñaboarine, to bajiro tuoĩañuja mani’ yimasiato” yigu. ²⁰ Quẽna gajeju ado bajiro gotiaja Dios ocare masa ina ucamasire: “Yuare ajitirãnumena, ‘Masirã ñaja yua’ ina yituoĩaboase, vaja maja’ yimasigũmi Dios”, yigotiaja Dios ocare masa ina ucamasire. ²¹⁻²² To bajiri, “Muare gotimasioremasu rëtoro yimasigũ ñaami yuare gotigu”, mua rãcanare yivariquẽnabesa. No yirã to bajise yimenaja. Yu, Pablo, Apolos, to yicõari, Pedro, yua jediro, muare moabosarimasare bajiro muare ejarẽmorã, muare gotimasioaja yua. Adigodoaye jediro muare cũbosayumi Dios. Tire masicõari, i ocare ajitirãnurã quẽnaro ñaja mua. To bajiri, mua rijato bero quẽne, Dios taju quẽnaro ñarũgũuarãja. ²³ Dios macu yarã mua ñajare, jediro mua ye rĩne ñacõaja.

4

Jesucristo ocare gotimasiorimasa ña bajire queti

¹ Muare gotimasiorimasare: “Cristore moabosarimasa ñaama”, yuare yiya mua. ² I oca masa ña masibeticatire yuare gotimasioroticōacami Dios. ³ Moabosarimasa mani ñacōa ñaruajama, ña rotirore bajirone cudirügüroti ñaja. Ña bojarore bajiro ña yijama, ñare rotigüja, quēnaro ñare ñavariquēnagūmi. ⁴ Yujuarema, “Cristo i bojarore bajiro quēnaro moagü ñaami Pablo” mua yijama, mua yibetijaquēne, no yibeaja yuarema. Masa ujara quēne, “Cristo i bojarore bajiro quēnaro moagü ñaami Pablo” ña yijama, ña yibetijaquēne, no yibeaja. Yu masune, “¿Cristo i bojarore bajiro quēnaro moati yu, moamasibeatique yu?”, yituoñabeaja yu. ⁵ No yigu to bajise tuoñabecuja. Cristore quēnaro moabosadica yu. To bajiro yu yiboajaquēne, “Cristo i bojarore bajiro quēnaro moacami Pablo” yire ñi me ñaja ti. Mani ñju Cristo ñaami, “Yu bojarore bajiro quēnaro moacami. Quēnaro moabeticami” yimasirocama. ⁶ To bajiro yirocu i ñajare, Cristo i tudiejaroto rjoro, “Ñi quēnaro moaami. Iju, quēnaro moabeami”, yuare yibetiroti ñaja muare. Masa ña ajibeto, mani yisere, mani tuoñasere quēne, i tudiejarirama, “Ajijedicōato masa” yigu, manire gotirotirucami. To cōrone mani yirere ñabesejeomasiruarja mani. Quēnaro yiriaräre, “Quēnaro yicaju mua”, ñare yirucami Dios.

⁶ “Dios oca muare gotimasiorimasare ado bajiro tuoñaroti ñaja’ yimasianto ña” yigu, Apolos i bajisere, to yicōari, yu bajisere muare gotibu yu. “Yu bajisere tuoñacōari, Dios ocare masa ña ucamasire ti gotirore bajiro tuoñato ña quēne” yigu, to bajiro muare yibu yu, ado bajiro tuoñarä mua ñajare: “Yuare gotimasio güja, muare gotimasio gü rētoro masigü ñaami”, yaja mua. To bajiro yibetiroti ñaja. ⁷ “Yuare gotimasio güja, muare gotimasio gü rētoro masigü ñaami” mua yijama, “Gäjerä rētoro masirä ñari, butobusa masigüre besemasiaja yua” yirä yiräja. “To bajiro yirä ñato” yigu me mua masirotire ñjoyumi Dios. Jediro mua masise Dios i ujore ñaja. To bajiri, Dios i ujore ti ñaboajaquēne, ¿mua masune tuoñacōari, “Masirä ñaja yua” yiräre bajiro yati mua? Tire yibeticōaña.

⁸ Ujaräre bajiro tuoñarügüja mua. To bajiro tuoñarä ñari, “Ña gotimasiosere bojabeaja. Masimena ñaama”, yuare yijaja mua. Dios yere quēnaro masirä mua ñajama, yua quēne, mua masisere ajitiränuboräja. ⁹ To bajiri, “Dios yarä i ñamaimena i cüriaräre bajiro bajiaja”, yituoñaja yua. “Vaja mana ñaja mua. Mua sña ecosere ñaruaräja” masa ña yiräre bajiro bajiaja yua. “‘Adi macarucuroana, ñ vecana ángel mesa quēne, Cristore ajitiränurä rojose ña tãmuosere ña ñaruajama, ñare ñato’ yigu, yuare cūñumi Dios”, yituoñaja yua. ¹⁰ Cristo i bojasere yirä yua ñajare, “Tuoñamasimena ñaama”, yuare yama masa. To bajiro yuare yiboarine, muajuarema, masiräre bajiro muare ñama. “Dios i ejarēmobetijama, i ocare quēnaro gotimasimenaja mani”, yituoñarä ñaja yua. To bajiro yirä yua ñaboajaquēne, “Dios oca quēnaro masiaja yua”, yirügüja mua. Gäjerä ña rucuborä mua ñaboajaquēne, yuarema rucubobetirügüja masa. ¹¹ Tirümüju yu bajicatore bajicore bajicōa ñarügüja yua, adirodorire quēne: Buto ñiorija, oco idiruaboa, sudi mani, masa quēne rojose yuare yirügüja. Yua ñarotivi quēne, maja yuare. ¹² Dios ocare gotirä ñaboarine, yua masune buto josari moarügüja yua, yua ñase vaja, yua base vaja, vaja yiruärä. Gäjerä yuare ña ajatad’iboajaquēne, “Quēnaro muare yato Dios”, ñare yicudirügüja yua. Rojose yuare ña yiboajaquēne, ñare gāmebetirügüja. ¹³ Yuare ña tud’iboajaquēne, quēnasejuare tuoñacōari, ñare gotirügüja yua. Tirümüju yuare ña ñatecatore bajirone ñatecōa ñarügüja.

¹⁴ “Yu ucacōasere ñacōari, ajibojoneato” yigu me, adi quetire muare ucacōaja yu. Yu mairä, yu ñare gotimasio güre bajiro muare gotiaja yu, “Quēnaro riojo masiato ña” yigu. ¹⁵ Cristo i bajirere muare gotimasiorä, diez mil ñarä ña ñaboajaquēne, yu sigüne ñaja, muare gotimasiosuocacu. Yu gotimasiosere ajicōari Jesucristore ajitiränusuocaju mua. To bajiri mua jacure bajiro bajiaja yuma. ¹⁶ To bajiro yu bajijare, yu yirügücatore bajiro mua yijama, quēnaroja.

¹⁷ To bajiro mua bajiro tire bojagu ñari, Timoteore, muare ejarēmorcure, muare cōaja yu. “Cristore ajitiränugü ñari, ado bajiro bajirügüami Pablo”, muare yigotirucami, Jesucristore ajitiränurä jedirore yu gotimasio catire. Yu macu, yu maigüre bajiro bajigu mani ñju i bojasere yigu ñaami Timoteo. ¹⁸ “Juaji ejabecami Pablo” yituoñarä ñari, sigüri mua räca “Ñamasurä ñaja yua”, gāmerä yivariquēnaräja mua. ¹⁹ “Yu varotire Dios i bojajama, yuare mene muare lagü varucuja”, yituoñaja yu. Mua tu ejacōari, to bajiro gāmerä mua yñasere masirucuja yu. Dios i ejarēmose räca mua yijama, mua räca butobusa Cristore mua ajitiränusere quēne ñamasirucuja. ²⁰ Ado bajise ti bajijare, to bajiro yaja yu: Dios yarä me ñaama socaräne, “Diore ajirä ñaja yua” yigotiboarine, i bojarore bajiro yimena. I yarä ñaama i ejarēmose räca i bojarore bajiro yirä. ²¹ To bajiri mua tu ejacōari, ¿no bajiro muare yu

yirotire bojati? Rojose mua yisere mua yitujabetijama, tutuaro muare gotiracuja yu. Tire mua yitujajama, muare yu maisere quënarо muare gotiracuja yu.

5

Ī jacu manajore ajerio cutigure Pablo ĩ burocarotire queti

¹ Gaje vāme muare gotiracuja yu. Sigū mua rācagu ĩ jacu manajore ĩ ajerio cutisere ajibu yu. To bajiro ĩ yijama, buto rojose yigu yiyumi. Gājerājuama, Diore ajimena űaboarine, ti űnire yimenama ĩna. ² To bajiro yirā űaboarine, “Dios oca masirā űaja yua”, yivariquënarāja mua. Mua rācagu rojose ĩ yisere ĩasutiriticōari, ĩre burocaroti űaboayuja ti. ³⁻⁴ Mua rāca űabetiboarine, mua rāca űagäre bajiro tuoĳaja yu. Mani űju Jesucristo ĩ ejarēmose rāca, “Ado bajiro ĩre yiroti űaja”, yimasiaja yu, ĩ jacu manajore ajerio cutigure. To bajiri mua rējaroju, mua rāca űabetiboarine, yu tuoĳasejuma mua rāca űaracuja yu. To bajicōari, mani űju Jesucristo quëne, mua rāca űaracumi, muare ejarēmogū. ⁵ Ī jacu manajore ajerio cutigure, “Satanās ĩ bojarore bajiro rojose ĩre yato” yirā, ĩre burocaya. “Rojose tāmogū űari, ĩ jacu manajore ajerio cutibeticōari, Dios ĩ bojarore bajirojua yato” yirā, to bajiro ĩre yiruarāja mua. Tire ĩ yitujajama, mani űju Cristo, masare ĩ ĩabeserimū ti ejarо, rojose yir’ ĩ ĩaboajaquëne, rojose tāmotujabetiraroju ĩ vaborotire ĩre yirētobosaracumi.

⁶ Mua rācagu rojose ĩ yĳaboajaquëne, “Dios oca masirā űaja yua” mua yivariquënase quënabeaja. Tire bajiro bajiaja pan űmato vauvase. Mojoroaca vure ti űaboajaquëne, vauvajediaja ti. Tire bajirone bajiaja rojose mani yise. Mani rācagu, rojose ĩ yicōa űajama, ĩ yisere ĩacōari, mani jediro rojose yĳedicoanaja. ⁷ Jud’io masa, Pascua boserūmuri quënorā, pan űmato vauvasere ĩna reajeorore bajiro rojose mua yisere reajeocōaĳa mua. “Jediro rojose mua yise yitujacōaĳa” yigu yaja yu. “Rojose mana űato mani” yirā, to bajiro yiya mua. Oveja macure bajiro masare Jesucristo ĩ rijabosare suorine rojose mani yise vaja manire ĩ vaja yĳeobosare űajare, to bajiro yiroti űaja. ⁸ “Rojose mani tāmuborotire manire yirētobosayumi” yirā, “Yiruarāja” mua yituoĳarore bajirone quënase rĳne yiroti űaja.

⁹ Tirūmuju papera muare cōagū, ado bajiro gotiboacaju yu: “Gāmerā ajeriarā cutirā rāca űabesa”, muare yuicaboacaju yu. ¹⁰ To bajiro yu yijama, “Cristore ajitirānumena rāca űabesa” yigu me yicaju yu. Adigodojare jārārā űarāma: Manajo mana, manaju mana, manaju cutirā, manajo cutirā quëne, gājerā rāca ajeriarā cutirā űarāma. To yicōari, jairo gajeyeūni cuorā űaboarine, ĳabusaro bojarēmorā űarāma. Juarudirimasa űarāma. “Ado bajirā űarāma” ĩna masune yiquënoruĳeocōari, rācuborā quëne űarāma. Cristore ajitirānumenajua jārārā ĩna űajare, ĩnare tuoĳacōari, “Rudiya” muare yu yiboajama, no bajiro yicōari, rudimasimenaja mua. Rijana rĳne űarāma rudirāre bajiro bajirāma. ¹¹ Muare yu ucacōacatire, “Quënarо ajimasiato” yigu, ado bajise muare papera ucacōaja yu quëna: “Ado bajiro bajirāma” yituoĳagū, “Īna rāca űabesa”, muare yuicacōacaju: “Cristore ajitirānurā űaja yua” yiboarine, gāmerā ajeriarā cutirā űarāma. To yicōari, jairo gajeyeūni cuorā űaboarine, quëna gajeye bojarēmorā űarāma. Socarāne gājerāre, “Rojose yima”, yigotirimasa űarāma. “Ado bajirā űarāma” ĩna masune yiquënoruĳeocōari, rācuborā űarāma. Idimecurā, to yicōari, juarudirimasa quëne űarāma. “Īna űna rāca űabesa” yu yucajama, ĩna rāca mua babetirotire quëne tuoĳagū yaja. ¹²⁻¹³ Cristore ajitirānumena ĩna yisere ĩacōari, “Adi quënase űaja; tĳua rojose űaja”, yibeseroti me űaja manire. Dios sigūne űaami to bajise yirocuma. Cristore ajitirānurā űaboarine, rojose ĩna yisere ĩacōari, “Tire yitujacōato” yirā, rojose ĩnare yiroti űaja. To bajiri Dios ocare masa ĩna ucamasire ti gotirore bajiro yiya mua. Ado bajiro gotiaja: “Mua rācagu rojose yigure ‘Yua rāca űabesa’ ĩre yicōaĳa”, yigotiaja Dios oca.

6

“Cristore ajitirānurā rĳne, rojose gāmerā mua yijama, ĩre ajitirānumena tĳua vamenane, mua masune oca quënoroti űaja”, yire queti

¹ Gajeye quënabeti mua yisere muare gotiracuja yu. Cristore ajitirānurā rĳne rojose mua gāmerā yijama, ĳno yirā oca quënoruarā, Cristore ajitirānumena tĳua vacōari, oca quënorotirūĳati mua? ĳNo yirā Cristore ajitirānurā rĳne rējacōari, ĩnare oca quënorotibeti mua? “To bajiro bajiaja”, yĳibojonebeati mua, Cristore ajitirānumena tĳua varuarā? ² “Dios yarā űari, Cristore ajitirānumena rojose ĩna yisere ĩabeserona űaja mani” yimasirā űaboarine, ĳno yirā ĩnamasuse mere mua rojose gāmerā yisere oca quënomasibeti mua? Mua masune oca quënomasicōarāja. ³ Ángel mesa, vātia, ĩna yisere quëne ĩabeserona űari, adigodo mua yĳnasere roque rētorо ĩabesemasirāja mua. ⁴ Īna yisere ĩabeserona űaboarine, rojose gāmerā mua yisere, Cristore masimenare oca quënorotirā varūĳūaja mua. ⁵ “ĳto bajiro yirūĳūujari mani?” mua yimasirotire yigu, to bajiro muare gotiaja yu. Tire masicōari, Cristore ajitirānumenare oca quënorotibetiruarāja mua yuja. “Masirā űaja yua” yirā űaboarine, Cristore ajitirānumena

tuju mua oca quēnorotirā vajama, “Rojose mani gāmerā yisere mani rācagu oca quēnorimasu magūmi” yirāre bajiro yaja mua. ⁶ To bajiri ado bajiro bajiaja mua: Cojo masare bajiro bajirā ñaboarine, rojose gāmerā yaja mua. To bajiro mua yise quēnabeti ñaja. To yicōari, mua masune oca quēnomenane, Cristore ajitirūnūmenajuare mua oca quēnorotirā vase ñaja rētoabusaro quēnabeti.

⁷ Mua masune rojose mua gāmerā yijare, quēnabeaja. Gājerā tuju ñare oca quēnorotirā vamenane, ado bajirojua mua yijama, quēnaboroja: Gāji rojose muare ī yisere gāmemenane, “Yuaare yitocōari, yua ye ñaboasere mu ēmase tone bajicōato. Mure masirioaja yua” ĩre mua yijama, gājerā tuju mua vase rētoro quēnaroja. ⁸ To bajiro ūmato bajiroti ūnirene, ĩmuajuane ñaja rojose yisurōama! ĩmuane ñaja gājerā Cristore ajitirūnurāre, mua mairona ñaboarē yitocōari, ĩna yere ēmarā!

⁹ To bajiro rojose mua yisere, “Rojose me ñaja” mua yituoīase socase ñaja. To bajiri, to cōrone mua yirūgūšere yitujacōaṇa. “Rojose yirāma, Dios tuju ejarona me ñaama”, yimasiaja mua. Rojose yirāma, ado bajiro yirā ñarāma: Manajo cutirā, manaju cutirā, manajo mana, manaju mana quēne, gājerā rāca ajeriarā cutirā ñarāma. “Ado bajirā ñarāma” yiquēnorujeocōari, rūcūbuorā ñarāma. ¹⁰ Juarudirimasa ñarāma. Jairo gajeyeūni suorā ñaboarine, quēna gajeye bojarēmōrā ñarāma. Idimecurā ñarāma. Socarāne, “Ado bajise rojose yima”, yigotirimasa ñarāma. Gājerāre yitocōari, ĩna cuoboasere ēmarā ñarāma. “ĩna ūnama, Dios tuju ejarona me ñaama”, yimasirāja mua. ¹¹ Mua quēne ĩnare bajiro bajiyuja mua maji. Yucurema Jesucristo, to yicōari Esp'iritu Santo suorine “Rojose mana ñaama yu yarā” Dios ī yīārā ñaja mua.

“Dios ī bojarore bajiro yiroti ñaja”, yire queti

¹² Ado bajiro yisere ajirūgūaja mua: “Mani bojarore bajiro yimasiaja”, yigotiaja. To bajiro yigotiboajaquēne, mani tuoīare bajiro mani yijama, quēnabetoja. “Butobusa Dios ī bojarore bajiro yirā ñato mani” yirā, yibetiroti ñaja manire. “Tire mani yisejacōajama, ti rione manire yiruamacōroja” yirā ñari, yibeticōato mani. ¹³ Gājerāma, ĩna ruju ti bojarore bajiro yiruarūgūrā ñari, ado bajiro yirūgūama: “Mani gudajoaju mani basāroti ñaja bare. To bajicōari, gudajoajua quēne bare basārotioja ñaja”, yirūgūama. To bajiro ĩna yise, socase me ñaja, bajirojuma. To bajiboarine, mani base, mani gudajoa quēne ñamasuse me ñaja. Cojorāmu tire reajeocōarucumi Dios. To bajiri, “Mani ruju quēne rōmia rāca ajeriarā cutiato” yiro me bajiaja. Cristo ī bojasejua yirotiruju ñaja. To bajiri, Cristojua quēne, “Yu bojasere yirā ñaama” yigu, manire ejarēmogūmi. ¹⁴ Mani ruju ti bajiyayiboajaquēne, mani ūju Cristore ī catoriarore bajirone manire quēne ī masise rāca catorarucumi Dios.

¹⁵ Cristo yarā ñari, ĩre moabosarimasa ñaja mani. To bajiro bajirā ñaboarine, ĩrōmia, ūmuare ajeriarā cuticōari, vaja sēnirā rōmiri rāca ñarāti mua? ĩñabetiruarāja! ¹⁶ “ĩna rōmiri rāca mani ajeriarā cutijama, ĩnare ajeriarā cutirā ñari, cojo ruje, ruju cutirāre bajiro bajirā ñarāja mani”, yimasirāja mua, Dios ocare masa ĩna ucamasire ado bajiro ti gotijare: “Manajo cutijama, juarā ñaboarine, sīgū rujure bajiro ñaama, Dios ĩajama”, yigotiaja Dios ocare masa ĩna ucamasire. ¹⁷ Manajo cutirere ti gotirore bajirone mani quēne, Cristore ajitirūnurā ñari, Cristo rāca cojo usune, usu cutirāre bajiro bajiaja mani, Dios ī ĩajama.

¹⁸ To bajiri Cristo yarā ñari, rōmia rāca ajeriarā cutirūaboarine, yibeticōaṇa mua. Gajeye rojose mua yisema, quēnacōaroja. To bajiboarine, rōmia rāca mua ajeriarā cutisejua ñaja quēnabeti masu. ¹⁹ Esp'iritu Santore mani usurijure manire cōaṇumi Dios. To bajiri mani usuriju ī ñajare, “Esp'iritu Santo ī ñarivire bajiro bajiaja”, yimasirāja mua. To bajiri mani ruju, mani masu ruju me ñaja. Dios ye ñaja. ²⁰ “Yu yarā ñato” yigu, Satanās yarā ñaboarē ī macu ī rijare suorine, “Yu yarā ñaama”, manire yiyumi Dios. To bajiri rōmia rāca ajeriarā cutimenane, Dios ī bojarore bajiro rīne yiruarāja. To bajiro mani yijama, Diore rūcūbuorā yiruarāja mani.

7

ĩna manajo cutirotire ĩna sēniācōarere Pablo ī cūdire queti

¹ Papera rāca yure mua sēniācōarere muare cudiaja yu. “Sīgū manajo magū ī ñacōajama, ĩquēnati?”, yure mua yisēniācōarere, “Quēnaja”, yaja yu, tire. ² To bajiboarine, “Manajo mana, rōmia rāca ajeriarā cutire ĩna bojajama, manajo cutiroti ñaja”, yaja yu. Rōmia quēne, ĩna manaju cutijama, quēnaja. ³ Manajo cuticōari, ī yiruaro cōro so cūdijama, quēnaja. ĩja quēne, ī manajo so yiruaro cōro ī cūdijama, quēnaja. ⁴ Manaju cuticōari, “Yu bojarore bajiro ĩre yiruocoja yu”, yibetirūocomo. So manaju ī yirore bajiro cūdirūocomo. Ūmu quēne, manajo cuticōari, “Yu bojarore bajiro sore yirucuja yu”, yibetirucumi. ĩ manajo so yirore bajiro cūdirucumi. ⁵ To bajiri, ĩna manajoa rāca ĩna yijama, “Yibesa”, yibeticōato ĩna manajoajua. ĩna manajoajua quēne, ĩna yirujama, “Yibesa”, yibeticōato ĩna manajua. To

bajiboarine, “Diore rúcubwōrā, yibeticōato mani maji” ĩna juarājune ĩna yitwōĭajama, quēnaja. Diore rúcubwo gajanocōari, ĩna yirūgūriarore bajiro ĩna yijama, quēnaja. To bajiro ĩna yijama, “Gājerā rāca ajeriarā cutiya”, yimasibetiracumi vātia uju, Satanás.

⁶ Adi jediro muare yu gotise, muare rotigu me yaja yu. “Yu gotirote bajirone mua yijama, quēnaja” yigu, tire muare gotiaja yu. ⁷ “Yure bajiro manajo mana mua ĩajama, quēnaboroja”, yitwōĭaja yuma. To bajiboarine sīgure bajiro bajirā me ĩaja mani. Tocārācure ricati Dios ĩ masisere manire ujoyumi.

⁸ Manajo manare, manaju manare, manaju rijaveoriarēre quēne ado bajiro muare gotiaja yu: Yure bajiro manajo mana, rōmia quēne manaju mana mua ĩacōajama, quēnaja. ⁹ To bajiboarine, manajo magū ĩ ajerio cutirujama, manajo cutiato. To bajirone yato rōmia quēne. Ajeriarā cutire buto ĩna twōĭajama, manaju cutiato.

¹⁰ Manaju cutirāre, ado bajiro muare gotiaja yu: Mua manajware reare maja. Ti ĩaja mani uju ĩ rotire. Yu masu twōĭacōari, yigu me yaja. ¹¹ So manajure so rocajama, gāji manaju cutire manirūaroja. So manaju ĩar’i rāca so oca quēnojama, quēnaja. To bajirone bajiaja umare quēne. ĩ manajo cutijama, rocare maja.

¹² Mani uju yure ĩ rotire me, yu masune twōĭacōari, ado bajise muare gotiaja, Cristore ajitirūnubeco rāca manajo cutirāre: Mu manajo Cristore ajitirūnubeco ĩaboarine, mu rāca so ĩacōa ĩaruajama, sore rocabetiroti ĩaja. ¹³ To bajirone gotiaja manaju cutirāre quēne. Mua manajua Cristore ajitirūnumena ĩaboarine, mua rāca ĩna ĩacōa ĩaruajama, ĩnare reabetiroti ĩaja. ¹⁴ Ado bajiro ti bajijare, tire gotiaja yu: Mua manajua, Cristore ajitirūnumena ĩaboarine, mua rōmiajua Cristore ajitirūnurā mua ĩajare, ĩ yarāre ĩ ĩamaiore bajiro ĩnare ĩamaiami Dios. To bajirone bajiaja Cristore ajitirūnumena rōmirire quēne. Cristore ajitirūnumena ĩna ĩaboajaquēne, muare ĩna manajua cutijare, ĩ yarāre ĩ ĩamaiore bajiro ĩnare ĩamaiami. To bajiro ti bajibetijama, mua ĩare, Cristore ajitirūnumenare bajiro ĩnare ĩ ĩaborotire ĩ yarāre ĩ ĩamaiore bajiro mua ĩare quēne ĩnare ĩamaiami. ¹⁵ Cristore ajitirūnugū manajo Cristore ajitirūnubeco ĩari, ĩre so rocarujama, rocacōato. To bajirone bajiato rōmiojare quēne. Cristore ajitirūnubecu ĩari, ĩ manajore ĩ rocarujama, rocacōato. To bajiro ĩna yijama, quēnacōaroja. Quēnaro mani ĩnase bojaami Dios. ¹⁶ Ado bajiro ti bajijare, to bajise muare gotibu yu: “Cristore ajitirūnugū yu ĩajare, yu manaju yu rāca ĩ ĩacōa ĩajama, Cristore ajitirūnucōaracumi ĩ quēne”, yimasimenaja mua. Umare quēne, “Cristore ajitirūnurā yua ĩajare, yua manajoa yua rāca ĩna ĩacōa ĩajama, Cristore ajitirūnucōararāma ĩna quēne”, yimasimenaja mua, ĩna bajirotire masimena ĩari.

¹⁷ To bajiri Cristore ajitirūnumena ĩna bojarore bajiro ĩna yicōa ĩaboajaquēne, manijwarema Cristore mani ajitirūnusuorijune ricati rīne mani ĩarotire manire ujoyumi Dios. To bajiro ĩ yire ĩajare, manire ĩ cūriarore bajirone mani ĩacōa ĩajama, quēnaja. To bajiro rīne gotirūgūaja yu, tocārāca macariana Cristore ajitirūnurāre. ¹⁸ Tire yu gotijama, ado bajise twōĭacōari yaja: Cristore mua ajitirūnuroto rījorojune jud’io masa ĩari, circuncisiōn yecoriarā ĩaŋuja mua. To bajiri mua rācana, “‘Jud’io masa ĩaama’ yīlaroma” yirā, circuncisiōn yiyamanare bajiro ĩaruarūgūrāja mua. Ti ũnire yibeticōaĭa mua. Mua ĩariarore bajiro ĩacōaĭa. Gājerāma, Cristore mua ajitirūnuroto rījorojune, circuncisiōn yiecobetiarā ĩaŋuja mua, jud’io masa me ĩari. Mua rācana, “Jud’io masare bajiro circuncisiōn mani yirotijama, quēnaroja”, yitwōĭarāma. “Ti ũnire yibeticōato ĩna”, yaja yu. ¹⁹ Circuncisiōn yiecōriarā mani ĩajama, mani ĩabetijaquēne, no yibeaja. Dios ĩ bojarore bajiro mani yisejua ĩaja ĩamasusema. ²⁰ To bajiri “Cristore mani ajitirūnusuorijune tocārācure Dios manire ĩ cūriarore bajirone mani ĩacōa ĩajama, quēnaja”, muare yaja yu. ²¹ Cristore mua ajitirūnuroto rījorojune, gājerāre moabosarimasa ĩaŋuja mua. To bajiri adirāmure quēne to bajirone mua moabosacōa ĩajama, twōĭarejaibesa. To bajiboarine, mua ujarā, “Mua masune moamasirūarāja” muare ĩna yijama, ĩnare vaveocōari, mua masu mua bojarore bajiro moararāja mua. ²² Gājerāre moabosarimasa ĩna bojase rīne yiriārā ĩaboarine, Cristore mua ajitirūnusuorijune, Satanás ĩ bojasere yitūjacōari, Dios yarāja ĩacoasuja mua. Gājerāre moabosarimasa me ĩariarā quēne, Cristore ĩna ajitirūnusuorijune, Cristo yarā ĩ bojasejare yirā ĩacoasuma ĩna. ²³ “Yu yarā ĩato” yigu, Satanás yarā mua ĩaboarone, ĩ macu ĩ rijare suorine, “Yu yarā ĩaama”, muare yiyumi Dios. To bajiri gājerā, Dios ĩ bojabetire muare ĩna yirotisere ĩnare cudibetiroti ĩaja. ²⁴ To bajiri Cristore mani ajitirūnusuorijune Dios manire ĩ cūre mani yicōa ĩajama, quēnaja.

²⁵ Gajeye, manaju mana, manajo mana mua sēnīacōarere muare cudiaja yu. Mani uju yure ĩ yirotire me ĩaja ti. Yu masune twōĭacōari, muare gotigu yaja. Mani uju, yure ĩamaicōari, yure ejarēmōrūgūami, “Quēnaro riojo twōĭagū ĩato” yigu. To bajiro yure ĩ yijare, yure mua ajitirūnujama, quēnaja. ²⁶ Cristore ajitirūnurā ĩari, buto rojose yiecorā ĩaja mani. To bajiri, ado bajiro ĩaroti ĩaja: Manajo mana, to yicōari manaju mana, mua ĩacōajama, quēnaja. ²⁷ Manajoa cutirā, manaju cutirā quēne, gāmerā reabesa. Manajo mana quēne, manajo macabesa. Manaju mana quēne, manaju macabesa. ²⁸ To bajiro yu gotisere ajiboarine, ĩ

manajo cutijama, to yicōari rōmio quēne, so manajū cutijama, rojose yirā me yirāma ina. To bajiboarine manajoa cuticōari, rojose ina tāmūojama, butobusa josari ñararoja inare. Tire, butobusa rojose ina tāmūosere bojabecū ñari, “Manajū mana, to yicōari manajo mana mua ñacōajama, quēnaja”, muare yibu yu.

²⁹ Quēnaro tuoiaña yu mairā. Ado bajise yigu, “Mua ñariarore bajirone mua ñacōajama, quēnaroja”, muare yibu yu: Cristo i ejarotirūmū cōñaro masu bajiaja. To bajiri manajo cutirā, rōmia manajua cutirā quēne, manajo mana mua ñariarore bajirone ñacōari, Cristo i bojasejuare yifārūgūroti ñaja muare. ³⁰ Satiritirā, mua satiritisere buto tuoīabesa. Variquēnarā quēne, mua variquēnasere tuoīabesa. Gajeyēūni bujarā quēne, mua cuosere tuoīabesa. “Adigodoju yaro meca catiruarāja mani” yituoīarā ñari, to bajiro bajiya. ³¹ Adigodoaye yaro me jediroti ti ñajare, buto tire tuoīabesa. Ñamasuse me ñaja ti. Tire mua tuoīajama, Cristo i bojasejuare quēnaro yimasimenaja mua.

³² Adigodoayere buto mua tuoīasere bojabeeja yu. Manajo magūma, Cristo i bojasejuare buto tuoīagūmi, ñajediro i yisere i ñavariquēnarotire bojagu ñari. ³³ To bajiboarine, manajo cutiguma, adigodoayere buto tuoīagūmi, i manajo so variquēnarotire bojagu ñari. ³⁴ To bajiri Cristo i bojasere tuoīa, to yicōari, i manajo so bojasejuare quēne tuoīa, yigumi. Jua vāme tuoīare ñaroja ire. To bajicōari, manajū magōma, Cristo i bojasejuare buto tuoīagōmo, ñajediro so yisere i ñavariquēnarotire bojago ñari. To bajiboarine, manajū cutigoma, adigodoayere buto tuoīagōmo, so manajū i variquēnarotire bojago ñari.

³⁵ “Manajo cutirūagu manajo cutibeticōato” yigu me, tire muare gotiaja yu. “Quēnaro tuoīacōari, manajo cutiato ina” yigu, tire gotiaja yu. Dios i bojase rīne mua yifāsere bojaja yu.

³⁶ I manajo cutiroco ñario rāca, sore buto bojagu ñari, manajo cutiato. To bajiro i yijama, rojose yigu me yigumi. ³⁷ To bajiboarine, “Manajo cutibetirucuja” yiguma, manajo cutibeticōato. To bajiro bajigu ñari, gājerāre quēne, i ajeriarā cutibetijama, quēnaja. ³⁸ To bajiri i manajo cutiroco ñario rāca, manajo cutiguma, quēnaro yigu, yigumi. “Manajo cutibetirucuja” yigujuma, i rētoro quēnaro yigu, yigumi.

³⁹ Manajū cutigo, so manajū i catiñaro cōro i rāca ñacōa ñaroco ñaamo maji. I rijato beroju, gājire, no so bojagure, mani ujure ajitirūnugūre, manajū cutirūocomo. ⁴⁰ To bajiboarine, “So manajū i rijato bero, gājire so manajū cutibetijama, rētoro quēnaro ñagōmo”, yituoīaja yu. Yu quēne, Espiritu Santore cuogu ñaja yu. To bajiri quēnaro tuoīacōari, to bajiro muare gotiaja.

8

“Jesúre ajitirūnūrāre inare yirobetiroti ñaja”, yire queti

¹ Quēna gajeye muare gotiguagu yaja yu. Vaibucurāre siacōari, “Ado bajirā ñarāma” yiquēnorujeoriarā tujure inare rūcubūorā, mojoroaca vaibucū riire cūrūgūama. To yicōari, rūyasere barūgūama. To bajiri, ina yisere iacōari, “Socarā yama. Ina rūcubūoobarā manama” yimasirā ñari, “Yu quēne, yua bajama, quēnacōaja”, yirāja mua. To bajiro mua yijama, gājerā, “Tire babetiroti ñaja manire” yituoīaboarājuare inare ñamaimenane, “Ina rētoro ñamasurā ñaja yua” yirāre bajiro yaja mua. To bajiro yimenane, ado bajirojua yiroti ñaja: “Inare ñamaicōari, inare ejarēmoroiti ñaja, ‘Butobusa Diore ajitirūnūato ina’ yirā”. ² Masijeobetiboarine, “Quēnaro masigū ñaja yu” sigū i yiboajama, rūyacōaroja ire, quēnaro riojo i masiroti. ³ Diore i maijama, i bojarore bajiro yigu i ñajare, “Quēnaro masigū ñaami”, ire yifāmasigūmi Dios.

⁴ Yirūcubūoruarā ina quēnorujeose ñie vaja maja. “Dios sigū ñaami, mani rūcubūogu. Gājerā ire bajiro bajirā ñarāma”, yimasiaja mani. ⁵ Gājerā ina gotijama, “Jājarā ñarāma mani yirūcubūorā. Ō vecana, adigodoana quēne ñarāma”, yituoīaboarāma. ⁶ To bajiro ina yiboajaquēne, “Dios sigūne ñaami mani jacū”, yimasiaja mani. Ine ñaami ñajediro, “Yu bojasere yato ina” yigu, manire rujeorī. To bajicōari, Jesucristo sigūne ñaami mani uju. Jesucristo suorine ñajediro rujeoyumi Dios. To bajiri i siacore suorine Dios yarā ñaja mani.

⁷ To bajiro yirā mani ñaboajaquēne, gājerā ñaama Cristore ajitirūnūrā ñaboarine, mani tuoīare bajiro tuoīamena. Ina ñaama, Cristore ina ajitirūnaroto rījoroju, “Ado bajirā ñarāma” ina masune yiquēnorujeocōari, rūcubūorūgūriarā. To bajiro yirūgūriarā ñari, ado bajiro tuoīarāma: “Vaibucurāre siacōari, ‘Ado bajirā ñarāma’ yiquēnorujeoriarā tujure inare rūcubūorā, mojoroaca vaibucū riire ina cūserē mani bajama, rojose yirā yaja mani”, yituoīarāma. ⁸ To bajiro ina yijama, riojo tuoīarā me yama. Mani bajama, mani babetijaquēne, ñamasuse me ñaja, Dios i ñajama. “Tire mani babetijama, rētobusaro manire ñavariquēnarucūmi Dios”, yire maja. ⁹ “Mani base jediro quēnase rīne ñacōaja” yirā ñaboarine, babetiruarāja mua. Gājerā Cristore ajitirūnarā, “Ina basere mani bajama, ‘Rojose yirā yaja yua’ yituoīacōari, rojose tāmūotujabetiriaroju vatoma ina” yirā, tire babetiruarāja mua. ¹⁰ To

bajiro yu yijama, ado bajiro yigu yaja yu: “Babetiroti ñaja” gāji ī yisere mua baro ñacōari, “Yu bajama, quēnabetoja” yituoīaboarine, bagumi ī quēne. ¹¹ Cristore ajitirānūrā ñaboarine, mua tuoīarore bajiro tuoīamenare quēne rijabosagu bajiyumi, “Yu rāca quēnaro ñato” yigu. To bajiri, “Mani base jediro quēnase rīne ñacōaja” mua yise suorine mua mairona ñaboarā ña quēne ña bajama, “Rojose yirā yaja yua” yituoīarā ñari, rojose tāmūotubabetiriaroju vanama. ¹² Mua rācagu Cristore ajitirānugū, “Babetiroti ñaja” ī yīlaboasere mua bajama, rojose īre yirorā yirāja mua. To bajiro mua yijama, ī sīgūrene rojose yirā me, yirāja mua. Cristore quēne rojose yirā yirāja. ¹³ To bajiri, “Vaiβucū rii yu bajama, Cristore ajitirānugūre rojose īre yirogure bajiro yiguja yu” yituoīagū ñari, baīobetiroti ñaja.

9

“Jesucristo ī cōar'i me ñaami Pablo” ña yirere Pablo ī cūdire

¹ Yu bojarore bajiro yimasigū ñaboarine, Jesucristo ī bojasejuare yigu ñaja yu. Jesús, mani ujure ñacacu ñaja yu. Gājerāre ī cōasuoriarore bajiro yure quēne cōacami. Yure ī gotiroticōacati suorine īre ajitirānūrā ñaja mua. ² “Jesucristo ī cōar'i me ñaami Pablo” gājerā ña yiboajaquēne, muajuama, muare yu gotimasiosuocati suorine Cristore ajitirānūrā ñari, “Jesucristo ī cōar'i ñaami”, yiroti ñaja muare.

³ “Jesucristo ī cōar'i me ñaami Pablo” yure yirāre ado bajiro ñare cūdiaja: ⁴ Yu Pablo, to yicōari, Bernabé quēne, Jesús ī cōacana ñaja yua. To bajiri gājerā Jesús ī bajirere gotimasiorāre ña baroti, to yicōari, ña idirotire mua īsirūgūrore bajirone yure quēne īsiroti ñaja. ⁵ Pedro, ī rācana quēne Cristo ī gotiroticōariarā, to yicōari, mani uju Jesús bederā quēne, Jesūre ajitirānūrāre manajoa cūticōari, ña rāca varūgūama. To bajiro ña bajijare, ña manajoare quēnaro codebosarūgūaja mua. To bajiri “Yua quēne, manajo cūticōari, vamasirāja”, yituoīaja yua. ⁶ Jesús ī bajirere gotimasiodirimasa gajeye moare moamenane, “Quēnaro yure gotimasioato” yirā, ñare mua ejarēmoriarore bajiro yimenane, “Ña masune moacōari, vaja yato ña ñarotire”, ŷyituoīati mua, yuarema? ⁷ Surara mesa quēne, ña moare rīne moarāma. “Ña moare ña moajama, ña ñaroti vaja īsiecoruarāma”, yimasire ñaja. Uye oterimasuma, “Tire barucūmi”, yimasire ñaja. Cabrare coderimasa quēne, “Ña ōjecoa idirucūmi”, yimasire ñaja. ⁸ To bajiri, “Mani moase suorine quēnase bujaroti ñaja”, yimasire ñaja. To bajiri, Dios ocare masa ña ucamasire quēne, tire bajiro gotiaja. ⁹⁻¹⁰ Ado bajiro gotiaja Moisés ñamasir'ire Dios ī roticūmasire: “Ta vecū risere siabibebesa, trigo gasere īre mua cūda jānerotijama, ‘Ī quēne bato’ yirā”, yigotiaja. To bajiro ī gotijama, ta vecūa rīrene tuoīagū me yimasinūmi Dios. Mani jedirore tuoīacōari, yigu, yimasinūmi. Vese moarā, to yicōari, gājerā ña otere rica juarāre quēne, “ ‘Mani moase suorine quēnase bujaruarāja’ yimasiatō” yigu, tire yimasinūmi Dios. ¹¹ Jesús ī bajirere muare gotimasiosuocaju yua, “To bajiro mani yise suorine Cristore ajitirānūrāra sīgūri” yirā. Muare yua gotimasiojama, ote ajere oterāre bajiro muare yicaju yua. To bajiri yua gotimasioacati suorine Cristore ajitirānūrā ñari, yua otecatiricare bajiro bajirā ñaja mua. To bajiro bajirā mua ñajare, yua gotimasioacati vaja, muare yua sēnijama, ŷvaja yiroti me ñaboayujarique? ¹² Gājerā Cristo ī bajirere ña gotimasiojare, ñare vaja yirūgūrāja mua. To bajiri, muare gotimasiosuocanare roque, ŷñare mua īsiro rētoro yure vaja yiroti me ñatique?

To bajiro yiroti ti ñaboajaquēne, muare vaja sēnibeticaju yua. Buto josari yua moarūgūcati ti ñaboajaquēne, “Yuare ejarēmoña”, muare yibeticaju yua, “ ‘Gājoa bojarā, Jesús ī bajirere gotimasioama’ manire yiroma” yirā. ¹³ Diore yirūcūbūoriaviju īre rūcūbūorā, bare ña cūsere ti vi moarimasa ñari, ña baroto cōro juacōari, barūgūama. Tire masiaja mua. ¹⁴ “Tire bajirone bajiruaroja yu ocare gotimasiodirimasare quēne. ña gotimasiose vajane bacatiruarāma”, yiyumi mani uju Cristo. ¹⁵ To bajiro ī yirere masigū ñaboarine, muare vaja sēnibeticaju yu. Sēnibeticacu ñari, “Yucūju yure vaja yiya” muare yuicagu me yaja yu. Buto ñiorijagu ñaboarine, muare bare sēnibecu rīne, rijacoarucūja yu. To bajiri, Jesucristo ī bajirere yu gotimasiodudijama, vaja sēnibetirūgūaja. “ ‘Vaja taami Pablo’ gājerā ña yisere bojabecu ñari, vaja sēnibeticaju”, yivariquēnaja yu.

¹⁶ Cristo ī bajirere gotimasioḡ ñari, “Ñamasugū ñaja yu”, yituoīabetirūgūaja. Jesucristo yure ī gotiroticati ñaja yu moare. Tire yu gotimasioebetijama, rojose tāmūobogūja. ¹⁷ Jesucristo yure ī gotimasiorotibetone, yu masu “Ī ocare gotimasiodirucūja” yu yijama, “Yu gotimasiose vaja, quēnase bujarucūja”, yituoīabogūja yu. To bajiboarine, Jesucristo yure gotimasioroticōacami. To bajiri quēnase yu bujajama, yu bujabetijaguēne, no yibeaja ti. Ī ocare gotimasioacōa ñaroti ñaja yure. ¹⁸ To bajiro ti bajijare, vaja sēnibecune, Jesucristo ī bajirere gotimasio variquēnarūgūaja yu, vaja sēniroti ti ñaboajaquēne.

¹⁹ To bajiri yu gotimasiose vaja, yure vaja yimena ñari, rotimasibeama masa. Yure ña rotimasibetiboajaquēne, “Jājarābūsa Cristore ajitirānuato” yigu, ña ĩavariquēnarore bajiro

bajiñarügüaja yu. ²⁰ Jud'io masa taju yu ñajama, Cristore İna ajitirñarotire bojagu ñari, İnare bajiro bajiñaja yu quēne. To bajiro yu yijama, ado bajise yigu yaja yu: Moisere Dios İ roticūmasirere ajirñacuborā taju yu ñajama, “Cristore ajitirñauato” yigu, İna yirñacuborore bajiro yirügüaja. “Tire quēnaro mani ajirñacubojama, manire İvariquēnarucumi Dios” İna yituoİarore bajiro tuoİagū me ñaboarine, to bajiro yirügüaja yu. ²¹ Jud'io masa me ñarā taju yu ñajama, “Cristo ocare yu gotimasiosere ajitirñauato” yigu, İna ñasere bajiro ñacōari, İnare gotimasiorügüaja. To bajiro yu bajijama, Dios İ bojabetire yigu me bajiaja. Jesucristore ajitirñucōa ñarügüaja yu. ²² “Manire ejarēmorcumi Cristo” yituoİaboarine, tuoİagūirā taju yu ñajama, İnare bajiro bajiñaja yu quēne, “Yu gotisere ajivariquēnacōari, butobusa Cristo ocare ajitirñauato” yigu. “Sīgari yu gotimasiosere ajicōari, Cristore ajitirñauato” yigu, yu yimasiro cōro yirügüaja yu. ²³ “Cristore mua ajitirñajama, rojose tāmutojabetiraroju mua vaborotire muare yirētohosarucumi” yire quetire ajijedicōato masa” yigu, to bajiro yirügüaja. To bajiri, “Gājerā Cristore ajitirñarāre Dios quēnaro İ yirotire bajiro yare quēne quēnaro yato” yigu, to bajiro yirügüaja yu.

²⁴ Cristore ajitirñarā, Dios quēnaro manire İ yirotire mani bojajama, josari yirügūroti ñaja. Ūmatimarā cōro buto İna ūmaboajaquēne, sigū ñagūmi İna rētoro ūmacōari, quēnase bujarocu. To bajiri mani quēne, gājerā rētoro ūmagūre bajiro mani yimasiro cōro yirügūroti ñaja, quēnase mani yise vaja, Dios quēnaro manire İ yirotire bojarā ñari. ²⁵ To bajiri, İ ūmaroto rījorojune quēnaro ñayucōagūmi. To bajiro İ bajijama, yoaro mene rojoribedo ti ñaboajaquēne, “Gājerāre ūmarētocōari, bujagusa” yigune bajicōagūmi. To bajiro İ bajijosase ūnre yirāne, Cristore ajitirñarā quēne İ bojarore bajiro mani yisere İacōari, yayiroti mejuare manire İ İsirotire bojarā, quēnaro yirügüaja mani. ²⁶ Quēnase mani bajaroti, yayiroti me ti ñajare, yu yimasiro cōrone Dios İ bojarore bajiro yirñarügüaja yu. Ūmagū İ ūmagajanorotiju rīne tuoİacōari ūmagūmi. İre bajiro bajiaja yu quēne, Dios quēnaro yare İ yirotire bojatuoİagū ñari, İ bojarore bajiro yirñarügüaja yu. Quēarimasū ñaboarine, quēnaro ñose ejobecumi. Yujumama, quēnaro ñose ejogure bajiro bajigu ñari, Dios quēnaro yare İ yiroti rīrene tuoİagū, Dios İ bojarore bajiro yirügüaja yu. ²⁷ To bajiri, yu gotimasiorāre quēnaro Dios İ yirotire yu gotiboajaquēne, “Rojose yare yiroimi” yigu, yu bojasere yiruaboarine, İ bojasejuare yirügüaja.

10

“Rācubuoarā İna quēnorujeorāre rācubuoresa”, yire

¹ Adire masiritibesa mua: Jud'io masa yua ñicua, Moisēs ñamasir'ire suymasirirā İna bajimasirere masiritibesa. “Egiptoana İnare sİabeticōato” yigu, Dios İ masise rāca buerine yua ñicware buebibecōamasiñuju. To İ yijare, jediro jēacoamasiñujarā riaga, Oco Sİarisa vāme cutiya, gajecacataju İnare rudirā. ² To bajiro İna bajijama, “Moisere ajitirñarā ñaja yua” yīorā bajimasiñujarā İna. ³ İna jēaro bero, İna jediro ō vecaye manā vāme cuti Dios İ cōare barügūmasiñujarā. ⁴ To yicōari, İna idicatirotire yigu, gūtajure oco budirotimasiñuju Dios. Ti oco İna idise quēnase ñamasiñuju. Jesucristo quēne, gūtare bajiro ñagū quēnasere cōagū ñacoayumi. To bajicōari, gūta suorine İna catijama, Cristo, ruyubetiboarine, İnare İ İatirñujare, İna jedirone quēnaro ñacoayuma. ⁵ Quēnaro İnare İ İatirñuaboarone, jājarā rojose İna yijare, İnare İvariquēnabetimasiñuju Dios. To bajiro İna yisere İvariquēnabecu ñari, “Ūjorucuja” İnare İ yiboaria sitaju İna ejabetone, “Yucū manojune bajireacōa mua”, İnare yimasiñuju Dios.

⁶ To bajiro İna bajimasire ñajare, “Dios İ bojabetire mani yijama, İnare İ yimasiriarore bajiro manire quēne yiroimi Dios” yimasirā ñari, mani yibetijama, quēnaja. ⁷ To bajiri yua ñicua sīgūri, “Ado bajigu ñagūmi” yiquēnorujeocōari, İna rācubuoamasiriarore bajiro rācubuoresa mua. Yua ñicua, İna rācubuoamasirere ado bajiro gotiaja Dios ocare Moisēs İ ucamasire: “ ‘Ado bajigu ñagūmi’ yiquēnorujeocōari, ‘İre rācubuoarā yaja’ yirā, barujiyuma. To yicōari, idiyuma. To yigajanocōari, basavariquēnacama”, yigotiaja Dios ocare Moisēs İ ucamasire, Dios İ bojabetire İna yimasirere gotiro. ⁸ To yicōari, gajeye yua ñicua sīgūri, rōmia rāca gāmerā İna ajeriarā cutimasire ūnre yibetiroti ñaja manire. To bajiro İna yijaise vaja, cojorāmune veintitres mil ñarāre bajirearotimasiñuju Dios. To bajiri İnare İ yimasiriarore bajiro, “Manire quēne yiroimi” yirā, yibetiroti ñaja. ⁹ “Rojose mani yijama, rojose manire yirucumi” yituoİaboarine, rojose yitujamena ñari, āña cūnieco, bajireacoamasiñujarā İna. To bajiri, “Rojose tāmurobe” yirā, İna yimasiriarore bajiro yibetiroti ñaja manire. ¹⁰ Yua ñicua sīgūri Diore ñagōmacamasiñujarā. To bajiro İna yise suorine İ tuagure İnare sİarearoticōamasiñuju Dios. To bajiri āngeljua İnare sİareacōamasiñuju. “Manire quēne to bajiro yirotiromi Dios” yirā, İre ñagōmacabetiroti ñaja.

¹¹ “To bajise rojose yua ñicua İna yimasiriarore bajiro mani yijama, İnare ti bajimasiriarore bajiro bajiruaroja manire quēne”, yimasiaja mani. Adirodoria, mani tuoİamasirotire yigu, İna bajimasirere Moisere ucarotimasiñumi Dios. ¹² To bajiri, Cristore

quênaro ajitirânugâma, quênaro tuoïamasiri ñato, “Jud’io masa rojose ña bajimasiriarore bajiro yure bajirobe” yigu. ¹³ Quênaro tuoïaroti ti ñaboajaquêne, “Rojose yiruabeaja” yicôaboarine, rojose yicôaroti ñaja”, yituoïaroti me ñaja muare. “Yuare rojose i rotirore bajiro muare rotibecami Satanás”, yiroti me ñaja. Gâjerâre rojose i yirotirore bajiro rîne manire yirotirûgûami. Rojose manire i yirotiboaquêne, “Tire yibeticôari, yu bojasejuare yirâ ñato” yigu, manire ejarêmorucami Dios.

¹⁴ To bajiri yu mairâ, “Jud’io masa rojose ña bajimasiriarore bajiro manire bajirobe” yirâ, quênaro tuoïamasiri ñaïa mua. “Ado bajirâ ñarâma”, ña masune yiquênorujeocôari, ña rûcubûorâre rûcubûobeticôaïa. ¹⁵ Quênaro tuoïamasirâ ñari, muare yu gotisere ajicôari, “Riojo gotiami Pablo”, yituoïamasiruarâja mua. ¹⁶ Cristo manire i rijabosarere tuoïarâ, yu ocore mani idiroto rîjoro, “Quênaja” Diore yicôari, mani idijama, ¿Cristo ri’ire idirâ me yatique mani? Pan mani baroto rîjoro, “Quênaja” Diore yicôari mani bajama, ¿Cristo ruju riire barâ me yatique mani? To bajiro mani yijama, “Manire ejarêmogûmi”, yituoïaja mani. To bajiro mani yisere iacôari, butobusa manire ejarêmogûmi. “Yure ajitirânûato” yigu. ¹⁷ Jâjarâ ñaboarine, pan cojane batecôari, baja mani. To bajiro yirâ ñari, i yarâ ñaja mani jediro.

¹⁸ Jud’io masa, Diore rûcubûorâ, vaibucurâre siacôari, mojoroaca soemuorâma. To yicôari, ruyasere barâma. Tire ña bajama, “Manire ejarêmogûmi”, yituoïaama ña. To bajiro ña yisere iacôari, “Butobusa yure ajitirânûato” yigu, ñare ejarêmogûmi Dios. To bajirone tuoïarâma, “Ado bajirâ ñarâma” ña masune yiquênorujeocôari, rûcubûorâ quêne. ¹⁹ To bajiro yu yijama, “Catirâ ñarâma ña quênorujeoriarâ” yigu me yaja. To yicôari, “Ënare rûcubûorâ vaibucu rii ña cûse ñamasuse ñaja” yigu me yaja. ²⁰ Ado bajirojua yigu yaja yu: Diore masimena, ña quênorujeoriarâre ña rûcubûojama, vâtiajuare rûcubûorâ yirâma. To bajiri, vâtiare mua ejarêmosere, to yicôari, vâtiajua quêne, ñare mua ajitirânûrotire yirâ, muare ña ejarêmorotire bojabeaja yu. ²¹ To bajiri mani ujare rûcubûocôa, vâtiare quêne rûcubûo mani yijama, quênabetoja. To bajiro yibetiroti ñaja manire.

²² To bajiro mani yijama, ñajûnisinirucami mani uju. Ìrêtoro masirâ me ñaja mani. To bajiri, “Rojose mani yise vaja, rojose i yijama, rudimasibetiruarâja mani”, yimasiaja.

“Mani ñaroti rîne tuoïaroti me ñaja”, yire queti

²³ Ado bajiro yisere ajirûgûaja mua: “Mani bojarore bajiro yimasiaja”, yigotiaja. To bajirone bajiaja, bajirojuma. Jediro mani yise manire ejarêmobea. To bajiro mani yijama, “Gâjerâ, Dios i bojarore bajiro yirâ ñato” yirâ me, yirâja mani. ²⁴ Mani masu quênaro mani ñaroti rîne tuoïaroti me ñaja. Gâjerâ quênaro ña ñarotire quêne tuoïarûgûuarâja mani.

²⁵ Vaibucu rii ña ñiriju ñasere vaja yicôari, “Rojose ñaroja” yituoïamenane, mua bajama, quênaja. “¿Ëna quênorujeor’ire rûcubûorâ ña cûruare ñati adi?”, yisênîabeja. Dios ocare masa ña ucamasire ado bajiro i gotijare, “Sênîabetiroti ñaja”, muare yaja yu: ²⁶ Adi macarucroaye jediro Dios i rujeore ti ñajare, bare ñaro cõrone mani bajama, quênaja.

²⁷ Cristore ajitirânûbecu, “Yu tu barâ vayâ” yicôari, no bojase i ecasere mua bajama, quênaja. “¿Ëna quênorujeor’ire rûcubûorâ vaibucu rii ña cûruare ñati adi?” yisênîamenane, mua bajama, quênaja. ²⁸⁻³⁰ “Tire mani bajama, quênaja” mua yituoïajama, gâji magûmi, “Rojose yirâ yaja mua” yigu. Ìna quênorujeor’i taju ña cûruare riire, “Quênaja” Diore mua yisênîro bero mua bajama, rojose yirâ me yirâja mua. To bajiboarine, Cristore ajitirânûgû, “Ëna quênorujeor’i taju ña cûruare rii ñaja, mani babeti” i yigotijama, babeja. ³¹ To bajiri mani bajama, mani babetijaquêne, mani idijama, mani idibetijaquêne, no bojase mani yijama, Dios i bojarore bajiro yiruarâja mani, ñe rûcubûorâ. ³² Gâjerâre ñamaimenane mani bojarore bajiro mani yisere iacôari, “Ëna quêne rojose yiroma” yirâ, yibetiroti ñaja. ³³ Tire muare yu gotirore bajiro yirûgûaja yu. To bajiro yigu ñari, yu masu yu bojase yibecane, yu râcana jediro ñare yu ejarêmorotijuare tuoïacôari, yirûgûaja yu, “Yu yise suorine Cristore ajitirânûcôari, rojose tâmuotujabetiriaroju i yirêtobosarâ ñato” yigu.

11

¹ To bajiri, “Cristo i bajiñariore bajiro yiroti ñaja” yituoïacôari, yu yimasiro cõro yirûgûaja yu. To bajiri mua quêne, yu bajiñarûgûsere tuoïacôari, mua yimasiro cõro yirûgûoti ñaja.

Rêjariaviju Diore sênirâ, i ocare gotirâ, rômia ña bajiroti queti

² “Jediro yu gotimasiocatie masiritimenane, ajitirânûcôa ñarâja mua”, yivariquênaja yu. ³ To bajiro yigu ñaboarine, gajeye muare gotimasioaja yu. Rêjacôari, Diore mua rûcubûose, “Ado bajirojua yiroti ñaja”, muare yigotigu yaja yu: Tocârâcure rotigu ñari, mani rujoare bajiro bajiami Cristo. To bajirone bajiaja rômia manajua cutirâre. Ìna manajua, ña rujoare bajiro bajirâ ñarâma, ñare rotirâ ñari. To bajirone bajiaja Cristore quêne. Ì jacu, i rujoare bajiro bajigumi, ñe rotigu ñari. ⁴ To bajiro ti bajiare, rêjariaviju, rujoa jeoriarori jeocôari, Diore ña sênijama, Dios oca ña gotijaquêne, Cristore rûcubûomena yirâma. ⁵ Rômiajuama,

İna rujoa jeoriarori jeomenane Diore İna sēnijama, Dios oca İna gotijaquēne, İna manajure rūcūbuomena yirāma. İna rujoa jeoriarori İna jeobetijama, joa suagoriarāre bajiro bajirā ñarāma, İnare rūcūbuomena ñari. ⁶ To bajiro ti bajijare, “Rōmia manajua cutirā İna rujoa jeoriarorire İna jeorūabetijama, İna joare suagoroti ñaja”, muare yaja yu. To bajiro yu yijama, “Bojoneose ti ñajare, rujoa jeoriarorire jeoato” yigu yaja. ⁷ To bajiri ūmua, Diore İna sēnijama, İ ocare İna gotijaquēne, rujoa jeoriarorire jeobetiroti ñaja, “Yure rotibosacōari, yure rūcūbuato” yigu, Dios İ rujeoriarā ñari. Rōmiajuama, “Ūmuare rūcūbuato” yigu, Dios İ rujeorio ñaamo. ⁸ Rōmio gōarore āmicōari, ūmure rujeobesumi Dios. Ūmu gōarojuare āmicōari, rōmiore rujeomasifūmi Dios. ⁹ “Rōmiore ejarēmoato” yigu me, ūmure rujeomasifūmi Dios. Rōmioja, ūmure ejarēmoato yigu, rujeomasifūmi. ¹⁰ To bajiro bajimasire ti ñajare, İna manajure rūcūbuorā, rujoa jeoriarori İna jeojama, quēnaja. To bajiro İna yijama, “Dios İ bojarore bajiro yama, İna manajure rūcūbuorā”, yīavariquēnaruarāma āngel mesa. ¹¹ Ūmuare quēne, rōmiare quēne rujeoyumi Dios. Rōmia İna manijama, quēnaro ñamasimenama ūmua. Rōmia quēne, ūmua İna manijama, quēnaro ñamasimenama. ¹² Ūmu gōarone rōmiore Dios İ rujeomasirio so ñaboajaquēne, ūmua, rōmia suorine İna ruyuae ti ñajare, “Gāmerā ejarēmoroti ñaja”, yaja mani. To bajicōari, mani jediro ñaja Dios İ rujeoriarā.

¹³ Mua masune quēnaro tuoīmasiña. “Rējariaviju Diore sēnirā, İ ocare gotirā quēne, rujoa jeoriarori jeomenane rōmia İna yīñajama, quēnabeaja”, yimasirāja mua. ¹⁴ “Ūmua yoeşe İna joa cutijama, bojoneose ñaja”, yituoīaja mani. ¹⁵ Rōmiajuarema, “Yoeşe joa cutirā ñaama”, yituoīaja mani. “İna joa İna rujoarire buase ñato” yigu, Dios İ cūmasire ñajare, to bajiro tuoīaja mani, rōmiare. To bajiri yoeşe İna joa cutijama, variquēnaama rōmia. ¹⁶ Sigūri to bajiro muare yu gotisere ajicōari, “To bajiro me bajiaja” İna yijama, “Ñajediroana Cristore ajitirānūrāre, to bajise rīne gotirūgūaja yua, muare yu gotiri vāmere”, İnare yigotiroti ñaja.

Cristo İ batūsare boşerāmure bañarā İna rūcūbuobetine queti

¹⁷ Rējacōari, mua basere tuoīavariquēnabeaja yu. “Rējacōari bato mani” mua yibetijama, quēnacōaboriaroja. ¹⁸ “Rējaboarine, ricati rīne tuoīarā ñari, ricatitubuari rujicōari, gājerā rāca oca josaama”, yire queti ajiaja yu, muare. Ado bajiro tuoīarā mua ñajare, “To bajirone bajirāma”, muare yaja yua: ¹⁹ “Mani tuoīarore bajiro tuoīarā rāca mani rujijama, İna ñaama Dios oca quēnaro masirā” manire yīruarāma”, yituoīarāja mua. ²⁰ Ricati rīne tuoīarā ñari, “Cristo İ batūsare tuoīacōari bato mani” mua yiboase, Cristore rūcūbuomena yirāja. ²¹ Mua juavarere gājerāre yumenane, bajeocōarāja mua. To bajiri jairo barā, to yicōari, idimecūrā mua ñaboajaquēne, mua bero ejarā sigūri bare mana ñari, ñiorjicōa ñarāma. To bajiro yirā ñari, cojo masare bajiro bajirā ñaboarine, mua bero ejarā rāca baba cutimasifū manoja muare. ²² Viri cutirā ñarāja mua. Mua ya virijune bare ba, idi, mua yijama, quēnaja. To bajiro mua yibetijama, gājerā bare cuomenare rojose yīlorā yirāja mua. Gājerā Cristore ajitirānūrāre İaterā ñari, ğto bajiro yatique mua? “Bare cuomenare quēnaro yaja mua” yato Pablo”, ğyituoīaboati mua? Yibeaja yu. To bajiro mua yijama, rojose masu yirā yirāja mua.

Mani ūju İ rijaroto rījoro İ batūsare queti

(Mt 26.26-29; Mr 14.22-25; Lc 22.14-20; Lc 4.1-7)

²³⁻²⁴ Adi muare yu gotimasiose, mani ūju İ rijaroto rījoro İ batūsare queti ñaja. Yure İ goticati, to yicōari, muare yu gotirētocati ñaja. Ado bajiro bajiaja: Mani ūjare Judas İre İ İsirocaroto rījoro, panre āmicōari, “Quēnaja”, Diore yisēniñuju Jesús. To yigajano, panre mutocōari, İ buerimasare İsibatogune, ado bajise gotiyuju İ: “Ti ñaja yu rujari. Muare rijabosarūcūja yu. Yu rijato bero, muare yu rijabosare tuoīacōari, yure rūcūbuorā, ado bajirone rējacōari, barūgūruarāja”, İnare yigotiyuju. ²⁵ To yicōari, bare İna baro bero, ūye oco sāñaribajare āmicōari, ado bajiro gotiyuju Jesús quēna: “Adi ñaja tirāmūana, ‘Rojose mani yirere masirioato’ yirā, Diore rūcūbuoraju joere İna yuejeoriarore bajiro bajise. Yucurema, yu ri’i ñaja. Ti suorine, ‘Gajerodori ado bajiro masare quēnaro yirūcūja yu’ Dios İ yigotimasiriarore bajiro bajirūaroja. Yu rijato bero, muare yu rijabosare tuoīacōari, yure rūcūbuorā, ado bajirone rējacōari, idirūgūruarāja”, İnare yiyuju Jesús. ²⁶ İ rotiriarore bajirone mani bajama, mani idiaquēne, yīlorūgūroti ñaja, “Manire rijabosayumi mani ūju” yirā. İ tudiejarojo to bajiro yitujaruarāja mani.

²⁷ To bajiri, mani ūju manire İ rijabosare tuoīagū, panre ba, to yicōari, ūye ocore idi, yiboarine, rūcūbuobeti rāca İ yijama, Cristore rūcūbuobecu yigumi. “Cristo ri’i, İ rujari quēne, ñie vaja mani ñaja” yigu yigumi. ²⁸ To bajiri panre mani baroto rījoro, to yicōari, ūye ocore mani idiroto rījoro, rojose mani yirere tuoīa, Diore yigoticōari, panre ba, ūye ocore idi, yiroti ñaja. ²⁹ To bajiro yibecurema, Cristo manire İ rijabosare quēnaro İ tuoīabetijare, rojose İre yirūcūmi Dios. ³⁰ To bajiro ti bajijare, jājarā ñarāja mua rijaye cutirā. Gājerāma, bajireacoana, bajireamena quēne ñarāja mua. ³¹ Cristo manire İ rijabosare quēnaro tuoīacōari, to yicōari, rojose mani yirere tuoīa, Diore mani yigotijama, rojose manire

yibetiracumi Dios. ³² Rojose mani yise suori rojose Dios manire i yijama, “Rojose yitujacōari, yure ajimena rāca rojose tāmōtujabetiraroju vabetirarāma” yigu yigumi.

³³ To bajiri yu mairā, mani uju manire i rijabosare tuoīacōari panre barā, to yicōari uye ocore idirā mua rējajama, gājerāre yucōari, ina ejajediro baba. ³⁴ Mua rējaroto rjoro, mua űiorijajama, mua ya viriju mua bajama, quēnacōaroja. To bajiro mua yijama, no yigu rojose muare yibecumi Dios.

Mua tujū ejacōari, gajeye quēnaro muare gotiracuja yu.

12

“Yu ujose rāca gāmerā ejarēmomasiao” yigu, *Esp'iritu Santo manire i yire queti*

¹ Yu mairā, gajeye Esp'iritu Santo i masise manire i ujosere gotiguagu yaja yu, “Masiao” yigu.

² Diore mua ajiracuburoto rjoro, muare yitorimi vātia uju, Satanās. To i yijare, “Ado bajirā űarāma” ina masune yitōia quēnorujeocōari, űagōmena ina űaboajaquēne, “Rētoro masirā űarāma” socarāne yiracuburoā űaűuja mua maji. ³ To bajiri, ado bajise mua masisere bojaja yu: Esp'iritu Santo rāca űagūma, “Rojose tāmōtujabetiraroju Jesūre cōaroti űaja”, yibecu űagūmi. To bajicōari, “Mani uju, Jesūre, Dione űagūmi” yiguma, Esp'iritu Santo i ejarēmose rāca tire yigumi.

⁴ “Dios i bojarore bajiro yimasiao” yigu, i masisere manire ujoyumi Esp'iritu Santo. I sīgūne manire ujoj'i i űaboajaquēne, tocārācure ricati rīne mani yimasirotire manire ujoyumi. ⁵ Dios i bojasere yirā, ricati rīne mani yimasise ti űaboajaquēne, sīgūne űaami mani uju. ⁶ Ricati rīne manire i ejarēmose ti űaboajaquēne, sīgūne űaami manire ejarēmogūma. ⁷ Ado cōrone Esp'iritu Santo manire i ujosere muare gotigu yaja: Tocārācure Esp'iritu Santo i űajama, “Gājerāre ejarēmomasiao” yigu, i masisere ujoyumi. “Esp'iritu Santo i ujoj'i űari, to bajiro yami”, yimasire űaja. ⁸ “Quēnaro tuoīacōari gotimasiogū űato” yigu, i yimasirotire ire ujoyumi. Gājirema, “Dios ocare quēnaro ajimasicōari, inare gotimasiogū űato” yigu, i yimasirotire ire ujoyumi. ⁹ Gājirema, “Dios i masise rāca yure ejarēmoracumi” i yitōiarotire ire ujoyumi. Gājirema, rijaye catirāre i catiorotire ire ujoyumi. ¹⁰ Gājirema, űaűaűamani i yīorotire ire ujoyumi. Gājirema, “Ire yu gotisere ajicōari, yure gotirētibosarimasu űato” yigu, i yimasirotire ire ujoyumi. Gājirema, gājerā ina gotisere ajicōari, “Esp'iritu Santo i ejarēmojare, inare gotiama; vātijua i ejarēmojare, inare gotiama” i yimasirotire ire ujoyumi. Gājirema, gājerā oca masibecu űaboarine, i űagōmasirotire ire ujoyumi. Gājirema, “Ti ocare buebecu űaboarine, ajimasicōari, gotirētogū űato” yigu, i yimasirotire ire ujoyumi. ¹¹ Ricati rīne tocārācure i bojarore bajiro ina yimasirotire inare ujoyumi.

“Cojo ruju űaboarine, mani rujure jairo űabateaja”, *yire queti*

¹² Mani rujure jairo űabateaja, cojo ruju űaboarine. To bajirone bajiaja mani Cristore ajitirānūrā quēne. ¹³ Jediro űaja mani. Jud'io masa, jud'io masa me űarā quēne űaja mani. Sīgari gājerāre moabosarā, gājerāma, moabosamena űaja mani. Mani jedirore oco rāca mani bautiza ecorone, manire ejayumi Esp'iritu Santo. To bajiri Esp'iritu Santo suorine Cristo yarā, cojo masare bajiro űaejayuja mani.

¹⁴ Mani ruju, cojo ruju űaboarine, jairo vāme catibatoaja. ¹⁵ Mani rujure, gubo ti tuoīajama, “Āmo me űaja yu. To bajiri, rujuaye me űaja” ti yiboajaquēne, rujuayene űacōa űaroja. ¹⁶ Gāmoro ti tuoīajama, “Cajea me űaja yu. To bajiri, rujuaye me űaja” ti yiboajaquēne, rujuayene űacōa űaroja. Tire bajirone bajiaja mani quēne. Sīgū, Cristore ajitirānugū, gājire űacōari, “Ire bajiro yimasigū me űaja yu. To bajiri Cristo yu me űagūja yu” i yiboajaquēne, Cristo yune űacōa űagūmi. ¹⁷ Mani ruju űaro cōrone, cajea rīne ti űacōajama, űno bajiro ajimasirāda mani? Tire bajirone bajiaja Cristore ajitirānūrāre quēne. Ire ajitirānūrā jediro, cojo vāme rīne quēnaro yimasirā mani űajama, gaje vāme Dios i bojasere yimasimena űaborāja mani. ¹⁸ To bajiri, Dios, manire rujeosugujune, mani ruju űasere, “Adijune ti űajama, quēnaja” yigu, mani rujuayere rujeoyumi. To bajiri, mani ruju, cojo ruju űaboarine, ricati rīne ti űabaterore bajirone bajiaja Cristore ajitirānūrāre quēne. ¹⁹ Mani rujuaye, cojojune jairijaro ti űajedicōajama, rujujuama nojua űabetoja. ²⁰ To bajiri mani rujuaye jairo űabateboarine, cojo rujuene űaja.

²¹ To bajiro ti bajijare, mani cajea ti yijama, “űie vaja maja āmo”, yimasibetoja. Mani rujoa quēne, “űie vaja maja gubori”, yimasibetoja. űajedirone manire ejarēmōaja. Tire bajiro bajiaja Cristore ajitirānūrāre quēne. Cristore ajitirānugū, gājire űacōari, “Yure bajiro yimasigū me űaami. Vaja magū űaami”, yibetiroti űaja. ²² Ado bajirojua bajiaja: Mani ruju űasere, “Adijuma űamasuse me űaja” mani yitōiaboasene űaja űamasuse. ²³⁻²⁴ Mani ruju űasere jediro toobetiboarine, “űamasuse me űaja” mani yisere, “Gājerā űaroma” yirā, sudine sāűatoorūgūaja

mani. To bajiro mani yijama, mani Ioriju rëtoro tijaure mairäre bajiro yirä yaja. “To bajirone bajiato” yigu, to bajise manire rujeoyumi Dios. ²⁵ Mani ruju jairo ñabateboarine, cojoro cõro ñamasuse ñaja. Mani Jesúre ajitirânurã quêne, to bajirone bajirã ñaja. Jãjarã ñaboarine, ñamasurã rïne ñaja mani. To bajiri variquênase rãca gãmerã mairoti ñaja. ²⁶ Mani ruju, cojoju rojose ti tãmuojama, mani ruju jedirone rojose tãmuojedicõaja. To yicõari, mani ruju, cojoju quênaro ti yiecojama, mani ruju jedirone quênaro yiecojedicõaja.

²⁷ To bajirone bajiaja mani Cristore ajitirânurã quêne. Tocãrãcane i yarã ñaja mani. Sīgũ mani rãcagu i sutiritijama, mani jedirone i rãca sutiritiaja. To yicõari, sīgũ mani rãcagu i variquênajama, mani jedirone variquênajama mani. ²⁸ “Jãjarã ñacõari, ricati yato ña” yigu, tocãrãcure i masisere manire ujoyumi Dios. To bajiri i bajirere goticudironare yuare cõacami Jesús. Gãjerã, ñre gotirëtobosaronare cũñumi Dios. Gãjerã, Dios oca gotimasioronare cũñumi. Gãjerã, ñaiañamani yĩloronare cũñumi. Gãjerã, rijaye cutirãre catoronare cũñumi. To yicõari, gãjerãrema ejarëmoronare cũñumi. Gãjerãrema, Cristore ajitirânurãre ùmato ñaronare cũñumi. Gãjerãrema, ña masibeti oca ñabosere ñagõronare cũñumi. ²⁹ “Ricati rïne yiruarãma” i yiriarã ñari, mani jedirone, Jesús i bajirere goticudirã me ñaja. Mani jedirone Diore gotirëtobosarã me ñaja. Mani jedirone, Dios ocare gotimasiorã me ñaja. Mani jedirone, ñaiañamani yĩlorã me ñaja. ³⁰ Mani jedirone, rijaye cutirãre catorã me ñaja. Mani jedirone, mani masibeti ocare ñagõrã me ñaja. Mani jedirone, mani masibeti oca ña ñagõsere buemena ñaboarine, tire ajimasicõari, gotirëtoburã me ñaja. ³¹ To bajiri, jedirone masijeobetiboarine, quênamasusejuare i uxorotire sēniña.

To bajiro mua yiboajaquêne, gajeye ñaja rëtoro ñamasuse. Tire muare gotiguagu yaja yu.

13

“Gãjerãre mani maise ñaja ñamasusema”, yire queti

¹ Cojo oca ruyabeto mani ñagõmasiboajaquêne, to yicõari, ángel mesa yere quêne ñagõmasioecõaboarine, gãjerãre mani maibetijama, vaja mana ñarãja mani. Ñagõre me ñaroja. Buto busisere yibusiorãre bajiro yirãja mani, gãjerãre mani maibetijama. ² Diore gotirëtobosarã, to yicõari, Dios ye masa ña masibetire masijeorã ñaboarine, gãjerãre mani maibetijama, vaja mana ñarãja mani. “Manire ejarëmoracumi” Cristore yituoïarã ñari, gũtaure, “Gãjeroju vururũgũcoasa mua masune” yimasiboarine, gãjerãre mani maibetijama, vaja mana ñarãja mani. ³ “Masare ñare maibetiboarine, maior bajirãre jediro yu cuosere ñare ñisioecõari, yu masu ruju quêne ñare rijabosacoarũcũja” yu yijama, “Quênaro yigu ñaami” yure ña yivariquênasere bojagu yu yijama, Dios tũju ñie vaja bujabecũja yu.

⁴ Gãjerãre mani maijama, ado bajiro bajiruarãja mani: Rojose manire ña yiboajaquêne, ñare jũnisinimenane, quênasejuare ñare yiruarãja. Quênaro ña ñajama, “Yua rëtoro quênaro ñaama”, yĩñajũnisinirã me ñaruarãja. “Ñamasurã ñaja yua” yirã me ñaruarãja. ⁵ Quênaro mani ñase rĩ mere tuoïarãja mani. Gãjerã quênaro ña ñasere quêne tuoïarãja. Gãjerã rojose manire ña yiboajaquêne, ñare rucuborã, yoaro mene jũnisini tujacoaruarãja. ⁶ Gãjerã rojose ña yisere ñavariquênamenaja. Quênaro ña yisejuare ñavariquênarãja. ⁷ Gãjerã rojose ña yijare, buto rojose mani tãmuose ti ñaboajaquêne, ñare maitujamena ñari, ñare ñagõmacamenaja. Rojose ña yiboajaquêne, quênaro ña yiro tire tuoïacõa ñaruarãja.

⁸ Gãjerãre mani maise, jedise me ñaja. Diore gotirëtobosarejuama, jedise ñaja. Masa ña masibeti oca ñagõre, mani masise quêne, jedise ñaja. ⁹ Ado bajiro ti bajijare, “Jedise ñaja”, muare yaja yu: Adirodori Dios i masise manire i ujoje ti ñaboajaquêne, jediro masibeaja mani. Ñre gotirëtobosare Dios i ujoje ti ñaboajaquêne, ñajediro ajimasibeaja mani. ¹⁰ To bajiboarine, i tũju mani ejaro, i masisere manire i ujojare, jediro ajimasioecõaruarãja mani. To cõrone adirodoriaye mani masise, vaja maniruarõja.

¹¹ Ado bajiro bajiaja: Daqueguaca yu ñajama, ñagõjeomasibeticaju yu maji. To bajicõari, quênaro tuoïabeticaju. Bucũacũja, to bajiro yu bajicaitire yitũjacaju yu. ¹² Tire bajirone bajiaja adi quêne: Quênaro ruyubetiase ëoro ñariarore bajiro Dios yere quênaro ajimasijeobeaja mani maji. To bajiboarine, Dios tũjama ëoro quênaro ruyubetiase ñarãre bajiro me Diore ñaruarãja mani. To cõrojuama quênaro ajimasioecõaruarãja mani yuja.

¹³ To bajiri idia vãme ñaja, adirũmuriaye ñamasuse mani yirũgũroti: Diore ajitirânurũgũroti ñaja. Gaje vãme, “Dios i gotiriarore bajiro i masise manire ujojeocõarucumi”, yituoïarũgũroti ñaja. To bajicõari, tusari vãme ñaja ñamasuri vãme, “Gãjerãre mairũgũroti ñaja” yiri vãme.

14

Gajeye oca masiñamani ñaboasere ña ñagõre queti

¹ To bajiri gãjerãre mani maise ñamasuse ti ñajare, mani yimasiro cõro gãjerãre mairũgũto mani. To yicõari, gajeye Dios i masise i yarãre i ujosere buto bojarã ñari, ñre sēnirũgũroti ñaja. Tire bojarã, gajeye mua bojarõ rëtoro Diore gotirëtobosarotire muare i ujosere mua

bojajama, quēnaja. ² Ado bajiro ti bajijare, to bajise muare yaja yu: Sīgū, masiñamani oca i ñagōjama, masare ñagōgū me yigumi. Diore ñagōgū yigumi, Esp'iritu Santo i ujose rāca. I rācanajuama, ire ajimasimenama, "To bajirone bajiato" yigu, Dios i yise ti ñajare. ³ Gājijuma, Diore gotirētosobagu, masare gotigu yigumi. To bajiro i yijare, butobusa Diore ajitirūnarāma. ⁴ Masiñamani oca ñagōgūrema, i sigūrene quēnaja ti. Gāji, Diore gotirētosobagujuama, i rāca rējarāre ejarēmogū yigumi.

⁵ To bajiri sigū ruyabeto oca masiñamanire mua ñagōjama, quēnaroja. To bajiboarine, Diore mua gotirētosobajama, rētosusaro quēnararoja. To bajiboarine, masiñamani oca ñagōgū i ñagōrone, "Mani rāca rējarā ajimasicōari, butobusa Diore ajitirūnuato" yigu, gāji tire i gotirētobujama, ñamasuse moagū yigumi, i quēne. ⁶ Ado bajiro bajiaja: Yu mairā, muare lagū ejagu, masiñamani oca yu ñagōjama, ñno bajiro muare ejarēmogū yiguada yu? Muare yu ejarēmorūajama, ado bajirojua yiroti ñaja: Dios i ejarēmose rāca i ocare buecōari muare gotiroti ñaja. To bajiro yu yibetijama, i ocare buebetiboarine, i ejarēmose rāca tuoīacōari muare gotiroti ñaroja.

⁷ Gotimasiore queti muare gotigu yaja: Tōroare quēnaro i jutibetijama, "Ti basare jutigu yami", yimasifia manojā. To bajirone bajiroja arpa vāme cutijure quēne. Quēnaro i yibusomasibetijama, "Ti basare yami", yimasifia manojā. ⁸ Surarare jigū, trompeta vāme cutijū quēnaro i jutibetijama, "Siarotigu yiromi", ire yiajimasimenama, quēnaro i jutibeti ti ñajare. ⁹ To bajirone bajiaja, gājerā, oca masiñamani mua ñagōboajama. Mua ñagōboasere ajimasibeticōari, "To bajiro yire ūni ñaja", yimasibetiruarāma ina. To bajiro bajica yiro, masa mano ñagōriarore bajiro bajicōaroja. ¹⁰ Adi macarucurore jājārā masa ñarāma ricati rīne ñagōrā. Ina cojo masama, gāmerā ajicōarāma. ¹¹ To bajiboarine, yu ocare ajibecu rāca, yua ñagōboajama, gāmerā ajimasimenaja. To bajiro ti bajijama, gāmerā ejarēmomasifia manojā. ¹² To bajirone bajiroja muare quēne, masiñamani oca mua ñagōjama. Gājerāre ejarēmomasimenaja. To bajiri, Esp'iritu Santo i masise muare i ujorotire buto bojarā ñari, gājerāre ejarēmorotijure sēniña, "Butobusa Diore ajitirūnuato" yirā.

¹³ Gājerāre ejarēmorotire tuoīārā ñari, masiñamani oca ñagōrā quēne, Diore sēniña mua, "Ti ocare buebecu ñaboarine, ajimasicōari, gājerāre gotirētosumasirā ñarāsa" yirā. ¹⁴ Diore sēniñū, oca masiñamani yu ñagōjama, Esp'iritu Santo i ejarēmose rāca to bajiro ñagōgūja yu. "To bajiro yiruaro yaja" yimasibetiboarine, ñagōgūja yu. To bajiri gājerāma yure ajimasimenama. ¹⁵ To bajiro ti bajijare, ado bajiro yiroti ñaja: Cojojirema Esp'iritu Santo i masise yure i ujose rāca Diore sēniroti ñaja. Gajejuma, yu masune tuoīacōari, ire sēniroti ñaja. Cojojirema Esp'iritu Santo i masise yure i ujose rāca basaroti ñaja. Gajejuma, yu masune tuoīacōari, basaroti ñaja. ¹⁶ To bajiro mani yibetijama, Esp'iritu Santo manire i ujose rāca Diore mani yirūcubujama, "Tire ñagōrā yama", manire yimasimenama ina. To bajiri, mani rāca Diore yirūcubomasimenama. ¹⁷ "Quēnaro yaja mu" Diore mani yiboajaquēne, manire ajimasibeticōari, quēnabusaro Diore ajitirūnumenama gājerā. ¹⁸ Mua rētoro masiñamani oca ñagōjaja yu. To bajiri, yu masibeti oca ñaboasere yu ñagōmasise yure i ujose ti ñajare, "Quēnaro yaja mu", Diore ire yaja yu. ¹⁹ To bajiboarine, cojomocārāca vāme cōro gotimasioruarūgūja, quēnaro ina ajimasirotire yigu. Diez mil ñari vāme ñase oca gājerā ina ajimasibeti yu gotijama, ajimasibetiborāma.

²⁰ Yu mairā, rīamasare bajiro tuoīabesa mua. Bucurā ina tuoīarore bajiro tuoīacōari, quēnaro tuoīamasifia, yu gotimasiosere. Rojosere rīamasa ina tuoīamasibetore bajiro mua quēne rojosejuarema yibeticōañā. ²¹ Dios ocare masa ina ucamasire ti gotijama, ado bajiro gotiaja: "Ina taju gajeye oca ñagōrāre cōarucuja. To bajiro yu yiboajaquēne, yure ajibeticōā ñaruarāma", yigotiaja Dios oca masa ina ucamasire. ²² Ado bajiro manire yaja ti: "Masiñamani oca, Esp'iritu Santo i masisere manire i ujose rāca mani ñagōjama, Cristore ajitirūnurā ina ñaro rījoro ñagōroti me ñaja. Ire masimena ina ñaro rījorojua ñagōroti ñaja", yaja ti manire. To yicōari, Diore mani gotirētosobajama, Cristore ajitirūnumena ina ñaro rījoro ñagōroti me ñaja. Ire ajitirūnurā ina ñaro rījorojua ñagōroti ñaja, "Quēnabusaro Cristore ajitirūnuato ina" yirā. ²³ To bajiro muare gotiboarine, ado bajise muare yicōa ñaja yu: "Masiñamani oca mani ñagōjama, ñie yaja manojā. Tire ajimasimenama gājerā, muare yicōa ñaja yu. Mani jediro rējacōari, masiñamani oca mani ñagōjama, gājerā Cristo i bajirere ajimena, to yicōari ocare ajimena, sājaejacōari, "Mecurā yama", manire yīaruarāma. ²⁴ To bajiboarine, Diore mani gotirētososañarone, sājaejacōari, Dios oca ti ñajare, "Rojose yirā ñaama" yuare yīagūmi Dios", yimasiruarāma Cristo i bajirere ajimena. ²⁵ "Yua usarījū rojose yua tuoīasere masicoami Dios", yiruarāma. To yicōari, Diore rūcuburā, gusomuniari tueturuarāma ina. To yicōari, "Socarā me yaja mua. Mua rācane ñagūmi Dios", yiruarāma.

"Rējacōari, Diore rūcuburā, ado bajiro yirūgūroti ñaja", yire

²⁶ Yu mairā, rējacōari, Diore rūcuburā, ado bajiro mua yijama, quēnaja. Sīgūri basa, gājerāma, Dios ocare buecōari gotimasio, gājerāma, Dios ñare i ñagōrotisere goti, gājerāma,

masiñamani oca ñagõ, to yicõari, gãjerãma, masiñamani ocare ajimenare, “Ado bajiro yiruaro yaja”, ñare yiruaraña mua. “Quenabusaro Diore ajitirũnũto” yirã, ti jediro gãmerã ejarẽmoruarãja mua. ²⁷ Masiñamani oca mua ñagõruajama, juarã, idiarã cõrone ñagõruarãja mua. Jãjarã ña ñagõjama, quẽnabetoja. Sīgũ ñagõro bero, ñagõrucumi gãji. Ñagõrucumi ñagõtusagu. Ajimasimena ñaboarine, masiñamani oca ña ñagõro bero, gãjerã ti ocare ajimenare ña gotisere, “Ado bajiro yiruaro yaja” ñare yigotimasiorimasu quẽne ñarucumi. ²⁸ “Ado bajiro yiruaro yaja” yigotirimasu ña manijama, ña ñaro rĩjoro mua masibeti ocare ñagõbetiroti ñaja. Ñagõbumenane, mua tuoĩase rãca Diore mua ñagõjama, quẽnaja. ²⁹ Dios ocare mua gotimasiojama, juarã, idiarã cõrone ñagõruarãja mua. Gãjerã mua ñagõsere ajicõari, “Socabeama”, yiajimasiruarãma. ³⁰ Sīgũ, ña gotiñarone, ña gotisere ajigujua, Dios ñejarẽmose rãca tuoĩacõari, ña quẽne ña gotiruajama, gotisugujua gotitajato, “Ña gotiato” yigu. ³¹ To bajiri, sīgũ ña gotiro bero, gotirucumi gãji. Ña gotirucumi gãji. To bajiro ñe yirũgũruarãja mua. To bajiro mua yivajama, sīgũ ruayabeto Dios ocare ajivariquẽnaruarãma ña. ³² Diore gotirẽtobosarã, ado bajiro bajirã ñari to bajiro quẽnaro gotirũgũruarãja mua: Mua gotirẽtose Esp’iritu Santo muare ña ujosere, “Ado cõrone tire yu gotijama, quẽnaja”, yimasirãja mua. ³³ Ñe oca mano mani rẽjasere ñavariquẽnarucumi Dios. Rẽjacõari, gãjerã ña gotiruaro rucubumenane mani ñagõjama, ñavariquẽnabecumi.

To bajiri gãjerã Jesũre ajitirũnũrã ña rẽjarore bajiro, rojose oca mano mua rẽjajama, quẽnaja. ³⁴ Diore rucubuarã, ña rẽjaro, rõmiamã ñagõbetirona ñaama, to bajiro ña yibetirũgũre ti ñajare. Ña manajua ña rotirore bajiro cadiroti ñaja. To bajirone gotiaja Dios ocare masa ña ucamasire. ³⁵ Ña masiruajama, ña ya viju tudiejacõari, ña manajuare ña sãnĩajama, quẽnaroja. “Rẽjariavijure ñagõbetiruarãma rõmia” yire ti ñajare.

³⁶ ¿No yirã yu gotirore bajiro yibeticõa ñati mua maji? “Ña oca yuare cũñumi Dios, ‘Gãjerã masare quẽnaro rojo gotibosato’ yigu”, ¿yituoĩaboati mua? “Yuã ñe Dios ocare masa ña ucamasire masirã ñaja yua”, ¿yituoĩaboati? Mua ña me ñaja Dios ocare ajicana. ³⁷ Sīgũ, “Diore gotirẽtobosagu ñaja yu” ña yijama, muare yu gotisere ajicõari, “Dios ña rotirore bajirone gotiami Pablo”, yimasirucumi. To bajirone yiruarãma gãjerã quẽne, “Esp’iritu Santo ña masise yuare ña ujosere rãca gãjerãre ejarẽmoaja yua” yirã. ³⁸ Yu gotimasiosere, “Socase ñaja” sīgũ ña yigotijama, ñe ajibeja.

³⁹ Yu mairã, ado bajiro muare yaja yu: Diore gotirẽtobosaroti, Esp’iritu Santo muare ña uxorotire buto bojarũgũña. Rẽjacõari, gãjerã masiñamani oca ña ñagõjama, “Ñagõbesa”, ñare yibeja. ⁴⁰ To bajiboarine, gãmerã rucubuarã, quẽnaro tuoĩacõari, yu gotirore bajiro yirũgũña.

15

“Socase me ñaja Cristo ña tudicature”, yire queti

¹ Yu mairã, quẽna Cristo ña bajirere muare yu gotimasiosuocature mua tudituoĩasere bojaja. Tire ajicõari, Cristore ajitirũnũrã ñaocoajũ mua. ² To bajicõari, “Pablo ña gotirore bajirone yiyumi Cristo” mua yitujabetijama, rojose mua tãmuoborotire muare yirẽtobosacõari, quẽnaro muare yirucumi Dios. To bajiboarine, mua ajitirũnũ tujajama, muare yirẽtobosabetirucumi Dios.

³ Ti oca ñamasuse, Cristo yuare ña goticati ñacaju. Ado bajiro bajiaja: Dios ocare masa ña ucamasire ti gotirore bajirone rojose mani yise vaja manire rijabosayumi Cristo. ⁴ Ñe ña jajuĩaro bero, ñe yujeyujarã ña. To bajiboarine, idiarũmu tusatirũmũne Dios ocare masa ña ucamasire ti gotirore bajirone ñe catiuyumi Dios. ⁵ To ña yijare, tudicaticõari, Pedroro ruyuaĩoñuju Cristo. Bero, ña buerã ñariarã cõrone ruyuaĩoñuju quẽna. ⁶ Bero, gãjerã quiniento rẽtoro ñarãre ñe ajitirũnũrãre ruyuaĩoñuju Cristo. To bajiri, jãjarã caticõama maji, to bajiro ña bajirere ñariarã. Gãjerãma, rijareacoasuma. ⁷ Bero, Santiagore ruyuaĩoñuju. Bero, ña ocare ña gotiroticõariarã jedirore ruyuaĩoñuju.

⁸ Ña ña ruyuaĩoriaro bero, yuare quẽne ruyuaĩocumi. Ñe yu ajitirũnũroto rĩjoro, “Cristore ajitirũnũrocu ñagũmi”, yuare yimasibeticama masa. Gãjerã Cristo rãca ñacõari, ñe ña ajitirũnũriarore bajiro ñe ajitirũnũbeticaju ya maji. ⁹ Ñe ajitirũnũrãre buto rojose ñare yisuyacacu ñari, Cristo ocare gotigu ñaboarine, ñamasugũ me ñaja yu. Gãjerã ña ocare ña gotiroticõariarã ñaama ñamasurãma. ¹⁰ To bajiboarine Dios, yuare ña maicõari, Cristo suorine ña ocare yuare gotiroticõañumi. Quẽnaro yuare ña yijare, quẽnaro ñe moabosaja yu. To bajiri, “Ñe gotirotiboacaju yu”, yuare yibecumi. Gãjerã Cristo ña oca ña gotirotiriarã rẽtobusaro gotimasiorũgũja yu, “Jãjarãbusa ñe ajitirũnũrã ñato” yigu. Yu masune yigu me yaja. Yuare ña maicõari, quẽnaro yuare ejarẽmorũgũgũmi Dios. ¹¹ Cristo ña bajire yu gotijama, gãjerã Cristo ña gotirotiriarã ña gotiaquẽne, no yibeja. Jediro muare yua gotise, ti ñe ñacõaja, mua ajitirũnũcati.

“Mani rijato bero, quēna mani tudicatibetijama, vaja maniboroja Cristore mani ajitirānuse”, yire queti

¹² To bajiri, “Ī rijato bero ĩre catiomyi Dios” yua yigotise ti űaboajaquēne, muajuama, ĩno yirā “Bajireariarā, tudicatimenama”, yati mua? ¹³ To bajiro mua yisere quēnaro tuoĭaűa mua: Tudicatire ti manijama, Cristo quēne tudicatibetiborimi. ¹⁴ Cristo ĩ rijato bero, Dios ĩre ĩ catiobetijama, ĩ oca masare yua gotise, vaja maniboroja. ĩre mua ajitirānuse quēne, vaja maniboroja. ¹⁵⁻¹⁶ To bajiri, Dios Cristore ĩ tudicatibetijama, socasere Dios ĩ gotiroticōarēre bajiro bajiborāja yua. “Bajireariarā tudicatibeticōato” ĩ yijama, Cristore quēne ĩre tudicatibetiborimi Dios. ¹⁷ “Tudicatibetirimi Cristo” mua yituoĭajama, ĩre mua ajitirānuse, vaja maniboroja. Rojose mua yisere muare masiriobetiborimi Dios. ¹⁸ To bajicōari, Cristore ajitirānuriarā quēne, tudicatio ecomenare bajiro bajirāma bajireariarā, Cristo ĩ tudicatibetijama. ¹⁹ Cristore ajitirānuriarā űaboarine, mani tudicatibetijama, ĩre ajitirānumena ĩna satiritiro rētoro tāmuborāja mani.

²⁰ Ado bajirojua bajiaja: Cristo ĩ rijacoaboajaquēne, ĩre catiomyi Dios. To bajiri ĩ űagūmi, rijacoaboarine, quēna tudicaticōari, rijabetirocū űasuoguma. To bajiro ĩ bajijare, “Mani quēne ĩre ajitirānuriarā űari, rijacoaboarine, ĩre bajiro quēna tudicaturarāja”, yimasiaja mani. ²¹ Sīgū suorine masa bajireare űasuoyuja. To bajiboarine, quēna sīgū suorine bajireacoaboarine, tudicatire űasuoyuja. ²² Ado bajiro bajiaja: Adān űamasir’i jānerabatia űari, rijaruarāja mani. To bajiboarine Cristore ajitirānuriarā ĩ yarā mani űajare, manire catiorucumi Dios. ²³ Cristo űagūmi rijacoaboarine quēna tudicatisuori. To bajicōari, adigodoju ĩ tudiejarō, ĩre ajitirānuriarā tudicaturarāma. ²⁴ To bajiro ti bajirone, adi macarucaro jediruarōja. ĩre ĩaterā űaro cōrone ĩna rotiboasere ĩnare yirotibetirucumi Cristo. Adigodoana rojose yirotirā, ō vecana rojose yirotirāre quēne ĩnare yirotibetirucumi. To yigajanoocōari, űajediro, ĩre ajitirānuriarē ĩ jacu Diojuare ujurucumi, “űajediro uju űamasugū űarūgūrucuja mu” yigu. ²⁵ Cristo ado bajiro yirocu ĩ űajare, “To bajirone bajiruarōja”, muare yaja yu: Cristo ĩ jacure ĩ ujuroto rĭjoro, ĩ rotiűarirodone, ĩre ĩaterā űaro cōrone ĩna rotiboasere ĩnare yirotibetirucumi. ²⁶ ĩre ĩaterā ĩna rotiboasere yirotibeticōari, quēna masa ĩna bajirease quēne bajibetirotirucumi Cristo. To bajiri ĩre ajitirānuriarēma, juaji rijare maniruarōja. ²⁷ Dios ocare masa ĩna ucamasire ti gotirore bajirone jediro uju űarocure Cristore cūrucumi Dios. Bajigujama, ĩ jacure rotigū me űaami Cristo. ²⁸ To bajiri, ĩre ĩaterā űaro cōrone ĩna rotiboasere ĩnare yirotibeticōari, jedirore rotigū űarucumi Cristo. Tirāmune ĩ rotimasirotire ĩ ujorere ĩre tudĭsirucumi, ĩ jacure, “űajediro uju űamasugū űarucuja mu” yigu.

²⁹ “Bajireariarā tudicatimenama” sīgūri mua yisere tuoĭacōari, gajeye muare gotirēmoruaja yu. ĩno yirā, bajireariarā, oco rāca bautiza ecobetiriārēre tuoĭacōari, “ĩnare bautiza ecobosato mani”, yati mua? Bajireariarā ĩna tudicatibetijama, oco rāca ĩna bautiza ecore vaja maniboroja ti. ³⁰ Gājerāre Cristo ĩ bajirere yua goticudise quēne, vaja maniboroja ti. Tire yua goticudijare, rojose yuare ĩna yirūase ti űaboajaquēne, goticudicōa űaja yua. Bajireariarā ĩna tudicatibetiboajaquēne, ĩno yirā to bajise yicōa űati yua? ³¹ Yu mairā, riojo muare gotiaja yu. Buto yure ĩna sĭaruajare, tocārācarāmune tire tuoĭarūgūaja. To bajiboarine, tire yu tuoĭaro cōro yu goticati suorine Jesucristo mani ujure mua ajitirānuserē tuoĭavariquēnarūgūaja. ³² Adoana, Efeso macana yure ĩatecōari, buto rojose yure ĩna yirūaboajaquēne, tone goticōa űacaju yu. Bajireariarā ĩna tudicatibetijama, yu goticati vaja, vaja bujabetiboguja yu. Mani rijato bero, mani tudicatibetijama, Cristore ajitirānumena ĩna tuoĭarore bajiro tuoĭaroti űaborōja. Ado bajiro tuoĭarāma ĩna: “Mani bajireacoajama, tudicatimenaja mani” yituoĭarā űari, “Mani bojarore bajiro yito mani”, yituoĭarāma.

³³ To bajiro ĩna yisere ajitirānubesa. “Rojose yirā rāca mua baba cutijama, quēnaro yirā űaboarine, ĩnare bajiro rojose yiruarāja mua quēne” yirere masiritibesa. ³⁴ “Mani rijato bero, tudicatimenaja mani” mua yituoĭaboasere to cōrone tuoĭatujaya mua. To yicōari, rojose mua yisere quēne yitujaya. “Rojose yirā rāca baba cutibesa”, muare yibu yu, mua rācana sīgūri Diore masimena ĩna űajare. Tire muare gotiaja yu, yu gotisere ajicōari, mua tuoĭabojonerotire yigu.

Rijacoaboarine, quēna mani tudicatiroti queti

³⁵ “Mani rijato bero, tudicatiroti űaja manire” muare yu yiboajaquēne, sīgūri űarāja mua ado bajise sēniarā: “Bajireariarā űaboarine, ĩno bajiro tudicatrāda? To yicōari, ĩno bajiro ruju catirāda?”, yure yisēniarāja mua. ³⁶ To bajiro yure mua sēniĭajama, quēnaro tuoĭamasimena yirāja mua. Ado bajirojua bajiaja: Ote mani otejama, joeaye boacoatoja. To bajiboarine, jubeayejua judiroja. ³⁷ Trigo aje, gajeye mani otejama, ruju jediro me oteaja mani. ³⁸ Mani otero bero, “Ote ti űarore bajirone judiato” yigu, tire judirotimasigūmi Dios. Trigo aje ti űajama, trigo judiruarōja. ³⁹ Gajeyere quēne tuoĭaűa: Mani catirā, jediro ricati

rīne ruju cutiaja mani. Masa, vaibucarā, minia, vai quēne ricati rīne ruju cutiama. ⁴⁰ Ō vecana quēne, ricati ruju cutirāma. “Ō vecana űato” yigu, ĩnare rujeoyumi Dios. To bajirone bajiaja, adigodoaye quēne. “Adigodoaye űato” yigu, tire rujeoyumi Dios. To bajiri ricati űaja ti. Ricati űaboarine, quēnase rīne űacōaja. ⁴¹ To bajirone bajiaja amuagu muiju ĩ bususere quēne. Ŭmuagu muiju ĩ busuro cōro me busuami űamiagu quēne. To bajicōari űamiagu muiju ĩ busuro cōro me busuama űocoa quēne.

⁴² To bajirone bajiruarāja mani. Mani rijato bero, quēna tudicaticōari, ricati ruju cutiruarāja mani. Mani rujurire gājerā ĩna yujero bero, boacoatoja. To bajiboarine, bero ricati ruju Dios manire ĩ ĩsiritujuama, rijabetitotiruju űaruaroja. ⁴³ Mani ruju boarotiruju űaja. To bajiboarine, bero Dios manire ĩ ĩsiritirujujuama, no yimasĩnamani ruju űaruaroja. ⁴⁴ Mani ruju, “Adigodoju űato” yigu, Dios ĩ rujeoriaruju űaja. To bajiboarine, bero Dios manire ĩ ĩsiritirujujuama, “Yu rāca quēnaro űaruarāma” yigu, manire ĩ ĩsiritiruju űaruaroja.

⁴⁵ Ado bajiro gotiaja Dios ocare masa ĩna ucamasire: “Adān űamasir’ire ĩ catitotire ĩre ĩsimasiűuju Dios”, yigotiaja. Adān beroagu űaboarine ĩ rētoro űamasugū űaami Cristo. ĩne űaami ĩre ajitirānurā, rijacoaboarine, tudirijayamanire ujuu. ⁴⁶ To bajiro ti bajiboajaquēne, ĩ rāca ō vecaju űarotiruju mere manire ĩsisuoyumi. To bajiro ĩ yiro bero, ō vecaju ĩ rāca mani űarotirujare manire ĩsirucumi. ⁴⁷ Adān űamasir’ire sitane rujeomasĩűuju Dios. To bajiri adigodoagu űamasĩűuju ĩ. Bero vadir’i, Cristojuama, ō vecaju vadir’i űaűuju. ⁴⁸ Adigodoana Adān űamasir’i ruju cutiriarore bajiro ruju cutiaja mani. To bajirone bajiruaraja, manire Cristore ajitirānurāre quēne. Cristo, rijacoaboarine, tudicaticōari, ĩ ruju cutiriarore bajiro ruju cutiruarāja mani quēne.

⁴⁹ Adigodoana Adān ĩ ruju cutimasiriarore bajiro ruju cutirā űaja mani. To bajiboarine, Dios tuju ejacōari, Cristore bajiro ruju cutiruarāja mani.

⁵⁰ Yu mairā, űamasusere muare gotigu yaja yu: Ado mani ruju cutisema Dios tuju űarotiruju me űaja. Gaje ruju, ruju cuticōari, Dios tuju űaruarāja. ⁵¹ Quēnaro yure ajiya mu. Masa ĩna masibeticatire muare gotigu yaja yu: Cristo ĩ tudiejaro, ĩre ajitirānurā jediro rija-jedibetiboarine, sīgā ruayabeto gaje yu, ruju cuticoaruarāja mani. ⁵² Trompeta vāme cutiju, ĩna jutibusiorone, guaro cajea bibitariorore bajirone bajireariarā, tudicaticōari, rijabetitotiruju, ruju cutiruarāma. To bajiro ĩna bajirone, mani quēne bajireamenane Cristore ajitirānurā űari, gaje ruju, ruju cutiruarāja mani. ⁵³ Ado bajiro ti bajijare, to bajiro bajiroti űaja: Mani ruju cutise, rijacōari, boaroti űaja. To bajiri rijabetitotirujuare, ruju cutiroti űaja. ⁵⁴⁻⁵⁵ To bajiro mani ruju cutirone, Dios ocare masa ĩna ucamasire ti gotirore bajiro bajiruaraja. Ado bajiro gotiaja: “Rijaroti űaboasere reajeorucumi Dios. To bajiro ĩ yijare, ĩre ajitirānurā, tudirijabetiruarāma. To bajiri, no yirā ĩna bajirotire gūimenama”, yigotiaja Dios ocare masa ĩna ucamasire. ⁵⁶ Dios ĩ rotimasiriarore bajiro yimena űari, rojose tāmucuarāma. To bajiro bajiroti ti űajare, ĩna bajirearotire gūirāma masa. ⁵⁷ To bajiboarine, mani uju Jesucristo manire ĩ rijabosare űajare, mani bajirotire gūibeaja mani. Tire tuoĩacōari, “Quēnaro yaja mu”, Diore yito mani.

⁵⁸ To bajiri Jesucristore ajitirānu űajabetiruarāja mu. yu mairā. To yicōari, mu yimasiro cōro Dios ĩ bojasere yirūgūna. “űajediro Dios ĩ bojase mani yijama, quēnaro manire yirucumi” yituoĩacōari, to bajiro yirūgūna.

16

Jerusalén macanare ejarēmora, gājoa ĩna juarēore queti

¹ Gājerā Cristore ajitirānurāre ejarēmora gājoa mu juarēoritire muare gotigu yaja. Galacia sitana Cristore rucuborā ĩna rējaro, ĩnare quēnaro yu roticatore bajiro muare rotigu yaja. ² Tocārāca domingo űaro, gājoa mu ĩsiuaro cōro, mu ĩsijama, quēnaja. Tire cojojane juarēcūma. To bajiro mu yijama, mu tuju yu ejaro, tire juarēoroti maniruaraja. ³ Mu tuju ejacōari, gājoa mu cūsere juavaronare, “Ānoa űaama tire juavarona”, yiba. To bajiri, queti ĩnare ucabosarucuja yu. “Ānoa űaama quēnaro yirā. ĩnare quēnaro bocaāmiűa” yire quetire ĩnare ucabosarucuja yu, “Jerusalén macanare ĩoato” yigu. ⁴ “Pablo rāca varuarāma” mu yituoĩajama, yu rāca varuarāma.

Pablo, Corinto macaju ĩ varua tuoĩare queti

⁵ Macedonia sitaju varucuja yu. Toju ĩacudigu vacune, mu tuju ejarucuja. ⁶ Yoaro, juebucu űaro cōro mu rāca űarucuja, yu bajijama. Mu tu yu űaro, gājerā tuju yu ĩacudigu varotire yirā, yure ejarēmorarāja mu. ⁷ Ado cōrone mu tu yu vajama, yoaro mu rāca űabetiboguja yu. To bajiri mu tuju vabeaja maji. Mani uju ĩ bojajama, yoarobusa mu rāca űaboguja yu. ⁸⁻⁹ Efeso macajane űacōarucuja maji, jājarā yure ĩaterā ĩna űaboajaquēne, Jesús ĩ bajire yu gotimasiosere quēnaro ajiruarā jājarā ĩna űajare. To bajiri Pentecostēs boserāmu adoana ĩna yiro bero, varucuja yu.

¹⁰ Timoteo, mua tu i ejajama, “Manire güibecune, quênaro riojo gotiato” yirã, quênaro ñre yiba. Yure bajirone mani uju i bojasere yigu ñaami i quêne. ¹¹ To bajiri ñre quênaro rãcũboba. Yu tuju vagu, muare ñarëtovagumi. To bajiri, yu tuju ejagu, “Variquênase rãca ejato i” yirã, quênaro ñre ejarëmoama. Gãjerã Cristore ajitirũnurã rãca i ejarotire ñayuruarãja yua.

¹² Mani maigã, Apolos i bajisere yure sënĩacõañũja mua. Gãjerã Cristore ajitirũnurã rãca mua tuju ñre varotirũgũboacaju yu. Varuabeticami. No bojarirũmu i vatirũmu, varucumi, bajigũjuma.

“Estéfanos mesa ñna rotirore bajiro mua yijama, quêna”, Pablo ñyire queti

¹³ Rojose yirãre güimenane, quênaro tuoĩacõari ñarũgũña mua. To bajicõari, mani uju Cristore tuoĩatujabesa, “Dios i bojasere yitujarobe” yirã. ¹⁴ Mua yise jediro quênaro gãmerã maire rãca yirũgũruarãja mua.

¹⁵ Acaya sitagu, Estéfanos, i yarã rãca Cristo i bajirere yu gotimasiosere ajitirũnusucama. Adirũmari ñarã, Cristore ajitirũnurãre ejarëmoama ñna. Tire masiaja mua. ¹⁶ Ñnare, to yicõari, ñna rãca moarãre quêne quênaro mua cãdisere bojaja yu.

¹⁷ Estéfanos, Fortunato, Acaico ñna ejasere buto variquênaja yu. Jediro yu tuju mua ejama-sibetijare, ñajua, ejacõari, mua gotiroti ñaboasere quênaro muare gotibosama. ¹⁸ Quênaro muare ñna gotibosajare, mua variquênarore bajiro variquênaja yu quêne. To bajiri, “Yuare quênaro mua gotibosajare, variquênaja yua” yirã, quênaro ñnare yiba mua.

Pablo, ñnare i quênaroticõare queti

¹⁹ Asia sitana Cristore ajitirũnurã, “Quênato”, muare yicõama. Aquila, i manajo Prisca, ñna ya vi rëjarã quêne, mani ujure ajitirũnurã ñari, muare quênarotiama. ²⁰ Adoana Cristore ajitirũnurã, muare mairã, “Quênato”, muare yicõama ñna quêne. Gãmerã mairã ñari, rëjacõari, quênaro gãmerã yiba.

²¹ Yu Pablo, yu masune, “Quênato”, muare yiucacõaja yu.

²² Mani ujure ñre ajitirũnumena, rojose tãmuotujabetiriaroju varuarãma ñna. Mani uju, yoaro mene i tudiejasere bojaja yu.

²³ Mani uju, quênasere muare cõarũgũato. ²⁴ Mua quêne, Jesucristore ajitirũnurã mua ñajare, “Muare buto tuoĩamaiaja”, muare yicõaja yu.

To cõro ñajare.

Segunda carta de San Pablo a los CORINTIOS

Corinto vāme cuti macana, Cristore ajitirānūrāre, Pablo ī uacāōare queti

¹⁻² ĆNati mua Corinto vāme cuti macana, Dios suori ī macu ocare ajitirānucōari, rējarūgūrā? Adi queti muare ucaja yua. Jesucristo suori Dios yarā űaja űaja mua. Mua rī mere ucaja yua. Mua ye sitana, Acayana jediro Dios yarā adi quetire ĩna ĩarotire bojaja yua. Muare quēnarotirā, mani jacu Diore, to yicōari, Jesucristo mani űjare ado bajise muare sēnibosaja yua: “Quēnaro mua rāca ĩna ĩarotire yirā, ĩnare ejarēmōña”, muare yisēnibosaja yua. Yū ıaja Pablo, adi paperare muare cōagū. “Yū ocare gājerāre gotimasiodirucuja mu” yigu, Dios ī bojarore bajiro yure cōacami Jesucristo. Mani maigū, Timoteo rāca ıaja yu.

³ Diore ĩre rācubuto, mani űjare Jesucristo jacare.

ĩne űaami manire ĩamaigū. Mani tuoĭasutiritisere, “Sutiritibeticōato” yigu űaami. ⁴ űajediro rojose mani tāmujama, manire ejarēmōrūgūami. To bajiro manire ī yisere masicōari, mani quēne, gājerā rojose ĩna tāmujama, ĩnare ejarēmomasiruarāja mani. ⁵ “Diorāca quēnaro űato” yigu, rojose manire tāmujobosayumi Cristo. To bajiri, gājerā Diorāca quēnaro ĩna ıarotire yirā, rojose tāmujobosarūgūaja yua quēne. Butobusa rojose yua tāmujōnaro rīne, “Sutiriti tujacōari, variquēnato” yigu, butobusa quēnaro manire ejarēmōrūgūami Cristo. To bajiro ti bajijare, “Quēnaro yaja mu”, Diore ĩre yivariquēnarūgūaja yua. ⁶ To bajiri, muare quēnaro yua ejarēmōsere, to yicōari, ī rāca quēnaro mua ıarotijare quēne tuoĭarā ıari, rojose tāmujorūgūaja yua. To bajiro yua bajiboajaquēne, yuare quēnaro ejarēmōrūgūami. To bajiri, yua suorine muare quēne ī ejarēmōjare, mua quēne, rojose tāmujobosarūgūami, Cristore ajitirānū tujabetiruarāja. ⁷ “Rojose mani tāmujore bajiro rojose tāmujorā ĩna ıajare, manire ī ejarēmōrōre bajiro ĩnare quēne ejarēmōgū yigūmi Dios” yimasirā ıari, “Cristore ajitirānū tujabetiruarāma”, muare yituoĭaja yua.

⁸ Yū mairā, adoıu, Asia sitaju buto rojose yua tāmujocatire mua masisere bojaja yu. Buto rojose tāmujocana ıari, “Yuare sĭabeticōato” yirā, no bajiro yimasibeticaju yua. ⁹ “Manire sĭaruarāma”, yituoĭacaju yua. “Dios űaami manire rujeorī, rijariarāre quēne catiogu. To bajiri adigodogure ī sĭgūne űaami manire maigū” yua yituoĭarotire yiro bajicaju. ¹⁰ Yuare ĩna sĭaborotire yirētobosayumi Dios. To bajiri, “Ĭ yicatore bajiro manire yirētobosarūcūmi quēna”, ĩre yituoĭa variquēnacōa ıaja yua. ¹¹ Diore mua sēnise suorine yuare ejarēmōruarāja mua quēne. Gājerā quēne, yuare sēnibosaruarāma. To bajiri ĩna rāca ıajarā ıaruarāja mua, yuare quēnaro Dios ī yisere ajicōari, “Quēnaro yaja mu”, Diore ĩre yirona.

“Ado bajiro tuoĭagū ıari, mua tujū vabeaja yu maji”, Pablo ī yire queti

¹² Ado bajise tuoĭacōari, variquēnaja yua: “Dios ī bojarore bajiro masare quēnaro yicaju mani”, yituoĭaja yua. Masare yitorā me ıaja yua. “Corinto macana rāca ıarā, quēnaro Dios ocare gotimasiodicaju”, yituoĭaja yua. Yuare quēnaro yiyumi Dios, “Gājerāre quēnaro yato” yigu. Yua masune yua tuoĭasene gotibeticaju. Dios ī masise rāca to bajiro yicaju yua. ¹³ Muare uacacōarā quēnaro riojo mua ajimasirotire ucacaja yua. To bajiri ıajediro yua ucacatire quēnaro ajimasirūja mua. Bero quēne, jediro yua ucarotire ajimasiruarāja mua. ¹⁴ To bajiboarine, yua ucasere quēnaro ajimasijeobeaja mua maji. Quēnaro yuare mua ajimasijeosere bojaja yua. Yuare mua ajimasijeojama, mani űjare Jesucristo ī tudiejarirāmu ti ejaro, “Quēnaro yuare gotimasioĭuma Pablo mesa”, yivariquēnaruarāja mua. Yua quēne, “Quēnaro ajitirānūrā űaama”, yituoĭa variquēnaruarāja.

¹⁵ Tire tuoĭagū ıari, quēna muare ıagū varua tuoĭacaju yu. “To bajiro yū bajijama, ĩnare yū ejarēmōjare, butobusa variquēnaruarāma”, muare yituoĭaboacaju yu. ¹⁶ “Macedonia sitaju vacu, ĩnare ĩarētōarucuja yu. Quēna tudiaıu, ĩnare ĩarētōadirucuja”, yituoĭaboacaju. Mua tujū ejacōari, “Judea vāme cuti sita yū ejamasirotire yirā, yure ejarēmōruarāma”, muare yituoĭaboacaju. To bajiro yituoĭaboarine, beroıu ricati tuoĭacaju yu. ¹⁷ Mua tujū yū ejabetijare, “Quēnaro tuoĭabecune, to bajise yituoĭaboayumi”, yure yirāja mua. “To bajiro yirucuja yu” yiboarine, ricatijua yigu me ıaja yu. ¹⁸ Mani jacu Dios, riojo gotigū űaami. To bajiri yu, yū babarā quēne riojo gotirā ıaja yua. To bajiro yiruarāja yua yijama, yua yirore bajirone yaja yua. “To bajiro bajirā űaama”, yuare yĭagūmi Dios. ¹⁹ Jesucristore ajitirānugū ıari, to bajiro yaja yu. Yū Pablo, Silvano^a, Timoteo quēne, Jesucristo yere muare goticaju yua. Ĭ ye queti socame me ıaja. “To bajiro yirucuja” yiboarine, ricatijua yire me ıaja. To bajiri, “Yiruarāja” yua yirore bajirone gotirūgūaja. ²⁰ “Quēnaro masare yirucuja” Dios ī yigoticūre

^a **1:19** Jesucristore ajitirānugū ıari, to bajiro yaja yu. Yū Pablo, Silvano^a, Timoteo a 1.19 Silas ti yijama, griego oca rāca yiyuju. Silvano ti yijama, latīn oca rāca yiyuju. Hch 15.22; 18.5; 1 Pe 5.12 macaıa.

jedirore yijeogu ñaami Cristo. To bajiro yigu i ñajare, quënarō Diore yirācūbuo variquëñaja mani. ²¹ Ìne ñaami Dios, muare, to yicōari yuare quëne, Jesucristo yarā mani ñarotire yigu, manire beser'i. To yicōari, yuare i ye ocare ūmato gotimasioronare yuare cūcami. ²² “Yū yarā ñaruarāma yuja” yigu, mani ūsuriyure cōañumi, Esp'iritu Santore. Mani ūsuriyure ejacōari, i ñajare, “Jesucristo yarā ñaja mani. To bajiri Dios i gotiriarore bajirone jediro i ñaroju quënamasusere bujaruarāja”, yimasiaja mani.

²³ Ado bajiro tuoīagū ñari, mua tuju vabeticaju yu maji: Mua tuju ejacōari, muare yu gotiserene, “Tud'ire bajiro ajisutiritiroma” yigu, vabeticaju yu. To bajiri vabeticōari, “Queti yu ucase rāca ñare gotirūcūja maji”, yituoīacaju yu. Socu me yaja yu. Riojo masiami Dios quëne. ²⁴ Muare rotiruarā me to bajiro muare gotimasioaja. Jere Diore quënarō tuoīamasirā ñaja mua. Quënarō mani ñajediro variquëñase rāca butobusa Diore mani masirotire yirā, muare ejarēmōrūgūaja yua.

2

¹ Tirāmujū mua tuju ejacōari, muare yu gotiro, buto sutiriticaju mua. To bajiri sutiriticaju yu quëne. To bajiro ti bajijare, quëna yu ñaro rījoro mua sutiritirotire bojabecu ñari, “Īna tuju ñagū vabecūja yu maji”, yituoīacōacaju yu. ² Mua sutiritijama, ñimu rāca variquëñabetibogūja yu. To bajiri muare yu gotise suorine mua sutiritisere bojabecu ñari, vabeticaju yu. ³ Mua tuju ejacōari, sutirititēgu, muare paperare ucacōacaju, mua rāca yu variquëñarotijure bojagu ñari. ⁴ Ti quetire muare ucagu, sutiriticōari, buto oticaju yu. Tire mua ñasutiritirotire bojabeticaju. Tire iacōari, “Buto manire maiami Pablo” mua yimasirotire bojacaju.

“Rojose yirere masirioya”, Pablo i yire queti

⁵ Mua rācagu rojose i yirere ajicōari sutiriticaju yu. Yū sīgū me sutiriticaju. Rojose i yirere masicōari, sutiritiriarāja mua quëne. Butobusa i sutiritirotire mua yisere bojabeaja yu. ⁶ Jere jājarā rējacōari, rojose i yire vaja rojose ñe yiyuja mua. “To cōrone rojose tāmūoato” ñe mua yisere bojaja yu. ⁷ Rojose i yirere masiriocōari, ñe baba cutiya quëna. To bajiro mua yibetijama, sutiriticōari, Cristore ajitirānu tujacoarūcumi. ⁸ To bajiri quënarō ñe yiya mua yuja, “‘Yure maiama’ yimasiao i” yirā. ⁹ Tirāmujū papera muare ucacōacaju yu, “‘Yū yirotsere yicōati?’ yimasirū. ¹⁰ Gāji rojose i yirere mua masiriojama, yu quëne i yirere masirioaja. To bajiri rojose i yire ti ñajama, ñe masiriorūcūja. Buto muare maigū ñari, Cristo i ñaro rījorojua to bajiro yirūcūja. ¹¹ Mani gāmerā masiriocōa ñajama, vātijua i bojarore bajiro manire rotimasibecumi. Bajirājuma, masare rojose i yitoajerūgūšere jere masiaja mani.

Troas vāme cuti macaju ejacōari, Pablo i tuoīarejaire queti

¹² Troas vāme cuti maca ejacōari, Cristo oca quënasere toanare gotimasio ñacaju yu. To yu bajirone, jājarā masa yure ajirā ejacama. ¹³ To bajiro ña ajirūaboajaquëne, yūjua, mani maigūre mua tuju yu cōacacure Tito vāme cutigūre bujabeticōari, buto tuoīarejaicaju yu. To bajiri, toanare vare goticōari, ñe macagū vadacaju yu, adoju, Macedonia sitaju.

¹⁴ “Cristo manire i rijabosare suorine vātia ūja, rojose yirotiḡu, manire i rotiriarore bajiro yibeticōato” yigu yiyumi Dios. To bajiro i yijare, vātia ūjare ajibeticōari, Dios i bojasejuare yirūgūaja mani. “Jediroju quëñase sutise ti sutibatorore bajiro ñajediroanare ti quetire gotibatoato” yigu, yuare goticudi rotirūgūami. To bajiro yigu i ñajare, “Quënarō yaja mu”, Diore yivariquëñato mani. ¹⁵ Ti quetire masare yua gotibatōšere ñavariquëñagūmi Dios. Yua gotibatōšere suorine masa jediro, Dios tuju varona, rojose tāmūotujabetiriaroju varona quëne, tire ajijedirāma. ¹⁶ Cristore ajitirānumena rojose masu ña bajirotire yua gotimasiosere ajiteamu, rojose tāmūotujabetiriaroju varona ñari. Gājerājuma, Dios tuju varona, quëñase masu ña bajiroti yua gotijare, tire ajivariquëñaama. Yua masune yua tuoīasene gotibeaja. Dios i masise rāca tire gotimasiorūgūaja. ¹⁷ Bajirājuma, gājerā, jājarā ñarāma, Dios ocare gotimasiorā. Ìnama, “Tire goticōari, gājoa bujarāsa” yirā ñaama. Yuaajuama, ñare bajiro yirā me ñaja. Jesucristo yarā, Dios i cōariarā ñari, i ñaro rījorojua rācūbuose rāca i ocare gotimasiorūgūaja.

3

“Quënarō muare yirūcūja’ Dios i yiriarodo ti ejajare, ado bajiro bajiaja”, Pablo i yire queti

¹ Ìna masurione, “Quënarō gotimasiorā ñaja”, yama Pablo mesa. Papera jūro, “‘Quënarō gotimasioama’ yirijūro gājerā ñare ña ucabosariajūrore ioroti ñaja” yirere yiiboarāja mua. Bajibeaja. Gājerā gotimasiorimasajuma, to bajiro yiriajūrore ña iorore bajiro ioroti me ñaja yuarema. ² Mua ñaja “Dios ocare quënarō gotimasioama” yua yīiorijūrore bajiro bajirā. Muare iacōari, “Pablo mesa, ñare ñamaicōari, Dios ocare quënarō gotimasioñuma”, yuare yimasirāma masa jediro. Rojose mua yirere yitujacōari, quënarō mua yisejuare ñarā ñari, to bajise yirāma. ³ “Cristo i ejarēmōjare, to bajiro bajiaja”, muare yimasire ñaja. Tirāmujū

gūtajāiriju ucatucūmasiriarore bajiro muare yibesumi Dios. Ado bajirojua yiyumi: Mua usaju Esp'iritu Santore cōaŋumi. To yicōari, quēnasejuare tuoīartire yiyumi, “Cristo yarā űaama” gājerā muare űa yirotire yigu.

⁴ “Cristo suorine manire ejarēmoami Dios” yirā űari, “Ti quetire quēnaro gotimasioaja”, yaja yua. ⁵ “Yua masurio yua masise rāca masare gotimasioaja”, yibeaja yua. űajediro quēnase yua yise, Dios i masise rāca yaja. ⁶ To bajiri Dios oca tirūmuayere i vasoarere gotirētobumasiaja yua. “Yu roticūsera cudijeobecane, i bajirocajama, rojose tāmūotujabetiriaroju varucūmi”, yigotiyuja tirūmuaye. Mameayejuama, tirūmuayere bajiro me bajiaja. Ado bajirojua bajaia: “Esp'iritu Santore cūorā rīne yure cudiruarāma. To bajiri, Diorāca űacōa űarūgūruarāma”, yigotiaja Dios oca.

⁷ Tirūmuja i rotirere gūtajāiriju ucacōari, Moisés űamasir'ire űisimasifiuju Dios. Tire űa cudijeobeti suori rojose tāmūotujabetiriaroju varoti űamasifiuju. Tire űisirone, buto yaase rāca ejayuju, “Dios ye űaja” yiro. Ado bajiro bajimasifiuju ti: Dios i ucarijāirire i boca juarone, buto i rioga yaamasifiuju, Moisére. Buto yaarica rioga cutigu i űajare, űe űamasibetimasifiujarā israelita masa. To bajiboarine yvaro mene quēna yaabeticoamasifiuju. ⁸ Adirodorirema, mameaye oca, Dios i vasoare űajare, Esp'iritu Santo, mani usariju ejacōari, i ejarēmose suorine Diorāca mani űacōa űarūgūrotire masiaja mani. To bajiri “Tirūmuaye oca rētoro űamasuse űaja mameaye oca Dios i vasoare”, yituoīaja mani. ⁹ Tirūmuaye oca Moisére cūgū, “űamasuse űaja”, yīomasifiuju Dios. To bajiro i yire ti űaboajaquēne, gājerā tire cudijeomena űari, “Rojose tāmūotujabetiriaroju”, yituoīomasifiujarā masa. Yucurema mameaye oca Dios i vasoare suorine, “Dios i űajama, rojose mana űaja”, yimasiaja mani. To bajiri, “Tirūmuaye rētoro űamasuse űaja”, yimasiaja mani. ¹⁰ Mameaye oca, Dios i vasoare, tirūmuaye rētoro űamasuse ti űajare, “űamasuse me űariaroja tirūmuayema”, yituoīvasoare űaja, adirodorirema. ¹¹ Dios i vasoare, juaji i vasoabetiroti i űajare, “Tirūmuaye ocama yvaro űabesuja”, yimasiaja mani. To bajiri yucurema, “Tirūmuaye oca rētoro űamasuse űaja”, yituoīaja mani.

¹² “űamasuse űaja Dios i vasoare” yituoīarā űari, bojonemenane tire gotimasioacudirūgūaja yua. ¹³ Moisés űamasir'ire bajiro bajirā me űaja yua. Moiséma, Dios űe i űagōro bero, i rioga yaase yayirūtuasere, “Israelita masa űaroma” yigu, i rujoa jeiaro jeotoomasifiuju. Yuaa, i yimasiriarore bajiro yayior'i, masare gotimasioabetirūgūaja. ¹⁴ Tirūmuajere quēne Dios ocare ajitirānūubetimasifiujarā israelita masa. To bajiri i ocare ajiboarine, “To bajiro yirūaro yaja”, yimasibetimasifiujarā. Adirāmuri quēne to bajirone bajicōa űaama űa. Cristore ajitirānūrā rīne, Dios ocare űacōari, ajimasiamā űa. ¹⁵ Tire muare tudigotiaja yu. Israelita masa, mani űu Cristore ajitirānūubeticōari, Moisés i ucamasire ajimasibeama maji. ¹⁶ To bajiboarine, rojose űa yisere yitujacōari, mani űure űa ajitirānūusojama, űare ejarēmogūmi, “Tire ajimasiatō űa” yigu. ¹⁷ Mani űure ajitirānūusorāre ejami Esp'iritu Santo. To bajiri, “Rojose mana űaama” Dios i yīavariquēnarā űari, “Dios i rotimasire mani yijeobeti vaja, rojose manire yirucūmi Dios”, yituoīabeaja mani. ¹⁸ Jesucristore ajitirānūrā űari, “Quēnarētogū űagūmi”, űe yituoīamasiaja mani. To bajiri, i bojarore bajiro yirūgūaja mani. To yirā rīne, butobusa űe bajiro bajiruarāja mani, Esp'iritu Santo i ejarēmōrā űari.

4

¹ Yuare űamaicōari, i ocare yuare gotimasiorotiyumi Dios, masare. To bajiro yuare i yijare, tire tuoīavariquēnacōari, ti ocare gotimasioacudirūgūaja yua. ² Masa bojoneosere yirā, yayioroju űa yirore bajiro yibeaja yuaa. “Manire ajitirānūato űa” yirā, masare yitobeaja yua. Gājerā, “Quēnase bujarāsa” yirā, űa masu űa tuoīarujeorore bajiro gotimavisioabeaja yua, “Manire űagūmi Dios” yirā űari. To bajiri, “Quēnaro gotimasioama Pablo mesa”, yuare yimasijedirāma masa. ³ Quēnaro gotimasiorā yua űaboajaquēne, jājarā űaama tire ajimasimena. Mani űure ajiterā űari, to bajiro bajiamā. Rojose tāmūotujabetiriaroju varona űaama űa. ⁴ “Ajimasibeticōa űato” Satanās i yise űajare, yua gotimasiosere ajimasibeama. ű űaami vātia űu, Dios i bojabetire masare űare yirotingu. Cristo, Diore bajiro bajigu i űajare, i oca quēnamasusere ajitirānūcōari, quēnaro űe masa űa rūcūbusere bojabeami Satanās. ⁵ “Yuaűare rūcūbuoya” yirā me, ti ocare gotimasiorūgūaja yua. “Mani űu Jesucristojuare rūcūbuoato” yirāűa yaja. Jesure maicōari, muare moabosarāre bajirone bajirūgūaja, tire muare gotirā. ⁶ Dios, rēmojne adi macarucaro rētiaboarere busurotimasifiuju. Tire i yimasiriarore bajirone i yere mani ajimasibetiboarere mani ajimasiorotire yiyumi. To bajiri, “Quēnarētogū űaami Dios”, yimasiaja mani yucurema yuja, Jesucristo quēne quēnamasugū i űasere masirā űari.

Cristore ajitirānūcōari, quēnaro űare queti

⁷ Cristo i gotiroticōariarā, űamasurā me űaja yua. ű ocaja űaja űamasusema. Yua masune yua tuoīasene masare gotimasioabeaja. Buto tuoīamasirā me űaja yua. To bajiro yua bajisere

bojagumi Dios, “Ína masise Ína ye me ñaja. Dios yene ñaja” masa yuare Ína yimasirotire yigu. ⁸ Gãjerã buto rojose yuare yirũgũama. To bajiro Ína yiboajaquẽne, Dios í bojarore bajiro gotimasiocõa ñarũgũaja yua. Rojose tãmuoboarine, “¿No bajiro bajirãti?”, yituoãrejaibetirũgũaja. ⁹ Jãjarã yuare ìaterã Ína ñaboajaquẽne, Dioma yua rãca ñacõa ñarũgũami. Cojoji me buto rojose yuare yiboarine, siabetirũgũama. ¹⁰ No bojaro yua vacudiroju yuare siaruarã ñaama Ína. Jesũre Ína siariore bajiro yuare quẽne siaruama. “Yuare siroma” yigu, yuare quẽnaro coderũgũami Jesũs. Tire ñacõari, “Catigu ñaami Jesũs”, yituoãrũgũama masa. ¹¹ Jesũre ajitirũnurã yua ñajare, yuare siaruarũgũama masa. Yuare Ína siaruaboajaquẽne, yua caticõa ñasere ñacõari, “Tudicaticõari, Ìnare ìatirũnurũgũami Jesũs”, yĩãmasire ñaja. ¹² To bajiro rojose tãmuoboarine, yua gotimasiocati ñajare, Jesũre ajitirũnurã ñasoacaju mua. To bajiri, mua rijato beroju mua catirotire Dios í catisere í Ísicana ñaja mua.

¹³ Masa yuare Ína siaruaboajaquẽne, no yibeaja yuare. Sígũ Dios ocare ucamasir’i Diore í ajitirũnuriarore bajiro ajitirũnũcõa ñaja yua quẽne. Ado bajiro gotiaja í ucamasire: “Diore ajitirũnũgũ ñari, í ocare masare gotimasioaja yu”, yigotiaja Dios oca í ucamasire. To bajiro tuoãja yua quẽne. Diore ajitirũnurã ñari, yua catiñaro cõro í ocare gotimasiocõa ñaruarãja yua. ¹⁴ Ado bajiro tuoãrã ñari, masa yuare Ína siaruasere giũbeaja yua: “Mani uju, Jesũs í rijacoaboajaquẽne, Ìre catiomyi Dios. To bajiri, Jesũs yarã mani ñajare, manire quẽne, catiorucumi Dios”, yituoãja yua. “Muare quẽne catiocõari, í ñaroju ò vecaju manire yua varucumi Dios”, yituoãja yua. ¹⁵ Ado bajiro tuoãrã ñari, “Yua rãca varuarãja mua”, yibu yua: “Mani gotimasiosere ajirona quẽnase bujato Ína’ yirã, rojose tãmuorũgũaja mani”, yituoãja yua. To bajiri mani uju ocare gotimasiorã ñari, rojose tãmuorã ñaboarine, tire gotimasiocõa ñaja, “Jãjarãbusa Jesucristore ajitirũnurũtuajaro” yirã. “Manire ìamaicõari, quẽnaro yami Dios”, yivariquẽnaruarãma Ìre ajitirũnurã. To bajiri, jãjarãbusa ñarũtuaruarãma Ìre quẽnaro rãcubũorã.

¹⁶ To bajiri, Dios, quẽnaro yuare í yijare, tire tuoãvariquẽnacõari, í bojarore bajiro yirũgũaja yua. Yua rujujuma butobusa ti bucũajedi vaboajaquẽne, yu tuoãsejuama tocãrãcarãmũne butobusa quẽnase yirua tuoãrũtuana yaja yua, Dios í ejarẽmose rãca. ¹⁷ Adigodo ñarã, rojose yua tãmuorũgũse yoaro mene jedicoaroti ñaja. Beroju Dios í ñaroju, jedibetirõtire, quẽnamasusere bujaruarãja yua. ¹⁸ “Mani rujuaye, mani ìase jediro, yoaro me jedicoaruaroja. Mani ìabujabetijuma, ñacõa ñarũgũuroti ñaja”, yituoãja yua. To bajiri yua ìase, tire buto tuoãbetirũgũaja yua. Diore, to yicõari, í ye yua ìabujabetijua rema buto tuoãrũgũaja.

5

¹ To bajiri mani rujuama, vire bajiro bajiriruju ñaja. Vi ti boarore bajirone, mani ruju quẽne boaruaroja. Ti boacoaboajaquẽne, mani rijato beroju gajeruju manire vasoarucumi Dios, ò vecaju. Ti rujuama, boabetiruju ñaruaroja. To bajiro í yirõtire jẽre masiaja mani. ² To bajiro mani bajiroti ti ñajare, cojojirema adigodoju ñarã, buto rojose tãmuoboana, ò vecaju mani ñarotiruju rãcãjua ñarua tuoãrũgũaja mani. ³ Adirũmuri mani uju í tudiejajama, buto quẽnaruaroja. Gãjerã rijariarã gaje ruju Dios í vasoabetiriarã tujare vabetiruarãja mani. Riojone gaje ruju vasoaruarãja, to bajiro í bajijama. ⁴ To bajiri, cojojirema adigodo ñarã, rojose tãmuoboana, ruju cuti gajerũgũaja mani. Tire mani yijama, “Bajiyayirua” yirã me yaja. Bajiyayibetiboarine, rijabetiruju bojarã yaja. ⁵ Mani tuoãrũjeure me ñaja ti, mani ruju vasoaroti. Dios ñaami, “Gaje ruju vasoaruarãma” yir’ima. To yicõari, Esp’iritu Santore manire cõañumi. “Dios í gotiriarore bajirone mani rujare vasoarucumi’ yimasiao” yigu.

⁶ “Maji adigodoju ñarã, mani uju Cristo í ñaroju ejamasibeaja”, yimasiaja. To bajiri mani bajirotire tuoã yurã, tire tuoãvariquẽnãja mani. ⁷ Adigodo ñarã, Cristore ìabetiboarine, “Í gotiriarore bajirone quẽnaro yirucumi”, Ìre yituoãrũgũaja mani. ⁸ Adoju to cõrone ñaruaja mani, mani uju í ñarojare mani varõtire yirã. ⁹ To bajiri adigodoju ñarã quẽne, ò vecaju mani ñarã vajuquẽne, Dios í ìavariquẽnase rĩne yiruarũgũaja. Disejua gajeye ñamasuse maja manire. ¹⁰ Cojorũmu mani jediro Cristo í ìaro rĩjorojua ejarona ñaja mani. To bajiri, “Ánoa ñaama quẽnase yicana. Ánoa ñaama rojose yicana”, yĩãbeserucumi. Yĩãmasicõari, manire vaja yirucumi.

“Cristo í rijabosare suorine Dios í ìavariquẽnarã ñaja mani”, Pablo í yire queti

¹¹ To bajiro í beserirũmu ti ejaro, “Rojose ìnare yiromi” yirã ñari, “Ìre ajitirũnuato” yirã, ìnare gotimasiorũgũaja yua. “To bajirone tuoãaama Pablo mesa”, yuare yimasigũmi Dios. Mua quẽne, to bajirone mua yituoãsere bojaja yua. ¹² Tire muare yua gotijama, yuare mua ìavariquẽnasere bojarã me yibu yua. Ado bajirojua bajiaja: Yuare ñagõmacarãre, “Ado bajiro tuoãcõari, cõdimasiato” yirã, tire muare gotibu yua. Yuare ñagõmacarã ñaama, gãji í tuoãsere masibetiboarine, “Quẽnagũ ñaami”, yituoãrãma. Quẽnaro í bajisere ñacõari, “Quẽnagũ ñaami”, yĩãrã ñaama. ¹³ Yuare ñagõmacarã sīgũri, “Tuoãmasimena, mecũrimasa ñaama Pablo mesa”, yuare yirãma. No yibeaja ti. Dios í bojarore bajiro masare gotimasioaja yua. Gãjerãma,

“Quênaro yitomasirã ñarãma”, yuare yĩñagõmacarãma. Ti quêne, no yibeaja. “Muare yitorã yama” muare ña yiboajaquêne, tire ajicõari, Dios ye quênase bujaja mua. ¹⁴ “Manire ñamaiami Cristo” yituoĩacõari, ñe cudiruaaja yua. Manire buto ñamaigũ ñari, rojose mani yise vaja manire rijabosayumi. To bajiri, “Ñe ajitirãnurãre manire ñ rijabosare ñajare, mani quêne ñ rãca rijariarãre bajiro bajiyuja”, yituoĩaja mani. ¹⁵ “Rojose yitujacõari, yu bojaseyuare yimasiato” yigu, ñe ajitirãnurãre manire rijabosayumi Cristo. Ñ rijato bero, tudaticicõari ñ ejarẽmose ñajare, ñe ajitirãnumasiata mani. ¹⁶ Tirũmujuma, Cristore, to yicõari, gãjerãre quêne, ña tuoĩasere masibetiboarine, “Ñnoa ñaama quênarã; ñnoa ñaama rojorã”, yituoĩariarãja mani maji. Cristore ajitirãnucõari, to bajiro tuoĩabeaja mani yuja. ¹⁷ To bajirone bajiaja Cristore ajitirãnurã jedirore. Cristore ajitirãnucõarã, Esp'iritu Santore cuorã ñari, rojose ña yirũgũre yirua tuoĩabetirũgũama.

¹⁸⁻¹⁹ Dios ñaami, “To bajirone tuoĩato” manire yigu. Tirũmujũ ñ terã mani ñaboajaquêne, Cristo ñ rijabosare suorine, ñ yarã, ñ ñavariquênarã mani ñarotire yiyumi. Rojose mani yisere masiriocõari, “Rojose mana ñaama”, manire yĩñagũmi. To yicõari, “Gãjerã quêne, yu ñavariquênarã ñato ña” yigu, ñ ocare yuare gotimasioduci roticõañumi. ²⁰ To bajiri, Cristore gotirẽtobosarimasa ñaja yua. Muare yua gotimasiojama, Dios ñ masune vadiciõari, ñ gotiroti ñnirene gotimasiorũgũaja. Cristore gotirẽtobosarã ñari, ado bajiro masare buto sãnĩarũgũaja yua: “‘Rojose yua yisere masirioya mu; mu ñavariquênarã ñaruaja’ ¿Dioe yirũabeati mua?”, ñnare yirũgũaja yua. ²¹ Ñie rojose yibecu ñ ñaboajaquêne, “Rojose yigu ñaja mu” ñe yigure bajiro ñ macare rijaroticiõañumi Dios, “Rojose ña yisere ñnare vaja yibosaya” yigu. “Cristore ajitirãnurãre, ‘Ñie rojose mana ñaama’ ” manire ñ yĩñarotire yigu, yiyumi.

6

¹ Dios ñ ejarẽmose rãca ñ yere gotimasiorã ñari, ado bajiro muare rotiaja yua: Dios, muare ñamaicõari, quênaro ñ yire ñajare, ñ ejarẽmose rãca ñ bojarore bajiro quênaro yirũgũña. ² Dios ocare masa ña ucamasire ado bajiro ti gotiaja:

“Muare yu yirẽmorĩrũmu ti ejaro, mua sãnĩsere ajicõari, muare quênaro ejarẽmorũcũja yu, rojose mua tãmuosere muare yirẽtobosagu”, yigotiaja Dios ocare masa ña ucamasire. Quênaro ajiya mua. Yucane ñaja rojose mani tãmuosere Cristo suorine Dios manire ñ yirẽtobosarĩrũmu. To bajiri yucane ñe mua sãnijama, “Yu bojase yimasiato” yigu, muare ejarẽmorũcũmi.

³ To bajiri, Dios ocare gotimasiorã, gãjerãjua “‘Socaserene gotiama’ yuare yiroma” yirã, rojose yibetirũgũaja yua. ⁴ Ñajediro yua bajisere ñacõari, “Dios ñ bojarore bajiro yirã ñaama Pablo mesa”, yimasiama masa. Cojoi me gãjerã rojose yuare ña yiboajaquêne, ñnare gãmebeaja yua. Buto rojose tãmuoboarine, tire tuoĩarejaimenane, Dios ñ bojarore bajiro yicõa ñaja yua. Ado bajiro rojose tãmuorũgũaja yua: ⁵ Yuare ña bajerũgũse, tubiberiavĩju yuare ña tubiberũgũse, rãjacõari, rojose yuare yirũarã yuare ña tud'irũgũse, to bajicõari, buto moarã ñari cojojirema ñnare quêne busuocõarũgũcãju. To bajicõari, cojoi me ñiorĩjarũgũcãju. To bajiboarine, Dios ñ bojarore bajiro yicõa ñacãju yua. ⁶ Gajeyere quêne ado bajiro yua bajisere ñacõari, “Dios ñ bojarore bajiro yirã ñaama Pablo mesa”, yuare yimasiama masa: “Rojose yirobe” yirã, quênase tuoĩarũgũaja yua. Dios ocare quênaro masiaja. Gãjerã rojose yuare ña yiboajaquêne, ñnare jũnisinibeaja yua. Socarã mene gãjerãre mairã ñari, ñnare quênaro yirũgũaja. Esp'iritu Santo, yua rãca ñacõari, yuare ejarẽmorũgũami. ⁷ Dios oca, riojo ti gotirore bajirone gotimasiorũgũaja. Dios ñ ejarẽmose rãca ñ bojarore bajiro yirũgũaja. To bajiro yirũgũaja, “Vãtia uju Satanãs manire rojose ñ yirotsere cudirobe” yirã, to yicõari, “Gãjerã, rojose yitujato” yirã. ⁸ Cojojirema yuare rãcũbuoama masa. Gajerũmurema rãcũbuobeama. Cojojirema quênaro yuare ñagõama. Gajerũmurema rojose yuare ñagõama. “Socarimasa ñaama Pablo mesa” masa yuare ña yituoĩaboajaquêne, riojo gotimasioja yua. ⁹ No bojaro yua vato, “Gãjerã ñaama” masa yuare ña yĩñaboajaquêne, yuare quênaro masiama sĩgãri. Cojoi me “Rojose yibu mua” yigoticõari, yuare ña sũarũboajaquêne, caticõa ñacãju yua. ¹⁰ Cojojirema buto sutiritirã ñaboarine, mani uju quênaro ñ yisere, to yicõari, quênaro ñ yirotsere tudituoĩacõari, variquênarũgũaja yua. Maioro bajirã yua ñaboajaquêne, Dios ocare masare yua gotimasiose suorine, Dios ye quênamasuse bujaama ña. “Ñie mana ñaama Pablo mesa” masa yuare ña yigotiboajaquêne, Dios ye quênamasuse ñ ujoje jediro cuorã ñaja yua.

¹¹ Corinto macana, yuare ajiya. Yua tuoĩase cõro muare gotijeojaja yua, muare buto mairã ñari. ¹² Quênaro gãmerã maire ti manijama, yua suorine me bajiroja. Muare buto yua maiboajaquêne, muaũama, yuare maimenaja. ¹³ Jacũ ñ rĩare maigũ ñ ñagõrore bajiro muare ñagõaja yu. Muare yu maiorore bajirone yuare maĩña mua quêne.

“Mani uũju Dios ñ ñajare, Cristore ajitirãnumena rãca baba cutibetiroti ñaja manire”, yire queti

¹⁴ Cristore ajitirānumena rāca baba cutibesa mua. Dios i bojase yirā, Dios i bojabeti yirā rāca ina baba cutijama, ʒno bajiro ina yisere iavariquēnaguīda Dios? Bususere bajiro me bajiaja rētiase. Busuroju rētiabeaja. Rētiaroju, busubeaja. Tire bajirone bajiroti űaja Cristore ajitirānurāre quēne. Cristore ajitirānumena rāca baba cutibetiroti űaja. ¹⁵ “Ado bajiro yiroti űaja” Cristo i yijama, ire ajicōari, ʒ“Mu gotirore bajirone tuoīaja yu quēne”, yicadiguida Satanās? Sigāre bajiro tuoīarā me űaama. To bajiro bajiaja manī Cristore ajitirānurā quēne. Ire ajimena ina tuoīarore bajiro tuoīabeaja manī. ¹⁶ Dios yarā űaja manī, ire ajitirānurā. To bajirone gotiaja Dios ocare masa ina ucamasire. Ado bajiro gotiaja ti:

“Yu yarā usuja űarūgūrucuja yu. No bojaro ina űaroju ina rāca űarūgūrucuja. Ina rūcubuoḡu űarucuja yu. To bajicōari, yu yarā űaruarāma ina”, yigotiaja Dios ocare masa ina ucamasire.

To bajiri, Dios yarā űaboarine, ʒina masu ina quēnorujeoriarāre rūcubuoḡorā rāca baba cutirāda manī?

¹⁷ Ina rāca baba cutibetiroti ti űajare, gajeye Dios ocare masa ina ucamasiriarore bajiro yiroti űaja muare. Ado bajiro gotiaja ti, manī uju i gotimasire:

“Yure ajimenare cāmotadiya mua. ‘Dios i bojabeti yirobe’ yirā, ĩnare baba cutibesa. To bajiro mua yijama, yu yarā űaruarāja mua”, yigotiami manī uju.

¹⁸ “Mua jacu űarucuja yu. To bajicōari, yu rīa űaruarāja mua”, yigotiaja Dios ocare masa ina ucamasire, masijeḡu manī uju i űagōre.

7

¹ Dios i gotimasire to bajiro manire ti gotijare, i bojarore bajiro jediro rojose manī yise yitujacōari, ire rūcubuoḡorā űari, i bojase rīne yito manī, “Rojose mana űato” yirā.

Corinto macana, rojosere yitujacōari, quēnasejuare ina yire

² Quēna ado bajise muare gotiaja yua: Yuare maiña mua. űimujuare rojose yibeticaju yua. űimujuare rojose yirobeticaju. űimujuare yitobeticaju yua, “Yu masurio quēnase bujarāsa” yirā. ³ Tire muare yua gotijama, “Pablo mesare űagōmacarā, rojose yiyuja manī” mua yirotire yirā me yaja. “Nie rojose yibeticama Pablo mesa” mua yirotiyuare yirā yaja yua. Jēju yua gotirore bajirone muare tudigotiaja yua: Buto muare maija yua. Mua bajireacoajaquēne, mua caticōajaquēne, muare maitujabetiruarāja yua. ⁴ “Quēnaro yirā űaama Corinto macana; yua gotirore bajirone cudiruarāma” muare yituoīacōari, rojose tāmuoḡorā űaboarine, buto variquēnaja yua.

⁵ “Macedonia sitaju ejacōari, rojose tāmūomenaja manī”, yituoīaboacaju yua. Adoju quēne buto rojose tāmuoacaju. Yuare ĩatecōari, tud’irūgūcama. To bajiri, “Jesūre ajitirānurā, ire ajitirānu tujarātī?”, yituoīarejaicaju yua. ⁶ Dios űaami tuoīa sutiritirāre, “Tuoīa variquēnato” yigu. To bajiri, tuoīa sutiritirā űaboarine, Dios i ejarēmose rāca tuoīavariquēnama yua. Tito i ejase suorine, “Tuoīa variquēnato”, yuare yiyumi Dios. ⁷ Tito ejasere variquēnacōari, gajeyere quēne variquēnamu. Mua bajisere i iavariquēnare quetire ajicōari, variquēnaja yua quēne. Ado bajiro mua bajisere yuare gotimi: “Buto mure ĩaruama Corinto macana. ‘Rojose manī yicati suorine buto sutiritiyuju Pablo’ yire quetire ajicōari, buto sutiritima. Mure rūcubuoḡōari, mu ucacatore bajirone yima”, yuare yigotiejami Tito. To bajiro i yisere ajicōari, butobusa variquēnaja yu.

⁸ Tirāmūju papera muare yu ucacōaro bero, “Tire ĩacōari, sutiritiruarāma ina. To bajiri cōabetiroti űaboayuja”, yituoīa sutiriticaju yu maji. To bajiboarine, sutiritibeaja yucurema, “Yoaro me sutiritirāma” muare yimasigū űari. ⁹ “‘Sutiritiatio ina’ yigu yiyuja yu” yigu me, variquēnaja yu. “Sutiriticōari, rojose ina yicati yitujacōari, quēnase tuoīaűuma” yigu, variquēnaja yu. To bajiro mua bajisere bojayumi Dios. To bajiri tirāmūju muare yu papera cōacati, muare quēnaűaja ti. ¹⁰ Rojose yigure, “Rojose tāmuoato” yigu űaami Dios. To bajiro i yijama, “Rojose i yisere yitujacōari, yuare ajitirānuato” yigu, yiyumi. To bajiro i bajijama, rojose i tāmūoborotire ire yirētosarucumi Dios. Diore ajiterājuama, rojose ina yisere tuoīa sutiritibeama ina. To bajiri, rojose tāmūotujabetiraroju varuarāma ĩnama. ¹¹ Mua rāca yu űaro, “Rojose manī yijama, manī yibetijaquēne, no yibeaja”, yituoīaboacaju mua maji. “Mani yisere iavariquēnabeami Dios”, yijūisiniriarāja mua. Dios muare i iavariquēnabetire tuoīa gūiriarāja mua. “Manire oca űaja. Tire oca quēnoroti űaja”, yiyuja mua. Dios i iavariquēnasere bojarā űari, yu ucacōatore bajiro yivariquēnaűaja mua. Rojose yir’ire rojose i yire vaja, rojose ire yiyuja mua. To bajiri, “Quēnaro yiyuma ina. Nie rojose maja ĩnare”, muare yituoīaja yu yuja. ¹² Tirāmūju muare papera cōagū, mua rācagu rojose yir’i, to yicōari rojose yiecor’ire quēne buto tuoīabeticaju yu. Muajuare quēnaro tuoīagū űari, muare ucacōacaju yu. “‘Pablo rūcubuoḡorā űari, i rotiore bajiro yama ina’ Dios i yīamasisere tuoīamasiato” yigu, ucacaju yu.

¹³ To bajiri quēnaro mua yirere tuoīacōari, variquēnaja yua. “Quēnaro ina yicatiire ĩacōari, yu tuoīarejaibocatiire tuoīa tujacōari, variquēnacu yu”, yigotimi Tito. To bajiro i yijare, butobusa

muare variquēnaja yua. ¹⁴ Mua taju Titore yu cōaroto rījoro, ado bajiro ĩre yicaju yua: “Īnare yu ucacōasere quēnaro cudiruarāma Corinto macana”, ĩre yicaju yua. ĩre yua goticare bajirone quēnaro cudiya yua. To bajiri, tire ajivariquēnaja yua. ¹⁵ Mua taju ĩ ejaro, buto rūcabuōse rāca ĩre mua bocaāmirere, to yicōari, ĩre quēnaro mua cudirere tuoīabujacōari, butobusa muare maiami Tito. ¹⁶ “Yu rotise, josase ti űaboajaquēne, quēnaro cudiruarāma” muare yituoīacōari, buto variquēnaja yu.

8

“Maioro bajirāre variquēnase rāca ejarēmojama, quēnaja”, yire

¹ Yua mairā, gajeyere muare gotigu yaja: Adoana, Macedonia sitanare, Cristore ajitirānūrāre, Dios, ĩnare ĩamaicōari, quēnaro ĩ yise suorine quēnaro ĩna yicati queti muare gotigu yaja. ² Buto rojose tāmuboarine, variquēnase rāca Diore ajitirānucōa űaama. To bajicōari, jairo gājoa cuomena űaboarine, gājerāre ejarēmouarā, ĩna cuose cōro juarēoñuma. ³ ĩna cuoro cōro ĩsicama. Bajibeaja. “Īsiecoruarāma ĩna” yiboariaro rētoabusaro ĩsiecocama. ĩacaju yu, to bajiro ĩna yiro. ⁴ ĩnare yu sēnibetiboajaquēne, ado bajiro yare yicama: “Jerusalēn macana Cristore ajitirānūrā maioro bajirāre buto ejarēmouaja yua. To bajiri adi gājoa yuare juabosa vacōari, mua ĩsijama, buto quēnaruarōja”, yuare yicama. ⁵ Yua tuoīaboacato rētoro quēnaro, ado bajiro yicama: “Mu bojarore bajiro yirua yua”, Diore ĩre yisēni gajanocōari, “Ī bojarore bajiro muare cudiruarāja”, yuare yicama. ⁶ To bajiri, “Adoana Macedonia sitana ĩna juarēoriarore bajiro, mua, Corinto macana quēne mua yijama, quēnaruarōja” yituoīacōari, muare gājoa juarēorotisur ĩre Titore tudivarotiaja yua. “Toju vacōari, gājoa ĩna juarēore juarēojeoba mu”, ĩre yaja yua. ⁷ Gājerā Cristore ajitirānūrā rētoabusaro ĩre ajitirānūrā űaja mua. To bajiri ĩ ocare quēnarobusa gotimasiaja. To bajicōari, ĩna rētoabusaro yuare mairā űari, ĩna rētoabusaro Dios ĩ bojarore bajiro yuare ejarēmo variquēnārā űaja. To bajiri, maioro bajirāre quēne tuoīamaicōari, gājerā ĩna cōase rētoro gājoa mua cōajama, quēnaruarōja.

⁸ To bajiro muare yu yijama, rotigu me yaja yu. “Tire ajicōari, maioro bajirāre gājerā ĩna ejarēmo variquēnase rētoro ĩnare ejarēmo variquēnato mani” mua yiroire bojagu, adi sitana quēnaro ĩna yicature muare gotibu yu. To bajiro mua yijama, “Socarā mene maioro bajirāre mairā űaja yua” yirā, yirāja mua. ⁹ Mani űju, Jesucristo, ado bajiro quēnaro manire ĩ yire űajare, “Quēnaro ĩnare ejarēmoto mani”, yituoīaroti űaja muare: Manire ĩamaicōari, ĩ rijabosarere masiaja mua. Diorāca jediro cuogu űaboarine, manire ĩamaigū űari, adigodojare vadicōari, maioro bajigu űacoasuju ĩ. To bajiro bajiyuju, Diorāca quēnaro űacōari, űiejua manire ruwabetirotire yigu.

¹⁰ Muare rotibetiboarine, quēnaro mua űarotire bojagu űari, yu tuoīasere ado bajiro muare gotigu yaja yu: Rījoroaga cūmare quēne, variquēnase rāca ĩnare ejarēmoua tuoīasouyujaja mua. To yicōari, gājoa juarēosouyujaja mua. ¹¹ To bajiri, “Maioro bajirāre mani ejarēmoua tuoīavariquēnasuocatore bajirone juarēojeocōato mani”, yivariquēnaña. ĩna ĩsiri cōrone juarēocōari, cōaña. ¹² “Jairo mani ĩsibetijama, ĩavariquēnabecumi Dios”, yituoīabesa. Jairo cuorā, mojoroaca cuorā quēne, mani ĩsimasiro cōro mani ĩsivariquēnajama, manire ĩavariquēnagūmi Dios.

¹³ “Maioro bajirāre ejarēmoña” yu yijama, “Cōajeocōaña” yigu me yaja yu. “Maioro bajirāre gājoa cōajeocōari, maioro bajiya mua” yigu me yaja. ¹⁴ “Cristore ajitirānūrā, niuane maioro bajirā manicōato” yigu yaja. Adirāmūrirema mua űaja jairo cuorā. To bajiri, “Maioro bajirā űaama ĩna” yire quetire ajicōari, gājoa ĩnare mua cōajama, quēnaruarōja. To bajiri, ĩna quēne, maioro mua bajise quetire ajicōari, muare ejarēmouarāma. To bajiri űiejua ruwabetoja ĩnare, muare quēne. To bajiro mani yijama, cojoro cōro cuorā űaruarāja mani jediro. ¹⁵ To bajiro mani yijama, Dios ocare masa ĩna ucamasire ti gotirote bajiro cudirā yiruarāja mani. “To bajirone bajiruarōja”, yucamasifumi Moisés, israelita masa ĩna juarēoro bero, cojoro cōro cōiacōari, ĩna ĩsibatomasire űajare. Ado bajiro gotiaja: “Jairo juarēoriarā űaboarine, ĩna bojaro rētoro bujabeticama ĩna. Gājerāma, mojoroaca juarēoriarā űaboarine, ĩna bojaro cōro bujacama”, yigotiaja Dios ocare Moisés ĩ ucamasire.

“Mua taju Tito mesare cōagū yaja”, Pablo ĩyire queti

¹⁶ Muare tuoīamaicōari, buto yu ejarēmouaro cōro muare ejarēmouami Tito quēne. “To bajiro tuoīato ĩ” yigu, yiyumi Dios. To bajiro ĩ yijare, “Quēnaro yaja mu”, Diore ĩre yaja yu. ¹⁷ “Corinto macanare quēna mu ejarēmogū vajama, quēnaruarōja” yua yisēniāsere ajicōari, buto variquēnami Tito. Muare buto ejarēmouagu űari, “Yuare mua sēniaroto rījorojune, yu masu yu tuoīase rāca, ‘Yucane varucija’ yituoīamu yu”, yuare yimi.

¹⁸ Tito rāca varocare, yua maigūre cōaja yua. ĩ űaami, manire bajirone Cristore ajitirānūgū. ĩre ajitirānūrā jediro, “Cristo oca quēnasere quēnaro gotirētobumasigū”, ĩna yirācubugū űaami. ¹⁹ Cristo ocare quēnaro gotirētobugu rī me űaami. Adoana, Macedonia sitana,

Cristore ajitirānūcōari rējarūgūrā, “Gājoa manire juabosarāre ejarēmōrucumi” yirā, ĩna besecacū quēne ĩaami. Ti gājoa, maioro bajirāre yua ĩsiroti suorine, “Maioro bajirāre quēnaro ejarēmo variquēnarā ĩaama, Cristore ajitirānūrā”, yitōiāruarāma masa. To yicōari, mani uju Jesucristore rūcūbuorārama. ²⁰ “Pablo mesa ĩna masune ĩna yireajare, gājoa ejabetoja” ĩna yigōjarotire bojamina ĩari, yuare baba cutiocrine ĩre bojacaju yua quēne. ²¹ “Quēnaro yama” Dios ĩ yīiavariquēnase rī mere bojaja yua. Masa quēne, to bajise ĩna yīiavariquēnase bojaja.

²² To bajiri, gājire cōaja yua, Tito mesa rāca. Cristore ajitirānūgū ĩari, mani yu ĩaami ĩ quēne. ĩre ĩamasirā ĩari, “Quēnaro yigu ĩaami”, ĩre yimasijaja yua. Cojoji rūyabeto quēnaro ejarēmo variquēnarūgūami. To bajicōari, “Corinto macana quēnaro cūdijama ĩna” Tito ĩ yisere ajicōari, batobusa muare ejarēmōruami. ²³ To bajiri Tito, to yicōari, ĩ babarā juarā ĩaama, mua tuju yua cōarā. ĩere Titore ĩre masirāja mua. ĩ ĩaami yu baba, “Cristore quēnaro ajitirānūato” muare yigu, yu rāca moarūgūgū. Gājerā juarā, Titore baba cuti vana, Jesucristore ajitirānūrā ĩari, mani yarā ĩaama ĩna quēne. “Quēnaro yirā ĩaama” adi macariana ĩna yīiārā, mua tuju ĩna cōarā ĩaama. Quēnaro ĩna yise suorine Cristore quēnabusaro rūcūbuoama masa, adi macariana. ²⁴ Mua tuju ĩna ejaro, quēnaro ĩnare yiba. “Cristore ajitirānūrāre ĩamairā ĩaama Corinto macana” yaja yua, adi macarianare Tito mesare cōarāre. To bajiri ĩnare quēnaro mua yijama, “Riojo yama Pablo mesa”, yiruarāma ĩna.

9

Cristore ajitirānūrāre maioro bajirāre ejarēmōre queti

¹⁻² “Cristore ajitirānūrāre maioro bajirāre ejarēmōrā, gājoa juarēocōari mani cōajama, quēnaruaroja”, yitōiārā ĩaja mua. To bajiri, mua cōaruā tōiase quetire masigū ĩari, “To bajiro mua yijama, quēnaruaroja”, muare yucabetiroti ĩaboaja. Adoana, Macedonia sitanare, ado bajiro ĩnare goticaja yu: “Acaya sitana, Corinto macana, mani mairā, ĩere ĩ cāma ‘To bajiro yiroti ĩaja’ yisuojujarā”, ĩnare yicaju yu, muare. Tire ajicōari, “Mani quēne to bajirone yiroti ĩaja” yitōiācōari, ĩājārā gājoa ĩsicama. ³ To bajiro yisuojiarā mua ĩaboajaquēne, yu varoto rījoro Tito mesare cōaja yu. “Gājoa juarēocōari, yure yuato” yigu, ĩnare cōaja yu. Adoanare gotirā, “Yu ejaroto rījoro gājoa juarēocōari, yuruarāma”, yaja yua, muare. To bajiri mua tuju yu ejaro, “Gājoa juarēojeobeaja maji” mua yisere ajiruabeaja yu. Adoanare ĩnare yu gotirotire bajiro mua bajirotire bojaja. ⁴ Adoana Macedonia sitana sigūri yure ĩna baba cuti vajama, gājoa manone muare ĩna ĩarotire bojabeaja. “Corinto macanare quēnaro masijaja. Yua ejaroto rījorojune, gājoa juarēojeocōaruarāma ĩna”, yaja yua, adoanare gotirā. To bajiri, mua cūo yubetijama, bojoneruarāja yua. Mua quēne, bojoneruarāja. ⁵ Mani bojonerotire bojabecu ĩari, yu varoto rījoro, Tito mesare mua tuju ĩna vasere bojaja. “ĩsiruarāja” mua yigotiriarore bajirone mua ĩsirotire yirā, muare ejarēmōruarāma ĩna. To bajiri yu ejarone, ĩsicōaruarāja mua. To bajiro mua yijama, “Pablo, ejacōari, ĩnare ĩ ĩsirotijare, ĩsiterā ĩaboarine, ĩsiñujārā”, yire maniruaroja. “Pablo ĩ ĩsirotibetiboajaquēne, ĩna masune maioro bajirāre tōiāmaicōari, ĩsivariquēnañujārā”, yirejua ĩnaruaroja.

⁶ Gājoa ĩsiroana, gotimasiore quetire masiritibeja: “Oterimasu, mojoroaca ĩ otejama, mojoroaca ti ricare bujarucumi. Jairo oteguma, jairo bujarucumi”.^b ⁷ To bajiri tocārācu, “Ado cōro ĩsirucuja yu” mua yitōiāro cōro mua ĩsijama, quēnaruaroja. Gājoa maiboarine, mua ĩsijama, quēnabetoja. Mua ĩsiteboajaquēne, gāji ĩ ĩsirotijare, mua ĩsijama, quēnabetoja. Mua masune ĩsiruarā, mua ĩsijama, quēnaruaroja. ĩsivariquēnarāre ĩamaimi Dios. ⁸ To bajiro mua yisere ĩacōari, quēnaro muare yirucumi Dios. Mua bojaro rētobusaro cōarēmōrucumi. To bajiro manire yami, “Gājerāre ejarēmōrā, ĩnadediro quēnaro ĩna yiro bero, ĩiejua rūyabeticōato” yigu. ⁹ “To bajiro quēnaro mani yisere bojaami Dios”, yimasijaja mani, Dios ocare masa ĩna ucamasire quēnaro yigure ado bajiro ti gotijare:

“Maioro bajirāre jairo ĩsirūgūami. To bajiro quēnaro ĩ yirūgūesere masiritibeticōari, quēnaro ĩre yirucumi Dios”, yigotijaja Dios ocare masa ĩna ucamasire.

¹⁰ Dios ĩaami “Ote aje cūoato” yigu, manire cōagū. Ti ote aje suorine bare rī mere bujaja mani. Quēna gajeye ote aje mani oterotire quēne bujaja mani. Tire bajiro bajijaja Dios quēnaro manire ĩ yise. “Ado bajiro bajiato” yigu, quēnaro manire yami: Quēnaro manire ĩ yise suorine, cojoji me quēnaro yaja mani. Quēna gajerūmurema gājerāre quēnaro yimasijaja mani. Gājerā quēne, quēnaro mani yirā, gājerāre quēnaro yimasijama ĩna quēne. “To bajiro bajiato” yigu, quēnaro manire yami Dios. ¹¹ Jairo muare ĩsirūgūrucumi Dios, “Maioro bajirāre ejarēmōato” yigu. To bajiro mua yijama, “Quēnaro yaja mu”, Diore ĩre yiruarāma jājarā masa. To bajirone yiruarāma Jerusalēn macana Cristore ajitirānūrā quēne. Gājoa mua juarēorere yu juaejasere ĩacōari, “Quēnaro yaja mu”, Diore ĩre yiruarāma ĩna. ¹² To bajiri,

^b 9:6 Ado bajiro manire gotimasioro yaja ti queti: Gājerāre ejarēmōrā, ĩsiterā ĩari, mojoroaca mani ĩsijama, Dios ye quēnamasuse, mojoroaca manire ujurucumi. ĩsivariquēnarā ĩari jairo mani ĩsijama, jairo quēnamasuse manire ujurucumi.

gājerā Cristore ajitirānūrā, maioro bajirāre gājoa mua cōaroti, ĩna rī mere quēnaruaaroja. Tire ĩacōari, “Quēnaro yaja mu” ĩre ĩna yiroti ti ĩajare, Diore quēne quēnaruaaroja. ¹³ Gājoa ĩnare mua cōasere ĩacōari, “Cristore ajitirānūrā masu ĩarāma Corinto macana. Manire ejarēmocōari, gājerāre quēne ejarēmoama” muare yituoīacōari, variquēnase rāca Diore rūcūbuonārāma ĩna. ¹⁴ “Manire ĩna ejarēmose Dios suorine bajiaja” muare yituoīamaicōari, Diore buto muare sēnibosaruarāma ĩna. ¹⁵ “Quēnaro yaja mu”, Diore ĩre yiroti ĩaja manire. Quēnamasusere manire yibosayumi Dios. Rojose mani yise vajare “Yirētobosato” yigu, ĩ macure cōaŋumi.

10

“Dios yure ĩ rotise rāca gotimasioaja yu”, Pablo ĩ yire queti

¹ Yu, Pablo, ado bajise gotigu yaja, sigūri yure ĩagōmacarāre: Quēnabeti masa ĩna yiboajaquēne, ĩnare ĩamaicōari, quēnaro ejarēmorigūñuju Cristo, “Rojose yitujacōari, quēnasejua tuoīato” yigu, ĩre bajiro muare ejarēmoruaja yu quēne. “Mani rāca ĩ ĩajama, bojonegūre bajiro manire gotiami Pablo. Sōju ĩacōari, manire ĩ ucacōajama, tud’igure bajiro gotirūgūgūami”, yiyuja mua. ² Rojose yirāre tud’igure bajiro gotigu ĩaboarine, mua tuju ejacōari, tud’igure bajiro gotirubeaja. To bajiri yure mua ĩagōmacasere yitujacōaŋa, “Mani tuju ejacōari, tud’igure bajiro gotiromi” yirā. To bajiro mua yiboajaquēne, sigūri, adigodoaye rīne tuoīarā, “ĩna masu ĩna bojarore bajiro yirā ĩaama Pablo mesa” yuare yīñagōmacarāre tud’igure bajiro gotiroti ĩaja. ³ Adigodoaye rīne tuoīarā rāca ĩaboarine, yua masu yua bojarore bajiro yirā me ĩaja yua. ⁴ Yua masise adigodoaye me ĩaja. Dios ĩ masise rāca yua gotijama, yuare ĩna ĩagōjaiboajaquēne, ĩnare gotirētobumasiaja yua. ⁵ Cristo ocare ajiterā, “Masirā ĩaja yua” yivariquēnarāre Diore sēnibosaja yua, “Rīojo me tuoīaŋuja yua” yato” yirā. No boasene gājerā ĩna tuoīase, Cristo ĩ bojabeti ti ĩajama, tire yitujacōari, “Cristo ĩ bojarore bajiro rīne tuoīato” yirā, Diore sēniaja yua. ⁶ To bajiro muare sēnibosaja yua. Mua rācana yuare bajiro tuoīamenare rojose ĩna yise vaja rojose ĩnare yirūgūruarāja yua, “Mua jediro Cristo ĩ bojarore bajiro yuare cudirua tuoīato” yirā.

⁷ “To bajigu ĩaami” yure yīamasirā ĩaboarine, yu tuoīasejuarema masibeaja mua. Gāji, “Cristore ajitirānugū ĩaja” yigu ĩ ĩajama, Cristo yarā yua ĩasere quēne masirocū ĩaami. ⁸ “Cristore gotirētobosarimasu ĩari, muare rotimasiaja yu” yu yigotijare, “To bajiro ĩ yijama, ‘ĩamasugū ĩaja yuma’ manire yigu yami”, yituoīaboarāja mua. To bajiro mua yiboajaquēne, Cristo, to bajiro yirocare yure ĩ cōacati ĩajare, bojonebecune tire gotiaja yu. Mani uju, “Yu yere ajicōari, sutiritiato” yigu me, yure cōacami. “Tire ajivariquēnato” yigujua, yure cōacami. ⁹ “ĩ ucacōase rāca yuare tud’igure bajiro yuare gotirūgūami Pablo” mua yituoīaboasere bojabeaja yu. ¹⁰ Ado bajise yirā, tire bajiro yure tuoīaboarāja mua sigūri: “Sōju ĩacōari, papera rāca goticōajama, tud’igure bajiro manire gotiami Pablo. Mani rāca ĩ ĩajama, bojonegūre bajiro manire gotiami. Nie vaja maja mani rāca ñagū, ĩ ñagōse”, yure yituoīaboarāja mua. ¹¹ To bajiro yure mua yiboajaquēne, to bajiro bajigu me ĩaja yu. Tud’igure bajiro gotiroti ti ĩajama, yu ucacōase rāca yu gotimasirore bajirone gotimasiaja yu, masa tu yu ĩajaquēne.

¹² Mua rācana sigūri, ĩna tuoīa gotirote bajiro yibeaja yuama. Ado bajiro tuoīacōari, gotirāma ĩna: “¿Ñimu ĩati mani vatoaju butobusa tuoīagū? Yu ĩaja butobusa tuoīagū” gāmerā yīñagōrāma ĩna. “Gājerā rētoro masirā ĩaja mani”, yituoīarāma ĩna. Tuoīamasimena ĩarāma ĩna ũnama. ĩnare bajiro yibeaja yuama. ¹³ Yua masune tuoīarujeocōari, gotibeaja yuama. “Ado bajiro bajirā ĩaja yua” muare yua gotijama, Dios, yuare ĩ rotire ĩajare, to bajise muare yaja. To bajiri, “Corinto macanare quēne yu ocare gotimasioruarāja mua”, yuare yiroticōaŋumi. ¹⁴ To bajiri, Dios, yuare ĩ rotijare, gājerā rījoro vacōari, Cristo ĩ rijabosare suorine quēnaro Dios ĩ yisere muare gotimasioaja yua. ¹⁵ Gājerā ĩna gotimasioriarāre ĩacōari, “Yua gotimasiose suorine Cristore quēnaro ajitirānūrā ĩaama”, yibeaja yuama. Yua masu yua moare rīne muare gotiaja yua. Quēnarobusa Cristore mua ajitirānūrotire bojarā ĩari, butobusa muare gotimasioacōari, ejarēmoruaja yua, Dios yuare ĩ gotiroticōariore bajirone yirā. ¹⁶ “Cristore quēnaro ajitirānūrā ĩaama” muare yimasicōari rīne, Dios ĩ bojarore bajiro gajeroju ĩarāre ĩ yere masimenare gotimasioruaja. To bajiro yua yijama, gājerā ĩna gotimasioacōariarārene, “Yu gotimasioacana ĩaama ānoa” yigotirūamena ĩari, gotiecomenare gotirā varuaja.

¹⁷ Ado bajiro gotiaja Dios ocare masa ĩna ucamasire: “ĩamasurā ĩna bajisere mua gotivariquēnarujama, Cristo ĩ bajisejuare gotivariquēnaŋa. ĩne ĩaami ĩamasugū”, yigotiaja Dios ocare masa ĩna ucamasire. ¹⁸ Ado bajiro ti bajijare, to bajiro gotiaja Dios ocare masa ĩna ucamasire: Gāji ĩ tuoīalore bajiro yigu, “Quēnaro yigu ĩaja yu” ĩ yiboase, vaja maja ti. ĩ ũgārema “Quēnaro yigu ĩaami”, ĩre yivariquēnabeami Dios. “Quēnaro yicaju mu” ĩ yirāja ĩaama, quēnaro yirā.

11

“Socase gotimasiorã, Dios i gotiroticõariã me ñaama”, Pablo i yire queti

¹ Tuoĩamasibecure bajiro yu gotiroti ti ñaboajaquẽne, mua ajisere bojaja yu. ² Diore bajiro buto muare tuoĩamaiaja yua. Ado bajiro bajaja: Rõmio, ãmua rãca ñaĩabeco so manaju ñarocu rĩrene tuoĩagõmo. Sore bajiro yirã mani quẽne, Cristo rĩrene ajitirũnuaa mani. Yu ñaja “Cristore ajitirũnuato” yigu, muare gotimasiosuocacu. To bajiri, Dios muare i maiore bajiro buto muare maiaja yu quẽne. To bajiri, “Ãnoa ñaama yu gotimasociati suorine mure ajitirũnarã” Cristore ire yu yĩoroto rĩjoro, “Ire ajitirũnu tujacõari, gãjerãjuare ajitirũnuroma” yigu, quẽnaro muare iatirũnurũgũaja yu. ³ Tirũmaju vãtia uju, Eva ñamasiorore quẽnase sore yitomasifũju. To bajirone bajirãma gãjerã, socase oca gotimasiorã. Ìna gotimasiose suorine muare yitogumi. “Vãtia uju quẽnaro i yitosere ajitirũnucõari, Cristo yejuare ajitirũnu tujarãma”, muare yituoĩarejaiaja yu. ⁴ Gãjerã mua tuju ejacõari, “Jesucristo, ado bajiro bajigu masu ñagũmi” Ìna yisocasere ajicõari, “To bajirone bajigu ñagũmi” Ìnare yicudicõari, ajitirũnu variquẽnarãja mua. To bajiro mua yijama, Esp'iritu Santo mere ajitirũnarã yirãja mua. To yicõari, Cristo ocare, yua gotimasociati mere, ricati gotimasiorẽjuare ajitirũnarã yirãja mua. To bajiro Ìna yisejuare mua ajitirũnũjama, quẽnabetoja. ⁵ “Dios i cõariã gãjerã rẽtoro masirã ñaja yua”, muare yisocarãma Ìna. Dios i cõar'i, Ìnare bajiro socagu me ñaja yu. “Yu rẽtoro masirã me ñarãma Ìna”, yituoĩaja yu. ⁶ Ìna gotimasiorore bajiro yimasibetiboarine, Dios ocare quẽnaro masigũ ñaja yuma. To bajiri, i ocare quẽnaro muare gotirẽtoburũgũaju yu. Cojoi me yure ajicana ñari, “Dios ocare quẽnaro masiami Pablo”, yure yimasirãja mua.

⁷ ¿Mua tu ñagũju, “Ñamasurã ñaja yua” yirãre bajiro yirocu ñaboayujari, yure? ¿Cristo ocare quẽnase muare gotimasioğũ, vaja sãnĩrocu ñaboayujari? Bajibeaja. “Ñamasugũ me ñaja” yigure bajiro bajirũgũaju yu, “Yure tuoĩamenane, Dios oca rĩne ajitirũnucõari, i yarã, ñamasurã ñato” yigu. ⁸ Gajeroana Cristore ajitirũnarã gãjoa yure Ìsicama Ìna, “Corinto maca tuju ñacõari, Ìnare gotimasioato” yirã. Yure mua Ìsiroti ñaboacati, Ìnajua, yure Ìsicama. ⁹ Mua tuju yu ñajaquẽne, gãjoa magũ ñaboarine, “Yure ejarẽmoña”, muare yibeticaju yu. Macedonia vadiriãrã Cristore ajitirũnarã ejacõari, yu bojoro cõro yure Ìsicama. Gãjoa muare sãnibetirũgũaju yu. Bero quẽne sãnibetirũgũarũcuja. ¹⁰ Cristore ajitirũnugũ ñari, riojo i gotirote bajiro, ado bajiro muare gotiaja yu: “Gãjoa sãnibecune, Dios ocare gotimasiorũgũaja”, yivariquẽna tujabetirũcuja yu. Mua, Acaya sitana jediro, “Dios ocare i gotimasiose vaja, vaja sãnibetirũgũami Pablo”, yimasiruarãja mua. ¹¹ Muare buto maigũ ñari, to bajise muare gotiaja yu. “Ìnare buto maiami Pablo”, yure yimasigũmi Dios quẽne.

¹² “Pablõre bajiro Dios i cõariã ñaja yua quẽne” yisocarã, muare Ìna gotimasiose vaja, vaja sãnirũgũũjarã Ìna. To bajiri, “Pablõre bajiro vaja sãnija yua” yimasibeticõato Ìna” yigu, muare vaja sãnibetirũcuja yu. ¹³ Socase gotimasiorĩmasa, Dios i cõariã me ñarãma. ¹⁴ Ìnare bajiro bajirũgũama Dios ocare ajiterã. Vãtia uju Satanãs quẽne, cojojirema Dios tuagu ángel quẽnaro yigure bajiro bajitorũgũami. ¹⁵ To bajiro bajigu i ñajare, “Ìre cudirã quẽne ire bajiro bajirũgũama”, yimasiaja yu. “Quẽnase rĩne yirã ñaama” Ìnare mua yĩasere bojarã ñari, to bajiro bajirãma. To bajiro Ìna yisere Ìacõari, “Rojose tãmuorũgũuarãja mua”, Ìnare yirotirũcumi Dios.

“Cristo i cõacacu ñari, buto rojose tãmuoaja yu”, Pablo i yire

¹⁶ Ado bajise muare tudigotiaja yu: “Tuoĩamasibecure bajiro gotiami Pablo” mua yituoĩasere bojabeaja yu. To bajiboarine, to bajiro mua yituoĩajama, tuoĩamasibecure bajiro muare yu gotisere ajiya mua, yure mua Ìarũcũbuorotire yirã. ¹⁷ Yucane muare yu gotiroti mani yu Jesucristo i gotirotise me ñaja. Yu masune yu bajisere muare gotiguagu yaja yu. ¹⁸ Mua rãcana, socase gotimasiorã, jãjarã adigodoaye rĩne tuoĩarẽre bajiro gotirãma, Ìnare mua ajirũcũbuorotire yirã. To bajiri “Yu quẽne, Ìna gotirote bajiro gotivariquẽnarũcuja” yituoĩacõari, mojoroaca muare gotirũcuja yu, “Yure ajirũcũbuoato Ìna” yigu. ¹⁹ Mua juama, “Masirã ñaja yua”, yiboarãja, tuoĩamasimena Ìna gotisere ajisuyarã ñari. ²⁰ Ìna rotiajerãre bajiro bajirã ñaboarine, Ìnare ajiquejemenaja mua. “Ìna suorine gãjoa bujarãsa mani” yirã, muare Ìna yitosere ajiquejemenaja. “Yuare Ìarũcũbuoya” yirãre bajiro Ìna bajirũgũisere Ìaquejemenaja. “Ajirũcũbuobeaja mua” yirã, muare Ìna jaboajaquẽne, Ìnare ajiquejemenaja mua. ²¹ Yu juama, mua tuju ñagũ, “Ñamasugũ me ñaja yu” yigure bajiro yu bajijare, yure ajirũcũbuomenaja mua. Muare Ìna yirore bajiro yu yijama, “Rojose yigu yaja yu” yituoĩacõari, bojoneboguja yuma.

To bajiboarine, “Ado bajiro bajirã yua ñajare, yuare ajirũcũbuoya” muare Ìna yise ñajare, yu quẽne, tuoĩamasibecure bajiro muare gotirũcuja yu. ²² “Hebreo oca ñagõrã ñari, ñamasurã ñaja yua”, muare yiyujarã Ìna. Yu quẽne, Hebreo oca ñagõgũ ñaja yu. “Yua, israelita masa, gãjerã rẽtoro Diore masirã ñaja yua”, yiyujarã Ìna. Yu quẽne, israelita masu ñaja yu. “Quẽnaro

muare yirucaja' Dios i yimasir'i, Abraham ñamasir'i jānerabatia ñaja yua", yiyujarā ña. Yu quēne, Abraham ñamasir'i jānami ñaja yu. ²³ "Cristo i cōariarā ñe moabosarā ñaja yua", muare yiyujarā ña. To bajiro ña yire ñajare, "Ña rētoabusaro Cristore moabosagu ñaja", muare yaja yu. Tuoñamasibecure bajiro muare goticōa ñaja yu. Ado bajiro ti bajijare, "Ña rētoabusaro ñe moabosagu ñaja", muare yaja yu: Cojoji me buto ñe yu moabosajare, tubiberiaviju yure tubibecama masa. Cojoji me yure buto bajecama. Cojoji me yure siaruaobocama. ²⁴ Cojomocārācaji yure ñiacōari, buto rojose yirāre ña bajerore bajiro yure bajecama masa. Tocārācaine treinta y nueve ñarjiri yure bajecama. ²⁵ Idiaji yure ñiacōari, yucāne buto yure jacama ña. Yure siaruarā, cojoji gūtane buto yure reaejooacama. Idiaji moa riagare yu vaboacati cūmuari rujacaju. Cojoji cūmua rujacōari, ūmua ñarāmū cuti, quēna ñamire quēne, ña ñami cutibusuocaju yu, moa riagaju. ²⁶ Cojoji me Dios ocare gotimasiogū, sōju josari vacudirūgūcaju yu. Riaga gūioroju vacaju. Juarudirimasa gūioroju vacaju. Cojo macana me yu yarā rojose yicama. To bajicōari, gājerā masa vatoaju gūioroju vacaju. Jairimaca ñagū, masa ña ñabetoju quēne, gūioroju vacaju. Moa riaga gūioroju quēne vacaju. "Cristore ajitirānūrā ñaja yua" yitocōari, rojose yure yiruarā vatoaju vacaju yu. ²⁷ Buto josari moadicaju yu. Cojoji me cānibecune moabusuarūgūcaju yu. Cojoji me bare babecu, ocure quēne idibecu, tāmūorūgūcaju. Cojoji me ñiorjarūgūcaju yu. To bajicōari, buto ūsarūgūcaju, sudi yure ti manijare.

²⁸ Yu ruñaye rī me rojose tāmūorūgūaja yu. Tocārācāmune Cristore ajitirānūrā, cojo macana me yu gotimasiocana, quēnarobusa ñe ña ajitirānūrūtutaire bojagu ñari, ñare buto tuoñarejirūgūaja yu. ²⁹ Cristore ajitirānūrā ñaboarine, rojose yicōari, sutiritirāre, yu bujajama, yu quēne, ña rāca sutiritiaja. Cristore ajitirānūrāre gājerā ñare rojose ña ūmato yijama, ñare buto jūnisinaja yu. ³⁰ Yu bajicātare yu gotijama, "Masigū me ñaami" yure yimasiatō yigu, yu bajicātare muare gotivariquēnaja yu. ³¹ Tire muare yu gotivariquēnasere, "Riojo gotiāmi Pablo", yure yimasigūmi manī ūju Jesucristo jacu, Dios. Ñaami "Najediro rētoro masigū ñaja mū" manī yiracubūorūgūrocu. ³² Tirāmūju Damasco vāme cuti macaju yu ñarone, "Pablōre ñiacōari, tubiberotirucaja" yigu, ti maca matariacūni ñarisojeriju surara mesare cūñumi, ti maca ūju, Areta vāme cutigure rotibosacacu. ³³ Yure tubiberuaboarine, yure ñiamasibeticami. Ti maca matariacūni vecaju ñariviju, jibū jairibane sācōari, sojeacaju yure rujiocama ña, yure ejarēmomorasa. To bajiro yure ña ejarēmojare, rudicaju yu.

12

Dios i ñaroju Pablo i cājiriare queti

¹ "Ado bajiro bajigu ñari, ñamasugū ñaja yu" ñare yu yīñagōjama, ñie vaja manoja ti" yituoñagū ñaboarine, mūa bojarore bajiro gajeye muare gotirēmorucaja. Yu cājiriaroju manī ūju yure i ūocātare, to yicōari, yure i gotimasiocātare quēne muare gotirucaja yu. ²⁻³ Tirāmūju, juaāmo cōro jedi, cojo gūbo babari jēnituario ñaricūmari rījoroju, ō vecaju i ñaroju yure āmiejarimi Dios. "To bajiro yure āmimujarimi", yimasibeaja yu, bajigujama. Yu ruñare i āmimujabetijama, yu ūsuñare āmimujarimi. Dios sīgūne masiāmi tire. ⁴ "To bajiro yure āmiejarimi" yimasibecu ñaboarine, "Ejacaju", yimasiaja. Manī ūju i ñaro, quēnarigodo ñacaju. Toju ñagū, masa ña masibeticātare ajicaju. Ī goticati, masare Ī gotirotise me ñacaju. ⁵ "Masigū ñaja yu" yigotivariquēnagū yu ñajama, to bajiro Dios yure i yicātare muare gotibogūja yu. To bajiboarine, "Masibecu ñaja yu" gājerāre yu yiajiose queti rīne gotivariquēnaja yu. ⁶ "Yure rūcubūoato" yigu, gajeye quēnaro Dios yure i yicāti muare yu gotirēmorūajama, socū mene yigūja yu. Tuoñamasibecure bajiro gotigū me yigūja. To bajiboarine, tire ĩabeticaju mūa. To bajiri, "Riojo gotiāmi Pablo", yimasimenaja. Yu gotisere, to yicōari yu bajiñasere ĩacōari, yure mūa rūcubūosejare bojaja. ⁷ Dios yure i ūocāti buto quēnase ñacaju. To bajiri, tire yure ĩoabarine, ñe yu ūocāti ñajare, gājerā rētoro ñamasugū yu ñatuoñasere bojabecu ñari, vāti rojose yure i yisere matabeticami. To bajiri josari jota judicōari, manī ñarore bajiro bajiaja ti, yure. ⁸ Rojose yu tāmūose, "Yure tujato" yigu, idiaji Diore sēniboacaju yu. ⁹ To bajiro ñe yu sēniboajaquēne, ado bajiro yure cudicami: "Catiobeaja yu. Yu yarā rojose ña tāmūojama, butobusa yure sēnirūgūama, 'Yu bojāsere yicōa ñarāsa' yirā. To bajiro ña yijama, 'Rojose tāmūoobarine, ñare yu ejarēmojare, quēnaro yama' yimasiamā masa", yure yicami Dios. ¹⁰ To bajiri, "Cristore ajitirānūgū ñari, rojose tāmūoaja" yimasicōari, variquēnaja yu. Cojoji me rojose tāmūocaju yu. Cojoji me rojose yure yicoderūgūama masa. Cojoji me yu bojase ruñarūgūaja yure. To bajirivāme rojose tāmūogū ñaboarine, ado bajise tuoñā variquēnarūgūaja yu: "Rojose tāmūoobarine, yure i ejarēmoroti ti ñajare, i bojarore bajiro yicōa ñarucāja", yituoñā variquēnarūgūaja yu.

Pablo, Corinto macanare i tuoñarejare queti

¹¹ Yu bajisere gotigu tuoīamasibecure bajiro gotibu yu. “Quēnaro yigu űaami Pablo” mua yibetijare, yu masune to bajiro yibu yu. To bajiboarine, “Quēnaro yigu űaami Pablo”, yiroti űaboayuja muare. Mu taju űarā, Dios ī cōariarā űaja űamasurā yirā rētoro űamasugū űaja yu. ¹² Rojose tāmuboarine, mua taju űagū, Dios ī masise rāca jairo űaīaűamani muare yīlorūgūcaju yu, “ ‘Dios ī cōar’i űaami Pablo’ yure yimasiao” yigu. ¹³ “Gajeroana Jesucristore ajitirānūrārema quēnabusaro yigumi Pablo”, űyituoīaboati mua? Cojoro cōrone muare yirūgūaja yu. To bajiro yigu űaboarine, gājerā Jesucristore ajitirānūrārema, “Yure ejarēmoűa mua, ‘űamasiao’ yirā”, ĩnare yicaju yu. Muarema, to bajiro yibeticaju. To bajiro muare yibeticōari, ĩnare yu yirore bajiro muare quēne yiroti űaboayuja ti, yure. “To bajiro rojose muare yu yisere masirioya”, űmuare yiguada yu? Yibecuja. To bajiro yu yibeticati, “Rojose me űacaju”, yimasirāja mua.

¹⁴ Juaji mua taju ejacaju yu. To bajiri yucu yu vase rāca idiaji muare űagū varucuja. Yu varoto rījoro, quēnojeocōaja yu, jēre. Mua taju ejacōari, “Yure ejarēmoűa, yu űamasirotire yirā” muare yu yibeticatore bajiro yibetiracuja yu quēna. Gājoa mua yere bojabeaja yu. Yure űamaicōari, Dios ī bojarore bajiro mua yirotiyare bojaja yu. Yu rīare bajiro bajiaja mua. ĩna rīa me űaama ĩna jacuare ĩatirānūrā. Jacuajua űaama ĩna rīare ĩatirānūrā. To bajiri mua jacure bajiro bajigu űari, yure mua ĩatirānusere bojabeaja yu. To bajiri, “Yure ejarēmoűa yu űamasirotire yirā”, muare yibetiracuja. ¹⁵ Muare buto maigū űari, jediro yu cuose muare ĩsicōari, yu yimasiro cōro quēnaro muare yirua tuoīavariquēnaja yu, “Cristore quēnabusaro ajitirānūrūtujaro” yigu. Buto muare yu maiboaajuquēne, muajuama, yure maibetibusaja.

¹⁶ “Yure ejarēmoűa, yu űamasirotire yirā” yibeticami Pablo”, yure yituoīarāja mua. To bajiboarine, “Quēnaro tuoīagū űari, ‘Gājoa bujagusa’ yigu, manire yitorimi”, űyure yituoīaboati mua sigūri? ¹⁷ “Manire ī queti cōariarā rāca manire yitorimi Pablo”, űyituoīaboati mua? Muare yibeticaju yu. ¹⁸ “ĩnare űama” yigu, tirūmuju mua taju Titore cōacaju yu, gāji Cristore ajitirānūgū mani maigū rāca. “Manire yitorimi Tito”, űyituoīaboati mua? Yitobetirimi. “Quēnaro yigu űaami”, ĩre yimasirāja mua. Yu tuoīarore bajiro tuoīacōari, mua rāca yu bajiīnacatore bajiro bajiīnari.

¹⁹ “ĩnare mani ĩavariquēnarotire yirā, manire goticōarāma Pablo mesa”, űyituoīaboati mua? To bajiro me bajiaja. Ado bajiroja bajiaja: Cristore ajitirānūrā űari, ī bojarore bajiro muare goticōarā yaja yua. Quēnaro yure ajiya yua mairā. Jediro muare yua goticōase, “Cristore quēnabusaro ajitirānuato” yirā, muare goticōarā yaja yua. ²⁰ Muare yu ĩacudigu vatirūmu, quēnaro yure mua űayusere bojaja yu. “Cojojirema quēnaro űayubetiborāma”, yituoīarejaiaja yu. Gāmerā oca josacōari, mua bajiīnare ejaruabeaja. Mua űarajure ado bajiro mua gāmerā yise űaroja: Gāmerā tud’ire, “Mani rētobusaro quēnaro űaama” yīajūnisinire, ĩna ajibeto űagōjaire, “ĩna rētoro űamasurā űaja yua” yituoīare, tocārācune ricati rīne tuoīacōari, ĩna masurione ĩna bojarore bajiro ĩna yirūgūse quēne űaroja. To bajiro mua gāmerā yīajama, tuoīarejaiborāja mua, “Manire tud’iguagu yigumi” yirā. ²¹ Mua taju yu vacudiro rojose mua yicōa űajama, Dios ī ĩaro rījoroja, “ ‘Yu gotimasiosere quēnaro ajitirānuama ĩna’ yimasibecuja”, yituoīarejaiaja yu. “Jājarā mua rācana gāmerā ajeriarā cuticōa űarāre yu ĩabujajama, buto otigu yigūja yu”, yituoīarejaiaja. “Tuoīarejaibeticōato” yirā, rojose mua yisere yitujaya mua.

13

Pablo ī gotitusare queti

¹ Juaji mua taju ejacaju yu. To bajiri yucu yu vase rāca idiaji muare űagū ejarucuja yu. To bajiri, rojose mua yirere yitujacōari, quēnasejuare tuoīaűa mua, yure yurā. Ado bajise Dios ocare masa ĩna ucamasire gotiaja: “Rojose yir’ire ĩna oca sājama, juarā, idiarā űacōari ĩna oca sājama, quēnaruaroja. To bajiri ĩna idiarājune, to bajirone ĩna űagōjama, ĩnare ajirā quēne, ‘Socarā me yama’ yimasirāma”, yigotiaja Dios ocare masa ĩna ucamasire. ² Tirūmuju mua taju űagū, rojose yiriarāre, yibetiriarāre quēne ado bajise yicaju yu: “Rojose mua yise mua yitujabetijama, quēna mua taju ejagu, rojose mua yicōa űarūgūse vaja rojose muare yirucuja yu. Adirāmurirema muare rojose yu yibetiboajuquēne, yu yirotire masiűa”, muare yicaju yu. Mua taju űabecu quēne, to bajirone muare goticōa űaja yu. “To bajiro gotigu űaboarine, yibecumi”, yure yituoīabesa. ³ “ ‘Cristo ī bojasere gotiaja mu’ yua yimasirotire yigu, ĩaīaűamani yuare yīoma” yure mua yicōare űajare, to bajirone yirucuja yu. “Cristo, manire rojose ī yijama, no yibeaja. Masibecu űagūmi”, ĩre yituoīabesa mua. Yu suorine ī masisere muare yīlorucumi. ⁴ Masijeogu űaboarine, manire bajiro ruju cuticōari, yucātēroja ī jaju ecoriario bero, masibecure bajiro bajirocacoasumi Cristo. To bajiboarine, Dios ī masise rāca tudicaticōari, űagūmi quēna. Cristore bajiro rojose tāmurūgūaja yua quēne. To bajiro bajirā űaboarine, ĩre ajitirānu tujamena űari, ĩre bajirone bajicōa űaruarāja. Dios ī ejarēnose rāca muare ejarēmocōa űaruarāja.

⁵ Maa masune, “¿Cristore ajitirünurã masu ñati yua?”, yituoñaña maa. Cristore ajitirünurã maa ñajama, maa rãca i ñasere masiaja maa. I ñabetijama, ire ajitirünurã masu me ñaja maa. To bajiro maa bajijama, maa masune, “Cristore ajitirünurã ñaja yua”, yisocarãja maa. ⁶ Yuajuare, “Cristo i cõariarã masu ñaama” yuare maa yimasirotire bojaja yu. Cristore ajitirünurã maa ñajama, to bajiro yirãja maa. ⁷ “Rojose maa yirügürere yitujato” yirã, Diore muare sënibosaja yua. “Dios ocare quênaro gotimasioñumi Pablo” maa yivariquênarotire yigu me, Diore muare sënibosaja yua. Quênasejuare maa yirotire bojarã ñari, yaja. “Gãjerã socase gotimasiorã yama” yure maa yiboajaquêne, quênase maa yiroti ñaja ñamasusema. ⁸ “Ñamasusere ajitirünurãto” yirã, Dios ocare gotimasiorügüaja yua. Ñamasusere maa ajitirünurã tujasere bojabeaja. ⁹ To bajiri maa tuju ejacõari, “Quênaro Cristore ajitirünurã ña” muare yua yilamasijama, tud'irãre bajiro muare yibetiruarãja yua. To bajiro maa bajisere iacõari, variquênaruarãja yua, “Quênaro gotimasiasibeama Pablo mesa” maa yise ti ñaboajaquêne. “Cristore ajitirünurãcõari, i bojarore bajiro rĩne yirã ñato ña” yirã, Diore muare sënibosaja yua. ¹⁰ Maa tuju ejacõari, tud'igüre bajiro muare gotirwabecu ñari, yu varoto rĩjoro papera uacõari, muare cõaja yu. Mani uju, “Yu yere ajicõari, satiritiatio” yigu me, yure cõacami. “Tire ajivariquênato” yigujua, yure cõacami.

¹¹ Yu mairã, to cõrone muare yu gotimasiosere ucaja yu. Tire ajitirünurãña. Cristo i bojarore bajiro rĩne yirügüña maa. Sigüre bajiro tuoñacõari, quênaro ñaña maa. To bajiro maa bajijama, maa rãca ñacõa ñarügürucumi Dios. I ñaami i masisere ujogu, “Gãmerã maicõari, quênaro ñato” yigu. ¹² Cristore ajitirünurã ñari, maa rëjajama, quênaro variquênase rãca gãmerã sënima. ¹³ Adoana Cristore ajitirünurã, “Quênato”, muare yicõaama ña.

¹⁴ Mani uju, Jesucristo, quênasere muare cõarügüato. Muare ñamaiato Dios. To yicõari, Esp'iritu Santo, maa jediro rãca ñacõa ñarügüato.

To cõro ñaja.

Carta de San Pablo a los GÁLATAS

Galacia sitanare Cristore ajitirānūrāre Pablo ī uacōāre queti

¹⁻² ĆŃaboati mua, Galacia sitana, Jesucristore ajitirānūrā? Yū űaja Pablo adi queti muare uacōāgū. Jesucristo, to yicōari, ī rijato bero īre catior'ī, ī jacu, īna űaama ti quetire yure gotiroticōarimasa. Masane, "Goticudiaya" yirā īna cōar'ī me űaja. Yū sīgū me adi papera muare cōaja yu. Yū rācana, Jesucristore ajitirānūrā quēne, "Quēnato", muare yicōaama īna. ³ Mani jacu Diore, to yicōari, Jesucristo mani űure ado bajise muare sēnibosaja yua: "Quēnaro īna űarotire yirā, īnare ejarēmoűa", muare yisēnibosaja yua. ⁴ Rojose mani yisere, "Tire yitujato" yigu, Dios ī bojarore bajiro manire rijabosayumi Cristo. ⁵ Dione űaami "Quēnarētogū űaja mu" mani yirūcuburōgūrocu. To bajirone īre yitujabetiruarāja mani.

"Ricati gājerā īna gotimasiosere ajibesa", Pablo ī yire queti

⁶ Cristo ī rijabosare suori, "Quēnaro yu yisere ajitirānucōari, yu yarā űaűa mua" Dios muare ī yirere cudicana űaboarine, yoaro mene ī yere ajitirānu tujacōari, gājerā ricati īna gotimasiosejuare ajitirānuűaja mua. Tire ajisutiriticōari, adi queti muare uacōāja yu. ⁷ Cristo oca rīne űaja riojo gotimasioire. Gaje oca butobusa quēnase manoja. To bajiro ti bajiboajaquēne, gājerā sīgūri, "Cristo oca quēnasere ajitirānubeticōato" yirā, muare gotimavisiorā yirūgūrāma. ⁸ Mua tujū yua űajama, Cristo ocare riojo muare gotimasioacaju yua. To bajiri, sīgū Cristo ocare ricati muare ī gotimasiojama, rojose tāmūotujabetiriaroju īre rocacōaroti űaja. Yua quēne ricati yua gotimasiojama, yuare reacōaroti űaroja. Ō vecagu quēne, āngel űaboarine, vadicōari, ricati ī gotimasiojama, rojose tāmūotujabetiriaroju īre quēne rocacōaroti űaja. ⁹ Tirāmūju mua rāca űarā, yua goticatore bajirone quēna muare tudigotiaja yu: Sīgū, Cristo ocare yua goticati mua ajitirānucati me, ricati muare ī gotimasiojama, rojose tāmūotujabetiriaroju īre rocacōaroti űaja.

¹⁰ To bajiro yu yijama, ımasa yure īna ajivariquēnarotire yigu yatique yu? "Rojose īna yiboajaquēne, īre īna ajivariquēnarotire yigu, īnare quēnaro gotiami Pablo", yiboayuja mua. To bajiro yu gotijama, Dios ī bojarore bajiro me yigu, yigūja yu. Tirāmūju to bajiro yicacu űaboarine, yucurema to bajiro yibeaja yu. Dios ī ajivariquēnarotijuare yigu, muare gotiaja.

Jesús, Pablōre ī gotiroticōare queti

¹¹ Quēnaro ajiya yu mairā. Riojo muare gotiaja yu. Jesucristo oca yu gotimasiose, masa īna tuoűarujeore me űaja. ¹² Tire gājerāne yure gotimasioibeticama. Jesucristo ī masune yure goticōari, tire yu ajimasirotire yure űjocami.

¹³ Yū bajicature ajicana űari, "Riojo gotiami Pablo", yimasiaja mua. Tirāmūju yua jud'io masa yere buto ajirūcubocaju yu maji. To bajiro bajigu űari, Cristore ajitirānūrare buto rojose īnare yirūgūboacaju yu, "Ĳre ajitirānu tujato" yigu. ¹⁴ Gājerā yu cōro űatusana yua jud'io masa yere īnare masirētocoacaju yu, yua űicua īna rotimasirere īna rētobusaro yivariquēnagū űari. ¹⁵ To bajiro yu bajiboajaquēne, yu ruyuaroto rījoroju, "Ĳni Pablo, bucuacu, yu yu űarucumi", yituoűaűumi Dios. To yicōari, beroju, buto quēnagū űari, yure īamaicōari, "ĲYu yu, yu bojasere yigu űaruabeati mu?", yure yicami. ¹⁶ "Ĳ macune űaami Jesús" yu yimasirotire yigu, yicami Dios. To bajiro yure yicami, ī macu ī rijabosare suorine quēnaro ī yise queti jud'io masa me űarāre yu goticudirotire yigu. To ī yirone, "ĲNo bajiro yigati yu? ĲTire quēnabusaro ajimasigūsa' yigu, gājerāre sēnīaroti űati?", yisēnīabeticaju yu. ¹⁷ To yicōari, yu rījoro Cristo ī cōariarāre quēne sēnīagū, vabeticaju yu, Jerusalēnju. Ado bajiroju yicaju yu: Yoaro mene Arabia vāme cuti sitaju masa űabetoju vacaju yu. Beroju Damasco vāme cuti macaju tudiejacaju yu quēna.

¹⁸ To bajiri, "ĲYu yu, yu bojase yigu űaruabeati mu?" Dios yure ī yiro bero, idia cāma bero, Pedrore īagū vacaju yu yuja, Jerusalēnju. Toju ejacōari, yoaro me űacaju yu, ī rāca. Juāāmo cōro, cojo gubo jēnituario űarirāmuri űacaju yu. ¹⁹ Toju űagū, gājerā Jesús ī cōariarāre īabeticaju yu. Pedrore, mani űju bedi Santiago quēne, īna juarārene īacaju yu. ²⁰ Socu me yaja yu. "Riojo gotiami Pablo", yure yimasigūmi Dios.

²¹ Pedrore, Santiagoore īnare yu īaro bero, Siria vāme cuti sitaju, to yicōari, Cilicia vāme cuti sitaju űacudicaju yu. ²² Judea sitana Cristore ajitirānūrā, "Pablo űaami", yure yīűamasibesuma īna maji. ²³ To bajiboarine, gajeroana ado bajiro yure īna űagōre rīne ajiyuma īna: "ĲJesu-cristo ī rijabosare suori Dios quēnaro ī yise quetire ajitirānu tujato' yigu, buto rojose yuare yiboacacune, adirūmarirema, ti quetirene masare gotimasiojudiami, 'Ĳjitirānuato' yigu" yure īna yire rīne ajiyuma Judea sitana. ²⁴ "ĲYu macure ajitirānuűa' Dios ī yicōare űajare, īre ajitirānugū űagūmi Pablo" yimasicōari, "Quēnaro yaja mu", Diore yirūcubuojujarā īna.

2

Jesús i cōariarā Pablōre ina iavariquēnare queti

¹ Jerusaleñju yu vacato bero, juaāmo cōro, gubo babari jēnituari cāmari bero, Jerusaleñju vacaju yu quēna, Bernabé rāca. To yicōari, Tito vāme cutigure ji vacaju yu. ² Dios i ejarēmose rāca, “Toju varoti ñaja” yituoīagū ñari, vacaju yu. Toju ejacōari, Cristore ajitirānurā sīgūri, “Ñamasurā ñaama” ina yirūcuborā rāca rīne rējacōari, goticaju yu. “Cristo i rijabosare suorine Dios quēnaro i yise queti jud’io masa me ñarāre ado bajiro ñare gotimasiorūgūaja yu”, ñare yigoticaju. “Riojo masu ñare gotimasiorūgūami Pablō” ina yiajimasirotire yigu, to bajiro ñare yicaju. “Tire ina ajimasibetijama, yu gotimasioacana quēne, quēnaro Dios i yisere ajimasibetiruarāma ña quēne” yituoīagū ñari, to bajise goticaju yu. ³ Tire ajicōari, yu gotirore bajirone tuoīacama ña quēne. To bajiro tuoīarā ñari, “Dios yarā ñaja yua; to bajiri ñe cudirona ñaja” yirā, jud’io masa circuncisiōn yiadire ti ñaboajaquēne, yu rācagu Titore ñe yirotibeticama ña yuja. To bajiro ñe yirotibeticama, Tito, jud’io masu me ñari, circuncisiōn yiyamagū i ñaboajaquēne. ⁴ Gājerāma, “¿No bajiro yati Cristore ajitirānurā? ¿Moisére Dios i roticūmasire cudiati ña?” yīarā, “Cristore ajitirānurā ñaja” yuare yitocōari, rējacama ña. “Moisére Dios i roticūmasire cudiroti ñaja”, yituoīarā ñacama. To bajiro ña tuoīacatore bajiro yua yituoīarotire bojaboacama. To bajiri yua rāca rējacōari, “Titore circuncisiōn yiya”, yiboacama ña. ⁵ To bajiro ña yiboajaquēne, cojo vāme yuare ña goticatore bajiro ñare cudibeticaju yua. “Cristo i rijabosare suorine Dios quēnaro manire i yise queti, mavisiare mano, riojo Pablōre Dios i gotitroticōariore bajirone gotimasioacōa ñarūgūato” yirā, ñare cudibeticaju yua. To yicōari, Galacia sitana, “Quēnaro Dios manire i yise queti mani ajicatore bajirone bajiyuja” muu yimasirotire yirā, ñare cudibeticaju.

⁶ Gājerājua, “Ñamasurā ñaama” Cristore ajitirānurā ña yirūcuborā, “Quēnaro riojo gotimasioami Pablō”, yicama ñama. “‘Rojose maja muare’ Dios manire i yīavariquēnase mu gotimasioruajama, gajeye gotimasiorēmoroti ñaja”, yure yibeticama. “Ado bajiro bajiriarā ñari, ñamasurā ñaama ña” gājerā ña yirūcuborā ña ñajama, ña ñabetijaquēne, no yibeaja yurema. “‘Ñamasurā ñaama’ masa ña yirūcuborā ña ñajare, ‘Gājerā rētoro masirā ñaama’ yīlagūmi Dios quēne”, yire maja. ⁷ Ado bajirojua yure yicama ña, masa ña rūcuborā: “Dios i cōar’i ñaja mu quēne. ‘Jud’io masa mere quēne yu macu suorī quēnaro yu yise queti gotimasioacudiato’ yigu, muare cōañumi Dios”, yure yicama ña. “‘Jud’io masare gotimasioato’ yigu, Pedrore Dios i cōariore bajiro muare quēne cōañumi, ‘Jud’io masa mere gotimasioato’ yigu”, yure yicama ña, masa ña rūcuborā. ⁸ To bajiro yu yijama, ado bajirojua yigu yaja yu: Dios i masise Pedrore ujoyumi, “Yu bojarore bajiro jud’io masare gotimasioato’ yigu. Pedrore i ujoriarore bajiro yure quēne ujoyumi Dios, ‘Jud’io masa mere gotimasioato’ yigu.

⁹ To bajiri ti macana yua rāca rējacana, ñamasurā ñacama Santiago, Pedro, Juan quēne. Yu gotisere ajicōari, “Dios, quēnagū ñari, to bajiro Pablōre gotimasio roticōañumi”, yimasicama ña. To bajiro yirā ñari, yure, yu rācagu Bernabé quēne, ado bajiro yuare goticama ña: “Yuare bajiro Dios i bojasere yirā ñaja muu quēne. Jud’io masare yua gotimasiosere Dios i bojarore bajiro jud’io masa mere muu gotimasiosere bojaami”, yuare yigoticama ña. ¹⁰ To yicōari, ado bajise rīne yua yirotire goticama: “Dios i bojarore bajiro ñare gotimasioacudiroti ti ñaboajaquēne, adoana Cristore ajitirānurā maioro bajirāre ñare masiritibeticōari, gājoa muu cōajama, quēnaruarōja”, yure yicama. To ña yicatore bajirone masiritibeticōari, “Ñare ejarēmoto mani”, yicaju yu.

Pablō, “To bajiro mu yise quēnabeaja”, Pedrore i yire queti

¹¹ Pedro, yua tuoīacatore bajirone gotiboarine, beroju Antioqu’ia vāme cuti macaju yu ñarone, ejacōari, rojose yicami. To bajiri i ñaro rījorojua ejarūgācōari, “To bajiro mu yise quēnabeaja”, ñe yicaju yu. ¹² Ado bajiro rojose yicami Pedro: Rījoroju Antioqu’iaju ejacōari, quēnaro yicami maji. Jud’io masa me ñarā rāca baba cuticōari, ña rāca bacami. To bajiro i yīñarone, Jerusaleñ macana Santiago i cōariarā ñacudirā ejacama ña quēne. “Jud’io masa me ñarā, Dios i rotimasire cudimena, circuncisiōn yibetiriarā ña ñajare, ña rāca babetiroti ñaja”, yituoīarā ñacama ña. ña ejasere ñacōari, “‘Rojose yaja mu’ yure yīroma” yigu, gūicami Pedro, i quēne jud’io masu ñari. To bajigune, babetirūtuacami, jud’io masa me ñarā rāca yuja. ¹³ Ti macana, gājerā jud’io masa, jud’io masa me ñarā rāca Pedro i babetire ñacōari, ñe bajirone babeticama ña quēne, ña masune “‘Ña rāca mani bajama, quēnacōaja’ yituoīarā ñaboarine. To bajiro ña yisere ñacōari, Bernabé quēne, ñare bajirone babeticami, jud’io masa me ñarāre buto ñamaigū ñaboarine. ¹⁴ To bajiri, “Cristo i rijabosare suorine quēnaro Dios i yise queti ti gotirore bajiro tuoīamena ñari, to bajiro yama” yimasicōari, jediro masa ña ñaro rījoro Pedrore ado bajiro ñe yigoticaju yu: “Jud’io masu ñaboarine, tirāmujū Moisé i rotimasirere ajibecu ñacoasuja mu. To bajiro mu bajijama, quēnaro tuoīañuja mu maji. To bajiboarine

Moisés i rotimasirere ajirucubogare bajiro yaja ma quēna. To bajiro ma bajijama, jud'io masa me ñarāre Cristore ajitirānūrāre ado bajiro ñare rotigure bajiro bajiaja ma: 'Cristore ajitirānūrā masu, "Rojose maja muare" Dios i yīāvariquēnārā mua ñarūajama, jud'io masa yere Moisés i rotimasiriarore bajiro cadiroti ñaja muare quēne' ñare yirofigure bajiro bajiaja ma. To bajiro ma bajise quēnabeaja", Pedrore ñe yigoticaju yu.

To yicōari, ado bajiro ñe goticaju yu quēna:

¹⁵ Mani juarā jud'io masa ñaja mani. To bajiri gājerā masa, Moisére Dios i roticūmasirere cadimenare bajiro bajirā me ñañuja mani maji. ¹⁶ To bajiboarine, beroju, "Moisére Dios i roticūmasirere mani cadise suorine, 'Rojose maja' manire yīābetirucami Dios", yimasicoasuja mani. To bajiro yimasirā ñari, jud'io masa ñaboarine, mani ñicua yere, Moisére Dios i roticūmasirere ajitirānu tujacōari, Cristojare ajitirānu soyuja mani, " 'Rojose maja' manire yīāvariquēnato Dios" yirā.

¹⁷ To bajiri ñe ajitirānūrā ñari, Moisére Dios i roticūmasirejuare ajimenare bajiro bajiaja mani. To bajiro bajirā mani ñajare, "Rojose yaja mua", manire yīāama yua yarā, Moisés i rotimasirere ajirucuborā. Ña tuoīare bajiro mani tuoīajama, "Cristo suorine rojose yaja mani, Moisés i rotimasire cadimena ñari", yituoīaboarāja. ¿Rojose manire yirotiatigue Cristo? ¡Yibeami! To bajiri, "Cristore ajitirānūrā ñari, Moisés i rotimasirejuare mani ajibetijama, rojose yibeaja mani", yimasire ñaja. ¹⁸ Moisére Dios i roticūmasire mani ajitirānu tujarene mani tudi ajitirānujama, rojose yirā yirāja mani. ¹⁹ Moisére Dios i roticūmasire ado bajiro gotiaja: "Adire cadijeomena, rojose yirā ñaruarāma", yigotiaja ti. Tirūmuju tire yu yimasijeobojaqueñe, " 'Rojose maja' yure yīābetirucami Dios", yimasicoacaju yu. To bajiri Moisére Dios i roticūmasirere ajitirānu tujacoacaju yu. To bajicōari, Cristo ocajuare ajitirānuocaju, "i rijabosare suorine, 'Rojose magū ñaami' yure yīato Dios" yigu. Tire tuoīavariquēnacōari, i bojarore bajiro yirūgūaja. ²⁰ To bajiri tirūmuju yu bajicatore bajiro bajibeaja yu yuja. Cristo, yu rācane ñaami. To bajiri, "Yure ejarēmorcami" yituoīagū ñari, ñe sēnirūgūaja yu, i jacu i bojarore bajiro yu yirotire yigu. Ñe ñaami yure maigū, yure rijabosar'i. ²¹ Mani jacu quēnagū ñari, i macu i rijabosare suorine quēnaro yure i yisere tegure bajiro bajiruabeaja. Moisés ñamasir'i i rotimasirere mani ajisuyase suorine rojose mani yise vajare yirētoecoriarā mani ñajama, Cristojua manire i rijabosare, vaja maniboriaroja.

3

"Cristore mua ajitirānujare, Esp'iritu Santo, muare ejayumi", yire queti

¹ Ajiya Galacia sitana. Cristore ajitirānu tujacōari, ricatijua ajitirānūrā ñari, tuoīamasimenare bajiro bajiaja mua. ¡No yirā gājerā socasere gotirāre ajitirānumenaja mua tia! Tirūmuju muare gotimasiorā, "Yucātēroju Jesucristo manire i rijabosare ñajare, 'Rojose mana ñaama' manire yīāmi Dios", muare yicaju yua. ² To bajiri cojo vāme mua masibujasere bojaja yu: ¿Moisére Dios i roticūmasire mua cadijare, Esp'iritu Santo, muare ejacōari, i masisere muare ujocati? ¡To bajiro me bajicaju! Cristo i rijabosare suori Dios quēnaro i yise quetire ajicōari, Cristore mua ajitirānujare, muare ejayumi Esp'iritu Santo. ³ ¡No yirā tuoīamasimena masu ñacōati mua? Tirūmuju Jesucristore mua ajitirānu suorijane, "Dios i bojarore bajiro yato ña" yigu, muare ejarēmogū, ejayumi Esp'iritu Santo. To bajiboarine, mua rācane i ñaboajaquēne, adirūmurirema, ¿"Dios i rotimasire quēnaro mani cadijama, Dios i bojarore bajiro yirā rīne ñaruarāja mani", yituoīaboati mua? ⁴ Cojo vāme me quēnaro mua bajirūgūboare, yucurema vaja manire bajiro bajiaja. To bajiro mua bajise yu tuoīajama, vaja manire bajiro bajise me ñaboayuja. Quēnaro mua bajirūgūrere tuoīacōari, "Jesucristore ña ajitirānuocatore bajiro tudiajitirānūrāma", muare yituoīaja yu. ⁵ Esp'iritu Santore muare cōañumi Dios. To yicōari, jairo ña ñamanire muare yīloñumi. ¿No bajiro mua yicati ñajare, to bajise muare yiyujari? Moisére Dios i roticūmasire ti gotirore bajiro mua yise suori me, to bajiro yiyumi. Cristojare mua ajitirānujare, to bajiro yiyumi.

⁶ Dios ocare masa ña ucamasire ado bajiro gotiaja ti: " 'Quēnaro mare yirucuja yu' Abrahamre Dios i yirere, 'I yirore bajirone bajiraroja ti' i yiajire ñajare, 'Rojose maja' ñe yīāñuju Dios", yigotiaja. ⁷ Tire ajicōari, ado bajiro yimasiaja mani: "Abraham ñamasir'ire bajiro Diore ajitirānūrāre, 'I jānerabatia ñaja mua' ñare yīāgūmi Dios", yimasiaja mani. ⁸ Ado bajiro ti bajijare, to bajiro yimasiaja mani: Tirūmuju adi macarucuroju i macare Dios i cōaroto rījoroju, "Jud'io masa me ñarā quēne, Abraham, yure i ajitirānurore bajiro yu macure ña ajitirānujama, 'Rojose maja' ñare yīārucuja", yituoīamasinuju Dios. Tire tuoīacōari, ado bajiro Abraham ñamasir'ire ñe gotimasinuju: "Mu suorine masa jedirore quēnase ñare yirucuja yu", yimasinuju Dios. ⁹ To bajiri Abrahamre bajiro Diore ajitirānūrāre quēnaro yami Dios. Ña rīrene, "Rojose maja", yīāgūmi.

¹⁰ "Moisés ñamasir'ire Dios i roticūmasirere mani cadijama, 'Rojose maja' manire yīārucami Dios" yituoīaboarāre, "Rojose ñaja", ñare yīāgūmi Dios, i rotimasirere

cudijeomena ina ñajare. To bajirone gotiaja Dios ocare masa ina ucamasire. Ado bajiro gotiaja ti: “Dios i rotirere cudijeomenare, ‘Rojose ñaja’ inare yilagü ñari, rojose inare yirucami Dios”, yigotiaja ti. To bajiri, tire cudijeorä ina manijare, “Tire ajitirünurä jedirore, ‘Rojose ñaja’ inare yilagümi Dios”, yimasaja mani. ¹¹ Sīgü tire cudijeogu i ñabojaquēne, “Rojose maja”, ire yīābetibogümi Dios, ricati i gotimasire ti ñajare. Ado bajiro gotiaja i gotimasire: “Manire ñamaicōari, ‘Rojose maja’ manire yīāami Dios, yituoārāma, ina rijato beroju ina catirotire yigu, yu catisere yu īsirä ñaama”, yigotiaja ti. ¹² Moisére Dios i roticūmasire ado bajirojua gotiaja: “Ī roticūcati jedirojune i cudijeocōajama, i rijato beroju Diorāca quēnaro ñacōa ñarügürucami”, yigotiaja.

¹³ Dios i rotimasire ajsuyaboarine, rojose mani yise vajare, Cristo, rojose magü ñaboarine rojose yir’ire bajiro manire rijabosayumi. Dios ocare masa ina ucamasire ado bajiro ti gotijare, “‘Rojose yir’i ñaami’ yīāmi Dios”, yimasaja mani: “Yucüja ina jaju sīgäre, ‘Rojose yir’i ñaami’ yīāami Dios”, yigotiaja ti. ¹⁴ Tirāmüju ado bajiro gotimasifüju Dios, Abraham ñamasir’ire: “Yure mü ajitirünure bajiro, gājerä, yure ajitirünurä quēnaro inare yirucüja”, ire yimasifüju. Jud’io masa, jud’io masa me quēne, Cristore ina ajitirünajama, ina rijato beroju mani catirotire yigu, inare īsirucami Dios. To yicōari, “Esp’iritu Santore müare ejarēmorcäre cōarucüja” Dios i yicatore bajiro yigu, inare cōarucami.

“Ado bajiro yirucüja yu”, Dios i yire queti

¹⁵ Quēnaro ajiya yu mairä. Gotimasiore queti müare gotigu yaja yu: Sīgü, “Ado bajiro yiräsa”, gāji räca gāmerä yigümi. To yicōari, “Yirucüja” i yiriaro cōrone papera jüroju ucatujeocōagümi. To bajiro i yicōare ñajare, gājiyua, “Ado bajirojua yiroti ñañüja” yigu, i ucaria jürojare ucarēmomasibecümi. ¹⁶ Tire bajiro bajimasifüju Abrahamre Dios i goticūmasire quēne. Ado bajiro ire goticūmasifümi: “Sīgü mü jānami suorine masa jedirore quēnaro yirucüja yu”, ire yigoticūmasifümi Dios. “Mü jānerabatia suorine masa jedirore quēnaro yirucüja”, yibesümi. “Sīgü mü jānami suorine” i yijama, “Cristo suorine” yire üni ñamasifüju ti. ¹⁷ “Tire quēnaro ajimasiatu” yigu, müare gotimasioḡü yaja yu. “Mü jānami suorine masa jedirore quēnaro yirucüja”, Abraham ñamasir’ire yigoticūmasifümi Dios. To yicōari, “Socü me yaja yu. Yu gotirore bajirone yirucüja”, ire yigotirēmomasifümi. To i jüro bero, cuatrocientos treinta cāmari bero, gajeye i rotimasire Moisére cūmasifümi, jud’io masa ina cadirotire yigu. “Tire quēnaro ina cadijama, quēnaro inare yirucüja”, Moisére ire yimasifümi. To bajiro i yijama, “Tirāmüju Abrahamre yu goticacire vasoḡü yaja yu” yigu me, yimasifümi. To bajiro i yijama, Abrahamre quēnaro i yirotire goticūcōari, “Socü me yaja yu”, ire yirēmobetimasiborimi Dios. ¹⁸ Moisére i roticūroto rījorjune, quēnaro mani yirotire gotibecüne, “Quēnaro müare yirucüja”, manire yigotiyumi Dios. To bajiri, “Dios i rotimasire manire cadirotire tuoḡagü me yiyumi”, yimasaja mani. To bajiro i yibetijama, “Socüne manire yiyumi”, yimasiboräja mani.

¹⁹ “Abraham i cadirotire gotibecüne, ‘Masa jedirore quēnaro yirucüja’ Dios i yijama, ¿no yigu beroju Moisére ire roticūmasifüjari Dios?”, yituoārāja müa, sīgüri. To bajiro yituoāräre ado bajiro cadija yu: “‘Cudijeomasibeaja; rojose yijairä ñaja mani’ yimasiatu masa” yigu, i rotimasire cūmasifüju Dios. “To bajiro tuoārügüruarāma, Abraham jānami suorine masare quēnaro yu yitotirämu ti ejaro”, yituoāmasifümi Dios. Ī masune, i rotimasire Moisére gotibetimasifüju. Ī tuana ángel mesare Moisére gotirotimasifüju. Īna gotisere ajicōari, jud’io masajare gotirētomasifüju Moisés quēna. ²⁰ “Mü jānami suorine masare quēnaro yirucüja” Dios i yijama, i tuana ángel mesare gotirotibesuju. Ī masune Abrahamre gotimasifüju.

“‘Rojose yirä ñaja’ masa ina yituoārötre yigu, i rotimasire cūmasifüju Dios”, yire queti

²¹ Abraham ñamasir’ire quēnaro i gotiro bero, i rotimasire cügä, ¿“Abrahamre yu goticacitijare masiritiya” yigu, yiyujari? To bajiro me yiyumi. Moisére Dios i roticūmasire quēnaro mani cudijeose suorine, “Nie rojose mana ñaama”, manire yibogümi Dios. ²² To bajiboarine, Dios i rotimasire masa ina cadiḡe suorine, “Rojose mana ñaama”, inare yibeami Dios. Dios ocare masa ina ucamasire ado bajiro ti gotijare, tire masaja mani: “Masa jediro rojose yisejarä ñari, ti rione inare yirucacōrügüja”, yigotiaja. To bajiri, “Mü rotimasire cudibecu ñaja yu” Diore ire yigoticōari, “Jesucristo yure i rijabosare ñajare, ‘Rojose maja’ Dios i yilagü ñaja yu” yituoārä rīne ñaama Abrahamre Dios i goticūmasiriarore bajiro quēnaro i yirä.

²³ Tirāmüju, “Jesucristore mani ajitirünusere ĩacōari, rojose tāmüotjabetiriaroju mani vaboritire manire yirētobosarucami”, yimasibetijaju mani maji. Dios i rotimasire cudirügüre ñañüja ti. To bajiri, “Rojose mani yise vaja rojose yibeticōato Dios” yirä, no bajiro yimasibesuja mani maji. ²⁴ Gotimasiore queti müare gotiaja yu: Üju, i macäre ire codebosagure ado bajiro ire rotigümi: “‘Yu macü rojose yibeticōato’ yigu, ire quēnaro coderucüja mü”, ire yirotigümi. “Ī bucacōajama, yu yere cuomasijeocü i ñajare, no

yigu ìre codebecaja mua”, ìre yigumi ì wu. Ì macure codebosagure bajiro bajiyuja Dios ì rotimasire. “Rojose yibesa mua” manire yimasiore ñacoayuja ti, Cristo manire ì rijabosaro bero, “Ì suorine, ‘Rojose maja’ Dios ì yìlarā ñaja” mani yituoìaroto rìjorojune. ²⁵ To bajiri adirāmùrirema Cristore ajitirūnurā ñari, manire codegure bajiro me bajiaja ti, Dios ì rotimasire. ²⁶ To bajiri mua jediro Jesucristore ajitirūnurā ñari, “Yu rīa ñaja” Dios yirā ñaja mua quēne yuja. ²⁷ Cristore ajitirūnucōari, oco rāca bautiza ecoyuja mua. To bajiro mua yiecosere ñacōari, Cristo quēnaro ì yirūgūriarore bajirone muare quēne “Quēnaro yirā ñato” muare yiyumi Dios. ²⁸ Mua jediro Jesucristo yarā mua ñajare, cojoro cōro mua ñasere ñamaigūmi Dios. Jud’io masa, jud’io masa me quēne ñaja mua. Gājerāre moabosarimasa, moabosarimasa me quēne ñaja mua. Rōmia, ūmua quēne ñaja mua. Jediro vusaro mua ñaboajaquēne, Jesucristo yarā mua ñajare, cojoro cōrone mua ñasere ñamaigūmi Dios. ²⁹ Cristo yarā ñari, Abraham jānerabatiare bajiro bajiaja mua quēne. To bajirā ñari, Abrahamre Dios ì gotimasiriarore bajirone quēnaro ì yirona ñaja mua.

4

¹ Gotimasiore muare gotiaja yu quēna: Sīgū, ì macu ñasuoḡu, ì jacu ye jediro cuorocu ñaboarine, ì daquecōajama, ì jacure moabosarimasare bajiro bajiami. Ìna rotijama, ña rotirore bajiro cudiroti ñaja ìre. ² Daqueḡu ì ñaro, ì jacure moabosarimasa ìre coderāma. To yicōari, ì cuorotire quēne coderāma. “Yu macure yu cuose jediro ìre ñiaja yu yuja” ì jacu, ì yirotirūmu ti ejaro, moabosarimasare bajiro me bajigumi yuja. Ìre rotimasimenama. ³ Mani quēne Cristore mani ajitirūnuroto rìjoroju, to bajirone bajiboacaju mani maji. Adigodoaye rīne tuoìarā, ña ajirūcubore ti rotirore bajirone rotiecoaju mani. ⁴ To bajiro mani bajiñaboajaquēne, “To cōrone yu macure cōarucuja yu” Dios ì yiriarūmu ejayumi. To bajiri Dios macu ñaboarine, manire bajirone rōmio suorine ruyuyumi. Jud’io masu ruyuar’i ñari, Dios ì rotimasire rotiecoyumi. ⁵ Tirāmūaye rotimasire ajitirūnuboariarā, rojose mani yisere ì masiriose vaja, ì macu ì vaja yibosarotire yigu, ìre cōañumi Dios. Ì rīa mani ñarotire bojagu ñari, to bajiro yiyumi. ⁶ To bajiri Dios rīa mani ñajare, ì macu Jesucristo rācagu, Esp’iritu Santore, manire cōañumi Dios. Manire quēne ì ñajare, “Cacu”, ìre yivariquēnaja mani. ⁷ To bajiri, adirāmùrirema, Dios Moisére ì roticūmasirere rotiecorā me ñaja, Dios rīa ñari. To bajiri, “Yu rīare quēnaro ñare yirucuja yu” ì yiriarore bajirone manire yirucumi”, yimasiaja mani.

“Jud’io masare bajiro bajibesa”, Pablo ì yire queti

⁸ Tirāmūjama Cristore mua ajitirūnuroto rìjoro, Diore masibeticaju mua maji. Ìre masimena ñari, “Ado bajirā ñarāma” mua masune yiquēnorujeocōari, rucubuooboayuja mua maji. ⁹ Adirāmùrirema Diore masirā ñaja mua quēne. To bajiri, “Yu rīa ñaama” muare yīaru, muare beseyumi Dios. Diore masirā ñaboarine, ¿no yirā Diore masimena ña rotirere mua rotiecoriarore bajiro Dios ì rotimasirere rotiecorā ñaruati mua? To bajiro mua yiraboase vaja maja. ¹⁰ Jud’io masa me ñaboarine, jud’io masa ye Moisére Dios ì roticūmasire ti rotirore bajiro mua cudirūgūre ajibu yu. “Adirūmu rucubuarirūmu ñaja. Ado cōro ñamiagu ì tusatone, ado cōro juebucu ti tusatone, to yicōari, ado cōro cūma ti tusatone, rucubuaroti ñaja” yicōari, mua cudirūgūre ajibu yu. ¹¹ Tire ajicōari, “¿Yu gotimasioboacati vaja mañujari?”, yituoìia sutiritiaja yu.

¹² Yu mairā, ado bajiro mua bajisere bojabeaja yu: Dios ì rotimasirere mua rotiecosere bojabeaja yu. Yujuama, jud’io masu ñaboarine, “Tire yu cudijama, ‘Rojose maja’ yure yirucumi Dios”, yibeaja yu. Yu yituoìarore bajiro mua quēne, mua tuoìajama, quēnararoja. Tirāmūju mua taju yu ñaro, quēnaro yure yicaju mua maji. ¹³ Tire masiritimenaja mua. Rijagu ñari, mua taju ejacaju yu. Cristo ì rijabosare suorine quēnaro Dios ì yise quetire muare gotimasiosocaju. ¹⁴ Rijagu yu ñaboajaquēne, yure ñatebeticaju mua. Ángel bocaāmīrāre bajiro quēnaro yure bocaāmīcaju mua. To yicōari, Jesucristore bocaāmīrāre bajiro quēnaro yure bocaāmīcaju mua. ¹⁵ Adirāmùrirema, “Vaja magū ñaami” yīarāre bajiro yure yaja mua yuja. To bajiri, “Yu gotimasicotiare ajicōari, buto ña variquēnacatire masiriticoariarāma”, muare yituoìaja yu. Tirāmūjama, variquēnacōari, buto yure ñamaicana ñari, mua yimasijama, mua caje juacōari, yure ñiboriarāja mua, “ñamasiato” yirā. ¹⁶ Adirāmùrirema yure ñateaja mua. ¿No bajiro bajicōari, yure ñateati? Cristo ì rijabosare suorine quēnaro Dios ì yise quetire quēnaro riojo muare yu goticōa ñajare, ¿yure ñateati mua?

¹⁷ Dios ì rotimasire gotimasiorā, muare baba cutirūgūrāma ña. To bajiboarine, muare quēnaro yiruarā me, to bajiro bajirāma. “Pablōre ajitecōari, mani rīrene ajitirūnuato” yirā, to bajiro bajirāma. ¹⁸ Gājerā manire mairā, buto manire ña tuoìajama, quēnaja. To bajiboarine, manire yitoruarā, socarāne manire ña maijama, quēnabeaja. Gajeyerema, mani taju gājerā ña ñaro rīne, ñare mairoti me ñaja manire. To bajiro muare yirūgūroti ñaboaja, yure. ¹⁹ Yu

mairã, yu rĩare bajiro bajirã ñaja mua. Muare buto tuoĩacõa ñaja yama. Rõmia ña macu suoroto rĩjoro, buto tuoĩacõari, rojose ña tãmuorore bajiro yu quẽne, muare tuoĩacõari, rojose tãmuoaja. To bajiro rĩne rojose tãmuocõa ñarũgũrucuja yu. Gajeye tuoĩavumenane, “Cristo ñ rijabosare suorine, ‘Rojose maja’ manire yĩlagũmi Dios” mua yituoĩaroju, rojose tãmuo tujarucuja. ²⁰ Mua tũju buto ñaruaboaja yu. Toju yu ñajama, quẽnabusaro muare gotiboguja yu. Sõju ñari, muare tuoĩarejaicõari, adi papera rãca quẽnaro muare gotimasibeaja yu.

Sara, Agar ña bajire queti

²¹ Mua sigũri, Moisére Dios ñ roticũmasire cudirua tuoĩaja mua. “Dios ñ rotimasire” yua yijama, Moisés ñ ucamasirere yirã yaja. To bajiri Moisés ñ ucamasirere muare yu gotimasiosere quẽnaro ajimasina mua. ²² Abraham ñamasir’i, juarã ãmua rĩa cutimasiniuju. Ñ manajore moabosarimaso Agar vãme cutimasirio macu ñamasiniuju sigũ. Gãjijua, ñ manajo Sara vãme cutimasirio macu ñamasiniuju. ²³ Sarare moabosarimasorene manajo cuti, yi macu cutimasiniuju Abraham. Gãjijua, ñ manajo cutisurorio macu ñamasir’ima, “Macu cutiruocomo” Abrahamre Dios ñ yimasir’ire macu cutimasiniuju. ²⁴ To bajiro ña bajimasirere ado bajiro gotiaja: Moabosarimaso, so rĩa cutijama, so ujere moabosarimasa ñarãma ña quẽne. To bajiro rĩne bajicoayuja ti. To bajiri, Sarare moabosarimaso, Agar vãme cutimasirio, gũtau Sina’i vãme cutiujũ Moisére Dios ñ roticũmasirere bajiro bajiyumo so. To bajicõari, Dios ñ rotimasire cudirã, ado bajiro so rĩare bajiro bajiamã ña: ña quẽne, moabosarimase bajiro bajiamã, Dios ñ rotimasire cudijeobetiboarine, “‘Manire ñavariquẽnato Dios’ yirã, cudiroti ñaja” yirã ñari. ²⁵ Gajeyerema, ado bajiro ti bajijare, “Moisére Dios ñ roticũmasirere bajiro bajiamo Agar”, yimasiaja mani: Cojojirema, “Agar” ña yijama, gũtau Sina’i vãme cutiare yirã yama masa. To bajicõari, Agar macu jãnerabatia, árabe masa ña ñaroju ñaroja tiu. To bajicõari, Jerusalén vãme cuti macare bajiro bajiamo so, Agar. Moabosarimasa jacore bajiro bajiaja Jerusalén, ti macana, Dios ñ rotimasire cudirã ña ñajare. ²⁶ Ñ vecaju quẽne, Dios ya maca “Jerusalén vãme cuti maca ñaroja”, yicama. Tojuma, moabosarimasa jacore bajiro me bajiaja. Sarare bajiro bajiaja, ti maca ñarona, so rĩare bajiro bajirã, “Dios ñ rotimasire cudiroti me ñaja” yicõari, Cristo rĩrene ajitirũnarã mani ñajare. ²⁷ Diore gotirẽobosarimasu Isa’ias vãme cutimasir’i ado bajiro ñ ucamasire ñajare, “Sarare bajiro bajiaja ñ vecaju, Jerusalén maca”, yaja yu. Sarare gotigure bajiro ucamasiniuju:

“Rĩa magõ, ajiya. Rĩa magõ ñaboarine, quẽnaro variquẽnaña. Macu cutigoago rojose tãmuoĩabeco ñaboarine, ‘Jãjarã rĩa cutiruocõa’ yimasigõ ñari, variquẽnaña mu. ‘Jãjarã rĩa cutiato’ yigũ yirucuja yu. Yu rãca ñagõ rẽtoro rĩa cutiruocõa mu”, yuucamasiniuju Isa’ias.^a

²⁸ Yu mairã, quẽnaro ajiya. “Macu cutiruocõa mu” Dios ñ yimasire ñajare, macu cutimasiniuju Sara, Isaac vãme cutigure. Ñ jãnamijua ñaũmi Cristo, “Ñ suorine quẽnaro yirucuja yu” Abrahamre Dios ñ yigotimasir’i. To bajiri, manijua, Cristore ajitirũnarã ñari, Abraham jãnerabatiare bajiro bajiaja mani yuja. Dios ñ rotimasire cudirã, to bajiro me bajiaja mani. “Cristo ñ rijabosare suorine quẽnaro ñare yirucuja yu” Dios ñ yimasire ñajare, bajiaja mani. ²⁹ Gajeyerema, ado bajiro manire gotiaja Moisés ñ ucamasire, “Dios ñ rotimasire” yua yise: “Ñ manajore moabosarimaso macujua, Esp’iritu Santo suorine Sara so macu cutir’ire rojose yimasiniuju”, yigotiaja Moisés ñ ucamasire. Adirũmuri quẽne, to bajirone bajiaja manire quẽne. Cristo suori Abraham jãnerabatiare bajiro bajirãre, manire rojose yirũgũama Abraham jãnerabatia, Moisére Dios ñ roticũmasire cudirã. ³⁰ Rojose manire ña yiboajaquẽne, Moisés ñ ucamasirere mani buejama, Dios ye mani suoroti gotisere ñabujarãja mani. Ado bajiro gotiaja: “Mu manajore moabosarimasore, so macure quẽne ñare varoticõaña. So macu ñari, mu rijato beroju mu cuosere cuosyabetirucumi. Jediro Sara macu ye ñaruaroja”, yigotiaja, Dios ocare Moisés ñ ucamasire. To bajiro ti gotijare, “Moabosarimaso rĩare bajiro bajirã me ñarãma ‘Quẽnaro ñare yirucuja yu’ Abrahamre Dios ñ yimasirã”, yimasiaja mani. ³¹ To bajiri, yu mairã, “Ado bajise tuoĩamasiato” yigũ, Moisés ñ ucamasire muare gotibu yu: “Dios ñ rotimasire mani cudijeobetijama, manire ñavariquẽnabetirucumi Dios” yituoĩagũrã me ñari, moabosarimaso rĩare bajiro bajirã me ñaja mani. “Cristo ñ rijabosare suorine Dios ñavariquẽnarã ñaja” yirã ñari, Sara ñamasirio rĩare bajiro bajirã ñaja mani.

5

Rojose mano quẽnase rĩne yĩñare queti

¹ “Yu suorine Dios ñ ñavariquẽnarã ñari, Dios ñ rotimasire cudirua tuoĩabeticõato ña” yigũ, manire rijabosayumi Cristo. To bajiri, gajeye tuoĩamenane, “Cristo ñ rijabosare suorine

^a 4:27 Is 54.1. Adirũmuriema, “Yu rãca ñagõ” ñ yijama, adi macarucuro Jerusalén macare yigũ yimasiniuju. “Rĩa magõ ñaboario” ñ yijama, ñ vecaju Jerusalén macare yigũ yimasiniuju.

Dios í Ìavariquēnarā ñaja mani”, yituoīarūgūruarāja mua. Gājerā ricati ña gotijama, ñare ajibetirūgūruarāja.

² Quēnaro ajija mua. Ñamasuse muare gotigu yaja yu: “Manire Ìavariquēnato Dios” yirā, jud’io masa circuncisiōn yirotirāre bajiro mua yirotijama, Cristo suorine Dios í Ìavariquēnarā me ñaruarāja mua. ³ Quēna muare tudigotiaja yu: Jud’io masa circuncisiōn yirotirāre bajiro mua quēne, mua yirotijama, Dios í rotimasire cadijeoroti ñaboroja muare. To bajiboarine ñimujua cadijeogu manirucumi. ⁴ “Dios í rotimasire quēnaro yu cadijama, yure Ìavariquēnarucumi Dios” mua yituoīajama, Cristore ajitirūnarā me ñacoaruarāja mua. “Cristo í rijabosare suorine manire Ìavariquēnagūmi Dios” yituoīamena ñari, to bajiro bajiruārāja mua. ⁵ Manijua, “Cristo manire í rijabosare ñajare, Dios í ñaro rījoro mani ejaro, ‘Rojose maja’ manire yīarucumi”, yituoīa yuñaja mani. Esp’iritu Santo ejaecoriarā ñari, to bajirone yituoīa yuñaja mani. ⁶ Cristo yarā ñari, circuncisiōn yiecojama, yiecobetijaquēne, ñamasuse me ñaja. Ti suori me manire yirētosarucumi Dios. “Manire rijabosayumi Cristo” mani yituoīase, to yicōari gājerā mani maise suorijua manire yirētosarucumi Dios. ⁷ Cristo suorine quēnaro Dios í yise queti socabire quēnaro ajitirūnusuobocaju mua maji. ¿Ñimarā oca suori tire ajitirūna tujati mua? ⁸ Dios me to bajiro muare bajirotiامي. Dione ñaami “Yu macu Cristore ajitirūnaña” yigu, muare beser’i. ⁹ Panre ūmato vauvase quetire masiritibesa mua. Panre ūmato vauvasere mojoroaca vuore ti ñaboajaquēne, vauvajediaja ti, pan. Tire bajirone bajiaja socase mua tuoīase. Socase, ñamasuse me ti ñaboajaquēne, mua tuoīacōa ñajama, ñajediro riojo me tuoīarā ñacoaruarāja mua. ¹⁰ To bajiboarine, “Cristo yarā ñaama ña quēne”, muare yituoīaja yu. To bajiri, “Ña quēne yu gotirore bajiro yiruārāma”, muare yituoīaja yu. “Riojo gotiami Pablo. ‘Rojose maja’ manire yīñato Dios” yirā, Cristore ajitirūnacōari, gajeye yiroti me ñaja”, yituoīarāja mua quēne. Gājerājuama, socase muare gotimasiorā, ñamasurā ña ñaboajaquēne, to bajiro ña yise vaja, rojose ñare yirucumi Dios.

¹¹ Ado bajiro yure socase ña gotisere tuoīaña, yu mairā: “Yua gotimasiosere gotimasioami Pablo quēne. ‘Diorāca quēnaro mua ñaruajama, jud’io masare Dios í rotiriarore bajiro circuncisiōn yirotiya’ yami Pablo quēne”, yure yisocayuma. To bajiro masare yigotimasiobeaja yu. To bajiro yu yigotijama, yu gotimasiosere ajicōari, ¿rojose yure yitajaboriarāda ña, jud’io masa? Yuma, circuncisiōn yirere gotibecane, ado bajirojua gotimasioaja: “Yucātēroju manire rijabosayumi Cristo, ñe ajitirūnarāre Dios í Ìavariquēnarotire yigu”, yigotimasioaja. To bajiro yu gotimasiosere buto ajiteama jud’io masa. ¹² To bajiro socase ocare gotirā, circuncisiōn yire rūcuborā ñari, ña vejerijoare quēne ña yijetareacōajama, quēnaboroja.

¹³ Mua, yu yarā, yu bederāre bajiro ñarā, “Quēnaro ñarona, roticūmasirere rotiecobetirona ñato” yigu, Dios í beseriarā ñaja mua. To bajiri, quēnase rīne yirūgūrona ñaja mua. To bajiro í yiriarā ñaboarine, “Mani tuoīarore bajiro rojose mani yijama, quēnaroja”, yituoīabeticōaña. Gājerāre ñamaicōari, ña bojasere yirūgūrotijua ñaja. ¹⁴ To bajiro bajirūgūroti ñaja, Dios í rotimasire ado bajiro ti gotijare: “Mu masu rujere mu maiore bajirone mu ñanare mairā”, yigotiaja. Tire mua yijama, Dios í rotise ñaro cōrone cadirā yirāja. ¹⁵ To bajiboarine, gāmerā ñatecōari, tud’irūgūrāja mua. To bajicōari, mua gāmerā oca quēnobetijama, butobusa gāmerā ñaterūtuaruarāja mua. To bajicōari, ñimujua Cristore ajitirūnugū manirucumi.

¹⁶ To bajiri, ado bajiro muare gotiaja yu: Esp’iritu Santo muare í rotisere mua cadijama, rojose mua yirua tuoīaboasere yibetiruarāja. ¹⁷ Rojose mua yirua tuoīase, to yicōari, Esp’iritu Santo muare í rotise, cojoro cōro me ñaja. Quēnasejua mua yisere Esp’iritu Santo í bojaboajaquēne, í rotisere cadibeticōari, mua masu rojose mua yirusejua yirūgūrāja mua. ¹⁸ To bajiboarine Esp’iritu Santo muare í rotisejua mua cadijama, Dios í bojarore bajiro í rotimasire rotiecomenaja mua.

¹⁹ Rojose ñare yirua tuoīasere yirūgūrā, ado bajiro yirā ñarāma: Manajo cutirā, manaju cutirā, manajo mana, manaju mana quēne, gāmerā ajeriarā cutirā ñarāma. Ña rujariaye rāca bojoneose yirā ñarāma. ²⁰ “Ado bajirā ñarāma” ña masune yiquēnorujecōari, ña quēnorāre rūcuborā ñarāma. “Rētoro masirā ñaja yua” yirā, ña ñanani yirā ñarāma. Gāmerā ñaterā ñarāma. “Mani rētosarō quēnaro ñaama”, yīajūnisinirā ñarāma. Guaro jūnisinidarā ñarāma. Ña bojarore bajiro rīne yirā ñarāma. Gājerā rāca ña ñajama, ña yise suorine sīgure bajiro tuoīabeticōari, quēnaro ñamenama masa. Ña tuoīarore bajiro tuoīarā rāca ricati rujicōari, oca josarā ñaama. ²¹ Gajeyeñire gājerā yere ñarāma. Idire mecuse idimecucōari, rojose yirā rāca vana ñarāma. Ti ūnire yirā ñarāma, rojose ña yirua tuoīasere yirā. Tirāmaju muare yu goticatore bajiro muare gotigu yaja yu quēna: Gājerā, to bajiro rojose yirūgūrā, ō vecaju ūju Dios yarā quēnaro í yirona me ñarāma.

²² Esp’iritu Santo rācanajua, í masisere í ūjoriarā ñari, ado bajirojua bajirā ñaja mani: Gājerāre mairā ñari, ña rāca variquēnarā ñarūgūja mani. Gājerā manire rojose ña yiboajaquēne, ñare jūnisinibeaja mani. To yicōari, “Yiruārāja” mani yirore bajirone yirūgūja.

²³ Gájērē rúcuborā ñari, mani bojabetire ña yirũaboaajuquēne, “Yibesa”, ñare yibeaja mani. Rojosere yirũarā ñaboarine, tire yibetirũgũaja mani. To bajiro yirā mani ñajama, Dios ñ rotimasire ti gotirote bajiro yirā yirāja mani. ²⁴ Cristo yarā ñari, ado bajiro tuoñaja mani: “‘Rojose yirũaboaarine, tire yibeticōato’ yigũ, manire rijabosayumi Cristo. To bajiri, rojose yibetirũarāja mani”, yitũoñaja mani. ²⁵ Esp'iritu Santo suorine, mani rijato beroju mani catirotire yigũ, Dios ñ catisere ñ isiriarā ñari, ñ bojarore bajiro yirũgũroti ñaja manire.

²⁶ “Gájērā rētoro masirā ñaja yua”, yibetiroti ñaja manire. To bajiro mani yibetijare, manire ñatemenama gájērā.

6

Gāmerā ejarēmore queti

¹ Yũ mairā, Esp'iritu Santo rācana ñari, sīgũ mũa rācagu rojose ñ yijama, ñre ejarēmoña, “Rojose ñ yise yitujato” yirā. ñre tud'imenane, ñamaicōari, ñre ejarēmoroti ñaja mũare. To yicōari, quēnaro tuoñama, “ñre bajiro rojose yirobe” yirā. ² Rojose tãmuorāre ñamaicōari, ejarēmoña. To bajiro mũa yijama, Cristo ñ rotiarore bajiro yirā, yirāja mũa.

³ Sīgũ, “Rojose yigũ me ñaja” ñ yitũoñajama, ñ masune socagu yami. ⁴ Tocārācu, mũa yisere tuoñacōari, “¿Dios ñ bojarore bajiro yigũ yati yũ?”, mũa masune yisēñarũgũña. Tire yitũoñacōari, “Yũ yisere ñavariquēnagũmi Dios” mũa yijama, variquēnarũarāja mũa. To bajiboarine, “ñra rētoro quēnaro yibũ yũ” yicōñabecũne, to bajiro yirũgũroti ñaja. ⁵ Beroju tocārācu mani yisere, “Ado bajiro yigũ ñari, to bajiro yicaju yũ” Diore ñre yigotiroti ti ñajare, to bajiro mani masune yisēñarũgũroti ñaja.

⁶ Cristo ocare mũare gotimasiorimasare, ñ bojase masu ti manijama, ñre ejarēmoroti ñaja mũare.

⁷ Quēnaro tuoñaña mũa. “Rojose yũ yijama, masibecũmi Dios” mani yitũoñaboaajuquēne, disejua ñ masibeti manijare, mani yisere masijeogu ñaami. Gotimasiore ocare mũare gotigu yaja yũ: Ote ajere mani otejama, ti ajene judicōari, ti bucuato, ti ricarene juarũarāja. Gajeye mere juarũarāja mani. ⁸ Tire bajirone bajiaja gāji rojose ñ yirũa tuoñarore bajiro yirũgũgũma. To bajiro ñ yicōa ñajama, ñ vecaju rojose ñ yise vaju rojose tãmuotujabetiriaroju ñre rocaracũmi Dios. Esp'iritu Santo ñ rotisere yirũgũgũrema, ñ rāca quēnaro masu ñ ñarotire yirucũmi. ⁹ To bajiri Dios ñ bojarore bajiro quēnasere yitujabetiroti ñaja manire. Tire mani yitujabetijama, “To cōrone quēnaro yirucuja” Dios ñ yiriarũma ti ejaro, quēnaro manire yirucũmi. ¹⁰ To bajiri mani yimasiro cōro, masa jedirore quēnaro yirũgũrũarāja mani. Gájērā Cristore ajitirũnũrā ñari, mani yarā ña ñajare, butobusa ñare ejarēmorũgũrũarāja mani.

Pablo, Galacia sitanare ñ gotitusare queti

¹¹ Adi yũ gotitusase, jacase vāme rāca yũ masune ucaja yũ. ¹² Circuncisiōn yirotirā, gájērā jud'io masa ñare ña ñarũcuborotire yirāma. Ado bajiro tuoñarāma ña: “Mani uju Cristo, yucūtēroju manire ñ rijabosare ñajare, ‘Rojose maja mũare’, manire yĩavariquēnagũmi Dios’ mani yigotiboaajuquēne, jud'io masa yere quēne mani gotimasioajama, manire rojose yimenama ña”, yitũoñarā ñaama. ¹³ Circuncisiōn yiriarā, Dios ñ rotimasire cadijeomasimena ñaboarine, circuncisiōn mũare yirotirāma ña. “Galacianare circuncisiōn yiroticaju yua” ña yarā jud'io masare yigotivariquēnarũarā, to bajiro mũare yirotirāma. ¹⁴ To bajisere gotimasibetirucuja yũjũama. Yũ gotimasiosema ado bajise ñaja: “Yucūtēroju mani uju Jesucristore jajusĩañuma masa. To bajiri, manire ñ rijabosare ñajare, ‘Rojose magũ ñaami’ yure yami Dios”, yivariquēnaja yũ. Adirũmurirema Cristore tuoñamena, “Ñamasuse ñaja ti” ña yitũoñaboase, ñamasuse me ñaja yurema. Cristore tuoñamena, “Ñamasugũ me ñarimi Jesús” ña yitũoñaboagu, ñamasugũ ñaami yurema. ¹⁵ Circuncisiōn mani yijama, mani yibetijaquēne, ñamasuse me ñaja ti. Ñamasuse ñaja Cristore ajitirũnũcōari, ñ yarā Esp'iritu Santo rācana ñari, rojose mani yirũgũrũere mani yirũa tuoñabetirũgũse.

¹⁶ Mũa jediro yũ yirotisere ajitirũnũrāre, ado bajiro mũare sēñibosaja yũ, Diore: “ñare ñamaicōari, ‘ñie rojose mano quēnaro ñato’ yigũ, ñare ejarēmoña”, mũare yisēñibosaja yũ.

¹⁷ Rojose yure ñagōmacarājuare ado bajiro yaja yũ: “Rojose yure mũa yirose yitujaya yuja. Jesucristo oca yũ gotimasiodudijare, rojose yure yirũgũcama masa. To bajiro ña yijare, jairo cāmi godō cutigu ñaja yũ. Tire yũ ñojama, ‘Socu me yami Pablo. Jesucristo oca goticudirimasu ñaami’ yure yĩarũarāma masa. To bajigu yũ ñajare, yure ajirũcuboyu mũa yuja”, ñare yaja yũ, rojose yure yiroñare.

¹⁸ Cristore ajitirũnũrā mũa ñajare, “Yũ yarā ñaja mũa quēne”, yaja yũ. Mani uju Jesucristo, quēnasere mũare cōarũgũato.

To cōro ñaja.

Carta de San Pablo a los EFESIOS

Efeso vāme cuti macana, Jesucristore ajitirānūrāre Pablo ī ucare queti

¹⁻² ĆNati mua, Efeso vāme cuti macana, Dios yarā? Jesucristore ajitirānu tujamenare muare ucacōaja yu. Muare quēnarotigu, mani jacu Diore, to yicōari mani ūju Jesucristore, ado bajise muare sēnibosaja yu: “Quēnaro īna űnarotire yirā, īnare ejarēmofia”, muare yisēnibosaja yu. Yu űaja Pablo vāme cutigu, adi paperare muare cōagū. Dios ī bojajare, Jesucristo ī cōacacu űaja yu.

³ “Rētoro masigū, quēnarētogū űaami”, mani ūju Jesucristo jacure īre yirūcūbuoto mani. Jesucristore īre mani ajitirānūsuorone, quēnaro manire yiyumi Dios, ī rāca quēnaro mani űasere, to yicōari mani űarotire quēne. ⁴ Adi macarūcuro ī rujeoroto rījorojune, “Jesucristo yarā yu rīa űarona űaama”, manire yitūōīamasīnūmi Dios. Ō vecaju ī tūju mani ejaro, “Jesucristo yarā īna űajare, űie rojose īnare yibetirūcūja yu. Quēnase rīne yirā űaama” manire yīīaru, to bajiro yimasīnūmi. ⁵ “Jesucristo īnare rijabosarocure cōarūcūja yu. Ti suorine yu rīa űaruarāma īna”, yitūōīamasīnūmi Dios, manire maigū űari. ⁶ Ī macū ī maigū yarā mani űajare, quēnaro manire yiyumi. Tire mani tūōīajama, “Quēnaro masune yiyūja mu” īre mani yivariquēnarotire yigu, to bajiro yimasīnūmi Dios. ⁷⁻⁸ To bajiri, ī maigū yarā mani űajare, “Rojose īna yise vaja īnare rijabosaaya” yigu, Jesucristore īre cōaūmi Dios. To bajiro ī yiriaro bero, manire ī rijabosare űajare, “űie rojose īnare yibetirūcūja yu”, manire yīīaūmi Dios. To bajiro ī yirere mani ajimasise ī cōare ti űajare, “Manire maimasucōaami Dios”, yimasīaja mani. ⁹ Tīrāmujama, Dios ī cōarocū Cristo ī bajirocaroti suorine īnare quēnaro Dios ī yirotire masibeticama masa maī. Adirodorema quēnaro ī yisere, to yicōari quēnaro ī yirotire mani masirotire manire cōaūmi. ¹⁰ “To bajiro yirūcūja yu” Dios ī yiriārāmū ti ejaro, ō vecanare, to yicōari adi macarūcuroanare quēne rojose tāmūotūjabetiriaroju rojose tāmūoboronare īnare yirētobosajeocōari, “űajediro ūju űaīa mu”, Jesucristore īre yirūcūmi.

¹¹⁻¹² Yua jud'io masa, “Rotimūorūgōrūcūmi” yigu, Dios ī cōarocure tūōīayucana űaja yua. To bajiri Cristore mua ajitirānūroto rījoro īre ajitirānūcana űaja yua. To bajicōari, adi macarūcuro ī rujeoroto rījorojune, “Quēnaro īnare yirūcūja” ī yiriarore bajirone Cristo yarā yua űajare, quēnaro yuare yiyumi. To bajiro yuare ī yire ti űajare, quēnaro Dios yuare ī yirere, to yicōari, ō vecaju yuare ī yirotire quēne yua gotisere ajicōari, “Rētoro quēnagū űagūmi Dios”, īre yirūcūbuorūgūāma gājerā. ¹³ Mua jud'io masa mere quēne, Jesucristo ī bajirere ajitirānūrā, ī yarā mua űajare, quēnaro yiyumi Dios. To yicōari, Dios tūju mua ejaro Jesūre quēnaro ī yirore bajiro muare quēne quēnaro yirūcūmi Dios. Jesucristore mua ajitirānūsuorone, Esp'iritu Santore muare cōaūmi Dios, “Cōarūcūja” ī yiriarore bajiro yigu. To bajiro ī yijare, “Dios yarā űaja mani”, yitūōīamasīaja mua. ¹⁴ To bajiri, Dios ī cōagū Esp'iritu Santo rācana mani űajare, “ ‘Quēnaro yirūcūja’ ī yiriarore bajirone quēnaro manire yirūcūmi”, yimasīaja mani. To bajiri, “Dios tūju mani ejaro, Jesucristore quēnaro ī yirore bajiro, manire quēne, quēnaro ī yiroto rījoro, ‘Quēnase rīne yirā űato īna’ yigu, manire ejarēmojeocōarūcūmi”, yimasīaja mani. To bajiro manire Dios ī yisere īacōari, “Quēnaro masu īnare yami Dios”, īre yirūcūbuorūarāma adigodoana, to yicōari, ō vecana quēne.

Jesucristore ajitirānūrāre, Diore Pablo ī sēnibosare queti

¹⁵ Mani ūju Jesūre mua ajitirānūrūgūšere, to yicōari gājerā Jesūre ajitirānūrāre īamaicōari quēnaro mua yisere quēne ajicaju yu. ¹⁶ Tire ajigu űari, tocārācājine Diore yu sēnijama, “Quēnaro yaja mu. Mu suorine to bajise yama īna”, īre yirūgūaja yu. ¹⁷ Ī űaami mani ūju Jesucristore cōar'ī, mani jacu, quēnaro masu manire yirēmogū. Īrene ado bajise muare sēnibosaja yu: “ ‘Īnare quēnaro mu yisere ajimasicōari, mu bojarore bajiro butobusa yato īna’ yigu, mu masisere īnare cōaīa mu”, Diore muare yisēnibosarūgūaja yu. ¹⁸ Adigodoju muare ī yarāre quēnaro ī yisere mua ajimasīajama, ī tūju quēnaro muare ī yirotire ajimasīarūarāja. ¹⁹⁻²⁰ To yicōari, “Dios manire ejarēmogūre, űiejua josase maja”, īre yimasīarūarāja. Cristo ī bajirocaboajaquēne, īre catiocōari, ō vecaju ī űaroju ī riojojacatūare īre rojoyumi Dios. To bajiro ī yire űajare, “Masīeogu űaami”, īre yimasīaja mani. ²¹⁻²² Cristore riojojacatua īre rojocōari, ō vecanare, adi macarūcuroanare, to yicōari rijariarāre quēne, “Ĝediro ūju űaīa mu”, īre yiyumi Dios. To bajiro ī yijare, rojose yirāre, rojose tāmūotūjabetiriaroju īnare ī rearoto rījoro, īnare ī rearo bero quēne, rotimūorūgōcōa űarūcūmi. To bajiri, Cristore mani ajitirānūajama, īne űaami mani ūju. Manire űmato űagū űari, mani rujoare bajiro bajigu űaami. ²³ To bajiri, Cristore ajitirānūrā űari, sīgūre bajiro tūōīarā űaja mani. Mani űacudiro cōrone mani rāca űacōa űarūgūrūcūmi Cristo. To bajiri mani rāca ī űajare, űiejua ruyabeaja manire.

2

“Cristo manire ĩ rijabosare suorine Dios ĩ catisere ĩ ĩsirā ĩaja mani”, yire queti

¹ Maa jud'io masa me ĩarā, ĩre masimena ĩari, rojose yirā ĩariarāja maa maji. To bajiri, catirā ĩaboarine, Dios ĩ ĩajama, bajireariarē bajiro bajirā ĩariarāja maa. ² Rojose maa yijama, vātia ujure cudirā yiriarāja maa. ĩ ĩaami Dios ocare ajimenare rotigu. ³ Yaa jud'io masa quēne, Dios ĩ roticūmasirere masiboarine, ti yirore bajiro yirūabesuja yaa. To bajiri, rojosere yisejacōari, ti rione yuare yirūamacōrūgūcaju ti maji. To bajiro bajirā ĩari, rojose tāmūotujabetiriaroju Dios ĩ rearona ĩaboayuja yaa quēne. ⁴ To bajiro yiecorona mani ĩaboajaquēne, manire maimasucōagū ĩari, quēnaro manire yiyumi Dios. ⁵ Rojose yirā ĩari, Dios ĩ ĩajama, rijariarē bajiro bajirā mani ĩaboajaquēne, ĩ macu rācana mani ĩajare, ĩ catisere manire ĩsiñumi Dios. Quēnamasugū ĩari, rojose tāmūotujabetiriaroju mani vaborotire ĩ macu manire yirētobosarotiyumi Dios. ⁶ To bajiri, ĩ macare ĩ tudicatione, manire quēne tudicatiogure bajiro manire yiyumi. To bajiro ĩ yijama, “Ō vecaju ĩ ĩaroju Jesucristo rāca rujirāre bajiro ĩaruarāma” yigu yiyumi. ⁷ To bajiro ĩ yijama, “Quēnaro yiyumi Dios” ĩna yirūgūrotire yigu yiyumi. ⁸ Maa masune, “Quēnaro yirā ĩaja yaa” maa yiro me, ĩ bojarore bajiro muare yigu yiyumi Dios. To bajiri, “Quēnaro manire yibosayumi Dios” maa yitūoñajare, rojose tāmūotujabetiriaroju maa vaborotire muare yirētobosayumi. ⁹ Cristo ĩ yirētobosare ĩajare, “Quēnaro yirā ĩari, Dios tuju ĩaruarāja yaa”, yiroti me ĩaja. ¹⁰ “Jesucristo yarā ĩaruarāma”, manire yiyumi Dios. To bajiro manire yiyumi Dios, gājerāre quēnaro mani yirotire yigu.

“Jesucristore ajitirānūrā ĩari, gāmerā ĩatebeaja mani”, yire

¹¹ Tirāmaju mani bajirere masiritibesa maa. Rīamasaca mame ruyuarācare circuncisiōn yirere mani ĩicua ĩamasiriarē ĩnare yirotimasiñumi Dios. “Dios yarā ĩaja yaa. To bajiri ĩ rotisere cadiroti ĩaja” yaa yirotire yigu, to bajiro yuare yiyumi. Muajuma, Diore masirā me ĩañuja maa maji. ĩre masimena maa ĩajare, “Circuncisiōn yiyamana ĩaama ĩna” yirā, muare ĩaterūgūcaju yaa. ¹² Cristo ĩ bajirotire masimena, to yicōari Dios rīa me ĩañuja maa maji. Mani ĩicua jud'io masarema, “Yu rotisere maa cadijama, quēnaro muare yirūcaju yu”, ĩnare yigoticūmasiñumi Dios. Gajeyere quēne, ĩna cadirotire tuōiābecu, “Yu rīa maa ĩajare, quēnaro muare yirūcaju yu”, ĩnare yimasīñumi Dios. To bajiboarine, muajuma, maa rijato beroju maa bajirotire masibesuja maa maji. ¹³ To bajiro bajiriarā ĩaboarine, yucyrema Jesucristo yarā ĩari, ĩ rijabosare suorine Diore masirā ĩaja maa yuja. ¹⁴⁻¹⁶ Yaa jud'io masa Dios ĩ roticūmasirere ajirācūbuorā ĩari, “Dios rīa ĩaja mani” yitūoñacōari, jud'io masa me ĩarā rāca gāmerā ĩateyuja mani. Jesucristo manire ĩ rijabosare ti ĩajare, “Dios ĩ roticūmasire mani cadijama, ĩ tuju ejaruarāja mani” yaa yitūoñaboare vaja maja. Jesucristo manire ĩ rijabosare suorine, jud'io masa, jud'io masa me ĩarā quēne, cojo masare bajiro Diorāca quēnaro ĩasūoyuja mani. To bajiro mani ĩarotire yigu, manire rijabosayumi Jesucristo.

¹⁷ To bajiri yaa jud'io masa, Dios ĩ roticūmasire ajirācūbuocana, to yicōari, ĩ yere masimena quēne, Diorāca quēnaro mani ĩarotire gotigu, adi macarucaroju vayumi Cristo. ¹⁸ Vadicōari, manire ĩ rijabosare suorine Esp'iritu Santo ĩ ejarēmose rāca mani jacu Diore sēnimasiaja mani. ¹⁹ Tocārācune Esp'iritu Santo ĩ ĩajare, Diore masirā ĩaja maa yuja. Dios rīa ĩaja maa quēne. ²⁰⁻²² Mani Cristore ajitirānūrā, gūtavi Dios ĩ quēnorivire bajiro bajirā ĩaja mani. To bajiri ti vijare ĩagūre bajiro bajigu ĩaami Esp'iritu Santo, mani jediro ĩ rācana mani ĩajare. Gūta ĩamasuricare bajiro bajigu ĩaami Jesucristo, ĩ suorine Dios rīa mani ĩajare. ĩ beroana ĩaama Diore gotirētobosariarā, to yicōari yaa Jesús ĩ bajirere goticudirimasa, yaa gotisere ajicōari Jesucristore maa ajitirānūsuore ĩajare. Yaa beroana ĩaja maa.

3

Jud'io masa me ĩarāre Pablo ĩ goticudire queti

¹ To bajiri, jud'io masa me ĩarāre, Jesucristo ĩ bajirere yu gotimasociati suorine tubibe ecoaja yu. ²⁻⁴ Ti quetire masa ĩna masibeticatire, jud'io masa me ĩarāre Jesucristo suorine quēnaro Dios ĩ yisere mojoroaca muare goticōaja yu. “Jud'io masa me ĩarāre ĩnare goticudiatu” yigu, yu masirotire yare cōañumi Dios. Tire ajiriarāja maa. Tire yu ucasere ĩacōari, Cristo suorine muare quēnaro ĩ yisere ajimasiruarāja maa quēne. ⁵ Tirāmujurema masa ĩna masibeticatire, Dios ĩ cōagū Esp'iritu Santo suorine gotimasioaja yaa, Jesucristo ĩ bajirere goticudirā, to yicōari Diore gotirētobosarimasa quēne. ⁶ Ti quetire muare tudigotiaja yu: Jesucristo ĩ bajirere ajitirānūrāre “Yirūcaju” ĩ yiriarore bajiro jud'io masare, jud'io masa me ĩarāre quēne, quēnaro yami Dios. To yicōari, ō vecajare quēne quēnaro yirūcumi. To bajiri ĩ yarā ĩacōari, cojo masare bajiro ĩaja mani ĩre ajitirānūrā.

⁷ Rojose yigu yu ĩaboajaquēne, “Tire goticudiatu” yigu, yu masirotire yare ujoyumi Dios. ⁸⁻⁹ Gājerā Cristore ajitirānūrāre Dios ĩ mairore bajiro yiecorocu me yu ĩaboajaquēne, yuare

İamaicōari, ñajedirore rujeor'i ñari, jud'io masa me ñaräre yure gotiroticōañumi Dios. “Masa İna masibeticatire Cristore ajitirünarönare quēnaro İnare yu yirotire goticudirucıja mu”, yure yicōañumi. To bajiro yure İ yire ti ñaboajaquēne, quēnaro manire İ yirotire masijeoyamaja. ¹⁰ To bajiri, Jesucristore ajitirünaräre quēnaro Dios manire İ yisere İacōari, “Tuoİajeogu ñaami”, İre yirucubuoama ángel mesa, to yicōari gājerä İre rotibosarä quēne. ¹¹ Tirümüjü adi macarucuro İ rujeoroto rıjorojane, “Yu macıre ajitirünaräre quēnaro İnare yirucıja”, yituoİamasıfıju Dios. To bajiro İ yituoİamasiriarore bajirone mani uju Jesucristo İ rijabosare suorine quēnaro manire yami Dios. ¹² “Jesucristo yarä mani ñajare, manire İavariquēnagümi Dios” yituoİarä İari, İre güimenane sēnirügüja mani. ¹³ To bajiri, Jesucristo İ rijabosare suorine Dios quēnaro İ yisere jud'io masa mere muare yu gotimasiocudicati suorine tubiberiavıju rojose yu tãmuosere ajicōari, sutiritibesa mua. Ado bajirojua tuoİaİa: “Pablo İ gotisere ajicōari, Jesucristore ajitirünarucıja yua. To bajiri Dios yarä İaja yua”, yituoİa variquēnaİa mua.

Jesucristo manire İ maise queti

¹⁴ To bajiri, jud'io masare, to yicōari gājeräre quēne, mani jacı quēnaro manire İ yisere yu tuoİajama, gusomunıari tuetucōari, İre sēnirügüja yu. ¹⁵ İne İaami, adi macarucuroana, ö vecana quēne, mani İaro cōro jacı, manire rujeor'i. ¹⁶ İre, ado bajiro muare sēnibosarügüja yu: “Quēnaro yıgu İari, Esp'iritu Santo suorine İnare ejarēmōİa mu, butobusa mure İna ajitirünarotire yıgu. ¹⁷ “Mani rāca İagümi Cristo manire ejarēmogü” yituoİacōari, İre sēnirügüato İa' yıgu, İnare ejarēmōİa. To bajiro İna yicōa İajama, Cristore ajitirünarä İari, İ bojarore bajiro gājeräre quēne ejarēmorügürarāma”, muare yisēnibosaja yu. ¹⁸ To bajiro mua yıjama, Cristo muare İ maisere bajiro gājeräre maijeomena İaboarine, Cristo muare İ maisere quēnarobusa masıruarāja mua. ¹⁹ Masare İ maise jediro masijeobetirona İaboarine, quēnarobusa mua masırotire bojaja yu. To bajiro mua bajıjama, Dios İ bojase rıne yırä İaruarāja mua.

²⁰ İ rıa mani ñajare, İ masise rāca quēnaro manire yirēmorügümi Dios, İ bojarore bajiro quēnaro yırä mani İarotire yıgu. To bajiro manire İ yıjare, tire tuoİacōari, “İre mani sēnıro rētoro manire yırēmomasıami”, yımasıaja mani. To bajiro yıgu İ İajare, quēnase İre yırucubuoato mani. ²¹ To bajiri, İ rıa, Jesucristo yarä İari, Diore quēnase rıne İre yırucuborügüto mani.

4

“Esp'iritu Santo İ ejarēmose rāca sıgüre bajiro tuoİaroti İaja”, yire queti

¹ Jesucristo ocare yu gotise suorine tubibe ecogu, ado bajise muare gotimasıoaja yu: “Quēnase rıne yırä İato' yıgu, manire beseyumi”, yituoİaja mua. To bajiri, “İ bojarore bajiro yırä İaİa mua”, muare yaja yu. ² “İamasurä İaja yua”, yituoİabesa mua. Gājeräre ajırucubuoōari, quēnaro İnare yırä İaİa. Gājerä gōjanabıro İna yıboajaquēne, İnare tud'İbesa. To yicōari, rojose muare İna yıboajaquēne, İnare maicōa İaİa. ³ Esp'iritu Santo İ ejarēmose rāca Diore sēnirügüİa mua, “Cojo masare bajiro quēnaro İato mani” yırä. ⁴ Mua jediro, sıgüre bajiro tuoİaja, Esp'iritu Santo rācana İari. To bajicōari, “Yırucıja” Dios İ yıriarore bajiro quēnaro muare İ yirotire tuoİayurä İaja mua jediro. ⁵ Sıgüne İaami mani uju, Jesucristo. İre ajitirünucōari, “Cristo yarä İaja yua” yırä, oco rāca bautiza ecorıarä İaja mua jediro. ⁶ To bajicōari, mani jacı, Dios sıgüne rucubuoaja mani. İ sıgüne İaami mani jedirore rotıgu. Mani rāca İacōari, manire ejarēmogümi, “Yu bojasere yato İa” yıgu.

⁷ Sıgüre bajiro mani tuoİaboajaquēne, İre ajitirünaräre ricatiri rıne mani yımasırotire manire uıyoyumi Cristo. ⁸ Tire bajirone yaja Dios ocare masa İna ucamasire:

“İre İateräre, ‘To cōrone rojosere yıtıjaya’ İnare yıroticōari, Dios İ İaroju İnare tudııuamıjarucımi mani uju, ‘İju masu İaja yu’ yıİogü. To yıgajanocōari, adıgodoana masare quēnase rıne İna yımasırotire yıgu, İnare cōarucımi”, yıucamasire İaja.

⁹ ¿No yire İnıre “Tudııuamıjarucımi”, yatı? Majı, adi macarucurojare ruııayumi, İ tudııuıjaroto rıjoro yıruaro yaja. İere ruııadııcōari, bajırocacooasumi. To bajiri, “Bajırearıarä İna İarojare quēne rotıgu var'İ İaami”, İre yımasire İaja. ¹⁰ Adi macarucurojare, to yicōari bajırearıarä İna İarojare quēne rotıgu var'İne İaami, quēna ö vecaju Dios İ İarojare quēne mıjar'İ. To bajır'İ İari, dise ruııabeto rotımasıgü İaami. ¹¹ İne İaami ricatiri rıne mani yımasırotire manire ajor'İ. To bajiro İ yire İajare, Cristo İ gotiroticōarıarä İaja yua. Gājerāma, Diore gotırētobosarımasa İaama. “Jesucristo manire İ rijabosare İajare, Dios yarä mua İaruajama, rojose mua yisere yıtıııacōari, Cristore ajitirünııİa”, yıgotımasıorımasa İaama. Gājerāma, Cristore ajitirünaräre İnare gotımasıorımasa İaama. Gājerāma, Cristore ajitirünaräre Dios ocare masa İna ucamasıre İnare gotımasıorımasa İaama. ¹² To bajiro ricatiri rıne mani yımasırotire uıyoyumi Cristo, İ bojarore bajiro mani yırotire yıgu. To

bajiro mani yijama, gāmerā ejarēmōrā ñari, butobusa Cristore ajitirānūrārāja mani. ¹³ Mani gāmerā ejarēmōcōa ñajama, sīgare bajiro Cristore ajitirānūrārāja, quēnase rīne yirā ñaruarāja mani. ¹⁴ To bajicōari, rīamasare bajiro tuoīarā me ñaruarāja mani. Rīamasa, socasere ajicōari, “Socarā yama”, yimasibeama ña. To bajiro yirā ña ñajare, josari mene ñare yitorāma gājerā. To bajiri manire yitorāre ajimasiruarāja mani. ¹⁵ Manijūama, gāmerā ñamaicōari, socamenane quēnaro gotirūgūrārāja. To bajiro mani yicōa ñajama, mani ūju Cristo ī bojase rīne yirā ñaruarāja mani. ¹⁶ Cristo ñaami mani ūju. Dios ī bojarore bajiro manire ejarēmōrūgūami, butobusa gāmerā ejarēmōcōari, ī bojarore bajiro yirā mani ñarotire yigu. ī bojarore bajiro gāmerā ñamaicōari mani ejarēmōcōa ñajama, butobusa Dios ī bojasere yirūtuaruarāja mani.

Cristo ajitirānūrā ñari, quēnasejuare yire queti

¹⁷ Mani ūju Jesucristo yare ī gotirōtjare, ado bajise muare yaja yu: Dios ocare ajimena, rojose ña yirūgūore bajiro yibesa mua. Dios ī ñajama, vaja manire tuoīarā yirūgūama. ¹⁸ Dios ocare ajiterā ñari, ñamasusere ajimasibeama ña. To bajicōari, ī catisere cuorā me ñaama ña. ¹⁹ “Bojoneose yirā yaja yua” yimasibeticōari, ti rione yisejariarā ñaama. To bajiri rojose rīne yirūgūama. ²⁰⁻²¹ “To bajiro rojose ña yirūgūore bajiro yibetiroti ñaja”, yimasirā ñarāja mua. Jesucristo ī bajirere ajiriarā ñari, “Quēnaro mani yirūgūore bojaami Dios”, yimasiaja. ²² Cristore mua ajitirānūrōto rījoroju, rojose yirūgūñuua mua maji. To bajiro mua yirūgūiarore bajiro yibesa mua. ²³ To yicōari, rojose mua yirua tuoīasere yibeticōari, Espiritu Santo ī yirēmose rāca quēnasejuare yirua tuoīarūgūña mua. ²⁴ To bajicōari, Dios ocare ajitirānūrā ñari, ī bojarore bajiro quēnase rīne yirūgūña mua.

²⁵ Dios ocare ajitirānūrā ñari, mua socasere quēne to cōrone yitujaya. Jesucristore ajitirānūrā ñari, cojo masare bajiro bajirā ñaja mani. To bajiri, riojo gāmerā gotirūgūña mua.^a

²⁶ Gājire mua jūnisinijama, rojose ĩre yibesa mua. Yoaro ĩre jūnisinimenane, gāmerā oca quēnōcōari, mua jūnisinisere tire masiritiya. ²⁷ Yoaro mua jūnisinijama, vātia ūju ī bojarore bajiro yirā yirāja mua.

²⁸ Juarudirūgūrīma, to cōrone juarudi tujaya. Juarudimenane, moa, vaja tacōari gājerā maioro bajirāre ĩnare ĩsīña.

²⁹ Gājerāre rujañine oca rojose ñagōbesa mua. Quēnasejuare oca cutiya, muare ajirā, “Butobusa quēnase yirā ñato ña” yirā. To bajiro mua yijama, ĩnare ejarēmōrā yiruarāja mua.

³⁰ Rojose mua yijama, rojose mua yisere ĩacōari buto sutiritigumi Espiritu Santo. ĩne ñaami Dios manire ī cōarī. “Ī suorine, Jesucristo yarā ñaja mani”, yimasiaja. ĩre cōa ecorā ñari, rojose yimenane ñacōañā mua, Jesucristo “Īnare yirētobosarucuja” ī yiriarūmu ti ejarotire yurā.

³¹ Gājire rojose mua yirua tuoīasere yibesa. Gājerāre ĩatebesa. Jūnisinicōari, avasātudībesa. Gājerāre rojose ñagōmacabesa. Gājerā rojose muare ña yiboajaquēne, jūnisinibesa. To yicōari, rojose muare yirāre gāmebesa. Ñajediro rojose mua yisere yitujaya mua. ³² ĩnare ñamaicōari, quēnaro ĩnare yiroti ñaja muare. Cristo manire ī rijabosare ñajare, rojose mua yirere masirioyumi Dios. To bajiro manire ī yire ñajare, ī yiriarore bajiro yirā, mua quēne, gājerā rojose muare ña yisere masirioya.

5

“Dios rīa ñari, quēnaro ī yirore bajiro yiroti ñaja”, yire queti

¹ Dios rīa, ī mairā ñari, quēnaro ī yirore bajiro yiroti ñaja muare quēne. ² Jesucristo muare ī maiore bajiro, gājerāre ĩnare maiña mua quēne. Muare maigū ñari, rojose mua tāmuborotire muare yirētobosagu, muare rijabosayumi Jesucristo. To bajiro manire ī yirētobosare ñajare, buto variquēnañumi Dios.

³ Dios yarā ñaja mani yuja. To bajiri, manajo mana, manaju mana, manaju cutirā, manajo cutirā quēne, gājerā rāca ajeriarā cutibesa mua. To yicōari, jairo gajeyeñi cuorā ñaboarine, gajeye quēna bojarēmobesa. Ti ūnire mua yibetijama, niyuane “To bajiro yiyuma” yirā manama. ⁴ Quēnaro tuoīamenane, oca ajiquēnañamani ñagōbesa mua. To yicōari, “Gājerā rāca ajeriarā cuticōari, ajato” yirā, ña gotise ūnire yibesa muama. Dios yarā ñari, ti ūnire ñagōbetiroti ñaja muare. Ado bajirojua ñaña mua: Dios muare ī ejarēmōsere tuoīacōari, “Quēnaro yaja mu”, ĩre yivariquēna ñaña mua. ⁵ Ado bajiro bajiroti ti ñajare, to bajise yibesa muare yaja yu: Manajo mana, manaju mana, manaju cutirā, manajo cutirā quēne, gājerā rāca ajeriarā cutirāma, Dios ī ñarōjore ejabetiruarāma ĩna. Sīguri Diore ĩna mairo rētoro gajeyeñire mairā ñarāma. To bajiro ĩna yijama, Diore rūcuborā me yirāma. To bajiri, Dios ī ñarōjore ejabetiruarāma ĩna. ⁶ “To bajiro mani yijama, quēnacōaja” muare yitorāre ĩnare

^a 4:25 Ro 12.5.

ajibesa mua. To bajiro yirārema buto ĩateami Dios. To bajiro yirāre buto ĩatecōari, “Rojose tāmūoruarāma”, yirūcumi Dios. 7 To bajiri to bajiro yirāre ĩnare baba cutibesa mua, “Mani quēne ĩna yirore bajiro Dios ĩ bojabetire yirobe” yirā.

⁸ Diore masimena ĩari, ĩ bojasere mua yiroire masirā me ĩñañuĵa mua maji. Yucurema Jesucristo yarā ĩari, Dios ĩ bojasere mua yiroire masicōari, tire yirūgūroti ĩaja muare. ⁹ (ĩ bojasere yirāma, quēnase rīne yirā ĩnaama. To yicōari, gājerāre socasere yitorā me ĩnaama.) ¹⁰ “Mani yisere ĩavariquēnagūmi” yimasiruarā, ĩ bojasere yirūgūña mua. ¹¹ To yicōari, Diore masimena ĩna bojarore bajiro tuoĩacōari yirāre ĩnare baba cutibesa mua. Dios ocajuare ĩnare gotimasioña, “ ‘Rojose yirā ĩaja mani’ yimasiatō ĩna” yirā. ¹² Masa ĩna ĩabetoĵu buto rojose ĩna yirūgūserē mani ĩagōĵama, bojoneose ĩaja. To bajiri, ti ũnire ĩagōbetiroti ĩaja. ¹³ Dios ocajuare ĩnare mua gotimasioĵama, tire ajicōari, “Rojose yirā yiyuĵa yua” yimasicōari, rojose ĩna yirere yitujaruarāma. ¹⁴ To bajiri ado bajise yire ĩaja:

“Rojose yirā ĩaboarine, ‘Rojose yirā yaja mani’ yimasibeaja mua. Bajireariarāre bajiro bajirā ĩaja mua, ‘Rojose yirā yaja yua’ yimasibeticōari. To bajiro bajirā ĩari, Cristoĵuare ajitirūña. To bajiro mua bajijama, ĩ eĵarēmose rāca quēnase rīne yirā ĩnaruarāja mua”, yigotire ĩaja.

¹⁵ To bajiri quēnaro tuoĩacōari, “Diore masirā ĩaja yua” yirā, quēnaseĵuare yirūgūña mua. Diore masimena ĩna yirore bajiro yibesa. ¹⁶ Adirūmarire buto rojose yirūgūama masa. To bajiro ĩna yīñaro ũnone, muajuama, tocārācagine Diore sēnicōari, quēnaro yirūgūña. ¹⁷ Tuoĩamasimenare bajiro bajibesa mua. “Dios ĩ bojasere yimasiaĵa yua” mua yimasiroire tuoĩacōari, quēnaro yirā ĩaña mua. ¹⁸ ĩdire mecūose idimecūbesa. Mua idimecūĵama, mua masune rojose yirā yirāĵa. Tire idimecūmenane, Espiritu Santo ĩ masiseĵuare ĩre sēnirūgūña, ĩ bojasere yiruarā. ¹⁹ Mua rēĵajama, Dios ocare masa ĩna ucamasire basare, Diore mua tuoĩabasare quēne, gāmerā gotiya mua. To bajiro mua yijama, Diore tuoĩacōari, buto variquēnase rāca basarūgūña, ĩre rūcūborā. ²⁰ To yicōari, “Quēnaro yaja mu”, mani ĵacu Diore ĩre yirūgūña, ĩ suorine mani ũĵu Jesucristo quēnaro manire ĩ yirūgūse ĩñajare.

“Cristore ajitirūñarā ĩari, ado bajiro mani ĩñajama, quēnaja”, yire queti

²¹ To yicōari, Cristore ajirūcūborā ĩari, mua masu quēne gāmerā ajirūcūbuoya.

²² Rōmia, manajua cutirāre, muare gotigu yaja yu: Cristore ĩre mua ajirūcūborore bajiro mua manajua quēnaro ĩnare ajirūcūbuoya. ²³ Mua manajune ĩnaami muare ũmato ĩagū. To bajirone bajiaĵa Cristore ajitirūñarāre quēne. ĩne ĩnaami manire ũmato ĩagū, to yicōari, rojose mani tāmūoborotire manire yirētobosarā. Manire ũmato ĩagū ĩari, mani ruĵore bajiro bajigu ĩnaami. To bajiro ĩ bajijare, ĩre moabosarā ĩari, ĩ ruĵore bajiro bajirā ĩaja mani. ²⁴ To bajiri Cristore mua ajirūcūbororūgūrore bajiro mua manajua quēne ĩnare ajirūcūbuoya.

²⁵⁻²⁶ Ūmuare quēne gotigu yaja yu: Cristo manire ĩ mairore bajiro mua manajoare ĩnare maiña mua. Manire maigū ĩari, manire rijabosayumi Cristo. “Yure ajitirūñarā bautiza ecorāre, rojose ĩna yisere masiriocōari, ‘Yū yarā ĩnaama’ ĩnare yīñarucĵa yu” yigu, rijabosayumi Cristo. ²⁷ ĩ tujū eĵarā, rojose mana mani eĵarotire yigu, manire rijabosayumi. ²⁸ To bajiri, manire Cristo ĩ mairore bajirone, mua manajoare ĩnare maiña mua. Juarā ĩaboarine, sīgū ruĵore bajirone ĩaja mua, Dios ĩ ĩajama. To bajiri, ĩ manajore maigūma, ĩ masu ruĵore ĩ mairore bajirone maigūmi, sore. ²⁹⁻³⁰ Nimūĵuane ĩ masu ruĵore ĩategu magūmi. Mani ruĵore maicōari, bare ba, quēnaro ĩatirūñajama mani. To bajirone manire ĩatirūñagūmi Cristo, ĩ ruĵore bajiro bajirā mani ĩñajare. ³¹ Dios ocare masa ĩna ucamasire ado bajiro ti gotijare, “ĩna manajoa cutijama, juarā ĩaboarine, sīgū ruĵore bajiro ĩnaama ĩna”, yimasire ĩaja: “Ūmu, rōmio ĩ ruĵeomasire ti ĩñajare, ĩ manajo cutijama, ĩ jacuare ĩnare cāmotadirūcūmi. Manajo cuticōari, juarā ĩaboarine, sīgū ruĵore bajirone ĩnaruarāma”, yigotiaĵa Dios oca. ³² Tire buecōari, ĩamasusere masa ĩna masibeticatire muare gotimasioĵa yu: Cristo rāca mani ĩasere quēne gotiaĵa ti. “Cristo yarā ĩari, jāĵarā ĩaboarine, sīgū ruĵore bajiro ĩnaama ĩna”, yire ũni ĩaja. ³³ To bajiro yiruarō ti yiboĵaĵa quēne, manajoa cutirere quēne gotimasioĵa ti. Mua masu ruĵirire mua mairore bajirone mua manajoare ĩnare maiña. Mua, rōmia quēne, mua manajua quēnaro ĩnare ajirūcūbuoya.

6

¹ Rīmasare gotigu yaja yu: Mua jacuare quēnaro ĩnare aĵiya. Cristo mani ũĵu to bajiro mua yisere boĵaami. ² “Quēnaro muare yirucĵa” ĩ yire rācaye Dios ĩ roticūmasire ado bajiro yaja: “Mu ĵacu, mu ĵacore quēne quēnaro rūcūbuoya. ³ To bajiro mua yijama, variquēnaro yoaro adigodoĵure catīñaruarāja mua”, yiyuĵa ti.

⁴ Rīmasa jacuare, ado bajise muare gotiaĵa yu: Mua rīare ĩnare yijūnisiñomenane, Dios ĩ bojarore bajiro yirā, quēnaro ĩnare gotimasioĵuoya.

⁵ Moabosarimasare quēne gotiaĵa yu: Mua ũĵarāre rūcūbuocōari, variquēnase rāca quēnaro ĩnare cūdiya mua. To bajiro mua yijama, Cristorene cūdirā yaja mua. ⁶ “Manire moare rotirā

İna İaro rİne quēnaro moaruarāja, ‘Yūare İavariquēnato İna’ yirā”, yituoİabeticōaİna mua. İna İaro mua moarore bajirone, İna İabetijaquēne moacōaroti İaja. “Cristore moabosarāre bajirone moarā yaja mani” yirā, quēnaro İnare moabosaya mua. ⁷ To bajiri, “Cristo İ bojasere yirā yaja mani” yirā, variquēnase rāca quēnaro İnare moabosaya mua. ⁸ Moabosarimasa mua İajama, İabetijaquēne, quēnaro mua moarejuare İacōari, quēnaro muare yirucumi Dios.

⁹ Moare rotirājuare quēne gotiaja yu: Ado yu gotise İni, mua moarimasa Cristore İna tuoİarore bajirone mua quēne tuoİarona İaja. Muare moabosarimasare, “Rojose muare yiruarāja, mua moabosabetijama” yimenane, quēnaro İnare yiya. Sigūne İaami mani İju İamasugū, muare moabosarimasare, to yicōari muare quēne rotigu. “İna İaama İamasurā” yigu me İaami. Quēnaro mua moarejuare İacōari, quēnaro muare yirucumi mani İju. Tire masiritibesa mua.

“Vätia İju İ bojarore bajiro yibeticōato İna” yigu Dios manire İ yirēmose queti

¹⁰ Najedirore, ado bajiro muare gotiaja yu: Mani İju Dios, jediro masijeogu İaami. To bajigu İ İajare, “ ‘Vätia İna bojasere cudibeticōato İna’ yigu, manire yirēmorucumi”, yituoİacōa İnarügūİna mua. To bajiro mua yijama, vätiare cudibeticōari, butobusa Dios İ bojasejuare yirā İnarütuararāja mua. ¹¹ Surara, İaguacu, İ rujure “Sareejoroma” yigu, cōme sudiro sāİnatoogumi. To bajiri mua quēne, Dios İ masisere İjoecoriarā İari, vätia İju muare “Yi-toromi” yirā, tire tuoİatujabesa. To bajiro mua bajijama, no bajirojuane muare yitobecumi vätia İju. ¹² Manire bajiro bajirārene quēarā me yaja. Rojose manire yirotiajerā, ruyumena vätia rācāju gāmerā quēarā yaja. “İnare cudibetiroti İaja”, yimasİİa mua. Buto masirā İaama vätia. Nimujuane vätiare cudibecu magūmi, Dios İ yirēmobetijama. ¹³ To bajiri, Dios muare İ İjose jedirore tuoİarügūİna mua. To bajiro mua tuoİajama, vätiare cudibeticōari, Dios İ bojasejuare yicōa İnaruarāja.

¹⁴ To bajiri, Dios İ yirēmose rāca ado bajiro yirā İaİa mua: Dios ocare masa İna ucamasirere tuoİatujabesa mua. Tire quēnaro mua masijama, muare yitomasibetirucumi vätia İju. To yicōari, quēnaro yirügūİna. ¹⁵ “ ‘Jesucristo İ rijabosare ti İajare, rojose İnare yibetirucuja yu’ manire yİavariquēnaami Dios” yire quetire masiritibesa mua, gājerāre gotimasioruarā. ¹⁶ To yicōari, “ ‘Vätiare cudibeticōato İna’ yigu, manire yirēmorucumi Dios”, İre yituoİarügūİna mua. To bajiro mua yijama, rojose mua yirūaboasere yimena İnaruarāja mua. ¹⁷ “Vätiare reajeocōari, İ tujū quēnaro mani İnarügürotire yigu, İ macure manire rijabosaroticōaİumi Dios”, yituoİa tujabetirügūİna mua. Esp’iritu Santo İ yirēmose rāca Dios ocare tuoİacōari, vätiare İnare cudibetiruarāja mua. ¹⁸ İnare cudibeticōari, tocārācājine Esp’iritu Santo muare İ yirēmose rāca quēnaro tuoİacōari, Diore sēnirügūİa. To yicōari, “Vätiare cudibeticōato İna” yirā, gājerā Cristore ajitirānūrāre İnare sēnibosarügūİna mua. ¹⁹ Yure quēne sēnibosarügūİna mua. “İre İaterāre güİbecune, to yicōari jud’io masa mere quēne Dios oca İna masibeticatire quēnaro gotimasioçōa İnato İ” yirā, yure sēnibosarügūİna mua, Dios rİa İna İarotire yirā. ²⁰ Ti quetire yure goticudirotiyumi Dios. Tire masare yu gotimasiose suorine tubibe ecoaja yu. “Dios İ bojarore bajiro güİbecune gotiato İ” yirā, Diore yure sēnibosarügūİna mua.

Pablo, İnare İ quēnaroticōare queti

²¹⁻²² Yu rācagu, mani maigū, İaami T’iquico vāme cutigu. Mani İju İ bojasere yigu İaami İ quēne. Mua tujū İre cōagū yaja yu. Tojure ejacōari, yua bajiİnase quetire muare gotirucumi. Tire ajicōari, variquēnaruarāja mua.

²³ Mani jacu Diore, to yicōari mani İju Jesucristore quēne, ado bajise muare sēnibosaja yu: “ ‘Butobusa muare ajitirānuato’ yirā, İnare ejarēmoİa. To yicōari, ‘Mua rāca quēnaro İna İarotire’ yirā, İnare ejarēmoİa. ‘Muare ajitirānūrütuanane, butobusa gāmerā İamaito’ yirā, İnare ejarēmoİa”, muare yisēnibosaja yu. ²⁴ Mani İju Jesucristore İre maitujamenare quēnaro muare yato Dios.

To cōro İaja.

Carta de San Pablo a los FILIPENSES

Filipos macanare, Pablo, Timoteo rāca ñacōari, i quēnarotire

¹ ¿Ñati mua, Jesucristore ajitirānūrā, Filipos macana? Yu, Pablo, yu baba Timoteo rāca adi papera muare uaja yua. Jesucristo i bojasere yirā ñaja yua. Cristore ajitirānūrāre muare ūmato ñarāre, ñare moabosarimasare quēne, to yicōari, mua jedirore quēnarotiaja yua. ² Muare quēnarotirā, mani jacu Diore, to yicōari, mani ūju Jesucristore, ado bajise muare sēnibosaja yua: “Quēnaro ña ñarotire yirā, ñare ejarēmoña”, muare yisēnibosaja yua.

Jesucristore ajitirānūrāre, “Quēnaro yaja mu”, Diore Pablo i yire queti

³ Tocārācaine muare tuoīacōari, “Quēnaro yaja mu”, Diore ire yirūgūaja yu. ⁴ Tocārācaine Diore sēnigū, muare yu tuoīajama, variquēnarūgūaja yu. ⁵ Tirāmujune Cristo suorī quēnaro Dios i yise quetire mua ajitirānūsorijune, “Ti ocare ajitirānuato gājerā quēne” yirā, quēnaro yure ejarēmoadicaju mua. To bajiro mua yicati ñajare, muare tuoīacōari, variquēnarūgūaja yu. ⁶ Jesucristore mua ajitirānūsorone, “Yu bojarore bajiro yirā ñato” yigu, muare ejarēmosoyumi Dios. “To bajiro yicōa ñarūgūrucami, ‘Jesucristo muare juagu i tudie-jarirāmu ti ejaro, quēnase rīne yirā ñato ña’ yigu”, yimasiaja yu. ⁷ Muare maigū ñari, to bajiro muare tuoīaja yu. Cristo i rijabosare suorine quēnaro Dios i yise queti gājerare yu gotimasiorotire yigu, yure ejarēmorūgūami Dios. Yure i ejarēmorore bajiro muare quēne ejarēmorūgūami, yure mua ejarēmorotire yigu. To bajiro i yijare, tubiberiaviju yu ñajama, yu ñabetijaquēne yure ejarēmorūgūarā mua. To yicōari, ūjarāre riojo ñare yu gotimasiorotire yirā, yure ejarēmorūgūarā mua. ⁸ Jesucristo muare i mairore bajirore buto muare maiaja yu quēne. Buto muare yu maisere masiami Dios quēne. ⁹ To bajiri, Diore sēnigū, muare tuoīacōari, ado bajiro muare sēnibosarūgūaja yu: “Butobusa gāmerā mairūtuajaro ña’ yigu, ñare ejarēmoña”, muare yisēnibosarūgūaja yu. To bajiro mua yijama, quēnaro Diore masiruarāja mua. To bajicōari, “Ado bajiro mani yijama, quēnaroja”, yimasiruarāja. ¹⁰ Tire masirā ñari, josase ti ñaboajaquēne, Dios i bojasere yitujabetiruarāja. To bajiri quēnaro yirā mua ñajare, Cristo i tudiejarirāmure, “Rojose yirā ñaama”, muare yīābetirucami. ¹¹ To bajicōari, Jesucristo i ejarēmose rāca Dios i bojarore bajiro quēnase rīne yirā ñaruarāja mua. To bajiro mua yisere iacōari, “Quēnaro yigu ñagūmi Dios”, ire yirūcuboruarāma gājerā. To bajiro mua yiroture bojagu ñari, muare sēnibosarūgūaja yu, Diore.

“Cristo ocare ajitirānūrā jājarābusa ñaama”, Pablo i yire queti

¹² Yu mairā, quēna adire mua masisere bojaja yu: Yure ña tubibecūse, “Gājerā quēne Cristo ocare ajitirānuato ña” yiro, yure ejarēmoaja. To bajiri, rojose tāmūogū ñaboarine, Cristo ocare yu gotisere jājarā ajirūgūama. ¹³ “Cristore ajitirānugū i ñajare, ire tubibeyujarā ña”, yimasiamā adi macagu ūju ya vi, coderimasa. To bajiro rīne yijedicoaama adi macana. ¹⁴ “Tubibe ecogu ñaboarine, Pablo quēne, Cristo yere gotimasio tujabeami” yituoīacōari, adoana mani mairā, jājarā, “Tire mani gotijare, rojose manire yirāma” yigūimenane, butobusa Cristo ocare gotimasioama ña quēne.

¹⁵ Gājerāma, “Cristo ocare yu gotimasiojama, jājarā yure ajitirānūruarāma” yituoīacōari gotirāma. To bajiro yirā ñari, “Quēnaro gotimasiobeamī Pablo. Riojo muare gotimasioaja yuama”, yigotirāma. Gājerājuama, rojose tuoīamenane, jājarābusa Cristore ajitirānūrā ña ñarotire bojarā ñari, gotirāma. ¹⁶ “Cristo ocare Pablo i gotimasiorotire bajiro yigu, tubiberiaviju i ñasere bojayumi Dios”, yimasirā ñarāma. To bajiri, yure mairā ñari, Cristo ocare gotimasiorāma ña quēne. ¹⁷ Gājerājuama, quēnaro yu gotimasiosere iajūnisinirā ñari, “Pablōre ña iavariquēnaro rētoro manire iavariquēnato masa” yituoīarā, Cristo ocare gotimasiorāma. To bajicōari, “ Ña gotimasiosere quēnaro ajivariquēnaama masa’ ña yigotisere ajicōari, ‘Rojose bajiyuma yure ajitirānūboacana’ yisutiritiati Pablo” yirā, gotirūgūboarāma. ¹⁸ To bajiro ña yiboajaquēne, no yibeaja yure. “Sutiritiati Pablo” yirā ñaboarine, Cristo ocare gotimasiorā ñarāma ña quēne. To ña yijare, buto variquēnaja yu.

¹⁹ Gajeyere quēne tuoīacōari, variquēnaja yu: Diore, yure mua sēnibosarūgūsere, to yicōari, Jesucristo i cōar'i, Esp'iritu Santo yure i ejarēmorūgūsere quēne masiaja yu. To bajiri, “Rojose yu tāmūose, to cōrone tāmūo tujarucuja yu”, yituoīa variquēnaja yu. ²⁰ Beroju, Jesucristo i iaro rījoro, yu yirere ire gotibojoneruabeaja yu. Cristo yure i ejarēmosere tuoīavariquēnacōari, i ocare riojo gotimasiorūgūaja yu. Tubiberiaviju ñagūre yure ña bujama, yure ña siacōajaquēne, no yibeaja yure. Cristore yu tuoīavariquēnarore bajiro ña quēne, ña tuoīasejuare bojaja yu. Tijua ñaja ñamasuse. ²¹ To bajiri, yure ña bucōajama, ñajediro yu yirūgūrore bajiro yicōa ñarucuja, “Cristore quēnaro yirūcubuoato masa” yigu. Yure ña siacōajaquēne, rētoro yure quēnaruarōja. To cōrojuma, Cristo taju quēnaro ñacōarūgūrucuja

yu. ²² To bajiboarine, yure ina bucōajama, yu gotimasiose suorine jārārābusa Cristore ajitirūnarāra. To bajiri, “Yure ina sīarotire bojaja yu. Yu caticōa űarotire quēne bojaja yu”, yimasibeaja yu. Jua vāmejune quēnacōaja yure. ²³ To bajiri, jua vāmejune bojacōagū űari, no yimasibeaja. “Cristo rāca yu űarotijua űaja rētoro quēnase” yu yitōiāajama, “Yure sīacōato ina”, yitōiārūgūaja yu. ²⁴ Quēna gaje vāme yu tōiōajama, muare yu gotimasioroti ti ruyajare, muare gotimasicōa űarūaja yu. ²⁵ “To bajirone bajirucuja”, yitōiāaja yu. To bajiri, butobusa Cristore ajitirūnacōari mua variquēnarotire yigu, mua rāca yu űarotire bojaja yu. ²⁶ To bajiri quēna mua rāca yu űacudisere variquēnarūarāja mua. To bajicōari, rojose yu tāmūoro Cristo yure ī yirētobosare masicōari, “Quēnaro yaja mu”, Diore yirūcūbuorūarāja mua.

²⁷ Cristo oca ti gotirore bajiro mua cūdirotijua űaja űamasuse. Mua tūju yu vajama, yu vabetijaquēne, ado bajiro mua yisere ajirūaja yu: “Cristo ocare ajicōari, sīgure bajiro tōiārā űaama ina. To yicōari, ‘Cristore ajitirūnato gājerā quēne’ yirā, ī ocare tocārācarāmune gotimasioama ina” yure ina yigotisere ajirūaja yu. ²⁸ To yicōari, “Īnare īaterāre quēne gūimenane Cristo ocare gotimasiorūgūama” yure ina yigotisere quēne ajirūaja yu. Muare īaterājuama, īnare gūimenane mua gotimasicōa űasere īacōari, “Rojose tāmūotūjabetiriaroju manire cōarucumi Dios”, yimasirūarāja. To bajiboarine, mūajuama, “Rojose mani tāmūoborotire yirētobosarucumi Dios”, yimasirūarāja mua, īnare gūibetiriārā űari. ²⁹ Rojose muare ina yiboajaquēne, īnare gūimenane, Cristo oca ti gotirore bajiro goticōa űarūgūroti űaja muare. Muare īamaicōari, ī yarā mua űarotire muare yiyumi Dios, “Yu macure quēnaro yirūcūbuo űato ina” yigu. To bajiro ī yijama, Cristore ajitirūnarā űari, rojose tāmūoborine, īre mua ajitirūnacōa űarotire yigu yiyumi. ³⁰ Rojose yu tāmūocatore bajiro rojose tāmūorāja mua quēne. “Adirūmuri quēne, rojose tāmūoborine, Cristore ajitirūnacōa űagūmi Pablo”, yure yimasirāja mua.

2

“űamasugū űaboarine, űamasugū űaja yu’ yibesumi Cristo”, Pablo ī yire queti

¹ Īre ajitirūnarā mua űajare, muare quēnaro ejarēmōrūgūgūmi Cristo, “Tōiā variquēnato” yigu. Espiritu Santo quēne mua rāca ī űajare, gāmerā īamaicōari, quēnaro ejarēmōrāja mua.

² To bajiri ado bajiro mua bajirotire bojaja yu: “Quēnaro variquēnato Pablo” yirā, sīgure bajiro tōiārā űaűa mua. Mua rācana űajedirore cojoro cōro gāmerā īamaiűa. Sīgure bajiro tōiācōari, Cristo ī bojarore bajiro yirūgūűa. ³ Gājerā ina yisere īacōari, “Manijua, ina rētoro yimasirāja”, yitōiābesa mua. “Gājerā rētoro űamasurā űaja yua”, yitōiābesa. “Īnajuā űarāma yua rētoro űamasurā” yitōiācōari, īnare quēnaro rūcūbuorūgūűa. ⁴ Quēnaro mua űaroti rīne tōiābesa. Gājerā quēnaro ina űarotire quēne tōiārūgūűa.

⁵ Ado bajiro Jesucristo ī tōiāriare bajiro tōiāroti űaja muare:

⁶ Ō vecaju űagū, Diore bajiro bajigu űaboarine, adigodoju vagu, “Īre bajiro bajicōa űarucuja yu”, yibesuju Cristo.

⁷ Diore bajiro bajigu űaboarine, “Yu jacu ī bojasere yiru, űamasugūre bajiro űabetirucuja” yitōiācōari, manire bajirone ruyayuju Cristo.

⁸ Adi macarucuroju vadicōari, ī jacu ī bojarore bajiro yigu űari, űamasugūre bajiro me űacoasumi. To bajiro bajigu űari, rojose yirāre ina sīarore bajiro yucātēroju jaju sīacoyumi Cristo.

⁹ To bajiri, “Gājerāre masa ina rūcūbuoro rētoro ina rūcūbuogu űato” yigu, Īre catiyoju Dios. To yicōari, “űajediro űju űarucuja mu”, Īre yiyuju Dios.

¹⁰ To bajiro Īre yiyuju Dios, ō vecana, adigodoana jediro, rijariārā quēne, ī macu Jesús vāmere ajicōari, mani yirūcūbuorotire yigu.

¹¹ To bajicōari, “Jesucristo űaami űju űamasugū”, yijedirūarāja mani. To bajiro mani yijama, mani jacu Diore rūcūbuorā yirūarāja mani.

“Cristo, ī jacure ī cūdiarore bajiro ĩre cūdicōa űarūgūroti űaja manire quēne”, Pablo ī yire queti

¹² To bajiri, yu mairā, Cristo, ī jacure ī cūdirūgūriare bajiro cūdiroti űaja manire quēne. Mua tūju űacōari, Cristo ocare muare yu gotisere quēnaro ajicaju mua. To bajiri, yucure quēne muare yu goticōasere butobusa Cristo ocare mua ajitirūnūasere bojaja yu. Rojose mua yisere Dios ī yirētobosariārā űari, rūcūbuose rāca ī bojarore bajiro yirūgūroti űaja muare. ¹³ “Yu bojasere yirua tōiācōari, yato” yigu, manire ejarēmōrūgūgūmi Dios.

¹⁴ Tocārācagine mua moare cutisere mua yijama, gāmerā űagōjaimenane, variquēnase rāca yirūgūűa mua. ¹⁵⁻¹⁶ To bajiro yirūgūűa, “ ‘Rojose yirā űaama ina’ gājerā manire yibeticōato” yirā. To bajiri, rojose yirā ina ĩaro rījoro, quēnase rīne yirūgūroti űaja muare. To yicōari, “Yu tūju ina caticōa űarotire yigu, yu catisere īnare īsirucuja” Dios ī yirere īnare gotimasiorūgūűa, “Tire masicōari, Dios ī bojarore bajiro quēnaro yato ina” yirā. To bajiro mua yijama, Cristo

ĩ tudiejarirũmu buto muare variquẽnarũcujã yũ. “Yũ gotimasiocatore bajirone yirã ñaama ña”, ĩre yivariquẽnarũcujã yũ, muare. ¹⁷⁻¹⁸ Jẽre Diore ajitirũncõari, quẽnaro yirũgũrãja mũa. To bajiri, Cristore ajitirũnrã mũa ñajare, gãjerã, rojose muare ña yiboajaquẽne, quẽnaro yicõa ñarãja mũa. Muare bajirone yũ quẽne Dios ocare yũ ajitirũnũjare, romano masa yũre ña sũarotire yũ tuoĩajama, sutiritiboarine, Dios ocare muare yũ gotimasiocatũjare variquẽnaja yũ. To bajirone tuoĩavariquẽnaroti ñaja, muare quẽne, muare yũ gotimasiocatore.

Timoteore, Epafrodito vãmẽ cutigire quẽne Filipos macajũ Pablo ĩ cõarũa tuoĩare queti

¹⁹ Mũa tũju Timoteo ĩ varotire, manĩ ujũ Jesũs ĩ bojajama, yõaro mene ĩre cõarũcujã yũ, mũa ñase quetire ajivariquẽnarũ. ²⁰ ĩ sũgũne ñaami muare yũ mairore bajiro tuoĩagũ. ²¹ Gãjerãma, quẽnaro ña ñaroti rĩne tuoĩarã ñaama. Jesucristo ĩ bojasere ña yiroire tuoĩabeama ña. ²² “Jesucristo ĩ bojasere yigũ ñacami Timoteo”, ĩre yimasirãja mũa. “Ĩ macũre bajiro Pablore quẽnaro ejarẽmõcami, Tãjarãbusa, Cristo ocare ajitirũnũto ña’ yigũ”, ĩre yimasirãja mũa. ²³ To bajiri, tubiberiavũjũ yũ ñaro yũre ña yiroire masicõari, ĩ rãca muare queti cõarũcujã yũ. ²⁴ Tire muare gotiboarine, “Manĩ ujũ ĩ ejarẽmõse rãca yũ bajijama, yũ quẽne ĩ rãca muare ĩagũ varũcujã”, yitũoĩaja yũ.

²⁵ Yũre ĩ ejarẽmorotire yirã, mũa cõar’i manĩ maigũ, Epafroditore, mũa tũju ĩre tuocõagũ yaja yũ. ĩ quẽne, Cristo ocare riojo gotigũ ñari, yũre bajirone rojose tãmuorũgũami. ²⁶ Mũa ñajediore buto ĩaruami. To bajicõari, ĩ rijacati quetire mũa ajirere tuoĩarejaami. ²⁷ Socase mere ajiriarãja mũa. To bajirone bajicami. Bajirocacoarocare bajirojũ bajicami. To bajiboarine, ĩre ĩamaicõari, ĩre caticõami Dios. To bajiro ĩ yijama, butobusa yũ sutiritirotire bojabecũ ñari, ĩre caticõami Dios. ²⁸ To bajiri mũa tũju ĩre tuocõagũ yaja yũ, catiquẽnagũ ĩ ñasere mũa ĩavariquẽnarotire yigũ. Mũa tũju ĩre yũ tuocõajama, yũ quẽne tuoĩarejaibetibusarũcujã yũ. ²⁹⁻³⁰ Cristo oca yũ gotimasiosere yũre ejarẽmõbeaja mũa, sõjũ ñarã ñari. “Ĩre gotirẽmoato” yirã, mũa cõar’i quẽne Cristo ocare gotimasiorũgũami. To bajiro yicudigũne, buto rijaye jairo ti ñajare, rijacoabocami. To bajiro bajicacũ ñaboarine, ĩ caticõajare, mũa tũju ĩ ejaro, variquẽnase rãca ĩre sũnũrũrãja mũa. ĩre bajiro Cristo ocare goticudirãre quẽne, quẽnaro ñare yija.

3

“Cristore manĩ ajitirũnũse ñaja ñamasuse”, Pablo ĩ yire queti

¹ Jesucristo yarã ñari, variquẽnaña mũa. Tirũmũjũ muare yũ ucacatire tudũcujã yũ. To bajiro muare yũ yicõa ñajama, “Gãjerã socase ña gotisere ajiroma” yigũ, yaja. ² Cristo ocare ricati gotimasiorãre roori ñaña mũa. ña ñarãma rojose ũmato yirorã. “Dios ĩ ĩamairã manĩ ñaruajama, circuncisiõn yiroiti ñaja”, yisocarãma ña. ³ Circuncisiõn yicorã ña ñaboajaquẽne, Dios ĩ ĩamairã me ñarãma ña. Manijũama, Esp’iritu Santo ĩ ejarẽmojare, Diore quẽnaro rãcũbuoaja manĩ. To yicõari, “Jesucristo manire rijabosayumi” yitũoĩarã manĩ ñajare, Dios ĩ ĩamairã ñaja”, yitũoĩa variquẽnaja manĩ. ⁴ Manĩ ñicũa ña yimasirere ña tuoĩarore bajiro yũ quẽne yũ tuoĩajama, “Ña rẽtoro ñamasugũ ñaja yũ”, yitũoĩaroti ñaboroja. ña tuoĩasere bajiro yũ quẽne yũ tuoĩajama, ado bajise bajiroja: ⁵ “Dios ĩ rotimasiriarore bajiro yigũ ñato” yirã, cojomo cõro gaje ãmo idia jẽnitũarirũmũri yũ ruyũaro bero, circuncisiõn yũre yiyũma ña. To bajiri, jud’io masũ ñari, Benjam’in ñamasir’i yã jũnagũ ñaja yũ. Yũ ñicũa ñasũor’i ñamasifũju Abraham. Yũ ñicũa, jud’io masa ñacoayũma ña. To bajiri, jud’io masa rĩne gãmerã manajo cuticõari ña macũ cutir’i ñari, jud’io masũ masũ ñaja yũ. To bajicõari, fariseo yere tuoĩagũ ñari, Moisẽre Dios ĩ roticũmasirere buto ajirũcũbuogũ ñaboacajũ yũ maji. ⁶ “Ado bajiro yũ yisere bojagumi Dios” yitũoĩacõari, variquẽnase rãca yirũgũboacajũ yũ. To bajise tuoĩagũ ñari, “Cristore ajitirũnrũma, manĩ ñicũa Diore ña rãcũbũomasiriarore bajiro yimenama” yitũoĩacõari, buto rojose ñare yirũgũcujã yũ. To bajicõari, Dios ĩ rotimasire quẽnaro cudigũ yũ ñajare, “Adi vãmẽ yibeamĩ Pablo”, yũre yimasigũ manicami.

⁷⁻⁹ Yũ ñicũa ña yimasiriarore bajiro yũ yisere, “Ñamasuse ñaroja”, yitũoĩaboacajũ yũ maji. Adirũmurirema, Cristore ajitirũnũca yigũ, “Vaja maja”, yitũoĩacõaja yũ. To bajiri, yucũrema, “Jesucristore ajitirũnrũ rĩne ñaama Dios ĩ ĩavariquẽnarã” yitũoĩagũ ñari, yũ ñicũa ña yimasiriarore bajiro yũ yiboacatire yitũoĩacõacajũ. “Rojose yũ yisere masirioato Dios’ yigũ, yũre rijabosayumi Cristo”, yitũoĩaja yũ, adirũmurirema. To bajiri, “Rojose magũ ñaami” yũre yĩĩavariquẽnagũmi Dios”, yitũoĩaja yũ. ¹⁰ “Cristo ĩ ejarẽmorã rĩne ñaama Dios ĩ ĩavariquẽnarã” yitũoĩacõari, Cristore ajitirũnũgũ ñari, butobusa ĩre masirũtuarũja yũ. Tire yũ yijama, ado bajiro yigũ yaja yũ: Cristo ĩ rijato bero, tudicaticõari, ĩ masise rãca ĩre ajitirũnrũre ejarẽmo ñagũmi. Tire, ĩ masise rãca ĩ bojase rĩne yigũ ñaruaja yũ. To yicõari, ĩ jacũre cudirũagũ ñari, Cristo, rojose ĩ tãmuoriarore bajiro rojose tãmuorũja yũ quẽne. To bajiro bajigũ, yucũtẽrojũre ĩre ña sũariorore bajiro yũre ña sũaboajaquẽne, quẽnarũaroja. ¹¹ To bajiro bajirocũ yũ ñajama, yũ rijato bero, yũre quẽne caticõacũmi Dios.

“Quēnase rīne yirā ñarāsa mani”, Pablo ī yire queti

¹² “Jediro masigū ñari, quēnase rīne yigu ñaja”, yimasibeaja yu. To bajiboarine, “Dios ī bojarore bajiro quēnaro yirucuja” yigu, yu yimasiro cōro yirūgūaja yu. “Yure bajiro quēnase rīne yigu ñato” yigu, “Yure ajitirānuña mu”, yure yicami Jesucristo. ¹³ Quēnaro ajiya, yu mairā. “Cristo ī bojarore bajiro quēnase rīne yigu ñaja yu”, yimasibeaja yu. Tirūmuju yu yirūgūcatire buto tuoīabetirūgūaja yu. Tire tuoīabecune, quēnaro yu yirotiyuare tuoīarūgūaja. ¹⁴ “Dios taju yu ejaro, quēnaro yu yise vaja quēnaro yure yato ī” yigu, to bajiro rīne yirūgūaja yu. Ī taju mani ejaro, quēnaro mani yise vaja, “Quēnaro ĩnare yirucuja”, yiyuju Dios, quēnase rīne yirā mani ñarotire yigu.

¹⁵ To bajiri yu tuoīarore bajiro tuoīarūgūroti ñaja muare quēne, quēnaro Cristore ajitirānurā jedirore. To bajiro tuoīarā ñaboarine, cojo vāme ricati mua tuoīajama, quēnaro mua masirotire yirucumi Dios. ¹⁶ Dios ī bojasere masijeobetiboarine, mani ajimasiro cōro mani yicōa ñajama, quēnaruarōja.

¹⁷ To bajiri, yu bajiñarūgūcatore bajiro bajiñaña, mua quēne. ¹⁸ Gājerājuama, quēnasere yibetirūgūama. To bajiro ĩna bajise cojoji me muare gotirūgūcaju yu. Quēna ĩna bajisere tuoīacōari, muare gotigu, buto sutiritiaja yu. To bajiro ĩna bajicōa ñajama, “Cristo ī rijabosare vaja maja” yirāre bajiro bajicōa ñarāma. ¹⁹ To bajiro bajirā ñari, rojose tāmutojabetiriarōju varuarāma. Dios ī bojasere yimena ñari, ĩna masu ĩna bojase rīne yirā ñaama. To bajicōari, rojose ĩna yijama, bojonemenane, tire gotivariquēnarāma. Adigodoaye rīne tuoīarūgūrāma. ²⁰ Manijuama, ō vecaju Dios taju varona ñaja. Ī ñarōju ñaja mani ñarūgūrotiju. To bajiri tijuare tuoīarūgūaja mani. To yicōari, “Ō vecaju ñagū, vadicōari, rojose tāmutojabetiriarōju mani varotire manire yirētobosarucumi mani uju Jesucristo”, yituoīa variquēnarūgūaja mani. ²¹ To bajiro bajigune, quēnariruju ī ruju cutirore bajirone manire quēne vasoarucumi, adi macarucuroaye jediro rotimasigū ñari.

4

“Cristore ajitirānurā ñari, variquēnacōa ñaña”, Pablo ī yire

¹ Yu mairā, quēnaro ajiya mua. Cristore ajitirānurā ñari, yu yarā ñaja mua. Muare maigū ñari, buto muare ĩaruaja yu. “Yu gotimasiocatire ajicōari, Diore quēnaro ajitirānucōa ñarāma ĩna”, muare yituoīavariquēnaja yu. To bajiri mani uju Jesucristore ajitirānu tujabetiroti ñaja.

² Evodia vāme cutigore, S'intique vāme cutigore quēne, muare gotigu yaja. Mua juarā, mani uju yarā ñari, sīgōre bajiro tuoīaña mua. ³ Toagu, yure quēnaro baba cuticacujuare, “Ado bajiro yure yibosaya”, mure yisēnija yu: ĩna, rōmia juarāre, “Gāmerā oca quēnoato” yigu, ĩnare ejarēmoña mu. To yu ñaro, Cristo ī rijabosare suorine quēnaro Dios ī yisere yu gotimasiorotire yirā, yure quēnaro ejarēmōrūgūcama ĩna. Clemente, ī babarā quēne yure ejarēmōrūgūcama. Yure ejarēmocanare, “Ado cōro ñaama yu tu ñarūgūrona” Dios ī yuucaturiatutiju ucatuecorā ñarāma.

⁴ Mani ujare ajitirānurā ñari, tocārācājine ī yere tuoīavariquēnarūgūña mua. ⁵ Rūcabuose rāca gājerāre quēnaro yirūgūña mua, “ ‘Quēnase rīne yirā ñaama’, gājerā muare yīñato” yirā. Mani uju adi macarucuroju ī tudiejaroti, mojoroaca ruaja.

⁶ Ñiejuare mua tuoīarejaisere bojabeaja yu. Tocārācājine rojose mua tāmujōja, “Rojose yua tāmūosere yirētobosaya” yirā, Diore mua sēnijama, quēnaja. To yicōari, muare ī ejarēmōroti ti ñajare, “Quēnaro yirucuja mu”, ĩre yivariquēnarūgūña. ⁷ To bajiro mua yijama, mua variquēnarotire yirēmōrucumi Dios. To bajiri, Jesucristo muare quēnaro ī ejarēmōrotire tuoīarā ñari, rojose tāmūorā ñaboarine, variquēnacōa ñaruarāja. Tire ajimasibetiruarāma Jesúre ajitirānumena.

“Quēnase rīne tuoīarūgūña”, Pablo ī yire queti

⁸ Yu mairā, ado bajiro muare gotitusaja yu: Quēnase rīne tuoīarūgūña. Rūcabuore queti, quēnaro yire queti, maire queti, to yicōari, masa quēne ĩna ajivariquēnase queti tuoīarūgūña. To yicōari, “Quēnase ñaja” Dios ī yisere quēne tuoīarūgūña.

⁹ Muare yu gotimasiocatore bajirone yirūgūña. Yure mua ajicatire, mua ĩacatire quēne to bajirone yicōa ñaña. To bajiro mua yijama, variquēnase manire cōagū, Dios, mua rāca ñacōa ñarūgūrucumi.

Filipos macana, ĩre gājoa ĩna ĩsirere Pablo ī gotivariquēnare

¹⁰ Yure tuoīacōari, yu bojasere yure cōañuja mua quēna. To bajiri buto variquēnacōari, “Quēnaro yaja mu”, mani ujare, Diore yaja yu. Yoaro yure mua cōabetiboajaquēne, “Cōarūaboarine cōamasimena bajirāma”, muare yituoīacaju yu. ¹¹ “Yu suorua tuoīase jediro suorua yu” yigu me yaja. Jairo yu suorua, yu suorbetijaquēne, variquēnacōa ñaja. ¹² Cojojirema maioro yu bajijama, yu bajibetijaquēne, variquēnarūgūaja yu. Bare ti ñajama, ti

manijaquēne, variquēnacōa ñaja. ¹³ To bajiro yu bajise jedirore yure ejarēmōrūgūami Cristo. ¹⁴ To bajiro yure i ejarēmōboajaquēne, gājoa yure mua cōase suorine yure ejarēmōñuja mua.

¹⁵ Macedonia sitaju Cristo i rijabosare suorine quēnaro Dios i yise queti gotimasiocudi gajanocōari, quēna gajeroju yu vato, mua, Filipos macana rīne gājoa juarēocōari, yure cōañuja mua. Gājerāma, yu gotimasiocati suorine Cristore ajitirūnūrā ñaboarine, yure cōabesuma ña.

¹⁶ Rījoroju quēne Tesalónica macaju ñagū, ñie cuobecu yu bajiro, cojoji me gājoa yure cōañuja mua. ¹⁷ “Quēna gajeye yure cōato” yigu me, to bajise muare yaja yu. “Yure mua yirore bajirone gājerāre quēne mua yicōa ñajama, rēto busaro quēnase muare cōato Dios” yigu yaja.

¹⁸ Mua cōariaro cōrone yure īsicami Epafrodito. Yu cuorua tuoīacati rēto busaro cōañuja mua. Yure quēnaro mua yicatire iavariquēnarimi Dios. ¹⁹ I ñaami manī uju, ñajediro quēnase cuogu.

To bajicōari, i macu yarā mua ñajare, mua cuorua tuoīase jediro muare cōarucami. ²⁰ Quēnaro ire rācubuo variquēnarūgūruarāja manī. To bajirone bajiato.

Pablo, i quēnaroticōare queti

²¹ Toana, Jesucristore ajitirūnūrā jediro quēnato ña. Yu rācana, Cristore ajitirūnūrā, muare quēnaroticōaama. ²² Adoana, Cristore ajitirūnūrā jediro, muare quēnaroticōaama. Cristore ajitirūnūrā, Roma macagu uju ñamasugūre moabosarimasa quēne muare quēnaroticōaama.

²³ Manī uju, Jesucristo, quēnaro muare yato i.

To cōro ñaja.

Carta de San Pablo a los COLOSENSES

Colosas macana, Cristore ajitirānūrāre Pablo ī ucare queti

¹⁻² ĀNati mua, Colosas vāme cuti macana, Dios yarā? Jesucristore ajitirānū tujamenare muare uacōaja yua. Muare quēnarotirā, mani jacu Diore ado bajise muare sēnibosaja yua: “Quēnaro īna űarotire yirā, īnare ejarēmoűa”, muare yisēnibosaja yua. Yu űaja Pablo vāme cutigū, adi paperare muare cōagū. Dios ī bojarore bajiro yure cōacami Jesucristo, “Yu suori yu jacu quēnaro ī yise quetire gājerāre gotimasiodirūcūja mu” yigu. Yu rāca űaami mani maigū, Timoteo.

Cristore ajitirānūrāre tuoīacōari, Diore Pablo ī sēnibosare

³⁻⁴ “Jesucristore quēnaro ajitirānūcōa űaama īna. To bajicōari, Dios yarā jedirore quēnaro mairā űaama” muare masa īna yisere ajirūgūaja yua. To bajiro īna yirūgūsure ajivariquēnaja yua. To bajiri, tocārācājine mani űju Jesucristo jacure muare yua sēnibosajama, “Quēnaro yaja mu”, ıre yivariquēnarūgūaja yua. ⁵ Tirūmujune riojo űamasusere, Cristo suori quēnaro Dios ī yise quetire mua ajitirānūsuorijūjune, “Ī oca ti gotirore bajirone ō vecaju Dios tūju ejacōari, quēnaro űarūgūruarāja mani”, yivariquēnacōayuja mua. To bajiro yirā űari, Dios yarāre quēnaro ejarēmoűuja mua. ⁶ Cristo ocare ajisucōari, “Ī űaja riojo űamasuse oca”, yiyuja mua. To yicōari, “Rojose yirā mani űaboajaquēne, manire ıamaicōari, manire quēnaro yiyumi Dios”, yiajitirānūűuja mua. Ī oca quēnasere mua ajitirānūrore bajiro ajitirānūrūtuana yirāma masa jediro. To bajicōari, mua yirūgūrore bajirone quēnaro yirūgūrāma īna quēne. ⁷ Mani maigū, Epafras vāme cutigū, űaami ti ocare muare gotimasiorī. Jesucristo ī bojasere yigu űari, adōju quēnaro yuare ejarēmōrūgūami. ⁸ Ī űaami “Esp’iritu Santo ī ejarēmose rāca gājerā Dios yarāre quēnaro maiama īna, Colosas macana” yuare yigoticacu.

⁹ To bajiro ī yicatire ajicana űari, yua ajisuorijūjune, Diore muare sēnibosadicaju, Dios ī bojasere quēnaro mua yimasirotire yirā. To yicōari, Esp’iritu Santo suorine tocārāca vāme mua masirotire quēne “Ejarēmōato” yirā, Diojuare muare sēnibosarūgūaja yua. ¹⁰ Muare yua sēnibosase suorine to bajiro mua yijama, mani űju ī bojarore bajiro yīnarūgūruarāja mua. To yicōari, ıre butobusa masirūtuararāja. ¹¹ ıre rētobusaro mua masirūtu vajama, masirētogū, Dios, muare quēnaro ejarēmōrucami, jediro rojose tāmūoboarine, ıre mua ajitirānūcōa űarotire yigu. To bajiro muare ī yijama, rojose tāmūoboarine, rojose muare yirāre jūnisinimenane, variquēnacōa űaruarāja mua. ¹² Mani jacu, Diore tuoīavariquēnacōari, ado bajiro ıre sēniruarāja mua: “Quēnaro yaja mu. Quēnaro mu yire suorine mu yarā űaja yua. To bajiri mu űaroju, ejacōari, gājerā, mu yarā quēnaro īna yiecorore bajiro yiecoruarāja yua quēne”, Diore yivariquēnaruarāja mua.

¹³ Dios, ado bajiro manire ī yire űajare, to bajiro yivariquēnaruarāja mua: Satanās yarā, ī bojarore bajiro yirā űaboariarāre manire ejarēmōmumi Dios, ī macu ī maigū yarā, “Ī bojarore bajiro yirā űato” yigu. ¹⁴ Dios ī yire yu yijama, ado bajiro yigu yaja yu: Ī macu manire ī rijabosare suorine Satanās manire ī rotiboarere cūdimena űacoariarāja mani. To bajicōari, rojose mani yisere Dios ī masiriorā űacoariarāja mani.

Cristo ī rijabosare suorine Diorāca quēnaro mani ıase queti

¹⁵ űimujua Diore ıagū magūmi. To bajiboarine Cristore masirājuama, Diore masiaja mani. Cristo űaami adi macarūcuro ti ruyuaroto rījorojune űacoadimasirī. ¹⁶ Ī suorine adi macarūcuro ıase jedirore rujeomasirūju Dios. Adi macarūcuro űarā, ō vecanare quēne, ruyumena, ruyurāre quēne ī suorine rujeomasirūju Dios. To yicōari, ō vecana rotimasironare quēne ī suorine ınare rujeomasirūju Dios. To bajiro yimasirūju, “Quēnaro yiyumi” ıre gājerā īna yirūcūbuorotire yigu. ¹⁷ Adi macarūcuro ti ruyuaroto rījorojune, űacōadimasirūju Cristo. To bajicōari, ī suorine jediro űaja. ¹⁸ Ī rijabosare suorine ī yarā mani űarotire yiyumi Dios. Cristo űaami rijacoaboarine quēna tudicatisuorī. To bajirī űari, masa īna rijato berōju “Tudirijabeticōato” yigu, Dios ī catisere ıre ajitirānūrāre ısigū ıagūmi. To bajicōari, ıre ajitirānūrāre, ıre ajitirānūmenare quēne jediro űju ıagū bajigūmi. ¹⁹ Dios, ado bajiro tuoīaűuju: “Yu macu, yure bajirone bajigu űari, ī sīgūne yu ye űajediro quēnasere cōagū űarūcūmi”, yituoīaűuju Dios. ²⁰ Adigodoana, ō vecana quēne rojose yirā űaűujarā. To bajiri, rojose īna yisere “Masiriogusa” yigu, ī macure rijarotiyumi. To bajiro ī yijama, īna jediro ī rāca quēnaro īna űarotire yigu yiyumi.

²¹ Tirāmujarema Dios yarā me űaűuja mua maji. Rojose tuoīacōari, rojose mua yire suorine Dios ī ıajama, ıre terā űaűuja mua. ²² To bajiro bajiriarā mua űaboajaquēne, ī tūju mua ejaro, “Rojose mana űaama” ī yīarotire yigu, ī macure rijarotiyuju. ²³ To bajiro Dios ī yire ti

ñaboajaquêne, i tu mua ejarirämu, “Rojose mana ñaama” i yïlarotire mua bojajama, i macu suori quênaro i yire quetire ajitirünucôa ñaroti ñaja. Ti quetire masa ñajedirojune ajiräma. Yu quêne, tire goticudigu ñaja.

Diore ajitirünuräre Pablo i ejarëmore queti

²⁴ Cristo ocare ajitirünuräre gotimasiodigü, rojose tãmuogü ñaboarine, variquênaja yu. Gäjerä quênaro ña ñarotire bojagu ñari, rojose tãmuoñumi Cristo. To bajiri, yure quêne, to bajiro yu bajirotire bojayumi Cristo. ²⁵ “Cristo ocare jud'io masa me ñaräre quênaro gotimasiocudiräcumi” Dios i yituoñiarore bajirone Cristo yure i yijare, Cristore ajitirünuräre ejarëmorimasu ñacaju yu. ²⁶ Yu gotimasiosere, tirämuñajuma tire masibetimasinuma maji. Adirämürirema, i yarä ñarona tire ña masirotire yiyumi Dios. ²⁷ “Jud'io masa me ñarä, yu suori quênamasuse ña yiecorotire masiato ña, yu yarä” yigu yiyumi Dios. Ado bajiro bajiaja ti oca masa ña masibeticati: Muare ejacôari, mua räca quênaro ñarügüracumi Cristo. To bajiri, “Dios taju ejacôari, quênamasuse yiecoruaräja mani”, yituoñia variquênaruaräja mua.

²⁸ No bojaro yua vato masa jedirore Cristo ocare gotimasiodiaja yua, “Ire mua ajitirünujama, rojose tãmuotujabetiraroju vabetiruaräja mua” yirä. To yicôari, tocäräcune Cristore ña ajitirünujama, Dios taju ña ejarirämu, “Nie rojose mana ñaama” i yïlarotire yirä, yua masiro cöro quênaro gotimasioaja yua. ²⁹ To bajiro ña bajirotire bojarä, josase ti ñaboajaquêne, Cristo i ejarëmose räca moarügüaja yua.

2

¹ “Quênaro mani ñarotire yigu, josari moarügügümi Pablo” mua yisere bojaja yu. Laodicea macana, to yicôari gäjerä yure ñabetirarä Cristore ajitirünurä, to bajise ña yisere bojaja yu. ² Ado bajiro quênaro mua ñarotire yigu, josari moarügüaja yu: Cristore mua tuoñavariquênarotire, quênabusaro mua gämerä mairütuarotire, to yicôari, Cristo ocare quênaro ajimasirotire yigu yaja. To bajiro mua bajijama, masa ña masibeticatire, “Yu yarä masiato” yigu, Dios i yisere quênaro masiruaräja mua. To bajiro yu yijama, “Cristore quênaro masiruaräja mua” yigu yaja. ³ Cristo yarä rïne ñaama, “Ti oca, masa ña masibeticatire ñamasuse masiato” yigu, Dios i yirä. ⁴ “Quênaro gotitoräre ajitirünurobe” yigu, tire muare gotibu yu. ⁵ Mua räca ñabetiboarine, mua räca ñagüre bajiro tuoñaja yu. “Quênaro ñacôari, Cristore ajitirünucôa ñaräma” muare yituoñacôari, buto variquênaja yu.

“Jesucristo, yu uju ñaami” yiriarä ñari, i bojarore bajiro rïne yirügüroti ñaja muare”, Pablo i yire queti

⁶ “Jesucristo, yu uju ñaami” yiriarä ñari, i bojarore bajiro rïne yicôa ñaroti ñaja muare. ⁷ Mua yirotire masiruarä, ire sënirügüruaräja. To yicôari, Epafra muare i gotimasiorare bajirone Cristore quênabusaro ajitirünuruaräja mua. To yicôari, “Quênaro yaja mu”, Diore ire yivariquênarügüruaräja.

⁸ To bajiri, gäjerä ricati gotimasiorä, “Cristore bajiro bajirä ñaräma gäjerä” ña yisocasere ajibesa mua. Cristo ye me ñaja ti. Ña ñicua ña tuoñamasirare bajiro tuoñacôari gotirä yama.

⁹ Gäjerä manama. Cristo sigäne ñaami jediro Dios ye cuogu. Manire bajiro ruju cutiboarine, Dione ñañumi Cristo. ¹⁰ I rotijama, ñimujua ire cudibecu magümi. To bajiri, Cristo yarä ñari, jediro ñamasuse cuorä ñaja mua. Disejua ruyabeaja muare quêne. ¹¹ Circuncisión ña yiecorijune, “Dios räre bajiro bajirä ñacoaju mani” yituoñarä ñari, tire yirügüräma jud'io masa. To bajiro ña yihoase, mani rujuaye ti ñajare, Dios i ñajama, vaja maja ti. Muajuarema, Cristore mua ajitirünusorone, muare ejarëmoñumi, “Yu yarä ñacôari, rojose yirua tuoñabeticôato” yigu. ¹² Mani bautizaecoja, Jesucristo räca rijariaräre bajiro bajiyuja mani. To bajicôari, “Jesucristo i yuje ecoro bero, i masise räca ire tudicatoyumi Dios” yituoñiarä ñari, Cristo räca tudicatiräre bajiro bajiyuja mani. To bajiriarä ñari, Jesucristo i ejarëmose räca Dios i bojarore bajiro yirä ñaja mani. ¹³ Tirämüju rojose yiriarä ñari, Dios yarä me ñariaräja mua maji. To bajiro bajiriarä mua ñaboajaquêne, rojose mua yirere masirocôari, “Cristo i ejarëmose räca yu bojarore bajiro yirä ñato” yigu muare yiyumi Dios. ¹⁴ Rijorøjuma Dios i rotimasirere cudijeobetiriarä mani ñajare, rojose tãmuorona ñañuja mani maji. To bajiro mani bajiro ti ñajare, yucätëroju i macure rijarotiyuju Dios, “Rojose ña yise vaja, ñare vaja yibosato” yigu. To bajiri i rijabosare suorine rojose mani yisere masirojeocöañuju Dios. ¹⁵ To bajiro Cristo i rijabosare suorine vätia rojose yirotirä, ña rotimasiboariare bajiro, “Rotimasibeticôato” yigu yiyumi Dios.

“Dios i bojase rïne mua yijama, quênaja”, Pablo i yire queti

¹⁶ To bajiri, Cristo yarä ñari, Dios i ñavariquênarä ñaja mua. To bajiri, gäjerä socase gotirimasa ado bajise muare ña yisere ajibesa mua: “Ti ñaja babetiroti. Adi ñaja idibetiroti. Namiagu muju i roarirämu beroagarämu ñaja rücuñuarämu. Ususäjararämure ado bajiro yirügüroti ñaja”, muare yiräma ña. ¹⁷ To bajiro ña yise, Cristo i rijabosaroto rijoro jud'io

masare Dios roticūmasireju ñañuja maji. To bajiboarine, adirūmārirema vaja maja ti. Cristo i bojarore bajiro quēnaro mani yisejua ñaja vaja cuti. ¹⁸ “Ángel mesare yua yirūcubuoore bajiro yirūcubuoena mua ñajare, muare iavariquēnabecumi Dios” ña yisere quēne ajibesa mua. Ña masune tuoīaboarine, “Yua cājiriaroju ĩacōari, quēnaro Dios i rotisere gotiaja yua”, yirā ñarāma. “Namasurā me ñaja yua” yigotiboarine, ña tuoīasejuama, “Namasurā ñaja”, yituoīaboarāma. ¹⁹ Cristore ajitirūnumena ñari, i ye riojo gotirā me ñarāma. Cristo, sīgāne ñaami mani ũju. Dios i bojarore bajiro manire ejarēmōrūgūami Cristo, butobusa gāmerā ejarēmōcōari, i bojarore bajiro yirā mani ñarotire yigu.

²⁰ “Rojose yibeticōari, yu bojasejuare yato” yigu, ĩre ajitirūnaronare manire rijabosayumi Cristo. To bajiro i bajire ti ñaboajaquēne, ĩno yirā Cristore ajitirūnumena ña gotisere ajirūcubuoati mua? ²¹ “Tire moālabesa Tire babesa” ña yirotsere ajirūcubuoabesa mua. ²² Jedise ñaja bare. To bajicōari, muare ña rotise, Dios ye me ñaja. Masa ña masune tuoīacōari, ña gotimasiose ñaja. ²³ Ña ajivariquēnasere ña gotijama, tire ajicōari, “Quēnaro gotimasiama”, yituoīaboarāma sīgūri. To bajiro ña yiboajaquēne, quēnaro tuoīarā me ñarāma. Ado bajise ĩnare gotimasioboarāma ña: “Yua rūcubuoarē mua quēne mua rūcubuoajama, quēnaja. ‘Masirā me ñaja’ mua yituoīajama, quēnaja. Mani rujare rojose mani yijama, quēnaja. To bajiro mani yijama, rojose mani yisere yitujaruarāja mani”, yituoīaboarāma. To bajiro ña yiboase socase ñaja.

3

¹ Cristore ña sīaboajaquēne ĩre catiōyumi Dios. To bajiro ĩre yicōari, ō vecaju, “Yū rāca rotirūcūja mu”, ĩre yiyumi. Cristore mani ajitirūnaroto rījoro, Diore masimena ñari, rojose yirā ñañuja mani maji. To bajiro mani yirūgūboare yitujacōari, Cristore mani ajitirūnsuoriarūmune, “Yū tujū varuarāma”, manire yiyumi Dios. To bajiri, quēnaro manire i yirotsere tuoīarūgūroti ñaja. ² Adigodoaye rojose tuoīamenane, Dios yejuare tuoīarūgūroti ñaja. ³⁻⁴ Rojose mua yirūgūre yitujacōari, Cristore ajitirūnarā mua ñajare, “Ī rāca ñarūgūruarāja mua” Dios i yiriarā ñañuja mua. To bajiri, rojose tuoīabetiroti ñaja. Cristo suorine mua rijato berojuma “Tudirijabeticōato” yigu, Dios i catisere i ĩsiriārā ñaja mua. To bajiri mua rāca ñagūmi Cristo. To bajiro i bajisere ĩamasibetiboarine, adigodo i tudiejaro, “Ñajediro ũju ñaami”, ĩre yirūcubuoarāma masa ñajediro. To cōroju muare quēne i rāca mua ñasere ĩacōari, “Ī yarā ñañuma”, muare yirūcubuoarāma ña yuja.

“Rojose yibesa mua”, Pablo ĩyire queti

⁵ Rojose mua yirūgūse yitujaya mua. Manajo cutirā, manaju cutirā, manajo mana, manaju mana quēne, gājerā rāca ajeriarā cutibesa. Rojose yirua tuoīabesa. To yicōari, Diore mua mairo rētoro, gajeyēñire maibesa. Diore mua mairo rētoro, gajeyēñire mua maijama, Diore rūcubuoarā me yirāja mua. ⁶ Rojose yirāre Dios rojose ĩnare i yirotsi ti ñajare, rojose yibesa mua. ⁷ Tirāmūju rojose yimasiriarāja mua maji. ⁸ Adirūmārirema ñajediro rojose mua yirūgūre to cōrone tire yitujaya. Gājerā rojose muare ña yiboajaquēne, jūnisinibesa mua. Gājerāre ĩatebesa. Gājerāre rojose ñagōmacabesa. ⁹⁻¹⁰ Mua socarūgūriarore bajiro socabesa mua. Cristore mua ajitirūnsuorone, muare ejarēmōsuoyumi. To bajicōari, quēnabusaro Diore mua masirotire yigu, mua rāca ñacōa ñagūmi. To bajiri ñajediro rojose yibetiroti ñaja. ¹¹ To bajiro ti bajijare, jud’io masa mua ñajama, mua ñabetijaquēne, no yibeaja. Circuncisión yiriarā mua ñajama, mua ñabetijaquēne, no yibeaja. Gājerā masa ñaboarine, mua rācana yere ajimasirā mua ñajama, mua ñabetijaquēne, no yibeaja. Moabosarimasa mua ñajama, mua ñabetijaquēne, no yibeaja. Cristo ñaami mani jediro ũju. Manire ejacōari, mani rāca i ñase rīne ñaja ñamasusema.

¹² “Yū yarā ñaña mua” yigu, Dios i beseriarā ñarāja mua quēne. To bajiri i ĩamairā ñarāja mua. To bajiro bajirā ñari, gāmerā ĩamaicōari, quēnaro yirūgūroti ñaja muare. “Yū rētoro ñamasurā ñaama”, gājerāre yirūcubuoarūgūroti ñaja. Gājerā muare rojose ña yiboajaquēne, ĩnare jūnisinibetiroti ñaja muare. ¹³ ĩnare jūnisinibeticōari, rojose muare ña yisere masirioruarāja mua. Mani ũju rojose mua yisere i masiriorare bajirone rojose muare yirāre masirioya mua quēne. ¹⁴ Ti jediro yirotsi ti ñaboajaquēne, rētoro ñamasuse ñaja gāmerā ĩamaire. Mua gāmerā ĩamajama, Dios i bojarore bajiro yirā, quēnaro ñarūgūruarāja mua. ¹⁵ Cristo suorine quēnaro ñarā ñari, mua yirotsere tuoīacōari, “To bajiro yu yijama, ña rāca quēnaro ñacōarūcūja” yimasicōari rīne, yiruarāja mua. Quēnaro mua ñarūgūse Dios i bojajare, to bajiro yirūgūruarāja mua. Ī suorine quēnaro ñarā ñari, “Quēnaro yaja mu”, Diore yirūgūruarāja mua.

¹⁶ Cristo ocare masirā ñari, quēnaro tuoīacōari, tire gāmerā gotimasiorūgūruarāja mua, “Ti ocare butobusa masirāsa mani” yirā. To yicōari, Dios ocare masa ña ucamasire basare, Diore tuoīarā basare quēne, basaya mua. To bajiro mua yijama, muare quēnaro Dios i yisere

tuoiacōari, buto variquēnase rāca basarūgūruarāja. ¹⁷ To yicōari, tocārācaine mua gotijama, mua moajaquēne, mani uju Jesūre ajitirūnūrā űari, i bojarore bajiro rīne yirūgūruarāja mua. To yicōari, “Quēnaro yaja mu”, mani jacu Diore yivariquēnarūgūruarāja mua.

Cristore ajitirūnūrā mani bajise queti

¹⁸ Rōmiare, manajua cutirāre, muare gotigu yaja yu. Cristore ajitirūnūrā űari, mua manajuare quēnaro ajirūcūbūorūgūña. ¹⁹ Ŭmuajuare, muare quēne gotigu yaja yu. Mua manajoare quēnaro maiña. To yicōari, quēnaro ĩnare gotiya.

²⁰ Rīamasajuare, ado bajise muare quēne gotiaja yu: Tocārācaine mua jacua ĩna rotirore bajirone cudirūgūruarāja mua. To bajiro mua yisere ĩacōari, variquēnarucumi mani uju. ²¹ ĩna jacajuare, muare quēne gotigu yaja yu. Mua rīare tud’ibesa, “Ajisatiriticōari, quēnasere yitujaroma” yirā.

²² Moabosarimasare, muare quēne gotigu yaja yu. Cojoji ruayabeto variquēnase rāca muare moare rotirāre quēnaro cūdiya mua. “Manire moare rotirā ĩna ĩaro rīne quēnaro moaruarāja, ‘Manire ĩavariquēnato’ yirā”, yituoĭabetiruarāja mua. ĩna ĩaro, ĩna ĩabeto quēne, quēnaro ĩnare moabosarūgūruarāja mua. “ĩnare quēnaro mani moabosabetijama, rētoro masigū, mani uju, Cristo, manire ĩavariquēnabecumi” yituoĭa gūirā űari. ²³ Mua yimasiro cōro Cristore mua moabosarore bajirone muare rotirāre quēnaro ĩnare moabosaruarāja mua. ²⁴ Cristo sigūne űaami mani uju űamasugū. To bajiri, űajediro i bojarore bajiro yirūgūroti űaja manire. To bajiro tuoiacōari, mani moajama, ĩre moabosarā yirāja mani. Tire masiritibesa. Mani uju űari, i gotiriarore bajirone quēnaro manire vaja yirucumi. Ti űaja i űaroju ejacōari, gājerā ĩre ajitirūnūrā rāca quēnamasuse manire ĩsiroti. ²⁵ To bajiboarine rojose mua yirūgūjama, rojose muare yirucumi Dios. To bajiri, “Ānoama rojose yirā ĩna űaboajaquēne, quēnaro ĩnare yirucuja yu”, yigu me űaami.

4

¹ Moarimasa űarāre, muare quēne gotigu yaja yu. Muare moabosarimasare quēnaro ĩnare yiya. Sigūne űaami mani uju űamasugū, muare moabosarimasare, to yicōari muare quēne rotigu. ĩne űaami mua yise jedirore sēniarocū.

² Mua jedirore gotigu yaja yu. Tocārācārūmūne Diore sēnirūgūroti űaja. To yicōari, i yirēmosere masicōari, “Quēnaro yaja mu”, yirūgūroti űaja. ³ Ŭuare quēne ado bajiro sēnibosarūgūña mua: “ ‘Cristo oca masa ĩna masibeticatire Pablo mesa gājerāre gotimasiocludiato’ yigu, ĩnare ejarēmoña mu”, ĩre yisēnirūgūña mua. Tire gotimasigū űari, tubibe ecoaja yu. ⁴ Quēnaro riojo yu gotimasiorotire yirā, Diore sēnirūgūña mua. To bajirone yicōa űaroti űaja yure.

⁵ Cristore ajitirūnūmena rāca mua űajama, quēnaro űaña mua. To bajiñarā, cojorūmu gotimenane, űabesa. Tocārācārūmu Cristo ocare ĩnare gotimasiocluda űaña. ⁶ ĩnare mua gotijama, quēnaro tuoiacōari, gotiya. To bajiro yicōari, muare ĩna sēniıajama, quēnaro cudimasiruarāja mua.

Pablo i gotitū sare queti

⁷ Adoju yu rācagu, mani maigū, T’iquico vāme cutigu űaami. Mua tuju ĩre cōagū yaja yu. Tojure ejacōari, yu bajise queti muare gotirucumi. Ŭure quēnaro ejarēmorūgūgū, to yicōari, mani uju i bojasere yigu űaami. ⁸ To bajiro yigu i űajare, mua tuju ĩre varotibu yu. Toju ejacōari, yu bajise quetire gotirucumi. Tire ajivariquēnaruarāja mua. ⁹ ĩ rāca, mani maigū, Onésimo vāme cutigu mua ya macagure quēne, varotibu yu. Quēnaro yuare ejarēmorūgūmi i quēne. ĩ rāca ıacōari, yu bajirūgūse jedirore gotiruarāma.

¹⁰ Adoju tubiberiaviju yu rāca űagū Aristarco vāme cutigu, muare quēnarotiami. Bernabé tēñu, Marcos vāme cutigu quēne muare quēnarotiami. “Mua tuju i ejacoajama, ĩre quēnaro yiba”, muare yiuacōacaju yu, ıere. ¹¹ Jesūs Justo vāme cutigu quēne muare quēnarotiami. Jud’io masa vatoajure adocārācūne űaama, yu yarā, “Rotimūorūgōrucumi” yigu, Dios i cōar’i, Cristo ocare yu rāca gotimasiocludirā. Ŭure buto ejarēmorūgūama. ¹² Mua ya macagu, Cristo i bojasere yigu, Epafra vāme cutigu quēne, muare quēnarotiami. Diore ajitirūnū tuıabeticōari, Dios i bojarore bajiro rīne mua yirotire yigu, cojoji me Diore muare sēnibosarūgūami. ¹³ Muare, mua tuanare quēne, Laodicea macanare, Hierāpolis macanare quēne buto tuoiamaigū űari, to bajiro muare sēnibosarūgūami. To bajiro i yirūgūsere ıagū űari, muare gotiaja yu. ¹⁴ Ŭco yirimasu, Lucas vāme cutigu, yu maigū quēne, muare quēnarotiami. Demas vāme cutigu quēne, to bajirone yami.

¹⁵ Cristore ajitirūnūrā, Laodicea macana, “Quēnato ĩna”, yaja yu. Ninfa vāme cutigore quēne “Quēnato”, yaja. Cristore ajitirūnūcōari, so ya viju rējarūgūrāre quēne, “Quēnato”, yaja yu. ¹⁶ Adi papera rāca muare yu gotisere mua ıajeoro bero, Laodicea macana Cristore ajitirūnūrāre ĩsirā vaja mua, “ĩna quēne ıato” yirā. To yicōari, ĩnare yu papera cōacatiıuare

juacōari, ĩama m̃aa quēne. ¹⁷ Arquipo vāme c̃atigure ado bajiro ĩre gotiya: “Mani ɛj̃a Jesucristo m̃are ĩ rotirere quēnaro yijeoroti ñaja”, ĩre yigotiya.

¹⁸ Ỹa Pablo, ỹa masune, “Quēnato”, m̃are ỹiucacōaja ỹa. Adoj̃a ỹa tubibe ecosere masiritibeticōari, Diore ỹare sēnibosarūgũña m̃aa. Ỹa quēne, Diore sēnigũ, ado bajiro m̃are sēnibosaja ỹa: “Quēnase ĩnare cōarūgũña m̃a”, ĩre yisēniaja ỹa.

To cōro ñaja.

Primera carta de San Pablo a los TESALONICENSES

Tesalónica macanare Cristore ajitirānūrāre ī babarā rāca Pablo ī ucacōare queti

¹ ĽNati Jesús ocare ajitirānūrā, Tesalónica macana? Yū Pablo, yū babarā Silvano^a, Timoteo rāca adi quetire muare ucacōaja, Dios mani jacu, to yicōari, mani ūju Jesucristo yarāre. Diore muare sēnibosaja yua, “ Ľnare ĩamaicōari, ejarēmofia mu’, quēnaro ĩna ĩnarotire yigu”.

“Mua bajisere tuoīacōari, ‘Quēnaro yaja mu’ Diore ĩre yivariquēnaja yua”, Pablo ĩyire queti

² Tocārācājine Dios mani jacure ĩre sēnirā, mua jediro mua bajisere tuoīacōari, “Quēnaro yaja mu”, ĩre yisēnirūgūaja yua. ³ Ado bajiro bajirā mua ĩnjare, to bajiro yirūgūaja yua: “Yuare ejarēmōrucumi” Diore ĩre yituoīarā ĩnari, quēnaro yīñaja mua. Gāmerā mairā ĩnari, gājerāre quēnaro ejarēmōrūgūaja. “Mani ūju Jesucristo ĩ tudiejaro bero, ĩ rāca rijamenane ĩnarūgūarāja”, yituoīa tujabeaja mua. To bajiro tuoīarā ĩnari, rojose tāmōrūgūrā ĩnaboarine, “Yuare ejarēmōrucumi”, ĩre yituoīa tujabeaja mua. To bajiri, to bajiro mua bajise Dios suori ti bajijare, “Quēnaro yaja mu”, Diore ĩre yivariquēnaja yua. ⁴ To bajiro Diore yaja yua, mani ūju yarā ado bajise mua bajisere masirā ĩnari: Dios ĩ ĩamairā, ĩ beseriarā ĩñañuja mua. ⁵ “To bajiro muare yiyumi Dios”, yimasiaja, ado bajiro bajicati ti ĩnjare: “Jesús ĩ rijabosare suori manire ĩavariquēnaami Dios” yire quetire yua gotimasiojama, yua masune tuoīarujeocōari, gotirā me muare gotimasiorūgūaju. Dios ĩ rotise rāca muare gotimasiojaju yua. Dios ĩ cōagū Esp’iritu Santo suorine tuoīacōari, “Socase me ĩaja”, yimasicaju mua. Mua rāca yua bajiñacatire masicōari, “Quēnaro mani ĩnarotire yirā mani tujū ejayuma”, yuare yimasirāja mua.

⁶ To bajiri mua quēne, yua yicature bajirone quēnaro yirūgūaju mua. To yicōari, mani ūju Jesús ĩ yiriarore bajirone yirūgūaju mua. To bajiri bajicatore bajirone rojose tāmōboarine, “Variquēnato” yigu, Esp’iritu Santo muare ĩ ejarēmocati ĩnjare, buto ajivariquēnaja mua. ⁷ To bajiro mua bajiñacatire ajicōari, mua ye sitana Macedonia ĩnārā, adoana Acaya sitana quēne, “Ľna bajiñariare bajiro yiroti ĩnaja manire”, yama ĩna, Cristore quēnaro ajitirānūrārā jediro. ⁸ To bajiri mua gotimasiose suorine mani ūju Jesús ocare ajiyuma Macedonia sitana, Acaya sitana. ĩna rī mere, gajeroana jājarāre gotimasioñuja mua. Quēnaro mua yirere ajicōari, “Cristore quēnaro ajitirānūrā ĩnaama Tesalónica macana”, muare yama. To bajiro mua bajisere jēre ĩna masicōajare, gajeroju yua vacudijama, mua bajisere gotibetirūgūaja yua. ⁹ ĩnajuā roque yuare quēnaro mua yicature gotirūgūama. “Ado bajirā ĩnārāma” mua masune yiquēnorujeocōari, mua rācubōoarere yitujacōari, Dios catimōrūgōrucujuare mua ajitirānūsocatiare gotirūgūama. ¹⁰ Gajeye ado bajiro mua gotisere yuare gotirūgūama: “Dios macu Jesús, ĩ bajirocaro bero, Dios ĩ catior’i, ō vecaju ĩnagūmi. ĩ ĩnaami rojose mani yise vaja rojose tāmōtūjabetiriaroju manire Dios ĩ reacōaborotire manire yirētobosarocu. To bajiro yirocu ĩ tudiejarotire yurā yaja” mua yīñasere quēne yuare yigotirūgūama ĩna.

2

Tesalónica macana rāca Pablo ĩ bajiñarere ĩ gotire queti

¹ Yua mairā, mua tu yua bajiñacatire tuoīacōari, “Buto quēnacaju”, yimasiaja mua. ² Mua tujū yua ejaroto rījoro, Filipos ĩna yirimacaju ĩnacaju yua. Toju yua ĩnaro rojose yuare yicama. Mua yu macana quēne yuare gotirotibetiboacama. Jēre tire masiaja mua. Yuare ĩna gotirotibetiboajaquēne, Dios ĩ ejarēmose rāca muare goticōacaju, Dios oca Jesús suori quēnaro ĩ yise quetire. ³ Socasere ajirūcuborā me ĩnari, tire muare goticaju yua. Rojose yiruarā me, muare goticaju. Muare yitoruabeticaju. ⁴ “Ľyū bojarore bajiro yirā ĩnati?” yigu, yuare rotīacōari, variquēnañumi Dios. To bajicōari, “Yū macu suori quēnaro yu yise quetire gotiruarāja mua”, yuare yirotiyumi. To bajiri ĩ gotirotirore bajirone gotirūgūaja yua. “Masa ajivariquēnato” yirā me, gotirūgūaja. “Dios ajivariquēnato” yirājuā, gotirūgūaja. ⁵ “Oca quēnase rāca yuare yitorā me yama”, yuare yimasicaju mua. “Gājoa manire ĩsiato” yirā me, muare goticaju yua. Tire masiaja mua. Dios quēne, tire masiami. ⁶ “ Ľnamasurā ĩnaama” yuare yato” yirā me, muare goticaju yua. Noajuane, “Manire rācubōoato” yirā yua goticana manicama. ⁷ Muare rotibeticaju yua. Cristo ĩ cōarā ĩnari, yua rotijaquēne, quēnacōaboariaroja. To bajiboarine, sīgō rōmio so rīacare so ĩatirānūrōre bajiro muare ĩatirānūrūgūaju yua. ⁸ To bajiro muare ĩamairā ĩnari, “Cristo ye quetire ĩnare gotimasioruarāja”, yituoīa variquēnarūgūaju yua. Ti

^a 1:1 yū babarā Silvanoa, Timoteo rāca a 1.1 Silas ti yijama, griego oca rāca yiyuju. Silvano ti yijama, latín oca ĩñañuju. Hch 15.22; 18.5 macañu.

rĩ mere yivariquēnarūgūcaju yua. “Manire ĩaterā manire ĩna sĩaroti ti ĩaboajaquēne, ĩnare gotimasioruarāja”, yivariquēnarūgūcaju yua, muare ĩamairā ĩari. ⁹ Yua mairā, mua tu ĩarā, buto josari yua moarūgūcatire masiritimenaja mua. Ɛmua, ĩami quēne moarūgūcaju yua. Toju mua tuju yua ĩase vaja, yua base vaja quēne yuare mua vaja yibosajama, josaboriaroja ti, muare. Tire masirā ĩari, “Vaja yibeticōato ĩna” yirā, Dios oca gotirā ĩaboarine, gajeye moare yua masune moacōari, bare vaja yibarūgūcaju yua.

¹⁰ Mua tuju ĩarā Dios ĩ bojarore bajiro quēnaro yirūgūcaju yua. Tojare quēnaro riojo yirūgūcaju yua. To bajiri socamenane, “Rojose yicama” yirā manama mua tu ĩarā. To bajiro yua bajicature ĩacana ĩari, “ĩna yicatore bajiro yirūgūcama ĩna”, yuare yiñagōbosa masiaja mua quēne. Dios quēne tire yuare yiñagōbosa masigūmi ĩ. ¹¹ “Rĩa cutigu ĩ rĩare maigū, tocārācure quēnaro ĩ yirore bajiro manire yirūgūcama ĩna”, yuare yimasiaja mua. ¹² Rojose mua tāmūojama, mua tāmūobetijaquēne, quēnaro muare gotimasiorūgūcaju yua, “ ‘Manire ejarēmorcūmi’ Cristore ĩre yitūoĩa tujabeticōato” yirā. “Dios ĩ bojarore bajiro mua yisere buto bojaja yua”, muare yirūgūcaju yua. Dios ĩami rētoro ĩamasugū, quēnaro rotigu, “Yu tuju ĩaruarāja” muare yigu.

¹³ Gajeye ado bajiro mua bajicature tuoĩacōari, “Quēnaro yaja mu”, Diore ĩre yisēnirūgūaja yua. Dios oca muare yua gotimasioicatire ajicōari, “ĩna masune tuoĩacōari, gotirā me yama” yimasicōari, yuare ajitirānūocaju mua. To bajiri socase me ĩaja Dios ye yua gotimasiorūgūse. To bajiri, tire quēnaro ajitirānūajama, Dios ĩ bojasere yirā ĩaruarāma. ¹⁴ Yua mairā, ti ocare ajitirānūrā mua ĩajare, rojose muare yiyuma mua yarā. Mua yiecorore bajirone yiyuma jud’io masa quēne, ĩna yarā Jesucristo ocare ajitirānūrāre. ¹⁵ ĩna yarāne ĩaama Cristore sĩariarā. Rĩjoroju Diore gotirētobosariarāre quēne ĩnane sĩariarā ĩaama ĩna. Yuare quēne tud’irā, varoticana ĩaama. To bajiro yirā ĩari, Dios ĩ lavariquēnamera ĩaama. Jediro masare ĩaterā ĩaama. ¹⁶ Jud’io masa me rojose tāmūotujabetiraroju ĩna varotire bojamena ĩari, Dios ocare gotimasioruaboacaju yua. Yuare gotimasio rotibetirūgūama. Rēmōjune, rojose rĩne ĩna yicōasuoaddirē ĩajare, to bajirone bajiaja adirodore quēne. Rojose ĩna yitujabetijare, rojose ĩnare yicōaguagu yami Dios yuja.

Tesalónica macajare Pablo ĩ tudivaruā tuoĩare queti

¹⁷ Yoaro mene quēna mua tuju yua tudivarotire gotirūaja yu. Yua mairā, muare yua vadiveocato bero, muare ĩabetiboarine, tocārācarāmure muare tuoĩacōa ĩarūgūaja. To bajiri, muare buto tuoĩarā ĩari, muare ĩarā varuarūgūboacaju yua. ¹⁸ Yu masu quēne cojoji me muare ĩagū varuarūgūboacaju yu. Tocārācagine mua tuju ĩarā yua varuacōarore, “Ejabeticōato” yigu, rojose yuare yirūgūñumi vātia uju Satanás. ¹⁹ Mani uju Jesucristo ĩ tudivado yua ĩorona mua ĩajare, muare ĩarā varuacaju yua. “Mu oca ĩnare yua goticati ĩajare, mure ajitirānūcama ĩna”, Cristore ĩre yĩovariquēnaruarāja yua. To bajiro yua yiroti ti ĩajare, Jesús ĩ tudivadirotire buto tuoĩavariquēnaja yua. Gājerare yua tuoĩaro rētoro muare tuoĩavariquēnaja. ²⁰ Socarā me yaja yua. Cristore mua ajitirānūasere buto tuoĩavariquēnaja yua. Tire ĩre gotivariquēnaruarāja.

3

¹⁻² To bajiri, ĩarā vabeticōari, mua bajisere ajiruarā ĩari, yua maigūre, Dios ĩ bojasere yigūre Timoteore toju ĩre cōacaju yua. Yua rācagu, Jesucristo ocare masare gotimasioicudigu ĩaami ĩ quēne. To bajiri, “Quēnaro ĩnare gotiba mu, ‘Manire ejarēmorcūmi’ Jesucristore ‘ĩre yitūoĩa tujabeticōato ĩna’ yigu”, ĩre yicōacaju yua. Yujuama, Silvano rāca tujacaju yu, Atenas vāme cuti macarema. ³ Rojose tāmūorā ĩaboarine, “Tire sutiritibeticōato” yirā, ĩre cōacaju yua. Masiaja mua: Cristore ajitirānūrā ĩari, rojose tāmūoroti ĩaja. ⁴ Mua rāca ĩarāju, cojoji me ado bajise muare goticaju yua: “Cristore ajitirānūrā mua ĩajare, rojose muare yiruarāma gājerā”, muare yicaju yua. Muare yua goticatore bajirone bajiyuja ti. ⁵ To bajiro ti bajijare, ado bajise muare yituoĩarejaicaju yu: “¿Cristore ajitirānūcōa ĩaboati ĩna? Vātia uju Satanás, ¿Cristore ajitirānūbesa’ yirotibetiboati ĩ? To bajiro ĩ yisere ĩna aijijama, yua gotimasioaboacatiujare ajitirānū tujaruarāma”, yituoĩarejaicaju yu. To bajiri, tire masira, mua tuju Timoteore ĩre cōacaju yu.

⁶ Mua tuju ejar’i, adoju tudiejami quēna. Adoju ejacōari, mua bajise quetire oca quēnasere gotitudiejami. “Cristore ĩre ajitirānūcōa ĩaama ĩna. To yicōari, quēnaro gāmerā ĩamaicōa ĩaama”, yimi. “ ‘Muare quēnaro tuoĩaja yua’ yima ĩna”, yuare yimi. “ĩnare mani ĩaruaro cōro manire ĩaruama ĩnaja quēne”, yuare yimi Timoteo. ⁷ To bajiro ĩ yijare, Cristore ĩre mua ajitirānūcōa ĩasere ajicōari, buto variquēnaja yua. Gājerā suori buto rojose tāmūorā ĩaboarine, tire ajivariquēnaja yua. ⁸ To bajiri, Cristore ĩre mua ajitirānūcōa ĩasere ajicōari, buto variquēnamu yua. ⁹ Mua bajisere tuoĩavariquēnacōari, “Quēnaro yaja mu”, Diore ĩre yisēni tujabetiruarāja yua. ¹⁰ Ɛmua, ĩami quēne, ado bajiro ĩre sēnirūgūaja yua: “ ‘ĩna tuju ejato’ yigu, yuare yirēmōña mu”, ĩre yirūgūaja yua. “ ‘Butobusa Cristore ajitirānuato’ yirā, ĩna masibetire ĩnare yua gotimasiorotire yigu, yuare yirēmōña mu”, ĩre yirūgūaja yua.

¹¹ To bajiri ado bajiro mani jacu Diore to yicōari, mani uju Jesucristore yisēniaja yua: “Īna tuju ĩarā vajaro’ yirā, yuare ejarēmoña”, ĩnare yaja yua. ¹² To yicōari, ado bajise muare sēnibosaja yua: “Ĭbutobusa gāmerā ĩamaiato ĩna’ yirā ĩnare ejarēmoña”, ĩnare yaja yua. “Ĭgājerāre quēne ĩamaiato ĩna’ yirā, ĩnare ejarēmoña”, yaja yua. “Ĭĩnare yua mairōre bajiro maiato ĩna’ yirā ĩnare ejarēmoña”, ĩnare yaja yua, muare sēnibosarā. ¹³ To bajiro mua maijama, rojose mua tuoĭasere “Yitujacōari, quēnase rīne tuoĭato” yigu, muare ejarēmorucami Dios. To bajiro muare ĩ yijama, mani uju Jesús ĩ yarā rāca ĩ tudiejarirāmu, mani jacu Dios ĩ rījorojua ñie rojose mana ñaruarāja mua. To bajirone bajiato.^b

4

Dios ĩ ĩavariquēnase queti

¹ Yua mairā, gajeye muare gotirwaja yua. “Ado bajiro mua ñajama, muare ĩavariquēnarucami Dios”, muare yimasioacaju yua. Tire ajicōari, quēnaro ñaŋuaja mua. To bajiri, Dios muare “ĩavariquēnato” yirā, butobusa ĩ bojasere mua yisere bojaja yua. Mani uju Jesucristo to bajiro yuare ĩ yirotiĵare, to bajiro muare yaja yua.

² Mani uju Jesús ĩ roticatore bajirone muare yua roticature masiaja mua jēre. ³ Ado mua bajisere bojaami Dios: Dios yarā mua ñajare, quēnase rīne mua yisere bojaami. Manajo cutirā, manaju cutirā, manajo mana, manaju mana quēne, mua gāmerā ajeriarā cutisere bojabeami. ⁴ Manajo cutigu, ĩ manajo rāca rīrene gājerāre ajeriarā cutibecane, rūcubuose rāca ñie oca mano ĩ yīñajama, quēnaja. ⁵ Diore masimena ñari, ĩna bojarore bajiro ajeriarā cutirūgūama. ĩnare bajiro yibetirūgūña. ⁶ ĩnare bajiro mua yijama, buto rojose muare yirucami Dios. Jēre adirene muare goticaju yua. ⁷ “Rojose yirā ñato” yigu me, “Yu yarā ñato”, manire yiyumi Dios. “Quēnasejua yato” yigu, to bajiro yiyumi. ⁸ To bajiro yigu ĩ ñajare, adi yua gotimasiosere ajimena yua rī mere terāma. Diore quēne terāma ĩna. Rojose mani yisere “Yitujato” yigu, Espiritu Santore manire cōaŋumi Dios.

⁹ “Gāmerā ĩamairoti ñaja” mua yimasirotire jēre muare ejarēmoŋumi Dios. To bajiri yuama, “Gāmerā ĩamaiña mua”, muare yiuacōabeaja. ¹⁰ Quēnaro yirā ñaja mua. Macedonia sitana Cristore ajitirānūrāre ĩamairā ñaŋuaja mua. To bajiro yirā ñaboarine, butobusa ĩnare mua ĩamajama, quēnaruaraja. Yua mairā, to bajiro mua yirotire buto bojaja yua. ¹¹ Ñie oca manone quēnaro ñaruarāja mua. Gājerāre gōjanabiomenane, mua moasere moacōa ñaŋa. ¹² To bajiro mua yijama, muare ĩacōari, “Quēnaro yirā ñaama”, muare yīlārūcubuarāma Cristore ajitirānūmena. Ñiejua ruyabetiruaraja, muare.

Mani uju Jesús ĩ tudivadiroti queti

¹³ Yua mairā, Cristore ajitirānūrariā bajireariarā ĩna bajirotire muare gotirā yaja yua. Diore masimenama, bajireariarā ĩna bajisere riojo masibeama ĩna. Bajireariarāre tuoĭacōari, buto sutiritiama. “Quēna tudicaticoaruarāma”, yituoĭarā me ñaama. ĩna tuoĭarore bajiro mua tuoĭasere bojabeaja yua. “Quēna tudicaticoaruarāma”, yirā ñaja manima. ¹⁴ “Jesús ĩ bajirocacoaboajaquēne, quēna ĩre catiōyumi Dios”, yimasiaja mani. Tire masicōari, “Cristore ajitirānūrariā bajireariarāre quēne tudicaticorucami Dios”, yituoĭaja mani.

¹⁵ Ado bajiro muare gotiaja yua, mani uju Jesús ĩ bueriarāre ĩ gotimasiorere: Adigodo caticōa ñarājuama, ĩre ajitirānūcōari, bajireariarā rījoro juacobetiruarāja mani. ¹⁶ Ado bajiro bajiruaraja ti, Jesús adi macaracuroja ĩ tudivadirotirāmu: Dios ĩ rotijare, ángel mesa uju ĩ ñagōse ocaruyuruaraja. To bajicōari, Dios ya jutiria ti busise ocaruyuruaraja. To cōrone, ō vecaju mani uju ĩ masune rujiadirucami. To bajiro ĩ bajirone, ĩre ajitirānūrariā bajireariarā, quēna tudicaticoaruarāma. ¹⁷ ĩna tudicaticirone, ĩna rāca adigodo catiñarā Cristore ajitirānūrariarāre juarēorotirucami Dios. To yicōari, oco bueri vatoaju ĩnare juamujarotirucami, “ĩna ujure Cristore bocato” yigu. Toju ĩ rāca ñacōa ñarūgūuarāja mani. ¹⁸ To bajiri adi yua gotisere ajiri, gāmerā ñagōvariquēnaña mua.

5

¹ “Tirāmu, tirodo ñaro masu vadirucami mani uju”, yimasina maja. Jēre tire masiaja mua. ² “To cōro vadirucami” masa ĩna yimasibetiju vadirucami. Juarudirimasu ĩ ejarotire quēne, “To cōro juarudigu ejaguagu yigumi”, yimasibeaja mani. To bajirone bajirucami Cristo quēne. “To cōro ñaro ejarucami”, yimasibetiruarāja mani. ³ Ado bajisejua yimasiaja mani: Diore masimena, “Ñie oca mano quēnaro ñaja mani” ĩna yiboaro, ñaro tusarone guiose ejaruaraja. Rōmio quēnaro guda so ñaro gajane, ñaro tusarone jūnise sore ejaraja, so macu cutirijaujare. Tire bajirone bajiruaraja Jesús ĩ ejaroti quēne. Masiñamanone ti bajijare, rudimasimena ñari, buto rojose tāmūoruarāma ĩna masa Diore masimena. ⁴ Muajama,

^b 3:13 2 Ts 1.7, 10.

rētiaroju ñarāre bajiro bajirā me ñaja mua. To bajiri mani uju ī tudivadisere ñacabetiruarāja mua. Juarudirimasu ī ejasere ĩacōari, masa ĩna ucarore bajiro ucbetiruarāja. ⁵ Dios ī bojase yirā ñari, busuroju ñarāre bajiro bajirā ñaja mua. Dios ī bojabeti yirūgūrāma, rētiaroju ñarāre bajiro bajirā ñaama.^C ⁶ To bajiri Jesucristo ī vadirotire tuoīamenare bajiro bajirā me ñaja mani. Tire quēnaro tuoīayurā, rojosere yiruarā ñaboarine, tire yimena ñaja mani. ⁷ Ñamire cāniamā masa. Gājerāma, ñamire idimecurūgūama. ⁸ Manima, ĩnare bajiro bajirā me ñari, busuroju ñarāre bajiro bajiaja. To bajiri, tocārācaine quēnase rīne yīñarūgūroti ñaja, mani uju ī tudivadirotire tuoīayurā. “Manire ejarēmorucumi” mani ujure mani yituoīase, mani gāmerā maise suorine vāti manire rojose ī yirotiboasere cudibetiruarāja mani. To yicōari, Jesucristo ī vadirotire tuoīayu tujabetiruarāja mani, “Rojose tāmūotujabetiraroju mani vaborere manire yirētobosarucumi” yirā. ⁹ “Rojose ĩna yise vaja rojose tāmūoato” yigu me, “Yu yarā ñaña mua”, manire yiyumi Dios. Mani uju Jesucristo manire ī rijabosare suori rojose tāmūotujabetiraroju mani vaborere manire yirētobosaru, “Yu yarā ñaña mua”, manire yiyumi. ¹⁰ Manire rijabosayumi Jesús, “Yure ajitirūnarā, yu rāca ñacōa ñarūgūato” yigu. To bajiri tudiejagu, mani caticōa ñajama, mani rijacoajaquēne manire juamujarucumi, “Yu rāca ñacōa ñarūgūato” yigu. ¹¹ To bajiro ti bajijare, tire gāmerā gotiya mua, “Ajivariquēnacōari, butobusa mani ujure ĩre ajitirūnūato” yirā. Jēre mua yīñasere masiaja yua. To bajirone yicōa ñarūgūña.

Pablo ī gotiquēnorotire queti

¹² Yua mairā ado bajiro mua yijama, quēnaruaroja: Muare ūmato ñarāre Dios ī cūriarāre quēnaro rūcubuoja. ¹³ Quēnaro muare ejarēmorūgūama ĩna. To bajiri, “Ñamasurā ñaama”, ĩnare yirūcubuoja. To yicōari, quēnaro ĩnare yiya, “ ‘Manire maiama ĩna’ manire yimasiato ĩna” yirā. To yicōari, ñie oca manone quēnaro ñaña mua.

¹⁴ To yicōari, mua tuana moamenare tudībusari ĩnare gotiya, “Moato ĩna” yirā. Gājerā, sutiritirāre “Variquēnato” yirā quēnaro ĩnare gotiya. Gājerā, Cristore quēnaro ajitirūnūmenare, quēnaro ĩnare ejarēmoña. Cristore ajitirūnarā ñajediro rojose yimenane, quēnaro gāmerā gotirūgūña.

¹⁵ Gāji rojose muare ī yijama, ĩre gāmebeticōaña.

Tocārācaine quēnaro gāmerā yiba mua. Masa jedirore to bajiro rīne yiba.

¹⁶ Tocārācarāmune variquēnacōa ñarūgūña mua. ¹⁷ Tocārācarāmune Diore sēniña. ¹⁸ Tocārācaine, “Quēnaro yaja mu”, Diore yirūgūña. Rojose tāmūoobarine, to bajiro rīne yirūgūña mua. Jesucristore ajitirūnarā to bajiro ĩna yisere Dios ī bojajare, to bajiro yirūgūña mua.

¹⁹ Rojose yibetirūgūña, “Rojose mani yisere ĩacōari buto sutiritiromi Espiritu Santo” yirā. ²⁰ Diore gotirētobosarā ĩna gotisere ajitebesa. ²¹ Tire quēnaro ajicōiña. ĩna masune tuoīarujeocōari, gotimasiorāma cojojirema. “Dios ye ñaja” mua yimasijama, tire quēnaro ajitirūnūña. ²² Tocārāca vāmere rojosere yitujacōari, tudiyibeticōaña.

²³ Ado bajise Diore muare sēnibosaja yua: “Īnare ejarēmoña, ‘Quēnaro ñato’ yigu. ‘Tocārācaine yu bojasere tuoīacōari, yirā ñato’ yigu, ĩnare ejarēmoña mu”, muare yīsēnibosaja yua. Mani uju Jesucristo ī tudiejarirūmu, “Rojose mana mua ñarotire yirā”, Diore muare sēnibosaja yua. ²⁴ “Ī yarā ñato” yigu, manire beseyumi Dios. To bajiri tocārācarāmune mani rāca ñarūgūami. To bajiri, ī bojarore bajiro mani yirotire manire ejarēmorucumi.

Tesalónica macanare Pablo ī quēnaroticōare queti

²⁵ Diore yuare sēnibosarūgūña yua mairā.

²⁶ Mua tuana Cristore ajitirūnarā jediro mua rāca ĩna rējaro, yuare quēnarotibosaja mua, “Īnare yua maisere masiato” yirā.

²⁷ Adi queti muare yu ucacōasere toana Cristore ajitirūnarā jedirore ĩnare ĩagotiya mua, mani uju to bajiro mua yisere ī bojajare.

²⁸ Mani uju Jesucristo quēnaro muare yato ī.

To cōro ñaja.

Segunda carta de San Pablo a los TESALONICENSES

Tesalónica macana Cristore ajitirunuräre i babarä räca Pablo i ucacöare queti

¹ ¿Nati Jesús ocare ajitirunurä, Tesalónica macana? Yu Pablo, yu babarä Silvano, Timoteo räca adi quetire muare ucacöaja, Dios mani jacu, to yicöari, mani uju Jesucristo yaräre.

² Ado bajise muare sēnibosaja yua: “Inare İamaicöari, ejarēmoña mu, quēnaro İna İnarotire yirä”, muare yisēnibosaja yua.

Cristo i tudiejariramu rojose yiriaräre Dios i beseroti queti

³ Yuare ajiya yua mairä. Tocārācaine mua bajisere yua tuoİajama, “Quēnaro yaja mu”, Diore İre yirügüaja yua. Butobusa Jesucristore ajitirunurütuana yaja mua. To yicöari, butobusa gāmerä İamairütuana yaja mua. Dios muare i ejarēmojare, to bajiro bajiaja mua. To bajiro i yijare, to bajiro mua bajisere tuoİacöari, “Quēnaro yaja mu”, İre yirügüaja yua. ⁴ To bajiro bajirä mua İajare, tocārāca macaju gājerä Jesús ocare ajitirunuräre mua bajisere gotirä, “Quēnamasucöaama Tesalónica macana”, İnare yivariquēnarügüaja yua. Ado bajiro İnare yirügüaja yua: “Tesalónica cutoana Cristore ajitirunurä İna İajare, rojose İnare yicoderügüama gājerä. To bajiro İna yiboajaquēne, Cristore quēnaro ajitirunucöa İnaama İna”, İnare yivariquēnarügüaja yua. ⁵⁻⁶ Rojose tāmüorä İaboarine, Cristore mua ajitirunucöa İajare, “Yu taju mua vajama, quēnaja”, muare yİİami Dios. Rojose muare yirājuarema, “Rojose tāmüotujabetiraroju İnare yu reacöajama, quēnaruaröja”, İnare yİİami Dios. To bajiro i yisere tuoİarä, “To cōrone İajaro”, yirotirucami Dios. Yuare quēne to bajiro yirucami, mani uju Cristo adi macarucaroju i tudiejarotirümü fiaro. Tirümü İnarone ö vecaju vadiveocöari, İ yarä İangel mesa İaİaİamani yimasirä räca İea İjübusuosere bajise buto bususe vatoaju rujiadirucami Jesús. ⁸ Tirümüne Diore masimenare mani uju Jesucristo oca quēnasere ajiteräre İna ajibeti vaja rojose İnare yirucami Jesús. ⁹ Rojose tāmüotujabetiraroju İnare cōarucami. To bajiri i taju quēna İajaji İnare vadirotibetirucami. To bajiri, “Rētoro masigü İari, İamasugü İaami” mani yimasigüre mani İjäre İamasibetiruaräma İna İuja. ¹⁰ To cōrone, İre İavariquēnaruaräma İ yarä İre ajitirunurä İajediro. To yicöari, “Quēnarētögü İaami”, İre yirücübuoruaräma. To bajiri mua Tesalónica macana quēne, Jesús ocare yua gotimasiocaire ajitirunurä İari, İna räca İnaruaräja mua.

¹¹ To bajiro İre mua yirotire yirä, cojoji me ado bajiro Diore muare sēnibosarügüaja yua: “Yu yarä İaİa mua”, İnare mu yirere cudiriärä İaama. ‘Quēnase İna yirüase yimasijeocöato İna’ yigu, mu masise räca quēnaro İnare ejarēmoña”, İre yaja yua, muare sēnibosarä. ¹² To bajiri, masa jediro quēnaro mua yisere İacöari, mani uju Cristore quēnaro İre yirücübuoruaräma. To bajiri, Dios, mani uju Jesús quēne, muare İamaicöari quēnaro muare İna yiroti İajare, muare quēne quēnaro rücübuoruaräma masa.

2

Jesús i tudivadiroto rİjoroaye bajiroti queti

¹ Jesús i tudivadirotirümüre, “Yu räca İato” yigu, Dios, manire i juarēorotire muare gotiquēnorä yaja. ² “İere Jesús i tudivadirümü ejacoaju”, muare yiyujarä gājerä. Tire ajicöari, tuoİarejaİbesa yua mairä. “Socase me İaja. İere Jesús i ejasere yure gotirotimi Espiritu Santo” İna yiboajaquēne, İnare ajibesa. “İna gotirote bajiro yire queti ajibu yua” gājerä İna yigotirēmoboajaquēne, tire ajibesa. “To bajirone bajiro ucayuma Pablo mesa quēne” gājerä İna yiboajaquēne, İnare ajibesa. ³ To bajiro muare yitorä jedirore ajibesa mua. Ado bajiro bajisere İacöari, “Yoaro mene tudivagumi Jesús”, yimasiruaräja mua: İajarä masa, “Dios i rotiboasere cudibeticöato mani”, yituoİarä İnaruaräma İna. To İna bajiİnarone, Rētoro Rojogu ruyuarucami, beroju rojose tāmüotujabetiraroju Dios i cōarocu.^a ⁴ Diore quēne, jediro masa İna rücübuosere quēne, İategu İnarucami. “Rētoro yure rücübuoruaräja mua”, masare İnare yigu İnarucami. To bajirocu İari, Diore yirücübuoriaviju İajacöari, rujirucami. To yicöari, “Yune İaja Dios”, masare İnare yigotirucami i, socane.

⁵ Ti quetire Jesús quēna i tudivadiroto rİjoroayere muare gotirügüacaju yu, mua räca İagüju. To bajiri, “Tire masiritimenama”, muare yituoİaja yu. ⁶ Rētoro Rojogu adi macarucaroju vadirotire İere masiaja mua: “To cōrone vadirucami” Dios i yiriaro rİjoroİune, ejabetirucami maji. ⁷ İ ejabetiboajaquēne, İere masare rojose i yirotirümü cōİaro masu bajiaja. İre cōarocu, “Vasa mu” i yiroti İİne İayaja. ⁸ “To cōrone vajaro” Dios i yirirümü ejarucami rojose yigu.

^a 2:3 1 Jn 2.18, Ap 13.1-2.

To bajiro i bajiboajaquēne, mani uju Jesucristo i tudivadirūmne, rētoro masigū ñari, josari mene ire rocaōarucumi. ⁹ To bajiro i yiecoroto rījoro, adi macarucuroju vadicoāri, Satanás i rotise rāca buto masigū ñarucumi. To bajigu ñari, “Masigū ñagūmi” yure yituoīato” yigu, ñaīaīamanire yīorucumi. To bajiro i yise socase ñaruaroja. ¹⁰ Jediro rojose yīrucumi, rojose tāmūotujabetiraroju varonare ñare yitogu. Dios ocare ajiterā ñari, to bajicoāri, Jesucristo rojose ña yise vajare i yirētosaruasere quēne bojamena ñari, rojose tāmūotujabetiraroju varona ñaama. ¹¹ I ocare ajiterā ña ñajare, “Rētoro Rojogu socne i yisere ajitirūncōa ñaruarāma”, ñare yīrucumi Dios. ¹² To bajiro yīrucumi Dios, “Yu oca riojo ñamasusere ajimena ñari, rojose rīne yivariquēnarā jediro, rojose tāmūotujabetiraroju vajaro” yigu.

“Yu yarā ñaīa mūa’ Dios i yirere cudiriarā ñaja mūa”, yire

¹³ Ajiya yua mairā. Tocārācaine ado bajiro mūa ñasere tuoīacōari, “Quēnaro yaja mū”, Diore ire yivariquēnarūgūaja yua: Mani uju buto muare maiami. Tesalónica macana vatoana, “Yu yarā rojose tāmūotujabetiraroju vaborona ñaīa mūa” Dios i yirere cudiriarā ñaja mūa. To bajiro mūa bajisere bojayumi, “Rojose ña yisere tujacōari, yu bojasejuare yato ña” yigu. To bajiro yigu ñari, Espiritu Santore muare cōañumi, “Ñare ejarēmoato” yigu. Muare i ejarēmose ñajare, Dios oca riojo gotisere ajicoāri, “Socase me ñaja”, yimasiaja mūa. To bajiro yimasirā ñari, rojose yīruaboarine, tire yimena ñaja mūa. ¹⁴ “To bajiro bajirā ñato” yigu, i oca Cristo yere mūa tujū yuare gotimasio roticoāñumi Dios. Rojose tāmūotujabetiraroju vabeticōari, mani uju Jesucristo rāca mūa ñarotire bojagu ñari, to bajiro yiyumi. To bajiro mūa bajisere tuoīacōari, “Quēnaro yaja mū”, Diore ire yirūgūaja yua.

¹⁵ To bajiro Jesucristo ocare ajitirūncōa ñarūgūña. Mūa tujū vacōari, muare yua gotimasioatire masiritibesa. To bajicoāri, muare yua ucacōacatire quēne masiritibesa. ¹⁶ Mani uju Jesucristore, to yicoāri mani jacu Diore quēne, muare sēnibosaja yua. Manire īamaicoāri, quēnaro manire yiyumi Dios. I suori i yere tuoīavariquēnarūgūaja mani. Jesucristo quēnaro i yise ñajare, “Dios i gotiriarore bajiro quēnaro manire yīrucumi”, yimasiaja mani.

¹⁷ I yere tuoīavariquēnacōari, ado bajiro Diore muare sēnibosaja yua: “Ñare ejarēmoña mū, gājerā rāca quēnaro ña ñarotire yigu”, muare yisēnibosaja.

3

“Yuare sēnibosaja”, yire queti

¹ Adi muare yua ucasene gotitusarā yaja. Mani uju ocare gājerā ña ajirūcubuosere bojaja mani. To bajiro ña bajisere bojarā ñari, ado bajise Diore yuare sēnibosarūgūña: “Guarobusa cojoju ruayabeto, ti ocare mūa ajirūcubuoatire bajiro gājerā quēne ajirūcubuoedicōato” yirā, ire sēnirūgūña mūa. ² Rojose yuare yīruarūgūrāre, “Rojose yuare yīroma” yirā, Diore sēniña mūa. To yicoāri yua gotimasiosere ajiterā quēne jājarā ñaama. ³ Mani uju ñagūmi “Yīrucuja” i yirore bajiro yigu. To bajiro yigu i ñajare, “Yuare quēnaro ajitirūncōa ñarūgūato” yigu, manire ejarēmorucumi”, yimasiaja mani. “Vātia uju Satanás, rojose muare yīromi” yigu, muare ejarēmorucumi”, yimasiaja mani, Diore. ⁴ “Jesús mani ujure ajitirūncōari, Tesalónica macana, quēnaro ña yirore yigu, ñare ejarēmorucumi”, yituoīaja yua. To bajiro, “Yua roticoāsere ña yirūgūore bajiro yicōa ñarūgūarāma”, muare yituoīaja yua. ⁵ Ado bajiro mani ujure muare sēnibosaja yua: “ ‘Quēnaro manire īamaiani Dios’ yimasiritibeticōato ña’ yigu, ñare yirēmoña mū. ‘Cristore rojose ire ña yiboajaquēne, yure quēnaro i ajitirūncatire bajiro ajitirūna tujabeticōato ña’ yigu, ñare yirēmoña”, muare yisēnibosaja yua, mani ujure.

Pablo i moarotire queti

⁶ Ajiya yua mairā. Ado bajise mani uju Jesucristo yuare i gotirotijare, yaja yua: Cristore ajitirūnugū ñaboarine i moabetijama, ire baba cutibesa mūa. I ūgū, muare yua gotimasioatire bajiro yibeami. ⁷ “Pablo mesa mani rāca ñarā, quēnaro ña moarūgūcatore bajiro yirūgūroti ñaja”, yimasiaja mūa. ⁸ Mūa tu ñarā, vaja yicoāri rīne mūa yere bare bacaju yua. Ūmuari, ñamiri quēne quēnaro moarūgūcaju yua, “Mani masune bare vaja ta, barāsa” yirā. ⁹ Muare gotimasiarā ñari, “Bare yuare ecaya” yua yijama, quēnaboriaja, bajirojuma. To bajiboarine muare sēnibeticaju yua. Quēnaro moarūgūcaju yua, “Manire īacōari, ñare bajiro mani moajama, quēnaja’ yīato” yirā. ¹⁰ Mūa rāca ñarā, cojoji me ado bajiro muare yiroticaju yua: “Moarūamena, babeticōato ña. ñare ecabesa”, muare yiroticaju yua. ¹¹ “Ña vatoaju sigūri moarūamena ñaama” yire quetire ajiaja yua. ña masune moabeticōari, gājerāre ña gōjanabiosere ajiaja yua. ¹² To bajiro ña bajise ñajare, mani uju Jesucristo i rotiore bajirone, ñare yiroticōaja yua: Gājerāre gōjanabiomenane, quēnaro moaña mūa, ñie cuomena ñari, mūa vaja tarotire yirā.

¹³ Ajiya yua mairā. Quēnaro yicōa ñarā ñari tire quejebesa mūa. ¹⁴ Sigū adi papera yua ucasere ajitirūnubecare īamasicōari, ire baba cutibesa, “Bojonecōari, ajitirūnuato i” yirā.

¹⁵ Rojose i yiboajaquēne, ĩre ĩatebesa mũa. ĩre tud'imenane, mũa bedire bajiro quēnaro ĩre gotiya.

“Quēnaro ĩarũgũato ĩna” yigu, Pablo, Diore ĩ sēnire queti

¹⁶ Mani ụjụ ñagũmi, “Ñie oca manone quēnaro ñato” yigu. To bajiri, “ ĩna rãca ñacõari, quēnaro ñacõa ñarũgũato’ yigu ĩnare ejarēmoña”, ĩre yaja yua, mũaare sēnibosarã.

¹⁷ Pablo ñaja yu, yu masune, “Quēnato” mũaare yiucacõagũ. Gãjerãre yu ucacõajaquēne, to bajiro rĩne yirũgũaja. ¹⁸ Mani ụjụ Jesucristo, mũa jedirore quēnaro mũaare yirũgũato.

To cõro ñaja.

Primera carta de San Pablo a TIMOTEO

Timoteore, Pablo ĩ ucacõare queti

¹ Ĵñaboati mu, Timoteo? Yu ñaja Pablo vãme cutigu, adi quetire mure ucagu. Dios rojose mani yise vajare manire yirẽtobosar'i, ĩ macu Jesucristo suorine ĩ ocare ĩ goticud-iroticõar'i ñaja yu. To bajiri, manijuama, mani rijato beroju manire ĩ yirẽtobosarotire yirã, tuoĩavariquẽnacõa ñaja. ² Yu macure bajiro bajigu ñaja mu. Yu gotimasiocaire ajitirũnacõari, yure bajiro Jesucristore ajitirũnugũ ñaja mu.

Mure quẽnarotigu, mani jacu Diore, to yicõari, mani uju Jesucristore quẽne, ado bajise mure sẽnibosaja yu: "İre ĩamaicõari, quẽnaro ĩ ñarotire yirã, ĩre ejarẽmoña", mure yisẽnibosaja yu.

"Socase oca gotimasiõirimasare ajitirũnubesa", Pablo ĩ yire

³ Macedonia vãme cuti sita vacu, "Ado Efeso vãme cuti maca tujaya mu", mure yicaju yu. Ado bajiro yigu, to mu tujarotire bojacaju yu: Toanare Dios oca riojo gotimasiõmenare, ĩnare mu gotimasiõrotibetiroire bojacaju yu. ⁴ To yicõari, bucũrã ye quetire socasere gotimasiõrã, "Ado bajiro yimasĩũjarã" mu yirũgũsere yitũjacõaña" ĩnare mu yiroire yigu, mure tujaroticaju yu. Tire ĩna gotijama, ricati rĩne tuoĩarã ñari, "Ado bajirojua bajiyuja" ĩna gãmerã yirũgũse jedise me ñaja. Ti ocare ĩna gotimasiõse suorine Dios ĩ bojarore bajiro yibeama. Dios ĩ bojarore bajiro ĩna gotimasiõjama, ĩnare ajicõari, Cristore butobusa ajitirũnuborãma masa.^a

⁵ Ti macana jediro ĩna gãmerã ĩamairotire bojagu ñari, to bajiro mure gotirotiaja yu. Rojose mani yisere yitũjacõari, Cristojare mani ajitirũnũjama, "Rojose maja manire", yimasĩrãja mani. To bajiro mani bajijama, gãmerã ĩamairãja mani. ⁶ To bajiro yu gotimasiõboajaquẽne, ti macana sīgũri Dios oca ñamasusere ajitũjacõari, vaja mani gajeyejare tuoĩacõari, gãmerã ñagõrãma ĩna. ⁷ Moissēs ñamasir'ire Dios ĩ roticũmasirere gotimasiõrimasa ñarũaboama. To bajiboarine, ĩna masune tuoĩacõari ĩna gotiboaserene ajimasĩmenama.

⁸ Masa ĩna cadirotire yigu, Moissere Dios ĩ roticũmasirere masĩrã ñari, "Quẽnase ñaja ti", yimasĩaja mani. To bajiboarine, Dios ĩ roticũmasirere mani ajimasĩbetijama, ñie vaja manojã ti. ⁹ ĩ roticũmasirere masicõari, "Diore cudibeaja yu. To bajiri rojose ñaja yure" masa ĩna yiroire bojagu ñari, tire cũmasĩũmi Dios. To bajiri, quẽnaro yirãre tuoĩagũ me, ĩ rotimasĩre cũmasĩũmi. Rojose yirãjare tuoĩagũ, tire cũmasĩũmi. İre rucubuoemenare, Dios yere ajatud'irãre, jacuare sĩarãre, to yicõari, gãjerãre sĩarimasare tuoĩagũ, ĩ rotimasĩrere cũmasĩũmi. ¹⁰ Ajeriarã cutirãre, "Gãjoa bujarãsa" yirã, masare ñejecõari, gãjerãre ĩsirãre quẽne, ĩ rotimasĩrere cũmasĩũmi Dios. Socarãre, to yicõari, Dios oca riojo gotimasiõrere ajiterãre quẽne ĩ rotimasĩrere cũmasĩũmi Dios, "İre cudibeaja yu. To bajiri rojose ñaja yure" ĩna yimasĩrotire yigu. ¹¹ Cristo oca quẽnase rĩne ñaja ñamasuse. "Ti ocare gotimasiõato" yigu, yure cõaũmi mani uju Dios. İ sīgũne ñaami quẽnagũ masu, "Quẽnaro yaja mu" mani yirũcubũorũgũrocu.

"Yure quẽnaro yicami Cristo", Pablo ĩ yire queti

¹² Mani uju Jesucristo, quẽnaro yure ejarẽmocami, ĩ ocare yu gotimasiõcudirotire yigu. "Yu bojarore bajiro gotimasiõcudicõa ñarũgũrucami" yigu, yure cõacami. To ĩ yicati ñajare, "Quẽnaro yicaju mu", ĩre yivariquẽnaja yu. ¹³ Tirũmuju Jesús ocare ajite, to yicõari, ajatud'irũgũboacaju yu. To yicõari, Cristore ajitirũnũrãre buto rojose yirũgũcaju. To bajiro yicacu yu ñaboajaquẽne, yure ĩamaiũmi mani uju. "Yure ajitirũnũbecu ñari, yure rojose ĩ yisere masĩbeami Pablo maji" yimasĩcõari, yure quẽnaro yicami, ĩ oca yu gotimasiõcudirotire yigu. ¹⁴ Quẽnaro yure ĩ yicati suorine ĩre ajitirũnũaja yu. To yicõari, ĩre quẽne, gãjerãre quẽne, maiaja yu.

¹⁵ Adi muare yu gotiroti riojo ñaja. Tire masa ñajediro ĩna ajitirũnũjama, quẽnarũaroja. Ado bajiro bajiaja: Rojose yirã rojose tãmuotũjabetiriaroju ĩna vaborotire ĩnare yirẽtobosaru, adi macarucũroju vayumi Cristo. Yu ñaja rẽtoro rojose yicacu. ¹⁶ To bajiro yicacu yu ñaboajaquẽne, yure ĩamaicõari, rojose tãmuotũjabetiriaroju yu vaborotire yure yirẽtobosayumi Cristo. To bajiri, gãjerã quẽne, "Pablõre bajiro Cristore mani ajitirũnũjama, rojose mani yisere manire quẽne masĩriorũcumi Dios" gãjerã ĩna yimasĩrotire yigu, to bajiro yiyumi. ¹⁷ Mani uju Dios ĩ rotise jedibetirũaroja. İ ñaami ñajediro ti ruyuaroto rĩjoroju ñamasir'i, to bajicõari, ñacõa muorũgõrocu. Sīgũ ĩre ĩagũ magũmi. İre bajiro bajigu magũmi. To bajiri, ĩre quẽnaro yirũcubũorũgũroti ñaja manire. To bajirone bajiato.

^a 1:4 1 Ti 4.7; 6.20; 2 Ti 2.16; Tit 1.13-14.

18-19 Timoteo, yu macare bajiro bajigu, yure quênaro ajiya. Mure yu gotiroticatore bajirone yiroti ñaja mure. Tirâmuj Diore gotirêtosarimasa, “Dios ocare gotirucumi” ña yicatre masiritibeticôari, ñ ocare gotimasioçôa ñarucuja mu. To bajiro mu bajijama, vâti rojose mure ñ yirotisere cudibeticôari, Cristojure ajitirûnucôa ñarucuja. Gâjerâ sigari ñaama ñ ocare ajitirûnu tujacana. To bajicana ñari, socasejare ajitirûnurâ ñarâma.^b 20 To bajiro bajicana ñaama Himeneo, to yicôari, Alejandro quêne. Diore ajitirûnu tujacôari, ñe rucububeticama ña. To bajiri, “Vâtia uja, Satanâs, ñ bojarore bajiro rojose muare yimasirucumi yuja”, ñnare yicaju yu, “Rojose tâmuo quênabeti tuoîamasi, Dios ñ bojarore bajirojua yato” yigu.

2

“Gâjerâre ejarêmoato’ yirâ, Diore sênibosarûgûroti ñaja”, Pablo ñ yire queti

1 Ñashose ado bajiro mure rotiaja yu: Toana râca rêjacôari, Diore sênirâ, masa jedirore sênibosarûgûroti ñaja muare. To yicôari, masare quênaro ñ yisere ñarâ ñari, “Quênaro yaja mu”, ñe yirûgûroti ñaja. 2 Gobiernore quêne, ujarâ jedirore sênibosarûgûroti ñaja. To bajiro mani yijama, Dios ñ ejarêmore râca ñie oca mano ñaruarâja mua. To bajiri, Dios ñ bojarore bajiro quênase rîne yirûgûrâja. 3 To bajiro ñnare mua sênibosajama, muare ajivariquênagûmi Dios, rojose tâmuotujabetiriaroju mua vaborotire muare yirêtososarocu. 4 Masa jediro rojose tâmuotujabetiriaroju ña vabetirotire bojami. To bajiro bojagu ñari, ñ oca riojo gotimasiorere quêne masa jediro ña masisere bojami. 5 Sigûne Dios ñ ñasere masiaja mani. Gâji mani rucubûogu magûmi. To bajicôari, Jesucristo quêne, ñ sigûne ñaami manire bajirone ruju cuticôari, adi macarucuroana Diorâca quênaro mani ñarotire yigu, rijabosar’i. 6 Mani jedirore rojose mani yise vaja manire yirêtososagu, rijabosayumi. To bajiro ñ bajire ñajare, “Masa jedirore yirêtososarucumi Dios”, yituoîamasiaja mani. 7 To bajiri, “Ti ocare jud’io masa mere quênaro gotimasioçûdirucuja mu”, “Rojose mani yise vaja manire yirêtososayumi” yituoîato ña’ yigu”, yure yicami Cristo. Socu me yaja yu.

8 Cristo ñ cõacacu ñari, toana ñe ajitirûnurâ jediro ado bajiro ña yirotire yu bojasere mure gotiaja yu: Ñmuare gotigu yaja. Gâjerâre jûnisinirâ ñaboarine, Diore ña sênijama, quênabeaja. To yicôari, gâjerâre oca josarâ ñaboarine, Diore ña sênijama, quênabeaja ti quêne. Diore sênirâma, rojose yimena ñato.^c 9 Rõmiare quêne gotigu yaja yu. Cristore ajitirûnurâ, ñmua râca ña rêjaroto rîjoro, quênaro tuoîacôari, ña sudi sâñasere bojaja yu. “¿No bajiro yirâti mani, ‘Manire ñavariquênato ñmua’ yirâ?”, yituoîabetiroti ñaja. ña joare quênorâ, “¿No bajiro quênorâti, mani joare, ‘Ñmua quênaro ñavariquênato’ yirâ?”, yituoîabetiroti ñaja, ñnare. ña busajaquêne, “Manire ñavariquênato ñmua” yirâ, jairo vaja cutise, perla vâme cutise, oro vâme cutise quêne, busabetiroti ñaja ñnare. To yicôari, sudi sâñarâ, “Manire ñavariquênato” yirâ, sudi jairo vaja cutise sâñabetiroti ñaja. 10 Ado bajirojua yirûgûroti ñaja: “‘Cristore ajitirûnurâ ñaja mani’ yirâ ñari, quênase yirâ mani ñajare, manire ñavariquênato”, yituoîarûgûroti ñaja, ñnare. 11 Dios ocare ajirâ mua rêjarojure, ñagõmenane, ñnare gotimasiorimasa ña gotisere rucubûose râca ajirujiroti ñaja, rõmiare. 12 ñnare gotimasiorotibeaja yu. To yicôari, ñmua ña rotisere quêne bojabaja yu. ñagõmenane, ña ñacôajama, quênaja. 13 Rîjoro Adân ñamasir’ire rujeosomasiñuju Dios. Bero ñ manajo Evare rujeomasifiñuju. 14 To bajicôari, Adân me ñamasifiñuju vâtia ujure yitoecomasiñi. ñ manajojua ñamasifiñuju vâtire yitoecomasiñio. Vâti ñ yitomasiñere cudicôari, rojose yimasifiñuju so. To bajiri, rômiojua, ñmure ajirucubûoroti ñaja. 15 Rojose yimasirio so ñajare, “Ñajediro rõmia, ña rîa cutijama, rojose tâmuoruarâma”, yimasifiñuju Dios. To bajiboarine, Cristore ajitirûnu tujamena ñacôari, gâjerâre ña maijama, rojose tâmuotujabetiriaroju ña vaborotire ñnare yirêtososarucumi Dios.

3

Cristore ajitirûnurâre ñmato ñarâ ña bajire queti

1 Jesûre ajitirûnurâre ñmato ñaruarâre gotigu yaja yu. Socu me yaja yua. ña moaruasema, quênase ñaja. 2 Tire ñ moare cutirujajama, quênaro tuoîacôari, quênase rîne yigu ñ ñajama, quênaja. Quênaro masa ña rucubûogu, manajo cuticôari, gajeore ajerjo cutibecu, ejari-masare quênaro yigu, to bajicôari, quênaro gotimasioçûgû ñ ñajama, quênaja. 3 Mecûose idimecubecu, quêabecu, gâjerâre ajijûnisinicôari, oca josabecu ñ ñajama, quênaja. Rojose gâjerâ ña yiboajaquêne, ñnare ñamaicôari, quênaro ejarêmogû ñagûmi, “Quênasejua tuoîato ña” yigu. Gâjoare bojatuoîabecu ñagûmi. 4 ñ ya vianare quênaro rotigu, ñ rîa rucubûose râca ñe quênaro ña cudiroti yigu, quênaro ñnare gotimasioçû ñagûmi. 5 ñ ya vianare quênaro ñ rotimasibetijama, Cristore ajitirûnurâre no bajiro rotimasibecumi. 6 Cristo ocare ajitirûnurâre ñmato ñagû ñ ñarujajama, Cristore mame ajitirûnagû me ñagûmi. Cristore

^b 1:18-19 2 Ti 1.6. ^c 2:8 Mt 5.23-24; 6.14-15.

mame ajitirunugū ī ņajama, “Gājerā rētoro ņamasugū ņaja yu”, yituoīagūmi. To bajiro ī yijama, Satanās ī tuoīamasiriarore bajiro tuoīagū ī ņajare, “Rojose tāmurocujā” Satanāre Dios ī yirotimasiriarore bajiro yiecorucūmi, ī quēne. ⁷ To bajiri, quēnaro yirūgūroti ņaja īre, “Cristore ajitirunūmena quēne, yare īarūcubuoato” yigu. To bajiro ī yibetijama, “Quēnaro yigu me ī ņajare, Cristo ocare ajirūabeaja yua”, yirāma masa. “To bajiro yato īna” yigu, rojosere yigu ņaami Satanās.

Cristore ajitirunurāre ūmato ņarāre moabosarimasa īna bajire

⁸ To bajicōari Cristore ajitirunurāre ūmato ņarāre moabosarimasare quēne, gājerā īna īarūcubuoarē bojaja mani. To bajicōari, īna bajirore bajirone bajirā ņarāma īna quēne. Mecuose idimecūmena, “Gājoa bujarāsa” yirā, gājerāre yitomena ņarāma. ⁹ Dios oca socabetire mani gotimasiosere Dios ī ejarēmose rāca quēnaro ajitirunurā ņari, “Quēnase ņaja” īna yimasise rīne yirā ņarāma īna. ¹⁰ Īnare mua beseroto rījoro, “Ānoa ņaama quēnase yirā, Cristo ocare quēnaro ajitirunurā” yimasiruarā, īnare īatirunūna maji. “Quēnaro ajitirunurā ņaama” īnare mua yimasijama, īnare beseruarāja mua yuja. ¹¹ Rōmiare quēne, Cristore ajitirunurāre ūmato ņarāre moabosarimasare gājerā īna īarūcubuoarē bojaja mani. Socarāne, “Ado bajise rojose yima”, gājerāre yigotirā me ņarāma. Quēnaro tuoīacōari, quēnase rīne yirā ņarāma. “Yiruarāja” īna yirore bajiro yirā ņarāma. ¹² Quēna Cristore ajitirunurāre ūmato ņarāre moabosarimasare, ūmuare gotigu yaja yu. Manajo cuticōari, gajeore ajerio cutibecu ī ņajama, quēnaja. Ī rīa rūcubuose rāca īre quēnaro īna cudirotire yigu, quēnaro īnare gotimasioḡū, to yicōari, ī ya vianare quēnaro rotigu ņagūmi. ¹³ Quēnaro īna moajama, gājerā īna īarūcubuoarē ņaruarāma. To bajicōari, Jesucristore quēnaro ajitirunurā ņari, Dios ocare īna gotimasiojama, quēnaro gotiruarāma.

Cristo suorine manire quēnaro Dios ī yire queti

¹⁴ Yoaro mene mu tujū varua tuoīaboarine, adi paperare mure ucacōaja yu. ¹⁵ “Varua tuoīaboarine, yoaro me mua tujū yu ejaṭimabetijama, ‘Catimurōḡōrocu, Dios yarā ņari, ado bajiro yiroti ņaja’ yimasiao” yigu, adi paperare mure cōaja yu. Dios yarā ņari, “Ī oca, socabeti gotimasioḡū ņaja”, yigotiaja mani. ¹⁶ Cristo suorine manire quēnaro Dios ī yire queti quēnamasuse ņaja. Masa īna masibeti ī ejarēmose rāca mani masise ņaja. Ado bajiro bajiaja ti:

Adi macarūcurojū vadicōari, manire bajiro ruḡū cutiyuju Cristo. To bajicōari, Esp'iritu Santo suorine, “Nie rojose magū ņaami”, yīaṇujarā masa. Āngel mesa quēne, īna īarūcubuoḡū ņaṇuju. Masa jedirore ī ocare gotimasioṇujarā. To bajicōari, tocārāca sitana ī ocare ajitirunūṇujarā. Manire rijabosacōari, ī tudicatiro bero, ō vecaju ī ņaroju īre āmicuasuju Dios.

4

Masa, Cristore īna ajitirunū tujaroti queti

¹ Cristore ajitirunurā, jājarā mani ņaboajaquēne, adi macarūcuro ti jedirūtu vato cōrone siḡēri īre ajitirunū tujaruarāma. “Īre ajitirunū tujacōari, vātia īnare īna yitosere gotimasiorāre ajitirunuruarāma”, manire yiyumi Esp'iritu Santo. ² Īnare gotimasiorimasa ado bajiro bajirā ņarāma: “Quēnase gotimasioaja” yirā ņaboarine, socasere gotimasiorā ņarāma. “Adi ņaja quēnase. Tījua ņaja rojose”, yimasimenama īna, rojose rīne tuoīarā ņari. ³ “Manajo cutibetiroti ņaja”, yirā ņarāma īna. To yicōari, “Tocārāca vāme babetiroti ņaja”, yirā ņarāma. Īna tuoīariare bajiro me bajiaja, Jesúre ajitirunurā Dios oca riojo gotimasiorere masirājurema. Mani baroti ī cūre barā, “Quēnaro yaja mu” Diore mani yirotire yigu, jediro bare cūmasiṇumi Dios. ⁴ Najediro bare Dios ī cūre quēnase ņaja. To bajiri, “Tocārāca vāme babetiroti ņaja”, yire maja manire. Bare mani bajama, “Quēnaro yaja mu” Diore yicōari, baroti ņaja. ⁵ “Bare ņaro cōrone quēnase ņaruaraja” ī yimasirere barā, “Quēnaro yiyuja mu” īre mani yijama, quēnaja.

Jesucristo ī bajirore bajiro yire queti

⁶ Mure yu gotimasiose jediro gājerā Jesucristore ajitirunurāre gotiroti ņaja mure. To bajiro mu yijama, Jesucristo ī bojarore bajiro īnare yiejarēmogū yigaja mu. To bajicōari, Dios oca quēnasere gotimasio tujabecune, butobusa Diore tuoīavariquēnacōari, Jesucristo ī bojarore bajiro quēnaro yirūtu varūcujā mu.

⁷ Bucurā ye quetire socasere īna gotimasiosere ajibesa. Dios ī cūre me ņari, vaja mani ņaja. Tocārācarūmune, mu yirūḡūrotijure tuoīacōari, ī bojarore bajiro quēnase rīne yirūḡūṇa. ⁸ Tocārācarūmune mani ruḡere mairā ņari, quēnaro guacoerūḡūaja mani, “Catiquēnarā ņarāsa” yirā. To bajiro mani yise quēnase ņaja, bajirojuma. To bajiro mani yise rētoḡusaro

quēnase ñaja tocārācarāmune, Dios i bojarore bajiro quēnase rīne mani yirūgūse. To bajiro mani yijama, adigodo mani catiñaro cōro, to yicōari, ò vecaju Dios taju mani ñajaquēne, quēnaro manire yicōa ñarucumi Dios. ⁹ Mure yu gotise, socase me ñaja. Masa jediro tire ina ajitirānujama, quēnarwaroja. ¹⁰ Socabeti ti ñajare, josari moarūgūaja yua. To bajīñarāne, catimorāgōrocare Diore ajitirānurāre rojose ina bajiborotire ñare yirētibosarocare tuoia yuñaja yua.

¹¹ Adi queti yu gotise ti macanare mu gotimasiosere ajicōari, cudijedicōato ña. ¹² Bucu me mu ñajare, toana Cristore ajitirānurā, mure ña rucubuoetijama, quēnabetoja. To bajiri, “Bucu me yu ñaboajaquēne, yure quēnaro rucubuoato” yigu, “Yure ejarēmorucumi Dios” ĩre yituoīacōari, ado bajise yirūgūña: ĩnare quēnaro ĩamaicōari, quēnase rīne yicōa ñarūgūña. To bajiro mu yijama, “Ĭ yirore bajiro yiroti ñaja manire quēne” yituoīacōari, mure quēnaro rucubuoarāma ña. ¹³ Yu ejaroto rījoro, toana rāca rējacōari, Dios ocare masa ña ucamasire quēnaro gotimasiorūgūña mu, “Tire ajicōari, butobusa ajitirānuato” yigu. ¹⁴ “Quēnaro yimasiao” yigu, Dios mure ĩ uocatore masiritibesa mu. Jesure ajitirānurāre ũmato ñarā mure yua āmo ñujeorāne, Dios ĩ masise rāca, “Adi ñaja mu moaroti Dios ĩ cūre” yua yīñarone, tire mure ujoyumi Dios.^e

¹⁵ Adi queti mure yu gotimasiosere masiritibeticōari, mu yimasiro cōro yirūgūña. To bajiro mu yijama, mu yisere ĩacōari, “Butobusa Cristore ajitirānurūtuacu yami”, yīñarāma ti macana. ¹⁶ Mu gotimasioroto rījoro, to yicōari, no bojase mu yiroto rījoro quēne, quēnaro tuoīacōari rīne, yirūgūña. To bajiro mu yicōa ñajama, mu gotimasiose ajitirānurāre quēne, rojose tāmūotujabetiriaroju mua vaborotire muare yirētibosarucumi Dios.

5

Cristore ajitirānurā rāca ñare queti

¹ Sīgū bucu, rojose ĩ yiboajaquēne, tud'igure bajiro ĩre gotibesa. Ado bajiroja mu yijama, quēnaja: Rucubuose rāca mu jacure mu yirore bajiro quēnaro ĩre gotiya. To yicōari, mamarāre quēne, mu bederāre mu yirore bajiro quēnaro ĩnare yiya. ² Rōmia bucarāre mu jacore mu yirore bajiro quēnaro ĩnare yiya. To yicōari, mamarā rōmiare quēne, mu bederāre mu rucubuoore bajiro quēnaro ĩnare rucubuoja.

³ Manaju rijaveoriarā maoro bajirā masu ña ñajama, rucubuose rāca ĩnare quēnaro ejarēmorūgūña. ⁴ To bajiboarine sīgō manaju rijaveorio rā cutigo, to yicōari, jānerabatia cutigo so ñajama, ĩnaju ñarāma sore ejarēmorūgūrona. To bajiro ĩnare yisere Dios ĩ ĩavariquēnase ñajare, to bajiro yirūgūroti ñaja. Mani jacua manire ĩamaicōari, mani daqueroju manire quēnaro ĩnare yibucore ti ñajare, ĩnare ejarēmorūgūroti ñaja, manire. ⁵ Manaju rijaveorio maoro bajigo masuware, so yarā sore ejarēmorā manijare, “Yure ejarēmorucumi Dios” yituoīacōari, ĩre sēnirūgūōmo so. ũmua, ñamire quēne ĩre sēnirūgūōmo. ⁶ Manaju rijaveorio, no so bojase rīne yigojama, rojose yigo ñari, Dios ĩ ĩajama, catigo ñaboarine, catibecore bajiro bajicōa ñagōmo, rojose tāmūotujabetiriaroju varoco ñari. Sojuarema ejarēmobetiroti ñaja. ⁷ Tire mure yu gotimasiosere mu taju ñarāre Cristore ajitirānurāre gotiya. ĩnare cudisere ĩacōari, “Rojose yama”, yirā maniruarāma. ⁸ Sīgū “Cristore ajitirānugū ñaja yu” yiboarine, ĩ yarāre ĩnare ĩ ejarēmobetijama, quēnabetoja. To bajiro bajigu ñari, Cristore ajitirānu tujacoar'ire bajiro bajigu ñagūmi. Gājerāma, Cristore ajitirānumena ñaboarine, ĩnare yarāre ejarēmorā, rojose ĩnare yiro rētoro rojose yigu ñagūmi.

⁹ Cristore ajitirānurā manaju rijaveoriarā, mua ejarēmoronama, ado bajiro bajirā ñaruarāma ĩnare: Sesenta cūmari rētoro tusana ñaruarāma. To bajicōari, sīgūne manaju cutiriarā ñaruarāma. ¹⁰ To bajicōari, gājerāre ado bajiro quēnaro yiriarā ñaruarāma: ĩnare rīare quēnaro bucoriarā, ejarimasare quēnaro yiriarā, “Yu rētoro ñamasurā ñaama” gājerāre Cristore ajitirānurāre yituoīacōari, ĩnare ejarēmoriarā, to yicōari, rojose tāmūorāre ejarēmoriarā ñaruarāma.

¹¹ ĩnare mua ejarēmoroto rījoro, ĩnare manaju ĩ bajirocaro bero, “Gāji manaju cutibetiruocaja yu”, Cristore yisēniriarā ñaruarāma. Mamarābusa manaju rijaveoriarārema ejarēmobetiroti ñaja. Mamarāma, to bajiro yiriarā ñaboarine, buto manaju cutirua tuoīarāma ĩnare quēna. ¹² To bajiro ĩnare bajijama, “Rojose yirā yama”, ĩnare yīñarucumi Cristo. ¹³ Gaje vāme quēne, ado bajiro bajirā ĩnare ñajare, ĩnare ejarēmobetiroti ñaja. Moamenane gājerā ya viriju ñacudirūgūrāma. To bajicudirā, socarāne, “Ado bajise rojose yima”, gājerāre yigoticudirūgūrāma. To yicōari, gājerā ĩnare sēniābetiboajaquēne, “Ado bajiroja yiroti ñaja”, ĩnare yigōjanabiorūgūrāma. To bajiro ĩnare yijama, yibetirotirene yicōarāma. ¹⁴ To bajiro bajirā ĩnare ñajare, quēna ĩnare manaju cutirotire bojaja yu, “Rīa cuti, ĩnare ya vi ĩatirānu, yīñacōato” yigu. To yicōari, “Gājerāja ĩnare ñagōmacaruarā, ĩnare yisere ĩacōari, no yimasibeticōato” yigu, quēnaro ĩnare ñasere bojaja

^e 4:14 2 Ti 1.6.

yu. ¹⁵ Jêre sîgîri mamarâbusa manaja rijaveoriarâ Cristore ajitirânu tujacôari, Satanâjuare ajitirânu suyârâ ina ñajare, to bajiro mure gotibu yu.

¹⁶ Cristore ajitirânugô yarâ, manaja rijaveoriarâ ina ñajama, ñare ejarêmorûgûroco ñagômo. To bajiro so yijama, manaja rijaveoriarâ maioro bajirâre ejarêmorimasa ina manijare, ñare ejarêmomasiuarâma ina, gâjerâ Cristore ajitirânurâ.

¹⁷ Bucurâ, Cristore ajitirânurâre ñare quênaro ina ûmato ñajama, ñare rûcubuoçari, vaja yiroti ñaja. Ña râcana quênaro gotimasiorâre butobusa rûcubuoçoti ñaja. ¹⁸ Dios ocare masa ina ucamasire, ado bajiro ti gotijare, tire ñare goticôaja yu: “Ta vecu risere siabibebesa, trigo gasere îre mua cûda jânerotijama, ‘Î quêne bato’ yirâ”, yigotiaja Dios oca masa ina ucamasire. Tire yigu, ta vecua rîne tuoîagû me, yimasifûmi Dios. Gajeju quêne ado bajiro gotiaja: “Îna gotimasiore vajane bacatiruarâma”, yigotiaja Dios oca masa ina ucamasire.^f

¹⁹ Bucure, “Rojose yimi” ina yi ocasâjama, juarâ, idiarâ ñacôari ina oca sâjama, ñare ajiroti ñaja.

²⁰ To bajiro ina yi ocasâjama, Cristore ajitirânucôari, rêjarâ jediro ina îaro rîjorojua tudîgure bajiro îre gotiba mu, “Gâjerâ, bucurâ quêne tire ajicôari, ‘Manire quêne yiromi’ yimasiatu” yigu.

²¹ To bajiro mure yu rotisere ajirâma Dios, î macu Jesucristo quêne, ângel mesa, Dios î beseriarâ quêne. Mu cadirotire masiruarâma ina. Mu baba rojose î yijaquêne, yu rotiore bajiro cûdiya. ²² Cristore ajitirânurâre ûmato ñarocure mu cûruajama, quênaro yigu î ñasere îajecôari, beseya. To bajiro mu yibetijama, rojose yigurene beseguja mu. To bajiro mu yijama, “Rojose yigurene beseyumi”, mure yirâma. “To bajiro bajirobe” yigu, quênaro ñare beseba. To yicôari, quênase rîne yirûgûña.

²³ “Quênase rîne yirûgûña” yigu ñaboarine, “Ûye oco idibetirûgûña”, yibeaja yu. Oco rî mere idirûgûña. Ûye oco quêne, mojoroaca idirûgûña, biyaroaca mu gudajoa ti jûnirûgûsere “Tujato” yigu.

²⁴ Ado bajiro ti bajijare, “Înare quênaro masicôari rîne, beseya”, mure yibu yu: Sîgûri rojose ina yisere îacôari, masiaja mani. To bajiboarine, gâjerâjuama, “Rojose yirâ ñaama”, yimasifûmana ñaama. Ñare quênaro masicôari rîne, rojose yirâ ina ñasere masiaja mani. ²⁵ To bajirone bajlaja quênaro yirâ ina ñase quêne. Sîgûri quênase ina yisere îacôari, masiaja mani. To bajiri, ñare quênaro mani masiroto rîjoro, jêre “Quênase yirâ ñaama”, ñare yimasiaja mani. To bajiboarine, gâjerâjuama “Quênase yirâ ñaama”, yimasifûmana ñaama. Ñare quênaro masicôari, quênase yirâ ina ñasere masiaja mani. To bajiri Cristore ajitirânurâre ûmato ñarâre, bucurâre quênaro masicôari rîne, beseya.

6

Gâjerâre moabosarâ ina bajire queti

¹ Jesucristore ajitirânurâ gâjerâre moabosarâ, ina ujarâre rûcubuoçoti ñaja. Ña ujarâre rûcubuoçoti îacôari, “Rojose yirâ ñaama Cristore ajitirânurâ; vaja maja ina gotimasiore”, yiruarâma gâjerâ. ² Sîgûri ina ujarâ, Cristore ajitirânurâ ñarâma. Ñare rûcubuoçoti ñaja. “Mani uju Jesucristore ajitirânurâ ñari, Dios î mairâ ñarâma ina quêne. To bajiri quênaro ñare yibosato mani” yituoîacôari, butobusa ina moabosajama, quênaja.

Cristo oca riojo gotimasiorere quênaro ajitirânurâre queti

Adi queti yu gotise ti macanare ñare gotimasiocôari, “Ado bajiro yirûgûruarâja mani”, ñare yiya.

³ Mani uju Jesucristo ocare buerêto buboarine, ricati gotimasiorâ ina bajisere gotiaja yu: Dios î bojase mani yisere riojo gotimasiomena ñarâma. ⁴ “Buto masirâ ñaja yua” yituoîaboarine, masimena ñarâma. Cristo ocare, “Ado bajirojua yiruaro yaja ti”, gâmerâ yi oca josarûgûrâma. To bajiro ina yise suorine, “Yu rêtoro masirâ ñaama” yilajûnisinire, gâmerâ rûcubuoçoti, “Socarâ yama”, gâmerâ yituoîare ñaroja. ⁵ Rojose tuoîarâ ñari, Cristo ocare ajitirânu tujacôari, vâti î yitosere ajitirânurâ ñari, to bajiro yirûgûrâma. “Dios î bojarore bajiro mani yijama, gâjoa bujaruarâja mani”, yituoîaboarâma ina. ⁶ To bajiro ina tuoîamavisio bujaruquêne, mani cuoro cõro mani variquênajama, Dios î bojarore bajiro mani yise suorine buto quênase bujarûgûaja mani. ⁷ Adigodo mani ruyujama, ñie cuomenane ruyuararâja mani. To bajirone mani rijajaquêne, ñie âmi vamenaja mani. ⁸ To bajirone ñari, adigodoju ñarâ, bare cuti, sudi cuti, mani yijama, variquênajama. ⁹ Gâjerâjuama, jairo gâjoa cuorua tuoîarûgûrâma ina. To bajiro tuoîarâ ñari, rojose yisejarûgûrâma. To bajiro ina bajiro tire yigumi vâti. To bajiro yirâ rîne, rojose tâmuotujabetiraroju varuarâma. ¹⁰ Gâjoare bojarâ ñari, tocârâca vâmene rojosere yirûgûama sîgûri. Diore ajitirânurâ quêne, gâjoare bojaca yirâre, Cristore ajitirânu tujacama. To bajiri, yuja, ina masune rojose tâmuorûgûama.

^f 5:18 1 Co 9.9.

Timoteore Pablo rotire queti

¹¹ To bajiro ina yiboajaquēne, mañuama, Dios yu ñari, inare bajiro yibesa. Dios i bojarore bajiro quēnase rīne yirūgūña. Buto rojose tāmūoboarine, Cristore ajitirānu tujabesa. Gājerāre rūcūbuocōari, quēnaro inare yirūgūña. ¹² Vāti rojose mure i yirotsere cūdibeticōari, Cristojare ajitirānucōa ñarucuja, “Yu macare mu ajitirānujama, rojose tāmūotujabetiraroju mu vaborotire mure yirētobosarucuja yu” Dios i yirere cūdicacu ñari. Tire mu cūdicatirāmure, jājarā ñacaju yua, gūibecune, “Cristore ajitirānuaja yu” mu yigoticatire ajicana. ¹³ Dios, adi macarucuro catiñasere rujeor'i, to yicōari, mani uju Jesucristo quēne, mure yu rotisere ajirāma. Jesucristo ñaami gūibecune, Poncio Pilato vāme catigu i ñaro rjoro, gājerāre quēnaro mani gotirūgūrore bajiro gotir'i. Ado bajiro mure rotiaja yu: ¹⁴ Mure yu rotise ñaro cōrone quēnaro cūdiya, “‘Rojose yami’ mure yiroma” yigu. Mani uju Jesucristo adigodoju i tudiejaroto rjoro to bajiro rīne yicōa ñarūgūma. ¹⁵ Mani uju, Dios, “To cōrone varucumi” i yiriarūmane tudieja rotirucumi. Īne ñaami gājerāre mani rūcūbuoro rētoro mani rūcūbuoga. Masirētogū ñagūmi. Īnima gāji Īre bajiro masigū magūmi. ¹⁶ Ī sīgūne ñaami ñajediro ti ruyuaroto rjorojane ñar'i, to yicōari, rijabetiroca. Buto busuroju masa ĩna ejamasibetoju ñarūgūgūmi. Sīgū Īre ĩagū magūmi. Īre ĩaroca quēne magūmi. Īre rūcūbuocōa ñarūgūroti ñaja manire. To bajiro rīne bajirūgūato.

¹⁷ Adigodoaye gajeyēni jairo cuorā ñacōari, “‘Gājerā rētoro ñamasurā ñaja yua’ yirāre yibesa”, ĩnare yigotiya. “‘Jairo gājoa cuorā ñari, quēnaro ñarūgūruarāja mani’ yitūoĭabesa muu”, ĩnare yiya. Yoaro mene jedise ñaja gājoa. Dios catimūorūgōrocuware ajitirānucōari, “Ī ñaami manire quēnaro ĩatirūnugū”, yirūgūroti ñaja, ĩnare. “‘Quēnaro variquēnañato’ yigu, manire quēnaro yirūgūami Dios”, yitūoĭarūgūroti ñaja. ¹⁸ To yicōari, “Jairo cuorā ñari, ti rāca cojoji me quēnase yirūgūña”, ĩnare yirotiya mu. “Īsivariquēnarūgūña”, ĩnare yiya. ĩna gājoare maimenane, gājerāre ejarēmōrā ĩna ĩsijama, quēnaja. ¹⁹ To bajiro ĩna yijama, quēnaro ĩna yise vaja ō vecaju gajeye cūrēmōrāre bajiro yirā, yiruarāma ĩna. Quēnaro ĩna yise vaja, ō vecaju quēnaro ĩnare yirucumi Dios. ĩnare ĩ gotiriarore bajiro ĩna rijato beroju i rāca quēnaro ñacōa ñarūgūruarāma yuja.

Timoteore Pablo i gotitusare queti

²⁰ Ajiya Timoteo. “Cristo ocare quēnaro gotimasioato” yigu, mure cūñumi Dios. To bajiri quēnaro gotimasiorūgūña. Socasere ĩna gotimasiorūgūsere ajibesa. Dios i cūre me ñari, vaja mani ñaja, “Masirā ye ñaja” ĩna yitūoĭaboase.^g ²¹ “Buto masirā yere gotimasioaja yua” yirāre ajisuyacōari, Cristo ocare ajitirānubesarā ĩna yuja.

Mani uju Jesucristo, quēnaro mure yirūgūato.
To cōro ñaja.

Segunda carta de San Pablo a TIMOTEO

Timoteore, Pablo ï quënaroticðare queti

¹⁻² ¿Ñaboati ma, Timoteo? Yü ñaja Pablo vâme cutigu, adi quetire mure ucacðagü. Yü macüre bajiro yu maigü mü ñajare “macu” mure yaja yu. Mure quënarotigu, mani jaca Diore, to yicðari, mani üju Jesucristore quëne, ado bajise mure sënibosaja yu: “Quënarö müa räca ï ñarotire yirä ïre ejarëmoña”, mure yisënibosaja yu.

“ “Manire rijabosayumi Jesucristo” yiräre ña rijato beroju tudirijabeticðato’ yigu, yu catisere ñare ïsirucüja”, yicümasiñumi Dios. To bajiro ï yicümasire ti ñajare, “Ti quetire Jesucristore gotibosagu, to bajise gotimasiocudirucüja mü”, yicðañumi Dios, yure.

“Jesucristo ï bajirere masare gotimasio tujabesa”, Pablo ï yire

³ Yü ñicua Diore ña rücuñuomasiriarore bajirone ïre rücuñuöaja yu quëne. Ëmüare, ñamire quëne ïre yu sënijama, “Dios ï ejarëmojare, ïre quënarö ajitiränugü ñacami Timoteo” yimasigü ñari, “Quënarö yaja mü”, ïre yivariquënarügüja yu. ⁴ To bajiro yu yijama, mure yu vadiveocatirämu mü oticature tuoïacðari, mure buto ñaruaja yu, mü räca ñavariquënarü. ⁵ Mü ñico Loida, mü jaco Eunice quëne, Cristore mü ajitiränuröto rïjorojune ïre ajitiränurä ñacama ña. “Ïna ajitiränucatore bajiro ï quëne quënarö ajitiränugü ñacami” yituoïacðari, “Quënarö yaja mü”, Diore ïre yivariquëñaja.^a

⁶ To bajiro mure yituoïagü ñari, ado bajise mü tudituoïarotire bojaja yu: Mure yu ämo ñujeorone, “Adi ñaja mü moaroti Dios ï cüre” Diore yu yigotibosarone, quënarö mü yirotire mure üjoyumi Dios. To bajiro mure ï yire ti ñajare, tire masiritibecune, mü yimasiro cöro variquëñase räca quënarö yicða ñarucüja mü. ⁷ Mani tuoïabojonerotire yigu me manire üjoyumi Dios. Ado bajirojua mani yirotire yigu manire üjoyumi: Jesús ï bajirere mani gotijama, gotigüibetrotire, masare mani mairotire, to yicðari rojosere yirüaboarine, tire mani yibetrotire yigu, manire üjoyumi Dios. ⁸ To bajiri, mani üju Cristo ï bajirere gotigüibesa. Cristo ï bojasere yigu ñari, tubibe ecocaju yu quëne. “Cristo suorine tubibe ecoyumi Pablo” yigüibecune, ado bajirojua tuoïaña mü: “Cristo ï bojasere yigu ñari, Pablo rojose ï tãmuorore bajiro tãmuoroti ti ñaboajaquëne, Cristo suori quënarö Dios ï yise quetire ï ejarëmoşe räca gotimasiocða ñarucüja yu”, yituoïaña. ⁹ Cristo ï rijabosare suorine, “Rojose mana ñaama”, manire yüañumi Dios. To yicðari, “Yü yarä ñari, quënarö yirä ñaña”, manire yiyumi. Adi macarucuro ï rujeoroto rïjorojune, “Ïnare mairucüja” yimasir’i ñari, quëñase mani yibetiboajaquëne, “Rojose mana ñaama”, manire yüañumi Dios. ¹⁰ “Ïnare mairucüja yu” ï yiriarore bajirone yigu ñari, adigodoju Jesucristore cðañumi, manire ï rijabosarotire yigu. To bajiri Dios manire ï yire suorine mani masibetiborotire, “Manire buto maiami Dios”, yimasiaja mani. To yicðari, “Jesucristo manire rijabosayumi” mani yituoïajama, mani rijato beroju “Tudirijabeticðato” yigu, Dios ï catisere manire ï ïsire quetire ajirä ñari, mani bajirotire güibeaja mani.

¹¹ “Ti quetire ajitiränuröto masa” yigu, gotimasiocudirocure yure cðañumi Dios. ¹² To bajiri, ï bojarore bajiro gotimasiocudigü ñari, tubibe ecocðari, rojose tãmuoaja yu. To bajiro bajigu ñaboarine, yure ejarëmogüre Cristore quënarö masigü ñari, ti quetire gotigüibeaja yu. To bajiri, “Yure ña slaboajaquëne, Cristore ajitiränuräjuama, quënarö yu gotimasiore bajirone ‘Gotimasiocða ñato’ yigu, müare ejarëmocða ñarucumi”, ïre yimasiaja yu. To bajiro ï yirä ñari, Jesucristo ï tudiejajaquëne, gotimasiocða ñaruaräma.

¹³ To bajiri, mure yu gotimasiocature bajirone gotimasiocða ñaña. To bajiro mü yijama, “Jesucristore ajitiränuräre manire maiami Dios” yimasigü ñari, “Manire ï mairore bajirone ñare quëne yu mairotire yigu ejarëmorucumi” yituoïacðari, mü gotimasiore ñare maiña. ¹⁴ Dios ï ejarëmoşe räca tuoïacðari, “Cristo suorine quënarö Dios ï yise quetire gotimasiorecü ñaja yu”, yicaju mü. To bajiri, “Quënarö gotimasioato” yigu, Esp’iritu Santo ï ejarëmoşe räca mü yimasiro cöro yirügüña. Gäjerä mü gotimasiore bajiro me ña gotijama, “Bajibeaja. Ado bajirojua bajijara”, ñare yigotirucüja mü.

¹⁵ Asia sitaju vadiriärä Cristore ajitiränurä, yu babarä ñaboacana yu tuju vadiboarine, ejadimenane, tudicoarere jëre masigüja mü. Ña ñañuma Figelo, Hermógenes, to yicðari gäjerä quëne. ¹⁶⁻¹⁸ To bajiro ña bajiboajaquëne, Ones’iforo vâme cutigüjama, “Yü baba ñacami Pablo” yituoïagüibecü ñari, tubibe ecocðari yu ñarimacare ejacðagüjama, macasuoasumi, yure bujacðariju “Tujagusa” yigu. Yure bujacðari, cojoji me quënarö yure ï yijare, variquëñacaju yu. Ï ñarimaca Efeso vâme cuti macaju yu ejajaquëne, quënarö yure

^a 1:5 Hch 16.1.

ejarēmorūgūcami. Tire masigāja mu. To bajiro yicacu ī ņajare, “Ī ya vianare ģamaicāri, quēnaro yiba mu, masare mu beserirāmu ti ejaro”, ĩre yisēnīaja yu, mani ujure.

2

“Cristo ī bojasere yibosagu ņarucuja mu”, Pablo ĩ yire queti

¹ Yu macure bajiro bajigu, ado bajise yu gotisere quēnaro ajiya mu: “Īre ajitirānugū yu ņajare, yure ģamaicāri, quēnaro yu yirotire yure ujoyumi Jesucristo” yimasigū ņari, ī bojase rīne yicōa ņaŋa mu. ² Mure yu gotimasiocatire gājerāre quēne gotimasiocaju yu. To bajiri, jājarā ņacama “Riojo gotiami Pablo” yirā. Tire riojo gotimasioronare gājerāre gotimasirotirucuja mu, “Cristore ajitirānūrā ņato ĩna quēne” yigu.

³ Surara masu, rojose ĩre tāmuroti ti ņaboajaquēne, ī uju ī bojarore bajiro yigumi. ĩre bajirone bajiroti ņaja mure quēne. Jesucristore ajitirānugū ņari, “Pablo rojose ī tāmurore bajiro rojose tāmuroti ti ņaboajaquēne, Cristo ī bajirere gotimasiocōa ņarucuja yu” yituoīacōari, gotimasirotigūŋa. ⁴ Surara ī moajama, uju ī ĩvariquēnarotire bojagu ņari, ī rotise rīne moagūmi. ⁵ To bajiro bajaia ajerimasare quēne, “Gājerāre ajerētogūsa” yiboagure. Ajere vāmere bajiro ī ajebetijama, ī ajeboase vaja, vaja bajabecumi. ⁶ Gajeyere quēne ado bajiro yaja mani: “Vese moagūma, ĩjua ņaami ti vese ti rica cutiro, juasurorocuma”, yaja mani. ⁷ Mure yu gotisere quēnaro tuoīaŋa. Quēnaro mu tuoīajama, gājerāre mu gotimasirotire “Tuoīamasiato” yigu, mure ejarēmorūcamu mani uju.

⁸ Cristo ī bajirere masiritibeticōaŋa: Uju David ņamasir'i jānami, rijacoaboarine Dios suorine quēna tudicātir'i ņaami Jesús. To bajiri, “Rotimurōgōrūcamu” yigu, Dios ī cōar'i ņaami. To bajiri, tirene gotirūgūaja yu, masare gotimasiogū. ⁹ Tire gotimasiogū ņari, rojose yir'ire bajiro cōmemarine sia ecocōari, tubibe ecoaja yu. Yure ĩna tubibeboajaquēne, Dios ocajuma gotitaja ecobetirucuja. ¹⁰ To bajiri, “Īna ņaruarāma yu yarā” Dios ī yīariarā quēnaro ĩna ņarotire yigu, rojose tāmuroaja yu. Cristo ī bajirere ajitirānūrā ņari, “Īna rijato beroju Diorāca quēnaro ņaruarāma” yigu, gotimasiocōa ņaja yu.

¹¹ Ado bajiro gotire riojo ņaja:

Cristore ajitirānūrā ņari, rojose yiruaboarine, tire mani yibetijama, mani rijato beroju quēna tudicaticōari, ī rāca quēnaro ņarūgūruarāja.

¹² Gājerā rojose manire ĩna yiboajaquēne, Dios ī bojarore bajiro mani yicōa ņajama, ō vecaju īrotiroju ī rāca ņaruarāja mani quēne. To bajiboarine, “Jesúre ajitirānūrā me ņaja yua” mani yijama, ī quēne, ō vecaju ī jacu ĩaro rījorojua, “Īnare masibeaja”, manire yirucumi.

¹³ Mani yirore bajiro yimena ņaboarine, “To bajirone bajigumi Dios quēne”, yituoīaroti me ņaja. Socagu me ņaami ĩna. “Yirucuja” ī yirore bajirone yigu ņaami.

“Dios ī bojarore bajiro quēnaro yīya”, Pablo ĩ yire queti

¹⁴ To bajiro mure yu gotisere, Cristo ī bajirere gotimasioremāsare ĩnare gotiya, “Tire masiritibeticōato” yigu. To yicōari, gaje vāme ado bajiro ĩnare gotirēmofa: “Socase ĩna yise ūni suorine gāmerā oca josabesa. Tire mua yijama, masare no bajiro yiejarēmobetoja. To bajiri, socase ĩna yisere aĵianane, quēnasejuare ĩna ajiruaboasere ajimavisia tujacōarāma”, ĩnare yigotiya mu. ¹⁵ To yicōari, Cristore ajitirānūrāre gotimasiogū ņari, Dios mure ī ĩvariquēnarotire yigu, mu yimasiro cōro variquēnase rāca quēnaro yirūgūŋa. To bajiro yigu ņari, bojonebecane, mu yirūgūsere ĩre gotirucuja mu. ¹⁶ Adigodoaye rīne tuoīacōari, “Gāmerā ņagōto mani” ĩna yijama, ĩnare ajibesa. Tire tuoīavariquēnarā ņari, Diojuare ajibeticōari, rojosejuare butobusa yirūtuana yirāma.^b ¹⁷ Socase ĩna gotimasiorejuare ajisuyacōari, Dios ocare ajiboariarā, jājarābusa ņarūtuaruarāma socasejuare ajirā. To bajiro bajiyuma, Hime-neo, to yicōari Fileto vāme cutigu quēne, Cristore ajisuyaboariarā. ¹⁸ Cristo ī bajirere riojo ajisuyaboariarā, socasejuare ajisuyacōari, ĩna gotimasiojama, “Jēre rijariarāre Dios ī cātoriarāmu rētoacasuja”, yisocarāma ĩna. To bajiro ĩna yijare, Dios ocare ajitujacōari, socasejuare ajisuyacoasuma sīgūri. ¹⁹ Socasere ĩna ajisuyacoaboajaquēne, Dios ocare ajisuyarā masujua, socasere ajisuyabetiruarāma ĩna. To bajiro ĩna bajirotire yiro, ado bajiro gotiaja ti: “Ī yarāre ģamasiami mani uju”, yigotiaja. To yicōari, gajeyu ado bajiro gotiaja: “Jesúre ajitirānūrā ņaja yua” yirāma, rojose ĩna yisere yitujajama, quēnaja”, yigotiaja ti.

²⁰ Gotimasiore queti mure gotigu yaja yu: Gajeyēni jairo ti ņarivima, oro rāca, to yicōari, plata vāme cuti rāca ĩna quēnorā sotari rione ņabetoja. Yucū rāca, riri rāca ĩna quēnorā sotari quēne ņaraja. Jairo vaja cuti sotarire ĩacōari, gājerā ĩre ĩna ĩarūcūbuorotire masigū ņari, ado bajiro tuoīagūmi ti vi uju: “Namasurā ĩna ejajama, ĩnare bare ecagu, jairo vaja cuti sotari rāca bare jeorucuja”, yituoīagūmi, “Yure rūcūbuoato ĩna” yigu. “Yucū rāca, to yicōari, riri rāca quēnorā sotarine bare yu jeojama, yure rūcūbuomenama” yigu, yu choše ņararoja”, yigumi. Ti sotarire bajirone bajaia mani quēne, Cristore ajitirānūrā. ²¹ Cristore ajitirānūrā

^b 2:16 1 Ti 1.4; 4.7; 6.20; Tit 1.13-14.

ñaboarine rojose yirāma, tire yitujacōari, quēnasejuare ĩna yijama, “Rojose mana ñaama. ĩna suorine yure rūcuboruarāma gājerā quēne” yigu ĩnari, ĩre ĩna yibosarotire rotirucumi Dios.

²² To bajiri, ado bajiro yirūgũña mu: Mamarā, Diore ajimena, no ĩna bojase ĩna yise ũnire yibeticōari, ado bajirojua yirūgũña: “Ī yirore bajiro yigu ñaami” Cristore ĩre yituoīacōari, quēnase rīne yirūgũña. Diore, to yicōari “Jesucristore ajitirūnarā ñaja yua” yisocamenare quēne, maicōari, mu rāca quēnaro ĩna ñarotire yigu, quēnaro ĩnare yirūgũña. ²³ Adigodoaye rīne tuoīacōari, “Gāmerā ñagōto mani” ĩna yijama, ĩnare ajibesa, “Tire mani gāmerā ñagōboajama, quēnabetoja” yimasigũ ĩnari. ²⁴ Mani uju bojasere yiguma, oca josabecu ñagũmi. Ado bajirojua bajigu ñagũmi: Gājerāre ajirūcubuoōari, quēnaro ĩnare yigu ñagũmi. “Cristore quēnaro ajitirūnato ĩna” yigu, quēnaro gotimasioḡ ñagũmi. ²⁵ Dios ocare riojo gotimasioinenare, Dios ĩ bojarore bajiro quēnaro yiruagu ĩnari, ĩnare ĩamaicōari, “Ado bajirojua bajijaja”, ĩnare yigotimasioḡmi. Dios suorine ricatijua tuoīacōari, ĩ oca riojo gotimasiorere ĩna ajitirūnarotire bojagu ĩnari, to bajiro gotigumi. ²⁶ Ī gotisere ajicōari, “Riojo gotiami” ĩre ĩna yiaijijama, “Satanás suorine masare yitorūgũñuja mani”, yirā ĩnari, ĩ rotiboasere yitujaruarāma ĩna.

3

“Adi macarucuro ti jediroto rījoro ado bajiro bajiruarāma masa”, Pablo ĩyire queti

¹ Adi macarucuro ti jediroto rījoro Dios ĩ bojarore bajiro yirāma, buto rojose tāmūoruarāma, jājarā ado bajiro rojose yirā ĩna ñajare: ²⁻³ Gājerāre maituoīamenane, ĩna masu yejuare tuoīarā ñaruarāma. Jairo gājoa cuorā ñaboarine, jaibusaro bojarēmōrā ñaruarāma. “Namasurā ñaja yua”, yijairā ñaruarāma. Gājerāma, “Namasurā ñaja yua” yituoīarā ñaboarine, “To bajiro bajirā ñaja yua”, yibetiruarāma. Masare, Dios yere quēne, rūcubuoimena ñaruarāma. ĩna jacua ĩna rotisere cudimena ñaruarāma. Dios quēnaro ĩnare ĩ yiboajaquēne, “Quēnaro yaja mu”, ĩre yimena ñaruarāma. Gājerā rāca quēnaro ñamena ñaruarāma. Masa ĩaro rījorojua, socarāne, “Ado bajise rojose yima”, yigotirā ñaruarāma. Rojose ĩna yirua tuoīasere, “Yibeticōato mani”, yimena ñaruarāma. Quēnaro yirāre ĩaterā ñaruarāma. ⁴ “Mua babarā ñaruarāja” yiboarine, ĩnare ĩsirearā ñaruarāma. “Rojose yibetiroti ñaja” yituoīamenane, guaro rojosere yirā ñaruarāma. Dios ĩ bojasējua yiroti ũnirene yirā, ĩna bojasējuare yivariquēnarā ñaruarāma. ⁵ “Cristore ajitirūnarā ĩnari, Diore rūcubuoaja” yigotirā ñaboarine, Dios ĩ bajirore bajiro yibetiruarāma.

To bajiro yirāre ĩacōari, ĩnare baba cutibesā. ⁶⁻⁷ ĩna ũna, no bojarone virire sājadurā ĩnari, ado bajise tuoīarāre rōmiare bujarāma: Rojose ĩna yirua tuoīasere, “Yibeticōato mani” yibetiriarā ĩnari, “Rojose mani yise vaja rojose tāmūoruarāja mani”, yituoīarāma. Tire tuoīasutirititerā ĩnari, gajeye no bojase mame gotimasioḡjuare ajivariquēnaruarā ñarāma. To bajiri, socasere quēnaro ĩnare gotimasiorāma. To bajiro ĩna yijare, ajimasirā ñaboarine, Dios oca riojo gotimasioḡjuarema masibetiruarāma. To bajiri, socarāne gotitorimasare ĩnare baba cutibetiroti ñaja. ⁸ ĩnare bajiro yimasifujarā Janes, to yicōari, Jambres vāme cutigu. Diore gotirētobosagu, Moisés ñamasir’i, uju, faraōne ĩre ĩ gotisere ajicōari, “Dios ocare ajirūcububeticōato” yirā, ĩaīañamanire yīlomasifujarā ĩna. Ti ũnire yirā, adirāmuri ñarā quēne, Diore ajitirūnarāre, “Ajitirūnubeticōato” yirā, socasere gotimasiorāma. To bajiro yirā ĩnari, rojose rīne tuoīarāma. To bajiri, Cristo ocare riojo gotimasiorere ĩna ajitirūnubetijare, “Yū macure ajitirūnarā me ñaama”, ĩnare yīlagũmi Dios. ⁹ Socase gotimasiorimasare, “Cristore ajitirūnarā me ñaama” yimasibetiboarine, yoaro mene, “Socasere gotirūgũama”, ĩnare yīlomasioaruarāma masa. Tire bajirone bajimasifujarā Janes, to yicōari Jambres mesare quēne. ĩna yitosere masibetiboarine, “Diore rūcubuoimena ĩnari, tuoīamasimenare bajiro yiyuma”, ĩnare yīlomasioasujarā masa jediro. To bajiri, socase gotimasiorimasare baba cutibetiroti ñaja.

“Yū bajicataire tuoīacōari, quēnaro ñaña”, Pablo Timoteore ĩyire queti

¹⁰ Mu baba cutibetironare bajiro me bajijaja mujuama. Yū gotimasiosere quēnaro ajitirūnadicaju mu. “Dios ĩ bojasere yigusa’ yigu, to bajiro bajirūgũami”, yure yimasijaja mu. “Yure ejarēmōrucumi Cristo” yū yituoīasere, yure ajirūcubuoimenare rojose yijūnisinibecu, yū maicōa ñasere, to yicōari, buto rojose tāmūoboarine, Cristore ajitirūnagũ ĩnari, yū gotimasioḡca ñarūḡsere masijaja mu. ¹¹ Antioqu’ia, Iconio, Listra vāme cuti macariju rojose yū tāmūocaire masijaja mu. To bajiro rojose yure ĩna yirūḡuboajaquēne, gotimasioḡca ñacaju yū. Tocārācaine rojose yū tāmūocaire yure yirētobosacami mani uju. ¹² “Yū sīgāne rojose tāmūogũ me bajijaja”, yituoīaja. Tocārācune Jesucristore ajitirūnarāma, Dios ĩ bojarore bajiro yirā ĩnari, rojose yiecoruarāma. ¹³ Rojose ĩna tāmūoñarone, socasere gotimasiorimasa quēne, “Diore gotirētobosarā ñaja yua” ĩna yisocajama, ĩna masune socasere gotiecorāre bajiro bajiruarāma. To bajiri, rojose yirā, to yicōari, socasere gotirā quēne butobusa Dios ĩ ĩavariquēnabetire yirūtuaruarāma.

¹⁴ To bajiro ina bajiboajaquēne, mujuama, Cristo ocare ajicōari, “Riojo gotimasiore ñaja” mu yiajicature ajitirānu tujabeja. “Yure gotimasiocana riojo gotimasiocama”, yimasiaja mu. ¹⁵ To yicōari, daquegu ñagūjune, Dios ocare masa ina ucamasirere ajimasiadicaja mu. Tire mani buejama, “Jesucristo manire rijabosayumi’ yirare quēnaro Dios i yise quetire butobusa masirā ñarūtuuarāja”, yimasiaja mani. ¹⁶ Dios oca masa ina ucamasire ñajediro i ye ñaja. Tire ucamasirarā, Dios i ejarēmose rāca tuoīacōari, ucamasinujarā. Ñajediro ado bajiro manire ejarēmoaja ti: Riojo ñamasusere manire gotimasioaja. “Rojose yigu ñaja mu” manire yigotimasiocōari, “Tire yitujacōari, ado bajiroja mu yijama, quēnaja”, manire yigotimasioaja. To bajiro yicōari, quēnaro mani yirūgūrotire manire gotimasiōrūgūaja. ¹⁷ Dios ocare ajiguma, “I bojarore bajiro quēnaseayere yimasijeocōato” yiro, to bajiro manire yigotimasiōrūgūaja Dios oca masa ina ucamasire.

4

“Cristore ajitirānuarē ado bajiro ñare gotiya”, Pablo Timoteore i yire queti

¹⁻² Ñamasuse mure gotigu yaja yu. Dios, i macu Jesucristo quēne tire ajirāma. Jesucristo ñaami, ñajediro rotiroca. Adigodojare tudiejacōari, catirāre, rijariarēre quēne, mani yirere iacōiarucumi. To bajiro i yiroti ti ñajare, Cristo i bajirere gotimasiocōa ñarūgūña. Masa ina ajiruajama, ina ajiruabetijaquēne, ñare gotimasiocōa ñaña. Rojose ina yirere, “Rojosere yiyuja yua” ina yimasirotire yigu, quēnaro ñare gotimasioña. To yicōari, “Rojose yitujaya mua”, ñare yiba. “Ado bajiroja mua yijama, quēnaruaroja”, ñare yigotiba. To bajiro ñare mu gotimasioboaajaquēne, rojosere ina yicōa ñajama, ñare gotimasiocōa ñarucuja mu. ³ Ado bajiro bajiroti ti ñajare, quēnaro ñare gotimasiōrūgūña mu: Adirāmuri Dios ocare mu gotimasiōsere ajirūgūrāma masa. Berojuma tire ajitecōari, ina ajiruasejuare gotimasiōrāre jirēcōari, “Yure gotimasioña”, ñare yiruārāma. ⁴ Dios oca riojo gotimasiorejuare ajitujacōari, tirūmuana ina tuoīarūgūmasirejuare ajitirānuarāma ina. ⁵ Mujuama, “To bajiro yiroma” yigu, roori ñarūgūrucuja mu. Rojose mure ina yiboajaquēne, Dios i bojase jediro yicōa ñarūgūrucuja mu. To bajiro yigu ñari, “Jesucristo manire i rijabosare ñajare, Dios yarā mua ñaruajama, rojose mua yisere yitujacōari, Cristore ajitirānuña”, yigotimasiocōa ñarūgūrucuja mu.

⁶ Jēre yujarema, tire gotimasiogū yu ñajare, yure ña sīaroti mojoroaca ruajaja. ⁷ Rojose tāmugū ñaboarine, mani uju i roticature bajirone quēnaro yicoadicaja. To bajiri, tire yijeocōaja yu. ⁸ To bajiro yigu yu ñajare, masare Dios i iabeserirāmu ti ejaro, “Quēnaro mure yaja’ yure yirucumi Dios”, yimasiaja yu. To bajiro yure i yijama, yu sīgūrene yigu me yirucumi. Ñajediro adi macarucorjare “Jesucristo tudiejarucumi” yituoīarēre quēne, to bajirone yirucumi.

“Yure ñagū vaba”, Pablo Timoteore i yire queti

⁹⁻¹¹ Yu rāca ñaboagu, Demas vāme cutigu, yure vaveocami, Tesalōnica vāme cuti macaju vacu. Dios yere i mairo rētoro adigodoayere maigū ñari, to bajiro bajicami. Crescente vāme cutigujare, “Galacia sitanare Cristo ocare gotimasiōrucuja mu”, ñare yicōacaju yu. To yicōari, Titore quēne, “Dalmacia sitanare gotimasiōrucuja mu”, ñare yicōacaju yu. To bajiri, Lucas sīgūne ñaami yu rāca tujagu. To bajiro ti bajijare, yoato me busane vayā. Marcore ñare macabujacōari, ñare āmiaba. Yure ejarēmogū vadiato. ¹² Tiquico vāme cutigujarema, Efeso vāme cuti macaju ñare cōacaju yu. ¹³ Mu vadijama, yu sudiro joeadore yure āmiadibosaba. Troas vāme cuti macagu, Carpo vāme cutigu ya viju cūcaju yu. Yu paperatuturi juadibosaba. To yicōari, gajeye papera yu cūcatire quēne juadimasucōama.

¹⁴ Alejandro vāme cutigu, cōme rāca quēnocōari, ina rācūbuorotire yīsirimasu, buto rojose yure yicami. Rojose yure i yicati vaja, ñare quēne rojose ñare yirucumi mani uju. ¹⁵ ñare roori ñaña mu quēne, “Rojose yure yiromi” yigu. Dios ocare mani gotimasiocature “Ajibeticōato masa” yigu, buto rojose i yicati ñajare, to bajiro mure yaja yu.

¹⁶ Hjarā ña ñaro rījoroja, “Ñie rojose yibecu ñaami” yure yiejarēmorā manicama. Yu rāca ñaboacana yure vaveojedicoacama. To bajiboarine, “Ti vaja, rojose ñare yibeticōato Dios” yigu, ñare yisēniaja yu. ¹⁷ Yure ña vaveojediboajaquēne, mani uju, ejarēmocōa ñacami. To bajiri, jud io masa me ñarēre, “Quēnaro Dios yisere ajitirānuato ña” yigu, ñare gotimasiocaju yu. Tire ajicōari, “Rojose yigu yaja mu”, yure yibeticama ujarā, mani uju i ejarēmose ti ñajare. To bajiri, yure siaborona, siabeticama. ¹⁸ Ō vecaju i rotiñaroju yu ejarotire bojagu ñari, yure ejarēmocōa ñagūmi mani uju. To bajiri, gājerā, “Dios i bojabetire tuoīato i” yirā, rojose yure ina yiboajaquēne, ñare ajitirānuocōa ñarucuja yu. “Quēnaretoḡ ñaja mu”, ñare yirācūbuororūgōroti ñaja manire. To bajirone bajiato.

“Quēnato masa”, Pablo i yicōare queti

¹⁹ To bajiri mani mairāre, Prisca vāme cātigo, so manaju Aquilare, to yicōari, Ones'iforo ya vianare quēne, inare quēnaroticōaja yu. ²⁰ Erasto vāme cātiguma, Corinto macaju tuja-coacami. Gāji, Trófilmo vāme cātigurema, ī rijajare, Mileto vāme cāti macaju īre cūcaju yu. ²¹ Juebucu rījoro yoato me busane vayá, “Pablo taju ejagusa” yigu.

To bajiri, mure quēnaroticōama, adoana, Jesucristore ajitirūnura jediro. Eubulo, Pudente, Lino, Claudia quēne, mure quēnarotiama.

²² Mure quēnarotigu, mani ujure ado bajiro mure sēnibosaja yu: “Ī rāca űarūgūña mu, mu bojasere ī yirūgūrotire yigu. To yicōari, ī rācanare quēne, quēnasere inare cōaña mu”, mure yisēnibosaja yu.

To cōro űaja.

Carta de San Pablo a TITO

Titore Pablo i quēnaroticōare queti

¹ ĆŃaboati mū, Tito? Yū űaja Pablo vāme cutigu adi quetire mure ucacōagū. Dios i bojasere yigu, Jesucristo i cōagū űaja yū. To i yigu űari, Dios i ejarēmose rāca i macare ajitirānūrāre butobusa ire ina ajitirānūrotire, to yicōari, “Dios i bojasere ina yirotire ajimasiato” yigu, gotimasiōrūgūaja. Tire ajimasicōari, i bojarore bajiro quēnaro yirūgūama ina. ² To bajiri, “Diore mani ajitirānūjama, rijacoaboarine, tudicaticōari, Diorāca quēnaro űacōa űarūgūarāja mani” masa ina yitūōlārotire yigu, Jesús i bajirere inare gotimasiōrūgūaja yū. Macarūcuro i rujeoroto rījorojane, “Ado bajiro yirūcaja”, yimasifūmi Dios: “Yure ajitirānūrā, rijacoaboarine, tudicaticōari, yū rāca quēnaro űacōa űarūgūarāma”, yimasifūmi Dios, socabecu űari. ³ “Ado cōrone ti quetire gājerāre gotimasiōrucūmi” i yiriare bajirone yure goticudirotiyumi Dios, ire mani cāmoticōa tūjaborotire manire yirētobosagu űari. ⁴ Mure yū gotimasiosere ajicōari, “Jesucristo yere ajitirānūaja”, yicaju mū. To yicōari, Jesucristo i bojarore bajiro mū yirūgūšere ĩacōari, “Jesucristore ajitirānūgū masu űaami”, mure yicacu űaja yū. To bajiri, “Mure maiaja” yigu, yū macare bajiro bajigu mū űajare, “macu” mure yaja yū. Mure quēnarotigu, mani jacu Diore, to yicōari, Jesucristo manire yirētobosar ire quēne, ado bajise mure sēnibosaja yū: “Quēnaro mūa rāca i űarotire yirā, ire ejarēmoűa”, mure yisēnibosaja yū.

Jesucristore ajitirānūrāre űmato űaronare Tito i besere queti

⁵ Creta vāme cuti yonare, Jesucristore ajitirānūrāre yū gotimasiojeobetire, “Mūja gotimasio gajanorūcaja”, mure yicaju yū. To yicōari, “Toju űarimacari cōrone Jesucristore ajitirānūrāre űmato űaronare besegusa” yū yicanare yure besebosaba”, mure yivadicaju yū. ⁶ To bajiri, ĩnare űmato űaronare mū beserotire yigu, mure gotiaja yū: Jesucristore ajitirānūrāre űmato űarocu, “Rojose yigu űaami” masa ina yibecu űarucūmi. Manajo cutigu, gajeore ajerio cutibecu űarucūmi. ĩ rīa quēne, Jesucristore ajitirānūrā űaruarāma. “Rojose yirā űaama”, to yicōari, “ĩna jacuare rācūbūomena űaama” masa ina yirā me űaruarāma. ⁷ Jesucristore ajitirānūrāre űmato űarā, Dios i bojasere yirā ina űajare, “Rojose yirā űaama”, ĩnare yibetiruarāma masa. ĩna rācana ĩna gotijama, ajiterā, guaro jūnisinimena, quēamena, idimecūmena, “Gājoa bujarāsa” yirā, gājerāre yitorā me űaruarāma. ⁸ Ado bajiroja bajirā űaruarāma: No bojase ina yiroto rījoro, quēnaro tūōlācōari yirā űaruarāma. To yicōari, ĩna ya vi ejarāre quēnaro yirā, no ĩna bojaro ĩna vacudijaquēne, masare ĩmaicōari, quēnaro ĩnare yivariquēnarā űaruarāma. To yicōari, Diore quēnaro yirūcūbuorā űaruarāma. Rojosere yiruarā űaboarine, tire yimena űaruarāma. ⁹ To bajiri socabetire Dios oca Cristo yere yū gotimasioatire ajitirānūriarā űari, quēnaro riojo ĩna gotimasiojare, butobusa Jesús yere ajitirānūarāma. “To bajiro me bajiaja” yirā quēne, “Riojo gotiama” yirā űari, ĩna gotimasiosere ajitirānūarāma. To bajiro gotimasiorāre Jesūre ajitirānūrāre űmato űaronare beserūcaja mū.

¹⁰ Tojare jājarā űacama, “Circuncisiōn yirere Dios i roticūmasirere yiroti űaja” yirā. To yicōari, socaserene masare ejarēmobetirene gotitorā űacama. To bajiro ina yijama, Dios i bojasere yirā me yicama. ¹¹ To bajise ĩna gotimasiosere, “To cōrone gotitūaja”, ĩnare yiya mū. “Gājoa bujarāsa” yirā, socasere gotimasio űarāma. Tire ajica yirā, cojo viana me, ajimavisarāma.

¹² “Rojose yama” yū yirore bajirone yiyumi Creta vāme cutiyoagu ĩna yū quēne: “Creta vāme cutiyoana socarā űaja mūa. Gājerāre rojose yirā, moamena, to yicōari, jairo barā űaja mūa”, yiyumi, ĩ yarāre. ¹³ To bajiro ĩ yijama, riojo gotigu yiyumi. To bajiri socarāne masare gotitorāre buto ĩnare gotiya mū, “Dios oca Jesús yejuare tūōlato ĩna” yigu. ¹⁴ Jud’io masa ĩna masune tūōlācōari socarāne ĩna gotisere, to yicōari ĩna rotisere quēne ajitūjacōari, “Dios ye riojo gotisejuare ajiato ĩna” yigu, ĩnare gotiya mū.^a ¹⁵ Quēnasere tūōlarāma, jediro ĩna yise rīne quēnase űacōaroja. Rojosere tūōlarārema, ĩna yise jediro rojose rīne űaroja. “Adi űaja quēnase. Tijua űaja rojose”, yimasimenama ĩna, rojose rīne tūōlarā űari. ¹⁶ ĩna űnama, “Diore masirā űaja yua” yirā űaboarine, rojosere Dios i ĩatesere yirūgūama. To bajiro yirā ĩna űajare, masa ĩna ĩvariquēnaboajaquēne, “Yū bojasere yibeama”, ĩnare yīagūmi Dios.

2

“Ado bajiroja űaroti űaja manire” ĩnare yigotiya” yigu, Titore Pablo i ucacōare queti

^a 1:14 1 Ti 1:4; 4:7; 6:20; 2 Ti 2:16.

¹ Mɔjɔama, Dios ocare buecɔari, riojo ɔnare gotimasioɔna, “Dios ɔ bojarore bajiro yirɔ ɔnato” yigu. ² Ado bajiro bucurɔre ɔnare gotimasioɔna: “Rojosere yiruaboarine, tire yimena ɔna. ‘Quɛnase yirɔ ɔnaama’ masa ɔna yɔlɔrɔcɔbuorɔ ɔna. Quɛnaro tuoɔɔɔɔari, quɛnase rɔne yiya. Gɔjɔrɔre ɔmaicɔari, ɔnare ejarɛmoɔna. Cristo yere ajirɔ ɔnari, tire ajitirɔnu tɔjabesa”, ɔnare yigotimasioɔna mu.

³⁻⁴ Bucurɔ rɔmirire quɛne, ado bajiro ɔnare gotimasioɔna mu: “Diore ajitirɔnurɔ ɔnari, quɛnaro yirɔ ɔna. Gɔjɔrɔre socasere ɔnare gɔjabesa. ɔdimecumenane ɔna”, ɔnare yigotiya. “Quɛnase rɔne yirɔ ɔnari, mamarɔ rɔmiri mame manajua cutirɔre, ‘Maa manajua mu rɔre quɛne ɔnare ɔmaicɔari’ ɔnare yigotiya mu”, ɔnare yiya. ⁵ “Quɛnaro tuoɔɔɔari, quɛnase rɔne yiya. Maa ye moare quɛnaro moaɔna. Maa rɔcanare quɛnaro yiya. Maa manajua ajirɔcɔbuoya. ‘Tire yimenane, rojosejua mani yijama, Jesɔs ocare ajirɔma, ‘ɔ To bajise yirɔ ɔnaɔjuarique?’”, manire yiroma’ yirɔ, mamarɔ rɔmirire ɔnare gotiya mu”, ɔnare yiya, bucurɔ rɔmirire.

⁶ Mamarɔ ɔmuare quɛne, “Quɛnaro tuoɔɔɔari, quɛnase rɔne yiya”, yigotiya mu. ⁷ Mu quɛne quɛnase rɔne yiya mu. To bajiro mu yisere ɔcɔari, “ɔre bajiro yiroti ɔna manire quɛne”, yiruara. Dios ocare mu gotijama, “Masa yere ɔvariquɛnɔcɔari rɔcɔbuoato” yigu me, rɔcɔbuose rɔca quɛnaro Dios ocare ɔnare gotiya. ⁸ Mure yu gotimasioɔnare bajiro riojo ɔnare gotimasioɔna, “Tire ajicɔari, ‘Socɔ yami’ yiroma” yigu. To bajiro mu yijama, manire ɔaterimasa, riojo mu gotijare, tire ajicɔari, bojoneraara.

⁹ ɔna ɔjarɔre moabosarimase Jesucristore ajitirɔnurɔ quɛne ado bajiro ɔnare gotiya: “Maa ɔjarɔre quɛnaro ɔnare cɔdirɔgɔna, ‘Mani moasere ɔcɔari variquɛnato ɔna’ yirɔ. ¹⁰ To yicɔari, maa ɔjarɔ yere juarudibesa. Tire ɔcɔari, ‘Dios ocare ajitirɔnurɔ ɔnaama ɔna’ muare yiruara. To bajiri, rojose mani tamuotɔjabetiro tire manire yirɔtobosagu yere ‘Quɛnaro rɔcɔbuoato ɔna’ yigu, quɛnaro moaɔna”, ɔnare yiya, ɔjarɔre moabosarimase, Jesucristore ajitirɔnurɔre.

¹¹ “Jesucristore ajitirɔnurɔ rojose mani yise vasa rojose mani tamuotɔjabetiro tire manire yirɔtobosagure Dios ɔ cɔare ti ɔnare, quɛnase rɔne yirɔ ɔna mu”, ɔnare yiya mu. ¹² Ado bajiro Dios quɛnaro manire ɔ yirɔgɔse ɔnare, “Quɛnaro yirɔ ɔna mu”, ɔnare yiya mu: Adigodo mani catiro cɔro ɔ ɔtesere, ɔre ajimena ɔna yirore bajiro mani yiruajama, “Quɛnasejua tuoɔɔɔari, yu bojarore bajiro quɛnase rɔne yato” yigu, manire ejarɛmoami Dios. ¹³ Jesucristo adigodojare tudiejaɔari, quɛnaro manire ɔ yiro tire tuoɔɔɔari ɔnari, quɛnasere yirɔgɔroti ɔna. “Quɛnarɛtogɔ, ɔna yu” Dios ɔ yɔse rɔca tudiejaracumi. ɔ naami masirɛtogɔ, rojose mani yisere Dios ɔ masirɔse vasa, manire vasa yibosar’i. ¹⁴ ɔre ajitirɔnurɔ, “‘Nie rojose mana ɔnaama’ manire yɔlato Dios” yigu, manire rijabosayumi Jesucristo. To bajicɔari, “Rojose yiruaboarine, yibeticɔari, quɛnasejua yato” yigu, manire rijabosayumi.

¹⁵ To bajiri, mure yu gotirotisere quɛnaro ɔnare gotimasiorɔgɔna mu. “Tire quɛnaro maa ajisere bojaja yu”, ɔnare yigotiya. Mu gotisere ɔna ajibetijama, Cristore ɔagɔbosagu ɔnari, ɔjare bajiro bojonebecune gotiya mu.

3

“Jesure ajitirɔnurɔma, ado bajirojua ɔnaro ɔna”, Pablo ɔ yire

¹ Gaje vame ado bajiro ɔnare gotiya mu, “Masiritiroma” yigu: “Gobierno, to yicɔari muare ɔmato ɔnarɔ ɔna rotisere, quɛnaro ɔnare ajirɔcɔbuoya. To yicɔari, gɔjɔrɔre quɛne quɛnaro yirɔgɔna mu. ² Gɔjɔrɔre socarɔne rojose ɔnare ɔagɔbesa. Quɛnase rɔne yirɔ ɔna. Rojose muare ɔna yiboajaquene, ɔnare ɔmaicɔari, quɛnaro ɔnare ejarɛmoɔna. ɔnare ajirɔcɔbuoɔari, quɛnaro ɔnare yiya mu”, ɔnare yigotiya mu, Jesucristore ajitirɔnurɔre.

³ Ado bajiro Dios quɛnaro manire ɔ yise ɔnare, gɔjɔrɔre quɛnaro yirɔgɔroti ɔna manire: Mani quɛne, Cristore ajitirɔnurɔmena ɔnari, tuoɔamasimena ɔnariara ɔna. Diore cɔdimena, socasejua ajitirɔnurɔriara ɔna. To yicɔari, rojose mani yivariquɛnasere rɔgɔmena ɔnariara ɔna. Gɔjɔrɔ ɔna cɔosere uorɔ ɔnariara ɔna. “Teose yirɔ ɔnaama” manire ɔna yijare, ɔnare quɛne, “Teose yirɔ ɔnaama”, ɔnare yigamejairɔ ɔnariara ɔna. ⁴⁻⁶ To bajiro rojose yirɔ ɔna ɔnare quɛne, “To cɔrone ɔnare ɔmaicɔari, quɛnaro ɔnare yirɔcɔja yu” Dios ɔ yirɔrore bajirone Jesucristore cɔaɔumi, “Rojose ɔna yise vasa rojose ɔna tamuoborotire ɔnare yirɔtobosaya” yigu. ɔre mani ajitirɔnurɔro rɔjoro, quɛnasere mani yibetiboajaquene, ɔre cɔaɔumi. ɔna, manire ɔmaicɔari, “Quɛnaro ɔnare yirɔcɔja” yir’i ɔnari, yiyumi. To bajiro ɔ yire ɔnare, “Rojose mani tamuoborotire manire yirɔtobosayumi” mani yituoɔare, Espiritu Santore manire cɔaɔumi Jesɔs, manire ejarɛmorocure. To bajiro ɔ yijare, Espiritu Santo rɔca ɔnarɔ ɔnari, “Nie rojose mana ɔnaama” Dios ɔ yɔlɔrɔ ɔnasoyuja. To bajicɔari, rojosere yiruaboarine, tire yibetisoyuja mani. ⁷ “Nie rojose mana ɔnaama” Dios ɔ yɔlɔrɔ ɔnari, mani rijato bero tudicaticɔari, tudirijayamanire mani bujarotire, “Tuoɔvariquɛna ɔnaraara” yigu, to bajiro yiyumi Dios.

⁸ Dios yere socabetire mure goticōaja yu. Dios ye socabeti ti ñajare, quēnaro Dios i yirere tuoīarāre inare mu gotimasiosere bojaja yu. “Quēnase rīne yiñato ina” yigu, tire mure gotimasioroticōaja yu. No bojarā tire ajitirānūrārema ejarēmorwaroja. ⁹ Socase ina yise ūni suorine gāmerā oca josabesa. Ina ñicua ina bajimasirere ina masise suorine gāmerā oca josabesa. Moisés ñamasir'i i roticūmasirere ajimasibeticōari, ti suorine gāmerā oca mavisabesa. Tima, masare no bajiro yiejarēmobetaja.

¹⁰ Sigū mua vatoaju, Jesucristo ocare ajitirānūrāre ricatine i gotimavisio ñajama, “Tire yibeticōaña”, ire yigotiba mu. To bajiro ire mu yigotiboajaquēne, i ajibetijama, quēna ire gotirēmoma. Ire mu tudigotiboajaquēne, i ajibeti manicōajama, ire cāmotadicōama. ¹¹ I masune, “Rojosere yigu yaja yu” yimasiboarine, butobusa rojose i yicōa ñajama, ti suorine rojose ire yirucami Dios. To bajiri, rojose yijaigure masigū ñari, ire cāmotadiba.

Tito i bairotire Pablo i goticōare queti

¹² Artemas vāme cutigure mu taju ire cōarucuja yu. Ire yu cōabetijama, T'iquico vāme cutigujuare ire cōarucuja. I ejaro ĩacōari, to i ñaro ūnone mu bajitūmaro cōro yure ĩagū varucuja mu, Nicópolis vāme cuti macaju. “Ti macaju juebucu rētorucuja”, yibu yu. ¹³ Apolos, to yicōari masare rotisere gotimasiorimasu Zenas vāme cutigu mu taju ejaruarāma. Mu ta eja, ñarūgūboa ina vato, mu ejarēmoro cōro inare yirēmoma, “Quēnaro vajaro” yigu. ¹⁴ Mua tuana quēne, Jesucristore ajitirānūrā ñari, gājerā ina bojase ti ruajajama, inare ina ejarēmojama, quēnaja. Ti ñaja quēnaro ñarema. Gājerāre mani ejarēmobetijama, ñie vaja maja.

¹⁵ Mure quēnarotiaja yua jediro. Mu rācana quēne, Jesucristore ajitirānūrā, yuare mairā quēnato. Diore sēnirā, “Quēnasere inare cōaña”, muare yisēnibosaja yua.

To cōro ñaja.

Carta de San Pablo a FILEMÓN

Filemón vāme cutigure, Pablo, Timoteo rāca īna quēnarotire

¹⁻³ ¿Naboati yua baba Filemón vāme cutigu? Mū űaja quēnaro yua maigū, yuare bajiro moagū. Mani maigō, Apia vāme cutigure, to yicōari, yuare bajiro moagū, Arquipo vāme cutigure quēne adi queti muare ucaja yua. Cristore ajitirānucōari, mū ya viju rējarūgūrā jedirore adi queti muare ucaja yua. Muare quēnarotirā, mani jacu Diore, to yicōari, mani űju Jesucristore quēne, ado bajise muare sēnibosaja yua: “Quēnaro mūa rāca īna űarotire yirā, īnare ejarēmoña”, muare yisēnibosaja yua. Yu Pablo, mani maigū, Timoteo rāca adi papera rāca muare queti ucaja yua. Masare Jesucristo ocare gotimasioḡ űari, adoju tubibe ecoaja yu.

Filemón Cristore ī ajitirānure queti

⁴⁻⁵ Mani űju Jesucristore, to yicōari Dios yarāre quēne quēnaro mū maisere yure gotirūḡūma masa. “Jesucristore quēnaro ajitirānucōa űaami. To bajicōari, Dios yarā jedirore īmaicōari, quēnaro yami” mure īna yisere ajivariquēnaja yu. To bajiri, tocārācaine Diore sēnigū, “Filemōnre quēnaro yiyuja mū”, īre yisēnirūḡūaja yu. ⁶ Mū quēne, yure bajiro Jesucristore ajitirānugū űari, űajediro quēnaro Dios manire ī yisere mū ajimasiotire yigu, mure sēnibosarūḡūaja. ⁷ “Īnare īmaicōari, quēnaro mū yijare, variquēnama Jesūre ajitirānūrā” īna yisere ajicōari, buto variquēnarūḡūaja yu quēne.

“Onésimo vāme cutigure quēnaro bocaāmiña”, Pablo ī yire

⁸⁻⁹ Dios yarāre quēnaro yirūḡūḡ mū űajare, yure quēne quēnaro mū yirore sēnigū yaja yu. Cristo ī cōacacu űari, mū yirūabetire rotimasirocu űaboarine, Dios yarāre quēnaro mū maisere masicōari, “Yure quēne maicōari, yu sēniore bajiro cudirucumi” yigu, mure sēnija yu. Yu űaja bucu Pablo. To yicōari, Cristo ī bajirere yu gotimasiose suori adoju tubibe ecoaja yu. ¹⁰ Ado bajiro mure sēnija yu: Quēnaro ajiya, Filemón. Onésimo mure moabosarimasu űaboarīre, yu macure bajiro bajigure sēnibosagu yaja. Adoju tubiberiavi űagū, Cristo ī bajirere yu gotimasiocati suorine Jesucristore ajitirānucumi.

¹¹ Tirāmuju mure moabosarimasu űaboarine quēnaro mure moabosabesumi. Yucurema quēnaro ejarēmogū űaami. To bajiri, mure quēne quēnaro ejarēmorucumi. ¹² Mū taju īre varotiaja yu. Ī űaami buto yu maigū. To bajiri, quēnaro īre bocaāmiña. ¹³ Bajigujuma, yu rāca ī űasere bojaboaja yu, “Tubiberiaviju yu űaro yure ejarēmoato” yigu. To bajiro ī bajijama, sōju űacōari, yure mū ejarēmomasibetijare, mure ī moabosaroti űnirene, yujuare ejarēmocōa űabogumi. ¹⁴ To bajiboarine, “Pablo taju ī tujasere bojaja yu quēne” mū yiroto rījoro, “Adoju tujaja Onésimo”, yirūabeaja yu. To bajiri, īre bojagu űaboarine, mū taju īre varotiaja yu. Mū taju ī tudiejasere īacōari, “Pablore ejarēmorocu űaja mū” īre mū yijama, quēnaroja. ¹⁵ Mure rudiadicoari, yoaro me adoju ī űarotire bojarimi Dios, mū taju tudiejacōari, quēnaro ī űacōa űarotire yigu. “Yucurema Jesucristore ajitirānugū űari, ī rijato beroju ī catirotire Dios ī īsir'i űari, ō vecaju quēne mū rāca quēnaro űacōa űarūḡūrucumi” yigu yaja yu. ¹⁶ Mū taju ī tudiejaro, “Yu moarimasu tudiejaami” īre yigu me, īre īmairucuja mū. “Jesucristore ajitirānugū űari, yu maigū, yu bedire bajiro bajigu űaami” yituoīagū, īre īmaima. To bajiri īre yu mairo rētoro mūja, īre mairucuja mū.

¹⁷ To bajiri, mū taju īre tuoīagū yaja yu. “Pablo quēne, yure bajiro Jesucristore ajitirānugū űagūmi” mū yituoīajama, yurene bocaāmigūre bajiro Onésimore bocaāmima. ¹⁸ Tirāmuju rojose yir'i ī űajama, to yicōari, no bojase mure vaja mor'i ī űajama, yujuare vaja sēniña. Īre vaja yibosaru yaja yu. ¹⁹ Yu masune adire ucaja yu: “Onésimo mure ī vaja more ti űajama, īre vaja yibosarucuja”, yiuucaja yu. To bajiro yu yiboajaquēne, ado bajise tuoīagūja mū: “Pablo ī gotimasiocati suorine Jesucristore yu ajitirānucocati űajare, yu rijato beroju yu catirotire Dios ī īsir'i űaja yu. To bajiri ī gotimasiove vaja yure ī sēnijama, īre vaja yijeomasibecuja”, yituoīagūja mū. ²⁰ To bajiri, Onésimo rojose mure ī yirere masiriocōari, īre quēnaro mū bocaāmijama, “Mani űju ī bojarore bajiro yiyumi” mure yimasicōari, buto variquēnarucuja yu.

²¹ “Quēnaro īre bocaāmiña” yu yiro rētoro quēnaro īre yirucumi” mure yituoīacōari, adi papera yu ucace rāca mure sēnija yu. ²² Gajeye ado bajise mure yaja yu: Mū taju yu cānrotisōa yure quēnoyubosaya. “Diore yure mūa sēnibosarūḡūore bajirore yoaro mene adoju tubiberiavire budirucuja”, yituoīaja yu. To bajicōari, muare īagū varuaja yu.

Pablo, ī rācana quēne īna quēnarotire queti

²³ Mani maigã, Epafraș mure quēnarotiami. Ī quēne, Jesucristo ī bojasere yigũ ñari, adoju tubiberiaviju yũ rãca ñaami. ²⁴ Gãjerã, yũ rãca moarã, Marcos, Aristarco, Demas, Lucas quēne, mure quēnarotiamã ĩna quēne.

²⁵ Mani uju Jesucristo, quēnase muare cōarũgũato.
To cōro ñaja.

Carta a los HEBREOS

Î macu suorine î ocare Dios î gotimasiore queti

¹ Tirâmujă cojoji me mani ñicuare Hebreo masare ñnare gotimasioñuju Dios. Îre gotirêtososariară suorine ñnare gotimasiñuju î. Îna gotise rî me ñnare yimasiosasiñuju. Gajeye quêne, ricati ñnare î yiroticôamasire răca ñnare yimasiosasiñujară. To bajiri, “To bajiro tuoîagă ñagămi”, yimasifiujară îna, mani ñicua. ² To bajiri yucărirema, Dios î macăre manire î căjare, quênaro Diore masiaja mani. Macarucuro, ô vecaye ñajediro î macu suorine tire rujeomasifiuju Dios. Î macăne ñaami, “Jediro macarucuroayere suorucuja mu” î yimasirî. ³ Dios macăre ajitirănură îre masiră ñari, “Rêtoro ñamasugă ñagămi Dios”, yimasiaja mani. Diore masiră ñarăma î macăre masiră. Î macăre quênaro masicôari, “Î jacăre bajirone bajigu ñagămi”, yimasiaja mani. Î macăne ñaami, “Adi macarucuroaye bajimuorăgôato” yirotimasirî. Îne ñaami, Diore ajitirănură rojose mani yise vaja manire rijabosacôari, Diorăca ñajedirore rotigu.*

“Ângel mesa rêtoro ñamasugă ñaami Dios macu”, yire queti

⁴ To bajiri adirămuri Diorăca rotigu ñari, Diore moabosară ângel mesare rêtoro ñamasugă ñaami Dios macu. ⁵ Î sîgăne ñamasugă î ñajare, ado bajise îre yiyumi Dios: “Adirămune yu macu ñari, yare bajiro rotisucucuja mu”, îre yimasifiuju Dios. Ângel mesarema, to bajiro ñnare yibesumi Dios. Găjerăre quêne, ti ûnire yibecăne î macu sîgărene tuoîagă, ado bajiro yiyumi Dios:

“Î jacă ñaja yu. To bajiri yu macu ñaami”, îre yiyumi.

⁶ Î macu ñamasugăre, adi macarucurojare îre căagă, ado bajise îre yiyumi:

“Ângel mesa quêne mure rucăbuo jedicăararăma îna”, yiyumi Dios.

⁷ Îre moabosarimasa ângel mesare yigu, ado bajiro yiyumi Dios:

“Ângel mesare yu rotijama, yoaro me mino ti vėatuvasere bajiro yoaro mene yare cădirăarăma. To yicări, jea ũjuse guaro ti ũjũñiire bajiro yare moabosararăma îna”, yiyumi Dios, ângel mesa îre îna moabosarotire yigu.

⁸ Î macu ñamasugăre yigu, ado bajirojna yiyumi Dios:

“Yu macu ñari, Dios ñaja mu. Mu rotise jedibetirăaroja. Masare mu rotijama, yu bojarore bajirone quênaro rotirucuja mu.

⁹ Yu bojarore bajiro quênaro yigu, rojosejarema yibetirucuja’ yituoărũgăcaju mu. To bajiro yicacu mu ñajare, ‘Găjeră rêtoro ñamasugă ñaja’ mure yaja yu. To bajiro mure yu yijare, buto variquênaja mu”, yiyumi Dios, î macăre.

¹⁰ Quêna gajeye ado bajise yiyumi Dios, î macăre yigu:

“Rêmojune adi macarucurore rujeomasicaju mu.

¹¹ Mu rujeomasicati jedirone ti jedicăoabajaquêne, mujama, ñacăa ñarũgũrosu ñaja mu, Dios ñari.

¹² Sudi îna sãñasosere vejecăari, gajeye quênase îna vasoasãñarore bajiro, adi macarucuro ñase ti jedirore quêna gajeye vasoarucuja mu. Muma, rijabetirosu ñari, mune ñacăa ñarũgũrucuja mu”, î macăre yiyumi Dios.

¹³ Quêna, î macu sîgărene ado bajise yirucăbuoyumi Dios:

“Rucăbuorijare rujiya maji. Mure îaterăre, ‘Rojose yitajaya’ ñnare yu yiro bero, rojose yimasibetirăarăma. To cōrone rotisucucuja mu”, yirucăbuoyumi Dios, î macăre.

Ângel mesarema, to bajiro yibetimasifiuju Dios. ¹⁴ Ângel mesama, ruyumena îre moabosară î căară ñarăma. To bajiri, Diore ajitirănură ô vecaju quênaro î răca ñaronare ejarêmoră ñarăma ângel mesa.

2

“Î macu suorine quênaro manire Dios î yirotire ajitirănu tujabetiroti ñaja”, yire queti

¹ Dios macu ñamasugă î ñajare, î ocare butobusa ajitirănuto mani, tire mani ajitirănu tujajama, “Quênaro manire Dios î yirotire masiriticôari, rojose yirobe” yiră. ² Tirâmujă ângel mesa suorine, Dios î rotimasire Moisere ejamasifiuju ti. Tire, “Dios ye masu ñaifiuja”, yimasiaja mani. Tire cădibetimasiriară ñaboarine, rojose Dios î yirotire masicôari, bojabetimasifiujară. To bajiro bajiră ñaboarine, rojose tãmuo jedicăomasifiujară îna. ³⁻⁴ To bajiri Dios

* 1:3 Jn 1.1-3.

ĩ yirere masiboarine, ĩ rotimasire rētoro quēnasere mani ajitirānu tujajama, “No bajirojua yicōari rojose manire yibeticōato Dios”, yimasibetiruarāja. Rēmojane mani uju Jesús ñañuju, adirodori Dios ĩ yarāre quēnaro ĩ yirotire gotisuar’i. ĩre ajiriarā, ti ocare manire gotirētocama ĩna. To yicōari, Dios suorine jairo ñañāmanire manire yīlocama. To yicōari, Dios ĩ bojarore bajiro ĩna yimasirotire yigu, tocārācarene ricati rīne ĩ masisere ĩnare ujoyumi Espiritu Santo. To ĩ yijare, manire quēnaro gotimasiocama ĩna. To bajiri, “Cristo oca socase mene bajiaja ti”, yimasicoacaju mani quēne.

Jesucristo manire bajigu ĩ ñare queti

⁵ Diore moabosarā, ángel mesarema, “Adi macarucuro jedirore rotiruarāja mua”, ĩnare yibesuju Dios. ⁶ Masajuarema, “Adi macarucurore rotiruarāja mua”, ĩnare yimasifuju. Sīgū, Diore ĩ sēnirere ucagu, ado bajise ucamasifumi:

“Dios, ¿no yigu ñamasurā me yua ñaboajaquēne, yuare masiritibea ti mu?”

⁷ ‘Ángel mesare bajiro bajibeticōato’ yigu, ‘Ñamasurā me ñaruarāma’, yuare yiyuja mu. To bajiro yuare yicūr’i ñaboarine, ‘Ñamasurā ñato’ yuare yicūñuja mu quēna.

⁸ “Adi macarucuro ñase jediro mu cūre rotimasiato’ yigu, yuare cūñuja mu”, yīucamasifuju sīgū, Diore sēnigū.

“Noajuane masare cudimena maniruarāma” Dios ĩ yire ti ñaboajaquēne, ñajediro manire cudijedibeama maji. ⁹ To bajiboarine, sīgū adi macarucuroaye jediro rotimasigūre masiaja mani, Jesús vāme cutigure. ĩ bajirere ado bajiro masiaja mani: Ángel mesa rētoro ñamasugū ĩ ñaboajaquēne, “Yoaro meaca ñamasugū mere bajiro bajirucumi” yigu, adigodojare ĩre cōañumi Dios. To bajiro ĩ yicōar’i ñari, manire rijabosayumi Jesús. Rojose tāmucōari, ĩ rijabosare ñajare, “Jediro uju ñamasugū ñarucumi”, ĩre yiyumi Dios.

¹⁰ Adi macarucuro ñase jediro Dios ĩ rujeore ñaja. Quēnaro ĩ rotimasijare, adi macarucuro bajise jediro bajiñarūgūaja. Jediro Jesucristo suorine, “Yu yarā ñaama” Dios ĩ yīarā, “Yu tujū ejamasiruarāma”, ĩnare yiyumi Dios. To bajiro yigu ñari, “Rojose ĩna tāmuborotire yirētobosaaya” yigu, ĩ macure cōañumi Dios. To bajiro ĩ yiroticōajare, rojose tāmucōari, manire rijabosayumi Jesucristo. ¹¹ To bajiri, Jesurāca ñarā ñari, sīgū rīare bajiro bajirā ñaja mani. Mani quēne, Dios rīa mani ñajare, bojonebecune, “Yu bederā ñaama”, manire yigumi Jesús. ¹² To bajirone gotiaja Dios ocare masa ĩna ucamasire:

“Mu bajisere yu bederāre ĩnare gotirucuja yu. ĩna rāca rējacōari, mare variquenārā, basaruarāja yua”, yigotiaja.

¹³ Quēna gajeye ado bajise gotiaja, Jesús Diore ĩ yirotire yiro:

“‘Yuare ejarēmorum’ Diore ĩre yituoīaja yu”, yigotiaja.

Quēna gajeye, ado bajiro gotiaja:

“‘Yu rīare bajiro bajirā ñaama’ Dios ĩ yicana rāca adoju ñaja yu”, yigotiaja, Jesús ĩ yirotire yiro.

¹⁴ Mani, Dios rīa, sīgūre bajirone ruja cuti, rī’i cuti bajaiaja mani. To bajiri, Jesús quēne, Dios macu ñaboarine, manire bajirone ruja cuticōari, manire rijabosayumi. To bajiro ĩ bajijama, ĩ rijabosase suorine rojose tāmucotujabetiraroju masare vāti ĩ varotiboasere tire tegu bajiyumi. ¹⁵ Adi macarucuro ñarā rojose yirā ñari, bajireacōari bero, “Rojose yiecoruarāja” mani yituoīagūiborere “To cōrone gūitajato ĩna” yigu, manire rijabosayumi. ¹⁶ To bajiri, “Ángel mesare ejarēmogū bajiyumi Jesús”, yibeaja mani. Ado bajirojua yimasiaja mani: “Diore Abraham ñamasir’i ĩ tuoīariore bajiro tuoīarājuare manire ejarēmogū bajiyumi”, yaja mani. ¹⁷ To bajiri manire bajiro ruja cuticōari rojose tāmucōñumi Jesús. Adi macarucuro ñagū paia uju ĩ ñagōbosaro rētoro ĩ jacu ĩ ñaroju ĩ rijabosariarāre “Ñagōbosagusa” yigu bajiyumi Jesús. Dios ĩ ĩajama, masa ĩna bajisere quēnaro gotirētobosagu, to yicōari masa rojose tāmucōrāre ĩnare ĩmaigū ñañumi. ĩne ñañumi masa rojose ĩna yise vajare “ĩnare masirioato Dios” yigu, rojose tāmucōari, ĩnare yirētobosar’i. ¹⁸ Cojojirema Dios ĩ bojarore bajiro ĩ yise, buto josarūgūñuju ti, Cristore. To bajiri rojose tāmucōñuju ĩ. To bajirone bajaiaja manire quēne. Manire bajiro bajir’i ñari, Diore mani cudiroti ti josajama, manire ejarēmomasiami Jesús, “Yuare bajiro ĩna quēne, Dios ĩ bojasere yato” yigu.

3

“Moisés rētoro ñamasugū ñagūmi Jesús”, yire queti

¹ To bajiri, “Jesús manire ejarēmogū ñaami”, yimasiaja mani. Manijua, “Dios ĩ ejarēmose rāca Cristore ĩre ajitirānuroti ñaja” yimasicōari, ĩre cudirā ñaja mani. “Yu yarā ñato” Dios ĩ yiriarā ñaja. Jesujua ñagūmi, “Masare quēnaro yu yirotire gotiba” Dios ĩ yicōar’i. To bajicōari, tirāmaju paia ujarā ĩna yisuoadimasire ũnire yigu, Cristo quēne rojose mani yisere “Masirioato Dios” yigu, manire sēnibosagu ñagūmi. To bajiri, “Ñamasugū ñagūmi Jesús”, yituoīato mani. ² Adi macarucurojare ñagū Dios ĩ rotiore bajirone yigu, Dios

yarã masare quẽnaro ejarẽmoñumi Jesús. To bajirone yimasifñuju Moisés ñamasir'i quẽne. Dios i rotirore bajirone yigu, Dios yarãre quẽnaro ejarẽmomasifñuju. ³⁻⁴ Quẽnaro ñare ejarẽmomasir'i ñaboarine, “Rojose mana ñaama’ Dios i yĩarã ñato”, yimasibetimasifñuju. Jesũjuma, “Rojose mana ñaama’ Dios i yĩarã ñato”, yimasigũ ñaami. To bajiro yigu i ñajare, Moisés ñamasir'i rẽtoro Cristore rãcũbuoroti ñaja. ⁵ Moisés ñamasir'ijuma, Dios moarimasare bajiro bajimasifñuju. To bajicõari, Dios i yiroitore bajirone cudigu, Diore ajitirũnarẽ quẽnaro ejarẽmogũ ñamasifñuju. To bajiro i yimasirere tuoĩacõari, “Cristo suori Dios manire quẽnaro i yiroitre gotimasioğã yimasifñumi Moisés”, yimasiaja mani. ⁶ Cristojuma, Dios moarimasare bajiro me bajiyuju. I ñaami Dios macu, i rotirore bajirone yigu. To bajicõari, Dios yarã uju ñaami Cristo. “Cristo suori quẽnaro Dios i yiroitre yiecoruarãja mani” mani tuoĩatujabetijama, i yarã ñacõa ñarũğũuarãja.

“Diore ajitirũnu tujabesa mua”, yire queti

⁷ To bajiri Dios yarã ñari, Cristore ajitirũnu tujabeticõato mani. Dios ocare masa ña ucamasire Dios yarãre gotigu, ado bajiro yimasifñumi Esp'iritu Santo:

“Yucane muare yu gotisere mua ajijama, yu yiroitore bajiro cudiya.

⁸⁻⁹ ‘Mure ajitirũnumenaja yua’ yibesa. Mua ñicua yure jũnisinicõari, ña cudibetimasicature bajiro bajibesa mua. Mua ñicua, masa manojũ ña ñacudiro, juarã masa cõro ñaricũmari lafañamanire ñare yĩlorũğũboacaju yu. To yu yiboajaquẽne, yure ajirũcũbomena ñari, ado bajise yirũğũcama ña: ‘Mani bojaseja mani yijama, ño bajise manire yirojari Dios?’ yirũğũcama ña.

¹⁰ To bajiro ña yisere jũnisinicõari, ado bajise ñare yicaju yu: ‘Yure ajiterũğũja mua. To bajiri, “Ado bajiro tuoĩagũ ñagũmi”, yure yimasibeaja mua’, ñare yicaju yu.

¹¹ Quẽna gajeye ñare goticaju yu: ‘Riojo muare gotiaja yu. Yu rãca quẽnaro mua ñasere bojaboacaju yu. To bajiboarine cojoi me muajua yure mua ajibetijare, yu rãca quẽnaro ñabetiruarãma’ yicõacaju yu”, yigotimasifñumi Dios i cõagũ Esp'iritu Santo.

¹² To bajiri mani ñicua Diore ña ajitirũnu tujamasiriarore bajiro bajibesa yu yarã mua. Sigũ mani yu, “Dios ocare socase ñaja” i yisere ajicõari, quẽnaro ñe gotimasioña, “Masirẽtogũ Dios yere ajitirũnu tujaromi” yirã. ¹³ Dios ocare gãmerã gotivariquẽnaña mua. “Maji busiyu gãmerã gotiroti ñaroja”, yituoĩabesa, mua rãcana sigũri vãti i rotisejare cudicõari, “ ‘Dios oca socase ñaja’ yuroma” yirã. To bajiri tocãrãcãmune gãmerã goticõa ñarũğũroti ñaja muare, “Tire ajitirũnu tujabeticõato” yirã. ¹⁴ Tirãmujũ, Cristore ñe mani ajitirũnuocatore bajirone ñe ajitirũnucõa ñaroti ñaja manire. To bajiro mani bajicõa ñajama, mani bajirearo beroju õ vecaju Cristo rãca quẽnaro ñacõa ñarũğũuarãja mani.

¹⁵ Tire muare yu gotirore bajirone gotiaja Dios ocare masa ña ucamasire:

“Yucane muare yu gotisere mua ajijama, yu yiroitore bajiro cudiya. ‘Mure ajitirũnumenaja yua’ yibesa. Mua ñicua yure jũnisinicõari, ña cudibetimasicature bajiro bajibesa mua”, yigotiaja Dios ocare masa ña ucamasire.

¹⁶ Mani ñicua ña bajimasirere tuoĩaña mua quẽna: ĸÑimarã ñañujari Dios i masune i gotisere ajirã ñaboarine, cudibetiriarã? Egipto sitaju ñarãre, Moisés i ùmato variarãne bajiyuma. ¹⁷⁻¹⁸ Juarã masa cõro ñaricũmari, Diore ña cudibetijare, buto jũnisinifñuju Dios. ñare jũnisinicõari, ado bajiro ñare yimasifñuju Dios: “Riojo muare gotiaja yu. Quẽnari sitare muare yu ujoũaboacatore ejabetiruarãja mua”, ñare yimasifñuju Dios. To bajiro i yire ñajare, ti sitaju ejamenane, masa manojũ ña ñacudimasiriarojũne bajireacoamasifñujarã ña. ¹⁹ Tire ajicõari, “Diore ajirũcũbobetiriarã ñari, ti sitajure ejabesuma”, yimasiaja mani.

4

¹ To bajiri mani ñicua ña bajiriarore bajiro bajibeticõato mani. “Yu yarã, yu rãca quẽnaro ña ñasere bojaja yu” ñare Dios i yiriarore bajirone yami, manire quẽne. To bajiri, quẽnaro gãmerã ejarẽmoto mani, “Mani jedirone, Diorãca quẽnaro ñacõa ñarũğũrãsa” yirã. ² ñare Dios i yimasiboariarore bajiro manire quẽne quẽnaro i yiroitre ajicaju mani. Mani ñicuañuma, Dios ocare ajirã ñaboarine, ñare i gotiriarore bajiro ña bajibetijare, “Toju ñaruarãja” i yimasiboariarore ejabetimasifñujarã. ³ Manijuma, Diore ñe ajitirũnu tujabeticõato mani. ñe ajitirũnurã rĩne ñarãma quẽnaro i rãca ñarona. To bajiro ti bajijare, ado bajise ñare gotimasifñuju Dios, mani ñicua:

“Riojo muare gotiaja yu. Muare buto jũnisinicõari, yu rãca quẽnaro ñabetiruarãja mua”, ñare yimasifñuju Dios, ñe ajitirũnubetiriarãre.

To bajiboarine adi macarũcuro rujeogujũne, “Masa yu beserã rãca quẽnaro ñarucujã yu”, yituoĩacõamasifñuju Dios. ⁴ To bajiro i yimasirere masiaja mani, Dios ocare masa ña ucamasire ado bajise ti gotijare:

“Adi macarũcuro ñase jedirore rujeojeocõari, cojomo cõro, gaje ãmo, juã jẽnituarirũmure quẽnaro ñacõamasifñuju Dios”, yigotiaja Dios ocare masa ña ucamasire.

⁵ To bajiri, “Yu ñarore bajirone quēnaro yu rāca ñaruarāma” i yiboarere ña ajitejare, ado bajiro ñare yimasifiñu Dios:

“iYu rāca quēnaro ñabetiruarāja maa”, yimasifiñu.

⁶ “Yu rāca quēnaro ñato ña” yigu, Dios i yimasirere ajiriarā ñaboarine, i rāca quēnaro ñabetimasifiñu ña. To bajiboarine, masa rāca quēnaro i ñarotire bojacōa ñaami Dios. ⁷ To bajiri mani ñicua ñamasiriarā i gotirere ajitemasiriarā bero yoatoju David ñamasir'i Diore ajicōari, ado bajiro ucamasifiñu:

“Yucane mware yu gotisere maa ajijama, yu yirotirote bajiro cudiya. ‘Mure ajitirānumenaja yua’ yibesa maa”, yuucamasifiñu David ñamasir'i, Dios oca tutiju.

⁸ Diore ajitemasiriarā ña bajireajediro bero, ña rīa ñamasiriarā mani ñicuae ñare ūmato vamasifiñu Josué ñamasir'i, Dios ñare i ūomasiriaroju. Toju quēnaro ñamasifiñu ña mani ñicua. Quēnaro ñaboarine, Diorāca quēnaro ña ñabetijare, ado bajiro yimasifiñu Dios: “Yucane mware yu gotisere maa ajijama, yu yirotirote bajiro cudiya”, ñare yimasifiñu quēna. ⁹ To bajiri mware yu gotisere ajicōari, ado bajiro ajimasirāja maa: “Dios yarā, i rāca quēnaro ña ñacōa ñarotire bojacōa ñagūmi”, yimasirāja maa. Diorāca quēnaro mani ñase ado bajiro bajiaja: Dios adi macarucurore rujeogajanocōari, quēnaro ñacōamasifiñu. Tire bajirone bajiroja, Diorāca quēnaro mani ñacōa ñase quēne. ¹⁰ Adi macarucuro ñase jediro rujeogajanoacu, i bojarore bajiro ti bajirotire masicōari, quēnaro ñacōamasifiñu Dios. Ñe bajiro quēnaro ñarucumi, “Ado bajiro mu yijama, yu rāca quēnaro ñarucuja mu” Dios i yirotisere cudigu quēne. ¹¹ To bajiri i rāca quēnaro mani ñasere Dios i bojjare, quēnabuso ñe ajitirānato mani, “I rāca quēnaro ñarāsa mani” yirā. Mani ñicua Diore ajitirānubeticōari, i rāca quēnaro ña ñabetimasiriarore bajiro bajibetiroti ñaja manire.

¹² “Dios oca ñamasuse ti ñajare, ajitirānucōa ñaroti ñaja”, mware yigotiaja yu. Masi-jeogu i ñajare, “To bajiro bajiruarōja” i oca ti yigotirore bajirone bajiruarōja ti. Jariase juajacatuajune bujariase mani usuju ti ejarore bajiro bajiaja Dios oca, mani ajise. To bajiri, mani tuoñase, “Masibecumi Dios” mani yiboasere quēne ñamasigū ñaami Dios. I oca suorine, “Rojose ñaja; quēnase ñaja”, yituoñamasiaja mani. ¹³ Disejua Dios i rujeorere ñe yayiomasiña manōja. To bajiri, disejuane mani yise, mani tuoñase quēne, i masibeti manōja. I ñagūmi, ñajediro mani yisere mani gotirocu.

“Paia uju rētoro ñamasugū ñagūmi Cristo”, yire queti

¹⁴ Cristo, paia uju rētoro ñamasugū ñagūmi. Dios macu ñari, i taju manire ñagōbosagu ñagūmi. To bajiri, ñe ajitirānu tujabeticōato mani. ¹⁵ “Cristo adi macarucuroju i ñaro, Dios i bojjabire yato” yigu, manire i yicoderūgūrore bajiro Cristore quēne rojosere ñe yirotirūgūboayuju Satanās. To bajiboarine rojose yibesuju Cristo. “Yare quēne rojose yirotirūgūcumi Satanās; ñare quēne to bajirone yami” yimasigū ñari, “Dios i bojarore bajiro ña yiraboase ñare josaja ti” yigu, manire ñamaicōa ñagūmi. Manire ñamaicōari, paia uju rētoro ñamasugū ñari, “‘Mure ajitirānu tujabeticōato ña’ yigu, ñare ejarēmoña”, i jacure manire yisēnibosarūgūgūmi. ¹⁶ To bajiri mani quēne, Diore guimenane, sēniroti ñaja. Ñe mani sēnijama, rojose mani yise vaja rojose manire i yiborotire manire ñamaicōari, yibetirucumi. No bojjarijune i ejarēmosere mani bojjajama, quēnaro manire ejarēmorucumi.

5

¹ Mani ñicua ña ñarirodore ñamasifiñu paia uju ñamasugū, Dios i beser'i, “Masare ejarēmoato” yigu, i cūr'i. Ado bajiro yirūgūmasifiñu: Vabucurā ñe ña ñisere quēne boca juacōari, soemuobosarūgūñu, rojose ña yisere “Ñare masirioya mu” ñare yisēnibosagu. ² I quēne, manire bajirone bajigu i ñajare, Dios i rotise yimasijeogu me ñamasifiñu i. “Yare quēne josaja” yituoñagū ñari, “Gājerā Diore ajitirānurāre, to bajirone bajiroja”, yīñamafiñu. ³ Manire bajirone rojose yigu ñari, “Rojose yu yise vaja yare masirioato Dios” yigu, gājerāre i sēnibosaroto rījoro, i quēne vabucu rii soemuorūgūñu. ⁴ Nijane, “Yu ñagūsa paia uju”, yibetimasifiñu. Gājerā quēne, “I ñato”, yibesujarā. Dios sigūne, “Mu ñarucuja paia uju ñamasugū”, yimasigū ñamasifiñu i. To bajiri, Aarón ñamasir'ire, “Paia uju ñaña”, ñe yicūñomasifiñu Dios. ⁵ To bajirone ñe yiyumi Jesucristore quēne. Dione ñe cūñumi. To bajiri ado bajise ñe i gotirotire ucamasifiñuma masa:

“‘Adirāmane yu macu ñari, yare bajiro rotisurucuja mu’ yami Dios”, yuucamasifiñuma ña, Cristore, Dios i gotirotire yirā.

⁶ Gajeye i macure i gotirotire ado bajise yuucamasifiñuma ña:

“‘Masa rojose ña yisere ñare masirioya’ ñare yisēnibosagu ñarucuja mu’ mure yaja yu. ‘Paia uju ñamasugū Melquisedec i bajicatore bajiro bajirucuja mu’ mure yaja yu’, yuucamasifiñuma ña, i macure Dios gotirotire yirā.

⁷ Cristo, manire bajiro ruja cuticōari, adigodoju ñagū ī bajirocaroto rījoro, Diore buto sēnirūgūñuju ī. Otigune, ado bajise jacase sēniñuju ī: “Cacu, Yure siabeticōato īna’ yigu, yure ejarēmoña. To bajiboarine, mu bojarore bajirone bajiruaroja”, yiyuju Cristo, ī jacare. ī rotirore bajiro yigu ī ñajare, ĩre ajicōari, “Yu bojarore bajirone bajiato” yigu, ĩre ejarēmoñuju Dios. ⁸ Dios macu ñaboarine, rojose tāmuoñumi Cristo. “Rojose tāmuoaboarine, Diore cudicōa ñaroti ñaja”, yituoñaju. To bajiro bajica yigu, ñajediro Dios ī rotirore bajirone yiyuju Cristo. ⁹ ī rotirore bajirone ī cudijeocōajare, “Mu suori ĩna rijato berōju, mu rāca ñacōa ñarūgūruarāma ĩna, mure ajitirānurā”, ĩre yiyuju Dios. ¹⁰ To bajiri, “Paia uju ñamasugū Melquisedec ñamasir’i ī bajicatore bajiro bajirucuja mu” Dios ī yir’i ñagūmi Cristo.

“Jesucristore ajitirānu tujabetiroti ñaja”, yire queti

¹¹ “Tirāmujū paia ujarā ĩna yisoadimasire ũnire yigu ñaami Cristo” yu yigotirēmoraaboase jairo ruajaja maji. Tire ajimasijeomenaja mua, buto muare ti josajare. ¹² Tirāmujū, Cristore ĩre ajitirānusucajū mua. To bajiri tire quēnaro buecōari, butobusa ī bojarore bajiro mua yirūtu vajama, jēre ī ocare masare gotimasiocoarona ñaja mua. To bajiboarine, “Maji, josabetijuare yuare gotimasicōa ñaña” yituoñare bajiro bajiaja mua. ¹³ Rīmasa ũjurācare bajiro ñaja mua. To bajiro bajirā ñari, “Quēnase ñaja; rojose ñaja” ĩna yimasibetore bajiro bajirā ñaja mua. ¹⁴ Rīmasare bajiro me bajiaja bucuacoanajuama. Tuoñamasicoana ñari, “Quēnase ñaja; rojose ñaja” yituoñamasicōari, Dios ī bojarore bajiro yirā ñaama.

6

¹ To bajiri Cristo oca ñamasuse ti ñajare, “Yu gotisere ajimasiriaro maja mua” yu yisere gotiguagu yaja, Dios ī bojarore bajiro mua yirotere yigu. Jēre Cristo oca josabetibusasere masiaja mani. Adi ñaja Cristo ye mani buesucati: “Rojose yitujacōari, quēnasejuare yituoñaroti ñaja manire” yirere buecajū mani. “Diore mani ajitirānubetijama, rojose tāmuoñabetiraroju varuarāja mani” yirere quēne buecajū mani. ² Gajeye ado bajiro buecajū mani: “Cristore ajitirānurā ñaja yua” yirāre oco rāca ĩna bautizasere quēne buecajū mani. To yicōari, “Esp’iritu Santo, mua rāca ñarucūmi” yirā, ĩnare ĩna āmo ñujeosere quēne buecajū mani. Quēna gajeye ado bajise buecajū mani: “Cristore ajitirānurā, bajireacoaboarine, tudicaticōararāma” yirere quēne buecajū mani. To yicōari, masare Dios ī beserotire quēne buecajū mani. ³ Ti ñacajū Dios oca josabetibusa mani buesucati. To bajiri, josasere quēne buemasicōari, butobusa ī bojarore bajiro yirūtuajaro mani, Dios ī bojajama.

⁴⁻⁶ Sīgūri Dios ocare ajitirānurā ñarāma maji. To bajicōari, Esp’iritu Santore cuorā ñarāma. To yicōari, Dios ī bojasere yirā ñarāma. Dios ī masise rāca ĩlañamanire yiloeoriarā quēne ñarāma. To bajiro yirā ñaboarine, ĩna ajitirānu tujajama, juaji ajitirānubetirarāma. To bajiro ĩna bajijama, Jesucristore ĩatecōari, yucātēroju ĩre jajuturiarā ũnane ñarā bajirāma ĩna. To bajiro ĩna bajijare, gājerā quēne Dios ocare ajirācububeticōari, ajarāma. ⁷ “Dios ocare ajicōari, quēnaro ote vānuri sitare bajiro bajiaja mani” yigu, ado bajise muare gotiaja yu: Vese ote ñarivesere oco ti quediō bero ote quēnaro ti vānurōre bajiro bajiroti ñaja manire. To bajicōari, ti sitajare ote vānucōari, quēnaro ti rica cutijama, variquēnagūmi ti vese uju. To bajiri, ote rica cuti vese ī ĩvariquēnarore bajiro manire quēne ĩvariquēnagūmi Dios, ī ocare ajicōari, ī bojarore bajiro mani yijama. ⁸ To bajicōari, gajejuma vese yiraju sita quēnabeto ñari, oco ti quediōajaquēne, ote vānubetone, vidise rine ti judijama, “Sita quēnabeto ñaja” yigu, tire soereacōagūmi ti vese uju. Tire bajirone Dios ocare ajiboarine, ajitirānu tujacōari, ī bojabetire ĩna yijama, rojose tāmuoñabetiraroju ĩnare reacōarucūmi Dios.

“Yure yirētobosarucūmi Cristo’ mani yituoñacōa ñajama, quēnaja”, yire queti

⁹ “Ado bajiro bajirāma Cristore ajitirānu tujarā” muare yu yigotimasiosere, “Muane ñaja Diore ajitirānu tujarona” yigu me yaja yu. Quēnaro mua yirere ajicōari, “Jesucristo suori Dios yarā ñarāma”, muare yaja yu. To bajiro muare yimasicōari, “Butobusa Dios ī bojarore bajiro yirūtu varuarāma ĩna”, muare yaja yu. ¹⁰ Quēnaro riojo yigu ñaami Dios. To bajiro yigu ñari, ī bojarore bajiro quēnaro mua yirere masiritibetirucūmi. To bajiri, gājerā Dios yarāre mua ejarēmōre ajicōari, “Diore rācuburā ñarāma”, muare yimasiaja yu. ĩnare ejarēmocōa ñarāja mua maji. Tire quēne masiritibetirucūmi Dios. ¹¹ To bajiro quēnaro mua yirūgūse quēnaja ti. Variquēnase rāca Dios ocare ajitirānu tujamenane, ñajediro quēnaro mua yirūgūre bajirone gāmerā yicōa ñarūgūroti ñaja. To bajiro mua yicōa ñajama, “Cristo suori quēnaro manire yirucūmi Dios” mua yituoñarore bajirone muare yirucūmi. ¹² Dios ocare ajiterāre bajiro mua bajisere bojabeaja yu. To bajiri, “Bajiruaroja” ĩnare ī yirere ajitirānu tujabetirarē bajirojua bajiya mua quēne. ĩnare bajiro mua bajijama, muare ī gotiarore bajirone muare quēne yirucūmi Dios.

¹³⁻¹⁴ Abraham ñamasir’i ī bajimasirere tuoñāma mua. “Gāji yure bajiro yigu magūmi” yituoñagū ñari, ado bajiro ĩre gotimasinuju Dios: “Mure socabeaja yu. Jājarā jānerabatia

catirucumi' mure yaja yu", Ìre yimasifiñuju Dios, Abraham ñamasir'ire gotigu. ¹⁵ "Í yirore bajirone yigu ñaami Dios" yigu ñari, "Socu yigumi" yituoñarejaibetimasifiñuju Abraham, Dios í yirore yugu. To bajiri, Dios socabea í ñajare, "To bajiro bajiraroja" Abrahamre í yimasiriarore bajirone bajimasifiñuju ti. ¹⁶ To bajiri, manijua, "Socu me yigumi' gajerá yiajiato" yirã, masa rëtoro ñamasugú Dios vãme rãca yirügürãma. To bajise ña yijama, "Socu me yaja. Dios quëne masigumi", yirügüama. To bajiro ña yisere ajicöari, "Socarã me yama", yituoñarãma masa. ¹⁷ To bajiri, "Socu me yigumi Dios. Í yirore bajirone yigu ñagumi' Abraham yure yiajiato" yigu, "Mure socabeaja yu", yimasifiñuju Dios. ¹⁸ Socagu me ñaami. "Yirucuja" í yirore bajirone yigu ñaami Dios. To bajiro yigu í ñajare, rojose tãmuotujabetiriaroju mani vaborotire manire yirëtohosacöari, "Quënarò ñare yirucuja" í yiriarore bajirone manire yirucumi", yituoñaja mani. ¹⁹⁻²⁰ To bajiro manire Dios í yire ti ñajare, í gotiriarore bajiro ti bajirore tuoñacöa ñato mani. Diore yirucuburiavi yotoriaro vajajua Dios í ñarisöajure jãjaecöari, "Rojose ña yisere ñare masirioya" yisëñibosarimasa ñamasifiñujã paia ujarã. To bajiri, Cristo quëne, ña yimasiriarore bajiro yigu, ö vecaju Dios í ñaroju ejacöari, "Rojose ña yisere ñare masirioya", manire yisëñibosa ñagumi. Paia uju ñamasugú Melquisedec í yimasiriarore bajirone yigu, Cristo quëne, manire sënibosacöa ñarucumi. Manire í sënibosa ñajare, "Dios í yiriarore bajirone quënarò manire yirucumi", yimasijaja mani.

7

"Aarón ñamasir'i rëtoro quënarò manire yibosagumi Cristo", yire queti

¹ Melquisedec, Salem macana uju ñamasifiñuju. To bajicöari, pai ñamasifiñuju. Ñajediro ujare Diore rucubugö ñamasifiñuju. Mani ñicu Abraham ñamasir'i gaje macariana ujarãre siareacöari, í ya macajare tudiamasifiñuju í. To bajiri í tudiao, ñare bocagu, vamasiñuju Melquisedec. Ìre bocacöari, Ìre sënibosamasifiñuju, "Quënarò Ìre yato Dios" yigu. ² To í yiro bero, gaje macariana ujarãre siareacöari, ña ye gajeyëni ñaboare ña juarere, juaãmo cöro ñaritubuari yicöcöari, cojutubua Melquisedec ñamasir'ire Ìsimasifiñuju Abraham. "Melquisedec" ti yijama, "Uju quëname ñine yigu" yire ñni ñañuju ti. Salem macana uju ñamasifiñuju Melquisedec. "Salem" ti yijama, "Quënarò ñariamaca" yire ñni ñañuju. To bajiri, "Quënarò gajerã yiañato mani" yigu ñamasifiñuju Melquisedec, yimasijaja mani. ³ Melquisedec jacua, í yarã quëne, to yicöari, í ruyuarere, í bajirocarere quëne ucare ti maniboajaquëne, "Pai ñamasifiñuju Melquisedec", yigotiaja Dios ocare masa ña ucamasire. To bajise yiuare ti maniboajaquëne, "Diore sënituajetirimi", yaja mani. To bajirone bajiami Cristo quëne. "Í ñare ejarëmoña" manire yisëñibosa tujabecumi, yimasijaja mani.

⁴ Abraham ñamasir'i ñamasugú í ñaboajaquëne, í rëtoro ñamasugú ñamasifiñuju Melquisedec. Gaje macariana ujarãre siareacöari, ña ye gajeyëni ñaboare ña juarere, juaãmo cöro ñaritubuari yicöcöari, cojutubua Melquisedec ñamasir'ire Ìsimasifiñuju Abraham. ⁵ Abraham í bajirocaro bero, gajerodoju, "Paia ñaruarãma ña Abraham jãnamí Lev'i vãme cutigu jãnerabatia", ñare yicömasifiñuju Dios. To bajiri, "Sigú jãnerabatia ñaboarine, ña cuosere, juaãmo cöro ñaritubuari yicöcöari, cojutubua ña yu Lev'i ya jünanare paia ñaruarãma ña", ñare yimasifiñuju í. ⁶ Lev'i cuti jünagu me ñaboarine, Melquisedec quëne, Abraham í Ìsire boca juamasifiñuju í. Abraham ñamasir'ire, "Mu suorine adi macarucuroana ñajedirore quënarò yirucuja yu", yimasifiñuju Dios. To bajiro í yir'i í ñaboajaquëne, Melquisedecjua ñamasifiñuju, "Quënarò mure yato Dios" Abrahamre yisëñibosagu. ⁷ To bajiri, "Quënarò mure yato Dios" yigujua ñaami ñamasugú, yimasijaja mani. Tire masirã ñari, "Abraham rëtoro ñamasugú ñamasifiñuju Melquisedec", yimasijaja mani. ⁸ Gajeyere quëne tuoñãma mua. Adirumari ñarã paia, Lev'i jãnerabatia, manire bajirone bajirearuarãma ña quëne. Melquisedecjuarema, "To cöro bajirocamasifiñuju", yigotibeaja Dios ocare masa ña ucamasire. To bajiri, "Bajiroca-betirimi", yicöaja mani. ⁹⁻¹⁰ Abraham ñamasir'i, Melquisedere í Ìsire, í jãnerabatia quëne beroju ruyuarona ñari, ña quëne Ìre Ìsirãre bajiro yimasifiñujã. To bajiri Lev'i cuti jünana quëne, Abraham jãnerabatia ñari, Melquisedere í Ìsire, ña quëne Ìsimasifiñujã. To bajiri, "Lev'i cutijünana rëtoro ñamasugú ñamasifumi Melquisedec", yimasijaja mani.

¹¹ "Lev'i jãnerabatia ñaruarãma paia", yimasifiñuju Dios. Sigú Lev'i jãnamí ñamasifiñuju Aarón vãme cutigu, paia uju ñamasugú, Dios í cösuomasir'i. To bajiri Aarón, Lev'i jãnamí í ñajare, "Aarón rëtoro ñamasugú ñamasifiñuju Melquisedec", yimasijaja mani. Lev'i jãnamí Aarón, ña jãnerabatia quëne, Diore rucuburã masa ña Ìsire ñare yibosarimasa ñacoadimasifiñujã ña. Tire boca juacöari, Diore rucuburã tire soemuomasifiñujã ña. "Rojose ña yise vaja, rojose ñare yibesa" masare yisëñibosarimasa ñacoadimasifiñujã. To bajiro ña yiboajaquëne, Diojua í ñajama, rojose ña yire ti ñacöajare, "Rojose mana ñaama", ñare yiaibetimasifiñuju

^b 7:4 "Gajerã ña Ìsire boca juarã, Ìsirã rëtoro ñamasurã ñaama", yituoñañujã hebreo masa.

Dios. To bajiro ti bajijare, paia uju ñamasugũ Melquisedere bajiro bajigare, i macure cõañumi Dios, “Masare yirêtobosato” yigu. ¹² Ìre i cõaro bero, “Masa rojose ña yise vaja, rojose ñare yibesa” yibosarimasa bojabetesuju Dios. To yicõari, Moisère i roticũmasirere ña yiboarere quêne bojabetesuju. ¹³⁻¹⁴ Adigodoju manire bajiro ruju cuticõari ruyauyuju mani uju Cristo, Judá ñamasir'i cutijũnagu. To bajiboarine, Judá jãnerabatiarema “Paia ñabetiruarãma”, yimasĩũju Moisès ñamasir'i. To bajiri, Cristo rĩjorojore Judá jãnerabatiama, sũgũjuane paia ñabetimasĩũjarã.

¹⁵⁻¹⁶ To bajiri, “Levi jãnerabatia rĩne paia ñaruarãma” Dios i yimasire yigu me, paia uju Melquisedere bajiro bajiyumi Cristo. Tudicaticõari, rijabetirocu ñari, bajiyumi. To bajiro bajirocu ñari, “Paia uju ñamasugũ Melquisedere bajiro bajiyumi Cristo”, yimasiaja mani. ¹⁷ Dios i macure ado bajiro i gotirotire masa ña ucamasire ti ñajare, “Paia uju ñamasugũ Melquisedere bajiro bajicõa ñarucumi Cristo”, ìre yimasiaja mani:

“ ‘Rojose ña yisere ñare masirioya’, ñare yisẽnibosa tujabetirocu ña mu’ mure yaja yu. ‘Paia uju ñamasugũ Melquisedec i bajimasicatore bajiro bajĩnarucuja mu’ ìre yigotiyumi Dios, i macure’, yaja ti Dios ocare masa ña ucamasire.

¹⁸ Dios, Moisère i roticũmasiriaro cõrone ña cudijeocõaboajaquêne, “Rojose mana ñaama”, ñare yĩĩabetiborimi Dios. To bajiri Moisère Dios i roticũmasire, vaja manire bajiro bajiyuja ti. ¹⁹ To bajiro ti bajijare, Moisère i roticũmasire vasoayuju Dios. Mame i vasoarejuama, ado bajiro bajiaja: Manire Cristo i rijabosare suorine, “ ‘Rojose mana ñaama’ manire yĩĩagũmi Dios” yimasirã ñari, variquẽnase rãca ìre sãnirũgũja mani. To bajiro ti bajijare, “Tĩrũmuaye Moisère Dios i roticũmasire rêtoro quẽnase ñaja adirodoriaye”, yimasiaja mani.

²⁰⁻²¹ To bajiri, i macu Cristore, “Paia ujarã rêtoro ñamasugũ ñarucuja mu” yigu, ado bajiro ìre yiyuju:

“ ‘Mure socabeaja yu. ‘Rojose ña yisere ñare masirioya’, ñare yisẽnibosa tujabetirocu ñaja mu’, mure yaja yu’, ìre yiyuju Dios, i macure.

Gãjerãrema “Paia ujarã ñaruarãja mua” yigu ñaboarine, ti ùnire yibetimasĩũju Dios. ²² Tire mani ajijama, “Jesucristo suorine Dios i gotĩrĩarore bajirone quẽnaro manire yĩrucumi”, yimasiaja mani. ²³ Tĩrũmuaye Moisère Dios i roticũmasire rucubuarã, jãjarã paia ñamasĩũjarã. To bajicõari, ña bajireajaquêne, ñare moavasoarona jãjarã ñarũgũmasĩũjarã. ²⁴ To bajiboarine, Cristojũrema, tudirijabetirocu i ñajare, “Ìre moavasoarocu magũmi”, yimasiaja mani. ²⁵ “Jesucristo suorine Diore ajitĩrũnarãre, rojose ña yisere ‘Masirioato Dios’ yigu, Dios i ñaroju, ñare sãnibosacõa ñarũgũgũmi, tudirijabetirocu ñari”, yimasiaja mani.

²⁶ To bajiri tĩrũmuju paia ujarã ña yisũoadimasire ùnire yigu, Cristo quêne rojose mani yisere “Masirioato Dios”, manire yisẽnibosarũgũgũ ñagũmi. Cristo ñaũmi masa rojose ña yĩrore bajiro yibecu. Quẽnase rĩne yigu ñaũmi. To bajiro bajir'i i ñajare, Dios i ñaroju, “Rêtoro ñamasugũ ñarucuja mu” Dios i yir'i ñagũmi. ²⁷ Paia ujarã ñamasurã ña yimasĩrĩarore bajiro yigu me ñagũmi Cristo. Ñajuama, tocãrãcarũmũne valbucũrãre sĩaõari, soemuomasĩũjarã, “Rojose yua yisere masirioya” Diore yirã. To yicõari, ña yarãre quêne rojose ña yĩrere “Ìñare masirioya Dios”, ñare yisẽnibosarũgũmasĩũjarã ña. To bajiboarine, Jesũjuama, mani jedirorene cojojine rijabosayumi, rojose mani yisere “Masirioato Dios” yigu. ²⁸ Moisère Dios i roticũmasire, “Paia ujarã ñamasurã ñaruarãma” i yire ti ñaboajaquêne, manire bajirone ña quêne tire cudijeobetĩrĩarã ña ñajare, “Rojose mana ñaama”, yĩĩabetimasĩũju Dios. To bajiboarine i macujũarema, quẽnase rĩne yir'i i ñajare, “ ‘Rojose ña yisere masirioya mu’ ñare yisẽnibosacõa ñarũgũrocu ñaja mu”, ìre yiyuju.

8

“Cristo, õ vecaju manire sãnibosa ñagũmi”, yire queti

¹ “To bajirone bajigũmi Cristo, õ vecaju Diorãca i rotiñaroju”, mure yaja yu. ² Tojũre ejacõari, “Rojose mani yisere masirioya”, manire yibosa ñagũmi Cristo, Dios i buariavijure.

³ Tocãrãcu paia ujarã ñamasurã ado bajiro yiyuma: Rojose masa ña yisere, “Ìñare masirioya Dios”, yisẽnibosayujarã ña. To yicõari, Diore rucubuarã masa ña ñisere boca juacõari, ñare yibosayujarã. To bajiro ña yire ùnĩrene yigu, Cristojũama, manire rijabosayumi, rojose mani yisere manire yirêtobosagu. ⁴ Yucuri ñarã paia, Moisère Dios i roticũmasĩrĩarore bajirone yicõa ñarãma. To bajiri Cristo, adigodoju i ñacõajama, ñare bajiro yibecu i ñajare, “Pai me ñaami”, ìre yiborãja mani. To bajiboarine, õ vecaju Dios i ñaroju, “ ‘Rojose ña yisere masirioya’ manire yibosagu ñagũmi”, yimasiaja mani. ⁵ “Mani rãca ñagũmi Dios” masa ña yĩrucubũrotĩvire Moisès ñamasir'i i buarotĩroto rĩjoro, ado bajiro ìre yimasĩũmi Dios: “Gũtau joeju mure yu locativire bajĩrĩvine buarotĩya”, yimasĩũju Dios, Moisès ñamasir'ire. To bajiri, “Mani rãca ñagũmi Dios” masa ña yĩrucubũrotĩvire ña buajama, Moisère Dios i iomasĩrĩavire bajĩrĩvine buamasĩũjarã. ⁶ Paia ujarã ñamasurã Dios i rotĩmasire cudĩmasĩrĩarã

İna yirügũmasire rëtoro quênaro manire yibosarügũgũmi Cristo. To bajiri, “‘Quênaro muare yirucuja yu’ Moisére Dios i yicũmasire rëtoro quênase ñaja adirodoriaye”, yimasiaja mani.

⁷ Moisére Dios i yicũmasire rëmojune quênase ti ñacõajama, gajeye mamejuare vasoabeti-borimi Dios. ⁸ Moisére Dios roticũmasire masa İna cadijeobetijare, İavariquênabetimasifiuju Dios. To bajiri, “Ado bajiro İnare gotiıa”, yimasifiuju İ:

“Mani uju Dios, ado bajiro muare gotiami: ‘Quênaro ajiya mua. Cojorũmu mame muare vasoabosarucuja yu, İsrail vame cuti sitanare, Judá vame cuti sitanare’, muare yami.

⁹ ‘Egipto sitaju ñaräre İsrail sitajua İnare ũmato vacu, quênaro İnare gotiboacaju yu. To bajiboarine, yu yicatore bajiro İna cadibetijare, “Yu yarâ me ñaama”, İnare yicaju yu. To bajiri, mame yu vasoarotijuama, mua ñicware yu gotimasicatore bajiro me bajiruaroja’ muare yami Dios mani uju.

¹⁰ ‘To bajiri, İsrail ñamasir’i jãnerabatiare mame yu vasoaroti, ado bajiro bajiruaroja: “Yu masise suorine yu rotisere tuoİamasiruarãma”, İnare yirucuja yu. To bajiro yu yisere bojarâ ñari, quênaro yirügũruarãma. To yicõari, yu sığũne İna uju İna yirucubuoğu ñarucuja yu. To bajiri İnajua quêne yu yarâ ñaruarãma’ muare yami Dios.

¹¹ ‘Yu yarâ ñari, rİamasu quêne, bucırâ quêne, İna ñaro cõrone, yure masijedicoaruarãma İna. To bajiri, “Ado bajiro tuoİagũ ñaami Dios”, gãmerâ yimasiorâ maniruarãma’, muare yami Dios.

¹² ‘İnare İmaicõari, rojose İna yisere yu masiriojama, “Rojose yiriarâ ñaama”, juaji İnare yituoİabetirucuja yu. To bajiro İnare yu yiroti ti ñajare, yure quênaro masiruarãma İna’ muare yami Dios”, yimasifiuju, Diore gotirëtobosamasir’i.

¹³ “Mame oca quênase vasoarucuja” Dios i yijama, tirũmuju i yimasiboarere reagu yigũmi. To bajiri, “Tirũmuwejuma vaju manoja”, yimasiaja mani.

9

“Cristo, quênaro manire yibosagũmi” yire queti

¹ “Adigodoju ñarâ yure rucubũorâ mua rëjarotivire mua buasere bojaja yu”, Moisés ñamasir’ire İre yimasifiuju Dios. ² To bajiri i rotiriavire bajirone buamasifiujarâ İna. Ti vi gudarecore sudirone yotoriavi ñamasifiuju. To bajiri, ejasuoriasõa Diore rucubũoriasõa vame cutimasifiuju. Tisõaju sİabusuoriabajari jeorıaju ñamasifiuju ti. To yicõari, Diore İsiroti pan jesariju quêne ñamasifiuju. ³ Gajesõa, Dios i ñarisõa vame cutimasifiuju. ⁴ Tisõajure, ñamasifiuju Diore rucubũorâ, İna soejama, quênaro satiquênase soemuorıaju. “Dios i ñari sõagaju ñaja” İna yiboajaquêne, ejasuoriasõajurene ñacõamasifiuju ti. To bajicõari, Dios i ñarisõajure ñamasifiuju rujajata orone İna quênorıajata. “Dios i rotirere cadiroti ñaja” yirâ, İna quênorıajata ñamasifiuju. Tijatajure adocârãca vame sãñamasifiuju: Orone İna quênoria sotu sãñamasifiuju. Ti sotujure bare manâ vame cuti Dios i cõare sãñamasifiuju. To bajicõari, Aarõn i tuemasir’i quêne âcatuar’i sãñamasifiuju. To bajicõari, juajâi gãtajâi Dios i rotimasire i uca-masirıajâiri quêne sãñamasifiuju. ⁵ Tijata joere rügõmasifiujarâ Diorãcana varâ querubines vame cutiräre bajirâ masa İna quênomasirıarâ. İna ñamasifiujarâ, “Adiju ñaja masa rojose İna yisere Dios i masiriorıju” yigotirâ. İna querujuri rãca gãmerâ ñucãnamucõari, rügõmasifiujarâ İna. Yucurema ti viaye buto gotire maja ti.

⁶ To bajiboarine, Diore rucubũoroti ti ñajedicõajare, tocârãcarũmũne Diore rucubũorâ sãjaejarügũmasifiujarâ paİa, ñasuorisõare. ⁷ Paİa uju ñamasugũ rİne jãjarügũmasifiuju, Dios i ñarisõa vame cuti sõajure. Tocârãca cãmare cojojine jãjamasifiuju. Jãjacõari, i masu rojose i yirügũrere, to yicõari, i ñarımacana, “Rojose yirâ yaja yua” yituoİamenane, “Rojose yua yirügũrere masirıobosato Dios” yigu, vaıbucırâ ri’ire juajãjarügũmasifiuju. ⁸ “Paİa uju ñamasugũ rİne Dios i ñarisõare jãjamasiami”, yimasifiujarâ. Tire İna tuoİajama, Esp’iritu Santo i ejarẽmose rãca, ado bajirojua yimasifiujarâ İna: “‘Mani masune rojose mani yisere yure masirıoya’, Diore yimasıbeaja. ‘Paİa uju ñamasugũ rİne manire sẽnıbosagu ñaami’ yimasiaja mani. To bajiro rİne bajicõa ñaruarãja mani maji. Dios manire i sãjarotirirũmu ti ejarıju tisõare jãjaruarãja mani”, yimasifiujarâ İna. ⁹ “‘Mani ñicua Dios i rotimasire İna ajitirũnũrügũmasire rëtoro quênamasuse ñaja’ mani yituoİamasırotire yiro bajııuja”, yimasiaja mani. “Mani ñicua, tirũmuju İna yirügũmasirıarore bajirone mani quêne, rojose mani yisere, ‘Manire masirıoato Dios’ yirâ, paire mani soemuoroticõa ñajama, Diojua i İajama, ‘Rojose maja İnare’ manire yİabeticõa ñagũmi”, yimasiaja mani. ¹⁰ Tirũmuaye Dios i rotimasire ado bajiro bajııuja: “Adocârãca vame baruarãja mua. Gajeyerema babetıruarãja mua”, İnare yimasıñumi. To yicõari, İna idırotire, İna guarotire, İna âmo coerotire quêne to bajirone yimasıñumi. To bajiro i yijama, ti ñajediro i rotimasire mamejua i vasoaroto rİjororema, İna rujare İna İatırũnũroti rİne yıgu yıyumi Dios.

¹¹ To bajiro i yimasire ti ñajare, yucurema, “Cristo suorine quênaro yirucuja yu” Dios i yiriarodo ejayuja ti. To bajiro i yire ñajare, Cristo manire rijabosacõari, õ vecaju Dios

ya viju ñagũ vasuju. Ti viju ñacõari, paia uju ñamasugũ i sënibosarore bajiro, “Quênaro ñato ña” yigu, manire sënibosa ñagũmi. To bajiro i yïnarivima, adigodo ñarã Diore rûcubworã ña buariavi rëtoro quênarivi ñaroja. ¹² To bajiri Dios i ñarisõaju jãjacõari, cabra rã ri'i, ta vecu rã ri'i adigodoju ñarã paia ujarã Diore ña isiriarore bajiro yiru me, ijuama, i ruju rise suorine rojose mani yire vajare cojojine yirëtobosajeocõaru, õ vecaju Dios i ñarisõaju jãjasuju Cristo. ¹³ Ado bajiro gotiaja Dios i rotimasure: “Bajirocar'i re moaibetiruarãja mua. To yicõari, ‘Babetiruarãja mua’ yu yisere quêne moaibetiruarãja. To bajiro yu yisere mua cudibetijama, yure ña rûcubworivire sãjabetiruarãja mua. To bajiboarine, ta vecu macure ña soese rîtire, oco rãca abavuore ñasere muare yayeturacumi pai. Tire i yibetijama, hisopo vãme cuti ruju rãca vaibucu ri'ine muare vëjabate guracumi. To bajiro muare i yijama, yure rûcubworivire sãjamasiruarãja mua”, yimasifiñumi Dios. ¹⁴ “Vaibucurã ri'ine muare i yayeguojama yure rûcubworivire sãjamasiruarãja mua” Dios i yimasire ti ñaboajaquêne, “Cristo manire i rijabosarejua rëtoro quênase ñafluja”, yimasiaja mani. Rojose yibetir'i ñari, to bajiro bajiyumi Cristo. Esp'iritu Santo ñacõa ñarügürocũ i ejarëmojare. Cristo manire i rijabosare suorine, rojose mani yisere masirioyumi Dios. To bajiri, “Rojose maja manire”, yituoiaja mani. To bajiro yituoiaõcõari, ñacõa ñarügürocũ Dios i bojarore bajiro quênaro yirügüroti ñaja manire.

¹⁵ “‘Mame muare vasoarucuja yu’ i yiriarore bajirone bajiato” yigu, adi macarucurojore Cristore cõañumi Dios. To bajiro i yicõari ñari, tirãmawaye ajirûcubworiarãre quêne rojose mani yisere “Masirioato Dios” yigu, manire rijabosayumi Cristo. To bajicõari, i rijabosare suorine “Yu yarã ñaama” Dios manire i yïlarotire yigu, bajiyumi. To bajiro i bajibosariarã mani ñajare, “Quênaro yirucuja” Dios i yiriarore bajirone yigu, mani rijato beroju i rãca mani caticõa ñarotire isiecorona ñaja mani. ¹⁶ Ado bajise tuoiaña mua: Mani yu, i bajiyayiroto rïjoro, “Ïne ñaami yu ye gajeyeñi cuosuyarocu”, yigumi. To bajiro i yir'i ñari, i bajirocato bero, i yere cuosuyagumi. ¹⁷ I caticõa ñajama, i masune cuocõa ñagũmi maji. I rijato bero, tire cuomasigũmi gãijua. To bajiri, “I gotiriarore bajirone bajiaja”, yimasire ñaja. ¹⁸ To bajirone bajimasifiñu, “Quênaro yirucuja yu” Dios i yimasirere quêne. “Dios manire i gotiriarore bajirone yato” yirã, vaibucurãre sãmasifiñarã. ¹⁹ Dios Moisés ñamasir'i re i roticũmasire ñaro cõrone masa jedirore ñare gotimasifiñuju. Tire i gotiro bero, oveja joã ña sũore, hisopo vãme cuti ruju siatucõari, vaibucurã cabra vãme cutirã riare, ta vecu riare ña siariarã ri're juacõari, oco rãca ña vuore yosemasifiñuju. To yicõari, Dios i rotimasure Moisés i ucariajotire vëjabate gumasifiñuju i. To yicõari, masa ñajedirore quêne to bajirone yimasifiñuju. ²⁰ To bajiro yicõari, masare ado bajiro gotimasifiñuju i: “Dios muare i yirotsere cudiroti ñaja”, yimasifiñuju Moisés ñamasir'i, mani ñicuarẽ. ²¹ “Mani rãca ñagũmi Dios” ña yirûcubworivire quêne ri'ine vëjabate gumasifiñuju Moisés. To yicõari, ti viaye ñase jedirore, to bajiro yimasifiñuju. ²² To bajiro Dios i rotimasure ñajare, vaibucu ña siar'i ri'ine vëjabate gumasifiñarã ña. To bajiro ña yibetijama, ñare ñavariquënetiborimi Dios. To bajirone bajiyuja Cristore quêne. Ïre ña siaro, i ri'i ti budibetijama, “Rojose mani yisere masiriobetiborimi Dios”, yimasiaja mani.

“Cristo i rijabosare suorine, ‘Rojose mana ñaama’ manire yïlañumi Dios”, yire queti

²³ To bajiri, Diore yirûcubworiviju ña sãjaroto rïjoro, ña rujure ña ye gajeyeñi re quêne, vaibucurã ri'ine yayebate gurotiyujarã mani ñicua. To bajiro yiroticõari, sãjarügũmasifiñarã ña. To bajiro ña yijama, õ vecaju ña bajiroti ñire yirã bajimasifiñarã ña. To bajiboarine tojuama Dios ye masu ti ñajare, vaibucu ri'i ña yayebate gurotire ñirene yiro, rëtoro quênagũ i rijabosare bojayuja. To bajiri, manire i rijabosare ti ñajare, “Rojose mana ñacõari, Dios ya viju sãjaruarãja mani”, yimasire ñaja. ²⁴ Cristo, manire rijabosacõari bero, tudicaticõari, adi macarucuroju Diore rûcubworuarã, masa ña buariavi mere, õ vecagavi Dios ya vijure sãjasuju Cristo. To bajiri, ti viju ñacõari, “Quênaro ñato ña” yigu, manire sënibosacõa ñarügũmi. ²⁵ Paia uju ñamasugũ adigodoaguma, tocãrãcã cãmare cojojine, Dios i ñarisõa vãme cuti sõare jãjarügũmasifiñuju, vaibucu i siar'i ri'ire “Masa rojose ña yisere masirioya Dios”, ñare yibosagu. To bajiboarine Cristojua, õ vecaju Dios i ñarojore ejacõari, adigodoagu paia uju i yimasiriarore bajiro yiru me, bajiyumi. I masu ruju ri'i suorine yirëtobosacõari, Dios ñarisõajure jãjasuju. ²⁶ Adigodoagu paia uju ñamasugũ tocãrãcã cãmare “Masa rojose ña yisere, masirioya Dios”, ñare yibosarügũñuju i. Cristo quêne, paia uju i yirügũmasiriarore bajiro i bajijama, adi macarucuro Dios i rujeorijijune, cojoji me manire rijabosacõa suoadiborimi. To bajiro me bajiyumi Cristo. Cojojine manire rijabosayumi, “Rojose mana ñaama” manire Dios i yïlarotire yigu. ²⁷ Mani jediro cojojine bajirearona ñaja mani. Mani bajirearo bero, i tuju mani ejato, rojose yirãre, to yicõari quênase yirãre ñabeserucumi Dios. ²⁸ Cojojine manire i rijabosare ñajare, jãjarã ñaja mani rojose yibetiriarãre bajiro bajirã. Quêna Cristo, i tudiejajama, “Rojose mani yisere masirioato Dios” yigu, me ejarucumi. “Manire rijabosayumi” yituoiañajure juaguagu bajirucumi.

10

¹ Moisés ñamasir'ire Dios i roticūmasirejuma, “Rojose ña yisere ñare masiriojeorucuja yu”, i yire me ñañuja. Beroju bajirotire baji rjoro cutise ñañuja. To bajiro bajijare, tocārāca cūmane vaibucurāre śacōari, “Rojose yua yisere yuare masirioato Dios” yirā ña soemuorotiboaquēne, “Rojose mana ñaama”, ñare yīābesuju Dios. ² Vaibucurā ña soemuorotise suorine, “Rojose mana ñaama” rēmojune Dios i yīācōajama, “Tudi rojose yua yisere masirioato Dios”, yibetiboriarāma. ³ Vaibucurā rii ña soemuorūgūse tocārāca cūmane rojose ña yirūgūre tuoīarotire yiro bajiaja. ⁴ Vaibucurā rii ña soemuosema rojose masa ña yisere, masiriose me ñaja.

⁵ Vaibucurā ri'i, ña soemuoboaquēne, rojose ña yisere Dios i masiriobetijare, adi macarucurojare i vadiroto rjoro, ado bajiro Diore gotiyuju Cristo:

“Masa vaibucu rii ña soemuosere bojabeaja ma. To bajiri, ‘Masare bajiro ruñ cutigū ñato’ yigu, yure cōaña ma.

⁶ ‘Rojose mani yisere masirioato Dios’ yirā, vaibucu rii ña soemuorotiboasere quēne ĩvariquēnabeaja ma.

⁷ To bajiri, ado bajiro mare yaja yu: ‘Adone ñaja yu. Mu bojasere yiru masa taju vacu yaja. “To bajiro bajirucumi” mu ocare masa ña yuacatore bajirone yiru, bajiaja’”, Diore ĩre yiyuju Cristo, masare i rijabosarotire yigu.

⁸ Quēna, tirene muare gotiaja yu. “‘Rojose mani yisere masirioato Dios’ yirā, vaibucu rii ña soemuorotiboasere ĩvariquēnabeaja ma, mu roticūcati ti ñaboaquēne”, Diore yiyuju Cristo.

⁹ Quēna ado bajise yiyuju Cristo: “Mu bojasere yiru masa taju vacu yaja yu”, ĩre yiyuju. To bajiro i yijama, ado bajiro ĩre yigu yiyuju: “Tirāmujā Moisére mu roticūcatire yitajacōari, mamejare masa ña ajise suori quēnaro ñare mu yibosarotire bojagu bajiaja yu”, ĩre yiyuju.

¹⁰ To bajiri Dios i rotiriarore bajirone yigu, cojojine manire rijabosayumi. To bajiro i bajire ñajare, rojose mani yisere masiriocōari, “Rojose mana ñaama”, manire yīāgūmi Dios.

¹¹ Jud'io masa, paia, tocārācarāmurine ña ye moare ñajare, “Rojose ña yisere masirioato Dios” yirā, cojoji me vaibucurā riire soemuorūgūrāma ña. To bajiro ña yiboajaquēne, rojose ña yisere, masiriose me ñaja. To bajiri rojose ña yisere masiriobecumi Dios.

¹² Jesucristo, cojojine manire rijabosacōari bero, rojose mani yisere yirētobosajeocōagū ñari, Dios i rotiñaroju rācubworiājare rujiyuju i. ¹³ “Mare terā ñajediro rotigū ñarucuja ma”, yiyuju Dios. To bajiri, “To bajiro yirucuja” Dios i yirere yuñagūmi Cristo. ¹⁴ To bajiri, Cristo cojojine manire i rijabosare ñajare, “Rojose mana ñaama”, manire yīāgūmi Dios. To bajiro i yijare, “Ñajediro rojose mani yirere, mani yirotire quēne, manire yirētobosajeocōañumi Cristo”, yimasiaja mani. ¹⁵ Dios ocare masa ña ucamasire suorine ado bajise manire gotiami Esp'iritu Santo:

¹⁶ “‘To bajiri, ñare mame yu vasoaroti, ado bajiro bajiruaroja: “Yu masise suorine yu rotisere tuoīamasiruarāma”, ñare yirucuja yu. To bajiro yu yisere bojarā ñari, quēnaro yirūgūuarāma’, yami Dios mani uju.

¹⁷ ‘Ñare ĩamaicōari, rojose ña yisere yu masiriojama, “Rojose yiriarā ñaama”, juaji ñare yituoīabetirucuja yu’, yami Dios”, yigotiaja Dios ocare masa ña ucamasire.

¹⁸ To bajiri rojose mani yisere Cristo manire i yirētobosajeore ti ñajare, rojose mani yisere tudituoīabetirucumi Dios. To bajiri, no yirā vaibucu riire soemuomenaja mani.

“Diore quēnaro ajitirānūrūgūuarāja mani”, yire queti

¹⁹ To bajiri, Jesús, manire rijabosacōari, rojose mani yisere yirētobosar'i ñari, ō vecaju manire sēnibosa ñagūmi. To bajiri gūimenane Diore sēnito mani. ²⁰ Tirāmujama Diore yirācubworiavija sudigasero yotoriario ñañuju ti, “‘Dios i ñarisōa’ vāme cuti sōare jājamasibeama masa” yīoriju. To bajiro ti bajijare, ña masune Diore sēnimasina ñari, paia uju i sēnibosare bojarūgūmasiñujarā ña. Yucurema Cristo manire i rijabosare ti ñajare, no mani bojarijune mani masune Diore sēnimasiaja mani. ²¹ Cristo sīgūne ñagūmi ñamasugū manire sēnibosagu. To bajiro yīāgūmi ō vecaju Dios ya viju ñacōari. ²² To bajiri, tocārācājine, “‘I bojarore bajirone yiruaja’ yirā, Diore sēnirūgūuarāja mani. “Cristo suorine manire ĩvariquēnagūmi Dios” yituoīa tujamenane ĩre sēnirūgūuarāja mani. To bajiro ĩre yīsēnirāne, “Rojose ñaja manire”, yituoīabetiruarāja mani, Dios, “Rojose mana ñaama” manire i yīāñajare. “Manire rijabosayumi Jesús” yirā, oco rāca ña bautizacana ñaja mani. ²³ Cristo oca mani buesocatiire ajitirānu tujabetiruarāja mani. “Quēnaro muare yirucuja” Dios manire i yirere tuoīatujabetiruarāja mani, “Yirucuja” i yirore bajiro yigu i ñajare. ²⁴ Mani rācanare ĩamaicōari, quēnaro gotiruarāja mani, “Ña quēne gājerāre ĩamaicōari, variquēnase rāca ñare ejarēmoato” yirā. ²⁵ Cristore ajitirānūrā ñari, rējarūgūroti ñaja, manire. Gājerā rējarūgūboariarā ña rējatujarore bajiro bajibetiroti ñaja, manire. Rējacōari, “Cristore ĩre ajitirānu tujamenasa” yirā, quēnaro gāmerā gotirūgūuarāja mani, “Yoaro me ejaruaroja rojose yirāre Dios i ĩabeserirānu” yimasirā ñari.

²⁶ Cristo ocare masiriarã ñaboarine, tire ajitirũnu tujacõari, rojosejuare mani yicõa ñajama, manire yirẽtobosabetirũcumi Cristo. ²⁷ To bajiri, rojose manire i yiroti tũoiaũrã rĩne, Dios masare i ñabeserirũma ti ejaro, “Yua uju me ñaja mu” ñe yirã rãca rojose tãmuotujabetiriaroju vaborãja mani. ²⁸ Tirũmaju Dios i rotimasirere sigũ tire i cãdibetijama, ado bajiro bajimasirũnu: Juarã ñacõari, “Rojose yimi” ñe yirã ña ñajama, ñe ñamaimenane, Dios i rotiriarore bajirone yirã, ñe slãmasirũjarã ña. ²⁹ To bajiro bajimasire ti ñajare, yucurema mame i vasoarere ajitirũnuriarã ñaboarine, “Dios macu me ñarimi Jesús; manire rijabosabetirimi” ña yijama, ñare maigũ Espiritu Santore rojose ñagõrã yirãma. To bajiri buto rojose tãmuoruarãma. “Manire rijabosabetirimi Jesús” ña yise ti ñaboajaquẽne, i rijabosare suorine, “Rojose ña yisere masiricõari, quẽnaro yirũcujã yu” masare Dios i yimasiriarore bajirone bajiyu. ³⁰ Rojose ña yise vaju buto rojose ña tãmuorotire masiaja mani, Dios ado bajiro i gotirere masa ña ucamasire ti ñajare: “Yũne ñaja masa rojose ña yise vaju rojose ñare yirocu. Yu sigũne riojo tire yimasigũ ñaja yu”, yigotiaja. Gajeye quẽne, ado bajise gotimasirũnu Dios: “Yu ñaja yu yarã rojose ña yijama, ñare rojose yirocu”, yigotimasirũnu Dios. ³¹ Caticõa ñarũgũrocu, Dios, rojose yirãre ñajũnisinicõari, rojose ñare i yiroti, gũiose masu ñarũaroja ti.

³² Dios i ejarẽmose rãca Cristore mua ajitirũnu suocaire tũoĩamasirũna mua. Ñe ajitirũnũrã mua ñajare, gãjerã cojoji me muare rojose yicama ña. To bajiro muare ña yiboajaquẽne, ñe ajitirũnũcõa ñarũgũcujã mua. ³³ Masa ña ñaro rĩjoroju muare ajatudĩcama ña. To yicõari, mua babarãre ña ajatudĩro ñacõari, “Yua rãcana ñaama”, ñare yĩlamaicaju mua. ³⁴ Cristore ajitirũnũrãre ña tubiberiarãre quẽne, “Yua rãcana ñaama”, ñare yĩlamaicaju mua. To bajiro yirã mua ñajare, rojose muare yicama gãjerã. Cristore ajitirũnũcama mua ñajare, gãjerã mua tũju ejacõari, mua gajeyeũnĩre emacama ña. To ña yiboajaquẽne, Cristore ajitirũnũrã ñari, “Dios i gotiriarore bajirone, ña emase rẽtoro quẽnase ñacõa ñarotire bujaruarãja mani, Dios i ñarõja”, yivariquẽnacaju mua. ³⁵ To bajiro mua yitũoĩacatore bajirone bajirũaroja. To bajiri, Cristore ñe ajitirũnu tujabetirũarãja mua. ³⁶ Rojose tãmuoboarine, ñe ajitirũnũcõa ña ña mua. To bajiro mua bajijama, Dios i bojarore bajiro yirãrã mua ñajare, Dios i gotiriarore bajirone õ vecaju quẽnaro muare yirũcumi. ³⁷ To bajiro bajiroti ti ñajare, ado bajiro gotiaja Dios ocare masa ña ucamasire:

“Yu cõarocu Cristo yoaro meaca ejarũcumi. ‘To cõrone ejarũcujã mu’ yu yiroticatore bajirone ejarũcumi.

³⁸ ‘Rojose magũ ñaami’ yu yĩlavariquẽnagũ, ‘I yirore bajiro yigu ñagũmi’ yure yitũoĩagũ ñari, bajirocacõari bero yu tũju quẽnaro ñacõa ñarũgũrocu ñagũmi. To bajiboarine, yure ajitirũnu tujagurema, ñe ñaquẽnabetirũcujã yu”, yigotiaja Dios ocare masa ña ucamasire.

³⁹ To bajise Dios i gotimasire ti ñaboajaquẽne, manijũama, Cristore ñe ajitirũnu tujarona me ñaja mani. To bajiri, “Manire rijabosayumi Cristo” yitũoĩarã ñari, rojose tãmuotujabetiriaroju vabeticõari, Dios tũju quẽnaro ñacõa ñarũgũrona ñaja mani.

11

Diore mani ajitirũnu tujabetiroti queti

¹ “I yirore bajiro yigu ñagũmi” Diore ñe mani yitũoĩajama, ado bajiro bajaiaja: “Muare ñirũcujã yu” manire i yijama, “Bujaruarãja mani”, yitũoĩaroti ñaja. “To bajiro masu bajaiaja” Dios i yijama, maji tire ñabetiboarine, “To bajirone bajiroja”, yitũoĩaja mani. ² Mani ñicua to bajiro Diore ña tũoĩajare, ñare ñavariquẽnãmasirũnu Dios.

³ “I yirore bajiro yigu ñagũmi” Diore ñe yitũoĩarã ñari, ado bajise yimasiaja mani: “Ruyuaia” Dios i yirore bajirone bajimasirũnu, adi macarũcũroaye, õ vecaye quẽne”, yimasiaja mani. To bajiro i yire ti ñajare, i rujeoroto rĩjorojuama, manirũgũmasirere ñarũgũñaja mani, adi macarũcũro ñasere.

⁴ “I yirore bajiro yigu ñagũmi”, Diore ñe yitũoĩagũ ñamasirũnu mani ñicu Abel ñamasir'i. To bajiro Diore tũoĩagũ ñari, ñe rũcũbuogu, Dios i bojarore bajiro yigu, vaibucũre soemũomasirũnu. To bajiro i yijama, i gagu Ca'in rẽtoro quẽnaro Diore rũcũbuogu yimasirũnu. To bajiri, Diojuama, “Rojose magũ ñaami”, ñe yĩlamasirũnu Dios. Abel ñamasir'i tirũmaju i bajirocare ti ñaboajaquẽne, i yimasiriarore bajiro mani quẽne Diore mani rũcũbuorũajama, Dios i bojarore bajiro yirũcũbuoroti ñaja manire.

⁵ “I yirore bajiro yigu ñagũmi”, Diore ñe yitũoĩagũ ñamasirũnu Enoc ñamasir'i quẽne. To bajiro Diore tũoĩagũ i ñajare, “Yu bojarore bajiro yigu ñaami” ñe yĩlavariquẽnagũ ñari, i bajirocabtone, ñe amicoamasirũnu Dios. To bajiri, ñe tũjabetimasirũnuarã masa. To bajirone gotiaja Dios ocare masa ña ucamasire. ⁶ Ado bajiro tũoĩarã ñari, Diore sãnĩaja mani: “Dios ñagũmi” yimasiricõari, “Yure ejarẽmoña” ñe yisãnĩrãre quẽnaro yami” yitũoĩarã ñari, sãnĩaja

mani. To bajiro mani yijama, “Í yirore bajiro yigu ñagūmi” Diore yirā yaja. “Í yirore bajiro yigu ñagūmi” Diore ĩre mani yituoĭabetijama, manire ĩvariquēñabecumi Dios.

⁷ “Í yirore bajiro yigu ñagūmi”, Diore ĩre yituoĭagū ñamasifūju Noé ñamasir'i quēne. Ado bajiro ĩre yimasifūju Dios: “Masa ñajedirore ruureajeocōarucuja yu. To bajiri, cūmua jairica quēñoña mu, ‘Rujarobe’ yigu”, ĩre yimasifūju Dios. To bajiro ĩ yijare, bajiro tire masibetiboarine, “Í yirore bajiro yigu ñagūmi” Diore ĩre yituoĭagū ñari, ĩ gotirore bajirone yigu, cūmua jairicare quēnomasifūju Noé. To bajiri ĩ yarā rāca Noé ĩ rujaborotire ĩnare yirēto bosamasifūju Dios. To bajiboarine, gājerārema ĩ rācana ñaboariarāre, “Í yirore bajiro yigu ñagūmi Dios” yituoĭamena ĩna ñajare, ĩnare yirēto bosabetimasifūju Dios. Noéjuarema, “Í yirore bajiro yigu ñagūmi” yure yituoĭagū ĩ ñajare, “Yu ĩvariquēñarā rācagu ñaami, ĩ quēne”, Noére ĩre yimasifūju Dios.

⁸ “Í yirore bajiro yigu ñagūmi”, Diore ĩre yituoĭagū ñamasifūju Abraham quēne. To bajiri, “Mu ñarimacare to cōrone vaveoya mu. Mu ñaroti sitare mure uxorucuja yu”, ĩre yimasifūju Dios. “Í yirore bajiro yigu ñagūmi” Diore ĩre yituoĭagū ñari, Dios ĩ rotisere ajicōari, vacoamasifūju ĩ, ĩ ñarotire masibetiboarine. ⁹ Gājerā ye sita ti ñaboajaquēne, “Adi sita mure uxorucuja” Dios ĩre ĩ yire ñajare, “Í yirore bajiro yigu ñagūmi” Diore ĩre yituoĭagū ñari, cojoju me viriaca buacōari, ñacudirūgūmasifūju Abraham. ĩ bajimasiriarore bajirore ñacudimasifūjarā ĩ macu Isaac, ĩ jānami Jacob quēne “Adi sita muare uxorucuja yu” Dios ĩnare ĩ yire ñajare. ¹⁰ To bajiboarine, variquēñagū ñacudimasifūju Abraham, “Ō vecaju Dios ĩ quēnoría macare quēnaro ñacōa ñarūgūrucuja yu” yituoĭagū ñari.

¹¹ To bajicōari, Abraham manajo Sara, bucuo rīa magō ñamasifūju so. ĩ quēne bucu ñamasifūju. To bajiboarine, “Í goticatore bajirone yirucumi Dios” yituoĭagū ñari, Dios ĩ ejarēmojare, macu cutimasifūjarā ĩna. ¹² To bajiri, “Bucuacoar' ĩ ñaboarine, macu cuticōari, jājarā jānerabatía cutirocu ñamasifūmi. Jājarā ñocōa ñarāre, mani cōĭajeobetore bajiro, to yicōari, jare mani cōĭajeobetore bajiro jājarā jānerabatía cutirocu ñamasifūmi Abraham”, yimasijaia mani.

¹³ Abraham, Isaac, Jacob quēne, “Í yirore bajiro yigu ñagūmi”, Diore ĩre yituoĭariarā ñamasifūjarā ĩna, ĩna catiñaro cōrone. Dios ĩ gotiriarore bajiro ĩnare ĩ yibetiboajaquēne, “Í yirore bajiro yigu ñagūmi”, ĩre yituoĭacōa ñamasifūjarā ĩna. “Yu bajiro caro beroju yure ĩ goticatore bajirone yure yirucumi”, yituoĭarā ñamasifūjarā ĩna. To bajiro bajirā ñari, “Muare uxorucuja yu” Dios ĩ yire sitaju ñacudiñarā, ti sitanare ado bajise ĩnare gotimasifūjarā ĩna: “Adi sitajure yoaro ñabetiruarāja yua”, ĩnare yigotimasifūjarā ĩna. ¹⁴ To bajise ĩna yijama, “Gajeye sita ĩna ñacōa ñarotire tuoĭarā yiriarāma ĩna”, yimasijaia mani. ¹⁵ ĩna vadiveoria sitare tuoĭarā ĩna yijama, quēna ti sitajure ñarā, tudicoaboriarāma ĩna. ¹⁶ To bajiro ĩna tuoĭajama, ĩna vadiveoria sita tuoĭarā me yiyuma. ĩna vadiveoria sita rētoro quēnari sita ō vecaju Dios ĩ ñaroju varua tuoĭarā yimasifūjarā ĩna. To bajiro tuoĭarā ĩna ñajare, “Yune ñaja ĩna rūcubuoĭu; yu yarā ñaama ĩna”, yivariquēñamasifūju Dios. To bajiro yigu ñari, ĩna ñaroti macare ĩnare quēnobosayumi.

¹⁷⁻¹⁸ “¿‘Socu’ mene ĩ yirore bajiro yigu ñagūmi’ yure yituoĭagū ñati?” yimasiru, ĩre rūcubuoĭā, vaibucure ĩna soemuoriarore bajiro yigu, ĩ macu sigū ñagūre ślarotimasifūju Dios. “Isaac suori jājarā jānerabatía cutirucuja mu” Dios ĩ yire ti ñaboajaquēne, “Mu rotisere yibetirucuja”, yituoĭabetimasifūju. ¹⁹ “Bajireariarāre ĩnare tudicationasigū ñagūmi Dios” yituoĭagū ñari, “Yu macure yu ślacōajaquēne, catiocōarucumi” yituoĭagū ñari, ĩre ĩ ślaguadijune, “Íre ślabeticōaña” Dios ĩ yijare, ĩre ślabetimasifūju. To bajiro ĩ yire ti ñajare, “Rijacoaboarine, tudicatione bajiro ĩre ĩamasifūju Abraham”, yimasijaia mani.

²⁰ “Í yirore bajiro yigu ñagūmi”, Diore ĩre yituoĭagū ñamasifūju Isaac ñamasir'i quēne. To bajiro Diore tuoĭagū ñari, ĩ rīare ado bajiro ĩnare gotimasifūju, Jacob, Esaūre quēne: “Í gotiriarore bajirone quēnaro muare yirucumi Dios”, yimasifūju.

²¹ “Í yirore bajiro yigu ñagūmi”, Diore ĩre yituoĭagū ñamasifūju Jacob ñamasir'i quēne. To bajiro Diore tuoĭagū ñari, ĩ bajirocaroto rījoro, ĩ macu José rīare, “Quēnaro muare yirucumi Dios”, ĩnare yimasifūju ĩ. Bucu ñari, rūgōtīmabetiar' ĩ ñaboarine, ĩ tueriu suorine vūmurūgōcōari, Diore rūcubuoamasifūju ĩ.

²² “Í yirore bajiro yigu ñagūmi”, Diore ĩre yituoĭagū ñamasifūju José ñamasir'i quēne. To bajiro Diore tuoĭagū ñari, ĩ bajirocaroto rījoro, ĩ yarāre Israel ñamasir' jānerabatīare ado bajiro ĩnare gotimasifūju: “Adi sita Egipto sitare vaveoruarāma ĩna, mua jānerabatía. ĩna vajama, yu gōare juacōari, Canaán vāme cuti sitaju yujeruarāma ĩna”, yimasifūju.

²³ “Í yirore bajiro yigu ñagūmi”, Diore ĩre yituoĭarā ñamasifūjarā Moisés ñamasir'i jacu, ĩ jaco quēne. To bajiro Diore tuoĭarā ñari, Moisés ĩ ruyuario bero, idiarā muijua ĩre yayiocuomasifūjarā ĩna, “Quēñagūaca sūcare manire ĩsiami Dios” yirā. To bajiri egipcio masa

uĵu, Israel ŝamasir'i jănerabatiare ŝamasu amuare i sġarotibojajuġene, ġre gŭimena ŝari, i rotirore bajiro yibetimasifujară ġna.

²⁴ “Yirucuĵa’ i yirore bajiro yigu ŝagumi”, Diore ġre yituoġagŭ ŝamasifuju Moissés ŝamasir'i quġene. To bajiro tuoġagŭ ŝari, bucucu, Egipto sita uĵu maco so masor'i ŝaboarine, “Egipcio masare bajiro bajigu ŝaami” masa ġna yirucubuosere bojabetimasifuju Moissés. ²⁵ Ado bajiro tuoġagŭ ŝari, tire bojabetimasifuju i: “Adi macarucuroĵu yu catiġaro cōro egipcio masa rāca yu bojarore bajiro yu yijama, yu rijato beroĵu quġenabetoĵa ti. To bajiri Israel ŝamasir'i jănerabatia Dios yară rāca baba cutirucuĵa yu, egipcio masa yure quġene rojose ġna yiroti ti ŝaboajuġene”, yimasifuju Moissés ŝamasir'i. ²⁶ Ado bajiro tuoġagŭ ŝari, to bajiro yimasifuju Moissés: “Egipto sitana ġna cuose jairo vaju cati rġtoro ŝamasuse ŝaja, Cristo i ejaroti Israel ŝamasir'i jănerabatia ġna gotisejuama”, yituoġadamasifuju. To bajiri, “ġna rāca yu ŝajare, egipcio masa rojose yure ġna yibojajuġene, quġenacōaruaroĵa”, yituoġadamasifuju Moissés. To bajiro i tuoġajama, i rijato bero, “Cristo suorine quġenaro yure yirucumi Dios” yituoġagŭ yimasifuju.

²⁷ Egipcio masa uĵu i jŭnisinire gŭigu me, ti sitare vaveomasifuju Moissés. “ġ yirore bajiro yigu ŝagumi Dios” yituoġagŭ ŝari, Diore ġre ġabetiboarine, i bojarore bajiro i yirotire masicōari, vacoamasifuju. ²⁸ “ġ yirore bajiro yigu ŝagumi Dios” yituoġagŭ ŝari, Israel ŝamasir'i jănerabatiare “Dios i rotirore bajiro Pascua boserumu yito mani” yigu, oveja sġar'i riġre coĵovi ruĵabeto soĵirire turotomasifuju. Tire ġamasicōari, Israel ŝamasir'i jănerabatia ġna rġa cutisuararăre “Dios i cōagŭ āngel, sġagŭ sġajabeticōato” yigu, yimasifuju Moissés ŝamasir'i.

²⁹ “ġ yirore bajiro yigu ŝagumi Dios”, yituoġară ŝamasifujară Israel ŝamasir'i jănerabatia quġene. To bajiro Diore tuoġară ŝari, Diore ajitirŭncōari, moa riaga Oco Sŭarisa vame cutiyare ĵemasifujară. Dios i masise suori “Riagare ĵeato” yigu, oco mano i yibosajare, carari maare ĵemasifujară ġna. To bajicōari, egipcio masa ġnare tuoruară, suĵajġemasiboayujară. ġna ĵeajabetone, ruureacōamasifuju Dios.

³⁰ To bajiro ġna bajimasiriaro bero, Israel ŝamasir'i jănerabatia Jericō vame cuti macare emaruară, ti macare ġna matariacŭni suĵaroĵare eĵacōari, coĵomo cōro ĵua ĵġnitarirăcarŭmuri rġa gānibiarŭgŭmasifujară ġna. To bajiro ġna bajirone, “ġ yirore bajiro yigu ŝagumi Dios” yituoġară ġna ŝajare, ti maca matariacŭni cague vġjacoamasifuju ti. ³¹ Ti macago Rahab vame cutigo, amuare aĵeriară cuticōari, vaju sġnigō ŝaboarine, “ġ yirore bajiro yigu ŝagumi Dios”, yituoġagŭ ŝamasifuju so. To bajiri Israel ŝamasir'i jănerabatia ĵuară ġarudirimasa eĵarăre quġenaro ġnare yimasifuju so. Quġenaro ġnare yirio ŝari, so ya macana Diore ajirucubobetiriară rāca rijabetimasifuju.

³² Ĵere jairo muare gotibu yu. Tire bajiro Diore tuoġamasiriară ĵediro ġna bajimasirere yu ucajama, yoaro ucaboguĵa yu. Gedeōn, Barac, Sansōn, Jeftē, David, Samuel, to yicōari, Diore gotirġetobosariară ĵediro ġna bajimasirere quġene ucaboguĵa yu. ³³ ġna quġene, “ġ yirore bajiro yigu ŝagumi Dios” yituoġară ŝari, gaje sitana rāca ġna gāmeră sġajama, ġnajua rġne, ġnare sġacōarŭgŭmasifujară ġna. Gāĵerăma, quġenaro masare rotimasifujară ġna, ġna yarăre, “Quġenaro gāmeră yato” yiră. Gāĵerăma, rojose tāmŭoră ŝari, “Yuare eĵarēmōġa” yiră, Diore sġenimasifujară ġna. To ġna yijare, i gotiriarore bajirone ġnare eĵarēmomasifuju Dios. Gāĵerăma, “ġ yirore bajiro yigu ŝagumi” Diore ġna yituoġajare, “Yaia, leōn vame cutiră ġnare babeticōato”, yiyumi Dios. ³⁴ Gāĵerăma, jeame buto ŭĵuroĵu ġna reatġariară ŝaboarine, uabetimasifujară. Gāĵerăma, ġnare ġaterimasa ĵariaseri rāca ġna sġaruasere ġacōari, rudimasifujară. Gāĵerăma, tġmabetiboariarăne, Dios ġnare i eĵarēmĵare, tġmară ŝacoasujară ġna. To bajiri, ġnare ġateră sġară eĵarăre ġnajua rġne sġareacōarŭgŭmasifujară. ³⁵ Rōmia quġene, “ġ yirore bajiro yigu ŝagumi” Diore ġre yituoġară ŝari, bajireacoanare Dios i masise suori i catorăre yară cutiyujară.

Gāĵerăma, “ġ yirore bajiro yigu ŝagumi Dios” yituoġară, ado bajiro bajiyujară: ġnare ġaterimasa ġnare ġġecōari, “Dios ocare mu ajitirŭnu tġjabetġjama, mure sġaruarăĵa yua”, ġnare yigotiyujară ġna. To bajiro ġna yibojajuġene, “ġ yirore bajiro yigu ŝagumi Dios” yiră, ġnare gŭimeneane, ado bajiro tuoġafujară ġna: “ġna sġacōajuġene, tudicaticōari, Dios tġju rġtoro quġenaro ŝaruarăĵa mani”, yituoġamasifujară ġna. To bajiro yiră ġna ŝajare, ġnare sġacōafujară. ³⁶ Gāĵeră quġene, “ġ yirore bajiro yigu ŝagumi Dios” yituoġară ŝari, ado bajiro rojose tāmŭofujară ġna: ġnare ajatud'icōari, ġnare bajeyujară. Gāĵerăma, ġna amoriĵu cōmemarine sġacōari, tubibecŭfujară ġna. ³⁷ Gāĵerăma, gŭtane ġnare reasġafujară. Gāĵerăma, ġna ruĵu ĵudarecone yġjetasġacōafujară. Gāĵerăma, ĵariaseri rāca ġnare sareasġacōafujară ġna. Gāĵerăma, sudi manġare, vaibucugasene sġaġafujară. To bajicōari ġna ŝaroti maca buĵamenane, maioro rojose yġcocudirŭgŭfujară ġna. ³⁸ “ġ yirore bajiro yigu ŝagumi Dios”, yituoġară ŝafujară ġna. Dios i ġamairă ŝaboarine, gāĵeră ġna ġateră ŝari, ġna ŝaroti buĵamenane masa manĵu, gŭtayucari vatoĵu gŭtavirġu gŭtadiyujară ġna.

³⁹ Rojose tāmūoriarā muare yu gotirā, jediro ñañujarā “Í yirore bajiro yigu ñagūmi Dios” yituoīariarā. To bajiro Diore tuoīarā ñari, “Manire ñavariquēnagūmi Dios”, yituoīañujarā ña. To bajise tuoīarā ñaboarine, niyuane “Quēnaro yirucujā yu” Dios i yirere yiecobesuma maji. ⁴⁰ Ña tuoīase rētoro quēnase i yiruajare, to bajiro bajiyuma maji. To bajiri, yucurema, mame Dios i vasoase ñajare, ñare, manire quēne, “Rojose mana ñaama”, yīlagūmi Dios.

12

“Cristore ajitirānucōa ñarūgūruarāja mani”, yire queti

¹ To bajiro mani ñicua ña bajirere mani ajijama, “Í yirore bajiro yigu ñagūmi” Diore ñe yituoīacōari, quēnaro ñe ajitirānūñuma ña”, yimasijama mani. To bajiri josase ti ñaboajaquēne, mani quēne, Diore ajitirānū tajabeticōato mani. Mani tuana rojose manire ña yirotijama, ñare cudibetiruarāja mani, “Ña suorī Dios i bojabeti yirobe” yirā. Jesucristo, adigodoju ñagū Diore i ajitirānūriarore bajiro mani quēne Diore ajitirānucōa ñarūgūruarāja. ² Cristore tuoīatujabetiroti ñaja manire. Ñe ñaami mani tuoīamasirotire cōagū. To bajiri, manire i ejarēmojare, “Í yirore bajiro yigu ñagūmi Dios”, yituoīa tajabeaja mani. Yucātēroju masa ñe ña jajuturo, buto rojose tāmūogū ñaboarine, Dios taju quēnaro i ñarotijare tuoīagū ñari, ñe ña yirotire, “Yibeticōato”, yibesumi. To bajiri manire rijabosacōari, yucurema, o vecaju Dios i rotiñaroju i riojocacatua rucuborīajare rujigu ñagūmi.

³ Jesús adigodoju i ñaro, buto rojose ñe ña yiboajaquēne, quēnasejuare yicōa ñañumi. To bajiri mani quēne, rojose tāmūorā ñaboarine, quejemenane, quēnasejuare yicōa ñarūgūroti ñaja. ⁴ Jesucristo rojose i tāmūoriarore bajiro tāmūomenaja mua maji. To bajiri, rojose tāmūorā ñaboarine, ñacōarāja mua. ⁵ Diore ajitirānūrā ñari, i rīare bajiro bajirāre, “Rojose tāmūorā ñaboarine, Í yirore bajiro yigu ñagūmi” yare yituoīa tajabeticōato ña” yigu, muare gotimasioñumi. Tire masiritirāja mua. Ado bajise gotiaja ti Dios ocare masa ña ucamasire: “Macu, ‘Ado bajirojua yija’, mure yu yisere ajitebesa. Rojose tāmūogū ñaboarine, yu bojarore bajiro yicōa ñaña.

⁶ Yane ña jacure bajiro bajigu ñari, yu mairāre, ‘Ado bajirojua mua yijama, quēnaruaraja’ ñare yirūgūaja yu”, yigotiaja Dios ocare masa ña ucamasire.

⁷ To bajiri, rojose tāmūoboarine, “Í yirore bajiro yigu ñagūmi Dios”, yituoīa tajabesa mua. Rojose mua tāmūose suorine quēnaro muare i yirotire masiogū yigūmi Dios. Sigū i rīare i gotimasiorore bajiro yigu, yigūmi Dios, “Yu bojarore bajiro yirā ñato” yigu. Rīa cutirā jedirone, ña rīare gotirūgūrāma. ⁸ To bajiri, Dios quēne, “Yare ajitirānūrā ñari, yu rīare bajiro bajirā ñaama” yigu, ñare gotimasiorūgūmi Dios. To bajiro muare Dios i yibetijama, jacu manare bajiro ñaborāja mua. ⁹ Mani jacua, manire ña yirere tuoīato mani. Rīamasaca mani ñaro rojose mani yijare rojose manire yiriarāma ña, “Yua bojarore bajiro yirā ñato” yirā. To ña yirore ajirūcuborīarāja mani. To bajiri Dios quēne, “Yare bajiro quēnaro yirā ñato” yigu, rojose mani yijare, rojose manire i yijama, butobusa ñe ajirūcuboroti ñaja manire. Ñe mani ajirūcubojama, mani rijato bero, tudicaticōari, i rāca quēnaro ñacōa ñarūgūruarāja mani. ¹⁰ Mani jacua, ña gotimasiojama, ña yimasiro cōro manire gotimasioriarāma ña. Diojama, masijogū ñari, “Ado bajirojua ña yijama, quēnaja”, yimasigū ñagūmi. To bajiro yigu i ñajare, yucurema rojose tāmūoboarine, quēnaro ñe mani ajirūcubuo tajabetijama, ñe bajiro quēnaro yirā ñaruarāja mani. ¹¹ Rojose mani yise vaja “Rojose tāmūoato ña” yigu, Dios rojose manire i yijama, sutiritirāja mani. Rojose mani tāmūosere tuoīacōari, “Ado bajise manire yimasioḡū yigūmi Dios” mani yituoīamasijama, i bojarore bajiro yiroti ñaja. To bajiro mani yijama, quēnaro ñaruarāja mani.

“Dios ocare mani ajitirānū tajajama, ḡūiose ñaja”, yire queti

¹² To bajiri, “Dios manire i gotiriarore bajirone quēnaro yirucūmi” mua yituoīa suocatore bajiro yituoīañā mua quēna. Tire tuoīacōari, mua yimasiro cōrone Diore quēnaro ñe ajitirānūñā mua, “Ñajediro Dios i gotiriarore bajirone quēnaro manire yato” yirā. ¹³ To bajiri, Dios i bojasere yiruarā, quēnaro tuoīañā mua. Quēnaro tuoīacōari, i bojarore bajiro mua yijama, mua babarā quēne Cristore butobusa ajitirānūruarāja ña.

¹⁴ Mua jediro, quēnaro gāmerā yirūgūruarāja mua, “Quēnaro ñacōari, butobusa Dios i bojarore bajiro yirā ñato mani” yirā. To bajiro mua yibetijama, Diorāca quēnaro ñabetiruarāja.

¹⁵ Mua rācana ñajedirore quēnaro ejarēmorūgūruarāja mua, “Cristo suorī Dios quēnaro manire i yisere, ‘Socase ñaja’ yituoīaroma ña” yirā. Socase yigu i ñajama, “Í suorine Dios ocare ajitirānū tajacōari, ñjare ajisuyaroma” yirā, quēnaro gāmerā ejarēmorūgūña. ¹⁶ To yicōari, “Gāmerā ajeriarā cutiroma” yirā, mua rācanare quēnaro gotiruarāja mua. Esaú ñamasir’ire bajiro yibeticōañā mua. Í gagu ñaboarine, bare barune, “Yare mu ecajama, mu bedire bajiro bajirucujā yu”, ñe yimasifūju. To yicōari, “Mani jacu i rijaroto rījoro, ‘Yu macu ñasuogū ñaami’ i yirocu ñarucujā mu. To i yirocu ñari, ‘Quēnaro yirucujā’ Dios i yirere yiecorocu ñarucujā mu”,

yimasifñuju Esaú, i bedire. ¹⁷ “Dios ocare ajirucubuebecu ñañumi”, ñe yimasiaja mani, ado bajiro ña bajimasire ñajare: I jacu i bajirocaroto rñoro, “I gagu ñaja mua. To bajiri quënarore mure yirucumi Dios”, i jacu i yisere ajirucubuebecu Esaú. “Jere mu bedijare gotiyuja yu” i yisere ajicöari, buto otiboarine, “Quënarore yirucuja” Dios i yirere bajabetimasifñuju Esaú.

¹⁸ To bajiri, mame Dios i vasoasere ajirucubuebecu ñari, muama, mani ñicua ña ñamasire ñire ñabesuja mua. ñama, gütaju ñacudir'i Moisés i rojaejaro bero, gütaju ti ñusere ñañuma. To bajicöari ti buesene rëtiacöamasifñuju. Buto bujo quëne jamasifñuju. To bajicöari, mino buto vamasifñuju. ¹⁹ To bajiro ti bajirone, jutiria trompeta vame cutia busisere ajicöari, buto güimasifñujarä ña. To bajicöari, Dios i ocaruyusere ajimasifñujarä ña. Tire ajigüicöari, to cörone i ñagötujasere bojamasifñujarä ña. ²⁰ Dios i rotirere no bajiro yimasibetica yirä, “To cörone ñagötujato”, ñe yimasifñujarä. Ado bajiro ñare rotimasifñuju Dios: “Sigü masu, to yicöari, vaibucu ügü quëne gütare i cudajama, gütane reasicöaroti ñaja”, yimasifñuju. ²¹ ña ñamasire buto güiose ti ñajare, Moisés ñamasir'i quëne, “Güigu, nanaja yu”, yimasifñuju.

²² Mani ñicua ña bajimasiriarore bajiro bajirä me ñaja muama. To bajiri, ö vecaju ñaricu gütaju joeju ñarimaca Jerusalén vame cuti macaju Dios ñacöa ñarügügü ya macaju ñaräre bajiro bajiaja mua. To bajicöari, Dios tuana jajarä ängel mesa rëjacöari, Diore ña rucubuebecu ñaräre bajiro bajiaja mua. ²³ To bajicöari, “Ado cöro ñaama yu räca ñarügürona” Dios i yucaturiarä ñari, i tuju ñarä räca rëjaräre bajiro bajiaja mua quëne. Masa ñajediore ñabeserocu tujare güimenane ejaräre bajiro bajiaja mua. Rojose yiriarä ñaboarine, Jesúre ajitirünuriarä ña ñajare, i tuju ña ejaro, “Rojose mana ñaja mua” Dios i yñiarä räca ñaräre bajiro bajiaja mua quëne. ²⁴ To bajiri, Jesús tuju ejarona ñaja mua. ñe ñaami, “Mame oca muare vasoarucuja yu” Dios i yiriarore bajiro bajiato” yigu, manire rijabosar'i. To bajiri, i ri'i suorine, “Rojose mana ñaama”, manire yñañumi Dios. To bajiboarine tirämuju, Abel ñamasir'i i sñacomasirejuama, “I ri'i suorine ‘Rojose mana ñaama’ masare Dios i yñiaroti me ñamasifñuja”, yimasiaja mani.

²⁵ To bajiri Cristo i rijabosare suorine mame oca Dios i vasoarere ajitirünuroti ñaja. Moisés ñamasir'ire Dios i roticümasirere cojoji me ña cudibetijare, rojose ñare yirügümasifñuju Dios, “Yitujacöari, yu bojasejuare yato ña” yigu. To bajiro i yimasire ñajare, mame i vasoasere quëne mani ajibetijama, “Rojose manire yirucumi”, yimasiaja mani. ²⁶ Gajeyerema tirämuju mani ñicua ñamasiriaräre gotigu, sita nuraroju ñagömasifñuju Dios. I ocare masa ña ucamasire quëna i yirotiore ado bajiro gotiaja: “Quëna yinurajoama, adi macarucuroaye, ö vecayere quëne yinurabatorucuja yu”, yigotiaja, Dios ocare masa ña ucamasire. ²⁷ To bajiro quëna Dios, “Yirucuja” i yirere mani ajijama, “Adi macarucuro ñase jediro i rujeorere reajeocöarucumi”, yimasiaja mani. Rëmojuene “Yayibetiruroja” i yirujeore rñe ruyaruroja ti. ²⁸ To bajiri socame me ti ñajare, “Diore ajitirünuriarä ña bajireajama, i rotñaroju ña caticöa ñarotire yigu, i catisere i isiriarä ñari, i räca ñarügüruaräma”, yimasiaja mani. To bajiro mani bajiroti ti ñajare, Diore rucubuebecu, “Quënarore yure yaja mu”, ñe yisëñito mani. To yicöari, i bojarore bajiro yirügüto mani, “Manire ñajünisinicöari, rojose manire yiromi” yirä. ²⁹ I bojabeti yiräre rojose yigu i ñajare, i bojarore bajiro yiroti ñaja manire.

13

“Iavariquëñato Dios” yirä, quënarore mani yiroti queti

¹ To bajiri adi muare gotitusaja yu: Ado bajiro yñañu mua, “Manire ñavariquëñato Dios” yirä. Cristo yarä ñari, gämärä ñamaitujabesa mua. ² Gajeroana mua masimena Cristore ajitirünurä mua tu ña ejajama, quënarore ñare yiruaräja mua. Mani ñicua quëne, gajeroana ña masimena ña ejabojajuquëne, quënarore ñare yirügümasifñujarä ña. To yirä ñari, cojojirema ängel mesare “Dios i cöariarä ñaräma” yimasibetiboarine, quënarore yimasifñujarä ña.

³ Gäjärä Cristore ajitirünuräre tubibe ecoräre masiritibesa mua. Mani quëne mani tubibe ecojama, “Quënabetoja” yitüoñarä ñari, ejarëmoña. Gäjäräre quëne, rojose ñare ña yijama, mua quëne ña räca rojose tämuoräre bajiro ñare ñamaicöari, ejarëmoña mua.

⁴ Gämärä mua bojasere quënarore rucubuebecu ñaja. Manajo cutirä, manaju cutirä, manajo mana, manaju mana quëne gäjärä räca ajeriarä cutibesa. To bajiro mua yijama, “Rojose tämuoruaräma”, muare yirucumi Dios.

⁵ Jairo gäjoa cuorna tuoñabesa mua. Mojoroaca cuorä ñaboarine, “Jere ñacöaja”, yitüoñacöañu mua. Ado bajiro Dios i yirejuare tuoñañu: “Mure vaveobecune, mu räca ñacöa ñarügüncuja yu”, yiyumi Dios, manire. ⁶ To bajiro i yirere mani ajijama, “Socu me yiyumi” yimasicöari, Dios oca ti gotirote bajiro ado bajiro yimasiaja mani:

“Dios ñaami rojose yu tämuoro, yure ejarëmogü. To bajiro rojose yure yiräre güibeaja yu”, yaja mani.

⁷ Cristo ocare muare gotimasiosuocana ina bajicature masiritibesa mua. “I yirore bajiro yigu ñagūmi Cristo” yituoīarā ñari, ire ajitirānu tujamenane, bajireacoacama ina. Ina bajicatore bajiro, Cristore ajitirānu tujabesa mua quēne.

⁸ Jesucristo ñagūmi tuoīavasoabecu, cojojire bajiro quēnaro yirūgūgā. To bajiri muare gotimasiosuocanare quēnaro inare ejarēmori, manire quēne to bajirone ejarēmocōa ñarūgūrūcūmi. ⁹ Muare ina gotimasiosuocate bajiro me, ricati ina gotimasiosere ajitirānubeticōaīa mua. Ado bajiro muare gotirūgūrāma ina: “Babetiruarāja mua” mani ñicua ñamasiriarā ina yimasirere mua ajirūcubuoja, quēnaja, muare yirāma ina. To bajiro muare ina yigotise me, ado bajiro mua yituoīarūgūsejua ñaja quēnase: “Dios manire īamaicōari, manire ejarēmorūcūmi” mua yituoīarūgūsejua ñaja quēnase. To bajiro mua tuoīajama, butobusa ī bojarore bajiro yirā ñarūtuararāja mua.

¹⁰ Cristo manire ī rijabosare suori Moisére Dios ī roticūmasiire bajiro me bajiaja. Moisére Dios ī roticūmasiire ajitirānūrā, rojose ina yisere “Masirioato Dios” yirā, “Vaibucurā soemuocōa ñaroti ñaja” yituoīarā ina ñajare, “Rojose mana ñaama”, inare yīabecūmi Dios. Manijhārema, vaibucu rii ina soemuose ūnirene yigu, Cristo ī rijabosare suori, “Rojose mana ñaama” Dios ī yīarā ñaja mani. ¹¹ Moisére Dios ī roticūmasiire ajitirānugā paia uju ñamasugūma, vaibucu ina sīar’i ri’i ėoriabajare āmisājacūmi, Dios ī ñarisōa vāme cuti sōaju, “Rojose ina yisere masirioato Dios” yigu. Ī sājatoye, vaibucu rujuuarema ti maca sojuaju āmivacōari, soerocacōarāma ina, ire īaterā ñari. ¹² To bajiro vaibucure ina īaterore bajiro bajiyumi Jesús quēne. Jerusalén maca sojuaju yucātēroju jajuśia ecoyumi, rojose mani yisere manire yirētobosagu. To bajiro bajiyumi, “Rojose mana ñaama” manire Dios ī yīarotire yigu. ¹³ To bajiro Jesús ī bajibosare ñajare, Moisére Dios ī roticūmasiire ajitirānūrā rojose muare ina yibocajquēne, tīre ajirūcubuo tujacōari, mame Dios ī vasoarēare ajitirānūroti ñaja muare. ¹⁴ To bajiro bajiruarāja mua, adigodoayere tuoīabeticōari, “Dios ī ñarimaca ñaja mani ñacōa ñarūgūroti maca” yituoīarā ñari. “Adi macarūcurojarema manija mani ñacōa ñarūgūroti ti ñajare, vaibucurāre sīacōari, ina soemuose ūnirene yirā, “Quēnamasucōaja mu” Diore yirūcubuo tujabetiroti ñaja, manire. ¹⁶ To yicōari, “Quēnaro gāmerā yiroti ñaja manire” yirere masiritibeticōaīa mua. To yicōari, mua tuana maioro ina bajisere masicōari, mua cuose inare īsiña. To bajiro mua yijama, Dios ī īavariquēnase yirā, yiruarāja mua.

¹⁷ Muare ūmato ñarāre quēnaro cadiya mua. “¿No bajiro inare īatirūnucati mua?” manire yisēniñagūmi Dios” yimasirā ñari, tocārācarūmune, “Diorāca quēnaro ñato ina” yirā, muare īatirūnūrūgūrāma ina. To bajiri, quēnaro inare mua cadijama, to bajiro mua yisere, “Ado bajiro quēnaro mure ajitirānucama ina”, Diore ire yivariquēnaruarāma ina.

¹⁸ To bajiri, “Dios ī bojarore bajirone yato ī” yirā, Diore yure sēnibosaya. Dios ī bojase jediro yirūgūaja yu. To bajiro yigu ñari, tuoīarejaibecune ñacōaja yu. ¹⁹ To yicōari, yaro mene quēna mua tu yu varotire yirā, yure sēnibosaya mua, Diore.

“Quēnaro muare yato Dios”, yire queti

²⁰ “Quēnaro ñato ina” yigu manire ejarēmogūmi Dios. Īne ñagūmi, mani uju Jesús manire ī rijabosaro hero, ire catior’i, ire catiōcōari, “Ovejare īatirūnugūre bajiro, yu yarāre quēnaro inare īatirūnūrucuja mu” ire yir’i. Jesús ī rijabosare suorine, “Rojose ina yisere masiriōcōari, quēnaro yirūcujaja yu” masare Dios ī yimasiriarore bajirone bajiyuja. To bajiro ī yise jedibetiuararoja. ²¹ Ado bajiro Diore muare sēnibosaja yu: “Mu bojarore bajiro yato ina” yigu, inare ejarēmōia mu”, muare yisēnibosaja yu, Diore. “Jesucristo ī ejarēmose rāca quēnaro yaja mua” yivariquēnato” yigu, Diore muare sēnibosaja yu. Quēnarētogū Cristo ī ñajare, “Quēnamasucōaja mu”, ire yirūcubuo tujabetiroti ñaja, manire. To bajirone bajicōa ñarūgūato.

²² Mojoroaca muare papera ucacōaja yu. To bajiri, “Butobusa, ĩ yirore bajiro yigu ñagūmi” Cristore ire yituoīato ina” yigu, muare yu gotisere quēnaro tīre ajimasīña mua, yu mairā. ²³ Mani maigū Timoteore ina tubiber’ire jēre ire bucāñujarā. To bajiri, yaro mene ī ejajama, ī rāca mua tujū varacujaja yu.

²⁴ Muare ūmato ñarimasa, to yicōari, mua rācana Jesucristore ajitirānūrā jediro, “Quēnato”. “Quēnato”, muare yama Italia sitana quēne.

²⁵ Dios, muare īamaigū ñari, quēnaro muare yato ī.

To cōro ñaja.

Carta de SANTIAGO

Jud'io masa, Jesucristore ajitirănurăre, Santiago i ucacôare

¹ ȚNaboati mua, yu yară, Jesucristore ajitirănură, jud'io masa? Adi papera răca muare ucacôaja yu, Santiago. Mani jacu Dios, mani uju Jesucristo quêne, îna boasere yigu ñaja yu. Juaămo cōro, gubo jua jēnituaru masa jūnari ñaja mani, adi macarucaro jediro ñabatoră. Muare quēnarotiaja yu.

“Diore mani sēnijama, i masisere manire cōarucumi”, yire

² Ajiya yu yară, Jesucristore ajitirănură. Găjeră, rojose muare îna yiboajaquêne, sutiritimenane, variquēnama. ³ Ado bajiro ti bajijare, “Variquēnama”, muare yaja yu: “Rojose tâmuoră ñaboarine, Jesucristore mani ajitirănucôa ñajama, rojose yiruaboarine, tire yibetiruarăja”, yimasirăja mua. ⁴ Rojose mua yibetire tuoăvariquēnacôari, beroju quēna rojose tâmuoră, “Rojose yibetiroti ñaja” mua yirere masiritibeja mua. Tocăracajine rojose tâmuoaboarine, Jesucristore mua ajitirănucôa ñajama, Dios i bojarore bajiro yiră ñaruarăja mua.

⁵ “ȚNo bajiro yu yirotire bojarolari Dios?” mua yituoăjama, îre sēniña. “ȚNo yiră yure sēniati mua?” yigu me ñaami Dios. Îre sēniră jedirore, “Yu masisere îmare cōarucuja” yigu ñaami. To bajiri îre mua sēnijama, mua masirotire muare ajorucumi. ⁶ Diore mua sēnijama, “Yu masirotire yuare ajobetirucumi”, yituoăbesa. Diore sēniğă, “Yure ajogumi” yigu ñaboarine, “Yure ajobecumi” i yituoăjama, oco sabesere bajiro bajiroja i tuoăse. Gajeroju sabe, quēna gajeroju sabe, bajiñarore bajiro bajiroja i tuoăboase. ⁷⁻⁸ To bajiri, cojoju ñamasibetore bajiro bajiroja, i tuoăse. Jairo tuoăgă i ñajare, “Dios i bojarore bajiro yirucumi”, yimasîña manojă. “Îre bajiro mani bajijama, mani sēnisere cōabetirucumi Dios”, yimasîña.

⁹ Maioro bajiră ñaboarine, “Jesucristore ajitirănură ñari, Dios rîare bajiro bajiră ñaja yua” yimasicôari, variquēnaro ñaroti ñaja muare. ¹⁰ Gajeyeuni jairă Jesure ajitirănurăre, variquēnaro ñaroti ñaja îmare quêne, “Ŋamasuse me ñaja yua cuose” îna yituoăjama. Go yoaro mene sînirore bajiro bajiaja mani. To bajiro yu yijama, “Yoaro meaca catiruarăja mani” yigu yaja. ¹¹ Buto muiju i asijama, quēnase ruyuboasene sînirea bajicoacaja, ta, to yicôari, go quêne. To bajiri iariaro quēnase ruyuboase manicaju. Tire bajiro bajirăma gajeyeuni jairo cuoboariară quêne. “Jaubusaro gajeyeunire bujarăsa mani” yiră, moa vaja tañară rîne, bajireacoaruarăma.

“Rojose rîne mani yicôa ñajama, rojose tâmuotujabetiriaroju varuarăja mani”, yire queti

¹² Rojose tâmuorăgără ñaboarine, mani rijato beroju, Dios taju i răca variquēnacôa ñaruarăja mani. “To bajirone bajiruarăma yure mairă”, yiyumi Dios. To bajiro mani bajiroti ñajare, rojose mani yiruaboasere mani yibetijama, variquēnaruarăja mani. ¹³ Rojose mani tuoăse, “Dios suorine to bajiro tuoăja”, yiroti me ñaja. Rojose tuoăgă me ñagămi Dios. To bajiri, “Dios suorine rojose yaja”, yimasîña maja. ¹⁴ Ado bajirojua bajiaja: Mani masune rojose yirua tuoăcôari, yirăgăja mani. ¹⁵ Rojose rîne mani yicôa ñajama, rojose tâmuotujabetiriaroju manire cōarucumi Dios.

¹⁶ Yu mairă, quēnaro tuoămasîña: ¹⁷ “Jediro quēnase, Dios manire i cûre ñaja. Î ñagămi amuagu muijare, ñamiagure, to yicôari, ñocoare quêne rujeomasir'i. To bajicôari, ‘Yirucuja’ i yiore bajirone yigu ñaami, quēnase rîne tuoăgă”, yituoăroti ñaja. ¹⁸ Î oca quēnasere mani ajitirănusoriarămune, i răca mani caticôa ñarăgărotire manire isîni. To bajiro i yire ñajare, i rîa ñasurăre bajiro bajiră ñaja mani. Tirămăjune to bajiro mani bajirotire bojayumi Dios.

“Dios oca ti gotirore bajirone cudiroti ñaja”, yire queti

¹⁹ Yu mairă, muare yu gotirotire masiritibeja mua: Mua răcana muare îna gotisere quēnaro ajiroti ñaja. Muajua quêne, mua răcanare mua gotijama, quēnaro tuoăcôari, îmare gotiba. Muare îna ajirăbetijama, guaro jūnisinibetiroti ñaja. ²⁰ Găjerăre mani jūnisinijama, Dios i bojarore bajiro yiră me yirăja mani. ²¹ Mani ajirăgăse, to yicôari, mani gotirăgăse quêne, ñamasuse ti ñajare, rojose mua yirăgăse jedirore yitujacôa ñaja. To yicôari, Dios ocare ajitirănucôa ñarăgăña. Tire mua ajitirănucôa ñajama, rojose tâmuotujabetiriaroju mua vaborotire muare yirătobosarucumi Dios.

²² Dios ocare ajicôari, ti yiore bajiro cudiroti ñaja. Tire ajiboarine, ti gotirore bajiro mua yibetijama, “Diore ajitirănură ñaja yua” mua yituoăboase socase ñaroja. ²³⁻²⁴ Dios ocare ajiboarine, mua cudibetijama, muare ejarămobetaja. Mua cudibetijama, sîgă ěoro amălacăgă ñaboarine, ěorore i cûrămarone, “To bajigu ñamu yu” i yimasibetore bajiro bajirăja mua. To

bajiri ěoroju quẽnaro ĩĩaboase ĩre ejarẽmobetoja. ĩre bajiro bajirãja mua, Dios ocare ajiboarine, mua cudibetijama. ²⁵ Gãjerãma, rojose ĩna tãmuoborotire Cristo ĩ yirẽtobosarere tuoĩacõari tire masiritimenama. Masiritimena ñari, Dios ĩ rotisere variquẽnase rãca yicõa ñaruarãma.

²⁶ “Diore yu yirucubuoase suorine ĩ bojasere yigu yaja yu”, yituoĩarãma sigũri. To bajiro yituoĩarã ñaboarine, rojose ĩna ñagõsere ĩna yitujabetijama, ĩna masune socarã yirãma. Diore ĩna yirucubuoase, vaja manojã ti. Dios ĩ bojasere yirã me ñarãma ĩna. ²⁷ Mani jacu, Dios ĩ ĩajama, socu me ĩ bojasere yiguma, ado bajiro yigu ñagũmi: Jacua rijaveoriarã, to yicõari, manajua rijaveoriarẽ quẽne, maioro ĩna bajijare, ĩnare ejarẽmogũ ñagũmi. To bajicõari, gãjerã rojose ĩna yirũgũrore bajiro yibecu ñagũmi ĩna.

2

“Jesũ ocare ajitirũnurã ñari, gãmerã ĩarucubworoti ñaja”, yire

¹ Ajija yu mairã. Mani uju, Jesucristore ajitirũnurã ñaja mani. Quẽnamasugũ ĩ ñajare, ĩre buto rucubuoaja mani. To bajiro yirã ñari, mani rãcanare quẽne gãmerã ĩarucubworoti ñaja. ² Mua rẽjarone, sigũ quẽnase sudi sãñacõari, ãmo sãriabedori sãcõari ejagumi. To yicõari, gãjjijua sudi bucu sãñacõari ĩ ejajama, ado bajiro yirãja mua: ³⁻⁴ Quẽnase sudi sãñacõari, sãjaejagurema, “Ado ñaja rujiriaro quẽnarito”, ĩre yirãja mua. Maioro bajijugũarema ĩ sãjaejaro ĩacõari, “Tone rũgõcõaĩa. Mu bajiruabetijama, rucacane rujicõaĩa mu” ĩre mua yijama, quẽnaro gãmerã ĩarucubwomena yirãja mua. To bajiro mua yijama, Dios ĩ bojarore bajiro yirã me yirãja mua.

⁵ Ado bajiro muare yu gotisere quẽnaro ajija mua: “Yu macũre ajitirũnuĩa” Dios ĩ yirere cudiriarã, maioro bajirã jãjarã ñaama. “Maioro bajirã ñaama” Diore ajimena ĩna yĩlarã ñaboarine, Jesucristore ajitirũnurã ñari, “Butobusa ĩre ajitirũnurã ñato” yigu, quẽnaro Dios ĩ yirã ñaama. To bajicõari, ĩ gotiriarore bajirone ĩ tũju ejarona ñaama. ⁶ To bajiboarine, maioro bajirãre ĩnare ĩarucubwoeaja mua. Gajeyeũni jairãjuare rucubworũgũaja mua. “Ĩna suorine rojose tãmuorãja mani”, ĩyimasibeatique mua? ĩna ñaama muare gotiyiroruarã, ujarã tũju, muare juavarũgũrã. ⁷ “Jesũ yarã ñaja yua” yicõari, bautiza ecoriarã ñaja mua. To bajiri, ĩ ocare ajicõari, quẽnaro variquẽnaja mua. Gajeyeũni jairãjuama ĩre rucubwobeticõari, ajarũgũama. ĩTire masibeatique mua?

⁸ Mani uju, Dios ñamasusere ĩ rotimasire ado bajiro gotiaja: “Mu masu rujare mu maiore bajirone mu tuanare maiĩa”, yigotiaja. Tire mua cudijama, quẽnaro yirã yirãja mua. ⁹ Tire ajirã ñaboarine, masa jedirore mua ĩarucubwobetijama, rojose yirã yirãja mua. To bajiri, “Mua ye suorine rojose ñaja”, muare yĩlagũmi Dios. ¹⁰ Dios ĩ rotimasire ĩnare cõrone cudijeomeneare, “Ĩna ye suorine rojose ñaja”, ĩnare yĩlagũmi Dios. To bajiro yĩlagũ ĩ ñajare, ĩ rotirere cojo vãme mani cudibetijama, ñajediro ĩ rotirere cudibetijeocõarẽ bajiro bajirãja mani, Dios ĩ ĩajama. ¹¹ Tirũmũju ado bajiro rotiyumi Dios: “Manajoa cutirã quẽne, manajua cutirã quẽne, gãjerã rãca ajeriarã cutibesa. Gãjerã sĩabesa”, manire yiyumi Dios. To bajiro ĩ yire ñajare, manajoa cutirã gãjerãre ajeriarã cutibetiboarine, gãjire mani sĩajama, Dios ĩ rotimasire cudimena yirãja mani. ¹² To bajiri, “Rojose mani yiruasere yibeticõari, Dios ĩ bojarore bajiro quẽnase rĩne yirã ñato” yigu, manire rijabosayumi Cristo. To bajiri, quẽnaro mani yibetijama, rojose mani yisere masicõari, rojose manire yirucumi Dios, yimasirã ñari, quẽnase rĩne yiroti ñaja manire. ¹³ To bajiri gãjerãre mani ĩamajama, manire quẽne ĩamairucumi Dios. Gãjerãre mani ĩamaibetijama, masare ĩ ĩabeserĩrũmu ti ejaro, manire quẽne ĩamaibetirucumi Dios, rojose mani yire vaja.

“Quẽnaro mani yisere ĩacõari, ‘Socarã mene yure ajitirũnurã ñaama’ yigumi Dios”, yire queti

¹⁴ Adire quẽne quẽnaro ajija yu mairã: “Rojose tãmuotujabetiriaroju yua vaborotire yuare yirẽtobosarucumi Dios” yirã ñaboarine, gãjerãre mua ejarẽmobetijama, Diore ajitirũnurã me ñarãja mua. To bajiro mua bajijama, rojose tãmuotujabetiriaroju muare cõarucumi Dios. ¹⁵⁻¹⁶ Cojojirema, ado bajiro bajiroja: Jesũre ajitirũnugũ, buto ñiorijagu, to yicõari, sudi magũ maioro bajigu ĩ ñabojaquẽne, “Quẽnaro vasa. Bare quẽnase bujaba. To bajicõari, sudi bujaba” ĩre yigotiboarine, ĩ bojasere mani ĩsibetijama, socarãre ĩre yigotiboarãja mani. ĩre mani ñagõboase ñie vaja manojã. ¹⁷ Tire bajiro bajiaja Diore mani ajitirũnuse. “Diore ajitirũnurã ñari, ĩ yarã ñaja mani” yiboarine, gãjerãre mani ejarẽmobetijama, “Diore ajitirũnurã ñaja yua” mani yituoĩaboase ñie vaja manojã. Dios yarã me ñarãja mani.

¹⁸ “Yu gotisere ajimasimenama” yigu, ado bajiro gotiaja: “Gãjerãre quẽnaro maiaja yua” mua yisere yure mua yĩobetijama, “Diore ajitirũnurã me ñaama”, muare yiguga yu. Yujuaema, gãjerãre quẽnaro yu ejarẽmosere ĩacõari, “Diore ajitirũnugũ ñaami”, yimasiruarãja mua. ¹⁹ “Sigũne ñaami Dios. Gãji magũmi” mua yituoĩase quẽnaja. To bajiro tuoĩarã ñaboarine, quẽnaro mua yibetijama, “Sigũne ñaami Dios” mua yituoĩase ñie vaja manojã. Vãtia quẽne “Sigũne ñaami Dios. Gãji magũmi” yituoĩarã ñari, gũirã nanarãma. To bajiboarine

rojosere yitujamena ñarāma. ²⁰ “Diore ajitirānūrā ñaja” yitūōlārā ñaboarine, gājerāre mua ejarēmobetijama, quēnaro tuoīamasimenare bajiro bajirāja mua. “Diore ajitirānūrā ñaja” mua yitūōlāboase ñie vaja manoja. ²¹ Mani ñicu, Abraham ñamasir’i i yimasirere muare gotiaja yu. Dios i rotijare, ñe rūcuburā ña soemuorijau joeju i macu Isaac vāme cutigure siaguagu yimasiboayuju Abraham. Ñe i siaguadone, “Ñe siabeticōña”, ñe yimasifūju Dios. To yicōari, i rotirore bajiro yigu i ñajare, “Rojose magū ñaja mu”, ñe yimasifūju Dios, Abrahamre. ²² To bajiri, Dios i rotiriarore bajiro yimasir’i i ñajare, “Diore ajitirānūrā ñamasifūmi”, yimasiaja mani. ²³ Dios i rotiriarore bajirone Abraham i cadire ñajare, “Yure ajitirānūrā ñari, rojose magū ñaami” ñe yimasifūju Dios”, yigotiaja Dios ocare masa ña ucamasire. To bajiri, “Dios baba ñaami”, ñe yimasifūjarā masa.

²⁴ To bajiri, “Ñe ajitirānūrā ñaja yua” yicōari, quēnaro mani yijama, “Ñie rojose mana ñaama”, manire yīlāgūmi Dios. ²⁵ Rahab vāme cutimasirio jājarā ajeriarā cutigo ñaboarine, quēnaro so yimasirere quēne tuoīaña: Jud’io masa uju i cōamasiriarā ña ejaro iacōari, “Muare iaterā muare siaroma” yigo, “Yu ya viju sājarudiya mua”, ñare yimasifūju. To yicōari, “Mua rudiarotire muare gotirucōja”, yimasifūju so. To bajiro ñare so yirēmomasire ti ñajare, “Rojose magū ñaamo”, sore yīlāmasifūju Dios. ²⁶ Mani ruju catise ti manijama, vaja manoja ti. To bajirone bajiaja “Diore ajitirānūrā ñaja yua” yiboarine, gājerāre quēnaro mani yibetijama. “Diore ajitirānūrā ñaja yua” mani yitūōlāboase ñie vaja manoja.

3

Mani ñemero suorine rojose mani ñagōse queti

¹ Yu mairā Dios oca gotimasiorimasa ñaruarā quēnaro ajiya. Dios ocare masa ña ucamasire gotimasiorimasa quēnaro ña yibetijama, tire iacōari, i ocare gotimasiorimare rojose ñare i yiro rētoro rojose ñare yirucūmi Dios. To bajiri, Dios oca gotimasiorā jājarā ñabesa mua. ² Mani jediro rojose yirā ñaja mani. Quēnase rīne ñagōgūma, rojose yirua tuoīaboarine, tire yibeticōari, Dios i bojarore bajiro yigu ñagūmi. ³ Ado bajiro ti bajijare, “Rojose ñagōbetiroti ñaja”, muare yaja yu: Caballo vāme cutigure jesacōari ñe mani yisere tuoīasaque mua: Jaigu i ñaboajaquēne i riseju cōmemaca sāja mani, “Mani rotirore bajiro cudiato i” yirā. ⁴ Tire bajirone bajiaja cūmuari jacase quēne: Jacase ti ñaboarone buto mino ti vajama, veaturiaro mojariseaca ti ñaboajaquēne, veatumasirāma. ⁵ Tiaseacare bajiro bajiaja ti, mani ñemero quēne. Mojariseaca ti ñaboajaquēne jairo rojose ñagōja mani. Jeare quēne tuoīasaque mua: Jeavaca, cojovacaca ñaboarine, jacariveserire soejeocōaroja ti. ⁶ Jeare bajiro bajiaja mani ñemero quēne. Mani rujaaye rāca rojose mani yise rētbodyaro yaja ti, mani ñemero. Mani ñemero suorine rojose mani yijama, vātire cudiā ñari, rojose rīne yimurōgōcoaruarāja mani. ⁷ Macarocana, vaibucurā ñaro cōro, vurā, āña, riaganare quēne mani ecarāre bajiro ñare rotimasiaja mani. ⁸ To bajiboarine mani ñemero rojose ti ñagōjama, “Yibesa”, yimasibeaja mani. Jūnisinicōari, gājerāre mani tud’ijama, mani oca, āña rīma jūnisere bajiro ñare yirūgūja. ⁹⁻¹⁰ Mani jacu Diore, “Quēnaro yaja mu” yiboarine, rojosere quēne ñagōrūgūja mani. “Yure bajiro quēnase rīne yirā ñato” yigu, Dios i rujeoriarā ñaboarine, gāmerā tud’irūgūja mani. To bajiri, quēnase mani ñagōjama, rojosere yibetiroti ñaja manire. ¹¹ Oco goje, cojo goje ñaboarine, oco quēnase ti budijama, sāese budivubetoja. ¹² Oteu higuera vāme cutiū ñaboarine, olivo vāme cutiū ricare rica cutibetoja. To bajicōari, uyebu quēne, higuera vāme cutiū ricare rica cutibetoja. Tire bajirone bajiaja oco quēne. Ocase ti budijama, ocabeti budivubetoja. To bajiri, quēnase mani ñagōjama, rojosere yibetiroti ñaja manire.

Dios i ejarēmose rāca masirā ña ñase queti

¹³ Mua rācagu “Masigū ñaja” i yijama, gājerāre ajirūcubucōari, quēnaro ñare yirocu ñaami. To bajiro i bajijama, i masisere, “Quēnaro yami”, yimasiruarāma masa. ¹⁴ To bajiri, gājerāre “Yua rētoro quēnaro ñama” mua yīlājūnisinijama, masirā me ñarāja mua. To yicōari, “Gājerā rētoro ñamasurā ñarāsa mani” yitūōlārā mua ñajama, masirā me ñarāja mua. ¹⁵ To bajiro mua tuoīase, Dios i cōase me, mua masune mua bojarore bajiro tuoīarā yaja. To bajiro mua yisere bojugūmi vātia uju. ¹⁶ Gājerāre “Yua rētoro quēnaro ñama” yīlājūnisinirā, to yicōari, “Gājerā rētoro ñamasurā ñarāsa mani” yitūōlārā ña ñajama, ña jedirone ricati rīne tuoīarā ñari, rojose jediro yīnarāma. To bajiri, quēnaro ñamasimenama. ¹⁷ To bajiro ña bajiñaro ūnone, Dios i urose suorine masirājuama, quēnaro ña yarāre ūmato ñarāma. To bajicōari, gājerāju ña ūmato ñajaquēne, ñare ajivariquēnarāma. Masa jedirore iarūcubucōari, maiorō bajirāre iāmairāma. To bajicōari, socamenane quēnase rīne yirā ñarāma. ¹⁸ Gājerā rāca quēnaro mani ñaruajama, mani yimasiro cōro quēnaro yiroti ñaja. To bajiro mani yisere iacōari, “Gājerā quēne jājarā Dios i bojarore bajiro yirā ñato” yirā, ñare yiejarēmouarāma.

4

Diore tuoīamenare bajiro mani bajise queti

¹ Łojua vadiati gāmerā mua īatese? Mua masune rojose yirua tuoīacōari, rojosere gāmerā yirūgūaja mua. ² Gājerā īna cuosere buto bojalarūgūaja mua, tire cuomena űari. To bajiri tire ēmaruarā, īnare quēarūgūaja mua. To yicōari, gājerārema īnare sīarūgūaja mua. Diore sēnimena űari, mua bojasere bujamasimenaja mua. ³ Rojose mua tuoīasere īamasicōari, īre mua sēniboase ī bojabeti ti űajare, muare cōabecumi Dios. Diore mua sēniboajama, gājerāre tuoīamenane, quēnaro mua űaroti rīne sēnirāja mua. ⁴ To bajiri, Diore ajitirānu tujariāre bajiro tuoīarāja mua. Adi macarucuroaye rīne cuorua tuoīarāre bajiro me tuoīaroti űaja, Diore ajitirānurārema. To bajiro ti bajijare, “Diore ajitirānugū űaja” yigu űaboarine, Diore masimena, īna cuorua tuoīarore bajiro ī quēne ī tuoīajama, Diore ajitirānu tujacōari, īre tegure bajiro bajigu űagūmi. ⁵ To bajirone gotiaja Dios ocare masa īna ucamasire: “Mani űsuriare buto īamaigū űari, masa īre īna ajibetire īavariquēnabecu űagūmi”, yigotiaja Dios ocare masa īna ucamasire. ⁶ To bajiro yigu űaboarine, “Yure ajitirānuato īna” yigu, buto ejarēmoria tuoīagū űagūmi. To bajiro yigu ī űajare, ado bajiro gotiaja ī oca masa īna ucamasire: “ ‘Gājerā rētoro űamasurā űaja yua’ īna yituoīasere yitujacōari, yuűuare ajitirānuato’ yigu, īnare yirēmobeami Dios. ‘űamasurā me űaja yua’ yituoīarājuarema quēnaro yirēmoomi”, yigotiaja Dios ocare masa īna ucamasire. ⁷ To bajiri, vāti ī yirotisere yibeticōari, Dios ī bojasejuare yirūgūña. To bajiro mua yijama, rojose muare yirotitujagūmi vāti. ⁸ Butobusa Diore mua ajitirānuajama, īűua quēne muare ejarēmorcūmi, “Quēnabūsaro yure ajitirānuato īna” yigu. To bajiri, rojose mua yisere yitujacōaña. “Diore masirā űaja yua” yiboarine, Diore masimena īna yisere yivariquēnarūgūaja mua. ⁹ Rojose mua yisere tuoīacōari, variquēnarūgūaja mua. To bajiro me bajiroti űaja muare. Rojose mua yisere tuoīasutiriticōari, otiroti űaja muare. ¹⁰ To bajiri, Diore “űamasugū űaja mu” yirā, quēnaro yirūcūbuoya mua. To bajiro mua yijama, “To cōrone adi macarucuro jedicoaruaroja” Dios ī yiriarāmu ti ejaro, “űamasurā űato”, muare yirūcūmi Dios.

“Īna űaama rojose yirā’ yibetiroti űaja manire”, yire queti

¹¹ Ajiya mua, yu mairā. Gājerā Jesūre ajitirānurāre űagōmacabesa. “Dios ī rotisere masibeama īna. To bajiri rojose tāmūorona űaama”, īnare yituoīabesa mua. To bajiro mua yijama, Dios ī rotirore bajiro yirā me yirāja mua. Ado bajiro tuoīarā űari, to bajiro yirāja mua: “Dios ī rotise quēnaro gotibeaja ti. Ī rētoro masirā űaja yua” yirāre bajiro yiboaja mua. ¹² Dios sīgūne űaami, quēnaro mani yirotire roticūr'i. To bajicōari, ī sīgūne űagūmi masa īna yisere īabesegu, to yicōari, rojose tāmūotujabetiriaroju mani vaborotire yirētobosagu. Ī sīgūne űagūmi rojose tāmūotujabetiriaroju masare reagu. To bajiri gājerā Jesūre ajitirānurāre īacōari, “Dios ī rotisere masibeama īna. To bajiri rojose tāmūorona űaama”, yiroti me űaja manire.

“Adi macarucuroju mani bajirotire masirā me űaja”, yire queti

¹³ Gajeyeūni īsicudirimasare, muare gotigu yaja yu. Yure quēnaro ajiya mua: “Yucu, busiyu gaje macaju vacōari, cojo cāma gajeyeūni īsiűarā, jairo gājoa bujaruarāja yua”, yigotivariquēnarūgūrāja mua, sīgūri. ¹⁴ Ti űnire yibetiroti űaja, mani bajirotire masimena űari. Mani catise bueri guaro buerēto vatore bajiro bajise űaja. ¹⁵ To bajiro ti bajijare, ado bajiroju yiroti űaja: “Mani catirotire Dios ī bojajama, catiruarāja yua”, yiroti űaja. ¹⁶ “űamasurā űaja yua” yituoīarā űari, Diore tuoīamenane, mua yirotire gotivariquēnarūgūaja mua. To bajiro mua yigotivariquēnase, Dios ī bojabeti űaja. ¹⁷ To bajiri, muare yu ucacōasere masicōari, “Ado bajiro mani yirotire bojagūmi Dios” yimasiboarine, mua yibetijama, rojose yirā yirāja mua.

5

Gajeyeūni jairā rojose īna tāmūoroti queti

¹ Sīgūri, gajeyeūni jairāre muare gotigu yaja yu. Gajerāmu buto rojose mua tāmūorotire tuoīatiya mua. ² “Gajeyeūni jairo cuorā űaja” mua yiboase, bare mua quēnocūse quēne, muare boaveocoaruaroja. Mua sudi quēnase űaboase butua ba ecooaruaroja. ³ Mua ye gājoa, oro quēne jairo bujacōari mua cūboase boacoaruaroja. Tire īacōari, “Maioero bajirāre ejarēmobesuma”, yīaruarāma gājerā. To bajiri, rojose tāmūotujabetiriaroju reaecorona űaja mua. Jairo gājoa catirā űaboaja mua. To bajiboarine, adi macarucuro ti jediroti mojoroaca ruűaja. ⁴ Mua ote veseri moabosarāre quēnaro vaja yibesuja mua. To bajiro mua bajire űajare, “Yua moase vaja yuare yibeama”, yiyujarā īna. To bajiro īna yisere ajirimi Dios, űajediro masijeogu. ⁵ Adi macarucuroju űarā, mua yirua tuoīarore bajiro yirūgūaja mua. Ta vecuare īna sīarotirāmuri rījoro, “Jacobusarā īna űato sīarāsa mani” yirā, quēnaro

ecatusacama. To bajiri, ñare bajiro bajiaja mua quêne. No mua bojarore bajiro quênaro yĩñatusarũgũaja mua. To bajiro bajirã mua ñajare, “Rojose tãmuorũarãma” muare yĩñagũ yigumi Dios. ⁶ Masa rojose yimena ña ñaboajaquêne, “Rojose yima”, ñare yigoti yiroyuja mua. To bajiri, mua suorine ñacoyuma sigũri. To bajiro mua yigoti yirosere ujarã quêne muare ña cudijare, no bajiro muare yimasibesuma ña.

Santiago ĩ gotitusare queti

⁷ Yu mairã, gãjerã suorine rojose tãmuorãre muare gotigu yaja yu quêna: Rojose muare ña yirũgũboajaquêne, Jesús ĩ tudivadirotire tuoĩayurã, ĩ bojarore bajiro quênaro yicõa ñarũgũña mua. Oterimasu ĩ bajisere tuoĩaña mua: “Ote, quênaro vãnucõari, juebusu bero rica cutĩuaroja” yigu, yoaro yucõa ñagũmi oterimasu. ⁸ Ñe bajiro bajiya mua quêne. Mani uju ĩ tudiejarotire yurã, variquênase rãca ĩ bojarore bajiro yitujabetiroti ñaja. “Yoaro mene tudivadicõari, masa jediro mani yisere ĩabeserucumi” yirã, quênaro ñayuroti ñaja.

⁹ Rojose mua tãmuojama, gãjerãre “Rojose yaja mua”, gãmerã yĩatebesa, “Yoaro mene rojose mani yisere ĩabesecõari, rojose manire yiromi Dios” yirã. ¹⁰ Diore gotirẽtobosamasiriarã ña bajimasirere tuoĩaña mua: Masa rojose ñare ña yiboajaquêne, gãmemenane, Diojuare gotirẽtobosacõa ñamasĩñujarã ña. ¹¹ To yicõari, adire quêne quênaro tuoĩaña mua: Rojose tãmuoobarine, “ ‘Manire ejarẽmorucumi Dios’ yicõa ñarãre quênaro yigumi Dios”, yituoĩaja mani. To bajiro bajimasĩñuju Job vãme cutimasirĩre quêne. Cojo vãme me buto rojose tãmuoobarine, “Yure ejarẽmorucumi Dios”, yicõa ñamasĩñuju. Rojose ĩ tãmuoro bero, quênaro ĩ yilecomasirere ajiriarãja mua. To bajiri, “Manire quêne ĩamaicõari, quênaro yigu ñagũmi Dios”, yimasirãja mua.

¹² Yu mairã, gajeye ñamasusere muare gotiaja yu: “Yĩuarãja. Dios quêne masiami yua yirotire” mua yise ñnire yibeticõaña. “Yĩuarãja” yirã quêne, “Yĩuarãja” yi, “Yibetĩuarãja” mua yijama, “Yibetĩuarãja” yicõa tujasa, “Mani socajama, rojose manire yibogumi Dios” yirã.

¹³ Rojose mua tãmuojama, “Yure ejarẽmoña”, Diore yisẽniroti ñaja. Mua variquênajama, Diore basavariquênaroti ñaja. ¹⁴ Sigũ ĩ rijajama, “Diore yure sãnibosato” yigu, muare ñmato ñarãre jicõaroti ñaja ñe. To bajiro ĩ yijama, ñmato ñarãjuã, ĩ tujũ ejacõari, ñe sãnibosarũarãma ña. Sãnibosañarãne, uye ñe turũarãma, “Dios ñe catioato” yirã. ¹⁵ To bajiri, “Mani sãnirore bajiro ñe catiorucumi Dios” ña yituoĩajama, rijagure catiorucumi. To yicõari, rojose yirĩ ĩ ñajama, rojose ĩ yirere ñe masiriorucumi Dios. ¹⁶ To bajiri, rojose mua yirere gãmerã gotiya. To bajiro yicõari, Diore gãmerã sãnibosaya, rojose mua yirere muare masiriocõari, mua rijasere quêne ĩ catiorotire yirã. To bajiri, Dios ĩ bojarore bajiro yirã mua ñajama, mua sãnirore bajirone cudirucumi. ¹⁷ Diore gotirẽtobosarimasu, El’ias vãme cutimasirĩ, manire bajiro bajimasĩñuju. To bajiboarine, “Oco quedibeticõato” yigu, Diore ĩ sãnijama, ĩ sãnirore bajirone idia cãma, gaje cãma gudareco cõro oco quedibetimasĩñuju. ¹⁸ Bero, Diore ĩ tudisẽnirone, oco quedimasĩñuju quêna. Tiju bero, quênaro ote rica cutimasĩñuju.

¹⁹⁻²⁰ Muare yu gotisere ajiya mua, yu mairã. Mua rãcagu, Cristore ajitirũnu tujacõari, rojose yigure, “Quêna Cristore ajitirũnato ĩ” yirã, ñe mua ejarẽmoja, ĩ rijato beroju rojose ĩ tãmuoborotire ñe yirẽtobosarucumi Dios. To yicõari, rojose mua yisere muare quêne masiriorucumi Dios.

To cõro ñaja.

Primera carta de SAN PEDRO

Dios i beseriarãre Pedro i ucacõare queti

¹⁻² ¿Ñati mua, Dios i beseriarã? ¿Ponto sitaju, Galacia sitaju, Capadocia sitaju, Asia sitaju, Bitinia sitaju ñabaterã jediro, ñati mua? Adi queti muare ucaja yu. Gajeroriju mua ñabateboajaquene, Dios i ñaroju ñaja mua ñarotiju. To bajiri i ocare buto tuoïarã ñari, adi macarucuroana rãca ñaboarine, ina tuoïarore bajiro tuoïarã me ñarãja mua. Tirãmuju, “Ina ñaruarãma yu rãa bajiro bajirã” Dios i yimasire ñajare, to bajirone bajiaja mua. To bajiri, “Rojose mana ñaama” muare yïaru, Esp'iritu Santore muare cõañumi. To bajicõari, Jesucristo ocare cãdirãja mua. To bajiro yiyumi, rojose mua yisere i macu suorine i masiriorũgũrotire yigu.

Muare quënarotigu, Diore ado bajise muare sënibosaja yu: “Butobusa quënase ñare cõaña”, muare yisënibosarũgũja yu. “Yu suori yu jacu quënaro i yise quetire gãjerãre gotimasiorucuja mu” yigu, yure cũami Jesucristo. Yu ñaja Pedro, adi quetire muare ucaje.

“Mani rijato bero, tudaticicõari, Diorãca quënarõ variquënacõa ñarũgũruarãja”, yire queti

³ Mani uju, Jesucristo jacu, buto manire maigũ ñari, rojose mani yisere “Yirëtobosato” yigu, manire rijabosarotiyumi. I rijato bero, ire tudaticioyumi. To bajiro i yire ñajare, Jesure ajitirũnarã, Esp'iritu Santo suorine Diorãca quënarõ ñacõari, i bojarore bajiro yirã ñaja mani. To bajicõari, mani rijato bero i rãca quënarõ ñacõa ñarũgũrona ñari, “Quënarõ yaja mu”, Diore ire yito mani. ⁴ To yicõari, i gotiriarore bajiro õ vecaju buto quënase manire Dios rãre bajiro bajirãre yayiroti me manire i uxorotire tuoïavariquënaña mani. ⁵ I macure ajitirũnarã mani ñajare, i masise rãca manire quënarõ coderũgũgũmi, i ñaroju ejacõari, i rãca quënarõ mani ñarũgũrotire yigu. To yicõari, adi macarucuro ti jedirirãma ti ejaro, i tuoïariorore bajiro yigu, jediro quënarõ manire i yirũgũsere, to yicõari, õ vecaye manire i uxorotire quëne masiojecõarucumi.

⁶ Tire tuoïacõari, adigodoju rojose tãmuorã ñaboarine, Dios taju quënase mani bajirotire tuoïa yurã ñari, buto variquënaroti ñaja manire. ⁷ Rojose tãmuoboarine, Jesucristore mani ajitirũnacõa ñajama, “Ire ajitirũnarã masu ñaja” yïorã yaja mani. Oro vaja catiro rëtoro vaja cutiaja Jesucristore mani ajitirũnuse. Orojuma, jedise ñaja. “¿Oro masu ñati?” yirã, asioïama ña. Tire bajiro bajiaja Jesucristore mani ajitirũnuse quëne. “Yu macure ajitirũnarã masu ñati ña” yïaru, rojose mani tãmuosere yirëtobosabecumi Dios. To bajiri rojose tãmuoboarine, Jesucristore mani ajitirũnacõa ñajama, “To cõrone tudivarucumi yu macu” Dios i yituoïariãmune, “Yu ejarẽmose rãca quënarõ yicaju mua”, manire yivariquënarucumi Dios. To bajiro yigajanocõari, rucubuarãja manire rojorucumi.

⁸ Jesucristore iabetiriarãja mua. To bajiboarine ire mairãja mua quëne. Adirãmuri quëne ire ñamena ñaboarine, ire ajitirũnarã ñari, quënarõ variquënarãja mua. Dios tuana ña variquënarore bajiro buto variquënarã ñari, mua variquënasere rëtobusaro gotirũaboarãja mua. To bajiboarine, gotmasimenaja. ⁹ Quënase muare i uxorotire, “To bajirone yirucumi” yituoïarã ñari, to bajirone bajirãja mua.

¹⁰ To bajiro quënarõ Dios manire i yirotire gotiyuma tirãmua, Diore gotirëtobosariarã. Quënağũ ñari, manire ñamaicõari, quënarõ i yirotire gotiboarine, butobusa tire masirũaboayujarã ña. To bajiri Diore ña gotirëtobosare quënarõ buecõari, buto tuoïarũgũñujarã ña. ¹¹ Esp'iritu Santore suorine Cristo i bajirotire tuoïa gotimasinũma. Buto rojose i tãmuoro bero, quënarõ i yirotire tuoïa gotiyuma. Tire gotiriarã ñaboarine, “To cõro ñaro bajiruaroja ti. To bajiro bajicõari, bajiruaroja” yimasiruarã, ña gotisere buecõari, tuoïarũgũboayujarã ña. ¹² Tire quënarõ masibetiboarine, Dios suorine ado bajiro tuoïañujarã ña: “Tire ñamenaja mani. Mani beroana ñaruarãma”, yituoïañujarã ña. “Mani beroana” ña yijama, manirene gotirã yiyuma. Cristo i rijabosare suorine quënarõ Dios i yise queti goticudirimasa, yua gotimasiosene ñaja Diore ña gotirëtobosare. Tire yua gotimasiorotire yigu, Esp'iritu Santore cõañumi Dios. Ti oca quënase ti ñajare, buto ajimasiruarũgũrãma ángel mesa.

“Quënase rĩne yiroti ñaja”, Pedro i yire queti

¹³ Ti ocare quënarõ ajimasirã ñari, Cristo i tudiejarirãmure quënarõ Dios i yirotire tuoïa tujamenane, tocãrãcãjine mani yirotire quënarõ tuoïarũgũroti ñaja. ¹⁴ Dios rãre bajiro bajirã ñari, Cristo ocare mua masiroto rĩjoro, rojose mua yirũgũriarore bajiro yibeticõari, i bojarore bajirojua yirũgũroti ñaja. ¹⁵ Dios, quënase rĩne yigu, “Yu rãa ñaruarãja mua” i yire ñajare, ire

bajiro quēnase rīne yirūgūroti ñaja. ¹⁶ Ado bajiro gotiaja Dios ocare masa ña ucamasire: “Quēnase rīne yigū ñaja yu. To bajiri quēnase rīne yirūgūña mua quēne”, yigotiaja.

¹⁷ Gajeyerema, ado bajiro mani yigū ñaboarine, masa jediro mani yisere ñabeserocū ñaami. Ì ñabesejama, “Ánoama rojose yirā ña ñaboajaquēne, quēnaro ñare yirucuja yu”, yibetirucumi. To bajiri, Diore “mani jacu” mua yijama, rucubuose rāca ñe yicōari, quēnase rīne yirūgūroti ñaja. ¹⁸ Tirūmujū mua ñicua rojose ña yimasiriarore bajiro yirūgūriarā ñaboayuja mua maji. “Tire yitujacōari, quēnaro Dios ñ yirona ñato” yigū, rojose mani yise vāja manire rijabosayumi Cristo. Jēre Cristo manire ñ vāja yibosarere masirāja mua. Gajeyeñi yoaro ñabeti, gājoa rāca me vāja yibosayumi. ¹⁹ Rojose yīābecu ñari, ñ rijare suorine, jediro rojose mani yire, mani yiotire quēne manire vāja yibosayumi Cristo. ²⁰ Adi macarucuro Dios ñ rujeoroto rījoroju, tire manire ñ vāja yibosarotire tuoñacōari, ñ macare ñ cōarotire tuoñamasiñuju Dios. To bajiri adi macarucuro tusarirūmuri manire rijabosagu ejayumi Cristo. ²¹ “Manire rijabosayumi Cristo” yirā ñari, Diore ajitirūñaja mani. Cristore catiocōari, ñ tu rucuborijare ñe rojoyuju Dios. To bajiro ñ yire ñajare, “Ì gotiriarore bajirone quēnaro manire yirucumi Dios”, ñe yituoñavariquēnarāja mua.

²² “Yu macare ajitirūñaja” Dios ñ yirere cudiriarā ñaja mua. To bajiro bajirā ñari, tirūmujū rojose mua yirūgūre, mua yitujabetire yitujacōari, socamenane sīgū rīare bajiro quēnaro gāmerā mairoti ñaja. To bajiri butobusa mua gāmerā mairotire bojaja yu. ²³ Adirūmūrema, quēnasejuare mani tuoñarotire Dios ñ ñisiriārā ñari, quēna gāme ruyuarāre bajiro bajirāja mua. Gajerodori ñ oca ti vasoabetitotire bajiro mua quēne bajireacōari bero mua caticōa ñarotire yigū, ñ catisere ñ ñisiriārā ñarāja mua. ²⁴ Dios ocare masa ña ucamasire ado bajiro ti gotijare, to bajiro yaja yu:

“Muju ñ jiado, buto asirone, ta sīnicoacaju. Go quēne, sīniyayicoacaju. To bajiri quēnase ruyuboacati manicaju. Tire bajirone bajirāma masa quēne. Yoaro mene bajireacoararāma.

²⁵ To bajiboarine, mani ujū ocajuama ñacōa ñarūgūruaroja”, yigotiaja Dios ocare masa ña ucamasire.

“Mani ujū oca” ti gotise, Cristo suorine quēnaro Dios ñ yise quetire, muare gotimasiore ñaja.

2

¹ “Yu macare ajitirūñaja” Dios ñ yirere cudiriarā ñari, jediro rojose yibetirūgūroti ñaja. Adi ñnire yibetirūgūña mua: Gājerāre yitobesa. Socabesa. Gājerāre, “Quēnaro ñaama”, ñare yīātebesa. Gājerāre rojose ñagōmacabesa. ²⁻³ Butobusa Dios ocare ajivariquēnacōari, ti gotirore bajiro yirūa tuoñarūtuaroti ñaja muare. Sūca buto ñjurūagure bajiro tire yirūa tuoñarūtuaroti ñaja. To bajiro mua yijama, “Quēnaro manire yami Dios” yimasirā ñari, quēnabusaro ñ bojarore bajiro yirūtuararāja mua. To bajiro mua yijama, Dios tujū quēnaro ñacōa ñarūgūruarāja.

“Gūta ñamasuricare bajiro bajigu ñagūmi Cristo”, yire queti

⁴ To bajiri, mani ujure Jesucristo, mani catirotire manire ñisigūre quēnaro ajitirūñacōa ñaña. ñne ñaami masa vi quēnorā gūta ña cūsuorica, ñamasuricare bajiro bajigu. ñe buto ñatecamera masa. ñe ña ñateboajaquēne, Diojuama, “Ñamasugū ñarucumi”, ñe yiyumi. ⁵ To bajiro yigū ñari, muare quēne Jesucristore ajitirūñarā rācana mua ñajare, Dios ya vire gūta ñ jeomajavasere bajiro bajiaja mua. To bajicōari, ti vi ñarā, quēnase rīne yirā, paiaire bajiro bajiaja mua. To bajiri, Espiritu Santo suori Dios ñ ñavariquēnasere yīñaña. ⁶ Isaías ñ ucamasire Dios oca ado bajiro ti gotijare, Jesucristo suorine Dios ñ quēnorivire bajiro bajiaja mua:

“Sión vāme cuti maca ñarica gūta, gajea gūta rētoro quēnaricare bajiro bajirocure cūrucuja yu. ñe ajitirūñarājuama, yu goticatore bajiro ñare quēnaro yu yirūgūjare, ñ yirore bajiro yigū ñagūmi” yure yivariquēnararāma”, yigotiaja Dios ocare masa ña ucamasire, Cristore Dios ñ gotirere yiro.

⁷ To bajiri, Jesucristore ajitirūñarā ñari, ñe buto maiaja mani. Gājerā, ñe ajimenajwarema, Dios ocare masa ña ucamasire ti gotirore bajiro bajiaja. ñnarema, gūta ña rocariare bajiro bajiami Jesús. Ado bajiro gotiaja ti:

“Gūta rāca vi quēnorimasa coja gūtare rocarāma ña. ña rocaria ñaboarine, gajea gūta rētoro quēnarica ñaruaroja tia. Tia gūta suorine quēnarivi quēnorucumi Dios. Tia manijama, quēnomasibetibogūmi”, yigotiaja Dios ocare masa ña ucamasire.

⁸ To yicōari, gajeye Dios ocare masa ña ucamasire “Gūta masa ña juata quedirotiare bajiro bajiami Jesús” yigotiro yaja.

“Coja gūta, ña juata quedirotiare bajiro bajirocure cūrucuja yu”, yigotiyuja ti.

To bajiro ti gotijama, Cristo ocare ajimena ñari, ña rijato beroju rojose ña tãmuotujabetirotire yiro yaja. “To bajiro bajiruara” Dios i yigotiriarore bajirone bajiruara.

⁹ To bajiro bajirone me ñaja muajuama. Dios suorine i macare ajitiranucari, i yara ñaja mua. Dios, mani ujare rucuborã, i bojarore bajiro quenaro yirugũrã ñaja mua. I suorine cojo masare bajiro bajirã ñari, i bojasere yirã ñaja. Rojose mua yisere i macu i vaja yijeobosare ñajare, Dios yara ñaja mua. “Ñajediro quenaro yu yisere gajerãre gotiato” yigu, “Yu yara ñaruara”, muare yiyumi. Diore mua ajitiranuroto rijoroju, ñe masimena ñari, vãtia uju i bojasere yirã ñaboajuja mua maji. To bajiro yirã mua ñaboajuquene, muare ñamaicari, quenaro i yire ñajare, ñe masirã ñari, rojose yitujacari, Dios i bojasejuare yirã ñarãja mua. ¹⁰ Tirumaju Dios i ñamaimena ñañuja mua maji. To bajiri, sigũ riare bajiro ñabesuja mua maji. Adiramirirema i masune quenaro i yijare, i yara ñarãja mua yuja.

“Dios i bojase rine yirugũña”, yire queti

¹¹ Yu mairã, adigodoju ñarã yaro me catiñarona ñaja mani. To bajiboarine õ vecaju Dios taju ñaja mani ñacõa ñarugũrotojuama. To bajiro bajirone ñari, rojose mua yirua tuoasere yibetirugũña. Rojose mua yirugũjama, Diore mua ajitiranubosere yitujarã ñari, rojose yiecoruara. ¹² Diore masimena vatoaju ñarã ñari, quenase rine yirugũña, “‘Rojose yama’ gajerãre yi ocasãroma” yirã. Quenase rine mua yicõa ñasere ñariarã ñari, “Mu suorine quenaro yirugũcama”, Diore yiruara, masare i ñabesirĩmu ti ejaro.

¹³⁻¹⁴ Roma macagu uju ñamasugũ, ñe cudirugũña mua. ñe moabosarãre quene cudirugũña. “Rojose yirãre rojose ña yise vaja rojose yare yibosato” yigu, to yicõari, “Quenaro yirãre quenaro ña yise vaja quenaro yare yibosato” yigu, ñare cugũmi uju ñamasugũ. Õ vecagu, mani ujare quenaro ña rucuborotire bojarã ñari, quenaro ñare cudirugũña mua. ¹⁵ Diore ajimena, muare rojose ña ocasãre ajicari, “Socase ñaja” ujarã ña yituoĩarotire yigu, quenase rine mua yirugũsere bojaami Dios.

¹⁶ Ado bajiro ti bajijare, Dios i bojasere yirugũroto ñaja: Rojose mani yiboajuquene, manire masirioyumi Dios. To bajiro i yire ñajare, “Rojose mani yijama, no yibeaja”, yituoĩaroti me ñaja. Ado bajiroju tuoĩarugũroto ñaja: “Manire maigũ ñari, rojose mani yirere masirioyumi Dios. To bajiri, mani quene, ñe mairã ñari, i bojasejuare yiruara”, yituoĩarugũroto ñaja. ¹⁷ Masa jedirore rucuboroti ñaja. Gajerã Jesucristore ajitiranurãre quene mairugũroto ñaja. “Ñe mani cudibetijama, manire ñavariquẽnabecumi Dios” yituoĩarã ñari, i bojarore bajiro yirugũña. To yicõari, Roma macagu uju ñamasugũre quene quenaro rucuborugũña.

“Rojose ñe yirãre Cristo i gãmebeticare bajiro gãmebetiroti ñaja”, yire queti

¹⁸ Mua, gajerãre moabosarã, mua ujarãre ajirucubocõari, ña rotisere quenaro cudirugũroto ñaja. Quenaro yirã ña ñajama, ña ñabetijaquene, ña rotisere quenaro cudiroto ñaja. ¹⁹ Cojojirema sigũ rojose i yibetiboajuquene, “Rojose yiyuja mu” ñe yituoĩacari, rojose ñe yigũmi i uju. To bajiro i yiboajuquene, ñe moabosarimasuja, Dios i bojarore bajiro yigu ñari, i gãmebetijama, “Quenaroja”, yirucumi Dios. ²⁰ Rojose mua yijama, to bajiro mua yise vaja rojose muare yigumi mua uju. To i yiro bero, “Rojose mani yijare, to bajiro yimi” yimasirã ñari, ñe gãmebetiurãja. To bajiboarine, quenaro mua yiboajuquene, rojose muare i yijama, rojose tãmuoborine, gãmebetiurãja mua. To bajiro mua bajise ñaja Dios i ñavariquẽnase. ²¹ To bajiro mua bajirotire yigu, “Yu rã ñaña”, muare yirimi Dios. Cristo quene, manire rojose tãmuobosagu ñaboarine, gãmebeticami. To bajiro i bajicati ti ñajare, ñe bajiro bajiroti ñaja manire quene. ²² Cojojirema rojose yĩabeticami. Ñimujuare yitobeticami. ²³ Masa ñe ña tudĩboajuquene, ñare tudĩgãmebeticami. Rojose ñe ña yirone, “Yure rojose mua yise vaja rojose muare yirucuja”, ñare yibeticami. Ado bajiroju tuoĩacami: “Dios ñaami, masa rojose ña yise vaja rojose ñare yigãmerocuma. To bajiro i yijama, quenaro riojo yirucumi”, yituoĩacami. ²⁴ To bajicari, yucãtẽroju ñe ña jaju sãrone, rojose mani yise vaja, manire rojose tãmuobosacami, rojose yibeticari, quenasejuare mani yiroto yigu. ²⁵ Tirumajuma Diore ajimena ñari, oveja codecobeticari, ña mavisiaacudirore bajiro bajiyuja mua maji. Yucurema, Cristore ajitiranurã ñari, oveja codecorãre bajiro bajiaja mua.

3

“Gãmerã rucuboroti ñaja”, yire queti

¹⁻² Rõmia, manaju cutirãre, muare gotigu yaja yu: Mua quene, mani uju i ñavariquẽnarotire bojarã ñari, mua manajure quenaro cudirugũña. Sigũri, mua manajua, Cristo ocare ajimena ñarãma. To bajiri, Cristo ocare mua gotibosasere ajiruamenama. Ti ocare gotibetiboarine, Diore rucubocõari, quenase rine yĩñaña mua. To bajiro mua yisere ñacari, ña quene Cristo ocare ajitiranuborãma. ³ “Manire ñavariquẽnato ñmua” yirã, ¿no bajiro yirãti mani?” mua yituoĩajama, “Ado bajiro yiruara”, yituoĩabetiroti ñaja: Mua joa quenarotire, quenase

mua busarotire, mua gāmo yorotire, to yicōari, quēnase mua sudi sãñarotire quēne, ti ũnire buto tuoīaroti me ñaja. ⁴ Ado bajirojua buto tuoīaroti ñaja: Quēnase yirua tuoīarũgũroti ñaja. Mani rujuaye jedise ñaja. Quēnase mani tuoīasejuama jedibetiruaroja. To bajiri, mua manajuare ajirũcũbuocōari, ñare quēnaro mua yiroitire tuoīarũgũroti ñaja. To bajiro mua yijama, muare buto ñavariquēnarucumi Dios. ⁵ Tirũmju to bajiro quēnaro yirã ñamasĩñujarã rōmia manaju cutimasiriãrã. Diore rãcũbuomasiriãrã, “Manire ĩ gotiriarore bajiro yiracumi”, yituoīamasĩñujarã. To yicōari, ña manajure cudirũgũmasĩñujarã ña. ⁶ To bajirone bajimasĩñuju Sara vãme cutimasiriio. So manaju Abrahamre ĩre so jijama, “Yu uju”, ĩre yimasĩñuju, ĩre rãcũbuogo. To yicōari, ĩre quēnaro cudimasĩñuju so. So bajiriarore bajiro bajiroti ñaja muare quēne. Mua manajua rojose ña yiroitire tuoīa gũimenane, quēnaro yicōa ñaroti ñaja.

⁷ ũmua, manajo cutirãre, muare quēne gotiaja yu: Mua quēne, mani uju ĩ ñavariquēnarotire bojarã ñari, “Rōmia ũmabetibusarã ñaama” yituoīacōari, mua manajoare ñare ejarẽmorũgũña. To yicōari, Dios quēnagũ ñari, ñare quēne, ña rijato beroju “Tudirijabeticōato” yigu, ĩ catisere ĩ ĩsiriãrã ña ñajare, ñare quēnaro rãcũbuoya. Quēnaro ñare mua rãcũbuobetiãama, ĩre mua sēnisere ajibetirucumi Dios.

“Gãjerã Cristore ajitirũnurã rãca quēnaro ñarũgũña”, yire

⁸ Gãjerã Cristore ajitirũnurã rãca mua bajĩnarotire mua jedirore gotitusagu yaja yu. Sīgũre bajiro quēnaro tuoīacōari, ñarũgũruarãja mua. Gãjerã rojose ña tãmuosere mua ĩajama, ñare ĩamaicōari, ejarẽmoroti ñaja. “Yu rētoro ñamasurã ñaama”, gãjerãre yituoīaroti ñaja. ⁹ Gãjerã rojose muare ña yijama, ñare gãmebetiroti ñaja. Gãjerã muare ña tudĩjama, ñare tudĩgãmebetiroti ñaja. Ado bajirojua ñare yirũgũroti ñaja: Tudĩgãmemenane, quēnaro ña ñarotire yirã, Diore ñare sēnibosaya. To bajiro mua yirũgũsere bojaami Dios, “To bajiro ña yijama, jediro quēnase yu ĩsiriãrãre bujaruarãma” muare yimasigũ ñari. ¹⁰ Dios ocare masa ña ucamasire ado bajiro ti gotijare, “Tire riojo gotiami Pedro”, yimasirãja mua: “Quēnaro ña ñaruajama, ña ñagōroto rĩjoro quēnaro tuoīarũgũruarãma, ‘Rojose ñagōrobo’ yirã.

To yicōari, gãjerãre yitobetiruarãma.

¹¹ Rojose yitujacōari, quēnasejuare yirũgũruarãma. ‘Gãjerã rãca quēnaro ñarãsa’ yirã, ña yimasiro cōro quēnaro ñare yicōa ñarũgũruarãma.

¹² Quēnaro yirãre ĩatirũnurũgũami Dios. To bajiri, ĩre ña sēnijama, ñare ejarẽmorũgũami. To bajiboarine, rojose yirãrema ñavariquēnabeami”, yigotiaja Dios ocare masa ña ucamasire.

¹³ Quēnase rĩne mua yicōa ñajama, ñimarãjua muare rojose yigu, magũmi. ¹⁴ To bajiboarine, sīgũri rojose muare ña yijama, “Quēnaro manire yirucumi Dios” yimasirã ñari, rojose muare yirãre gũibeticōari, buto variquēnaroti ñaja muare. ¹⁵ “Cristo, mani uju, jediro masigũ ñaami”, yituoīa rãcũbuocōa ñarũgũrãja mua. Gãjerã, “¿No bajiro tuoīarã ñari, ‘Quēnaro yuare yirucumi Dios’ yati mua?” muare ña yisēñĩajama, mua cudiroitire quēnaro tuoīa yuya mua. ¹⁶ “Ĭna rētoro masirã ñaja” yituoīamenane, Dios ĩ bojarore bajiro ñare quēnaro cudirũarãja mua.

“Rojose yama” gãjerãre ña yigotisere ajicōari, “Socarã yaja mua” ña yibojoneorotire yirã, quēnase rĩne yirũgũruarãja mua. Cristore ajitirũnurã ñari, to bajiro yiroti ñaja muare.

¹⁷ Rojose mua yise suorine rojose muare ña yijama, “Juaji to bajiro yibetiruarãja”, yituoīaruarãja mua. Ti quēne quēnase ñaja, bajirojuma. To bajiboarine ti rētoro quēnamasuse ñaja quēnase mua yise suorine Dios ĩ bojarore bajiro rojose mua tãmuojama. ¹⁸ Cristo quēne, quēnase rĩne yigu ñaboarine, rojose tãmuocōari, rojose yirãre manire rijabosacami. To bajiro bajicami, Dios tuju quēnaro mani ñarũgũrotire yigu. Rijacoaboarine, Espĩritu Santo suorine tudicatiyumi. ¹⁹ To bajicōari, rijariãrã, tubiberiaroju ñarãre ñare gotimasioģũ vasuju Cristo.

²⁰ To ñariãrã, Noé ĩ ñamasiriãrodoju ñariãrã ñaũñujarã. ñare Dios ocare gotimasiboayuju Noé. Ajirũabetimasĩñujarã ña. To bajiri, cũmua jairicare Noé ĩ quēnotoyene, ĩre ña ajiroitire yoaro yumasiboayuju Dios. ĩre ajibeticōa ñamasĩñujarã ña. To cōrone cũmua quēnogajanocōari, cojomo cōro jedi, gaje ãmo idia jēnituarĩrãcu rĩne vasãjamasĩñujarã. Oco ñamuse rãca ĩ ruureare suorine rojorã rãca ña ñacōa ñaborotire ñare yirētosamasĩñuju Dios. ²¹ Oco rãca mani bautizaecorĩmũne, manire rojose tãmuoboronare yirētosabayumi Dios. “Ti ũnine bajiyuja ti Noère Dios ĩ yimasire quēne”, yimasiaja mani. Oco rãca mani bautizecojama, Dios mani jacure quēnaro mani tuoīarotire yirã, “Rojose yua yisere masiriōya”, ĩre yisēniaja mani. To yicōari, “Jesucristo manire ĩ rijabosaro bero Dios ĩre ĩ catiore ñajare, manire rojose tãmuoboronare yirētosabayumi”, yaja mani. ²² Jesucristo, tudicaticōari, õ vecaju Diorãca rotĩñagũmi. Toju ñarã, ujarã ñamasurã, ñamasumena quēne, ángel mesa, gãjerã quēne, ĩ rotisere cudĩñarãma.

¹ Adigodoju ñagũ, rojose tãmuocami Cristo. To bajiri, manire quẽne, “To bajiro mani bajiro tire Dios i bojajama, rojose tãmuoruarãja”, yituoiaroti ñaja. Rojose tãmuocõari, Cristore butobusa mani tuoñajama, rojosere yirãa tuoñamenaja mani. ² To bajiro mani tuoñarũgũjama, adigodoju mani catiñaro cõro mani masu mani bojarore bajiro yibeticõari, Dios i bojasejuare yirũgũruarãja. ³ Ado bajiro ti bajijare, to bajiro yirũgũroti ñaja muare: Diore mua masiroto rĩjoro, mua masu mua bojarore bajiro, ado bajiro yirũgũña mua maji: Rojose yirã ñari, rõmia rãca ajeriarã cutirũgũñu mua. Idire mecũose idimecũcõari, rojose yicudirũgũñu mua. “Ado bajirã ñarãma” ña masune yiquẽnorujeocõari, ña rũcũbuorãre mua quẽne rãcũbuorũgũñu. ⁴ To bajiro mua yirũgũboarere yitujacõari, rojose yirã rãca mua ñabetijare, adirãmurirema “¿no yirã mani rãca rojose yirũabeati? Rojorã ñaama” muare yituoñacõari, ajatud'irãma ña. ⁵ To bajiro muare ajatud'irã, “Rojose yirã ñari, ñare ajatud'icaju yua”, mani ujare yigotiroti ñaja ñare. Mani uju ñaami yoaro mene vadicõari, catirãre, rijariarãre quẽne ñabeserocu. ⁶ Yoaro me to bajiro i yiro tire tuoñagũ ñari, rijariarãre quẽne i oca quẽnasere gotimasioñu mani uju. To bajiro ñare gotimasioñu, jẽre rijariarã ñaboarine, ñe ajitirũnarã ñari, tudicaticõari, Diorãca quẽnaro ña ñarotire yigu.

⁷ Adi macarucuro ti jediro tirũmu cõñaro bajiaja. To bajiri, quẽnaro tuoñacõari, rũcũbuose rãca tocãrãcãjine Diore sãnirũgũña mua. ⁸ To yicõari, gãmerã ñamairũgũña. Ti ñaja ñamasusema. Gãjerãre buto mani majama, cojoj me manire rojose ña yiboajaquẽne, ñare masiri-orũgũruarãja. ⁹ Gãjerã mua ya vi ña ejajama, variquẽnase rãca ñare quẽnaro yirũgũruarãja mua. ¹⁰ Tocãrãcãre ñamaicõari, ricati mua yimasiro tire muare uñorimi Dios. To bajiri, muare i uñore mua yimasise rãca Dios i bojarore bajiro gãmerã ejarẽmorũgũroti ñaja. ¹¹ Mua rãcagu Dios ocare gotigu i ñajama, quẽnaro gotimasioato. Gãjima, “Quẽnaro gãjerãre ejarẽmorũcumi” yigu, mani jacu Dios i masisere i uñor' i ñari, quẽnaro ejarẽmoato. Ña yirore bajiro rĩne yicõa ñato gãjerã quẽne. Jediro mani yisere ñacõari, “Jesucristo suorine ñare quẽnaro ejarẽmogumi Dios ñajediro uju”, gãjerã ña yirũcũbuorotire yirã, to bajirone yicõa ñaãa.

“Cristore mani ajitirũnuse suorine rojose manire yirũarãma gãjerã”, yire queti

¹² Yu mairã, ajiya mua. Masa rojose muare ña yijama, “¿Yu macure ajitirũnarã masu ñati ña?” yĩlaru, rojose mua tãmuosere yirẽtobosabecumi Dios. To bajiro ti bajijama, “¿no yigu, Jesũre ajitirũnugũ ñaboarine, rojose tãmuoati yu?”, yibesa. ¹³ Mua quẽne, Cristore ajitirũnarã ñari, rojose i tãmuocatore bajiro rojose mua tãmuojama, variquẽnaña. To bajiro rĩne mua bajicõa ñajama, adi macarucuroju Cristo i tudiejarirũmure, i rãca ñacõari, rẽtobusaro variquẽnaruarãja mua. ¹⁴ Cristore mua ajitirũnuse suorine gãjerã muare ña tud'iboajaquẽne, variquẽnaña mua, Dios i cõagũ, Espiritu Santo, “Quẽnaro yirã ñato” yigu, butobusa i ejarẽmorã ñari. ¹⁵ Cristore mua ajitirũnuse suorine rojose muare yirũarãma masa. To bajiboarine rojose mua yise suori rojose mua tãmuojama, ñavariquẽnabetirũcumi Dios. To bajiri, “Rojose yirã ñari, rojose tãmuoaja mani” yirobe yirã, ado bajiro rojose yibetirũgũña: Gãjerãre siabesa. Juarudibesa. Gãjerãre gõjanabiobesa. ¹⁶ Cristore ajitirũnarã ñari, quẽnasejuare mua yiboajaquẽne, gãjerã rojose muare ña yisere tãmuocõari, “Rojose bajiaja mani” yituoñabojonemenane, Diojuare, “Mu ejarẽmose rãca quẽnaro yicõa ñaja yua”, ñe yivariquẽnaña.

¹⁷ Jẽre adirãmurine masa ña yisere ñacõari, “Ado bajiro yicana ñari, quẽnase bujarã, rojose tãmuorã, bajiruarãma” Dios i yiroti ejacoato yaja. To bajiro i yisurona ñaja mani, i yarã Cristore ajitirũnarã. To bajiri, “Adigodoju rojose mani tãmuoro rẽtobusaro ñe ajitirũnumena roque rojose tãmuoruarãma”, yimasiaja mani. ¹⁸ Tire bajirone gotiaja Dios ocare masa ña ucamasire. “Rojose mana ñaama” Dios i yĩarã quẽne, adigodoju ñarã rojose tãmuoaja mani. To bajiri, “Rojose mani tãmuoro rẽtobusaro ñe ajitirũnumena roque rojose tãmuoruarãma”, yimasiaja mani. ¹⁹ Rojose mua tãmuorotire Dios i bojajare, rojose tãmuobuarine, quẽnasejuare yicõa ñaãa mua. “I gotiriarore bajiro quẽnaro manire ñatirũnucõa ñarucumi manire rujeor' i, i tuju quẽnaro mani ñarũgũrotire yigu”, yituoñarũgũña.

5

Cristore ajitirũnarãre ñmato ñarãre Pedro i gotire queti

¹ Bucurã, Cristore ajitirũnarãre ñmato ñarãre, muare gotigu yaja yu. Yu quẽne, Cristore ajitirũnarãre ñmato ñagũ ñaja yu. To bajicõari, Cristo rojose manire i tãmuobosacatire ñacacu ñaja yu. To bajicõari, quẽna i tudiejarotirũmu yu quẽne, mua rãca ñe ñavariquẽnarucuja yu. ² Ovejare coderimasu quẽnaro i ñatirũnurore bajiro, mua quẽne, variquẽnase rãca Cristore ajitirũnarãre ñatirũnũgũña mua, “Dios i bojarore bajiro quẽnaro yirã ñato” yirã. “Ñare yua codese vaja, gãjoa bujarãsa” yirã me, to bajiro yirũgũña mua. ³ Buto ñare rotibetiroti ñaja. Ado bajiroja yiroti ñaja. Cristo i bojarore bajiro ñare ñmato yĩnarũgũña mua. ⁴ To bajiro ñare mua ñmato yicõa ñajama, mani uju Cristo mua rãca variquẽnarucumi. To bajicõari, i tudiejarirũmu muare quẽnaro yirũcumi, “Yu rãca variquẽnacõa ñato” yigu.

⁵ Mamaräre, muare quëne gotiaja yu. Muare ùmato ñaräre quënaro rücuñuocõari, cudiya. Cristore ajitirünurã, mua jediro quënaro gãmerã rücuñuoya. “Îna rëtoro ñamasugũ ñaja yu”, yituoñabesa. Ado bajirojua yija: “Yu rëtoro ñamasurã ñaama”, gãjeräre yituoñaroti ñaja. Dios ocare masa ña ucamasire ado bajiro ti gotijare, to bajiro bajiroti ñaja:

“Îna rëtoro ñamasurã ñaja yua’ yiräre ajibeami Dios. ‘Yua rëtoro ñamasurã ñaama’ gãjeräre yituoñarãjuare quënaro ejarëmoami”, yigotiaja Dios ocare masa ña ucamasire.

⁶ To bajiri Diore, “Yua rëtoro ñamasugũ ñaami” yirã, quënaro yirücuñuorügũña mua. “Yua uju, ñajediro masijeogu ñaja mu. Mu bojarore bajiro bajiato”, ñe yirücuñuorügũña. To bajiro mua yijama, “To cõrone adi macarucaro jedicoaruaroja” Dios i yituoñariarũmu ti ejaro, “Gãjerã rëtoro ñamasurã ñato” yigu, muare yirucumi Dios. ⁷ Dios muare quënaro i ñatirũnjare, mua tuoñarejaise jedirore ñe gotirügũña mua.

⁸ Quënaro tuoñamasiri ñaña, “Satanás rojose i yirotsere cudirobe” yirã. Macarocagu yai, bar’i siaru, i bajirore bajiro, rojose tãmuotujabetiraroju manire Dios i cõarotire bojagu ñari, rojose manire yiroticudirügũmi Satanás. ⁹ To bajiro i yirotibosere cãdibetirügũña mua. “Î gotiriarore bajiro quënaro manire ejarëmorucumi Dios” yituoña tujamenane, Dios i bojasejuare yicõa ñarügũruarãja mua. “Adigodoana Cristore ajitirünurã jediro, manire bajirone rojose tãmuorãma ña quëne”, yimasiritibesa. ¹⁰ Adigodoju ñarã, rojose mani tãmuoro bero, Dios tujua mani ejarone, i bojarore bajiro quënase ñe yirã mani ñarügũrotire yigu, yirucumi Dios. Ñe ñaami manire ñamaicõari, jediro mani yisere manire ejarëmogũ. I suorine, “Cristore ajitirünucõari, i rãca quënaro ñarügũruarãja” gãjerã ña yigotsere ajlyuja mua. ¹¹ ñaami masijeogu, ñajediro uju. “To bajirone bajicõa ñarucumi”, ñe yirücuñuoto mani.

Pedro i gotitusare queti

¹² Adi papera rãca mojoroaca muare yu gotisere yure ucabosami Silvano.^a I ñaami Cristore quënaro ajitirünugũ, i yirore bajiro yigu. “Adi papera i ucasere ñavariquënacõari, Cristore ajitirũnu tujabeticõato” yigu, yaja yu. To yicõari, “Dios, manire ñamaicõari, quënaro i ejarëmosere masiato” yigu, yaja yu. To bajiri, tire masiritimenane, ñe ajitirünucõa ñaña mua.

¹³ Ado Babilonia vãme cuti macaju ñarã, Cristore ajitirünurã, muare quënarotiamã ña. Dios suorine Cristore ajitirünurã ñaama ña quëne. Yu macare bajiro bajigu, Marcos vãme cutigu quëne muare quënarotiami.^b ¹⁴ Cristo suorine cojo masare bajiro bajirã ñari, quënaro gãmerã yisënña, yifña mua.

Toana, Cristore ajitirünurã jedirore ado bajiro Diore muare sënibosaja yu: “Mu macu Cristo yarã, quënaro ñato’ yigu, ñare ejarëmoña”, muare yisënibosaja yu.

To cõro ñaja.

^a 5:12 Silvano ti yijama, latin oca rãca yiyuju. Silas ti yijama, griego oca rãca yiyuju. Hch 15:22; 18:5; 2 Co 1:19 macaña.

^b 5:13 Jesũre ajitirũnuomasiriarã, cojojirema Babilonia ña yijama, Roma macarene yicõamasifujarã ña.

Segunda carta de SAN PEDRO

Cristore ajitirānūrāre Pedro ī ucacōare queti

¹ ĆNati mua, Jesucristore ajitirānūrā? Yū űaja Pedro, adi quetire muare ucacōagū. Jesucristo ī bojasere yigu űaja yu. Ī macu ī rijabosare suori quēnaro Dios ī yise quetire “Gājerāre gotimasiodirucuja mu” yigu, yare cūcami. Jesucristone űaami Dios, mani rācubuoḡu, rojose mani yise vaja manire rijabosar’i. “To bajiro ī bajire űajare, quēnaro yirucumi Dios” yituoīarā űaro cōrone, quēnaro yiecorona űaja mani. ² Muare quēnarotigu, Diore, to yicōari, Jesús mani űjare quēne, ado bajise muare sēnibosaja yu: “Butobusa mua ocare ajimasicōari, quēnaro ĩna űarotire yirā, ĩnare ejarēmōrūḡūña”, muare yisēnibosaja yu.

³ Ī yarā űacōari, ī bojarore bajiro quēnase rīne mani yimasirotire yigu, manire beseyumi Cristo. Masijeḡu űari, ĩre mani ajitirānūjama, manire quēnaro ejarēmōrucumi.

⁴ To bajiri, masijeḡu űari, “Quēnaro yirucuja” ī yicūmasiriarore bajiro manire yiyumi. To bajiro ī yiroti jairo vaja cutire bajiro bajise űaṱuja. Ti suori rojose mani tuoīasere “Yitūjato” yigu, manire yiyumi, ĩre bajiro yirā mani űarotire yigu.

⁵ To bajiri, quēnaro manire ī yire űajare, ĩre ajitirānūrā űari, mua yimasiro cōro quēnasere yirūḡūña, “Diore quēnabosaro masito mani” yirā. ⁶ Rojose yirūaboarine, tire yibeticōari, Dios ī bojarore bajirojua yirā, rojose tāmūboarine, quēnaro yicōa űarūḡūroti űaja. ⁷ To yicōari, gājerā Cristore ajitirānūrāre, ĩre ajitirānūmenare quēne mairūḡūroti űaja.

⁸ Ti vāme jedirore yirā űacōari, butobusa mua yirūtu vajama, Jesucristo mani űjare quēnaro masirā űaruarāja mua. ĩre quēnaro masirā mua űajama, ī bojasere quēnaro yiruarāja. To bajiro mua yibetijama, ĩre masirā űaboarine, ĩre ejarēmomenare bajiro bajirāja mua. ⁹ Ti vāme jedirore yimena, Dios ī bojasere quēnaro ajimasimena űarāma. To bajicōari, “Rojose yu yisere masirioyumi”, yimasiriticoaborāma. ¹⁰ To bajiri, ĩnare bajiro bajibesa mua. Ado bajirojua yirūḡūña: “Cristo yarā űato” yigu, Dios beseriarā űari, mua yimasiro cōro űajediro yirūḡūña. To bajiro mua yijama, Cristore ajitirānū tūjabetiruarāja. ¹¹ To bajicōari, mua rijato beroju, rojose tāmūotūjabetiraroju mua vaborotire muare yirētobosagu, ō vecaḡu ī rotiűaroju variquēnase rāca mua ejarotire yigu yirucumi mani űju, Jesucristo.

¹² Muare yu gotisere masirā űari, quēnaro yirūḡūrāja mua. Tire mua masiboajaquēne, muare goticōa űarucuja yu, “Masiritiroma” yigu. Gājerā socabeti quetire muare ĩna gotiriaro bero ti űaboajaquēne, muare goticōa űarucuja yu.

¹³ Yū catiűaro cōro muare gotimasiodcōa űarucuja yu. To bajiri, yu gotisere quēnaro mua ajisere bojaḡa yu. ¹⁴⁻¹⁵ “Jesucristo mani űju, ‘Yoaro me rijacoarucuja mu’ yare ī yigoticatoro bajiro bajiruaroja” yituoīagū űari, yu rijato beroju ti vāmere mua masiritibetirotire yigu, yu yimasiro cōro muare gotimasiorūḡūrucuja yu.

“Jesucristo ī masise rāca ī yillocatire ĩacana űari, ‘űamasuḡ űaami’ ĩre yimasiaja yua”, Pedro ī yire queti

¹⁶ “Mani űju Jesucristo, masigū űaami. Adi macarucuroju tudiejarucumi”, muare yigoticaḡu yua. “Masirētogū űaami Cristo”, muare yicaḡu yua. Yua masune tuoīacōari me, muare goticaḡu. Cristore ĩre ĩacana űari, muare goticaḡu. ¹⁷ Mani jacu Dios, Cristore quēnaro ī yirācubuoatire, to yicōari, “ űamasuḡ űaami’ yimasiasi” yigu, Cristo ī godovedicature yuare ĩocami Dios. To yigune, ado bajise yuare yi ocaruyucumi: “Ānine űaami yu macu, yu maigū. ĩre buto ĩavariquēnaja yu”, yuare yi ocaruyucumi. ¹⁸ To bajise Dios ī ocaruyucature, buro joeju Cristo rāca űarā, ajicaḡu yua.^a

¹⁹ Diore gotirētobosamasiriarā Cristo ī bajirotire ĩna gotimasiriarore bajiro bajicaḡu. Mua quēne yua gotimasiosere ajicōari, “Socabeti űaja”, yimasicaḡu mua. Tirāmūju quēnase queti Diore gotirētobosarimasa ĩna ucamasirema, rētiarojare mani sīabusuorore bajiro bajise űaṱuja. Yua gotimasiose quēnaro mua buejama, Cristo ī tudiejarirūmu, ī ejarēmose rāca mua masiojeobetire quēnaro masijeocōaruarāja mua. ²⁰⁻²¹ Dios ocare masa ĩna ucamasirere mua buejama, ado bajise űamasusere quēnaro masiűa: Diore gotirētobosariarā, ĩna masune tuoīamasicōari, ucabetimasinūjarā ĩna. Esp’iritu Santo ĩna masirotire ī ĩsise suori ucamasinūjarā.

^a 1:18 Mt 17.1-5, Mr 9.2-7, Lc 9.28-35.

2

*“Socase ña gotimasiosere ajitirānabesa”, yire queti
(Jud 4-13)*

¹ Diore gotirētobosarimasa socamena ña ñaboajaquēne, gājerā ñamasiñujarā, “Diore gotirētobosarā ñaja” yisocariarā. To bajiri adirūmurire quēne, mua rāca ñaruarāma socase gotirimasa. “Socabetire muare gotiaja” yirā ñaboarine, rojose tuoīarā ñaruarāma. To bajiro tuoīarā ñari, manire yirētobosarīre īre terā ñaruarāma. To bajiro bajirā ña ñajare, rojose tāmūotujabetiriaroju yaro mene ñare cōacōarucumi Dios. ² To bajiro Dios ī yiroto rījoro, mua rācana jājarā rojose ña yirore bajiro yiruarāma. To bajiro ña yisere iacōari, Dios ocare ajiteruarāma. ³ To bajiro socase gotimasiorimasa, “Gājoa bujarāsa mani” yirā, socase ti ñaboajaquēne, ña gotimasiose vaja muare vaja sēniruarāma. Tirāmujune “To bajiro rojose yirāre rojose tāmūotujabetiriaroju ñare cōarucuja yu”, yimasīñuju Dios.

⁴ Dios tuana, āngel mesa rojose yimasiriarā ña bajimasire quetire masirāja mua. “Rojose mua yiboajaquēne, rojose muare yibecuja yu”, yibetimasīñuju ī. “Rojose ña yicati vaja rojose ñare yu yirotire yucōa ñato” yigu, cōmemari rāca ñare siacōari, tusabetigojeju ña ñacōa ñarotire yigu toju ñare cūmasīñuju. ⁵ Tirāmujū Noé ī ñamasiriarodoju ñamasiriarāre quēne, “Rojose mua yise vaja rojose muare yibetirucuja”, yibetimasīñuju ī. Ña jedirore oco ñamuse rāca ñare ruureajeocōamasīñuju ī. To bajiri, “Dios ī bojarore bajiro yiroti ñaja” gājerāre yigotirūgūboarī, Noé, ī yarā, cojomo cōro jedi, gaje āmo jua jēnituarirācu ñarārema ruubetimasīñuju. ⁶ Ñare ī yiriarore bajirone yiyumi Dios, “Sodoma macana, to yicōari, Gomorra macanare quēne, rojose ña yiboajaquēne, rojose ñare yibetirucuja yu”, yibetimasīñuju. Ti macarianare ō vecaye jea ūjuse rāca vējacōari, ñare soereajeocōamasīñuju ī. To bajiro ī yijama, “Adirodore ñarā rojose yirā, tire masicōari, tuoīamasīato” yigu, yimasīñumi. ⁷⁻⁸ Sodoma macanare, Gomorra macanare soereacōabarine, Lot vāme cutimasirīre īre yirētobosamasīñuju Dios. Quēnaro yigu ñamasīñuju Lot. Tocārācarāmune ti macariana Diore ajimena, rojose ña yisere iacōari, gājerā “Rojose yama” ña yisere quēne ajicōari buto tuoīasutiritirūgūmasīñuju Lot. To bajiri, “Ujromi” yigu, īre yirētobosamasīñuju Dios.

⁹ To bajiri, ti quetire muare yu gotise jedirore tuditoīacōari, jua vāme ado bajise masiaja mani: “Dios ī bojarore bajiro yirāre rojose ña bajiborotire ñare yirētobosamasiami”, yimasīñuju. To yicōari, “Rojose yirārema rojose ña yise vaja, rojose tāmūotujabetiriaroju ñare ī cōaroto rījoro, rojose ña yijare, ‘Rojose tāmūoña mua’ ñare yirūgūami Dios”, yimasīñuju. ¹⁰ “Rojose ña yise vaja, rojose tāmūotujabetiriaroju ñare cōabeaja maji” Dios ī yīlārē mani yijama, ado bajiro rojose yirāre yaja mani: Ña masune ña bojarore bajiro yirūgūrāre, gājerā ña rotisere ajiterāre quēne, ñare yaja mani. To bajiro yirā ñarāma socase gotimasiorimasa. “Ña rētoro ñamasurā ñaja yua” yitūoīacōari, gūimenane, āngel mesare, to yicōari, vātiare quēne rūcūbuomenama. ¹¹ Socase gotimasiorimasa rētoro masirā ñaboarine, ñare bajiro yimenama Dios tuana, āngel mesama. Vātiare, “Rojose yirā ñari, rojose tāmūoruarāja”, ñare yimenama.

¹² Socase muare gotimasiorimasa, ña ruju ti bojarore bajiro yirā, “Bojoneose yirā yaja” yimasimenane, tire yirūgūrāma. To yicōari, āngel mesare, vātiare quēne ña bajisere masimena ñari, rūcūbuobetirūgūrāma. To bajiro rojose ña yise ñajare, rojose tāmūotujabetiriaroju ñare cōarucumi mani ūju. ¹³ Gājerāre rojose ña yire vaja, rojose tāmūoruarāma. Bojoneose ti ñaboajaquēne, “Ñamiju yirudirāsa mani”, yirā me ñarāma. Bojonemena ñari, ūmuane yivariquēnarā ñarāma. Diore rūcūbuorā mua rējajama, ña quēne mua rāca rējacōari, “Dios ī bojasere yirā ñaja” yiboarine, no ña bojarore bajirojua yirūgūrāma. To bajiro rojose yirā ñaboarine, “Ado bajiro mani yisere iavariquēnagūmi Dios”, muare yisocarāma. Rojose yirā rāca mua rējase suorine, mua jedirorene, “Rojose yirā ñarāma”, muare yīñagōjairāma masa.

¹⁴ Rojose yirā ñari, rōmia jājarāre ajeriarā cutirua tuoīarūgūrā ñarāma. Gājerā, Cristore quēnaro ajitirānumenare quēnaro ña yitose suorine rojose ñare ūmato yirā ñarāma. To bajicōari, jairo gajeyeūni cuorā ñaboarine, quēna gajeye bojarēmōrā ñari, “Gājoa bujarāsa mani” yirā, quēnaro yisocamasirā ñarāma. To bajiro yirā ñari, rojose tāmūotujabetiriaroju Dios ī cōarona ñarāma. ¹⁵ Cristo ocare ajiriarā ñaboarine, ajitujacōari, Dios ī bojabetire yirā ñarāma. Beor macu, Balaam vāme cutimasirī, gājoare buto ī bojariorore bajiro bojarā ñari, ī yiriarore bajiro rojose yirā ñarāma ña quēne. ¹⁶ Balaamjua, rojose ī yirujare, Dios jediro masigū ñari, Balaam ī jesavacu burro vāme cutigure masure bajiro ñagōrotimasīñuju. Ado bajiro īre yimasīñuju: “Rojose yiguacu yaja mu”, īre yitūdītujomasīñuju burro. Rojose ī yiruaboarere yibetimasīñuju Balaam ñamasirī.

b 2:9 Rojose tāmūotujabetiriaroju ñare cōabetiboarine, “Rojose tāmūoña mua” ñare ī yijama, adi macarucaro ñacōari, rojose ña tāmūoñarotire yiga, yiyuju.

¹⁷ Quēna gaje vāme muare gotirēmoaja yu, socase gotimasiorimasa īna bajisere: Oco űaboariagojeri ti oco manore bajiro bajirā űarāma. To bajicōari, buerigaserire mino vēareare bajiro bajirā űarāma. To bajiro bajirā űari, Dios oca quēnasere mani ajiruaboasere manire gotimasibetiruarāma. To bajiri, “Rojose tāmūotjabetiriaroju īnare cōarucja” i yimasiri-arore bajiro īnare cōarucami Dios. ¹⁸ “Rojose mani yiboajaquēne, manire īavariquēnacōa űarucami Dios”, yivariquēnarāma. Tuoīamasimena űari, to bajiro yirāma, “Gājerā quēne, mani yisere ajicōari, mani yirore bajiro rojose yato īna quēne” yirā. To bajiro īna yijama, Diore ajimena rāca rojose īna yirūgūboarere yitujacōari, mame Cristore ajitirūnūrāre butobusa īnare gotirāma. ¹⁹ “Socase mere muare gotiaja yua. Mani bojarore bajiro mani yijama, quēnaja. Cojorūmu rojose mani yisere yitujaruarāja” yirā űaboarine, rojosere yisejacoariarā űari, tire yitujamasimenama. To bajiro īnare gotirā űaboarine, īna quēne rojose īna yise vaja rojose tāmūorona űaboarine, to bajiro īnare gotirūgūrāma. ²⁰ Ado bajiro bajirāma socase gotimasiorimasa: “Rojose mani yise vaja manire vaja yibosayumi Jesucristo mani űju” yituoīacōari, rojose īna yirūgūboarere yitujacōaboarine, quēna rojose īna yicōa űajama, tirūmūju rojose īna yiriaro rētoro rojose yirāma. ²¹ To bajiro rojose yirārema, rēmojane Cristore ajitirūnubeticōaroti űaboayuja. Tire bajimenane, Cristore ajitirūnucōari, quēna īna ajitirūnu tujajama, quēnabeti űaja. To bajiro bajirā īna űajare, butobusa rojose īnare yirucami Dios. ²² Cristore ajitirūnuriarā űaboarine, quēna īre īna ajitirūnu tujasere ado bajiro gotiaja: “Ecari yai, mūñocōari, ī mūñosere tudibarucami”, yigotiaja. Quēna gajeye ado bajiro gotiaja: “Ecari yese űeritatarē yugui moasīnir’ire quēnaro mani guocōaboajaquēne, titatarē tudivacōari, yugui moasīnirucami quēna, ‘Tudi űeri jaigu űagūsa’ yigu”, yigotiaja.

3

Mani űju adi macarucaroju ī tudiejaroti queti

¹ Yu mairā, tirāmūju muare yu ucasuocatore bajiro muare tudiucaja yu, Cristo ocare masiritimenane, quēnaro mūa tuoīacōa űarotire yigu. ² Tirāmūana, Diore gotirētobosamasiriārā īna goti rījoro yimasirere mūa masiritibetirotire bojaja yu. To yicōari, mani űju, rojose mani yise vaja manire vaja yibosar’i, adi macarucaroju ī tudiejarotire yuare ī gotimasioacatire, muare yua gotimasioacatire quēne mūa masiritibetirotire bojaja.

³ Ti oca űamasuse ado bajiro gotiaja: Adi macarucaro tusarirūmuri mani űju Jesucristore ajitirūnūrāre, adigodoju ī tudiejarotire mani tuoīa yuñajare, manire ajatud’iruarāma gājerā. īna űaruarāma īna masune īna bojarore bajiro rīne yirā. ⁴ Ado bajiro manire ajatud’iruarāma: “‘Mani űju’ mūa yigūma, ī gotiriarore bajiro me bajiami. Tudiejabeami. Quēnaro tuoīa űa mūa. Tirāmūju mani űicua űaboacana, to yicōari, mani jacua űaboacana quēne bajireacōa tujacama. īnare catiobeticami. Adi macarucaro Dios ī rujeosūomasiriarodoju űamasiriarore bajirone bajicōa űaja adirūmuri quēne. ‘Mani űju’ mūa yigūma ī gotire, űie vaja maja ti”, manire yiajatud’iruarāma. ⁵ To bajiro tuoīarā űari, adi macarucaro Dios ī rujeosūomasirere masimena űarāma. Mani jacu Dios jediro masigū űari, adi macarucaro, űmūagaserore quēne rujeomasīñuju. ī rotise űuorine sita oco vatoajū űare ruyumasīñuju. To bajiro yicōari, ocore quēne ricati ti űarotire yimasīñuju. ⁶ To bajiro ī yimasire ti űaboajaquēne, ti vāmere bajirone bajicōa űabetimasīñuju. Beroju, “Oco űasuocatore bajiro tudirujiasa quēna” ī yirotimasire űuorine adi macarucaro jedirone oco űamuse rāca ruureajeocōamasīñuju ī. ⁷ To bajiro ī yirotimasiriarore bajirone bajimūorūgōruaroja, adi macarucaro, űmūagaserore quēne Dios ī soerearotirūmu ti ejaro. Tirāmūne mani űju, tudiejacōari, rojose yirūgūriarāre īabesecōari, “Rojose tāmūocōa űarūgūruarāja”, īnare yirotirucami.

⁸ Yu mairā, adi vāme űamasuri vāmere masiritibetiruarāja mūa: Mani űju ī īajama, mil űaricūmari űaja cojorūmu. To bajicōari, cojorūmu űaja mil űaricūmari cōro, ī īajama. To bajiro yu yijama, “Cūmari mani cōiarore bajiro cōiabeami mani űju” yigu yaja. ⁹ “ī gotirore bajiro yigu űaboarine, guaro ejatimabecumi maji. To bajiro ī bajisere manire tegu bajigūmi” gājerā īna yituoīarore bajiro tuoīabetiroti űaja muare. To bajiro me bajigūmi. Gājerā quēne rojose īna yisere yitujacōari, Dios ī bojasejuare īna yirotire yugu bajigūmi maji. Masa jediro rojose tāmūotjabetiriaroju īna vabetirotire bojaami mani űju.

¹⁰ Tire yuboarine, “To cōrone tudivarucami” Dios ī yituoīariarūmūne tudiejarucami mani űju. “To cōro űaro ejarucami” masa īna yimasibetijūne ejarucami. Juarudirimasu ī ejarore quēne, “To cōro űaro juarudigu ejarucami”, yimasibeaja mani. To bajirone bajiruaroja Cristo ī ejaroti quēne. ī tudiejarirūmu ō vecajū gūioro ocaruyuraroja. Ti ocaruyuse rācane ō vecaye jediro yayicoaruaroja. To bajicōari, adi macarucaroaje jedirore soereajeocōarucami mani űju. űiejua ruyabetiruaroja yuja.

¹¹ Adi macarucaroaje jediro űuyayiroti ti űajare, Dios rīare bajiro bajirā űari, rācūbuose rāca ī bojarore bajiro quēnase rīne yirūgūroti űaja muare. ¹² Cristo ī tudiejarirūmu quēnaro

ñayuruarāja mua. To bajiri i bojarore bajiro quēnase rīne yirūgūña, yoaro me i ejarotire bojarā ñari. I ejarirūmune o vecaye jediro ũjajedicoaruarōja. To bajicōari, adi macarucuroaye quēne buto ti asijare, ocoacoaruarōja. ¹³ To bajiro bajiroti ti ñaboajaquēne, “Dios i gotiriarore bajirone quēna adi macarucuroayere, to yicōari, o vecayere quēne reajeocōari, quēnase rīne mame rujeovasoarucumi Dios”, yitōlavariquēnaja mani. To bajiro i yiro berojare Dios i bojarore bajiro quēnaro yirā rīne catiruarāma.

¹⁴ To bajiri, yu mairā, Cristo i tudiejaroto rījoro, mua yimasiro cōro Dios i bojarore bajiro yicōa ñarūgūña mua, “Mani ũju i tudiejarirūmujū, ‘Quēnase rīne yirā ñaama’ i yilavariquēnarona ñarāsa” yirā. ¹⁵ Mani ũju, rojose yirāre rojose tāmūotūjabetiriarōju inare cōabeami maji, “Rojose yitūjacōari, yure ina ajitirūñujama, rojose ina tāmūoborotire yirētobosagusa” yigu. Tire bajirone gotiyuja mani maigū, Pablo manire i ucacōare quēne. “Tire quēnaro riojo ajimasiato” yigu, quēnaro ire ejarēmofumi Dios. ¹⁶ Gājerāre i ucacōare quēne, tocārācājine i ucajama, tire bajiro rīne gotirūgūñumi. I ucarere, cojo vāme mani ajimasirūajama, josari ñaja. Josase ti ñajare, tire ajimasimena ñari, ricatijua gotimasiorāma Cristore quēnaro ajitirūñumena. Dios ocare quēne ina buejama, ajimasimena ñari, ricatijua gotimasiorāma. To bajiro yirā ñari, rojose tāmūotūjabetiriarōju mani ũju i cōarona ñarāma.

¹⁷ Yu mairā, socase ina gotimasiorotire muare yu gotisere jēre masirāja mua. Tire masirā ñari, “Diore ajimena, socase ina gotimasiosere ajitirūñucōari, Cristo oca riojo gotimasiosejuare ajitirūñu tujarobe” yirā, quēnaro tire tōlāmasiri ñaña. ¹⁸ Jesucristo ñaami mani ũju. I ñaami rojose mani yise vaja manire vaja yibosar’i, “Quēnase rīne yirā ñato” yigu. To bajiro yir’i i ñajare, butobusa ire ajitirūñurūtuasa mua, “Quēnagū ñari, quēnaro manire yami” yimasicōari, butobusa gāmerā maiña mua. “Ñamasugū ñaami”, Jesucristore yirācūbūorūgūroti ñaja.

To cōro ñaja.

Primera carta de SAN JUAN

Jesúre ajitirānūrāre Juan ī ucare queti

¹ ĶNaboati mua, yu yarā? Adi papera rāca muare queti ucaja yu. Adi macarucuro, ō vecaye quēne ti ruyuaroto rījoroju, űajediro mani catirotire īsirocu űacōasuoayumi. To bajiri yu masune īre īa, īre aji, īre moaīacacune muare gotiaja yu. Ī rijabosare suorine Dios ī catisere cuorā űaja mani. ² Īre īacaju yua. Īne űagūmi Jesucristo, īre ajitirānūrā mani rijato beroju mani catirotire Dios ī catisere manire īsir'i. To bajiri yua īacatire muare gotiaja yu. Yua īacacu, adi macarucuro ī rujeoroto rījoroju ī jacu rāca űacōasuoayumi. ³ Yua īacatire, to yicōari yua ajicature quēne muare gotiaja yua. Dios, ī macu rāca īna tuoīarore bajiro tuoīarūgūaja yua. To bajiri mua quēne, yua tuoīarore bajiro mua tuoīarotire yigu, gotiaja. ⁴ Cojoro cōro mani variquēnarotire yigu, tire muare gotiaja yua.

“Rojose yibecu űaami Dios”, yire queti

⁵ “Quēnase rīne yigu űagūmi Dios”, yuare yigoticami Jesús. To bajiri tire ajicōari muare gotiaja yua. ⁶ Rojose yiboarine, “Dios ī tuoīarore bajiro tuoīaja yua” mani yijama, socarā yirāja mani. ⁷ To bajiboarine, Diore sēnicōari, ī bojarore bajiro quēnaro mani yicōa űajama, quēnaro űaruarāja mani. To bajicōari, Jesús ī rijabosare suorine, “Rojose mana űaama”, manire yīarūgūgūmi Dios.

⁸ Quēnase rīne yirā manama. To bajiri “Quēnase rīne yirā űaja mani”, yimasīña maja. ⁹ To bajiboarine, tocārācagine rojose mani yisere, “Yuare masirioya” īre mani yigotijama, ‘Yīrucuja’ ī yirore bajiro yigu űari, tire manire masiriojeocōarucami Dios”, yimasīaja mani. ¹⁰ Gajeyerema, “Masa jediro rojose yirā űaama”, manire yiyumi Dios. To bajiri, “Rojose yibeticaja yua” mani yijama, “Socu yirimi Dios” yirāre bajiro yirāja mani.

2

“Diore manire űagōbosagu űaami Jesucristo”, yire queti

¹ Yu rīare bajiro muare maiaja yu. To bajiri, “Rojose yibeticōato īna” yigu, adire muare gotiaja yu. To bajiboarine rojose mani yijama, sīgū űagūmi Diore manire űagōbosagu. Īne űagūmi Jesucristo, rojose yibecu. ² Rojose mani yise vaja manire rijabosayumi, rojose mani yisere manire Dios ī masiriorotire yigu. Masa űajedirore rijabosagu bajiyumi.

³ Gajeyerema, Dios ī rotirore bajirone mani yijama, “Īre masīaja yu”, yimasīaja mani. ⁴ Sīgū, Dios ī rotisere cudibetiboarine, “Īre masīaja yu” yīguma, socu yīgumi. ⁵ Dios ī rotirore bajiro yīgūja űagūmi īre maigū. To bajiro mani yijama, “Dios yarā űaja mani”, yimasīrāja mani. ⁶ “Dios ī bojarore bajiro tuoīaja” yīguma, Jesús ī bajiñacatore bajirone bajiñaroti űaja.

Mame rotire queti

⁷ Yu mairā, mame oca mere muare ucaja yu. Dios ī rotimasire, ī ocare masa īna ucamasire, mua ajisuoadicatine űaja. ⁸ Tirūmuayeju ti űaboajaquēne, Jesús ī bajiñacatire ajicōari, ti ocare quēnaro riojo ajimasire űaja. To bajicōari, Jesúre ajitirānūrā mani bajiñasere quēne īacōari, ti ocare quēnaro riojo ajimasire űaja. To bajiro ti bajijare, tirūmuaye ti űaboajaquēne, mame ocare bajiro ejaja ti manire. Ti oca suorine Diore quēnabusaro masirūtu vana yaja mani.

⁹ Sīgū, “Dios ī bojarore bajiro yigu űaja” yiboarine, gājire ī īatejama, Dios ī bojarore bajiro yigu me űagūmi. ¹⁰ Gājērāre īamaigūja, Dios ī bojarore bajiro yigu űagūmi. To bajiro ī bajijare, űimūja īre rojose űmato yirocu magūmi. ¹¹ Gājire īateguma, Dios ī bojabetire yigu űagūmi. To bajiro yigu űari, “Rojose yīgūja yu”, yimasīgū me űagūmi. Rojose ī yise vaja rojose tāmūotūjabetiriaroju ī varotire quēne masibecumi.

¹² Mua jediro, yu rīare bajiro bajiřā, adi queti muare ucaja yu: Jesús manire ī rijabosare űajare, rojose mua yisere Dios ī masiriorā űarāja mua.

¹³ Muare bucurāre quēne, adi queti ucaja yu. Adi macarucuro, ō vecaye quēne ti ruyuaroto rījoroju űar'ire masirā űarāja mua.

Muare mamarāre quēne adi queti ucaja yu. Vātia űju ī bojarore bajiro yiriarā űaboarine, yīmena űarāja mua yūja.

¹⁴ Mua jediro, yu rīare bajiro bajiřāre adi queti muare ucaja yu. Mani jacu, Diore masirā űarāja mua quēne.

Bucurāre quēne muare queti ucaja yu. Adi macarucuro, ō vecaye quēne ti ruyuaroto rījoroju űar'ire masirā űarāja mua.

Mamaräre quēne muare queti ucaja yu. Dios ocare masa ĩna ucamasire ti gotirote bajiro ajitirũnarã ĩnarãja mua. To bajirã ĩari, vãtia uju rojose ĩ yirotiobasere cudimena ĩnarãja mua. To bajiro bajirã mua ĩajare, adi queti muare ucaja yu.

¹⁵⁻¹⁶ Adi macarucuro ĩarã ĩna tuoĩarore bajiro tuoĩabesa mua. Ado bajiro tuoĩarã ĩnarãma ĩna: Adi macarucuroyere ĩavariquẽnacõari, ĩna bojarore bajiro rojose yirua tuoĩarãma. Jairo ĩna gajeyẽuni cuose suorine, “Gãjerã rẽtoro ĩamasurã ĩaja yua”, yivariquẽnarãma. To bajiro ĩna tuoĩasema, Dios ĩ rotise me ĩaja. ĩna tuoĩarore bajiro mua tuoĩajama, Diore mairã me ĩarãja mua quẽne. ¹⁷ Adi macarucuro ti jedirone, Dios ĩ bojabeti masa ĩna yirua tuoĩase, ĩna cuose, ĩna bojase quẽne jedicoarũaroja. Ti jedicoaboajaquẽne, Dios ĩ bojarore bajiro yirãjuama, ĩna rijato beroju Dios taju quẽnaro ĩarũgũruarãma ĩna.

Cristore terã jãjarã ĩna ĩare queti

¹⁸ Ajiya mua, yu ĩare bajiro bajirã. Adi macarucuro ti jedirotirũmu ejaroti, mojoroaca ruajaja. “Ti jedirotirũmu ti ejaroto ĩjoroaca vadirucumi Cristore ĩre Tegu” yigotimasiorere ajicaju mua. To bajiri ado bajiro muare gotiaja yu: Jẽre gãjerã Cristore terã socase queti gotimasiorã, jãjarã ĩnarãma adi macarucurore. To bajiro ti bajijare, “Adi macarucuro ti jedirotirũmu ejaroti, mojoroaca ruajaja”, yimasiaja mani. ¹⁹ Ado bajiro ti bajijare, “Mani rãca ĩaboacana quẽne Cristore terã ĩnarãma”, yimasiaja mani: Manire bajiro tuoĩacana ĩaboarine, ricati tuoĩacõari, manire cãmotadicama. To bajiri, “Cristore terã ĩnarãma”, yimasiaja mani. Dios yarã ĩna ĩajama, manire cãmotadibetiboriarãma.

²⁰ Esp'iritu Santore muare cõaũumi Jesũs. To bajiro ĩ yire ĩajare, Dios yere riojo masirãja mua. ²¹ Cristo yere quẽnaro masirã mua ĩajare, “Tire tudituoĩato” yigu, muare ucaja yu. Cristo oca socabetire masirã ĩari, “Ti mere gotimasioama”, yimasiaja mua. ²² To bajiro ti bajijare, “Masa rojose ĩna tãmuoborotire ĩnare yirẽtobosacõari, rotimũorũgõrucumi” yigu, Dios ĩ cõar'i me ĩarimi Jesũs” yiguma, socagu ĩagũmi. To bajiro ĩ yijama, Diore to yicõari, ĩ macure quẽne tegu yigumi. ²³ Jesũre tegu ĩ ĩajama, ĩ jacu Diore quẽne tegu yigumi. To bajiro ĩ yijama, Diore ajitirũnũgũ me ĩagũmi. “Dios macure ajitirũnũaja” yigujama, ĩ jacu Diore quẽne ajitirũnũgũ ĩagũmi.

²⁴ Tirũmuju Cristo oca mua ajisuocatire tocãrãcarũmune mua tuoĩacõa ĩajama, Dios ĩ macu Jesũrãca, ĩna bojarore bajiro tuoĩacõa ĩarũgũruarãja mua. ²⁵ To bajiro mua yituoĩacõa ĩajama, “Yure ajitirũnũrãre quẽnaro yirũcuja” ĩ yiriarore bajirone yiecorã ĩaja mani. To bajiri, mani rijato bero ĩna taju catimũorũgõrona ĩaja mani.

²⁶ Gãjerã socase gotirimasã ĩna ĩajare, ĩnare ajicõari, “ĩna ĩaama socase gotimasiorimasa” mua yimasioritire yigu, adi pãpera muare ucaja yu. ²⁷ “Esp'iritu Santore manire cõaũumi Jesũs”, yitũabesa mua. ĩ suorine ĩajediro socabetire, Jesũs ocare tuoĩacõari quẽnaro masirãja mua. To bajiro bajirã ĩari, “Socase ĩaja” muare yigotirocare bojamenaja mua. To bajiri, Esp'iritu Santo suorine Jesũs ocare masicõari, ĩ bojarore bajiro yicõa ĩaĩa.

²⁸ Quẽnaro ajiya, mua, yu ĩare bajiro bajirã. Cristo ĩ bojarore bajiro mani yicõa ĩajama, adi macarucuroju ĩ tudiejaro, gãjerã ĩre ajitirũnũ tũariarã ĩre ĩna ĩabojonerore bajiro me bajirũarãja mani, “Quẽnaro yuare yirucumi” yituoĩarã ĩari. ²⁹ “Quẽnaro yigu ĩagũmi Jesũs” yimasirã ĩari, “Jesũs ĩ bojarore bajiro quẽnaro yirãma, Dios rĩa ĩaama”, yimasirãja mua.

3

Dios rĩa ĩare queti

¹ Ajiya mua. Mani jacu Dios, bũto manire maiami. Manire maigũ ĩari, “Yu rĩa ĩaama”, manire yami. To bajiboarine, jãjarã ĩaama Dios rĩa mani ĩasere masimena. To bajirã ĩari, Dios mani jacure quẽne masibeama. ² Dios rĩa ĩaja mani. Mani bajirotire, “Ado bajiro bajirũarãja”, yimasibeaja mani. To bajiboarine, “Jesucristo ĩ tudiejaro, ĩre ĩarãne, ĩre bajiro bajicoarũarãja mani”, yimasiaja mani. ³ Tire tuoĩayurã ĩari, rojose yibetirũgũaja mani, “Cristo rojose yibecu ĩ ĩarore bajirone ĩarãsa” yirã.

⁴ Rojose yiguma, Dios ĩ rotisere yigu me ĩagũmi. ĩ rotisere mani cudibetine ĩaja rojose mani yise. ⁵ “Jesucristo, rojose yigu me ĩagũmi”, yimasirãja mua. “Quẽnase rĩne yigu ĩari, rojose mani yise vaja, manire vaja yibosagu adi macarucurojare vayumi”, yimasirãja mua. ⁶ Jesucristo ĩ bojarore bajiro tuoĩarã, rojose yimenama. Rojosere yirãma, Jesucristore masirã me ĩarãma. ⁷ Yu ĩare bajiro bajirã, mua vatoaju muare yitogu “Manicõato” yirã, quẽnaro ajicõiaĩa. Sĩgũ, “Quẽnaro yigu ĩaja” ĩ yisocabetijama, Cristo ĩ yiriarore bajiro quẽnaro ĩ yisere ĩamasirũarãja mua. ⁸ Rojose yiguma, vãtia uju ĩ rotisere yigu ĩaami. Rẽmojune rojose rĩne yigu ĩacõasuoayumi vãtia uju. To bajiboarine, Dios macu Jesucristo adi macarucurojare vayumi, vãti uju masare rojose ĩ yirotsere “Yibeticõato ĩna” yigu.

⁹ Dios, rojose yibecu ĩ ĩajare, ĩ rĩa quẽne, rojose yirã me ĩaama. Esp'iritu Santo rãcana ĩari, rojose yimena ĩaama. ¹⁰ To bajiri, Dios yarãre, to yicõari, vãtia uju ĩ ejarẽmose rãca

yiräre quēne ado bajiro Inare ĩamasiaja mani: Rojose yiguma, to yicōari Jesũre ajitirũnugũre ĩamaibecuma, Dios yu me ñagũmi.

Gāmerā ĩamaire queti

¹¹ Tirũmũjune Dios ocare gāmerā ĩamairoti ñaja yirere ajisũoadicaju mua. ¹² Ca'in ĩamasir'i ĩ yimasiriarore bajiro yibesa mua. Rojose yigu ñari, ĩ bedi quēnase ĩ yisejuare ĩajũnisinicoāri, ĩre sĩamasifũju.

¹³ To bajiri, ajiya mua, yu mairā: Adi macarucuroana Diore ajiterā muare ĩna ĩatesere tuoĩarejaibesa. ¹⁴ Tirũmũju Diore masimena ñari, mani rijato beroju, mani catirotire Dios ĩ catisere ĩsicobesuja mani maji. Yucurema, gājerāre mani ujure ajitirũnurāre ĩamairā ñari, “Mani rijato beroju mani catirotire Dios ĩ catisere ĩ ĩsiriarā ñaja mani”, yimasiaja. Gājerāre ĩamaimenama, Dios ĩ catisere ĩ ĩsirā me ñarāma ĩna. ¹⁵ Mani ujure ajitirũnurāre ĩaterāma, Dios ĩ ĩajama, sĩarimasa ñarā bajirāma ĩna. To bajiri, “ĩna rijato beroju ĩna catirotire ĩnare ĩsibecumi Dios”, yimasiaja mani. ¹⁶ Cristo manire ĩ rijabosare ñajare, manire ĩ maisere masiaja mani. To bajiri mani quēne, mani ujure ajitirũnurāre ĩamairā ñari, gājerā manire ĩna ĩateboajaquēne, Cristore ajitirũnurāre ejarēmoroti ñaja. ¹⁷ Gajeyeũni jairo cuogu ñaboarine, mani ujure ajitirũnurāre maioro bajirāre ĩ ejarēmobetijama, “Diore maiaja yu”, yisocagu ñagũmi. ¹⁸ To bajiri yu rĩare bajiro bajirā, “Gājerāre ĩnare ĩamaiaja yua” yirā, ĩnare ejarēmoroti ñaja.

“*Dios, manire maigũ ñari, quēnaro manire yirucumi' yitũoĩa variquēnaroti ñaja*”, yire queti

¹⁹ Gājerāre mani maijama, “Dios ocare masa ĩna ucamasire quēnaro ajitirũnuaja yua”, yimasirāja mani. To bajiri, “Manire ĩvariquēnagũmi Dios”, yimasirāja. ²⁰ “Dios ocare quēnaro ajitirũnubeaja yua” mua yitũoĩa sutiritijama, “¿Rojose ñati yuare?” yicōari, Diore sēniroti ñaja. ĩ ñaami mani rētoro masigũ, to bajicōari mani ĩamairo rētoro ĩamaigũ. ²¹ “Yu ye suorine rojose ñaja yure” mani yitũoĩabetijama, Dios quēne, “Mu ye suorine rojose ñaja mure’ manire yibecumi”, yimasiaja mani. To bajiri gũimenane, ĩre sēniaja mani. ²² Dios ĩ rotisere mani cudijama, no mani sēniore bajirone manire cudirucumi. ²³ Adi ñaja Dios ĩ rotise: “Yu macu Jesucristore ĩre ajitirũnuña mua. Gāmerā ĩamaiña mua”, yiyumi Dios. ²⁴ Tire ajirũcũbuorāma, Diorāca ñarāma. To bajiri, Esp'iritu Santore Dios ĩ cōare suorine, “Diorāca ñaja mani”, yimasiaja mani.

4

Esp'iritu Santo rāca ñarāre, ĩ rāca ñamenare quēne ĩamasire

¹ Ajiya, yu mairā. Jājarā, “Dios ocare gotimasiorā ñaja yua” yirā, Esp'iritu Santo rāca ñarā me ñarāma. To bajiri, “¿Esp'iritu Santo rācana masune ñati?” mua masune yitũoĩamasicoāri, quēnaro ĩnare ajicōĩañā, “ĩna socajama, masiruarāja mani” yirā. ² Ado bajiro ĩna yisere ajimasiruarāja mua: “Adi macarucuroju ejacōari, manire bajiro ruju catiyuju Jesucristo” yirāma, “Esp'iritu Santo rācana ñaama”, yimasiruarāja mua. ³ To yicōari, gājerāma, “Manire bajiro ruju catigu me ñañuju Jesucristo” yirāma, “Esp'iritu Santo rācana me ñaama”, yimasiruarāja mua. ĩna ñaama Cristore terā. To bajiro yirā, jēre ĩna ñarotire ajicaju mua. To bajiri, “Adigodore ñaama ĩna” yigu, muare gotiaja yu.

⁴ Vātia ujure rētoro masigũ, ñaami Dios. To bajiri, mua quēne ĩ rācana ñaja mua. ĩ rācana ñari, Cristore terā, muare ĩna yitobasere ĩnare ajibesuja mua. ⁵ Adi macarucuroayerene Dios ĩ bojabetire gotirũgũama socase muare gotimasiorimasa. Tire ajisuyarũgũama gājerā Diore ajiterā. ⁶ Manijuama, Dios rĩa ñari, ĩ ejarēmose rāca ĩ bojarore bajiro tuoĩarā ñaja mani. To bajiri mani gotisere quēne ajisuyarāma Diore masirā jediro. To bajicōari, Diore ajiterāma, manire quēne ajiterāma. To bajiro ti bajijare, “Diorācana ñaama” to yicōari, gājerārema, “Diore ajiterā ñaama”, yĩamasiruarāja mani.

Dios manire ĩ maise queti

⁷ Yu mairā, Dios suorine gāmerā ĩamaire ñaja. To bajiri ñajedirone gāmerā ĩamairoti ñaja. To bajiro mani yijama, Diore masirā, ĩ rĩare bajiro bajirā ñaruarāja mani. ⁸ Masare maigũ ñaami Dios. To bajiri gājerāre maimenama, Diore masimena ñaama. ⁹ ĩ macure ajitirũnurā, ĩna rijato beroju ĩna catirotire ĩ catisere ĩnare ĩ ĩsirotire yigu, adi macarucurojare ĩ macu sĩgāne ñagũre cōañumi Dios. To bajiro Dios ĩ yire ñajare, “Manire maiami Dios”, yimasiaja mani. ¹⁰ Dios manire ĩ maiore bajiro manijuama, ĩre maibeaja. To bajirā ñari, “Gājire maigũma, ado bajiro bajiami” mani yimasiruarajama, manire Dios ĩ maisere tuoĩaroti ñaja. Manire maimasucōagũ ñari, rojose mani yise jedirone manire masiriorũ, ĩ macure cōañumi Dios, rojose mani yisere manire “Vaja yibosato” yigu.

¹¹ To bajiri, yu mairā ajiya mua. To bajiro Dios manire ĩ maise ñajare, gāmerā ĩamairoti ñaja manire. ¹² Dios, ruyubecu ĩ ñaboajaquēne, mani gāmerā ĩamaijama, “Mani rāca ñaami

Dios", yimasiruarāja mani. Masare ĩamaigũ mani rāca ĩ ñajare, gāmerā mairuarāja mani quēne. ¹³ Esp'iritu Santore manire ĩ cõare ñajare, "Mani rāca ñaami Dios", yimasiaja mani. ¹⁴ To yicõari, jediro ĩre ajitirũnurā rojose mani yise vaja rojose tãmuotujabetiraroju mani vaborotire manire yirẽtobosarocure Dios ĩ cõar'ire ĩacaju yua. ĩre ĩacana ñari, ti quetire gotirũgũaja yua. ¹⁵ "Dios macu ñagũmi Jesũs" yigũma, Diorācagu ñagũmi.

¹⁶ Jesucristo ocare mani ajitirũnuorijune, "Dios manire maĩami", yimasisuoadicaju mani. Dios suorine gājerāre ĩamaire ñaja. To bajiri, Dios manire ĩ maisere masicõari, gājerāre ĩamaigũrema, "Ĭ rāca ñagũmi Dios", yimasiaja mani. ¹⁷ Dios manire ĩ ejarẽmojare, ĩ macu manire ĩ mairiarore bajiro gājerāre mairuarāja mani. To bajiri Dios masare ĩ beserirũmu ti ejaro, "Rojose manire yirũcumi", yitũoĩagũibetiruarāja mani. ¹⁸ Jesucristo ĩ mairiarore bajiro quẽnaro ĩ maijama, "Nie suori rojose yare yibecumi Dios" yigu, tũoĩagũibecumi. To bajiri manire Dios ĩ cõare ñajare, mani gāmerā maijama, gũibetiruarāja, masare Dios ĩ beserirũmu ti ejajaquẽne. Sigũ, gāmerā maire, to yicõari Diore masibecu ñari, tũoĩagũigumi.

¹⁹ Diore mani maĩbetiboaajaquẽne, ĩjuama, bũto manire maĩñumi. To bajiro manire ĩ yire ti ñajare, ĩre mairoti ñaja. ²⁰ Sigũ, "Diore maĩaja yũ" yigotigu ñaboarine, Jesũre ajitirũnugũre ĩategũma, socagu ñaami. To bajiri ĩ ĩatese suorine, "Diore maĩbecu ñaami", ĩre yĩamasiaja mani. ²¹ Sigũ, Diore ĩ mairuajama, Jesũre ajitirũnugũre ĩamairoti ñaja. To bajise manire yirotiyumi Dios.

5

"Dios rĩa ñari, ĩ bojarore bajiro yiroti ñaja", yire queti

¹ "Rotigu ñarũcumi" yigu, Dios ĩ cõar'ĩ ñaami Jesũs" yirāma, Dios rĩare bajiro bajirā ñaama. "Jacure mani maijama, ĩ rĩare quẽne mairuarāja mani", yigotise ñaja. To bajiri, mani jacu Diore mani maijama, "Yũ rĩa ñaama" Dios ĩ yĩarāre quẽne mairoti ñaja. ² Diore maicõari, ĩ rotirore bajiro mani cudijama, "Yũ rĩa ñaama" Dios ĩ yĩarāre quẽne mairā yirāja mani. ³ Diore mani maijama, ĩ rotirore bajiro cudiruarāja mani. ĩ rotise josase me ñaja. ⁴ Ado bajiro ti bajijare, "Ĭ rotise josase me ñaja", muare yibũ yũ: Jājarā masa rojose tũoĩacõari, tire yirāre bajiro yirā me ñaja mani, Dios rĩare bajiro bajirā ñari. To bajiri, "Rojose yiruaboarine, Esp'iritu Santo ĩ ejarẽmose rāca tire yibetiruarāja mani" yitũoĩarā ñari, rojose yibetirũgũaja. ⁵ "Dios macu ñaami Jesũs" yitũoĩarā rĩne ñaama Esp'iritu Santo ĩ ejarẽmose rāca rojose yimena.

"Yũ macu ñaami Jesũs", Dios ĩ yire queti

⁶ Jesũs, ĩ bautiza ecocati suorine, to yicõari, yucātẽroju ĩ sĩaecocati suorine, masa rojose ĩna tãmuoborotire ĩnare yirẽtobosacõari, "Rotigu ñarũcumi" yigu, Dios ĩ cõar'ĩ, ĩ macu ñaja yũ", yĩoñumi. To bajiri, "Dios macu ñagũmi", yimasiaja mani. Mani masune to bajise tũoĩacõari, yimasibeaja mani. Esp'iritu Santo ĩ ejarẽmose rāca socabetire tũoĩacõari, to bajiro yaja mani. ⁷ To bajiri idia vāme masiaja mani, Dios macu, Jesũs ĩ bajirere: ⁸ ĩ bautiza ecocati, ĩ sĩaecocati quẽne, to yicõari, Esp'iritu Santo ĩ ejarẽmose rāca "Dios ĩ cõar'ĩ ñaami", yimasiaja mani. ⁹ Masa ĩna queti gotisere mani ajijama, quẽnaja. To bajiboarine, "Ānine ñaami yũ macu" Dios ĩ yĩ ocaruyucacu ocajuare roque socabeti ti ñajare, rẽtobusaro ajiroti ñaja. ¹⁰ "Dios macu ñagũmi Jesũs" yitũoĩagũma, "Socase me ñaĩũja Dios ĩ yire", yitũoĩagũmi. To bajicõari, "Dios macu me ñarimi Jesũs" yitũoĩagũma, "Socagu ñaami Dios" yitũoĩagũre bajiro yigumi. ¹¹ Ado bajiro mani masirotirore bojami Dios: "Socase me ñaĩũja Dios ĩ yire" yitũoĩarā mani ñajare, "Mani rijato beroju mani catirotire ĩ catisere manire ĩsiñumi Dios" mani yimasisere bojami Dios. ¹² No bojarā ĩ macure ajitirũnurā, ĩna rijato beroju ĩna catirotire Dios ĩ catisere ĩsiecoriarā ñarāma. ĩ macu yere ajiterāma, Dios ĩ catisere ĩsiecomena ñaama.

Juan ĩ gotitusare queti

¹³ "Mani rijato beroju Dios tũju mani catirotire Dios ĩ catisere ĩ ĩsiriārā ñaja mani" yimasiato" yigu, Dios macure ajitirũnurāre, adi papera muare ucacõaja yu.

¹⁴ Dios ĩ bojasere mani sēnijama, ajirũcumi. Tire masirā ñari, "Ĭre mani sēnijama, ajirũcumi", yimasiaja mani. ¹⁵ Tire masirā ñari, "Ĭre mani sēnise cõro manire cudigumi", yimasiaja.

¹⁶ Mũa rācagu Jesũre ajitirũnugũ ñaboarine, rojose ĩ yijama, Diore ĩre sēnibosaya. To bajiro mũa yijama, rojose ĩ yisere ĩre masiriorucumi Dios. To yicõari, rojose tãmuotujabetiraroju ĩ vaborotire ĩre yirẽtobosarũcumi Dios. To yicõari, quẽna gajeye rojose masu ñaja. Tire yirārema, "Diore sēnibosaya", yibeaja yũ. ¹⁷ Rojose mani yise jediro, Dios ĩ ĩavariquẽnabeti ñaja. Jediro rojose mani yise ti ñaboaajaquẽne, Jesũre ajitirũnugũ ñari, rojose ĩ yiro bero, sutiriticõari ĩ yitujajama, rojose tãmuotujabetiraroju vabetirũcumi. To bajicõari, quẽna gajeye ñaja rojose masu, ĩ masiriobeti.

¹⁸ Adire masiaja mani: Dios rĩare bajiro bajirãma, rojosere yibeama. Dios macu Jesús manire yirẽmorũgũgũmi. To bajiro i yijare, vãtia uju rojose i yirotisere yibeaja mani. ¹⁹ “Yũ rĩa ñaama’ Dios i yirã ñaja mani”, yimasiaja mani. Gãjerãma, vãtia uju i ejarẽmose rãca i bojarore bajiro yirã ñaama ñna. ²⁰ Gajeyere ado bajise masiaja mani: “Diore masiato” manire yigu, adi macarucuroju vayumi Dios macu. To i bajire ñajare, Diore quẽnaro masirã ñaja mani. To bajicõari, i macu Jesucristo rãca ñaja mani. “Ñe ñaami Dios”, yimasiaja mani. I ñagũmi mani rijato beroju mani catirotire i catisere manire isigũ. ²¹ Diore mani rucubworore bajiro, disejua gajeye mani rucubwose manoja. To bajiro ti bajijare, quẽnaro tuoĩamasiña mua, “Gãjerã socase ñna gotimasiosere ajisayarobe” yirã.

To cõro ñaja.

Segunda carta de SAN JUAN

Jesúre ajitirũnarẽre Juan ã ucare queti

¹ ¿Ñaboati mũ, yũ yo, “Yũ macũre ajitirũnaña” Dios ã yirere cudirio? Mũ rĩare quẽne ucacõaja yũ. Yũ ñaja bũcũ. Yũ sīgũ me, Dios oca socabetire ajitirũnarã jediro, mũare maiaja yũ. ² Dios ocare ajitirũnarã ñari, gãmerã maimasucõaja mani. Ti oca manire jedibetirũaroja. ³ Mũare quẽnarotigu, mani jacũ Diore, to yicõari, ã macũ Jesucristore ado bajise mũare sẽnibosaja yũ: “Quẽnaro mũa rãca ãna ñarotire yirã, ãnare ejarẽmoña. ãnare ãmaicõari, mũa oca socabetire ãna masirotire yirã, ãnare ejarẽmoña”, mũare yisẽnibosaja yũ.

⁴ Gajeyerema buto variquẽnaja yũ. Sīgũri mũa rãcana mani jacũ Dios ã bojarore bajiro ãna yiñase quetire ajicõari. ⁵ To bajiri, yũ maigõ, adi papera mũare yũ ucacõase, mame oca me ñaja ti. Ti ñaja gãmerã mairotire mani ajisuoadicati. “Tire masiritibeticõato” yigu, mũare gotiaja yũ. ⁶ Mani gãmerã maijama, Dios ã rotiriarore bajiro yirũgũrũarãja mani. “Gãmerã maicõari, quẽnaro yirũgũña mũa”, manire yirotiyumi Dios. Ti ñaja mũa ajisuoadicati.

Socase gotimasiorimasa ãna ñare queti

⁷ Socase gotimasiodirimasa, jãjarã ñarãma. “Manire bajiro ruju cutigu me ñaũju Jesucristo”, yisocarãma. To bajise yirã ñari, Cristore terã ñarãma. ⁸ Quẽnase mũa yirũgũse vaja jediro quẽnaro mũare Dios ã yirotire bojarã, ãnare ajibesa mũa.

⁹ Cristo ocare ãna gotisere ajitirũnũ tũjacõari, socarimasa ãna gotisejũare ã ajijama, Diorãcagũ me ñagũmi. Dios macũ Cristo ocare ajitirũnũ tũjabecũjũama, ãna rãcagũ ñagũmi. ¹⁰ To bajiri, Cristo oca me, ricati mũare gotimasiorimasa mũa ya viju ãna ejajama, ãnare sẽnibeja. To yicõari, ãnare sãjarotibeja. ¹¹ ãnare mũa sãjarotijama, socase ãna gotisere ãnare yiejarẽmorã yirũarãja mũa.

¹² Gajeye jairo mũare yũ gotiroti ti ñacõajare, yũ masune mũare gotigu varũna tuoĩaja yũ. To bajiboarine, adi rĩne mũare ucacõaja yũ. Toju yũ ejato, buto variquẽnarũarãja mani.

¹³ Mũa yo, “Yũ macũre ajitirũnaña” Dios ã yirere cudirio, so rĩa quẽne “Quẽnato”, mũare yama.

To cõro ñaja.

Tercera carta de SAN JUAN

Cristore ajitirānūgāre, Gayo vāme cutigure Juan ī ucacōare

¹ Gayo, ħāboati mu? Yū űaja bűcu, Juan, adi papera mure ucacōagā. Yū quēne, Dios oca socabetire ajitirānūgū űari, mure maiaja yū.

² Yū maigū, mure quēnarotigū, Diore ado bajise mure sēnibosaja yū: “Mu rāca quēnaro ī űarore bajiro ī yarā rāca quēnaro űato’ yigū, to yicōari, ‘Rijaye quēne manicōato’ yigū, ĩre ejarēmoűa”, mure yisēnibosaja yū. ³ Gājerā Cristore ajitirānūrā mu rācana yū tujū ejacōari, “Dios oca socabeti ti gotirote bajiro yicōa űaami” ĩna yigotisere ajicōari, bűto variquēnamu yū. ⁴ Cristore ajitirānūrā, yū rĳare bajiro bajirā, Dios oca socabeti ti gotirote bajiro “Quēnaro yirūgūama” ĩna yisere ajicōari, bűto variquēnaja yū. Disejua quēnabusase oca ajibeaja yū.

⁵ Yū maigū, gājerā Cristo ocare gotimasiodirimasa, gajeroana ĩna űaboajaquēne, “Īnare yirēmōrūgūami” mure ĩna yisere ajibu yū. To bajiro mu yirūgūse suorine “Cristo oca socabeti ti gotirote bajiro yigū űagūmi”, mure yimasire űaja. ⁶ Sīgūri Cristo ocare gotimasiodirimasa, adoju Cristore ajitirānūrā ĩna rĳariviju ejacōari, “Quēnaro yuare yirēmocami”, yuare yigotima ĩna. To yicōari, quēna mu tujū ĩna ejaro, “Quēnaro rĳetoajaro ĩna” yigū, Dios ī bojarore bajiro quēnaro ĩnare mu yirēmōjama, quēnaroja. ⁷ “Dios ocare gotimasioducito mani” yirā, vacama ĩna. ĩna gotimasioduciroju, Diore masimenare, “Yuare ejarēmoűa”, ĩnare yibesuma. ⁸ To bajiri ĩnare yirēmōroti űaja manire, “Cristo ocare gotimasioducicōa űato” yirā.

“Diōtrefes vāme cutigū rojose yiyumi”, yire queti

⁹ Muare papera ucacōaboacaju yū, mu tuana Cristore ajitirānūrāre. To bajiboarine, Diōtrefes vāme cutigūja masare gotimasiorā yua űasere bojabesumi, “Yūjua ĩnare űmato űagū űaja” yitūōlagū űari. ¹⁰ To bajiro ī yire űajare, yū vatirāmu mu rĳariviju ejacōari, “Rojose yigū yiyuja mu”, ĩre yiracuja yū. Ījua, rojose masu yuare űagōmacarūgūñumi. To bajiro ī yirere ajicōari, variquēnabeaja yū. Cristo ocare goticudirimasa ī tujū ejacōari, ĩna rĳariviju ĩna sājaruajama, sājarotibesumi. To ī yirone sīgūri ī rācanajuama, sājarotiruaboayuma. To ĩna yirone, ĩna rācane “Budiasa mu quēne”, ĩnare yitud’icōarūgūñumi.

“Demetrio vāme cutigū quēnaro yiyumi”, yire queti

¹¹ Yū maigū, rojose yirāre bajiro yibesa mu. Quēnasejuare yiya. Quēnase yirā, Dios rĳare bajiro bajirā űarāma, ī ejarēmose rāca ī bojarore bajiro yirā. Rojose yirāma, Diore masimena űarāma.

¹² “Demetrio vāme cutigū, quēnaro yigū űaami”, yama masa jediro. ĩre bajiro quēnaro yigure gotiaja Cristo oca riojo gotise. To yicōari, “Quēnaro yigū űaami”, yaja yua quēne. To bajirone yigūja mu.

¹³⁻¹⁴ Gajeye jairo muare yū gotiroti ti űacōajare, yū masune muare gotigū varua tūōĳaja yū. To bajiboarine, adi rĳine muare ucacōaja yū. Toju ejacu, mure quēnaro gotiracuja yū.

¹⁵ Quēnaro mu űarotire yigū, muare ejarēmōato Dios. Adoana mani mairā, mure quēnarotiamu. Mu rācana mani mairāre yū quēnarotisere yure gotibosaya.

To cōrone űaja.

Carta de SAN JUDAS

Jesúre ajitirānārē Judas ī uacōāre queti

¹ ĆŃati mua, “Yū rīa űaruarāma” Dios ī yirere cūdiriarā? Yū űaja Jesucristo ī bojasere yigu, Santiago bedi, Judas vāme cutigu. Mani jacu Dios muare buto maiami. To bajicōari, “Yū yarā űari, yure ajitirānucōa űarūgūato” yigu, muare quēnaro ĩatirānugūmi Jesucristo. ² Muare quēnarotigu, Diore ado bajise muare sēnibosaja yu: “Quēnaro mu rāca ĩna űarotire yigu, butobusa ĩnare ĩamaicōari, ĩnare ejarēmoıa. To yicōari, ĩnare mu maiseire quēnabusaro masirūtu vajaro ĩna’ yigu, ĩnare ejarēmoıa”, muare yisēnibosaja yu.

Socase gotimasiorimasa ĩna ıare queti

(2 Pe 2.1-7)

³⁻⁴ “Satanās rojose ī yirotibosere cūdimena űato” yigu, Jesucristo manire ī rijabosare quetire muare uacōāruaboaja yu. Tire ucaruaboarine, gajeye mua bajise quetire ajicōari, “Tijuale ucarocu űaja”, yituoıaja yu. Mua rācana Diore rūcubūomena socase gotimasiorimasa űarāma. “Dios, quēnagū űari, ī bojabetire mani yiboajaquēne, to bajise mani yise vaja rojose yibecūmi”, yisocarāma. To bajiri, “Gājerā rāca ajeriarā cutito mani”, yirāma. To yicōari, Jesucristo, mani uju, ī sīgūne ī űaboajaquēne, “Īre mani cūdibetijama, no yibeaja”, yisocarāma. To bajiri, ī rijariaro bero, tudicaticōari, ī buerīmasare Dios ī bojarore bajiro yigu, gotimasiojeocōaűumi. To yicōari, ĩnare gotimasioroticōaűumi, masa jedirore. To bajiri, ĩna gotimasiorere ajiriarā űari, gajeye ricati gājerā ĩna gotimasiosere mua ajijama, “Socase űaja” yicōari, riojo gotimasiosejueare gotiroti űaja. To yicōari, “Socabeti gotirejueare ajitirānu tujabeticōato mani” yirā, Dios ī bojarore bajiro yicōa űarūgūıa.

⁵ Jēre mua masise ti űaboajaquēne, mua tudituoıarotire yigu, muare gotiaja yu: Tirūmuju Egipto sitana, israelita masare ĩna rotiajerāre gaje sitaju ĩnare űmato vamasīűuju Dios. To bajiro ĩnare ī űmato bajiriaro bero, ĩre ĩna ajitirānubetijare, ĩnare bajirearotimasiűuju Dios. Tire masicōari, “ ‘Manire quēne rojose yiromi’ yirā, Diore ajitirānu tujabetiroti űaja”, yimasija mani. ⁶ To yicōari, āngel mesare quēne to bajirone yiyumi, ī rotibosere ĩna cūdibetijare. Sīgūri āngel mesa, Diore moabosarā űaboarine, ī rotirore bajiro cūdibetimasiűujarā ĩna. To bajiro ĩna bajijare, cōmemari rāca ĩnare siacōari, tusabetigojeju ĩna űacōa űarotire yigu toju ĩnare cūmasiűuju Dios. “Rojose yirā, rojose tāmūorūgūruarāma” ĩnare ī yirotirūmuju ti ejaroto rıoro, tojune űacōa űaruarāma ĩna. To bajiro ī yirotirūmu ti ejaro, butobusa rojose tāmūoruarāma ĩna. Tire masicōari, “ ‘Manire quēne rojose yiromi’ yirā, Diore ajitirānu tujabetiroti űaja”, yimasija mani. ⁷ ĩnare bajiro rojose yimasīűujarā Sodoma macana, Gomorra macana, ti maca tu űarimacariana quēne. Ado bajiro yimasīűujarā: Manajo cutirā, manaju cutirā űaboarine, gājerā rāca ajeriarā cutirūgūmasiűujarā. Manajo mana, manaju mana quēne, to bajirone yirūgūmasiűujarā ĩna. To yicōari, ĩna ruıari ti bojarore bajiro bojoneose yirūgūmasiűujarā. To bajiro ĩna yijare, ō vecaye azufre vāme cutise rāca ĩnare soereamasīűuju Dios. Ti quetire ajicōari, ĩna yiriarore bajiro yimenasa manima, “Mani rijato beroju jeame yatibetimeju manire rearomi Dios” yirā.

⁸ Tire masiboarine, tirūmuana rojose ĩna yimasīriarore bajirone yicōa űarāma mua rācana, Diore rūcubūomena. Cājiriagū bajiriarore bajiro űarā űari, ĩna ruıari ti bojarore bajiro “Bojoneose yirā yaja”, yimasimena űarāma. To bajicōari, mani uıure cūdimena űarāma. To yicōari, āngel mesare, vātiare quēne rūcubūobetrirūgūrāma socase gotimasiorimasa. ⁹ Āngel mesa uju Miguel vāme cutigu roque yisocarimasa rētoro rotimasigū űaboarine, ĩnare bajiro rojose yibetimasiűuju, vātiare. Ado bajiro bajimasīűuju: Moīsēs űamasir’i ī rijato ĩacōari, ī ruıare āmiaruamasiboayuju Satanās. To bajiro ī yijare, Satanāre tud’irūaboarine, ĩre tud’ibetimasiűuju Miguel. Ado bajiseju ĩre yimasīűuju: “Mu yisere ĩacōari, ‘Rojose tāmūorūcūmi’ Dios mure ī yijama, quēnaruaraja”, ĩre yicōa tajasuju Miguel. ¹⁰ Satanāre ī tud’ibetiboajaquēne, socase gotimasiorājuama, āngel mesare, vātiare quēne ĩna bajisere masimena űari, rūcubūobetrirūgūama. To bajicōari, ĩna ruıa ti bojarore bajiro yirā, “Bojoneose yirā yaja” yimasimenane, tire yirūgūrāma. To bajiro yirā űari, rojose tāmūotujabetiraroju varona űarāma.

¹¹ Tirūmuana űamasīriarā rojose ĩna yimasīriarore bajiro yirā ĩna űajare, buto rojose ĩnare yirūcūmi Dios: Ca’īn űamasir’i, rojose ī tāmūoriarore bajiro tāmūoruarā, rojose yirūgūama ĩna quēne. To bajicōari, Balaam űamasir’i ī yimasīriarore bajiro yirā, gājoajueare bojamasucōarā űari, Dios ī bojasere yibetrirūgūrāma. Corē űamasir’i ī bajimasīriarore bajiro yirā, ĩna uıarā ĩna rotisere cūdibetrirūgūama ĩna quēne. To bajiro ĩna bajise vaja, rojose ĩnare ī yimasīriarore bajiro rojose tāmūotujabetiraroju ĩnare cōarūcūmi Dios. ¹² Diore rūcubūorā mua rēıajama,

socase gotimasiorimasa quēne mua rāca rējarūgūama. “Dios i bojasere yirā ñaja” yiboarine, no ina bojarore bajirojua rīne yirūgūama. Mua tuoīarore bajiro tuoīarā me ñaama. Ricatijuaare tuoīacōari, rojose yirūgūama. Inare tuoīacōari, ado bajise muare gotiaja yu: Buto asirirūmu oco buerire ĩamacarāja mani, oco macarā. To bajiro mani yiñarone, oco buesere mino ti vēareacoajama, sutiritiruarāja mani, “Oco bujabeticōaja” yirā. To bajirone bajiroja socase gotimasiorimasa ina gotiboase quēne. Quēna ado bajise muare gotiaja yu: Yucá ricare baruarā macarāja mani. Tire mani bujabetijama, sutiritiruarāja mani. Rica mani ti ñajare, ñie vaja maja tiu. Tiare quēacōarāja mani. To bajiri catibetiruaraja yuja. Tiare bajirone ñie vaja mana ñaama socase gotimasiorimasa. To bajiri rojose tāmuetujabetiriaroju inare cōarucumi Dios. ¹³ To bajicōari, riaga jairisa ti saberone, sōmo cuti, ueri jai bajiaja. Tire bajirone bojoneri mene rojosere yiñarūgūama socase gotimasiorimasa quēne. To bajicōari, ñocōa tirūmuju ō vecaju Dios i cūmasiriarā, sīgūri inare i cūmasiriarojuare vaveoriarā ina ñajare, ina ñarūgūrotijure tuoīacōari, buto rētiaroju quēnomasiñuju Dios. To bajirone bajirāma socase oca muare gotimasiorimasa quēne. Dios oca quēnasere ajitujacōari, ina masune ina bojarore bajiro yirā ñari, buto rētiaroju ñacōa ñaruarāma.

¹⁴ Socase oca muare gotimasiorāre goti rījoro yimasīñuju Enoc ñamasir'i. I ñamasīñuju Adán jānami. Adán macu ñamasīñuju Set. Set macu ñamasīñuju Enós. Enós macu ñamasīñuju Cainán. To bajiro mani cōiaruji vajama, Enoc vāme cutimasir'i rāca ñarā, cojomo cōro gaje āmo jua jēnituarirācu ñamasīñujarā. “Ado bajiro bajiruarāma Diore rūcūbuomena” yigu, ado bajiro Diore gotirētosomasīñuju i: “Yure quēnaro ajiya. Cojorūmu adi macarucaroju ejarucumi mani uju. I rāca jājarā āngel mesa ejaruarāma. ¹⁵ Tirūmure masare beserucumi Dios. Ire rūcūbuobeticōari, rojose yiriārare, rojose inare yirucumi”, yigotimasīñuju Enoc ñamasir'i, mua rācana Diore rūcūbuomena ina bajirotire gotigu. ¹⁶ “Quēnabeaja”, yigōjarūgūama ina. To yicōari, “Ina ye suorine rojose ñaja”, yiñagōmacarūgūama. To bajiro yirā ñaboarine, ina bojamasuse rīne yirūgūama. Gajeyerema, “Rētoro masirā ñaja yua”, yirūgūama. To yicōari, ina bojarore bajiro yirā gājerāre quēnaro gotisocarūgūama.

Cristore masirāre gotiquēnore queti

¹⁷ Yu mairā, Cristo i gotiroticōasuoīarā ina yigotimasiorere masiritibesa mua. ¹⁸ Ado bajiro muare gotimasioriarāma: “Adi macarucaro jediroto rījoro Dios ocare ajatud'irā ñaruarāma. Gājerāre tuoīamenane, rojose ina yiruase rīne yirūgūuarāma”, muare yigotimasioriarāma Cristo i gotiroticōasuoīarā. ¹⁹ Socase gotimasiorimasajuama, ricati ina gotijare, sīgūre bajiro tuoīamenaja mua. Ina masu ina bojase rīne yicōarāma ina, Esp'iritu Santore cuomena ñari.

²⁰ Yu mairā, Cristo i bajirocare suorine quēnaro Dios i yire queti mua ajisuore, masa ina masu tuoīacōari, ina gotimasiorē me ñañuja. Dios ye ñañuja. Quēnarobusa tire ajitirūnuroti ñaja. To yicōari, Esp'iritu Santo i ejarēmose suorine Diore sēnirūgūroti ñaja. ²¹ Dios muare buto i maisere masirāja mua. To bajiri quēnaro i bojarore bajiro yirūgūña, muare i maitujabetirotire bajiro yirā. To bajiro mua yiñarone, Jesucristo i tudiejarirāmu ti ejaro, muare ĩamaicōari, “Rojose maja” muare i yirotire tuoīa yuñarūgūña. Tirūmure, Dios, muare i gotiriarore bajirone i tujama quēnaro ñacōa ñarūgūuarāja.

²² Sīgūri mua rācana, “Cristo oca, ĩriojo gotiati?” yirāre ĩamaicōari, quēnaro inare gotimasioña, “Socase me ñaja” yituoīato” yirā. ²³ Jeameju vaboronare yirēmoña, Jesucristo rāca quēnaro tuoīacōari, ina ñarotire yirā. Gājerāre quēne rojose yirūgūarāre ĩamañia. To bajiro yirā ñaboarine, mua yirūgūsere quēnaro tuoīarūgūroti ñaja, “Inare bajiro rojose yirobe” yirā.

Judas Diore i rūcūbuore queti

²⁴⁻²⁵ Tire tuoīacōari, ado bajiro sēniroti ñaja manire: “Dios mu sīgūne ñaja masirētogū. Nīmu gāji mure bajiro masigū magūmi. Yua uju Jesucristo i rijabosare suorine yuare maiñuja mu. To yicōari, rojose yua yibetiroti yuare ejarēmoñuja mu. Mu rotiñaroju yua ejaro, ‘Rojose mua yire vaja maja’ yuare yīarucuja mu. To bajiri, mu ñaroju ejacōari, mu rāca quēnaro variquēnaruarāja mani. Quēnarētogū ñaja mu. To yicōari, uju ñamasugū ñaja mu. Nīe mu yimasibeti maja mure. To bajicōari, disejua mu rotimasibeti maja mure. To bajiro bajiyuja mu, adi macarucurore mu rujeoroto rījorojuare. Adirāmure quēne, to bajirone bajicōa ñaja mu. To bajiro rīne bajicōa ñarūgūrucuja mu”, yiroti ñaja manire, Diore rūcūbuorā.

To cōro ñaja.

APOCALIPSIS

Juan i cājiriaroju Jesucristo i gotire queti

¹ Adi papa, yoaro mene bajirore gotiaja. Dios, ti quetire, i macu Jesucristore gotiyuju, i yarā, i bojasere yirā, ina masirore yigu. To bajiro i yijare, “Yu bojasere yigure, Juanre, to bajiro bajirore ruyuaiočari, ‘Ado bajiro bajaia mare yu ruyuaiose’ ire yigotimasiorucuja mu” yigu, angelre cōaŋumi Jesucristo. ² Yu űaja Juan, yure angel i ruyuaioaro bajicati cōrone riojo ucagu.

³ To bajiro bajiroti ti cōñajare, ado bajiro yaja yu: Adi queti Dios i cōarere iagitorona, to yicōari, tire cūdirona quēne, quēnaro variquēnarona űarāma.

Cojomo cōro jua jēnituario macariana Jesúre ajitirānūrare Juan i ucare queti

⁴⁻⁵ To bajiri, Asia sitana, cojomo cōro jua jēnituario macarianare, Jesúre ajitirānūrare muare ucaja yu, Juan vāme cutigu. Muare quēnarotigu, Diore, i macu Jesucristore, to yicōari, Esp’iritu Santore quēne ado bajise muare sēnibosaja yu: “Quēnaro mua rāca ina űarotire yirā, inare ejarēmoña”, muare yisēnibosaja yu. Dios űaami tirāmuju űamasir’i űaboarine, adirāmurire quēne űacōa űarūgūgū. Bero, masa taju űagū, ejarocu űaami. Dios, rotigu i rujiri cūmuro rjoroju űagū űaami Esp’iritu Santo. Sīgū űaboarine, cojomo cōro jua jēnituarirācu űarāre bajiro bajigu, jediro masigū űaami. To bajicōari, Jesucristo űaami i jacu yere riojo gotirūgūgū. Rijacoaboarine quēna tudicaticōari, rijarocu me űasucami. To bajicōari, adi macarucuroana űarā űarā jediro űu űaami. I űaami manire maigu. Rojose mani yise vajare, i rijacati rāca manire vaju yijeobosacacu űaami. ⁶ To bajiro i yicati suorine paiare bajiro, i jacu mani űu i bojasere yirā űaja mani quēne. I rijacati rāca manire i vaju yijeobosare űajare, “I űaami űajediro űu. Dise i rotimasibeti ruyabetoja. To bajirone bajirūgūnucami”, ire yitōia variquēnato mani. To bajirone bajiato.

⁷ Adire quēne tōaűa mua: Buerigaseri vatoaju vadirucami Cristo. I vadore iajediruarāma masa, adi macarucuroana. Ire sīarocarotiana jānerabatia quēne ire iaruarāma. Ire iacōari, jediro otiruarāma. To bajirone bajiato.

⁸ űajediro masijeogu, mani űu, Dios, ado bajiro gotiami: —Alfa, omega űaja yu. Alfa yu yijama, “űajediro ti ruyaroto rjoroju űacaju yu. To bajicōari, omega yu yijama, űajediro ti yayiro beroju quēne űacōa űarūgūrucuja” yigu yaja —yigotiami Dios.

I űaami tirāmuju űamasir’i űaboarine, adirāmurire quēne űacōa űarūgūgū. Bero, masa taju űagū, ejarocu űaami.

Cristo, Juanre, i ruyuaioare queti

⁹ Yu Juan, Jesucristore ajitirānūgū űari, mua yu űaja yu. Ire ajitirānūgū űari, muare bajirone rojose tāmōaja yu. Gājerā rojose yure ina yiboajaquēne, muare bajirone ire ajitirānūcōa űaja yu quēne. Mani űure cūdirā jediro to bajiro rine bajirūgūroti űaja. Tirāmuju Dios ocare yu gotimasiojare, “Rojose tāmōato” yirā, Patmos vāme cutiyōaju yure cūcama ina. ¹⁰ Domingo űarirāmu, Esp’iritu Santo suorine yu sūyarōju ruyugoaro ocaruyusere ajicaju yu. Jutiria trompeta vāme cutiare jutibūsuoriaro cōro buto ocaruyucaju ti. ¹¹ Ado bajiro ocaruyucaju:

—Yucane mare yu iorotire paperatutiju ucarucuja mu. Ucacōari, Asia sitana, Cristore ajitirānūrare cōarucuja. Ina űarāma cojomo cōro jua jēnituarorāca macariana. Ado cōro űarāma: Efesoana, Esmirnana, Pērgamoana, Tiatirana, Sardisana, Filadelfiana, to yicōari, Laodiceana quēne űarāma —yi ocaruyucaju.

¹² Ocaruyusere ajicōari, “¿Nimu yure űagōati?” yigu, judarāgūcaju yu, ire iaru. Cojomo cōro jua jēnituario sīabusuojeorijuri űacaju. Orone ina quēnorijuri űacaju ti. ¹³ Sīabusuojeorijuri vatoaju masure bajigu űacami. Sudiro yoiarise, i gubōju tusariase sāñacami. I cotitērore cōmema, orone quēnoriamas jāsācami. ¹⁴ I rujoa joa oveja joare bajiro buto boticaju. To bajicōari, buerigaserire bajiro boticaju. I cajearima, jea űusere bajiro yaacaju. ¹⁵ I gubori quēne, buto yaacaju. Bronce vāme cutise jeameju soecōari, ina gosiosere bajiro yaacaju ti. I űagōjama, oco meniore bajiro ocaruyucaju. ¹⁶ I āmo riojojacatuare, cojomo cōro, jua jēnituarirācu űocōa cōcami. I riseju jariase, juajacatuajune bujarijāi budicaju. I rioga, muiju quēnaro i asirore bajiro yaacaju.

¹⁷ Ire iacacōari, i rjoroju muqueacaju yu. Muqueagune, bajirocar’ire bajiro vārebeticaju yu. To bajiro yu bajiboajaquēne, i āmo riojojacatuare yure űajeocōari, ado bajiro yure yicami:

—Gūibesa mu. űajediro ti ruyaroto rjoroju űacaju yu. To bajicōari, űajediro ti yayiro beroju quēne űacōa űarūgūrucuja, yure yicami. ¹⁸ Yuma űasuoadicacujune űacōa űarūgūja. Rijacoaboarine, tudicaticōari, juaji tudirjarocu me űaja yu. Rijariarē quēne rotigu űaja

yū. Quēna īna tudicatirotire yimasigū űaja yū. To bajicōari, rijariarā jediro īna űarōjūre yū yarāre īnare juabumasija yū. “Rojose tāmūotujabetiriarojū vabeticōari, yū űarōjua quēnaro űarūgūato” yigū, īnare juabumasija yū —yure yicami yure ruyuaīocacu.

¹⁹ Quēna gajeye ado bajiro yure yicami:

—Yūcūne mure yū īorotire ucarūcūja mū. Adirūmūriaye, bero bajirotiayere quēne īarūcūja mū. ²⁰ Yū āmo riojocacatua cojomo cōro jua jēnituarirāca űocoa mū īarāre, “To bajiro yiruarō yaja”, yimasibeaja mū. Ado bajiro yigū yibū yū, to bajiro yū yīōjama: īna űaama cojomo cōro, jua jēnituario macariana yure ajitirūnūrāre űmato űarā. Cojomo cōro jua jēnituarirāca sīabusuojeore mū īasema, ado bajiro yire űni űaja: Cojomo cōro jua jēnituario macariana yure ajitirūnūrāre gotiro yibū —yure yicami yure ruyuaīocacu.

2

Efeso macanare Juan ī uacōāre queti

¹ Quēna ado bajiro yure yicami yure ruyuaīocacu:

—Efeso vāme cuti macana yure ajitirūnūrāre űmato űagūre ado bajiro ucaya: “Adi mūare yū ucasa, ado bajiro bajigū mūare ī gotise űaja: ī āmo riojocacatua cojomo cōro jua jēnituarirāca űocoa cuogu, cojomo cōro jua jēnituarirāca sīabusuariabajari jeoriajūre īatirūnūrūgūgū űaami. Yure ruyuaīocōari, yure ī goticacire īre uacōābosagu yaja yū”, yīucaya —yicami.

To yicōari, ado bajiro mūare goticami: ² —Jediro mūa yisere masiaja yū. “Mani űjūre ajitirūnūto gājerā” yirā, josari mūa moarūgūserē masiaja yū. Gājerā rojose īna yiboajaquēne, yure mūa ajitirūnū tujabetire masiaja. Rojose yirāre mūa īavariquēnabetire quēne masiaja. “Cristo ocare riojo gotimasiorā űaja yua” yirāre ajicōācōari, “Socarimasa űaja mūa” īnare mūa yigoticacire quēne masiaja yū. ³ Gājerā rojose mūare īna yiboajaquēne, yure ajitirūnūcōa űaja mūa. Yure ajitirūnūrā mūa űajare, rojose mūare yama. To bajiro īna yiboajaquēne, yure ajitirūnū tujabeaja mūa. ⁴ To bajiro mūa bajiboajaquēne, cojo vāme ado bajiro mūa bajisere īavariquēnabeaja yū: Yure ajitirūnūsūorā, mūa maicato cōro yure maibeaja mūa yūja. ⁵ Yure mūa ajitirūnūsucacire tuoīacōari, quēna yure mūa ajitirūnūsucatore bajiro tudiajitirūnūűa. To bajiro mūa bajijama, yū bojabetire yitujacōari, yū bojasejuare yiruarāja mūa quēna. To bajiro mūa yibetijama, mūa sīabusuariabajari jeoriajūre ēmagū ejarūcūja yū. ⁶ Yure mūa maibetibusasere īavariquēnabetiboarine, adi vāme mūa yisere īavariquēnaja yū: Nicolás vāme cutigūre ajisuyarā, rojose īna yisere īateaja mūa. Yū quēne, tire īateaja. ⁷ Esp'iritu Santo ī ejarēmose rāca űamasusere mūare yū gotirotire mūa ajimasirūajama, quēnaro ajiya mūa, gaje macariana yure ajitirūnūrā jediro: Yure ajitirūnū tujabetirōna, yucū caticōa űarotiaye rica cuti űicare barona űaruarāma. Dios ya vese quēnarivesejūre űaja tūa —mūare yigoticami yure ruyuaīocacu.

Esmirna vāme cuti macanare Juan ī uacōāre queti

⁸ Gajeye ado bajiro yure yicami yure ruyuaīocacu:

—Esmirna vāme cuti macana yure ajitirūnūrāre űmato űagūre ado bajiro yure uacōābosaya: Tire mūare goticacu, űajediro ti ruyuaroto rījorojū űamasir'i, to bajicōari, űajediro ti yayiro berojū quēne űacōa űarūgūrocu űaami. Rijacoaboarine, tudicaticōari, rijarocu me űaami. Ado bajiro mūare goticami:

⁹ —Gājerā rojose mūare īna yijare, rojose mūa tāmūosere masiaja yū. űie mana mūa űasere masiaja. To bajiro bajirā űaboarine, Dios mūare ī űjore űajare, gajeyeūni jairāre bajiro ī ye quēnamasuse jediro cūorā űaja mūa, ī macure mūa ajitirūnū tujabetitrotire yirā. “Jud'io masa űari, Dios rīa űaja yua” yituoīaboarā, masa īna īaro rījorojua, “Rojose yima” socarāne mūare īna yirosere ajiya yū. To bajiro yirorā, Dios ī bojāsere yirā me űaama. Vātia űjū, Satanās ī bojasejuare yirā űaama. ¹⁰ Rojose mūare īna yiotire tuoīagūibesā. “Sīgūri, tubiberiavijū tubibe ecoato īna” yigū, mūare yirūcūmi Satanās. “Cristore ajitirūnū tujato” yigū, to bajiro mūare yirūcūmi. To ī yioti űajare, juaāmo cōro űarirāmūri rojose tāmūoűuarāja mūa. Rojose tāmūoaboarine, yure ajitirūnū tujabesa. Mūare īna sīaroti ti űaboajaquēne, yure ajitirūnū tujabesa. To bajiro mūa bajijama, “Rijacoaboarine, quēna tudicaticōari, rijarona me űato” yigū, mūare yirūcūja yū. ¹¹ Esp'iritu Santo ī ejarēmose rāca űamasusere mūare yū gotirotire mūa ajimasirūajama, quēnaro ajiya mūa, gaje macariana yure ajitirūnūrā jediro: Yure ajitirūnūcōa űarūgūronama, rojose tāmūotujabetiriarojū yū rearona rāca vabetiruarāma —mūare yigoticami, yure ruyuaīocacu.

Pérgamo vāme cuti macanare Juan ī uacōāre queti

¹² Gajeye ado bajiro yure yicami yure ruyuaīocacu:

—Pérgamo vāme cuti macana yure ajitirūnūrāre űmato űagūre ado bajiro yure uacōābosaya: Juajacatūajūne bujarijāi jariase cuocacu, ado bajiro mūare goticami:

¹³ —Ti macaju mua bajirügüser masiaja yu. Ti maca ñaja Satanás i ñavariquēnari maca. Ti macana jediro, “Satanáre rücbuorá yaja” yimasibetiboarine, ire cudirá vatoaju mua bajisere masiaja yu. Sígü mua rāca ñaboacacu, Antipas vāme cutigure, ire ña sīacatire masiaja yu. “Cristo ocajuare ajitirānuroti ñaja” i yitujabetijare, ire sīacama. Ire ña sīaboajaquēne, yure ajitirānu tujabeticaju mua. To bajiro mua bajicōa ñasere masiaja yu. ¹⁴ To bajiro muare quēnaro yiboarine, ado bajiro mua yisejuare ñavariquēnabeaja yu: Mua rācana sīgüri, Balaam vāme cuticacu, Balac vāme cuticacure i gotimasiocatiare ajisuyacanare bajiro yama ña. Ado bajiro gotimasiocami Balaam, Balac vāme cutigure gotigu: “Israelita masare rojose mu yioruajama, ũmuare ado bajise rojose yi ocasāña: ‘Yua quēnor’ire rücbuorā vaibucure sīacōari, i tuju yua cūruare riire mua bajaquēne, quēnaruaroja. To yicōari, yua yarā rōmia rāca mua ajeriarā cutijaquēne, quēnaruaroja ti’ inare yi ocasāña”, yigotimasiocami Balaam. ¹⁵ Gājerā rojose yirā quēne, Nicolás vāme cutigure ajisuyarā ñaama sīgüri ña rācana. ¹⁶ To bajiri, Nicolāre ajisuyarāre, to yicōari, Balaam i gotimasiocatiare ajisuyacanare bajiro yirāre ajibeticōaña. Inare mua ajitirānucōa ñajama, mua tuju ejacōari, rojose mua yise vaja, jariase yu riseju budirijāi, juajacatuajune bujarijāi rāca muare rojose yirucuja yu. ¹⁷ Esp’iritu Santo i ejarēmose rāca ñamasusere muare yu gotirotire mua ajimasiruajama, quēnaro ajiya mua, gaje macariana yure ajitirānurā jediro: Yure ajitirānu tujabetironare manā vāme cutise yayioroju ñare bare ñare ecarucuja yu. To yicōari, tocārācurene gūtari botiricari ñare ñirucuja, mame vāme ucaturijare. Nimujuane tiarijare ucaturere ñamasibetirucumi. Tiarire boca juarā rñe masiruarāma —muare yigoticami yure ruyuañocacu.

Tiatira macanare Juan i ucacōare queti

¹⁸ Gajeye ado bajiro yure yicami yure ruyuañocacu:

—Tiatira vāme cuti macana, yure ajitirānurāre ũmato ñagüre ado bajiro yure ucacōabosaya: Adi muare yu ucace, ado bajiro bajicacu muare i goticati ñaja: Dios macu, i cajeari jea űusere bajiro yaacacu ñacami. To bajicōari, cōme, bronve cutise jeameju soecōari, ña gosiose buto yaasere bajiro gubori cuticacu ñacami. To bajigu ñagü, ado bajiro muare goticami:

¹⁹ —Jediro ña yisere masiaja yu. Mua gāmerā maisere masiaja yu. Yure mua ajitirānusere quēne masiaja. “Quēnabusaro ire ajitirānuto mani” yirā, mua gāmerā ejarēmose quēne masiaja. Gājerā rojose muare ña yiboajaquēne, yure mua ajitirānucōa ñasere quēne masiaja. Tirūmuju yure ajitirānusuorāju quēnaro mua yicati rētoro quēnaro yirügüaja mua, adirāmūrirema. Ti jedirotire masiaja yu. ²⁰ To bajiro quēnaro mua yise ti ñaboajaquēne, ado bajise mua yisejuare ñavariquēnabeaja yu: Mua tuago Jezabel vāme cutigo socase so gotimasiosere ajicōari, “Soco yaja mu. Gotimasiobeticōaña mu”, sore yibeaja mua. “Cristo oca riojo gotimasiogō ñaja yu” yitocōari, so gotimasiore suorine yu bojase yirā ñaboarā, ado bajiro rojose yama: Ajeriarā cutirā ñaama. To bajicōari, gājerā ña quēnor’ire rücbuorā vaibucure sīacōari, i tuju ña cūruare riire barā ñaama. ²¹ To bajiro rojose so yisere yitujacōari, yu bojasejuare so yiroti yuaro yubusacōaboaja yu. Ajeriarā cuti tujaruabeamo so. ²² To bajiro so bajicōa ñajare, “Cānijesariaro joeju so ajeriarā cutirā rāca, so cānirügüriaju joene buto rojose tāmūoato” yigu, yirucuja yu. So rāca ajeriarā cutirāre quēne to bajirone yirucuja yu. Yucane rojose ña yisere yitujacōari, yu bojasejuare ña yibetijama, to bajirone ñare yirucuja yu. ²³ To yicōari, so rñare sīajeocōarucuja yu. Tire ajicōari, “Masa ñajediro mani tuoñasere masijeogu ñaami”, yure yiruarāma adi macarucuroana ñajediro yure ajitirānurā. Tocārācune ña yicatiare quēnaro ñacōari, “To bajiro yicana ñari, quēnase bujarā, rojose tāmūorā, bajiruarāja”, ñare yirotiyucuja yu. ²⁴⁻²⁵ Yure ajitirānurā, socase so gotimasiosere ajitirānūmenajare muare gotigu yaja: “Adi ñaja Satanás oca ñamasuse, gājerā ña masibeti” sore ajisuyarā ña yiboajaquēne, tire ajiruarabeaja mua. To bajiri, adi rñe muare rotigu yaja: Adi macarucuroju yu tudiejaroto rñoro, yure ajitirānu tujabetiroti ñaja. Gaje vāme muare rotibeaja. ²⁶⁻²⁸ Yure ajitirānucōa ñaronare, to yicōari, yu bojasere yitujabetironare mua rijato beroju, mua catirotire yigu, Dios i catisere muare ñirucuja yu. To yicōari, “Gājerāre yure rotibosato” yigu, yu masisere muare űorucuja yu. I masisere yu jacu yure i űocatiare bajirone muare űorucuja yu, “Muare terā quēne muare cudiato” yigu. To bajiri, buto rotiruarāja mua. Gājerā muare ña cudibetijama, josari mene ñare sīarearuarāja. ²⁹ Gaje macariana yure ajitirānurā jediro, Esp’iritu Santo i ejarēmose rāca muare yu gotisere mua ajimasiruajama, quēnaro tuoñato ña —yigoticami yure ruyuañocacu.

3

Sardis vāme cuti macanare Juan i ucacōare queti

¹ Quēna ado bajiro yure yicami yure ruyuañocacu:

—Sardis vāme cuti macana yure ajitirānurāre ũmato ñagüre ado bajiro yure ucaya: “Adi muare yu ucace, ado bajiro bajicacu muare i goticati ñaja: Sígü ñaboarine, cojomo cōro jua

jēnituarirācu nārāre bajiro bajigare, Dios i cōagū Esp'iritu Santore cuogu nācamī. To bajicōari, cojomo cōro jua jēnituarirācu nōcoa cuocamī. To bajiro yure ruyuaŋocacu i goticature ĩre uacōabosagu yaja yu", yīucaya —yīcamī.

To yicōari, ado bajiro muare goticamī:

—Masa ĩna ĩajama, "Cristore ajitirūnūrā nāri, ĩna rijato beroju ĩna catirotire yigu, Dios i catisere i ĩsiriarā nāama", muare yirāma. To bajiro ĩna yiboajaquēne, "Yure ajimenare bajiro mua rijato beroju rojose tāmūotujabetiriaroju varona nāama", muare yaja yama. ² Yu ĩajama, Dios i bojarore bajiro quēnaro yure ajitirūnūrā me nāja mua. To bajiri, quēnaro tūoīacōari, butobusa yure ajitirūnūña, "Yure ajiterā masu nārabe" yirā. ³ Tirāmūju yu ocare muare ĩna gotimaslocature ajicaju mua. Tire tuditūoīacōari, ajitirūnūña quēna. To bajiro mua yibetijama, juarudirimasure bajiro mua masibetone rojose muare yigu ejarucuja yu. ⁴ To bajiro yirocu yu naboajaquēne, mua rācana sigūri, Dios i ĩajama, rojose mana nāja mua. To bajiri, sudi botise sānācōari, yu rāca quēnaro ĩna nārūgūruarāja.^a ⁵ Yure ajitirūnū tujabetirona, to bajirone bajiruarāma ĩna. "Ado cōro nāama yu tū nārūgūrona" Dios i yīucamasicatitutire ĩna vāmere coebetirucuja yu. To yicōari, ō vecaju yu jacare, āngel mesare quēne, ĩna ĩaro rījorojua, "Ānoa nāama yu yarā", ĩnare yīīorucuja yu. ⁶ Gaje macariana yure ajitirūnūrā jediro, Esp'iritu Santo i ejarēmose rāca muare yu gotisere mua ajimasirūajama, quēnaro tūoīato ĩna —yīcamī yure ruyuaŋocacu.

Filadelfia vāme cuti macanare Juan i uacōare queti

⁷ Quēna ado bajiro yure yīcamī yure ruyuaŋocacu:

—Filadelfia vāme cuti macana yure ajitirūnūrāre ūmato nāgūre ado bajiro ucaya: Adi muare yu ucase, ado bajiro bajicacu muare i goticati nāja: Dios i bojase rīne yigu, riojo gotigu nācamī. ĩne nācamī Ūju David nāmasir'i jānami, ĩre bajiro Dios yarāre rotigu. To bajiboarine, Dios tujareama soje jānariaro cuogu nācamī ĩna. Masare ĩacōari, "Ānoa, yu tūju nārūgūruarāma" i yīrotijama, to bajirone bajiruarāma. To bajiro i yīrotijama, nīmūjua ĩnare matarocu manirucamī. To bajiro ĩnare yīrotirocu nācamī. To bajicōari, gājerājuare, "Ānoama, yu tū me nāruarāma", yīrotirocu nācamī. To bajiro i yijaquēne, nīmūjua, i tūju ĩnare nārōtirocu manirucamī.

To bajiro yirocu nācamī ado bajise muare goticacu:

⁸ —Jediro mua yisere masiaja yu. Gājerā muare ĩna ĩajama, "Nāmasurā nāama", muare yibeama. To bajiro ĩna yibetiboajaquēne, yu suorine gājerā ĩna gotimaslocature bajiro quēnaro yirūgūaja mua. Yure ajitirūnū tujabeaja. To bajiri, yu ocare gājerāre quēnaro mua gotimaslocature yigu, yibū yu. Gājerā muare ĩna gotimasio rotibetiboajaquēne, yu suorine gotimaslocōa nāruarāja. ⁹ To bajiro muare yiboarine, gājerājuarema, vātia ūju, Satanās i bojasere yirā nāboarine, socarāne, "Dios rīa nāja yua" yirāre, ado bajiro ĩnare yirucuja yu: Gotimasiorā rījorojua gasomuniari tuetucōari, "Muajua nāja Dios i mairā" muare ĩna yīrotire yirucuja yu. ¹⁰ "Gājerā rojose muare ĩna yiboajaquēne, yure ajitirūnūcōa nārōti nāja" muare yu yīroticature bajiro cudirūgūaja mua, yu oca gotimasiorimasa. Adi macarucaro tūsarirūmurire gājerā, masa jedirore rojose yiruarāma, "Diore ajitirūnūbeticōato" yirā. "Tire yīroma" yigu, muare ejarēmocōa nārucuja yu. ¹¹ Yoaro mene adi macarucaroju vadirucuja yu. To bajiri, yure mua ajitirūnūrore bajiro ajitirūnū tujabeticōa. To bajiro mua bajicōa nāja, quēnaro Dios muare i yīrotire matarocu magūmi. ¹² Yure ajitirūnū tujabetironare, yu jacu tūju ĩna nārūgūrotire yirucuja yu. ĩ ya vi botari boabeti, ti nārūgūrore bajiro nārūgūruarāma ĩna. ĩnare bubetirucuja yu. Idia vāme ĩnare vāme uaturucuja yu. Ado bajirivāmeri yirucuja yu: Yu jacu Dios vāme, ĩ ya maca vāme, to yicōari, yu vāme mame nārōtire uaturucuja. Yu jacu ya maca, mame quēnorā maca Jerusalén vāme cuti maca nāraroja. Ti maca ō vecaju rujiadicōari, ejaruaroja. ¹³ Yure ajitirūnūrā jediro, Esp'iritu Santo suorine muare yu gotisere mua ajimasirūajama, quēnaro tūoīato —yīgoticamī yure ruyuaŋocacu.

Laodicea vāme cuti macanare Juan i uacōare queti

¹⁴ Quēna ado bajiro yure yīcamī yure ruyuaŋocacu:

—Laodicea vāme cuti macana yure ajitirūnūrāre ūmato nāgūre ado bajiro ucaya: "Adi muare yu ucase, ado bajiro bajicacu muare i goticati nāja: ĩ suorine jediro quēnase Dios i gotimasiriarore bajirone yirūgūami Dios. ĩ nācamī i jacu yere riojo gotirūgūgā. ĩ suorine adi macarucaroaje jedirore rujeomasinūmi Dios", yīucaya —yīcamī.

To yicōari, ado bajiro muare goticamī:

¹⁵ —Jediro mua yisere masiaja yu. Yure tebetiboarine, quēnaro yure ajitirūnūbeaja mua. To bajiro mua bajise, rojose masu nāja. Ti ūnire bojabeaja yu. ¹⁶ To bajiro bajirā mua nājare, yu yarā mua nāsere bojabeticōari, muare reagūgu yaja yu. ¹⁷ Ado bajiro tūoīaboaja

^a 3:4 Sudi botise sānarāre ti gotijama, rojose mana, ĩre ajitirūnū tujabetiriarā nāri, i rāca nārāre gotiaja.

mua: “Gajeyeūni jairā űaja mani. Mani bojase űajediro, dise ruűabeto cuoaja mani. To bajicōari, Dios ye quēnamasuse ī űjose jediro cuorā űaja mani”, yituoīaboaja mua. Yū űajama, ado bajiro bajirāűua űaja mua: Rojose yirā űari, sudi manare bajiro bajiaja. Yū bojarore bajiro yirā me űari, űie cuobetimasucōarāre bajiro bajiaja. To bajicōari, yure masimena űari, űamenare bajiro bajiaja mua, yū űajama. ¹⁸ To bajiro bajirā mua űajare, ado bajiro mua yirotire muare gotimasiogū yaja yū: Quēnamasuse űajediro cuorā mua űaruajama, rojose mua yisere yitujacōari, yure sēniűa. To bajiro mua yijama, “Quēnase sudi sāűarāre bajiro bajirā űato” yigu, rojose mua yisere Dios ī masiriojeorotire yigu, yirucuja. To yicōari, “Quēnamasuse űajediro cuorā űato” yigu, yū bojarore bajiro yirā mua űarotire yigu, yirucuja. To yicōari, “űarāre bajiro űato” yigu, yure quēnaro mua masirotire yigu, yirucuja. ¹⁹ Yū mairā jedirore, “Rojose yaja mua; tire yitujacōari, ado bajiroűua mua yijama, quēnaruaroja”, űnare yigotimasiorūgūaja yū. Riojo űamasusere űnare gotimasiorūgūaja yū. To bajiri, “Rojose yitujaja yua”, yisocabeticōaűa mua. ²⁰ Riojo űamasusere muare gotiaja yū: Yū suorine ado bajiro tuoīaama masa: “Cristore ajitirūnucōari, űre baba cutiroti űaja”, yituoīaama. Yure ajitirūnucōari, yure űna baba cuti variquēnarotire bojagu űari, űna cudisere yurūgūaja yū. “űre baba cutiruaaja” űna masune űna yicudijama, űna rāca quēnaro baba cutirucuja yū. ²¹ Yure ajitirūnucōa űaronare, ű vecaju yū taju yure űna rotibosarotire yirucuja yū. Yū jacure quēnaro ajitirūna tujabeticōari, ī taju űre yū rotibosarūgūore bajiro yure rotibosarūgūarāma űna quēne. ²² Yure ajitirūnūrā jediro, Espiritu Santo ī ejarēmose rāca muare yū gotisere mua ajimasiruaajama, quēnaro tuoīato —yigoticami yure ruyuaīocacu.

4

Ō vecaju Diore rūcuboroti queti

¹ To ī yiro bero, gajeye ado bajise yure bajīocaju: Ō vecaju, Dios ī űaroju, jānariasoje űacaju yū. To yū űamuorone, jutiria trompeta vāme cutiare jutibusoriaro cōro buto, ado bajiro ocaruyucaju ti:

—Mujaaya. Bero bajiroti quetire mure űorucuja yū —yure yī ocaruyucaju.

² To bajiro ti yirone, Espiritu Santo suorine ű vecaju ejagure bajiro űacaju yū. Toju sīgū, rotigū ī rujiri cūmurore rujicami. ³ ű rioga, buto yaacaju. Gūta quēnase, jaspe vāme cutise, to yicōari, gaje gūta, cornalina vāme cutise ti yaarore bajiro yaacaju. ű rujiro taju buerimamure bajiriberua űacaju. Gajea gūta, esmaldala vāme cutise ti yaarore bajiro yaacaju tiberua.

⁴ ű rujiro taju veinticuatro cūmurori, űjarā ya cūmurori űagānibiacaju. Ti cūmurorijure bucārā rujicama. Botise sudi sāűarā űacama űna. To bajicōari, oro bedori jeocama.^b ⁵ űna vatoagu űju űamasugū ī rujiri cūmurojune bujo ī yabese budicaju. To bajicōari, bujo ī jaro, ti busurore bajiro busucaju. ű rujiro cūmuro rījorojua cojomo cōro jua jēnituarirācu jea űjaricuri rūgōcaju. Ado bajiro yigotiro bajicaju: Sīgū űaboarine, cojomo cōro jua jēnituarirācu űarāre bajiro bajigu, jediro masigū ī űasere gotiro bajicaju.^c ⁶ űju űamasugū ī rujiri cūmuro rījorojuane utabucurare bajirita űacaju. Oco botirita űacōari, quēnaro ruyurita űacaju.

To bajicōari, ī rujiri cūmuro rījorojua, ti cūmuro suyarojua quēne, riojocatua, gācojacatua quēne, űaīaűamana babaricārācu űacama. űna rujari jediro cajeari cuticama. űna riogari űarijocatua quēne űna suyarojuari quēne cajeari cutirā űacama. ⁷ Nasuogu, yai, leōn vāme cutigure bajigu űacami. ű beroagu, ta vecure bajigu űacami. űna beroagu, masu riogare bajiro rioga cuticami. Tusagu, ga jaigu, vugure bajiro bajigu űacami. ⁸ Tocārācu, cojomo cōro, coja jēnituarorāca querujari cuticama. űna rujariju quēne cajeari cuticama. Ti joejua, ēñerocajua quēne cajeari cutirā űacama. űmuari, űamiri quēne Diore rūcuborā, ado bajiro basarūgūcama űna:

—Mani űju, quēnase rīne yigu űaami. Quēnase rīne yigu űaami. Quēnase rīne yigu űaami. Jediro masigū űaami. Tirūmaju űamasir'ī űaboarine, adirūmurire quēne űacōa űarūgūgū űaami. Bero, masa taju űagū, varocu űaami —yibasarūgūcama űna.

⁹ űju ya cūmuro rujigure, űmuari catimurōgūgūocure űna rūcubojama, ado bajiro yirūgūcama:

—Mu űaja rētoro quēnagū. To bajicōari, rētoro űamasugū űaja mu. Quēnaro yaja mu —űre yirūgūcama űna.

¹⁰ Tocārācagine to bajiro űna yirone, bucārā, veinticuatro űarā, ī taju muquearūgūcama űna, űre rūcuborā. Muqueacōari, űna jeoribedorire, “Rotirimasu űaja yū” yimasioribedorire juacōari, ī rujiro rījorojua cūrūgūcama, “Quēnaro mu yise suorine mure rotibosamasiaja yua” yirā. To yicōari, űre rūcuborā, ado bajiro yicama:

^b 4:4 Bucurāre ti gotijama, Jesūre ajitirūnūrāre űmato űarāre gotiaja. ^c 4:5 Ap 1.4, 3.1.

11 —Yua uju, mu sīgüne ñaja mu, yua rūcubuo. Ñajediro rujeomasir'i ñaja mu. Ti ñarotire mu bojatuoñamasire suorine ruyucōari, ñacōa ñaja jediro. To bajiro yimasir'i mu ñajare, ado bajiro quēnaro mure yirūcuboroti ñaja: “Mu ñaja rētoro quēnagū. To bajicōari, rētoro ñamasugū, ñajediro masigū ñaja mu. Mu rotijama, mure cudiruarāma ñajediro” mure yirūcuboroti ñaja —İre yicama İna.

5

Paperajotire suoñiarere jānerocure, quēnase rīne yigure, İna bujare queti

1 To bajiro İna yicatire yu ajiro bero, uju ya cūmuroju rujigu i āmo riojojacatua papera tūnariajoti i cuosere İacaju yu. Tijoti totiju, joejua quēne ucare ñacaju. To bajicōari, cojomo cōro jua jēnituario suoñiare ñacaju, tijotijure. 2 To i bajirone, sīgū āngel, gājerā āngel mesa rētoro tutuagu, ado bajise ruyugoaro sēñİlacami:

—¿Nijua ñarolari, tijotire suoñiarere jānecōari, ti ucare manire İagotirocu, Dios i İavariquēnarocu? —yisēñİaboacami.

3-4 To bajiro i yisēñİaboajaquēne, ō vecana, adi macarucuroana, adi sita ēñerocana quēne, sīgājuama tijotire suoñiarere jānerocu Dios i İavariquēnagū manicami. İ manijare, buto oticaju yu. 5 Yu otisere İacōari, sīgū bucu, ado bajiro yure goticami:

—To cōrone otiya. Adojua İaİa. Adone ñaami sīgū, vātia uju i rotimasibecu. Vātia uju i bojabeti ti ñaboajaquēne, masa rojose İna yise vaja İnare vaja yibosagu, rijabosayumi. To bajicōari, rijacoaboarine, tudicatiyumi. Uju ñamasugū, Judā ya jūnagu ñaami. Uju David ñamasir'i jānami ñaami. Tijoti cojomo cōro jua jēnituarorācaji suoñiarere jānecōari, manire i İagotisere Dios i İavariquēnarocu ñaami —yure yicami.

6 To i yirone, bucurā vatoaju, to yicōari, İaİaİamana vatoaju, uju ya cūmuro gadarecoju ñacami oveja macure bajiro rijabosacacu. Cojomo cōro, jua jēnituarorāca jotari cuticami. İ cajeari quēne, to cōrone ñacaju. Tire İacōari, “Sīgū ñaboarine, cojomo cōro jua jēnituarirācu ñarāre bajiro bajigure, adi macarucuro jediroju Dios i cōagū, Esp'iritu Santore cuogu ñaami”, İre yİamasicaju. 7 Uju ya cūmuro rujigu riojojacatua i cuorijotire āmicami. 8 To i yirone, babaricārācu İaİaİamana, to yicōari, veinticuatro ñarā bucurā quēne, oveja macure bajiro rijabosacacu rījorojua muqueacama, İre rūcuborā. İna jediro jabasariarore arpa vāme catiriaserire cuocama. Őrone quēnoribajarire quēne cuocama. Tibajariju sutiquēnase soemuoroti jāmucōacaju. Sutiquēnase ti buemaja vase, masa, Dios yarā İre İna sēñisere bajiro bajise ñacaju. 9-10 İ rījorojua muquearāne, ado bajiro basacama İna, basaİaİamanire:

—Mure sİaİuma masa. To İna yirone, tocārāca macanare, cojo masa jūna ruyabeto, cojo oca ruyabeto ñagōrāre, to yicōari, cojo sita ruyabetoanare Satanās yarā ñaboarāre rijabosacōari, mu ri'i suori yuare vaja yibosayuja mu, “Dios yarājua İato” yigu. To bajiro mu yire suorine paİare bajiro mu jacu, manı uju i bojasere yirā ñaja yua quēne. To bajicōari, adi macarucuroanare rotiruarāja yua. Mu yire suorine to bajiro yua bajiroti ñajare, mune ñaja, tijoti suoñiare jānecōari, ti ucare yuare mu İagotisere Dios i İavariquēnagūma —yibasacama, i rījorojua muqueacana.

11 To İna yiro bero, uju ya cūmuro taju, babaricārācu İaİaİamana, to yicōari, veinticuatro ñarā bucurā İna ñaro suyarojuajure ñacōari, basacama āngel mesa. Jājarā masu İna ñajare, İnare cōİajeobeticaju yu. 12 Ado bajise ruyugoaro basacama:

—Oveja macure bajiro rijabosacacu, ado bajiro bajigu mu ñajare, quēnaro mure yirūcubuo variquēnaroti ñaja: Mu rotijama, mure cudiruarāma ñajediro. Ñajediro cuogu ñaja mu. Quēnaro tuoİagū ñaja mu. Rētoro masigū ñaja mu. Rētoro ñamasugū, rētoro quēnagū ñaja mu. Quēnaro mure yirūcubuo variquēnaroti ñaja —yibasacama āngel mesa.

13 To bajiro İna yisere ajicōari, ō vecana, adi macarucuroana quēne, adi sita ēñerocana quēne, moa riagariana quēne, ñajedirone, uju ya cūmuro rujigure, to yicōari, oveja macure bajiro rijabosacacure quēne quēnaro İna yirūcubuo basacatire ajicaju yu. Ado bajiro İnare yibasacama:

—Ado bajiro bajirā mua ñajare, quēnaro muare yirūcubuo variquēnarūğūroti ñaja: Rētoro ñamasurā, rētoro quēnarā ñaja mua. To bajicōari, rētoro masirā ñaja mua. To bajirā mua ñajare, muare quēnaro yirūcubuo variquēnacōa ñaroti ñaja —yibasacama.

14 To bajiro yigajanorāne,

—To bajirone yirūğūroti ñaja —yicama babaricārācu İaİaİamana.

To İna yirone, uju ya cūmuro rujigure, to yicōari, oveja macure bajiro rijabosacacure, İnare rūcuborā, muqueacama İna, veinticuatro ñarirācu ñarā, bucurā.

6

Cojomo cōro, jua jēnituario ñase suoñiare queti

¹ To ña yiro bero, oveja macure bajiro rijabosacacu, papera tûnariajotire suoñiasuoriajare ñ jãnesere ñacaju yu. To ñ yirone, babaricãrãcu ñaïañamana rãcagu sigũ, bujo ñ jaro ti bususe cõro buto ruyugoaro ñ ñagõsere ajicaju:

—Adojua vayã —yicami, gãjire jigu. ² To ñ yirone, caballo botigu joe jesagure ñacaju. Ñ joe jesagu, tẽmubedo cuocami. Rujoa jeoriabedo jeococami. Ti bedore jeococõari, adi macarucuroanare, ñre ñaterãre quẽne ñ rotijama, ña cãdirotire yigu, vacami.

³ Ñ vato bero, papera tûnariajotire suoñiasuoriajare gajejare jãnecami oveja macure bajiro rijabosacacu. To ñ yirone, quẽna gãji ñaïañamagũ ado bajise yicami:

—Adojua vayã —yicami ñ quẽne, gãjire jigu.

⁴ To ñ yirone, caballo sũagũre ñacaju yu. Ñ joe jesagu jariase jairijãi ñsiecocami. To yicõari, “Ado bajiro yirũcuja mu”, yiecocami: Masa quẽnaro ña ñabetirotire yigu, to yicõari, ña gãmerã sãarotire yigu, cũecocami.

⁵ Ñ vato bero, gajeju suoñiasuoriajare jãnecami oveja macure bajiro rijabosacacu. To ñ yirone, ado bajiro yicami quẽna gãji ñaïañamagũ:

—Adojua vayã —yicami ñ quẽne, gãjire jigu.

To ñ yirone, caballo ñĩgũre ñacaju yu. Ñ joe jesagu, rũcuõariaro cuocami. ⁶ To ñ bajirone, ñaïañamana vatoaju ado bajiro ocaruyucaju ti, caballo joe jesagure ñre gotiro:

—“Trigo vãme cutise, to yicõari, cebada vãme cutise mojoroaca bujato” yigu, tire yiro-jorũcuja mu. To bajiro mu yijare, trigo vãme cutise bare, cojorãmu moare vaja, cojo kilo cõro bujare ñarũaroja. To yicõari, cebada vãme cutise bare, cojorãmu moare vaja, idia kilo cõro bujare ñarũaroja. “To bajirone bajiato” yigu, yirũcuja mu. To bajiro yihoarine, olivo vãme cuti yucãrre, to yicõari, uyemariire quẽne yirojobetirũcuja mu. “Uye roabare, uye oco quẽne, jairo vaja cutibeticõato” yigu, yirũcuja mu —yi ocaruyucaju, caballo joe jesagure gotiro.

⁷ Ñ vato bero, gajeju suoñiasuoriajare jãnecami oveja macure bajiro rijabosacacu. To ñ yirone, quẽna gãji tusagu, ñaïañamagũ, ado bajiro yicami:

—Adojua vayã —yicami ñ quẽne, gãjire jigu.

⁸ To ñ yirone, caballo sũrribogu ñagũre ñacaju yu. Ñ joe jesagu, Rijare Rotigu vãme cuticami. Ñ sayarojua gãji vadicami, Rijariarã ña Ñaro vãme cutigu. To ña bajirone, ado bajiro ñare roti ocaruyucami Dios:

—Adi macarucuroana masa ña gãmerã sãarotire, ña ñiorijarotire, rijaye rãca ña bajirearotire, to yicõari, vaibucurã no yiyamana ñare ña sãarotire yirã, yirũarãja mu —ñare yiroticami. To yicõari, —Masa jediro babaricãrãcatubuari batecõari, cojotubuanare mu sãajeocõajama, quẽnarũaroja —ñare yiroti ocaruyucami Dios.

⁹ Ña vato bero, gajeju suoñiasuoriajare jãnecami oveja macure bajiro rijabosacacu. To ñ yirone, Diore rũcuõarã ña soemuoriaju eñerocaju gãjerã ña sãariarãre ñacaju yu. Dios oca quẽnaro ña gotimasiojare, to yicõari, “Jesũre ajitirũnũaja yua” ña yitujabetijare, ñare sãaũuma. ¹⁰ Ado bajise ruyugoaro goticama:

—Jediro masigũ ñaja mu. Quẽnase rĩne yigu, riojo gotigu ñaja mu. Yuare sãacana rojose ña yicatore ñacõari, “Rojose tãmuotujabetirũarãja” ñare mu yiroti, ¿no cõro yoaoro ruyati? —yicama ña.

¹¹ To ña yirone, botise sudi yoesse ñare ñsicami Dios. To yicõari,

—Tuoñarejaibesa. Quẽnaca yucõca ñaĩa maji. Gãjerã ñarũarãma, muare bajiro yu macu ñ bo-jasere yirã ñari, sãacورونا. ñare ña sãajeoro berone, ña sãase vaja rojose tãmuotujabetiriaroju ñare rearũcuja —yicami Dios.

¹² To ñ yiro bero, quẽna gajeju suoñiasuoriajare jãnecami oveja macure bajiro rijabosacacu. To ñ yirone, sita buto ti sabesere ñacaju yu. To bajicõari, muju ãmuagu busu tujacami. To bajiri, nojua bususe manicaju. To bajicõari, ñamiagu muju, ri'ire bajiro buto sũacami.

¹³ Nõoca quẽne, sita tũcurojuare vẽjacoacama ña. Higuera vãme cuti ti rica burirodo rĩjoro, ti rica busere mino vẽasure vẽjacatore bajiro vẽjacama ña. ¹⁴ To bajicõari, ãmuagasero yayicoacaju. Paperajoti tũnariaro bajiro bajiyayicoacaju. Jediro gãtaurire, yucãyoarire quẽne yivãeocõari, gajeroju tire cõacami Dios. ¹⁵ To bajiro bajijare, gãta gojeriju, gãtayucuri vatoaju rudisãjacoacama masa. Ujarã, rotirimasa, ñamasurã, ñamasumena quẽne, gãjerãre moabosarã, gãjerãre moabosamena quẽne, rudisãjacoacama. Gãjoa jairã, ñie mana quẽne, masa jediro rudisãjacoacama. ¹⁶⁻¹⁷ To bajiro rudicõari, gãtayucurire, gãtari jacasere quẽne, ado bajiro yicama ña:

—Uju ya cũmuroju rujigu, Dios yuare ñ ñabetirotire yiro, yuare tãjoyayioya. “Oveja macure bajiro rijabosacacu quẽne, yuare ñacõari, rojose yua yise vaja rojose yuare yibeticõato” yiro, yuare tãjoyayioya —yicama ña, gãtayucurire. —Rojose yua yisere ñacõari, “To bajiro yirã ñari, rojose tãmuotujabetirũarãja” yuare Dios, ñ macu ña yirotirãrãmu mojoroaca ti ruyajare, to bajiro vaja yua. To bajiro ña yijama, “Rojose tãmuobetirũcuja yuma” ñare yicudimasirocu

magāmi. To bajiro ti bajijare, yuare tājoyayioya —yicama ĩna, gūtayucurire, gūtari jacasere quēne.

7

Īyarāre Dios ĩ ĩatirānaroti queti

¹ To ĩna yiro bero, ángel mesa babarirācu ĩacaju yu. Judoaga sojeju ĩacami sīgū. Jūnaga sojeju ĩacami gāji. Varuaga sojeju ĩacami gāji. To bajicōari, gajecacatuajua varuaga sojeju ĩacami gāji. To bajirone ĩacōacama ĩna, “Mino vabeticōato” yirā. To ĩna bajijare, adi sita joe, riagari joe quēne, mino vabeticaju. Yucú joere quēne, mino vabeticaju. ² To ĩna bajirone, muiju ĩ jiadojua gāji ángel ĩ vadisere ĩacaju yu. Masirētogū, Dios vāme ucaturiaro cuocōari, ĩ vadore ĩacaju yu. Vadicōari, gājerā ángel mesare, adi sitare, riagarire quēne, Dios rojose ĩ yirotiriarē buto ruyugoaro ado bajise ĩnare goticami:

³ —Adi sita, riagari, yucurire quēne rojose yibesa mva maji. Mani uju, Dios ĩ bojasere yirā ĩna riovecarire Dios vāme ĩnare ucatuto mani maji. ĩnare ucatujeocōari, adi sitare, riagarire, yucurire quēne rojose yiruarāja mani —ĩnare yicami ángel.

⁴ To ĩ yiro bero,

—Dios vāmere ucatuecorā, juaāmo cōro, gubo jua jēnituarorāca jūnana ĩaama —yure yicama. —Jediro ciento cuarenta y cuatro mil Israel ĩamasir'i jānerabatia ĩaama —yure yicama.

⁵⁻⁸ Ti jūnanare cōiācōari, ado bajiro yure goticama:

—Judā ĩamasir'i jānerabatia doce mil ĩarā ĩaama. Tocārācu jānerabatia, cojoro cōrone ĩaama. Adocārācu ĩaama:

Rubén ĩamasir'i jānerabatia,

Gad ĩamasir'i jānerabatia,

Aser ĩamasir'i jānerabatia,

Neftal' ĩamasir'i jānerabatia,

Manasés ĩamasir'i jānerabatia,

Simeón ĩamasir'i jānerabatia,

Lev' ĩamasir'i jānerabatia,

Isacar ĩamasir'i jānerabatia,

Zabulón ĩamasir'i jānerabatia,

José ĩamasir'i jānerabatia,

to yicōari, ĩatusamasir'i Benjam'in ĩamasir'i jānerabatia,

ĩna jedirojune doce mil ĩarā ĩacōaama ĩna, Dios vāmere ucatuecorā —yure yicama.

Jājarā botise sudi sāñarā Diore ĩna rūcubuoire queti

⁹ To ĩna yiro bero, uju ya cūmuro, to yicōari, oveja macure bajiro rijabosacacu rījorojua, jājarā masare ĩacaju yu. Tocārāca macana, cojo masa jūna ruyabeto, ricatiri rīne ĩagōrā, to yicōari, cojo sita ruyabetoana ĩacama ĩna. Jājarā masu ĩna ĩajare, ĩnare mani cōiājama, cōiājeomenaja. Sudi botise sāñacōari, jūqueri cuocama. ¹⁰ To bajicōari, ruyugoaro ado bajise ĩnare yicama:

—Yua rūcubuoqu, Dios, rotigu ĩ rujiri cūmurore rujigu, to yicōari, oveja macure bajiro rijabosacacu, ĩnare ĩaama rojose tāmuoťujabetiriaroju yua vaborotire yuare yirētibosarā —yicama ĩna.

¹¹ To bajiro ĩna yirone, ángel mesa ĩajediro, to yicōari, bucūrā, veinticuatro ĩarā, to yicōari, babaricārācu ĩaĩaĩnamana, uju ya cūmuro taju rūgōgānibiacama ĩna. Gājerā ruyugoaro ĩna ĩagōsere ajicōari, Diore rūcubuoarā, ĩ rījorojua muqueacama ĩna. ¹² Muqueacōari, ado bajiro yicama:

—Riojo gotiama ĩna. Mure rūcubuoaja yua quēne. Quēnaro mure yirūcubuo variquēnaroti ĩaja. Rētoro quēnagū ĩaja mva. Quēnaro yaja mva. Mva rotijama, mure cudiruarāma ĩajediro. Rētoro masigū ĩaja mva. To bajiro mva bajijare, quēnaro mure yirūcubuo variquēnacōa ĩarūgūroti ĩaja. To bajirone bajiato —yicama ĩna, Diore gotirā.

¹³ To ĩna yiro bero, sīgū bucū, ado bajise yure sēñiacami:

—Botise sudi sāñarā, ¿no bajiro bajiriarāja ĩati? —yure yisēñiacami.

¹⁴ To ĩ yijare, ado bajiro ĩre cudicaju yu:

—Masibeaja yu. Mva masigūja. Yure gotiya —ĩre yicaju yu.

To bajiro yu yijare, ado bajiro yure gotimasiocami:

—Ĩna ĩaama rētoro rojose tāmuořiarodo buto rojose tāmuořoarine, Cristore ajitirānu tujabetiriarā. Rojose yiriarā ĩaboarine, rojose ĩna yirere yitujacōari, “Rojose yu yise vaja yure vaja yijeobosayumi Cristo”, yituořiarā ĩaama. To bajiro yiriarā ĩari, Cristo ĩ rijabosare suori, “Rojose mana ĩaama”, Dios ĩ yirā ĩaama.

¹⁵ To bajiro Dios ī yirā űari, ī ya cūmuro rījorojua ejacōari, ī bojasere yitujabeama īna. ī tuana űari, űiejua rojose yiecobetiruarāma īna. Inare quēnaro coderūgūrucami Dios.

¹⁶⁻¹⁷ To bajicōari, oveja coderimasere bajiro inare quēnaro coderūgūrucami Cristo quēne. Oco catire inare iocōari, inare űmato űarūgūrucami. To yicōari, “Juaji sutiritibeticōato” yigu, inare quēnaro yirucami Diojua. To bajiro īna yijare, űiorijabetiruarāma. Tudi oco idirubetiruarāma. To bajicōari, muiju inare tudiasibetirucami. To bajiri muiju ī asise tudi asisājabetiruarāma —yure yigotimasiocami.

8

Ruayariju suoűariajure jānere queti

¹ To ī yiro bero, oveja macure bajiro rijabosacacu, cojomo cōro jua jēnitarorācaju suoűariajure jānecami. Tijare ī jānerone, yoaro treinta minuto cōro oca mano űacaju. ² To bajiro ti bajiro tusarone, cojomo cōro, jua jēnitarirācu āngel mesa, Dios rījoro īna rūgōsere ĩacaju ya. Cojomo cōro, jua jēnitarirāca jutirari trompeta vāme cutiricari boca juacama īna. ³ Gāji āngel, orone quēnoribaja, satiquēnase soemuriabajare cuogu űacami. Ŭju ya cūmuro rījorojua Diore rūcuborā, īna soemuriju orone īna quēnorijaju tuju tibajare āmiejarūgūcamī. Īejarūgūrone, Dios yarā Cristore ajitirānu tujabetirirā, Diore īna sēnise rāca vuocōari, Diore rūcubogu ī soemuroritire yirā, jairo satiquēnase ĩre ĩsicama āngel mesa. ⁴ Tire ī soemurone, buese quēnaro satiquēnase Diore bueejacaju. Dios yarā ĩre īna sēnise quēne ejacaju, ī tuju. ⁵ Tire soemugajano, ī cuoribajare soemurijauye riti yaasere sājūmucōacami. Tire sājūmucōari, adi macarucuroju jioreajeocōacami. To ī yirone, adi macarucuroju buto bujo yabecōari, jacami. To ī yise buto busucaju. To bajicōari, buto gūioro ocaruyucaju. To bajicōari, sita sabecaju.

Trompeta vāme cutiricari āngel mesa īna jutire queti

⁶ To ī yiro bero, trompeta vāme cutiricari jutiruarā, cuocama āngel mesa, cojomo cōro jua jēnitarirācu űarā.

⁷ Rījoroagu jutisucami. Ī jutisurone, yusajedise oco veta vējacaju. To bajicōari, jea űjuse, ri'ī vusase, vējacaju. Ti vējarone, adi sita idiaju űasere cojoju cōiariaro cōro űajedicoacaju. Yucāri, jediro ta catise quēne, űajedicoacaju.

⁸ Ī beroagu juticami quēna. Ī jutirone, űmuaricu gūtare bajiricu űacōari, moa riagajure űjurocaroacoacaju. To ti bajirone, moa riaga idiaju űasere cojoju cōiariaro cōro ri'ī godovedicoacaju. ⁹ To bajiri moa riagana űajediro idiaju űaboariarā cojojuana cōiariaro cōro bajireajedicoacama. To bajicōari, cūmuari jacase idiaju űaboariaju, cojoju rujajedicoacaju.

¹⁰ Īna beroagu juticami quēna. Ī jutirone, ű vecagu űoco jaigu quedicoacami. Jea űjurore bajiro űjucōa quedirujicami. Oco idiaju űasere, cojoju cōiariaro cōro rocaroacoacami. ¹¹ Sūegū vāme cuticami űoco. To bajiri ī rocaroarijune, idiaju űase, cojoju cōiariaro cōro sūese godovedicoacaju oco. To bajiri tire idicōari, jājarā masa bajireacama.

¹² Īna beroagu juticami quēna. Ī jutirone, űmuagu muiju, űamiagu quēne, űocoa quēne, īna busurūgūro cōro busubeticama īna yuja. Idiaju cōro, cojoju cōiariaro cōro busuboarirā, busubeticoacama īna. Cojorāmu jediro busuboare, babari horari busumasibeticami. űamire quēne, űamiagu muiju, űocoa quēne, cojo űami jediro busuboare, babari horari busumasibeticama. To bajiri, űmuā, űami quēne īna busubetijare, buto rētiacaju.

¹³ Tiju bero, ű vecaju ga ī vusere ĩacaju ya. Vugune ado bajise ruyogaro goticami:

—Buto gūiose űaruaroja adi macarucuroanare. Buto rojose tāmuruarāma īna. Āngel mesa idiarā, īna jutiroti ruajaja. Īna jutirone, buto rojose tāmuruarāma adi macarucuroana —yigoticami ga.

9

¹ To bajiro ī yigotiro bero, cojomocārācu tusacu juticami āngel. Ī jutirone, sīgū űoco adi macarucuroju ī quedirujiato ĩacaju ya. Ī űacami tusabetigoje īna tubiberiagojere jānariarore Dios ī ĩsicacu. ² Quedirujiacōari, ti gojere jānacami. Ī jānarone, jairime jeame ti buemujarore bajiro buemujacaju. Jairo buejūmucōari, rētiacoacaju. To bajicōari, ruyubeticami muiju quēne. ³ Bueri vatoaju joreroa jājarā vubatecama, adi macarucurore. Cotibaja ī toarore bajiro inare toaroticami Dios. ⁴ “Tare, yucārire, no bojase judisere barojobesa muā”, Dios ī yicana űacama īna. “Āna riovecare, ‘Āni űaami Dios ya’ yi vāme ucatu ecomena rīrene rojose yiruarāja muā”, Dios ī yiroticōacana űacama. ⁵ Inare gōjanabiorotiboarine, sīarotibeticami Dios.

—Cojomocārācu muijua, cotibaja ī toarore bajiro inare toarūgūrurāja muā —īnare yiroticami.

⁶ —Tocărăcu muijuane buto rojose tāmūorā űari, buto bajirearuaboaruārāma. To bajiboarine rijamasibetiruārāma İna —İnare yicami Dios.

⁷ Yu İajama, sİarimasa, gāmerā sİaruārā caballo mesare İnare toose turiarāre bajiro bajirā űacama joreroa. İna rujoari joere orone quēnorıabedorire bajise jeocama. İna riogarima, masu riogare bajise űacaju. ⁸ Yoese joa cuticama. To bajicōari, yai, leōn vāme cutıgı gujire bajise jacase guji cuticama. ⁹ İna rujurire toose cōme gase űacaju. İna vujama, buto busucaju. Gāmerā sİaroana, caballo mesa jairo tūnurıcorı İna tūavatore bajiro ocaruyucaju ti. ¹⁰ Cotıbaja İ toaricare bajise toaricari cutırā űacama joreroa. İna toajama, cojomocārācu muijua cōro yoaro ti jūnjıare, rojose tāmūorūgūcama. ¹¹ Joreroa uju, āngel rojogu űacami. To bajicōari, tasabetıgoje uju űacami. Hebreo oca rāca Abadōn vāme cuticami. To bajicōari, griego ye rāca Apolıōn vāme cuticami. “Rearımasu” yire űni űaja ti.^d

¹² To bajirone bajıaju joreroa İna toase rāca masa rojose İna tāmūoroti quēne. Tire bajirone bajıruaroja adi macarucuro tusarırūmuri rojose İna tāmūosuroti. Tıju bero, rojose İna tāmūoroti juaji rayacaju quēna.

¹³ Joreroa İna toaro bero, cojomo cōro coja jēnituarırācu tasacu āngel juticami. İ jutirone, Diore rucuborā, İ rıjorojuu satıquēnase, İna soemurıaju orone İna quēnorıaju űase babaricārāca saviari gadarecoju ocaruyucaju. ¹⁴ İ jutirone, ado bajiro ocaruyucaju:

—Rıaga, Éufrates vāme cutırısa tıju babaricārācu āngel mesa rojose yırāre yu sıacūcanare űajaya —yi ocaruyucaju.

¹⁵ To bajiro ti yi ocaruyujare, “İdiaju űaboarıaju, cojojuanare masare sıajeocōato” yıgu, İnare űacami. “Tırodone, İ muijune, tırāmıne, ti horane masare sıaruārāma” İ yıtuōıarıare bajirone İna yırotire yıgu, İnare sıacūűıju Dios. ¹⁶ İnare İ űjaro bero, jājarā masu, surara mesa, caballo joeju jesarāre İacaju yu. “Doscıentos mıllones űaama” yi ocaruyusere ajıcaju yu.

¹⁷ Yu İajama, ado bajiro bajıcaıa: İna rujurire toose ricati rıne űacaju. Gājerā sūase, gājerā űıuagaserore bajiro sūmese, gājerā surıse sāűacama. Caballo mesa, yai, leōn vāme cutıgu rujoare bajiro rujoari cuticama İna. İna rıserıju budıcaju jea bueri. To yıcōari, rojose sıtise azufre vāme cutise quēne budıcaju. ¹⁸ İdiaju űaboarıaju, cojojuanare masare sıajeocōacaju ti, caballo mesa rıserıju budıcati. ¹⁹ İna rıserı budıse sıorıne gūıorā masu űacama. İna jıcorori quēne āűare bajise űacaju. To bajicōari, āűa İ rujoa rāca İ cūnırore bajiro gūıoro yıse űacaju.

²⁰ Jājarā İna sıaecosere İaboarine, İna sıaruacanajuaıa ado bajiro rojose yıcōa űarūgūcama: Vātıare rucubuoōa űarūgūcama. To yıcōari, rucubuoaruārā İna quēnorıarā űacama: Oro, plata, bronze, gūta, yucū quēne ti rāca quēnocōari, rucubuoarā űacama. İna quēnorıarā, İase me, vase me, ajıse me ti űaboajquēne, tire rucubuoōa űarūgūcama. ²¹ To yıcōari, gājerāre sıacōa űarūgūcama. Masare rojacōa űarūgūcama. Dios İ bojabetıre ajerıarā cutıcōa űarūgūcama. To yıcōari, juarudıcōa űarūgūcama.

10

Āngel, papera tūnariajotiaca cuogu İ bajire queti

¹ Tıju bero, gajeye ado bajise bajıcaju: Sıgū āngel, gājerā āngel mesa rētoro tutuagu, ű vecaju buerıgaserı vatoaju ruııacami. Ado bajiro bajıcamı: İ rujoa vecare buerımamu űacami. İ riogama, muiju űıuagare bajiro busucaju. İ űııcugūrı quēne, jeare bajise yaacaju.

² Papera tūnariajotiaca űıacōari cuocami. Rujıejacōari, İ gubo rıojojacatıajua, moa rıagaju cıdarocaroacami. Gācōjacatıa gubo boejıa cıdacūcamı. ³ To yıcōari, rıuyugoaro avasācamı. Yai, leōn vāme cutıgu İ avasārore bajiro rıuyucaju, İ avasācati. Rıuyugoaro İ avasārone, cojomo cōro, juā jēnituarırācu buıjoa űarā İre cıdı ocaruyucama. ⁴ İna cıdı ocaruyusere ajıcōari, ucaguagu yıboacaju yu. Tire ucaguagu yu yırone,

—Tıre ucabesa. To yıcōari, gājerāre gotıbesa —yure yı ocaruyucaju, ű vecaju.

⁵ To bajise ti yı ocaruyuro bero, cojojacatıa gubo moa rıagaju cıdarocaroacōari, gaje gubo boejı cıdacūcōari, İ āmo rıojojacatıa İ űııuıosere İacaju yu. ⁶⁻⁷ “Yu gotırore bajırone bajıruaroja’ İre mıni yımasırotıre” yıgu, ado bajise yıcamı yure rıuyıııocacu:

—Catımūorūgōrocu, Dios, ű vecaye, to yıcōari, adi macarucıroaye jedıro ruıeocacu, İ İaro rıjorojuu rıojı yu gotırūgūrore bajırone ado bajise yaja yu: Cojomo cōro juā jēnituarırācu tasacu āngel İ jutıtasarırımarone, masa İna masıbetıcati, “Ado bajiro yıırıcuja yu” gotırētobosarımase İnare İ yıcatore bajırone yııeocōarucımi Dios, yıcamı yure rıuyıııocacu. “To cōrone yııeorıcuja yu” İ yıtuōıarıaju ejaja —yıcamı yuja.

⁸ To İ yıro bero, ű vecaju yu ajıcati quēna ado bajiro yure gotırēmo ocaruyucaju:

—Āngel rıojojacatıa gubo moa rıagaju cıdarocaroacōari, gaje gubo boejı cıdacūcōari űıagū tıju vasa. Papera tūnariajotiaca İ cuorıotıre āıııaya —yure yı ocaruyucaju.

^d 9:11 Apolıōn ti gotıjama, “Rearımasu” yire űni űaıııju.

⁹ To bajiro ti ocaruyusere ajicōari, ángel tujá vacaju yu. Í tujá ejacōari,
—Tijotiicare yure ísiña —íre yisēnicaju yu.

To yu yisere ajicōari, yure ísigüne, ado bajiro yure yicami:

—Ūma. Baya mu. Adjotiicare mu barone, beroa ocore bajiro ibisitiruaraja mu riseju. To bajiboarine, mu baro bero, mu gudajoaju sūecoaruaroja —yure yicami.

¹⁰ To í yijare, tijotire ámicōari, bacaju yu. Beroa ocore bajiro ibisiticaju. To bajiboarine yu baro bero, yu gudajoaju buto sūecaju. ¹¹ Yu baro bero, ado bajiro yure goticami í quēna:

—Masa tocārāca macana, cojo masa jūna ruyabeto, cojo oca ruyabeto ñagōrā, to yicōari, cojo sita ruyabetoana ína ujarā quēne ína bajiro tire goti rījoro yiroti ñaja mure quēna —yure yicami.

11

Juarā Cristore gotirētobosarimasa ína bajiro ti queti

¹ To í yiro bero, cōiariure yure ísicami ángel. Í ísirone, ado bajiro yure yí ocaruyucami Dios:

—Tíu rāca yure yirūcuburiavire cōiaaya. Yure rūcuburā ína soemuorijure quēne cōiama. To yicōari, “¿Nocārācu masu ñati yure rūcuburiaviju rējārā?” yigu, ínare cōiama. ² Ti vi tu ñaritūcurorema cōiabesa. Yure ajimena yatūcuro ñaruaroja ti tūcuro. Tojūre idia cūma gaje cūma gudareco cōro yu ya macajure rojose yicudiruarāma ína. ³ To bajiri juarā yure gotirētobosarimasa cōarucija yu. Idia cūma, gaje cūma gudareco cōro yure gotirētobosa ñaruarāma ína. “‘Sutiritiama’ yūiāto” yimasioire sudi sāñacōari, gotiñaruarāma —yure yí ocaruyucami Dios.

⁴ Ína juarā gotirētobosarimasa ína ñajama, adi macarucuro uju, Dios íaro rījorojua, ju olivo vāme cutiari, to bajicōari, sīabusuoeriajuri, juaju ti ñarore bajiro ñarā bajicama.

⁵ Gotirētobosarimasa íaterā, ínare rojose ína yirūaboajama, ína riseriju jea budicaju. Ti rāca ínare soereajeocōacama ína. ⁶ Oco quedise ína bojabetijama, “Oco quedibeticōato” yirā ñacama. To bajiri, Diore ína gotirētobosarimasa cōrone “Oco quedibeticōato” yicama. Ocore quēne, rīi godoveomasirā ñacama. To yicōari, adi macarucuroanare, no ína bojase “Rojose tāmūoato” yimasirā ñacama. No ína bojarore bajiro tire yimasirā ñacama.

⁷ Diore ína gotirētobosa gajanorone, ínare sīaguagu ína tujá mujaejacami tusabetigojeagu güiogu. To bajicōari, ínare sīareacami. ⁸ Ínare sīareacōari, jairimaca varia maaju ína rujárure cūcami. Mani ujare ína jajusīacati maca ñacaju ti maca. Ti macana buto rojose yirā ñari, Sodoma macana ñamasirā, to yicōari, Egipto sitana ñamasirāre bajiro yicama ína. ⁹ To bajiri güiogu í sīacana idiarūmu gajerūmu gudareco maaju cūñacaju ína rujárure. Masa ñajediro, cojo jūnana ruyabeto, cojo sitana ruyabeto, ína rujárure íacama. Sīgūri, íacōari, ína yujeruaboajaquēne, ínare matacami güiogu. Buto ína íaterā ína ñajare,

—Ínare yujebeticōato —yicama masa. ¹⁰ Gotirētobosarimasa ína rijacoajare, jārārā masa, buto variquēnacama. Variquēnarā ñari, vaja manone gajeyēni gāmerā ísicama.

—Ína juarā manire rojose yibetiruarāma yuja —yivariquēnacama.

¹¹ To bajiro ína yiboajaquēne, idiarūmu gajerūmu gudareco tusatone, ínare catiocami Dios. To í yijare, tudicaticōari, ína vūmurūgūserē íaucacōari, buto güicama masa. ¹² To ína bajirone, ò vecaju ruyugoaro ado bajise ocaruyucaju:

—Adojua mujaaya —yí ocaruyucaju.

To bajiro yí ocaruyucati ajicōari, masa ínare íaterā ína íarone, buerigaseri vatoaju mujacoacama ína. ¹³ Ína mujatone, adi macarucuro buto sabecaju. Ti saberone, ti macare mil ñariviri ti ñajama, cien ñariviri juriavējacaju. To ti bajirone, siete mil masa bajireacama. Gajerā, catiruyarā, íaucacoacama ína quēna. Buto güirāne Diore rūcubucama.

¹⁴ To bajiro ína bajicati, juaji bajitusacaju. Yoato mene rojose tāmucama ína quēna.

Cojomo cōro jua jēnituarirācu tusacu ángel trompeta rāca í jutitusare queti

¹⁵ Masa Diore ína rūcuburo beroacane, cojomo cōro jua jēnituarirācu tusacu, Dios tuagu ángel jutitusacami. Í jutirone, ò vecaju jārārā masa ína oca jedirore bajiro ruyugoaro ado bajiro yí ocaruyucaju:

—Dios maní uju, Cristo quēne, ñajediro ujarā masu ñaama yuja. Adi macarucuroana ñajediro, rojose yirā quēne, cudibetiruaruarine, ína bojarore bajiro rīne ína cūdirotire yirā, yama. To ína yijare, ñimarāju ínare cudibetirona maniruarāma yuja. To bajiro rīne rotirūgūruarāma —yí ocaruyucaju, ò vecaju.

¹⁶⁻¹⁷ Ti ocaruyusere ajicōari, veinticuatro ñarā bucūrā, Dios rījorojua, uju ya cūmuroriju rujiarā ñari, rūjuqueacōari, sitaju muqueacoacama ína. To bajiro yicama, íre rūcuburā. To yicōari, ado bajiro Diore basarūcubucama:

—Ŋajediro masijeogu ŋaja mu. Tirāmujū ŋamasir'i ŋaboarine, adirāmureire quēne ŋacōa ŋarūgūgū ŋaja mu. To bajiri quēnaro rotisuoḡu yaja mu. Tire tuoīacōari, “Quēnaro yaja” mure yivariquēnaja yua.

¹⁸ Mure masimena buto mure jūnisiniadicama ina. Yucurema, muja, inare iajūnisinicoari, rojose ina yise vaja rojose mu yirotiramu ejacoaju. Rojose inare yicōari, mure gotirētobosarimasare, to yicōari, mu yarā, mure rūcuborā ŋamasurā, ŋamasumena quēne, ina jediروه quēnaro ina yire vaja, quēnaro inare yirucuja mu. Adi macarucuroanare gajerāre rojose yirāre rojose tāmoutujabetiraroju inare mu rearotiramu ejacoaju yuja —Diore yibasarūcubocama, Dios rījoroja muqueacana.

¹⁹ To ina yirone, ō vecaju Diore rūcuboriavi soje jānacacaju. To bajirone, ti vi jubeajure Dios i rotimasire sāñarijataro ruyucaju. Ruyucōari, tijune buto bujo yabecōari, jacami. To bajicōari, buto giūoro ocaruyucaju. To bajicōari, sita sabecaju. To bajicōari, yusjedise oco veta buto vējacaju.

12

Rōmio tuju gusore bajigu ŋagūro i bajire queti

¹ Bero, ō vecaju āmuagaserojure, gaje vāme ŋamasuse bajirotire ioro ruyucaju. Ŋasose rōmio ruyucamo. Ūmuagu muiju i yaasere bajiro yaarito sudiro sāñagō ŋacamo. Ŋamiagu muiju joere rūgōcamo. So rūjoa jeoriabedore juaāmo cōro, jua jēnituariācu ŋocōa ŋacama.

² Macu sāñagō ŋari, macu cutigoago, buto visioḡone avasācamo so. ³ Tiju bero, quēna ō vecaju, gaje vāme ŋamasuse bajirotire ioro ruyucaju. So tuju gusore bajigu ŋagūro, sūagū ŋacami. Cojomo cōro jua jēnituariācu rūjoari cuticami. To bajicōari, juaāmo cōro jotari cuticami. To bajicōari, tocārāca rūjoari joere ujarāre rotibosarā ye jeoriabedori jeocami. ⁴ To bajicōari, ŋocōa idiaju ŋaboariaju, cojojuanare i jicoro rāca inare javējacami, adi macarucuroju. Inare javējacōari, rōmio rījoroja ejarūgū ejacami, so macu cutirone ire siābaru. ⁵ To i bajirone, masa jediro uju ŋarocare, macu cuticamo so. I ŋacami buto rotirocu. Gusore bajigu ŋagūro sūcare i baruajare, ire so macu cutirone, ānimujacōari, Ūju Dios ya cūmuroju ire rojocama, sūcare. ⁶ Rōmioja quēne, gusore bajigu ŋagūrore rudiacōari, masa ina ŋabetoju, “Toju ŋaruocomo” Dios i yirijare ejacamo. Tojure idia cāma gaje cāma gudareco cōro sore codeŋacami Dios.

⁷ Sore i codero bero, ō vecaju ina gāmerā quēaro iacaju yu. Miguel rācana āngel mesa, vātia uju, gusore bajigu ŋagūro yarāre quēcama ina. ⁸ Gusore bajigu ŋagūro yarāju, quēatimabeticama. To bajiri Miguel rācanaju, inare quēatimacōari, inare bureacōacama, ō vecajure. ⁹ To bajiro ina yijama, tojure ŋabeticōari, adi macarucuroju ina ŋarotire yirā, yicama. Gusore bajigu ŋagūrore yu yijama, vātia uju Satanās yigu yaja. Adi macarucuro masa ŋajedirore “Dios i bojabetire yato” yigu, yitorimasu ŋaami. Cojojirema, diablo ire yire ŋaja. Tirāmujū ŋhare bajigu ŋacōari, yitomasiŋ i ŋaami.^e

¹⁰ Tiju bero, ō vecaju ruyugaro ado bajiro ocaruyucaju:

—Masa, ire ajitirūnārā, rojose tāmoutujabetiraroju ina vaborotire inare Dios i yirētobosariju ejacoaju yuja. Adi macarucuro ŋajediroana, rojose yirā quēne, cūdbetirūaboarine, ina cūdirotire yirā, yama Dios, mani uju, Cristo quēne. To bajiro ina yijare, āmuari, ŋamiri quēne Dios rījoroja rūgōcōari, masare mani mairāre Cristore ajitirūnārāre “Rojose ŋaja” inare yiñagōmacarūgūboagure Satanās ire burocacōamu mani yuja.

¹¹ Cristo oca riojo gotisere ajicōari, “I rijabosare suorine rojose yua yise vaja, yuare vaja yijeobosayumi Cristo” yituoīacōari, i yere gotitujamena ŋari, siācoyuma. To bajiro yituoīacōari, ina gotitujabetijare, adojure ŋamasibeami Satanās yuja, “Rojose yama. To bajiri rojose inare yiroti ŋaja” masare inare yigoti yi-roboagu.

¹² To bajiri adojure Satanās i ŋamasibetijare, variquēnato mani. Mani variquēnaboajaquēne, macarucuroanare, riagarianare quēne, buto rojose bajiraroja. Macarucurojare mani rocagu, “Yoaro mene yu bojarore bajiro yu yitujarotire yiracami Dios” yima-sicōari, buto jūnisinigāmi —yi ocaruyucaju, ō vecaju.

¹³ “Ō vecaju ŋagūre yure rocarujioyuma Dios yarā, adi macarucuroju yu ŋarotire yirā” yituoīamasicōari, rōmio macu cuticacore suyacami gusore bajigu ŋagūro. ¹⁴ Sore i suyabojajuquēne, ga jaigu querujari sore iŋicami Dios, so varotire yigu. “‘Masa ina ŋabetoju, toju ŋaruocomo’ Dios i yirijare vu ejacōari, quēnaro ŋato” yigu, sore iŋicami. Tojure idia cāma gaje cāma gudareco cōro bare sore ecacōari, codecami Dios. ¹⁵ So varudisere iacōari, sore siarucami gusore bajigu ŋagūro. To bajiri i riseju jairo oco yibucami, sore ruuru. ¹⁶ To bajiro i yilboajaquēne, sita sore ejarēmocaju. Oco i yibubosere udiuajecōacaju. ¹⁷ To bajiro ti bajiro iacōari, buto sore jūnisinicami gusore bajigu ŋagūro. Sore siāmasibeticōari, so jānerabatijare siagū vacami yuja. Ina ŋacama Dios i rotisere cūdirā, Jesús suorine riojo

^e 12:9 “Yitorimasu” yiraro yaja diablo ti yijama.

Īna masisere ajitirānu tujamena. ¹⁸ Īnare sīaru, moa riaga tusaroju rūgōcami gusore bajigu ñagūro.

13

Īlañamana gūiorā juarā ĩna bajire queti

¹ Tiju bero, ado bajise bajīocaju quēna: Sīgū gūiogu, moa riagaju majadicami. Cojomo cōro, jua jēnituariāca rujoari cuticami. To bajicōari, juaāmo cōro jotari cuticami. Tocārāca jotari joere ujarāre rotibosarimasa ye jeoriabedori jeocami. To bajicōari, “‘Dios ñaami’ yure yīlato” yigu, tocārāca rujoariju “Dios ñaja yu” yisocari vāme ucatu ecoyumi. ² Macarocagu yai, leopardo vāme cutigure bajiro bajigu ñacami. Ī guborima, buco guborire bajise gubori cuticami. Yai, león vāme cutigu risere bajiro rise cuticami. Gusore bajigu ñagūro, ĩre bajiro ĩ rotimasirotire yigu, ĩ masisere ĩ ujojacu ñacami. ³ Coja ĩ rujoare catibetirocare bajiroju jairicāmiro, cāmiro cuticami. To bajiroju bajicōacacu ñaboarine, “Rijabesujari” yituoīacōari, ĩre ajitirānu suyacama adi macarucuroana jediro. ⁴ ĩre ajitirānucōari, gusore bajigu ñagūrore quēne rūcubucocama masa, ĩ masise ĩ ujojacu ĩ ñajare. Gājijuare, yaire bajigu ñagūre ado bajiro rūcubucocama:

—Gāji, ĩre bajiro bajigu magūmi. Ī rāca ĩna gāmerā quēajama, ñimujua ĩre quēarētobecumi —ĩre yirūcubucocama masa.

⁵ —Yu ñaja rētoro ñamasugū. Nīmu gāji yure bajiro bajigu magūmi —yigoticami gūiogu. To yicōari, Dios ĩ ajitese masu ĩre ñagōmacacami. Idia cāma gaje cāma gudareco cōro ĩnare rotiñacami. To bajiri gūiogu rojose ĩ yīñasere, “Tire yibeticōaña”, ĩre yibeticami Dios. ⁶ “Yibesa” ĩ yibetijare, to bajirone goticōa ñacami: Diore, ĩ ñarjare, to yicōari, ĩ tuanare quēne rojose ñagōmacacōa ñacami. ⁷ To bajiri, Diore ajitirānūrāre sīareacōari, adi macarucuro jediroanare roticami. “Īnare rotibesa” Dios ĩre ĩ yibetijare, to bajiro yicami. ⁸ Adi macarucuro ĩ rujeoroto rījoroju, “Ado cōro ñaruarāma yu tujū ñarūgūrōna” Dios ĩ yiriatutire cuocami oveja macure bajiro rijabosacacu. To bajiro Dios ĩ yibetiriarā rīne gūiogure ĩre rūcubucoruarāma.

⁹ To bajiri, adi oca muare yu gotisere mua ajimasiruarajama, quēnaro ajiya mua:

¹⁰ “Yu yarā, Cristore ajitirānūrā, adocārācu tubiberiaviju tubibe ecoruarāma” Dios ĩ yituoīariare bajiro bajiruarāma. To bajiri, sīacorona quēne, “Sīacoruarāma” ĩ yiriaro cōrone bajiruarāma.

“To bajirone bajiruarōja” Dios ĩ yire ñajare, bajiaja” yituoīarā, Cristore ĩna ajitirānu tujabetijama, quēnaruaroja.

¹¹ To bajiro yure bajīocati bero, quēna gāji gūiogu sita tūcuroju joe jeaejacami. Oveja macu mame jotari bugure bajiro jotari cutigu ñacami. To bajiboarine, gusore bajigu ñagūro, ocare bajiro ñagōcami. ¹² Gāji, sita tūcuroju joe jeaejacacure rotigu ñacami gūiogu, moa riagaju majadicacu. ĩre rotigu ĩ ñajare, ĩ ĩaro rījorojua ejarūgū ejacōari, jediro ĩ masise rāca ĩre rotibosacami sita tūcuroju joe jeaejacacu. To yigune, adi macarucuro ñarā jedirore, ĩ ujure rūcubucoroticami. ¹³ To yicōari, ĩlañamanire yīlōrūgūcami. To yigune, masa ĩna ĩaro rījoro ō vecaye jea ūjūvējase yīlōrūgūcami. ¹⁴ Gūiogu, moa riagaju majadicacu ĩ masise suorine ĩ ĩaro rījorojua ĩlañamanire yīlōgū ñari, adi macarucuro ñarā jedirore ado bajiro ĩnare yitocami:

—Moa riagaju majadicacure jariase rāca ĩna jasiāboajaquēne, rijabetir’i ĩ ñajare, ĩre rūcubucorā, ĩre bajigu quēnoña. ĩre bajigu quēnogajanocōari, ĩre rūcubucorā —ĩnare yitocami, “Dios ĩ bojabetire yato” yigu.

¹⁵ To ĩ yitoro bero, ĩna quēnoruēocacure ñagōgū ĩre godoveocami sita tūcuroju joe jeaejacacu. To ĩ yijare, ñagōcōari, ĩre rūcubucumenare sīacōacami. ¹⁶ To yicōari, “Masa jediro ucatu ecoruarāma”, yitoticami. To ĩ yijare, gajeyeūni jairā, maioro bajirā quēne, gājerāre moabosarā, moabosamena quēne, ĩna āmo riojocacatuare vāme ucatu ecocama ĩna. ĩna āmore ĩna ucatubetijama, ĩna riovecajuare vāme ucatu ecocama. ¹⁷ To bajiro ĩna yieocati, gūiogu moa riagaju majadicacu vāme ñacaju. To bajiro ti bajibetijama, ĩ ya númerojua ñacaju. Ti vāme ucatu ecomena, ĩsicōari, vaja sēnimasibeti, ĩna bojasere vaja yimasibeticama.

¹⁸ To bajiri, ĩ ya número, 666 ñacaju ti. Ūmu vāme yire ūni ñacaju ti número. “To bajirivāme yire ūni ñaja” yimasiruarā, quēnaro ĩnare bueroti ñaja.

14

Rojose tāmūotujabetiriaroju vaboronare Dios ĩnare ĩ yirētobosaro ĩna basaroti queti

¹ Tiju bero, ado bajise bajīocaju quēna: Sión vāme cuti buro joe rūgōcami oveja macure bajiro rijabosacacu. ĩ rācana ñacama ciento cuarenta y cuatro mil masa. ĩna riovecariju oveja macure bajiro rijabosacacu vāme, to yicōari, ĩ jacu vāme ucatu ecoriarā ñacama. ² Bero, ō vecaju oco menirore bajiro ruyugoaro ocaruyucaju. To bajicōari, bujo ĩ jaro bususere

bajiro ruyugoaro ocaruyucaju. To bajicōari, arpa vāme cutise răca jājarā masa īna jabasare bajiro ocaruyucaju. ³⁻⁵ Babaricārācu īlaīnamana, to yicōari, b̄s̄c̄rā, uju ya cūmuro ture űacama. Īna ĩaro r̄joro, ciento cuarenta y cuatro mil masa, mame basa basacama. Īna r̄ne ti basare masicama. Īna űacama adi macaruc̄roana Satanās bojasere yiboariarā, Dios mac̄u ĩ rijabosare suorine, “Nie rojose mana űato” yigu, Dios ĩ yir̄etobos̄uoriarā. To bajicōari, rōmia răca ajeriarā cutiīamena űacama. Īna vatoagu siḡu socagu manicami. Oveja mac̄ure bajiro rijabosacac̄uare ĩ bojarore bajiro ĩre ajis̄uyariarā űacama.^f

Idiarā āngel mesa Diore ĩna gotir̄etobosare queti

⁶ Bero, āngel ō vecaju ĩ v̄sere ĩacaju yu. ĩ űacami, Dios mac̄u suorine quēnaro Dios ĩ yise quetire gotigu. Tocārāca macanare, cojo masa jūna r̄yabeto, ti queti jedibetirotire goticudiguac̄u bajicami. ⁷ Ado bajiro ruyugoaro goticami:

—Masare Dios ĩ beserir̄um̄u ejacoaju ti. To bajiri, ḡuirāne, “Jediro masiḡu űaja mu” Diore ĩre yir̄uc̄buoya. ĩ űaami ō vecaye, adi macaruc̄roaye, moa riagar̄i, oco űmaburigojeri, űajediro rujeomasir̄i. To bajiro yimasir̄i ĩ űajare, ĩre r̄uc̄buoya —yigoticami āngel.

⁸ Bero, quēna ḡāji āngel ō vecaju ĩ v̄sere ĩacaju yu. Ado bajiro goticami:

—Babilonia vāme cuti macana rojose ĩna yir̄uḡuse suorine masa jediro rojose yir̄uḡuboama. To bajiri, ti macanare reacōami Dios yuja —yigoticami.

⁹ Bero, quēna ḡāji āngel ō vecaju ĩ v̄sere ĩacaju yu. V̄v̄ac̄une, ado bajiro ruyugoaro goticami:

—Ḡuiōgu, moa riagaju majadicac̄ure r̄uc̄buor̄are, to yicōari, ĩre bajigu ĩna quēnorujeocac̄ure r̄uc̄buor̄are quēne rojose yir̄uc̄ami Dios. ĩ v̄m̄ere ĩna āmoriju, ĩna riovecariju ucatu ecoriar̄are ĩajūnisinicōari, ĩnare rojose yir̄uc̄ami Dios. ¹⁰ ĩnare ĩamaibec̄une, buto rojose ĩna t̄amuorotire yir̄uc̄ami Dios. No bojarā ḡuiōgure r̄uc̄buor̄are rojose t̄amuotujabetir̄iaroju reacōaruc̄ami Dios. Toju, azufre vāme cutise ājuűarore rojose t̄amuor̄uḡuarāma ĩna. Oveja mac̄ure bajiro rijabosacac̄u ĩ ĩaro r̄joro, to yicōari, āngel mesa ĩna ĩaro r̄joroju rojose t̄amuor̄uarāma ĩna. ¹¹ ĩna ājurimeaye bueri buetujabetir̄iaroju. To bajiri, ḡuiōgure r̄uc̄buobobar̄are rojose ĩna t̄amuose jedibetir̄iaroju. ĩna quēnocac̄ure r̄uc̄buor̄ā, to yicōari, ḡuiōgu vāme ucatu ecocana quēne, to bajirone rojose t̄amuor̄uarāma ĩna. ¹² Rojose ĩna t̄amuotujabetirotire t̄uōīacōari, Dios ĩ rotisere cudir̄ama, Jes̄ure ajitir̄anu tujabetiroti űaja muare —yigoticami āngel.

¹³ To ĩ yiro bero, ō vecaju ado bajiro ȳure yi ocaruyucaju ti:

—M̄ure yu gotisere ucaya. V̄ariquēnase răca űato, manī űjare ajitir̄anu tujabeticōari, bajirearā —yi ocaruyucaju, ō vecaju.

Tire ajicōari, ado bajiro yi ocaruyucami Esp̄iritu Santo:

—To bajirone bajir̄uaroju. Josari moar̄uḡubar̄arā, to cōrone űs̄s̄aj̄aruarāma ĩna. Ō vecaju ĩna ejarone, josare ĩna t̄amuore masicōari ĩnare v̄aja yir̄uc̄ami Dios —yi ocaruyucami Esp̄iritu Santo.

“Adi sita űar̄are beseaya”, Dios ĩ yire queti

¹⁴ To ĩ yiro bero, buerigaseri quēnaro botise ĩacaju yu. Ti joere mas̄ure bajiro rujiḡure ĩacaju. ĩ rujoare oro bedo jeocami. Jariase bujariasere cuocami. ¹⁵ Ḡāji āngel Diore r̄uc̄buoriaviju ĩ budiro ĩacaju yu. Buerigaseri joeju űaḡure ruyugoaro ado bajiro goticami:

—Ote rica bucuacoaju. To bajiri ricare jasurejuaya —ĩre yigoticami āngel.

¹⁶ To ĩ yisere ajicōari, buerigaseri joeju űaḡu, quēnase r̄ine besecōari, jasurejuacami. ^g

¹⁷ To ĩ yiro bero, ō vecaju Diore r̄uc̄buoriaviju ḡāji āngel budiadicami quēna. ĩ quēne, jariase bujariasere cuocami. ¹⁸ ĩ bero, vadicami ḡāji āngel. Diore r̄uc̄buor̄ā, ĩna soemuoriaju t̄aju űar̄i, jeare codegu űacami. Diore r̄uc̄buoriaviju budiadicōari, jariase cuoḡure ruyugoaro ado bajise goticami:

—Macaruc̄roaye űye űicoaju. To bajiri mu jariase răca jasurejuaya —yigoticami.

¹⁹ To ĩ yisere ajicōari, ti rica rojosere jasurejuacami. Juacōari, ti oco rijerotij̄u cūcami. “Masa rojose ĩna yisere ĩajūnisinicōari, buto rojose ĩnare yir̄uc̄ami Dios”, yire űni ıacaju ti.

²⁰ Maca sojuaju c̄udaabocama, űyere. ĩna c̄udaaborone, űye oco űaboasene ri ĩ godovedic̄ōa yujacaju. Trescientos kilómetros yoaro ri ĩ űmayucaju. To bajicōari, caballo rujoa t̄sariju cōro āc̄uaro űmayucaju.

15

Adi macaruc̄roanare rojose Dios ĩ yirotire ĩre ĩna yibosare

^f 14:3-5 Ap 4:2-8; 5:9-10. ^g 14:16 To bajiro ĩ yijama, Jes̄ure ajitir̄anur̄are ĩ juarotire yiro yaja.

¹ Tiju bero, quēna ò vecaļu ĩaĭaĭnamani gũiose ĩacaju yu. Ángel mesa, cojomo cõro jua jēnituariācū ĩarā ĩacama. “Bero, adi macarucuroanare cojomo cõro jua jēnituariācāji ricati rĩne rojose yiruarāma” Dios ĩ yicũriarā ĩacama. “Īna suorine yure ajiterāre rojose ĩnare yirotiyeocõarucūja yu” yigu, ĩ yire ĩacaju.

² Riaga jairisa oco botirisa ĩacõari, quēnaro ruyurisa ĩacaju yu. To bajicõari, jea vusarisa ĩacaju. Tiya taju masa rũgõcama. Īna ĩacama gũiogure, moa riagaju majadicacure, to yicõari, ĩre bajigu ĩna quēnoruieocacure ajibeticana. Īna riovecarire gũioyu a nũmero ucatu ecobeticana ĩacama. Arpa vāme cutise jabasare Dios ĩ ĩsire cõocama ĩna. ³ Moisés, Dios ĩ bojasere yimasir’i ĩ basamasirere, to yicõari, oveja macure bajiro rijabosacacu ĩ basacatire tuoĩacõari, ado bajiro Diore basacama:

—Mu ĩaja yua uju, ĩajediro masijeogu. Īmujua gāji mure bajiro masigũ magāmi. ĩaĭaĭnamanire, to yicõari, ĩajediro quēnase mu yirere tuoĩacõari, “Quēnaro yiyuja” mure yaja yua. Masare quēnaro riojo yigu ĩaja mu. To bajicõari, mu yirore bajiro yigu ĩaja mu. Adi macarucuro ĩarā jediro uju ĩaja mu.

⁴ Mure gũijediruarāma masa. Mure gũirāne, “Rētoro masigũ ĩaami” mure yirucubũoruarāma. Mu sīgũne ĩaja cojoji rojose yĩabecu. Quēnaro riojo yigu mu ĩajare, mure quēnaro rucubũoruarāma adi macarucuroana jediro —Diore yibasacama.

⁵ To bajiro ĩna yibasaro bero, ò vecaļu Diore rucubũoriavi ti jānasere ĩacaju yu. To yicõari, Dios ĩ ĩarisõa ti jānasere ĩacaju yu. ⁶ Diore rucubũoriaviju cojomo cõro jua jēnituariācū ángel mesa, “Adi macarucuroju rojose yure yibosaruarāma” Dios ĩ yicũriarā, ĩna budisere ĩacaju yu. Sudi ueri man quēnaro botise sãñacama ĩna. To yicõari, orone ĩna quēnoria gaserore cotitēroju tusarigaserore vēñacama. ⁷ To yicõari, babaricārācū ĩaĭaĭnamana rācagu, sīgũ, cojomo cõro jua jēnituariācū ángel mesare tocārācurene orone ĩna quēnoriabajari, masare rojose Dios ĩ yiroti jāmuro sãñaribajare ĩnare ĩsicami. Dios ĩaami ĩacõa ĩarũgũrocu. ⁸ Tibajari ĩnare ĩ ĩsirone, “Quēnarētogũ ĩaja yu” Dios ĩ yĩose, ĩ masise quēne, jea bueri buejũmũcoacaju Diore rucubũoriavi yuja. Īmujua ti buerone, sājariaro manicami. Cojomo cõro jua jēnituariācū ángel mesa rojose yirona, ĩna yigajanobetone, ĩmujua sājariaro manicami, Diore rucubũoriavijure maji.

16

Rojose sãñaribajari queti

¹ Diore rucubũoriavi ti bueñarone, ti vijũne ocaruyusere ajicaju yu quēna. Cojomo cõro jua jēnituariācū ángel mesare ado bajiro goti ocaruyucaju ti:

—Masa rojose ĩna tãmũorotire yirā, mũa cũoribajare adi macarucuro joeju yuejeoya. Ti ĩaja masa rojose ĩna yisere yu ĩatese —yi ocaruyucaju.

² To ti yirone, ĩasũogu ángel ĩ cũoribajare adi macarucuro joeju yuejeocami. To bajiro ĩ yirone, gũioyu, moa riagaju majadicacure bajigu ĩna quēnoruieocacure rucubũocõari, ĩ vāme ucatu ecocanare ĩna rujarire bũto jũnise cāmi joe jeacaju.

³ Quēna ĩ beroagu ángel, ĩ cũoribajare moa riagaju yuerearodecami. ĩ yuerearoderone, ri’i godovedicoacaju oco. To bajicõari rijar’i ri’ire bajise ĩacaju ti. To bajiro ti bajirone, tiyaju ĩaboariarā jediro rijajedicoacama.

⁴ Juarā berore quēna gāji ángel ĩ cũoribajare, riagariju, oco ũmaburigojerire quēne yuerearodecami. To ĩ yirone, ri’i godovedicoacaju, riagari quēne. ⁵ To bajise ti bajirone, ángel, oco codegu, ado bajiro ocaruyucami, Diore gotigu:

—Mu ĩaja rojose yĩabecu. Tirũmũu ĩamasir’i ĩaboarine, adirũmurire quēne ĩacõa ĩagũ ĩaja mu. Masa rojose ĩna yisere ĩajũnisinicõari, “Ocore, ri’i godoveocõaca” mu yijama, quēnaja.

⁶ Masare mu yarāre sĩacama ĩna. Mure gotirētobosarimasare quēne, to bajirone yicama ĩna. To bajiri, “Ri’i idiato ĩna rojose yicana” mu yijama, quēnaja —yi ocaruyucami ángel, oco coderimasu.

⁷ To ĩ yi ocaruyusere ajicõari, Diore rucubũorā ĩna soemũoriaju cutoju quēne ado bajise ocaruyucaju, Diore gotiro:

—Riojo ĩaja. To bajirone bajiaja. Yua uju, masijeogu ĩaja mu. To bajigu ĩari, masa rojose ĩna yise yajare, riojo vaja yaja mu —yi ocaruyucaju.

⁸ Īna bero babaricārācū tusacu ángel, ĩ cũoribajare muiju joere yuejeocami. To ĩ yirone, ĩ asise rāca masare soecami muiju. ⁹ Īnare ĩ soeboajaquēne, rojose ĩna yisere yitajabeticama. To bajicõari, masirētogāre Diore rucubũobeticõari, rojose ĩagõmacacama ĩna.

¹⁰ Īna bero, cojomo cõro tusacu ángel ĩ cũoribajare, gũioyu moa riagaju majadicacu, rotigu ĩ rujiri cũmuro joere yuejeocami. To ĩ yirone, gũioyu ĩ rotirā ĩna ĩari sita jedirone rētiacoacaju.

To bajiri, rojose tãmuorã ñari, visiorã, ña ñemerori cūnicama ña. ¹¹ To bajiboarine, rojose ña yisere yitajabeticama ña. “Rojose tãmuoato” Dios ñare ñ yijare, ñe rojose ñagōmacacama ña.

¹² ña bero cojomo cōro coja jēnituairācu tusacu ángel ñ cuoribajare, Éufrates vāme cutiyaju yuerearodecami. To ñ yirone, oco manicoacaju, “Muiju ñ jiaduojua vaná, ujará jēato” yiro.

¹³ To ñ yiro bero, vātia tūjare bajirã ñarãre idiarã ñacaju yu. Sīgū, gusore bajigu ñagaro riseju budiadicami. Güiogu, moa riagaju majadicacu, riseju budiadicami gāji. “Diore gotirētobosarimasu ñaja yu” yitogu, riseju budiadicami gāji. ñe ñacami sita tūcuroju joe jeadicacu. ¹⁴ To bajiri, adi macarucuroana ujará ñajedirore rēocōari, masirētogū Dios masare ñ beserirāmu ti ejaro, Dios yarã rāca ña gāmerã quēarotire yirã, vacama. ña ñacama ña ña ñamani yīorīgūrã.

¹⁵ ñ sīaecoroto rījoro ado bajiro yicami Cristo: “Quēnaro ajiya mua. ‘To cōro ejarucuja yu’ juarudirimasu ñ yigotibetire bajiro tudiejarucuja yu. To bajiro yu bajirotire ñ masicōa ñajama, yu tudiejaru, variguēnarucumi. Masiritigujama, sudi magū gājerã ña ñaro rījorojua bojonegūre bajiro bajirucumi”, yicami Cristo, ñ sīaecoroto rījoro.

¹⁶ To bajiri, Hebreo oca rāca Armagedōn vāme cutoju ujarāre rēocama vātia.

¹⁷ To bajiri, cojomo cōro coja jēnituairācu beroagu, ñ ñacami tusagu ángel. ñ cuoribajare ñ vecaju yuebatecami. To ñ yirone, ñ vecaju Diore rācucuoriaviyu rotigu ñ rujiri cūmuroju ado bajiro ruyugoaro ocaruyucaju:

—To cōrone ñaja yuja —yī ocaruyucaju, ñ vecaju.

¹⁸ To ñ yirone, buto bujo yabecōari, jacami. To bajicōari, güiose ocaruyucaju. To bajicōari, sita buto sabecaju. Adi macarucuroana ña sabe ecoriario rētoro sabecaju. ¹⁹ Ti saberone, jairimaca, Babilonia vāme cuti maca, idiaju baterīgucaju. To bajicōari, adi macarucuroaye macari jediro sita ti saberone, vējajedicoacaju. Babilonia macana rojose ña yimasirere masiritibeticōari, buto rojose ñare yicami Dios yuja. ²⁰ To bajicōari, yucāyoari, gūtayucari quēne yayijedicoacaju. ²¹ To bajicōari, ñ vecaye oco vetacujiri vējacaju. Cuarenta kilos rētoro rācaricujiri ñacaju ti. Tire tājō ecocōari, buto rojose Diore ñagōmacacama masa.

17

Gājerã rāca ajeriarã cutirio rojose so tãmuore queti

¹ To yicōari, cojomo cōro jua jēnituairācu ángel mesa rācagu orobaja cuocacu yu taju ejacami. Ejacōari, ado bajiro yure goticami:

—Adojua vayã. Riaga jairisa taju ñagō, jājarã ñmua rāca ajeriarã cutigo rojose so tãmuorotire maye ñoru yaja. ² To bajiro rojose yigo ñari, adi macarucuroanare, ña ujarāre quēne, rojose ñare yimecuorīgūamo —yure yicami ángel.

³ To ñ yirone, Esp'iritu Santo ñ masise suorine ado bajise ñacaju yu: Masa manojua yure ñmiacami ángel. Toju ejacōari, güiogu sūagūre ñacaju. ñ joere jesacamo rōmio. So jesagure Dios ñ ñateri vāme ucature tuyacaju. Cojomo cōro jua jēnituairācu rujoari cuticami. To bajicōari, juaāmo cōro jotari cuticami. ⁴ ñ joe jesago, sūariase sudiro sãñacamo. Gajeyeñi jairo vaja cuti cuocamo so. Ti ñacaju oro, to yicōari gūta jairo vaja cuti, perla vāme cuti quēne. To yicōari, orobaja cuocamo. Tibajare rojose so yise sãñacaju. ⁵ So rivecare masa ña masibeti vāme ucatu ecorio ñacamo. Ado bajiro goticaju ti vāme: “Jairimaca Babilonia vāme cutigo ñaamo adio. So suorine jediro rojose masa ña yijare, ‘Ajeriarã cutirã jaco’ to yicōari, ‘Rojose jediro jaco ñaamo’ ” yirivāme ñacaju so riveca tuyari vāme. ⁶ To bajicōari, “Adione ñaamo Dios yarāre sīario, to yicōari, Jesūre ajitirānu tujamenare sīavarikuēnagō”, yīamasicaju yu.

“Rojogo masu ñaamo” yīamasicōari, no yimasibeticaju yu. ⁷ To bajiro yu bajirone, ado bajiro yure goticami ángel:

—Sore mu ñase, masa ña masibeticature, mu masirotire yigu, mure gotimasiogū yaja yu: Güiogu, cojomo cōro jua jēnituairācu rujoari cuticōari, juaāmocāraca jotari cutigu, sore ñ ñamiseru mu ñajama, ado bajiro yire ñi ñaja: ⁸ Güiogu, mu ñagū, tirāmujua ñacami maji. Adirāmurema ruyubeami yuja. To bajiboarine, rojose tãmuotajabetiriaroju Dios ñe ñ rocaroto rījoro, tusabetigojeju ñar'i joe jeamujadirucumi. ñ joe jeasere ñacōari, ñe ñaucuarāma masa. ña ñaruarāma adi macarucurore Dios ñ rujeoroto rījoroju paperatuti ucagu, “Ado cōro ñaruarāma catirona” ñ yuicabetiriarã.

⁹ Quēnaro ajigurema, ajimasirene ñaja. Cojomo cōro jua jēnituairācu rujoari cutigu mu ñagū, cojomo cōro jua jēnituairācu burori ñasere ñoro bajaja. Ti burori ñaja, ajeriarã cutigo so ñariburori. Gajeye cojomo cōro jua jēnituairācu rujoari ti ñajama, tiari ñaro cōrone ujarã ña ñasere ñoro bajaja. ¹⁰ Jere cojomo cōro bajireacoariarāma ujarã ñaboariarã. To bajiboarine juarã ruyaama. Sīgū adirāmure rotigū ñaami. ñ bero rotirocu, ruyubeami maji. To bajiboarine yoaro rotibetirucumi. ¹¹ Tirāmujure ñaboar'i güiogu sūagū, yucarirema ñabetiboarine,

rotigu ñarucami. Cojomo cõro jua jēnituarirācu ɛjarā ñarā rācagune tudicaticõari, Dios ĩ rocaroto rĩjoro, rotitusarucami.

¹² Juaāmo cõro jotari mu ĩase, juaāmocārācu ɛjarā ĩna ñasere ĩoro bajiaja. Masare rotisobeama maji. Bero gũioḡ sũagũ ĩ rotirirāmũire ĩna quēne yoaro meaca rotirā ñaruarāma. ¹³ Juaāmo cõro ɛjarā ñarā, ĩna jedirone “Gũioḡ sũagũ manire rotigu ñato”, ĩre yicũruarāma. ¹⁴ To bajiri, oveja macure bajiro rijabosacacu yarā rāca gāmerā quēaruarāma. To bajiboarine, oveja macure bajiro rijabosacacu ĩ yarā rāca, ĩna rētoro quēaruarāma. Gājerā ñamasurā rētoro ñamasugũ ñaami. To yicõari, ɛjarāre quēne ɛju ñamasugũ ñaami. To bajiri, Dios ĩ masise suorĩ ĩre ajitirānu tujamena ñaama ĩna, ĩ yarā —yure yigoticami ángel.

¹⁵ To yicõari, gajeye ado bajiro yure goticami ángel:

—Ajeriarā cutigo so ñaroju riagari mu ĩase, masa ñaama ĩna. Tocārāca macana, cojo masa jũna ruyabeto, to yicõari, cojo sita ruyabetoana ñaama ĩna. ¹⁶⁻¹⁷ Diojuama, “Ado bajiro yito mani” ĩna yitũoiarotire ĩnare yirucami. To bajiro ĩ yijare, juaāmo cõro ñarā ɛjarā, sīgũre bajiro tũoiacõari, gũioḡ sũagũre, “Manire rotigu ñato”, ĩre yicũruarāma ĩna. ĩ rāca ñacõari, ajeriarā cutigore ĩateruarāma ĩna. So ye jedirone ẽmaruarāma. To yicõari, so rujure baruarāma. So gõarema, jeameju soerearuarāma ĩna. To bajiro ĩna yijama, Dios ĩ tũoiarioro bajiro yirā yiruarāma. ¹⁸ Ajeriarā cutigo mu ĩase, jairimaca Babilonia vāme cuti maca ti ñasere ĩoro bajiaja. Ti macana ɛju, gaje macariana ɛjarāre rotirucami —yure yigoticami ángel.

18

Babilonia maca rojose ti bajiro ti queti

¹ To ĩ yiro bero, õ vecaju gāji ángel buto yaagu ĩ rujiadirere ĩacaju yu. To bajiro bajigu ĩ ñajare, adi macarucuro busujedicoacaju. To bajicõari, gājerā ángel mesare rotigu ñacami.

² Ruyugoaro ado bajiro ñagõcami:

—Jairimaca, Babilonia vāme cutiboaria maca yayicoato yaja. Ti macana masa bajireajediroana yama. Vātia ĩna ñarimaca ñaruaroja. To bajicõari, varā ñajediro, roacũose barā ĩna ñaro ñaruaroja yuja.

³ Babilonia macana buto rojose ĩna yisere ĩacõari, rojose yama gājerā quēne. To yicõari, adi macarucuro ñarā ɛjarā, rojose rōmia rāca ajeriarā cutiama. Babilonia macana buto ĩna gajeyeũni bojatujabetijare, ĩnare gajeyeũni ĩsicõari, gājoa bujarũgũama gaje macariana. Babilonia macana to bajiro yirũgũrā ĩna ñajare, ĩnare rearucami Dios —yure yigoticami ángel.

⁴ To yicõari, õ vecaju ado bajiro yure goti ocaruyucami Dios:

—Ti macana rāca ñabesa. To bajicõari, rojose ĩna yĩrore bajiro yibesa, “Rojose ĩna tãmuorore bajiro rojose tãmuorobe” yirā.

⁵ Ti macana buto rojose ĩna yisere masiritibeaja yu —yi ocaruyucami Dios.

⁶ To yicõari, rojose yironajuare ado bajise goti ocaruyucami Dios:

—Gājerāre rojose ĩna yise vaja, butobusa rojose ĩnare yiba mua.

⁷ Ti macana jairo gajeyeũni cuorā ñaama ĩna. Disejua ruyabeaja ĩnare. “Ujarā ñaja mani” yiboama. “Manajua rijaveoriarāre bajiro sutiritibetiruarāja mani” yiboama. “Rojose tãmuomenane, quēnaro ñacõa ñaruarāja mani” yirā ñaboarine, buto rojose yirā ĩna ñajare, buto rojose ĩnare yirucaju —yi ocaruyucami Dios.

⁸ —To bajiri cojorāmũne buto rojose yiecoruarāma. Sīgũri rijayene bajirearuarāma. Gājerā, ñione rijaruarāma. Gājerā buto sutiritiruarāma. Gājerā jeameju soe ecoruarāma. To yicõari, ti macare soereajeocõarucaju. Rētoro masigũ ñari, to bajiro rojose ĩnare yirucaju —yi ocaruyucami Dios, mani ɛju.

⁹ —Ti maca buesere ĩacõari, buto sutiritiruarāma adi macarucuroana ɛjarā. “Ti macana suorine jairo gajeyeũni bujaboacaju”, yiotiruarāma. ĩna ñaruarāma ti macana ñaboariarā rāca buto rojose yirũgũriarā. ¹⁰ Ti macana rāca rojose tãmuoruamena, sõjũne tujaruarāma ĩna, tire gũirā. Otirāne, ado bajiro yiruarāma ĩna:

“¡Abel! Jairimaca ñaboaria maca uayayicoaju. Gaje macari rētoro ñamasuri maca ñaboabu. Ti macana rojose ĩna yise vaja yoaro mene yayicoaju ti. Yucurema maaja”, yĩñagõruarāma adi macarucuroana ɛjarā —yi ocaruyucaju.

¹¹ —Adi macarucuroana gajeyeũni ĩsicudirimasa quēne, ti maca uasere ĩacõari, buto sutiritiruarāma. To yicõari, otiruarāma ĩna. “Ñimu mani juavasere boca juagu magũmi”, yiotiruarāma. ¹² ĩsiruarā ĩna juavase ado cõro ñaboaruaroja: oro, plata, gũta jairo vaja cuti, perla, sudi jairo vaja cuti, to yicõari, yucũ quēnaro sutiquēnase ĩna juare, gajeye marfil vāme cutise rāca ĩna quēnore, yucũ jairo vaja cuti ĩna juare, cõme hierro vāme cuti, to yicõari, bronce vāme cuti juavarũgũboayuma. ¹³ To yicõari, gajeye quēnase sutise ĩna buebatose, to yicõari ĩna rujure ĩna tuse juavarũgũboayuma. To yicõari, gajeye canela vāme cuti bare sãvuore, uye oco, uye gatere, trigo vāiaabore, vāiaaboyamani quēne, ta vecua, oveja, caballo mesa, caballo

mesa ña tãavato masa ña sãñavaticori quêne juavarũgũboayuma. To yicõari, ña moarimasa ñaronare quêne juavarũgũboayuma. To bajiboarine ti macagũ ñimujua boca juagu ñ manijare, sutiritiruarãma ña. ¹⁴ Babilonia macana ñaboacanare tuoñarã, ado bajiro yiruarãma ña:

“Jairo vaja cuti ña bavariquenaboacati, to yicõari, jediro gajeyeũni jairo vaja cuti ña cuovariquenaboacati rãcane bajireajedicoajama”, yiruarãma —yi ocaruyucaju.

¹⁵ —To bajiri Babilonia macana ñaboariarãre gajeyeũni ñicõari, jairo gãjoa bujarũgũboariarã ti maca buemujasere ñacõari, sutiritirã, sõju ñarũgõruarãma ña, ti macana rãca rojose tãmuorua mena. ¹⁶ Toju ñarũgõcõari, otirãne, ado bajiro yiruarãma:

“¡Abe! Rojose tãmuoaja Babilonia ñaboacati maca. Rõmio quênaro ruyugore bajiro ñaboacaju ti maca. Sudi sũase quênase sãñagõre bajiro ñaboacaju ti maca. Oro, gãta jairo vaja cutise, perla vãme cutise, jediro gajeyeũni cuogore bajiro ñaboacaju ti maca.

¹⁷ To bajiboarine yoaro mene ti macaye ña cuoboacati quêne uayayicoaju ti”, yiruarãma gajeyeũni ñicudirimasa —yi ocaruyucaju.

—Cũmuari jacase ujarã, ñare moabosarimasa, cũmua rãca vacõari, ñicudirimasa quêne, sõju ñajayuarãma ña. ¹⁸ Ti maca uaro ti buesere ñacõari, otirãne, ado bajiro ruyugoaro avasãjayuarãma ña: “Ti maca ñaboacati maca cõro gaje maca ñamasuri maca manoja”, yivasã jayuarãma —yi ocaruyucaju.

¹⁹ —Buto sutiritirã ñari, ña rujoa joere sita majeoruarãma ña. To yicõari, otirãne, ado bajiro yiruarãma ña:

“¡Abe! Rojose tãmuoaja Babilonia ñaboacati maca. Jairimaca ñaboacaju ti maca. Mani, jacase cũmuari cuorã ñare gajeyeũni ñicõari, gãjoa jairo bujarũgũboacaju mani. Yoaro mene ti maca uajedicoaju”, yiruarãma ti macare ñajayarã —yi ocaruyucaju.

²⁰ Gajeye ado bajiro yi ocaruyucaju:

—Ti maca uasere ñacõari, variquenaña õ vecaju ñarã. Ñ oca mua gotirotire yigu, Cristo ñ cõacana, to yicõari, Diore gotirẽtobosarimasa quêne, Dios yere ajirã jediro variquenaña. Ti macana muare rojose yicama ña. To bajiri, rojose muare ña yicati vaja rojose tãmuoma ña quêne. Ña ya macare rocacõami Dios —yi ocaruyucaju.

²¹ To yicõari, sũgũ ángel, gãjerã ángel mesa rẽtoro tĩmagũre ñacaju yu. Gũta jairicare ámicõari, moa riagaju rocaroacami. Trigo vãiaaboria gãta jairica ñacaju tia. To yicõari, ado bajiro yicami:

—Gũtare yu rocaroayayiorore bajirone, Babilonia macare yayiorucami Dios. To bajiri juaji tudĩabতিরuarãma masa.

²² Ti macaye arpa vãme cutise ña jabasase, to yicõari, tõroari, trompeta ña jutise jedirone ajiyamaniruarõja. Ti maca moarimasa quêne tudimoabতিরuarãma ña. Trigo vãiaaborimasa quêne, juaji moabতিরuarãma.

²³ Ti macaye sãabusoriabajari busuboaacati quêne busubতিরuarõja. To yicõari, ámosiarã ña basase ajiyamano ñaruaroja ti maca. “Gajeyeũni ñicudirimasa rẽtoro ñamasurã ñaboacama ti macana” ñare yiruarãma masa. Adi macarucuro ñarã jedirore rojose ña ùmato yitorã ñaboacama —yicami gãta jairicare rocaroacaju.

²⁴ Quẽna õ vecaju õ bajiro yi ocaruyucaju:

—Diore gotirẽtobosarimasare, gãjerã Dios yere ajirãre, to yicõari adi macarucuro ñarã jedirore sãacama ti macana. To bajiro ña yicati vaja, buto rojose tãmuoruarãma —yi ocaruyucaju.

19

¹ Tiju bero, jãjarã õ vecaju ruyugoaro ña ocaruyusere ajicaju yu. Ado bajiro yi ocaruyucama ña:

—“Quẽnarẽtogũ ñaami Dios mani uju” Diore yivariquẽnato mani —yi ocaruyucama ña. — Ñ ñaami rojose tãmuotujabতিরiarõju mani vaborotire manire yirẽtobosar'i. Ñ ñaami rẽtoro ñamasugũ, to yicõari, rẽtoro masigũ.

² Masa rojose ña yise vaja, “Rojose muare yirucaju yu” yir'i ñari, socu mene rojose ñare yirũgũami. Ajeriarã cutigo ñaboariore rocacõami. “Adi macarucuro ñarãre rojose yato Dios” yigo, ñare yirocamo so. To yicõari, Dios ñ bojasere yirã ñaboacanare sãacamo. To bajiro so yicatire ñacõari, ti vaja sore rocacõami —yi ocaruyucama ña, õ vecaju.

³ Quẽna ado bajiro ñagõ ocaruyucama ña:

—¡Quênaro Diore rucubũo variquẽnato mani! Babilonia maca uase bueri mujajedibতিরuarõja —yi ocaruyucama ña.

⁴ To bajiro ña yi ocaruyurone, Dios, rotigu ñ rujiri cũmuro rĩjorojuã, ñre rucubũorã, gusomuniari tũetũejarũjũcama veinticuatro ñarã, bũcurã, to bajicõari, babaricãrũcũ ña ñaamana quêne. Gãjerã jãjarã ña yi ocaruyusere ajicõari,

—To bajirone bajiato. Diore rucubũo variquẽnaroti ñaja manire —yicadicama ña.

⁵ To ña yiro bero, ʋɔ ya cūmuroɔ adɔ bajiro ocaruyucaɔ:

—“Quēnarētogū ñaja mu” Diore ñe yivariquēnato mani. Ñamasurā, ñamasumena quēne, to bajiro ñe quēnaro rācubuo variquēnato mani —yi ocaruyucaɔ.

Oveja macure bajiro rijabosar'ire ña basajeore queti

⁶ Ti bero yu ajiama, jājarā ña ocaruyurore bajiro yioboasene, oco meniore bajiro ruyugoaro, yicōari, buto bujo i jaro ti busurore bajiro ocaruyucōari, adɔ bajiro yicaju:

—Ñajediro masijeogu ñaami Dios, mani ʋɔ. Rojose yirāre reacōari, ñe ajirā rñe rotirūgūrucami. To bajiri “Quēnarētogū ñaami” Diore yivariquēnato mani.

⁷ Oveja macure bajiro rijabosar'i i boserūmu ejacoaju. To bajiri Diore quēnaro rācubuo variquēnato mani, ñamasugū ñajare. Oveja macure bajiro rijabosar'i manajo ũgō ñarotirene yirā ñe ajitirūnarā quēnaro ñe ñayuama.

⁸ Sudi gosise, ʋeri mani botise, ña sñarotire ñare ñsimi Dios. ña ye sudi ʋeri mani, “Rojose mana ñaama Dios yarā” yñore ũni ñacaju ti —yi ocaruyucaɔ ti.

⁹ Tiju bero, ángel adɔ bajiro yure yicami:

—Mure yu gotisere ucaya: “Oveja macure bajiro rijabosacacu manajo ũgō ñarotirene yirā ñe ajitirūnarā quēnaro ñe ña ñayuse boserūmure ñarā vadiato' yigotiecocana variquēnaruarāma ña” yucaya mu —yure yigoticami ángel. —Ti mure yu gotise, Dios oca riojo ñaja ti —yure yigoticami ángel.

¹⁰ To i yijare, ñe rācubuoɔ, i rñoroɔa ɔsɔmuniari tuetuejarūjūcaɔ yu. To bajiro yu bajirone, adɔ bajiro yure goticami:

—To bajiro yure rācubuoɔ. Yu quēne, mure bajirone Dios i bojasere yigu ñaja. Jesús oca riojo gotisere ajitirūna tujamenare bajiro bajigu ñaja yu quēne. To bajiri, Dioɔare mu rācubuoɔama, quēnaja —yure yigoticami ángel. —Jesús i gotimasiorotire, ti ñaja Diore gotirētobosarimasa mu gotimasio variquēnase —yure yigoticami ángel.

Caballo botigu joe jesagu jediro rojose i rearoti queti

¹¹ To i yiro bero, ō vecaju ti jānasere ñacaju yu. Ti jānarone, caballo botigure ñacaju yu. I joe jesacami sīgū. Adɔ bajiro vāme cuticami: I Yirore Bajiro Yigu, Riojo Gotigu vāme cuticami. I rotijama, riojo yigu ñacami. To yicōari, rojose yirāre rojose i yijama, rojose ña yiriaro bajirone rojose yigu ñacami. ¹² I cajeari jeare bajiro busubatocaju. I rñoaju jairo cōmebedori jeocami. To bajicōari, i rioveca tuyari vāmere i sīgūne masicami. ¹³ Ri'i tuyarito sudiro sñāñacami. “Diore mu ñaruajama, yujuare ña” yiria vāmene ñacaju. ¹⁴ Ō vecana surara, caballo botirā joeɔ sudi, gosise, ʋeri mani botise sñāñacōari, ri'i tuyarito sudiro sñāñagū rācana ñari, ñe sayacama. ¹⁵ Ri'i tuyarito sñāñagūre i riseɔ jariase buto bujariase budicaju. Tiase ñacaju ñe ajitirūnūmenare rojose ñare i yirotiase. Buto rotimasiorocū ñacami. To yicōari, rojose ña yisere Dios, masijeogu, i ñajūnisiniore bajirone buto rojose yirocū ñacami. ¹⁶ Ri'i tuyarito sñāñagū ñacami i sudirore, i sagarore quēne, adɔ bajiro yirivāme tuyagu: “Ñi ñaami ʋjarā ñamasurā rētoro ñamasugū” yirivāme ñe tuyacaju.

¹⁷ Tiju bero sīgū ángel, muiju joeɔ i rñgōsere ñacaju yu. Ō vecaju vūrā, minia boase barā jedirore adɔ bajiro ruyugoaro yicami:

—Masare Dios i sñarāre rējacōari, barā vayá. ¹⁸ Macari ʋjarā, surara ʋjarā, ũmu tīmarā, caballo mesa, ña joe jesarūgūboariarāre quēne, gājerāre moabosarā, moabosamenare quēne, ñamasurā, ñamasumenare quēne, i sñarearā riire baruarāja mu —miniare yicami ángel.

¹⁹ To i yiro bero, gūioɔ sūagū, adi macarucuro ñarā ʋjarā, ña surara rāca rējacama. Caballo botigu joe jesagu yarā surara rāca quēarona ña bajisere ñacaju yu. ²⁰ Caballo botigu joe jesagujua, ñare quēacōari, juarā rojose yirāre ñacami. Gūioɔ sūagū baba ñaboarine, “Yu ñaja Diore gotirētobosarimasa” yisocagure quēne ñe ñacami. ñe ñacami gūioɔ sūagū i ñaro rñoroɔa ña ñamanire masare yitocacu, to yicōari, gūioɔgure bajigu ña quēnoruəcacure rācubuoɔroticōari, gūioɔ vāmere ucaturoticacu. To bajiri, rojose yirā ña ñajare, gūioɔ sūagūre, to yicōari, “Diore gotirētobosarimasa ñaja yu” yisocagure quēne, catirāre azufre vāme cutise ʋuri jeameɔ ñare cōacami caballo botigu joe jesagujua. ²¹ To yicōari, gājerārema, i riseɔ jariase budicatiasene ñare sñacami. To bajiri, minia boase barājuama, i sñacana riire ba yajicama.

20

Mil ñaricāmari Jesús i rotiñaroti queti

¹⁻³ Tiju bero, ō vecaju ángel i rujiadore ñacaju yu. Cōmema, jairima, ɔsore bajigu ñagūrore i siarotimare, to yicōari, tšabetigoje jānariaro llave cuocōari rujiadicami. Rujejacōari, ɔsore bajigu ñagūrore ñacami. I ñacami vātia ʋɔ Satanás tirūmujama ñare bajigu ñacōari, yitomasir'i. ñe ñacōari, cōmema rāca ñe siacami ángel, tšabetigojeɔ ñe rocāsāgū. To yicōari,

Îre bibetocûcamî, mil ñari cûmari cõro masare yitobecane î ñacõa ñarotire yigu. To yicõari, “Gãjerã ña jãnasere ñamasigûsa” yigu, ti goje tususe jediro bibejeocõacami. Mil ñari cûmari ti jediro bero, ñre burocû ñacami. To bajiboarine yoaro meaca ñarocû ñacami.

⁴ Tiju bero, rotirã ña rujiri cûmuroire ñacaju yu. Ti cûmuroirij rujiarãre quẽne ñacaju yu. ña ñacama masa rojose ña yisere ñacõari, “Ado bajiro yirã ñari, rojose tãmuoruarãja” ñare yirona. “To bajiro yiruarãja mua”, ñare yicûñumi Dios. To bajicõari, Jesure ajitirãnu tujabeticõari, i ocare ña gotimasia tujabetijare, ña ãmuarire jasurereacama. To bajiro yiecorã ñacama gũiogure, to yicõari, ñre bajigu ña quẽnorujeocacure quẽne rãcubobeticana. To yicõari, i vãmere ña riovecarire, ña ãmure quẽne ucatu ecobeticana ñacama. ña ãmuari jasurereacana ñaboarine, tudicaticõari, õ vecaju mil cûmari Cristo rãca rotirona ñacama ña. ⁵ ña ñacama tudicatisuorona. Gãjerã ña masu bajireariarãjuama, mil ñari cûmari i rotiro bero, tudicatirona ñacama. ⁶ To bajiri Dios i catiosuorona, bũto variquẽnarona ñacama. ñre ajitirãnuarã rãca ñarona ñari, tudirijabetirona ñacama. To bajiri Dios i bojasere paia ña yirũgũrore bajiro yirona ñacama. Cristore quẽne i bojasere yirũgũrona ñacama. To bajiri mil ñari cûmari Cristo rãca rotiñarũgũrona ñacama.

Vãtia ujure ña jãnabure queti

⁷ Mil ñari cûmari ti jediro bero vãtia uju Satanãs tusabetigojeju sãñar'i, jãnabu ecorocû ñacami. ⁸ ñre ña jãnaburo bero, Gog vãmecuti sitanare, to yicõari, Magog vãmecuti sitanare quẽne yitocudirocû ñacami. To bajiro yu yijama, “Masa adi macarucuro ñarã jedirore yitocudirocû ñacami” yigu yaja. I yitosere ajitirãnuõari, rẽjarona ñacama ña, Dios yarã rãca gãmerã quẽaruarã. Jãjarã masu ñarona ñacama ña. Cõãjama, cõãjabetiroti ñacaju.

⁹ Dios yarãre sãnuarã, adi macarucuro ñaro cõrone ñarona ñacama. To bajicõari, Dios i mairimacare gãnibiarona ñacama. To bajiro ña bajiboarãquẽne, õ vecaye jea ujure rãca vẽjacõari, ñare soereajeocõarocû ñacami Dios. ¹⁰ To i yiro bero, vãti ñare yitor'ire azufre vãmecutise ãjuri jeameju ñre rocarocû ñacami Dios. Timene ñacaju rĩjorore quẽne, gũiogũ sũagũre, to yicõari, “Diore gotirẽtobosarimasu ñaja yu” yisocagure quẽne, ñare i cõacato. Toju ñacõari, ãmuari, ñamiri quẽne rojose tãmuorũgũrona ñacama ña.

Masa rojose ña yise vaja rojose Dios ñare i yire queti

¹¹ Tiju bero, i ya cûmuro botiri cûmurore rujigure ñacaju yu. To rujigu i ñase jediro, adi macarucuroaye, õ vecaye quẽne, yayijedicoacaju. To bajicõari, tudiruyabeticaju. ¹²⁻¹³ Adi macarucuro bajireariarã, tudicaticõari toju rujigu ture ña ñasere ñacaju yu. ñamasurã, ñamasumena quẽne ñacama. To ña ñarone, paperatutiri jãna ecocaju. Titutirijã masa jediro ña yire ucature ñacaju. To bajiri, tire ñacõari, “To bajiro yicana ñari, quẽnase bujarã, rojose tãmuorã, bajiruarãja” bajireariarãre ñare yicami to rujigu. To yicõari, “Ado cõro ñaama yu rãca ñarũgũrona” i yuicaturiatuti quẽne jãna ecocaju. ¹⁴⁻¹⁵ Tiju bero, adi macarucuroaye, rojose mani tãmuose, rijaye jediro juacõari, azufre vãmecutise ãjuri jeameju tire reajeocõacami Dios. To i yijare, i rãca ñarũgũrona, juaji rijarona me ñacama. To i yiro bero, “Ado cõro ñaama yu rãca ñarũgũrona” i yuicabetiriarãre quẽne juacõari, azufre vãmecutise ãjuri jeameju ñare reacami Dios.

21

Mame macarucuro ti bajiro ti queti

¹ Adi macarucuro ti yayiro bero, õ vecaye, to yicõari, adi macarucuroaye jediro Dios i rujeosere ñacaju yu. ² Quẽnase rĩne ña yirimaca, mame quẽnorã maca Jerusalen vãmecuti maca ti rujiadore ñacaju yu. Dios i ñarojune rujiadicaju ti maca. Rõmio ãmosiagogo quẽnase sudi so sãnyuriarore bajiro quẽnari maca ñacaju. Ti macare quẽnoñumi Dios, i tiju i yarã, masa mani ejarotire yigu. ³ To bajiro ti bajirone, rotigu i rujiri cûmuro ado bajise ruyugoaro ocaruyucaju:

— Ña. Masa rãca ñaami Dios. To bajiri, “Õ vecaju ñagũmi Dios” yire maja. ña rãcane ñacõa ñarũgũrucami. To bajicõari, masa quẽne i yarã ñacõa ñarũgũruarãma. ⁴ Diorãca ñacõa ñarũgũrona ña ñajare, bajireare, sutiritire, otire, jũnise, sarese, vũase ña tãmuoboare jediro maniruarõja. To bajiri, variquẽnarũgũruarãma ña. Tirũmuju bajiboacati ti rẽtojedioacajare, to bajirojuu bajiruarõja —yi ocaruyucaju, õ vecaju.

⁵ Tiju bero, rotigu i rujiri cûmurore rujigu, ado bajiro yure yi ocaruyucami:

— Ñajediro tirũmuju ñaboare, mame rĩne vasoacõaja yu —yigoti ocaruyucami.

To bajiro yicõari, quẽna ado bajiro yure yi ocaruyucami:

— Mure yu gotisere ajicõari, tire ucaya. Riojo gotire ñaja. Mure yu gotirore bajirone bajiruarõja. To bajiri, tire ucaya —yure yi ocaruyucami.

⁶ Bero, quẽna ado bajiro yure yigoti ocaruyucami:

—Ñajediro vasaajeocōaja yu. To bajiri, alfa, omega ñaja yu. Alfa yu yijama, “Ñajediro ti ruyuaroto rījoroju ñacaju yu. To bajicōari, omega yu yijama, ñajediro ti yayiro beroju quēne ñacōa ñarūgūrūcūja” yigū yaja. Oco buto idiruarāre bajiro yure masiruarā, yure ña sēnijama, bajireacōari bero yu tūju ña caticōa ñarotire yigū, yu catisere ñare isirucūja. ⁷ Yure ajitirānu tujamenare to bajirone yirucūja yu. Yu sīgūrene rācūbuorūgūrūarāma. To bajicōari, yu rīare bajiro bajirā ñarūgūrūarāma. ⁸ Gājerā Jesūre ajitirānumenajuarēma, azufre vāme cutise ājuri jeameju ñare reacōarucūja yu, ado bajiro rojose yirā ña ñajare: “Jesūre mani ajitirānujama, gājerā manire ñaterāma” yirā, yure ajitirānu tujarāre rearucūja. Yu ñatesere yirāre ñare rearucūja. Sīarimasare, Dios ī bojabetire yirā, ña ruju ti bojarore bajiro gāmerā ajeriarā cutirāre, to yicōari gājerāre rojarāre quēne rearucūja. “Ado bajirā ñarāma” ña masune yitūoīa quēnorūjeocōari, rācūbuorāre, to yicōari, socarāre quēne azufre vāme cutise ājuri jeameju ñare rearucūja yu —yure yigoti ocaruyucami.

Toju rojose tāmūotujabetiruarāma.

Jerusalén, mame quēnorā maca queti

⁹ To ī yiro bero, sīgū āngel, vadicōari, yu tū ejacami. Ī ñacami cojomo cōro jua jēnituarirācu āngel mesa rācagu, masa rojose ña tāmūorotire sāñaribajare cuocacu. Ejacōari, ado bajiro yure goticami:

—Adojua vayā. Oveja macure bajiro rijabosacacu manajo ñarocore mure īoru yaja yu —yure yigoticami.

¹⁰ To ī yirone, Espiritu Santo suorine ado bajise yure bajīlocaju: Gūtaū āmūaricūro joeju yure jivacami āngel. Toju ejacōari, quēnase rīne ña yirimaca, mame quēnorā maca, Jerusalén ti rujiadore yure iocami quēna. To bajiri Dios ī ñarōjune ī rācane rujiadicaju ti maca. ¹¹ Ti macaju ī ñajare, ī bususe rāca quēnaro busubatocaju ti maca. Gūta jairo vaja cutia quēnarica ruyucōari, ñarētoburiare bajiro ruyucaju ti maca. ¹²⁻¹³ Ti maca matariacūni, āmūaricūni ñagānbiacaju. Īna matariacūni juaāmo cōro, gūbo jua jēnituarirāca sojeri, sojeri cuticaju. Muiju ījiadojua idia soje, īrocāsātojua idia soje, varujare idia soje, gajejacatua varujare idia soje ñacaju ti. Israel ñamasir'ī jānerabatia juaāmo cōro, gūbo jua jēnituarirāca jūnana ña ñamasiriarā cōrone ñaro bajicaju. To bajiri, tocārāca sojene ña vāme ucatu ecoria sojeri ñacaju. To bajicōari, tocārāca sojere sīgū āngel rūgōcami. ¹⁴ “Ticūni juriaquedibeticōato” yirā, gūtari jacase cūsuoyuma. Juaāmo cōro, gūbo jua jēnituarirāca gūtari ñagānbiacaju. To bajiri, tocārāca gūtarijare, oveja macure bajiro rijabosacacu, “Yu oca goticudiruarāja” ī yicōacana vāme ucature tuyacaju.

¹⁵ Āngel yu rāca ñagōcacu, macare ī cōiaroti orone quēnorīure cuocami. Ti macare, matariacūnire, sojerire quēne ī cōiaroti ñacaju ti. ¹⁶ Ī cōīajama, ti maca eyase, ti maca āmūase quēne, cojoro cōrone ñacaju. Ī cōīajama, dos mil doscientos kilómetros cōro ñacaju eyase, āmūase quēne. ¹⁷ Ti maca matariacūni ī cōīajama, sesenta y cinco metros āmūaricūni ñacaju. Masa ña cōīarore bajirone cōīacami āngel.

¹⁸ Ti maca matariacūnire, gūtari jaspe vāme cutise rāca quēnorīacūni ñacaju. To bajicōari, orone quēnorā maca ñacaju ti maca. Ēo sojeri űeri manire ñarētoburiarore bajiro ruyucaju ti maca. ¹⁹ Ti maca matariacūnire ña cūsuoriari juaāmo cōro, gūbo jua jēnituarirāca gūtari jacase ture, “Quēnaro ruyuatō” yirā, gūta jairo vaja cutire cūñuma. Gūta ñasurica, jaspe vāme cuticaju. Beroaga, zafiro vāme cuticaju. Beroaga, āgata vāme cuticaju. Beroaga, esmeralda vāme cuticaju. ²⁰ Beroaga, ōnice vāme cutirica ñacaju. Beroaga, cornalina vāme cuticaju. Beroaga, crisólito vāme cuticaju. Beroaga, berilo vāme cuticaju. Beroaga, topacio vāme cuticaju. Beroaga, crisoprasa vāme cuticaju. Beroaga, jacinto vāme cuticaju. Tusarica, juaāmo cōro, gūbo jua jēnituarirāca ñacaju amatista vāme cutirica. ²¹ Juaāmo cōro, gūbo jua jēnituarirāca ñarisojeri perla vāme cutisene quēnorā sojeri ñacaju. Tocārāca sojene perla vāme cutia rāca quēnorā sojeri ñacaju. Ti maca gudareco ñavati maare, orone quēnorā maa ñacaju. To bajicōari, ēo sojeri ñarētoburiarore bajiro ruyucaju ti maa.

²² Diore rācūbuoriavire īabujabeticaju yu, ti macare. Jēre ti macane mani űju, Dios, ñajediro masīeogu, to yicōari, oveja macure bajiro rijabosacacu quēne rācūbuoriavire bajiro ña bajicōajare, ñare rācūbuocama ti macana jediro. To bajiri, gaje vi ñare rācūbuorotivi bojabeticaju ti maca. ²³ To bajicōari, Dios ī ñarimaca ti ñajare, ī bususe rāca busucaju ti maca. To bajicōari, oveja macure bajiro rijabosacacu īre bajirone ī busurēmojare, āmūagu muiju ī bususe, ñamiagu ī bususe quēne bojabeticaju ti maca. ²⁴ Mame macarūcuro ī vasoaro bero, masa rāca Dios ī ñajare, īre masījedirona ñacama. To bajicōari, “Mū suorine ñamasurā ñadicaju yua”, Diore īre yirācūbuorona ñacama. ²⁵ Ti maca matariacūni ñarisojeri rētaroti ti manijare, jānariasojeri ñacōa ñaroti ñacaju. ²⁶ Mame macarūcuro ī vasoaro bero, ña cuose jairo vaja cutise juadicōari, Diore īsicama ña, īre rācūbuorā. ²⁷ To bajicōari,

—Dios i ìatese, rojosere juavabetiruarāma ti macajure. Rojose yirā, socarimasa quēne, ti macare sājabetiruarāma ina quēne —yigoticami āngel. —Oveja macure bajiro rijabosacacu yatutiju, “Ado cōro ñaama yu rāca ñarūgūrona” yucatu ecoriarā rīne sājamasiruarāma —yigoticami āngel.

22

¹ Tire yure i ñoro bero, quēna riaga oco ueri maniya catirūgūrotiayere oco cutiyare yure iocami āngel. Tiya, ueri mani botise oco cuticōari, ēo sojeri ñarētoburiorore bajiro quēnaro ruyurisa ñacaju tiya. Dios, rotigu i rujiri cūmuroju, to yicōari, oveja macure bajiro rijabosacacu, rotigu i rujiri cūmuroju jode cuticaju tiya riaga. ² Ti maca ñari maa gudarecore ñacaju tiya. Tiya veca ñaricu riagare juajacatuajune saari cuticōari catirūgūrotiayere rica cutiricu ñacaju. Tocārācarodorine rica cutirūgūroti ñacaju ti. To bajiri cojo cāmare, juāmo cōro, gūbo jua jēnituarorācaci rica cutirūgūroti ñacaju. Ti jū quēne, “Juaji rijabeticōato” yirā, masare ina uco yiroti ñacaju. ³ Ti macaju Dios i ìatese maniroti ñacaju. Ñajediro quēnase rīne ñarūgūroti ñacaju. Ti macaju Dios, to yicōari, oveja macure bajiro rijabosacacu rāca rotirā ina rujiri cūmuro ñaroti ñacaju. Ti macana jediro Dios i bojasere yirā ñe rācuburona ñacama. ⁴ Adi macarucuroju Diore ñabetirūgūriarā ñaboarine, tojurema ñe ñarona ñacama. To yicōari, Dios vāme ina riovacarijure ucatu ecorona ñacama. ⁵ Toju ñami maniroti ñacaju. Ti macana sīabusuore bojamena ñarona ñacama. Mani uju, Dios i bususe rāca busuroti ñacaju, ti macare. To bajiri, ūmuagu muju i bususere bojamena ñarona ñacama. To bajicōari, Diorāca roticōa ñarūgūrona ñacama.

“Yoaro mene vadirucuja yu quēna”, Jesús i yire queti

⁶ Bero, quēna ado bajiro yure goticami āngel:

—Jediro mu ñase, to yicōari, mure yu gotise ñaja. Mure yu gotirore bajirone bajiruaraja. Diore gotirētosamasiriarā ña gotirētomasire ūjomasir’i ñami mani uju Dios mure yu ñosere rotigu —yure yigoticami āngel.

⁷ Gajeye ado bajiro yure goticami āngel:

—Ado bajiro gotiami Jesús: “Yoaro mene varucuja yu” yigotiami. To bajiri, adi quetire Dios i cōarere cūdirā, quēnase bujarona ñarāma —yure yigoticami āngel.

⁸ Yu ñaja Juan, adi quetire ucagu. Jediro yure bajiocatire ñacōari, āngel i goticati ñaro cōrone ajicaju yu. Tire yu ajiro bero, yure iocacu āngel rījoroju gasomuniari tuetuejarūjūcaju yu, ñe rācubūogu. ⁹ To bajiro yu bajirone, ado bajiro yure yicami āngel:

—To bajiro yure rācubūobesa. Yu quēne, mure bajirone Dios i bojasere yigu ñaja. Diore gotirētosarāre, to yicōari, adi paperatuti ucare ajitirūnaronare bajirone bajigu ñaja yu quēne. To bajiri, Diore mu rācubūorore bajiro yure rācubūobesa. Diojuare to bajiro mu rācubūojama, quēnaja —yure yigoticami āngel.

¹⁰ Gajeye ado bajiro yure goticami:

—Ti oca mu ucasere no bojarone tire yiyayioveja, bero bajiroti ti cōñajare. ¹¹ To bajiroti mojuaraca ti cōñajare, masa ña yirūgūrore bajiro yicōa ñato. Rojose tuoñacōari yirūgūrāma, to bajirone yicōa ñato. To yicōari, “Rojose mana ñaama” Dios i yīlārā quēne, i ñavariquēnase rīne yicōa ñato —yure yigoticami āngel.

¹² To yicōa, quēna Jesús i gotisere yure goticami āngel:

—“Rījojo ñamasusere gotiaja yu. Yoaro mene varucuja yu quēna. ña taju ejacōari, ña yirere masigū ñari, ‘Quēnase bujarā, rojose tāmūorā, bajiruarāja mu’ ñare yirucuja yu. ¹³ Alfa, omega ñaja yu. Alfa yu yijama, Ñajediro ti ruyuaroto rījoroju ñacaju yu. To bajicōari, omega yu yijama, ñajediro ti yayiro beroju quēne ñacōa ñarūgūrucuja’ yigu yaja yu”, yigotiami Jesús —yure yigoticami āngel.

¹⁴ Quēna ado bajiro yure goticami:

—“Rojose yua yirere yuare masiribosacōañumi Cristo” yitūoiarā rīne ñaama yucā caticōa ñarūgūrotiaye ricare barona. To bajiri ña ñaama ti maca sojerire sājamasirona. To bajirona ñari, variquēnato ña. ¹⁵ Adocārāca vāme rojose yirā ñaama ti macare sājabetirona: Gājerāre rojarā, Dios i bojabetire yirā, ña ruju ti bojarore bajiro gāmerā ajeriarā cutirā, sīarimasa quēne, “Ado bajirā ñarāmā” ña masune yitūoia quēnorujeocōari, rācubūorā quēne sājabetiruarāma. To yicōari, socase yirā quēne sājabetiruarāma ti macare —yure yigoticami āngel.

¹⁶ To yicōari, gajeye Jesús i gotisere gotigu, ado bajiro goticami āngel:

—“Yure ajitirūnārāre ti oca gotiato i’ yigu, āngel vāme cutigūre cōamu yu. Uju David ñamasir’i jānami ñaja yu. Busuriñoco, busuroto rījoro i busumujadore bajiro bajirocu ñaja yu. To bajiro yu bajisere ñacōari, ‘Mame macarucuro Dios i vasoaroti ejacoaju’, yimasiruarāma masa”, yigotiami Jesús —yigoticami āngel.

¹⁷ Oveja macure bajiro rijabosacacure ajitirūnārā ñari, to bajicōari, mani rācagu Esp’iritu Santo quēne, ado bajiro Jesure sēñiaja mani:

—Yua tujua vayá quēna —ĭre yaja mani.

Gājerā adi queti yu ucasere ajirā quēne,

—Yua tujua vayá —Jesure yiruarāma.

Jesújua quēne,

—Yure sēniña —yigumi, ĭre masiruarāre.

Buto oco idiruarāre bajiro ĭre masiruarā, ĭre ĭna sēnijama, “ĭna rijato beroju tudirijabet-icōato” yigu, Dios ĭ catisere ĭnare ĭsirucumi. Dios ĭ bojabetire mani yiboajaquēne, rojose mani yisere manire vaja yibosayumi Jesús.

¹⁸ Jesure ajitirānūrā, adi quetire ajirāre ado bajiro mware gotiaja yu: No bojarā adi queti yu ucasere ti gotiro bajiro me ĭna ucarēmojama, “Rojose tāmōrUARĀma” ángel yure ĭ yigotirore bajirone rojose ĭnare yirucumi Dios. ¹⁹ Adi queti ti gotise, “Socase ñaja” yitōlagüre, “Socagu ñaami. Yu tu ñarocu me ñaami”, ĭre yĭarucumi Dios. To ĭ yijare, yucá caticōa ñarūgūrotiaye rica cutiñ ricare ĭ baborotire ĭre barotibetirucumi Dios. To bajicōari, Dios ĭ ñarimacare sājabetirucumi.

²⁰ Adi quetire gotigu, ado bajiro gotiami:

—Yu gotirore bajirone yigu, yoaro mene tudivadirucuja —yami.

To ĭ yirone,

—To bajirone bajiato. Yoaro mene tudivayá, yu ujua —ĭre yaja yu.

²¹ Mani ujua, Jesús, mani jedirore quēnaro yato.

To cōrone ñaja.